


Nacom Pejume Diwesi po diwesi pena jume diwesi

xua Jesucristo yabara tinatsi



New Testament in Cuiba

Nacom Pejume Diwesi po diwesi pena jume diwesi xua Jesucristo yabara tinatsi New Testament in Cuiba

copyright © 2010 Wycliffe Bible Translators, Inc.

Language: Cuiba

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Cuiba

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files dated 29 Jan 2022
e9c4c3a0-6dec-54a4-aaba-fb395e5eddc7

Contents

SAN MATEO	1
SAN MARCOS	82
SAN LUCAS	127
SAN JUAN	203
HECHOS	257
ROMANOS	321
1 CORINTIOS	356
2 CORINTIOS	388
GÁLATAS	409
EFESIOS	421
FILIPENSES	433
COLOSENSES	441
1 TESALONICENSES	449
2 TESALONICENSES	456
1 TIMOTEO	460
2 TIMOTEO	470
TITO	477
FILEMÓN	481
HEBREOS	483
SANTIAGO	511
1 SAN PEDRO	519
2 SAN PEDRO	528
1 SAN JUAN	533
2 SAN JUAN	541
3 SAN JUAN	542
SAN JUDAS	544
APOCALIPSIS	547

Jesucristo Pia Pexeinya Diwesi Jume Tatsi Mateo Petinae Diwesi

*Meje yabara pomonae Jesucristo pia pamo susatopiwi tatsi
(Lc 3.23-38)*

¹ Meje barapo diwese Jesucristo pia pamo susatopiwi tatsi yabara. Jesucristo pon Nacom itoroba itaboco wetsica xua jiwi pecapanenebiyaenexatsi. Bapon Abraham pia pemomoxi susato jiwana pin tatsi. Barapon Abraham pon bayatha caena tupa, pon copiya naebopa po cae pin nacuatha xua israelmonae pomonae judiomonaexae beya pinmonae tsoponae. Matautano Jesucristo David pia pemomoxi susato jiwana pin tatsi. Barapon David pon bayatha caena tupa, pon caena bayatha Israel nacuapiwi itorobiya pia pepa peewatsinchi.

² Abraham Isaac paxa tatsi. Bapon Isaac Jacob paxa tatsi. Bapon Jacob, Judá paxa tatsi yawa Judá peweicho jiwi, bapontha cae axaba.

³ Bapon Judá Fares iru Zara paxa tatsi. Tamar Fares pena tatsi iru Zara pena tatsi. Bapon Fares Esrom paxa tatsi. Bapon Esrom Aram paxa tatsi.

⁴ Bapon Aram Aminadab paxa tatsi. Bapon Aminadab Naasón paxa tatsi. Bapon Naasón Salmón paxa tatsi.

⁵ Bapon Salmón Booz paxa tatsi. Booz pena tatsi pewun Rahab. Bapon Booz Obed paxa tatsi. Obed pena tatsi pewun Rut. Bapon Obed Isaí paxa tatsi.

⁶ Bapon Isaí David paxa tatsi, po David caena bayatha Israel nacuamonae itorobiya pia pepa peewatsinchi. Matautano David pexanto tatsi pewun Salomón. Bapon Salomón pena tatsi pewun Betsabé, powa copiya bayatha Urías xeina.

⁷ Bapon Salomón Roboam paxa tatsi. Bapon Roboam Abías paxa tatsi. Bapon Abías Asa paxa tatsi.

⁸ Bapon Asa Josafat paxa tatsi. Bapon Josafat Joram paxa tatsi. Bapon Joram Uzías paxa tatsi.

⁹ Bapon Uzías Jotam paxa tatsi. Bapon Jotam Acaz paxa tatsi. Bapon Acaz Ezequías paxa tatsi.

¹⁰ Bapon Ezequías Manasés paxa tatsi. Bapon Manasés Amón paxa tatsi. Bapon Amón Josías paxa tatsi.

¹¹ Bapon Josías Jeconías paxa tatsi, iru Jeconías peweicho jiwi bapontha cae axaba. Bapon Jeconías poxonae israelmonae teicaeya capoinchi Babilonia nacua beya, barapo jinaebotha Jeconías naexana epatotha.

¹² Bapoxonae pirapae Jeconías tanaexanatsi pexanto Babilonia nacuatha. Jeconías Salatiel paxa tatsi. Bapon Salatiel Zorobabel paxa tatsi.

¹³ Bapon Zorobabel Abiud paxa tatsi. Bapon Abiud Eliaquim paxa tatsi. Bapon Eliaquim Azor paxa tatsi.

¹⁴ Bapon Azor Sadoc paxa tatsi. Bapon Sadoc Aquim paxa tatsi. Bapon Aquim Eliud paxa tatsi.

¹⁵ Bapon Eliud Eleazar paxa tatsi. Bapon Eleazar Matán paxa tatsi. Bapon Matán Jacob paxa tatsi.

¹⁶ Bapon Jacob José paxa tatsi. Bapon José piowa tatsi pewun María. Barapowa María Jesús pena tatsi. Bapon Jesús icha wun wun dutatsi, po wun “Mesías”, jei, po wun xua jei: “Pon Nacom itoroba itaboco wetsica xua jiwi pecapanenebiyaenexa tsainchi”, jei.

¹⁷ Abraham pia xainya weya tatsi trece poyobe pebiwi naexana xua Abraham muxunano daxota daxita catorce poyobe naexana, beya pu ducua poxonae David naexana. Bapon iru Salomón pia xainya weya tatsi trece poyobe pebiwi naexana xua Salomón muxunano daxota daxita catorce poyobe pebiwi naexana beya pu ducua poxonae Israel nacuamonae teicaeya capoinchi Babilonia nacua beya, beya pu ducua poxonae Jeconías naexana. Salatiel pia xainya weya tatsi trece poyobe pebiwi naexanapona xua Jeconías muxunano. Daxota daxita catorce poyobe naexana, beya pu ducua poxonae Mesías naexana.

*Meje yabara poxonae Jesucristo nowaeuncua pebin wuto barapo cae pin nacuathe
(Lc 2.1-7)*

¹⁸ Poxonae Jesucristo naexana bara iche: María Jesucristo pena tatsi, poxonae bapowa muxu pepichi pecotsiwa pon pewun José, poxonae abu cataunxuae jopa peru nacoyabiyo, bapoxonae María pexuyo bupana taecatsi. Barapo pexuyo Nacom pia Pejumope tunaxu tatsi María tsiperu weeca exanatsi. Barapo pexuyo pewun Jesús.

¹⁹ José, María pia pebin tatsi tsane, poxonae pichina pon pejuntu coyene xanepanaein. Daxota bapon José, María jopa beyabara paebichi xua catsa pexuyo pecapoponaexae xua

ɓɓana taecatsi xua María aura peexanaenexa tsainchi jiwi peitɔtha tatsi. Bapoxonae José namicha moyiya najɓntɔ cui coyene baraxuba xua jopa pepichiwa tsane, xua jiwi jopa cataunxuae pecui yabara yaputaenexa.

²⁰ Poxonae came cataunxuae baxua yabara nanta xeina, José maituncuataba. Bapoxonae José amachinae tsita naitɔtatsi matatsunpin po matatsunpin Nacom itoroba. Matatsunpin namchiya jeye: “José, David pia pemomoxi susato jiwanapin tatsim, jopa junuwinde xua nepichiwa tsane María xua jinseuri neexanaewa tsane. Tsipei barapo pexuyo, po pexuyo naexanaena, apra Nacom pia Pejumoƨe ɓnaɓɓa tatsi pia pexuyo tatsi.

²¹ Bapowa tanaexanaeinchi pexanto. Bapon wɓn dutsiname, po wɓn ‘Jesús’, jei. Barapo wɓn, wɓn dutsiname tsipei bapon pijimonae capanepaena xua abe pia peexanae cuiru coyenein weya tatsi, xua daxota Nacom jopa petsitanexatsi xua barapomonae pexeinaewa penatsicuentisiwa”, jei matatsunpin.

²² Daxita baraxua exana penacui yabara jume wetsinexa pocotsiwa bayatha Nacom pia peitorobi jume pepaebin caena bayatha yabara tsiwɓnae muxu duta Nacom nexa, xua jeye:

²³ “Matha taema, yabɓyo pexuyo ɓɓana taecatsi powa jopa perɓ nasoyabiyo pebin.

Yawa tanaexanatsi pexanto, po pexuyo wɓn dutatsi, po wɓn ‘Emanuel’, jei”,

jei Nacom pia peitorobi jume pepaebin.

(Barapo wɓn jei: “Nacom naca barɓ popona”, jei.)

²⁴ Poxonae José nacosataxuba, bapon exana pocotsiwa matatsunpin itoroba po matatsunpin Nacom itoroba. José María pitatsi.

²⁵ Bequein cae botha nabarɓ poponabe daichitha jopa came imoxoyo narerɓ cuicuinaeyobe beya poxonae pexanto tanaexanatsi. José pexuyo wɓn duta, po wɓn “Jesús”, jei.

2

Meje yabara poxonae pomonae opitei pecayabara wɓnae yaputaewi barapomonae Jesús siwa poinchi xua pɔtaenexatsi

¹ Jesús naexana Belén tomaratha, Judea nacuatha. Barapoxonaerɓ Herodes pon Judea nacuapiwi pia peyanacua ewatsinchi popona barapo Judea nacuatha. Poxonae Jesús naexana pebiwi pata Jerusalén tomaratha. Barapomonae opitei pecayabara wɓnae yaputaewi. Barapomonae pia tomara taju taenatsi ichaxota pocotsiwa xometo weecoina.

² Barapomonae ichawa beya yayainyaba tsiniya, jeye:

—¿Exota naexana pexuyo, po pexuyo judiomonae itorobiya pia pepa peewatsinchi exanaeinchi poxonae pinyo tsane? Paxan payaputan xua bapon naexana xote tsipei bapon pia opiteito tatsi panaitomatsiya punaenaponan pata nacua werena, po nacuatha ichaxota pocotsiwa xometo weecoina. Papatan xua pata wɓnae jainchiwa tsane barapo pexuyo, jei.

³ Herodes, pon Judea nacuapiwi pia peyanacua ewatsinchi poxonae bapon yabara jume tane xua ichɓn naexana pon jiwi itorobiya pia pepa peewatsinchi, bapoxonae bapon bichocono ɓnthɔtha deideijeji Irɓɓu Jerusalén tomarapiwino daxita bichocono ɓnthɔtha deideijeji pejume taexae baxua.

⁴ Nexata Herodes waba sacerdotemonae pia pentacaponae tatsi xua pia petanacae-tutsinexa tsainchi pia botha. Mataɓtano wabano pomonae jiwi pecuidubiwi Moisés pia peitorobi coyenewa tatsi. Daxita barapomonaetha Herodes yainyaba, jeye:

—¿Exota naexanaena Mesías, pon bepa pinae Nacom itorobei? jei Herodes.

⁵ Barapomonae jume nota, jeye:

—Bapon naexanaena Belén tomaratha, po tomara Judea nacuatha eca. Bapon naexanaena barapo tomaratha, tsipei Nacom pia peitorobi jume pepaebin caena bayatha tsiwɓnaeya yabara muxu dutsiya tina xua Mesías yabara, Nacom nexa. Nacom jeye:

⁶ ‘Belén tomara bequein po tomariyo tsiqiu tomariyo jiwana tomara xua Judea nacuatha, daichitha Judea nacua pentacaponae yabara nanta xeinaena xua Belén tomara peainya cui tomariyo tsane.

Baxua nanta xeinaena tsipei barapo

tomariyotha naexanaena, pon jiwi

pia Pecanamataxeinaeinchi tatsi.

Xan Nacom bapon itorobin tamonaetha,

pononae Israel nacuapiwixae,

xua bapon barapo israelmonae itorobiya

pia pepa Peewatsinchi tsainchi’, jei Nacom,

xua Nacom tatinatsi pon Nacom peitorobi jume pepaebin, jei sacerdotemonaē irū pomonaē jiwi pecuidubiwi Moisés pia peitorobi coyenewa tatsi.

⁷Nexata Herodes namicha moyiya waba pomonaē opitei pecayabara wūnaē yaputaewi. Herodes yainyaba barapomonaetha: “¿Eta poxonaē yatsicaewa barapo opiteito paca tsita naitata?” jei bapon.

⁸Poxonaē barapomonaē jume nota bapontha bapoxonaē Herodes itoroba barapo pebiwi Belén tomara beya. Herodes jeye barapomonaetha:

—Paponare Belén tomara beya. Beta xanepanaya pajeire barapo pexuyo. Poxonaē pataebiname barapo pexuyo, nexata pana netsipaebare, tsipei xan irū ponaein wūnaē tajainchinexa tsanerū barapo pexuyo, jei Herodes.

⁹Poxonaē Herodes najume weta, barapo pebiwi bara ponarꝥꝥpa, pomonaē opitei pecayabara wūnaē yaputaewi. Bapoxonaē po opiteito bayatha tane pia nacuatha, barapo opiteito jemeicha caewa naitatāba. Yawa barapomonaē matapoinchi. Barapo opiteito ducuařona beya matapainya matatsn ducuařabica ichaxota barapo pexuyo boca.

¹⁰Poxonaē barapo pebiwi tane barapo opiteito, barapo pebiwi bichocono junꝥ coylene weiweina.

¹¹Barapomonaē bo jōjoniya ichaxota tane barapo pexuyo xua pena barꝥ ecatsi, barapowa María. Bapoxonaē barapo pebiwi pentabocotontha ena xua barapo pexuyo wūnaē pejainchinexa tsainchi, tsipei barapoyō pon Pecanamataxeinaein peexanaexae tsainchi poxonaē pinyo tsane. Bapoxonaē barapomonaē piawan coibo isacapenta xua cajjinca. Barapo pexuyo catsibatsi xuan pocotsiwa pewꝥn oro nain. Catsibatsino xua pocotsiwa pewꝥn incienso xua pocotsiwa tuxusi tuxuei benata poxonaē tauta exana. Matařtano muxuna catsibatsi icha petuxueiwa pocotsiwa pewꝥn mirra xua pocotsiwa anaincuito.

¹²Bapoxonaē pirapae barapo pebiwi maitumenaeya amachinae xua jōpa bewa equeicha patsi tsane ichaxota Herodes eca. Daxota barapomonaē pia nacua be-iyiya, icha namto iyiya.

Meje yabara poxonaē Jesusbarꝥ panenebiya Egipto nacua beya

¹³Poxonaē barapo pebiwi ponarꝥꝥpa bapoxonaē Nacom itoroba matatsunpin Josetha. Matatsunpin tsita naituta poxonaē José amachinae. Matatsunpin José baraichi, jeye: “Asiya uncuare. Pexuyo pīre yawa coxiwano. Egipto nacua bebarꝥ naetsiriwiyama. Ecare barapo nacuatha, beya abꝥ poxonaē equeicha catsipaebinchi baxota. Tsipei Herodes pexuyo jeitsina pebexubinexa tsainchi pexuyo”, jeichichi José matatsunpin.

¹⁴Poxonaē cataunxuae merawi, José nacosataxuba. José pexuyo pita, yawano José pita yabꝥo María xua pexuyo pena tatsi. Daxita barapoyōbe warapa Egipto nacua beya poxonaē cataunxuae quirei tsuncuae.

¹⁵Barapo nacuatha, Egipto nacuatha, barapoyōbe ecabe beya poxonaē juinya Herodes tꝥpa. Baxua José cana exanatsi xua bayatha Nacom pia peitorobi jume pepaebin petsiwūnaē yabara paebixae Nacom nexa xua jeye: “Waban Taxanto Egipto nacua weya”, jei Nacom pon pia peitorobi jume pepaebin Nacom nexa pon jiwi Pecanamataxeinaeinchi.

Meje yabara poxonaē Herodes itoroba, ichamonaē itorobatsi xua pejutebinexatsi pexui

¹⁶Poxonaē Herodes yaputane xua pomonaē opitei pecayabara wūnaē yaputaewi muxu-jainyabiya tsipaeba bapontha xua itara patapaeba, bapoxonaē Herodes anaya bichocono anaerana. Nexata bapon itoroba, ichamonaē itorobatsi xua pejutebinexatsi daxita pexui pebiwi wꝥtixi, po pexui cataunxuae pencuetixi, po pencuetixi cataunxuae jōpa yapu othopaeyo dos po weibe, irꝥ po pexui xua bayatha yapu othopa dos po weibe. Barapon Herodes itoroba xua pejutebinexatsi barapo pexui pebiwi wꝥtixi daxita poxi Belén tomara cuariya beya. Herodes baxua exana yaitama bayatha pomonaē opitei pecayabara wūnaē yaputaewi yōpita xua pinae tane pexuyo pia opiteito tatsi barapo dos po weibetha poxonaē peputha taponā, opiteito peputha tatsi xua jinaebotha, poxonaē Judea nacua beya pona.

¹⁷Baxua Herodes cana cui wetsiya exanatsi, xua bayatha Jeremias pon Nacom pia peitorobi jume pepaebin petsiwūnaē yabara paebixae, xua jeye:

¹⁸“Jume tan xua wecoyēi Ramá tomaratha,

po tomara eca imoxoyo Belén tomaratha.

Powa xua wecoyēi, bapowa Raquel,

powa bayatha tꝥpa.

Bapowa Raquel pia pemomoxi susatopiwi siwa

wecoeyēi, tsipei daxita tajutebatsi.

Barapowa jōpa naitawanae copatsiyo tsipei

pexui bayatha werapa bequein ichamonaē jume

matawenta”, jei Jeremias.

¹⁹ Herodes bapoxonae pirapae tupa. Bapoxonae matatsunpin pon Nacom itoroba, José tsita naitutatsi poxonae José amachinae Egipto nacuatha. Matatsunpin jeye Josetha:

²⁰ “Natsixitabare. Pire barapo pexuyo yawa coxiwa María, pexuyo pena tatsi. Israel nacua beya caibe nawiyama. Tsipei bayatha werapa pomonae ichichipa xua barapo pexuyo pebexubiwatsi”, jei matatsunpin.

²¹ Bapoxonae José natsixitaba. José pita pexuyo yawa coxiwa. Israel nacua beya caibe nawiya.

²² José jume tane xua juinya pinae Arquelao naexana Judea nacuapiwi pia peyanacua ewatsin tatsi. Arquelao Herodes pexanto tatsi. Arquelao xuya peyanacua ewatsin naexana ichaxota bayatha coxiyan peyanacua ewatsin naexana bapon Herodes. Tsipei Arquelao eca Judea nacuatha daxota José junuwa xua peponaewa barapo nacuatha. Daxota José pona Galilea nacua beya, tsipei poxonae amachinae matatsunpin itoroba xua bewa pinae ponaena barapo nacuatha.

²³ Poxonae José patopa barapo nacuatha, bapoxonae popona po tomaratha, po tomara pewun Nazaret tomara. Baxua José cana cui wetsiya exanatsi, xua bayatha Nacom pia peitorobi jume pepaebiwi Jesús cayabara tsiwanae muxu dutsiya jeye: “Bapon wun dutinchi po wun jei: ‘Nazaret tomarapin’, jei”, jei barapo Nacom pia peitorobi jume pepaebiwi.

3

Meje yabara poxonae Juan, pon Pebautisabin jiwi, cuiduba ira xuepana susato tsurucuae nacuatha

(Mr 1.1-8; Lc 3.1-9, 15-17; Jn 1.19-28)

¹ Pirapae poxonae ainya wei yapucaewa, poxonae abu cataunxuae Jesús eca Nazaret tomaratha, bapoxonae Juan pon jiwi Pebautisabin patopa ira xuepana susato tsurucuae nacua beya xua Judea nacuatha. Bapon Juan Nacom Pejume Diwese paeba ducuaenaebiya.

² Juan namchi: “jicha juntu coyene paxeinare Nacomtha painya neauraxae xua abe paexaname! Tsipei Nacom paca waba painya nenaexanaenexa piamonae tatsi jiwana pomonae Nacom itorobiya peewatsixae”, jei Juan.

³ Barapo Juan apara bapon pon caena bayatha peyabara tinaexaetsi. Isaías pon Nacom pia peitorobi jume pepaebin, bapon caena bayatha yabara jume wunaeya tina, xua caena bayatha Juan yabara jume wunaeya tinatsi. Isaías jeye:

“Jume tan pon wawai ira xuepana susato tsurucuae nacuatha.

Bapon wawaya jeye: ‘Patsi najuntu cui coyene wunaere pon jiwi pia pepa

Pecanamataxeinaeinchi pia pepatopae wunaeya tsane’, jei pon wawai”, jei Isaías petinae diwesitha.

⁴ Juan jumaina duwein nabocoto, po duwein pewun camello. Coreinya bocoto maraina. Juan xane pocotsiwan yapupuna, pocotsiwan be sure, matautano bana daebano.

⁵ Jiwi pata Jerusalén tomara weya, iruru pata xua daxita tomaranpiwi xua Judea nacua weya, iruru pata po tomaranpiwi xua imoxoyo Jordán mene weya. Barapomonae pata Juan pejume taenexatsi.

⁶ Poxonae barapomonae nayopita Nacomtha xua bepa pinae Nacom tsita auratsi, xua abe peexanaexae, barapoxonae Juan bautisaba barapomonae Jordán mentha.

⁷ Ichitha poxonae Juan tane xua nawita pata fariseomonae jiwana iruru xua saduceomonae jiwana pata ichaxota Juan bautisaba, Juan jeye barapomonaetha: “jPaxam pomonae pemuxuitorobi jiwi pam! jPaxam be bara jomomonae pam, tsipei jomo ba cuitaya ducupa nawa! Bara paichim anoxuae, paichichipame Nacom pacuitaya ducupame xua abe paca exanaeyainwa. Jopa papanenebiyaem tsane bequein bara paca bautisabinchi tsipei jopa pajuntu coyene xanepanaem Nacomtha.

⁸⁻⁹ Xaniwaicha pajinompare xain ichamonae paca cui tane, xua icha juntu coyene painya nexainaewa Nacomtha xua painya neauraxae xua abe paexaname. Tsipei bequein paxam pajam: ‘Waxainchi Abraham pia pemomoxi susato jiwichixaetsi Nacom naca capanenebiya exanaena’, pajam, daichitha paxam jopa xaniwaicha pajume cowantsim Nacom. Daxota Nacom itacupatsi xua paca cui matawenta pia jopa paca nepaca capanenebiyaenexa tsane. Matautano barichino Nacom itacupatsi xua jiwi forotsinchi barapo ibotixi weya, po ibotixi xote Jordán mene itapatha bobena. Barapo jiwi naexanaena, po jiwi yatsicaewa Abraham pia pemomoxi susato jiwi tatsi, pomonae pejume cowantsiwxiaetsi Nacom.

¹⁰ Poxonae pebin naein uba sipari ba canacui wanaeta xua pecaucubonexa po naein jopa nacoichiyo. Poxonae barapo naein ucuboba nantatsun eta xua petautsinexa isototha. Paxam bara paca juta ichiya paca cana exanaena. Nacom paca yabara nacui wanaeta xua paca bebai tsane isototha, ichaxota po isototha jopa cuinaya itacounayiyo tsipei Nacom jopa xanepanaya pata exanaem.

¹¹ Xan xaniwaicha paca bautisabatsi meratha painya neauraxae xua abe paexaname xua daxota icha juntu coyene painya nexei naewa tsane Nacomtha. Paca bautisabatsi meratha, ichitha nama pon tsiwanaya patopan, apara bapon Mesias. Bapon paca bautisabina Nacom pia Pejumope tñaxutha tatsi poxonae Nacom paca najumope catsibina. Bapon paca jiwana cui copatsinchi xua atene tsane Cristo pejume cowantsixaetsi xua ichamonae atene exanaena. Bapon bichocono peayapusu itorobi coyenewa xeina beyacaincha xan. Bapon pon jiwi pia Pecanamataxeinaeinchi. Daxota bapon bichocono tsita pin ura xeinan xua tataxu mu isanaxubiwa tsane pia penataxu xatatsiwa tatsi. Tsipei xan bichocono tapawin, beyacaincha pomonae amanaya petanacuichiwi pia pentacaponae wi poxonae baru cui itura jina pia pentacaponae wichi.

¹² Bapon pon patopaena bapon bayatha tsinacobenata po paparato xua trigo xu nexa. Bapon trigo xu tsanaya seicaya matapepe jehebapona. Trigo xu jehebapona trigo xu matabohta. Matapepe jehebapona petautsinexa isototha, ichaxota po isoto jopa cuinaya itacounayiyo. Bapon bara juta cana ichi tsane jiwitha icha trigo xu cana ichiya ichi. Jiwi Nacom tsana nobina pomonae pejume cowantsixaetsi pia nacuatha nexa. Ichamonae tsana nobinchi pomonae jopa pejume cowantsiwichi, petautsinexa isototha ichaxota xua jopa itacounayiyo”, jei Juan.

*Meje yabara poxonae Jesús bautisabatsi
(Mr 1.9-11; Lc 3.21-22)*

¹³ Nexata Jesús patopa ichaxota Juan uncua Jordán mentha xua Galilea nacuatha. Jesús patopa xua Juan pebautisabinexa tsane.

¹⁴ Copiya Juan juntucuru jume matawenta xua Jesús pebautisabiwatsi tsainchi tsipei anacuicaura. Juan jeye Jesustha:

—Xan apara pon xua tanantawenonaewa xua xam bewa jame tana nebautisabiwam tsane. Nama xan jopa bewa cabautisabi tsainchi, jei Juan.

¹⁵ Ichitha Jesús jume nota:

—Anoxuae bara ‘je’ jande pocotsiwa xua xanepana, pocotsiwa ichichipan pocotsiwa xua xanepanaya exanatsi pocotsiwa xua Nacom naca itoroba, jei Jesús.

Bapoxonae Juan jume jejei xua Jesús bautisabatsi.

¹⁶ Nexata poxonae Jesús bautisabatsi, Jesús nainya mene wejuina. Bapoxonae nainya peitaboco nayausaranaxuba. Jesús tane xua Nacom pia Pejumope tñaxu tatsi Jesús tapatopeicatsi, be topiboto yaruneica.

¹⁷ Bapoxonae Jesús jume tane pocotsiwa peitaboco wetsipaebicatsi, jechichi: “Bapon apara Taxanto, pon bichocono antobein pon itapetan. Bapon nejuntu coyene weiweina exana”, jei Nacom.

4

*Meje yabara poxonae Jesús juntu coyene jujutatsi caurimonae pia pentacaponaein tatsi xua Jesús abe coyeneya petaxanaenexa tsane
(Mr 1.12-13; Lc 4.1-13)*

¹ Nexata Nacom pia Pejumope tñaxu tatsi Jesús matakayatsi ira xuepana susato tsurucuae nacua beya. Baxotiya caurimonae pia pentacaponaein tatsi Jesús piraichi juntu coyene jujutatsi xua Jesús abe coyeneya petaxanaenexa tsane.

² Jesús jopa nabanaeyo baraxotiya cuarenta po matakabibetha matautano cuarenta po merawibetha. Poxonae barapo matabin yapucaewaba bapoxonae Jesús bichocono jainpa.

³ Caurimonae pia pentacaponaein tatsi imoxoyo patopa Jesustha. Bapon Jesús piraichi juntu coyene jujutatsi xua Jesús abe coyeneya petaxanaenexa tsane. Bapon Jesús baraichi: —Icha xam yatsicaya Nacom Pexantom, netsita iture. Barapo iboton itorobare xain pan naexanapenta, jei caurimonae pia pentacaponaein tatsi.

⁴ Ichitha Jesús jume nota:

—Nacom Pejume Diwesitha namchi: ‘Jopa metha bepa meisa jiwi betiya una jinompaetsipae pan. Bara iru yawano Nacom Pejume Diwesi jiwi betiya yajuntu cui coyeneya junte miya jinompa’, jei Nacom Pejume Diwesitha, jei Jesús.

⁵ Nexata caurimonae pia pentacaponaein tatsi Jesús matakapoinchi Jerusalén tomara beya. Baxotiya Jesús Nacom pin pia botha pentatupa beicha capoinchi.

⁶ Caurimonae pia pentacaponaein tatsi Jesús baraichi, jeye:

–Icha bara xaniwaicha Nacom Pexanto tatsim, wenaxoreinque. Yaitama tsipei Nacom Pejume Diwesitha namchi, jeye:

‘Nacom itorobina pia matatsunpiwi necayanabinexa.

Barapo matatsunpiwi asiya cawaetaboutsina pecobetha, xua jopa necataxu tsaquituncuaenexa tsane ibototha, poxonae wenaxorecame’, jei Nacom Pejume Diwesitha, jei caurimonae pia pentacaponaein tatsi.

⁷ Jesús jume nota, jeye:

–Barichi Nacom Pejume Diwesitha namchi, jeye: ‘Jopa juntu coyene jujutsiya wucaeinde Nacom pon jinya Necanamataxeinaein, xua necajume jejeiwa tsane xua necayawenaewa tsane poxonae jopa xapain exanaem’, jei Nacom Pejume Diwesitha, jei Jesús.

⁸ Equeicha caurimonae pia pentacaponaein tatsi Jesús matacapoinchi ichaxota po demxuwa bichocono atororo. Baraxotiya Jesús tsita itutatsi daxita nacuan xua barapo cae pin nacuahe. Matautano Jesús tsita itutatsi daxita nacuan pia peitapanae coyenewan.

⁹ Caurimonae pia pentacaponaein tatsi Jesús baraichi, jeye:

–Ichaunxae nentabocototha uncuaename taitabaratha, xua matautano ichaunxae newnae jaintsiname xua nenanta xeinaewaxae xua xan jinya tacacanamataxeinaeinchi. Bapoxonae barapo nacuan yawa muxuna nacuan pia peitapanae coyenewan, baxuan cacatsinchi xua jinya necanamataxeinaenexa barapo nacuan, jei caurimonae pia pentacaponaein tatsi.

¹⁰ Nexata Jesús jume nota:

–Xam pon caurimonae pia pentacaponaein tatsi Jesús baraichi, jeye: ‘Meisa wnae jainde jinya Necanamataxeinaein Nacom. Meisa bapon yatsicaewa taexande pocotsiwa caitoroba’, jei Nacom Pejume Diwesitha, jei Jesús.

¹¹ Bapoxonae caurimonae pia pentacaponaein tatsi Jesús pia xainya weya tatsi napitaba. Matatsunpiwi pata Jesustha xua Jesús pecui matateicaenexa tsainchi, matautano xua peapatsinexa tsainchi.

*Meje yabara poxonae Jesús tamropata pitaba pia penacuichiwa Galilea nacua
(Mr 1.14-15; Lc 4.14-15)*

¹² Poxonae Jesús jume tane xua Juan jiwi pecabi botha eca, bapoxonae Jesús pona Galilea nacua beya.

¹³ Ichitha Jesús jopa ecaeyo Nazaret tomaratha, jame saya pona Capernaum tomara beya xua baxotiya pepoponaenexa. Barapo tomara eca, Galilea pucua itapatha ichaxota ainya nacuae nacaquita ecabe po nacuiyo pewan Zabulón nacuiyo, yawa po nacuiyo iru pewan Neftalí nacuiyo.

¹⁴ Pocotsiwa Jesús exana poxonae Capernaum tomaratha popona, baxua Jesús yabara nacui wetatsi xua caena bayatha Nacom pia peitorobi jume pepaebin, pon Isaías, pecayabara cui wnae tsiwnaeya tinaexae poxonae jeye:

¹⁵ “Po ainya nacuae pewan Zabulón nacuiyo matautano Neftalí nacuiyo, barapo nacuae ecabe ichaxota po namtotha pucua imoxoyo caquita ducuiya.

Barapo nacuae ecabe ichaxota po pin nacua, pewan Galilea nacua.

Barapo Galilea nacua icha muxunenetha eca xua Jordán mentha.

Barapo Galilea nacua weya jinompa pomonae jopa judiomonae naexanaeyo.

¹⁶ Barapomonae caena bayatha jopa yaputaeyo Nacom, matautano caena bayatha jopa nayabara yaputaeyo xua muxu bara nama pewerapaeba abe peexanaexae.

Daxita barapomonae be pocotsi jiwimonae poxonae pona pequireiwatha xua poxonae matautano jopa xeinaeyo xua penatsiwana itiyobiwa.

Daichitha daxita barapomonae nama jume cowantsina, xua jume cowantsinchi pon Nacom itoroba.

Bapon barapomonae jũntũ cui coyene babatsiya xanepanaya jinompaeya exanaeinchi ichi be jiwi ichi xua poxonae pin pecoichatha jinompa”, jei Isaiás, pon Nacom pia peitorobi jume pepaebin.

¹⁷ Bapoxonae Capernaum tomaratha Jesús tamropata pitaba xua jiwi cuidubatsi. Jesús namchi, jeye: “Icha jũntũ coyene paxeinare Nacomtha, painya neuraxae xua abe paexaname. Tsipei Nacom paca waba painya nenaexanaexa piamonae tatsi pomonae Nacom itorobiya peewatsixae”, jei Jesús.

Meje yabara poxonae Jesús waba cuatro poyobe pebiwi, pomonae duwei peyamonaewi (Mr 1.16-20; Lc 5.1-11)

¹⁸ Jesús pona Galilea pucua itapatha. Jesús tane ponbe ainya caepipeweichobe. Ichũn pewũn Simón pon icha wũnno Pedro. Ichũn pewũn Andrés. Baponbe duwei peyamonaeinbe. Baponbe mentha yamonauyabe duwei pocotsiwatha xua peyamonaewa.

¹⁹ Nexata Jesús baraipe baponbe, jeye:

—Anetha, pana nepuna pondebe. Paca cuidubinchibe. Anoxuae nama xan paca exanaeinchibe xua pinmonae payawenaenamebe xua barapomonae pejume cowũntsiwa tsane Nacom icha bayatha paichimbe poxonae payamonamebe duwei nawita, jei Jesús.

²⁰ Nainya caena baraponbe peyamonaewan xubotabe. Napuna ponabe Jesustha.

²¹ Bapoxonae pirapae Jesús tane ichũnbe, ponbe ainya caepipeweichobe. Ichũn pewũn Santiago. Ichũn pewũn Juan. Baponbe Zebedeo pexantobe tatsi. Baponbe jeratha paxa barũ ecabe. Baponbe peyamonaewan wũnaetauyabe. Jesús waba, baponbe wabatsibe.

²² Caena nainya jera xubotabe matautano paxa cuenta ponabe. Baponbe Jesús puna poinchibe.

Meje yabara poxonae Jesús pin bicheitomonae cuiduba (Lc 6.17-19)

²³ Jesús popona ducuaeta daxita Galilea nacua beya. Bapon cuiduba ducuaeta daxita judiomonae pia penacetusi bontha tatsi. Jesús paeba ducuaeta Nacom pia pexeinya jume diwesi tatsi, po diwesi yabara xua Nacom waba jiwi, petanaexanaexatsi piamonae pomonae Nacom jũntũ coyene itorobiya ewata. Matautano Jesús axaibi exana jiwi xua daxita carepaya xoxi atene barapomonae yawa xua faefaena peatenexae.

²⁴ Pin bicheitomonae jiwi jume tane xua juinya Jesús exana daxita carepaya Siria nacua. Barapomonae pomonae pejume taexae xua Jesús exana, barapomonae capona daxita pomonae domaebatsi, yawa pomonae peatenexae, matautano pomonae caurimonae xeina, matautano pomonae amameibatsi, matautano pomonae mũbatsi. Jesús axaibi exana daxita barapomonae.

²⁵ Pin bicheitomonae jiwi Jesús puna poinchi pomonae Galilea nacua weya pona. Irũrũ Jesús puna poinchi pomonae Decápolis nacua tomanan weya pona, irũrũ pomonae Jerusalén tomara weya pona, irũrũ pomonae Judea nacua weya pona. Irũrũ Jesús puna poinchi pomonae jinompa ichaxota po nacua eca imoxoyo Jordán mentha xua icha muxunenetha xua tajũthiya.

5

Meje yabara poxonae Jesús cuiduba jiwi demxuwatheicha

¹ Poxonae Jesús tane barapo pin bicheitomonae, bapoxonae Jesús pona demxuwatheicha. Matautano Jesús baxoteicha eca. Bapoxonae Jesús pijimonae matawacaicha nacae-turacũpatsi pomonae pia pepuna ponaewichi.

² Jesús tamropata pitaba xua diwesi cuiduba barapo pin bicheitomonae.

Meje poxonae Jesús yabara cuiduba pomonae pejũntũ coyene weiweinae jiwi (Lc 6.20-23)

³ Jesús barai barapo pin bicheitomonae pomonae pijionaexae tatsi, jeye: “Maisa bichocono jũntũ coyene weiweina pomonae yaputane xua Nacom pecanantawenonaewatsi xua xanepanaya pejinompaewa tsane. Tsipei barapomonae naexanaena Nacom piamonae pomonae Nacom jũntũ coyene itorobiya ewata.

⁴ “Maisa bichocono jũntũ coyene weiweina pomonae bequein anthũthũrewẽ xua siwa wecoyei petaxae xua ichamonae abe cana exana jiwitha. Daichitha barapomonae Nacom cui matateicaena, barapomonae cui matateicaeinchi xua anthũthũrewẽ, xua ichamonae siwa wecoyeichi.

⁵ “Maisa bichocono jũntũ coyene weiweina pomonae Nacom bichocono pebarũ cui itura jinaewatsi xua jopa Nacom yabara ajũntũcoyenetsacatsi. Barapomonae nama patsina pena iratha po ira Nacom bayatha yabara paeba.

⁶ “Maisa bichocono jũntũ coyene weiweina pomonae ichichipa nawita xua exaneiba xua Nacom ichichipa, pexeinaenexa tsane pejũntũ coyene xanepanaewa Nacomtha xua Nacom jopa petsitanexatsi xua barapomonae pexeinaewa penatsicuentsiwa xua abe peexanaexae bapontha. Barapomonae yawenatsi, Nacom yawena xua barapomonae pexeinaenexa tsane barapo coyene.

⁷ “Maisa bichocono jũntũ coyene weiweina pomonae nantanuweya pecayabara cui cananta xeinaewi xua ichamonae peyawenaenexatsi. Barapomonae xuya Nacom nantanuweya cayabara cui nanta xeinaena xua peyawenaenexa tsane.

⁸ “Maisa bichocono jũntũ coyene weiweina pomonae pejũntũ xeicae jiwi xua pomonae jopa pecayabara nanta xeinaexae abe peexanae cuiuru coyene. Barapomonae Nacom necotsinchi.

⁹ “Maisa bichocono jũntũ coyene weiweina pomonae jũntema pejinompaexae xua peyawenaexae xua irũ ichamonae jũntema jinompa peexanaexaetsi pomonae copiya abe nata exaneiba. Barapomonae pomonae jũntema pejinompaexae Nacom unuta ‘Tapexui’, jei Nacom.

¹⁰ “Maisa bichocono jũntũ coyene weiweina pomonae bequein bara aperutane exainchi mataũtano bequein bara anthũthũtane exainchi, xua amsiya xaniwaicha peexanaexae pocotsiwa Nacom itoroba. Barapomonae nama Nacom pijimonae tatsi naexanaena pomonae Nacom jũntũ coyene itorobiya ewata.

¹¹ “Maisa bichocono pajũntũ coyene weiweiname poxonae bequein bara ichamonae abeya paca yabara paeba, poxonae bequeinno abe pacata exana, mataũtano poxonae bequeinno canaerabiya paca yabara paeba tapaneantobemxaem.

¹² Pajũntũ coyene weiweinare. Mataũtano jũntema painompare tsipei Nacom paca catsina pia pexeinya peitũpanaewan pocotsiwan Nacom paca jũntana jeba pia nacuathe-icha. Icha ichamonae abe pacata exana payabara nanta xeinare, matha caena barichi poxonae ichamonae abe exana pomonaetha pomonae Nacom pia peitorobi jume pepaebiwi. Barapomonae caena bayatha jinompa poxonae paxam cataunxuae jopa pajinompaem”, jei Jesús.

Meje yabara poxonae Jesús diwesi paeba xua sare yabara yawa xua pecoicha yabarano (Mr 9.50; Lc 14.34-35)

¹³ Equeicha Jesús barai barapo pin bicheitomona, pomonae pijimonaexae tatsi jeye: “Sare beno bara beno wũnae. Ichitha icha barapo sare beno jopa abenataeyo bapoxonae jopa peitacũpaewatsi xua equeicha peabenataewa. Bapoxonae jiwi barapo sare beno xuba iratha. Mataũta beno taxunaunaba iratha. Paxam pomonae tamonaem pam be bara jutiya ichiya pam, icha sare beno cana ichichi. Paxam payawende jiwi pomonae jinompa barapo cae pin nacuathe xua daxita jiwi jopa abe peexanaewa tsane. Ichitha icha barapomonae jopa xapain payawenaem tsane, Nacom bara paca bebai tsane. Tsipei jopa wũnae pam, Nacom bara paca bebai tsane icha jiwi ichi poxonae bebai sare beno mataũta xua beno taxunaunaba, tsipei jopa abenataeyo.

¹⁴ “Icha pecoicha ichi poxonae penta xua poxonae baxota jiwi yawenatsi, paxam bara jũta ichiya paichim poxonae beta painompame. Barapocotsi coyenewatha jiwi payawenae xua beta jinompa. Po tomara ba demxuwatha eca, barapo tomara ba jiwi taju tane. Bara paca yabara jũta coyene ichi, jiwi paca tane xua poxonae beta painya nejinompaewa.

¹⁵ Jiton dapon ba aibi xua pon pecoicha coicha exana xua pecoicha matacatetsinexa corototha. Jame, asiya coicha exanatsi xua pecoicha taenexa pomonae bomũxũtha ena.

¹⁶ Bara paca yabara jũta coyene ichi xua jiwi peitabaratha tatsi. Beta painompare xua jiwi painya nepaca cataenexa xua xanepanaya paexanama painya neantobemxae Nacom. Bapoxonae barapo jiwi Nacom wũnae jainchinchichi, pon painya Axa, pon itabocotha eca”, jei Jesús.

Meje yabara poxonae Jesús jiwi yabara cuidubatsi Moisés pia peitorobi diwesi jume

¹⁷ Equeicha Jesús barai barapo pin bicheitomona, pomonae pijimonaexae tatsi, jeye: “Jopa panata xeinaeinde xua xan patopeican xua aparta Moisés pia peitorobi diwesi jume tacana exanaewa tsane xua jiwi jopa equeicha pecanantawenonaewa tsane barapo Moisés pia peitorobi diwesi jume xuano irũ bara cana ichin tsane pomonae Nacom pia peitorobi jume pepaebiwi pia pecuidubiwan tatsi. Jame aparta patopeican tanayabara jume cui yabara wetsinexan tsane pocotsiwa caena bayatha neyabara tsiwũnae paeba po diwesintha Moisés pia peitorobi coyenewa tatsi, irũno Nacom pia peitorobi jume pepaebiwi pia penacuidubiwan jumeintha.

¹⁸ Bara xaniyeya paca tsipaebatsi poxonae cataunxuae barapo itaboco ducue, mataũtano poxonae cataunxuae barapo ira ducue, Moisés pia peitorobi diwesi jopa weraweracae

tsane. Matautano jopa cae itanetiyo aichurucuae tsane beya poxonae wetsina pocotsiwa bayatha Nacom tsiwunae yabara paeba xua wetapaeba.

¹⁹ Pon yabara nanta xeina pecuidubinexa ichamonaetha xua tsita jume ita xexenatsi Nacom pia peitorobi coyenewa bequein saya po peitorobi coyenewiyo peya itorobi coyenewiyo, bapon xuya, Nacom pia nacuatheicha cana juntu cui ita xexenecaeinchi. Ichitha nama pomonae cuiduba ichamonaetha Nacom pia peitorobi coyenewan, matautano xua exana pocotsiwa Nacom itoroba, barapomonae peainya cui jwi tsane Nacom pia peitorobi nacuatheicha tatsi.

²⁰ Paca tsipaebatsi jame bewa juntu coyene xanepanaya paexaneibiname ichamonaetha be pocotsi coyeneya xua Nacom paca itoroba, beyacaincha poxonae exana pomonae pecuidubiwi Moisés pia peitorobi coyenewa tatsi, matautano xua poxonae beyacaincha jinompa fariseomonae. Icha jopa yatsicaewa beta juntu coyene xanepanaya paexanaem tsane beyacaincha xua poxonae barapomonae itara mexeya wunaeya exana, jopa papat-sim tsane Nacom pia peitorobi nacua beicha tatsi”, jei Jesús.

Meje yabara poxonae Jesús yabara cuiduba xua peanaepanae cui coyene (Lc 12.57-59)

²¹ Equeicha Jesús barai barapo pin bicheitomonae, pomonae pijimonaexae tatsi, jeye: “Paxam pajume taneme pocotsiwa Moisés namchi painya amo susato jiwitha, jeye: ‘Jopa ichun anaya bexubinde. Tsipei pon xua ichun bexotsi, ichamonae yabara paebina xua bapon natsicuenta xua abe peexanaexae’, jei.

²² Ichitha nama seicaya paca tsipaebatsi xua pon caseba ichuntha ichamonae yabara paebina xua bapon natsicuenta xua abe peexanaexae. Iruru pon biatane ichuntha ichamonae yabara paebina xua bapon natsicuenta xua abe peexanaexae. Pomonae pecanmata caitorobi bicheito bapon yabara paebinchi xua bapon natsicuenta tsipei bapon bichocono unthuthu anaepana. Matautano iruru pon namchi xua ichun jeichichi: ‘Xam nabencame’, jei pon, bapon xubinchi po nacua beya ichaxota isoto bapana jopa itacounayiyo.

²³⁻²⁴ “Equeicha paca tsipaebatsi. Ichacuitha ichun duwein becapona ichaxota xua be pexaethopaewa xua tuxusi exana Nacom nexa poxonae tauta. Poxonae cataunxuae jopa exanaeyo baxua, matha copiya tsiwanaya yabara nanta xeinaena pocotsiwa icha metha bayatha abe exana ichuntha. Matha be ichi tsane meje xuaje: Bu abu cataunxuae bota pocotsiwa pia pecatuxusi exanaewanexa xua Nacom nexa. Matha copiya bewa ponaena ichun beya xua pia penaita coxone exanaewa tsanebe. Bapoxonae bapon caibeya bewa ponaena xua duwein petuxusi exanaewa tsane Nacom nexa poxonae tauta.

²⁵ “Icha ichamonae be paca itoroba paca necaponaenexa pontha pon jwi peyabara paebin penatsicuentiwa, nexata patsipaebare barapomonae, poxonae cataunxuae namtotha paca baru pona xua painya nenaita coxone exanaewa tsanebe. Xain bapoxonae barapomonae jopa paca caponaebe tsane pontha pon jwi peyabara paebin penatsicuentiwa. Tsipei icha barapomonae bara beya paca caponaetsipa, bapoxonae pon jwi peyabara paebin penatsicuentiwa equeicha dabeya policiamonae beya paca itorobichipa. Bapoxonae nama policiamonae jwi pecubi bo beya paca itorobichipa.

²⁶ Bara xaniyeya paca tsipaebatsi. Paxam jopa paca pu copabi tsane jwi pecubi bo weya, beya abu poxonae pana pu matomacaename daxita paratixi cuntha po paratixi xua paxeiame”, jei Jesús.

Meje yabara poxonae Jesús yabara cuiduba xua jiton pita, powa ichun piowa tatsi, powa bequein piseuri xeina taetha

²⁷ Equeicha Jesús barai barapo pin bicheitomonae, pomonae pijimonaexae tatsi, jeye: “Paxam pajume taneme xua Moisés pia peitorobi coyenewan xua jeye caena bayatha: ‘Jopa ichowa pichinde powa ichun piowa tatsi, powa piseuri xeina taetham’, jei Moisés.

²⁸ Ichitha nama xan paca tsipaebatsi. Icha pebin tane petsiriwa, yawa nanta xeinaeya jeye: ‘Barapowa ichichipan taisa maituncuaewa tsane, bequein bapowa jopa taseuriyo’, jei, bapoxonae barapara abe exana Nacomtha, icha be pocotsi coyene ichi, poxonae pita yabuyotha powa jopa bequein piseuriyo tatsi.

²⁹ “Bara xaniyeya paca tsipaebatsi. Icha po itamaiqueito painya necoxa werena ducua icha barapo itamaiqueito paca exana xua abe painya neexanaewa tsane panaitamaiquei jucuaré, barapo itamaiqueiton yawa taju beya pabebande. Metha wunae xua painya nebebeiwá tsane cae itamaiqueitoxi xua Nacom pia nacua beicha cae itamaiqueitoxi painya neyawa patsinexa. Baxua jame wunae yatsicaewa, beyacaincha xua poxonae painya pepon ompin paca bebai tsane ichaxota po nacuatha isoto bapana jopa itacounayiyo.

³⁰ Barichi icha painya necobe, po cobe painya necoxa weya, icha barapo cobe paca exana xua abe painya neexanaewa tsane panacobe ucubobare, yawa taju beya pabebande.

Metha w̄nae xua cae cobexi painya nebebeiwā tsane, xua cae cobexi painya neyawa patsinexa Nacom pia nacua beicha. Baxua jame w̄nae beyacaincha xua poxonae painya pepon ompin paca bebai tsane ichaxota po nacuatha isoto bapana jopa itacounayiyō”, jei Jesús.

Meje yabara poxonae Jesús yabara cuiduba xua jiwi piseurixi pepunapenteibiyainwa (Mt 19.9; Mr 10.11-12; Lc 16.18)

³¹ Equeicha Jesús barai barapo pin bicheitomonaē, pomonaē pijimonaexae tatsi jeye: “Caena bayatha Moisés pia peitorobi jume diwesitha namchiya jeye: ‘Pon punaxuba piowa peaixaxaibixae xua pocotsiwa bapowa exana, bapon baraba piowa catsina papera, po paperatha tina xua pexubiwa tsane piseuri’, jei barapo Moisés pia peitorobi coyenetha.

³² Ichitha nama seicaya icha coyeneya paca tsipaebatsi. Icha pebin piowa punaxuba xua saya peaixaxaibixae poxonae bequein bapowa jopa nasi cui coyene exanaeyo bapoxonae Nacom tsita abetsi xua bapon cana exana piseuritha. Tsipei bapon cana exana piowa xua piseuri tatsi nasi cui matakaeta xua weiweina pebiwitha. Barichi pon pita petsiriwa, powa piseuri pepunaxubixae, bapon barichi pia coutha abe natsixana, tsipei Nacom ichowa yabara nanta xeina xua bapowa cataunxuae ich̄n piowa tatsi bequein punaxuba”, jei Jesús.

Meje yabara poxonae Jesús yabara cuiduba xua jiwi xainyeya penacui w̄nae tsiw̄naeya yabara paebiwa xua peexanaewa pocotsiwa exanapaeba

³³ Equeicha Jesús barai barapo pin bicheitomonaē, pomonaē pijimonaexae tatsi, jeye: “Bayatha pajume taneme xua painya amo susato jiwi tsipaebatsi, xua Moisés tsipaeba. Moisés jeye: ‘Paxam jopa bewa naerabiya pana cui w̄nae tsiw̄naeya yabara paebim tsane xua painya neexanaewa pocotsiwa paexanapaebeibame xua Nacom peitabaratha tatsi. Ichitha jame bewa bara xainyeya paexaneibiname pocotsiwa papaebeibame xua Nacom peitabaratha tatsi’, jei Moisés pijimonaetha.

³⁴ Ichitha xan seicaya icha coyeneya paca tsipaebatsi. Poxonae jiwi peitabaratha tatsi pana nacui w̄nae tsiw̄naeya xainyeya yabara paebiname pocotsiwa xua paexanapaebame bara moya baxua paexande, xua jiwi pia painya nepaca cajume cow̄ntsinea. Jopa yawa muxuna icha jumein papaebinde. Jopa pajande ich̄ntha: ‘Bara xaniyan xua exanaein’, jopa pajande. Matautano jopa pajande: ‘Bara xaniyan. Baraxua paeban po w̄ntha xua Nacom pia nacua w̄ntheicha tatsi’, jopa pajande baxua, tsipei Nacom bara xoteicha eca pia pexeinya equeibithopeibiwa tatsi ichaxota bapon ewatsiya itorobeibeca jiwi.

³⁵ Matautano barapocotsi coyenewa jopa bewa pana cui w̄nae tsiw̄naeya yabara paebim ich̄ntha xua ira yabara. Tsipei barapo ira apara Nacom pia ira. Barapo iratha nataxu ȳyuteca. Barichi matautano barapocotsi coyenewa jopa bewa pana cui w̄nae tsiw̄naeya yabara paebim ich̄ntha xua Jerusalén tomara yabara, tsipei barapo tomara, po tomaratha ichaxota Nacom popona pon jiwi itorobiya pia pepa Peewatsinchi.

³⁶ Matautano barapocotsi coyene jopa bewa pana nacui w̄nae tsiw̄naeya yabara paebim ich̄ntha xua painya nentasipa yabara. Saya meisa Nacom paca yabara matasipa yaputane. Pomonaē pam xua pewowi pam xua pantana tsaebiam jopa paca itacupaeyo xua equeicha pantana inyapaname. Matautano pomonaē pam pomonaē amomonaē pam xua pantana inyapaname jopa itacupaetsi xua equeicha pantana tsaebiam. Matautano jopa baxua daichiyo xua caentanatoxitha. Saya meisa Nacom itacupaetsi xua cana exana baxua.

³⁷ Saya meisa barapo jumethabe patsipaebare ich̄ntha ichaxota po jumetha jei ‘Je, bara exanaein’, jei, matautano ichaxota po jumetha jei ‘Jume jopa exanaein tsane’, jei. Tsipei poxonae pamuxuna paebame poxonae pana tsiw̄nae yabara paebame ichamonaetha Nacom pia w̄ntha tatsi xua painya neexanaewa pocotsiwa paexanapaebeibame baraxua apara caurimonaē pia pentacaponaein tatsi paca tsimuxu duba xua painya nepaebiwa baxua”, jei Jesús.

Meje yabara poxonae Jesús yabara cuiduba xua penyantomocae coyene (Lc 6.29-30)

³⁸ Equeicha Jesús barai barapo pin bicheitomonaē, pomonaē pijimonaexae tatsi, jeye: “Paxam pajume taneme xua bayatha Moisés paeba xua jeye: ‘Pon itamaiquei esanopa ich̄n peitamaiqueito, bapon xuya bewa itamaiquei esanopaeinchi. Matautano pon xua wano teranopa, xua ich̄n wano teranopatsi, bapon xuya wano teranopaeinchi’, jei.

³⁹ Ichitha nama icha coyeneya paca tsipaebatsi: Jopa xuya pebin pacaitacueinchinde poxonae paca caitaueinta, pon peitabein. Matautano icha ich̄n paca jumata tsaquinopa

pecobetha, moya equeicha icha jumata pana najumata caeware xua painya necajumata tsaquinopaenexa.

⁴⁰ Icha ichan paca yabara yopichiya paeba pontha pon jiwi peyabara paebin xua penatsicuentisiwa xua painya nentoma amanayabixae bapon, bapoxonae bara pacare xua paca itoroba. Icha painya camisa pacata pita bara yawa muxuna pacare camisa po camisa peamatiya camisa, po camisa xua athawe peruyaewa.

⁴¹ Icha soldadomona paca itoroba xua jeye: 'Painta caponde pocotsiwa arewe xua saya cae kilómetro beya', jei, bara moya pacaponde pocotsiwa arewe xua equeicha icha cae kilómetrono pantaropatabare.

⁴² Daxita coyenexi pocotsiwa ichamona paca wuca, moya bara pacaichabeibare. Pon paca nacowaeta painyawa moya bara patsicobe copabare. Jopa paasiwinda painyawan", jei Jesús.

Meje yabara poxonae Jesús yabara cuiduba xua jiwi bewa antobe pomonaetha pomona pía peaitafaetabi jiwichi

(Lc 6.27-28, 32-36)

⁴³ Equeicha Jesús barai barapo pin bicheitomona, pomona pijimonaexae tatsi, jeye: "Matautano pajume taneme xua caena bayatha Moisés namchi, xua jeye: 'Paantobeinde pomona painya jiwi. Matautano pacasebare pomona painya nepaca caaitafaetabi jiwi', jei xua Moisés paeba.

⁴⁴ Ichitha icha coyeneya paca tsipaebatsi: Paantobeinde pomona bequein painya nepaca caaitafaetabi jiwi. Matautano Nacomtha patawucare pomona bequein abe pacata exana.

⁴⁵ Icha paexanaename daxita barapo coyenexi bapoxonae yatsicaewa Nacom piamona tatsi pam tsane. Bara paichim tsane icha be painya Axa ichi pon Nacom, pon peitabocotha peecaexae xua daxita jiwi antobetsi. Nacom xometo pentha taexana daxita jiwi pomona pejuntú coyene xanepanae jiwi nexa iruru pomona peajuntúcoyenebe jiwi nexa. Matautano Nacom ema taitorobcano daxita jiwi pomona xaniwaicha pejuntú coyene xeicae jiwi nexa iruru pomona peajuntúcoyenebe jiwi nexano.

⁴⁶ Icha saya meisa paantobem pomona painya nepaca antobexae, Nacom jopa paca cui yabara matomaca tsane. Tsipei iruru barapo coyene exana pomona paratixi pentoma noteibiwi po paratixi jiwi bewa catsibina pon romanomona itorobiya pia pepa peewatsinchi nexa, bequein jiwi yabara nanta xeina xua bapomona peajuntúcoyenebewi. Barapomona antobe pomona xua pia peantobewixaetsi.

⁴⁷ Matautano icha saya meisa painyamonae pajacobame pomona iru pejume cowantsiwi poxonae paca siwa pona, xuano xua jopa pajacobim ichamona, pomona jopa pejume cowantsiwi, barapo coyene jopa xanepanaeyo. Tsipei pomona Nacom jopa peyaputae jiwi, barapomona iru ba jacobia piamona. Ichitha nama bewa toxeinchiya pananta xeinaem beyacaincha barapomona poxonae nanta xeina.

⁴⁸ Daxota paxam bewa bichocono xaniwaichiya beta painompaem. Matautano xua caewiyo jopa bewa paexanaem tsane xua peabe coyenewa. Barapocotsi juta coyeneya paichim tsane icha painya Axa ichi pon Nacom, pon peitabocotha peecaexae xua bichocono xaniwaichiya beta popona. Matautano bapon caewiyo jopa exanaeyo peabe coyenewa", jei Jesús.

6

Meje yabara poxonae Jesús jiwi yabara cuidubatsi xua jiwi xanepanaya peexanaewan

¹ Equeicha Jesús barai barapo pin bicheitomona, pomona pijimonaexae tatsi, jeye: "Poxona paxam paexaname pocotsiwan xua ichamona tsita xanepantsi xua Nacom paca itoroba, bapocotsiwan paexande xua Nacom painya nepaca cacuitaenexa. Saya meisa jopa paexanaeinde xua jiwi u painya nepaca cacuitaenexa xanepanaeya painya nepaca cayabara paebinexa. Icha bapocotsi coyeneya paexanaetsipame nexata painya Axa Nacom pon itabocotha peecaexae jopa paca catsitsipae pocotsiwa paca yabara cui coyene matomacaewa tsipei jopa paexanaetsipaem Nacom nexa.

² "Daxota poxonae peacopeibiwi xoxi pacatsibeibame jopa ichamona patsipaebinde xua baxua painya neexanaexae. Jopa barapocotsi coyeneya bara paichinde icha be pomona pemuxuitorobiwi ichi, poxonae itara mexeya pomona xanepanaya pepaebiwi. Tsipei barapocotsimona saya ichawa beya paeba xua pinae yawena nawita peacopeibi jiwitha. Barapomona matha jiwi wabeibatsi xua barapomona pejume taenexa tsainchi, bapoxonae judiomona pia penacaetutsi botha yawa namtontha baxua yabara paeba nawita xua pinae yawena nawita pomonaetha pomona peacopeibi jiwi. Barapomona baxua exana pia xua jiwi beta yabara nanta xeinaetsi, pia xua jeichi jiwi: Maisa

barapomonaē betiya exana, xua pejeinexa jiwi. Ichitha xaniwaicha paca tsipaebatsi, barapomonaē xeina pia pecui yabara matomacaewatsi poxonaē jiwi baxua caunuta tsipei jopa moicha exanaeyo Nacom nexa.

³⁻⁴ Ichitha poxonaē paxam payawenaxa peacopeibiwi namicha moicha pacare barapomonaetha xua painya jiwimonaē jopa paca necacui taenexa. Matautano poxonaē Nacom painya Axa paca tane poxonaē namicha moicha paexanaxe baxua baropoxonaē bapon Nacom paca catsina pocotsiwa pia pecui yabara matomacaewa”, jei Jesús.

Meje yabara poxonaē Jesús jiwi yabara cuidubatsi po coyene xua Nacom pewucaewatsi (Lc 11,2-4)

⁵ Equeicha Jesús barai barapo pin bicheitomonaē, pomonaē pijimonaēxae tatsi, jeye: “Poxonaē Nacom pawucame, jopa barapocotsi coyeneya paexanaeinde icha be pomonaē pemuxuitorobiwi ichi, pomonaē itara mexeya beta pepaebiwi. Barapomonaē saya ichichipa xua jiwi pecui taenexa poxonaē barapomonaē Nacom wucatsi. Barapomonaē ichichipa umena pewucaenexa Nacomtha judiomonaē pia penacaeuttsi bontha tatsi xua matautano barichino namtontha. Barapomonaē baxua exana xua pecui taenexatsi xua ichamonaē pecui taenexa. Bara xaniyei paca tsipaebatsi. Barapomonaē barompaya xeina pia pecui yabara matomatsiwatsi poxonaē jiwi yabara paeba xua barapomonaē pinaē bara xanepanaeya exana. Nama baropoxonaē Nacom jopa catsiyo pia pematomatsiwa barapomonaetha tsipei barapomonaē jopa moicha exanaeyo Nacom nexa.

⁶ Ichitha poxonaē Nacom pawucame, barompaya painya tutu beya raponde yawa botuxu tutu pacoibo xatababare. Baropoxonaē painya Axa Nacom baraxotiya patsipaebare. Painya Axa paca yanta compa yawa daxita paca cui tane pocotsiwa namicha paexanaxe. Baropoxonaē bapon Nacom paca catsina pocotsiwa pia paca yabara cui matomacaewa, xua beta painya neexanaēxae poxonaē Nacom patsipaebame.

⁷ “Poxonaē Nacom patsipaebame, jopa equeicha matowa patsipaebinde po jumetha xua po jume jopa paca yawenaeyo. Jopa bara paichinde icha be pocotsimonaē ichi pomonaē jopa peyaputaewi Nacom. Barapomonaē nanta xeina xua bara Nacom jume tane pocotsiwa barapomonaē tsipaeba xua matowa pepaebixae.

⁸ Nexata jopa barapocotsi coyeneya bara paichinde icha be poxonaē barapomonaē icha ichi. Tsipei painya Axa Nacom bara yaputane pocotsiwa painya nenantawenonaewam, xua beya poxonaē pawucame Nacom.

⁹ Daxota Nacom patsipaebare, paichinde:

‘Pata Taxam, xam ponxaem peitabocotha athabeicha neecaēin.

Barabu daxita jiwi cabaru cui itura jina nejuntu coyene xanepanaeinxae.

¹⁰ Barabu jopaena matacabi, po matacabitha poxonaē xam jiwi itorobiya ewatsiname barapo cae pin nacuathe.

Barabu jiwi exanaena pocotsiwa jinya neichichipae coyenewa xua barapo cae pin nacuathe tsique.

Barabu jiwi exanaena icha peitabocotha ichi xua exana pocotsiwa jinya neichichipae coyenewa.

¹¹ Daxita matacabin pexaewa pana catsibeibare xua po pexaewa daxita matacabin pata canantawenonaewa tsaibi tsane.

¹² Pana neyabara cui cana juntemainare xua abe pata catsita exanaewatsi.

Baropoxonaē pana neyabara cui cana exaname xua jopa equeicha pata catsita natsicuentsiwatsi xua abe pata catsita exanaexaetsi.

Baraxua painta exande icha paichin ichamonaetha. Tsipei paxan copiya payabara cui cana exanan xua ichamonaē jopa pana netsita natsicuentsiyo xua abe pata tanetsita exanaēxae.

¹³ Jopa pana copatsinde xua abe pata exanaewa tsane poxonaē jiwi pana nejuntu coyene jujuta, xua abe pata exanaewa tsane.

Ichitha pana necapanenebiya exande barapo abe peexanaē coyene weya’, pajande poxonaē

Nacomtha patsipaebame”, jei Jesús.

¹⁴ Equeicha Jesús barai barapo pin bicheitomonae, pomonae pijimonaexae tatsi, jeye: “Tsipei icha paxam pacui yabara jntemainame pocotsiwa ichamonae pacata abe exana, nexata xuya painya Axa Nacom pon peitabocotha peecaexae, xuya paca cui yabara jntemainaena pocotsiwa abe paexaname.

¹⁵ Ichitha icha paxam jopa pacui yabara jntemainaem pocotsiwa ichamonae abe pacata exana, nexata xuya painya Axa Nacom jopa paca cui yabara jntemainaem tsane pocotsiwa abe paexaname”, jei Jesús barapo pin bicheitomonaetha pomonae pijimonaexae tatsi.

Meje yabara poxonae Jesús yabara cuiduba po coyene peyabara nainbotsi cui coyenewa

¹⁶ Equeicha Jesús barai barapo pin bicheitomonae pomonae pijimonaexae tatsi, jeye: “Poxonae paxam payabara nainbotame xua Nacom beta painya newucaenexa tsane, jopa bara juta ichiya coyeneya paexanaeinde icha be pomonae ichi pomonae itara mexeya betiya peexanaewi daichitha abe exana. Barapomonae piyain itabara aenaenaca xua poxonae bequein peyabara nainbotsiwatha Nacom. Barapomonae jopa nanta cachetsiyo yawa jopa naitabara quiatsiyo. Barapomonae ichipa xua ichamonae yaputane xua barapomonae cou bara nainbota. Bara xainyeya paca tsipaebatsi xua barapomonae bayatha xeina barompaya pia peyabara cui matomacaewatsi xua poxonae jiwi yabara wuna jainta xua barapomonae cou bara nainbota.

¹⁷ Ichitha paxam poxonae payabara nainbotame, xua Nacom betiya painya newucaenexa tsane, pana naitabara iquicare yawa beta pananta caichere.

¹⁸ Bapoxonae jiwi jopa paca cui yaputae tsane xua paxam bara cou payabara nainbotame. Namicha painya netsita exanaexae Nacom barapo coyene. Meisa saya painya Axa Nacom paca cui yaputane, tsipei daxita yaputane pocotsiwa namicha paexaname. Bapon paca catsina pocotsiwa pia paca yabara cui matomacaewa”, jei Jesús.

Meje yabara poxonae Jesús yabara cuiduba xua pocotsiwa Nacom jiwi pejuntana jebiwatsi pia nacuatheicha

(Lc 12.33-34)

¹⁹ Equeicha Jesús barai barapo pin bicheitomonae, pomonae pijimonaexae tatsi, jeye: “Barapo cae pin nacuathe copei jopa pacaetubinde xua painya nexenaewa tsane nawita barapo cae pin nacuathe. Tsipei bocobocowaton abe exanaena poxonae xane pocotsiwan xua paxeiname. Ichacuiha abe exanaena poxonae painyawan axumainbatsi. Ichacuiha painyawan pocotsiwa paxeiname baxuan pomonae pecaibiwi paca caibina.

²⁰ Ichitha jame paexande barapo pejuntũ coyene xanepanaewa po pejuntũ coyene xanepanaewa Nacom ichichipa. Bapoxonae Nacom paca catsibina pocotsiwa painya nepaca juntana jebiwa pia nacuatheicha. Baraxoteicha bapocotsiwa bocobocowaton jopa xaeyo. Yawa jopa axumainbichi. Matautano pomonae pecaibiwi jopa paca caibiyo baxuan xuan Nacom paca necayabara cui matomacaewan.

²¹ Ichaxota ba pajebame xua painya neichichipaewan baxota ba payabara nanta xeiname nawita”, jei Jesús pijimonaetha.

Meje yabara poxonae Jesús yabara cuiduba jiwi po coyene xanepanaeya peexanaewa pejuntũ coyene wetsina

(Lc 11.34-36)

²² Equeicha Jesús barai barapo pin bicheitomonae, pomonae pijimonaexae tatsi, jeye: “Pecoicha ba yonoyonei merawi painya nepaca cayawenaenexa xua beta painya netaewa tsane quireitha. Barichi painya itamaiqueiton paca yawena xua beta painya netaewa tsane. Icha painya itamaiqueiton wuna, bara beta pataneme.

²³ Ichitha icha painya itamaiqueiton abe, jopa beta pataetsipaem. Barichirũ painya juntũ coyenewan xua painya nenanta xeinaewan. Icha painya juntũ coyenewan xanepanaetsipa bara beta Nacom payabara najuntũ coyene xeinaetsipame. Ichitha icha painya juntũ coyenewan jopa xanepanaetsipae jopa beta Nacom payabara najuntũ coyene xeinaetsipaem. Painya juntũ coyenewan paca cana exanaetsipa xua bichocono abe paexanaetsipame”, jei Jesús.

Meje yabara poxonae Jesús yabara cuiduba jiwi, xua pon nantaũ ainya pia pecanamataxeinaeinchibe tatsi

(Lc 16.13)

²⁴ Equeicha Jesús barai barapo pin bicheitomonae, pomonae pijimonaexae tatsi, jeye: “Jiton dapon aibi pon xeina ainya pia pecanamataxeinaeinchibe tatsi xua pon beta tanacuiha barapo pia ainya pecanamataxeinaeinchibe tatsi. Tsipei barapo petanacuihin meisa antobeya taexana caeintha pon pia pecanamataxeinaeinchi poxonae itorobatsi. Icha pia pecanamataxeinaeinchi jopa taraichiyoy. Cae pia pecanamataxeinaeinchi

xanepanaeya taexana. Icha pia pecanamataxeinaeinchi abeya taexana. Barichi jiton pon bichocono antobe Nacom jopa itacupaetsi xua bichocono peantobewa paratixi poxonaе yawa bichocono antobetsi Nacom”, jei Jesús barapo pin bicheitomonaetha, pomonaе pijimonaexae tatsi.

Meje yabara poxonaе Jesús yabara cuiduba po coyene xua Nacom eena pijimonaе (Lc 12.22-31)

²⁵ Equeicha Jesús barai barapo pin bicheitomonaе, pomonaе pijimonaexae tatsi, jeye: “Paca tsipaebatsi, jopa bichocono payabara najuntu coyene exabinde pexaewa xua painya neuna jinompaewa tsane yawano xua painya neapaewanno tsane. Barichi jopa bichocono payabara najuntu coyene exabinde papaburu xua painya pepon nexa. Po coyene xua asu pejinompaewa xua Nacom naca cata jame baxua ainya cui, beyacaincha pexaewa xua peuna jinompaewa. Pepon ainya cui iru, beyacaincha papaburu xua pepon nexa.

²⁶ Pataema peyapupunaewi. Barapoxi jopa ubiyo pabitha. Yawa xua penawetsiwa jopa notsiyo. Yawa jopa xeinaeyo bomuxun xua pejebinxexa pexaewan. Ichitha Nacom apata peyapupunaewi pexaewa. ¡Paxam nama bichocono Nacom patsita ainya cuim, beyacaincha peyapupunaewi xua Nacom tsita ainya cuichi, po Nacom painya Axa pon itabocotha eca!

²⁷ Dapon aibi pon paxam jiwana pon itacupaetsi xua xeinaena icha matabi xua po matabitha pepoponaewa tsane poxonaе tupaena. Bequein bapon bichocono nayabara najuntu exaba baxua, ichitha jopa itacupaetsi xua xeinaena caentacabi equeicha.

²⁸ “Paxam bichocono payabara najuntu exabame papaburu. Jame pacayabara nanta xeinare pentonon, po pentonon wexotha xuwa, xua matono itupana. Pentonon jopa nacuichiyo yawa jopa natsixanaeyo papaburu penama xatabinxexa.

²⁹ Ichitha paca tsipaebatsi xua pentonon matono itupana bichocono beyacaincha pocotsi paparuwa Salomón nama xatata xua pexeinya paparuwa. Bapon Salomón pon caena bayatha judiomonaе itorobiya pia pepa peewatsinchi pon bayatha tupa.

³⁰ Pentonon po matonon wexotha anoxuae xuwa, Nacom cana exana xua matono itupana. Ichitha pebiwi baya matono tautsina ichaxota pocotsiwatha pan seba, tsipei saya pentono. Nacom cana exana xua pentonon bichocono wanae bara bequein saya pentonon. Barichi Nacom itacupaetsi xua beta paca neca-eenaewa xua beta painya nejinompaenexa. Matautano Nacom paca catsina paparuwan. ¡Maisa pebiwi pam tsobernae, be conotha pajume cowantame Nacom!

³¹ Jopa paunthathu deideijeya jinompaеinde xua ichawa painya neyabara nanta xeinaexae. Jopa pajan tsaibinde: ‘¿Eta xua xaeinchi jane? ¿Eta xua apaеinchi jane? ¿Eta xua nama xatabinchi jane?’ jopa pajan tsaibinde.

³² Tsipei barapo cae pin nacuathe jiji saya u baxua pecayabara najuntu coyene exabi pocotsiwa nantawenona. Ichitha nama paxam painya Axa Nacom panantautame. Barapon Nacom pon peitabocopin, pon yaputane daxita pocotsiwa xua xoxi panantawenoname.

³³ Saya meisa jame bichocono copiya payabara nanta xeinare xua painya neexanaewa xua pocotsiwa Nacom ichichipa pon jiji itorobiya pia pepa peewatsinchi. Matautano jame bichocono payabara nanta xeinare painya nexeiinaenexa pejuntu coyene xanepanaewa Nacomtha. Icha paexanaename barapo coyenewan nexata bapoxonaе Nacom paca catsibina xua daxita pocotsiwa panantawenoname.

³⁴ Jopa payabara muxuna najuntu exabinde anoxuae pocotsiwa baya tsane pocotsiwa painya neexanaewa tsane, tsipei barapo matabi nama xeina pocotsiwa bichocono pacata ayapube. Daxita matabi tsopeibi pocotsiwa xua pacata ayapube xua pocotsiwa painya neexanaewan”, jei Jesús.

7

Meje yabara poxonaе Jesús cuiduba xua jiji jopa bewa yabara paebi xua ichamonae penatsicuentsiwa (Lc 6.37-38, 41-42)

¹ Equeicha Jesús barai barapo pin bicheitomonaе, pomonaе pijimonaexae tatsi, jeye: “Jopa ichamonae payabara paеbinde xua penatsicuentsiwa xua abe peexanaexae. Nexata bapoxonaе Nacom jopa paca yabara paebi tsane painya nenatsicuentsiwa xua abe painya neexanaexae.

² Nacom pia coya paca yabara paebina xua painya nenatsicuentsiwa xua abe painya neexanaewa icha po coyeneya paichim poxonaе ichamonae payabara paebame xua

penatsicuentisiwa xua abe peexanaexae. Icha daunweya payabara paebiname xua penatsicuentisiwa ichamonaexa xua abe peexanaexae. Nacom barichi daunweya paca yabara paebina xua painya nenatsicuentisiwa xua abe painya neexanaexae”, jei Jesús.

³ Equeicha Jesús paeba caeintha pomonaexa pijimonaexa jiwana pecayabara jata pepaebi diwesiyo jeye: “Xam ba jinya jiton itata taneme poxonaexa itata jopiyatsi naeputiyo, ichitha jopa taem xua iruru xam nama pin naeputo neitamaiqueitha ducua. Barapocotsi jata coyeneya ichi, xam ba jinya jiton cui taneme xua poxonaexa abe exana, ichitha jopa nayaputaem xua iruru xam baraichim nama bichocono abe exaname.

⁴ Icha jopa taem pin naeputo xua neitamaiqueitha ducua jopa caitacupaeyo xua nejeiwa jinya jitontha: ‘Tajiton, cata jutinchi naeputiyo xua ducua neitamaiqueitha’, xua nejeiwa.

⁵ Xam nepaebim xua ichun exana xua baxua neexanaewatha iru. Xam copiya nata jure barapo pin naeputo xua neitamaiqueitha ducua. Bapoxonaexa beta taename nejutsinexa tsane naeputiyo xua jinya jiton peitamaiqueitha tarucatsi.

⁶ “Jopa patsipaebinde Nacom Pejume Diwesi pomonaexa anaya paca aeba, xuano anaya aeba Nacom Pejume Diwesi pomonaexa jopa pejume cowantsiwi Nacom. Tsipei barapomonaexa peajantacoeyenebe jiwu bichocono. Barapomonaexa bara abe exana be barapocotsi jata coyeneya ichiya exana icha be auri ichi xua poxonaexa anaepanaya nawano webaba pocotsiwa pacatame. Matautano barapomonaexa bara abe exana be barapocotsi jata coyeneya ichiya exana icha be marrano ichi, xua poxonaexa petaxutha taxunaunaba xua irainyaba po pexaewa paapatame”, jei Jesús.

Meje yabara poxonaexa Jesús yabara paeba xua jiwu bewa matowa wuqueibi Nacomtha (Lc 11.9-13; 6.31)

⁷ Equeicha Jesús barai barapo pin bicheitomonaexa, pomonaexa pijimonaexaexa tatsi, jeye: “Matowa Nacom pawucare, bapoxonaexa paca catsibina pocotsiwa xua pawucame. Baraxua matowa paexande icha paichim poxonaexa matowa pajeiteibame beya poxonaexa pataebame yawa icha paichim poxonaexa matowa pawawam bomuxutha beya poxonaexa ichun paca jume nota.

⁸ Tsipei pon matowa wuca ichun bara catatsi. Tsipei pon matowa necoba, bara taeba. Tsipei pon bomuxu pecoibototha matowa wawai, bara tacoibo sarana xorenatsi, matauta jume notatsino.

⁹ “Paxam pomonaexa pexui paxeiname paca muxuwetatsi. Poxonaexa painya pexui paca wuca pan, ¿pacatsipame iboto? ¡jume!

¹⁰ Ichacuiha tsipae, poxonaexa painya pexui paca wuca duwei, ¿pacatsipame jomo wito? ¡jume! Jopa baxua paraichim tsane.

¹¹ Bara bequein peajantacoeyenebe jiwu pam, ichitha paxam payaputaneme xua xanepanaeya painya pexui pacatsibeibame. Ichitha nama Nacom painya Axa pon itabocotha peecaen bichocono jopa juniya paca catsiyo pejuntacoeyene xanepanawan poxonaexa pawucame beyacaincha poxonaexa painya pexui pacatsibeibame poxonaexa paca wuqueiba.

¹² “Paexande ichamonaexa xua po coyene painya neichichipaewa xua barapomonaexa beta painya nepacata exanaewa tsane. Tsipei barapo coyenewa bayatha Moisés pia peitorobi coyenewatha paca itoroba, matautano Nacom pia peitorobi jume pepaebiwi bayatha paca cui itoroba”, jei Jesús.

Meje yabara poxonaexa Jesús yabara cuiduba po boupayo tsica boupayo dena (Lc 13.24)

¹³⁻¹⁴ Nexata equeicha Jesús barai barapo pin bicheitomonaexa, pomonaexa pijimonaexaexa tatsi, jeye: “Poxonaexa jiwu pona tomara beya, pomonaexa itapeta pin namto iya pona, barapo jiwu pinmonaexa, tsipei barapo tomara namto boupaya iya xua jopa ayapubeyo. Pomonaexa nama itapeta, po namto tsica namtiyo iya pona, barapo jiwu tsiquimonaeyo tsipei barapo tsica boupayo ayapube iya. Barichi poxonaexa jiwu patsina Nacom pia nacua beicha saya tsiquimonaeyo patsina tsipei ichamonaexa jopa tsita juntu cui coyene xanepanaetsi xua xanepanaeya pejinompaewa Nacomtha. Daxota pomonaexa Satanás pia nacua beya patsina pinmonaexa tsane tsipei jopa taayapubetsi xua barapo Satanás pia juntu coyeneyatha tatsi jinompa. Nama itapeta pacananta xeinaeya jinompare Nacom pia juntu coyenewa tatsi xua icha jiwu ichi poxonaexa seicaya iruru barompaya pona tomara tsica namtiyo boupayo iya”, jei Jesús.

Meje yabara poxonaexa Jesús yabara cuiduba xua jiwu yaputane nae, penacoichixae (Lc 6.43-44)

¹⁵ Equeicha Jesús barai barapo pin bicheitomonae, pomonae pijimonaexae tatsi, jeye: “Dota pam, dota pomonae penaerabiwi, pomonae xua jeye: ‘Paxan papaeban Nacom nexa’, jei. Barapomonae painya xainya beya pata itara mexeya jopa jantũ coyene anaepanaeyo icha be ichi pomonae xua Nacom pejume jejei jiwichi xua peexanaewa pocotsiwa Nacom itoroba xua matautano icha be ovejamonae ichi xua pia cui coyene xaina xua jopa anaepanaeyo. Daichitha barapomonae bichocono antũcuicoyenyapube xua anaepana, icha be neũthũ ichi poxonae bichocono anaepana.

¹⁶ Ichitha paxam pacayabara ita coxoname barapomonae poxonae pataneme pocotsiwa barapomonae exana, icha be jiwi ichi xua poxonae yaputane nae, po nae penacoichixae. Matautano jiwi jopa yaputaeyo xua bapana jiwi jopa teracae uva cuei po naetha sojei, tsipei apara uva cuei xuwa unbototha po unbo jopa e dubenaeyo. Matautano jiwi jopa bapana teracae higo thei naexitha, tsipei apara higo thei xuwa higo naetha.

¹⁷ Tsipei daxita naein, po naein pexeinya naein bara nacoita po pethei pexeinya thei. Matautano daxita naein, po naein camatsa naein bara nacoita po pethei camatsa thei.

¹⁸ Po nae pexeinya nae jopa bapana nacoichi po pethei camatsa thei. Barichi po nae camatsa nae jopa bapana nacoichi po pethei pexeinya thei.

¹⁹ Daxita naein, po naein jopa nacoichiyo po pethei pexeinya thei, jiwi barapo naein uncata. Vapoxonae jiwi barapo naein tauta isototha.

²⁰ Icha naein cana ichichi xua poxonae jopa penacoichiyoxaera, bara cana ichi tsainchi jiwi xua poxoru xanepanaeya jopa peexanaexaera tsane. Icha ichi xua payaputaneme naein poxonae pia pethei pataneme, barichi jiwi pantũ cui coyene yaputaneme poxonae pataneme pocotsiwa barapomonae exana”, jei Jesús.

Meje yabara poxonae Jesús pinae paeba xua pinae daxita jiwi jopa patsi tsane Nacom pia peitorobi nacua beicha

(Lc 13.25-27)

²¹ Equeicha Jesús barai barapo pin bicheitomonae, pomonae pijimonaexae tatsi, jeye: “Pinmonae jiwi neyabara caunutsiya jei tsane: ‘Tanecanamataxeinaem’, jei tsane. Daichitha barapomonae jiwana tsi camonaeyo patsina Nacom pia peitorobi nacua beicha. Saya meisa patsina pomonae exana xua pocotsiwa Taxa ichichipa. Barapomonae patsina ichaxota Taxa po nacuateicha ewatsiya itorobeibeca.

²² Poxonae barapo matababi jopana, po matababitha poxonae Nacom yabara paebina xua jiwi penatsicuentsiwa pinmonae jiwi pijunuwi neyabara caunutsiya jei tsane: ‘Pata Tanecanamataxeinaem, paxan pacueicueijan nejume diwesi xam nexa. Matautano cauri paitawetan newantha. Matautano jinya newantha papaeban poxonae pexeinya petsita itutsi coyenewa paexanan’, nejei tsane.

²³ Daichitha barapomonae jume notsin. Jan tsane: ‘Bũ canta bapana jopa paca yaitaetsi. ¡Taxainya weya pana natsixibarũcupare pomonae abe painya neexanae jiwi pamxaem!’ jan tsane”, jei Jesús.

Meje yabara poxonae Jesús ainya botũxũbe yabara paeba

(Mr 1.22; Lc 6.47-49)

²⁴ Equeicha Jesús barai barapo pin bicheitomonae, pomonae pijimonaexae tatsi, jeye: “Pon nejume naitomata pocotsiwa paeban matautano exanano pocotsiwa ichichipan barapon beta popona Nacom nexa. Bara barapon barapocotsi juta coyeneya nacana exana icha be pocotsin peyaputaen ichi, pon bo acabanota peira matatsucaewatha xua ichaxota ira daunwei. Meje jeye: Copiya mũthũn taju exanareca pecuaranobinexa botũxũ naeton.

²⁵ Poxonae ema duneica yawa mene matacaewaxuba yawa joibo botũxũ daunweya capubabanota, barapo botũxũ jopa joparenaeyo, poxoru naeton taju umenareca xuanu poxoru barapo botũxũ peira matatsucaewatha uncua ichaxota ira daunwei.

²⁶ Ichitha nama pon nejume taetha xuanu jopa exanaeyo pocotsiwa ichichipan jopa beta poponaeyo Nacom nexa. Bara barapon barapocotsi juta coyeneya nacana exana icha be pocotsin amameibatsi ichi. Bapon be meje: Bapon be pocotsin bo acabanota ichaxota ira matafatsana xuanu naeton jopa taju umenarecaeyo poxoru taetowa. Baraxota mene pateiba poxonae awabo tsaibi.

²⁷ Poxonae ema duneica, yawa mene matacaewaxuba, yawa pin joibo capubabanota barapo bo, barapomonae barapo botũxũ joparena poxoru naeton jopa taju umenarecaeyo xuanu poxoru botũxũ uncua ichaxota ira matafatsana. ¡Maisa botũxũ bichocono abe!’ jei Jesús barapo pin bicheitomonaetha, pomonae pijimonaexae tatsi.

²⁸ Poxonae Jesús barapo diwesi najume weta, pomonae Jesús jume tainchi, barapomonae yabara najantũ coyene cabenaeca xua Jesús pia pecuidubiwán tatsi.

²⁹ Tsipei Jesús ba cuiduba be peyaputaen pia peyapapusũ itorobi coyeneya tatsi. Jesús jopa cuidubiyo be judiomaibe pia pecuidubiwi pia picoyeneya tatsi.

8

Meje yabara poxonae Jesús axaibi exana pon peperu sawinchi
(Mr 1.40-45; Lc 5.12-16)

¹ Poxonae Jesús peitapatororo wejuinca, pin bicheitomonae Jesús puna poinchi.

² Jesús imoxoyo caquita poinchi pebin, pon peperu sawinchi. Bapon pentabocotha uncua Jesús peitabaratha tatsi xua Jesús pebaru cui itura jinaexaetsi. Bapon namchi Jesús beya, jeye:

—Pon Necanamataxeinaem jiwi, icha bara ichichipame bara caitacupa xua axaibi tana neexanaewam, tsipei jinya neayapusu itorobi coyenewa nexeiaem, jei bapon.

³ Nexata Jesús nacobe yota yawa mata jayaba barapo pebin. Jesús barai, jeye:

—Bara ichichipan. ¡Bara axaibinde! ¡Bara caaperuxaibi exanatsi! jei Jesús.

Bapoxonae bapon nainya taachurucuaetsi xua peperu sawiwatsi.

⁴ Nexata Jesús barai peperu sawinchi:

—Taema, jopa yabara tsipaebinde ichamonaetha xua neaxaibiwam. Saya jame meisa ponde sacerdotemonaepintha xua nenaitatsinexa xua bapon necataenexa xua bayatha nejumewa. Bapontha care pocotsiwa xua pecatsiwa Nacomtha, pocotsiwa xua bayatha Moisés cui itoroba xua equeicha jopa jinya nenataxobinexa jinya pepontha. Bapoxonae daxita jiwi cayaputaena xua tsita ita peinya xeinatsi xua xam bara jumem yawa xua peru wunaem, jei Jesús.

Meje yabara poxonae Jesús axaibi exana pon soldadomonaeromanomonaer pia pentacaponaein tatsi tanacuitatsi
(Lc 7.1-10)

⁵ Poxonae Jesús joniya Capernaum tomaratha, bapoxonae pebin Jesús imoxoyo caquita poinchi. Bapon romanomonaer soldadomonaer pia pentacaponaein tatsi. Bapon nantauta pon tanacuiteibatsi pia botha.

⁶ Barapo pentacaponaein Jesús jume daunweya baraichi, jeye:

—Tanecanamataxeinaem, pon inta nacuiteiba camatha boca tabotha. Bapon mubatsi yawa bichocono atene, jei barapo pentacaponaein.

⁷ Jesús namchi:

—Bara beya tha ponaetsi taaxaibi exanaenexa bapon, jei Jesús.

⁸ Barapo soldadomonaer pia pentacaponaein tatsi jume nota:

—Tanecanamataxeinaem, xan saya tacui pawin. Auran xua xam nepatopaewa tsane tabotha tsipei xam ainya cuim. Icha saya paebiname xua bapon pia peatenewatha tatsi, bapoxonae bara axaibi tsane pon inta nacuiteiba.

⁹ Xan barichi xeinan tanecanamataxeinaer pon neitoroba. Barichiru xeinan soldadomonaer pomonaer itorobeiban. Poxonae ichun itoroban: ‘ponde’, jan, bara bapon pona. Poxonae ichun waban: ‘antha’, jan, bara bapon patopa. Pon inta nacuita itoroban: ‘inta exande’, jan. Bara inta exana, jei barapon pon pentacaponaein.

¹⁰ Poxonae Jesús baxua jume taeba, jume cui yabara cananthathu nanta xeinanaya cabenaeca, beta pepabixae romanomonaer soldadomonaer pia pentacaponaein tatsi. Jesús necotaba pomonaer puna poinchi, barai, jeye:

—Xaniyeya paca tsipaebatsi, Israel nacuaitha iru dapocotsin jopa caxinaeinyo pocotsin icha pon iche pon tana necui yabara jume cowantsin xua bara neitacupa xua axaibi taexanaewa jiwi.

¹¹ Paca tsipaebatsi, pinmonaer patsina Nacom pia peitorobi nacuaitha penabanaenexa tsane. Ichamonaer pomonaer ichaxota xometo ecoina, barapomonaepiwi patsinano. Ichamonaer pomonaer ichaxota xometo jopeica, barapomonaepiwi patsinano. Daxita carepaya barapomonaer Abraham baru equiyaena, iru Isaac baru equiyaena iru Jacob baru equiyaena. Daxita carepaya barapo nacuanmonaepiwi baru nabanaeinchi peitaboco beicha. Abraham, baru nabanaena barapomonaer ichaxoteicha Nacom itorobiya ewateiba jiwi.

¹² Ichamonaer nanta xeina xua bepa pinaer patsina Nacom pia peitorobi nacua beicha tatsi, bara bequein jopa xanepanaeya peexanaewi. Daxota barapomonaer bebai tsainchi ichawatha waxainya weya ichaxota pequireiwatha. Baraxota barapomonaer bichocono wecoyei tsane yawa nantanuweya nantu jayabina, jei Jesús.

¹³ Nexata Jesús barai pentacaponaein, jeye:

—Ponde jinya bo beya. Bara cata exanatsi tanecui yabara jume cowantsimxae xua bara taneitacupaewa xua tacata exanaewatsi, jei Jesús.

Bapoxonae barapo pentacaponaein pia petanacuichin tatsi bara caena taaxaibi exanatsi.

Meje yabara poxonae Jesús axaibi exana Pedro pamiyo tatsi
(Mr 1.29-31; Lc 4.38-39)

¹⁴ Jesús joniya Simón Pedro pia botha tatsi. Baraxota Jesús tane Pedro pamiyo tatsi xua camatha boca yawa xua domaebatsi.

¹⁵ Jesús cobe pita, barapowa cobe pitatsi. Domaë taachurucuaetsi bapowa. Nainya barapowa nanta cotaxuba. Bapoxonae bapowa pexaewa apata barapomonaetha.

Meje yabara poxonae Jesús axaibi exana pin bicheitomnae
(Mr 1.32-34; Lc 4.40-41)

¹⁶ Poxonae tabopiya tsanaicha, ichamonae pomonae cauri xeina barapomonaë Jesús becarendenatsi. Jesús pia jumetha itaweta caurimonae. Barichi Jesús axaibi exana daxita pomonae peatenewi.

¹⁷ Poxonae Jesús barapo coyenein exana, bara nayabara jume cui weta exana caena bayatha Isaías peyabara cui tsiwunaeya paebixae. Bapon Isaías Nacom peitorobi jume pepaëbin. Bapon jeye Cristo yabara: “Bapon naca wenota wajantü coyene bojeiwa. Matautano bapon naca wenota waatene coyenewan”, jei Isaías pejume diwesitha.

Meje yabara poxonae Jesús yabara paëba pomonae ichichipa xua pepuna ponaewatsi
(Lc 9.57-62)

¹⁸ Poxonae Jesús tane xua pin bicheitomnae nacaetuta bapontha, bapoxonae bapon pijimonae itoroba xua icha muxunene beya peponaenexa tsane xua pucua epatauta iya.

¹⁹ Poxonae cataunxuae Jesusbaru jopa torobabiyaeyo xua icha muxunene beya nexa, bapoxonae Jesús imoxoyo caquita uncuatabatsi pon jiwí pecuidubin Moisés pia peitorobi coyene. Jesús baraichi:

–Pon jiwí Necuidubim, capuna ponaëinchi daxita jupäeyantha xua ichaxotan neponaewa tsane, jei.

²⁰ Jesús jume nota:

–Namomonae ba pia müthün xeina ichaxota pemaitathopeibiwa. Iru peyapupunaewi ba coton xeina, ichaxota peyamaitathopeibiwa. Ichitha nama xan ponxaein Nacom Tananeitapetsin nama jopa daichinyo. Nama jopa xeinaeyo bo xua tabo xua xota nafinacaecan, jei Jesús.

²¹ Bapoxonae ichün pon irü Jesús pijimonae jiwana bapon Jesustha namchi, jeye:

–Tanecanamataxeinaem, bara nepu copare tha taxa matha müthütha xubichi copiya xua bapoxonae tacapuna ponaewatsi tsainchi, jei.

²² Jesús jume nota:

–Maisa jame nepuna ponde. Bara copare xua petäpaewi bara müthücaëinchi, pomonae be pewerapaewi, jopa be tana nejume cowüntsiwixae, barapomonaë müthücaëna, jei Jesús.

Meje yabara poxonae Jesús xainya ducuanaya exana joibo yawa maratsacano xainya mene ducuanaya exanano

(Mr 4.35-41; Lc 8.22-25)

²³ Nexata Jesús jeratha nontabiya. Jesús pijimonae baru pona jeratha.

²⁴ Bapoxonae jemeicha pin joibo naetaba mentha. Maratsacan jeratha mene othopa muxu pebunarecae. Daichitha Jesús maituncua.

²⁵ Bapoxonae Jesús pijimonae yaubaxotsi, jeichichi Jesús:

–¡Pata Necanamataxeinaem, pana capanepare! ¡Yanabunarecatsi! jei Jesús pijimonae tatsi.

²⁶ Jesús jume nota:

–¿Eta pocotsiwa metha bichocono pajunuwame? ¿Cataunxuae jopa pana neyabara jume cowüntsim xua bara tana neitacüpaewa xua tapaca yawenaewatsi? jei Jesús.

Nexata Jesús asiya uncu. Bapoxonae Jesús itawetaxuba joibo, maratsacano. Daxita caewanaya joibo yawa maratsacano.

²⁷ Bapoxonae barapo pebiwi yabara najantü coyene cabenaecarücpa xua pocotsiwa Jesús peexanaexae. Barapomonaë najei:

–¿Metha jintamda baponda? ¡Jamaisa bapon itawetaxuba joibo yawa maratsacan xua daxita xainya dubenanaya! najei barapomonaë.

Meje yabara poxonae pebinbe ponbe caurimonae pexeinaeinbe, ponbe Gadara nacua-pinbe

(Mr 5.1-20; Lc 8.26-39)

²⁸ Poxonae Jesús patopa pucua icha muxunene beya xua po nacuatha Gadara nacua, bapoxonae pebinbe Jesús imoxoyo caquita uncuatabatsibe. Baponbe ibo wountha poponeibabe. Caena bayatha baponbe xeinaë caurimonae. Barapo caurimonae baponbe

anaepana cana exanatsibe daxota daxita jiwi junuwa xua peponaewa barapo namtotha ichaxota baponbe poponabe.

²⁹ Bapoxonae jemeicha caurimonae baponbe wawai exanatsibe, jeibe:

—Nacom Pexantom tatsim, ζeta pocotsiwa metha patopame pata xantha? ¿Patopame jinya painya neperaxa exanaetsibe pewunaeya xua po matacabitha xua poxonae Nacom atene pana exanaena xua abe pata exanaexae? jei baponbe xua caurimonae waway exana.

³⁰ Tsiwiyo tajuyo beya pin marrano duweimonae xayompa.

³¹ Caurimonae Jesús jeichi:

—Icha pana itawetame, moya pana nepu copabare marrano duweimonaetha, jei caurimonae.

³² Nexata Jesús jume nota caurimonaetha, jeye:

—Moya pataema, jei.

Nexata caurimonae pebinbe wepu ponatsibe, yawa marrano duweimonaetha pata. Barapo marrano duweimonae дѹсѹа, pin pitapatororo othopareca. Pucuatha bunothopa. Caurimonae cabunothopatsi.

³³ Pomonae yapu eena barapo marrano duweimonae, junuwiya cuinaenouta peyabara paebinxatomarapiwitha. Barapomonae yabara paeba daxita pocotsiwa Jesús cana exana marrano duweimonaetha yawano pocotsiwa Jesús cana exana ponbetha ponbe xua cauri pexeinaeinbe.

³⁴ Bapoxonae daxita tomarapiwi pona ichaxota Jesús eca. Poxonae Jesús tainchi, barapomonae Jesús jeichichi: “Maisa bewa warapaename Gadara nacua weya, po nacua pata nacua weya”, jei daxita barapomonae.

9

Meje yabara poxonae Jesús axaibi exana pon pecuenobinchi

(Mr 2.1-12; Lc 5.17-26)

¹ Nexata Jesús jeratha nontabiya. Jeratha pona icha muxunene beya xua pucua epatauta iya. Jesús pia tomara beya patopa, barapo tomara icha muxunenetha eca.

² Baraxota pebiwi pata. Barapo pebiwi Jesús tacarendenatsi pon pecuenobinchi. Xua xota pocotsiwatha pemaiteibiwa, barapomonae barapocotsiwatha pecuenobinchi carendenatsi. Poxonae Jesús tane xua barapomonae yabara jume cowanta xua bara Jesús peitacupaewatsi xua axaibi peexanaewatsi pon pecuenobinchi, bapoxonae Jesús barai pecuenobinchi:

—Tajiton, najuntu coyene tsacatabare. Cacui yabara juntemainaya juntu puxana exanatsiba jinya abe neexanae cuiuru coyenein, jei Jesús.

³ Bapoxonae pomonae jiwi pecuidubiwi Moisés pia peitorobi coyenewa tatsi, barapomonae daxita carepaya pia coutha nanta xeina. Najei: “Maisa bapon bichocono abe tsipei pocotsiwa bapon paeba bichocono Nacom tsita ajumebetsi. Jiton dapocotsin aibi pon xua jiwi cacui yabara juntemainaya juntu puxana exanatsi abe pia peexanae cuiuru coyenein tatsi”, najei barapomonae.

⁴ Daichitha Jesús yaputane xua barapomonae pijuntu coyeneintha natsipaeba. Jesús barai barapomonae, jeye:

—¿Eta xua metha baxua abeya pana neyabara cananta xeiname?

⁵ ¿Eta po jumetha baran tsane pecuenobinchi? ¿Metha jan tsane: ‘Jinya abe neexanae cuiuru coyenein cata juntemainatsi’, jan tsane? Ichacuiha ¿metha jan tsane: ‘Nontaponare, yawa bara ponare’, jan tsane?

⁶ Daxota aunxuae paca tsita itapeinya xeinaeinchi xua xan ponxaein Nacom Tananeitapetsin, xua xeinan taayapusu itorobi coyenewa xua bara tana neitacupaewa xua jiwi tayabara cacui juntemainaya juntu puxana exanaewa abe pia peexanae cuiuru coyenein tatsi pomonae jinompa barapo cae pin nacuathe, jei Jesús.

Bara nexata pecuenobinchi Jesús barai, jeye:

—Catsipaebatsi nontaponde. Jinya nemaituncuaewa pire. Jinya bo be-iyande, jei Jesús.

⁷ Bapoxonae pon pecuenobinchi caena nainya nontapona barapomonae peitatha tatsi, yawa pita xua nemaituncuaewa. Bapoxonae pia bo be-iya.

⁸ Poxonae jiwi tane baxua, barapomonae yabara najuntu coyene cabenaeca yawa Nacom wuna jaintatsi. Barapomonae nabarai:

—Anoxuae waxainchi tainchi pocotsiwa pewunaewa pocotsiwa jopa yaputaetsi, yawa wuna jaintatsi xua Nacom barapo jitontha pecatsixae pia peayapusu itorobi coyenewa, jei barapomonae.

Meje yabara poxonae Mateo wabatsi, Jesús waba

(Mr 2.13-17; Lc 5.27-32)

⁹ Jesús bara weya pontaba ichaxota axaibi exana pon pecuenobinchi. Bapoxonae Jesús tane pebin pon pewan Mateo. Bapon eca ichaxota bapon paratixi matoma noteibeca po paratixi jiwi bewa catsibina pon romanomonae itorobiya pia pepa peewatsinchi nexa. Jesús Mateo baraichi:

—Nepuna ponde, jei Jesús.

Bapoxonae Mateo caena nainya nontapona yawa napuna pona Jesththa.

¹⁰ Pirapaeyo Jesús baru ecatsi, Mateo baru eca pia botha pexaethopeibiwatha xua Jesús pebaru xaenexatsi. Barichi Jesús baru eca pinmonae barapo pexaethopeibiwatha pomonae paratixi pentoma noteibiwi po paratixi jiwi bewa catsibina pon romanomonae itorobiya pia pepa peewatsinchi nexa. Iruru Jesús baru eca ichamonae pomonae abe peexanae cuiru coyenein peexanaewi. Daxita barapomonae Jesús baru eca pexaethopeibiwatha yawa Jesús pijimonae baru ecano penabanaenexa.

¹¹ Ichitha poxonae fariseomonae tane xua Jesús dacotsiwa baru eca, barapomonae namchi. Jesús pijimonae tatsi baraichi:

—Maisa Jesús abe exana poxoru baru xayeca pomonae paratixi pentoma noteibiwi. Matautano, baru xayeca pomonae abe peexanae cuiru coyene peexanaewi, jeichichi Jesús pijimonae tatsi barapo fariseomonae.

¹² Poxonae Jesús baxua jume tane, bapon Jesús namchi barapomonaetha:

—Pomonae ba xaniwaicha jinompa xua jopa ateneyo barapomonae ba jopa canantawenonaeyo pon jiwi peyawabin. Saya jame meisa pomonae ba atene barapomonae jame canantawenona pon jiwi peyawabin. Bara juta coyene ichi barapomonae pomonae nebaru xane. Barapomonae nenantawenona xua tayabara cui juntemainaenexa abe pia peexanae cuiru coyenein tatsi.

¹³ Panacuidubaponde xua Nacom Pejume Diwesi paeba. Meje xua Nacom namchi, jeye: 'Ichichipan xua jiwi nantanuweya peyabara nanta xeinaewa ichamonaetha xua peyawenaewa tsane. Baxua jame ichichipan beyacaincha xua ichichipan po cui coyene xua jiwi duwei petautsiwa xua tuxusi exana xan nexa', jei Nacom. Barichinno xan patopan apara tha jopa tawabinexa tsane pomonae pejuntu coyene xanepanaewi. Apara jame patopan tha meisa tawabinexa tsane pomonae peajuntucoyenebe jiwi, xua barapomonae icha juntu coyene pexeinaenexa tsane peauraxae xua abe exana, jei Jesús.

Meje yabara poxonae Jesús yabara yainyabatsi po coyene xua Nacom peyabara nainbot-siwatsi

(Mr 2.18-22; Lc 5.33-39)

¹⁴ Nexata Juan pon jiwi Pebautisabin, bapon pia pepuna jinompaewichi barapomonae pata Jesús pia xantha tatsi. Barapomonae Jesús yainyabatsi, jeye:

—Apara paxan iru fariseomonaeru jopa juniya Nacom payabara nainboteibinyo poxonae Nacom pawuqueiban. ¿Eta xua metha jinyamonae daxua jopa cou daichiyo, saya cou u penabaneibi? jei barapomonae pomonae Juan pia pepuna jinompaewichi tatsi.

¹⁵ Jesús jume nota barapomonae:

—Jiwi ba jopa bewa wecoyeya yabara nainbotsi poxonae ichamonae pexaewa tsinacaetuta penabanaenexa xua poxonae pebin pecotsiwa pita. Poxonae cataunxuae awiwa bapon eca pexaewa penabanaewatha, bapoxonae jiwi ba pebaraya nabane, jopa bewa yabara nainbotsi tsane. Ichitha icha pon aena piowa pita, caena nainya waetabatsi, ichamonae waetaba xua bapon taju pecaponaenexatsi, bapoxonae jame jiwi ba bewa wecoyeya yabara nainbotsi xua equeicha bapon caewa pepatopaewa tsane.

¹⁶ "Jiwi ba jopa exanaeyo xua pena paparuwa tsiwiyo jiwana caxinaxubeta po paparuwa cataunxuae jopa matanaxubiyo, xua barapo paparuwa pewan botsinexa peru dorouto. Icha baxua exanaetsipa xua pena paparuwatha wan bota peru doroutotha, bapoxonae barapo dorouto abe tsipae. Tsipei poxonae barapo dorouto matanaxuba barapo pena paparuwa natsaquetabiya. Poxonae barapo pena paparuwa natsaquetabiya equeicha wan tsitsipanarena barapo dorouto. Bapoxonae equeicha nama bichocono pin wan tsanaya beyacaincha xua poxonae copiya.

¹⁷ Matautano jiwi ba pena vino mera jopa eparecaeyo peru bocototha, tsipei icha baxua exanaetsipa, barapo pena vino mera abe exanaetsipa barapo bocoto. Tsipei barapo bocoto jopa nayeyetaponaeyo poxonae barapo vino mera atsaxa. Barapo pena vino mera naxuba yawa barapo bocoto naxuba poxonae barapo bocoto tsitsica. Daxota bewa jame pena vino mera eparecae pena bocototha. Bapoxonae pena vino mera jopa naxubiyo, yawa pena bocoto jopa naxubiyo poxoru boco yeyena yawa poxoru pena bocoto", jei Jesús.

Meje yabara xua poxonae Jairo pexantiyo taaxaibi exanatsi, yawa yabara xua bapoxonae icha yaburo iru axaibi exanatsi poxonae Jesús pia paparuwa tajayabatsiru

(Mr 5.21-43; Lc 8.40-56)

¹⁸ Poxonae cataunxuae Jesús cueicueijei barapomonaetha, bapoxonae pebin patopa. Bapon judiromonae pia penacaetutsi bo pia pecanamataxeinaein tatsi. Bapon pewun Jairo. Jesús petaxutha irabe tatayecarecatsi. Bapon baxua exana tsipei Jesús pon ainya cui peexanaeinchi. Bapon namchi Jesustha:

—Taxantiyo anoxuaetha inta tupa. Icha xam ponaename yawa necobetha mata jayabi-name, bapoxonae barapowa equeicha asu tsane xua equeicha nacosatsina, jei Jairo.

¹⁹ Jesús bapoxonae nontapona. Jairo puna poinchi. Iru Jesús pijimonae puna poinchi.

²⁰ Poxonae Jesús iya iru yabuyo Jesús imoxoyo caquita poinchi. Barapowa caena bayatha be yadoce po weiyobe jopa xua pentabu janatha boca xua be nantawane. Barapowa Jesús pia paparuwa xainyowa tajayabapoinyatsi. Bapowa paparuwa tajayaba xua peopirawa xua Jesús pia penamaxatatsiwa tatsi.

²¹⁻²² Baxua exana tsipei bapowa nanta xeina, jeye: “Icha pia paparuwa tajayabin bapoxonae axaibin tsane”, jei bapowa.

Poxonae bapowa Jesús tajayabatsi pia paparuwa, bapoxonae caena juntabu jana naruntaba.

Nexata Jesús napatomeicha necota, yawa yabuyo tainchi. Jesús namchi bapowatha:

—Yabuyo, najuntemiya xore. Caaxaibi exanatsi jinya tana neyabara jume cowantsixaem xua bara tana neitacupaewa xua tacaaxaibi exanaewatsi, jei Jesús.

²³ Jesús equeicha pona. Poxonae Jesús patopa pecanamataxeinaein pia bo tatsitha, bapoxonae Jesús tane xua pebiwi oba tsipei yabuyo bayatha tupa. Barapo pebiwi pomonae pecapu obiwi pewerapeibiwi. Matautano Jesús tane pomonae pesiwa nantsebiya wecoyei jiwí.

²⁴ Jesús namchi jiwitha:

—Tutu weya paponde. Yabuyo apara jopa tupaeyo, maituncua apara, jei Jesús.

Poxonae Jesús baxua paeba, jiwí Jesús jume cui caponatsi.

²⁵ Ichitha Jesús itoroba xua barapomonae tutu wejoniya pesato beya. Bapoxonae Jesús bo tutu joniya. Jesús cobe pita, yabuyo cobe pitatsi yawano asiya cuaranotatsino penacosatsixae.

²⁶ Xua Jesús yabuyo axaibi exanatsi, barapo diwesi daxita jiwí jume taetaepona pomonae barapo nacuatha jinompa.

Meje yabara poxonae Jesús axaibi exana ponbe nantiyabe itata nacutabe

²⁷ Poxonae Jesús bara weya pona ichaxota yabuyo caewa asu exanatsi, pebinbe Jesús puna poinchi. Baponbe peitata nacutsinbe. Baponbe wawaya jeibe:

—Xam Jesús, David pia pemomoxi susatopin jiwanam ponxaem Nacom necaitapetsin pana neyabara najuntu coyene xeinarebe xua pata tana neyawenaenexamebe, jeibe baponbe ponbe peitata nacutsinbe.

²⁸ Poxonae Jesús боньхн bejoniya, ponbe peitata nacutsinbe Jesús imoxoyo caquita poinchibe. Jesús yainyaba baponbetha:

—¿Bara pana neyabara jume cowantamebe xua bara tana neitacupaewa xua axaibi tapaca caexanaewatsibe? jei.

Jume notabe:

—Aja, pata Tanecanamataxeinaem, bara paca cui yabara jume cui cowantatsibe, jeibe.

²⁹ Bapoxonae Jesús itamaiquei jayababe baponbe. Jesús namchi baponbetha, jeye:

—Icha pana necui yabara jume cowantamebe xua bara tana neitacupaewa xua axaibi tapaca exanaewatsibe bara baxua pacata exanaeinchibe xua axaibi paca exanaeinchibe, jei Jesús.

³⁰ Bapoxonae caena nainya aitamaiqueixaibibe. Jesús jume daunweya baraibe baponbe, jeye:

—Jopa pana necui yopichindebe ichamonaetha xua pacata exainchibe baxua, jei Jesús baponbetha.

³¹ Daichitha poxonae Jesús weya ponabe, pejume taewathabe xua Jesús paeba, tsipae-babe ichamonaetha pomonae barapo nacuatha jinompa, daxita pocotsiwa xua Jesús cana exana baponbetha.

Meje yabara poxonae Jesús axaibi exana pon pemuxusipanaein

³² Poxonae Jesús bo wejoniya iru ponbe aitamaiqueixaibi exanatsibe, bapoxonae ichamonaetha Jesustha pata. Barapomonae capona pebin, pon muxusipana, matautano jopa paebiyo, tsipei cauri xeina.

³³ Bapoxonae Jesús itaweta cauri xua barapo pebin muxusipana exainchi. Caena nainya bapon cueicueijei. Nexata pomonae xua tane xua Jesús exana, barapomonae yabara najuntu coyene benaeca. Barapomonae namchi, jeye:

—Jopa bapana taetsi Israel nacuatha icha be ichi pocotsiwa Jesús exana, jei barapomonaе.

³⁴ Ichitha poxonae fariseomonaе jume tane baxua, barapomonaе namchi Jesús yabara, jeye:

—Barapon caurimonaе itawetatsi tsipei xeina caurimonaе pia pentacaponaein tatsi pia peayapusu itorobi coyene tatsi, jei fariseomonaе.

Meje yabara poxonae Jesús nantanuweya yabara cui nanta xeina jiwi xua peyawenaewa tsane

³⁵ Jesús pona daxita pin tomarantha yawa po tomaraxi tsiqui tomaraxitha. Bapon cuiduba ducuaanaeta judiomonaе pia penacaeuttsi bontha tatsi. Matautano bapon paeba ducuaanaeta Nacom pia pexeinya jume diwesi tatsi po diwesi yabara xua Nacom waba jiwi petanaexanaenexatsi piamonae pomonaе Nacom juntu coyene itorobiya ewata. Matauta bapon jiwi axaibi exana ducuaanaeta pomonaе xua atene yawa xua cuenecuenona.

³⁶ Poxonae Jesús jiwi tainchi, Jesús yabara nanta xeina barapomonaе xua peyawenaewa tsane. Tsipei barapomonaе natsepa matautano jopa itacupaetsi xua pia coutha penayawenaewa. Barapomonaе bara be juta coyeneya ichi, icha be ovejamonaе ichi xua poxonae iratha bobena tsipei natsepa matautano tsipei dapon aibi, pon pe-eenaеin ovejamonaе xua peyawenaenexa.

³⁷ Nexata Jesús namchi pijimonaetha:

—Bara xainyeya paca tsipeabatsi. Pabitha ba pocotsiwa peubiwan naweta nawita, daichitha ba penacuichiwi pomonaе jota pinmonae aibi. Bara juta ichi barapo cae pin nacuathe. Jiwi pinmonae jinompa pomonaе nantawenona xua pejume taewa tsane Nacom pia pexeinya jume diwesi tatsi. Daichitha pomonaе Nacom Pejume Diwesi cueicueijej tsurubenanaebiya ichamonaetha, barapomonaе pinmonae aibi, saya tsiquimonaeyo.

³⁸ Daxota Nacom pawacare xua pecaitorobinexa tsane ichamonaе xua petacamuxu tsipeabinexa tsainchi pia pejume diwesi pomonaetha pomonaе barapo cae pin nacuathe pejinompaewi, jei Jesús.

10

Meje yabara poxonae Jesús itapetsiya waba pia peitorobiwi tatsi xua doce poyobe (Mr 3.13-19; Lc 6.12-16)

¹ Nexata Jesús pijimonaе waba. Barapomonaе jiwana itapetatsi doce poyobe, pomonaе baraichi: “Jesús pia peitorobi jiwi tatsi”, jeichichi. Jesús barapomonaе cata pia peayapusu itorobi coyenewa xua cauri ichamonaе petaitawetsinexatsi pomonaе xua cauri xeina. Matautano Jesús cata pia peayapusu itorobi coyenewa xua pijimonaе tatsi axaibi peexanaenexa pomonaе xua atene, xuanu xua cuenecuenona.

² Barapomonaе pomonaе doce poyobe pomonaе peitorobiwichi, ichun pewun Simón, pon icha wunno “Pedro” baraichi. Iru ichun pewun Andrés, pon Simón peweicho tatsi. Iru ichun pewun Santiago. Iru ichun pewun Juan, pon Santiago peweicho tatsi. Baponbe Zebedeo pexantobe tatsi.

³⁻⁴ Iru ichun pewun Felipe, iru ichun pewun Bartolomé, iru ichun pewun Tomás, iru ichun pewun Mateo. Barapon Mateo pon paratixi pentoma noteibin po paratixi jiwi bewa catsibina pon romanomonaе itorobiya pia pepa peewatsinchi nexa. Iru ichun pewun Santiago, pon Alfeo pexanto tatsi. Iru ichun pewun Tadeo. Iru ichun pewun Simón, pon celotemonaepin. Iru ichun pewun Judas Iscariote, pon Jesús caenaetaxubatsi ichamonaetha xua pebexubinexatsi.

Meje yabara poxonae Jesús itoroba pijimonaе xua barapomonaе peyabara cueicueijeinexa jiwitha po coyene xua Nacom waba jiwi xua petanaexanaenexatsi pijimonaе tatsi (Mr 6.7-13; Lc 9.1-6)

⁵ Barapo doce poyobe Jesús itoroba, Jesús jeye:

—Jopa paponaeinde po nacua ichaxota jinompa pomonaе jopa judiomonaе naexanaeyo. Jopa paponaeinde po tomaran ena Samaria nacuatha.

⁶ Meisa saya paponde pomonaе Israel nacuamonaepiwitha. Barapomonaе payawende tsipei barapomonaе Nacom taju wepu jinompatsi xua pipato jinompa. Icha be pocotsi juta coyeneya ichi oveja, barapo ovejamonaе napuxana poxoru wepu pona taju beya, xua pon pe-eenaеin barapo ovejamonaе bapon taju wepu poinchi icha xua poxonae napuxana.

⁷ Poxonae papaeba dubenanaebiyame, papaebare barapomonaetha po coyene xua anoxuae Nacom waba jiwi xua petanaexanaenexatsi piamonae pomonaе itorobiya peewatsixae.

⁸ Matautano Nacom pia peayapusu itorobi coyenewatha po coyenewe meje baxua paexande: Axaibi paexande pomonae peatenewi; equeicha asu paexande pomonae werapeibina; axaibi paexande pomonae xua peperu sawichimonae; matautano caurimonae pata taitawere pomonae caurimonae pexeinaewi. Nacom amanaya paca cata barapo pia peayapusu itorobi coyene, daxota poxonae jiwi payawename Nacom pia peayapusuwatha, jopa jiwi paratixi pawucaeinde.

⁹ “Jopa pacaponaeinde paratixi xua poxonae painya newarapaenexa.

¹⁰ Jopa pacaponaeinde cote xua painya nejeyaenexa paparuwan poxonae pawarapame. Saya cae camisa panama xatabare, jopa icha camisa pacaponaeinde. Matauta jopa pacaponaeinde ichawan xua painya nenataxu xatabiwan, yawa icha iwaton jopa pacaponaeinde. Painya xoba paauram xua poxonae jiwi paca catsibeibina tsipei baraxua pocotsiwa paca cata apara bara painya matoma painya netanacuichixaemxae Nacom.

¹¹ “Poxonae papanenebiyam pin tomaratha, ichacuitha tsiqui tomariyotha, pajeire pon jiwi baru cui itura jina xuano xua paca tsiwaba pia botha tatsi pia paca apatsinexa tsane. Bapon pia botha tatsi painya nepu enaeinde beya tsane poxonae barapo tomara weya pawarapaename.

¹² Poxonae bomuxutha pajojonyame, barapo bopiwi pajacobare, pajande: ‘Barabu Nacom juntema jinompa paca cana exanaena’, pajande.

¹³ Icha baxota jinompa pomonae pomonaetha jiwi baru cui itura jina, bara baxua Nacom barapomona taexanaeinchi pocotsiwa papaebame. Ichitha icha baxota jinompa pomonae pomonaetha jopa jiwi baru cui itura jinaeyo, baxua Nacom jopa taexanae tsane pocotsiwa papaebame barapomonaetha. Equeicha caewa pacata parenaena xua pocotsiwa papaebame.

¹⁴ Ichitha icha icha tomarapiwi jopa paca matenta weyataeya wabiyo yawano icha jopa xapain paca jume naitaewatsiyo, nexata bapoxonae panatsixibare. Namto beya paponde xua bomuxu weya xua ichacuitha icha tomara weya. Po tsorobo painya taxutha dubena pana nataxu wenunababare barapo tomaratha. Poxonae baxua paexaname patsita itapeinya xeinaename, apara xua barapomona abe exana painya xainya berena xua poxonae barapomona paca jume itaweta.

¹⁵ Bara xainyeya paca tsipaebatsi matakabi patopaena, po matakabitha Nacom yabara paebina jiwi petsita natsucinsixaetsi xua abe petsita exanaexaetsi. Barapo matakabitha jopa juniya bichocono atene tsane pomonae paca jume itaweta. Caena bayatha Sodoma tomarapiwi iru Gomorra tomarapiwi bichocono abe exana. Daxota Nacom atene exanaena barapo tomaramonaebe. Bara bequein Sodoma tomarapiwi atene matauta iru Gomorra tomarapiwi bequein atene tsipei bichocono abe exana barapomona. Ichitha nama pomonae barapo tomaratha jinompa, pomonae paca jume itaweta, jopa juniya peraxa jubebi tsainchi, beyacaincha poxonae Sodoma tomarapiwi yawa Gomorra tomarapiwi peraxa jubebatsi”, jei Jesús.

*Meje yabara poxonae Jesús yabara paeba xua ichamona abe exanaena Jesús pijimon-
aetha tatsi*

¹⁶ Equeicha Jesús jeye: “Paponde ichaxota paca itorobatsi. Paca caitorobatsi pia xainya beya pomonae jopa pejume cowantsiwi, pomonae itacupatsi xua abe painya nepaca exanaewa, icha ovejan ichi xua poxonae pona ichaxota neuthu jinompa xua itacupatsi xua abe peexanaewatsi. Paxam pananthuthu cui wunaetsiya tsaquiya jinompare, tsipei ichamona beya paca pepeichipa. Baxua bara paichinde icha jomo ichi xua peita coxonaein poxonae waxouto cuitaya naetsiriwatsi. Paxam bara jutiya jopa paichim tsane jopa ichamonaetha abe paexanaeinde, icha topiboto ichi xua anaepana jopa nanta xeinecaeyo xua juntema yapoponeca.

¹⁷ Paxam dota pam, dota pomonae peajuntucoyenebe jiwi. Barapomona paca teicaena pepaca caponaenexa tsane pomonaetha pomonae toman pentacaponae. Bapoxonae barapomona paca cuainchina judiomona pia penacaetutsi bontha tatsi.

¹⁸ Matauta barapomona paca caponaena pomonae peyanacua ewatsi jiwi peitabaratha tatsi. Matauta paca caponaena pomonae jiwi itorobiya pia pepa peewatsiwichi pia peitabaratha tatsi. Baxua paca cana exanaena painya tana nejume cowantsixaemxae. Daichitha barapo pentacaponae peitabaratha tatsi paca itacupaena xua pata neyabara paebiwani pocotsiwa bayatha tapacata exanaewatsi paxam. Matautano paca itacupaena xua pata neyabara paebiwani pomonae jopa judiomona naexanaeyo peitabaratha tatsi.

¹⁹ Ichitha poxonae paca caponaena pentacaponae beya, jopa payabara najuntu coyene exabinde pocotsiwa xua painya nejume notsiwa tsane barapomonaetha. Nama Nacom paca tsijume dubina po jume xua painya nacaunutsiwam tsane.

²⁰ Tsipei beta jopa papaebimchipae painya coutha, ichitha Nacom pia Pejumope tanaxa tatsi paca tsimumu cueicueijeji tsane. Bapon paca catsina po jumetha xua patsipaebiname.

²¹ “Jiwi caenaetsina barompaya peweicho jiwi ichamonaetha xua ichamonaе pejutebinexa tsane. Iru coxiyeiwi ichamonaetha caenaetsina pia pexui xua ichamonaе pejutebinexa tsane. Iru pexui paxeiwi caenaetsina ichamonaetha xua ichamonaе pejutebinexa tsainchi.

²² Daxita nacuanpiwi paca casebina painya tana nejume cowantsixaemxae. Ichitha icha awiya paantuyapusya nejume cowantsiya jinompaename xua beya payacuiya werapaeya othopaename, poxonaе bequein abe pacata exana ichamonaе Nacom napaeba paca cana exanaena.

²³ Icha cae tomarapiwi paca abe exanaena, parucypare icha tomara beya. Bara xainyeya paca tsipaebatsi xua xan ponxaein Nacom Tananeitapetsin, equeicha patopeicaein beya abu poxonaе cataunxuae jopa panacui wetsim tsane xua paponame daxita israelmonae pia nacua tomarantha tatsi, xua napaeba dubenanaebiyame Nacom Pejume Diwesi.

²⁴ “Pon ba aena nacuiduba xua peyaputaenexa, bapon jopa be bapocotsinyo, pon pecuidubin jiwi, pon peyaputaein. Matauta pon ba petanacuichin jopa ainya cuiyo, jopa be bapocotsinyo pon xua peitorobixaetsi pon pia pecanamataxeinaeinchi tatsi.

²⁵ Pon ba penacuidubin bewa nanta xeinae, bewa najei: ‘Maisa ichamonaе inta abe exanatsi pon tana necuidubin. Metha bara neichi tsane’, bewa najei. Iru pon ba tanacuita pia pecanamataxeinaeinchi bewa najei: ‘Maisa ichamonaе inta abe exanatsi pon tanecanamataxeinaein. Metha bara neichi tsane’, bewa najei. Icha pocotsi coyeneya baponbe ichi poxonaе baxua nayabara nanta xeinabe, bara pocotsi coyeneya paca cana ichiya exana jiwi icha poxonaе neyabara ichiya namchi. Tsipei jiwi abe neyabara paeba xua jeye: ‘Maisa bapon Beelzebú tsecae pon caurimonaе pia pentacaponaein tatsi’, jei. Matauta paca yabara jei tsane: ‘Maisa barapomonaе Beelzebú pijimonaе tatsi po Beelzebú caurimonaе pia pentacaponaein tatsi’, paca yabara jei tsane”, jei Jesús.

Meje yabara poxonaе Jesús yabara paeba xua pontha bewa ba jiwi cuitaya cunuwina (Lc 12.2-7)

²⁶ Equeicha Jesús jeye: “Jopa jiwi pacunuwinde xua tapana neyabara paebiwam. Tsipei daxita diwesi, xua po diwesi bequein anoxuae jiwi jopa yaputaeyo, bexa yaputaena. Pocotsiwa jiwi abe nameicha exana daichitha ichamonaе bexa yaputaeponaena baxua.

²⁷ Tsipei daxita baxua xua nameicha paca tsipaebatsi, baxua xuya patsipaebare jiwi. Po diwesi xua merawi paca tsipaebatsi, barapo diwesi xuya ichamonaе mataqueitha patsipaebare. Po diwesi xua paxapaxeya paca tsipaebatsi, barapo diwesi xuya panatha pana neume canawabiya wawande.

²⁸ Tamonaе pam, paca tsipaebatsi, jopa pacunuwinde pomonaе itacypatsi xua paca jutebina xua saya meisa painya pepontha. Ichitha barapomonaе jopa itacypaetsi xua equeicha paca jumopein tanaxa jutebina. Jame paca tsipaebatsi pon jame bewa pajume cuitaya cunuwim bapon apara jame Nacom. Tsipei barapon Nacom itacypatsi xua paca bebai pin isototha po pin isototha jopa bapana itacounayiyoy xua weraweraca painya nepaca exanaenexa painya pepon yawa painya nejumope tanaxan.

²⁹ “Jiwi ba caenaeta sito dos poyobe, saya cae paratiyotha nantomata. Bequein barapo sitobe caenaeta jiwi xua jopa matoma nautsiyo, poxoru saya sito, ichitha painya Axa Nacom yaputane yawa copata poxonaе barapo sitobe jiwana iratha yajopeica xua yatapa.

³⁰ Nacom daxita carepaya jopa juniya paca yabara yaputaeyo, daxota paca matana yaputane xua pontanatiyobe painya nexainaewa.

³¹ Jopa pajunuwinde tsipei paxam bichocono Nacom patsita ainya cuim, beyacaincha siri”, jei Jesús pijimonaetha.

Meje yabara poxonaе Jesucristo yabara paeba xua pomonaе peyabara paebiwichi ichamonaе peitabaratha tatsi (Lc 12.8-9)

³² Equeicha Jesús namchi: “Yabara paca tsipaebatsi pomonaе xua nayopita ichamonaetha pomonaе xua najei: ‘Apara paxan Jesús pijimonaе tatsi pan’, najei. Barichi xan xuya jan tsane Nacomtha: ‘Barapomonaе apara tana neume cowantsiwi’, jan tsane xuya barapo Nacom peitabaratha pon Taxa, pon peitabocotha peecaexae.

³³ Ichitha pomonaе xua neyabara jei ichamonaetha: ‘Jopa bapon yaitaeyno’, jei, xan xuya barapomonaе yabara jan tsane: ‘Apara barapomonaе jopa yaitaeyno’, jan tsane xuya Taxa beicha, pon peitabocotha peecaexae”, jei Jesús.

Meje yabara poxonaē Jesús yabara paeba xua jiwi ainya bicheiton naexanaena xua Jesús pejume cowantsixaetsi xua ichamonaē jopa pejume cowantsixaetsiru
(Lc 12.51-53; 14.26-27)

³⁴ Equeicha Jesús namchi: “Jopa pananta xeinaeinde xua patopeican saya meisa xua jiwi juntema jinompa tacana exanaewa tsane. Jopa baxua tsipatopaeinyo. Apra jame tsipatopaeican taexanaenexa po coyene jiwi naba exanatsi xua daxota ainya bicheiton pe-naexanaenexa. Pomonaē jopa nejume cowantsiyo ita aenae-aenei pomonaetha pomonaē tana nejume cowantsiwi.

³⁵ Coxiyan pexanto ita aenae-aenei tsainchi. Iru coxiwa pexantiyo ita aenae-aenei tsainchi. Iru ichowayo pexoeinyo ita aenae-aenei tsainchi.

³⁶ Daxota pebin barompaya piamonaē penaaitafaetabi jiwi nacana exanatsi.

³⁷ “Pon antobe paxa yawa pena beyacaincha xua neantobe bapon jopa naexanaē tsane pon tajiwimonaē jiwanaē. Pon antobe pexanto beyacaincha xua neantobe, bapon jopa naexanaē tsane pon tajiwimonaē jiwanaē. Yawa pon antobe pexantiyo beyacaincha xua neantobe bapon jopa naexanaē tsane pon tajiwimonaē jiwanaē.

³⁸ Matautano pon jopa awiya exana ducuaaebiyayo pocotsiwa itoroban, tsipei jopa be peraxa exanaetsi icha be xua poxonaē neichi nexata bapon jopa tajiwimonaēpinyo.

³⁹ Pon naantobeya nata exana pocotsiwa bapon ichichipa bapon jopa xeinaeyo peajuntuyarusuwa, po peajuntuyarusuwa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan taneantobexae bapon xeinaena peajuntuyarusuwa, po peajuntuyarusuwa ataya tsiteca xua Nacom pia nacua beicha”, jei Jesús.

Meje yabara poxonaē Jesús yabara paeba xua pocotsiwan peyabara cui matomatsiwa
(Mr 9.41)

⁴⁰ Equeicha Jesús namchi: “Pon xua paca matenta weyatane pia tana neyabara jume taenexa tsane pocotsiwa papaebiname, barapara bapon yawa neweyataneru. Barapon pon xua neweyatane, barapara matautano weyataenaru xua weyatainchi pon xua tana neitorobixae, bapon Nacom.

⁴¹ Pon cueicueijeji Nacom pia peitorobi jume diwesi, Nacom bapontha catsina pia peyabara cui matomatsiwa tsipei barapon pon barapo peitorobi jume pepaebin Nacom tanacuitatsi. Po peyabara cui matomatsiwa catatsi pon Nacom peitorobi jume pepaebin Nacom barichi tsane jupa catsina pontha pon matenta weyatane, xua matenta weyatainchi pon Nacom pia peitorobi jume pepaebin. Matauta iru pon xua pejuntu coyene xeicaein bapontha Nacom catsina peyabara cui matomatsiwa tsipei bapon xanepanaya popona Nacom nexa. Nacom barichi tsane jupa catsina pontha pon matenta weyatane xua matenta weyatainchi pon pejuntu coyene xeicaein.

⁴² Pon xua apatsina tajiwimonaē jiwana pintha bequein jopa matowa apatsiyo mera xua bequein cae corotiyo xua ameneque, daichitha Nacom bapontha catsina pia peyabara cui matomatsiwa tsipei bapon tajiwimonaē jiwanaēpin yawenatsi”, jei Jesús.

11

Meje yabara poxonaē Juan pon jiwi Pebautisabin itoroba pijimonaē Jesús beya, peyainyabinexa tsainchi Jesús
(Lc 7.18-35)

¹ Jesús najume weta xua pijimonaē muxuwetsiya cuiduba, po jiwimonaē tatsi xua doce poyobe tatsi. Bapoxonaē Jesús bara weya natsixitaba xua tomarantha peponaenexa po tomaran ena barapo nacuaetha xua jiwitha pecuidubinexa Nacom pia pexeinya jume diwesi tatsi.

² Juan pon jiwi Pebautisabin, bapon jiwi pecubi botha etatsi. Poxonaē cataunxuae jiwi pecubi botha eca, bapon jume tane xua juinya Cristo exana. Bapoxonaē Juan itorobabe Jesús beya ponbe pia pepuna jinompaewichi jiwanaē tatsibe xua petayainyabinexatsibe Jesús beya.

³ Barapomonaē Jesús yainyabatsi xua Juan najume caruta, xua jei:

—¿Metha bara xaniwaicha xam baponda, pon bewa patopaena pon Mesías? ¿Ichacuitha metha bara ichan pawnae ewatan jampa? jei baraponbe xua Juan najume caruta.

⁴ Jesús jume nota baraponbe, jeye: “Papondebe, matauta Juan patsipaebarebe xuaunxuae pocotsiwa pana necui tanemebe, matautano xuaunxuae pocotsiwa pana nejume tanemebeno.

⁵ Matautano patsipaebarebe xua pomonaē peitata nacutsi jiwi equeicha tane, matauta xua pomonaē pejayuyajujeiwi beta pona equeicha, matautano xua pomonaē peperu sawichimonaē equeicha peru wnae, matauta pomonaē xua pemuxusipanaewi equeicha

muxu nasaba, matauta pomonae xua pewerapaewi equeicha asu tsane. Matauta pomonae xua peacopeibi jiwi jume tane Nacom pia pexeinya pecapanenebiyae diwesi jume.

⁶ Patsipaebarebe Juan xua xan janje: 'Juntu coyene weiweinaena pon jopa ainya unthathanyo, pon xaniwaicha neyabara jume cowanta', xua jan', jei Jesús.

⁷ Poxonae Juan pia penacana jume caitorobinbe tatsi ponatababe, bapoxonae Jesús tamropata pitaba xua yabara paeba jiwitha xua Juan yabara paebatsi, jeye: "Ira xuepana susato tsurucuae nacuatha paponame. Poxonae bara beya poponame, zeta xua painyatsi, painya jume taetsi pebin pon ainya unthathato cui xeina icha be naepanaewa ichi xua saya joibo ba jubabiya caya tsaibi? Jume apara.

⁸ Bara paichim. Paponame zepainya nejumetaenexa pebin pon peitapanae paparuwa nama xatata? Jume apara. Payaputaneme pomonae peitapanae paparuwan nama xataba, barapomonae ba jinompa pexeinya bontha pomonae jiwi itorobiya pia pepa peewatsiwixae.

⁹ Jume. Jopa baxua patsiponaem xua jopa painya jume taenexa pebin pon ainya unthathato cui xeina, matautano xua jopa painya jume taenexa pebin pon peitapanae paparuwa nama xatata. Apra jame baxua patsiponame xua painya nejume taenexa pon Nacom peitorobi jume pepaebin. Bapon Juan bichocono peainya cuin pon Nacom pia peitorobi jume pepaebiwi jiwana pin beyacaincha ichan pon Nacom peitorobi jume pepaebin.

¹⁰ Juan bapon apra, pon yabara paebatsi Nacom Pejume Diwesitha poxonae Nacom netsipaeba, nejei:

'Catsiwanae itorobinchi copiya pon tana nacajume carutsin.

Barapon juntu cui wanaetsina jiwi xua daxita jiwi najuntu cui wanaetsina xam nexa, xua necantenta weyataeya wabinexa poxonae patopaename', nejei Nacom Pejume Diwesitha.

¹¹ Bara xaniyeya paca tsipaebatsi xua daxita Nacom peitorobi jume pepaebiwi pomonae Juan tsiwanaya jinompatsi bayatha, dapocotsin aibi barapomonae jiwana pon yatsicaewa peainya cuin beyacaincha pon Juan, pon jiwi Pebautisabin. Juan peainya cui diwesi yabara cueicueijeji po coyene xua Nacom itorobina jiwi. Ichitha po diwesi xua tamonae anoxuae paeba barapo diwesi bichocono ainya cui diwesi beyacaincha xua Juan cueicueijeji, bequein jiwi nanta xeina xua tamonae jopa ainya cui jiwi.

¹² "Juan pon jiwi Pebautisabin, poxonae bapon tamropata pitaba xua cueicueijeji Nacom Pejume Diwesi xua beya anoxuae pin bicheitomonae nejume cowanta pia penaexanaenexa Nacom piamonae tatsi. Barapomonae pichichi xua penaexanaewa Nacom piamonae tatsi pomonae Nacom itorobiya peewatsixae bequein ichamonae ayapube taexana barapomonaetha.

¹³ Daxita po petinae diwesi Nacom peitorobi jume pepaebiwi tina iruru Moisés pia peitorobi coyenewa tatsi barapo naxobe peitorobi coyenewathabe yabara tsiwanae muxu dutsiya paeba. Barapo peitorobi coyenewabe yabara paeba xua bexa tsane jopana matacabi po mataqueitha xua Nacom juntu coyene itorobiya canamataxeinaena jiwi. Matapainya Juan patopa. Bapoxonae iru Nacom tamropata pitaba xua exana pocotsiwa bayatha yabara tsiwanae muxu duta.

¹⁴ Icha paxam xaniwaicha paichichipame xua payabara jume cowantame xua pocotsiwa barapomonae bayatha yabara paeba, bapoxonae bara panejume cowantsiname xua paban, xua jan: 'Apra Juan bapon Elías pon caena bayatha tupa. Barapon apra pon Nacom peitorobi jume pepaebin, pon bayatha Nacom yabara paeba xua bepa pinae equeicha patopaena', jan.

¹⁵ Icha pamuxu dubename moya pana nejume naitaeware pocotsiwa tapaca tsipaebi-watsi.

¹⁶ "¿Eta pocotsimonae cui jupatsi barapomonae pomonae xote jinompe pomonae Nacom jume itawetatsi? ¿Etabe juta ichi barapomonae? Barapomonae be pexui, pocotsixi panatha nabaru jinompa. Nabaru wawai tsurubenanaebiya.

¹⁷ Barapoxi nabarai, jeye: 'Bayatha oibo paca tsimuxu obatsiba ichitha jopa panawirabim. Bayatha paca tsimuxu wecoyeichiba icha be ichi poxonae ichan tatupatsi ichitha jopa pana itanuwe jume notsim xua painya newecoyeinexaru', jei barapoxi.

¹⁸ Juan patopa pon jiwi Pebautisabin. Bapon jopa xaeyo pan, yawa jopa apaeyo vino mera. Ichitha paxam pajam: 'Apra Juan xeina cauri', pajam.

¹⁹ Bapoxonae xan ponxaein Nacom Tananeitapetsin patopan. Xan pan taxaein yawa vino mera taapaein. Paxam pana neyabara paebame pajam: 'Bapon maisa jopa juniya nabanaeyo, yawa jopa juniya apaeyo. Peatsacaewi abe peexanae jiwi pia jiton tatsi,

irū pomonae paratixi pentoma noteibiwi, barapomonae pia jiton tatsi', pana neyabara jam. Nacom piamonae tatsi barapomonae tsita exana xua jiwi tsita exanatsi Nacom pia peyaputae coyeneintha tatsi. Po coyene barapomonae exana, baxua Nacom tsita pexainyei coyenetsi", jei Jesús.

Meje yabara poxonae Jesús yabara paeba po tomaranpiwi jopa pejume cowuntsiwichi (Lc 10.13-15)

²⁰ Nexata Jesús tamropata pitaba xua biatane ainya tomaranpiwi, ichaxota bayatha copiya matha matowa exana pia petsita itutsi coyenewan. Bequein Jesús baxua matowa exana, ichitha barapomonae jopa icha juntu coyene xeinaeyo xua peauraxae xua abe exana.

²¹ Daxota barapo tomaranpiwi beya, jeye: "¡Pai jaibo, Corazín tomarapiwi tsobenae! ¡iru Betsaida tomarapiwi tsobenae! Po tsita itutsi coyenewan exanan Corazín tomaratha irū Betsaida tomarathano, ichun jopa bapana exanaeyo barapo tsita itutsi coyenewan Tiro tomaratha yawa Sidón tomaratha. Icha barapo tsita itutsi coyenewan exanaetsipa Tiro tomaratha Sidón tomarathano, barapo tomarabepiwi icha penanta xeinae coyenewatha yabara nanta pentsipa Nacomtha. Barapomonae iratha tomaratsipa yawa paparuwan nama xatabichipa xua pocotsiwa be peru mapaton xua axun, yawa ipuna nacaxuebichipa pia pepontha. Barapomonae baxua exanaetsipa xua ichamonae petsita itapeinya xeinaewa tsainchi xua icha juntu coyenein Nacom petsita xeinaewatsi peauraxae abe peexanaexae bapontha.

²² Paxam pomonae Corazín tomarapiwi pam irū Betsaida tomarapiwi pam, bara xaniyeya paca tsipaebatsi. Poxonae barapo matacabi patopeicaena po mataqueitha Nacom yabara paebina daxita jiwi petsita natsicuentaetsi abe petsita exanaetsi, Tiro tomarapiwi irū Sidón tomarapiwi daxita barapo tomarabepiwi bichocono peraxa jubebinchi. Ichitha nama paxam pomonae Corazín tomarapiwi pam, iruru Betsaida tomarapiwi pamdu, daxita paxam jopa juniya paca peraxa jubebi tsane, beyacaincha xua peraxa jubebinchi Tiro tomarapiwi irū Sidón tomarapiwi.

²³ ¡Incane irū Capernaum tomarapiwi pamdu! ¿Bara pana nanta xeiname xua paca capanenebiya tsane peitaboco beicha? Jume, apara paca itorobina petupae coyene cuiru bereca. Po petsita itutsi coyenewan painya tomaratha exanan icha bayatha barapo petsita itutsi coyenewan exanaetsipa Sodoma tomaratha, bara cataunxuae barapo tomara ecaetsipa, xua beya anoxuae tsipae. Tsipei barapomonae metha bayatha xeinaetsipa icha juntu coyene xua peauraxae xua abe exana Nacomtha. Metha bapoxonae Nacom jopa jutebichipae barapo tomarapiwi.

²⁴ Ichitha paca tsipaebatsi paxam Capernaum tomarapiwi pam, matacabi patopeicaena po mataqueitha Nacom yabara paebina daxita jiwi petsita natsicuentaetsi abe petsita exanaetsi. Barapo mataqueitha bichocono paca peraxa jubebina, beyacaincha xua Sodoma tomarapiwi peraxa jubebinchi bichocono", jei Jesús.

Meje yabara poxonae Jesús waba jiwi: "Anetha xan berena tapaca yawenaewa tsainchi", jei

(Lc 10.21-22)

²⁵ Bara caena bapoxonae Jesús juntu coyene weiweina exanatsi Nacom pia Pejumope tunaxu tatsi. Jesús namchi, jeye: "Axa peitaboco Necanamataxeinaem, yawa ira Necanamataxeinaem. Wuna cajaintatsi tsipei jopa tsita itubim pocotsiwa pexainyei coyenewa xan yabara pomonaetha pomonae bichocono penacuidubiwi pomonae be pinyon penatsicotaewi tsipei nanta xeina xua bichocono peyaputaewi daxita. Jame tsita itutame barapo pexainyei coyenewa xua xan yabara pomonaetha pomonae jopa bichocono penacuidubiwi, pomonae be pexui penatsicotaewi tsipei jopa nanta xeinaeyo xua bichocono peyaputae jiwi daxita.

²⁶ Axa, baxua exaname necatsita xanepanaexae baxua", jei Jesús Paxatha.

²⁷ Equeicha Jesús namchi pijimonaetha, jeye: "Taxa daxita necata xua pia peitorobi coyenewa tatsi, matautano xua pia peyaputae coyenewa tatsi. Dapon aibi pon xaniwaicha nejuntu cui coyene yaputane. Jame saya meisa Taxa Nacom, nejuntu cui coyene yaputane. Dapon aibi pon Taxa juntu cui coyene yaputainchi. Saya jame meisa Taxaxae juntu cui coyene yaputan. Matautano barichi Taxa meisa juntu coyene yaputainchi pon saya bara copatan xua bara Taxa pejuntu cui coyene yaputaewa tsainchi.

²⁸ Anetha xan berena daxita paxam xua tapaca yawenaewa tsainchi. Daxita paxam xua pocotsiwa paca juntu coyene natsepa exana painya abe neexanae cuiru coyene baxua paca juntu cui coyene canapuxanaeya yabara junteinaeinchi xua painya nenaffinacae-watsinexa. Equeicha pena juntu coyene paca cana exanaeinchi, xua painya nejuntu coyene weiweinaeya jinompaewa tsane.

²⁹ Pana necui coyene xeinare tacuidubi coyene painya nenacuidubinexam tsane yawa painya neyawenaenexa tsane xua painya necuidubiwa tsane ichamonae. Baxuan paexande tsipei xan jopa bapana juntu cui coyene anaepanaeya tacuidubin jiwi. Matauta bapana jopa tajuntu cui coyene atsacaein. Matautano jopa pajuntu coyene dei-deijeya jinompaem tsane. Saya jame xanepanaeya painompaename tsipei paexanaename tacuidubi cui coyenein.

³⁰ Barapo tacuidubi cui coyenewan jopa ayapubeyo painya juntu cui coyenetha. Bara paca itacupa xua painya neexanaewa tsane barapo tacuidubi cui coyenewan”, jei Jesús.

12

Meje yabara poxonae Jesús pijimonaе tatsi yaboto nota trigo xu judiomonaе barompaya pia pentaquei seicaе mataqueitha tatsi

(Mr 2.23-28; Lc 6.1-5)

¹ Caentacabi poxonaе judiomonaе barompaya pia pentaquei seicaе maticabitha tatsi barapo mataqueitha Jesús iru pijimonaе tatsino pabi iyiya. Jesús pijimonaе tatsi jainpa. Barapomonaе tamropata notaracupa xua yaboto xunumenapona trigo xu, bapoxonaе pecobetha xu mata pepeta yawa xu xane.

² Poxonaе fariseomonaе cui tane xua Jesús pijimonaе tatsi exana, bapoxonaе barapomonaе Jesús tsipaebatsi, jeye:

—Jamaisa jinya jiwimonaе nacuita barapo maticabithe poxonaе yaboto nota trigo xu. Aparajiji jopa yabara copatichi xua penacuichiwa po mataqueithe xua judiomonaе barompaya pia pentaquei seicaе maticabi tatsi, jei fariseomonaе.

³ Jesús jume nota, jeye:

—Barapo tajiwimonaе jopa apara abe exanaeyo. Jopa payabara yorobim pocotsiwa bayatha David exana poxonaе jainpa, poxonaе iru pijimonaе tajainpatsiru. Bapon David, pon caena bayatha israelmonaе itorobiya pia pepa Peewatsinchi.

⁴ Bapon David iru pijimonaе tatsi barapomonaе Nacom pin pia botha tatsi jojoniya. David xane pan, po pan ichamonae cana exana xua Nacomtha pecatsiwatsi. Iru barapo pan David pijimonaе cata xua pexaenexaru. Barapomonaе xane bequein bara Nacom pia peitorobi coyenewatha copata xua saya meisa sacerdotemonaе itacupatsi xua pexaewa tsane barapo pan.

⁵ Matautano bequein payabara yorobame Moisés pia peitorobi coyenewatha ichaxota jei: ‘Sacerdotemonaepiwi nacuita judiomonaе barompaya pia pentaquei seicaе maticabitha tatsi poxonaе Nacom pin pia botha tatsi duwei tauta xua petuxusi exanaenexa Nacom nexa’, jei. Aparabarapo coyene jopa peabe coyenewiyo. Jiwi bara copata. Jopa cui matawentsiyo bequein bara barapo judiomonaе barompaya pia pentaquei seicaе maticabitha tatsi exana taetha.

⁶ Ichitha paca tsipaebatsi xua nama taayapusu itorobi coyenewa ainya cui beyacaincha Moisés pia peitorobi coyenewan tatsi, xuano beyacaincha barapo coyene po coyene poxonaе Nacom pin pia botha exana.

⁷ Paxam jopa xanepanaeya payaputaem xua Nacom jei pejume diwesitha: ‘Ichichipan xua painya nexainaewa tsane nantanuweya peyabara nanta xeiinae unthuto xua ichamonae painya neyawenaewa tsane. Baxua jame bichocono ichichipan beyacaincha xua duwei petautsiwa xua petuxusi exanaewa xan nexa’, jei Nacom Pejume Diwesitha. Icha bayatha payaputaetsipame pocotsiwa Nacom Pejume Diwesitha paeba, bapoxonaе barapo tamonaе jopa abe payabara paebimchipae pomonaе bequein bara jopa abe exanaeyo.

⁸ Xan poxaein Nacom Tananeitapetsixae taitorobi coyene xeinan xua jiwi tacoya taitorobiwa pentaquei seicaе maticabitha, jei Jesús, fariseomonaetha.

Meje yabara poxonaе Jesús cobe wunaе exana pon pecobe mabinchi

(Mr 3.1-6; Lc 6.6-11)

⁹ Poxonaе Jesús najume weta xua fariseomonaе tsipaebatsi, bapoxonaе Jesús bara weya natsixitabiya ponataba trigo pabi weya. Bapoxonaе pona judiomonaе pia penacaetutsi bo tatsi beya, bapoxonaeno joniya barapo botha.

¹⁰ Barapo botha pebin eca pon pecobe mabinchi. Baxotaru fariseomonaе ena. Barapo fariseomonaе ichipa piraichi Jesús yainyabatsi xua icha Jesús jume notsina icha jumetha xua bapoxonaе Jesús pecui yabara paebinxatsi jiwitha xua Jesús abe exana. Barapo fariseomonaе Jesús jeichichi:

—¿Bara Moisés pia peitorobi coyene jumewatha yabara copata jampa xua pon atene bara axaibi peexanaewatsi pentaquei seicaе mataqueitha jampa? jei.

¹¹ Jesús jume nota, jeye:

—¿Jintam metha pon paxam jiwana, pon xeina cae oveja, xua poxonaе jopa jutsipae icha barapo oveja mathutha tajoparecatsi? Aparа bara awiya jutsipa pia ovejaxae bara bequein pentaquei seicaе matacabi taetha.

¹² Nama apara bichocono jiwi yabara Nacom tsita ainya cuichi beyacaincha xua oveja yabara Nacom tsita ainya cuichi. Daxota Nacom copata xua bara jiwi pexanepanae coyene exaneibina, bara bequein xua poxonaе pentaquei seicaе matacabintha taetha, jei Jesús fariseomonaetha.

¹³ Nexata Jesús barai pontha pon pecobe mubinchi jeye:

—Nacobe doire, jei.

Poxonaе bapon nacobe doita, bapoxonaе nainya cobe wunaе tsanaya icha icha cobe ichi.

¹⁴ Bapoxonaе fariseomonaе Jesús weya ponarucupa xua Jesús pecui yabara paebinxatsi xua po cui coyenewatha Jesús pebexubiwa tsainchi.

Meje yabara xua Jesús peyabara tsiwunaе cui paebiwatsi

¹⁵ Poxonaе Jesús yaputane xua yabara cui paebatsi xua abe exana matautano xua bexubapaebatsi, bapoxonaе Jesús bara weya ponataba. Matautano Jesús pinmonaeno puna poinchi. Jesús axaibi exana ducuaenaеbiya daxita pomonaе peatenewi.

¹⁶ Matauta Jesús barapomonaetha itoroba, jei: “Jopa baxua ichamonaetha pana necui yopichinde xua jiwi axaibi taexanaewa”, jei Jesús.

¹⁷ Jesús itoroba pomonaе xua axaibi peexanaeаe xua jopa peyabara cueicueijeinexa tsainchi ichamonaetha. Baxua exana xua penayabara jume cui wetsinexa xua Isaías pejume diwesitha bayatha yabara tsiwunaeya tina Nacom nexa pon Nacom peitorobi jume pepaеbin. Nacom jeye, Jesús yabara:

¹⁸ “Bapon apara pon inta nacuita, pon itapetan, pon bichocono antobein yawa xua nejuntа coyene weiweina exana pon.

Taitorobicaein tajumope tanaхn xua bapon peyantsiwa tsainchi.

Bapon daxita nacuanpiwitha capona exanaena tapexeinya jume diwesi pomonaetha pomonaе jopa judiomonaе naexanaeyo.

Barapon barapo pexeinya jume diwesi caponaena, xua pejume cowantsinexa tsane pomonaе poxonaе jume taibina barapo pexeinya jume diwesi xua bapoxonaе barapomonaе tayabara juntemainaenexa abe pia peexanaе cuiru coyenein tatsi.

¹⁹ Matauta bapon jopa jume matsontsonobeibi tsane. Bapon jopa namtsebiya wawai tsaibi tsane namtotha xua jiwi bapon pejume taenexa tsaibi tsainchi, xua bapon pejume naitawatsinexa tsaibi tsainchi.

²⁰ Pomonaе jopa peajuntаcoyenesawi xua tana nejume cowantsiwa, bapon jopa bebai tsaibi tsane. Barapomonaе capanenebiya tsainchi.

Matautano pijimonaе tatsi poxonaе juntа coyene faefaenena, jopa anaya jutebi tsane.

Bara bapon yawenaena barapomonaе.

Bapon baxua exanaena xua pijimonaе yayawenaponaena beya tsane xua cui amanayabina pia peaitafaetabi jiwichi.

²¹ Matauta daxita nacuanpiwi jiwanaмonaе pomonaе jopa judiomonaе naexanaeyo barapomonaе bapon wunaе ewatatsi xua bara bapon barapomonaе pecapanenebiwa tsainchi Nacom beicha”, jei Nacom Jesús yabara Isaías pejume diwesitha.

Meje yabara poxonaе Jesús baraichi xua pinaе xeina Beelzebú pia peayapusu itorobi coyenewa tatsi

(Mr 3.20-30; Lc 11.14-23; 12.10)

²² Bapoxonaе jiwi Jesús tacapatatsi pebin pon muxusipana exainchi cauri, matautano xua itata nacuta exainchino. Bapon Jesús axaibi exana. Bapoxonaе pebin muxu nasaba, beta necota, matautano paebano.

²³ Daxita pomonae cui tane baxua, pocotsiwa Jesús exana, daxita barapomonae yabara najũntũ coyene benaecaeya najei: “Jina, ¿bapon apara David pia pemomoxi susato jiwi jiwana pin tatsi jampa, pon Nacom yabara wũnae tsiwũnaeya paeba xua pinae patopeicaena jampa?” jei.

²⁴ Poxonae baxua fariseomonae jume tane, jeye: “Bapon caurimonae itawetatsi apara pexeinaexae Beelzebú pia peayapusũ itorobi coyenewa tatsi pon caurimonae pia pe ntacaponaein tatsi”, jei fariseomonae.

²⁵ Jesús yaputane xua fariseomonae nanta xeina poxonae natsipaeba baxua, daxota jei fariseomonaetha: “Icha cae nacuapiwi nawepu tsatabe mataũta nababe, bapoxonae jopa xaexaenaecaeyo. Mataũta irũũ icha cae tomarapiwi nababe, bapoxonae jopa xapain jinompaeo barapo tomarapiwi. Mataũta irũũ icha cae bo matabũxũyomonaebe nababe, yawa nawepu tsatajopabe bapoxonae jopa xaexaenaecaeyo.

²⁶ Barichi icha Satanás pijimonae tatsi nawepu tsatajopabe, mataũtano nababe, bapoxonae jopa xaexaenaecaeyo. Satanás jopa itacũpaetsi xua itoroba pijimonae, tsipei amsiya exana.

²⁷ Paxam pana neyabara jam: ‘Apara bapon itaweta cauri tsipei bapon xeina Beelzebú pia peayapusũ itorobi coyenewa tatsi, pon Beelzebú caurimonae pia pentacaponaein tatsi’, pana neyabara jam. Icha baxua bara xainyei, ¿nexata eta po peayapusũ itorobi coyeneya tatsi painyamonae itaweta cauri? ¿Irũũ barapomonae itaweta cauri Beelzebú pia peayapusũ itorobi coyenewatha tatsi? Daxota painyamonae paca yaputane xua apara paxam panaerabame.

²⁸ Ichitha nama xan cauri itawetan Nacom pia pejumope tũnaxũ tatsi pia peayapusũ itorobi coyenewatha tatsi, xua barapo pejumope tũnaxũ tana necatsixae pia peayapusũ itorobi coyenewa. Baxua apara paca tsipaebatsi painya neyaputaenexa xua painya xantha patopan ponxaein Nacom Tananeitapetsin.

²⁹ ‘Dapon aibi pon itacũpatsi xua botha joniya po botha pon bichocono maxũ daunwei pia ho tatsi xua daxita penotsiwa tsane pocotsiwa bapon xeina pon maxũ daunwei, icha jopa copiya matha maxũ cũtanotsiyo. Barapocotsi jũta coyeneya ichin. Xan cui amanayaban Satanás daxota neitacũpa xua torotsiya itawetan bapon pijimonae tatsi pomonae caurimonae.

³⁰ ‘Pomonae jopa neyawenaeyo, barapomonae apara inta abe exana. Barapomonae exana xua ichamonae jopa tana nejume cowũntsiwa tsane. Barapomonae jopa yawenaeyo xua ichamonae nenacaetutsina tajiwiwomonaexae tsane.

³¹ ‘Daxota paca tsipaebatsi xua pocotsiwa jiwi abe peexanae cuiru coyenein exana mataũtano pocotsiwa xua jiwi abe paeba, barapo coyene Nacom itacũpatsi xua yabara jũntemainaena daxita barapo coyenein. Pon abe yabara paeba Nacom pia Pejumope tũnaxũ tatsi Nacom bapana jopa yabara jũntemainaena tsane xua bapon paeba.

³² Mataũtano xan ponxaein Nacom Tananeitapetsin pon abe neyabara paeba Nacom itacũpatsi xua bapon peyabara jũntemainaewatsi pocotsiwa bapon abe neyabara paeba. Ichitha pon nama bichocono abe yabara paeba Nacom pia Pejumope tũnaxũ tatsi, Nacom jopa bapana yabara jũntemainaena tsane bapon, anoxuae mataũtano xua bexa tsane”, jei Jesús.

Meje yabara poxonae Jesús yabara cuiduba xua pinae jiwi yaputane nae penacoichixae (Lc 6.43-45)

³³ Equeicha Jesús jeye: “Icha nae po nae pexeinya nae bara nacoita po pethei pexeinya thei. Icha nae po nae peabe nae bara nacoita po pethei camatsa thei. Jiwi ba nae yaputane tsipei po nae penacoichixae.

³⁴ ¡Paxam pomonae bichocono abe peexanaewi pam! Icha jomomonae ichi xua abe exana jiwitha bara paichim, abe paexaname jiwitha. Paxam jopa paca itacũpaeyo xua xanepanaeya painya nepaebiwa, tsipei pocotsiwa painya coibotha papaebame barapara baxua painya jũntũ coyenetha pacayabara nanta xeiname.

³⁵ Pon ba pejuũntũ coyene xanepanaein bapon ba xua xanepana paeba, tsipei ba pejuũntũ coyene xeicaein. Pon ba peajuũntũcoyenebein bapon ba xua abe paeba tsipei ba peajuũntũcoyenebein.

³⁶ Ichitha paca tsipaebatsi xua matabi patopeicaena po mataqueitha Nacom yabara paebina daxita jiwi penatsicuentsiwa abe peexanaexae bapontha. Barapo matabitha daxita jiwi bewa atene tsane pepaebixae po jumein jopa xanepanaeyo.

³⁷ Poxonae Nacom yabara paebina daxita jiwi penatsicuentsiwa abe peexanaexae bapontha, Nacom tsanaya tsabina pia pepaebixae jumeintha tsane. Pomonae paxam xanepanaya papaebame ichamonaetha poxonae cataunxuae pajinompame po irathe, Nacom xuya paca yabara jei tsane: ‘Barapomonae bara jopa abe exanaeyo’, paca yabara

jei tsane. Paxam pomonae bayatha abe papaebame poxonae cataunxuae pajinompage po irathe Nacom xuya paca yabara jei tsane: 'Maisa barapomonae abe pepaebiwi', paca yabara jei tsane", jei Jesús.

Meje yabara poxonae pomonae peajuntucoyenebe jiwi Jesús cui itorobatsi xua peexanaewa tsane pexeinya petsita itutsi coyenewa
(Mr 8.12; Lc 11.29-32)

³⁸ Nexata fariseomonae jiwanamonae iruru pomonae jiwi pecuidubiwi Moisés pia peitorobi coyene tatsi jiwanamonae, daxita barapomonae Jesús cui itorobatsi, jeichichi:

—Pon jiwi Pecuidubim, paichichipan xua pata taewa tsane xua tapana netsita itutsiwam tsane cae jinya pexeinya netsita itutsi coyenewa pocotsiwa Nacom cacatsina pia peayapusu itorobi coyenewatha. Bapoxonae paca jume cowuntsinchi, jei.

³⁹ Daxita barapomonaetha Jesús barai, jeye:

—Pomonae peajuntucoyenebe jiwi iruru pomonae jopa tana nejume cowuntsi jiwi barapomonae necui itoroba xua taexanaewa cae coyenewa tapexeinya tsita itutsi coyenewa. Ichitha jopa tsita itutsin tsane icha tapexeinya tsita itutsi coyenewa. Saya meisa exanaein icha bayatha jata coyene cana ichichi Jonás pon Nacom peitorobi jume pepaebin, pon caena bayatha tupa.

⁴⁰ Nacom Jonás itorobatsi Nínive tomarapiwi beya petsipaebinexa Nacom Pejume Diwesi barapomonaetha. Jonás jopa baxua peexanaexae daxota Nacom exana xua Jonás quianaxorecatsi duwein pon pinyo. Bapon barapo pin duwein tsijuntutha eca acoibi po matacabiyoibe, matautano acoibi po merawiyobe, beya poxonae equeicha yacabaxotsi xua asu popona. Barichi tsane xan ponxaein Nacom Tananeitapetsin tupaein. Bapoxonae muthutha nebotsina acoibi po matacabiyoibe nexa tsane, matautano acoibi po merawiyobe nexa tsane, beya poxonae equeicha Nacom asu juina neexanaena.

⁴¹ Matacabi patopeicaena po matacabitha Nacom yabara paebina daxita jiwi peperaxa exanaenexatsi penatsicuentisixae abe peexanaexae. Barapo mataqueitha Nínive tomarapiwi pomonae caena bayatha jinompa barapomonae abeya paca yabara paebina poxonae umenaena Nacom peitabaratha. Baxua exanaena tsipei barapo Nínive tomarapiwi icha juntucoyene xeina Nacomtha peauraxae xua abe exana caena bayatha poxonae Jonás muxuwetsiya tsipaeba barapomonaetha Nacom pia pexeinya jume diwesi tatsi. Ichitha paxam jopa bara paichim, jopa icha juntucoyene paxeinaem. Nama apara xote uncuanje ponxaein taexanaein po coyenewa pepa peainya cui coyenewa xua tacaponaewa Nacom Pejume Diwesi daxita jiwitha. Bara pocotsi coyenewa toxeinchiya ainya cui coyenewa beyacaincha Jonás po cui coyene exana poxonae Nacom Pejume Diwesi capona Nínive tomarapiwitha.

⁴² Matauta barapo matacabitha tsane petsiriwa, powa caena bayatha tupa, bapowa asiya uncuaena Nacom peitabaratha tatsi. Barapowa pia nacuapiwayo, po nacua pocotsiwa parowa bereca taju bereca eca. Barapowa pia nacuapiwi tatsi itorobiya pia pepa peewatsiwayo. Barapowa yabara cueicuei jei tsane pomonae xua anoxuae jinompa poxonae uncuaena Nacom peitabaratha tatsi. Jei tsane bapowa: 'Maisa pomonae xua jinompa poxonae Mesías popona po irathe deque, barapomonae abe bichocono peexanaewi, tsipei ajuntucoyenefaetabiya jume tane pocotsiwa Mesías cuiduba bequein Mesías bichocono peyaputaein', jei tsane barapowa. Barapowa baxua paebina tsipei bapowa bayatha taju werena pona, pesiwa ponaenexatsi Salomón, pon caena bayatha Israel nacuapiwi itorobiya pia pepa peewatsinchi. Bapowa yaputane xua Salomón bichocono peyaputaein Nacom yabara. Daxota bapowa ichichipa xua pecuidubiwatsi xua Salomón pecuidubinexa Nacom yabara. Nama apara xote uncuanje ponxaein taexanaein pocotsiwa pepa peainya cui coyenewa xua tacuidubin Nacom yabara daxita jiwitha. Barapocotsi coyenewa toxeinchiya ainya cui coyenewa beyacaincha Salomón po cui coyene exana poxonae cuiduba Nacom yabara barapo petsiriwatha, jei Jesús.

Meje yabara poxonae Jesús yabara paeba cauri xua caewa nauyata pebintha
(Lc 11.24-26)

⁴³⁻⁴⁴ Equeicha Jesús jeye: "Poxonae pebin wepu poinchi cauri, bapoxonae cauri pona wexotha ichaxota ira tsewa pepoponaenexa tsane baxota. Ichitha poxonae jopa caxinaeyo xua ichaxota pepoponaenexa bapoxonae bapon nabarai: 'Tha caibeya ponaetsi pebin beya ichaxota bayatha wepu ponan', jei cauri. Poxonae caibeya pona cauri caxina, pebin caxinatsi xua xanepanaeya popona.

⁴⁵ Nexata equeicha cauri pona pebin weya. Pirapaeyo bapon baru patopa siete poyobe cauri pomonae bichocono abe beyacaincha bapon pon copiya. Daxita barapo caurimonae pebin puna jinompatsi. Anoxuae bapon nama yatsicaya bichocono abe cana exainchi beyacaincha poxonae copiya abe cana exainchi poxonae saya caein. Barichi tsane

caurimonaē abe cana exanaena pomonaetha pomonaē anoxuae jinompa, pomonaetha pomonaē peajnt̄scoyenebe jiwī, icha barapo caurimonaē ichi poxonae pebin abe cana exainchi”, jei Jesús.

Meje yabara xua Jesús pena tatsi irur̄u peyapin jiwī tatsino
(Mr 3.31-35; Lc 8.19-21)

⁴⁶ Jesús cataunxuae cueicueijeī tsuncuae poxonae beya ir̄u pena tatsi peyapin jiwī tatsino pata. Daxita barapomonaeyobe pesato beya umena bequein ichichipa Jesús baru cueicueijeichi canta pin bicheito.

⁴⁷ Ich̄an Jesús baraichi, jeye:

—Ena, irur̄u neyapin jiwino pesato beya umena. Bepara bequein cataei, necatsipae-binexa tsane, jei bapon.

⁴⁸ Ichitha Jesús jopa bara jume jejeyo, saya jame yainyaba bapontha, jeye:

—¿Jintam powa be taena natsicotanera? ¿Jintam pomonaē be tayapin jiwī natsicotanera? jei Jesús bapontha.

Baxua Jesús caunuta pia pecuidubinexa xua peyabara caunutsinexa pomonaē pia pepuna jinompaewichi.

⁴⁹ Nexata Jesús pijimonaē cowai yawa jei jiwitha:

—Pomonaē xua cowan apara barapomonaē be taena tsicotan matautano ir̄u be tayapin jiwī tsicotanno.

⁵⁰ Pomonaē xua exana pocotsiwa Taxa Nacom itoroba, pon peitabocotha peecaeinxae, barapomonaē be tayapin jiwī tsicotan, matautano ir̄u be tayapixi tsicotanno, matautano ir̄u be taena tsicotanno, jei Jesús.

13

Meje yabara poxonae Jesús cuiduba jiwī pecayabara j̄uta pepaebi diwesiyo xua pon peubin yabara

(Mr 4.1-9; Lc 8.4-8)

¹ Barapo mataqueitha caena Jesús bo weya pona, bapoxonaē pucua itapatha ecopa.

² Tsipei pin bicheito nacaetuta Jesustha daxota Jesús jeratha nontabiya yawa tsiwiyo nayana toroya bapoxonaē ecoundeca. Daxita barapo pin bicheito taetabo mene itapatha umena.

³ Jesús barapo pin bicheito cuiduba pecayabara j̄uta pepaebi diwemintha.

Cae diwesiyotha Jesús namchi, jeye: “Pebin pon peubin pontaba pia ubichi pabitha.

⁴ Poxonaē pon peubin ubauya, icha xu namtotha xu othopeica. Peyarupunaewi yapata yawa xu xane.

⁵ Icha xu, xu othopeica ibowantha ichaxota ira itafafana. Barapoxonaē barapo xu caena nainya xu xuwa tsipei jopa taju xu xuwarecaeyo.

⁶ Ichitha poxonae xometo atsa tsina bapoxonaē yaboto tsaquiwa yawa t̄pa tsipei jopa taju tab̄u opina xuwarecaeyo.

⁷ Icha xu, xu othopeica ichaxota pesoiwan xuwinaena. Barapo xu yaboto nanta capanaba poxoru yawa muxuna xuwina pesoiwan.

⁸ Icha xu, xu othopeica ichaxota ira w̄nae. Poxonaē barapo xu, xu xuwa, xu naw̄naeta. Icha xun, xu nanacoitapona cien po xu matab̄ux̄nyobe tsiniya. Icha xun, xu nanacoitapona sesenta po xu matab̄ux̄nyobe tsiniya. Icha xun, xu nanacoitapona treinta po xu matab̄ux̄nyobe tsiniya.

⁹ Icha pamuxu dubename, moya pana nejume naitaeware pocotsiwa tapaca tsipaebi-watsi”, jei Jesús.

Meje yabara poxonae Jesús namchi xua exua metha pecayabara j̄uta pepaebi diwesiyo yabara jane, jei

(Mr 4.10-12; Lc 8.9-10)

¹⁰ Nexata Jesús pijimonaē imoxoyo caquita umenar̄c̄patsi yawa yainyabatsi, jeichichi: —¿Eta xua metha jiwitha paebame pecayabara j̄uta pepaebi diwesin? jei Jesús pijimonaē tatsi.

¹¹ Jesús jume nota barapomonaetha, jeye: “Meisa paxam yatsicaewa Nacom yabara paca yaputane exana po pecuidubiwa xua moya peyaw̄n xeinaewa. Barapo moya peyaw̄n xeinaewa xua jiwī jopa peyaputaewa apara xua Nacom paca cana exana xua painya nepaca itac̄paewa xua painya nenaexanaewa Nacom piamonaē tatsi pam, pomonaē pamxaem Nacom itorobiya paca ewata. Ichitha jame ichamonaē pomonaē jopa nejume cowantsiyo jopa daichichi. Nacom jopa copatsiyo xua barapomonaē peyabara yaputaewa baxua. Daxota barapomonaē cuiduban pecayabara j̄uta pepaebi diwemintha xua Nacom peyabara yaputaenexatsi.

¹² Pon ba be conotha Nacom yabara yaputainchi, Nacom bapontha cana exanaena xua ichawa peyabara yaputaewa tsane beya poxona bapon equeicha bichocono Nacom pejume cowuntsiwa tsainchi. Pon ba jopa ichipaeyo xua Nacom peyabara yaputaewatsi, Nacom wepichina po coyene bapon yaputane xua beya daxota Nacom jopa pejume cowuntsiwa tsainchi.

¹³ Daxota jiwitha paeban pecayabara juta pepaebi diwesintha. Baxua paeban barapomonaetha xua bequein pia tana necui taibenaewatha tsane ichitha jopa pia tana necui yaputaibenaewatha tsane. Yawa xua bequein pia tana nejume taibenaewatha tsane ichitha jopa pia tana nejume copi taibenaewatha tsane.

¹⁴ Barapomona baxua exana bayatha petsiwunae cui yabara paebixaetsi, xua bayatha Isaías pon Nacom peitorobi jume pepaebin, petsiwunae cui yabara paebixae pejume diwesitha pocotsiwa barapomona poxona baxua exanaena. Isaías Mesías nexa jeye barapomonaetha:

‘Xaniwaicha pana nejume taename ichitha jopa bepayaaputaem tsane xua jopa painya tana nejume cowuntsinexam tsane. Pana necui taename ichitha xaniwaicha jopa bepayaaputaem tsane xua painya tana necui yabara jume cowuntsinexam tsane.

¹⁵ Paxam bichocono paainya unthutom, xua jopa painya tana neyaputaexae jiwim. Matautano jopa xanepanaeya pajume taem tsane, be pomona penamuxujematsi jiwi pam tsane. Panaichaquetsiname icha be pomona peitata nacatsi jiwi pam tsane.

Baxua paexanaename tsipei jopa bepainya tana nejume taewam tsane, xua jopa painya tana nejume cowuntsinexa tsane. Yawano matauta, baxua paexanaename tsipei jopa bepainya tana necui taewam tsane xua jopa painya tana nejume cowuntsinexam tsane. Matauta baxua paexanaename tsipei jopa bepainya tana neyaputaewam tsane painya itamaiqueitontha. Matautano jopa painya neauraxae xua abe paexaname daxota jopa paca juntu coyene xanepana exanaetsi’, jei Isaías barapomonaetha xua Mesías nexa”, jei Jesús.

¹⁶ Nexata Jesús pijimonaetha jeye: “Paxam pajuntu coyene weiweiname tsipei poxona pana necui taneme pocotsiwa exanan baroxona pana necui yaputaneme. Matautano pajuntu coyene weiweiname tsipei poxona pana nejume taneme pocotsiwa paeban baroxona pana nejume cowuntame.

¹⁷ Xaniwaicha paca tsipaebatsi pin bicheitomona, pomona Nacom peitorobi jume pepaebiwi, matautano iruru pomona pejuntu coyene xeica jwi, pomona caena bayatha jinompa barapomona newunae ewata xua tapatopaeicaewa. Daxita barapomona bequein bichocono betaena pocotsiwa pana necui taneme, daichitha jopa baxua taeyo. Matautano bequein bejume taena pocotsiwa pana nejume taneme daichitha baxuan jopa nejume taeyo”, jei Jesús.

Meje yabara poxona Jesús pijimona muxu yaputane exana po diwesi xua pecayabara juta pepaebi diwesiyo pon peubin yabara (Mr 4.13-20; Lc 8.11-15)

¹⁸ Equeicha Jesús jeye: “Pajume taema xua paca tsipaebatsi pecayabara juta pepaebi diwesiyo xua pon peubin yabara:

¹⁹ Pomona bequein jume tane po pecuidubi coyenewa xua Nacom tamropata pitaba xua ewatsiya itoroba jwi, barapomona daichitha jopa yaputaeyo barapo coyenewa. Daxota barapomona jopa xanepanaya exanaeyo icha be pocotsi juta coyeneya ichi xua pexuton xua po xuton namto othopeica. Bara juta coyeneya cana ichichi pomona jopa yaputaeyo tacuidubiwa. Caurimona pia pentacaponaein tatsi barapomona omeicha bara juntu coyene weichichi tacuidubi coyenewa daxota barapomona jopa nejume cowuntsiyo.

²⁰⁻²¹ Po xuton xua xu othopa ibowantha, barapo xuton yabara caunuta po jwi xanepanaya jume tane Nacom Pejume Diwesi xuanu juntu coyene weiweinaya Nacom

jume cowantatsi. Ichitha bara caeto jume cowanta poxoru barapomona antaetaetabiya jume jeba Nacom pejume diwesi pejuntũ coyeneintha. Poxonae yaitama barapomonae bichocono peatenexae, matautano poxonae barapomona yaitama abe petaxanaexaetsi ichamona xua pejume cowantsixae Nacom, bapoxonae caurimona abe exana barapomonaetha xua barapomona juntu coyene wejuntemaina exanatsi xua Nacom pecayabara juntemainaewatsi.

²² Po xuton xua xu othopa pesoiwantha, barapo xuton caunuta xua pomona Nacom Pejume Diwesi jume tane ichitha saya barompaya pia juntu coyenetha jinompa. Matautano saya u copei cayabara nanta xeina. Matautano saya exana pocotsiwa juntu coyene weiweina cana exainchi. Po coyene pebiwi exana baxuan barapocotsi juta coyene exana icha ichi xua po xuton be pesoiwantha xu othopiya. Barapo xuton jopa thei dubenaeyo. Barapocotsi juta coyeneya ichi barapo jiwi. Jopa xanepanaya Nacom tsita jinompaetsi.

²³ Po xuton xua xu othopeica peira wunaewatha, bara nacoita. Barapo xuton yabara caunuta pomona jume tane Nacom Pejume Diwesi, matautano jume cowantano poxoru juntu coyene xanepanaeya jume tane. Matautano beta exana dubenanaebiya beya mata-painya jiwi cui tane xua barapomona bara juntu coyene xanepana Nacom peitabaratha tatsi. Bapoxonae ichamona barapomona jiwana beta yawena ichamonaetha icha barapo xuto ichi xua cien po xu matabaxnyobe tsiniya tsoponae. Matautano ichamona barapomona jiwana beta yawena ichamonaetha icha barapo xuto ichi xua sesenta po xu matabaxnyobe tsiniya tsoponae xua jume cowanta. Matautano ichamona barapomona jiwana beta yawena ichamonaetha icha barapo xuto ichi xua treinta po xu matabaxnyobe tsiniya tsoponae”, jei Jesús.

Meje yabara poxonae Jesús cuiduba pecayabara juto pepaebi diwesiyo xua trigo xu yabara xua irũ baxoyo xuwina ayabo xu

²⁴ Bapoxonae Jesús equeicha cuiduba jiwi icha pecayabara juta pepaebi diwesiyo, jeye: “Yabara paca tsipaebatsi po coyene xua Nacom exanaena pon jiwi ewatsiya peitorobix-aetsi. Bapon yabara paebina daxita jiwi penatsicuentisixae abe peexanaexae. Barapo coyenewa jupa, icha be pocotsi coyeneya juta ichi poxonae pebin ba ubarona pabitha peubi xuton po peubi xuton pexeinya xuton.

²⁵ Ichitha poxonae cataunxuae jiwi maitumena, bapoxonae pon pabi pexeinaein pia peitaetaetabi jitonsti tapatopatsi pia pabitha tatsi. Bapoxonae bapon ayabo xu taubarecatsi ichaxoyo ubareca po pexu pexeinya xu. Poxonae nacobe weta xua uba ayabo xu, bapoxonae napitabiya ponataba.

²⁶ Poxonae trigo xu yaothopa bapoxonae irũ ayabo xuwina.

²⁷ Bapoxonae pon pabi pexeinaein baraichi pomona pia petanacuichixaetsi: ‘Pata Tanecanamataxeinaem, icha bara metha ubame po xu pexeinya xu, ¿nexata eta werena metha ayabo pona xua xuwa?’ jei.

²⁸ Pon pabi pexeinaein jume nota pomona pia petanacuichiwiixaetsi jeye: ‘Apara baxua inta exana pon tana neitaetaetabi jiton’, jei. Bapoxonae bapon baraichi pomona pia petanacuichiwichi, jeye: ‘¿Ichichipame xua pata ponaewa tsane bara beya pata xunaenexa barapo ayabo?’ jei.

²⁹ Ichitha bapon jume nota jeye: ‘Bara tsane itompaena tsipei icha barapo ayabo paxunaetsipame payawa xunaetsipame trigo xu.

³⁰ Bara saya yawa umenaena barapo ayabo beya abu poxonae yawa nawetsina trigo xu. Tha nexata bapoxonae itorobichi penacuichiwi xua copiya pexunaenexa barapo ayabo xua pepa cunton peexanaenexa, xua petautsinexa tsane, xua bapoxonae trigo xu pejebinexa tabotha xua trigo xu matabotha’, jei pon pabi pexeinaein”, jei Jesús.

Meje yabara poxonae Jesús cuiduba pecayabara juta pepaebi diwesiyo po peabi xutiyo pewun mostaza xutiyo

(Mr 4.30-32; Lc 13.18-19)

³¹⁻³² Equeicha Jesús jiwi cuiduba icha pecayabara juta pepaebi diwesiyo, jeye: “Nacom waba jiwi xua petanaexanaenexatsi pijimona tatsi, pomona itorobiya peewatsixae beya pinmonae tsoponae xua pomona jume cowantapona Nacom. Barapo coyene jupa icha be poxonae pebin ichi poxonae ubanota pabitha po peubi xuto tsica xutiyo. Barapo xuto xuwa beya pin nae tsoponae. Barapo nae pepinnaexae daxota siri pemaxranantha coton exana”, jei Jesús.

Meje yabara poxonae Jesús cuiduba pecayabara juta pepaebi diwesiyo xua levadura yabara xua pan cotowa exana

(Lc 13.20-21)

³³ Jesús equeicha cuiduba jiwi icha pecayabara juta pepaebi diwesiyo, jeye: “Poxonae Nacom waba jiwi petanaexanaenexatsi pijimonae jatsi pomonae itorobiya peewatsixae barapomonae pin bicheitomonae naenaexanapona. Barapo coyene bara juta ichi, icha levadura matawın ichi pocotsiwa cotowa exana poxonae pan exana. Petsiriwa tres po tsoropabe trigo xu beno muxuna cauwentaba levadura matawın pocotsiwa xua cotowa exana pan. Bapoxonae pentuba naexananaya cocotowapona tsipei levadura matawın muxunaxuba”, jei Jesús.

Meje yabara poxonae Jesús cuiduba jiwi pecayabara juta pepaebi diwesixitha (Mr 4.33-34)

³⁴ Jesús cuiduba jiwi daxita barapo coyenein xua xuan saya u pecayabara juta pepaebi diwesixitha. Jesús jopa cuidubeibiyo poxonae jopa paebeibiyo pecayabara juta pepaebi diwesixitha.

³⁵ Bara barapo coyeneintha Jesús cueicueijeji xua penayabara jume wetsinexa xua bayatha pon Nacom peitorobi jume pepaebin pecui yabara wanae tsiwanaeya paebixae, xua jeye:

“Jiwitha tsipaebin pecayabara juta pepaebi diwesintha. Matautano muxuna yabara tsipaebin pocotsiwa moya yawın xeina xua jiwi jopa peyaputaewa, po coyene caena bayatha moya yawın xeina xua poconae aena Nacom forota po cae pin nacuathe xua pocotsiwa beya anoxuae tsoponae”, jei bapon xua saya Jesús tapaebatsi.

Meje yabara poxonae Jesús pijimonae yaputane exana po pecayabara juta pepaebi diwesiyo xua ayabo yabara

³⁶ Nexata Jesús napeyaba pin bicheito jiwimonae. Bapoxonae botha joniya. Iru baxota Jesús pijimonae tatsi barapo botha najojoniyaru. Jesús pijimonae baraichi, jeye:

—Yabara pana neyaputane exande po diwesiyo xua ayabo po ayabo xuwa trigo pabitha, jei.

³⁷ Nexata Jesús namchi, jeye: “Pon uba po xuton pexeinya xuton, trigo xuton jan, bapon apara bara xan ponxaein Nacom Tananeitapetsin.

³⁸ Matautano po pabitha ichaxota uba jan, apara jiwi pia juntu coyenein yabara caunutan. Pocotsi xuton xua yabara caunutan xua pexeinya xuton jan, apara yabara caunutan pocotsi jiwimonae xua patsina Nacom pia peitorobi nacua beicha tatsi. Po xuto peabe xuton, po xuton ayabo xu jan, apara yabara caunutan pocotsi jiwimonae caurimonae pia pentacaponaein tatsi pijimonae tatsi.

³⁹ Pon uba po xuton abe xua ayabo xu jan, apara bapon caurimonae pia pentacaponaein tatsi yabara caunutan. Xua bayatha xu naweta jan, apara yabara caunutan, po mataqueitha xua Nacom daxita nacui wetsina. Matautano barapo matacabitha Nacom yabara paebina jiwi penatsicuentsiwa abe peexanaexae bapontha. Pomonae xua trigo xu, xu siraca jan, apara yabara caunutan matatsunpiwimonae.

⁴⁰ Copiya matha xuexuetapona ayabo petautsinexa isototha. Jiwi bara jutiya ichainchi po matacabitha tsane Nacom daxita yabara paebina jiwi penatsicuentsiwa abe peexanaexae bapontha. Matautano barapo cae pin nacue weraweracaena.

⁴¹ Xan ponxaein Nacom Tananeitapetsin itorobin tamatatsunpiwi xua jiwi penotsinexa tsainchi pomonae abe peexanaewi, pomonae xua cana exana ichamonaetha xua ichamonae xuya iru abe peexanaenexaru. Barapo matatsunpiwi wentsina pomonae abe peexanaewi pomonae tajiwimonae baru jinompatsi. Barapo abe peexanaewi jopa tamonaeyo pomonae itorobiya taewatsixae.

⁴² Daxita barapo jiwi pomonae abe peexanaewixae bebai tsainchi, matatsunpiwi bebai tsane ichaxota isoto jopa itacounayiyo ataya. Baxota daxita jiwi wecoyei tsane matauta baxota nantanuweya nantu jayabina, poxoru bichocono atene tsane.

⁴³ Bapoxonae pomonae exana pocotsiwa Nacom ichichipa barapomonae bichocono pexeinya coicha xeinaena po nacuathe ichaxota Nacom itorobiya ewata piamonae pon barapomonae pia paxaxae tatsi. Po pexeinya coicha xua barapomonae xeinaena, bichocono itupana icha be xometo ichi xua poxonae pentha. Icha pamuxu dubename, moya pana nejume naitaeware pocotsiwa tapaca tsipaebiwatsi”, jei Jesús.

Meje yabara poxonae Jesús pecayabara juta pepaebi diwesiyo paeba xua po peitupanaewa pocotsiwa bichocono ainya matoma xua ira buxupanatha boca panatha

⁴⁴ Equeicha Jesús namchi, jeye: “Yabara paca tsipaebatsi po coyene xua Nacom exana, pomonaetha pomonae pejuntu coyene canamataxeinaexae pon jiwi itorobiya pia

pepa peewatsinchi. Barapo coyene bara juta ichi, icha be pocotsiwa peitupanaewa ichi pocotsiwa ainya matoma xua ira бххуранатха boca pabitha. Poxonae pebin barapo peitupanaewa jemeicha ira бххуранатха namicha taebota, bichocono tsorobotha matatsaebota, bichocono peichichipaexae baxua. Jopa muxu tsipaebiyo ichamonaetha. Bichocono juntu coyene weiweina. Bapoxonae pia botha pona pecaenaetsinexa daxita xua xuan pocotsiwan xeina. Bapoxonae barapo paratixitha comota barapo pabi, po pabitha boca barapo peitupanaewa. Bewa barichi jiwi. Bewa jiwi bichocono beita cui jichatsi xua pexeinaewanexa tsane barapo peajuntuyapusuwa, icha poxonae pebin ichi xua pitapeitupanaewatsi piraichi daxita caenaeta pocotsiwan xeina", jei Jesús.

Meje yabara poxonae Jesús cuiduba jiwi pecayabara juta pepaebi diwesiyo xua po warowa pewun perla

⁴⁵ Equeicha Jesús namchi, jeye: "Barichiru yabara paca tsipaebatsi po coyene xua Nacom exanaena pon jiwi ewatsiya peitorobixaetsi po coyene bichocono wuna. Barapo coyene bara juta icha be ichi poxonae jiton warowan matowa jeita. Barapo warowan xua bapon jeita, pewun perla. Bapon jeita pecomotsinexa tsane barapo warowan, po warowan ainya matoman.

⁴⁶ Poxonae bapon cae warowaxuto taebota, po warowaxuto perla matawan xua bichocono ainya matoma, bapoxonae bapon pia botha pona matauta bapoxonae caenaeta daxita xua xuan pocotsiwa xeina. Bapoxonae comota po warowa bichocono ainya matoma, po warowa pewun perla. Bewa barichi jiwi. Bewa jiwi bichocono beita cui jichatsi xua pexeinaenexa peajuntuyapusuwa po peajuntuyapusuwa ataya tsiteca, icha poxonae pebin ichi xua pitaperlatsi piraichi daxita caenaeta pocotsiwan xeina", jei Jesús.

Meje yabara poxonae Jesús cuiduba jiwi pecayabara juta pepaebi diwesiyo xua pecayamonaewa yabara

⁴⁷ Equeicha Jesús namchi, jeye: "Yabara paca tsipaebatsi po coyene xua Nacom exana pon jiwi ewatsiya peitorobixaetsi xua poxonae yabara paebina jiwi penatsicuentisixae abe peexanaexae. Barapo coyene bara juta ichi, icha be pocotsiwa xua xota jiwi yacamona duwei ichi. Jiwi peyacamonaewa xoya pepa mar mentha xua daxita duweimonaein tunto pecapirenaenexa.

⁴⁸ Poxonae bichocono wuncaxuba xua peyacamonaewa pomonae peyaxunubiwi taetabo bejutaboreca. Bapoxonae enoundeca, xua naitaubiya tsana pejehebaponaenexa. Po duwei pepa duwei tsana naitaubiya jehebapona corotontha. Po duwei pocotsiwa camatsawan bebai tsonana.

⁴⁹ Barapocotsi juta coyeneya ichi tsane poxonae matakabi patopeicaena, po mataqueitha xua poxonae nacua weraweracaena, matautano Nacom daxita yabara paebina jiwi penatsicuentisixae abe peexanaexae bapontha. Bapo mataqueitha matatsunpiwi patsicaena xua daxita jiwi petsabinexa tsainchi, pomonae abe peexanae cuiru coyenein peexanae jiwi tsana nobinchi xua pomonae xanepanaya peexanae jiwi pia xainya weya tatsi.

⁵⁰ Pomonae abe peexanae cuiru coyene peexanae jiwi bebai tsainchi isotha ichaxota jopa ataya itacounaiyo. Baraxota wecoyei tsane matautano baxota nantanuweya nantu jayabina", jei Jesús.

Meje yabara poxonae Jesús cuiduba jiwi pecayabara juta pepaebi diwesiyo xua pena peitupanaewa yawa xua peru peitupanaewa yabara

⁵¹ Nexata Jesús pijimonaе yainyaba, jeye:

—¿Bara daxita baxuan payaputaneme xuaunxuae paca tsipaebatsi? jei.

Barapomonaе Jesús jume notatsi:

—Aa, bara payaputan pocotsiwa xuaunxuae pana netsipaebame pon pata Tanecanamataxeinaemxaem, jei barapomonaе.

⁵² Bapoxonae Jesús pijimonaetha namchi, jeye:

—Pomonae pecuidubiwi Nacom pia peitorobi diwesi pomonae tamonaexae barapomonaе yabara cuiduba ichamonaetha xua po coyene Nacom exana pon itorobiya peewatsin jiwi. Barapomonaе xeina ainya diwesi coyenewabe, po diwesi xua xan yabara, peru diwesi poxonae cataunxuae aibin tsica po cae pin nacuathe tsique yabara. Matautano xeina pena diwesi poxonae xua anoxuae poponan yabara. Barapo ainya diwesi coyenewabe barapomonaе paeba jiwitha. Barapomonaе bara be juta ichi icha be poxonae pon bo pexeinaein ichi. Poxonae piamonaе tatsi nantawenona paparuwa yawa pexaewa, bapon baxua bara cata pijimonaetha, poxoru bapon jeba xua peruwa yawa xua penawa piamonaе nexa, jei Jesús.

*Meje yabara poxonae Jesús Nazaret tomaratha popona
(Mr 6.1-6; Lc 4.16-30)*

⁵³ Poxonae Jesús najume weta xua cuiduba jwi barapo pecayabara jeta pepaebi diwesixi bapoxonae Jesús tomara weya pontaba.

⁵⁴ Bapoxonae Jesús patopa pia tomaratha, po tomara pewan Nazaret tomara. Baraxota Jesús cuiduba jwi, judiomonae pia penacaeuttsi botha tatsi. Pomonae jinompa Nazaret tomaratha yabara najuntá coyene cabenaeca xua pocotsiwa Jesús cuiduba. Barapomonae natsipaeba, najei:

—¿Exota metha bapon nacuiduba jane, xua daxota bapon daxita peyaputaein? ¿Jintam metha pia peyapusuwatha tatsi jane, poxonae po petsita itútsi coyene bapon exana?

⁵⁵ Apra saya bapon pexanto tatsi pon xua pecobe coxonaein xua naepan pematabo-biwa. Apra bapon pena tatsi María. Apra bapon Santiago pentapin tatsi, irú José pentapin tatsi, irú Simón pentapin tatsi, irú Judas pentapin tatsitá irú.

⁵⁶ Matautano irú pamcho jwi tatsi apra jinompa barapo tomarathe. ¿Exota metha bapon nacuiduba jane, pocotsiwa xua beta naca cuiduba? jei barapomonae.

⁵⁷ Daxota barapomonae Jesús casebatsi pecui uwixaetsi. Barapomonae uwa tsipei Jesús bichocono peyaputaein. Jesús namchi jiwitha, xua nayabara paeba, jeye:

—Daxita jwi ba barú cui itura jina pontha pon Nacom peitorobi jume pepaebin. Nama pia nacuapiwi tatsi irú pia bomonae matabaxuyomonaepiwi tatsi barapomonae ba jopa bapon barú cui itura jinaetsi, jei Jesús, xua nayabara paeba.

⁵⁸ Nazaret tomaratha, barapo tomaratha Jesús saya be conotha exana pexeinya petsita itútsi coyenewan tsipei barapo tomarapiwi Jesús jopa jume cowantichi.

14

Meje yabara poxonae Juan bexotsi

(Mr 6.14-29; Lc 9.7-9)

¹ Bapoxonae caena Herodes pon Galilea nacuapiwi, pia peyanacua ewatsinchi, bapon jume tane daxita pocotsiwa juinya xua Jesús exana.

² Herodes tsipaeba pomonae petanacuichiwiixaetsi pia botha tatsi, xua Jesús yabara paebatsi. Herodes Jesús catsawiya yabara paebatsi, jeye: “Apra bapon Juan, pon jiw i Pebautisabin, pon bequein bayatha tupa, pon equeicha asu juina. Tsipei bapon peyapusu itorobi coyenewa xeina daxota petsita itútsi coyenewa exana”, jei Herodes.

³ Baxua Herodes paeba tsipei caena bayatha Herodes cui itoroba xua Juan pe-waetabinexatsi, matautano xua pemaxu cubinexatsi, matautano xua jwi pecabi botha peetsinexatsi. Baxua Herodes exana tsipei piowa tatsi pon pewan Herodías, pia coutha baxua peichichipaexae. Barapowa copiya Felipe xeina pon Herodes peweicho tatsi. Herodes peweicho yacaiba yabayó.

⁴ Juan bayatha paeba Herodestha, jeye: “Nacom pia peitorobi coyenewa jopa copatsiyo xua nexeiawa bapowa tsipei ichun piowa tatsi”, jei Juan.

⁵ Daxota Herodes bichocono anaepana. Herodes ichichipa xua Juan pebexubiwatsi. Daichitha Herodes jopa baxua exanaeyo tsipei junuwa, jwi cunuwatsi. Tsipei daxita jwi nanta xeina xua Juan apra pon Nacom pia peitorobi jume pepaebin.

⁶ Ichitha poxonae Herodes yantacabi jopa po matababitha poxonae caena bayatha nowaeuncua, barapo mataqueitha pinmonae nacaetuta xua pexaewa yabara nacaetuta pia xaetsi. Barapo penacaeuttsiwi peitútha tatsi Herodías pexantiyo tatsi nawiraba. Herodes baxua bichocono ita cui xanapanatsi.

⁷ Herodes barapowa beya paeba, jeye:

—Nacom peitútha cata tsiwunae yabara paebatsi xua pocotsiwa tacacatsiwa tsainchi pocotsiwa xua tana newucaewam tsane tsipei inta pexeinya penawirabi coyene exaname, jei Herodes.

⁸ Bapoxonae pocotsiwa pena itorobatsi barapowa Herodes wucatsi baxua. Bapowa namchi, jeye:

—Necare Juan pentasipa xua yutabore paratontha, pon jwi Pebautisabin matasipa, jei Herodías pexantiyo tatsi.

⁹ Ichitha baxua Herodes jume taya wecoyei tsanareca poxoru jopa ichipaeyo xua Juan petupaewa tsane. Tsipei mexeya poxoru bayatha Nacom peitútha peyabara tsiwunae paebixae xua bepa pinae catsina xua pocotsiwa pewucaewaxae tsainchi, matautano mexeya poxoru barapo pin bicheitha peitútha pepaebixae baxua, daxota itoroba xua bapowa bara catinchi baxua.

¹⁰ Daxota Herodes pomonae petanacuichiwiixaetsi, barapomonae Herodes cui itoroba xua Juan pewisi ucuibinexatsi jwi pecabi botha iya.

¹¹ Bapoxonae barapomonae paratontha matasipa yutabota yawa carendena. Bapoxonae Herodias pexantiyo tatsi catatsi, equeicha barapowayo xuya pena cata, Herodias catatsi, xua peyaputaenexa xua bara cou Juan bayatha tupa.

¹² Nexata pomonae Juan pia pepuna jinompaewichi, barapomonae pata jiwi pecubi botha. Juan petupaain pitatsi. Barapoxonae barapomonae Juan muthutha xotsi. Barapoxonae barapomonae pona Jesús beya xua baxua Jesús peyabara tsipaebinxatsi.

Meje yabara poxonae Jesús apata pexaewa cinco mil pebiwi
(Mr 6.30-44; Lc 9.10-17; Jn 6.1-14)

¹³ Poxonae Jesús yaputane xua Juan tupa, bapoxonae compa jeratha pona icha muxunene beya ichaxota jiwi ajibi. Ichitha jiwi yaputane xua ichaxota Jesús pona. Daxota pinmonae xua carepaya tomaranpiwi pecae iya pona, ichaxota Jesús ponaena jeratha.

¹⁴ Poxonae Jesús jera wenontounya, bapoxonae Jesús pin bicheito tane. Jesús yabara nanta xeina barapomonae xua peyawenaewa tsane. Bapoxonae Jesús axaibi exana peatenewi.

¹⁵ Tsipei yaitama bayatha tabopiya tsanaichaba, daxota Jesús imoxoyo caquita ume-narucupatsi pijimonae. Barapomonae Jesús baraichichi, jeye:

—Apara bayatha tabopiya tsanaicha. Apara xote bomuxun ajibi. Barapo jiwi itorobare bu tsiqui tomaraxi beya ponaena xua pecomocaenexa pexaewa xua pexaenexa, jei.

¹⁶ Jesús jume nota pijimonae, jeye:

—Apara jopa bewa pona barapomonae, paxam jame maisa paapare pexaewa, jei.

¹⁷ Jesús jume notatsi pijimonae, jeye:

—Xote jopa pexaewa paxeinaeyo. Saya apara cinco po panyobe paxeinan matauta saya ainyobe paxeinan duweiyobe, jei.

¹⁸ Jesús jume nota:

—Painta xawena baxua, jei.

¹⁹ Bapoxonae Jesús najume caitoroba xua bepa daxita barapo jiwi iratha taenaetsei. Bapoxonae Jesús pecobetha pita cinco po panyobe yawa xua barapo duweiyobe xua ainyobe. Jesús peitaboco benecoicha yawa Nacomtha tsipaeba, jeye: “Аха, junta coyene weiweinana xua pexaewa pata tanecatsiwaxaem”, jei. Poxonae Jesús najume weta xua Paxatha tsipaeba, bapoxonae pan epa janaca, yawano duwei epa janaqueba. Bapoxonae Jesús pijimonae caitoroba pexaewa xua pijimonae tatsi xuya pecacataponaenexa barapo jiwi.

²⁰ Daxita barapo jiwi nabane beya barapo jiwi jain cowuntarucupatsi. Bapoxonae Jesús pijimonae tatsi doce po cote matabuxuyobe wanba xua bayatha nacopaba pocotsiwa xua bayatha barapo jiwi jopa xaeyo petonsanaexae.

²¹ Pomonae xua pexaewa nabane barapomonae cinco mil pebiwi. Yabuxino iru nanabane. Matautano pexuino iru nabane. Daichitha jopa ununaetsi pexui matauta yabuxi jopa ununaetsi.

Meje yabara poxonae Jesús mene matatsun jumatha pona
(Mr 6.45-52; Jn 6.16-21)

²² Nexata bapoxonae Jesús jera beitorobiya pijimonae, xua pijimonae copiya petsiwana warapaenexa tsainchi icha muxunene beya xua pucua iya. Poxonae barapomonae ponarucupaba bapoxonae Jesús barapo jiwi pu itoroba xua penawibiyaenexa pia tomaran beya.

²³ Bapoxonae Jesús demxuwa beicha pona xua baxota compa petsipaebinxae Nacomtha. Poxonae quirei tsuxubi Jesús demxuwatha compa eca.

²⁴ Poxonae Jesús Paxa tsipaebauya, bapoxonae caena iruru Jesús pijimonae tatsi cataunxuae tuwutha yana pona. Jera maratsaca caewa carena tsaihi tsipei joibo dawerena daunwei.

²⁵ Mataquei wunaeyo Jesús mene matatsun jumatha pona, pijimonae itiya pona.

²⁶ Poxonae Jesús pijimonae taerucupatsi, barapomonae nanthuthu cui coyene nabenaeca. Junuwiya wawaya jeye:

—¡Pai jaibo, jina! ¡Apara dowatsi! jei barapomonae.

²⁷ Jesús pijimonaetha caena nainya tsipaeba, jeye:

—¡Apara xan! ¡Jopa pajunwindel! ¡Maisa pajuntu coyene weiweinare! jei Jesús.

²⁸ Bapoxonae nexata Pedro Jesús baraichichi, jeye:

—Tanecanamataxeinaem, icha bara metha xam yatsicaewa bapom, moya neitorobare xua mene matatsun juma ta-yaenexa nexainya beya, jei Pedro.

²⁹ Jesús jume nota, jeye:

—¡Moya anetha denande! jei Jesús.

Nexata Pedro mene matatsun juma nontabiya dunareca jera wereca. Bara Pedro mene matatsun juma iya pona pepatopaenexa Jesús pia xainya beya tatsi.

³⁰ Daichitha poxonae Pedro yabara nanta xeinanareca pin joibo, bapoxonae bichocono junuwanareca. Daxota bapoxonae Pedro yamene jopareca. Bapoxonae Pedro jume daunweya wawaya jeye:

—¡Tanecanamataxeinaem, necapanepare, nepitaxuina! jei.

³¹ Bapoxonae Jesús nainya cobe pitaxuina. Jesús namchi, jeye:

—¡Maisa be conotha neyabara jume cowantame xua bara tana neitacupaewa xua tacayawenaewa tsainchi! ¿Eta xua metha ainya juntu coyeneintha nanta xeiname? jei Jesús.

³² Poxonae Jesús iru Pedro nontabiyabe jeratha, Jesús bapoxonae joibo yainjei tsanaya exana.

³³ Daxita pomonae jeratha ena, barapomonae Jesús wnae jaintatsi. Barapomonae Jesús baraichi, jeye:

—Bara yatsicaya apara xam Nacom Pexantom tatsim, jei barapomonae.

Meje yabara poxonae Jesús axaibi exana pomonae peatenewi, pomonae Genesaret nacuapiwi

(Mr 6.53-56)

³⁴ Bapoxonae Jesús iru pijimonae tatsi jeratha yana enapona beya poxonae Genesaret nacua beya pata.

³⁵ Pomonae baxota jinompa, barapomonae Jesús caena yaitainchi. Daxota barapomonae najume caitoroba ichamonaetha daxita barapo Genesaret nacuapiwitha beya, xua Jesús pepatopaexae. Bapoxonae daxita jiwi carendena peatenewi ichaxota Jesús pucua itapatha uncu.

³⁶ Barapomonae pomonae peatenewi Jesús jume daunweya wucatsi, xua Jesús bara pecui copatsinexa xua bara petajayabinexatsi pia paparuwa tatsi xua peopirawa. Bapoxonae daxita barapomonae axaibi tsane. Pomonae Jesús pia paparuwa tajayabatsi daxita barapomonae equeicha axaibi exanatsi pocotsiwa bayatha atene.

15

Meje yabara poxonae Jesús yabara paeba xua pebin abe pia peexanae cuiru coyene juntu coyene webocatsi

(Mr 7.1-23)

¹ Fariseomonae iru pomonae jiwi pecuidubiwi Moisés pia peitorobi coyene tatsi, barapomonae jiwana Jerusalén tomara werendena. Barapomonae Jesús imoxoyo caquita umenaracupiya yainyabatsi, jeye:

² —¿Eta xua metha jinyamonae jopa exanaeyo xua pocotsiwa wamo susato jiwi pia peitorobi cui coyenewatha itoroba? Barapomonae pomonae jinyamonae barapo cui jopa exanaeyo. Barapomonae jopa matha tsiwanaya nacobe quieteibiyo poxonae beya xaiba xua jopa penataxobinexa tsane pia juntu coyenewantha, jei daxita fariseomonae, iruru pomonae jiwi pecuidubiwi Moisés pia peitorobi coyene tatsi.

³ Nexata Jesús xuya yainyaba, jeye:

—Irruru paxamdu, ¿eta xua metha jopa paexanaem pocotsiwa Nacom Pejume Diwesitha itoroba? ¿Eta xua metha saya meisa paexaname pocotsiwa painya amo susato jiwi pia peitorobi cui coyenewantha tatsi itoroba?

⁴ Jopa bewa paexanaem tsane painya amo susato jiwi pia peitorobi coyenewa tatsi po peitorobi coyenewa paca tsita ainya cui bichocono beyacaincha xua Nacom Pejume Diwesi. Tsipei Nacom Pejume Diwesitha jeye: 'Axatha baru cui itura jinare, iruru enatha baru cui itura jinare', jei Nacom. Yawa equeicha Nacom jeye: 'Pon paxa abe yabara paeba matautano xua pena abe yabara paeba, bapon bewa tupaena', jei Nacom Pejume Diwesitha.

⁵⁻⁶ Ichitha paxam ba papaebame xua pinae pebin ba itacupatsi xua pepaebiwa xua pejeiwa paxatha yawa penatha: 'Jopa neitacupaeyo xua tapaca cayawenaewatsi bara bequein paacopeibim, tsipei daxita pocotsiwa xeinan baxua yabara tsiwuna paeban xua Nacomtha hexa catsin', xua pejeiwa. Matautano ba pajam: 'Pon bapocotsiwa paeba, jopa nantawenonaeyo xua paxa yawenaena. Matauta jopa nantawenonaeyo xua pena yawenaena bara bequein acopeibi taetha', ba pajam. Poxonae baxua pacaunutsiya paebame paxam pacana exaname xua painya amo susato jiwi pia peitorobi cui coyenewa tatsi bichocono ainya cui coyene, beyacaincha xua Nacom Pejume Diwesi xua ainya cui coyene.

⁷ Jitara mexeya pomonae xanepanaeya pepaebi jiwi pam, daichitha apara peajuntucoyenebe jiwi pam! Bara apara Isaías caena bayatha xaniwaicha paca yabara paeba pon Nacom peitorobi jume pepaebin. Bapon paca yabara jeye poxonae tina pejume diwesitha:

⁸ Barapomonae itara be xanepanaeya neyabara paebina jiwitha xua pinae neyabara baru cui itura jina.

Daichitha barapomonae pia juntu coyenewatha jopa xaniwaicha neyabara baru cui itura jinae tsane.

⁹ Bequein barapomonae newuna jainteibina poxonae nacaetuteibina, daichitha baxua jopa yawenae tsaibi tsainchi tsipei barapomonae peajuntucoyenebewi.

Matautano tsipei po peitorobi coyenewa cuidubina jiwitha, apara jopa taitorobi coyenewiyo tsane, apara xua saya jiwi barompaya pia peitorobi coyenewa tatsi tsane', jei Isaías xua paca yabara paeba, jei Jesús.

¹⁰ Nexata bapoxonae Jesús waba daxita jiwi xua imoxoyo peumendenaenexa. Yawa namchi barapo jiwitha, jeye:

—Pana nejume naitaeware, painya neyaputaenexa pocotsiwa paca tsipaebatsi.

¹¹ Pocotsiwa ba pebin pecoiboto deca tsijain jojonecatsi pexaewan, bequein jopa tsiwanaeya matha nacobe quiatsiyo poxonae xaiba, barapo coyene apara ba jopa bapana pebin juntu coyene taxobichi xua poxonae pocotsiwa pexaexae. Jame pocotsiwa ba pebin pecoibototha caunuta, xua peabe jume barapo jume coyene apara pebin juntu coyene taxobatsi xua poxonae pecueicueijeixae baxua, jei Jesús.

¹² Nexata Jesús imoxoyo caquita umenarucupatsi pijimonae. Jesús pijimonae yainya-batsi, jeichichi:

—¿Bara yaputaneme xua fariseomonae cayabara muxu coniquiya anaepana, xua nepae-bixae baxuan? jei.

¹³ Jesús jume nota pijimonae, jeye:

—Taxa pon peitabocotha peecaexae xubina pon jopa pejume cowantsinchi. Taxa barapocotsi jata coyeneya cana ichi tsane jiwitha icha pebin ichi xua poxonae pabitha pona, matauta poxonae naeyo tabu opina jonta daxita, pexubinexa.

¹⁴ Bara barabu neyabara muxuconacaena, fariseomonae. Jopa payabara jume naitae-watsinde pocotsiwa barapomonae paeba. Tsipei barapomonae jopa xanepanaya peyawenae jiwi ichamonaetha. Barapomonae barapocotsi jata coyeneya exana, icha be pon peitata nacatsin ichi, xua poxonae matakapona ichun xua pon peitata nacatsin matakapoinchi. Bapoxonae barapo cae peitata nacatsinbe napuna joparecabe muthatha deca, jei Jesús.

¹⁵ Nexata Pedro Jesús baraichi, jeye:

—Yabara pana yaputane exande po pecayabara jata pepaebi diwesiyo xua pexaewa yabara, jei Pedro.

¹⁶ Jesús biataeya jume nota pijimonae, jeye:

—¿Paxam bara paichimdu icha jiwi ichi? ¿Cataunxae jopa painya yaputae jiwi pamdu?

¹⁷ Bayatha paxam payaputaneme pocotsiwa pebin tsijain jojonecatsi pexaewa pecoiboto deca baraxua jopa juntu coyene taxobichi, tsipei barapo pexaewa jopa ponaeyo pia juntu coyenewatha. Jame barapo pexaewa peccosorotha pona, bapoxonae nawexacaeca.

¹⁸ Ichitha pocotsiwa pecoiboto tsina caunuta peabe jume, baxua apara seicaya pejuntu coyene wetsina jume pichapa. Tsipei baxua penanta xeinae coyenewa, daxota pebin abeya paeba. Daxota Nacom tsitatsi xua bapon peajuntucuyenebein Nacomtha.

¹⁹ Tsipei pejuntu coyene wetsina jume pocotsiwa abeya penanta xeinae coyenewan, pocotsiwe meje: Ichun anaya pebexotsi coyenewa, iru ichun piseuri tatsi pepichi coyene, iru peita coxanae coyenewatsi coyene xua poxonae penayaputae jiwi naperu nacoeyoba, iru ichun piawa tatsi pecaibi coyene, iru ichun yabara penaerabiwatsi coyene, iru ichun yabara peaebiwatsi coyene.

²⁰ Nacom tsitatsi xua daxita barapocotsi coyenein pebin ajuntucoyenebe exanatsi xua juntu coyene taxobatsi xua daxota jopa itacupaetsi xua beta exana. Ichitha pocotsiwa pebin nabane matautano xua poxonae bequein tsiwanaya matha jopa nacobe quiatsiyo, barapocotsi coyenein pebin jopa juntu coyene taxobichi Nacom peitatha tatsi, jei Jesús.

Meje yabara poxonae yabũyo powayo penanapaincha poponaewayo Jesús jume cowantatsi

(Mr 7.24-30)

²¹ Nexata bapoxonae Jesús barapo ira weya warapa Genesaret nacua weya. Matautano pona icha nacua beya po nacuaथा ichaxota Tiro tomara eca yawa Sidón tomara ecano.

²² Yabũyo, powayo barapo cananemonaweyo patopa Jesús pia xantha tatsi. Bapoxonae barapowa wawaya Jesustha jeye:

—¡Tanecanamataxeinaem, David pia pemomoxi susato jiwi jiwanam! Neyabara najantũ cui coyene cananta xeinare, xua tana neyawenaenexam tsane. Taxantiyo inta cauri xeina; inta bichocono atene exanatsi, jei bapowa.

²³ Daichitha Jesús jopa jume notsiyo, saya moya uncua. Nexata bapoxonae Jesús imoxoyo caquita umenarũcupatsi pijimonae. Matautano jume daunweya baraichichi pijimonae, jeye:

—Barapowa itawere, tsipei barapowa waputha jume daunweya wawai, jei.

²⁴ Nexata Jesús jume nota pijimonae, jeye:

—Nacom meisa saya neitoroba Israel piamonae susato saineiwitha pomonae judiomonae xua tayawenaenexa barapomonae, tsipei barapomonae Nacom tsitatsi xua barapomonae nacabeta icha be ovejan ichi xua poxonae pipato napuxanompa, jei.

²⁵ Ichitha barapowa pentabocotha uncua yawa irabe taencuareca Jesús peitabaratha tatsi tsipei bapowa barũ cui itura jina peauraxae, yaitama tsipei Jesús pon jiwi pepa Pecanamataxeinaein. Bapowa namchi, jeye:

—¡Pon Tanecanamataxeinaem, neyawende! jei.

²⁶ Jesús jume nota barapowa, jeye:

—Jopa xanepanaeyo icha matha cayawenatsi powayo nenanapaincha poponaewayom poxonae cataunxuae matha jopa yawenaeyo pepa tamonae judiomonae. Icha baxua exanaetsipan, bapoxonae be pitan pexui pia pexaewa taapatsinexa aurimonae, jei.

²⁷ Barapowa Jesús jume notatsi, jeye:

—Aa, bara barichi xuaunxuae netsipaebame ponxaem Tanecanamataxeinaem. Jopa bewa auri catsibi pexui pia pexaewa tatsi, yaitama auri irũ xane pocotsiwa pexui sorobaba barapo pepurũwixi pocotsiwa pexaethopaewa pebũxũpana tsica. Daxota bara ichiya neichinde: Neyawende, tsipei bara neayapusu itorobi coyenewa nawita xeiname jinya axaibi exanaenexa judiomonae. Po neayapusu itorobi coyenewa judiomonae jopa canantawenonaeyo barapo neayapusu itorobi coyenewatha inta axaibi exande taxantiyo, jei.

²⁸ Nexata Jesús jume nota, jeye:

—¡Yabũyo, maisa bichocono neyabara jume cowantame xua bara tana neitacũpraewa xua tacayawenaewatsi tsainchi! Bara cata exainchi pocotsiwa aunxuae newũcame, jei Jesús.

Poxonae Jesús baxua paeba, bapoxonae nainya barapo yabũyo pexantiyo tatsi taaxaibi tsuxubichi.

Meje yabara poxonae Jesús axaibi exana pin bicheitomonae peatenewi

²⁹ Nexata bapoxonae Jesús bara weya pona. Galilea pucua itapa iya pona. Bapoxonae demxuwa icha juinya, baxota ecopa.

³⁰ Ichaxota Jesús eca baxota pin bicheito jiwi ayei pata. Barapo bicheito jiwi carendena pejayuyajuyeiwi, irũ peitata nacatsi jiwino, irũ pemuxusipanaewino, matauta pomonae irũ peacowaebi jiwi xua pomonae jopa xeinaeyo xua xota nacowaeba. Matautano irũ icha bicheitomonae, pomonae peatenewi. Pomonae peatenewi Jesús pexainya tajebarecatsi. Daxita barapomonae Jesús axaibi exana.

³¹ Poxonae daxita jiwi baxua cui tane, pomonae jopa judiomonae naexanaeyo daxita barapo jiwi yabara cui coyene nanthũna cabenaeca. Bapoxonae Jesús xanepanaya pexanaexae, barapomonae Nacom wnae jaintatsi, po Nacom Israel nacuapiwi pia Nacom tatsi. Daxota barapomonae baxua exana, tsipei Jesús equeicha paeba cana exanaeya exana pomonae pemuxusipanaewi. Matauta tsipei Jesús taduba exana pomonae bayatha jopa xeinaeyo xua xota nacowaeba. Matautano tsipei pomonae pejayuyajuyei jiwi equeicha beta pona. Matautano tsipei pomonae peitata nacatsi jiwi equeicha beta tane.

Meje yabara poxonae Jesús pexaewa apata cuatro mil pebiwi

(Mr 8.1-10)

³² Nexata Jesús waba pijimonae, jeye:

—Yabara cui cananta xeinan barapo pin bicheitomonae tayawenaenexa, tsipei barapomonae acoibi po matacabiyobe jinompa taxantha, maisa ajibi xua barapomonae penabanaewa tsane. Jopa jainbotha bepu itorobinyo pia bon beya tatsi, tsipei icha

barapomonae jainbotha pu itorobichipan, metha piyain namtotha xuirabathopaetsipa, jei Jesús.

³³ Jesús baraichi pijimonae, jeye:

—Xote ira xuepana susato tsurucuae nacua ichaxota jiwi ajibi. ¿Eta beya tsijeitinchi pexaewa barapomonae pomonae pinmonaexae? jei.

³⁴ Jesús yainyaba pijimonae jeye:

—¿Eta po panyobe paxeiname? jei.

Barapomonae Jesús jume notatsi, jeye:

—Siete po panyobe paxeinan yawa be conothano duweixi, poxi tsiquirixi, jei.

³⁵ Nexata Jesús pijimonae najume caitoroba xua bepa pinae barapo pin bicheito jiwi iratha taenaetsei.

³⁶ Jesús pecobetha pita barapo siete panyobe yawa duweixino. Bapoxonae Jesús Paxatha tsipaeba: “Axa, juntú coyene weiweinan xua pexaewa pata tanecatsiwaxaem”, jei Jesús. Bapoxonae Jesús pijimonae tsicobe epa nantarubiya jajanaquiya catsibapona xua xuya pijimonae tatsi pecatsibaponaenexa barapo jiwitha.

³⁷ Daxita barapomonae nabane, beya barapomonae bichocono jain cowantaruçpatsi. Bapoxonae Jesús pijimonae tatsi siete po cotebe wamba pocotsiwa xua barapo jiwi jopa xaeyo petonsanaexae.

³⁸ Pomonae xua nabane pexaewa barapomonae cuatro mil pebiwi. Matautano irú yabuxi nanabane matautano irú pexui nanabane, daichitha daxita jopa ununaeyo.

³⁹ Bapoxonae Jesús pu itoroba xua barapo jiwi penawibiyaenexa pia tomaran beya. Bapoxonae Jesús jeratha nontabiya, peponaenexa Magadán nacua beya.

16

Meje yabara poxonae fariseomonae irú saduceomonae Jesús cui itorobatsi pia pexeinya petsita itútsi coyene xua peitabocotha

(Mr 8.11-13; Lc 12.54-56)

¹ Fariseomonae irú saduceomonae, barapomonae pona Jesús beya xua Jesús pejuntu coyene jujutsinexatsi. Barapomonae Jesús cui itorobatsi pia petsita itútsi coyenewa pocotsi coyenewa xua cana exana itaboco wetsica. Icha Jesús jopa itacupaetsi xua exana baxua, barapomonae pepaebinexa tsane xua deta cou Jesús jopa aparta Nacom Pexanto tatsi.

² Daichitha Jesús jume nota barapomonaetha, jeye: “Poxonae tabopiya paxam ba pajam: ‘Baya tsane pexeinya matacabi tsane tsipei anoxuae quiripitha itaboco tsobia’, ba pajam.

³ Ichacuitha tsipae poxonae baya, paxam ba pajam: ‘Anoxuae ema duneicaena tsipei itaboco tsaebia yawa ituruna’, ba pajam. ¡Itara mexeya pomonae xanapanaya pepaebiwi pam, daichitha abe painya neexanaewi pam! Paxam peitaboco payabara yaputaneme. Ema ba payabara wunaeyo yaputaneme, deta meisa paxam jopa pana neyabara yaputaem matautano jopa payabara yaputaem pocotsiwa exanan tapexeinya tsita itútsi coyenewan.

⁴ Barapo pejuntucoyenebe jiwi irú pomonae jopa tana nejume cowantsi jiwi, barapomonae necui itoroba tapexeinya tsita itútsi coyenewa pocotsi coyene cana exanan itaboco wetsica daichitha jopa baxua beexanaeinyo pocotsiwa barapomonae necui itoroba. Saya meisa barapo petsita itútsi coyene exanaein, icha be pocotsi coyeneya Jonás cana ichichi pon Nacom peitorobi jume pepaebin xua poxonae pin duweinth tsijuntutha eca acoibi po matacabibe beya equeicha poxonae yacabaxotsi xua asu popona”, jei Jesús xua nayabara paeba xua tupaena xua equeicha Nacom asu exanaena acoibi po merawithabe.

Bapoxonae Jesús ponataba, yawa cuenta pona barapomonae.

Meje yabara poxonae Jesús pijimonae yabara yaputane exana, pocotsiwa pan cotowa exana

(Mr 8.14-21)

⁵ Poxonae Jesús pijimonae tatsi icha muxunene beya pona jeratha xua pucua iya, barapomonae juntemaina xua pan capana.

⁶ Nexata Jesús pewunaeya muxuweta pijimonae xua jopa pejume cowantsinexa tsane fariseomonae irú saduceomonae pia pecuidubiwa coyenewa tatsi po pecuidubi coyenewa jopa Jesús pia pecuidubi coyenewa tatsi. Jesús jeye:

—Dota pam jopa pajume naitaewatsinde fariseomonae pia pecuidubi coyenewa tatsi xua painya nejume cowantsiyainwa. Matauta dota pam xua saduceomonae pia pecuidubi coyenewa tatsi xua painya nejume cowantsiyainwa. Barapo pecuidubi coyenewan jiwi ichawa beya ajuntucuicoyeneyapube cana exanapoinchi icha be pocotsi coyene ichi xua levadura matawun xua pan cotowa exanapona beya poxonae pin pan, jei Jesús.

⁷ Poxonae Jesús yabara paeba pocotsiwa xua pan cotowa exana, bapoxonae Jesús pijimonaе tatsi catsawiya nanta xeinaeya natsipaeba caemonae, najei:

—Metha Jesús daxota baxua paeba metha poxoru yaitama jopa caponaetsi pan, najei barapomonae.

⁸ Jesús yaputane pocotsiwa barapomonae natsipaeba, daxota Jesús barai, jeye:

—Pocotsiwa pana natsipaebame xua jopa painya necaponaexae pan, apara poxoru jopa pana nejume cowantsim.

⁹ ¡Cataunxuae jopa pana necui yabara yaputaem! Paxam pana necui yabara junte-mainame poxonae cinco mil pebiwi apatan pexaewa xua yabara junte-mainame poxonae saya cinco po panbe. Matautano pana necui yabara junte-mainame poxonae equeicha doce po cotebe pawwunbaponaе pocotsiwa jiwi jopa xaeyo.

¹⁰ Matautano paxam pana necui yabara junte-mainame xua poxonae cuatro mil pebiwi apatan pexaewa xua poxonae saya siete po panbe. Matautano pana necui yabara junte-mainame poxonae equeicha siete po cotebe pawwunbaponaе pocotsiwa jiwi jopa xaeyo.

¹¹ Matautano jopa payaputaem xua poxonae yabara paca tsipaebatsi fariseomonae pia pecuidubi coyenewa tatsi, iru saduceomonae pia pecuidubi coyenewa tatsi, apara jopa pan yabara paca tsipaebichi xua jopa painya necaponaexae, jei Jesús.

¹² Bapoxonae matapainya Jesús jume yaputaerucpatsi pijimonaе, xua apara yabara paeba fariseomonae pia pecuidubi coyenewan yainwa tatsi, iruru saduceomonae pia pecuidubi coyenewan yainwa tatsi. Matautano matapainya yaputaerucpata xua apara Jesús jopa yabara paebiyo pocotsiwa pan cotowa exana.

Meje yabara poxonae Pedro namchi Jesustha jeye: “Xam apara Mesias Nacom caitorobica”, jei

(Mr 8.27-30; Lc 9.18-21)

¹³ Bapoxonae pirapae Jesús pona. Poxonae Jesús patopa Cesarea de Filipo tomara pecuariya xua pepa tomaratha, bapoxonae Jesús yainyaba pijimonaе, jeye:

—¿Eta po jiton, po jiton xua jiwi yabara paeba xua pinae bapon Nacom pia Peitapetsin tatsi? jei Jesús.

¹⁴ Jesús jume notatsi pijimonaе, jeye:

—Ichamonae cayabara jeye: ‘Apara bapon Juan pon jiwi Pebautisabin, pon equeicha petupaein asu juina’, jei. Iru ichamonae cayabara jeye: ‘Apara bapon Elías pon equeicha petupaein asu juina’, jei. Iruru ichamonae cayabara jeye: ‘Apara bapon Jeremías pon equeicha petupaein asu juina’, jei. Iruru ichamonae cayabara jeye: ‘Apara bapon jiwana pomonaе Nacom peitorobi jume pepaebiwi’, jei, jei Jesús pijimonaе tatsi.

¹⁵ Nexata Jesús pijimonaе barai, jeye:

—¿Incane iru paxamdu? ¿Eta pana neyabara jumichimdu xua xan eta pondan? jei Jesús.

¹⁶ Simón Pedro Jesús jume notatsi, jeye:

—Xam apara Mesias. Nacom caitorobica, pon asu popona. Xam apara Nacom Pexanto tatsim, jei Simón Pedro.

¹⁷ Jesús barai, Simón Pedro baraichi, jeye:

—Simón, Jonás pexantom, maisa Nacom cajuntu coyene weiweina exana, tsipei bapana jiton bapocotsiwa jopa cacuidubi pocotsiwa xua tana neyabara paebiwam. Saya apara meisa Nacom, Taxa, cacuiduba baxua pocotsiwa tana neyabara paebiwam, pon itabocotha eca.

¹⁸ Pocotsiwa xua tana neyabara paebiwam baxua natsita jume itapeinya xeiname xua bichocono tana necui yabara jume cowantsiwam. Daxota cawun dutatsi po wun xua jei: ‘Pedro’, jei, po wun caunuta xua jei: ‘iboto’, jei, tsipei ba iboto bichocono mata daunwei. Pocotsiwa xua xainyeya neyabara paeбame baxua be iboto coyene jutiya paeбame poxonae jam: ‘Xam apara Mesias. Nacom caitoroba, pon asu popona. Xam apara Nacom Pexanto tatsim’, jam. Daxita pomonaе xua neyabara jume cowanta barapo pexainyeya jume tana neyabara paebiwathaxaemxae, barapomonae tajiwi-monae exanaein. Tajiwi-monae catsin taayapusu itorobi coyenewa xua barapo tajiwi-monae jopa peamanayabinexa tsainchi pia peaitfaetabi jiwichi pomonaе petupae cuiru nacua beya ponaena.

¹⁹ Xam Pedrom, cacatinchi taayapusu itorobi coyenewa xua copiyam tsane caponaename tajume diwesi xua xan yabara ponxaein Mesias, ponxaein Nacom Pexantom. Barapo tajume diwesi caponaename judiomonaetha matautano caponaename pomonaetha pomonaе jopa judiomonaе naexanaeyo. Matautano xam pon tajitonxae, pocotsiwa xam jopa copatsim barapo cae pin nacuathe, xua pocotsiwa tamonaе exana, baxuan

bara iru Nacom jopa copatsiyo pia peitorobi nacua beicha xua barapomonae bara peexanaenexa baraxua. Pocotsiwa copatame xua tajiwiwimona peexanaenexa barapo cae pin nacuathe, bapocotsiwa iru Nacom copata pia peitorobi nacua beicha xua barapomonae bara peexanaenexa baxua, jei Jesús.

²⁰ Nexata Jesús pijimona muxu barai xua pijimona jopa peyabara pepaebinxatsi ichamonaetha baxua xua po coyene bapon apara Mesías.

Meje yabara poxonae Jesús nayabara diwesi paeba po coyene xua petupaewa tsane (Mr 8.31-9.1; Lc 9.22-27)

²¹ Bapoxonae barapo matakabi weya Jesús tamropata pitaba xua pijimonaetha tsipaeba pocotsi coyene Jesús cana exanaeinchi ichamona, jeye:

—Bewa ponaein Jerusalén tomara beya ichaxota pitiri jiwi, iruru sacerdotemona pia pentacaponae tati, iruru pomona jiwi pecuidubiwi Moisés pia peitorobi coyene tati, daxita barapomona bichocono neperaxa jubina. Matautano barapomona nebexubina. Daichitha poxonae acoibi po matakabiyobe tsuxubi tsane equeicha Nacom tatupaein asu neexanaena, jei Jesús.

²² Ichitha bapoxonae Pedro, Jesús baru natsixitabatsi aisowa beya. Pedro Jesús baraichichi, jeye:

—Xam pon Necanamataxeinaem. ¡Jamaisa daxua paebameno, bara! Nacom jopa copatsi tsane xua jiwi cata exanaena baxua, jei Pedro.

²³ Nexata Pedro peitabara beya tati Jesús napatomeicha cauncuatabiya namchi, jeye:

—¡Xam newepu natsixitabare, tsipei be Satanám! ¡Nejuntu coyene jujutame xua jopa xanepanaya taexanaewa tsane neaichaxaibixae xua tatsitupaewa tsane jiwi! Xam saya abe nanta xeiname icha pebiwi ichi. Saya jopa nanta xeinaem pocotsiwa Nacom necayabara nanta xeina xua tatsitupaewa tsane jiwi, jei Jesús.

²⁴ Nexata Jesús barai pijimona, jeye:

—Icha pebin ichichipa xua tajiwiwimona jiwanapin penaexanaewa tsane, bewa bapon yabara naitematsi pocotsiwa xua bapon ichichipa pia peexanae coyenewan tati. Bapoxonae jame bapon bewa eexanapona pocotsiwa itoroban, bequein bara bapon bexotsi ichamona, tajiwiwimona jitonxae.

²⁵ Pon naantobeya nata exana pocotsiwa bapon ichichipa, bapon jopa xeinaeyo peajuntayapusuwa, po peajuntayapusuwa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan tana neantobexae bapon xeinaena peajuntayapusuwa, po peajuntayapusuwa ataya tsiteca xua Nacom pia nacua beicha.

²⁶ Icha pebin bichocono copei xeina pocotsiwa xeina po cae pin nacuathe, ichitha jopa xeinaeyo peajuntayapusuwa po peajuntayapusuwa ataya tsiteca, bapoxonae bapon jopa itacupaetsi xua penajuntu coyene capanepaewa xua jopa peweraweracaewa. Tsipei pebin jopa itacupaetsi xua barapo copeitha matomatsina Nacomtha xua bapon pecatsinexa tsainchi peajuntayapusuwa xua barapoxonae pepatopaewanexa tsane Nacom pia nacua beicha tati.

²⁷ Tsipei xan ponxaein Nacom Tananeitapetsin bewa yawa muxuna patopeicaein Nacom pia peitupanaewa tati. Matauta matatsunpiwi baru patopeicaein. Daxita carepaya jiwitha catsibin pocotsiwa peyabara cui matomatsiwatsi. Pomona jopa xapain exanaeyo ichamonaetha xuya barapocotsi coyeneya exanaein xua antomabeya catsin. Pomona xua xanepanaya exana ichamonaetha pocotsiwa cui itoroban xuya barapocotsi coyeneya exanaein matoma xanepanaya catsibin.

²⁸ Bara xaniwaicha paca tsipaebatsi xua pomonae xote umene barapomona jiwana abu, copiya matha yabara yaputaena poxonae xan ponxaein Nacom Tananeitapetsin tamropata pitabin xua itorobiya taewatsiwa tsane pomona tana nejume cowantsiwi, jei Jesús.

17

Meje yabara poxonae Jesús pijimona peitutha pexeinya itupanae coicha tsanaya naexana

(Mr 9.2-13; Lc 9.28-36)

¹ Poxonae seis po matakabibe jopa, po matakabin weya poxonae Jesús paeba baxua, bapoxonae icha matakabitha Jesús pona demxuwa beicha. Pedro Jesús baru pona, iruno Santiago Jesús baru pona, iruno Juan Jesús baru pona, pon Santiago peweicho tati. Barapo acoibi poyobe Jesús matakapona demxuwatha, po demxuwatha bichocono taucha ichaxota jiwaibi.

² Baxoteicha daxita Pedrobar^u peit^utha tatsi Jesús pexeinya it^upanae coicha tsanaya. Bichocono itabara daedaena icha be xometo ichi poxonae pentha. Matautano pocotsiwa penama xatatsiwa bichocono inyapana tsanaya icha pecoicha ichi.

³ Bapoxonae Pedrobar^u taer^uç^upa Moisés ir^u Elías xua baponbe Jesús bar^u cueicueije-ichibe.

⁴ Bapoxonae Pedro namchi Jesustha, jeye:

—Pata Tanecanamataxeinaem, maisa w^unae xua xote pata umenaewa. Icha ichichipame, bapoxonae pacata acabinchi acoibi po boutiyobe, cae bouto xam nexa, icha bouto Moisés nexa, icha bouto Elías nexa, jei Pedro.

⁵ Poxonae cataunxuae Pedro cueicueije, xua Jesús bar^u cueicueijeichi, bapoxonae daxita barapomonae bematawacaicha taruneicatsi tsaquinaebowa po tsaquinaebowa bichocono pentha. Nexata barapomonae tsaquinaebowatha pejume jume tane xua Nacom namchi, jeye: “Bapon apara Taxanto, pon bichocono antobein, pon itapetan. Bapon bichocono nej^unt^u coyene weiweina exana. Bapon beta pajume taema pocotsiwa paca tsipaeba”, jei Nacom.

⁶ Poxonae Jesús pijimonae tatsi jume taer^uç^upa baxua, bapoxonae barapomonae pia coutha iratha nabebeya, irabe taebobendeca. Barapomonae bichocono pijunuwi.

⁷ Bapoxonae Jesús pijimonae imoxoyo caquita uncuataba yawa pijimonae war^uba, jeye: —Panonobaponde, painya xoba pajunuwame, jei Jesús.

⁸ Poxonae barapomonae necobar^uç^upa beya meisa Jesús compa uncu, ichamonae aichurubena.

⁹ Poxonae Jesús pijimonae bar^u duneica demxuwa wetsica, pijimonae barai, jeye:

—Ichamonaetha jopa baxua patsipaebinde pocotsiwa aunxuae pataneme xuaunxuae paca tsita it^utatsi, beya ab^u poxonae xan ponxaein Nacom Tananeitapetsin equeicha as^un ponopanein tat^upa^e coyene weya, jei Jesús.

¹⁰ Nexata Jesús yainyabatsi pijimonae, jeye:

—Pomonae jiwi pecuidubiwi Moisés pia peitorobi coyene jeye: ‘Mesías matha tsiwanaya patopaeinchi Elías’, jei. ¿Eta pocotsiwa metha jane? jei Jesús pijimonae tatsi.

¹¹ Jesús jume nota, jeye:

—Bara xainyei, copiya matha netsiwanaya patopa pon icha be Elías ichi. Matautano bapon cana exana jiwitha xua jiwi cana j^unt^u coyene weta exanaya exanatsi xua tana nejume cowantsiwa tsane xua tapatopaewa tsane.

¹² Ichitha xan paca tsipaebatsi xua bayatha apara patopa pon copiya matha netsiwanaya patopa pocotsin xua icha Elías ichi. Poxonae bapon bayatha patopeica jiwi jopa yaitaeyo bapontha pon icha Elías ichi. Saya barapo jiwi bapon abe cana exanatsi be pocotsi coyeneya ichichipa beya poxonae bapon yatsicaya bexotsi. Icha bapon ichichi xua poxonae cana exanatsi, barapomonae bara neichi tsane ponxaein Nacom Tananeitapetsin. Barapomonae ir^u nebehubina, jei Jesús.

¹³ Jesús pijimonae tatsi matapainya yapatane xua poxonae Jesús pijimonae tsipaeba Elías yabara, apara xua Juan yabara paebatsi pon jiwi Pebautisabin.

*Meje yabara poxonae Jesús cauri taitaweta xua pewowin xeina
(Mr 9.14-29; Lc 9.37-43)*

¹⁴ Poxonae demxuwa weya pona, bapoxonae Jesús pijimonae bar^u patopa ichaxota pin bicheito jiwi jinompa. Bapoxonae pebin Jesús imoxoyo caquita uncatobatsi. Bapon pentabocotoha uncu Jesús peitabaratha tatsi. Bapon Jesús baraichi, jeye:

¹⁵ —Tanecanamataxeinaem, inta taxanto yabara naj^unt^u coyene xeinare xua jinya neyawenaenexa. Taxanto inta waetabatsi cauri. Inta papai exanatsi. Inta coibo thamthamei exanatsi. Matayaiba exanatsino. Matauta isototha inta bebai tsaibichino. Matautano mentha inta bebai tsaibichino.

¹⁶ Bequein barapo taxanto xote caponanje jinyamonaetha yawa janje: ‘Painta taxanto taitawere cauri’, jan, daichitha jopa ita^upaetsi xua taxanto petaitawetsinexatsi cauri, jei bapon.

¹⁷ Jesús namchi daxita barapomonaetha, jeye:

—jPaxam barapomonae pam pomonae jopa xapain cataunxuae pana nejume cowantsim! jPaxam barapomonae pam, peaj^unt^ucoyenebe jiwi pam! ¿Eta po weibe nantawenonan xua bewa tapaca bar^u ecaewatsi tsainchi xua beya poxonae tapana nejume cowantsiwam tsane? Matautano ¿eta po weibe equeicha nantawenonan xua tapaca cayawenaewatsi tsainchi? Inta xawena pewowin, jei Jesús.

¹⁸ Bapoxonae Jesús itaweta cauri, matautano pewowin wepu ponatsi exanatsi. Barapo pewowin nainya axaibi tsuxubi.

¹⁹ Bapoxonae pirapaeyo Jesús compa tsipaebatsi pijimonae. Jesús jeichichi:

—¿Eta pocotsiwa metha jopa pana neitacupaeyo xua pata taitawetsiwa cauri? jei Jesús pijimonaе tatsi.

²⁰ Jesús jume barai pijimonaе jeye:

—Jopa paca itacupaeyo xua painya itawetsiwa cauri tsipei jopa beta payabara jume cowantsim xua Nacom painya nepaca cayawenaewa. Bara xaniyeya paca tsipaebatsi. Icha paxeinaetsipame xua be peya pejume cowantsi coyenewiyo xua bequein, icha mostaza xutiyo jata ichi xua tsica xutiyo, ichitha bara paca itacupa xua urutotha painya nejeiwa: 'Uruto bara jincoutha natabu jonde, icha ira beya naxore', xua painya nejeiwa. Bara jopa bayathiyo tsipae barapo uruto. Dapocotsiwa apara pacata aibi, pocotsiwa peayapubeya daunweiwa icha paxeiname tapanane nejume cowantsiwam xua peya jume cowantsiwiyo.

²¹ Barapo cauri saya paca itacupa xua painya neitawetsiwa poxonae matha payabara nainbotame mataantano poxonae matha Nacomtha matowa pawucame, jei Jesús.

Meje yabara poxonae equeicha Jesús nayabara paeba xua poxonae tupaena (Mr 9.30-32; Lc 9.43-45)

²² Poxonae cataunxuae Jesús pijimonaе baru popona Galilea nacuatha, pijimonaе tsipaeba, jeye:

—Xan ponxaein Nacom Tananeitapetsin, jiwi necaenaetsina ichamonaetha.

²³ Barapoxonae bequein nebexubina, ichitha poxonae acoibi po maticabiyobe yapucaewina Nacom equeicha tatupaen asu neexanaena, jei Jesús.

Bichocono Jesús pijimonaе tatsi anthuthutane, xua poxonae Jesús pejume taexaetsi poxonae baxua paeba.

Meje yabara poxonae Jesús cata paratiyo xua Nacom pin pia bo nexa

²⁴ Jesús baru patopa pijimonaе Capernaum tomaratha. Barapoxonae pomonaе paratixi penoteibiwi po paratixi judiomonaе bewa catsibeibina xua Nacom pin pia bo nexa, barapomonaе Pedro pexainya beya taponatsi. Barapomonaе Pedro yainyabatsi, jeichichi:

—¿Pon painya nepaca cuidubin, bapon bepa pana catsei paratixi xua Nacom pin pia bo nexa? jei.

²⁵ Pedro jume nota, jeye:

—Aa, bepa paca catsei, jei Pedro.

Poxonae Pedro botha joniya, Jesús copiya barai bapon, jeye:

—Simón, ¿eta be caita cui jicha? Barapo cae pin nacuathe, ¿eta po jiwi wucatsi paratixi, po paratixi xua jiwi bewa catsibeibina pomonaetha pomonaе jiwi itorobiya pia pepa peewatsiwichi poxonae pomonaе jiwi itorobiya pia pepa peewatsiwichi wuca? ¿Metha bara piamonae matabu wuca? Ichacuitha, ¿metha bara ichamonaе wucatsi pomonaе penanapaincha jinompawewi xua icha nacua werena peponawewi? ¿Eta pomonaе cuita wucatsi? jei Jesús.

²⁶ Pedro Jesús jume notatsi, jeye:

—¡Apara jame wucaetsipa ichamonaetha! jei Pedro.

Equeicha Jesús jume nota, jeye:

—Nexata barapomonaе jopa wucaeyo piamonae matabu wuca.

²⁷ Barichin jopa bewa Taxa catsin tsane paratixi, yaitama tsipei apara Taxa Pexanton tatsin. Ichitha xua barapomonaе jopa wanaca casebinexa, matha mene beya ponde. Curupobo xoyama mentha barapoxonae po duwein copiya wana pichina curupobo, pire barapo duwein. Barapoxonae barapo duwein coiboto tsina paratiyo taename po paratiyo xua naca yajurabe xua wamatomatsiwabe tsane Nacom pin pia bo nexa. Barapoxonae barapo paratiyo caponde pomonaе paratixi penoteibiwi beya bara careno, jei Jesús.

18

Meje yabara poxonae Jesús yabara yainyabatsi pijimonaе xua pon peainya cui peexanaeinchi

(Mr 9.33-37; Lc 9.46-48)

¹ Nexata barapoxonae Jesús imoxoyo caquita umenarucupatsi pijimonaе, yawa pijimonaе yainyabatsi, jeichichi:

—¿Jintam paxan jiwana pan pon bichocono ainya cui cana exanaeinchi po mataqueitha poxonae Nacom wabina jiwi xua petanaexanaenexatsi pijimonaе pomonaе itorobiya pecanamataxeinaexae? jei Jesús pijimonaе tatsi.

² Nexata Jesús waba pexuyo, yawa pijimonaе tatsi peitabarayo deca tatsi tacuaranoreca.

³ Jesús namchi pijimonaetha, jeye:

—Bara xainyeya paca tsipaebatsi bewa paxeinaem icha juntu coyenewa xua jopa pananta xeinaem peainya cui coyenewa yabara. Barapocotsi juntu coyenewa pexui ba xeina xua jopa taayapubetsi poxonae nejume cowanta. Bewa pananta xeinaem icha

pexui ichi poxonae nanta xeina, icha paichichipame xua Nacom painya nepaca wabiwa xua pijimonaе tatsi painya nepaca exanaewa pomonaе pamxaem Nacom itorobiya paca ewata.

⁴ Po jiton pon najunt_u coyene acaura, xua daxota bichocono Nacom canantawenonatsi xua pejume cowuntsiwatsi, bapon jame ainya cui xua pecana exanaewatsi Nacom pijimonaе tatsi jiwana pin pomonaе pejume cowuntsiwichi pomonaе Nacom itorobiya peewatsixae.

⁵ Pon matenta weyataeya waba peyawenaenexa pontha pon tana nejume cowuntsixae xua pocotsin icha be barapocotsi pexuyo ichi, barapon apara bara nententa weyataeya waba. Xan jopa meisa nententa weyataeya wabiyo apara bara ir_u matenta weyataeya wabatsi pon tana neitorobixae, xua pon bara Nacom, jei Jesús.

Meje yabara poxonae Jesús paeba xua jiton jopa bewa cana exanae ich_untha xua ir_u abe peexanaewa tsane

(Mr 9.42-48; Lc 17.1-2)

⁶ “Nacom tsitatsi xua pebin bichocono abe exana poxonae ich_un cana exanatsi xua abe peexanae cui ru coyene exana, po barapo ich_un pon cataunxuae aena tana nejume cowuntsixae. Metha jame w_unae tsipae xua barapo pebin pon abeya cana exanaeya taexana ich_untha, barapon pin iboto wisi catsipatsi yawa xua tuw_utha xua pin mar mentha barapo iboto cayawa cabutabachipatsino. Tsipei jopa w_unae tsipae xua bapon cana exana xua ichamonaе abe peexanae cui ru coyene exana pomonaе cataunxuae aena nejume cow_unta.

⁷ Maisa bichocono jopa xanepanaeyo barapo cae pin nacuathe nexa pomonaе abe exaneiba. Barapo cae pin nacuathepiwi ataya xeineiba po jiwi pecana exanae xaeatsi xua ichamonaе cana exana xua barapo jiwi pecana exanae xaeatsi xua ichamonaе cana exana xua barapo jiwi abe peexanae cui ru coyene peexaneibinexa xua daxota jopa nejume cowunteibiyo. Ichitha pebin tsocuae xua bapon abe taexana xua ich_un abe exanaeya taexanaetsi.

⁸ “Daxota paca tsipaebatsi icha painya cobe paca exana xua abe painya neexanaewa tsane maisa pana nacobe ucubobare yawa taju beya pana nacobe bebande abe painya jopa neexanaenexa. Tsipei baxua xanepana xua cae cobexi pabebam tsane, xua saya cae cobexi painya neyawa patsiwa tsane Nacom pia nacua beicha tatsi. Baxua jame yatsicaewa xanepana beyacaincha xua ainya cobebe painya necayawa bebai tsane ichaxota po nacuatha isoto jopa itacounaiyo. Matautano icha painya taxu paca exana xua abe painya neexanaewa tsane maisa pana nataxu ucubobare yawa taju beya pana nataxu bebande xua abe painya neexanaeyainwa. Tsipei baxua xanepana xua cae taxuxi pabebam tsane, xua cae taxuxi painya neyawa patsinexa Nacom pia nacua beicha tatsi. Baxua jame yatsicaewa xanepana beyacaincha xua ainya taxube painya necayawa bebai tsane ichaxota po nacuatha isoto jopa itacounaiyo.

⁹ Matautano icha pocotsiwa pataneme painya itamaiqueitho xua icha baxua paca exana xua abe painya neexanaewa tsane painya netaxae painya itamaiqueitho, maisa pana naitamaiquei juquare. Yawa taju beya pana naitamaiquei bebande abe painya neexanaeyainwa. Tsipei baxua xanepana xua cae itamaiqueitoxi pabebam tsane, xua cae itamaiqueitoxi painya neyawa patsiwa tsane Nacom pia nacua beicha tatsi. Baxua jame yatsicaewa xanepana beyacaincha xua poxonae ainya itamaiqueitobe painya necayawa bebai tsane ichaxota isoto jopa itacounaiyo”, jei Jesús.

Meje yabara poxonae Jesús tsipaeba pijimonaе pecayabara j_uta pepaebi diwesiyo xua oveja yabara pon penapuxanaein

(Lc 15.3-7)

¹⁰ Equeicha Jesús jeye: “Barapocotsi pexuyo jopa catsa jumeya pacayabara jande: ‘Maisa barapo pexuyo jopa peainya cuiyiyo’, jopa pajande. Matauta pomonaе aena pejume cowuntsiwi Nacom jopa pacayabara jande: ‘Maisa barapomonaе jopa peainya cuimonaе aeyo’, jopa pajande. Paca tsipaebatsi pomonaе Nacom pejume cowuntsiwi barapomonaе nantauta pia matatsunpiwi po matatsunpiwi barapomonaе yawenatsi. Barapo matatsunpiwi, Taxa Nacom peitabaratha tatsi tajinompeibatsi pia nacuatheicha, xua barapo pejume cowuntsiwi peyawenaenexa tsai bi tsainchi.

¹¹ Tsipei xan, ponxaein Nacom Tananeitapetsin patopeican tayawenaenexa pomonaе jopa pejume cowuntsiwi xua barapomonaе napaeba tacana exanaewa tsane.

¹² “Pana nejume naitaeware po pecayabara j_uta pepaebi diwesiyo xua paca tsipaebinchi. Barapo diwesiyo jeye: Jiton ba xeina oveja cien poyobe. Caein tanapuxanatsi. Jiton demxuwatha cuenta pona noventa y nueve poyobe oveja, pewenaweneinexa oveja, pon catsawa jopa, beya matapainya taeba.

¹³ Xaniwaicha paca tsipaebatsi poxonaē jiton oveja taeba, bapon bichocono weiweina petaebixae oveja pon catsawa jopa, beyacaincha xua poxonaē weiweina poxonaē saya noventa y nueve poyobe po ovejamonaē jopa catsawa othopaeyo.

¹⁴ Barichi barapocotsi juta coyeneya ichi, Nacom pon Taxa, pon peitabocotha eca, bapon jopa ichichipaeyo xua pebarapentsiwatsi pijiwimonaē xua pejume cowantsiwatsi matautano xua bara caeinno iru, pomonaē aena pejume cowantsiwaxaetsi”, jei Jesús.

*Meje yabara poxonaē Jesús yabara paeba xua jiton eta bichi tsane poxonaē cayabara juntemainaena pontha pon abe petaxanaexaetsi
(Lc 17.3)*

¹⁵ Equeicha Jesús barai pijimonaē, jeye: “Icha ichun pon iru pejume cowantsindu, icha bapon pacata abe exana, bapon baxua yabara patsipaebare xua bapon peyaputaewa tsane xua deta cou abe exana. Icha barapon paca jume taeya jejei tsane pocotsiwa xua bapon abe exana bara bapoxonaē paca itacoxonaena.

¹⁶ Ichacuitha icha ichun pon pejume cowantsindu, icha bapon jopa paca jume cowantsiya jejeyo, bara nexata equeicha pawabare pebinbe nacueyatabe xua yoroba painya netsipaebinxae bapon xua abe peexanaexae.

¹⁷ Ichitha icha awiya bapon jopa cataunxuae paca jume cowantsiya jejeyo, bara nexata barapon pacaponde pomonaetha pomonaē Nacom pejume cowantsiwichi, xua barapomonaē bapon peyabara paebinxatsi. Icha bapon awiya cataunxuae jopa came jume cowantsiya jejeyo barapomonaetha barapoxonaē barapomonaē bewa yabara nanta xeinaē xua bapon bara be pocotsi jiton pon jopa bapana pejume cowantsin Nacom. Ichacuitha bewa yabara nanta xeinaē xua bapon bara be pocotsi jiton jiwana, pomonaē peajuntucoyenebewi, pomonaē paratixi pentoma noteibiwi, po paratixi jiwi bewa catsibeibina pon romanomonaē itorobiya pia pepa peewatsinchi nexa.

¹⁸ “Xainyeya paca tsipaebatsi. Pocotsiwa paxam jopa pacopatsim barapo cae pin nacuathe xua pocotsiwa exana pomonaē tana nejume cowantsiwi, bapocotsiwa bara iru Nacom jopa copatsiyo pia peitorobi nacua beicha xua barapomonaē peexanaewa tsane baxua. Pocotsiwa pacopatame xua tajiwimonaē peexanaenexa barapo cae pin nacuathe bapocotsiwa iru Nacom copata pia peitorobi nacua beicha xua barapomonaē bara peexanaewa tsane baxua.

¹⁹ “Matautano paca tsipaebatsi icha paxam jiwana nacueyatabe barapo cae pin nacuathe icha baponbe peburaya juraya yabara nanta xeinaē xua Nacomtha pewucaewabe, baponbe bara baxua taexanaeinchibe pocotsiwa pewucaexaēbe xua Taxa Nacom bara taexanaena pon peitabocotha eca.

²⁰ Tsipei ichaxota ba nayantabe xua nacueyatabe poyobe, xua poxonaē pewucaenexabe Nacom xua ichacuitha ichaxota acoibi poyobe, xua pomonaē taneantobe jiwixae, bara bequein saya caeyobe daichitha xan baxota ba uncueiban iru”, jei Jesús.

²¹ Nexata Pedro Jesús yainyabatsi, jeye:

–Tanecanamataxeinaem, icha inta abe exana pon iruru jume cowanta, zeta po cuiyobe tsipaebocuaein xua bewa tacui yabara juntemainaewa tsane pocotsiwa inta abe exana? ¿Metha saya beya poxonaē siete po jume cuiyobe tsipae? jei Pedro.

²² Jesús jume nota, jeye:

–Ichitha jopa catsipaebichi xua saya siete po cuiyobetham netsipaebiwa tsane xua jinya necui yabara juntemainaewa tsane pocotsiwa cata abe exana. Seicaya apara jame catsipaebatsi, xua jopa cuinaya najume baraxubim tsane xua jinya necui yabara juntemainaewa tsane pon cata abe exana xua beya bequein jame cuatrocientos noventa po cuiyobetham tsane xua netsipaebiwa tsane, jei Jesús.

Meje yabara poxonaē Jesús cuiduba pecayabara juta pepaebi diwesiyo xua pon jopa yabara juntemainaeyo ichantha

²³ Equeicha Jesús pijimonaē barai pecayabara juta pepaebi diwesiyo, jeye: “Anoxuae paca cuidubatsi xua Nacom yabara. Nacom pijimonaē bichocono yabara juntemaina po abe peexanaē coyenein pijimonaē tatsi exana. Nacom baxua exana icha pebin ichi pon jiwi itorobiya pia pepa peewatsinchi. Bapon wuca xua caewa equeicha pematomatsinexatsi xua po matoman caena bayatha penacowaebixaetsi.

²⁴ Pon jiwi itorobiya pia pepa peewatsinchi tamropata pitaba xua waba pia petanacuichiwichi. Pon copiya, bapon pon jiwi itorobiya pia pepa peewatsinchi jopa equeicha caewa tacanawitichi diez millones po paratiximonaēbe.

²⁵ Barapon pon copiya pon petanacuichinxae pon jiwi itorobiya pia pepa peewatsinchi nexa jopa xeinaeyo paratiximonaē xua pon jiwi itorobiya pia pepa peewatsinchi caewa petacanawichinexa tsainchi. Daxota pon jiwi itorobiya pia pepa peewatsinchi itoroba

ichantha xua barapo petanacuichinchi caenaetaxubinchi ichantha xua ichan pecomotsinexa tsane xua pon pebusi cui taetaeinchi pecanaexanaenexa tsainchi. Barapon pon jiwi itorobiya pia pepa peewatsinchi matauta cui itoroba xua yabayoy pecaenaetsinexa tsainchino, powa barapo petanacuichin piowa tatsi. Yawano cui itoroba xua pexuino pemuxuna caenaetsinexa tsainchi. Yawano cui itoroba xua pemuxuna caenaetsinexa pocotsiwan xeina pon petanacuichin, xua barapo matoma pecatsinexatsi pon jiwi itorobiya pia pepa peewatsinchi. Ichitha daxita barapo matoma awiya seica, bequein bapon daxita baxua cana exanaetsipatsi.

²⁶ Nexata pon petanacuichin pentabocototha uncua pon jiwi itorobiya pia pepa peewatsinchi itabaratha tatsi matautano jume daunweya namchiya jeye: 'Tanentacaponae, abu necayabara najuntu coyene xeinare, xua jopa bepijawa neaitaconaenexa. Barapara bexa daxita pentoman cacatsibinchi', jei pon petanacuichin.

²⁷ Pon jiwi itorobiya pia pepa peewatsinchi bara yabara najuntu coyene xeina peyawaenaenexa, yawa yabara juntemaina barapo paratiximona, matautano bara saya pu copata.

²⁸ "Daichitha bapon pon petanacuichinxae poxona, pountaba pon jiwi itorobiya pia pepa peewatsinchi weya, jemeicha caxina pia jiton pon penabaru nacuichinxaebe. Pon caxinatsi bapon matoma amanayaba saya cien po paratiximonaebe. Pon jiwi itorobiya pia pepa peewatsinchi weya pona matoma amanayabatsi. Pon jiwi itorobiya pia pepa peewatsinchi weya pona bapon pia jiton coibotathu waetaba, muxu penaichatabi. Pon pecoibotathu waetabixae bapon jei: 'Equeicha inta caewa canawire xua bayatha nentoma amanayabame!' jei.

²⁹ Bapoxona pon coibotathu waetabatsi pentabocototha uncua pia jiton itabaratha tatsi, matautano jeye: 'Abu, neyabara najuntu coyene xeinare, xua jopa bepijawa neaitaconaenexa. Barapara bexa pentoma cacatsinchi', jei pon coibotathu waetabatsi.

³⁰ Ichitha pon jiwi itorobiya pia pepa peewatsinchi weya pona bapon aichaxaibi xua abu came pentoma ewatsiwa. Daxota bapon pia jiton capona jiwi pecubi bo beya, beya abu poxona matoma catsinchi pia jiton, xua pon jiwi itorobiya pia pepa peewatsinchi weya pona matoma catsinchi.

³¹ Poxona ichamona pomona iruru petanacuichiwi baxua cui tane, barapomona unthathu wecoyei, tsipei ichan pon iru petanacuichin jiwi pecubi botha etatsi. Bapoxona barapomona pon jiwi itorobiya pia pepa peewatsinchi beya pona. Barapomona tsipaeba pontha pon jiwi itorobiya pia pepa peewatsinchi daxita pocotsiwa pon petanacuichin cana exana ichantha pon iruru petanacuichin.

³² Bapoxona pon jiwi itorobiya pia pepa peewatsinchi itoroba pijimona xua petawabinexa tsainchi pon petanacuichinxae tsipi pontha xua pon peyabara juntemainaexae pocotsiwa penacowaetsixaetsi. Pon jiwi itorobiya pia pepa peewatsinchi bapontha jeye: 'Maisa pon inta nacuitame maisa bichocono abem! Xan cayabara juntemainatsi daxita barapo ainya paratiximona tsipei tanebaru jumichimxae.

³³ Xam bewa bayatha barichim. Bewa yabara najuntu coyene xeinaem jinya jiton xua nejuntemainaenexa pocotsiwa bapon cantoma amanayaba, icha xan ichin xua bayatha cayabara najuntu coyene xeinatsi tacayawenaenexa tsainchi', jei.

³⁴ Pon jiwi itorobiya pia pepa peewatsinchi bichocono anaepana. Daxota bapon cui itoroba ichamona, xua barapon pon petanacuichinxae caponaeinchi jiwi pecubi bo beya. Baraxota peraxa exanaeinchi xua beya abu poxona barapon pon petanacuichinxae tsipi matoma catsinchi daxita po pentoma bayatha jopa caewa petacanawichixaetsi", jei Jesús.

³⁵ Equeicha Jesús jeye:

—Bara juta coyeneya ichi tsane icha be pon jiwi itorobiya pia pepa peewatsinchi ichi. Poxona bapon peraxa exana barapo pia petanacuichinxae xua bapon pia jiton jopa pecui yabara juntemainaexae, Nacom pon itaboco peecaein barichi tsane pijiwitha. Nacom exanaena baxua poxona barapomona jopa xapain yabara juntemainaeyo pomona aetha pomona abe petaxanaexaetsi, jei Jesús.

19

*Meje yabara poxona Jesús cuiduba xua jiwi piseurixi pepunapenteibiyainwa.
(Mr 10.1-12; Lc 16.18)*

¹ Poxona Jesús najume weta xua tsipaeba pijimona, bapoxona Galilea nacua weya warapa. Bapoxona Jordán mene deca bara bereca pona, equeicha dabeya barapo Jordán mene, mene epa uncatabiya xua patopa Judea nacua, po nacua eca ichaxota pocotsiwa xometo bejopiya xua po nacua Jordán mene weya eca.

² Pin bicheitomonae puna poinchi. Baxotiya Judea nacuatha Jesús axaibi exana peate-newi.

³ Bapoxonae fariseomonae piraichi Jesús imoxoyo caquita umenaracupatsi xua Jesús pejunta coyene jujtsinexatsi daxota jeye Jesustha:

—¿Moisés pia peitorobi coyenewa copata xua pebin piseuri pepunaxubiwa ichi saya poxonae ichipa? jei fariseomonae.

⁴ Jesús fariseomonae jume notatsi, jeye:

—¿Jopa payorobim Nacom Pejume Diwesi? Barapo diwesitha jeye: 'Poxonae aena Nacom forota, Nacom forota pebin yawa forota petsiriwa', jei barapo Nacom Pejume Diwesitha.

⁵ Matauta jeyeno Nacom Pejume Diwesitha: 'Daxota baxuaxae pebin paxa wepu natsata yawa pena wepu natsata xua piowabe imoxoyo penaperu nacojobinexabe. Baraponbe be cae jiwimonae naexanabe', jei Nacom Pejume Diwesitha.

⁶ Bapoxonae baponbe xua aina jiwibe aibi, bara be caein naexanabe. Daxota pebin bapana jopa bewa punaxubi piowa, tsipei apara bayatha Nacom cana exana xua bara be bara caein naexanabe, jei Jesús.

⁷ Nexata fariseomonae Jesús yainyabatsi, jeye:

—¿Eta xua metha Moisés pia peitorobi coyenewa copata xua jiton itacupatsi xua pecatsiwa papera piseuri po paperatha tina xua pexubiwa tsane piseuri? jei fariseomonae.

⁸ Jesús jume nota, jeye:

—Moisés copata xua paxam painya seuriwi painya nepunapenteibiwa jopa painya nejume cowantsi jiwixae Nacom. Apra caena bayatha Nacom jopa baxua copatsiyo poxonae aena fororapona jiwí.

⁹ Nama paca tsipaebatsi pon piowa punaxuba xua poxonae yabuyo bequein jopa nasi cui exanaeyo ichuntha, icha bapon ichowa pita, bapon abe exana Nacom peitatha tatsi tsipei Nacom tsitatsi xua powa copiya baru popona apra bara piowa tatsi, jei Jesús.

¹⁰ Nexata Jesús tsipaebatsi pijimonae, jeye:

—Icha Nacom jopa copatsiyo xua pebin piowa punaxubina poxonae barapowa saya u exana pocotsiwa pebin aichaxaibi, baxua bichocono ajumeyapube. Metha nexata pebin jopa jitha ecaetsipae. Bara saya pebin metha misa ecaetsipa, jeichichi Jesús pijimonae.

¹¹ Jesús barai pijimonae, jeye:

—Daxita jiwí ba jopa itacupaetsi xua peyabara yaputaewa pocotsiwa aunxuae payabara caunutame xua jopa jitha peenaewa. Saya meisa pomonae Nacom yabara yaputane exana barapo coyene, barapomonae itacupatsi xua pecana exanaewa barapo coyenetha xua jopa jitha peenaewa.

¹² Barichi acoibi po cui coyenewabe xua pebiwi jopa penotsiwa pecotsiwaxi jiwí. Ichamonae aichaxaibi xua jitha peenaewa tsipei barapocotsi jiwimonae bara yacuiya naexana xua jopa penotsiwa yabuxitha. Ichamonae jopa itacupaetsi xua pecotsiwaxi penotsiwa tsipei bayatha tobu jucuatzi, xua ichamonae tobu jucua. Daxota jopa itacupaetsi xua pexui pecanaexanaewa. Ichamonae aichaxaibi xua pecotsiwaxi nota, peichichipaexae xua saya u peexanaewa pocotsiwa Nacom itoroba. Pon itacupatsi xua peyabara yaputaewa xua pocotsi coyene jopa pepichiwa pecotsiwa, bara moya jopa exanae tsane xua pepichiwa tsane pecotsiwa, jei Jesús.

Meje yabara poxonae Jesús jeye pexuitha: "Barabu Nacom beta paca yawenaena", jei (Mr 10.13-16; Lc 18.15-17)

¹³ Nexata jiwí Jesús tacaponatsi pexui xua Jesús pejayabinexa pecobetha yawa xua Nacomtha pewacaenexa barapo pexui nexa xua pejeinexa: "Barabu Nacom beta paca yawenaena", pejeinexa. Ichitha Jesús pijimonae tatsi poxonae baxua tane, tamropata notarucpa xua barapomonae cui matawentatsi pomonae pexui carendena tsalbi.

¹⁴ Ichitha Jesús jume barai pijimonae, jeye:

—Bara pacopabare pexui xua tana itata patsinexa. Jopa pexui paitawetsinde, tsipei Nacom pia peitorobi nacua tatsi saya meisa barapomonae nexa pomonae pejunta coyene xanepanaewi icha pexui ichi. Pexui pia cui xua tayaru xanepanatsi xua pia junta coyeneintha jume cowanta Nacom, jei Jesús pijimonaetha.

¹⁵ Poxonae Jesús nacobe weta xua pexui jayabatsi yawa xua Nacomtha tawaca barapo pexui, xua jeye: "Barabu Nacom beta paca yawenaena", jei. Bapoxonae Jesús wepu pona barapomonae.

Meje yabara poxonae pewowin pon copei pexeinaein Jesús tsipaebatsi (Mr 10.17-31; Lc 18.18-30)

¹⁶ Pewowin pona xua Jesús petaenexatsi. Barapo pewowin jeye Jesustha:

—Ja Tanecuidubim, maisa nejunta coyene xanepanaem. ¿Eta xua copiya matha exanocuaein xua ajunta yapusuya tapoponaewa tsane xua ataya tsane? jei.

17 Jesús jume barai, jeye:

—¿Eta xua nebaram: 'Nejuntá coyene xanepanaem', jam? Apra ichun dapon aibi pon pejuntá coyene xanepanaein. Jame meisa apra bapon Nacom compa pejuntá coyene xanepanaein. Icha ichichipame xua ajuntayarusya neporonaewa xua ataya tsane, moya matha exande pocotsiwa Moisés itoroba pia peitorobi jume coyenewantha, jei Jesús.

18 Pewowin Jesús jume baraichi jeye:

—¿Eta po peitorobi jume coyenewara? jei.

Jesús jume notsiya namchi xua Moisés pia peitorobi coyenewa namchi, jeye:

—'Jopa ichun bexubinde. Jopa ichowa pichinde ichun piowa tatsi. Jopa caibinde ichun piawan tatsi. Jopa naerabiya cayabara paeinde pocotsiwa ichamonae exana.

19 Axatha baru jume cui itura jinare. Antobeinde necatsicuarabu enaewi icha ichim xua jincoutha naantobem', jei Moisés, jei Jesús.

20 Pewowin Jesús jume baraichi, jeye:

—Daxita caena bayatha barapo coyenein exaneiban. Poxonae pexuyothan tamropata pitaban, beya anoxuae yacuiya pinyon. ¿Eta pocotsiwa meisa inta acoibi xua exanaein? jei barapo pewowin.

21 Jesús jume barai, jei:

—Cataunxuae icha cui coyene cata seica xua pocotsiwa neexanaewam tsane. Icha ichichipame xua jopa necata acoibiyo nexa tsane xua pocotsiwa xanepanaya neexanaewa, matha daxita caenaere pocotsiwa xeiame yawa catsibare pomonaetha pomonae peacopeibi jiwí. Bapoxonae jame moya anetha, nepuna ponde. Bequein bara bapoxonae acopeibim tsane, daichitha Nacom cacatsina peitaboco beicha pocotsiwa Nacom necajuntana botsiwa pocotsiwa bichocono wanae, jei Jesús.

22 Poxonae barapo pewowin baxua jume taeba bichocono anthuthu wecoyeya ponataba tsipei bichocono copei pexeinaein.

23 Nexata Jesús barai pijimonaetha, jeye:

—Bara xaniyeya paca tsipaebatsi. Maisa bichocono ayapubecai xua pomonae bichocono copei pexeinaewi naexana Nacom pijimonaetha tatsi jiwana pomonae Nacom itorobiya peewatsixae. Tsipei barapomonae bichocono antasiwayatane barapo pia copei beyacaincha xua Nacom antobetsi.

24 Equeicha paca tsipaebatsi. Bichocono acuiruyapube xua duwein pon pewan camello xua pejoniyae acucheto peetabu wan iya. Ichitha nama yatsicaewa pon bichocono copei pexeinaein taacuiruyapubetsi xua naexana Nacom pijimonaetha tatsi jiwana pomonae Nacom itorobiya peewatsixae beyacaincha xua poxonae acuiruyapube xua poxonae camello acucheto peetabu wan iya pejoniyae, jei Jesús.

25 Poxonae baxua Jesús jume taerapatsi pijimonaetha, barapomonae yabara najuntá cui coyene cabenaewa, yawa Jesús jeichichi:

—Bapoxonae ¿jintam metha nexata itacapatsi xua penacapanepaewa pia coutha? jei barapomonae.

26 Jesús necotsiya jeye:

—Pebiwi ba jopa itacapaetsi xua baxua exana, saya jame meisa Nacom compa itacapatsi xua jiwí napaeba cana exanatsi. Tsipei daxua ajibi pocotsiwa Nacom taacuiruyapubetsi, jei Jesús.

27 Nexata Pedro jeye Jesustha:

—Pata Tanecanamataxeinaem, paxan daxita pacuenta ponan pocotsiwa paxeinan pata paca puna ponaewa tsainchi. Tsipei baxua bayatha paexanan ¿eta pocotsiwa metha nexata pana necatsiname? jei.

28 Jesús jume nota, jeye:

—Bara xaniyeya paca tsipaebatsi. Po mataqueitha tsane Nacom pena ira exanaena, barapo mataqueitha, xan ponxaein Nacom Tananeitapetsin ecaein tapexeinya itupanae ecaethopaewatha po tapexeinya itupanae caeathopaewa bichocono itupana. Paxam pomonae tapana nepuna jinompaewim doce po itupanae enebithopeibiwatha paenaename painya yabara paebinxam tsane pomonae doce po matabaxuyobe israelmonae pia penatsicuentaabe peexanaexae.

29 Daxita pomonae taneantobe jiwixae xua pecueicueije tsurubenaabiyaenexa Nacom Pejume Diwesi, Nacom beta cana exanaena barapomonae. Nacom beta cana exanaena pomonae pia bon pecuenta ponaexae, matauta ichacuitha ichamonae peweicho jiwí pecuenta ponaexae, matautano ichacuitha pamcho jiwí pecuenta ponaexae, matautano ichacuitha paxeivi pecuenta ponaexae, matautano ichacuitha pena jiwí pecuenta ponaexae, matauta ichacuitha pia pexui pecuenta ponaexae, matautano ichacuitha pia iran pecuenta ponaexae. Barapomonae barapo coyenein exana tana neantobe jiwixae, daxota daxita barapomonaetha Nacom jopa juniya catsi tsane barapo

cae pin nacuathe. Matautano barapomonaetha Nacom catsina pia peitorobi nacuatheicha peajuntacoyenyapusuwa, po peajuntacoyenyapusuwa ataya tsiteca.

³⁰ Pomonaе xua anoxuae pomonaе jiwi petsita ainya cui jiwichi po cae pin nacuathe, barapomonaе hexa Nacom pia peitorobi nacuatheicha jopa peainya cui jiwi tsane. Pomonaе xua anoxuae pepawi naexana, pomonaе jiwi jopa petsita ainya cui jiwichi po cae pin nacuathe, barapomonaе Nacom pia peitorobi nacuatheicha peainya cui jiwi tsane, jei Jesús.

20

Meje yabara poxonaе Jesús paeba pecayabara juta pepaebi diwesiyo pomonaе uva pabitha petanacuichiwi

¹ Equeicha Jesús tsipaeba pijimonaе pecayabara juta pepaebi diwesiyotha, jeye: “Nacom pijimonaе matomatsina pia nacuatheicha xua be pematomatsiwa petaxanaexaetsi pia petanacuichiwa tatsi icha pon pabi pexeinaein ichi xua poxonaе matoma catsiba pomonaetha pomonaе petanacuichixaetsi. Pon pabi pexeinaein caemumbotha pona xua jeita pomonaе pia petanacuichinexa tsainchi pia uva bacabo.

² Bapon muxu tsipaeba pia petanacuichiwi, jeye: ‘Paxam painta nacuire ta uva bacabo, nexata paca matoma catsibinchi pocotsi paratiyo xua caentaqueitha nexa’, jei. Bapoxonaе bapon pia petanacuichiwi itoroba pia uva bacabo.

³ Bapoxonaе equeicha bapon pona poxonaе xometo taju beequaina xua pejeichinexa ichamonaе pomonaе petanacuichiwichinexa tsainchi pia uva bacabo. Bapoxonaе bapon tane ichamonaе, pomonaе panatha saya jinompa xua jopa nacuitompaeyo.

⁴ Bapon barai barapomonaе jeye: ‘Paxam iruru painta nacuire ta uva pabi. Nexata beta paca matoma catsibinchi, xua pocotsi paratiyo po horatha panacuitame nexa’, jei. Bapoxonaе barapomonaе pona pabi beya penacuichinexa.

⁵ Bapon mateinyaxae equeicha pona xua pejeichinexa ichamonaе pomonaе pia petanacuichiwi tsainchi. Barichi equeicha poxonaе tabopiya pona xua pejeichinexa ichamonaе pomonaе pia petanacuichiwi tsainchi.

⁶ Bapon equeicha pona pana beya poxonaе xometo iriya ducuaaicha xua pejeichinexa ichamonaе pomonaе pia petanacuichiwi tsainchi. Bapon equeicha tane ichamonaе pomonaе xua jopa iru nacuitompaeyo. Bapon barai barapomonaetha, jeye: ‘¿Eta xua metha came saya anoxuae paumename po panathe, xua jopa panacuitompaem?’ jei pabi pexeinaein.

⁷ Barapomonaе jume nota, jeye: ‘Canta dapon aibi pon pata tana neitorobiwa tsane’, jei. Nexata bapon barai barapomonaе, jeye: ‘Paxam paponare, iruru painta nacuire ta uva pabi, nexata beta paca matoma catsibinchi xua pocotsi paratiyo po horatha painya nenacuichixae tsane’, jei pon pabi pexeinaein.

⁸ “Poxonaе quirei tsanaicha pon pabi pexeinaein, bapon itoroba pon pia petayapucae-caeinchi uva pabi, jeye: ‘Inta wabare pomonaе inta nacuita yawa matoma catsibare. Tamropopata wabaponde yawa matoma catsibaponde. Copiya matha wabare pomonaе opi dubena pomonaе inta cotacaya nacuita poxonaе xometo iriya ducuaaicha, beya poxonaе papataponaena pomonaе copiya inta nacuita caemumbotha’, jei.

⁹ Nexata copiya pata pomonaе cotacaya nacuita poxonaе xometo iriya ducuaaicha. Daxita barapoyobe pomonaе cotacaya nacuita bara beta matoma catsibatsi xua pocotsi paratiyo caentaqueitha nexa, bequein bara jopa pin mataqueitha nacuichiyo.

¹⁰ Nexata bara iru bapoxonaе pata pomonaе tamropata notarucpa xua nacuita poxonaе tabopiya, bara barapomonaе iru beta matoma catsibatsi pocotsi paratiyo caentaqueitha nexa. Bapoxonaе iru pata pomonaе tamropata notarucpa xua nacuita poxonaе mateinyaxae, bara barapomonaе iru beta matoma catsibatsi, pocotsi paratiyo caentaqueitha nexa. Bapoxonaе iru pata pomonaе tamropata notarucpa xua nacuita poxonaе xometo taju beequaina, bara barapomonaе iru beta matoma catsibatsi, pocotsi paratiyo caentaqueitha nexa. Bapoxonaе iru nama pata pomonaе tamropata notarucpa xua nacuita caemumbotha. Barapomonaе najei: ‘Metha equeicha mataropeichiya naca catsibina paratixi tsipei nacuitatsi caemumbotha’, najei barapomonaе. Daumetha barapomonaе saya matoma catsibatsi, pocotsi paratiyo caentaqueitha nexa.

¹¹ Ichitha poxonaе barapomonaе matoma nota, itaconarucpa pontha pon peitorobixae barapomonaetha.

¹² Barapomonaе anaya jei bapontha: ‘Pomonaе nacuita cotacaya, saya cae horatha nacuita, barapomonaе matoma catsibame pocotsi matoma pana catsibame. Nama apara paxan daunweya panacuitan, yawa atsatha daunweya panacuitan’, jei barapomonaе.

¹³ Ichitha pon pabi pexeinaein jume nota caeintha barapomonae jiwana pintha, jeye: 'Tajiton, apara jopa bara abe pacata exanaetsi. Canaunxuae paca muxu tsipaebatsiba paca jeichi: Paca matoma catsibinchi xua pocotsi paratiyo caentaqueitha nexa, paca jeichi.

¹⁴ Bara jinya matoma pire. Bara nawiyama. Xan ichichipan tacoya matoma catsiban pomonae quiripitha nacuita barapocotsi matoma, pocotsi matoma jupa paca catsibatsi.

¹⁵ Apara xan tawaxae itacoxonan xua tantoma exanaewa. Apara pauwame ichamonae xua jopa taasiwaxae xua tantoma exanaewa ichamonaetha', jei pon pabi pexeinaein.

¹⁶ "Nacom barapocotsi juta coyeneya cana ichi tsane jiwitha icha pon pabi pexeinaein ichi poxonae cana exana pomonaetha pomonae pia petanacuichiwichi. Pomonae xua anoxuae pepawi naexana, pomonae jiwi jopa petsita ainya cui jiwichi po cae pin nacuathe, barapomonae Nacom pia peitorobi nacuatheicha peainya cui jiwi tsane. Pomonae xua anoxuae pomonae xua jiwi petsita ainya cui jiwichi po cae pin nacuathe, barapomonae bexa Nacom pia peitorobi nacuatheicha jopa peainya cui jiwi tsane", jei Jesús.

Meje yabara poxonae Jesús nayabara paeba acobi po coyenebetha xua poxonae tupaena (Mr 10.32-34; Lc 18.31-34)

¹⁷ Bapoxonae pirapae Jesús pona Jerusalén tomara beya. Poxonae cataunxuae Jesús pijimonae baru ecapona namtotha pomonae doce poyobe tatsi, barapo doce poyobe Jesús meisa waba aisowa beya petsipaebinxua.

¹⁸ Jesús jeye:

—Anoxuae ponaeinchi Jerusalén tomara beya. Barapo tomaratha xan ponxaein Nacom Tananeitapetsin necaenaetsina sacerdotemonae pia pentacaponae witha tatsi yawa pomonaetha pomonae jiwi pecuidubiwi Moisés pia peitorobi coyene tatsi. Barapomonae necaenaetsina ichamonaetha xua ichamonae tana nebexubiwa tsane.

¹⁹ Bapoxonae daxita barapomonae necaenaetsina pomonaetha pomonae penanapaincha jinompaewi xua icha nacia werena peponaewi xua barapomonae tana necui caponaenexa. Matautano barapo penanapaincha jinompaewi nebena yawano tupaerucua neexanaena naetotha. Daichitha poxonae acobi po matacabibe yapu jopaena equeicha Nacom asu neexanaena petupaee cuiru coyene weya, jei Jesús.

Meje yabara poxonae Jesús wucatsi powa, Santiago pena tatsi xua iru Juan pena tatsi (Mr 10.35-45)

²⁰ Nexata petsiriwa Jesús imoxoyo caquita uncuatabatsi. Barapowa, Juan pena tatsi yawa Santiago pena tatsi. Juan iru Santiago, baponbe Zebedeo pexantobe tatsi. Barapo petsiriwa pexantobe baru patopa Jesustha. Barapo petsiriwa pentabocototha uncuata Jesús peitabaratha tatsi, xua Jesús pewucaenexa tsainchi.

²¹ Jesús barai bapowatha, jeye:

—¿Eta pocotsiwa jinya newucaetsi? jei.

Bapowa Jesús jume notatsi, jeye:

—Poxonae matacabi patopaena po mataqueitha itorobiya ewatsiname jiwi barapo mataqueitha cawucatsi xua bara itorobiname barapo taxantobe, xua nantiyabe peecaewa tsanebe xamtha, xua ichun necoxa weya peecaewa tsane, xua ichun netsocona weya peecaewa tsane, jei.

²² Ichitha Jesús barai bapowatha, jeye:

—Paxambe jopa payaputaembe xua pocotsiwa pana newucaenamebe. Poxonae ichamonae abe inta exanaena bara saya copatsin xua barapomonae bara neperaxa jubina. Barichi poxoru paxambe pana neantobem, ¿bara iru paca itacupabe xua bara pacopatsinamebe xua bara ichamonae paca peraxa jubinabe? Barichin bara saya copatsin xua ichamonae bara tupa neexanaena. Barichi, ¿bara iru paca itacupabe xua bara pacopatsinamebe xua bara ichamonae tupa paca exanaenabe? jei Jesús.

Santiago peweichobe jume notabe, jeibe:

—Aa, bara pana itacupabe, jeibe.

²³ Jesús jume nota, jeye:

—Bara bara xainyei barapocotsi coyene ichamonae paca cana exanaenabe. Ichamonae paca peraxa exanaenabe. Matautano tupa paca exanaenabeno icha xan necana ichi tsane. Nama xua xantha nantiyapaecamebe xua ichun pocotsiwa tacoxa weya eca, yawa xua ichun tasocona weya eca, baxua jopa tacoya yabara itorobinyo. Saya jame Taxa Nacom meisa baxua taexanaena pomonaetha pomonae caena bayatha tsiwunaeta xua peenaewa tsane, jei Jesús.

²⁴ Jesús pijimonae pomonae umena, pomonae diez poyobe jume tane xua Santiago iru Juan Jesús wucatsibe. Bapoxonae barapo diez poyobe, Santiago iru Juan yabara anaepanarucupatsibe.

²⁵ Ichitha Jesús pia xainya berena pijimonae waba yawa namchiya jeye barapomon-aetha:

—Paxam bayatha pataneme po coyenewa ba exana pomonae jopa judiomonae naexanaeyo. Barapomonae ba nantauta pomonae pia nacua tatsi pia petaewatsiwichi tatsi. Daichitha barapo nacua peewatsiwi aebiya itoroba piamonae, xua daxota bichocono jiwi taayapubetsi.

²⁶ Ichitha nama paxam barapocotsi coyeneya jopa barapaichim tsane. Seicaya nama icha juntu coyeneyatha paca itorobatsi. Icha pon paxam jiwana icha bapon ichichipa naexana be pocotsin canamataxeina ichamonae, bapon matha bewa copiya daxita paxam beta amanaya pacata nacuichina.

²⁷ Matautano icha pon paxam jiwana icha bapon ichichipa naexana be pocotsin bichocono ainya cui penaexanaein xua beyacaincha ichamonae, bapon bewa copiya matha daxita paxam amanaya pacata nacuichina pia coya peichichipaexae.

²⁸ Icha be pocotsi coyeneya icha ichin, bara paichinde. Xan ponxaein Nacom Tananeitapetsin patopeican xua tanacuichinexa tsane ichamonae nexa. Apará jopa baxua tsipatopaeinyo xua ichamonae inta penacuichiwanexa tsane. Saya patopeican tsipei ichichipan xua daxita carepaya jiwi tayawenaewa tsane. Matautano patopeican xua tatsitupaenexa tsane be pentomo xua daxita jiwi pepanenebiyaenexa abe pia peexanae cuiru coyenein weya tatsi, jei Jesús pijimonaetha.

*Meje yabara poxonae Jesús axaibi exana ponbe peitata nacutsinbe
(Mr 10.46-52; Lc 18.35-43)*

²⁹ Poxonae Jesús pijimonae baru pontaba Jericó tomara weya, bapoxonae Jesús puna poinchi pin bicheito.

³⁰ Barapo Jerusalén namto iya ecabe pon peitata nacutsinbe. Poxonae baponbe, ponbe peitata nacutsinbe jume yaputanebe xua juinya Jesús xentapona, bapoxonae jume daunweya wawaibe, jeibe:

—jPon jiwi Necanamataxeinaem, ponxae David pia pemomoxi susato jiwanapim, pana neyabara najuntu coyene xeinarebe xua pata taneyawenaenexamebe! jei baraponbe ponbe peitata nacutsinbe.

³¹ Barapo peitata nacutsinbe jume matawentsibe barapo pin bicheito xua moya peecaenexabe. Ichitha baponbe equeicha jume daunweya wawaibe, beyacaincha xua poxonae copiya, jeyebe:

—jPon jiwi Necanamataxeinaem, ponxae David pia pemomoxi susato jiwanapim, pana neyabara najuntu coyene xeinarebe xua pata taneyawenaenexamebe! jei baraponbe ponbe peitata nacutsinbe.

³² Nexata Jesús naruntaba yawa wabatsibe ponbe peitata nacutsinbe. Bapoxonae baponbe Jesús yainyaba, jeye:

—¿Eta xua jinya pata cata exanaetsibe? jei Jesús.

³³ Baraponbe Jesús jume notatsibe, jeibe:

—Pon jiwi Necanamataxeinaem, bepanecotsinbe cuinaya, jeibe baponbe.

³⁴ Nexata baponbe Jesús yabara najuntu coyene xeinabe xua pia peyawenaewa tsane. Bapoxonae baponbe Jesús itamaiquei jayababe. Bapoxonae baponbe nainya necotaxubabe. Jesustha napuna ponabe.

21

*Meje yabara poxonae Jesús Jerusalén tomaratha patopa
(Mr 11.1-11; Lc 19.28-40; Jn 12.12-19)*

¹ Poxonae bara itiya pona Jerusalén tomara, Jesús bara muxu pebaru patopae pijimonae Betfagé tomaratha. Barapo Betfagé tomara demxuwa itapatororotha eca po demxuwa pewan Olivowa, tsipei baxota umena olivo naein. Bapoxonae Jesús itoroba pebinbe nacueyatabe xua doce poyobe jiwanaebe.

² Jesús baraibe baponbe, jeye:

—Paponarebe po tomara painya itabaraya equiya. Poxonae papatopaenamebe barapo tomaratha pacaxinaenamebe burra pesowato xua pon quetanotatsi yawano xua penun quetanotatsi pon pebto. Barapo burra paisanaxorebe yawa payama carenandebé coxiwa yawa penunno.

³ Icha ichun paca barai tsane: ‘¿Eta xua payama isanaxubamebe burra?’ jei tsane, nexata pajandebé: ‘Pon jiwi Pecanamataxeinaein bepa pata yama cayiyeinjei, tsipei pinae nantawenona’, pajandebé. Nexata bapoxonae nainya bapon paca cobe itorobinabe xua painya neyama carenaenexamebe tsane, jei Jesús.

⁴ Poxonae Jesús daxita baxua paeba bara bapoxonae nayabara jume weta pocotsiwa bayatha Isaías yabara paeba pijume diwesitha xua Mesías pepatopaewa tsane Jerusalén tomaratha, jeye:

⁵ “Patsipaebare Sión tomarapiwi.

Pajande: ‘Pataename pon itorobiya

painya pepa paca Ewatsin.

Pacata juntema patopaena, xua burriyotha

equeicaena, penantha xua burra pesowato

coxi tatsi’ pajande”, jei pon Nacom

pia peitorobi jume pepaebin,

bapon Isaías, xua Mesías yabara paebatsi.

⁶ Nexata Jesús pijimonae jitonbe tatsi ponabe. Matautano baponbe exanabe pocotsiwa bayatha Jesús itoroba.

⁷ Baponbe yama carenabe burra pesowato yawa yama carenabe penan. Baponbe pia paparuwan tsijuma jebicabe po paparuwan matha weruyabe coxiwathano yawa penanthano. Bapoxonae Jesús equeica penantha.

⁸ Jiwi, barapo jiwi pin bicheito bichocono. Bapoxonae barapo pin bicheito namtotha paparuwan yerababa jehebapoinya. Ichamonae peaxu ucuboba po axu icha coichaxu axu ichi. Bapoxonae barapo axu, namtotha axu jehebapoinya. Daxita barapomonae barapo coyene exana xua Jesús pebara cui itura jinaenexa tsainchi.

⁹ Pomonae, xua Jesús tsiwana enapoinchi iruru pomonae Jesús peputha taenapoinchi daxita barapomonae bichocono jume daunweya wawaya jeye:

—¡Pai jayana, barabu jiwi baru cui itura jinaena bapon pon David pia pemomoxi susatopin tatsi! Bapon jiwi yabara jei: ‘¡Bapon David pexanto tatsi!’ jei. ¡Máis Jesús pon jiwi itorobiya pia pepa peewatsinchi, maisa wuna! ¡Bapon patopa Nacom peitorobixae! ¡Máis Nacom bichocono wuna jaintatsi pon athabeicha eca! jei barapomonae.

¹⁰ Poxonae Jesús patopa Jerusalén tomaratha, daxita barapo tomarapiwi najume cayayatsiya paeba. Cae bicheitomonae nayainyaba, jeye:

—¿Jintam metha bapon jane? najei.

¹¹ Ichamonae jume nota, jeye:

—Apara bapon Jesús pon Nacom pia peitorobi jume pepaebin, pon Nazaret tomarapin po tomara eca Galilea nacuatha, jei ichamonae xua iru ichamonae jume notatsi.

Meje yabara poxonae Jesús aisowa benapuna torobabiya pomonae Nacom pin pia botha pecaenaetsiwi

(Mr 11.15-19; Lc 19.45-48; Jn 2.13-22)

¹² Bapoxonae Jesús joniya Nacom pin pia botha, yawa aisowa benapuna torobabiya pomonae caenaeta baxota. Jesús tabu tayebiya bebai iratha pocotsiwa pexaethopaewan, po pexaethopaewantha nantiya nacatsiba paratixi yawa xua tabu tayebiya bebai iratha peenaewan po peenaewan ichaxota ena pomonae caenaeta topibo.

¹³ Jesús barai barapomonae:

—Nacom Pejume Diwesitha namchi, jeye: ‘Tabo apara po botha jiwi tanetsipaebinexa tsaibi tsane barapo botha’, jei Nacom Pejume Diwesitha. Ichitha paxam barapo bo be pecaibiwi pia muthu tutu pacana exaname ichaxota pijunuwi nantsiyabeibathopa tsipei baxota panacaetutame saya u xua painya necaibinexam tsane paratixi pomonaetha pomonae xua pateiba xua Nacom petsipaebinexatsi, jei Jesús.

¹⁴ Barapo Nacom pin pia botha tatsi, Jesús imoxoyo caquita umenarucupatsi pomonae peitata nacatsiwi. Iruru Jesús imoxoyo caquita umenarucupatsi pomonae pejayujayujeiwi. Jesús axaibi exana daxita barapomonae.

¹⁵ Sacerdotemonae pia pentacaponae tatsi iruru pomonae jiwi pecuidubiwi Moisés pia peitorobi coyenewa tatsi, daxita barapomonae tane pocotsiwa Jesús exana pia pexeinya petsita itatsi coyenewatha. Daxita barapomonae jume tane xua pexui wawai Nacom pin pia botha tatsi xua pexui Jesús yabara jeichichi: “¡Pai jayana, barabu jiwi baru cui itura jinaena bapon pon David pia pemomoxi susato jivanapin tatsi! Pon jiwi yabara jei: ‘Bapon David pexanto tatsi’, jei”, jei pexui. Bapoxonae daxita pomonae sacerdotemonae pia pentacaponae tatsi iruru pomonae jiwi pecuidubiwi Moisés pia peitorobi coyenewa tatsi anaepana poxonae Jesús cui tainchi yawa xua jume tainchino.

¹⁶ Daxita barapomonae jopa ichipaeyo xua pexui paeba, daxota anaya Jesús jeichichi:

—¿Bayatha jume taneme xua baxua pexui cayabara wawaya namchi? jei barapomonae.

Jesús jume nota barapomonae, jeye:

—Aa, bara bayatha jume tan xua pexui new_unae jainta. Paxam bayatha payorobame Nacom Pejume Diwesi xua pexui bara cui copatatsi xua bara w_unae pejainteibiwa tsane. David pexui yabara jeichichi Nacom Pejume Diwesitha, jeye:

‘Xam Nacom, cana exaname pexui poxi isainatsi,

iru poxi jinompena, xua barapoxi pexeinya

weixi cayabara caununaya nax_una

poxonae caw_unae jainchina’,

jei David Nacom Pejume Diwesitha,

jei Jesús daxita barapomonaetha.

¹⁷ Nexata Jesús daxita barapomonae wepu pona Jerusalén tomara weya. Bapoxonae Betania tomara bewarapiya. Baxota merawi maiteca.

Meje yabara poxonae Jesús biatane higuera nae xua jopa penacoichixae

(Mr 11.12-14, 20-26)

¹⁸ Poxonae Jesús caem_ubotha equeicha caibe iya Jerusalén tomara beya, bichocono jainpa pona.

¹⁹ Bapoxonae Jesús imoxoyo namtotha taenota higuera nae. Imoxoyo caquita pona piyain, pia taetsi pethei. Daichitha barapo naetha Jesús jopa taeyo pethei, saya _u noxu tane. Nexata Jesús biataenota higuera nae, jeye:

—Bapana equeicha jopa nacoichim tsane pethei, jei Jesús higuera naetha.

Bapoxonae caena nainya higuera nae yanuncua.

²⁰ Poxonae Jesús cui tainchi pijimonae baxua barapomonae yabara naj_unt_u coyene cui cabenaeca bichocono. Yawa Jesús yainyabatsi pijimonae, jeye:

—¿Eta xua metha higuera nae nainya yanuncua? jeichichi Jesús pijimonae.

²¹ Jesús jume nota pijimonae, jeye:

—Bara xaniyeya paca tsipaebatsi. Icha xanepanaya payabara jume cow_untame xua Nacom painya nepaca cayawenaewa xuano xua jopa ainya _unth_uton paxeinaem bara paca itac_upaena xua painya nepaebiwa icha ichin xua cana exanan higuera nae. Matautano bara paca itac_upaena xua painya nejeiwa uruto beya xua pajam: ‘Uruto natsixitabare, mar mene beya jopare’, xua painya nejeiwa. Bapoxonae bara baxua jopa bayathiyo tsane.

²² Daxita xua xuan pocotsiwan Nacom beya paw_ucame, icha bara xanepanaya pajume cow_untsiya w_ucame, bara Nacom paca catsibina baxuan, jei Jesús.

Meje yabara xua Jesús pia peitorobi coyenewa xeina

(Mr 11.27-33; Lc 20.1-8)

²³ Nexata bapoxonae Jesús joniya Nacom pin pia botha tatsi. Poxonae cataunxuae Jesús baxota cuidubuncua jiwi, bapoxonae Jesús imoxoyo caquita umenar_uc_uratsi sacerdote-monae pia pentacaponaei tatsi iru judiomonae pia pitiri jiwi tatsi. Daxita barapomonae Jesús yainyabatsi, jeye:

—¿Eta po peayapus_u itorobi coyenewatha cuidubame baxuan? ¿Jintam cacata barapo peayapus_u itorobi coyenewa?

²⁴ Jesús jume nota barapomonae, jeye:

—Xan ir_uu tha barichichi paca yainyabinchi. Icha beta pana nejume notsiname, bapoxonae xuya yabara paca tsipaebinchi xua po peayapus_u itorobi coyeneyatha taexanaewa baxuan.

²⁵ ¿Jintam Juan cui itorobatsi xua bautisaba? ¿Metha bara Nacom cui itoroba jampa? ¿Metha bara jiwi cui itoroba jampa? Pana nejume nore, jei Jesús, xua Juan yabara paebatsi pon caena bayatha t_upa.

Nexata daxita barapomonae caemonae najume matsontsonoba, najei: “¿Eta xua metha jei tsainchi? Icha jei tsipaetsi: ‘Juan cui itorobatsi Nacom xua pebautisabiwa jiwi’, metha naca jei tsipae: ‘¿Eta xua metha nexata jopa pajume cow_untsim Juan?’ metha naca jei tsipae Jesús.

²⁶ Jiwi cui cunuwatsi icha jeichi: ‘Juan cui itorobatsi jiwi xua bautisaba’, icha jeichi. Metha bapoxonae jiwi naca casebichipa anaya. Tsipei daxita jiwi Juan yabara jume cow_untatsi xua bapon apara pon Nacom pia peitorobi jume tatsi pepaebi jiton”, najei barapomonae.

²⁷ Nexata barapomonae Jesús baraichi, jeye:

—Canta jopa payaputaeyno, jei barapomonae.

Nexata Jesús barai barapomonae, jeye:

—Nexata barichin tsane, jopa yabara paca tsipaebi tsainchi po peayapus_u itorobi coyeneyatha xua daxita taexanaewan, jei Jesús.

Meje yabara poxonae Jesús cuiduba pecayabara juta pepaebi diwesiyo xua pebin ainya pexantobe tatsi

²⁸ Equeicha Jesús namchi Nacom pin pia botha daxita barapomonaetha, xua sacerdote-monae pia pentacaponawitha tatsi, iru judiomonae pia pitiri jiwitha tatsino. Jesús jeye:

—Moya pana nejume naitaeware pocotsiwa paca tsipaebinchi. Pebin nacueyatabe poyobe tatsi pexantobe tatsibe. Bapon caeintha nacoxi barai, jeye: ‘Owae, inta anoxuae uva bacabo pabi nacuire’, jei.

²⁹ Bapon jume notatsi pexanto jeye: ‘Bara, aichaxaibin’, jeichichi bapon pexanto. Daichitha equeicha bapon pexanto tatsi nanta xeinataba, bapoxonae pona xua penacuichinexa uva pabi, paxa tatsi pia pabi tatsi.

³⁰ Pirapae equeicha ichantha, nacoxi barai barapo jumetha, jeye: ‘Owae, inta anoxuae uva pabi nacuire’, jei bapon pexantotha. Bapon paxa jume nota, jeye: ‘Je, moya daichane, methaunxuae ponaein’, jei paxatha. Daichitha bapon jopa ponaeyo.

³¹ Incane yabara paca yainyabinchi xua bapon barapo pexantobe tatsi, zeta po pewowinda pon exana pocotsiwa paxa itorobatsi? jei Jesús.

Barapomonae Jesús jume notatsi, jeye:

—Pon copiya paxa itorobatsi, jeichichi Jesús barapomonae.

Nexata Jesús jume barai barapomonae, jeye:

—Bara xaniyan yabara paca tsipaebatsi, pomonae paratixi pentoma noteibiwi po paratixi jiwi bewa catsibina pon romanomonae itorobiya pia pepa peewatsinchi nexa, iruru yabaxi powaxi pesi cui weiweinaewaxi. Bara bequein barapomonae peantacoyenebewi, daichitha barapomonae naexanaena Nacom piamonae tatsi jiwana tatsi, beya poxonae paxam iru panaexaname Nacom piamonae tatsi jiwana tatsi.

³² Juan pon jiwi Pebautisabin patopa xua pia nepaca cuidubinexa xua pocotsiwa bewa paexanaename painya nexeiaenexa tsane po juntu coyene pexanepanae juntu coyene. Daichitha paxam jopa pajume cowwantsim pocotsiwa Juan paeba. Ichitha Juan yabara jume cowwantsi pomonae paratixi pentoma noteibiwi po paratixi jiwi bewa catsibina pon romanomonae itorobiya pia pepa peewatsinchi nexa. Iruru yabaxi powaxi pesi cui weiweinaewaxi Juan yabara jume cowwantsi po coyene Nacom Juan peitorobiwatsi. Nama paxam bequein bara Juan pacui taneme pocotsiwa exana, daichitha jopa painya neauraxae poxonae abe paexaname. Daxota icha juntu coyene jopa paxeinaem xua painya nejume cowwantsinexa Nacom, jei Jesús.

Meje yabara poxonae Jesús paeba pecayabara juta pepaebi diwesiyo pomonae xua abe exana, pomonae petayapucaenaewi uva pabi

(Mr 12.1-12; Lc 20.9-19)

³³ Nexata Jesús equeicha namchi jiwitha, jeye: “Incane pana nejume naitaeware xua paca tsipaebinchi pecayabara juta pepaebi diwesiyo. Matha iruru pebin pia pabi xeina. Bapon uba po unbo pewun uva cuei unbo. Yawano yapu curarata barapo uva pabi ibowantha xua jopa pejojondenaenexa ichamonae barapo pabitha. Yawano baxota ibo feto exana, xua barapo ibo fetotha pecubinexa uva cuei. Matautano baxota exananota bo po bo taucha xua baxota pebin bara wenecotequeica uva pabi. Bapoxonae bapon itoroba pomonae pia uva pabi pia petayapucaenaewichi tsainchi, xua bapoxonae barapomonae pejiwanaxaenexa pocotsiwa penawetsiwa. Bapoxonae bapon icha nacua beya pona.

³⁴ Barapo matababi tsuxubi po matababitha uva cuei naweta. Bapoxonae barapo mataqueitha pomonae pabi petayapucaenaewi jiwana itapetanota xua penawetsiwa. Bapoxonae pon uva pabi pexeinaein, bapon pomonae petanacuichiwichi jiwana itoroba, xua petawucaenexa tsainchi uva cuei pomonae beya, pomonae pabi petayapucae-naewichi.

³⁵ Ichitha barapomonae, pomonae pabi petayapucaenaewichi teica, teiquebatsi pomonae itorobatsi, pomonae pabi pexeinaein itoroba uva pabi petayapucaenaewichi tatsi beya. Barapomonae pomonae petayapucaenaewi pabi, cuainta caeintha pomonae penajume carutsi jiwichi jiwana pintha. Ichun bexotsi. Ichun ibotontha cuinbabatsi.

³⁶ Pon pabi pexeinaein barichi equeicha itoroba ichamonae pomonae pia petanacuichi-wichi. Equeicha barichi pomonae pabi petayapucaenaewi bara jutiya cana exana barapomonaetha.

³⁷ “Bara nama matapainya pexanto itoroba. Bapon najei: ‘Barapomonae metha taxanto inta yabara baru cui itura jinaeinchi, daxota itoroban bapon’, najei bapon.

³⁸ Dapo jumetha pomonae pabi petayapucaenaewi poxonae bapon tainchi barapomonae najei: ‘Apara bapon paxa copiniwa pichina. Daxota bapon bu bexotsi xainya xeinatsi barapo uva pabi’, najei barapomonae.

³⁹ Barapo pexanto tatsi uva pabi juma bemaxu cayiyatsi. Baxotiya bexotsi”, jei Jesús.

⁴⁰ Nexata Jesús barai barapo jiwa Nacom pin pia botha, jeye: “Poxonae pabi pexeinaein patopaena, zeta be cana ichi tsane pomonaetha pomonae barapo uva pabi pia petayapucaenaewichi?” jei Jesús.

⁴¹ Barapomonae Jesús jume notatsi, jeye:

–Bapon bewa jutebina barapomonae, jopa weyatae tsane barapomonaetha xua peantucoyeneyapube jiwixae. Bapoxonae itorobina ichamonae xua petayapucaenaenexa tsainchi barapo uva pabi. Barapo pabi petayapucaenaewi matha notsina uva cuei xua naweta. Bapoxonae tsabina pabi pexeinaein nexa yawa iruru barapomonae nexaru, jei barapo jiwitha pomonae peenaexae Nacom pin pia botha.

⁴² Nexata Jesús barai barapomonae xua nayabara paeba, jeye:

–¡Paxam bara bayatha payorobameba Nacom Pejume Diwesitha! Barapo diwesitha neyabara caunuta poxonae iboto yabara paeba, xua jeye:

‘Pebiwí pomonae ibo bon peacabiwi,
barapo pebiwí xuba po iboto tabu caboca
po iboto peainya cui iboto.

Ichitha Nacom itapeta barapo iboto xua
petabu cabocaenexa barapo peainya cui ibotoxae.

Waxainchi nanta xeinatsi jeichichi:

Maisa pocotsiwa Nacom exana naca tsita xanepana’,
jeichichi, jei Nacom Pejume Diwesitha
xua neyabara caunuta.

⁴³ Daxota paca tsipaebatsi, Nacom paca itawetsina xua jopa painya nenaexanaenexa tsane Nacom piamonae jiwana tatsi pam. Barapo coyenewa xua Nacom piamonae jiwana tatsi penaexanae coyenewa Nacom pichina painya xainya weya xua ichamonaetha pecatsinexa pomonaetha pomonae petsita juntu coyene xanepanaewichi.

⁴⁴ Incane iboto yabara paca tsipaebinchi. Barapo ibototha poxonae ichauyo jopeica pepurawixi tsanaya. Mataatano poxonae barapo iboto ichauyo matatun jopeicatsi pebeno tsanaya. Icha barapo iboto ichi poxonae cana exana ichauxitha peainya cui ibotoxae, xan barapocotsi jata coyeneya barichin pomonaetha pomonae jopa tana nejume cowantsiwi. Pia jopa tana neyaputaexae barapomonae daxota peraxa exanaein, jei Jesús.

⁴⁵ Sacerdotemonae pia pentacaponaeawi tatsi iru fariseomonae, poxonae jume tane barapo pecayabara jata pepaebi diwesi, xua Jesús paeba, barapomonae yaputane xua apara bara Jesús yabara paeba barapomonae.

⁴⁶ Bequein barapomonae Jesús muxu pewaetabichi, ichitha barapomonae junuwa. Jiwi cunuwatsi, tsipei daxita jiwi Jesús xanepanaya yabara paebatsi xua pinae Jesús Nacom pia peitorobi jume pepaebiwi jiwana tatsi.

22

Meje yabara poxonae Jesús cuiduba pecayabara jata pepaebi diwesiyo xua pin penabanaewa peexanaewa tsane

(Lc 14.15-24)

¹ Equeicha Jesús tsipaeba jiwitha pecayabara jata pepaebi diwesiyo, jeye:

² “Nacom cana exana piamonaetha pomonae juntu coyene itorobiya ewata, icha pocotsin ichi pon jiwa itorobiya pia pepa peewatsinchi poxonae waba, xua poxonae ichamonae wabatsi xua petsinacaetutsinexa pexaewa xua penabanaenexa. Baxua exana poxonae pexanto tatsi pecotsiwa pepichixae.

³ Barapon pon jiwa itorobiya pia pepa peewatsinchi itoroba pomonae pia petanacuichi-wichi xua petawabinexa tsainchi pomonae xua bayatha petsipaebixae xua petapatsiwa tsainchi pia botha xua bepa pinae petanabanaewa tsainchi pia botha. Daichitha barapomonae aichaxaibi xua pepatsiwa tsane.

⁴ Bapoxonae barapon pon jiwa itorobiya pia pepa peewatsinchi equeicha itoroba ichamonae pomonae pia petanacuichi-wichi, jeye barapomonaetha: ‘Pomonae bayatha tsiwabana pexaewa xua penabanaenexa painta tsipaebare pajande: Bepa pinae nainya papatsim, tsipei pinae bayatha pexaewa canacui wanaeta. Tsipei caena bayatha pinae cobe itoroba xua petajutebiwa tsainchi vacan, yawano po duwein bichocono nasita. Daxota bewa pinae nainya paponae bara beya xua painya nenanabanaenexa pexaewa, yaitama tsipei pinae pexanto tatsi pichina pecotsiwa, pajande’, jei barapon pon jiwa itorobiya pia pepa peewatsinchi.

⁵ Daichitha barapomonae pomonae tsiwabatsi pexaewa, barapomonae jume naitemata, saya meisa u naitomatsiya exana piawan. Barapomonae jiwana pin pia pabitha pona. Iru ichun piawa caenaetauya.

⁶ Ichamonaera teica, pomonaē pon jiwi itorobiya pia pepa peewatsinchi itoroba, barapomonaē teicatsi. Yawano bichocono abe exainchi beya poxonaē nama werapa.

⁷ Nexata bapon pon jiwi itorobiya pia pepa peewatsinchi bichocono caseba pomonaē petajutebixaetsi pomonaē bapon itoroba. Nexata bapon itoroba pia soldadomonaē xua barapomonaē xuya pejutebinexa tsainchi matauta xua tomara petatautsinexa tsainchi.

⁸ Bapon pirapae equeicha barai ichamonaetha pomonaē pia petanacuichiwiwi jiwiwa, jeye: 'Bayatha bequein daxita wetan xua penabanaewa tsane, daichitha pomonaē waban jopa xanepanaya nejume jejeyo daxota jopa bewa patsi tsane xua penabanaenexa.

⁹ Daxota paponde tomara namtontha, po namtontha pin namtontha, baxotiya pomonaē poxonaē pacaxibeibame, barapomonaē painta wabare', jei bapon.

¹⁰ Pomonaē petanacuichiwi, barapomonaē pona namton beya. Bapoxonaē barapomonaē, daxita pomonaē caxiba namtontha, matacayiya pon jiwi itorobiya pia pepa peewatsinchi pia bo tatsi beya. Pomonaē abe peexanaewino carendenatsi, pomonaē xanepanaya peexanaewino carendenatsi, beya poxonaē bo tutu naycaxuba.

¹¹ "Nexata pon jiwi itorobiya pia pepa peewatsinchi bo tutu joniya petaenexa tsane pomonaē pata. Bapon itabara tane pebin xua iraru pon baxota eca. Ichitha barapo pebin pexeinya paparuwa jopa nama xatatsiyo icha be jopa ichiyo ichamonaē, tsipei ichamonaē pexeinya paparuwa nama xataba xua po paparuwa jiwi ba nama xataba poxonaē pona penacaetutsiwatha xua penabanaenexa pexaewa poxonaē pebin pecotsiwa pita.

¹² Pon jiwi itorobiya pia pepa peewatsinchi barai bapon, jeye: 'Tajiton, zeta xua metha xote naecame xua matauta jopa pexeinya paparuwa nama xatatsim?' jei bapon. Ichitha bapon saya moya eca.

¹³ Bapoxonaē pon jiwi itorobiya pia pepa peewatsinchi barai pomonaetha pomonaē pexaewa carena tsaibi pexaethopaewatha, jeye: 'Bapon pacobe caecunta care yawa pataxu caecunta care, yawa aisowa beya paxore ichaxota quirei. Baxota bapon wecoyeyi tsane yawa baxota nantanuweya nanta jayabina, bichocono peatenexae tsane', jei pom jiwi itorobiya pia pepa peewatsinchi.

¹⁴ Barapon pon jiwi itorobiya pia pepa peewatsinchi bequein pinmonaē waba ichitha saya tsiquimonaeyo pata penabanaewatha. Icha barapon ichi Nacom bara juta coyene ichi ya cana ichi tsane jiwi. Nacom bequein waba pin bicheitomonaē, daichitha saya tsicamonaeyo itapetatsi, pomonaē Nacom pijimonaē tatsi penaexanaenexa tsane", jei Jesús.

Meje yabara poxonaē Jesús yabara cuiduba paratixi matoma po paratixi jiwi bewa catsibina pontha pon romanomonaē itorobiya pia pepa peewatsinchi

(Mr 12.13-17; Lc 20.20-26)

¹⁵ Nexata fariseomonaē pona Jesús weya, caemonaē natsipaeba najei: "¿Eta po peyainyabiwa Jesús taexanaeinchi xua catsawa wanaca jume notsinexa? Bapoxonaē waxainchi xain yopitatsi ichamonaetha xua bapon abeya wanaca jume notsiwaxae", najei fariseomonaē.

¹⁶ Bapoxonaē barapomonaē itoroba pia pepuna ponaewichi, matautano barapomonaē itorobano pomonaē Herodes pia pepuna jinompaewichi. Daxita barapo matabaxuyobe pata Jesustha pomonaē fariseomonaē itoroba. Barapomonaē Jesús beya jeye:

—Pon jiwi Necuidubim. Bara payaputan xua bara jume xainyeya tsipaebame jiwi, matautano xua jiwi bara beta cuidubame xua pocotsiwa jiwi bewa exanaena pex-einaenexa tsane Nacomtha po juntu coyene pexanepanae juntu coyene. Matautano jopa jiwi cunuwim poxonaē cuidubame poxonaē bequein jiwi jopa ichichipaeyo baxua, tsipei xam daxita jiwi bara catsita najupa.

¹⁷ Incane yabara pana netsipaebare xua nanta xeiname xuaje: ¿Metha bara Nacom pia peitorobi coyene naca itoroba xua waxainchi paratixi catsibinchi pon romanomonaē itorobiya pia pepa peewatsinchi xua wanaca itorobixae bapon bequein bara bapon pon penanapaincha poponaēin xua icha nacua werena peponaēin? Icha jopa tsipae ¿metha daxua abe tsipae? jeichichi Jesús barapomonaē pomonaē fariseomonaē itoroba.

¹⁸ Daichitha Jesús yaputane xua bichocono barapomonaē abeya nanta xaina xua Jesús abe pecanaexanaenexa tsainchi. Jesús barai barapomonaē, jeye:

—Paxam pomonaē itara mexeya xanepanaya pepaebiw pam, daichitha abeya pepaebiw pam. ¿Eta xua metha pana nejuntu coyene jujutame poxonaē baxua yabara pana neyainyabame?

¹⁹ Incane moya painta xawena tha taetsi barapo paratiyo, jei Jesús.

Bapoxonaē barapomonaē barapo paratiyo Jesús tacapoinchi.

²⁰ Poxonaē Jesús tane barapo paratiyo, bapoxonaē yainyaba barapomonaē, jeye:

—¿Jintam pejumopere? ¿Yawano jintam wan ducuaere? jei Jesús.

²¹ Nexata Jesús jume notatsi barapomonae, jeye:

—Apara romanomonae itorobiya pia pepa peewatsinchi, jei barapomonae.

Nexata Jesús barai barapomonae, jeye:

—Bara nexata romanomonae itorobiya pia pepa peewatsinchi pacare pocotsiwa xua bapon piawaxae tatsi. Matautano bara Nacom pacare xua baxua iru piawaxae tatsi, jei Jesús.

²² Poxonae barapomonae jume tane xua Jesús beta xanepanaya jume nota, bapoxonae barapomonae yabara najantu cui coyene cabenaeca. Bapoxonae ponarucupa Jesús weya.

Meje yabara poxonae Jesús yabara yainyabatsi po coyene xua equeicha asu pomonae pewerapebiwi

(Mr 12.18-27; Lc 20.27-40)

²³ Bapoxonae caena barapo mataqueitha saduceomonae jiwana pata Jesús pia xantha tatsi xua Jesús piraiichi petsipaebinexatsi. Saduceomonae barompaya pia pecuidubi coyenewa xeina xua pinae pomonae pewerapebiwi equeicha jopa asu tsaibiyi. Barapo pecuidubi coyenewa jopa jupaeyo po pecuidubiwa Jesús pia pecuidubiwa tatsi xua pinae jiwi equeicha asu jinompaena poxonae werapa. Daxota barapo saduceomonae Jesús tsipaebatsi jeye:

²⁴ —Pon jiwi Necuidubim, Moisés nacata tina, namchi: ‘Icha pebin piowa cuenta tupa, yawa jopa xeinaeyo pexui, xuyapin bewa xuya pentapin pecoutha coseuri pichina xua bapoxonae pentapin pecoutha pexeinaenexa tsane pexui’, jei Moisés.

²⁵ Barichi, matha iru cae peweicho caepiwi naba ru jinompa siete poyobe. Matapin jitha eca. Bapon piowa cuenta naxuba. Pexui jopa xeinaeyo. Pon cotacaya naexana xuya pentapin coseuri pita xua bapoxonae pentapin pecoutha pexui pexeinaenexa.

²⁶ Bapon iru cuenta tupa, iru jopa xeinaeyo pexui. Bapoxonae ichun xuyapin xuya barapowa pita xua pentapin coseuri pita. Bapon barichi iru cuenta tupa, iru pexui jopa xeinaeyo. Daxita barapo siete poyobe cuenta nanapentapona bapowa poxonae bequein xuya pecoutha nonotaponeiba. Barapo siete poyobe, caein jiwana jopa pecoutha tapoponaetsi pexuyo.

²⁷ Bapoxonae matapainya iru bapowa tupa.

²⁸ Xam Jesús, ba paebame, ba jam: Matacabi jopaena po matacabitha Nacom asu exanaena, xua jiwi asu exanaeinchi muthun wetsina, ba jam. Poxonae barapo matacabi jopaena xua daxita jiwi asu jujuinaena, barapo matacabitha zjintam metha bapowa xuya pichinchi, xua ichun pichina, xua barapo siete poyobe caein jiwana? Tsipei caena bayatha barapo siete poyobe caepiwi cuenta nanapentapona barapowa, jei saduceomonae.

²⁹ Nexata saduceomonae Jesús jume nota, jeye:

—Paxam apara catsawiya pana nejume notame, tsipei jopa beta payaputaem xua Nacom Pejume Diwesitha payabara yorobame baxua. Matautano jopa payaputaem Nacom pia peyapusu itorobi coyenewa tatsi.

³⁰ Poxonae petupaewi equeicha asu jujuinaena, jopa jitha eenaponae tsane. Yawa barapomonae jopa pexantixi jitha cuarebaponae tsane. Tsipei barapomonae barichi tsane icha be matatsunpiwimonae ichi, po matatsunpiwimonae Nacom pia nacuatheicha jinompa, xua po matatsunpiwi jopa jitha enaeyo.

³¹ Paxam bequein bara bayatha payabara yorobame pocotsiwa Nacom namchi Pejume Diwesitha, po coyene xua pomonae pewerapaewi equeicha asu jujuina. Barapo diwesitha Nacom jeye:

³² ‘Xan Abraham pia Nacomun tatsin, iru Isaac pia Nacomun tatsin, iru Jacob pia Nacomun tatsin’, jei Nacom. Baxua Nacom paeba tsipei Abraham iru Isaac iru Jacob pomonae bayatha pewerapaewi anoxuae equeicha caewa asu jinompa Nacom pia nacuatheicha tatsi. Pomonae pewerapaewi pomonae jopa caewa equeicha asu pejinompaewi, barapomonae jopa pia Nacom tatsi, pon itabocotha eca. Saya jame meisa pomonae bayatha pewerapaewi xua caewa equeicha asu pejinompaewi, pomonae pejume cowantsiwixaetsi Nacom barapomonae jame pia Nacom tatsi, pon itabocotha eca, jei Jesús.

³³ Poxonae jiwi jume tane pocotsiwa Jesús cuiduba, barapomonae yabara najantu cui coyene cabenaeca.

Meje yabara poxonae Jesús yabara cuiduba po peitorobi cui coyene pepa peainya cui coyenewa

(Mr 12.28-34)

³⁴ Poxonae fariseomonae yaputane xua saduceomonae moya umena xua Jesús beta pejume notsixa, bapoxonae fariseomonae nacaetuta xua equeicha peyainyabiwanexa tsainchi Jesús.

³⁵ Barapo fariseomonaē caein jiwana, pon peyabara yaputaēin Moisés pia peitorobi coyene tatsi, bapon ichichipa xua Jesús pejuntũ coyene jujãtsiwatsi xua icha bara metha Jesús abeya jume notsina. Bapon jeye Jesustha:

³⁶ —Ja pon jiwi Necuidubim, ¿eta po peitorobi coyene pepa ainya cui coyenewara po peitorobi coyene beyacaincha xua icha peitorobi coyene? jei.

³⁷ Jesús jume nota bapon, jeye:

—Po peitorobi cui coyenewa pepa ainya cui coyenewa jeye: ‘Antobeinde pon jiwi Pecanamataxeinaein, bapon Nacom xua daxita nejuntũ coyene wetsina, mataũtano xua daxita jinya nepoponaē coyenewatha, mataũtano xua daxita nenanta xeinaewatha nentasiŋpatha’, jei.

³⁸ Jame barapo peitorobi coyene bichocono ainya cui coyenewa beyacaincha icha peitorobi coyene. Barapo peitorobi coyene, po peitorobi coyene ainya cui coyenewa, Nacom copiya itoroba.

³⁹ Po peitorobi coyene cotacaya itoroba ichaxota ba ‘dos’ jei, barapo peitorobi coyene be jume jũpa po peitorobi coyene copiya ducua. Irũrũ barapo peitorobi coyenewatha jeye: ‘Antobeinde jinya necatsicuarabũ ecaein icha ichim xua jinya coutha naantobem’, jei barapo peitorobi coyenewatha.

⁴⁰ Barapo peitorobi coyene jumebe caunuta, xua Moisés pia peitorobi coyenewatha baxua yabara paeba, irũ pomonaē Nacom peitorobi jume pepaebiwi pia pecuidubi coyenewatha baxua yabara paebarũ, jei Jesús.

Meje yabara poxonaē Jesús nayabara jei: “Mesías, ¿jintam pia pemoxi susato jiwanapin tatsira?” jei

(Mr 12.35-37; Lc 20.41-44)

⁴¹ Poxonaē fariseomonaē cataunxuae nacaetutumpa bapoxonaē Jesús yainyaba barapo fariseomonaē, jeye:

⁴² —¿Eta xua pacayabara nanta xeiname Mesías pon Nacom pia Peitapetsin? ¿Jintam pia pemoxi susato jiwanapin tatsira? jei Jesús.

Barapomonaē Jesús jume notatsi, jeye:

—Apara David, pon Israel nacuapiwi itorobiya pia pepa peewatsinchi, bapon pia pemoxi susato jiwanapin tatsi, jei fariseomonaē.

⁴³ Bapoxonaē Jesús barai barapomonaē, jeye:

—David yabara paeba xua Mesías apara pia Pecanamataxeinaeinchi tatsi poxonaē David cueicueijei exanatsi Nacom pia Pejumope tũnaxũ tatsi.

⁴⁴ David salmos penaxũnaē wei diwesitha bayatha jeye:

‘Nacom pon Pecanamataxeinaein jiwi, Tanecanamataxeinaein baraichi pon Mesías, jeichichi: Tacoxa werena ecare, beya abũ tsane poxonaē necaaifaetabi jiwi pia pecanamataxeinaeinchi tatsi caexanaeinchi, jei Nacom’, jei David salmos penaxũnaē wei diwesitha.

⁴⁵ Icha David Mesías yabara jei: ‘Bapon Mesías Tanecanamataxeinaein’, jei, ¿eta xua metha tsipae xua Mesías apara David pia pemoxi susato jiwanapin tatsi? jei Jesús.

⁴⁶ Daxita barapomonaē jopa itacũpaetsi xua Jesús pejume notsiwatsi tsainchi, poxonaē pinaē David paeba xua pinaē jei: ‘Bapon Mesías Tanecanamataxeinaein’, jei. Bara nama barapo matabitha weya, equeicha nama Jesús jopa bepeyainyabiwatsi barapomonaē.

23

Meje yabara poxonaē Jesús muxuweta jiwi xua pomonaē fariseomonaē irũ pomonaē jiwi pecuidubiwi Moisés pia peitorobi coyene tatsi barapomonaē pecuiyainwa tatsi

(Mr 12.38-40; Lc 11.37-54; 20.45-47)

¹ Nexata Jesús barai pin bicheito jiwi irũ pijimonaē, jeye:

² “Pomonaē jiwi pecuidubiwi Moisés pia peitorobi coyene tatsi irũ fariseomonaē daxita barapomonaē pia pecuidubi coyene xeina xua po coyene jiwi yaputane exanatsi po coyene Moisés pia peitorobi coyenewatha paeba.

³ Pacui yabara jume cowũnde pocotsiwa barapomonaē pia pecuidubi coyenewan tatsi. Mataũtano paexande pocotsiwa barapomonaē paca itoroba. Daichitha jopa paexanaeinde pocotsiwa barapomonaē exana tsipei barapomonaē itara beta pepaebiwi daichitha yabara jume toxeinchiya catsawiya exana, barapo peitorobi coyenewan.

⁴ Barapomonaē be pocotsimonaē poxonaē ichamonaē itorobatsi xua pecaponaewa pocotsiwa arewe, pocotsiwa jiwi bapana jopa itacũpaetsi xua pecaponaewa. Daichitha barapomonaē jopa yawenaeyo pocotsiwa ichamonaē itorobatsi. Mataũtano barapomonaē

jopa tayoichaeyo cae cobesitiyotha. Icha barapomonaē ichi poxonaē ichamonaē itorobatsi xua pecaponaewa pocotsiwa bichocono arewe, barapocotsi juta coyeneya ichi pomonaē jiwi pecuidubiwi Moisés pia peitorobi coyene tatsi, iru fariseomonaē, daxita barapomonaē itoroba pia pecuidubi coyenewatha pocotsiwa paxam painya neexanaenexa. Ichitha barapomonaē jopa exanaeyo baxua. Pocotsiwa barapomonaē paca cui itoroba pocotsiwa painya neexanaenexa, paxam bapana jopa paca itacupaeyo xua painya neexanaewa baxuan.

⁵ Barapomonaē ichichipa nawita xua jiwi pecui taewa tsane pocotsiwa poxonaē barapomonaē exana xua bapoxonaē jiwi penanta xeinaenexa xua barapomonaē bara pejuntu coyene xanepanaewi. Daxota barapomonaē tsica cajaxi peitapatha querabaduba xua pebocoton. Barapo bocotontha tututha iya jeya xua xoxitha tinaduba Nacom Pejume Diwesi. Yawa icha cajaxi pemaxutha querabaduba. Yawa barapo bocotontha tututha iya jeya xua xoxitha tinaduba Nacom Pejume Diwesi. Matauta barapomonaē nama xataba po paparuwan bichocono apipiya deca, beyacaincha xua poxonaē ichamonaē nama xataba po paparuwan apipiya.

⁶ Matauta barapomonaē nanta caxunaeneiba ichaxota nanta caxunaeneiba pomonaē peainya xui jiwi penaexanaewi. Matautano barapomonaē judiomonaē pia penacacetusi bontha ichichipa nawita xua nanta caeneiba ichaxota enathopeiba pomonaē peainya xui jiwi penaexanaewi.

⁷ Matauta barapomonaē ichichipa xua jiwi pejacobeibiwa tsane namtontha barapomonaē aetha, xua jiwi pebaru cui itura jinebinexa barapomonaē. Matautano barapomonaē ichichipa nawita xua jiwi ainya cui pecana exanaewa barapomonaē poxonaē jiwi pejei tsaibinexa 'Pomonaē jiwi pecuidubiwi' poxonaē pejei tsaibinexa jiwi.

⁸ 'Ichitha nama paxam jopa bewa pacopatsim xua bara jiwi jacobiya paca necajei tsaibinexa: 'Pata pecuidubi jiwi pam', paca necajei tsaibinexa xua ainya cui jiwi painya nepaca exanaē jiwixae. Painya xoba jiwi baxua bara pajume copatame, tsipei apara paxam be caemonaē jiwi pam, saya jame panantaatame bara caein pon ainya cui penaexanaein painya itatha.

⁹ Pomonaē po irathe jinompe jopa bewa wabi pajam 'Axa', jopa bewa pajam xua painya baru cui itura jinaexae pomonaē jopa bequein barompaya painya axeiwi. Painya xoba jiwi baxua bara pajume copatame, tsipei paxam panantaatame bara caein painya Axa, pon pabaru cui itura jiname pon peitabocotha eca.

¹⁰ Matautano jopa bewa pacopatsim xua bara jiwi jacobiya paca necajei tsaibiwa: 'Pata necanamataxeinaewi pam', paca necajei tsaibiwa xua ainya cui jiwi painya nepaca exanaē jiwixae. Painya xoba jiwi baxua bara pajume copatame, tsipei apara paxam panantaatame bara caein pon painya Necanamataxeinaein, jame apara bapon meisa Cristo.

¹¹ Icha pon paxam jiwana, icha bapon ichichipa naexana be pocotsin canamataxeina ichamonaē bapon matha bewa copya daxita paxam beta amanaya pacata nacuichina.

¹² Pon xua pia coutha peainya cui jiton naexana pejuntu coyenetha, Nacom exanaena xua bapon pecui paw jiton naexanaena. Ichitha pon xua pecui paw jiton naexana, pejuntu coyenetha, Nacom exanaena xua bapon peainya cui jiton naexanaena.

¹³ '¡Paxam pomonaē Moisés pia peitorobi coyene tatsi painya necuidubiwi jiwi pam tsobenaem! ¡Paxam iru pomonaē fariseomonaē pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanaē jiwi pam. Paxam acuicoyenyapubeya paexaname xua poxonaē jiwi bequein ichichipa naexana Nacom piamonaē tatsi jiwana. Paxam jopa pajume cowantsim Nacom yawa jopa pacopatsim xua ichamonaē iru pejume cowantsiwa Nacom.

¹⁴ '¡Paxam pomonaē Moisés pia peitorobi coyene tatsi painya necuidubiwi jiwi pam tsobenaem! ¡Paxam iru pomonaē fariseomonaē pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanaē jiwi pam. Powaxi pecuenta werapaewaxichi piseurixi, barapowaxi pacueranta ename pia bon. Naemata Nacom rawuqueibame. Jopa cuinaya pana najume copababeibim poxonaē rawuqueibame Nacom tsipei paichichipame nawita xua jiwi xanepanaya paca necayabara paebiwa xua bara cou paxam pejuntu coyene xanepanaē jiwi pam. Daxota poxonaē po mataqueitha Nacom yabara paebina daxita jiwi penatsicuentisiwa barapo mataqueitha Nacom bichocono paca peraxa jubina, beyacaincha poxonaē peraxa jubinchi pomonaē pacuidubame.

¹⁵ '¡Paxam pomonaē Moisés pia peitorobi coyene tatsi painya necuidubiwi jiwi pam tsobenaem! ¡Paxam iru pomonaē fariseomonaē pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanaē jiwi pam. Paxam taju beya paponame daxita carepayan beya, xua painya cana exanaenexa ichuntha xua bapon pejume cowantsiwa tsane painya necuidubi coyenewan xua bapoxonaē bapon

be judiomonaepin penaexanaewa tsane. Bapon pacana exaname, xua bapon bichocono equeicha mataropeicha abe peexanaein. Daxota bapon bewa xubinchi ichaxota po nacuatha isoto jopa itacounayiyoy, icha paca cana ichi tsane poxonaepaca bebai tsane barapo nacuatha.

¹⁶ “¡Paxam abe peexanae jiwi tsobenae pam! Paxam barapocotsi coyeneya juta panacana exaname, icha be pon peitata nacatsin ichi xua poxonaepichun matacapoinchi pon irun peitata nacatsin. Paxam ichamonaepacacuidubeibame ba pajam tsaibim: ‘Icha ichun nayabara cui wunae tsimuxu duta xua jeye: Xaniwaicha exanaein pocotsiwa xua catsipaebatsi Nacom pia pin bo wunthaxae tatsi, poxonaepajei, baxua ba jopa ainya cuiyiyoy poxonaepichun nayabara cui wunae tsimuxu duta bapocotsi wuntha’, ba pajam tsaibim xua ichamonaepacacuidubeibame. Matautano ba pajam tsaibim: ‘Icha ichun nayabara cui wunae tsimuxu duta xua jeye: Xaniwaicha bara exanaein pocotsiwa xua catsipaebatsi oro nainto wuntha pocotsiwa daedaena po oro nain coroton Nacom pin pia botha tatsi eca, poxonaepajei, baxua ba xua bapon exana bapocotsi wuntha, baxua jame ainya cui poxonaeparapon barapo wuntha nayabara cui wunae tsimuxu dubeibina’, ba pajam tsaibim poxonaepacacuidubeibame.

¹⁷ ¡Paxam barapocotsi coyeneya juta panacana exaname, icha be pomonaepatasipa daunwei ichi poxonaepjopa beta jume cowantsiyoy Nacom! Nacom pin pia bo bichocono ainya cui beyacaincha oro nain, po oro nain coroton Nacom pin pia botha tatsi ena. Tsipei barapo oro nain poxonaepaisowa beequiya Nacom pin pia bo weya jopa ainya cuiyiyoy. Jame saya meisa poxonaepbo tututha eca bapoxonaepainya cui barapo oro nain, tsipei barapo bo ainya cui cana exanatsi.

¹⁸ Matautano ba pajam tsaibim: ‘Icha ichun nayabara cui wunae tsimuxu duta, xua jeye: Xaniwaicha bara exanaein pocotsiwa xua catsipaebatsi xua be pexaethopaewa wuntha xua ichaxota duweipauteiba xua tuxusi exaneiba Nacom nexa, poxonaepajei, baxua ba bapon jopa bewa exanaepoxorubaraxua xua be pexaethopaewa jopa ainya cuiyiyoy poxonaepichun nayabara cui wunae tsimuxu duta bapocotsi wuntha’, ba pajam tsaibim poxonaepichamonaepacacuidubeibame. Matautano ba pajam tsaibim: ‘Icha ichun nayabara cui wunae tsimuxu duta xua jeye: Xaniwaicha bara exanaein pocotsiwa xua catsipaebatsi duweipwuntha po duweipxua bocopiya ichaxota xua be pexaethopaewa wuntha, poxonaepajei, baxua ba bapon jame bewa exanaepoxorupo duweipxua bocopiya ichaxota xua be pexaethopaewa, baxua jame ainya cui poxonaepbapon barapo wuntha nayabara cui wunae tsimuxu dubeibina’, ba pajam tsaibim poxonaepacacuidubeibame.

¹⁹ ¡Paxam barapocotsi coyeneya juta pana cana exaname, icha be pomonaepatasipa daunwei ichi poxonaepjopa beta jume cowantsiyoy Nacom! Pocotsiwa xua be pexaethopaewa ichaxota duweipauteiba xua tuxusi exana Nacom nexa, poxonaepaute baraxua xua be pexaethopaewa bichocono ainya cui, beyacaincha ainya cui poxonaepduweipaisowathabexuba xua saya pexaenexa. Tsipei duweip saya ainya cui poxonaepocotsiwa xua be pexaethopaewathabocopiya poxonaepetuxusi exanaewa tsane Nacom nexa. Bapoxonaepbarapo duwein ainya cui, tsipei baraxua xua be pexaethopaewa ainya cui cana exanatsi.

²⁰ Daxota pon nayabara cui wunae tsimuxu duta xua be pexaethopaewa wuntha, xua ichaxota duweipauteiba xua tuxusi exaneiba Nacom nexa, saya meisa jopa barapo wunthiyoy, matautano jame nayabara cui wunae tsimuxu dutsina duweipwuntha, po duwein baxota bocopiya.

²¹ Matautano pon nayabara cui wunae tsimuxu duta Nacom pin pia bo wuntha tatsi, saya jopa meisa barapo wunthiyoy, matautano jame nayabara cui wunae tsimuxu dutsina Nacom pewuntha tatsi. Tsipei bara Nacom pin pia bothaxae eca.

²² Daxota pon nayabara cui wunae tsimuxu duta itaboco wuntha, saya meisa jopa barapo wunthiyoy, matautano jame nayabara cui wunae tsimuxu dutsina Nacom pia pexeiya peeaethopeibiwa tatsi wuntha beicha matauta Nacom pewuntha tatsi pon baxoteicha eca.

²³ “¡Paxam pomonaepMoisés pia peitorobi coyene painya necuidubi jiwi pam tsobenaem! ¡Paxam pomonaepfariseomonaepam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanaepjiwi pam. Paxam ba caewaxipajiwana wetsabeibame xua painya catsibeibinexa Nacom poxonaepdiez xoyobe paxeiweibame xua pocotsiwa painya newiwan. Barichi pacana exaname tsiqui xutixitha po xutoxi pewun menta, matautano po pexunoy pewun anis barichi matautano po pexunoy pewun camino. Bara bequein barapo coyene paexaneibame, daichitha jopa paexanaem pocotsiwa bichocono ainya cui coyenewa pocotsiwa Nacom pia peitorobi coyenewatha itoroba. Matautano jopa paexanaem po cui coyenewatha bewa bara xaniwaicha pata exanaename jiwi. Matautano jopa paexanaem po cui coyenewatha bewa jiwi payabara najuntu coyene xeinaename painya newawenaenexa jiwi. Matautano jopa paexanaem

po cui coyenewatha xua pana cana exaname xua beta painya nejume cowantsinexa Nacom. Daxita barapo coyenein jame maisa paexanae, muxuna pa-eexanaponde po coyene copiya pa-eexanapona, po coyene poxonae pajiwana nonotaponeibame poxonae pocotsiwan diez xoyobe paxeineibame, xua pocotsiwa painya neubiwan.

²⁴ ¡Paxam barapocotsi coyeneya jata pana cana exaname, icha be pon peitata nacutsin ichi xua poxonae ichan matacapoinchi pon irũũ peitata nacutsin! Paxam jopa juniya pacayabara jume exaneibim xua Moisés pia peitorobi coyenewatha itoroba. Daichitha jopa paexanaem po peitorobi coyene peainya cui coyenewa Nacomtha. Barapocotsi jata coyeneya paexaname icha jiton ichi poxonae mera mene caewata paparuwatha xua pichixi pemuxuna apaeyainwa, daichitha apara yawa apareca xua xuan poxi peconoxi.

²⁵ “¡Paxam pomonae Moisés pia peitorobi coyene tatsi painya necuidubi jwi pam tsobenaem! ¡Paxam pomonae irũ fariseomonaem pam tsobenaem! Daxita paxam itara mexeya xanapanaya pepaebi jwi pam, daichitha apara abeya peexanae jwi pam. Paxam jopa ba juniya paexaneibim poxonae maisa panaperũ iquicame. Daichitha bũpana iya painya jũntũ coyenetha pecaibi coyene paxeiname, peuwi coyeneno paxeiname. Be barapocotsi jwi pam pocotsimonae coroton saya matawacaicha iquica yawa paratonno, ichitha atutuxira bichocono.

²⁶ Paxam fariseomonaem pam, pocotsi jiwimonaem pam pomonaem be peitata nacutsi jwi pam. Copiya matha pana najũntũ cui coyene barapende barapo painya neajũntũcoyenebewan, bapoxonae jame xanapanaya painompaename.

²⁷ “¡Paxam pomonaem Moisés pia peitorobi coyene tatsi painya necuidubi jwi pam tsobenaem! ¡Paxam irũ pomonaem fariseomonaem pam tsobenaem! Daxita paxam itara mexeya xanapanaya pepaebi jwi pam, daichitha apara abeya peexanae jwi pam. Jwi ba inyapana exana xua pocotsiwa jiton petũpaein peyamathũ acatabiwatsi. Bequein bara baxua inyapana daichitha xua matha bocareca bichocono ayei xua jiton petũpaein.

²⁸ Barapocotsi jata coyeneya peaxaname, icha be pocotsi coyene peayeiwa ichi xua jiton petũpaein. Bequein panaperũ wũnaetame, daichitha painya jũntũ coyene abe bichocono. Bequein jwi paca yabara nanta xeina poxonae paca cui tane xua paxam deta cou pejũntũ coyene xanapanae jwi pam Nacomtha, daichitha painya jũntũ coyene bichocono paajũntũcoyenebem. Mataũtano bara bequein paxam itara mexeya xanapanaya pepaebi jwi pam, daichitha apara abeya pepaebi jwi pam.

²⁹ “¡Paxam pomonaem Moisés pia peitorobi coyene tatsi painya necuidubi jwi pam tsobenaem! ¡Paxam pomonaem irũ fariseomonaem pam tsobenaem! Daxita paxam itara mexeya xanapanaya pepaebi jwi pam, daichitha apara abeya peexanae jwi pam. Paxam petũpaeiwi pomonaem Nacom pia peitorobi jume pepaebiwi payamathũ acabame boutixi. Mataũtano pomonaem pejũntũ coyene xeicae jwi payamathũ itũpana exaname.

³⁰ Mataũta naerabiya pana najam: ‘Icha caena bayatha jinompaetsipatsi poxonae wamo susato jwi jinompa metha jopa cueicha yawenaetsipaetsi poxonae barapo Nacom peitorobi jume pepaebiwi jutebatsi’, pana najam.

³¹ Barapo jumetha poxonae baxua pacaunutame, barapara barapo cui coyene paexaname, icha painya amo susato jwi ichi poxonae barapo jũntũ coyeneya exana poxonae jutebatsi Nacom pia peitorobi jume pepaebiwi.

³² ¡Painya amo susato jwi abe peexanaexae, caena bayatha bara paichinde! Poxonae pana nebexubiname moya pana necui yabara jume cui were icha matha painya amo susato jwi ichi poxonae tamropata notaracũpa xua barapo Nacom pia peitorobi jume pepaebiwi jutebatsi.

³³ “¡Maisa paxam pomonaem pemuxuitorobi jwi pam! ¡Daxota be jomomonaem pacui jũpame poxoru jomo ba cuitaya dũcũpa nawa! Bara paichim anoxuae bequein paichichipame xua Nacom pacuitaya dũcũpame xua abe paca exanaeyainwa. Ichitha Nacom paca itorobina ichaxota isoto jopa itacounayiyu. Jopa papanenebiyaem tsane barapo isoto weya.

³⁴ Itorobicaein painya xantha pomonaem taitorobi jume pepaebiwi. Mataũta itorobicaein pomonaem peyaputaewi. Mataũtano itorobicaein pomonaem jwi pecuidubiwi Moisés pia peitorobi coyene tatsi. Ichitha barapomonaem pajiwana jutebiname. Ichamonae naetotha pacobe matabobiname painya jutebinexa tsane. Ichamonae judiomonaem pia penacaetutsi bontha tatsi pabename. Daxita carepaya tomarantha abe pacana eexanaponaename pomonaetha pomonaem taitorobi jwi.

³⁵ Daxota Nacom paca cana exanaena xua paca peraxa exanaena xua daxita pomonaem pejũntũ coyene xeicae jwi pejujutebaponaexaetsi painya nacuatha. Painya amo susato jwi jujutebapona pomonaem pejũntũ coyene xeicae jwi. Copiya matha Abel bexotsi pon pejũntũ coyene xeicaein pon bequein jopa abe exanaeyo, beya poxonae irũũ Zacarías bexotsirũ pon Berequías pexanto tatsi. Barapon Zacarías pabexubame Nacom pin pia botha ichaxota xua barapo bo tututha uncua pocotsiwa be pexaethopaewa xua ichaxota

tuxusi exana Nacom nexa xua iru baxota uncua pepa Nacom pia boyo tatsi xua naitama taeuncuabe.

³⁶ Bara xaniwaicha paca tsipaebatsi pomonae xua anoxuae pajinompame bichocono paca peraxa jubebina tsipei daxita paxam barapara Nacom tsitatsi xua paxam patsita xeiname penatsicuentisiwa xua painya amo susato jiwi pejujutebaponaexae pomonae pejuntu coyene xanepanae jiwi xua iruru paxam painya nejutebaponaexaeru", jei Jesús.

*Meje yabara poxonae Jesús Jerusalén tomarapiwi siwa wecoyeichi
(Lc 13.34-35)*

³⁷ Bapoxonae Jesús yabara unthuthu wecoyei Jerusalén tomarapiwi. Jesús wecoyeya namchi, jeye: "iMaisa Jerusalén tomarapiwi pam pajutebeibame pomonae Nacom pia peitorobi jume pepaebiwi! iMatauta paxam pajutebeibame ibotontha pomonae Nacom pacata itoroba! iMaisa be paca caetucaetuteibinchi, tapaca cayawenaewatsi tsainchi, icha wacara ichi poxonae nacoxi caetucaetuteta pecuarafetha! iMaisa be barichocuaein tsane, daichitha jopa paichichipaem!

³⁸ Incane pataema Nacom nacui baraxuba xua jopa painya nepaca caewatsiwa tsane. Daxota Nacom jopa poponaeyo pia pin pia botha tatsi painya tomaratha.

³⁹ Paca tsipaebatsi xua equeicha jopa pana netaem tsane beya abu poxonae pana neyabara jam tsane: 'iMaisa bapon jiwi juntu coyene weiweina cana exanatsi pon patopa, Nacom peitorobixae, pon jiwi Pecanamataxeinaeinchi!' pana neyabara jam tsane", jei Jesús fariseomonaetha.

24

Meje yabara poxonae Jesús yabara paeba xua ichamonae abe exanaena Nacom pin pia bo tatsi

(Mr 13.1-2; Lc 21.5-6)

¹ Jesús Nacom pin pia bo tatsi wejoniya. Poxonae nama bara weya pona, bapoxonae Jesús imoxoyo caquita umenarucupatsi pijimonae. Yawa pijimonae jeichichi:

—Maisa Nacom pin pia bo tatsi bepa wuna, jei barapomonae.

² Daichitha Jesús jume barai barapomonae, jeye:

—iMoya caepatiyo pataema! Bara xaniyan paca tsipaebatsi. Matacabi jopaena barapo mataqueitha ichamonae pomonae penanapaincha jinompaewi xua icha nacua werena peponaewi abe cana exanaena Nacom pin pia bo tatsi po bo anoxuae pataneme. Aparo jopa cae ibotiyo nacopatuncuae tsane icha iboto peumatha. Daxita abe tsane, jei Jesús.

Meje yabara poxonae Jesús yabara paeba xua copiya matha pewunaeya exanaena petsita itutsi coyenewa poxonae daxita weraweracaenaba

(Mr 13.3-23; Lc 21.7-24; 17.22-24)

³ Bapoxonae Jesús pijimonae baru pona demxuwatheicha po demxuwa pewun demxu Olivowa tsipei baxota umena olivo naein. Poxonae Jesús demxuwatheicha ecopiya, bapoxonae Jesús pijimonae nameicha tsipaebatsi, jeye:

—Paichichipan xua xam tapata netsipaebiwam tsane, ieta poxonae metha ichamonae baxua exanaena poxonae abe cana exanaena Nacom pin pia bo tatsi? iEta pocotsiwa tsane metha xua pewunaeya tsita itapeinya xeinaena xua poxonae patopeicaename, matautano xua poxonae imoxoyo daxita weraweracaenaba? jei Jesús pijimonae tatsi.

⁴ Nexata Jesús barai, jeye:

—Dota pam bu ichamonae naerabiya paca muxu tsipaeba xua daxota abe paexanaetsipame.

⁵ Tsipei tsana patsina ayei bicheito jiwi pomonae natsicotaena icha be xan ichin. Barapomonae jei tsane: 'Apara xan Mesias', jei tsane. Poxonae barapomonae muxuitorobiya paebina bapoxonae pinmonae jume cowantsina.

⁶ Pajume taename xua jiwi juinya nabenoutsina xote yawa xua juinya iruru nabenoutsina icha ira beya. Daichitha jopa pajunuwinde, tsipei baxua pewunaeya matha copiya tsane. Daichitha cataunxuae dapu matacabi aichica tsane xua poxonae daxita weraweracaenaba yatsicaewa.

⁷ Cae nacuapiwi iru icha nacuapiwino, barapo ainya nacuapiwibe nabenoutsina. Matautano iru pon nacua peewatsin iru ichandu pon icha nacua peewatsin, baraponbe iruru nantiya nabenabe. Matautano ainya nacuantha pin jainbo nacua tsane tsipei pin mayayo tsane. Matautano domae tsurucuae tsane ainya nacuantha. Matautano ainya nacuantha ira jijiyatsina.

⁸ Baraxua copiya matha tsane xua jiwi atene tsoponae tsane bichocono, xua beya jopa nama juniya tsane.

⁹ “Bapoxonae jiwi paca teiquebina, paca atene exanaena matautano paca jutebina. Daxita nacuanpiwi paca casebina painya tana nejume cowantsixaemxae.

¹⁰ Barapo matabintha jiwi pentsina xua Nacom pejume cowantsiwatsi. Matautano daxita jiwi nacasebina, matauta barapomonae piamonae caenaetsina ichamonaetha.

¹¹ Pinmonae tsana patebina, pomonae jiwi pemuxitorobiwi. Tsana jei tsane: ‘Xan Nacom peitorobi jume tpaebin, Nacom yabara paca cuidubinchi’, jei tsane. Barapo pemuxitorobi diwesi jume pinmonae jume cowantsina barapo diwesi.

¹² Pinmonae jopa juniya abe exanaponae tsane daxota jiwi, jopa caemonae nantiya naantobe tsaibi tsane.

¹³ Ichitha pon awiya xua antuyapusya nejume cowantsiya poponaena xua beya yacuiya tupaeya jopaena poxonae bequein abe taexanatsi ichamona, bapon jame Nacom napaeba cana exanaena.

¹⁴ Tamonae capanaena tapexeinya jume diwesi po diwesi xua Nacom waba jiwi petanaexanaenexatsi pijimonae pomonae itorobiya peewatsixae. Barapo diwesi tajiwi-monae pomonae tanejume cowantsi jiwi paebinoutsina daxita jiwitha. Poxonae barapo diwesi daxita nacuanpiwi jume taena, bapoxonae daxita barapo jiwi yaputaena xua bara matabi imoxoyo jopaena po mataqueitha poxonae daxita weraweracaenaba.

¹⁵ “Daniel, pon Nacom peitorobi jume ppaebin bapon caena bayatha yabara tsiwunaeya muxu dutsiya tina pocotsiwa xua bichocono abe, pocotsiwa xua weraweraca cana exana. Pataename pocotsiwa xua ichan Nacom pin pia bo tututha exananotsina, pocotsiwa jopa bewa notsi baxota, pocotsiwa Daniel bayatha yabara paeba. Bapoxonae payaputaename xua bara imoxoyo matabi jopaenaba poxonae daxita weraweracaenaba”, jei Jesús. (Xan Mateon, paca baraichi: “Pon yorobina po jume diwesi tinan, moya jume naitaewatsina pia peyaputaenexa tsane”, paca jeichi.)

¹⁶ Cataunxuae Jesús cueicueije, jeye: “Poxonae bara pocotsiwa pataename bapoxonae pomonae Judea nacuaitha jinompa, barapomonae bewa demxuan berucpiyaena.

¹⁷ Barapo matabitha pon bo matatupatha uncua bapon jopa bewa botha joniya tsane xua penotsiwa tsane pocotsiwa tabobeinchi bomuxu tututha. Saya jame bewa nainya benaetsiricaena.

¹⁸ Iraru pon pabitha popona bapon jopa bewa caibeya ponae tsane botha xua penotsiwa tsane pia paparuwan. Saya jame bewa nainya benaetsiricaena.

¹⁹ ¡Pai yabuxi tsobenae powaxi pexui bupana taenatsi barapo matabitha! ¡Pai powaxi ira pexui isaina, barapowaxi tsobenaer! Tsipei acabe tsobenae tsane pexui.

²⁰ Poxonae pexunaeya tsane baxua Nacom pawucare xua jopa painya nerucpaewa tsane poxonae awubo peaquexae bichocono, matautano xua jopa painya nerucpaewa tsane poxonae pentaquei seicae matabitha.

²¹ Tsipei barapo matabintha jiwi bichocono pin peraxa exanaeinchi. Atene tsane beyacaincha poxonae jiwi atene tsaibi poxonae Nacom aena nacua exana, xua equeicha nama bichocono pin peraxa tsane. Equeicha bexa bapoxonae bapana jopa baxua exanae tsane poxonae bichocono jiwi pin peraxa.

²² Icha Nacom jopa be caentacabiyobe exanaetsipae, metha dapomonae ajibi tsipae pomonae panenebiya barapo peatene coyenewa weya. Daichitha Nacom be caentacabiyobe exanaena peantobexae pijimonae, pomonae pia peitapetsiwixae tatsi.

²³ “Bapoxonae icha ichan paca jei: ‘Pataema bapon apara Mesias uncue pon Nacom itorobica’, paca jei, ira icha ichan paca jei: ‘Pataema bapon Mesias xota uncuiye’, paca jei, baxuan jopa pajume cowantsinde barapo jumein.

²⁴ Tsipei pomonae pemuxitorobi jiwi tsana patsina. Barapomonae natsicotaena icha be xan ichi ponxaein Mesias. Matautano barapomonae natsicotaena icha be pomonae Nacom peitorobi jume ppaebiwi ichi tsane. Barapomonae pexeinya petsita itatsi coyenewan exanaena peitabocotha, po irathe tsaneno xua jiwi pemuxitorobinexa tsainchi, xua jiwi pejume cowantsinexa pocotsiwa barapomonae paeba. Barichiru pomonaetha pomonae Nacom pia peitapetsiwi tatsi pemuxitorobinexa tsainchi, xua iraru icha metha barapomonae pejume cowantsinexa tsaneru pocotsiwa barapomonae paeba. Ichitha jopa itacupaetsi tsainchi xua barapomonae pemuxitorobiwa tsainchi.

²⁵ Baxua tsiwanaya yabara paca tsiwuna muxu dutatsi.

²⁶ Daxota icha jiwi paca jei tsane: ‘Pataema bapon Mesias uncuiye ira xuepana susato tsurucuae nacua beya’, icha paca jei, jopa bara beya paponaeinde. Matauta icha paca jei: ‘Pataema bapon Mesias xote uncue bomuxu tututha’, icha paca jei, jopa baxua pajume cowantsinde.

²⁷ Icha yamuxu ichi poxonae jemeicha yacoicha uncueica xua coicha nayotaxuba itabocotha, barichi tsane po matabitha patopeicaein jemeicha. Xan ponxaein Nacom Tananeitapetsin tsita naitatsin daxita jiwi.

²⁸ Quequeremona ba nacaetuta ichaxota baurin boca. Bara juta paichim tsane. Paxam pomona naejume cowantsi jiwi pam, pana newnae ewatsiname po mataqueitha patopeicaein. Bara po mataqueitha pana nacaetutsiname”, jei Jesús.

Meje yabara poxona Jesús nayabara paeba xua poxona equeicha patopaetsica ponxae Nacom pia Peitapetsin

(Mr 13.24-37; Lc 21.25-33; 17.26-30, 34-36)

²⁹ Equeicha Jesús namchi: “Po matacabin poxona nacui wetsina xua jiwi pin peraxa tsane, bapoxonae xometo nainya naquitabina. Jomocoichato jopa pentha tsane. Opiteiton peitabocó weothopeicaena. Matauta Nacom napuna torobabiyaena xua xuan itabocotha dubena. Bapoxonae jopa xapain dubena tsane.

³⁰ Bapoxonae daxita jiwi taena peitabocotha xua cou equeicha apara tapatopaewa tsane ponxaein Nacom Tananeitapetsin. Poxonae daxita nacuanpiwi netaena xua patopaein, barapomona pijunuwi wecoyei tsane. Jiwi netaena ponxaein Nacom Tananeitapetsin xua patopeicaein tsaquinaebowantha. Nacom pia peyapusu itorobi coyenewatha, matautano bichocono pexeinya itupanae coichatha patopeicaein.

³¹ Matautano itorobin tamatatsunpiwi xua bichocono daunweya peobinexa tsane, po peobiwa pewan trompeta. Poxonae baxua jume taena tamatatsunpiwi inta caetutsina pomona taitapetsiwi. Nacaetutsina daxita nacuanpiwi jiwana, iru ichamona pomona ichaxota xometo weecinapiwi jiwana, iru ichamona pomona ichaxota xometo be-jopiyapiwi jiwana, iru ichamona pomona pocotsiwa wereneipiwi jiwana, iru ichamona pomona pocotsiwa berequeipiwi jiwana”, jei Jesús.

³² Equeicha Jesús jeye: “Pajume taema barapo pecayabara juta pepaebi diwesiyo xua higuera nae xua painya nenacidubiwa tsane. Poxonae ba pataneme xua pena noxu xuxuwapona, bapoxonae ba payaputaneme xua bara imoxoyo wei tsurucuae tsonae, xua pentono perubenaenexa.

³³ Barapocotsi juta coyeneya ichi tsane poxonae pataename daxita baxuan pocotsiwa aunxuae paca tsipaebatsi, pocotsiwa bexa exanaena, bapoxonae payaputaename, xua bara imoxoyo tsane xua tapatopae wanae tsane.

³⁴ Bara xainyeya paca tsipaebatsi daxita judiomona naitapataya naexanaponaena beya yacui othopaena poxonae Nacom exanaena daxita baxuan pocotsiwa xuaunxuae paca tsipaebatsi. Bapoxonae barapo judiomona weraweracaena.

³⁵ Peitaboco aichurucuae tsane, matautano ira aichurucuae tsane. Meisa nama tajumein ataya tsitecaena xua daxota daxita nayabara jume wetsina be pocotsi coyeneya bayatha paeban”, jei Jesús.

³⁶ Equeicha Jesús jeye: “Po matcabitha baxua exanaena, matauta po horatha baxua exanaena jiwi jopa baxuan yabara yaputaeyo. Iru matatsunpiwi pomona peitaboco beicha jinompa baxuan iruru jopa yabara yaputaeyo. Iru xan, ponxaein Nacom Pexanton baxuan jopa yabara yaputaeyo. Meisa saya Nacom pon Waxa yaputane poxonae po matcabitha baxua exanaena, matautano yaputane poxonae po horatha daxita exanaena baxua xuaunxuae paca tsipaebatsi”, jei Jesús.

³⁷ Equeicha Jesús jeye: “Icha matha ichi poxonae Noé caena bayatha popona jiwi jopa tsaqueinaeyo xua Nacom pin awubo exanaena methaunxuae. Saya barompaya icha juntu cuitha jinompa daxota jiwi werapa. Barichi juta ichi tsane poxonae patopeicaein barapo cae pin nacuathe xua ponxaein Nacom Tananeitapetsin. Poxonae patopeicaein jiwi jopa tsaqueinae tsane xua Nacom werapa exanaena barapo jiwi pomona jopa pejume cowantsiyoxaetsi.

³⁸ Barapo matcabinth poxonae Noé popona poxonae cataunxuae pin ema jopa duneicaeyo, jiwi jopa tsaqueinaeyo xua bexa pin awubo tsane. Barapo jiwi juntea nabaneiba yawa apeiba. Yawa jiwitha jijnapona, yawa pexantixi jitha dodoubapona beya yacuiya othopa poxonae po matcabitha Noé pin jera naetha joniya. Bapoxona pin ema mu jopa. Daxita Noé wepu bunothopatsi pomona jinompa poxonae Noé popona.

³⁹ Barapo jiwi jopa awubo yabara tsaca jinompaeyo. Barapoxonae jemeicha pin ema uncuca. Matauta monapentatsi barapo jiwi. Icha jiwi ichi poxonae Noé popona poxonae barapo jiwi jopa nanta xeinaeyo xua nacabetsina, barichi tsane poxonae xan patopeicaein ponxaein Nacom Tananeitapetsin, jiwi jopa baxua yabara tsaqueinae tsane xua poxonae equeicha patopeicaein.

⁴⁰ Barapo mataqueitha ainya pebinbe nacuaa nacuitauyaenabe pabitha. Ichun matatsunpin pichina, pejume cowantsixaetsi Nacom. Ichun saya cuenta ponaeinchi jopa pejume cowantsixaetsi Nacom.

⁴¹ Irũũ ainya yabũyobe nacuara yacatoyorobauyaenabe. Ichowa matatsunpin pichina, pejume cowũntsixaetsi Nacom. Ichowa saya cuenta ponaeinchi, jopa pejume cowũntsixaetsi Nacom.

⁴² “Tsaca pajinompeibare xua tapatopae wũnae tsane, tsipei jopa payaputaem po mataqueitha patopaein ponxaein jiwi Tacanamataxeinaein.

⁴³ Meje pocotsiwe payaputaema. Icha pon bo pexeinaein yaputaetsipa xua poxonae patopaena pon jiwi pecaibin, bapoxonae bapon jopa maitecaetsipae. Mataũta bapon jopa copatsipae xua pon pecaibin petajondenaewatsi pia botha.

⁴⁴ Daxota bara paichinde. Tawanaetha pana nacui wũnaere, tsipei xan, ponxaein Nacom Tananeitapetsin patopeicaein poxonae jopa tsaca payabara jinompaem tsane tsipei jopa payabara nanta xeinaem tsane xua tapatopaewa tsane”, jei Jesús.

Meje yabara poxonae Jesús yabara diwesi paeba ponbe xua bo peyapucaeacaeinbe pon xua beta peexanaein irũũ xua pon jopa beta peexanaein
(Lc 12.41-48)

⁴⁵ Equeicha Jesús namchi pijimonaetha pecayabara jũta pepaebi diwesiyo xua pepatopaewa tsane, jeye: “Yabara paca tsipaebatsi pon matacapopona pomonae bo pexeinaein tanacuitatsi. Barapon xanepanaya yaputaeya matacapopona. Poxonae bo pexeinaein wepu warapa barapomonae, pon bo pexeinaein itoroba pontha pon bo petayapucaeacaeinchi, jeye: ‘Inta beta matacapoponde, yawa inta beta pexaewa apare daxita matabi pomonae xua inta nacuita’, jei bo pexeinaein.

⁴⁶ Pon bo petayapucaeacaein bara jũntũ coyene weiweinaena poxonae patopaena pon bo pexeinaein petaxaetsi xua bara beta tayapucaeaca bo, xuano bara beta peexanaexae pocotsiwa xua bo pexeinaein itoroba.

⁴⁷ Xaniwaicha paca tsipaebatsi. Bo pexeinaein itorobina xua pon petayapucaeacaxaetsi bo xua bapon cana exanaeinchi xua equeicha daxita piawan beta petayapuenaewatsi xua xuan xeina pon bo pexeinaein.

⁴⁸ Ichitha ichacũitha pon bo petayapucaeacaein bapon peantũcũiyapubein tsipae. Bapon pia coutha nanta xeinaetsipa, najei tsipae: ‘Metha bo pexeinaein jopa cuinaya patopae tsane’, najei tsipae pon bo petayapucaeacaein.

⁴⁹ Bapoxonae bapon cueinta pomonae pon bo pexeinaein tanacuitatsi. Mataũtano bapon nanabanaetsipa nawita ichamonae yawa cũpatsi nanaexanaetsipano.

⁵⁰ Bapoxonae pon bo pexeinaein jemeicha patopaena poxonae pon bo petayapucaeacaein jopa wũnae tsaqueinaeyo. Poxonae bara po hora tsuxubi jopa yaputaeyo yawa poxonae barapo matabi tsuxubi jopa yaputaeyo.

⁵¹ Pon bo pexeinaein itoroba ichamonaetha xua pebenexatsi yawa peperaxa jubinexatsi tsainchi pon bo petayapucaeacaeinchi. Mataũtano itoroba xua barapomonae bapon pexubinexatsi ichaxota jinompa pomonae itara mexeya wũnaeya pepaebiwi ichitha abe peexanaewi. Barapo nacua bereca jiwi bichocono wecoyey pomonae abe peexanaewixae, mataũtano nantanuweya nantũ jayabina bichocono peatenexae”, jei Jesús.

25

Meje yabara poxonae Jesús cuiduba pecayabara jũta pepaebi diwesiyo xua diez powayobe xua penowaxi

¹ Nexata Jesús equeicha icha pecayabara jũta pepaebi diwesiyo cuiduba pijimonaetha, jeye: “Nacom cana exanaena jiwi xua pomonae pejuũtũ coyene itorobiya ewatsixae, icha pebin ichi poxonae diez powayobetha xua penowaxi cana exana powaxi bapana jopa peru nacoyabiyo pebiwi. Barapo diez powayobe nota pia lámpan xua peewatsinexa pon pia pecotsiwa nacoyobina. Barapowaxi barompaya capona pia lámpan xua aceite epaca.

² Icha cinco powayobe barapo diez powaxi jiwana, barapowaxi ita coxanatsi xua penacui wũnaetsiwa. Icha cinco powayobe ita coxone xua penacui wũnaetsiwa.

³ Barapowaxi powaxi ita coxanatsi xua penacui wũnaetsiwa barapowaxi poxonae lámpan cajjinca jopa muxuna cajjincaeyo icha aceite xua equeicha pemene epacaenexa poxonae ameneibi tsurubena.

⁴ Saya meisa powaxi yaputane xua penacui wũnaetsiwa jame barapowaxi pia lámpan muxuna cajjinca aceite xua equeicha pemene epacaenexa poxonae ameneibi tsurubena.

⁵ Tsipei pon imoxoyo pecotsiwa nacoyobina bapon jopa cuinaya patopaeyo, daxota daxita barapo diez powayobe itamaipnagũcũpa. Matapainya maitarũcũpa.

⁶ Poxonae papae tsuxubi poxonae barapowaxi cataunxuae maita, bapoxonae jume tane pon wawai xua barapowaxi jeichichi: ‘Bara juinya dawerena pebin pon pecotsiwa nacoyobina. Bapon panta enare painya necobe jacobinexa’, jei pon wawai.

⁷ Daxita barapo diez powayobe nacosabaracura. Matauta equeicha icha aceite epacacacura xua bapoxonae pecoicha exanaenexa.

⁸ Bapoxonae icha cinco powayobe, powaxi jopa nacui wunaetsiyo jeye ichawaxitha xua cinco powayobetha: 'Panecatsibare icha aceite meraxi pata tha equeicha mene epacaetsi, yaitama pata lámpan acueicheibi', jei barapowaxi.

⁹ Ichitha powaxi penacui wunaetsiwaxi jume barai, jeye: 'Aibi apara, canta peyaxui barompaya pacajjinca patauxi, jopa pacajjincaeinio xua paxam nexaru. Maisa ichaxota pecaenaetsithopaewa aceite bara bepaiyande matha pacomocare aceite xua painya nemene epacaenexa', jei barapowaxi poxonae xua jume barai ichawaxitha.

¹⁰ Poxonae cataunxae ichawaxi enapona xua pecomocaenexa aceite ichamonaetha, bapoxonaeru pebin pecoutha patauxi, pon pecotsiwa imoxoyo nacoyobina. Powaxi bayatha nacui wunaeta napuna joniya bapontha xua penanabanaenexa pexaewa xua poxonae barapo pexaewa jiwi tsinacaetuta xua penabanaenexa poxonae barapo pebin pecotsiwa nacoyobina. Bapoxonae bomaxu bichocono boupa cateitabanota.

¹¹ Bapoxonae pirapaeyo ichawaxi pata powaxi aceite siwayiya, jeye: 'Pata Tanecanamataxeinaem, painta boupa saranaxorena', jei bapowaxi.

¹² Ichitha bapon barapowaxi jume baraichichi, jeye: 'Canta jopa paca yaitaetsi', jei bapon', jei Jesús, xua pijimonaem tsipaeba.

¹³ Bapoxonae Jesús barai pijimonaetha, jeye: "Tawanaetha pana najuntu coyene wunaere, tsipei jopa payaputaem po matacabitha patopaem, matautano jopa payaputaem po horatha patopaem ponxaein Nacom Tananeitapetsin", jei Jesús.

Meje yabara poxonae Jesús paeba pecayabara juta pepaebi diwesiyo xua paratixi yabara (Lc 19.11-27)

¹⁴ Equeicha Jesús pijimonaem cuiduba pecayabara juta pepaebi diwesiyo xua paratixi, jeye: "Anoxuae ichichipan xua tapaca tsipaebiwatsi po coyene xua xan beta matomacan pomonae inta beta penacuichiwi pomonae Nacom juntu coyene itorobiya ewata. Barapo coyene jupa icha be poxonae pebin ichi poxonae bara juntucuru warapaenaba icha nacua beya. Pewunaeya poxonae warapaenaba matha waba pomonae pia petanacuichi jiwichi tsainchi. Barapomonaetha itoroba xua pia paratixi tatsi beta petacomocaewa tsainchi poxonae cataunxae wunae ewatatsi xua pepatopaewa tsane.

¹⁵ Ichantha pomonae barapomonaem jiwana cata cinco mil po paratiximonaebe. Iru ichantha cata dos mil po paratiximonaebe. Iru ichantha cata saya be cae mil po paratiximonaebe. Bapon daxita barapomonaetha barompaya catsiba be pocotsi coyeneya barapomonaem yapu japatsi xua poxonae pecacomocaewa tsane barapo paratiximonaetha. Bapoxonae bapon warapa.

¹⁶ Pon catatsi cinco mil po paratiximonaebe, barapo cinco mil po paratiximonaebetha equeicha icha cinco mil po paratiximonaebe matoma exana.

¹⁷ Barichi pon catatsi dos mil po paratiximonaebe, barapo dos mil po paratiximonaebetha equeicha matoma exana icha dos mil po paratiximonaebe.

¹⁸ Ichitha pon catatsi cae mil po paratiximonaebe, bapon mutha cua iratha. Bapoxonae barapo muthutha bota barapo cae mil po paratiximonaebe", jei Jesús.

¹⁹ Equeicha Jesús jeye: "Poxonae ainya matacabin yapucaewa, bapoxonae patopa pon paratixi catsiba barapomonaetha pon barapomonaem pia pecanamataxeinaeinchi tatsi. Bapon pia petanacuichiwichi pia paratixi matoma yabara yainyaba.

²⁰ Copiya patopa pon cinco mil po paratiximonaebe catatsi. Bapon icha cinco mil po paratiximonaebe cata pia pecanamataxeinaeinchitha, yawa jeye: 'Tanecanamataxeinaem, caena bayatha cinco mil po paratiximonaebe necatame, equeicha icha cinco mil po paratiximonaebe cata matoma exainchi', jei bapon.

²¹ Pon pecanamataxeinaein jume nota, jeye: 'Maisa juntu coyene wunaem matautano xam ponxae cayabara jume cowuntatsi xua xanapanaya neexanebiwam pocotsiwa caitorobatsi. Tsipei inta xanapanaya beta exaname bequein poxonae be conotha caitorobatsi, daxota equeicha ichawa caitorobatsi xua bichocono nawita. Moya tabotha nebaru jonyama yawa nebaru juntu coyene weiweinare', jei pon pecanamataxeinaein.

²² Bapoxonae pirapae ichan patopa pon dos mil po paratiximonaebe catatsi yawa jeye pia pecanamataxeinaeinchitha: 'Tanecanamataxeinaem, caena bayatha dos mil po paratiximonaebe necatame, equeicha icha dos mil po paratiximonaebe cata matoma exainchi', jei bapon.

²³ Pon pecanamataxeinaein jume nota, jeye: 'Maisa juntu coyene wunaem matautano xam ponxae cayabara jume cowuntatsi xua xanapanaya neexanebiwam pocotsiwa

caitorobatsi. Tsipei inta xanepanaya beta exaname bequein poxonae be conotha caitorobatsi, daxota equeicha ichawa caitorobatsi xua bichocono nawita. Moya botha nebaru jonyama yawa nebaru juntu coyene weiweinare', jei pon pecanamataxeinaein", jei Jesús.

²⁴ Equeicha Jesús jeye: "Bapoxonae matapainya patopa pon cae mil po paratiximonaebe catatsi. Bapon atsaquiya jei pia pecanamataxeinaeinchitha: 'Tanecanamataxeinaem, xan yaputan xua xam be barapocotsim pon jopa jiji juniya itorobeim. Matautano jiji cobe itorobeibame xua penoteibiwa pocotsiwa jopa jinyawiyoy. Matautano pexaewa xua naweta noteibame ichaxota jopa ubim.

²⁵ Daxota cacunuwatsi baxua neexanaeinxae tsipei metha inta pichipame barapo paratiximonaebe poxonae equeicha icha paratiximonaebe cata matoma exainchi daxota jinya paratiximonaebe muthutha xubotan. Xote barapo paratiximonaebe caewa cata canawitatsi', jei bapon.

²⁶ Nexata pon pecanamataxeinaein namchi jeye: 'jBepa maisa dapon abem, pon fifi-name poxonae inta nacuitame! Xam apara neyabara nanta xeiname xua xan pexaewa tanoteibiwa pocotsiwa naweta ichaxota jopa tacya ubeibinyo. Matautano xua ichamonaebobe itorobeiban xua noteiba pocotsiwa jopa tawiyoy.

²⁷ Tsipei catsawiya neyabara nanta xeiname, xua bichocono daunwei itoroban daxota bayatha inta bewa barapo paratiximonaebe banco botha botsipame. Nexata poxonae equeicha patopan, icha paratiximonaeb equeicha matoma xeinaetsipan xua equeicha inta pematropeicha botsixaetsipae poxonae ichamonaeb nacowaeta barapo taparatiximonaebe', jei pon pecanamataxeinaein.

²⁸ Bapoxonae pon pecanamataxeinaein barai pomonaeb baxota umena jeye: 'Bapon pacobe wepire barapo cae mil po paratiximonaebe. Bapoxonae barapo paratiximonaebe pacare pon icha diez mil po paratiximonaebe xeina.

²⁹ Pon ba be conotha Nacom yabara yaputainchi Nacom bapontha cana exanaena xua ichawa peyabara yaputaewa tsane xua beya poxonae bapon equeicha bichocono Nacom pejume cowantsiwa tsainchi. Pon ba jopa ichipaeyo xua Nacom peyabara yaputaewatsi, Nacom wepichina po coyene bapon yaputane xua beya daxota Nacom jopa pejume cowantsiwa tsainchi.

³⁰ Matauta bapon pon inta beta jopa nacuichiyo bapon paxore peitaquirei acuatha, xua barapo nacuatha pewocoyeinexa, xua nantanuweya penantu jayabinexa tsane', jei pon pecanamataxeinaein", jei Jesús.

Meje yabara poxonae Jesús nayabara paeba xua bepa pinae Nacom Pexanto tatsi tsabina daxita jiji

³¹ Equeicha Jesús pijimonaeb tsipaeba, jeye: "Xan, ponxaein Nacom Tananeitapetsin patopeicaein, iru matatsunpiwi nebaru patsicaena. Poxonae patopeicaein, bapoxonae ecaein pexeinya peitapanae ecaewatha xua tawa tayabara paebinxaxo daxita jiji xua penatsicuentisiwa abe peexanaexae Nacomtha.

³² Jiji nacaetutsina taitabaratha pomonaeb daxita nacuan werena pona. Barichin tsane icha pon oveja peewatsin ichi. Bapon ba tsaba ovejamonaeb, matautano tsaba icha duweimonaeno, po duweimonaeb pewan cabra.

³³ Pon ovejamonaeb peewatsin, bapon ovejamonaeb cuaranoba pecoxa weya. Cabra duweimonaeb petsocona weya cuaranoba. Bara cana jutiya ichin tsane jiwitha, icha pon ovejamonaeb peewatsin ichi. Pomonaeb xanepanaya peexanaewi tsana nobin. Pomonaeb abe peexanaewi tsana nobin.

³⁴ Bapoxonae xan ponxaein jiji itorobiya pepa Taewatsin baran tsane pomonaeb tacoxa weya inta umena, jan tsane: 'Anetha paxam pomonaeb Nacom, Taxa, paca juntu coyene weiweina exana. Pajojonyama Nacom pia peitorobi nacuatheicha. Bara xoteicha caena bayatha Nacom paca tsiwinaeta pocotsiwa xua paxam nexa, beya poxonae barapo nacue forota.

³⁵ Paca itacupa xua papatame baxoteicha, tsipei poxonae jainpan bayatha, bapoxonae pana neapatame pexaewa. Matauta tsipei poxonae meratsipan, bapoxonae mera pana neapatame. Matauta tsipei bayatha poxonae patopan painya botha poxonae be wawatsiyo coyeneya patopan daichitha pana nententa weyataeya wabame.

³⁶ Matautano tsipei poxonae bayatha jumasa patopan, bapoxonae paparuwa pana necatame. Matautano tsipei poxonae bayatha neromaeba yawa poxonae atenein bara pana nesiwa poname painya tana neyawenaenexam. Matautano tsipei poxonae jiji pecubi botha neeta, paxam papatame painya tana nenecotsinexam', jan tsane xua ponxaein jiji itorobiya pepa Taewatsin.

³⁷ Nexata barapomonaeb, pomonaeb tacoxa weya inta peumenaexae pomonaeb xanepanaya peexanaewi, nejjei tsane: 'Pata Tanecanamataxeinaem, zeta poxonae paca

tainchi xua jainpame matauta xua poxonae paca apatatsi pexaewa? ¿Eta poxonae paca cui tainchi xua meratsipame xua bapoxonae mera paca apatatsi?

³⁸ ¿Eta poxonae paca tainchi xua poxonae be wawatsiyo coyeneya patopame xua bapoxonae paca matenta weyataeya wabatsi? ¿Eta poxonae paca tainchi xua poxonae jumasa patopame xua bapoxonae paca catatsi paparuwa?

³⁹ ¿Eta poxonae paca tainchi poxonae caromaeba xua poxonae atenemno xua bapoxonae paca siwa poinchi pata paca cayawenaenexatsi? ¿Eta poxonae paca tainchi poxonae jiwi pecubi botha caeta xua bapoxonae papatan pata cataenexatsi? nejei tsane barapomonae.

⁴⁰ Bapoxonae xan ponxaein jiwi itorobiya pepa Taewatsin, jume notsin barapomonae aetha jan tsane: 'Xaniyan paca tsipaebatsi. Daxita po coyenewan paxam bayatha paexaname tamonae jiwitha poxonae bequein barapomonae jopa peainya cui jiwiyoy, apara bara painta exaname', jan tsane ponxaein jiwi itorobiya pepa Taewatsin.

⁴¹ 'Nexata xan ponxaein jiwi itorobiya pepa Taewatsin baran tsane pomonae tatsocona weya peumenaewi, pomonae jopa beta peexanaewi, jan tsane: 'Panatsixibarucupare taxainya weya, tsipei paxam pomonae abe painya neexanae jiwi pam. Maisa po nacuaatha isoto jopa cuinaya itacounaiyo baxota paponare. Barapo iso nacua caena bayatha Nacom yabara wanaeta caurimonae pia pentacaponaein tatsi nexa iruru pia matatsunpiwimonae tatsi nexa pomonae caurimonae.

⁴² Tsipei poxonae jainpan bayatha, jopa pexaewa pana necatsim. Matauta tsipei poxonae bayatha meratsipan, jopa mera pana neapatsim.

⁴³ Matautano tsipei caena bayatha poxonae be wawatsiyo coyeneya patopan, paxam jopa pana nententa weyataeya wabim. Matauta tsipei poxonae bayatha jumasa patopan, paxam paparuwa jopa pana necatsim. Matautano tsipei caena bayatha poxonae nero-maeba yawa poxonae jiwi pecubi botha ecan, paxam jopa pana nesiwa ponaem', jan tsane.

⁴⁴ Nexata pomonae abe peexanaewi nejume notsina, jei tsane: 'Pata Tanecanamataxeinaem, ¿eta poxonae xua pata paca cui taewathatsi xua jopa paca yawenaetsi? ¿Eta poxonae xua pata paca cataebenaewathatsi poxonae jainpame? Matautano ¿eta poxonae xua pata paca cataebenaewathatsi poxonae meratsipame? Matautano, ¿eta poxonae xua poxonae pata paca cataebenaewathatsi poxonae be wawatsiyo coyeneya patopame? Matautano, ¿eta poxonae xua poxonae pata paca cataebenaewathatsi poxonae caromaeba? Matautano, ¿eta poxonae xua poxonae pata paca cataebenaewathatsi poxonae jiwi pecubi botha caeta? Daxita baxuan, ¿eta poxonae xua poxonae jopa paca yawenaetsi?' nejei tsane barapomonae.

⁴⁵ Xan ponxaein jiwi itorobiya pepa Taewatsin jume notsin barapomonae jan tsane: 'Xaniyan paca tsipaebatsi. Daxita po coyenewa bayatha jopa paexanaem tamonae jiwitha xua barapomonae jopa peainya cui jiwiyoxae, apara bara jopa painta exanaem', jan tsane ponxaein jiwi itorobiya pepa Taewatsin.

⁴⁶ Bexa bapoxonae tsane barapo abe peexanae jiwi ponaena po nacuaatha bapana jopa nacui copatsi xua atene. Pomonae pentu cui xanepanae jiwi ponaena po nacuaatha jiwi xeineiba peantucoyeneyaruswa, po peantucoyeneyaruswa ataya tsiteca", jei Jesús.

26

Meje yabara poxonae fariseomonae iru sacerdotemonae pia pentacaponaei tatsi daxita barapomonae Jesús yabara nanta xeinatsi po coyeneya xua Jesús pewaetabiwa tsainchi (Mr 14.1-2; Lc 22.1-2; Jn 11.45-53)

¹ Poxonae Jesús baxua daxita najume weta, bapoxonae pijimonae barai, jeye:

² —Paxam payaputaneme xua poxonae po baya tsane, jiwi nacaetutsina penabanaenexa pexaewa peyabara nanta xeinaenexa barapo matacabi xua poxonae caena bayatha matha judiomonae Egipto nacua weya panenebiya, po matacabi pewun Pascua matacabi wan. Barapo mataqueitha ichamonae necaenaetsina xua tparucua tanaexanaenexa tsane naetotha, ponxaein Nacom Tananeitapetsin, jei Jesús.

³ Poxonae Jesús pijimonae baxua tsipaebuncua, bara caena barapo mataqueitha sacerdotemonae pia pentacaponaei tatsi nacaetuta. Iruru baxota nacaetuta judiomonae pia pitiri jiwi tatsi. Barapomonae daxita nacaetuta po tututha pon pewun Caifás pon sacerdotemonae pia pepa pentacaponaein tatsi pia pexeinya tutu botha tatsi.

⁴ Daxita barapomonae nabaru muxu jei xua bepa pinae eta bichi tsane poxonae Jesús nameicha waetabinchi xua pebexubiwa tsainchi.

⁵ Barapomonae najei:

—Abu jopa waetabi tsainchi poxonae jiwi Pascua matacabi wantha nacaetuta penabanaenexa pexaewa. Tsipei icha barapo mataqueitha waetabichipatsi pinmonae anaepanaya najume cayayataxubichipa, najei daxita barapomonae.

Meje yabara poxonae petsiriwa Jesús mata epatabatsi penasiwa, po penasiwa petuxueiwa

(Mr 14.3-9; Jn 12.1-8)

⁶ Pirapae Jesús popona Betania tomaratha. Barapo tomaratha Jesús popona Simón pia botha tatsi, pon copiya bayatha peperu sawinchi.

⁷ Barapo botha petsiriwa powa pesi cui weiweinaewa Jesús imoxoyo caquita uncuatabatsi. Barapo petsiriwa capatopa alabastro ibo wun bosibu atsato, xua bichocono wunca penasiwa xua petuxueiwa, po petuxueiwa bichocono ainya matoma. Poxonae Jesús eca pexaethopaewatha, bapoxonae barapo petsiriwa Jesús mata epatabatsi barapo petuxuei tuxusi nasiwatha.

⁸ Poxonae Jesús pijimonae tatsi tane baxua, barapomonae bichocono anaepana, yawa caemonae najeino:

—¿Eta pocotsiwa metha saya baxua xuba jane?

⁹ Barapo petuxueiwa becaenaetsipatsi bapoxonae bexeinaetsipatsi paratixi nawita xua bapoxonae barapo paratixitha beyawenaetsipatsi peacopeibi jiwi, najei barapomonae.

¹⁰ Jesús yaputane xua pijimonae tatsi baxua pepaebiwa, daxota Jesús jeye:

—¿Eta pocotsiwa metha barapowa pabiataneme? Pocotsiwa barapowa inta exana aparta seicayarũ xua pexeinya coyene inta exana.

¹¹ Barapo irathe peacopeibi jiwi paca baru jinompeibina painya neyawenaenexa tsaili tsane barapo jiwi. Ichitha nama paxam jopa ataya paca baru poponae tsainchi xua pata tana neyawenaenexam barapo irathe.

¹² Barapowa xua nenta epataraba tapepontha xua petuxuei tuxusi nasiwatha aparta xua tsiwanaya nenacui yabara nacui wunaeta xua muthũ tana neboyaenexa poxonae tũpaein.

¹³ Bara xaniyan paca tsipaebatsi, daxita nacuantha poxonae jiwi cueicueijeji tsane Nacom pia pecapanenebiyae diwesi, barapo jiwi yawa yabara paebina xua pocotsiwa poxonae bapowa inta exana xua jiwi barapowa peyabara cui nanta xeinaenexatsi, jei Jesús.

Meje yabara poxonae Judas, Jesús caenaetaxotsi

(Mr 14.10-11; Lc 22.3-6)

¹⁴ Nexata Jesús pijimonae tatsi pomonae doce poyobe tatsi, barapo doce poyobe jiwana bara caein, bapon pewun Judas Iscariote. Bapon Judas pona sacerdotemonae pia pentacaponae tatsi beya xua petsipaebinxã barapomonaetha.

¹⁵ Judas jeye barapomonaetha:

—¿Eta po paratixi pana necatsiname icha Jesús caenaetaxubin, painya xantha? jei.

Nexata barapomonae Judas pentoma catatsi treinta po paratiximonaebe, xua po paratixi bichocono matoma nawita.

¹⁶ Barapoxonae Judas tamropata pitaba xua jeita xua po coyenetha Jesús pecaenaetaxubiwa tsainchi barapomonaetha, poxonae peyapu xanepanaewatha.

Meje yabara poxonae Jesús pijimonae baru nabane Pascua wun matakabitha

(Mr 14.12-25; Lc 22.7-23; Jn 13.21-30; 1 Co 11.23-26)

¹⁷ Nexata copiya matakabi jopa po matakabi tsiwana penantacarucuae matakabi, xua po matakabintha poxonae jiwi tsinacaetutsina xua penabanaewa tsane pan, po pan jopa muxunapentsiyo levadura matawun, pocotsiwa xua cotowa exana pan. Jesús imoxoyo caquita umenarũcupatsi pijimonae yawa Jesús jeichichino:

—¿Exota ichichipame xua ichaxota pexaewa paca tsinacui wunaetsinchi wanabanaenexa tsane xua Pascua wun matakabi nexa? jei barapomonae.

¹⁸ Jesús barai pijimonae, jeye:

—Tomara beya paponde, Jerusalén tomara beya. Paponde po botha pon bichocono pin tutu xaina. Bapontha painta jande: 'Pon jiwi Pecuidubin namchi: Bara nama tatũpae wũnae tsane. Jinya tututha tajiwimonae tha baru nabanaetsi pexaewa Pascua wun matakabi nexa', cajei pon jiwi Pecuidubin, pajande, jei Jesús pijimonaetha.

¹⁹ Jesús pijimonae tatsi bara exana pocotsiwa bayatha Jesús pijimonae peitorobixae. Mataũtano barapomonae pexaewa nacui wunaetajeba Pascua wun matakabi nexa xua penabanaenexa.

²⁰ Poxonae quirei tsanaicha bapoxonae Jesús pijimonae baru eca pexaethopaewatha pomonae doce poyobe tatsi.

²¹ Poxonae Jesús pijimonae baru xunaeca bapoxonae barai pijimonae, jeye:

—Bara xaniyan paca tsipaebatsi caein pon paxam jiwana pam, bapon necaenaetaxubina ichamonaetha xua tana nebexubiwa tsane ichamona, jei.

²² Nexata bapoxonae Jesús pijimonae tatsi unthũthũ wecoyei tsũrũcupae, nexata daxita tsana jei tsoponae Jestushta:

—Tanecanamataxeinaem, apara ¿xan cacaenaetaxubinchi? jei daxita barapomonae xua Jesús tsana yainyabapoinchi.

²³ Jesús jume nota barapomonae, jeye:

—Pon cae paratotha pana nabaru jajaucuncuaponanbe pan, bapon apara pon necaenaetaxubina ichamonaetha.

²⁴ Xan ponxaein Nacom Tananeitapetsin bewa tupaen, tsipei Nacom Pejume Diwesitha baxua neyabara paeba caena bayatha. Ichitha pebin tsocuae pon necaenaetaxubina ichamonaetha. Metha jame wunae tsipae icha bapon bayatha jopa naexaenae tsipae, tsipei bexa tsane bichocono atene tsocuae tsane, bichocono abe tana necana exanaexae, jei Jesús.

²⁵ Nexata Judas pon Jesús caenaetaxubinchi bapon itacaretaba, jeye Jestustha:

—Pon jiwi Necuidubim, ¿xan apara cacaenaetaxubinchi? jei Judas.

Jesús jume nota, jeye:

—A, xuaunxuae bara paebame, jei.

²⁶ Poxonae Jesús pijimonae baru xunaeca, bapoxonae Jesús pecobetha pita pan yawa Paxatha tsipaeba, jeye: “Axa, maisa juntu coyene weiweinan xua pan pata tana necatsiwam”, jei. Bapoxonae Jesús pecobetha pan epa janaca yawa catsiba pijimonae. Bapoxonae pijimonae barai, jeye:

—Paxaema po pan epa janacan. Barapo pan apara yabara caunuta tapepon xua poxonae tapaca tsitupaewatsi tsainchi, jei Jesús.

²⁷ Bapoxonae Jesús equeicha pecobetha pita corotiyu yawa Nacomtha tsipaeba, jeye: “Axa, maisa juntu coyene weiweinan xua corotiyotha ecareca pepa uva mera xua pata tana necatsiwam”, jei. Bapoxonae Jesús pijimonae cata corotiyu xua pejiwana aapaponaenexa. Bapoxonae jeye pijimonaetha:

—Daxita pa-aapaponde xua barapo cae corotiyotha.

²⁸ Pena peyabara tsiwunae muxu dutsi coyenewa paca tsipaebatsi. Barapo uva mera xua tsijuntutu eca corotiyotha barapo mera yabara caunuta tajana xua jana othoparenaein poxonae tupaen. Barapo jana tsita itapeinya xeinaena xua jiwi pinmonae, yabara junteinaein abe pia peexanae cuiuru coyenein tatsi.

²⁹ Daxota paca tsipaebatsi barapo uva mera jopa equeicha paca baru apae tsainchi anoxuae. Meisa abu bexa tsane equeicha pena coyenewatha paca baru apaeinchi, barapo uva mera poxonae Nacom neexanaena xua itorobiya ewatsin jiwi, jei Jesús.

Meje yabara poxonae Jesús namchi xua pinae Pedro Jesús yabara jei tsainchi: “Jopa dapon yaitaeinyo”, pinae yabara jei tsainchi Jesús (Mr 14.26-31; Lc 22.31-34; Jn 13.36-38)

³⁰ Poxonae Jesús pijimonae baru najume weta xua naxuna Nacom nexa, bapoxonae Jesús pijimonae baru pona demxuwa beya. Barapo demxuwa pewun demxu Olivowa, olivo naein peumenaexae baxota.

³¹ Nexata Jesús barai pijimonae, jeye:

—Anoxuae barapo merawithe daxita pam pana necuentarucupaename, tapaca urapentsixaetsi tsainchi. Baxua paexanaename tsipei Nacom Pejume Diwesitha paca yabara cui tsiwunaeya jeye: ‘Poxonae ovejamonae peewatsin bexubinchi, bapoxonae ovejamonae tsanarucupaena’, jei Nacom. Penamchixae poxonae ichamonaetha newaetabina tana nebexubinexa pana necuentarucupaename.

³² Ichitha taeyarapaeyo poxonae equeicha asu neexanaena, bapoxonae paca tsiwuna patopiyaeinchi Galilea nacua beya poxonae bara beya paponaname, jei Jesús.

³³ Nexata Pedro Jesús jume notatsi, jeye:

—Bequein ichamonaetha cacuentarucupaena jinya neuraxubixae nama xan bapana jopa cacuenta naetsiricuae tsainchi tana neuraxubixaemxae, jei Pedro.

³⁴ Nexata Jesús Pedro jume baraichi, jeye:

—Bara xainyeya catsipaebatsi po merawithe, pewunaeya poxonae beya ainya jume cuiyobetha wacara pebto fibina, bapoxonae xam copiya acoibi po jume cuiyobetha neyabara jam tsane: ‘Jopa dapon yaitaeinyo’, neyabara jam tsane, jei Jesús.

³⁵ Pedro Jesús baraichi:

—Bara bequein capuna tupaenichi ichitha baxua jopa cayabara paebi tsainchi, jei Pedro. Iraru daxita Jesús pijimonae tatsi bara jumichi, nanta jupiya paeba.

Meje poxonae Jesús Paxa tsipaeba ichaxota tsica iriyo, po iriyo pewun Getsemani (Mr 14.32-42; Lc 22.39-46)

³⁶ Nexata Jesús pijimonae baru patopa ichaxota tsica iriyo, po iriyo pewun Getsemani. Baxota Jesús barai pijimonae, jeye:

—Xote abu paenare tha matha Taxatha tsipaebichi painya cuariyatha xotiye, jei Jesús.

³⁷ Jesús bará pona Pedro. Irá Zebedeo pexantobe tatsi Jesús bará pona. Bapoxonae Jesús bichocono nthúthú wecoyeyi, yawa bichocono nthúthú deideijeji.

³⁸ Nexata barapo acoibi poyobetha Jesús barai, jeye:

—Bichocono juntá coyene natsepiya wecoyan, tsipei muxu tatápa. Xote paenare, yawa payoyocare xua painya tana nebará naitaewatsinexam, jei Jesús.

³⁹ Nexata Jesús equeicha tsiwiyo dabe natsixitabiya, irabe taeuncuareca tsipei jopa juniya ajuntutaneyo. Bapoxonae Jesús Paxa tsipaeba, jeye:

—Axa, icha ichichipame xua tana neyawenaewam tsane, newepire pocotsiwa anthúthúthane neexana. Ichitha jopa necana exanaeinde xua pocotsiwa ichichipan, saya jame necana exande xua pocotsiwa ichichipame, jei.

⁴⁰ Nexata Jesús equeicha caibe iya pijimonae tatsi beya poyobe xua acoibi poyobe, ichitha barapomonae maita. Jesús Pedro baraichi, jeye:

—Maisa jopa paca itacápaeyo xua pata tana nebará yoyocaewam xua poxonae bequein bara cae horatha.

⁴¹ Maisa payoyocare. Nacom patsipaebare xua jopa abe painya neexanaewa tsane poxonae caurimonae pia pentacaponaein tatsi piraichi paca juntá coyene jújuta. Painya juntá coyene wetsina bichocono paichichipame xua Nacom painya netsipaebiwa ichitha painya pepon bichocono paacoyenefaetabim xua painya netsipaebiwa Nacom, jei Jesús.

⁴² Equeicha Jesús bara nama caeto pona xua Paxa petsipaebinxaxa. Poxonae Paxa tsipaeba, jeye:

—Axa, icha jopa ichichipaem xua tana newepichiwam, pocotsiwa neajuntutane exana, bara jopa necana exanaeinde xua pocotsiwa ichichipan saya jame necana exande xua pocotsiwa ichichipame, jei Jesús.

⁴³ Bapoxonae equeicha Jesús pijimonae beya pona xua acoibi poyobe daichitha barapo acoibi poyobe came maitumena, tsipei bichocono itata tsacatsaquei xua itamaipana.

⁴⁴ Bara nexata Jesús equeicha saya cuentapona. Equeicha Jesús pona xua Paxa petsipaebinxaxa xua equeicha acoibi po cuiyobetha, barapo jumetha equeicha Jesús Paxa tsipaeba.

⁴⁵ Nexata equeicha Jesús pona pijimonae tatsi beya. Bapoxonae barai pijimonae, jeye:

—¡Moya bara painya nepu maitumenaende aunxuae jopa Nacom patsipaebim xua painya nepaca cayawenaenexa! Bayatha tsuxubiba, po horatha poxonae xua xan ponxaein Nacom Tananeitapetsin ichún necaenaetaxubina ichamonaetha, pomonaetha pomonae peantacoyenebe jiwi.

⁴⁶ Panacosapende, panonobapondeno. Antha bú poinchi. Dota dawerena pon necaenaetaxubina ichamonaetha, jei Jesús pijimonaetha.

Meje yabara poxonae Jesús waetabatsi

(Mr 14.43-50; Lc 22.47-53; Jn 18.2-11)

⁴⁷ Poxonae Jesús cataunxuae tsipaebuncua pijimonae bapoxonae Judas patopa. Bapon Judas doce poyobe jiwana caein, xua Jesús pepa pijimonae tatsi. Judas pinmonae bará patopa. Ichamonae cusin cajjinca. Ichamonae iwabi cajjinca. Daxota daxita barapomonae pata, tsipei sacerdotemonae pia pentacaponaei tatsi irá pitiri jiwirá daxita barapo pentacaponaei itoroba barapomonae.

⁴⁸ Judas, pon Jesús caenaetaxubinchi, pewunaeya tsane xua poxonae patopa bapon cou tsiwanaya paeba barapo pin bicheitotha, cou jeye: “Pon tsutsubin, bapon apara barapo pebin, nexata moya pawaetaabare bapon”, cou jei.

⁴⁹ Daxota poxonae patopa, bapoxonae Judas Jesús imoxoyo caquita poinchi, matawá nainya Jesús jeichichi:

—Pon jiwi Pecuidubim, xamda, jei Judas.

Bapoxonae nainya Judas Jesús tsutsubatsi.

⁵⁰ Nexata Jesús jume nota, jeye:

—Ponxaeim tajitom, moya bara exande xua jinya necana exanaetsi, jei.

Nexata barapomonae pomonae Judas pebará patopaexae barapomonae Jesús imoxoyo caquita umenaracúpatsi, bapoxonae Jesús waetabatsi.

⁵¹ Caein pon Jesús pijimonae tatsi jiwana, pon Pedro, bapon nainya cusi namara wejonta. Bapoxonae bapon muxuyoro catsoniba, pon sacerdotemonae pia pepa pentacaponaein tatsi tanacuitatsi, bapon muxuyoro catsonibatsi.

⁵² Nexata Jesús barai pijimonae jiwana jitontha, pon Pedro, jeye:

—Maisa cusi jeinca pentacuerutha. Tsipei pon ba cusitha namawainta, bapon ba xuya bexubinchi cusitha.

⁵³ ¡Maisa xam jopa yaputaem! Icha ichichipan bara neitacápa xua Taxatha tawucaewa, xua nainya inta peitorobinxaxa pia matatsunpiwi xua bichocono ayei pin bicheitomonae xua tana neyawenaewa tsane.

⁵⁴ Icha Taxa w̄aetsipan xua bapon tana neyawenaewa tsane bapoxonae jopa neyabara jume cui wetsipae po coyene bayatha Nacom Pejume Diwesitha neyabara paeba, po coyene xua tana newaetabiwa tsane xua tana nebexubiwa tsane, jei Jesús.

⁵⁵ Nexata Jesús barai pomonaetha pomonae Judas bar̄u patopa, jeye:

—Pacapatame cusin yawa iwabi be poxonae pacana ichim pontha pon jiwi pecaibin. Daxita matacabin Nacom pin pia botha tatsi paca bar̄u poponeibatsi, paca cuidubeibatsino, daichitha bapoxonae jame jopa jopa pana newaetabim.

⁵⁶ Ichitha daxita baxuan neyabara canacui jume weta exana, bayatha penecui yabara w̄nae tsiwanaya paebixae pomonae Nacom peitorobi jume pepaebiwi, Nacom Pejume Diwesitha, jei Jesús.

Bapoxonae Jesús cuentar̄uc̄upatsi pijimonae, meisa Jesús bar̄u umeinchi pomonae Judas bayatha bar̄u patopa.

Meje yabara poxonae Jesús capoinchi judiomonae pia pecanamata caitorobi jiwi bicheito tatsi pia peitabaratha tatsi

(Mr 14.53-65; Lc 22.54-55, 63-71; Jn 18.12-14, 19-24)

⁵⁷ Pomonae Jesús teicatsi barapomonae Jesús capoinchi pon pew̄n Caifás itabaratha tatsi. Bapon Caifás, pon sacerdotemonae pia pepa pentacaponaein tatsi pon peainya cuin yatsicaya. Baxota ir̄u nanacaeutata pomonae judiomonae pecuidubiwichi Moisés pia peitorobi coyene tatsi, ir̄u pitiri jiwi pomonae judiomonaexae.

⁵⁸ Ir̄u Pedro Jesús tsiwiyo taj̄u pu taetae tsiiniyatsi beya poxonae patopa panatha, po panatha ichaxota sacerdotemonae pia pepa pentacaponaein tatsi tauncuatsi bo. Poxonae Pedro pana tututha joniya bapoxonae imoxoyo naeca policiamonaetha pecui taenexa xua po coyeneya Jesús cana exanaeinchi pomonae nacaeutata.

⁵⁹ Sacerdotemonae pia pentacaponaei tatsi ir̄u ichamonaeno, pomonae pecanamata caitorobi jiwi bicheito, daxita barapomonae jeita ichamonae pomonae xua Jesús naerabiya peyabara paebinxatsi pocotsiwa xua Jesús paeba xuano xua exana, pia barapo jumetha paebichi xua bara Jesús t̄upa peexanaewa tsainchi.

⁶⁰ Bara bequein pin bicheito pata xua Jesús abeya peyabara paebinxatsi, ichitha cataunxuae barapomonae pomonae pecanamata caitorobi bicheito, came jopa xeinaeyo po jume naemata jume tsita itapeinya xeina pocotsiwa xua Jesús paeba xua barapo jumetha Jesús pebexubinexatsi. Matapainya bapoxonae pebinbe nacueyatabe patopabe. Baponbe Jesús abeya yabara paebatsibe.

⁶¹ Baraponbe jeibe Jesús yabara:

—Bapon namchi: ‘Neitac̄pa xua Nacom pin pia bo abe taexanaewa. Bapoxonae equeicha acoibi po matacaber̄e barapo Nacom pin pia bo tatsi xanebin’, jei, jeibe baponbe.

⁶² Nexata bapoxonae sacerdotemonae pia pepa pentacaponaein tatsi asiya uncuataba yawa bapoxonae Jesús baraichi, jeye:

—¿Jopa jume notsim barapomonae? ¿Bara xainyei xua po jumein barapomonae cayabara paeba? jei sacerdotemonae pia pepa pentacaponaein tatsi.

⁶³ Daichitha saya Jesús moȳa uncua. Daxota bapoxonae sacerdotemonae pia pepa pentacaponaein tatsi Jesús baraichi, jeye:

—Caitorobatsi Nacom peitabaratha tatsi, pon as̄u popona. Yatsicaewa paebiname pocotsiwa bara xainyei nepaebiwa. Incane pana netsipaebare. ¿Bara yatsicaya xam Mesías, pon Nacom Pexantom, pon Nacom necaitorobin? jei.

⁶⁴ Jesús jume nota, jeye:

—Aa, xuaunxuae bara paebame. Paca tsipaebatsi xua pana netaename xan ponxaein Nacom Tananeitapetsin Nacom pia pecoxa weya tatsi ecaein pon peayapus̄u itorobi coyenewa pexeinaein. Matautano pana netaename poxonae equeicha patopecaein tsaquinaebowantha xua peitaboco wetsica, jei Jesús.

⁶⁵ Nexata bapon pon sacerdotemonae pia pepa pentacaponaein tatsi pin anaetha anaya paparuwa nata tsitsinaxuba. Bapoxonae jeye:

—Po jumetha xua bapon paeba barapo jume Nacom tsita abetsi. Nama equeicha jopa wanantawenonaewa ichamonae xua wanaca tsipaebiwa tsane xua bapon peyabara paebiwatsi. Bapon natsiaenae exana abe pepaebixae barapo jume poxonae Nacom Pexanto najainta. Paxam bara pajume taneme pocotsiwa bapon paeba, pocotsiwa Nacom jopa ichipaeyo.

⁶⁶ ¿Eta xua pacayabara nanta xeiname xua paexanaename bapontha abe pepaebixae? jei.

Daxita barapo bicheito po bicheito baxota ena, jeye:

—Bara xainyeya paebame. Jesús abe pia pepaebixae Nacom tsitatsi xua bapon tsita natsicuentatsi. Daxota bapon bewa t̄upaena, jei barapo pecanamata caitorobi jiwi bicheito.

⁶⁷ Poxonae barapomonae Jesús itacuere cutatsi, bapoxonae peonetha Jesús itabara subabatsi, yawano batsino. Ichamonae Jesús itabara tsaquibacotatsi.

⁶⁸ Bapoxonae barapomonae Jesús baraichi:

—Xam jam: ‘Xan Mesías’, jam, incane pana netsipaebare: ¿Jintam caitabara tsaquibobara xua bequein paca itacuere cutatsi? jei barapomonae.

Meje yabara poxonae Pedro Jesús yabara paebatsi xua jeye: “Jopa dapon yaitaeinyo”, yabara jeichichi Jesús

(Mr 14.66-72; Lc 22.56-62; Jn 18.15-18, 25-27)

⁶⁹ Poxonae cataunxuae Jesús cana exanompatsi bapoxonae iruru Pedro panatha eca xua pesato beya. Bapoxonae iruru yabayo, powa sacerdotemonae pia pepa pentacaponaein tatsi tanacuitatsi, bapowa Pedro imoxoyo caquita poinchi. Bapowa Pedro jeichichi:

—Apara xam bayatha iruru napuna poneibame Jesús, pon Galilea nacuapin, jei yabayo.

⁷⁰ Ichitha Pedro jume matawenta bapowa, daxita jiwi peitutha tatsi. Pedro jeye:

—Jopa yaputaainyo pocotsiwa xua yabara paebame, jei Pedro.

⁷¹ Poxonae cataunxuae Pedro ecapona xua pia ponaetsi bomuxu coiboto beya, bapoxonae iru ichawayo Pedro tainchi. Barapowa tsipaeba ichamonae pomonae baxota iru umena, Pedro yabara paebatsi, jeye:

—Apara bapon, pon napuna poponeiba Jesús pon Nazaret tomarapin, jei barapowayo.

⁷² Equeicha Pedro jume matawenta, jeye:

—Bara xainyan jan. Jopa dapon yaitaeinyo pon aunxuae payabara paebame, jei Pedro.

⁷³ Equeicha bapoxonae pirapaeyo Pedro imoxoyo caquita poinchi pomonae baxota umena. Barapomonae Pedro jeichichi:

—Apara bara xam iruru bapon pijimonae tatsi jiwanam, daxota barapo jume coyeneya paebame, icha barapomonae ichi, jei.

⁷⁴ Nexata Pedro daunweya jeye:

—Bara Nacom peitabaratha xainyeya paca tsipaebatsi pocotsiwa bara xaniwaicha tapaebiwa. Icha jopa xainyeya paca tsipaebichipaetsi metha barabu Nacom abe necana exanaetsipa. Equeicha paca tsipaebatsi, jopa dapon yaitaeinyo xuaunxuae pon payabara paebame, jei Pedro.

Bapoxonae iruru caena nainya wacara pebto fibaru.

⁷⁵ Nexata Pedro nanta xeinataba xua bayatha Jesús Pedro tsipaebatsi poxonae jeye: ‘Xam barapo merawithe, pewunaeya poxonae wacara pebto fibina xam copiya acoibi po jume cuiyobetha neyabara jam tsane: Jopa dapon yaitaeinyo, neyabara jam tsane. Bapoxonae iru nainya wacara pebto fibina’, jeichichi Pedro, xua Jesús paeba. Nexata Pedro pesato bejoniya bichocono wecoyei, peajuntatanexae xua Jesús yabara paebatsi.

27

Meje yabara poxonae Jesús capoinchi Pilato beya

(Mr 15.1; Lc 23.1-2; Jn 18.28-32)

¹ Poxonae pentha tsina sacerdotemonae pia pentacaponaei tatsi iruru judiomonae pia pitiri jiwi tatsi, daxita barapomonae yabara nacaetuta xua nanta jupaeya peburuya penanta xeinaenexa po coyeneya xua Jesús pebexubiwa tsainchi.

² Daxita barapomonae equeicha Jesús maxu cutatsi. Bapoxonae Jesús yamaxu catsiya capoinchi Pilato beya, pon Judea nacuapiwi peyanacua ewatsinchi xua romanomonae peitorobixae.

Meje yabara poxonae Judas pia coutha nabexuba

³ Judas Jesús caenaetaxubatsi ichamonaetha. Poxonae bapon jume tane xua ichamonae Jesús yabara paebatsi xua bewa tupaena abe peexanaexae, poxonae bequein jopa abe exanaeyo, bapoxonae Judas bichocono aura xua Jesús pecaenaetaxubixaetsi. Daxota Judas equeicha caewa capona barapo treinta po paratiximonaebe. Sacerdotemonae pia pentacaponaei catatsi iruru pitiri jiwi catatsi.

⁴ Judas barai barapomonae, jeye:

—Poxonae pebin caenaetaxuban, xua jopa pon abe exanaeyo, xua poxonae ichamonae pebexubinexa xua pejana pichapabarena, xan apara bara abe exanan, jei.

Ichitha barapomonae Judas jume notatsi, jeye:

—Apara baxua jopa painta ainya cuiyiyo. Jame apara xam jinya coyam poxonae baxua cana exaname, jei.

⁵ Nexata Judas barapo treinta po paratiximonaebe anaya xoya Nacom pin pia botha. Poxonae Nacom pin pia bo weya pona, bapoxonae Judas nabexuba pia coutha, nacoibo tathu catataba athawetsica.

⁶ Bapoxonae sacerdotemonae pia pentacaponae wi tatsi nota po paratixi Judas bebaya. Bapoxonae barapomonae najei:

—Jopa naca copatsiyo xua barapo paratixi bara wajebinxax Nacom pin pia botha tatsi nexa. Tsipei apara barapo paratixi taxoba poxonae barapo paratixitha comotatsi pebin xua ichamonae pebexubinexa, xua pejana pichapabarenaenexa, jei barapomonae.

⁷ Bapoxonae daxita barapomonae pebrɣya nanta xeinarɣɣa, najei: “Waxainchi barapo paratixitha comotinchichi tsica iriyo, po iriyotha jiton tsorobon noteiba xua juruwaton peexaneibinxax. Barapo iriyotha tsane xua pemuthathuqueibinxax tsainchi poxonae werapeibina pomonae penanapaincha jinompaewi xua icha nacua werena peponaewi”, najei.

⁸ Daxota barapo iriyo barapomonae wɔn duta po wɔn jeye: “Pejana ira”, jei. Po iriyo barapo wɔntha cataunxuae jiwi wɔn ununutapona beya anoxuae.

⁹⁻¹⁰ Baraxua barapomonae exana xua bayatha pecui yabara tsiwɔnae ya wɔnae tsimuxu dutsiya jeixae pon Nacom peitorobi jume pepaebin, pon pewɔn Jeremías pon caena bayatha tɔpa. Bapon Jeremías jeye: “Israelmonae pia pentacaponae wi tatsi catsina treinta po paratiximonae be ichantha xua poxonae pecaenaetsixae tsainchi pon pejuntɔ coyene xeicaein. Barapo matomatha cana matomatsinchichi pon pejuntɔ coyene xeicaein. Barapomonae baxua cana exanaena bapontha tsipei barapomonae pebrɣya nanta xeinarɣɣa pecana matomatsinexa. Bapoxonae equeicha barapomonae caewa pichina barapo treinta po paratiximonae be. Barapo paratixitha barapomonae iriyo comotsina, po iriyotha jiton tsorobon noteibina xua exaneibina juruwaton. Baxua bara barapomonae exana be pocotsi coyeneya Nacom pon jiwi Pecanamataxeinaein nejume cui itoroba”, jei Jeremías.

*Meje yabara poxonae Jesús uncua Pilato peitabaratha tatsi
(Mr 15.2-5; Lc 23.3-5; Jn 18.33-38)*

¹¹ Jesús cataunxuae uncua Pilato peitabaratha, pon Judea nacuariwi peyanacua ewatsinchichi. Bapon Pilato Jesús yainyabatsi, jeye:

—¿Bara yatsicaya xam judiomonae itorobiya pia pepa Neewatsin? jei.

Jesús jume nota, jeye:

—A, xuaunxuae paebame bara baxua apara, jei Jesús Pilato beya.

¹² Sacerdotemonae pia pentacaponae wi tatsi iru judiomonae pia pitiri jiwi tatsi, daxita barapomonae Jesús abe yabara paebatsi xua pinae abe exana. Daichitha Jesús jopa jume barabotsiyo barapomonae.

¹³ Nexata daxota Pilato Jesús baraichi, jeye:

—¿Jopa jume taem pocotsiwa barapomonae bichocono abe cayabara paeba? jei.

¹⁴ Ichitha Jesús jopa jume notsiyo Pilato xua pocotsiwa ichamonae Jesús abe peyabara paebiwatsi xua matauta cae jume coyenewatha jopa jume notsiyo. Daxota Pilato bichocono yabara nantɔ coyene cui cabenaeca baxua.

Meje yabara poxonae Pilato jume barɔ jejei xua Jesús bara pebexubiwa tsainchi ichamonae

(Mr 15.6-20; Lc 23.13-25; Jn 18.38-19.16)

¹⁵ Bara nama, Pilato ba pia cui xeina poxonae ba jiwi tsinacaetuta pexaewa penanabanaenexa. Barapo matabitha Pilato ba caein jiwana pu sotaba pomonae jiwi pecubi botha peenaewi. Pilato ba pu sotaba pon ba jiwi itapeta cowai xua Pilato peisanaxubinexa.

¹⁶ Barapo jiwi pecubi botha iruɣ eca pon bichocono abe peexanaein, pon peyaputaechichi daxita jiwi poxonae abe exaneiba. Bapon pewɔn Barrabás.

¹⁷ Poxonae jiwi nacaetuta, Pilato barai barapo jiwi, jeye:

—¿Eta pon pu sotabocuaein? ¿Metha Barrabás jampa? ¿Metha Jesús jampa, pon Mesías baraichi? jei Pilato.

¹⁸ Baxua Pilato paeba tsipei bapon yaputane xua pomonae pecanamata caitorobi bicheito, Jesús peuwixaetsi, caenaetaxubatsi Pilatotha.

¹⁹ Poxonae Pilato cataunxuae pia peecaethopeibiwatha eca xua Jesús peyabara pebinexatsi penatsicuentiwa bapoxonae Pilato piowa tatsi najume caitoroba ichantha xua jeye: “Jopa copatsinde xua bapon pebexubinexatsi ichamonae, tsipei apara bapon pejuntɔ coyene xeicaein. Yaitama tsipei merawi bapon camaitan daxota bichocono anthathurewein, tsipei bapon dacotsiwa bexotsi”, jei bapon xua Pilato piowa tatsi najume caitoroba.

²⁰ Ichitha sacerdotemonae pia pentacaponae wi tatsi, iruɣ judiomonae pia pitiri jiwi tatsi, daxita barapomonae jiwi cui tsacarabatsi, xua barapo jiwi Pilato pecui itorobinexatsi xua Barrabás pepu sotabinexatsi, matautano xua Jesús pebexubinexatsino.

²¹ Bapon Pilato equeicha barai jiwi, jeye:

—¿Eta pon pu sotabocuaein caein xua baponbe jiwana? jei. Barapomonaē Pilatotha jeye:

—Maise Barrabás pu sotabare bara, jei barapomonaē.

²² Equeicha Pilato yainyaba barapomonaē, jeye:

—¿Eta xua cana exanocuaein Jesús pon Mesías baraichi? jei.

Nexata pinmonaē Pilato jume daunweya jume notatsi, jeye:

—jBewa maisa naetotha t̄parucua exanaem! jei barapomonaē.

²³ Nexata Pilato jume barai, jeye:

—¿Eta pocotsiwa xua metha jane xua abe exana? jei.

Equeicha daumetha barapomonaē jume daunweya jeye:

—jBewa maisa naetotha t̄parucua exanaem! jei.

²⁴ Poxonaē Pilato yaputane xua nama taaibichiba pocotsiwa bapon pepaebinxaxa picoya, xua peajumetsacaxaē barapomonaē, daxota Pilato itoroba ich̄n xua petaxawenaenexa tsainchi mera. Bapoxonaē barapo meratha nacobe quiataxuba barapo jiwi peitatha tatsi. Bapoxonaē bapon namchi, jeye:

—Xan apara jopa tacoutha bexuba exanaeinyo bapon xua daxota pejana pichapabarena pon jopa bequein abe exanaeyo. Poxonaē nacobe quiataxuban meratha, baxua tsita itapeinya xeinan xua apara jopa tacouthinyo. Apara jame painya coutha pam poxonaē bexuba paexaname pon abe jopa exanaeyo, jei Pilato.

²⁵ Daxita barapomonaē equeicha namchi, jeye:

—jPaxan ir̄ pata tamomoxi susato jiwi pata coutha pan apara xua bapon bexotsi paexanan! jei daxita barapo jiwi.

²⁶ Nexata Pilato nama pu sotaba Barrabás. Bapoxonaē itoroba xua soldadomonaē bara Jesús moya bichocono pecuainchinexatsi pocotsiwatha eewa xua bichocono am̄piya xua xota ba jiwi cuainteibatsi poxonaē abe exaneiba. Matautano itorobano xua moya bara Jesús t̄parucua exanaeinchi naetotha.

²⁷ Bapoxonaē soldadomonaē Jesús capoinchi Pilato pia bo tatsi beya po soldadomonaē yapu eena Pilato pia bo tatsi. Bapoxonaē barapo soldadomonaē waba icha soldadomonaē xua daxita barapo soldadomonaē Jesús pematawacaicha umenaenexa tsainchi.

²⁸ Bapoxonaē Jesús pia paparuwa juma xuenatsi yawa juma xatatatsi icha paparuwa, po paparuwa tsobia xua Jesús be pecana exanaenexatsi pon jiwi itorobiya pepa Peewatsinchi.

²⁹ Bapoxonaē cuane tepa xua pee tepa, yawa bapoxonaē Jesús canamitontsiya mata xatatatsi baxua xua cana exanatsi icha be ichi pon jiwi itorobiya pepa peewatsin poxonaē mata xatatatsi tepa. Matautano Jesús cobenatsi naewa icha be ichi pon jiwi itorobiya pepa peewatsinchi poxonaē naewa cobenatsi poxonaē itoroba jiwi. Bapoxonaē Jesús peitabaratha tatsi pentabocototha taenatsi xua Jesús naerabiya pebara cui itura jinaenexa tsainchi. Bapoxonaē Jesús cui caponatsi, jeye:

—jaco judiomonaē itorobiya pepa Neewatsim! jei barapomonaē xua Jesús canamiton-tatsi.

³⁰ Matautano Jesús yabara naone subabatsi. Matautano Jesús cobe wepitatsi naewa. Bapoxonaē barapo naewatha Jesús mata cuaintatsi.

³¹ Poxonaē Jesús canacui wetatsi xua cui caponatsi, equeicha bapoxonaē Jesús caewa juma wejontatsi xua po paparuwa tsobia. Bapoxonaē equeicha caewa juma xatatatsi po paparuwa pia paparuwaxaē tatsi. Bapoxonaē Jesús capoinchi xua t̄parucua peexanaenexatsi naetotha.

Meje yabara poxonaē Jesús t̄parucua exanatsi naetotha

(Mr 15.21-32; Lc 23.26-43; Jn 19.17-27)

³² Poxonaē Jesús namtotha caenapoinchi soldadomonaē, bapoxonaē barapo soldadomonaē taeba pebin, pon Cirene tomarapin. Bapon pew̄n Simón. Bapoxonaē barapo soldadomonaē Simón itorobatsi xua pecaponaenexa Jesús pia naeto tatsi, po naetotha t̄parucua peexanaenexatsi Jesús.

³³ Bapoxonaē Jesús bara patatsi ichaxota po uruto be jiton matasipa piwa. Daxota barapo uruto jiwi w̄n unuta “Gólgota”, jei.

³⁴ Baraxotiya Jesús apatatsi vino mera, po vino mera equeicha muxuna epareca hiel mera mataw̄n po mera bichocono atsu wawa. Poxonaē Jesús mene pana, bapoxonaē Jesús aichaxaibi apa barapo mera.

³⁵ Poxonaē Jesús canacobe wetatsi xua naetotha t̄parucua exanatsi, bapoxonaē soldadomonaē nata tsaba Jesús pia paparuwan tatsi. Barapomonaē ibotixi bebeya penacuer-anta notsinexa Jesús pia paparuwan tatsi. Pon beta xoya ibotiyō bapon copiya pita Jesús pia paparuwan tatsi.

³⁶ Nexata barapo soldadomonaē Jesús yapu caenatsi poxoru jopa ichipaeyo xua Jesús pepanepaewa tsane.

³⁷ Jesús pentutu wetsica tadutatsi napaewa xua barapo napaewatha tina. Barapo petinadutsiwa jeye: “Baponje apara judiomonae itorobiya pia pepa Peewatsinchi”, jei barapo petinadutsiwa xua napaewatha tinaduta.

³⁸ Iruru ponbe jiwi pecaibinbe tparucua exanatsibe naetotha ichaxota imoxoyo Jesús ducua. Ichun Jesús petsocona wetauncuiyatsi, ichun pecoxa wetauncuarenatsi.

³⁹ Pomonae Jesús xentapoinchi barapomonae Jesús cui capoinchi, yawa Jesús yabara itata naichaquebatsi.

⁴⁰ Barapomonae Jesús jeichichi:

—Xam bayatha jam: ‘Nacom pin pia bo abe exanaein, bapoxonae equeicha acoihi po matabibibe xaneibin’, jam. Moya bara jinya coutha nacapanepare naeto wetsica icha bara metha Nacom Pexantom tatsim, jei barapomonae.

⁴¹ Iruru barichi sacerdotemonae pia pentacaponaeawi tatsi iruru pomonae jiwi pecuidubiwi Moisés pia peitorobi coyene tatsi iruru judiomonae pia pitiri jiwi tatsi, daxita barapomonae Jesús cui capanatsi. Daxita barapomonae najei:

⁴²—Bapon cain capanepibabei ichamonae, came jopa nacapanepaeyo. Icha bara bapon israelmonae itorobiya pia pepa Peewatsinchi, bu bapon pia coutha naeto wetsica ecoinca, xainya bapoxonae jume cowantatsi.

⁴³ Bapon jume cowanta Nacom, xua bepa pinae capanepaeinchi, xua Nacom capanepaena. Icha Nacom ichichipa, bu bara moya capanepaena, tsipei caena bayatha naca jei: ‘Apara xan Nacom Pexanton’, naca jei, jei barapomonae.

⁴⁴ Barichiru baxua paeba ponbe jiwi pecaibinbe, ponbe xua iruru cobe matatabarutat-sibe naetotha. Baponbe iruru Jesús cui caponatsi.

*Meje yabara poxonae Jesús tupa
(Mr 15.33-41; Lc 23.44-49; Jn 19.28-30)*

⁴⁵ Poxonae Jesús cataunxuae ducua naetotha, bapoxonae daxita nacuantha bichocono aitaquiri xua poxonae mataeinaxae weya, beya yatabopiya. Tres po horabe quirei tsuncuae.

⁴⁶ Bapoxonae Jesús jume daunweya wawai, jeye: “Elí, Elí, ¿lema sabactani?” jei, (barapo jumetha xua jei: “Tanacom, Tanacom, ¿eta pocotsiwa metha nepunaxubame?” jei Jesús.)

⁴⁷ Ichamonae pomonae Jesús baxota jume taeumeinchi, barapomonae jeye:

—Pajume taema. Bapon waba, Elías wabatsi, pon Elías Nacom peitorobi jume pepaebin, pon caena bayatha tupa, jei.

⁴⁸ Bapoxonae caein nainya cuinaepoinya pon barapomonae jiwana yawa pitaba esponja xua baxota pemene capichinexa vino mera xua po mera mene atsu. Poxonae bapon baxota mene capita, bapoxonae naewatha duta xua Jesús petayoichaenexatsi xua peapaenexa.

⁴⁹ Ichitha ichamonae namchi, jeye.

—Abu, abu jopa apatsinde. Waxainchi abu matha taeinchi icha Elías patopeicaena xua bapon pecapanepaenexatsi, jei barapomonae.

⁵⁰ Equeicha Jesús jume daunweya wawai, bapoxonae nama tapanaiicha Jesús.

⁵¹ Bapoxonae paparuwa, po paparuwa Nacom pin pia botha ducua, barapo paparuwa nainya bopiya matonta tsitsiqueica ainya epatobe naexanabe. Matautano ira jijiyataxuba, matauta ibo wacapouna.

⁵² Po muthantha pomonae pewerapeibiwi bobena, barapo muthan coibo tupa wacapouna pocotsiwa coibo xatababanoba xua pin ibo panawan. Barapo muthantha cataunxuae abu saya bobena pomonae caena bayatha werapa. Pirapaeyo acoihi po matababiyobe poxonae Jesús asu juina exanatsi, xua Nacom exana, bapoxonae iruru pomonae bayatha pejume cowantsiwichi Nacom pomonae xua bayatha pewerapaexae barapomonae iru asu jujuina exanatsi xua Nacom exana.

⁵³ Bapoxonae daxita barapomonae mutha we-iyiya. Daxita barapomonae, Jerusalén tomara beya pona po tomaratha xeina Nacom pin pia bo tatsi. Barapomonae naituta pinmonaetha Jerusalén tomarapiwitha.

⁵⁴ Bapoxonae soldadomonae pomonae Jesús yapu enatsi iruru barapo soldadomonae pia pentacaponaein tatsi, pon romanomonaepin poxonae daxita barapomonae tane xua ira jijiyata yawa xua tane ichawanno, bapoxonae barapomonae bichocono junuwa. Bapoxonae barapomonae jeye:

—jApara bara yatsicaya bapon Nacom pepa Pexanto tatsi! jei barapo soldadomonae.

⁵⁵ Barichi iru ainyawaxi yabuxi, barapowaxi Jesús tsiwiyo taju wetaumeinyatsi. Barapowaxi Jesús bayatha matha puna jinompatsi xua poxonae Galilea nacua weya pona xua Jesús peyawenaenexatsi.

⁵⁶ Barapowaxi jiwana, ichowayo pewan María Magdalena, powa Magdala tomarapiwayo. Ichowayo pewan María, Santiago iru José baponbe penabe tatsi. Ichowayo pewan

Salomé bapowa Zebedeo piowa tatsi, xua iru bapowa Santiago iru Juan baponbe pena tatsibe.

*Meje yabara poxonae Jesús petupaein ibo muthutha yauxatatabotatsi
(Mr 15.42-47; Lc 23.50-56; Jn 19.38-42)*

⁵⁷ Poxonae quirei tsanaicha, pebin patopa ichaxota Jesús naetotha tparucua. Bapon copei pexeinaein. Bapon pewun José. Bapon Arimatea tomarapin. Matauta bapon iru Jesús pia pepuna jinompaewichi jiwana-pin tatsi pomonae Jesús pia pejume cowantsiwichixaetsi.

⁵⁸ Bapon pona Pilato beya pewucaenexa xua Jesús petupaein. Nexata Pilato najume caruta xua bara José pecatsinexatsi Jesús petupaein.

⁵⁹ José nexata pita Jesús petupaein. Bapoxonae pena paparuwatha mata quiyontabareca xua pexeinya paparuwa.

⁶⁰ Bapoxonae José muthu iya Jesús botatsi pena ibo muthutha, po muthu bequein José pia muthu tatsi xua poxonae petupaewa tsane. Poxonae José nacobe weta xua yauxatatabota pin ibo panawatha, bapoxonae ponataba.

⁶¹ Baxotiya ibo muthu itapatha eca María Magdalena, powa Magdala tomarapiwayo. Iru ichowayoru María baxota naeca.

Meje yabara poxonae Pilato itoroba soldadomonaе xua Jesús peyamuthu eenaenexa tsainchi

⁶² Icha matabitha po matabitha pentaquei seica matabi bapoxonae sacerdotemonaе pia pentacaponae tatsi iruru fariseomonaе daxita barapomonaе pona Pilato beya.

⁶³ Barapomonaе Pilato jeichichi:

—Pon pata Tanecanamataxeinaem, pananta xeinan xua barapo pemuxuitorobin poxonae cataunxuae popona, pana tsipaeba, jeye: ‘Poxonae acoibi po matabibe tsuxubi tsane equeicha asu tsane petupae coyene cuiru weya’, pana jei bapon.

⁶⁴ Daxota xam itorobare soldadomonaе xua xaniwaicha peyapu eenaenexa muthu xua beya poxonae acoibi po matabibe tsuxubi tsane. Baxua exande xua jopa pepatsinexa tsane muthu beya Jesús pia pepuna jinompaewichi, tsipei bu merawi barapomonaе pichapa Jesús pia pepon. Tsipei pirapae naerabichipa jiwitha jei tsipae: ‘Bayatha equeicha asu exanatsi petupae cuiru coyene weya’, jei tsipae xua Jesús yabara naerabatsi. Barapomonaе baxua naerabichipa jiwitha, baxua bichocono abe tsipae, beyacaincha poxonae Jesús bayatha pocotsiwa paeba xua pemuxuitorobiwa, jei barapomonaе.

⁶⁵ Pilato barai barapomonaе, jeye:

—Bara moya pataema. Moya panore soldadomonaе. Moya muthu beya pabarun ponde. Paexande pocotsiwa panantawenoname xua bu moya barapo soldadomonaе xaniwaicha yapu eenaena, jei Pilato.

⁶⁶ Nexata barapomonaе iru soldadomonaе bara be-iyiya. Bapoxonae muthu coibo daunwei exananota. Bichocono barapomonaе cateitabanota xua pin ibo panawa xua muthu boupa ata. Matautano bichocono barapomonaе pemacatha epatautarena boupa cutabarena barapo peboupa patsiwa, xua peyaputaenexa icha ichun namicha patopa xua pecaibinexa Jesús petupaein. Bapoxonae barapomonaе cuentadendena soldadomonaе xua barapo soldadomonaе peyapu eenaenexa muthu.

28

*Meje yabara poxonae Jesús equeicha asu juina exanatsi petupae cuiru coyene weya
(Mr 16.1-8; Lc 24.1-12; Jn 20.1-10)*

¹ Poxonae po pentaquei seicaе matabi yapu caewaba, bapoxonae matabi jopa po matabi xua nanta carucua xua cae semanatha xua penacuichi matabi. Barapo mataqueitha María Magdalena, powa Magdala tomarapiwayo iru ichawayo María, barapowayobe caemumbotha siwa ponabe muthu ichaxota Jesús yamuthu uncua.

² Bapoxonae nainya ira jijiyataxuba tsipei Nacom itoroba matatsunpin xua peitaboco wetsica pona. Barapo matatsunpin yaupataxubanota barapo pin ibo panawa. Bapoxonae barapo ibo panawatha ecopiya.

³ Barapo matatsunpin bichocono daedaena icha be yamuxu coicha ichi. Paparuwa bichocono inyapana.

⁴ Poxonae soldadomonaе baxua taerucupa bichocono cuitaya jijiyei tsurucupa, mexeya poxi werapa iratha bobena, tsipei bichocono junuwa.

⁵ Barapo matatsunpin namchi barapowayobetha, jeye:

—Jopa pajunuwindebe. Bara yaputan xua pawenawenambe Jesús xua painya taetsibe, pon tupa exanadutatsi naetotha jiwu.

⁶ Xote apara bapon aibi. Apra bayatha equeicha asu juina exanatsi petapae cuiru coyene weya, xua caena bayatha painya nepaca catsipaebixae. Incane anetha xote, pacou taemabe ichaxota bapon petapaein botatsi bayatha.

⁷ Nainya papondebe weye, patsipaebarebe Jesús pijimonaе tatsi. Pajandebe: 'Bara bequein bapon bayatha tupa ichitha equeicha asu juina exanatsi petapae cuiru coyene weya. Bapon copiya paca tsiwana ponaena Galilea nacua beya. Baxotiya bapon pataename, pana nejei matatsunpin', pajandebe Jesús pijimonaetha. Poxonae bapon pataename, bapoxonae payaputaename xuaunxuae paca tsipaebatsi bara apra xaniyei, jei matatsunpin.

⁸ Bapoxonae barapo yabuyobe muthu weya nainya pontababe. Junuwiya juntu coyene weiweinabe. Barapowayobe cuinaepoinyabe Jesús pijimonaе tatsi beya xua diwesi caponabe pocotsiwa matatsunpin paeba.

⁹ Poxonae barapowayobe epathotha cataunxuae cuinaecaponabe bapoxonae Jesús jemeicha uncuataba barapowayobe pia xantha tatsi. Jesús jeye barapowayobetha: "Jaco", jei Jesús. Barapowayobe imoxoyo caquita ponabe Jesustha bapoxonae pentabocotha uncuabe yawa taxu waetababe xua Jesús wanae pejainchinexatsi.

¹⁰ Jesús barai barapowayobe, jeye:

—Jopa pana necunuwindebe. Paponarebe tajiwimonaе beya. Patsipaebarebe pajandebe: Jesús paca itoroba bepa pinae paponae Galilea nacua beya. Bepa pinae baxotiya pataem, pajandebe, jei Jesús.

Meje yabara poxonae soldadomonaе naerabiya paeba, jeye: "Jesús pijimonaе petapaein pitatsi", jei

¹¹ Poxonae barapo yabuyobe cataunxuae namtotha ecaponabe, bapoxonae icha soldadomonaе jiwana, po soldadomonaе Jesús yamuthu eenatsi, barapo soldadomonaе tomara beya pona. Matauta sacerdotemonaе pia pentacaponae tatsi tsipaebatsi daxita pocotsiwa xua xuan tane.

¹² Barapo sacerdotemonaе pia pentacaponae tatsi pona pitiri jiwi beya xua caemonaе peyabara natsipaebinxaxa xua Jesús petapaein yabara. Bapoxonae daxita barapomonaе soldadomonaе paratixi nawita catsibatsi xua jiwi naerabiya petsipaebinxaxatsi.

¹³ Bapoxonae barapomonaе soldadomonaе baraichi, jeye:

—Patsipaebare jiwi xua merawi poxonae pamaitumename Jesús pijimonaе tatsi pata, yawa xua bapoxonae petapaein pitatsi.

¹⁴ Icha Pilato pon peyanacua ewatsin jiwi jume taebina xua Jesús petapaein aichurucuae, yawa icha bapon baxua yabara paca yainyabina, bapoxonae nexata paca yabara jume yawenaеinchi xua bapon jopa paca jutebi tsane, jei barapomonaе.

¹⁵ Nexata barapo soldadomonaе nota paratixi yawa jiwi tsipaeba tsiniyatsi xua sacerdotemonaе pia pentacaponae tatsi peitorobixae. Barapo penaerabi diwesi jume, judiomonaе jume cocowantapona. Anoxuae barichi po judiomonaе anoxuae jinompa, jume cocowantapona barapo diwesi.

Meje yabara poxonae Jesús cui itoroba pijimonaе xua pia diwesi tatsi daxita nacuantha petapaebiwa tsainchi

(Mr 16.14-18; Lc 24.36-49; Jn 20.19-23)

¹⁶ Nexata once poyobe pomonaе xua Jesús pijimonaе tatsi barapomonaе nawibiya Galilea nacua beya. Bapoxonae barapomonaе demxuwa beya pona, po demxuwa pinae Jesús caunuta xua pinae baxota patopaena.

¹⁷ Poxonae barapo once poyobe baxota Jesús taeracupatsi, ichamonaе Jesús wanae jaintatsi, bequein ichamonaе ainya juntu coyenein xeina xua Jesús xapain beta jopa yabara jume cowantichi.

¹⁸ Nexata Jesús pijimonaе imoxoyo caquita pona. Bapoxonae jeye:

—Nacom necata daxita peayapusu itorobi coyene xua peitabocotha nexa, matautano po cae pin nacuathe tsiquenexano.

¹⁹ Paponare daxita carepaya jiwitha xua daxita nacuantha. Jiwi pacana exande xua tana nejume cowantsiwa tsane. Daxita pomonaе tana nejume cowantsiwi pabautisabame. Poxonae pabautisabame Taxa pewun pawun taibare, matautano pana newun taibare, ponxaein Nacom Pexanton, matautano Nacom pia Pejumore tanaxu tatsi pawun taibare xua barapo acoibi wanthabe painya paca nepaca yawenaenexa pia peayapusu itorobi coyenewatha.

²⁰ Daxita barapomonaе pacuidubare daxita xua xuan pocotsiwa bayatha paca itorobatsi. Matautano painya xoba rajuntemainame xua daxita matababin bara ataya paca baru poponeibinchi beya poxonae tsane xua equeicha patopeicaein, jei Jesús pijimonaetha.

Baja Mateo.

Jesucristo Pia Pexeinya Diwesi Jume Tatsi Marcos Petinae Diwesi

Meje yabara poxona Juan pon Pebautisabin jivi cuiduba ira xuepana susato tsurucuae nacuaatha

(Mt 3.1-12; Lc 3.1-9, 15-17; Jn 1.19-28)

¹ Baraxue tamropata pitaban xua Jesucristo pia pexeinya jume diwesi tatsi. Bapon Jesucristo, Nacom Pexanto tatsi.

² Bayatha Nacom pia peitorobi jume pepaebin, pon pewan Isaías, bapon tina petinae diwesitha. Isaías tina Nacom nexa, Nacom barapo diwesitha jeye Pexantho:

“Itorobin copiya pon tana najume caitorobin xua catsiwanaya itorobinchi.

Bapon cana exanaena jiwitha xua jivi yabara aura tsane abe pia peexanae cuiru coyenein tatsi, xua poxona nepatopae wanaeya tsane.

³ Pon itorobin bapon jume tan pon xua wawai ira xuepana susato tsurucuae nacuaatha.

Bapon wawaya jeye: ‘Patsinajuntu cui coyene wanaere, pon jivi pia pepa Pecanamataxeinaeinchi nexa pia pepatopae wanaeya tsane’, jei pon xua wawai”, jei Isaías petinae diwesitha.

⁴ Nexata Juan pon Isaías peyabara paebixae bapon ira xuepana susato tsurucuae nacuaatha patopa. Bapon Juan bautisaba ducuaenaebiya, xua jivi bautisabatsi merantha. Matautano bapon tsipaeba jiwitha Nacom pia pexeinya jume diwesi tatsi. Bapon Juan jeye jiwitha: “Icha juntu coyene paxeinare painya neauraxae xua abe paexaname. Bapoxona Nacom paca yabara junteinaena abe painya neexanae cuiru coyenein”, jei Juan.

⁵ Daxita Judea nacua monae, iruru Jerusalén tomarapiwi, daxita barapomona pona ichaxota beya Juan bautisaba jivi ira xuepana susato tsurucuae nacuaatha. Poxona barapomona nayopita Nacomtha xua bepa pinae Nacom tsita auratsi xua abe peexanae xae bapoxona barapomona Juan bautisaba Jordán mentha.

⁶ Juan jumaina duwein nabocoto, po duwein pewan camello. Coreinya bocoto maraina. Xane pocotsiwa yapupuna pocotsiwan be sure poxi. Matautano bana daeba.

⁷ Barapon pomonaetha pebautisabixae tsipaeba, jeye: “Pon nepuna patopaena, apara bapon Mesías. Bapon bichocono peayapusu itorobi coyenewa xeina beyacaincha xan. Bapon pon jivi pia Pecanamataxeinaeinchi. Xan bichocono tapawin daxota bapon bichocono tsita pin ura xeinan xua tataxu ma isanaxubiwa tsane pia penataxu xatatsiwa tatsi. Tsipei xan bichocono tapawin, beyacaincha pomona amanaya petanacuichiwi pia pentacaponae wi poxona baru cui itura jina pia pentacaponae wichi.

⁸ Paca bautisabatsi meratha, ichitha nama barapon Mesías paca bautisabina Nacom pia Pejumope tnanaxutha tatsi poxona Nacom paca najumope catsibina”, jei Juan jiwitha xua Jesús yabara.

Meje yabara poxona Jesús bautisabatsi

(Mt 3.13-17; Lc 3.21-22)

⁹ Barapo dapaetha Jesús Nazaret tomara weya pona, po tomara eca Galilea nacuaatha. Bapon Jordán mentha patopa, ichaxota Juan bautisaba. Baraxota Jesús bautisabatsi.

¹⁰ Poxonae mene wejuina barapoxonae caena nainya Jesús itaboco necoicha xua peitaboco nayausanaxuba. Jesús tane xua Nacom pia Pejumope tnanaxu tatsi patopa bapontha xua be topiboto yaruneica.

¹¹ Barapoxonae Jesús jume tane pocotsiwa peitaboco wetsipaebicatsi, jeichichi: “Xam apara Taxantom, pom bichocono caantobetsi, pom caitapetatsi. Nejnuntu coyene weiweina exaname”, jei Nacom.

Meje yabara poxona Jesús juntu coyene jujutatsi caurimona pia pentacoponaein tatsi xua Jesús abe coyeneya petaexanaenexa tsane

(Mt 4.1-11; Lc 4.1-13)

¹² Poxonae Jesús nanacui wetatsi xua bautisabatsi bapoxona Nacom pia Pejumope tnanaxu tatsi Jesús nainya itorobatsi ira xuepana susato tsurucuae nacua beya.

¹³ Jesús ira xuepana susato tsurucuae nacuatha popona cuarenta po maticabibe. Baraxota pichiwan xua camatsawan jinompa ichaxota Jesús popona pocotsiwan bichocono atsaca. Caurimonae pia pentacaponaein tatsi pon Satanás Jesús piraichi juntu coyene jujatatsi xua Jesús abe coyeneya petaxanaenexa tsane. Pirapae matatsunpiwimonae po matatsunpiwimonae Nacom itoroba, barapomonae pata Jesustha xua Jesús pecui mateicaenexa tsainchi, matautano xua peapatsinexatsi tsainchi.

Meje yabara poxonae Jesús tamropata pitaba pia penacuichiwa xua Galilea nacuatha (Mt 4.12-17; Lc 4.14-15)

¹⁴ Nexata poxonae ichamonae Juan maxu waetabatsi xua peetsinexatsi jiwi pecubi botha, bapoxonae Jesús Galilea nacuatha patopa. Jesús paeba ducuaeta jiwitha Nacom pia pexeinya jume diwesi tatsi.

¹⁵ Jesús namchi jeye: “Nacom bayatha yabara necana cui weta exana po coyeneya xua poxonae tapatopaewa. Daxota jiwi itacupatsi xua naexana Nacom piamonae, pomonae Nacom itorobiya peewatsixae. Daxota icha juntu coyene paxeinare Nacomtha xua painya neauraxae xua abe paexaname, Nacom piamonae painya naexanaenexa tsane. Pajume cowande Nacom pia pexeinya jume diwesi tatsi”, jei Jesús.

Meje yabara poxonae Jesús waba cuatro poyobe pebiwi, pomonae duwei peyamaewi (Mt 4.18-22; Lc 5.1-11)

¹⁶ Poxonae Jesús pona Galilea pucua itapatha, bapoxonae tane ponbe peyaxunubinbe duwei. Ichun pewun Simón, ichun pewun Andrés. Baponbe bara cae peweichobe. Baponbe peweichobe duwei yamonauyabe pucuatha.

¹⁷ Jesús waba, baraponbe wabatsibe. Jesús jeye:

—Anetha, pana nepuna pondebe. Paca cuidubinchibe. Anoxuae nama xan paca exanaeinchibe xua pinmonae payawenaenamebe xua barapomonae pejume cowantsiwa tsane Nacom icha bapatha paichimbe poxonae payamonamebe duwei nawita, jei Jesús.

¹⁸ Bara caena baraponbe botabe barapo peyamaewa. Bapoxonae napuna ponabe Jesustha.

¹⁹ Jesús equeicha pona. Bapoxonae equeicha ichunbe tainchibe. Baraponbe ichun pewun Santiago, iru ichun pewun Juan. Baponbe Zebedeo pexantobe tatsi. Jeratha mataquerabayabe peyamaewa xua ucupouna.

²⁰ Jesús nainya waba, baponbe wabatsibe: Jesús baraibe: “Anetha, pana nepuna pondebe”, jei Jesús. Baponbe paxa cuenta ponabe jera weya, pon pewun Zebedeo. Matautano cuenta ponabe pomonae Zebedeo pia peyawenae jiwichi tatsi xua yamona duwei. Baponbe Jesustha napuna ponabe.

Meje yabara poxonae pebin pon cauri xeina (Lc 4.31-37)

²¹ Bapoxonae Jesús pijimonae baru pona Capernaum tomara beya. Bapoxonaeru judiomonae barompaya pia pentaqae seicae maticabi tatsi tsuxubi. Barapo maticabitha Jesús pijimonae baru joniya judiomonae pia penacaetutsi botha tatsi.

²² Barapo jiwi yabara najuntu coyene cabenaeca, tsipei pocotsiwa Jesús barapomonae cuidubatsi be pon peyaputaen pia peyapusu itorobi jume coyeneya tatsi paeba. Jesús jopa cuidubiyo be judiomonae pia pecuidubiwi pia coyeneya tatsi.

²³ Pebin pon cauri xeina barapon eca barapo judiomonae pia penacaetutsi botha tatsi.

²⁴ Bapon wawaya jeye:

—¡Jesús Nazaret tomarapim, pana wepu warapare! ¿Eta xua metha patopame pata xantha xua jinya apara abe pata neexanaetsim? ¿Apara patopame jinya pana nejutebichim? Paca yaputainchi yawa paca yaitainchi xam apara pon Nacom caitoroba, pon pepa Nentacuiruyapuxanepanaem, jei pebin pon cauri xeina.

²⁵ Jesús taitaweta, pebin taitawetatsi cauri. Jesús cauritha jeye:

—¡Moyande! ¡Barapon wepu ponde! jei Jesús cauritha.

²⁶ Barapoxonae cauri pebin naichababa exanatsi. Poxonae cauri barapo pebin bichocono wawai exanatsi, bapoxonae barapo cauri pebin wepu poinchi.

²⁷ Daxita barapomonae yabara najuntu coyene cabenaeca. Daxota nayainyaba, jeye:

—¿Eta pocotsiwa jane? ¿Jamaisa baxua mexeya pena pecuidubi coyenewa? Maisa barapo pebin Jesús bichocono peyapusu itorobi coyenewa pexeinaein. Matautano caurimonae jume cowanta poxonae pocotsiwa bapon itoroba, najei barapomonae.

²⁸ Bapoxonae caena nainya daxita pomonae jinompa Galilea nacuatha jume taerucupa pocotsiwa juinya Jesús exana.

Meje yabara poxonae Jesús axaibi exana Simón Pedro pamiyo tatsi (Mt 8.14-15; Lc 4.38-39)

²⁹ Jesús caena nainya pona judiomonae pia penacaeutusi bo tatsi weya. Bapoxonae Jesús joniya Simón pia botha tatsi po bo xua iru Andrés pia bo tatsi. Barapo botha Santiago iru Juan Jesús baru joniya.

³⁰ Simón pamiyo tatsi domae xainchi. Barapowa camatha boca. Poxonae Jesús patopa barapomonae caena nainya Jesús tsipaebatsi, jeye: “Simón pamiyo tatsi domae xainchi”, jei.

³¹ Jesús caquita pona Simón pamiyo tatsi. Bapoxonae bapowa cobe pitatsi. Barapowa asiya cuaranotatsi. Bapoxonae barapowa caena nainya taaichurucuaetsi domae. Nexata barapowa pexaewa apata barapomonaetha.

*Meje yabara poxonae Jesús axaibi exana pin bicheitomonae
(Mt 8.16-17; Lc 4.40-41)*

³² Poxonae tabopiya tsanaicha xua quirei tsanaicha, bapoxonae jiwi Jesús tacapoinchi pomonae peatenemonaewi, iru pomonae caurimonae xeina.

³³ Daxita barapo tomarapiwi nacaetuta bomuxu boupata.

³⁴ Jesús axaibi exana pinmonae pomonae xeina daxita coyenexi xua xoxi peatenewa. Matautano Jesús taitaweta pomonae cauri xeina. Jesús jopa copatsiyo xua pecueicueijeiya caurimonae, tsipei caurimonae Jesús cui yaputainchi.

Meje yabara poxonae Jesús cueicueijejei Nacom Pejume Diwesi judiomonae pia penacaeutusi bontha tatsi

(Lc 4.42-44)

³⁵ Baya poxonae caemumbotha poxonae cataunxuae quiriquirica Jesús nacosataxuba. Bapoxonae tomara weya pona xua ichaxota jiwaibi bara beya pona. Baraxotiya Jesús tsipaebauya, Nacom tsipaebatsi.

³⁶ Nexata Simón iru pomonae Jesús pepuna jinompae jiwichi, barapomonae Jesús pu barainatsi.

³⁷ Poxonae barapomonae Jesús caxibatsi, bapoxonae Jesús tsipaebatsi, jeye:

—Daxita jiwi cawenawenei, jei.

³⁸ Jesús jume nota jeye:

—Barabu ponaeinchi icha tomaran beya, barapo tomarantha iru tacueicueijeinexa tsane Nacom pia pexeinya jume diwesi tatsi. Daxota apara baxua tsipatopeican, jei Jesús.

³⁹ Bapoxonae Jesús siwa pona ducuaeta daxita tomaran Galilea nacuatha. Judiomonae pia penacaeutusi bontha tatsi Nacom pia pexeinya jume diwesi Jesús tsipaeba barapo judiomonaetha. Matautano Jesús taitaweta caurimonae.

*Meje yabara poxonae Jesús axaibi exana pon peperu sawinchi
(Mt 8.1-4; Lc 5.12-16)*

⁴⁰ Bapoxonaeru pebin, pon peperu sawinchi, Jesús caquita poinchi. Bapoxonae bapon pentabocototha unca Jesús peitabaratha tatsi xua Jesús pebaru cui itura jinaeaeatsi. Bapon matowa Jesús wucatsi, jeye:

—Icha bara ichichipame bara caitacupa xua axaibi tana neexanaewam, tsipei jinya neayapusu itorobi coyenewa nexainaem, jei bapon.

⁴¹ Jesús yabara najuntu coyene xeina bapon, xua peyawenaenexa. Jesús nacobe yota, bapoxonae bapon mata jayabatsi, jeye:

—Bara ichichipan. ¡Bara axaibinde! ¡Bara caaperuxaibi exanatsi! jei Jesús.

⁴² Bapoxonae bapon nainya taaichurucuaetsi xua peperu sawiwatsi. Matautano axaibi tsanayano.

⁴³⁻⁴⁴ Bapoxonae Jesús jume daunweya itorobiya jeye:

—Jopa yabara tsipaebinde ichamonaetha xua neaxabiwam. Saya jame meisa ponde sacerdotepintha xua nenaitutsinexa xua bapon necataenexa xua bayatha nejumewa. Care bapontha pocotsiwa xua pecatsiwa Nacomtha, pocotsiwa bayatha Moisés cui itoroba xua equeicha jopa jinya nenataxobinexa jinya pepontha. Bapoxonae daxita jiwi cayaputaena xua tsita itapeinya xeinatsi xua xam bara jumem yawa xua peru wunaem, jei Jesús.

⁴⁵ Daichitha poxonae bapon pona jopa moya yawun xeinaeyo. Bapon yabara tsipaebapona ichamonaetha pocotsiwa xua bayatha peaxabiwa. Daxota Jesús jopa itacupaetsi xua naitutsiya pata ducuaenebiya tomarantha. Daxota Jesús tomaran cuariya popona xua aisowantha. Jiwi pomonae daxita ichawan werena pona, barapomonae Jesús pia xantha tatsi tapatatsi.

2

*Meje yabara poxonae Jesús axaibi exana pon pecuenobinchi
(Mt 9.1-8; Lc 5.17-26)*

¹ Poxonae be caentacabiyobe yapucaewa, bapoxonae Jesús equeicha caibeya pona Capernaum tomara beya. Jiwi yopita xua pinae Jesús botha eca.

² Pin bicheito nacaetuta ichaxota po botha Jesús patopa, beya poxonae matauta bo coibo quecona. Barapomonaetha Jesús tsipaeba Nacom pia pexeinya jume diwesi tatsi.

³ Bapoxonae pebiwi pata cuatro poyobe. Barapo pebiwi yapaparua capata pon pecuenobinchi.

⁴ Tsipei pin bicheito, daxota barapo pebiwi jopa itacupaetsi xua Jesús imoxoyo pecaquita ponaewatsi. Daxota barapo pebiwi bomaxatha pentatupa wereca atsa caxinaxoreca ichaxoya Jesús uncuareca. Barapo matha deca pon pecuenobinchi yapaparua yorecatsi.

⁵ Poxonae Jesús yaputane xua barapomonae yabara cui jume cowanta xua bara Jesús peitacupaewatsi xua axaibi peexanaewatsi pon pecuenobinchi, bapoxonae pecuenobinchiha Jesús tsipaebiya jeye:

—Tajitom cacui yabara junte mainaya juntu puxana exanatsiba abe jinya neexanae cui ru coyenein, jei Jesús.

⁶ Ichitha baraxota iru naena pomonae jiwi pecuidubiwi Moisés pia peitorobi coyene tatsi. Barapomonae nanta xeinaeya najei:

⁷ “Maisa bapon bichocono abe tsipei pocotsiwa bapon paeba bichocono Nacom tsita ajumebetsi. Jiton dapocotsin aibi pon xua jiwi cacui yabara junte mainaya juntu puxana exanatsi abe pia peexanae cui ru coyenein tatsi. Jame meisa apara caein Nacom yaputane xua jiwi cacui yabara junte mainaya juntu puxana exanatsi abe pia peexanae cui ru coyenein tatsi”, najei.

⁸ Barapoxonae caena nainya Jesús yaputane pejuntu coyenewatha pocotsiwa barapomonae pia coutha nayainyaba. Jesús jeye barapomonaetha:

—¿Eta pocotsiwa metha baraxua pana natsipaebame?

⁹ ¿Eta po jumetha baran tsane pecuenobinchi? ¿Metha jan tsane: ‘Jinya abe neexanae cui ru coyenein cata junte mainatsi’, jan tsane? Ichacuiha ¿metha jan tsane: ‘Nontaponde, bara pire jinya nemaituncuaewa, yawa bara ponare’, jan tsane?

¹⁰ Daxota anoxuae paca tsita itapeinya xeinaeinchi, xua xan ponxaein Nacom Tananeitapetsin, xua xeinan taayapusu itorobi coyenewa xua bara tana neitacupaewa xua jiwi tayabara cacui junte mainaya juntu puxana exanaewa abe pia peexanae cui ru coyenein tatsi pomonae jinompa barapo cae pin nacuathe, jei Jesús.

Bapoxonae Jesús tsipaeba pontha pon pecuenobinchi. Jesús jeye:

¹¹ —Catsipaebatsi, nontaponde. Jinya nemaituncuaewa pire. Jinya bo be-iyandeno, jei Jesús.

¹² Bapoxonae bapon caena nainya nontapona barapomonae peitatha tatsi, yawa pita xua pemaituncuaewa. Bapoxonae bapon bo tutu weya pona barapo pin bicheito peitatha tatsi. Daxita barapomonae yabara najuntu coyene cabenaeca, yawa Nacom wuna jain-tatsi, jeye:

—Maisa waxainchi bapana bayatha jopa taetsi pocotsiwa wuna pocotsiwe icha be iche, jei barapomonae.

*Meje yabara poxonae Leví wabatsi, Jesús waba
(Mt 9.9-13; Lc 5.27-32)*

¹³ Barapoxonae Jesús pona Galilea pucua itapatha. Bapoxonae baxotiya pin bicheito pata Jesús pia xantha tatsi. Barapomonaetha Jesús cuiduba.

¹⁴ Poxonae Jesús cataunxuae ecapona Galilea pucua itapatha, bapoxonae Leví tainchi. Bapon Leví Alfeo pexanto tatsi. Bapon Leví eca ichaxota bapon paratixi matoma noteibeca po paratixi jiwi bewa catsibina pon romanomonae itorobiya pia pepa peewatsinchi. Jesús Leví tsipaebatsi, Jesús jeye:

—Nepuna ponde, jei Jesús.

Bapoxonae Leví nontapona, yawa Jesús puna poinchino.

¹⁵ Pirapaeyo Jesús Leví baru eca pexaethopeibiwatha, xua Leví pia botha tatsi xua Jesús pebaru xaenexatsi. Barichi Jesús baru eca pinmonae barapo pexaethopeibiwatha pomonae paratixi pentoma noteibiwi po paratixi jiwi bewa catsibina pon romanomonae itorobiya pia pepa peewatsinchi nexa. Iruru Jesús baru eca ichamonae pomonae abe peexanae cui ru coyenein peexanae jiwi. Matautano Jesús pijimonae baru eca barapo pexaethopaewatha. Pinmonae Jesús baru eca tsipei pinmonae Jesús puna poinchi.

¹⁶ Ichitha pomonae jiwi pecuidubiwi Moisés pia peitorobi coyenewa tatsi iruru fariseomonae, daxita barapomonae Jesús tainchi poxonae Jesús baru xayeca pomonae paratixi pentoma noteibiwi, iru pomonae abe peexanae cui ru coyenein peexanae jiwi. Pomonae Jesús tainchi daxita barapomonae Jesús pijimonae tatsi jeichichi:

—Maisa Jesús pon painya nepaca cacuidubin abe exana poxoru baru xayeca pomonae paratixi penoteibiwi, matautano, baru xayeca pomonae peajuntucoyenebe jiji, jei barapomonae.

¹⁷ Poxonae Jesús jume tane baraxua, bapoxonae Jesús jume nota, jeje:

—Pomonae ba xua xaniwaicha jinompa xua jopa ateneyo barapomonae ba jopa canantawenonaeyo pon jiji peyawubin. Saya jame meisa pomonae ba atene barapomonae jame canantawenona pon jiji peyawubin. Barichi xan patopan apara tha jopa tawabinexa tsane pomonae pejuntu coyene xanepanae jiji. Saya apara tawabinexa pomonae abe peexanae cuiru coyene peexanaewi tayawenaenexa tsane barapomonae, jei Jesús.

Meje yabara poxonae Jesús yabara yainyabatsi po coyene xua Nacom peyabara nainbotsi watsi

(Mt 9.14-17; Lc 5.33-39)

¹⁸ Caentaqueitha Juan pia pepuna jinompaewichi, iruru fariseomonae, nainbota Nacomtha xua saya pewacaenexa Nacomtha. Poxonae barapomonae nainbota, bapoxonae ichamonae Jesús siwa poinchi. Barapomonae Jesús yabara yainyabatsi barapo penainbotsi coyene. Barapomonae jeje Jesustha:

—Juan pia pepuna jinompaewichi, iru fariseomonae jopa juniya Nacom peyabara nainbotsi watsi poxonae Nacom waqueibatsi. Ichitha jinyamonae jopa daichiyo, jopa nainbotsiyo Nacomtha xua saya pewacaenexa Nacomtha, jei barapomonae Jesustha.

¹⁹ Jesús jume nota barapomonae, jeje:

—Jiji ba jopa bewa wecoyeya yabara nainbotsi poxonae ichamonae pexaewa tsinacae-tuta penabanaenexa xua poxonae pebin pecotsiwa pita. Poxonae cataunxuae awiya bapon eca pexaewa penabanaewatha bapoxonae jiji ba peburuya nabane. Jopa bewa yabara nainbotsi tsane.

²⁰ Ichitha icha pon aena piowa pita, caena nainya waetabatsi, ichamonae waetaba xua taju bapon pecaponaenexatsi, bapoxonae jame jiji ba bewa wecoyeya yabara nainbotsi, xua equeicha bapon caewa pepatopaewa tsane.

²¹ “Jiji ba jopa exanaeyo xua pena dorouto tsiwiyo jiwana caxinaxubeta xua peru dorouto pewan botsinexa. Icha baxua exanaetsipa xua pena paparuwatha wan bota peru dorouto, bapoxonae barapo dorouto abe tsanaya tsipae. Tsipei poxonae barapo dorouto matanaxuba barapo pena paparuwa natsaquetabiya. Poxonae barapo pena paparuwa natsaquetabiya equeicha wan tsitsipanarena barapo dorouto. Bapoxonae equeicha nama bichocono pin wan tsanaya beyacaincha xua poxonae copiya.

²² Matautano jiji ba pena vino mera jopa eparecaeyo peru bocototha, tsipei icha baxua exanaetsipa, barapo pena vino mera abe exanaetsipa barapo bocoto. Tsipei barapo bocoto jopa nayeyetaponaeyo poxonae barapo vino mera atsaxa. Barapo pena vino mera naxuba xuano barapo bocoto naxuba poxonae barapo bocoto tsitsica. Daxota bewa jame pena vino mera eparecae pena bocototha. Bapoxonae pena vino mera jopa naxubiyo. Yawa pena bocoto jopa naxubiyo poxoru boco yeyena yawa poxoru pena bocoto”, jei Jesús.

Meje yabara poxonae Jesús pijimonae tatsi yaboto nota trigo xu judiomonae barompaya pia pentaquei seicae mataqueitha tatsi

(Mt 12.1-8; Lc 6.1-5)

²³ Caentacabi poxonae judiomonae barompaya pia pentaquei seicae matabi tatsi, barapo matabi theta Jesús, iru pijimonae tatsino pabi iyiya. Jesús pijimonae tatsi jainpa. Barapomonae tamropata notarucupa xua yaboto xunumenapona trigo xu. Bapoxonae pecobetha xu mata pepeta.

²⁴ Poxonae fariseomonae cui tane xua Jesús pijimonae tatsi exana, bapoxonae fariseomonae Jesús tsipaebatsi, jeje:

—Jamaisa jinya jiwimonae nacuita barapo matabi the, poxonae yaboto nota trigo xu. Apara jiji jopa yabara cui copatsiyo xua ichamonae penacuichiwa barapo matabi the xua judiomonae barompaya pia pentaquei seicae matabi tatsi, jei fariseomonae.

²⁵ Jesús jume nota, jeje:

—Barapomonae tajiwimonae jopa apara abe exanaeyo. ¿Jopa payabara yorobim pocotsiwa bayatha David exana poxonae jainpa, poxonae iru pijimonae tajainpatsiru? Bapon David, pon caena bayatha israelmonae itorobiya pia pepa peewatsinchi.

²⁶ Bapon David, iru pijimonae tatsi, barapomonae joniya Nacom pin pia botha tatsi poxonae pon pewun Abiatar tanacuita Nacom. Bapon Abiatar sacerdotemonae pia pepa pentacaponaein tatsi. David xane pan, po pan ichamonae cana exana xua Nacom pecatsi watsi. Iru barapo pan David pijimonae cata xua pexaenexaru. Barapomonae xane

bequein bara Nacom pia peitorobi coyenewatha copata xua saya meisa sacerdotemonae itacupatsi xua pexaewa tsane barapo pan, jei Jesús.

²⁷ Equeicha Jesús namchi, jeye:

—Nacom, jiwi pewunaeya taexanatsi pentaquei seicae matakabi. Barapo pentaquei seicae matakabi Nacom tsixana jiwi, xua barapo matakabitha jiwi penafinacaewatsinexa. Nacom jopa ainya cui cana exanaeyo pentaquei seicae matakabi xua beyacaincha jiwi.

²⁸ Daxota xan ponxaein Nacom tana neitapetsixae xeinan taitorobi coyenewa xua jiwi tacoya taitorobiwa pentaquei seicae matakabitha, jei Jesús fariseomonaetha.

3

Meje yabara poxonae Jesús cobe wuna exana pon pecobe mabinchi
(Mt 12.9-14; Lc 6.6-11)

¹ Jesús equeicha joniya judiomonae pia penacaeuttsi botha tatsi. Baraxota pon pecobe mabinchi eca.

² Barichi pomonae jiwi pecuidubiwi Moisés pia peitorobi coyene tatsi, iru fariseomonaebaxota ena. Daxita barapomonae Jesús necotenatsi pecui taenexatsi icha bara metha Jesús cobe wuna exanaena pentaquei seicae mataqueitha pon pecobe mabinchi. Icha Jesús pon pecobe mabinchi axaibi exanatsi, bapoxonae barapomonae xeinaena po coyenewa xua Jesús abe peyabara paebiwatsi tsainchi.

³ Bapoxonae Jesús barai pontha pon pecobe mabinchi, jeye:

—Nontaponare. Uncuare xote, jei Jesús.

⁴ Pomonae Jesús tainchi Jesús barai barapomonae, jeye:

—Paca yainyabinchi, ¿eta xua copata pentaquei seicae matakabitha? ¿Wuna jampa? ¿Abe jampa? ¿Eta xua metha tsipae? ¿Xua pebin capanepatsi jampa? ¿Xua pebin bexotsi jampa? ¿Eta xua jane? jei Jesús.

Ichitha barapomonae jopa jume notsiyo, saya moya umena.

⁵ Nexata Jesús necota barapomonae. Anaya Jesús caseba barapomonae. Matautano juntu coyene wecoyeyi, tsipei barapomonae jopa beyaputaeyo pocotsiwa bapon exana. Jesús barai pon pecobe mabinchi:

—Nacobe doire, jei Jesús.

Bapon nacobe doita. Bapoxonae bapon nainya cobe wuna tsanaya.

⁶ Bapoxonae fariseomonae Jesús weya ponarucupa. Bapoxonae barapomonae nacaetuta Herodes pijimonaetha tatsi xua pecui yabara paebinxatsi xua po cui coyenewatha Jesús pebexubiwa tsainchi.

Meje yabara poxonae pin bicheito nacaetuta Galilea pucua itapatha

⁷ Jesús pijimonae baru pona Galilea pucua itapa beya. Iru pin bicheitomonae Jesús puna poinchi pomonae Galilea nacua weya pona.

⁸ Iru pomonae Judea nacua werena pona iru pomonae Jerusalén tomara werena pona, daxita barapomonae Jesús puna poinchi. Iru Idumea nacuapiwi Jesús puna poinchi. Iru ichamonae Jesús puna poinchi pomonae icha muxunenetha jinompa xua Jordán mentha. Iru Tiro tomarapiwi Jesús puna poinchi. Iru Sidón tomarapiwi Jesús puna poinchi. Daxita barapo bicheito Jesús itata patatsi poxonae jume tane daxita xua juinya pocotsiwan Jesús exana.

⁹ Tsipei pin bicheito, daxota Jesús pijimonae itoroba xua jera petaxawenaewa tsainchi xua petsaquibabiyainwatsi barapo pin bicheito.

¹⁰ Yaitama Jesús axaibi exaneiba pin bicheito pomonae atenemonae, daxota iru ichamonae Jesús imoxoyo caquita poinchi. Barapomonae ichichipa xua Jesús pejayabiwatsi xua barapomonae iru axaibi peexanaenexatsiru.

¹¹ Pomonae caurimonae pexeinaewi, poxonae barapomonae Jesús tainchi, barapomonae pentabocototha umena Jesús peitabaratha tatsi. Barapomonae wawaya jeye xua caurimonae wawai peexanaexatsi:

—¡Maisa bara xam Nacom Pexanton! jei barapomonae xua wawaya exanatsi caurimonae.

¹² Jesús jume daunweya itoroba barapomonae, jeye:

—Jopa pana neyabara paebinde ichamonaetha xua xan Nacom Pexanton, jei Jesús.

Meje yabara poxonae Jesús itapetsiya waba pia peitorobi jiwi tatsi pomonae xua doce poyobe

(Mt 10.1-4; Lc 6.12-16)

¹³ Bapoxonae Jesús demxuwatha pona. Barapo demxuwatha Jesús waba pomonaetha xua peichichipaexae xua itapetsiya waba. Bapoxonae barapomonae Jesús pia xantha tatsi tapatatsi.

¹⁴ Jesús itapetsiya waba doce poyobe xua pomonae pebaru jinompaenexatsi. Matautano barapomonae Jesús itoroba xua daxita jiwitha petacueicueijeinexatsi Nacom Pejume Diwesi.

¹⁵ Barapomonaetha Jesús cata pia peayapusa itorobi coyenewa tatsi, xua cauri ichamonae petaitawetsinexatsi pomonae xua cauri pepuna jinompaewichi.

¹⁶ Meje barapomonae pewaxi tatsi pomonae Jesús waba: Simón pon icha wun wun dutatsi “Pedro”, baraichi.

¹⁷ Ichun pewun Santiago. Ichun pewun Juan pon Santiago peweicho tatsi. Baraponbe Zebedeo pexantobe tatsi. Baraponbetha Jesús icha wun wun dutabe “Boanerges” jei (xua po wantha xua jei: “Yamuxu pexantobe tatsi”, jei). Barapo wun wun duta tsipei peajuntucoyenesunbe.

¹⁸ Ichun pewun Andrés. Iru ichun pewun Felipe. Iru ichun pewun Bartolomé. Iru ichun pewun Mateo. Iru ichun pewun Tomás. Iru ichun pewun Santiago pon Alfeo pexanto tatsi. Iru ichun pewun Tadeo. Iru ichun pewun Simón pon celotemonae pin.

¹⁹ Iru ichun pewun Judas Iscariote. Barapon Judas pon Jesús caenaetaxubatsi ichamonae aetha pebexubinexatsi.

Meje yabara poxonae Jesús baraichi xua pinae xeina Beelzebú pia peayapusa itorobi coyenewa tatsi

(Mt 12.22-32; Lc 11.14-23; 12.10)

²⁰ Bapoxonae Jesús, iru pomonae pia peitapetsiwi tatsi botha jojoniya. Bapoxonae equeicha pin bicheito nacaetuta Jesús pia xantha tatsi. Daxota Jesús iru pijimonae tatsi jopa itacupaetsi xua penabanaewa tsane.

²¹ Jesús piamonae matabuxuyoy tatsi jume tane xua jiwi paeba xua pinae juinya Jesús matayaibatsi. Daxota barapomonae pata, xua Jesús pewaetabinexatsi, xua pia bo beya pecaponaenexatsi.

²² Matautano pomonae jiwi pecuidubiwi Moisés pia peitorobi coyene tatsi, pomonae Jerusalén werena pona, barapomonae jiwitha jeye Jesús yabara: “Bapon caurimonae itawetatsi, apara pexeinaexae Beelzebú pia peayapusa itorobi coyene tatsi, pon caurimonae pia pentacaponaein tatsi”, jei barapomonae pomonae jiwi pecuidubiwi Moisés pia peitorobi coyenewa tatsi.

²³ Bapoxonae Jesús waba barapomonae pia xainya berena. Yawano Jesús pecayabara juta pepaebi diwesiyo tsipaeba, jeye: “Caurimonae pia pentacaponaein tatsi jopa itacupaetsi xua peitawetsiwa icha caurimonaetha, xua pecae caurimonaexae.

²⁴ Icha cae nacupiwu nawepu tsatabe xua matauta nababe, bapoxonae jopa xaexaenae-caeyo.

²⁵ Matauta iruru icha cae bo matabuxuyomonaebe nababe yawa nawepu tsatajopabe, bapoxonae jopa xaexaenae-caeyo.

²⁶ Barichi icha Satanás, pijimonae tatsi nawepu tsatajopabe matautano xua nababe, bapoxonae jopa xaexaenae-caeyo. Satanás jopa itacupaetsi xua itoroba pijimonae, tsipei amsiya exana.

²⁷ “Dapon ajibi, pon itacupaetsi xua botha joniya po botha pon bichocono maxu daunwei pia bo tatsi xua daxita notsina pocotsiwa bapon xeina pon maxu daunwei icha jopa copiya matha maxu catanotsiyo.

²⁸ “Bara xaniyeya paca tsipaebatsi. Pocotsiwa jiwi abe peexanae cuiru coyenein exana, matautano pocotsiwa xua jiwi abe paeba, barapo coyenein Nacom itacupaetsi xua yabara juntemainaena xua barapo jiwi abe exana.

²⁹ Pon abe yabara paeba Nacom pia Pejumope tuxaxu tatsi, Nacom bapana jopa yabara juntemainaena tsane xua bapon paeba. Bara bapon ataya atene tsane ichaxota jopa itacounaiyo isoto xua bapon abe peexanaexae”, jei Jesús.

³⁰ Jesús baraxua paeba, tsipei pomonae jiwi pecuidubiwi Moisés pia peitorobi coyene tatsi barapomonae bayatha naerabiya paeba xua pinae Jesús cauri xeina. Ichitha pon Jesús xeina apara Nacom pia Pejumope tuxaxu tatsi. Daxota barapomonae Nacom pia Pejumope tuxaxu tatsi tsita natsicuentatsi, tsipei Nacom pia Pejumope tuxaxu tatsi abe yabara paebatsi.

Meje yabara Jesús pena tatsi, iruru peyapin jiwi tatsino

(Mt 12.46-50; Lc 8.19-21)

³¹ Pirapae Jesús pena tatsi, iru peyapin jiwi tatsi pata Jesustha. Ichitha barapomonae pesato beumeinya. Bapoxonae najume caruta ichamonaetha xua petawabinexa tsainchi Jesús.

³² Po bicheito Jesús matawacaicha enatsi, barapomonae Jesús tsipaebatsi, jeye:

—Ena, iruru neyapin jiwino, pesato beya umena. Bepara bequein cataei. Bepara bequein catsipaebeli, jei.

³³ Ichitha Jesús jume barai barapomona, jeye:

—¿Jintam powa be taena natsicotanera? ¿Jintam pomona be tayapin jiwini natsicotanera? jei Jesús.

³⁴ Bapoxona Jesús necota pomona pematawacaicha enaewichi. Jesús jeye:

—Barapomona pomona xote umene apara be taena tsicotan, matautano be tayapin jiwini tsicotan.

³⁵ Pomona exana pocotsiwa Nacom itoroba, pon peitabocotha peecaenxae, barapomona be tayapin jiwini tsicotan, matautano iru be tayapixi tsicotanno, matautano iru be taena tsicotanno, jei Jesús.

4

Meje yabara poxona Jesús cuiduba jiwini pecayabara jata pepaebeli diwesiyo xua pon peubin yabara

(Mt 13.1-9; Lc 8.4-8)

¹ Equeicha Jesús tamropata pitaba xua cuiduba Galilea pucua itapatha. Bapoxona pin bicheito nacaetuta ichaxota Jesús cuidubuncua. Tsipei pin bicheito daxota Jesús jeratha nontabiya xua peecaenexa, po nae mentha ducuiya. Barapo pin bicheitomona taetabo itapatha umena.

² Jesús barapomonaetha cuiduba pecayabara jata pepaebeli diwesiyo.

Poxona Jesús cuiduba barapomona, jeye:

³ “Pana nejume naitaeware barapo diwesiyo: Pebin pon peubin ponataba pia ubichi pabitha.

⁴ Poxona pon peubin ubauya, icha xu namtotha othopeica. Pepupunaewi yapata. Bapoxona barapo xu xane.

⁵ Icha xu, xu othopeica ibowantha ichaxota xua ira itafafana. Bapoxona barapo xu caena nainya xu xuwa, tsipei jopa taju xu xuwarecaeyo.

⁶ Ichitha poxona xometo atsa tsina, bapoxona yaboto tsaquiwa yawa tupa tsipei jopa taju tabu opina xuwarecaeyo.

⁷ Icha xu, xu othopeica ichaxota pesoiwan xuwinaena. Barapo xu yaboto nanta capanaba poxoru yawa muxuna xuwina pesoiwan. Daxota barapo xu jopa xu nacoichiyo.

⁸ Icha xu, xu othopeica ichaxota ira wanae. Poxona barapo xu, xu xuwa, xu nawanaeta. Icha xun, xu nanacoitapona treinta po xu matabuxuyobe tsiniya. Icha xun, xu nanacoitapona sesenta po xu matabuxuyobe tsiniya. Icha xun, xu nanacoitapona cien po xu matabuxuyobe tsiniya”, jei Jesús barapo pin bicheitomonaetha.

⁹ Equeicha Jesús jeye: “Icha pamuxu dubename, moya pana nejume naitaeware pocotsiwa tapaca tsipaebiwatsi”, jei Jesús poxona pijimona muxuconaquiya tsipaeba.

Meje yabara poxona Jesús namchi xua exua metha pecayabara jata pepaebeli diwesiyo

(Mt 13.10-17; Lc 8.9-10)

¹⁰ Nexata poxona Jesús pipatotha eca, bapoxona baru eca pomona pia pepuna ponawichi, iruno pijimona tatsi pomona doce poyobe. Barapomona Jesús yainyabatsi jeye: “¿Eta pocotsiwa yabara caunutame poxona barapo pecayabara jata pepaebeli diwesiyo cuidubame?” jei barapomona.

¹¹ Jesús jume nota barapomona, jeye: “Meisa paxam yatsicaewa Nacom yabara paca yaputane exana po pecuidubiwa xua moya peyawun xeinaewa. Barapo moya peyawun xeinaewa apara xua Nacom paca cana exana xua rainya nepaca itacupaewa xua painya nenaexanaewa Nacom piamona tatsi pam, pomona pamxaem Nacom itorobiya paca ewata. Ichitha meisa jame ichamona pomona jopa nejume cowantsiyo jopa daichichi. Nacom jopa copatsiyo xua barapomona peyabara yaputaewa baxua. Daxota barapomona cuiduban pecayabara jata pepaebeli diwesiyo, xua Nacom peyabara yaputaenexatsi.

¹² Baxua paeban xua bequein pia tana necui taibenaewatha tsane ichitha jopa pia tana necui yaputaibenaewatha tsane. Yawa xua bequein pia tana nejume taibenaewatha tsane ichitha jopa pia tana nejume copi taibenaewatha tsane. Poxoru bapomona jopa icha juntu coyene xeinaeyo Nacomtha, daxota barapomona Nacom tsita natsicuentatsi abe petsita exanaexaetsi xuano Nacom jopa yabara junteinaeyo abe pia peexanae coyenein tatsi”, jei Jesús.

Meje yabara poxona Jesús pijimona muxu yaputane exana po diwesiyo xua pecayabara jata pepaebeli diwesiyo, pon peubin yabara

(Mt 13.18-23; Lc 8.11-15)

¹³ Equeicha Jesús barapomonaetha muxu tsipaeba, jeye: “Tsipei jopa payaputaem po pecayabara juta pepaebi diwesiyo xua peabin yabara paeban daxota jopa payaputaemt-sipae bequein ainya pecayabara juta pepaebi diwesiyo paca tsipaebichipatsi.

¹⁴ Paca tsipaebatsi pecayabara juta pepaebi diwesiyo xua iche: Pon peabin jupa, icha be ichi pon Nacom Pejume Diwesi pepaebi ducuaenaebiyaein.

¹⁵ Po xuton xua namto beothopiya, aichurubena. Barapo xuton yabara caunuta xua jiwi bara juntu weichichi caurimona pia pentacaponaein tatsi, pon Satanás. Jiwi juntu coyene weajumetsurubena exanatsi Nacom Pejume Diwesi xua bayatha po jume jume tane, xua bapoxona jopa petajume cowantsinexa tsainchi Nacom, yawa xua jopa petanacapanenebiyaenexa tsainchi Nacom beya, xua Nacom exanaena.

¹⁶⁻¹⁷ Po xuton xua xu othopa ibowantha, barapo xuton yabara caunuta po jiwi xanapanaya jume tane Nacom Pejume Diwesi, xuano juntu coyene weiweina Nacom jume cowantatsi. Ichitha bara caeto jume cowanta, poxoru barapomona ae juntu faetabiya jume jeba Nacom Pejume Diwesi pe juntu coyeneintha. Poxona yaitama barapomona bichocono peatenexae, matautano poxona barapomona yaitama abe petaexanaex-aetsi ichamona xua pejume cowantsixae Nacom, bapoxona caurimona abe exana barapomonaetha, xua barapomona juntu coyene wejuntemaina exanatsi xua Nacom pecayabara junte mainaewatsi.

¹⁸⁻¹⁹ Po xuton xua xu othopeica pesoiwantha, barapo xuton caunuta xua pomona Nacom Pejume Diwesi jume tane, ichitha saya barompaya pia juntu coyeneyatha jinompa, yawa saya u copei cayabara nanta xeina, yawa saya exana pocotsiwa juntu coyene weiweina cana exainchi. Po coyene pebiwi exana baxuan bara jutiya ichiya exana xua po xuton be pesoiwantha othopiya. Barapo xuton jopa thei dubenaeyo. Barapocotsi juta coyeneya ichi, barapo jiwi. Jopa xanapanaya jinompaeyo Nacom nexa.

²⁰ Po xuton xua xu othopeica peira wunaewatha, bara nacoita. Barapo xuton yabara caunuta pomona jume tane Nacom Pejume Diwesi, matautano jume cowantano poxoru juntu coyene xanapanaya jume tane. Matautano beta exana dubenanaebiya beya matapainya jiwi cui tane xua barapomona juntu coyene xanepana Nacom peitabaratha tatsi. Bapoxona ichamona barapomona jiwana beta yawena ichamonaetha icha barapo xuto ichi xua treinta po xu matabuxnyobe tsiniya tsopona. Matautano ichamona barapomona jiwana beta yawena ichamonaetha icha barapo xuto ichi xua sesenta po xu matabuxnyobe tsiniya tsopona. Matautano ichamona barapomona jiwana beta yawena ichamonaetha icha barapo xuto ichi xua cien po xu matabuxnyobe tsiniya tsopona”, jei Jesús.

Meje yabara poxona Jesús pijimona tsipaeba pecayabara juta pepaebi diwesiyo xua pecoicha yabara

(Lc 8.16-18)

²¹ Equeicha Jesús barapomonaetha tsipaeba, jeye: “Poxona jiton pecoicha, coicha exana, bapoxona jopa coicha matacatsiyo cajatha. Yawa jopa coicha exanaeyo cama peupana deca. Jame asiya coicha exanatsi, xua pecoicha taenexa pomona jojoneibarena.

²² Daxita pocotsiwa xua moya peyawun xeinaewa bexa tsane jiwi yabara yaputaena. Barichi po diwesiyo xua pecayabara juta pepaebi diwesiyo xua paebapona jiwi barapo diwesiyo jiwi itacupaenchi xua peyabara yaputaewa tsane.

²³ Icha pamuxu dubename, moya pana nejume naitaeware pocotsiwa tapaca tsipaebi-watsi”, jei Jesús poxona pijimona muxuconaquiya tsipaeba.

²⁴ Equeicha Jesús barapomona barai, jeye: “Pana nejume naitaeware painya neexanaenexa pocotsiwa paca tsipaebatsi. Icha ichamona daunweya payabara paebina penatsicuentisiwa xua abe peexanaexae Nacom barichi daunweya paca yabara paebina painya nenatsicuentisiwa xua abe painya neexanaexae. Matautano equeicha ichawano mataropeicha paca catsina.

²⁵ Pon ba be conotha Nacom yabara yaputainchi Nacom bapontha cana exanaena xua ichawa peyabara yaputaewa tsane beya poxona bapon equeicha bichocono Nacom pejume cowantsiwa tsainchi. Pon ba jopa ichipaeyo xua Nacom peyabara yaputaewatsi Nacom wepichina po coyene bapon yaputane xua beya daxota Nacom jopa pejume cowantsiwa tsainchi”, jei Jesús.

Meje yabara poxona Jesús pecayabara juta pepaebi diwesiyo paeba xua peabi xuto yabara

²⁶ Nexata equeicha Jesús namchi, jeye: “Yabara paca cuidubatsi po coyene xua Nacom itorobiya ewata piamona. Barapo coyene bara juta coyeneya ichi, icha pebin ichi poxona peabi xu xua bebeya.

²⁷ Poxonae nacobe weta xua ũba, bapoxonae pabi weya pona. Bara bequein bapon jopa yawenaeyo xua barapo xuton xuxuwapona mataqueitha, merawithano poxonae pebin maitequeiba, daichitha awiya barapo xu xuxuwapona.

²⁸ Daxota barapo xu xuxuwapona tsipei ira yawena xua barapo xu xuxuwapona. Copiya pepaboto xuwina, bapoxonae pepato naexana. Bapoxonae pepa xu xu dubena xua bichocono ахиснса.

²⁹ Poxonae pepa xu xu naweta barapo matcabitha pebin pona xua penotsinexa pocot-siwa naweta”, jei Jesús.

Meje yabara poxonae Jesús cuiduba pecayabara juta pepaebi diwesiyo po peubi xutiyo pewan mostaza xutiyo

(Mt 13.31-32; Lc 13.18-19)

³⁰ Jesús barapomona tsipaeba, jeye: “Poxonae Nacom waba jiwi xua petanaexanaenex-atsi piamonae tatsi pomonae itorobiya peewatsixae, ¿eta po coyene nacoyene jupabe? ¿Eta xua paca cuidubinchi xua baxua yabara?

³¹⁻³² Nacom pijimonae tatsi mataropeicha bichocono pinmonae tsoponae xua pomonae jume cowantapona Nacom. Baraxua icha be mostaza xutiyo ichi po xutiyo bichocono tsica xutiyo beyacaincha xua icha pethei xutiyo. Barapo mostaza xutiyo pebin ũba pia pabitha. Xuwa beya pin nae tsoponae. Pepinnaexae daxota siri coton exana pemaxuranantha. Icha mostaza xutiyo ichi xua beya pin nae tsoponae, bara juta ichi Nacom pejume cowantsiwichi, pomonae bapon itorobiya peewatsixae. Bequein anoxuae tsica bicheitiyo, bexa tsane beya pin bicheito tsoponae tsane”, jei Jesús.

Meje yabara poxonae Jesús cuiduba jiwi pecayabara juta pepaebi diwesixitha

(Mt 13.34-35)

³³ Jesús jiwitha ainya pecayabara juta pepaebi diwesixi tsipaeba poxonae cuiduba Nacom Pejume Diwesi, icha barapocotsi diwesixi ichi xuaunxuae po diwesixi paeba. Awiya cuidudubapona beya poxonae barapomona xainwaicha yaputane.

³⁴ Saya meisa barapomonaetha Jesús cuidubeiba pecayabara juta pepaebi diwesixi coyenexitha. Poxonae Jesús meisa pijimonae barũ eca, bapoxonae Jesús pijimonae yabara muxu yaputane exana pecayabara juta pepaebi diwesixi coyenexi.

Meje yabara poxonae Jesús xainya ducuanaya exana joibo, yawa maratsacano xainya mene ducuanaya exanano

(Mt 8.23-27; Lc 8.22-25)

³⁵ Barapo mataqueitha poxonae quirei tsanaicha Jesús pijimonae tsipaeba, jeye:

—Antha poinchi icha muxunene beya, pucua beicha, jei Jesús.

³⁶ Bapoxonae Jesús pijimonae barũ wepu pona barapo pin bicheito. Bapoxonae Jesús pijimonae barũ poinchi jeratha, po jeratha Jesús cuidubeca barapo pin bicheito. Barichi icha jeranno naponano.

³⁷ Bapoxonae mentha jemeicha naetaba pin joibo. Maratsacan jeratha mene othopa, muxu jera pebunarecae.

³⁸ Ichitha Jesús jera tafetha maituncua, nantasipa yũyũtuncua paparuwatha xua xota nacuenacuena. Jesús pijimonae yaũbatsi, jeichichi:

—Pon pata Necuidubin, ¿jopa catsita ainya cuiyo xua waxainchi bunathopaeinchi? jei barapomona.

³⁹ Bapoxonae Jesús asiya uncu, yawa joibo itawetaxuba. Jesús jeye maratsacantha:

—¡Barande, bara xainya mene ducuanayama! jei Jesús.

Bapoxonae joibo caewanaya, yawa mene xainya ducuanaya.

⁴⁰ Nexata Jesús barai pijimonae, jeye:

—¿Eta pocotsiwa metha bichocono pajunuwame? ¿Cataunxuae jopa pana nejume cui yabara jume cowantsim xua bara tana neitacupaewa xua tapaca yawenaewatsi? jei Jesús.

⁴¹ Barapomona bichocono najũntũ coyene cabenaeca, yawa caemonae natsipaeba najei:

—¿Metha jintamda baponda? ¡Jamaisa bapon itawetaxuba joibo yawa maratsacan xua daxita xainya dubenanaya! najei barapomona.

5

Meje yabara xua pebin pon caurimonae xeina pon Gerasa nacua pin

(Mt 8.28-34; Lc 8.26-39)

¹ Jesús, irũ pijimonae tatsi pata icha muxunene beya xua barapo pucuathiya. Po iratha Jesusbarũ pata barapo ira pewan Gerasa nacua.

² Poxonae Jesús jera wenontouna bapoxonae patopa pebin pon caurimonae xeina. Bapon ibo wou weya patopa Jesustha.

³ Barapo pebin poponeiba ibo wountha. Dapon aibi pon itacupatsi xua bapon pecatsiwatsi, matautano metha bequein penaintotha tsipae.

⁴ Bapon matowa penaintotha taxu cubeibatsi, yawa maxu cubeibatsi xua bapon peyapucaeneibinexa tsainchi. Daichitha bapon barapo nain nain epa xuneiba. Dapon aibi xua bapon pecui amanayabiwatsi.

⁵ Barapon mataqueitha poponeiba, yawa merawitha poponeiba. Matautano atororotha yawa ibo wountha wawai tsopoponeibi. Matautano ibotixitha pia coutha nathabeiba.

⁶ Poxonae barapo pebin Jesús tajü taebatsi, bapoxonae cuinaepona Jesús beya. Bapon pentabocototha uncua Jesús peitabaratha tatsi xua Jesús pebaru cui itura jinaexaetsi peainya cuinxae.

⁷ Bapon wawaya jeye Jesustha:

—Jesús pon Nacom Pexantom, pon peitabocotha eca, ¿eta pocotsiwa metha taxantha patopame? Jume daunweya cabaraichi jopa neperaxa exanaeinde, jei.

⁸ Bapon baxua paeba tsipei Jesús copiya namchi, jeye:

—¡Caurimonae pam, bapon pawepu ponare! jei Jesús.

⁹ Jesús yainyaba bapontha:

—¿Eta po wam? jei.

Bapon jume nota jeye:

—Tawan Ayei, tsipei paxan caurimonae pan ayei jiwi pan, jei bapon xua paeba exanatsi caurimonae.

¹⁰ Barapo caurimonae Jesús muxu fayacotatsi xua bepa pinae barapomonae jopa bewa itawetichi icha nacua beya.

¹¹ Ichaxota imoxoyo peitapororotha baxota jinompa pin marranomona. Barapo marrano duweimonae xayompa peitapa tororotha.

¹² Caurimonae Jesús wucatsi, jeye:

—Icha pana itawetame, moya pana nepu copabare marrano duweimonaetha, jei caurimonae.

¹³ Bapoxonae Jesús copata xua bara caurimonae ponaena marrano duweimonaetha pebin weya. Barapo marranomona ducupa. Pin pitapororo othopareca. Pucuaitha bunothopa. Yawa caurimonae cabunathopatsi. Barapo marranomona dos mil po duweimonaebe.

¹⁴ Bapoxonae pomona peyapu eenaewi marranomona, barapomonae bichocono junuwiya cuinaepona tomara beya, jiwi petsipaebinxatsi baxua yabara, yawa jiwi petsipaebinxatsi tomara cuariya beya. Bapoxonae jiwi pata petaenexa pocotsiwa Jesús cana exana pebintha.

¹⁵ Poxonae barapomona pata Jesustha, bapoxonae barapomona tane pebin pon bayatha cauri xeina. Barapo pebin moya eca, paparuwa nama xatatano, matautano juntema eca. Bapoxonae barapomona bichocono junuwa.

¹⁶ Pomona bayatha tane xua pocotsiwa Jesús bayatha cana exana pebintha, pontha pon cauri xeina, baxua yabara paeba ichamonaetha pomona pata. Matautano yabara paeba pocotsiwa Jesús cana exana marrano duweimonaetha.

¹⁷ Bapoxonae barapomona tamropata notarucupa xua Jesús itawetatsi, jeye: “Maisa bewa warapaename Gerasa nacua weya, po nacua pata nacua weya”, jei barapomona.

¹⁸ Poxonae Jesús jeratha nontabiya, bapo pebin pon bayatha caurimonae xeina, bapon Jesús wucatsi xua bepa pinae Jesús puna ponaetsi.

¹⁹ Ichitha Jesús jopa copatsiyo xua pepuna ponaenexa tsainchi bapon. Saya jame Jesús bapontha jeye:

—Maisa jinya bo beya ponare ichaxota jinyamona matabuxuyo beya. Barapomonaetha tsipaebare daxita pocotsiwa Nacom cacana exana. Matautano barapomonaetha tsipaebare xua Nacom bara cayabara najuntu coyene xeina pia necayawenaenexa, jei Jesús.

²⁰ Bapoxonae barapo pebin ponataba. Matautano tamropata pitaba xua cueicueijejei daxita pocotsiwa bayatha Jesús cana exana bapontha. Barapon baxua tsipaeba Decápolis tomaranbe, po tomaran xua diez po tomaranbe xua imoxoyo nacacuita ena. Daxita jiwi barapo tomaran najuntu coyene cabenaeca poxonae jume tane xua barapon paeba.

Meje yabara xua poxonae jairo pexantiyo taaxaibi exanatsi; yawa yabara xua bapoxonae iru icha yabuyo axaibi exanatsi poxonae Jesús pia paparuwa tajayabatsiru

(Mt 9.18-26; Lc 8.40-56)

²¹ Poxonae Jesús caibeya pona jeratha icha muxunene beya pucua iya, bapoxonae pin bicheito Jesús pia xantha tapatatsi pitapatha.

²² Bapoxonae caein patopa pon judiomonaē pia penacaeutusi bo tatsi pecanamataxeinaewi jiwana monaepin. Bapon pewan Jairo. Poxonae bapon Jesús tainchi, Jesús peitabaratha tatsi pentabocototha tauncuatsi.

²³ Bapon Jairo bichocono Jesús wacatsi. Jairo jeye:

—Taxantiyo muxu imoxoyo petapae. Anetha, inta taxantiyo necobetha mata jayabare, axaibi jinya neexanaenexa tsane. Bapoxonae inta asu pepoponaenexa tsane, jei Jairo.

²⁴ Bapoxonae nexata Jairo Jesús puna pona. Pin bicheito Jesús puna poinchi, yawa barapo bicheito tsaquibabatsi.

²⁵ Barapo pin bicheitha iru napona yabuyo powa atene. Barapowa caena bayatha beya yadoce po weiyobe jopa xua pentabu janatha boca xua be nantawane.

²⁶ Barapowa bichocono atene tsaibi bequein siwa poneiba pomonaetha pomonaē peyawubiwi jiwi. Barapomonaē bapowa daxita cobe matapaeteibatsi paratixi xua bapowa peyawubixaetsi, daichitha bapowa jopa yawenaetsi baxua. Saya equeicha bichocono abe tsoponae bapowa.

²⁷ Poxonae bapowa jume tane xua pinae juinya Jesús axaibi exana jiwi, bapoxonae bapowa imoxoyo caquita uncuataba Jesús peputha tatsi xua pin bicheitha. Barapowa Jesús pia paparuwa tatsi tajayabatsi xua peopirawa.

²⁸ Barapowa pia coutha natsipaeba, najei: “Icha saya Jesús pia paparuwa tajayabin, bapoxonae axaibin tsane”, najei.

²⁹ Poxonae barapowa tajayaba Jesús pia paparuwa tatsi, bapoxonae caena nainya bapowa ajaneibi tsanareca. Bapowa pia coutha nayaputane xua bayatha axaibi.

³⁰ Jesús pia coutha nayaputane xua ichan axaibi peexanaewatsi, tsipei pia pepon weya taajiwana tsurucuaetsi pia peyapusa itorobi coyenewa tatsi. Bapoxonae Jesús napatomeicha necota jiwitha, jeye:

—¿Jintam inta paparuwa jayabara? jei Jesús.

³¹ Nexata Jesús pijimonaē jume notatsi, jeye:

—Apara xam bayatha taneme xua pin bicheito catsaquibaba. ¿Eta xua metha pana yainyabame: ‘¿Jintam metha inta paparuwa jayabara?’ jam? jei pijimonaē tatsi.

³² Ichitha Jesús daxita jupaya tane peyaputaenexa pon pejayabiwatsi.

³³ Barapowa bichocono junuwa, tsipei yaputane xua barapowa Jesús jayabatsi poxonae axaibi exanatsi. Barapowa jijiyeya patopa Jesustha, yawa pentabocototha uncuā Jesús peitabaratha tatsi xua Jesús pebaru cui itura jinaexaetsi peainya cuinxae. Barapowa bara xainyeya paeba daxita pocotsiwa xua exana.

³⁴ Jesús jeye barapowatha:

—Yabuyo, caaxaibi exanatsi tana neyabara jume cowantsixaem xua bara tana neitacupaewa xua tacaaxaibi exanaewatsi. Saya junte miya poponde. Bara axaibim tsaibim tsane xua bara nepu tsiteca tsane, jei Jesús.

³⁵ Poxonae Jesús cataunxuae cueicueijei tsuncuae barapowatha, bapoxonae pata pomonaē Jairo pia botha petanacuichi jiwichi. Bapon Jairo pecanamataxeinaein judiomonaē pia penacaeutusi bo tatsi. Barapomonaē jeye Jairotha pon pexantiyo taatenetsi:

—Nexantiyo bayatha cata tupa. ¿Eta xua metha came fayacotame pon jiwi Pecuidubin? jei barapomonaē.

³⁶ Bequein bara baxua Jesús jume tane, ichitha baxua Jesús jopa jume naitaewatsiyo. Jesús jeye Jairotha:

—Jopa junuwinde, saya maisa nejume cowande, jei Jesús.

³⁷ Bapoxonae Jesús jopa copatsiyo xua pepuna ponaewatsi tsainchi ichamonae. Saya meisa Jesús copata, xua pepuna ponaenexa tsainchi Pedro, iru Santiago iru Juan pon Santiago peweicho tatsi.

³⁸ Poxonae Jesusbaru pata Jairo pia botha tatsi, bapoxonae Jesusbaru tane pin bicheito xua ajumeyaexa. Barapomonaē bichocono wecoyei, yawa wawai xua Jairo pexantiyo petapuaexaetsi.

³⁹ Bapoxonae Jesús joniya botha, yawa tsipaeba barapomonaetha, jeye:

—¿Eta pocotsiwa metha paajumeyaexam, xua yawa pawecoyam? Barapo pexuyo apara jopa tupaeyo, apara maituncua, jei Jesús.

⁴⁰ Ichitha barapomonaē Jesús jume cui caponatsi. Nexata barapo pin bicheito Jesús pe-sato beitaeweya. Meisa saya Jesús baru joniya coxiyan, coxiwano ichaxota Jairo pexantiyo tatsi petupaeyo tabocatsi. Matautano Jesús pijimonaē baru joniya poyobe acoiibi poyobe.

⁴¹ Barapowayo Jesús cobe pita, yawa jeye:

—Talita, cum, jeichichi (xua apara jeichi: “Yabuyo, asiya uncuare, catsipaebatsi”, jei Jesús.)

⁴² Barapoxonae barapowa caena nainya nontapona, powa xua doce po weibe xeina powayo Jairo pexantiyoxae tatsi. Barapowa asiya uncuwa, yawa itacupatsi xua peponaewa. Barapoxonae barapo pin bicheito poxonae baxua Jesús cui tainchi najuntũ coyene cabenaeca.

⁴³ Bapoxonae Jesús jume daunweya itoroba jiwitha xua baxua jopa peyabara paebinxatsi ichamonaetha pocotsiwa Jesús cana exana barapowayotha. Bapoxonae Jesús itoroba xua barapo pexuyo bara peapatsiwa tsainchi pexaewa.

6

Meje yabara poxonae Jesús Nazaret tomaratha popona

(Mt 13.53-58; Lc 4.16-30)

¹ Nexata Jesús Capernaum tomara weya warapa, equeicha caibeya pia tomara beya warapa xua Nazaret tomara beya. Irũrũ Jesús pijimonae puna poinchi.

² Poxonae judiomonae barompaya pia pentaquei seicae matacabi tatsi tsuxubi, barapo matacabiha Jesús tamropata pitaba xua cuiduba judiomonaetha judiomonae pia penacaetutsi botha tatsi. Pinmonae pomonae Jesús jume tayenatsi, barapomonae najuntũ coyene cabenaeca, jeye:

–¿Eta xota metha bapon nacuiduba daxita baxua jane? ¿Jintam metha cata bapontha barapo peyaputae coyene jane, xua daxota bapon pexeinya petsita itutsi coyenewa exana?

³ Aparã bapon pon naepan pematabobin. Bapon apara María pexanto tatsi, apara irũ Santiago pentapin tatsi, irũ José pentapin tatsi, irũ apara Judas pentapin tatsi, irũ Simón pentapin tatsi. Aparã bara irũ pamchowaxi tatsi watomaratha jinompa, jei barapomonae.

Daxota barapomonae jopa xapain Jesús yabara jume cowantsichi.

⁴ Ichitha Jesús jeye barapo jiwitha:

–Daxita jiwi ba barũ cui itura jina pontha pon Nacom peyapusũ itorobi jume pepaebin. Nama pia tomarapiwi tatsi, irũ piamonae tatsi irũ pia bomonae matabũxuyomonaepiwi tatsi, barapomonae ba jopa bapon barũ cui itura jinaetsi, jei Jesús.

⁵ Daxota Jesús jopa itacupatsi xua pexeinya petsita itutsi coyenewan peexanaewa barapo Nazaret tomaratha po tomara pia tomaraxae tatsi. Saya meisa Jesús axaibi exana tscamonaeyo pomonae peatenewi.

⁶ Jesús najuntũ coyene cabenaeca, tsipei barapomonae jopa yatsicaewa jume cowantsichi.

Meje yabara poxonae Jesús pijimonae itoroba xua barapomonae peyabara cueicuei-jeinexa jiwitha po coyene xua Nacom waba jiwi xua petanaexanaenexatsi pijimonae tatsi
(Mt 10.5-15; Lc 9.1-6)

Daxota Jesús cuidubapona tsiqui tomaraxitha po tomaraxi ena Nazaret tomara pecuariya.

⁷ Jesús waba pijimonae pomonae doce poyobe tatsi. Jesús tamropata pitaba xua tsana itoroba tsiniya tomarantha be dos poyobe tsiniya. Jesús pijimonae cata pia peyapusũ itorobi coyenewa, xua pijimonae tatsi peitawetsinexa caurimonae.

⁸ Jesús pijimonae itoroba, xua pijimonae tatsi jopa pecaponaenexa pocotsiwan xua poxonae namtontha peponaenexa. Itoroba xua saya meisa pecaponaenexa naeton po naeton penacobena bababi naeton. Jopa bewa barapomonae pecaponaenexa cotein, yawa jopa bewa pecaponaenexa pexaewan, yawa jopa bewa pecaponaenexa paratixi.

⁹ Yawa Jesús pijimonae itoroba xua bara nataxu xatabina sapaton, po sapaton pebũxũmbiwan. Mataũtano barapomonae bewa nama xatabina saya be cae camisan. Jopa bewa caponae icha camisan.

¹⁰ Jesús pijimonae barai, jeye:

–Poxonae papatame tomaratha moya bara paenare po botha papatame, xua beya abũ poxonae pawarapaename barapo tomara weya.

¹¹ Icha, icha tomarapiwi jopa paca matenta weyataeya wabiyo, mataũtano icha jopa paca jume naitawatsiyo pocotsiwa papaebame, nexata bapoxonae barapo tomara weya pawarapare. Po tsorobon painya taxutha dubena panataxa wenũmbabare barapo tomaratha. Baxua paexande xua barapomonae peyaputaenexa xua apara barapomonae abe exana paxamtha, jei Jesús.

¹² Bapoxonae Jesús pijimonae tatsi ponarũcupã Jesús pia xainya weya tatsi. Barapomonae cueicuei jiwitha xua bewa pinae jiwi icha juntũ coyene xeinae Nacomtha xua peauraxae xua abe peexanae cuiru coyene exana Nacomtha.

¹³ Barichino barapomonae taitaweta cauri pomonae cauri xeina. Mataũtano barapomonae caxueba penasiwatha pomonaetha pomonae peatenewi. Bapoxonae barapomonae axaibi exana pinmonae pomonae peatenewi.

*Meje yabara poxonae Juan bexotsi pon Pebautisabin jiwi
(Mt 14.1-12; Lc 9.7-9)*

¹⁴ Herodes pon Galilea nacuapiwi itorobiya pia pepa peewatsinchi bapon jume tane xua juinya jiwi daxita jume tane pocotsiwa Jesús exana. Daxota bapon jeye:

—Juan pon jiwi Pebautisabin pon bequein bayatha tupa, equeicha asu juina. Daxota barapon Jesús xeina barapo peayapusa itorobi coyenewa xua exana pexeinya petsita itubi coyenewan, jei Herodes.

¹⁵ Ichamonae Jesús yabara jeichichi:

—Bapon apara Elías xua equeicha asu, pon bayatha tupa, jei.

Igru ichamonae jeye:

—Bapon apara pon Nacom peitorobi jume pepaebin icha pomonae ichi pomonae Nacom peitorobi jume pepaebiwi pomonae caena bayatha jinompa, jei xua ichamonae paeba.

¹⁶ Poxonae Herodes baxua jume tane, jeye:

—Apara bapon Juan, pon yabara xua bayatha najume carutan xua bapon pewisi ucuibi-watsi. Anoxuae bapon equeicha asu petupae cuiru coyene weya, jei Herodes.

¹⁷ Herodes baxua paeba, tsipei caena bayatha Herodes cui itoroba xua Juan pe-waetabinexatsi, matautano xua pemaxu cabinexatsino matautano xua jiwi pecubi botha peetsinexatsi. Herodes baxua exana tsipei piowa tatsi powa pewan Herodías pia coutha baxua peichichipaexae. Barapowa copiya Felipe xeina pon Herodes peweicho tatsi. Herodes peweicho yacaiba yabyo.

¹⁸ Daxota Juan jiwi pecubi botha etatsi, tsipei Juan Herodes tsipaebatsi, jeichichi: “Nacom pia peitorobi coyenewa jopa copatsiyo xua xeiname bapowa tsipei bapowa eweicho piowa tatsi”, jei Juan.

¹⁹ Daxota bapowa Herodías Juan bichocono casebatsi. Bequein bapowa ichichipa xua Juan pecaenaetaxubi-watsi xua ichamonae pebexubi-watsi tsainchi, ichitha jopa itacupaetsi bapowa.

²⁰ Herodías jopa itacupaetsi xua peexanaewa baxua, tsipei Herodes Juan cunuwatsi. Bapon yaputane xua Juan bara xaniwaicha peexanaein, xuan matautano bara juntu coyene xanepana Nacomtha. Daxota jopa copatsiyo xua Juan bara abe pecana exanaenexa tsainchi. Bequein Herodes yabara nthnthu deideije pocotsiwa Juan pepaebixae, dai-chitha awiya ichichipa pocotsiwa Juan pepaebiwa.

²¹ Ichitha matabi jopa, po matabitha Herodías itacupaetsi xua Juan abe pecana exanaewatsi. Herodes yantacabi jopa, po matabitha caena bayatha Herodes naexana poxonae pexuyo. Barapo matabitha Herodes exana pin penabanaewa. Bapon waba pomonae iru pentacaponae-wi, pomonaetha itoroba xua iru tacanamataxeinatsi icha tomarantha. Iru wabano pomonae soldadomonaewa pia pepa pentacaponae-wi tatsi. Iru wabano pomonae ainya cui penaexanaewa jiwi Galilea nacuatha.

²² Herodías pexantiyo tatsi patopa po tututha ichaxota nabanathopa. Barapowa tsita yaweibuncua xua barapomonae tane. Baxua Herodes ichichi xeica xua bapowa yaweibuncua. Iru pomonae baxota naxayena, ichichi xeica baxua. Bapoxonae Herodes jeye bapowatha.

—Newacare pocotsiwa xua neichichipaewa, bapoxonae cacatsinchi jinya beta neyaweibixae, jei Herodes.

²³ Bapon Herodes yabara tsiwanae muxu dutsiya jeye:

—Bara cacatsinchi pocotsiwa xua newacame. Metha bequein newacaetsipame xua tanacua epa toyatsipan baraxua bara cacatsinchi, jei.

²⁴ Barapowa pona xua peyainyabinexa pena, jeye:

—Ena, zeta pocotsiwa metha wacacuaein? jei.

Barapowayo pena jume notatsi, jeye:

—Wacare Juan pentasipa tatsi, pon jiwi Pebautisabin matasipa, jei Herodías.

²⁵ Barapowayo barapoxonae caena nainya pona ichaxota eca Herodes. Jeye bapontha:

—Ichichipan xua nainya anoxuae tanecatsiwam tsane paratontha Juan pentasipa tatsi, pon jiwi Pebautisabin matasipa.

²⁶ Barapoxonae Herodes bichocono nthnthu wecoyeyi. Ichitha tsipei bayatha yabara petsiwanae muxu dutsixae xua bepa pinae catsina pocotsiwa wacaeinchi, matautano tsipei pejume taexaetsi pomonae bayatha waba, daxota Herodes jopa bejume totabiyo pocotsiwa wacatsi.

²⁷ Bapoxonae caena nainya Herodes itoroba soldadomonaepin xua pecarenaenexa tsane paratontha Juan pentasipa tatsi. Bapon pona jiwi pecubi bo beya. Baraxotiya Juan wisi ucuibatsi.

²⁸ Barapo soldadomonaepin matasipa carena paratontha. Bapon cata yabyo. Barapowayo xua pena cata.

²⁹ Pomonae Juan pia pepuna jinompaewichi jume tane xua pinae Juan bexotsi. Barapoxonae barapomonae pona jiwi pecubi bo beya xua Juan pepichinexa tsainchi petupaein, yawano xua peboyaenexa tsainchi ibo wou mathu iya.

*Meje yabara poxonae Jesús apata pexaewa cinco mil pebiwi
(Mt 14.13-21; Lc 9.10-17; Jn 6.1-14)*

³⁰ Barapoxonae pirapae Jesús pia peitorobiwi tatsi, Jesús baru nacaeutatsi. Barapomonae Jesús tsipaebatsi xua daxita pocotsiwan barapomonae peexanaexae, yawano pocotsiwa xua bayatha barapomonae cuiduba.

³¹ Jesús pijimonae tsipaeba, jeye:

—Anetha poinchi, xua wanafina ewatsinexa tsainchi saya caeto ichaxota jiwaibi beya, jei Jesús.

Daxota Jesús baxua paeba, tsipei pinmonae Jesús itata pateibatsi, xua poxonae naepanaya poneiba. Daxota Jesús iru pijimonae tatsi jopa itacupaetsi xua pexaewa tsane.

³² Barapoxonae Jesús, iru pijimonae tatsi compa ponarucupa jeratha ichawatha beya xua ichaxota jiwaibi beya.

³³ Ichitha pin bicheitomonae tane poxonae Jesús iru pijimonae tatsi jeratha pona. Barapo pin bicheitomonae Jesusbaru yaitainchi. Barapo pin bicheitomonae daxita tomaran wecuinaeyiya. Bapoxonae pata ichaxota jiwaibi beya. Barapomonae tsiwanaya patatsi Jesús.

³⁴ Poxonae Jesús jera wenontouna bapoxonae Jesús tane pin bicheito. Jesús yabara najuntu coyene xeina xua barapomonae peyawenaenexatsi. Barapomonae jopa xeinaeyo pon peyawenaen barapomonaetha icha be oveja ichi poxonae jopa xeinaeyo pon peyapu eenaen. Daxota Jesús barapomonaetha cuiduba ainya coyenein.

³⁵ Poxonae tabopiya tsanaichaba Jesús pijimonae itata patatsi, jeye Jestutha:

—Bayatha tabopiya tsanaicha. Xote apara bon ajibi xua ichaxota jiwi jinompa.

³⁶ Barapomonae itorobare ichaxota po bon pipatotha umena yawa ichaxota xua tomaranxitha xua imoxoyo wacuariya xua barapomonae pecomocaewa pexaewa. Tsipei xote pexaewa ajibi, jei pijimonae tatsi.

³⁷ Ichitha Jesús pijimonae barai, jeye:

—Paxam jame moya paapare pexaewa, jei.

Barapomonae jeye:

—¿Xam ichichipame xua pata upain comocaewa tsane barapo bicheitomonae ainya panmonaein xua pata comocaenexa doscientos po paratiximonaebetha pocotsi paratiximonaebe xeineiba pomonae nacuiteiba doscientos matabibetha? jei barapomonae.

³⁸ Jesús barai pijimonae, jeye:

—Pan ¿eta xoyobe paxeiname? Incane matha pataema, jei.

Poxonae barapomonae yaputane jeye Jestutha:

—Cinco po panyobe, yawa dos poyobe duweiyobe, jei barapomonae.

³⁹ Jesús pijimonae najume caruta xua bepa daxita barapo bicheito iratha taenaetsei naepanaewatha xua pepa bicheiton tsana naexana tsiniya.

⁴⁰ Barapo pin bicheito pepa bicheito naexana tsiniya. Icha bicheito cien poyobe tsiniya. Icha bicheito cincuenta poyobe tsiniya.

⁴¹ Barapoxonae Jesús pecobetha pita pan cinco po panyobe. Yawa pita duweiyobe xua dos poyobe. Bapoxonae Jesús peitaboco benecoicha, Nacomtha tsipaeba jeye: “Axa maisa juntu coyene weiweinan, xua pexaewa pata tanecatsiwaxaem”, jei Jesús. Barapoxonae Jesús epa janaxuba pan. Jesús pijimonae cata barapo pan, xua pijimonae tatsi xuya pecatsibaponaenexa barapo pin bicheitotha. Barichi Jesús duweiyobe epa janaxubabe. Bapoxonae apata barapo pin bicheitotha.

⁴² Barapo pin bicheito bara daxita nabane. Bara jain cowuntarucupatsi.

⁴³ Barapoxonae Jesús pijimonae tatsi doce po cotebe wamba xua nacopaba xua bayatha barapo jiwi jopa xaeyo petonsanaexae.

⁴⁴ Pomonae xua barapo pan pexaexae barapomonae cinco mil pebiwimonae.

*Meje yabara poxonae Jesús mene matatsun jumatha pona
(Mt 14.22-27; Jn 6.16-21)*

⁴⁵ Pirapae Jesús pijimonae itoroba xua peponaenexa jeratha, xua icha muxunene beya. Barapomonae Jesús tsiwana payatsi Betsaida tomara beya. Barapoxonae Jesús napeyaba barapo pin bicheito.

⁴⁶ Poxonae Jesús napeyaba barapo pin bicheito, bapoxonae Jesús pona demxuwatheicha xua petsipaebinexa Nacomtha.

⁴⁷ Poxonae bayatha quirei tsanaicha, bapoxonae Jesús pijimonae tatsi iru jeratha tuwatha yanapona. Jesús iru compa pecaetha popona.

⁴⁸ Jesús tane xua barapomonaē bichocono daunweya nowaeta tsipei dawerena bichocono joibo daunwei. Poxonaē mataq̄ueiw̄naeyo tsoxonaē, Jesús pijimonaē imoxoyo caquita pona. Bapon mene matatsun jumatha pona. Jesús juntucuru xenta iya barapomonaē.

⁴⁹ Poxonaē Jesús pijimonaē tainchi xua mene matatsun jumatha pona, barapomonaē itaraerowiya nanta xeina, xua Jesús itara mexeya dowatsiwejei. Yawa barapomonaē wawai.

⁵⁰ Daxota barapomonaē bichocono wawai, tsipei daxita barapomonaē tane, yawa bichocono cuitaya junuwa. Ichitha Jesús barai barapomonaē, jeye:

—¡Apara xan! ¡Jopa pajunuwinda! ¡Maisa pajuntu coyene weiweinare! jei Jesús.

⁵¹ Bapoxonaē Jesús jeratha nontabiya barapomonaē pia xantha tatsi. Barapoxonaē joibo caewanaya exana. Barapomonaē bichocono najuntu coyene cabenaeca.

⁵² Barapomonaē baxua exana, tsipei barapomonaē cataunxuae jopa yaputaeyo xua apara Jesús pon Nacom itoroba. Bequein bapon pexeinya petsita itutsi coyenewa exana poxonaē apata pan pin bicheitomonaētha, barapomonaē jopa beyaputaeyo pia juntu coyenewantha.

Meje yabara poxonaē Jesús axaibi exana pomonaē peatenewi, pomonaē Genesaret nacuapiwi

(Mt 14.34-36)

⁵³ Jesús, iru pijimonaē tatsi bara pitapa berubenathopiya xua pucua weya. Genesaret nacuatha pata. Baxota jera quetanota pitapatha.

⁵⁴ Poxonaē Jesús jera wenontouna, bapoxonaē caena nainya pinmonaē Jesús yaitaerucupatsi.

⁵⁵ Bapoxonaē barapo jiwi bara wecuinaeyiya daxita barapo ira weya. Matautano carendena pocotsiwa pemaichiwatha pomonaē atemonaē, Jesús pia xainya betacayiyatsi.

⁵⁶ Daxitantha ichaxota Jesús ponaena, ichaxota bequein tsica tomaraxi, ichaxotano bequein pin tomaran, ichaxotano bequein tomaran cuariya, daxita barapomonaē capona peatenewimonaē. Barapo peatenewimonaē jebatsi namtontha. Barapomonaē Jesús w̄ucatsi xua Jesús petajayabinexatsi pia paparuwa peopirato tatsi. Daxita pomonaē Jesús pia paparuwa tajayabatsi daxita barapomonaē axaibi ts̄uruc̄peibi.

7

Meje yabara poxonaē Jesús yabara paeba xua pebin abe peexanaē cuiru coyene juntu webocatsi

(Mt 15.1-20)

¹ Nexata fariseomonaē, iru pomonaē jiwi pecuidubiwi Moisés pia peitorobi coyene tatsi xua pomonaē Jerusalén tomara werendena, daxita barapomonaē Jesús imoxoyo caquita poinchi.

² Barapomonaē tane xua Jesús pijimonaē tatsi jiwana najuntu coyene taxoba xuano xua daxota Nacom tsita natsicuentatsi abe peexanaexae poxoru jopa matha nacobe quiatsiyo poxonaē xane. Daxota barapomonaē nanta xeina xua Jesús pijimonaē tatsi pomonaē peant̄c̄uiruyapube jiwi.

³ (Barapomonaē aichaxaibi xua Jesús pijimonaē tatsi jopa matha nacobe quiatsiyo poxonaē xane, tsipei fariseomonaē iru daxita judiomonaē jopa daichiyi. Barapomonaē pia cui xeina xua jopa xaibiyo poxonaē jopa matha tsiwanaya daunweya nacobe quiateibiyo. Barapomonaē barapo cui coyene exana xua po cui coyene pia pamo susato jiwi tatsi copiya cananta forota.)

⁴ Poxonaē barapomonaē caibe nawibeibarena ichaxota po bon xua pexaewa pecaenaet-siwan weya, bapoxonaē copiya tsiwanaya merantha naperu tsicababeiba xua poxonaē xane. Barichi barapomonaē icha coyeneinno exanapona xua peitorobi coyenewantha itoroba xua poxonaē corotixi itapa quiata, yawano corotonno xua caseta itapa quiata yawano paraton po paraton pecaxae paraton itapa quiata yawa caman.)

⁵ Bapoxonaē fariseomonaē, iru pomonaē jiwi pecuidubiwi Moisés pia peitorobi coyene tatsi, jeye Jestuḥa:

—¿Eta xua metha jinya jiwimonaē jopa exanaeyo xua pocotsiwa wamo susato jiwi pia peitorobi cui coyenewatha itoroba xua penajuntu coyene taxobiyainwa? Jinyamonaē barapo cui jopa exanaeyo xua jopa matha tsiwanaya nacobe quiateibiyo poxonaē beya xaiba. Daxota jinyamonaē pomonaē peant̄c̄uiruyapube jiwi xua penajuntu coyene taxobixae, jei barapomonaē.

⁶ Jesús jume nota barapomonaē, jeye:

—Bara Isaías pon Nacom peitorobi jume pepaebin beta xaniwaicha paca yabara paeba xua paxam pomonae itara mexeya xanepanaeya pepaebi jiwi pam, daichitha apara abeya peexanae jiwi pam. Bapon paca yabara tinaeya jeye, xua Nacom paeba:

'Barapomonae neyabara baru cui itura jina poxonae cueicueijeji tsaibi, ichitha pejuntu coyenewantha jopa neantobeyo.

⁷ Pocotsiwa poxonae barapomonae wanae nejainta saya pejume pawí.

Po pecuidubiwa xua barapomonae cuiduba jiwitha saya apara jiwi pia peitorobi coyenewa tatsi', jei Nacom xua Isaías tatina Nacom, jei Jesús.

⁸ Equeicha Jesús jeye barapo fariseomonaetha iru pomonaetha pomonae pecuidubiwi Moisés pia peitorobi coyene tatsi:

—Saya paxam panaitematame pocotsiwa Nacom pia peitorobi coyenewa tatsi painya exanaenexa po peitorobi coyenewa painya amo susato jiwi copiya canamata forota. Paxam baxua paexaname poxonae jiwi paitorobame xua jiwi matha penacobe quiateibinexa poxonae xaiba penajuntu coyene taxobiyainwa, jei Jesús.

⁹ Equeicha Jesús barapomonaetha jeye:

—Itapetsiya painya neexanaenexa pocotsiwa painya amo susato jiwi pia peitorobi coyenewatha itoroba, daxota bichoina pajume itawetame Nacom pia peitorobi coyenewa tatsi.

¹⁰ Bayatha Moisés pia peitorobi coyenewatha itoroba, jeye: 'Axa baru cui itura jinare, iru ena baru cui itura jinare', jei. Equeicha bapon Moisés jeye: 'Pon abe yabara paeba paxa, xua jopa peyawenaewa paxa ichacuitha tsipae xua penatha, bara bapon bewa tupaena', jei Moisés.

¹¹ Ichitha paxam papaebame, xua pinae pebin bara itacupatsi xua paxatha tsipaeba, ichacuitha xua penatha xua jeye: 'Jopa neitacupaeyo xua tapaca cayawenaewatsi, tsipei daxita pocotsiwa xeinan xua bequein pocotsiwatha tapaca cayawenaewatsi tsainchi baxuan daxita Nacomtha catan', xua jei pebin.

¹² Poxonae peburaya payabara nanta xeiname xua bapon baxua paeba, bapoxonae bara pacopatame xua barapo pebin jopa penantawenonaewa xua peyawenaewa paxatha, iruru xua penatha.

¹³ Poxonae paexanaponame pocotsiwa painya amo susato jiwi pia peitorobi coyenewatha itoroba, xuano xua ichamonae pacana exaname xua baxua iru exana bapoxonae paxam Nacom pia peitorobi jume pecui pawí jume pacana exaname. Barichi ichawanno xua be jupa xua peabe coyenein paexanameno, jei Jesús.

¹⁴ Equeicha Jesús waba barapo bicheito pia xainya berena, jeye:

—Daxita paxam pana nejume taema yawa pana nejume copi yaputaema pocotsiwa paca tsipaebinchi.

¹⁵ Pocotsiwa ba pebin pecoiboto deca tsijain jojonecatsi pexaewan, barapo coyene apara ba jopa bapana pebin antacuiruyapube exanaetsi xua poxonae pocotsiwa peexanaexae. Jame pocotsiwa ba pebin nanta xeina xua pecoibototha caunuta xua peabe jume, barapo jume coyenewatha jame pebin antacuiruyapube exanatsi xua poxonae pecueicueijeixae baxua.

¹⁶ Icha pamuxu dubename, moya pana nejume naitaeware pocotsiwa tapaca tsipaebiwatsi, jei Jesús.

¹⁷ Poxonae Jesús jiwi cuenta pona yawa bo bejoniya, bapoxonae Jesús pijimonae yabara yainyabatsi barapo pecayabara juta pepaebi diwesiyo.

¹⁸⁻¹⁹ Jesús jume nota pijimonae jeye:

—¡Paxam bara paichim icha fariseomonaetha ichi! Jopa payabara yaputaem barapo pecayabara juta pepaebi diwesiyo xua pexaewa yabara. Bayatha paxam payaputaneme pocotsiwa pebin tsijain jojonecatsi pexaewa pecoiboto deca, barapo pexaewa jopa abe cana exanaeyo pebin pia juntu coyenewa. Barapo pexaewa pebin jopa antacuiruyapube exanaetsi. Barapo pexaewa jopa ponaeyo pia juntu coyenewatha. Jame barapo pexaewa pecontsorotha pona. Bapoxonae pexaewa aichurucuae nawexacaeca, jei Jesús.

Poxonae Jesús baxua paeba jiwi yaputane xua daxita pexaewan bara wanae pexaenexa. Jopa jiwi antacuiruyapube exanaetsi.

²⁰ Equeicha Jesús namchi, jeye:

—Pocotsiwa pebin pecoibototha caunuta xua peabe jume, barapo jume coyenewatha jame pebin antacuiruyapube exanatsi.

21-22 Tsipei pejuntu coyenewatha pebin nanta xeina, xua meje bapocotsiwanje: Abe penanta xeinae coyenewa, iru peita coxanae coyenewatsi coyenewa xua poxonae penayaputae jiwi naperu nacoyaba, iru ichun piawa tatsi pecaibi coyenewa, iru ichun anaya pebexotsi coyenewa, iru ichun piseuri tatsi pepichi coyenewa, iru ichun piawa tatsi peichichipae coyenewa, iru abe peexanae coyenewa, iru ichun pemuxitorobiwatsi coyenewa, iru peyuyujei coyenewa, iru peuwi coyenewa, iru ichun peyabara naerabiwatsi coyenewa, iru ichamonae peaeabi coyenewatsi, iru jopa xainyeya peexanae coyenewa poxonae bequein yaputaetha xua jopa bewa exanae.

23 Daxita barapo coyenein pejuntu coyene weya jume pichapa. Barapo jume coyeneintha pebin antacuiruyapube exanatsi, jei Jesús.

Meje yabara poxonae yabayo powayo penanapaincha poponaewayo Jesús jume cowantatsi

(Mt 15.21-28)

24 Bapoxonae Jesús bara weya pona. Tiro tomara beya pona. Sidón tomara beya ponano. Jesús botha joniya. Bequein Jesús aixaxaibi xua jiwi yaputane ichaxota bapon eca, ichitha Jesús jopa itacupaetsi xua nameicha eca.

25 Barapoxonae caena nainya petsiriwa jume tane xua Jesús botha eca. Barapowa pexantiyo tatsi cauri xeina. Daxota barapo petsiriwa patopa Jesustha. Yawa pentabocototha uncua Jesús peitabaratha tatsi xua bapowa petsita ainya cuixaetsi.

26 Barapowa penanapaincha poponaewayo pecueicueixae griegojume. Jopa judiomonaе jitowayiyu. Bapowa sirofeniciamonaewayo naexana penaexanaexae Fenicia tomaratha xua Siria nacuatha. Barapowa Jesús wucatsi jeye:

—Taxantiyo inta taitawere cauri, jei barapowa.

27 Ichitha Jesús jume nota barapowatha pecayabara juta pepaebi diwesiyotha, jeye:

—Jopa bewa ba auri apatsi pexaewa pocotsiwa pexui pia pexaewa tatsi. Baxua caunutsiya apara yabara paeбан xua jopa bewa catsin tsane pomonaetha pomonaе penanapaincha jinompaewi pomonaе jopa judiomonaе naexanaeyo xua pocotsiwa barompaya judiomonaе piawa tatsi. Daxota jopa wunaeyo xua cayawenatsi, jei Jesús.

28 Barapowa jume nota Jesustha pecayabara juta pepaebi diwesiyotha, jeye:

—Aa, bara barichi xuaunxuae netsipaebame ponxaem Tanecanamataxeinaem. Xainyei paebame. Jopa ba bewa auri catsibi pexui pia pexaewa tatsi. Daichitha auri ba xane pocotsiwa pexui sorobaba barapo peruwixi pocotsiwa pexaethopaewa pebuxapana tsica othoepica. Bara jutiya ichiya necana ichinde, daichitha neyawende, jei bapowa.

29 Barapoxonae Jesús barai barapowatha, jeye:

—Bara xaniwaicha paebame daxota cayawenatsi. Moya bara bara beya ponare. Bara bayatha nexantiyo wepu poinchi cauri, jei Jesús.

30 Poxonae barapowa patopa pia botha, pexantiyo taebota xua camatha junteма boca. Matautano tane xua bapowayo bayatha wepu poinchi cauri.

Meje yabara poxonae Jesús axaibi exana pon pemuxusipanaein

31 Bapoxonae Jesús Tiro tomara weya pona, xua caibeya pona, ichaxota Sidón tomara iya pona. Matautano ichaxota diez po tomanranbe iya pona po tomanran pewun Decápolis. Bapoxonae Galilea pucuatha patopa.

32 Baraxotiya Jesús pia xainya berena tacapoinchi pebin pon muxusipana, matautano xua jopa itacupaetsi xua pecueicueijiwa. Pomonaе pecarendenaexae bapon, barapomonaе Jesús wucatsi, xua Jesús penta jayabiwa tsane xua bapon axaibi peexanaenexa tsainchi.

33 Barapo pebin Jesús aisowa bebaru poinya pin bicheito pia xainya weya tatsi. Jesús pecobesitobetha nantiyabe muxu yauxatata. Poxonae naone sutaba peone pecobetha bapoxonae barapo cobetha ebato jayaba bapontha.

34 Bapoxonae Jesús peitaboco benecoicha, yawa najumei cajujuina, yawano jeino bapontha: “¡Efa!” jeichichi, (xua jeichichi: “¡Muxu nasabare!” jeichichi.)

35 Bapoxonae caena nainya bapon muxu nasaba nantiyabe. Matautano bara ebato xanepana. Matautano bara itacupaetsi xua pecueicueijiwa beta.

36 Bapoxonae Jesús barai barapomonaе, jeye: “Jopa ichamonaetha pana neyabara paebinde pocotsiwa exanan”, jei Jesús. Bequein Jesús matowa tsipaeba baxua, daichitha barapomonaе awiwa baxua yabara paebeiba ichamonaetha beyacaincha xua Jesús jume matawenta.

37 Barapomonaе najuntu coyene cabenaeca, yawa jeino: “¡Maisa barapon bichocono daxita coyeneya xanepana exana! Pomonaе pemuxusipanaewi equeicha beta jume tane, yawa bara cueicueiji”, jei barapomonaе.

8

*Meje yabara poxonae Jesús pexaewa apata cuatro mil pebiwi
(Mt 15.32-39)*

¹ Bapoxonae icha matabitha pinmonae nacaetuta Jesús pia xantha tatsi. Jopa xeinaeyo pocotsiwa xua pexaewa tsane. Bapoxonae Jesús waba pijimonae, yawa jeye:

² –Barapomonae yabara najuntu coyene xeinan tayawenaenexa, tsipei barapomonae bayatha xote nebaru jinompa acoibi po matabibbe. Anoxuae jopa xeinaeyo xua pocotsiwa pexaewa tsane.

³ Icha barapomonae jainbotha pu itorobichipan pia bon beya, piyain namtotha xuirabathopaetsipa. Metha xuirabathopaetsipa tsipei ichamonae bayatha taju werenena, jei Jesús.

⁴ Jesús pijimonae jume notatsi, jeye:

–Paxan jopa pana itacupaeyo xua barapomonae pexaewa pata apatsiwa, tsipei xote jiwaibi xua pata comocaenexa pexaewa, jei Jesús pijimonae tatsi.

⁵ Jesús yainyaba pijimonae, jeye:

–¿Eta po panyobe paxeiname? jei.

Jesús jume notatsi pijimonae, jeye:

–Siete po panyobe paxeinan, jei.

⁶ Nexata Jesús pijimonae najume caruta xua bepa pinae barapo jiwi iratha taenaetsei. Jesús pecobetha pita barapo siete panyobe. Bapoxonae Nacomtha tsipaeba jeye: “Axa, maisa juntu coyene weiweinan xua pexaewa pata tanecatsiwaxaem”, jei Jesús. Bapoxonae Jesús pan epa janaquiya nacobe weta. Bapoxonae Jesús pijimonae catsibapona, xua pijimonae tatsi xuya pecatsibaponaenexa barapo bicheitha.

⁷ Barichino barapomonae be conotha xeina duweixi poxi tsiquirixi. Jesús Paxa tsipaeba jeye: “Axa, maisa juntu coyene weiweinan xua pata tanecatsiwaxaem duweixi”, jei Jesús. Poxonae Jesús epa janaca, bapoxonae pijimonae cobe itoroba xua pecatsibaponaenexa barapo bicheitha.

⁸ Daxita barapomonae bara xane. Daxita bara jain cowuntarucupatsi. Pirapae awiyya equeicha wamba siete po cotebe xua nacopaba pocotsiwa xua barapomonae bayatha jopa xaeyo petonsanaexae.

⁹⁻¹⁰ Pomonae nabane pexaewa, barapomonae cuatro mil pebiwi. Bapoxonae Jesús pu itoroba barapomonae, xua penawibiyaenexa pia tomaran beya. Bapoxonae caena nainya Jesús, iru pijimonae tatsi, jeratha nonobabiya pewarapaenexa Dalmanuta nacua beya.

*Meje yabara poxonae fariseomonae Jesús cui itorobatsi xua peexanaewa tsane pexeinya
petsita itatsi coyenewa
(Mt 16.1-4; Lc 12.54-56)*

¹¹ Bapoxonae fariseomonae pata Jesustha. Barapomonae tamropata notarucupa xua najume matsontsonoba exana Jesustha. Barapomonae Jesús pejuntu coyene jujatsinexatsi, daxota Jesús piraichi cui itorobatsi pia petsita itatsi coyenewa pocotsi coyenewa xua cana exana itaboco wetsica. Barapomonae jopa bapon jume cowuntsichi icha jopa itacupaetsi xua exana petsita itatsi coyenewa.

¹² Jesús najumeicauna pejuntu coyene weya poxoru barapomonae bapon amuxucoyene-faetabi exanatsi. Bapoxonae jeye:

–¿Eta pocotsiwa metha barapomonae tapexeinya tsita itatsi coyenewa necui itoroba jane? Bara xainyeya paca tsipaebatsi jopa bapana beexanaeinyo baxua, xua barapomonae necui itoroba, jei Jesús.

¹³ Bapoxonae Jesús cuenta pona barapomonae jeratha, peponaenexa icha muxunene beya xua pucua iya.

*Meje yabara poxonae Jesús pijimonae yabara yaputane exana pocotsiwa pan cotowa
exana
(Mt 16.5-12)*

¹⁴ Jesús pijimonae tatsi junteina xua capona pan. Meisa cae pan capona jeratha, po nae pin naetha.

¹⁵ Jesús itoroba pijimonae, jeye:

–Dota pam, jopa pajume naitaewatsinde fariseomonae pia pecuidubi coyenewa tatsi xua painya nejume cowuntsiyainwa. Matautano dota pam, xua Herodes pia pecuidubi coyenewa tatsi xua painya nejume cowuntsiyainwa. Barapo pecuidubi coyenewan jiwi ichawa beya ajuntucicoyeneyapube cana exanapoinchi icha be pocotsi coyene ichi xua levadura matawan xua pan cocotowa exanapona beya poxonae pin pan, jei Jesús.

¹⁶ Jesús pijimonaē tatsi tamropata notaracupa xua caemonaē natsipaēba, najei: “Metha apara poxoru jantemainsi xua caponatsi po pan xua levadura cotowa exana, daxota metha baxua Jesús juntu coniquiya naca muxu tsipaēba”, najei barapomonaē.

¹⁷ Jesús yaputane pocotsiwa pijimonaē tatsi natsipaēba. Ichitha poxoru Jesús yabara paēba xua fariseomonaē irū Herodes pia pecuidubiwān tatsi daxota Jesús yainyaba piamonaē:

—¿Eta xua metha pana natsipaēbame xua jopa painya necaponaēxae pan? Baxua pa-paēbame apara poxoru jopa pana nejume yabara cowantsim pocotsiwa paca cuidubatsi. Cataunxuae jopa pana necui yabara yapuraem poxoru jopa paichichipaem xua painya neyaputaewa tsane painya juntu coyeneintha.

¹⁸ Paxam bequein pana necui taneme, ichitha jopa xaniwaicha pana necui yapuraem. Matautano bequein bara pana nejume taneme ichitha jopa xaniwaicha pana nejume copi yapuraem. Matautano jantemainame poxonaē pexeinya petsita itatsi coyenewa exanan jiwi nexa poxonaē pan catan jiwitha.

¹⁹ Poxonaē janacan pan xua cinco po panbe xua cinco mil pebiwi nexa, ¿eta po cotethabe pawnbaponame xua pocotsiwa nacopaba? jei Jesús.

Barapomonaē Jesús jume notatsi, jeye:

—Doce po cotebe apara, jei Jesús pijimonaē tatsi.

²⁰ —Poxonaē janacan pan xua siete po panbe xua cuatro mil jiwi nexa, ¿eta po cotethabe pawnbaponame xua pocotsiwa nacopaba? jei Jesús.

Barapomonaē Jesús jume notatsi jeye:

—Siete po cotebe apara, jei Jesús pijimonaē tatsi.

²¹ Nexata Jesús pijimonaē barai xua muxu jei:

—Metha matapainya payaputaenama xua apara jopa yabara paca tsipaēbichi pan. Apara jame paca tsipaēbatsi xua jopa bewa pajume cowantsim tsane fariseomonaē irū Herodes pia pecuidubiwān tatsi, jei Jesús.

Meje yabara poxonaē Jesús itacuere wanaeta pon peitata nacatsin Betsaida tomaratha

²² Jesús pijimonaē baru botouna jeratha Betsaida tomaratha. Barapo tomarapiwi jiwana carendena pon peitata nacatsin, Jesús pia xantha tatsi. Barapomonaē Jesús wucatsi, xua bapon pemata jayabinexatsi xuano xua axaibi peexanaenexatsi.

²³ Jesús cobe pita pon peitata nacatsin. Bapon cobe capoinchi aisowa beya xua tomara weya. Jayaxonaē Jesús naone sutaba bapon peitamaiqueitobetha, itacuere jayabano. Jesús bapon yainyaba jeye:

—¿Bara caitacupa xua netaewa? jei Jesús.

²⁴ Bapon necotaxuba, bapoxonaē Jesús jume notatsi, jeye:

—Pebiwi tan, daichitha itanonojan. Jiwi saya be naewān jinompa, jei bapon.

²⁵ Equeicha Jesús pecobetha itamaiquei jayaba nantiyabe. Barapo pebin daunweya naitata babatsiya tane. Bapoxonaē itamaiquei xanepana. Bapon bara beta matapainya wunae tane.

²⁶ Jesús itorobiya jeye bapon xua penawiyaenexa pia bo beya:

—Jopa tomaratha ponaeinde xua jopa baxua taneyabara cueicueijeinexa jiwitha, jei Jesús.

Meje yabara poxonaē Pedro namchi Jesustha jeye: “Xam apara Mesías pon Nacom caitorobica”, jei

(Mt 16.13-20; Lc 9.18-21)

²⁷ Bapoxonaē Jesús, irū pijimonaē tatsi pata tsiqui tomaraxitha, po tomaraxi pewān Cesarea de Filipo. Poxonaē namtotha cataunxuae enapona, bapoxonaē Jesús pijimonaē yainyaba, jeye:

—¿Eta jiwi neyabara jei po coyene xua xan bapon aparān? jei Jesús.

²⁸ Barapomonaē Jesús jume notatsi, jeye:

—Ichamonaē cayabara jei: ‘Apara bapon Juan, pon jiwi Pebautisabin pon equeicha petupaēin asu juina’, jei. Irū ichamonaē cayabara jei: ‘Apara bapon Elías, pon equeicha petupaēin asu juina’, jei. Iruru ichamonaē cayabara jei: ‘Apara bapon jiwana, pomonaē Nacom peitorobi jume pepaēbiwi’, jei, jei Jesús pijimonaē tatsi.

²⁹ Bapoxonaē Jesús pijimonaē yainyaba, jeye:

—¿Incane irū paxamdu? ¿Eta paneyabara jumichimdu xua xan eta pondun? jei Jesús.

Bapoxonaē Pedro, Jesús jume notatsi, jeye:

—Xam apara Mesías, pon Nacom caitorobica, jei Pedro.

³⁰ Jesús pijimonaē muxu barai xua pijimonaē jopa peyabara paēbinexatsi ichamonaētha baxua.

Meje yabara poxonae Jesús nayabara diwesi paeba po coyene xua petapaewa tsane (Mt 16.21-28; Lc 9.22-27)

³¹ Bapoxonae Jesús tamropata pitaba xua pijimonae tsipaeba pocotsi coyene xua Jesús cana exanaeinchi ichamonae, Jesús jeye: “Xan ponxaein Nacom Tananeitapetsin jiwi bichocono neperaxa jubina. Matautano pitiri jiwi, iruru sacerdotemonae pia pentacaponae wi tatsi, iruru pomonae jiwi pecuidubiwi Moisés pia peitorobi coyene tatsi, daxita barapomonae neitawetsina. Matautano barapomonae nebexubina. Ichitha equeicha asu poponaein poxonae acoibi po matakabiyobe tsuxubi tsane”, jei Jesús.

³² Baxua Jesús pijimonae wunaeya muxu tsipaeba xua barapomonae bara xaniwaicha peyaputaenexa. Bapoxonae Pedro, Jesús compa aisowa bebaru poinyatsi, Pedro Jesús jume daunweya tsipaebatsi xua Jesús jopa pepaebinexa baxua.

³³ Jesús pijimonae napatomeicha necota. Bapoxonae jume daunweya jeye Pedrotha:

—Xam be pon caurimonae pia pentacaponaein tatsim! Bara newepu ponare, tsipei xam jopa beta nanta xeinaem icha be jopa Nacom ichim poxonae xua beta nanta xeina. Saya xam nanta xeiname icha jiwi ichi poxonae nanta xeina, jei Jesús.

³⁴ Bapoxonae Jesús waba pin bicheito, matautano wabano pijimonae, yawa jeye daxita barapomonaetha:

—Icha pebin ichichipa xua tajiwiwimonae jiwanapin penaexanaewa tsane, bewa bapon yabara naitematsi pocotsiwa xua bapon ichichipa pia peexanae coyenewan tatsi. Bapoxonae jame bapon bewa eexanaponae pocotsiwa itoroban, bequein bara bapon bexotsi ichamonae, tajiwiwimonae jitonxae.

³⁵ Pon naantobeya nata exana pocotsiwa bapon ichichipa, bapon jopa xeinaeyo peajuntayapusawa, po peajuntayapusawa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan tana neantobexae xuano xua pecueicueijeixae Nacom Pejume Diwesi, bapon xeinaena peajuntayapusawa, po peajuntayapusawa ataya tsiteca xua Nacom pia nacua beicha.

³⁶ Icha pebin bichocono copei xeina pocotsiwa xeina po cae pin nacuathe, ichitha jopa xeinaeyo peajuntacoyenesawa po peajuntacoyenesawa ataya tsiteca, bapoxonae bapon jopa itacupaetsi xua penajuntu coyene capanapaewa xua peweraweracaewa tsane.

³⁷ Tsipei pebin jopa itacupaetsi xua barapo copeitha Nacom pematomatsiwatsi, xua bapon pecatsinexa tsainchi peajuntacoyenesawa xua barapoxonae pepatopaewa tsane Nacom pia nacua beicha tatsi.

³⁸ Icha ichun neacaura, yawa nejume diwesi acaurano jiwi peitabaratha tatsi, pomonaetha pomonae jopa tana nejume cowantsi jiwi, pomonaethano pomonae bichocono abe peexanaewi, xan xuya barichin tsane. Xan ponxaein Nacom Tananeitapetsin, bapon xuya acauran tsane. Baxua exanaein poxonae patopaetsicaein be jiwi pia Pecanamataxeinaein tatsi yaitupanae susato patopaetsicaein. Taxa pia peitupanaewa tatsi yawa patopeicaein. Matautano Taxa pia matatsunpiwi tatsi nebaru patsicaena, jei Jesús.

9

¹ Barichino Jesús jeye:

—Bara xaniwaicha paca tsipaebatsi xua pomonae xote umene barapomonae jiwana abu copiya matha yabara yaputaena xua po coyene Nacom waba jiwi xua petanaexanaenexatsi piamonae pomonae itorobiya taewetsixae taayapusawatha. Bapoxonae barapomonae werapaena, jei Jesús.

Meje yabara poxonae Jesús pijimonae peitutha pexeinya itupanae coicha tsanaya naexana (Mt 17.1-13; Lc 9.28-36)

² Poxonae seis po matakabibe jopa, xua Jesús paeba baxua bapoxonae pirapae Jesús baru pona Pedro, iru Santiago iru Juan. Barapoyobe Jesús compa baru pona demxuwatheicha po demxua bichocono taucha. Baxoteicha barapoyobe peitutha tatsi, Jesús pexeinya itupanae coicha tsanaya.

³ Pocotsiwa Jesús pia penama xatatsiwa bichocono daedaena, yawa bichocono inyapana, beyacaincha poxonae jiwi bichocono paparuwa matanaca xua inyapana exana.

⁴ Bapoxonae Pedro, iru Santiago iru Juan Elias taerucupatsi, iru Moisés ponbe caena bayatha naxubabe. Baponbe Jesús baru cueicueijeichibe.

⁵ Bapoxonae Pedro namchi, jeye Jestutha:

—Pon jiwi Necuidubim maisa wuna xua xote pata umenaewa. Pacata acabinchi acoibi po boutiyobe, cae bouto xam nexa, icha bouto Moisés nexa, icha bouto Elias nexa, jei Pedro.

⁶ Pedro baxua paeba, bequein jopa yaputaeyo pocotsiwa yabara cueicueijeji, tsipei poxoru saya barapomonae bichocono pijunuwi.

⁷ Bapoxonae daxita barapomonae pia xainya bematawacaicha taruneicatsi tsaquinae-bowa. Barapo tsaquinaebowatha pejume jume tane, xua Nacom Jesús yabara cueicuei-jeichi, jeye: “Bapon apara Taxanto pon bichocono antobein pon itapetan. Bapon beta pajume taema pocotsiwa paca tsipaeba”, jei Nacom.

⁸ Barapoxonae caena nainya poxonae necobaracupa barapomonae, baponbe jopa taetsi, meisa saya Jesús compa uncu.

⁹ Poxonae Jesús pijimonae baru juinca demxuwa wetsica, bapoxonae Jesús tsipaeba barapo acoibi poyobe, jeye: “Ichamonaetha jopa yabara patsipaebinde pocotsiwa xuaunx-uae pataneme xua tapaca catsita exanaewatsi. Jopa payabara paebinde beya abu poxonae equeicha asun poponaein tatupae coyene weya, xan ponxaein Nacom Tananeitapetsin”, jei Jesús.

¹⁰ Daxota barapoyobe jopa yabara paebiyo ichamonaetha xua tane. Saya barapoyobe pia coutha namicha natsipaebabe najeibe: “¿Eta xua metha baraxuara xua Jesús paeba xua pinae petupae coyene weya asu tsane?” najeibe.

¹¹ Barapoxonae barapo acoibi poyobe Jesús yainyabatsi, jeibe:

—Pomonae jiwi pecuidubiwi Moisés pia peitorobi coyene tatsi, ¿eta xua metha bapomonae paeba xua pinae bewa copiya patopaena Elías, xua pinae beya poxonae patopaena Mesías? jei barapoyobe.

¹² Jesús barapoyobe jume notatsi, jeye:

—Bara xainyei, Nacom Pejume Diwesitha paeba xua pon be Elías copiya netsiwana patopaena. Matautano paeba xua bapon cana nantu coyene weta exanaena jiwi pia juntu coyenewantha xua jiwi pejume cowantsinexa Nacom. Matautano barapo Nacom Pejume Diwesitha paeba xua xan ponxaein Nacom Tananeitapetsin ichamona neperaxa jubina. Matautano bichocono abeya neyabara paebina.

¹³ Ichitha nama xan paca tsipaebatsi xua pon be Elías bayatha apara patopa. Bapontha abeya cana exanatsi ichamona, ichta be pocotsiwa barapomonae ichichipa xua bapon pecana exanaewatsi. Bayatha baxua Nacom Pejume Diwesitha peyabara tsiwinae muxu dutsixae, jei Jesús.

*Meje yabara poxonae Jesús cauri taitaweta xua pewowin xeina
(Mt 17.14-21; Lc 9.37-43)*

¹⁴ Bapoxonae pirapaeyo barapo acoibi poyobe Jesús baru nawiya ichaxota ichamona pijimonae batsi tajinompatsi. Bapoxonae barapomonae tane xua Jesús pijimonae tatsi pomona baxota petajinompaewixaetsi baru nacaetutatsi pin bicheito. Iru baxota naena pomona jiji pecuidubiwi Moisés pia peitorobi coyene tatsi. Barapo pecuidubiwi Jesús pijimonae tatsi jume matsontsonobatsi.

¹⁵ Barapo pin bicheito najuntu coyene nabenaeca poxonae Jesús taeracupatsi. Bapoxonae barapo pin bicheito caena nainya Jesús pexainya betacuinaeiyatsi xua Jesús peja-cobinexatsi.

¹⁶ Bapoxonae Jesús yainyaba barapo pin bicheito, jeye:

—¿Eta pocotsiwa metha tajiwimonae pajume matsontsonobame? jei Jesús.

¹⁷ Caenin pon uncu baxota, bapon Jesús jume notatsi, jeye:

—Pon jiwi Pecuidubim, xote nexantha cata caponatsi taxanto. Bapon taxanto cauri xeina, xua daxota inta muxusipana exanatsi.

¹⁸ Poxonae taxanto taibatsi cauri, inta iratha bebai tsabichi. Bapoxonae inta coibo thamthamei exaneibatsi. Matautano inta nawano xane exanatsi. Daxota inta cuenecuenona. Bequein wacan jinyamonae, janje: ‘Painta taxanto taitawere cauri’, jan, daichitha jopa itacupaetsi xua inta taxanto petaitawetsinexatsi cauri, jei bapon.

¹⁹ Bapoxonae Jesús anaya barai pijimonae, jeye:

—¡Paxam barapomonae pam, pomona jopa xapain cataunxuae pana nejume cowuntsim! ¿Eta po weibe nantawenonan xua bewa tapaca baru ecaewatsi tsainchi xua beya poxonae tapana nejume cowuntsiwam tsane? Matautano ¿eta po weibe equeicha nantawenonan xua tapaca cayawenaewatsi tsainchi? Pon cauri xeina painta baru awena, jei Jesús.

²⁰ Bapoxonae Jesús pexantha tacapoinchi barapo pewowin. Poxonae Jesús tainchi cauri, bapoxonae pewowin naichababa exanatsi. Barapo pewowin bapoxonae iratha xotsi. Yawa iratha natorenababa exanatsi. Yawa coibo thamthamei exanatsi.

²¹ Pexuyo paxa tatsi, Jesús yainyaba, jeye:

—¿Eta po weiyobe barapo pewowin xeina baxua xua cauri xeina? jei.

Barapon Jesús jume notatsi, jeye:

—Caena bayatha baxua xeina poxonae pexuyo tsecae.

²² Matowa cauri inta taxanto isototha bebai tsaibichi. Matautano inta mentha bebai tsaibichi pebexubinexatsi. Icha caitaçupa xua neexanaewa tsane baxua, pana yabara najanta coyene xeinare jinya tapanā neyawenaenexam tsane, jei pexuyo paxa tatsi.

²³ Jesús jume nota bapon, jeye:

—¿Eta pocotsiwa metha barapo jumetha netsipaebame xua tana neitacupaewa yabara? Tsipei ponba jume cowanta bara Nacom yawena xua peitacupaewatsi xua daxitantha beta cana exana, jei Jesús.

²⁴ Bapoxonae pexuyo paxa tatsi jume daunweya wawaya jeye:

—Bara cajume cowantatsi. Neyawende xua equeicha bichocono matowa tacajume cowantsinexa tsainchi, jei pexuyo paxa tatsi.

²⁵ Poxonae Jesús tane xua pin bicheito imoxoyo nacaetutapona, bapoxonae Jesús itaweta cauri, jeye:

—Xam caurim pom muxusipana exaname jiwi, bara caitawetatsi. Bara xubiriware barapo pewowin. Equeicha bapana jopa caewa patopaeinde bapontha, jei Jesús.

²⁶ Bapoxonae cauri pewowin papai exanatsi. Yawano naichababa exanatsi. Barapo cauri pewowin cuenta poinchi, barapoxonae barapo pewowin be petupaeyo boca iratha. Daxota daxita barapo pin bicheito paeba xua pinae barapo pewowin apara tupa.

²⁷ Barapo pewowin Jesús cobe pita, yawano asiya cuaranota. Bapoxonae barapo pewowin nantacotuncuataba.

²⁸ Bapoxonae Jesús joniya botha. Jesús pijimonae compa seicaya tsipaebatsi, jeichichi:

—¿Eta pocotsiwa metha jopa pana neitacupaeyo xua pata taitawetsiwa cauri? jei barapomonae.

²⁹ Jesús pijimonae jume nota, jeye:

—Barapocotsimonae caurimonae paca itacupa xua painya neitawetsiwa saya meisa poxonae memecabiya matowa pawucame Nacomtha, jei Jesús.

Meje yabara poxonae equeicha Jesús nayabara paeba xua poxonae tupaena

(Mt 17.22-23; Lc 9.43-45)

³⁰ Poxonae Jesús, iru pijimonae tatsi bara weya pona, bapoxonae Galilea nacua iya pona. Bapon jopa beyaputaetsi xua ichaxota ponaena, xua ichamonae yaputaena.

³¹ Baxua Jesús exana, tsipei pijimonae cuiduba. Jesús barai pijimonae xua nayabara paeba, jeye:

—Xan ponxaein Nacom Tananeitapetsin jiwi necaenaetsina ichamonaetha. Yawano nebexubina. Ichitha poxonae acoibi po matabibibe yapucaewina, bapoxonae equeicha asu poponaein, jei Jesús.

³² Ichitha barapomonae pomonae Jesús pijimonae jopa jume yaputaetsi xua Jesús yabara paeba. Matautano barapomonae junuwa xua Jesús peyabara yainyabiwa tsainchi barapo jume.

Meje yabara poxonae Jesús yabara yainyabatsi pijimonae xua pon peainya cui peexanaeinchi

(Mt 18.1-5; Lc 9.46-48)

³³ Jesús pijimonae baru patopa Capernaum tomaratha. Poxonae Jesús pijimonae botha baru patopa, bapoxonae pijimonae yainyaba, jeye:

—¿Eta xua namtotha pana najume matsontsonobapona? jei Jesús.

³⁴ Barapomonae saya moya umena peuraxae, tsipei namtotha najume matsontsonobapona xua po coyene metha jintam ainya cui peexanaewatsi tsainchi pon barapomonae jiwanaxae.

³⁵ Nexata poxonae Jesús eca, bapoxonae pijimonae waba, pomonae doce poyobe, yawa jeye:

—Pon ichichipa xua ichamonae ainya cui petsita naexanaewatsi, bapon bewa pia coutha pecui paw jiton naexanae petanacuichinexa ichamonae, jei Jesús.

³⁶ Bapoxonae Jesús pita pexuyo, yawa pijimonae tatsi peitabarayo deca tatsi tacuaranoreca. Jesús isaeca barapo pexuyo, jeye:

³⁷ —Pon matenta weyataeya waba peyawenaenexa pontha pon tana nejume cowantsixae xua pocotsin icha be barapocotsi pexuyo ichi, barapon apara bara nententa weyataeya waba. Xan jopa meisa nententa weyataeya wabiyo, apara bara iru matenta weyataeya wabatsi pon tana neitorobixae xua pon bara Nacom, jei Jesús.

Meje yabara poxonae Jesús barai pijimonae: “Pon jopa nacata abe exanaeyo, bapon ba apara naca yawena”, jei

(Mt 10.42; Lc 9.49-50)

³⁸ Nexata Juan namchi Jesustha, jeye:

—Ja Tanecuidubim, paxan caein patan pon cawın taiba poxonae itaweta caurimonaе, xua caurimonaе itawetatsi. Paxan baxua pacui itawetan, tsipei jopa naca puna popon-
aeyo, jei Juan.

³⁹ Ichitha Jesús Juan jume notatsi, jeye:

—Bapon baxua jopa pacui itawetsinde, tsipei dapon aibi pon pexeinya petsita itutsi
coyenwan exana poxonae newın taiba xua bapoxonae cotacaya abeya neyabara paeba.

⁴⁰ Tsipei pon abe jopa nacata exanaeyo, bapon apara naca yawena.

⁴¹ Pon paca yawena xua mera paca cata xua bequein tsica corotiyotha xua irı pejume
cowantsixae, xua xan Criston tajiwimonaе pamxaem, baxua peexanaexae, Nacom catsina
bapontha pematomatsiwa baxua nexa, jei Jesús.

*Meje yabara poxonae Jesús paeba xua jiton jopa bewa cana exanae ichıntha xua irı abe
peexanaewa tsane*

(Mt 18.6-9; Lc 17.1-2)

⁴² Equeicha Jesús namchi, jeye: “Nacom tsitatsi xua pebin bichocono abe exana poxonae
natsicuenta ichın cana exanatsi xua abe peexanae cuiro coyene exana, po barapo ichın
pon cataunxuae aena tana nejume cowantsixae. Metha jame wınae tsipae xua barapo
pebin pon abeya cana exanaeya taexana ichıntha, barapon pin iboto wisi cutsipatsi yawa
xua tuwıtha xua pin mar menetha barapo ibototha cayawa cabutabachipatsino.

⁴³⁻⁴⁴ Icha painya cobe paca exana xua abe painya neexanaewa tsane, maisa panacobe
ucubobare. Tsipei baxua xanepana xua cae cobexi pabebam tsane, xua saya cae cobexi
painya neyawa patsiwa tsane Nacom pia nacua beicha tatsi. Baxua jame yatsicaya
xanepana beyacaincha xua ainya cobebe painya necayawa bebaiwa tsane ichaxota po
nacuatha isoto jopa itacounayiyo, xua ataya tsiteca.

⁴⁵⁻⁴⁶ Mataıtano icha painya taxu paca exana xua abe painya neexanaewa tsane, maisa
panataxu ucubobare. Tsipei baxua xanepana xua cae taxuxi pabebam tsane, xua cae
taxuxi painya neyawa patsinexa Nacom pia nacua beicha tatsi. Baxua jame yatsicaewa
xanepana beyacaincha xua ainya taxube painya necayawa bebaiwa tsane ichaxota po
nacuatha isoto jopa itacounayiyo xua ataya tsiteca.

⁴⁷ Mataıtano icha pocotsiwa pataneme painya itamaiqueitotha xua icha baxua paca
exana xua abe painya neexanaewa tsane, painya netaexae painya itamaiqueitotha, maisa
pana naitacuere juquare. Tsipei baxua xanepana xua cae itamaiqueitoxi pabebam tsane,
xua cae itamaiqueitoxi painya neyawa patsiwa tsane Nacom pia peitorobi nacua beicha
tatsi. Baxua jame yatsicaewa xanepana, beyacaincha xua poxonae ainya itamaiqueitobe
painya necayawa bebaiwa tsane ichaxota isoto jopa itacounayiyo.

⁴⁸ Barapo nacuaitha isoto jopa itacounayiyo xua ataya tsiteca yawa oro jopa tıpaeyo.

⁴⁹ “Tsipei daxita jiwi pia pejıntı coyeneın tatsi nacui wınaetsina Nacom nexa pocotsi
coyenewantha xua jiwi taayapubetsi bichocono xua jiwi atene exanatsi pocotsiwa icha
be isoto ichi. Mataıtano daxita pocotsiwan jiwi tauta xua petuxusi exanaewa Nacomtha,
barapocotsiwa copiya yawa muxuna nacui xaxainchina sare beno.

⁵⁰ Sare beno, bara bena wınae. Ichitha icha barapo sare beno jopa abenataeyo
bapoxonae jopa peitacıpaewatsi xua equeicha peabenataewa. Bara paichinde poxonae
icha be sare beno ichi. Paxeinare pocotsi coyene pexeinya jıntı coyene xua jopa po jıntı
coyene abeyo. Mataıtano jıntema nantiya pana nabaı jınompare”, jei Jesús.

10

Meje yabara poxonae Jesús cuiduba xua jiwi piseurixi pepunapenteibiyainwa

(Mt 19.1-12; Lc 16.18)

¹ Jesús ponataba Capernaum tomara weya. Bapoxonae Judea nacuaitha patopa. Yawa
patopa Jordán mene iya icha muxunenetha, po muxunene xua Judea nacua weya. Bax-
otiya equeicha jiwi pin bicheitomonaе nacaetuta ichaxota Jesús uncua. Equeicha Jesús
cuiduba barapomonaetha, tsipei pia cui xua cuidubeiba.

² Bapoxonae ichamonaе fariseomonaе, barapomonaе piraichi Jesús imoxoyo caquita
umenaııcupatsi xua Jesús pejıntı cui coyene jıjıtsinexatsi, daxota jeye:

—¿Metha bara Moisés copata jampa xua pebin pepunaxubiwa piowa icha saya metha
ichichipa jampa? jei.

³ Jesús jume epa pita barapomonaе, jeye:

—¿Eta xua bapon Moisés paca itoroba? jei.

⁴ Barapomonaе Jesús jume notatsi, jeye:

—Moisés copata xua jiton itacıpatsi xua pecatsiwa papera piseuri, po paperatha tina xua
pexubiwa tsane piseuri. Bara bapoxonae bapon xubina piseuri, jei barapomonaе.

⁵ Bapoxonae Jesús jume nota barapomonaetha, jeye:

—Moisés paca cata barapo peitorobi coyenewa, tsipei paxam jopa bepajume cowantsim painya juntu coyenewatha.

⁶ Tsipei poxonae Nacom aena forota daxita, pejume diwesitha jeye: 'Nacom exana pebin, matautano exana yabuyo', jei.

⁷ Equeicha Nacom jeye: 'Daxota pebin paxa wepu natsata, yawa pena wepu natsata xua piowabe imoxoyo penaperu nacoyobinexabe.

⁸ Baraponbe be cae jiwimonae naexanabe', jei. Bapoxonae baponbe xua ainya jiwibe aibi, bara be caein naexanabe.

⁹ Daxota pebin bapana jopa bewa punaxubi piowa. Tsipei apara bayatha Nacom cana exana xua bara be caein naexanabe, jei Jesús.

¹⁰ Poxonae Jesús, iru pijimonae tatsi botha jinompa, bapoxonae Jesús pijimonae yabara yainyabatsi baxua.

¹¹ Bapoxonae Jesús jume epa pita, jeye:

—Pon punaxuba piowa, yawa ichowa pita, bapon abe exana piseuritha yawa Nacom peitutha tatsi, tsipei Nacom tsitatsi xua powa copiya baru popona, apara bara piowa tatsi.

¹² Barichi icha petsiriwa punaxuba pia pebin, yawa pita icha pebin, bapoxonae bapowa abe exana pia pebintha, yawa Nacom peitutha tatsi, tsipei Nacom tsitatsi xua pon copiya xaina, apara bara pia pebin tatsi, jei Jesús.

Meje yabara poxonae Jesús jeye pexuitha: "Barabu Nacom beta yawenaena", jei (Mt 19.13-15; Lc 18.15-17)

¹³ Nexata jiwi Jesús pexui tacaponatsi xua Jesús pejayabinexa pecobetha, yawa xua Nacomtha pewacaenexa barapo pexui nexa xua pejeinexa: "Barabu Nacom beta paca yawenaena", pejeinexa. Ichitha Jesús pijimonae tatsi poxonae baxua tane, tamropata notarucupa xua barapomonae cui matawentatsi pomonae pexui carendena tsalibi.

¹⁴ Poxonae Jesús baxua jume tane, jopa ichipaeyo pocotsiwa pijimonae tatsi paeba, daxota anaya jeye:

—Bara pacopabare pexui xua tana itata patsinexa. Jopa pexui paitawetsinde, tsipei Nacom pia peitorobi nacua tatsi saya meisa barapomonae nexa pomonae pejuntu coyene xanepanaewi icha pexui ichi. Pexui pia cui xua tayapu xanepanatsi xua pia juntu coyeneintha jume cowanta Nacom.

¹⁵ Bara xainyeya paca tsipaebatsi. Pon jopa yabara jume cowantsiyo xua icha be jopa pexui ichiyo xua ba pexui tayapu xanepanatsi xua jume cowanta, bapon bapana jopa naexanae tsane Nacom pijimonae tatsi pomonae Nacom itorobiya ewata, jei Jesús.

¹⁶ Bapoxonae Jesús tsana tamropata nonotapona pexui, yawa pecobetha pexui jayabiya tawucatsi Nacom. Jeye: "Barabu Nacom beta yawenaena barapo pexui", jei.

Meje yabara poxonae pewowin pon copei pexeinaein Jesús tsipaebatsi (Mt 19.16-30; Lc 18.18-30)

¹⁷ Poxonae Jesús aena warapa, bapoxonae pebin Jesús pia xainya betacuinaerenatsi. Bapon pentabocototha uncuca Jesús peitabaratha tatsi, xua pebaru cui itura jinaenexatsi Jesús, tsipei Jesús pon peainya cuin. Bapon jeye Jesustha:

—Ja Tanecuidubim, maisa nejuntu coyene xanepanaem. ¿Eta xua copiya matha exanocuaein xua ajuntayapusya tapoponaewa tsane xua ataya tsane? jei bapon.

¹⁸ Bapoxonae Jesús jume nota, jeye:

—¿Eta xua nebaram: 'Nejuntu coyene xanepanaem', jam? Apara ichun dapon aibi pon pejuntu coyene xanepanaein. Jame meisa apara bapon Nacom compa pejuntu coyene xanepanaein.

¹⁹ Xam bara yaputaneme po coyene Moisés pia peitorobi coyenewatha itoroba, xua jeye: 'Jopa ichun bexubinde. Jopa ichowa pichinde ichun piowa tatsi. Jopa caibinde ichun piawan tatsi. Jopa naerabiya cayabara paebinde pocotsiwa ichamonae exana. Jopa ichamonae yabara muxujainyabinde xua caibame. Axatha baru jume cui itura jinare'. Matautano enatha baru jume cui itura jinare', jei Moisés, jei Jesús.

²⁰ Pewowin Jesús jume baraichi, jeye:

—Pon jiwi Necuidubim, daxita caena bayatha barapo coyenein exaneiban. Poxonae pexuyothan tamropata pitaban, beya anoxuae yacuiya pinyon, jei bapon.

²¹ Jesús antobeya necota bapontha, jeye:

—Cataunxuae icha cui coyene cata seica xua pocotsiwa neexanaewam tsane. Icha ichichipame xua jopa necata acoibiyo nexa tsane xua pocotsiwa xanepanaeya nexanaewa, matha daxita caenaere pocotsiwa xeiame, yawa catsibare pomonaetha pomonae peacopeibi jiwi. Bapoxonae jame moya anetha, nepuna ponde. Bequein bara bapoxonae acopeibim tsane, daichitha Nacom cacatsina peitaboco beicha pocotsiwa Nacom necajuntana botsiwa pocotsiwa bichocono wunae, jei Jesús.

²² Poxonae barapo pewowin baxua jume taeba, bichocono nantanuweya pontaba, tsipei bichocono copei pexeinaein.

²³ Bapoxonae Jesús necota jiwi, yawa jeye pijimonaetha:

—¡Maisa bichocono ayapubecai xua copei pexeinaewi naexana Nacom pijimonaetha tati jiwana pomonae itorobiya canamataxeina! Tsipei barapomonae bichocono antasiway-atane barapo pia copei, beyacaincha xua Nacom antobetsi, jei Jesús.

²⁴ Jesús pijimonaetha tati yabara najuntũ coyene cabenaeca pocotsiwa xua Jesús paeba. Ichitha Jesús pijimonaetha equeicha tsipaeba, jeye:

—Pomonae tamonaetha pamxaem, ¡maisa bichocono ayapubecai xua pomonae copei pexeinaewi jume cowantsina Nacom! Barapomonae nanta xeina xua pia copeitha nayawena xua daxota jopa canantawenonaeyo xua Nacom pejume cowantsiwa.

²⁵ Bichocono acuiruyapube xua duwein, pon pewũn camello xua bapon pejoniyawa acuiheto peetabũ wan iya. Ichitha nama yatsicaewa pon bichocono copei pexeinaein taacuiruyapubetsi xua naexana Nacom pijimonaetha tati jiwana pomonae itorobiya canamataxeina beyacaincha xua poxonae acuiruyapube xua poxonae camello acuiheto peetabũ wan iya pejoniyawa, jei Jesús.

²⁶ Poxonae Jesús pijimonaetha jume taerũcũpatsi xua paeba bapoxonae najuntũ coyene cabenaeca bichocono. Barapomonae caemonaetha nayainyaba, najei:

—Bapoxonae ¡jintam metha nexata itacũpatsi xua pecapanepaewa pia coutha? jei barapomonae.

²⁷ Jesús tane barapomonae, yawa jeye:

—Pebiwĩ ba jopa itacũpaetsi xua baxua exana, saya jame meisa Nacom compa itacũpatsi xua jiwi napaeba cana exanatsi. Tsipei daxua ajibi pocotsiwa Nacom taacuiruyapubetsi, jei Jesús.

²⁸ Nexata Pedro Jesús jume notatsi, jeye:

—Paxan daxita pacuenta ponan pocotsiwa paxeinan pata paca puna ponaewatsi tsainchi, jei Pedro.

²⁹ Jesús Pedro jume notatsi, jeye:

—Bara xainyewa paca tsipaebatsi. Nacom beta cana exanaena daxita pomonae pecueicueijeixae Nacom pia pecapanenebiyae diwesi yawa taneantobexae beyacaincha xua ichamonae antobetsi. Nacom beta cana exanaena barapomonae pia bon pecuenta ponaexae inta peexanaexae. Matautano beta cana exanaena pomonae peweichowi pecuenta ponaexae. Matautano beta cana exanaena pomonae pamchowĩ pecuenta ponaexae. Matautano beta cana exanaena pomonae paxeĩwi pecuenta ponaexae, matautano peniwi pecuenta ponaexae. Matautano beta cana exanaena pomonae pia pexui yawa pia iran pecuenta ponaexae.

³⁰ Nacom barapomonaetha catsina po irathe pentoma xua cien po cuiyobe tsane. Barapomonae xeinaena bon, matautano nantaũtsina peweichowi, irũ pamchowĩ tati, irũ peniwi tati, irũ pia pexui tati, yawa iranno. Daxita barapomonaetha tsicotane be barompaya piamonae tati. Barapo cae pin nacuathe barapomonae peraxa jubinchi taneantobexae, daichitha barapomonae xeinaena Nacom pia peitorobi nacuatheicha peajuntũyapũsũwa po peajuntũyapũsũwa ataya tsiteca.

³¹ Pomonae xua anoxuae, pomonae jiwi petsita ainya cui jiwichi po cae pin nacuathe, barapomonae bexa Nacom pia peitorobi nacuatheicha jopa peainya cui jiwi tsane. Pomonae xua anoxuae pepawi naexana pomonae jiwi jopa petsita ainya cui jiwichi, po cae pin nacuathe, barapomonae Nacom pia peitorobi nacuatheicha peainya cui jiwi tsane, jei Jesús.

Meje yabara poxonae Jesús nayabara paeba acoibi po coyenebetha xua poxonae tũpaena (Mt 20.17-19; Lc 18.31-34)

³² Poxonae Jesús pijimonaetha cataunxuae namtotha barũ ecapona xua Jerusalén tomara beya, Jesús pijimonaetha tsiwana nantacaponae. Bapoxonae Jesús pijimonaetha tati najuntũ coyene cabenaeca, tsipei Jesús nainya nantacaponae. Irũ pomonae Jesús puna poĩnchi yabara junuwa, tsipei yaputane xua Jesús abe cana exanaeinchi barapo tomarapiwi. Bapoxonae Jesús pijimonaetha compa waba aisowa beya xua pomonae doce poyobe tati. Jesús tamropata pitaba xua tsipaeba pijimonaetha xua pocotsiwa imoxoyo ichamonae Jesús cana exanaeinchi.

³³ Jesús jeye pijimonaetha: “Anoxuae ponaeinchi Jerusalén tomara beya. Baxotiya xan ponxaein Nacom Tananeitapetsin, necaenaetsina ichamonae sacerdotemonaetha pia pentacaponae witha tati, yawa pomonaetha pomonae jiwi pecuidubiwi Moisés pia peitorobi coyene tati. Barapomonae itorobina xua nebexubina. Matautano necana cobenatsina

pomonaetha pomonae penanapaincha jinompaewi xua pomonae icha nacua werena peponaewi.

³⁴ Barapomonae necui caponaena, yawa necueinchinano. Matautano yawa necana one subabina. Bapoxonae nebexubina. Daichitha poxonae acoibi po matacabibe werawera-caena equiecha asu poponaein petupae coyene weya", jei Jesús.

*Meje yabara poxonae Santiago iru Juan Jesús yainyabatsibe
(Mt 20.20-28)*

³⁵ Bapoxonae Santiago iru Juan ponbe Zebedeo pexantobe tatsi, baponbe Jesús imoxoyo caquita uncuatabsibe, jeibe Jesustha:

—Pon jiwi Necuidubim, paichichipan xua painta exanaename pocotsiwa paca wuacaeinchi, jei.

³⁶ Nexata Jesús yainyaba baponbetha, jeye:

—¿Eta pocotsiwa paichichipamebe xua pacata exanaeinchibe? jei.

³⁷ Baponbe Jesús jume notatsi, jeye:

—Matacabi jopaena, po mataqueitha itorobiya ewatsiname jiwi poxonae ecaename jinyawa xua pexeinya itupanae ecaethopaewatha. Barapo mataqueitha copare xua paxambe nantiyabe paecaeinbe patawantha xua pexeinya itupanae ecaethopaewatha. Ichun pocotsiwa nexoxa weya ecaena. Ichun pocotsiwa netsocona weya ecaena, jeibe baponbe.

³⁸ Bapoxonae Jesús baraibe baponbetha, jeye:

—Paxambe jopa payaputaembe pocotsiwa pana newuacamebe. Poxonae ichamonae abe inta exanaena, xan bara saya copatsin xua barapomonae bara neperaxa jubina. Barichi poroxu paxambe tapana neantobexaembe, ¿bara iru paca itacupabe xua bara pacopatsinamebe xua bara ichamonae paca peraxa jubinabe? Barichin bara saya copatsin xua ichamonae bara tupa neexanaena. Barichi, ¿bara iru paca itacupabe xua pacopatsinamebe xua bara ichamonae tupa paca exanaenabe? jei Jesús.

³⁹ Barapoyobe jume notabe Jesustha, jeye:

—Aa, bara baxua pana neitacupabe, jeibe.

Jesús jume notabe baponbetha, jeye:

—Bara bara xainyei, barapocotsi coyene ichamonae paca cana exanaenabe. Ichamonae paca peraxa jubinabe. Matautano ichamonae bara tupa paca exanaenabe, icha xan necana ichi tsane.

⁴⁰ Nama xua xantha nantiya paecamebe xua ichun pocotsiwa tacoxa weya eca, yawa xua ichun tatsocona weya eca, baxua jopa tacoya yabara itorobinyo. Saya jame Taxa Nacom meisa baxua taexanaena pomonaetha pomonae caena bayatha tsiwunaeta xua peenaenexa tsane, jei Jesús.

⁴¹ Jesús pijimonae tatsi pomonae umena, pomonae diez poyobe, barapomonae jume tane xua Santiago iru Juan Jesús wuacatsibe. Bapoxonae barapo diez poyobe, Santiago iru Juan yabara anaepanarucupatsibe.

⁴² Ichitha Jesús pia xainya berena pijimonae waba yawa namchiya jeye barapomon-aetha:

—Paxam bayatha pataneme po coyenewa ba exana pomonae jopa judiomonae naexanaeyo. Barapomonae ba nantauta pomonae pia nacua tatsi pia petaewatsiwichi tatsi. Daichitha barapo nacua peewatsiwi aebiya itoroba piamonae xua daxita bichocono jiwi taayapubetsi.

⁴³ Ichitha nama paxam barapocotsi coyeneya jopa bara paichinde. Seicaya nama icha juntu coyenyatha paca itorobatsi. Icha pon paxam jiwana, icha bapon ichichipa naexana be pocotsin canamataxeina ichamonae, bapon matha bewa copiya daxita paxam beta amanaya pacata nacuichina.

⁴⁴ Matautano pon xua paxam jiwana, icha bapon ichichipa naexana be pocotsin bichocono ainya cui penaexanaein xua beyacaincha ichamonae, bapon matha bewa copiya daxita paxam beta amanaya pacata nacuichina icha pon pebusi cui taetaeinchi ichi.

⁴⁵ Icha be pocotsi coyeneya ichin bara paichinde. Xan ponxaein Nacom Tananeitapetsin patopeican xua tanacuichinexa tsane ichamonae nexa. Aparu jopa baxua tsipatopaeinyo xua ichamonae inta penacuichiwanexa tsane. Saya patopeican tsipei ichichipan xua daxita carepaya jiwi tayawenaewa tsane. Matautano patopeican xua tatsitupaenexa tsane be pentoma xua daxita jiwi pepanenebiyaenexa abe pia peexanae cuiru coyenein weya tatsi, jei Jesús.

*Meje yabara poxonae Jesús axaibi exana pon peitata nacutsin, pon pewun Bartimeo
(Mt 20.29-34; Lc 18.35-43)*

⁴⁶ Bapoxonae Jesús iru pijimonae tatsi pata Jericó tomaratha. Jesús iru pijimonae tatsi tomara we-iyiia xua irũ pin bicheitomonaenapona. Irũ bapoxonae pebin pon pewun Bartimeo, pon Timeo pexanto tatsi, bapon namtotha eca.

⁴⁷ Poxonae Bartimeo jume tane xua juinya Jesús imoxoyo pona, pon Nazaret tomarapin, bapoxonae bapon Bartimeo tamropata pitaba xua wawaya jeye:

—Jesús, David pia pemomoxi susato jiwanapim, ponxaem Nacom necaitapetsim neyabara najũntũ coyene xeinare jinya tana neyawenaenexam! jei.

⁴⁸ Pinmonae jume matawenta bapontha xua moya peecaenexa. Ichitha bapon equeicha bichocono jume daunweya wawai, jeye:

—Jesús, David pia pemomoxi susato jiwanapim, ponxaem Nacom Necaitapetsim neyabara najũntũ coyene xeinare jinya tana neyawenaenexam tsane! jei bapon.

⁴⁹ Bapoxonae Jesús naruntaba yawa namchi pijimonaetha, jeye:

—Maisa painta wabare, jei Jesús.

Bapoxonae pon peitata nacũtsin wabatsi, yawa barapomonae jeye bapontha:

—Bara najũntũ tsacatabare, jopa amurande. Nontaponare, aunxuae cawaba, jei barapomonae.

⁵⁰ Bapoxonae pon peitata nacũtsin pia penaupatsiwa xubiriwa, yawa jirawuna. Bapoxonae pona Jesustha.

⁵¹ Jesús yainyaba bapontha, jeye:

—¿Eta xua jinya tacata exanaetsi? jei.

Bapon Jesús jume notatsi, jeye:

—Pon jiwi Pecuidubim, benecotsin cuinaya, jei.

⁵² Jesús jume nota bapontha, jeye:

—Bara moya ponde. Bara bayatha caitacuere xanepana exanatsi, tana neyabara jume cowuntsixaemxae xua bara tana neitacpaewa xua tacayawenaewatsi, jei Jesús.

Bapoxonae caena nainya pon peitata nacũtsin necotaxuba. Bapoxonae bapon Jesús puna poinchi namtotha.

11

*Meje yabara poxonae Jesús Jerusalén tomaratha patopa
(Mt 21.1-11; Lc 19.28-40; Jn 12.12-19)*

¹ Poxonae Jesús, iru pijimonae tatsi muxu pepatsi Jerusalén tomaratha copiya pata Betfagé tomaratha yawa Betania tomaratha, po tomara xua nacacuita ecabe. Barapo tomarabe cuariya demxuwa eca, po demxuwa pewun Olivowa, xua baxota olivo naein peumenaexae. Bapoxonae Jesús nacueyatabe poyobe itoroba ponbe pijimonae tatsi jiwana.

² Jesús barai baponbetha, jeye:

—Paponarebe, po tomara painya itabaraya equiya. Poxonae papatopaenamebe barapo tomaratha, bapoxonae pacaxinaenamebe burro pon penun pon pequetanotsin, po burro ichamonae jopa tsijuma enaeyo. Barapo burro paisanaxorebe. Bapoxonae payama carenandebe.

³ Icha ichun paca yainyabiya jeye: ‘¿Eta xua payama isanaxubamebe burro?’ paca jei, nexata pajandebe: ‘Pon jiwi Pecanamataxeinaein bepa pata yama cayiyaeinjei tsipei pinae nantawenona. Bexa nainya equeicha payama carenaein’, pajandebe, jei Jesús.

⁴ Barapomonae ponarũcũpa. Yawa caxinarũcũpa barapo burro pebto, pon quetanota imoxoyo bo coibototha xua aisowa beya namtotha. Bapoxonae barapoyobe yama isanaxubabe barapo burro.

⁵ Pomonae baxota jinompa barapomonae baponbe yainyabatsi jeye:

—¿Eta xua paexanamebe? ¿Eta xua burro paisanaxubamebe? jeichichibe baponbe.

⁶ Bara baraponbe jume notabe barapomonaetha pocotsiwa bayatha Jesús pejume itorobixae. Bara baraponbe tacopatatsibe xua bara peyama isanaxubinexabe.

⁷ Bapoxonae baponbe tayama cayabe burro Jesús tayama cayatsibe. Bapoxonae pia paparuwan tsijuma jebicabe, yawa Jesús tsijuma equeica.

⁸ Bapoxonae jiwi pinmonae namtotha yerababa jehebapoinya pia paparuwan. Ichamonae peaxu po axu be coichaxu axu ucuboba. Barapo axu namtotha jebapoinya xua Jesús ainya cui exanatsi.

⁹ Pomonae Jesús tsiwana nanta cajinjincatsi, iru pomonae Jesús peputha tajinjincatsi, barapomonae Jesús yabara wawaya jeichichi:

—¡Pai jayana, maisa Jesús pon jiwi itorobiya pia pepa peewatsinchi maisa wunaen, bapon patopa Nacom peitorobixae!

¹⁰ ¡Bara wūnae jaintatsi pon patopeica xua jiwi peitorobinexatsi, icha David ichi pon wamo susatopin poxonae bapon Israel nacua itorobiya ewata! ¡Maisa Nacom bichocono wūnae jaintatsi pon athabeicha eca! jei barapomona.

¹¹ Bara bapoxonae Jesús patopa Jerusalén tomaratha, yawa joniya Nacom pin pia botha tatsi. Jesús naita cui wetaba xua tane daxita pocotsiwa jiwi exana barapo botha. Bapoxonae equeicha Jesús pijimonae baru ponataba Betania tomara beya, poyobe xua doce poyobe, tsipei bayatha tabopiya.

Meje yabara poxonae Jesús biatane higuera nae xua jopa penacoichixae
(Mt 21.18-19)

¹² Icha matababitha baya, poxonae Jesús iru pijimonae tatsi Betania tomara weya pona, Jesús jainpapon.

¹³ Taju weya Jesús tane higuera nae xua noxu tsuncuae. Jesús higuera nae beya pona piyain petaenexa pethei, ichitha saya noxu tane, tsipei cataunxuae dapo dapae aibi po dapaetha higuera nae nacoita.

¹⁴ Bapoxonae Jesús barai higuera nae, jeye:

—Bapana jopa equeicha nacoichim tsane, xua jiwi jopa necathei xaenexa, jei Jesús.
Jesús pijimonae jume tainchi baxua poxonae higuera nae barai.

Meje yabara poxonae Jesús aisowa benapuna torobabiya Nacom pin pia botha pomonae pecaenaetsiwi

(Mt 21.12-17; Lc 19.45-48; Jn 2.13-22)

¹⁵ Bapoxonae pirapaeyo Jesús pijimonae baru patopa Jerusalén tomaratha. Jesús joniya Nacom pin pia botha tatsi. Bapoxonae Jesús aisowa benapuna torobabiya barapo Nacom pin pia bo weya pomonae pecaenaeta jiwi baxota. Jesús tabu tayebiya bebai iratha pocotsiwa pexaethopaewa po pexaethopaewantha nantiya nacatsiba paratixi, yawa xua iruru baxota topibo caenaeta.

¹⁶ Jesús jopa copatsiyo xua jiwi piawan capona Nacom pin pia bo tatsi tutiya iya.

¹⁷ Jesús cuiduba barapomona, jeye:

—Nacom Pejume Diwesitha jeye: ‘Tabo apara po botha xua daxita nacuanpiwi tanetsi-paebinexa tsaibi tsane barapo botha’, jei Nacom Pejume Diwesitha. Ichitha paxam barapo bo be pecaibiwi pia muthu tutu pacana exaname, ichaxota pijunuwi nantiyabeibathopa. Tsipei baxota panacaetutame saya u xua painya necaibinexam tsane paratixi pomonaetha pomonae xua pateiba xua Nacom petsipaebeibinexatsi, jei Jesús.

¹⁸ Sacerdotemonae pia pentacaponae tatsi, iruru pomonae jiwi pecuidubiwi Moisés pia peitorobi coyene tatsi, daxita barapomona jume tane xua Jesús paeba. Bapoxonae barapomona tamropata notarucapa xua jeita po coyenewatha Jesús bexubinchi. Barapomona bequein ichichipa Jesús bexotsi ichitha baxua jopa exanaeyo tsipei barapomonae junuwa xua jiwi anaepana xua barapo sacerdotemonae pia pentacaponae tatsi pecasebiwatsi iruno xua pecasebiwatsi pomonae jiwi pecuidubiwi Moisés pia peitorobi coyene. Tsipei barapomonae jiwi cunuwatsi, xua daxita jiwi peichichipaexae nawita pocotsiwa Jesús cuiduba.

¹⁹ Poxonae xometo iriya ecanaicha bapoxonae Jesús pijimonae baru ponataba barapo tomara weya.

Meje yabara poxonae higuera nae yununcia
(Mt 21.20-22)

²⁰ Baya poxonae pentha tsina, Jesús pijimonae baxoyo baru ecapona yawa tane xua higuera nae yununcia xua daxita petabaca opina wetsina.

²¹ Bapoxonae Pedro yabara nanta xeinataba xua mexuae Jesús biatane higuera nae. Bapoxonae jeye Jesustha:

—Pon jiwi Necuidubim, taema po higuera nae mexuae biataneme, bayatha yununcia, jei Pedro.

²² Bapoxonae Jesús jeye pijimonaetha:

—Paxam bichocono pajume cowunde Nacom.

²³ Bara xainyeya paca tsipaebatsi. Icha xanepanaeya pana neyabara jume cowuntame xua Nacom painya nepaca cayawenaewa xuanu xua jopa ainya unthuton paxeinaem, bara paca itacupaena xua painya nepaebiwa icha ichin xua cana exanan higuera nae. Matautano bara paca itacupaena xua painya nejeiwa uruto beya, xua pajam: ‘Uruto, natsixitabare, mar mene beya jopare’, xua painya nejeiwa. Bapoxonae bara baxua jopa bayathiyo tsane.

²⁴ Daxita xua xuan pocotsiwan Nacom beya rawucame, icha bara xanepanaeya pajume cowuntsiya wucame, bara Nacom paca catsibina baxuan.

²⁵ Poxonae Nacomtha patsipaebame, icha ichun abe pacata exana, copiya payabara juntemainare bapon pocotsiwa pacata abe exana, xua xuya beta painya necayabara canantaxeinaenexa. Barichi Nacom pon peitabocotha eca xuya paca yabara juntemainana pocotsiwa abe painya neexanae cuiru coyenein paexaname.

²⁶ Ichitha icha jopa payabara juntemainae ichun pocotsiwa pacata abe exana, barichi Nacom pon itabocotha eca, jopa paca yabara juntemainae tsane pocotsiwa abe painya neexanae cuiru coyenein paexaname, jei Jesús.

*Meje yabara xua Jesús pia peitorobi coyenewa xeina
(Mt 21.23-27; Lc 20.1-8)*

²⁷ Bapoxonae Jesús, iru pijimonae tatsi caibe nawibiya Jerusalén tomara beya. Poxonae Jesús Nacom pin pia botha joniya xua yawa tututha iya ponano, bapoxonae sacerdote-monae pia pentacaponae wi tatsi, iru pomonae jiwi pecuidubiwi Moisés pia peitorobi coyene tatsi iru pitiri jiwi, barapomonae Jesús imoxoyo caquita umenarucapatsi.

²⁸ Barapomonae Jesús yainyabatsi, jeichichi:

—¿Eta po peayapusu itorobi coyenewatha cuidubame baxuan? ¿Jintam cacata barapo peayapusu itorobi coyenewa? jei barapomonae.

²⁹ Jesús jume nota barapomonae, jeye:

—Xan iruru tha barichichi paca yainyabinchi. Icha beta pana nejume notsiname, bapoxonae xuya yabara paca tsipaebinchi xua po peayapusu itorobi coyeneyatha exanan baxuan.

³⁰ ¿Jintam Juan cui itorobatsi xua bautisaba? ¿Metha bara Nacom cui itoroba jampa? ¿Metha bara jiwi cui itoroba jampa? Pana nejume nore, jei Jesús.

³¹ Nexata daxita barapomonae caemonae najume matsontsonoba, najei: “¿Eta xua metha jei tsainchi? Icha jeichipaetsi: ‘Juan cui itorobatsi Nacom, xua pebautisabiwa jiwi’, metha naca jeichipae: ‘¿Eta xua metha nexata jopa pajume cowantsim Juan?’ metha naca jeichipae Jesús.

³² Jiwi cui cunuwinchi icha jei tsainchi: ‘Juan cui itorobatsi jiwi, xua bautisaba’, icha jei tsainchi. Metha bapoxonae jiwi naca casebichipa anaya”, najei barapomonae. Barapomonae jiwi cunuwatsi tsipei daxita jiwi Juan yabara jume cowantatsi, xua aparta bapon Nacom pia peitorobi jume tatsi pepaebi jiton.

³³ Bapoxonae barapomonae namchi Jesús beya, jeye:

—Canta jopa payaputaeyino, jei barapomonae.

Nexata Jesús barai barapomonaetha, jeye:

—Nexata barichin tsane jopa yabara paca tsipaebi tsainchi po peayapusu itorobi coyeneyatha exanan xua daxita taexanaewan, jei Jesús.

12

*Meje yabara poxonae Jesús paeba pecayabara jata pepaebi diwesiyo pomonae xua abe exana, pomonae petayapucaeawewi uva pabi
(Mt 21.33-46; Lc 20.9-19)*

¹ Bapoxonae Jesús tamropata pitaba xua cuiduba jiwitha pecayabara jata pepaebi diwesiyotha, jeye: “Matha iruru pebin pin uva pabi xeina. Bapon uba po unbo pewun uva cuei unbo. Yawa yapucurara barapo pia uva pabi ibowantha xua jopa pejojondenaenexa ichamona barapo bapitha. Yawano baxota ibo feto exana, xua barapo ibo fetotha pecubinexa uva cuei. Matautano baxota exananota bo, po bo bichocono tancha xua baxota pebin bara wenecotequeica uva pabi. Bapoxonae bapon itoroba pomonae pia uva pabi pia petayapucaeawewichi tsainchi, xua bapoxonae barapomonae pejiwanaxaenexa pocotsiwa penawetsiwa. Bapoxonae bapon icha naca beya pona.

² Barapo matabi tsuxubi, po matabitha uva cuei naweta. Bapoxonae barapo matabi pamonae pabi petayapucaeawewi jiwana itapeta nota xua penawetsiwa. Bapoxonae pon uva pabi pexeinaein, bapon pomonae petanacuichiwichi jiwana itoroba, xua petawucaenexa tsainchi uva cuei pomonae beya pomonae pabi petayapucaeawewichi.

³ Ichitha barapomonae pomonae uva pabi petayapucaeawewi barapomonae waetaba pon copiya patopa, pon uva pabi pexeinaein itoroba. Yawa bapon butsi. Bapoxonae bapon caibe cobesa itorobiyatsi.

⁴ Pon uva pabi pexeinaein equeicha itoroba ichun pon pia petanacuichinchi. Barichiru bapon ibotontha matasipa cuinbatsi, yawa abe jumetha biatainchi.

⁵ Equeicha pon uva pabi pexeinaein itoroba ichun pon pia petanacuichinchi. Barichiru bapon hexotsiru. Equeicha ichamonae itorobatsi. Ichamonae butsi, iru ichamonae jutebatsi.

⁶“Cataunxuae awiyya bapon pexanto tanacopatatsi, pon pexanto compa tatsi, po pexanto bichocono antobe. Matapainya bapon pexanto cotacaya itoroba bara beya. Bapon nanta xeinaeya jeye: ‘Metha barapomona taxanto inta yabara baru cui itura jinaeinchi’, jei coxiyyn.

⁷Dapo jumetha pomona uva pabi petayapucaenaewi poxona bapon tainchi, barapomona najei: ‘Apara bapon paxa copiniwa pichina. Daxota bapon bu bexotsi xua xainya xeinatsi barapo uva pabi’, najei barapomona.

⁸Bapoxona barapomona pon uva pabi pexeinaein pexanto tatsi tawaetabatsi. Poxona bexotsi bapoxona petupaein aisowa beya xotsi uva pabi pecuariya beya”, jei Jesús.

⁹Bapoxona Jesús yainyaba, jeye: “Pon uva pabi pexeinaein, zeta be cana ichi tsane pomonaetha pomona barapo uva pabi pia petayapucaenaewichi? Apara bapon patopaena xua pejutebinexa tsane pomona uva pabi pia petayapucaenaewichi. Bapoxona barapo uva pabi catsina ichamonaetha xua petayapucaenaenexa tsainchi barapo uva pabi”, jei Jesús.

¹⁰⁻¹¹ Equeicha Jesús nayabara paeba barapomonaetha, jeye: “iPaxam bara bayatha payorobameba Nacom Pejume Diwesi! Barapo diwesitha neyabara caunuta poxona iboto yabara paeba, jeye:

‘Pebiwi pomona ibo bon peacabiwi, barapo pebiwi xuba po iboto tabu caboca, po iboto peainya cui iboto.

Ichitha Nacom itapeta barapo iboto xua petabu cabocaenexa peainya cui ibotoxae.

Waxainchi nanta xeinatsi jeichichi: Maisa pocotsiwa Nacom exana naca tsita xanepana, jeichichi’, jei Nacom Pejume Diwesitha”, jei Jesús.

¹²Poxona bapomona jume tane xua Jesús paeba, Jesús muxu pewaetabichi. Tsipei bapomona yaputane xua para barapomona yabara paebatsi poxona Jesús cueicueije barapo pecayabara jata pepaebi diwesiyo. Daxota Jesús casebatsi. Tsipei barapomona jiwi cunuwatsi, daxota Jesús jopa waetabichi. Bapoxona bara saya ponaruxpa.

Meje yabara poxona Jesús yabara cuiduba paratixi matoma po paratixi jiwi bewa catsibina pontha pon romanomona itorobiya pia pepa peewatsinchi
(Mt 22.15-22; Lc 20.20-26)

¹³Bapoxona pirapaeyo Jesús pia xainya betaitorobiyatsi fariseomona jiwana, iraru pomona Herodes pia pepuna jinompaewichi jiwana tatsi, xua daxita barapomona piraichi Jesús petsipaebinexatsi xua Jesús xuya abeya pejume notsinexa.

¹⁴Bara barapomona Jesús pia xantha tatsi tapatatsi, jeye Jesustha:

—Pon jiwi Necuidubim. Bara payaputan xua bara jume xainyeya tsipaebame jiwi, xua matautano jiwi bara beta cuidubame xua pocotsiwa jiwi bewa exanaena pexeinaenexa tsane Nacomtha po juntu coyene pexanepanae juntu coyene. Matautano jopa jiwi cunuwim poxona cuidubame poxona bequein jiwi jopa ichichipaeyo baxua, tsipei xam daxita jiwi bara catsita najura. Xam jume xainyeya cuidubeibame jiwi Nacom pia peitorobi coyene. Incane yabara pana netsipaebare xua nanta xeiname, xuaje: zMetha bara Nacom pia peitorobi coyene naca itoroba xua waxainchi paratixi catsibinchi pon romanomona itorobiya pia pepa peewatsinchi xua wanaca itorobixae bapon bequein bara bapon pon penanapaincha poponaein xua icha nacua werena pona? Icha jopa tsipae, zmetha daxua abe tsipae? jeichichi Jesús barapomona pomona fariseomona itoroba.

¹⁵Daichitha Jesús yaputane, xua barapomona itara mexeya xanepanaeya pepaebi jiwi ichitha abeya peexanae jiwi. Jesús jeye:

—zEta pocotsiwa metha painya daichi pana nejuntu coyene jajutame? Moya painta xawena paratiyo, tha taetsi, jei Jesús.

¹⁶Bapoxona barapomona barapo paratiyo Jesús tacapoinchi. Poxona Jesús tane barapo paratiyo, bapoxona Jesús yainyaba barapomona, jeye:

—zJintam pejumopere? zYawano jintam wun ducuaere? jei Jesús.

Barapomona Jesús jume notatsi, jeye:

—Apara romanomona itorobiya pia pepa peewatsinchi, jei barapomona.

¹⁷Jesús barai barapomona, jeye:

—Bara nexata romanomona itorobiya pia pepa peewatsinchi pacare pocotsiwa xua bapon piawaxae tatsi. Matautano bara Nacom pacare xua baxua iru piawaxae tatsi, jei Jesús.

Barapomonae yabara najuntũ cui coyene cabenaeca pocotsiwa xua Jesús xanepanaeya beta jume nota.

Meje yabara poxonae Jesús yabara yainyabatsi po coyene xua equeicha asũ pomonae pewerapeibiwi

(Mt 22.23-33; Lc 20.27-40)

¹⁸ Bapoxonae saduceomonae jiwana pata Jesús pia xantha tatsi xua Jesús piraichi petsipaebinxatsi. Saduceomonae barompaya pia pecuidubi coyenewa xeina xua pinae pomonae pewerapeibiwi equeicha jopa asũ tsaibiyo. Barapo pecuidubi coyenewa jopa jupaeyo po pecuidubiwa Jesús pia pecuidubiwa tatsi xua pinae jiwi equeicha asũ jinompaena poxonae werapa. Daxota barapomonae Jesús tsipaebatsi, jeye:

¹⁹ —Pon jiwi Pecuidubim. Moisés nacata tina, namchi: 'Icha pebin piowa cuenta tupa, yawa jopa xeinaeyo pexui, xuyapin bewa xuya pentapin pecoutha coseuri pichina xua bapoxonae pentapin pecoutha pexeinaenexa tsane pexui', jei Moisés.

²⁰ Barichi, matha irũ cae peweicho caepiwi nabaũ jinompa siete poyobe. Matapin jitha eca. Bapon piowa cuenta naxuba. Pexui jopa xeinaeyo.

²¹ Pon cotacaya naexana xuya pentapin coseuri pita xua bapoxonae pentapin pecoutha pexeinaenexa pexui. Bapon irũ cuenta tupa, irũ jopa xeinaeyo pexui. Bapoxonae ichũn xuyapin xuya barapowa pita xua pentapin coseuri pita. Bapon barichi irũ cuenta tupa, irũ pexui jopa xeinaeyo.

²² Daxita barapo siete poyobe cuenta nanapentapona barapowa poxonae bequein xuya pecoutha nonotaponeiba. Barapo siete poyobe, caein jiwana jopa pecoutha tapoponaetsi pexuyo. Bapoxonae matapainya irũ bapowa tupa.

²³ Xam, Jesús, ba paebame, ba jam: 'Matacabi jopaena po matacabitha Nacom asũ exanaena, xua jiwi asũ exanaeinchi muthũn wetsina', ba jam. Poxonae barapo matacabi jopaena xua daxita jiwi asũ jujuinaena, barapo matacabitha zjintam metha bapowa xuya pichinchi, xua ichũn pichina, xua barapo siete poyobe caein jiwana? Tsipei caena bayatha barapo siete poyobe, caepi jiwi cuenta nanapentapona barapowa, jei saduceomonae.

²⁴ Bapoxonae Jesús jume nota barapomonae, jeye:

—Paxam apara catsawiya pana nejume notame, tsipei jopa beta payaputaem xua Nacom Pejume Diwesitha payabara yorobame baxua. Matautano jopa payaputaem Nacom pia peayapusũ itorobi coyenewa tatsi.

²⁵ Poxonae petupaewi asũ jujuinaena jopa jitha eenaponae tsane. Yawa barapomonae pexantixi jopa jitha cuarebaponae tsane. Tsipei barapomonae barichi tsane icha be matatsunpiwimonae ichi, po matatsunpiwi Nacom pia nacuatheicha jinompa, xua po matatsunpiwi jopa jitha enaeyo.

²⁶ Paxam bequein bara bayatha payorobame pocotsiwa Nacom yabara namchi pejume diwesitha xua pomonae equeicha asũ jujuina pomonae pewerapeibiwi. Barapo diwesitha Nacom cueicueije ichaxota xua poxonae po naewa taxuncua, Nacom jeye: 'Xan Abraham pia Nacomũn tatsin, irũ Isaac pia Nacomũn tatsin, irũ Jacob pia Nacomũn tatsin', jei Nacom.

²⁷ Baxua Nacom paeba, tsipei Abraham, irũ Isaac, irũ Jacob pewerapaewi anoxuae equeicha caewa asũ jinompa, Nacom pia nacuatheicha tatsi. Pomonae pewerapaewi, pomonae caewa equeicha asũ jopa pejinompaewi, barapomonae jopa pia Nacom tatsi, pon itabocotha eca. Saya jame meisa pomonae pewerapaewi caewa equeicha asũ pejinompaewi, barapomonae jame pia Nacom tatsi, pon itabocotha eca. Daxota paxam catsawa paepabame, jei Jesús.

Meje yabara poxonae Jesús yabara cuiduba po peitorobi cui coyene pepa peainya cui coyenewa

(Mt 22.34-40)

²⁸ Caein pon jiwanaepin pomonae jiwi pecuidubiwi Moisés pia peitorobi coyene tatsi, bapon jume tane xua Jesús irũ saduceomonae najume matsontsonobiya paeba. Matautano bapon jume tane xua Jesús xanepanaeya betiya jume nota barapomonaetha. Daxota bapon yainyaba Jestutha, jeye:

—¿Eta po peitorobi coyene pepa peainya cui coyenewara, po peitorobi coyene beyacaincha icha peitorobi coyene? jei bapon.

²⁹ Jesús jume nota bapontha, jeye:

—Po peitorobi cui coyenewa pepa peainya cui coyenewa jeye: 'Paxam Israel nacuamonae piwi pam pajume taema xuaje meje: Pon jiwi Pecanamataxeinaein bara compa pepa Pata Nacom, icha Nacom ajibi.

³⁰ Antobeinde Jinya Necanamataxeinaein bapon Nacom xua daxita nejuntũ coyene wetsina, matautano xua daxita jinya nepoponae coyenewatha, matautano xua daxita

nenanta xeinaewatha nentasiopatha, matautano daxita nedaunwei coyenewatham', jei barapo peitorobi coyenewatha, po peitorobi coyenewa pepa peainya cui coyenewa.

³¹ Po peitorobi coyene cotacaya itoroba ichaxotaba 'dos' jei, barapo peitorobi coyene be jume jura po peitorobi coyene copiya ducua. Irua barapo peitorobi coyenewatha jeye: 'Antobeinde jinya necatsicuarabu ecaein icha ichim xua jinya coutha naantobem', jei barapo peitorobi coyenewatha. Icha peitorobi coyenewa aibi po peitorobi coyene peainya cui coyenewa, po peitorobi coyenewa xua beyacaincha po peitorobi coyenewe, jei Jesús.

³² Bapoxonae caein jiwana monaepin pomonae jiwi pecuidubiwi Moisés pia peitorobi coyene tatsi, bapon jeye Jesustha:

—Bara beta paebame pocotsiwa aunxuae paebame ponxaem jiwi Necuidubim. Bara xainyeya paebame xua pinae pepa Nacom bara compa popona xua icha pepa Nacom ajibi.

³³ Matautano bara xainyeya paebame xua pinae bewa Nacom antobetsi xua daxita wajuntu coyene wetsina, matautano xua daxita wajinompae coyenewatha, matautano xua daxita wananta xeinaewatha wantasipantha, matautano daxita wadaunwei coyenewantha. Matautano bara xainyeya paebame xua wanacatsicuarabu enaewi bewa pinae antobe tsainchi icha ichichi xua wacoutha naantobetsi. Baraxua jame bichocono peainya cui coyenein pocotsiwa bewa exanaetsi, beyacaincha xua duwein ompin tautatsi yawa xua ichawan tautatsi xua watuxusi exanaenexa Nacom nexa, jei bapon.

³⁴ Poxonae Jesús jume tane xua bapon beta jume nota, Jesús jeye:

—Bara saya tsiwiyo cata seica xua jinya nejume cowuntsinexa xua nenantauntsinexa Nacom pon jiwi itorobiya pia pepa Peewatsinchi, jei Jesús.

Bapoxonae nama dapon ajibi xua pon Jesús peyainyabinexa tsainchi.

Meje yabara poxonae Jesús nayabara jei: “Mesías, ¿jintam pia pemomoxi susato jiwana pin tatsira?” jei

(Mt 22.41-46; Lc 20.41-44)

³⁵ Bapoxonae Jesús yabara cuiduba Nacom pin pia botha tatsi, xua pon Mesías baraichi xua nayabara paeba Jesús, jeye:

—¿Eta pocotsiwa metha pomonae jiwi pecuidubiwi Moisés pia peitorobi coyene tatsi paeba xua pinae Mesías bapon David pia pemomoxi susato jiwana pin tatsi?

³⁶ Nacom pia Pejumope tunaxa tatsi David cueicueije exanatsi. David jeye:

'Nacom pon Pecanamataxeinaein jiwi, Tanecanamataxeinaein baraichi pon Mesías, jeichichi: Tacoxa werena ecare, beya abu tsane poxonae necaaitafaetabi jiwi pia pecanamataxeinaeinchi tatsi caexanaeinchi, jei Nacom pia Pejumope tunaxa tatsi', jei David.

³⁷ Icha David Mesías yabara jei, 'Bapon Mesías Tanecanamataxeinaein', jei, ¿eta xua metha tsipae xua Mesías apara David pia pemomoxi susato jiwana pin tatsi? jei Jesús.

Barapo pin bicheito bichocono tsimuxu wanaetsi pocotsiwa Jesús cueicueije.

Meje yabara poxonae Jesús muxuweta jiwi xua pomonae jiwi pecuidubiwi Moisés pia peitorobi coyene tatsi barapomonae pecuiyainwa tatsi

(Mt 23.1-36; Lc 11.37-54; 20.45-47)

³⁸ Poxonae Jesús cuiduba jiwitha, jeye: “Dota pam, dota pomonae jiwi pecuidubiwi Moisés pia peitorobi coyene tatsi. Barapomonae pia pecuidubi coyenewan tatsi pecuiyainwa pande. Jopa paexanaeinde icha bapomonae ichi xua barapomonae bichocono ichichipa xua penama xatabiwa po paparawan apiyiya deca xua be pomonae peainya cui jiwi penaexanaewi naexana. Barapomonae bichocono ichichipa xua jiwi namtontha jacobebina barapomonaetha xua jiwi pebara cui itura jineibinexa barapomonae.

³⁹ Barapomonae bichocono ichichipa xua nanta caeneiba judiomonae pia penacaetutsi bontha tatsi ichaxota ba enathopeiba pomonae peainya cui jiwi penaexanaewi. Matautano barapomonae bichocono ichichipa xua eneiba ichaxota ba eneiba pomonae peainya cui jiwimonae poxonae pexaewan tsinacaeteiba penabaneibinexa tsane.

⁴⁰ Matautano barapomonae powaxi pecuenta werapaewaxichi piseurixi barapowaxi cueranta enatsi pia bon. Barapomonae naemata jopa cuinaya najume copababeibiyo poxonae tsipaebeiba Nacom. Barapomonae bichocono peraxa jubebinchi poxonae po mataqueitha Nacom jiwi yabara paebina penatsicuentisiwa xua abe peexanaexae Nacomtha. Barapomonae atene tsane beyacaincha poxonae ichamonae atene exanaeinchi xua jopa pejume cowuntsixaetsi Nacom”, jei Jesús.

Meje yabara poxonae Jesús yabara paeba xua petsiriwa paratiyobe cata Nacomtha, powa pecuenta tupaewatsi piseuri
(Lc 21.1-4)

⁴¹ Poxonae Jesús eca Nacom pin pia botha tatsi xua peitabara weya, xua ichaxota jwi jeyeiba paratixi Nacom nexa, bapoxonae Jesús tane xua pinmonae pomonae copei pexeinaewi paratixi nawita jeya ichaxota jwi jeyeiba paratixi Nacom nexa.

⁴² Barapoxonae yabuyo patopa, powa pecuenta tupaewatsi piseuri. Barapowa bichocono peacopeibiwayo. Bapowa jeca ainya pecacomocae paratiyobe Nacom nexa. Barapo paratiyobe tsiqui paratiyobe.

⁴³ Bapoxonae Jesús pijimonae waba, yawa jeye barapomonaetha:

—Bara xainyeya paca tsipaebatsi. Barapo yabuyo, powa pecuenta tupaewatsi piseuri, bapowa peacopeibiwayo. Daichitha barapowa jeca ainya paratiyobe Nacom nexa. Bapowa cata beyacaincha ichamonae daxita pomonae xua jeya xua Nacom nexa.

⁴⁴ Daxita barapomonaetha jeya pocotsiwa tanacopabeibatsi. Ichitha nama bapowa bichocono peantobexae Nacom daxota omeicha jeca pocotsiwa bequein canantawenona xua pepoponaewa tsane bequein bichocono peacopeibiwayo, jei Jesús pijimonaetha.

13

Meje yabara poxonae Jesús yabara paeba xua ichamonae abe cana exanaena Nacom pin pia bo tatsi

(Mt 24.1-2; Lc 21.5-6)

¹ Poxonae Jesús Nacom pin pia bo wejoniya, bapoxonae caein Jesús pijimonae jiwana tatsi, Jesús tsipaebatsi jeichi:

—¡Pon jwi Necuidubim, taema maisa pexeinya iboton, yawa pexeinya ibo bo! jei bapon.

² Ichitha Jesús jume nota bapontha, jeye:

—Aunxuae pataebename barapo iboton yawa xua pexeinya bon. Apará jopa cae ibotiyó nacopatuncuae tsane icha iboto peamatha. Daxita abe tsane, jei Jesús.

Meje yabara poxonae Jesús yabara paeba xua copyi matha pewanaeya exanaena petsita itatsi coyenewa poxonae daxita weraweracaenaba

(Mt 24.3-28; Lc 21.7-24; 17.22-24)

³ Bapoxonae Jesús pijimonae bará pona demxuwatheicha, po demxuwa pewan demxu Olivowa tsipei baxota umena olivo naein. Poxonae Jesús ecopiya demxuwatheicha, po demxuwa Nacom pin pia bo itama tayecatsi, bapoxonae Jesús pijimonae tatsi Pedro, iru Santiago iru Juan, iru Andrés, barapoyobe Jesús namicha tsipaebatsi.

⁴ Barapoyobe jeye:

—Paichichipan xua xam tapata netsipaebiwam tsane ¿eta poxonae metha ichamonae baxua exanaena poxonae abe cana exanaena Nacom pin pia bo tatsi? ¿Eta pocotsiwa tsane metha xua pewanaeya tsita itapeinya xeinaena po coyene xua poxonae imoxoyo daxita weraweracaenaba? jei Jesús pijimonaetha.

⁵ Jesús jume nota barapomonaetha, jeye: “Dota pam, bə ichamonae naerabiya paca muxu tsipaeba, xua daxota abe paexanaetsipame.

⁶ Tsipei tsana patsina ayei bicheito jwi pomonae natsicotaena icha be xan ichin. Barapomonaetha jei tsane: ‘Apará xan Mesías’, jei tsane. Poxonae barapomonaetha muxutorobiya paebina, bapoxonae pinmonae jume cowantsina.

⁷ “Pajume taename xua jwi juinya nabenoutsina xote, yawa xua juinya iruru nabenoutsina icha ira beya. Daichitha jopa pajunuwinde, tsipei baxua pewanaeya matha copyi tsane. Daichitha cataunxuae dapo matakabi aichica tsane xua poxonae daxita weraweracaenaba yatsicaewa.

⁸ Cae nacuapiwi iru icha nacuapiwino, barapo ainya nacuapiwibe nabenoutsina. Matautano iru pon nacua peewatsin iru ichandu pon icha nacua peewatsin, baponbe iru nantiya nabenabe. Matautano ainya nacuantha ira jijiyatsina. Matautano ainya nacuantha jainbo nacua tsane tsipei pin mayayo tsane. Baxua copyi matha tsane xua jwi atene tsoponae tsane bichocono xua beya jopa nama juniya tsane.

⁹ “Ichitha dota pam, tsipei poxonae baxua pewanaeya tsane jwi paca teiquebina painya nepaca caenaetsinexa pomonaetha pomonae toman pentacaponae. Matautano paca cuainchina judiomanae pia penacuetutsi bontha tatsi. Yawa paca caponaena nacua peewatsiwi peitabaratha tatsi, painya tana nejume cowantsixaemxae. Yawa paca caponaena pentacaponae peitabaratha tatsi pomonae iru itoroba jiwitha xua pon nacua peewatsin nexa painya tana nejume cowantsixaemxae. Barapoxonae bara paca cui itacupaena xua barapomonaetha tapana neyabara paebiwam pocotsiwa bayatha paca tsita exantsi.

¹⁰Barapo pecapanenebiyae diwesi, tamonaе bewa paebinoutsina daxita nacuanpiwitha xua poxonae pеwɔnaeya tsane xua daxita weraweracaenaba.

¹¹Poxonae barapomonaе paca caponaena pomonaetha pomonaе tomara pecanamataxeinaewi xua pia painya nepaca cayabara paebinexa tsane xua painya nenatsicuentsiwa xua abe painya neexanaexae bapoxonae jopa patsiwanaya junuwiya najuntɔ coyene exabinde xua painya netsipaеbiwa tsane barapomonaе. Paxam jame papaebare pocotsiwa xua caena bapoxonae Nacom cueicueijeji paca exanaena. Bapoxonae po jume pacueicueijam tsane apara jopa poxoru painya coya paichichipaem, apara jame Nacom pia Pejumope tɔnaxɔ tatsi baxua paca cueicueijeji exanaena.

¹²Jiwi barompraya pia peweicho jiwi caenaetsina ichamonaetha xua pejutebinexa tsainchi. Irɔɔ coxiyeiwi ichamonaetha caenaetsina pia pexui. Irɔ pexui paxa jiwi caenaetsina ichamonaetha pejutebinexa tsainchi.

¹³Daxita nacuanpiwi paca casebina painya tana nejume cowantsixaemxae. Ichitha pomonaе awiya antɔyapɔsɔya nejume cowantsiya jinompaena xua beya yacuiya werapaya othopaena poxonae bequein abe taexanatsi ichamonaе barapomonaе jame Nacom napaeba cana exanaena.

¹⁴“Daniel pon Nacom peitorobi jume pepaеbin, bapon caena bayatha yabara tsiwanaya muxu dutsiya tina pocotsiwa xua bichocono abe, pocotsiwa xua weraweraca cana exana. Pataename pocotsiwa xua ichɔn Nacom pin pia bo tututha exananotsina, pocotsiwa jopa bewa notsi baxota, pocotsiwa Daniel bayatha yabara paeba. Bapoxonae payaputaename xua bara imoxoyo matacabi jopaenaba poxonae daxita weraweracaenaba”, jei Jesú. (Xan Marcos paca baraichi: “Pon yorobina po jume diwesi tinan moya jume naitaewatsina pia peyaputaenexa tsane”, paca jeichi.) Equeicha Jesú jeye: “Poxonae barapocotsiwa pataename bapoxonae pomonaе Judea nacuatha jinompa, barapomonaе bewa demxuan berɔcipiyaena.

¹⁵Barapo matacabiha pon bo matatupatha uncua, bapon jopa bewa botha joniyaе tsane xua penotsiwa tsane pocotsiwa tabobeinchi bomɔxɔ tututha. Saya jame bewa nainya benaetsiricaena.

¹⁶Irɔɔ pon pabitha popona, bapon jopa bewa caibeya ponaе tsane botha xua penotsiwa tsane pia paparuwan. Saya jame bewa nainya benaetsiricaena.

¹⁷¡Pai yabaxi tsobenaе powaxi pexui bɔpana taenatsi barapo matacabiha! ¡Pai irɔ powaxi pexui isaina barapowaxi tsobenaerɔ! Tsipei acabe tsobenaе tsane pexui.

¹⁸Poxonae pеwɔnaeya tsane baxua Nacom pawɔcare xua jopa painya neɔɔpɔraewa tsane poxonae awɔbo peaquexae bichocono.

¹⁹Tsipei barapo matacabintha jiwi bichocono pin peraxa exanaeinchi. Atene tsane beyacaincha poxonae jiwi atene tsaibi poxonae Nacom aena nacua exana, xua equeicha nama bichocono pin peraxa tsane. Equeicha bexa bapoxonae bapana jopa baxua exanaе tsane poxonae bichocono jiwi pin peraxa.

²⁰Icha Nacom jopa be caentacabiyo be exanaetsipae metha dapomonaе ajibi tsipae pomonaе panenebiya barapo peatene coyenewa weya. Daichitha Nacom be caentacabiyo be exanaena peantobexae pijimonaе, pomonaе pia peitapetsiwixae tatsi.

²¹“Bapoxonae icha ichɔn paca jei: ‘Pataema bapon apara Mesías uncue pon Nacom itorobica’, paca jei, irɔ icha ichɔn paca jei: ‘Pataema bapon Mesías xota uncuiye’, paca jei, barapo jumein jopa pajume cowantsinde.

²²Tsipei pomonaе pemuxitorobi jiwi tsana patsina. Barapomonaе natsicotaena icha be xan ichɔn ponxaein Mesías. Matautano barapomonaе natsicotaena icha be pomonaе Nacom peitorobi jume pepaеbiwi ichi tsane. Barapomonaе pexeinya petsita itatsi coyenewan exanaena peitabocotha, po irathe tsaneno xua jiwi pemuxitorobinexa tsainchi xua jiwi pejume cowantsinexa pocotsiwa barapomonaе paeba. Barichirɔ pomonaetha pomonaе Nacom pia peitapetsiwi tatsi pemuxitorobinexa tsainchi xua irɔɔ icha metha barapomonaе pejume cowantsinexa tsanerɔ pocotsiwa barapomonaе paeba. Ichitha jopa itacɔpae tsainchi xua barapomonaе pemuxitorobiwa tsainchi.

²³Tsaca pajinompare, tsipei baxua tsiwanaya yabara paca tsiwɔnae muxu dutatsi”, jei Jesú.

Meje yabara poxonae Jesú nayabara paeba xua poxonae equeicha patopaetsica ponxae Nacom pia Peitapetsin

(Mt 24.29-35, 42, 44; Lc 21.25-36)

²⁴Equeicha Jesú namchi, jeye: “Po matacabintha poxonae nacui wetsina xua jiwi pin peraxa tsane, bapoxonae xometo nainya naquitabina. Jomocoichato jopa pentha tsane.

²⁵Opiteiton peitaboco weothopeicaena. Matauta napuna torobabiyaena Nacom xua xuan itabocotha dubena. Bapoxonae jopa xapain dubenanaeyo tsane.

²⁶ Bapoxonae daxita jiwi taena peitabocotha xua po coyene apara tapatopeicaewa tsaneba tsaquinaebowatha peitaboco wetsica ponxaein Nacom Tananeitapetsin. Nacom pia peayapusu itorobi coyenewatha matautano bichocono pexeinya itupanae coichathano tapatopeicaein.

²⁷ Matautano itorobin tamatatsunpiwi xua inta pecaetutsinexa pomonae taitapet-siwi. Nacaetutsina daxita nacuanpiwi jiwana, iru ichamonae pomonae ichaxota xometo weecoinapiwi jiwana, iru ichamonae pomonae ichaxota xometo bejopiypapiwi, jiwana, iru ichamonae pomonae pocotsiwa werenepiwi jiwana, iru ichamonae pomonae pocotsiwa berequepiwi jiwana.

²⁸ "Payaputaema barapo pecayabara juta pepaebi diwesiyo xua higuera nae. Jeye: Poxonae ba pataneme xua pena noxu xuxuwapona, bapoxonae ba payaputaneme xua bara imoxoyo wei tsurucuae tsoponae, xua pentono perubenaenexa.

²⁹ Barapocotsi juta coyeneya ichi tsane poxonae pataename daxita baxuan pocotsiwa aunxuae paca tsipaebatsi pocotsiwa bexa exanaena, bapoxonae payaputaename, xua bara imoxoyo tsane xua tapatopae wuna tsane.

³⁰ Bara xainyeya paca tsipaebatsi daxita judiomonae naitapataya naexanaponaena beya yacuiya othopaena poxonae Nacom exanaena daxita baxuan pocotsiwa xuaunxuae paca tsipaebatsi. Bapoxonae barapo judiomonae weraweracaena pomonae poxonaeru barapo matababitha jinompa.

³¹ Peitaboco aichurucuae tsane. Matautano ira aichurucuae tsane. Meisa nama tajumein ataya tsitecaena xua daxota daxita nayabara jume wetsina be pocotsi coyeneya bayatha paeban.

³² "Po matababitha baxua exanaena, matautano po horatha baxua exanaena jiwi jopa baxua yabara yaputaeyo. Iru matatsunpiwi pomonae peitaboco beicha jinompa baxuan iruru jopa yabara yaputaeyo. Iru xan ponxaein Nacom Pexanton baxua jopa yabara yaputaeyo. Meisa saya Nacom, pon Waxa yaputane poxonae po matababitha baxua exanaena. Matautano yaputane poxonae po horatha daxita exanaena baxua xuaunxuae paca tsipaebatsi.

³³ "Tsaca pajinompeibare xua tapatopae wuna tsane. Yawa Nacomtha patsipaeba dubenanaebiyama, tsipei jopa payaputaem po mataqueitha patopaein.

³⁴ Barapocotsi coyeneya juta ichi poxonae xan patopeicaein taitorobinexa tsane jiwi, icha be poxonae pebin ichi poxonae warapaena icha nacua beya. Poxonae bapon pewunaeya tsane xua warapaena pia bo weya, copiya matha waba pia petanacuichi-wichi. Bapon daxita pia petanacuichiwichi barompaya cobenata petanacuichiwantsi tatsi. Matautano bapon itoroba pon bo coiboto eena xua xanepanaeya bo pe-eenaenexa.

³⁵ Paxam tsaca pajinompare, tsipei jopa payaputaem poxonae patopeicaein, icha be barapomonae ichi poxonae jopa yaputaeyo poxonae pepatopaewa tsane pia pecana-mataxeinaeinchi pon bo pexeinaeinxae. Barapomonae jopa yaputaeyo icha barapon patopaena poxonae quirei tsanaicha, ichacuitha icha bapon patopaena papaetha, ichacuitha icha bapon patopaena mataqueiwaneyo, ichacuitha icha bapon patopaena baya tsane.

³⁶ Barapomonae jopa yaputaeyo xua pia pecanamataxeinaeinchi nainya patopaena xua yaichamaicha mata taenabounaeinchi poxonae maitumena.

³⁷ Meje xuaje paca tsipaebatsi, xua paca jeichi: "Tsaca pajinompare", paca jeichi, baxua iru daxita jiwitha tsipaeban", jei Jesús.

14

Meje yabara poxonae fariseomonae iru sacerdotemonae pia pentacaponae tatsi daxita barapomonae Jesús yabara nanta xeinatsi po coyeneya xua Jesús pewaetabiwa tsainchi (Mt 26.1-5; Lc 22.1-2; Jn 11.45-53)

¹ Acoibi po matababiyobe cataunxuae seica poxonae jiwi nacaetutsina penabanaenexa pexaewa, peyabara nanta xeinaenexa barapo matababi xua poxonae caena bayatha matha judiomonae Egipto nacua weya panenebiya. Barapo matababi pewan Pascua matababi wan. Barapo Pascua matababi wantha jiwi xane pan, po pan xua jopa cotowiyo. Sacerdotemonae pia pentacaponae tatsi, iru pomonae jiwi pecuidubiwi Moisés pia peitorobi coyene tatsi, daxita barapomonae nabaru muxu jei xua bepa pinae eta bichi tsane poxonae Jesús nameicha waetabinchi pebexubinexatsi.

² Ichitha barapomonae najeye:

—Abu jopa waetabi tsainchi poxonae jiwi Pascua matababi wantha nacaetuta penabanaenexa pexaewa. Tsipei icha barapo mataqueitha waetabichipatsi pinmonae

anaepanaya najume cayayataxubichipa, najei daxita barapomonaē xua Jesús yabara paebatsi.

Meje yabara poxonae petsiriwa Jesús mata epatabatsi penasiwa, po penasiwa petuxueiwa

(Mt 26.6-13; Jn 12.1-8)

³ Poxonae Jesús Betania tomaratha popona, bapoxonae Jesús Simón pia bo tatsi beta-joniyatsi, pon peperu sawinchi. Poxonae Jesús eca pexaethopaewatha, bapoxonae patopa petsiriwa. Bapowa capatopa alabastro ibo bosibu atsato, xua bichocono wunca penasiwa xua petuxueiwa. Barapo petuxueiwa bichocono ainya matoma. Poxonae wacataba barapo bosibu, bapoxonae Jesús mata epatabatsi barapo petuxuei nasiwatha.

⁴ Pomonaē iru baxota ena, barapomonaē jiwana anaepana, yawa caemonaē najei:

—¿Eta pocotsiwa metha saya xuba jane barapo petuxuei nasiwa?

⁵ Barapo petuxuei nasiwa becaenaetsipatsi. Bapoxonae hexeinaetsipatsi trescientos po paratiximonaēbe po paratiximonaēbe xua namatomata xua poxonae trescientos matacabibe nexa xua poxonae nacuita. Barapo paratixitha beyawenaetsipatsi peacopeibi jiwi, najei barapomonaē.

Bapoxonae barapomonaē barapowa casebatsi.

⁶ Ichitha Jesús jeye barapomonaētha:

—Moya pande, bara pacopare. ¿Eta pocotsiwa metha barapowa pabiataneme? Pocotsiwa barapowa inta exana apara seicayaru xua pexeinya coyene inta exana.

⁷ Barapo irathe peacopeibi jiwi paca baru jinompeibina ataya tsaiibi tsane. Paca itacupa xua beta pata exaname barapomonaē poxonae paichichipame. Ichitha nama paxam jopa ataya paca baru poponaē tsainchi barapo irathe poxonae paca itacupa xua pana neyaweneme.

⁸ Barapowa xua nenta epataraba tapepontha xua petuxuei tuxusi nasiwatha apara xua tsiwanaya nenacui yabara nacui wunaeta xua muthu tana neboyaenexa poxonae tupaēin.

⁹ Bara xainyeya paca tsipaebatsi. Daxita nacuanthan poxonae jiwi cueicueije tsane Nacom pia pecapanenebiyae diwesi barapo jiwi yawa yabara paebina xua pocotsiwa poxonae bapowa inta exana xua jiwi bapowa peyabara cui nanta xeinaenexatsi, jei Jesús.

Meje yabara poxonae Judas, Jesús caenaetaxotsi

(Mt 26.14-16; Lc 22.3-6)

¹⁰ Barapoxonae Judas Iscariote pon doce poyobe jiwana, pomonaē Jesús pijimonaēxae tatsi, bapon sacerdotemonaē pia pentacaponaeawi tatsi beya pona. Bapon pona xua petsipaēbinexa xua Jesús caenaetaxubinchi barapomonaētha.

¹¹ Poxonae barapomonaē baxua jume taerucupa bichocono ichichiparucupa baxua. Yawa barapomonaē Judas Iscariote muxu tsipaebatsi xua paratixi catsibapaebatsi. Bapoxonae Judas tamropata pitaba xua jeita, xua po coyenetha Jesús pecaenaetaxubiwa tsainchi barapomonaētha poxonae peyapu xanepanaewatha.

Meje yabara poxonae Jesús pijimonaē baru nabane Pascua wun matakabitha

(Mt 26.17-29; Lc 22.7-23; Jn 13.21-30; 1 Co 11.23-26)

¹² Nexata copiya matakabi jopa po matakabi tsiwana penanta carucuae matakabi xua po matakabintha poxonae jiwi tsinacaetutsina, xua penabanaenexa pan, po pan jopa muxuna pentsiyo levadura matawun, pocotsiwa xua cotowa exana pan. Barapo penanta carucuae matakabitha ba corderoxi peboxi xua oveja coxi jutebatsi xua jiwi pexaenexa. Bapoxonae barapo jiwi cayabara nanta xeina xua caena bayatha pia pamo susato jiwi tatsi corderoxi juteba yawa xane beya poxonae panenebiya Egipto nacua weya. Barapo matakabitha Jesús pijimonaē yainyabatsi, jeye:

—¿Exota ichichipame xua xota pexaewa paca tsiwunaetsinchi wanabanaenexa tsane xua Pascua wun matakabi nexa? jei barapomonaē.

¹³ Bapoxonae Jesús itoroba nacueyatabe poyobe ponbe xua doce poyobe jiwana, pomonaē Jesús pijimonaē tatsi. Jesús jeye:

—Tomara beya paponarebe. Barapo tomarathiya pantenta ponaenamebe pebin pon mera yantana ponaena juruwatotha. Bara bapon papuna pondebe.

¹⁴ Bo beya paponarebe ichaxota bapon joniyaena. Pon bo pexeinaein pabarande: ‘Pon jiwi Pecuidubin cabarai: ¿Incane tutura, po tututha tajiwiwimonaē baru nabanaein pexaewa Pascua wun matakabi nexa?’ jei bapon, pajandebe.

¹⁵ Bapoxonae bapon paca tsita itacayopichinabe po tutu pin tutu po tutu xua asiyeicha po tutu xua bayatha tutu xaneba. Barapo tututha pexaewa pana cui wunaetajebare xua wanabanaenexa pexaewa barapo Pascua wun matakabi nexa, jei Jesús.

¹⁶ Bara bapoxonae baponbe ponatababe. Bara patopabe tomaratha. Bara tanebe daxita be po coyeneya bayatha Jesús paeba. Bapoxonae pexaewa nacui w̄naetajebabe Pascua w̄n̄n matacabi nexa xua penabanaenexa.

¹⁷ Poxonae quirei tsanaicha bapoxonae Jesús pijimonae bar̄u patopa barapo tututha.

¹⁸ Poxonae Jesús pijimonae cataunxuae bar̄u xunaboca pexaethopaewatha, bapoxonae Jesús pijimonae barai, jeye:

—Bara xainyeya paca tsipaebatsi caein pon paxam jiwana pam pon nebar̄u xaeuncua bapon necanaetaxubina ichamonaetha, jei Jesús.

¹⁹ Nexata bapoxonae Jesús pijimonae tatsi unthuthu wecoyei ts̄ar̄uc̄pāe, nexata daxita tsana jei tsoponae Jesustha:

—¿Apara xan cacaenaetaxubinchi? jei daxita barapomonae xua Jesús tsana yainyabaponatsi.

²⁰ Jesús jume nota barapomonaetha, jeye:

—Pon paxam jiwana pam xua doce poyobe jiwana xua cae paratotha pana nabaru jajaucuncuaponanbe pan apara bapon necaenaetaxubina ichamonaetha.

²¹ Xan ponxaein Nacom Tananeitapetsin bewa t̄upāein, tsipei Nacom Pejume Diwesitha baxua neyabara paeba caena bayatha. Ichitha pebin tsocuae pon necaenaetaxubina ichamonaetha. Metha jame w̄nae tsipae icha bapon bayatha jopa naexanaetsipae, tsipei bexa tsane bichocono atene tsocuae tsane, bichocono abe tana necana exanaexae, jei Jesús.

²² Poxonae Jesús pijimonae bar̄u xaeuncua, bapoxonae Jesús pecobetha pita pan. Yawa Paxatha tsipaeba, jeye: “Axa, maisa juntu coyene weiweinan xua pan pata tanecatsiwam”, jei. Bapoxonae Jesús pecobetha pan epa janaca, yawa catsiba pijimonae. Bapoxonae pijimonae barai, jeye:

—Paxaema po pan epa janacan. Barapo pan apara neyabara caunuta tapepon xua poxonae tapaca tsit̄upāewatsi tsainchi, jei Jesús.

²³ Bapoxonae Jesús equeicha pecobetha pita corotiyu, yawa Nacomtha tsipaeba, jeye: “Axa, maisa juntu coyene weiweinan xua corotiyotha ecareca pepa uva mera xua pata tanecatsiwam”, jei. Bapoxonae Jesús pijimonae cata corotiyu xua pejiwana aapapon-aenexa. Daxita barapomonae bara jiwana aapapona.

²⁴ Bapoxonae Jesús jeye pijimonaetha:

—Pena petsiw̄nae muxu dutsi coyenewa paca tsipaebatsi. Barapo uva mera po mera xua corotiyotha tsijuntu eca yabara caunuta tajana barapo uva mera xua jana othopare-naein poxonae t̄upāein. Barapo jana tsita itapeinya xeinaena xua jiwi pinmonae yabara j̄ntem̄inaein abe pia peexanae cuiru coyenein tatsi.

²⁵ Bara xainyeya paca tsipaebatsi, barapo uva mera jopa equeicha paca bar̄u apae tsainchi anoxuae. Meisa ab̄u bexa tsane pena coyenewatha paca bar̄u apaeinchi barapo uva mera poxonae Nacom neexanaena xua itorobiya ewatsin jiwi, jei Jesús.

Meje yabara poxonae Jesús namchi xua pinae Pedro Jesús yabara jei tsainchi: “Jopa dapon yaitaeinyo”, pinae yabara jei tsainchi Jesús (Mt 26.30-35; Lc 22.31-34; Jn 13.36-38)

²⁶ Poxonae Jesús pijimonae bar̄u najume weta xua nax̄na Nacom nexa, bapoxonae Jesús pijimonae bar̄u pona demxuwa beya. Barapo demxuwa pew̄n demxu Olivowa, olivo naein peumenaexae baxota.

²⁷ Nexata Jesús pijimonae barai, jeye:

—Anoxuae barapo merawithe daxita pam pana necuentar̄uc̄pāename tapaca urapentsixaetsi tsainchi. Baxua paexanaename, tsipei Nacom Pejume Diwesitha paca yabara cui tsiw̄naeya jeye: ‘Poxonae ovejamonaē peewatsin hexubin, bapoxonae ovejamonaē tsanar̄uc̄pāena’, jei Nacom. Penamchixae poxonae ichamonaē newaetabina tanehexubinexa pana necuentar̄uc̄pāename.

²⁸ Ichitha taeyarapaeyo Nacom equeicha as̄u neexanaena. Bapoxonae paca tsiwana patopiyaeinchi Galilea nacua beya, poxonae bara beya paponaname, jei Jesús.

²⁹ Nexata Pedro Jesús jume notatsi, jeye:

—Bequein ichamonaē cacuentar̄uc̄pāena jinya neuraxubixae, nama xan bapana jopa cacuenta naetsiricuae tsainchi taneuraxubixaemxae, jei Pedro.

³⁰ Nexata Jesús Pedro jume baraichi, jeye:

—Bara xainyeya catsipaebatsi, po merawithe pew̄naeya poxonae ainya jume cuiy- obetha wacara pebto fibina, bapoxonae xam copya acoibi po jume cuiyobetha neyabara jam tsane: ‘Jopa dapon yaitaeinyo’, neyabara jam tsane, jei Jesús.

³¹ Ichitha Pedro equeicha jume daunweya, jeye:

—Bara bequein capuna t̄upāeinchi ichitha baxua jopa cayabara paebi tsainchi, jei Pedro. Ir̄ūū daxita Jesús pijimonae tatsi bara jumichi, nanta j̄piya paeba.

Meje yabara poxonaē Jesús Paxa tsipaeba ichaxota tsica iriyo, po iriyo pewun Getsemaní (Mt 26.36-46; Lc 22.39-46)

³² Nexata Jesús pijimonaē baru patopa ichaxota tsica iriyo po iriyo pewun Getsemaní. Baxota Jesús barai pijimonaē, jeye:

—Xote abu paenare tha matha Taxatha tsipaebichi, jei Jesús.

³³ Jesús baru pona Pedro iru Santiago iru Juan. Bapoxonaē Jesús bichocono unthuthu wecoyei, yawa bichocono unthuthu deideije.

³⁴ Nexata barapo acoibi poyobetha Jesús barai, jeye:

—Bichocono juntu coyene natsepiya wecoyan, tsipei muxu tatupaē. Xote paenare, yawa payoyocare xua painya tanebaru naitaewatsinexam, jei Jesús.

³⁵ Nexata Jesús tsiwiyo dabe natsixitabiya, irabe taecuareca, tsipei jopa juniya ajuntutaneyo. Jesús yaputane xua bichocono tsiatene tsane xua daxita jiwi abe pia peexanaē coyenein tatsi. Daxota Jesús Paxa wuca xua icha itacupatsi xua jopa penantawenonaē aewa xua peatenewa.

³⁶ Bapoxonaē Jesús Paxa tsipaeba, jeye: “Axa caitacupa xua daxita exaname. Icha ichichipame xua taneyawenaewam tsane, newepire pocotsiwa neajuntutane exana. Ichitha jopa necana exanaeinde xua pocotsiwa ichichipan. Saya jame necana exande xua pocotsiwa ichichipame”, jei.

³⁷ Nexata Jesús equeicha caibe iya ichaxota pijimonaē jiwana tatsi taenatsi xua acoibi poyobe. Ichitha barapomonaē maita. Jesús Pedro baraichi, jeye:

—Simón, ¿maituncuame? ¿Jopa caitacupaeyo xua yoyocame xua jinya tanebaru naitaewatsinexam, matautano xua bara cae horathano?

³⁸ Maisa payoyocare. Nacom patsipaebare xua jopa abe painya neexanaewa tsane poxonaē caurimonaē pia pentacaponaein tatsi piraichi paca juntu coyene jujuta. Painya juntu coyene wetsina bichocono paichichipame xua Nacom painya netsipaebiwa, ichitha painya pepon bichocono paacoyenefaetabim xua painya netsipaebiwa Nacom.

³⁹ Equeicha Jesús bara nama caeto caibeya pona xua Paxa petsipaebinexa barapo jumetha, po jumetha copiya Paxa tsipaeba.

⁴⁰ Bapoxonaē equeicha Jesús pijimonaē beya pona xua acoibi poyobe. Daichitha barapo acoibi poyobe came maitumena, tsipei bichocono itata tsacatsaquei xua itamaipana. Barapomonaē jopa yapuraeyo xua Jesús petsipaebiwa tsi poxonaē yaichamaicha mata taenanaboumeinchi.

⁴¹ Bara nexata equeicha Jesús saya cuenta pona pijimonaē, xua Paxa equeicha petsipaebinexa. Equeicha pijimonaetha patopa acoibi po cuiyobetha. Jesús jeye pijimonaetha:

—¡Moya bara painya nepu maitumenaēinde, aunxuae jopa Nacom patsipaebim xua painya necayawenaenexa! Bayatha tsuxubi po horatha xua xan ponxaein Nacom Tananeitapsin, ichun nacaenaetaxubina ichamonaetha, pomonaetha pomonaē peantucoyenebe jiwi.

⁴² Panacosabapende, panonobapondeno. Antha bu poinchi. Dota dawerena pon nacaenaetaxubina ichamonaetha, jei Jesús.

Meje yabara poxonaē Jesús waetabatsi (Mt 26.47-56; Lc 22.47-53; Jn 18.2-11)

⁴³ Poxonaē Jesús cataunxuae tsipaebuncua pijimonaē, bapoxonaē Judas patopa. Bapon Judas doce poyobe jiwana caein pomonaē Jesús pepa pijimonaexae tatsi. Judas pinmonae baru patopa Jesustha. Ichamonaē cusin cajinjinca. Ichamonaē iwabi cajinjinca. Daxota daxita barapomonaē pata tsipei sacerdotemonaē pia pentacaponaei tatsi, iru pomonaē jiwi pecuidubiwi Moisés pia peitorobi coyene tatsi, iru pomonaē pitiri jiwiru daxita barapo pentacaponaei itoroba barapomonaetha.

⁴⁴ Judas pon Jesús caenaetaxubinchi beya poxonaē bapon patopa cou tsiwanaya paeba barapo pin bicheitha cou Jesús yabara paebatsi, cou jeye: “Pon tsutsubin bapon apara barapo pebin Jesús. Nexata moya bara pawaetabare. Pacaponde xua soldadomonaē xainwaicha pecatsinexa tsane”, jei Judas.

⁴⁵ Nexata Judas Jesús imoxoyo caquita poinchi. Bapoxonaē nainya Jesús jeichichi:

—Pon jiwi Necuidubim, ¿xamda? jei Judas.

Bapoxonaē nainya Judas Jesús tsutsubatsi.

⁴⁶ Nexata barapomonaē pomonaē Judas pebaru patopaexae, Jesús imoxoyo caquita umenarucupatsi. Bapoxonaē Jesús waetabatsi.

⁴⁷ Caein pon Jesús pijimonaē tatsi jiwana, bapon nainya cusi namara wejonta. Bapoxonaē bapon muxuyoro catsoniba, pon sacerdotemonaē pia pepa pentacaponaein tatsi tanacuitatsi bapon muxuyoro catsonibatsi.

⁴⁸ Bapoxonaē Jesús jeye jiwitha:

—Pacapatame cusin, yawa iwabi ichi be poxonae pacana ichim pontha pon jiwi pecaibin.

⁴⁹ Daxita matababin Nacom pin pia botha tatsi paca baru poponeibatsi. Paca cuidubeibatsino. Daichitha bapoxonae jame jopa pana newaetabim. Ichitha daxita baxuan neyabara canacui jume weta exana, bayatha Nacom Pejume Diwesitha tana necui yabara wanae tsiwanaya paebixae pomonae Nacom peitorobi jume pepaebiwi.

⁵⁰ Bapoxonae Jesús daxita pijimonea cuentaracatsi.

⁵¹ Bapoxonae pewowin Jesús puna poinchi pon saya meisa paparuwatha naepa yaraba. Barapo pewowin waetabatsi pomonae Judas baru patopa.

⁵² Ichitha barapo pewowin nama xuetacuta pia paparuwa epato. Tamasa naetsiricua.

Meje yabara poxonae Jesús capoinchi judiomonae pia pecanamata caitorobi jiwi bicheito tatsi pia peitabaratha tatsi

(Mt 26.57-68; Lc 22.54-55, 63-71; Jn 18.12-14, 19-24)

⁵³ Pomonae Jesús teicatsi, barapomonae Jesús capoinchi pon sacerdotemonae pia pepa pentacaponaein tatsi pia bo tatsi beya, pon yatsicaya peainya cuin. Baxota iru sacerdotemonae pia pentacaponaeawi tatsi nanacaetuta. Iru pitiri jiwino nanacaetuta. Baxota iru nanacaetuta pomonae jiwi pecuidubiwi Moisés pia peitorobi coyene tatsi. Daxita barapo penacaetutsi jiwi, barapomonaetha jiwi wan duta “Pecanamata caitorobi jiwi bicheito”, jei.

⁵⁴ Iru Pedro Jesús tsiwiyo taju pu taetae tsiniyatsi beya poxonae patopa panatha, po panatha ichaxota sacerdotemonae pia pepa pentacaponaein tatsi tauncuatsi bo. Poxonae Pedro pana tututha joniya bapoxonae naeca imoxoyo policiamonaetha pomonae Nacom pin pia bo tatsi pe-eenaewi. Pedro cui tane po coyeneya xua Jesús cana exantsi pomonae nacaetuta. Pedro nonopeca isototha.

⁵⁵ Sacerdotemonae pia pentacaponaeawi tatsi, iru ichamonaeno pomonae pecanamata caitorobi jiwi bicheito, daxita barapomonae jeita ichamonaeno pomonae xua Jesús naerabiya peyabara paebinxatsi pocotsiwa xua Jesús paeba, xuano xua exana, pia barapo jumetha paebichi xua bara Jesús tupa peexanaewa tsainchi. Bara bequein pin bicheito pata xua Jesús abeya peyabara paebinxatsi, ichitha cataunxae barapomonae pomonae pecanamata caitorobi jiwi bicheito came jopa xeinaeyo po diwesi xua daxota Jesús pebexubinxatsi.

⁵⁶ Pinmonae bequein Jesús yabara naerabiya paebatsi, ichitha tsanaya barompaya pia diwesin paeba.

⁵⁷ Ichamonaeno asiya umena, yawa naerabiya Jesús yabara paebatsi.

⁵⁸ Barapomonae jeye:

—Paxan pajume tan xua bapon Jesús paeba, jeye: ‘Xan abe exanaein barapo Nacom pin pia bo, po bo jiwi pia coutha acaba. Acoibi po matabibibe icha bo equeicha exanaein po bo jiwi jopa exanaeyo’, jei Jesús, jei barapomonae.

⁵⁹ Daichitha barapomonae awiya came cataunxae tsanaya barompaya ichawan paeba. Barapomonae pia pepaebiwana xua Jesús peyabara paebiwatsi jopa pebaruya nanta juraya nanta xeinaeyo.

⁶⁰ Bapoxonae sacerdotemonae pia pepa pentacaponaein tatsi asiya uncuataba xua daxita peitabaratha tatsi. Bapoxonae bapon Jesús yainyabatsi, jeichichi:

—¿Jopa jume notsim barapomonae? ¿Bara xainyei xua po jumein barapomonae cayabara paeba? jei bapon.

⁶¹ Daichitha Jesús saya moya uncua. Jopa jume notsiyo bapontha. Daxota equeicha sacerdotemonae pia pepa pentacaponaein tatsi jeye Jesththa:

—¿Bara yatsicaya xam Mesías pon Nacom necaitorobin, pon Nacom Pexantom, po Nacom wanae pajainteiban? jei bapon.

⁶² Bapoxonae Jesús jume nota bapontha jeye:

—Aa, bara xan tsocuaein apara, Nacom Pexantom apara. Paxam pana netaename xua xan ponxaein Nacom Tananeitapsin ecaein Nacom pexoca weya tatsi, pon peayarusu itorobi coyenewa pexeinaein. Matautano pana netaename poxonae equeicha patopeicaein tsaquinaebowantha xua peitaboco wetsica, jei Jesús.

⁶³ Nexata bapoxonae sacerdotemonae pia pepa pentacaponaein tatsi, pin anaetha anaya pia paparuwa nata tsitsinaxuba, peyabara anaepanaexaetsi Jesús, jeye:

—¡Nama equeicha jopa wanantawenonaewa ichamonaeno xua wanaca tsipaebiwa tsane xua bapon peyabara paebiwatsi! Bapon natsiaenae exana abe pepaebixae barapo jume poxonae Nacom pexanto najainta.

⁶⁴ Bara paxam pajume taneme pocotsiwa bapon paeba pocotsiwa Nacom jopa ichipaeyo. ¿Eta xua pacayabara nanta xeiname xua paexanaename bapontha abe pepaebixae? jei.

Daxita barapo pecanamata caitorobi jiwi bicheito jeye:

—Bara xainyeya paebame. Jesús abe pia pepaebixae, Nacom tsitatsi xua bapon Nacom tsita natsicuentatsi. Daxota bapon bewa tupaena, jei barapo pecanamata caitorobi jivi bicheito.

⁶⁵ Bapoxonae barapomonae jiwana, peonetha Jesús anaya itabara subabatsi. Poxonae Jesús itacuere catatsi, bapoxonae Jesús itabara tsaquibacotatsi pecobetha. Barapomonae jeye Jesustha:

—Incane pana netsipaebare: ¿Jintam caitabara tsaquibobara xua bequein paca itabara catatsi? jei barapomonae.

Bapoxonae iru policiamonae pomonae Nacom pin pia bo tatsi peenaewi Jesús itabara cuaintatsi.

Meje yabara poxonae Pedro Jesús yabara paebatsi xua jeye: “Jopa dapon yaitaeinyo”, xua yabara jeichichi Jesús

(Mt 26.69-75; Lc 22.56-62; Jn 18.15-18, 25-29)

⁶⁶ Poxonae cataunxuae Jesús cana exanompatsi bapoxonae iruru Pedro eca panatha tsica xua bo peuma werena. Bapoxonae yabuyo patopa powa sacerdotemonae pia pepa pentacaponaein tatsi tanacuitatsi.

⁶⁷ Poxonae barapowa Pedro tainchi xua nonopeca, Pedro came taeuncuatsi. Pedro jeichichi:

—Apara xam bayatha iruru napuna poneibame Jesús, pon Nazaret tomarapin, jei yabuyo.

⁶⁸ Ichitha Pedro jume matawenta bapowa, jeye:

—Jopa dapon yaitaeinyo, matautano jopa yaputaeinyo pocotsiwa xua yabara paebame, jei Pedro.

Bapoxonae Pedro pona bomuxu coiboto beya. Bapoxonae wacara pebto fiba.

⁶⁹ Equeicha bapowa Pedro tainchi. Bapoxonae bapowa tamropata pitaba xua tsipaeba pomonaetha pomonae baxota iru umena. Bapowa Pedro yabara paebatsi, jeye:

—Apara bapon pomonae Jesús pijimonae tatsi jiwana, jei.

⁷⁰ Equeicha Pedro jume matawenta bapowa, jeye:

—Jopa dapon yaitaeinyo, jei Pedro.

Pirapaeyo pomonae umena baxota equeicha Pedro tsipaebatsi jeichichi:

—Bara xaniwaicha barapomonae jiwana. Apara xam Galilea nacuapim, jei pomonae umena.

⁷¹ Nexata Pedro jume daunweya, jeye:

—Bara Nacom peitabaratha xainyeya paca tsipaebatsi pocotsiwa bara xainyeya tapae-biwa. Icha jopa xainyeya paca tsipaebichipaetsi metha barabu Nacom abe necana exanaetsipa. Equeicha paca tsipaebatsi: ‘Jopa dapon yaitaeinyo’, xuaunxuae pon payabara paebame, jei Pedro.

⁷² Bapoxonae iruru caena nainya wacara pebto equeicha fiba. Nexata Pedro nanta xeinataba xua bayatha Jesús Pedro tsipaebatsi poxonae jeye: ‘Xam barapo merawithe pewunaeya poxonae ainya jume cuiyobetha wacara pebto fibina xam copiya acobi po jume cuiyobetha neyabara jam tsane: Jopa dapon yaitaeinyo neyabara jam tsane. Bapoxonae nainya iru wacara pebto fibina’, jeichichi Pedro xua Jesús paeba. Nexata bapoxonae Pedro bichocono wecoyei peanthathatanaxae xua Jesús peyabara paebiwatsi.

15

Meje yabara poxonae Jesús uncua Pilato peitabaratha tatsi

(Mt 27.1-2, 11-14; Lc 23.1-5; Jn 18.28-38)

¹ Poxonae penta tsina sacerdotemonae pia pentacaponaein tatsi, iruru judiomonae pia pitiri jivi tatsi, iru pomonae jivi pecuidubiwi Moisés pia peitorobi coyenein tatsi, iruru ichamonae pomonae pecanamata caitorobi bicheito jivi jiwana, daxita barapomonae yabara nacaetuta xua nanta juraya peburuya penanta xeinaenexa po coyeneya xua Jesús pebexubiwa tsainchi. Bapoxonae barapomonae Jesús maxu catatsi. Bapoxonae capoinchi Pilato beya.

² Pilato Jesús yainyabatsi, jeye:

—¿Bara xam yatsicaya judiomonae itorobiya pia pepa neewatsin? jei.

Jesús jume nota, jeye:

—Xuaunxuae paebame bara baxua apara, jei Jesús.

³ Sacerdotemonae pia pentacaponaein tatsi namchi Pilatotha, jeye:

—Bapon Jesús bichocono exana pocotsiwa xua abe, jei barapomonae.

⁴ Equeicha Pilato yainyaba Jesustha, jeye:

—¿Jopa jume notsim pocotsiwa barapomonae abe cayabara paeba? Maisa barapomonae bichocono abe cayabara paeba, jei Pilato.

⁵ Ichitha Jesús jopa equeicha jume notsiyo, Pilato jopa jume notichi. Daxota Pilato najuntá coyene cabenaeca poxoru Jesús jopa nayabara paebiyo xua pia coya penayawenaenaexa.

Meje yabara poxonae Pilato jume baru jejei xua Jesús bara pebexubiwa tsainchi ichamonae

(Mt 27.15-31; Lc 23.13-25; Jn 18.38-19.16)

⁶ Bara nama matabi jopa poxonae ba Pilato pia cui xeina poxonae ba jiwi tsinacaetuta pexaewa penanabanaenexa. Barapo matabitha Pilato ba pu sotaba pon ba jiwi itapeta cowai xua Pilato peisanaxubinexa pomonae jiwi pecubi botha peenaewi jiwanae pin.

⁷ Barapo jiwi pecubi botha iruru eca pon pewun Barrabás. Bapon bichocono abe peexanaein tsipei caena bayatha matabona ichamonae xua barapomonae najume tsacaba cana exanatsi xuano xua jiwi jutebatsi.

⁸ Bapoxonae pin bicheito jiwi pata Pilatotha, xua Pilato pewucaenexa tsainchi xua bapon exanaena pia cui coyeneya poxonae xua isanaxubina caein pomonae jiwi pecubi botha peenaewi jiwanae pin.

⁹ Bapoxonae Pilato yainyaba barapomonae Jesús yabara, jeye:

—¿Paichichipame xua tapu sotabiwa tsane pon judiomonae itorobiya pia pepa peewatsinchi? jei.

¹⁰ Baxua Pilato paeba, tsipei bapon yaputane xua sacerdotemonae pia pentacaponae watsi Jesús uwatsi. Daxota barapomonae Jesús caenaetaxubatsi Pilatotha.

¹¹ Ichitha barapo sacerdotemonae pia pentacaponae watsi jiwi jume cui tsacabatsi xua anaepana cana exanatsi, xua Pilato pecui itorobinexatsi xua Barrabás pepu sotabinexatsi, xua Jesús jopa pepu sotabinexatsi.

¹² Equeicha Pilato yainyaba barapo jiwi, jeye:

—¿Eta xua cana exanocuaein pon pawun dutame, xua pajam: 'Judiomonae itorobiya pia pepa peewatsinchi?' pajam, jei.

¹³ Barapomonae Pilato daunweya jume notatsi, jeye:

—¡Bewa maisa naetotha tparucua exanaem! jei.

¹⁴ Bapoxonae Pilato jeye barapomonaetha:

—¿Eta pocotsiwa xua metha jane, xua abe exana? jei.

Ichitha equeicha daumetha jume daunweya, jeye:

—¡Bewa maisa naetotha tparucua exanaem! jei.

¹⁵ Pilato ichichipa xua bapon jopa peita aenae-aeneiwatsi jiwi. Daxota Pilato Barrabás nama pu sotabatsi. Bapoxonae Pilato itoroba xua soldadomonae bara Jesús moya pecuainchinexatsi pocotsiwatha eewa xua bichocono amapiya xua xota jiwi cuainteibatsi poxonae abe exaneiba. Matautano itorobano xua moya bara Jesús tparucua exanaeinchi naetotha.

¹⁶ Bapoxonae soldadomonae Jesús capoinchi Pilato pia bo tatsi beya po soldadomonae yapu eena Pilato pia bo tatsi. Bapoxonae barapo soldadomonae waba icha soldadomonae xua daxita barapo soldadomonae Jesús pematawacaicha umenaenexa tsainchi.

¹⁷ Bapoxonae Jesús pia paparuwa juma xuenatsi. Yawa juma xatatatsi icha paparuwa po paparuwa tsobia xua Jesús be pecana exanaenexatsi pon jiwi itorobiya pia pepa peewatsinchi. Yawa poxonae nacobe weta xua fata pee bapoxonae Jesús muxuna mata xatatatsi barapo pee tepa.

¹⁸ Bapoxonae barapomonae tamropata notarucupa xua Jesús cui caponaeya jeichichi:

—¿Xamda? ¡Apara xam barapom pon judiomonae itorobiya pepa Neewatsin! jei.

¹⁹ Po naewa xua Jesús cobenatsi bayatha, barapo naewa Jesús cobe wepitatsi. Bapoxonae barapo naewatha Jesús mata cuaintatsi. Matautano Jesús yabara naone subabatsi. Bapoxonae barapomonae Jesús peitabaratha tatsi pentabocotha taumeinchi, xua Jesús naerabiya wanae pejainchinexa tsainchi.

²⁰ Poxonae Jesús cana cui wetatsi xua cui caponatsi equeicha bapoxonae Jesús caewa juma wejontatsi xua po paparuwa tsobia. Bapoxonae equeicha caewa juma xatatatsi po paparuwa pia paparuwaxae tatsi. Bapoxonae Jesús capoinchi xua pecobe matabobinexatsi naetotha pebexubinexatsi.

Meje yabara poxonae Jesús tparucua exanatsi naetotha

(Mt 27.32-44; Lc 23.26-43; Jn 19.17-27)

²¹ Poxonae Jesús namtotha caenapoinchi soldadomonae, bapoxonae barapo soldadomonae taeba pebin, pon Cirene tomarapin pon pewun Simón. Bapon wexua werena pona. Bapon Alejandro paxa tatsi, iru xua Rufo paxa tatsi. Bapoxonae barapo soldadomonae Simón itorobatsi xua pecaponaenexa Jesús pia naeto tatsi, po naetotha tparucua peexanaenexatsi Jesús.

²² Bapoxonae Jesús capoinchi uruto beya, po uruto be jiton matasipa piwa, daxota barapo uruto jiwi wɔn unuta “Gólgota”, jei.

²³ Baraxotiya Jesús apatatsi vino mera, po vino mera equeicha muxuna epareca mirra mera matawɔn po mera bichocono atsu. Ichitha Jesús jopa apaeyo.

²⁴ Matautano bapoxonae Jesús tɔparucua exanatsi. Bapoxonae barapo soldadomonae nata tsaba Jesús pia paparuwan tatsi. Barapomonae bebeya ibotixi penacueranta notsinexa Jesús pia paparuwan tatsi.

²⁵ Poxonae baya a las nueve tsuxubi, bapoxonae Jesús tɔparucua exanatsi naetha.

²⁶ Jesús pentutu wetsica tadutatsi napaewa xua barapo napaewatha tina. Barapo petinae dutsiwa Jesús yabara jeichichi: “Baponje apara judiomonae itorobiya pia pepa peewatsinchi”, jei barapo petinae dutsiwa.

²⁷ Irɔn ponbe jiwi pecaibinbe tɔparucua exanatsi naetha imoxoyo ichaxota Jesús ducua. Ichɔn Jesús petsocona wetarucuiyatsi, ichɔn pecoxa wetarucueinatsi.

²⁸ Poxonae barapomonae baxua exana, bara barapomonae yabara jume cui weta pocotsiwa xua bayatha Nacom Pejume Diwesitha Mesías yabara paebatsi xua jiwi paeba, xua jeye: “Bapon pomonae abe peexanaewi jiwana”, jei.

²⁹ Pomonae Jesús xenta poinchi barapomonae Jesús cui capoinchi. Yawa Jesús yabara itata naichaquebatsi. Barapomonae jeye Jesustha:

—ɪXam bayatha jam: ‘Nacom pin pia bo abe exanaein, bapoxonae equeicha acoibi po matakabibe xanebin’, jam!

³⁰ ɪMoya bara jinya coutha nacapanepare naeto wetsica icha bara metha Nacom Pexantom tsipaem! jei barapomonae.

³¹ Irɔ sacerdotemonae pia pentacaponae tatsi, irɔ pomonae jiwi pecuidubiwi Moisés pia peitorobi coyene tatsi, barapomonae Jesús cui capoinchi, yawa najei Jesús yabara:

—Bapon cain capanepeibabei ichamonae, came jopa nacapanepaeyo.

³² ɪIcha bara bapon Mesías, pon israelmonae itorobiya pia pepa peewatsinchi, bɔ bapon bara pia coutha naeto wetsica ecoinca! ɪXainya bapoxonae jume cowantatsi xua wataexae tsane! najei barapomonae.

Barichirɔ baxua paebabe ponbe jiwi pecaibinbe, ponbe xua irɔn cobe matatabadutatsibe naetha. Baponbe irɔn Jesús cui caponatsi.

*Meje yabara poxonae Jesús tɔpa
(Mt 27.45-56; Lc 23.44-49; Jn 19.28-30)*

³³ Poxonae Jesús cataunxuae ducua naetha, bapoxonae daxita nacuantha bichocono aitaquiri xua poxonae mateinyaxae weya, beya yatabopiya. Tres po horabe quirei tsuncuae.

³⁴ Bapoxonae Jesús jume daunweya wawai jeye: “Eloi, Eloi, ¿lema sabactani?” jei, (barapo jumetha xua jei: “Tanacom, Tanacom, ¿eta pocotsiwa metha nepunaxubame?” jei Jesús.)

³⁵ Ichamonae pomonae baxota Jesús jume taeumeinchi, barapomonae jeye:

—Pajume taema, bapon waba, Elías wabatsi, pon Elías Nacom peitorobi jume pepaebin pon caena bayatha tɔpa, jei.

³⁶ Bapoxonae caein bapomonae jiwana nainya cuinaepoinya yawa pitaba esponja xua baxota pemene capichinexa vino mera xua po mera mene atsu. Poxonae bapon baxota mene capita, naewatha duta xua Jesús petayoichaenexatsi xua petsutsubinexa. Bapon jeye:

—Abɔ, abɔ jopa apatsinde. Waxainchi abɔ matha taeinchi icha Elías patopeicaena xua bapon pepichinexatsi naeto wetsica, jei.

³⁷ Bapoxonae Jesús jume daunweya wawai. Bapoxonae nama tɔpanaicha Jesús.

³⁸ Bapoxonae paparuwa, po paparuwa Nacom pin pia botha tatsi ducua, barapo paparuwa nainya bopiya epa matonta tsitsiqueica ainya epatobe naexanabe.

³⁹ Soldadomonae pia pentacaponaein tatsi, pon romanomonaepin pon Jesús peitabaratha tauncuatsi, poxonae bapon tane xua Jesús tɔparucua, bapon jeye:

—Apara bara yatsicaya bapon Nacom pepa Pexanto tatsi, jei.

⁴⁰ Barichi irɔ ainyawaxi yabɔxi barapowaxi Jesús tsiwiyo taju wetaeumeinyatsi. Barapowaxi jiwana, ichowayo pewɔn Maria Magdalena, powa Magdala tomarapiwayo. Ichowayo irɔ pewɔn María, Santiago pon xuyapin, irɔ José matapin, baponbe penabe tatsi. Ichowayo irɔ pewɔn Salomé.

⁴¹ Barapowaxi Jesús bayatha matha puna jinompatsi xua Jesús peyawenaenexatsi xua poxonae Galilea nacuatha popona. Irɔ ichowaxi yabɔxi pinmonae powaxi Jesús baru patopa Jerusalén tomaratha.

*Meje yabara poxonae Jesús petɔpaein ibo muthatha yauxatababotatsi
(Mt 27.57-61; Lc 23.50-56; Jn 19.38-42)*

⁴² Po mataqueitha pewun penacui xaxainchi matababi poxonae judiomonae ba weta daxita xua penacuichiwa pewunaeya poxonae jopaena pentaquei seicae matababi, poxonae quirei tsanaicha barapo penacui xaxainchi matababitha bapoxonae patopa pebin Pilatotha.

⁴³ Bapon pon pepatopaexae bapon pewun José, pon Arimatea tomarapin. Bapon pomonae pecanamata caitorobi jiwi bicheito jiwana pin. Bapon baru cui itura jineibatsi jiwi. Bapon yabara jume cowantsiya wanae ewateiba po coyenewa xua poxonae Mesías patopaetsica pon jiwi itorobiya peewetsinexatsi. José ajantacoyenetsaquiya patopa Pilato pia xantha tatsi pewucaenexa Jesús petupaen.

⁴⁴ Bapoxonae Pilato yabara najuntü coyene cabenaecataba xua bayatha Jesús tupa. Daxota bapon itoroba soldadomona pia pentacaponaein tatsi pia yaputaetsi po coyene xua eta poxonae bayatha tupa.

⁴⁵ Poxonae barapo soldadomona pia pentacaponaein tatsi paeba xua pinae bayatha Jesús tupa, bapoxonae Pilato copata xua José bara pichina Jesús petupaen.

⁴⁶ Bapoxonae José pexeinya paparuwa comota. José naeto wepichica Jesús petupaen. Yawa mata quiyontabareca barapo pexeinya paparuwatha. Bapoxonae José ibo muthu iya boya Jesús petupaen. Yawa torenababapoinya pin ibo panawa. Yawa barapo ibo panawatha yauxatatabanota.

⁴⁷ María Magdalena, powa Magdala tomarapiwayo iru icha María powa José pena tatsi, barapowabe tanebe ichaxota Jesús petupaen boyatsi.

16

Meje yabara poxonae Jesús equeicha asu juina exanatsi petupae cuiru coyene weya (Mt 28.1-10; Lc 24.1-12; Jn 20.1-10)

¹ Nexata barapo judiomonae pia pentaquei seicae matababi tatsi yapucaewaba poxonae quirei tsanaicha xua icha matababi jopa. Bapoxonae María Magdalena, powa Magdala tomarapiwayo, iru icha María powa Santiago pena tatsi, iru ichowayoru powa pewun Salomé, daxita barapowaxi comoca petuxueiwan peponaenexa xua Jesús peperu epababinexatsi petupaen.

² Bapoxonae baya caemumbotha, po matababitha xua nanta carucua cae semanatha, barapowaxi capata petuxueiwan ichaxota Jesús ibo muthu iya boyatsi. Bapoxonae xometo pichatabina.

³ Barapowaxi caewaxi natsipaebenapona, najei:

—¿Jintam metha nacata pataxubina barapo ibo panawa xua yauxatatabotatsi? najei.

⁴ Daichitha poxonae barapowaxi taerucupa xua po pin ibo panawatha yauxatatababota barapo ibo muthu bayatha cou yaupataxubanota.

⁵ Barapowaxi johoniya barapo ibo muthu iya. Barapo ibo muthu tutu iya pewowin eca po muxunene pecoxa weya. Bapon nama xatata paparuwa, po paparuwa bichocono apiya yawa bichocono inyapana. Barapo yabuxi bichocono junuwa, pewowin cunuwatsi.

⁶ Ichitha barapo pewowin jeye barapo yabuxitha:

—Jopa pajunuwinde. Paxam pajeitame Jesús Nazaret tomarapin, pon bayatha naetotha tupa. Ichitha bapon anoxuae xote jopa bocaeyo. Bayatha asu petupae cuiru coyene weya. Pataema ichaxota Jesús bayatha botatsi petupaen.

⁷ Bara paponare, yawano patsipaebare Pedro iru ichamonae pomonae Jesús pijimonae tatsiru. Nexata pajande: ‘Bepa Jesús paca tsiwana patopiya Galilea nacua beya poxonae bara bepaiyiyaenane. Bapoxonae baxotiya pataenane bapon icha be pocotsi coyeneya paca tsipaeba bayatha’, pajande, jei pewowin barapo yabuxitha.

⁸ Barapo yabuxi ibo muthu wejondena. Yawa bara weya ducupa tsipei bichocono pijunuwi jijiyei. Barapo yabuxi jopa paebiyo ichamonaetha poxoru bichocono junuwa.

Meje yabara poxonae Jesús María tsita naitutatsi powayo Magdala tomarapiwayo (Jn 20.11-18)

⁹ Poxonae Jesús asu exanatsiba petupaewa weya po mataqueitha opi carucua xua cae semanatha poxonae aena pentha, bapoxonae Jesús tsita naituta María Magdalena, powa Magdala tomarapiwayo. Barapowa caena bayatha Jesús taitaweta cauri siete poyobe xua bapowa xeina barapo cauri, xua equeicha bapowa jopa pexeinaenexa.

¹⁰ Poxonae Jesús tainchi bapowa pona pemuxu tsipaebinxaxa pomonaetha pomonae anoxuae anthathutane yawa wecoyeyi xua Jesús petupaexae. Barapomonae bayatha Jesús pepuna jinompaewichi.

¹¹ Poxonae barapomonae jume tane xua juinya Jesús asu popona, yawa xua bapowa bayatha Jesús tainchi, barapomonae baxua jopa yabara jume cowantsiyo.

Meje yabara poxonae Jesús pebinbe tsita naitata namtotha poxonae Emaús tomara beya ponabe

(Lc 24.13-35)

¹² Pirapae bapoxonae equeicha Jesús tsita naitata pijimonae tatsi jiwanaetha icha cui coyenyatha xua poxonae jopa xapain yaitaetsi poxonae namtotha pipatotha ecaponabe aisawatha.

¹³ Bapoxonae baponbe caipe nawiyabe. Yawa tsipaebabe ichamonaetha xua Jesús pijimonaetha tatsi xua po coyene bayatha Jesús baponbe tsita naitatatsibe. Ichitha barapomonae barichiru iru jopa jume cowantsiyoru barapo diwesi pocotsiwa baponbe paebabe.

Meje yabara poxonae Jesús cui itoroba pijimonae xua pia diwesi tatsi daxita nacuantha petapaebiwa tsainchi

(Mt 28.16-20; Lc 24.36-49; Jn 20.19-23)

¹⁴ Pirapae Jesús tsita naitata pijimonae pomonae once poyobe poxonae barapomonae pexaethopaewatha iratha ena. Jesús pin jumetha muxutaeniquiya exana xua jopa pejume cowantsixaetsi matautano peyabara muxusipanaexaetsi matauta xua jopa peyabara jume cowantsixaetsi pocotsiwa paeba pomonae tane xua Jesús equeicha bayatha asu popona petupae cuiru coyene weya.

¹⁵ Jesús jeye pijimonaetha: “Paponare, daxita nacuantha beya. Patsipaebare daxita jiwitha barapo pecapanenebiyae diwesi jume.

¹⁶ Pomonae neyabara jume cowantsina xua xan apara Nacom Pexanton tatsi, matautano xua bautisabatsi, barapomonae capanenebiyaeinchi xua jopa peweraweracaenexa. Ichitha pomonae jopa neyabara jume cowantsiyo xua xan Nacom Pexanton tatsi, barapomonae peraxa jubebinchi xua Nacom peyabara paebixae xua pinae barapomonae jopa jume cowantsiyo.

¹⁷⁻¹⁸ Pomonae neyabara jume cowantsina xua xan Nacom Pexanton tatsin muxuna exanaein xuaje pocotsiwe: Barapomonae taitawetsina ichamonaetha cauri poxonae tawantha waqueibina; matautano barapomonae pena jumeintha cueicueijeji tsane; icha barapomonae jomon notsina pecobetha, jopa barapomonae tupa exanae tsainchi jomon; matautano icha barapomonae apaena po mera jiwi tupa exanatsi barapo mera jopa abe exanae tsainchi barapomonae; matautano barapomonae itacupaeinchi xua jayabina pecobetha pomonae peatenewi, xua bapoxonae barapo peatenewi peaxaibinexa tsaiibi tsane”, jei Jesús.

Meje yabara poxonae Jesús athabe juinya Nacom pia peitorobi nacua beicha tatsi

(Lc 24.50-53)

¹⁹ Jesús pon jiwi Pecanamataxeinaeinchi, poxonae bapon najume weta xua cueicueijeji pijimonaetha, bapoxonae Jesús asiya peitaboco beicha juinya exanatsi, xua Nacom exana. Bara xoteicha Jesús Paxa cuaretatsi pecoxa weya ainya cui peexanaenexatsi.

²⁰ Bara barapomonae Jesús pijimonae tatsi ponarucupa. Yawano barapomonae cueicueijeji tsurubenanaebiya jiwitha barapo pecapanenebiyae diwesi jumein daxita nacuantha. Bapon Jesús pon jiwi pepa Pecanamataxeinaeinchi yawena barapomonaetha. Matautano Jesús cana exana barapomonaetha xua barapomonae muxuna exana pexeinya petsita itatsi coyenewan xua daxota pocotsiwa barapomonae cueicueijeji jiwitha bara pexainyei jumein. Je, bara ichi tsane.

Baja Marcos.

Jesucristo Pia Pexeyina Diwesi Jume Tatsi Lucas Petinae Diwesi

Meje po diwesi yabara xua Lucas tamropata pitaba poxonae tina

¹ Jaco Teófilo. Ponxaem nentũ cui xanepanaein, cata tinatsi. Pinmonae bayatha xuya cou tina diwesi Jesús yabara, xua ichamonae cou paeaba, xua pinae Jesús poxonae xanepanaya popona pata xantha.

² Pomonae cou xua baxua pepaebixae barapomonae pinae copiya yatsicaewa tane daxita pocotsiwa Jesús exana pata xantha. Matautano pinae barapomonae Nacom Pejume Diwesi tatsi cuidubeiba.

³ Xan netsita w̄nae daxota nanta xeinan xua yabara tayainyabiwa pomonae petinaexae yawa pecueicueijeixae daxita barapo diwesi xua pinae juinya Jesús exana. Bapoxonae cuita cata tinapoinchi Teófilo jinya neyaputaenexa tsane daxita pocotsiwa Jesús exana juinya xua copiya tsoponae xuano xua bapoxonae tsoponaeno.

⁴ Baraxua cata tinatsi jinya neyaputaenexa tsane barapo pexainyei jume po coyene ichamonae bayatha cacuiduba.

Meje yabara poxonae matatsunpin w̄nae yabara tsiw̄nae paeaba xua Juan naexanaena pon jiwi Pebautisabin tsane

⁵ Caena bayatha poxonae Herodes popona Judea nacuatha, xua pon Judea nacuapiwi peyanacua ewatsinchi, bapoxonaerũ barichi popona barapo nacuatha sacerdotepin pon pew̄n Zacarías. Bapon jiwana po sacerdotepiwi pia matabũxũ jiwi pew̄n Abías. Piseuri tatsi pew̄n Isabel. Piseuribe pia pamo susato jiwana pin tatsibe, bapon pew̄n Aarón pon yatsicaya tabũ ducua sacerdotepin.

⁶ Piseuribe Nacom tsita jũntũ coyene xanepanatsibe xua bara xanepanaya peexanaewabe. Pocotsiwa Nacom pon jiwi Pecanamataxeinaein, nacana jume diwesi itoroba baxua itapeta beta exaneibabe. Daxota jopa yabara paebeibichibe jiwi po coyene xua baponbe natsiaenae cuentabe xua abe peexaneibiwabe.

⁷ Ichitha pexui jopa xeinaeyobe, tsipei Isabel mawecowa, matautano tsipei bayatha acuewa irũ tsipei pebin bayatha amo tsecae.

⁸ Caentacabi poxonae Zacarías Ƴ pia matabũxũ jiwi pia cuitha exana Nacom nexa, bapon Zacarías xuya piamonae itapetatsi.

⁹ Barapomonae sacerdotemona, pia cui coyene xeina xua caein piamonae jiwana itapetatsi poxonae daxita barapomonae nacuita Nacom pon jiwi Pecanamataxeinaein pin pia botha tatsi. Bapon Zacarías itapetatsi xua pejoniyenexa po tutu peainya cui tutu Nacom pin pia botha po tututha ichaxota exaneiba xua Nacom nexa. Barapo tututha Zacarías tauta petuxusi exanaenexa Nacom nexa xua Nacom peitorobixae.

¹⁰ Poxonae Zacarías cataunxuae tuxusi exanawiya petuxueiwa xua tauta Nacom nexa, barapoxonae daxita pomonae aisowa beumeinya barapomonae Nacom tsipaebompa.

¹¹ Bapoxonae Zacarías tsita naitũtatsi matatsunpin pon Nacom pon jiwi Pecanamataxeinaein itoroba. Po muxunene pecoxa weya matatsunpin iboto caquita uncua po ibotho xua ichaxota tauteiba petuxueiwa Nacom nexa.

¹² Poxonae Zacarías taeba matatsunpin jopa yaputaeyo xua peexanaewa, bichocono pejunuwixae.

¹³ Ichitha matatsunpin Zacarías baraichi, jeichichi:

–Zacarías, jopa junuwinde. Nacom bara cajume tane poxonae tsipaebeibame bapon. Methaunxuae jinseuri Isabel tanaexanaeinchi pexuyo. Jinseuri cata pabetsina pebin wuto. Xam w̄n dutsiname bapontha, po w̄n Juan, jei.

¹⁴ Jũntũ coyene weiweinaename. Barichi pinmonae jũntũ coyene weiweinaena xua bapon penaexanaexae tsane.

¹⁵ Bapon Juan Nacom pon jiwi Pecanamataxeinaein tsita ainya cui tsainchi. Bapon peatsaxae mera jopa apae tsane. Vino mera jopa apae tsaneno. Poxonae cataunxuae bũtiyotha eca bichocono jũntũ coyene yũcaeinchi Nacom pia PejumoƳe t̄naxũ tatsi pia peayarus̄wa tatsi.

¹⁶ Bapon cana exanaena xua ainya Israel nacuapiwi jume cow̄ntsina Nacom pon Pecanamataxeinaein jiwi xua barapomonae barapo Nacom pia Nacom tatsi tsainchi.

¹⁷ Juan tsiwanaya poponaena xua pon xua Nacom itorobina bapon tsiwanaya poponaeinchi. Juan xeinaena Nacom pia PejumoƳe t̄naxũ tatsi pia peayarus̄wa tatsi icha cain Elías ichi pon Nacom peitorobi jume pepaebin. Bapon Elías bayatha t̄pa. Juan exanaena xua pexui paxeiwi antobe tsaiibi tsainchi. Matautano Juan cana exanaena xua jume

cowantsina Nacom pomonae copiya Nacom pejumefebiwichi. Tsipei exanaena baxua, barapomonaе tsiwanaya jume cui yabara najuntу coyene wуnaetsina, xua barapomonaе pejume cowantsinexa Nacom pon Pecanamataxeinaein jiwi, jei matatsunpin.

¹⁸ Zacarias yainyaba matatsunpin, jeye:

—¿Eta nejumichim yatsicaewara xua inta naexanaena pexuyo? Aparaxan amo tsecaein. Iru tapetsiriwaxa apaxan inta acue tsecaeba, jei.

¹⁹ Matatsunpin Zacarias jume notatsi, jeye:

—Aparaxan Gabriel. Barapara Nacom baximoxoyo caquita uncueiban. Nacom neitoroba beparaxan catsipaebichei barapoxeinya jume diwesi. Daxota yatsicaya naexanaenabaxanexanto.

²⁰ Incane jume taema. Yaitama jame maisa aunxuae jopaxabara nejume cowantsim, daxota methaunxuae jopaxacuinayaxa paebim tsane. Yajume aunyeibiya yantacabi jopaxaname poxonaxa beya abaxan nexanto naexanaena xuaunxuae catsipaebatsi, jei.

²¹ Poxonaxa Zacarias tsipaebayuatxi, Zacarias pesato beya ewatumeinchi pomonae Nacom tsipaeba pesatoha. Barapomonaе nabaraxa: “¿Eta pocotsiwa metha Zacarias came jopaxondenaeyo Nacom pin pia bo werena?” najei.

²² Poxonaxa Zacarias matapainyaxondena jopaxitacupaetsi xua petsipaebiwa barapomonaetha. Bapoxonaxa barapomonaе nantaxaina xua metha baraxa Zacarias tsita naitutatsi xua wуnae barapoxotututha poxoroxa Zacarias pecobetha cowaxi barapomonaetha. Ichitha awiyaxa came jopaxacueicueijiyo.

²³ Poxonaxa Zacarias daxitaxacobe weta xua exana Nacom nexa, Nacom pin pia botha, bapoxonaxa pia botha pona.

²⁴ Pirapaeyo Zacarias piseuri tatsi Isabel baxpana taecatxi pexuyo. Barapowaxa jopaxanaitutatsiyo cinco po xometiyobe. Saxa pia botha eca.

²⁵ Barapowaxa nabaraxa, jeye: “Baxua Nacom inta exana pon Tanecanamataxeinaein. Bapoxan baxua inta exana xua jiwi jopaxaura tana neexanaewa tsane”, najei bapowaxa.

Mejeyabara poxonaxa matatsunpin wуnae tsiwanayaxa paeba xua Jesús naexanaena

²⁶ Poxonaxa Isabel seis po xometiyobe yapucaewa poxonaxa pexuyo baxpana taecatxi, bapoxonaxa Nacom itorobaxa matatsunpin, pon pewan Gabriel. Gabriel Nazaret tomara beitorobiyatsi po tomara eca Galilea nacuaetha.

²⁷ Gabriel patopaxa pesiwa ponaenexaxabaxayo, powaxabapana jopaxapebin pichiyo. Bapowaxamuxu pepichi pecotsiwa, pon pewan José. Bapoxan José David pia pemomoxi susato jiwana tatsi. Caenaxabayathaxa David Israel nacuamonaxa itorobiya pia pepaxa peewatsinchi. Barapowaxapowaxa José pecotsiwaxaxa tatsi pewan María.

²⁸ Matatsunpin Gabriel, patopaxa ichaxotaxa María eca. Gabriel baraxa, María baraxa, jeye:

—María jaxo. Nacom itapetaxayabara tsitaxajuntaxacoyene xanepanatsi beyacainchaxa ichaxabaxaxi. Matautano barapara Nacom pon jiwi Pecanamataxeinaein cabaraxa popona, jei matatsunpin.

²⁹ Ichitha poxonaxa jume taeba bapowaxa, yabara jume cuitayaxababenaeca. Pia couthaxanayainyabaxa jeye: “¿Eta xua bapoxanejacobaxajane?” najei.

³⁰ Matatsunpin María baraxa, jeichichi:

—María, jopaxajunuwinde, Nacom cayabara tsitaxajuntaxacoyene xanepanatsi.

³¹ Matha taemaxam methaunxuae pexuyoxayaxaxa wуnae jinaenaxa xuanoxa baraxapabetsiname nexanto. Bapoxowan dutsinaxa po wan Jesús.

³² Bapoxan ainyaxacui peexanaeinchi tsainchi. Bapoxan wan dutinchi, ichaxan wan jei tsainchi: ‘Nacom Pexantoxatatsi pon peitabocothaxa eca’, jei tsainchi. Nacom pon Pecanamataxeinaein jiwi, bapoxan pexantoxacana exanaena xua bapoxan jiwi itorobiya pia pepaxa Peewatsinchi tsane ichaxamathaxa David canaxa ichichi, pon Jesús pia pamo susato jiton tatsi.

³³ Bapoxan yacui tsitecaenaxa xua jiwi peewatsinchi penaexanaewa tsane Israel piamonaxa susato saineiwi pexanthaxatatsi. Pia peitorobixacoyenewaxatatsi jopaxaweraweracaxa tsane, jei Gabriel, pon matatsunpin.

³⁴ Nexataxa María jume notaxamatatsunpin, jeye:

—¿Eta xua yaxaxaxa jinocuaein pexuyo? Aparaxacataunxuae jopaxanacueyabinoyoxa, jei María.

³⁵ Matatsunpin jume notaxa, jeye:

—Nacom pia Pejumopexatatsi cata patopeicaena. Matautano Nacom pon bichoconoxa pepaxajuntaxacoyene xanepanain bapoxan, pia peayapuxaxa tatsi cantatsun matawacaxa nontsicaenaxa ichaxa be tsaxuinaebowaxa ichi tsane. Daxotaxa po pexuyoxa naexanaena, barapoxa pexuyoxa Nacom tsitaxajuntaxacoyene xanepanainchi. Barapoxa pexuyoxayabara jei tsainchi: ‘Nacom Pexantoxatatsi’, jei tsainchi.

³⁶ Irarũ barichi jinyamonaewayo Isabel, bequein bara acue tsecae, ichitha anoxuae pexanto yarũgwa jina. Anoxuae barapowa seis po xometiyobe yarusaewa xua yarũgwa jina bequein copiya mawecowa.

³⁷ Dapocotsiwa aibi pocotsiwa Nacom tsita ayapubetsi, tsipei bapon daxita bara yauptane.

³⁸ Nexata María namchi, jeye:

—Xan bara barapowayũn xua taexanaewayon pocotsiwa Nacom pon jiwi Pecanamataxeinaein neitoroba. Bũ moya bara Nacom inta exanaena xuaunxuae netsipaebame, jei María, matatsunpintha.

Bapoxonae matatsunpin napitaba.

Meje yabara poxonae María siwa pona, xua Isabel siwa poinchi

³⁹ Pirapaeyo María nainya pontaba tomara beya, po tomara eca ichaxota ira marafowwa xua Judea nacuatha.

⁴⁰ Baxota barapowa María joniya Zacarías pia botha tatsi. Bapoxonae Isabel jacobatsi.

⁴¹ Poxonae Isabel jume tane xua María jacobae, bapoxonae pia pexuyo tsiperũ natsixibecatsi Isabel. Bapoxonae Nacom pia Pejumope tũaxũ tatsi pia peayapusũwa tatsi Isabel jũntũ coyene yũcatsi.

⁴² Bapoxonae Isabel jume daunweya wawai xua María baraichi, jeye:

—jNacom cayabara tsita jũntũ coyene xanepanatsi beyacaincha icha yabũxi! jBarichi nexanto Nacom yabara tsita jũntũ coyene xanepanatsi!

⁴³ jXam powa Tanecanamataxeinaein pena tatsim, bichocono auran xua tana nesiwa ponaewam tsipei jopa taainya cuiwayon!

⁴⁴ Poxoru poxonae cajume tainchi xua nejacobame bapoxonae pexuyo netsiperũ weiweinyaya natsixibeca.

⁴⁵ Jũntũ coyene weiweiname nejume cowũntsixae tsipei bara nayabara jume cui wetsina pocotsiwa Nacom pon jiwi Pecanamataxeinaein yabara catsiwũnae muxu duta pon Pecanamataxeinaein jiwi xua poxonae matatsunpin catsipaeba, jei Isabel.

⁴⁶ Nexata María namchi, jeye:

“Tajũntũ coyene Nacom wũnae jaintatsi pon jiwi Pecanamataxeinaein.

⁴⁷ Matautano tajũntũ coyene Nacom yabara weiweinatsi pon Tanecapanepaein.

⁴⁸ Nacom neweyatane xua xan saya tapawin.

Bara barapowayũn, powayũn xua taexanaewa pocotsiwa Nacom neitoroba. Anoxuae xuano bexa tsaneno daxita jiwi pomonae naitapataya naexanaponaena wũnae nejainchina tsipei Nacom nejũntũ coyene weiweina exana bichocono beyacaincha icha yabũxi.

⁴⁹ Bapon Nacom pon peayapusũ itorobi coyene pexeinaein inta bichocono wũnae exana.

Bapon Nacom pepa pejũntũ coyene xanepanaein.

⁵⁰ Bapon Nacom yaweneibina jiwi pia peantobewaxae pomonaetha pomonae copiya pecunuweibixaetsi.

⁵¹ Nacom tsita itaba xua peayapusũ itorobi coyenewa xeina.

Baxua exana poxonae jũntũ coyene amanayaba pomonaetha pomonae atsaquiya penayabara paebiwĩ xua ichamonae peaebiwĩchi.

⁵² Nacom cui pita cana exana pomonaetha pomonae pecanamataxeinaewi xua equeicha barapomonae jopa naexanae tsane xua pecanamataxeinaewa jiwi.

Ichitha nama pomonaetha pomonae pecui pawĩ naexana barapomonaetha Nacom cana exana xua barapomonae penaexanaewa pomonae pecanamataxeinae jiwi.

⁵³ Pomonae xua piyain barapomonaetha Nacom cana exana xua barapomonae petonsanaewa xua penabanaewa po pexaewa pexeinya pexaewan. Matautano copei pexeinaewi barapomonaetha Nacom cana exana xua barapomonae pecobesainaewa.

⁵⁴ Nacom yaweneiba pijimonae Israel nacuapiwi pomonae pia pamo susatopin tatsi, bapon Israel pon tanacuita Nacom.

Nacom jopa yabara jantemainaeyo xua peyaweneibiwa barapo pijimonae peantobexae.

⁵⁵ Nacom daxita exana pocotsiwa Abraham wamo susatopin yabara tsiwuna muxu dutatsi xuano xua yabara tsiwuna muxu dutatsi pia pemomoxi susato jiwi tatsi", jei María.

⁵⁶ María cataunxuae acoihi po xometiyobe eca Isabel pia botha tatsi. Bapoxonae equeicha caibe nawiya pia bo beya.

Meje yabara poxonae Juan naexana pon jiwi Pebautisabin

⁵⁷ Nexata Isabel xua bupana taecatsi pexuyo, peru cui nauchitane. Bapoxonae pexuyo tanowaeincuatsi xua pexanto.

⁵⁸ Pomonae Isabel pia botha petaenaewichi, iruru piamonae tatsi pomonae pecuariya petaenaewichi daxita barapomonae Isabel siwa poinchi xua pejacobinexa tsainchi. Barapomonae yaputane xua Nacom pon Pecanamataxeinaeinxae jiwi Isabel beta taexanatsi poxonae Isabel dacotsiwa taitorobatsi pexuyo.

⁵⁹ Poxonae ocho po maticabibe yapucaewa barapoxonae pexuyo wi thabatsi xua pebin wutoxae xua ichaxota nareixacaeca. Barapomonae nanta xeina xua pexuyo wun dutsinchi po wun pexuyo paxa tatsi xeina, xua po wun "Zacarias", jei.

⁶⁰ Ichitha pexuyo pena tatsi namchi barapomonaetha, jeye:

—Jume, jame bewa jei: 'Juan', jei, jei pexuyo pena tatsi.

⁶¹ Bapoxonae barapomonae Isabel baraichi, jeye:

—¿Ehua? Jinyamonae dapocotsi wun aibiba, po wun: 'Juan', jei, jei barapomonae.

⁶² Nexata barapomonae moya pecobetha cowai Zacariastha. Matautano pecobetha cowaya yainyaba, Zacarias yainyabatsi jeichichi: "¿Eta po wun jinya nexanto wun dutsichi?" jei barapomonae.

⁶³ Zacarias wuca napaewa petinaenexa tsane. Bapoxonae barapo napaewatha jei xua tina: 'Apara pewun Juan', jei. Bapoxonae barapomonae najuntu coyene benaeca xua iru bapon namchi: 'Bara pewun Juan', jei.

⁶⁴ Poxonae baxua exana, caena bapoxonae jemeicha Zacarias equeicha caewa paeba. Equeicha ebato sadajei xua cueicuejei. Zacarias tamropata pitaba xua wuna jainta Nacom.

⁶⁵ Bapoxonae daxita pomonae imoxoyo jinompa ichaxota Zacarias piseuribe poponabe, daxita barapomonae junuwa. Matautano pomonae xua pejinompaewi daxita ichaxota po ira xua marafowwa xua barapo Judea nacuatha, daxita barapomonae paebinouta pocotsiwa xua bayatha petaxae.

⁶⁶ Daxita pomonae jume tane, barapomonae najuntu coyene yabara nanta xeina nawita. Matautano caemonae nantiya nayainyaba najei: "¿Eta bichane metha pexuyo poxonae wichabina?" najei barapomonae. Apara poxoru Nacom pon Pecanamataxeinaein jiwi bichocono pexuyo petsita juntu coyene xanepanaeaeatsi daxota barapomonae baxua paeba.

Meje yabara xua Zacarias pia wei

⁶⁷ Pexuyo paxa tatsi Zacarias, juntu coyene yucatsi Nacom pia Pejumo pe tunaxu tatsi pia peayapuswawa tatsi. Matautano bapon cueicuejei po jumetha po jume Nacom cata. Zacarias namchi, jeye:

⁶⁸ "Nacom pon Pecanamataxeinaein jiwi,

pon Israel pia Nacom tatsi, barabu

wuna jainchinchichi barapo Nacom.

Tsipei bapon bayatha patopeica waxantha.

Bapon bara piamonaetsi.

Matautano bapon bayatha naca capanepa.

⁶⁹ Pon Nacom nacata itorobica bapon pon jiwi

pecapanenebiyaein pia peayapuswawatha.

Bapon David pia pemomoxi susato jiwana tatsi.

Bapon David pon Nacom pia petanacuitinchi xua

peexanaewa pocotsiwa Nacom itoroba.

⁷⁰ Caena bayatha Nacom yabara naca tsiwuna

muxu duta, poxonae itoroba pia peitorobi jume

petapaebiwichi xua wanaca tsipaebinexa.

71 Bara naca tsipaeba xua pinae bapon pon Nacom wanacata itorobicaexae, pinae naca capanepaena pomonae wanaca aitafaetabi jiwi pia xainya weya tatsi. Matautano pinae naca capanepaena pomonae wanaca ita aenae-aenei jiwi pia xainya weya tatsi.

72 Matautano Nacom naca tsipaeba xua pinae wamo susatopiwi yabara canantaxeinaeinchi xua peyawenaenexatsi.

Matautano pinae jopa jantemaina tsane xua wamo susatopiwi peyawenaponaewatsi xua bayatha Nacom yabara petsiwanae muxu dutsixae baxua.

73 Baraxua Nacom naca tsiwanae muxu duta xua xainyeya bara paeba poxonae Abraham tsipaebatsi, pon wamo susatopin.

74 Nacom Abraham tsipaebatsi xua pinae naca capanenebiya tsane wanaca aitafaetabi jiwi weya.

Baxua pinae nacata exanaena xua pinae waexanaewa tsane pocotsiwa naca itoroba, xuano jopa wacunuwinexa tsane ichamonae pinae.

75 Matautano nacata exanaena xua pinae beta jinompaeinchi bapon peitabaratha, xuano xua juntu coyene xeicaeya jinompaeinchi daxita matabintha xua jopa abe waexanaponaewa.

76 Iru xam taxantom Juan jiwi cayabara wun dutsina pon Nacom peitorobi jume pepaebin, pon itabocotha eca, cayabara jei tsane.

Baxua cayabara jei poxoru xam tsiwanaya patopaename pon jiwi pia pepa Pecanamataxeinaein.

Daxita jiwi juntu coyene wunaetsiname pepatopaenexa tsane pon jiwi pia pepa Pecanamataxeinaein, pon Mesias.

77 Nacom caitoroba Juan xua jiwi neyaputane neexanaenexa tsane xua Nacom jantemainaena jiwi abe pia peexanae cuiru coyenein tatsi.

Bapoxonae Nacom barapomonae capanenebiya exanaeinchi bapon beya xua jopa Nacom petsita natsicuentsixaetsi xua abe peexanaexae.

78 Wanacom jopa juniya wanaca antobexae xuano xua wanaca yawenaexae nacata itorobicaena pexanto itaboco wetsica.

Nacata wunae exanaena icha xometo ichi xua nacata wunae poxonae pentha pena matabixae.

79 Poxonae patopeicaena pon Nacom itorobicaena, bapoxonae bapon jiwi juntu cui weiweinaya exanaeinchi.

Baxua exanaeinchi, pomonaetha pomonae pejume cowantsiwi bequein copiya barapomonae muxu pewerapae bichocono abe peexanaexae.

Yawa Nacom naca jumope antas exanaena, xua juntema wajinompaeinchi, jei Zacarias xua pexanto barai pon Juan.

80 Barapo pexuyo Juan wichabeca. Matautano ajuntayarusya popona xua Nacom yabara yaputaepona. Juan ira xuepana susato tsurucuae nacuatha tsana popona, beya poxonae po mataqueitha poxonae Juan tsita patopa Israel nacupiwi pebautisabinexa barapomonae.

2

Meje yabara poxonae Jesús nowaencua pebin wnto barapo cae pin nacuathe (Mt 1.18-25)

¹ Irũ bapoxonae popona romanomonae itorobiya pia pepa peewatsinchi, pon pewũ Augusto. Bapon itoroba piamonae peexanaenexa censo matawũn xua pewũ tinaewan xua daxita carepaya tomaran jiwi wũn tinaeinchi.

² Barapo censo matawũn xua pewũ tinaewan jiwi, baxua matapainya nacobe cui jata poxonae Cirenio Siria nacuapiwi pia peyanacua ewatsinchi naexana.

³ Daxita jiwi tsanaya barompaya pia pepa tomaran bewa benawibiyaena, ichaxota pia pamo jiwi tatsi tanowaeumeinchi.

⁴ Daxota José Nazaret tomara wewarapiya, xua Galilea nacua weya. Belén tomara bewarapiya po tomara eca Judea nacuatha. Baraxota caena bayatha David pon judiomonae itorobiya pia pepa peewatsinchi nacatsiwa, pon José pia pamo jiwi susato jiwana tatsi, pon yatsicaya tabũ ducua.

⁵ José pecotsiwa barũ pona pewũ tinaenexa tsainchibe. Barapowa pewũ María. Barapowa pexuyo bũpana taecatsi.

⁶ Poxonae cataunxuae baraxota Belén tomaratha ecabe, bapoxonae María xua bũpana taecatsi pexuyo, bara weaperũtanetsiba.

⁷ Bara bapowa tanaexanatsi pexanto pon copiya tanacatsiwatsi. Barapo pexuyo paparuwantha tsiwixitha mata quiyontababota jeriyotha, po naeyotha ichaxota vaca naepanaewa xayathopa. Tsipei tutu quecona po bomũxutha ichaxota jiwi maiteiba pomonae pateiba pomonae siwa poneiba.

Meje yabara poxonae matatsunpiwi patsica ichaxota pomonaetha pomonae oveja duweimonae peyapu eenaewi

⁸ Imoxoyo Belén tomaratha, pebiwi oveja duweimonae yapu eeneiba wexotha poxonae merawi.

⁹ Nexata jemeicha barapo pebiwi tsita naitũtatsi matatsunpin po matatsunpin itorobicatsi xua pon jiwi Pecanamataxeinaein itorobica. Mataũtano Nacom pon jiwi Pecanamataxeinaein pia peitũpanae coicha tatsino barapomonae matawacaicha unceicatsi. Barapo pebiwi bichocono junuwa.

¹⁰ Nexata matatsunpin barapomonae baraichi jeye: “Jopa pajunuwinde. Aparapa tsipaebatsi pexeinya jume diwesi xua po diwesi daxita jiwi jũntũ coyene weiweina exanaeinchi.

¹¹ Poxoru anoxuae ichowayo tanaexanatsi pexuyo. Barapo pexuyo naexana David pia tomaratha tatsi xua Belén tomara. Barapo pexuyo, pon jiwi pecapanenebiyaein. Bapon apara pewũ Mesías pon Pecanamataxeinaein jiwi, pon Nacom weitorobicatsi.

¹² Bara barapo pexuyo paca ita cayopitatsi xua pataebotsiname vaca pia boyotha. Pataebotsiname barapo pexuyo xua paparuwatha mata quiontabobotatsi jeriyotha ichaxota po naeyotha vaca naepanaewan xayathopa”, jei matatsunpin.

¹³ Bapoxonae jemeicha equeicha icha matatsunpiwi pin bicheito naitũbarũcũpa ichaxota icha matatsunpin uncua. Barapo matatsunpiwi itaboco wepatsica. Barapomonae Nacom wũnae jaintatsi. Barapo matatsunpiwi namchi, jeye:

¹⁴ “jMaise bichocono Nacom wũnae jaintatsi pon itabocotha peecaein, peitorobixae pexanto!
jBarabu jiwi jũntema jinompa barapo irathe pomonae xua Nacom jũntũ coyene weiweina exanatsi!” jei matatsunpiwi.

¹⁵ Poxonae matatsunpiwi athabe ichicha caibeicha itaboco beicha, bapoxonae pomonae oveja duweimonae peyapu eenaewi barapomonae nabarai, jeye:

–Bũ poinchi Belén tomara beya wataenexa tsane pocotsiwa bayatha Nacom exana, xuano xuaunxuae matatsunpin naca tsipaeba pon jiwi Pecanamataxeinaein nexa, jei barapomonae pomonae oveja duweimonae peyapu eenaewi.

¹⁶ Barapoxonae oveja duweimonae peyapu eenaewi nainya ponarũcũpa. Barapoxonae María irũ José caxibarũcũpatsi. Irũ pexuyo poyo boqueca jeriyotha vaca matabotha caxibarũcũpatsi.

¹⁷ Poxonae barapomonae taerũcũpa pexuyo, barapomonae tsipaeba nawita ichamonae aetha pocotsiwa bayatha barapomonae petsipaebixaetsi matatsunpin xua pexuyo yabara.

¹⁸ Daxita pomonae jume taerũcũpa baxua yabara najũntũ coyene cabenaeca xua pomonae oveja duweimonae peyapu eenaewi pepaebixae baxua.

¹⁹ María barapo diwesi moya yawũn xeina pejũntũ coyenewatha xua jume cui cayabara nanta exaba.

²⁰ Bapoxonae oveja duweimonae peyapu eenaewi caibe nawibiya. Barapomonae Nacom wūnae jaintatsi petaexae xuano pejume taexaeno xua bayatha matatsunpiwi pepaebixae. Barapomonae namchi, jeye:

—Maisa Nacom pon pepa yatsicaewa pejuntū coyene xanepanaein, jei.

Meje yabara poxonae María irū José caponabe Jesús Nacom pin pia botha tatsi

²¹ Poxonae ocho po matabibe yapucaewa, pexuyo wi thabatsi, xua pebin wutoxae xua ichaxota nareixacaeca. Baxua judiomonaē pia cui coyenetha tatsi. Barapoyo wūn dutatsi pewn Jesús, po wūn bayatha matatsunpin wūn unuta xua María muxu tsipaebatsi poxonae María cataunxuae abū jopa būpana taecaetsi pexuyo.

²² Nexata matabi jopa, xua po mataqueitha María irū José bewa pepon naxanebibe xua sacerdotemonaepin taexanaena be pocotsi coyeneya bayatha Moisés pia peitorobi coyenewa tatsi paeba xua daxota jopa penataxobinexa. Bapoxonae María irū José pexuyo caponabe Jerusalén tomara beya pecatsinexa tsanebe pexuyo Nacomtha pon jiwi Pecanamataxeinaein xua petsita itapeinya xeinaenexabe xua barapo pexuyo Nacom petanacuichiwa tsainchi poxonae pinyo tsane.

²³⁻²⁴ Baxua exana tsipei Nacom pia peitorobi diwesitha tatsi tina, jeyei: “Daxita jiwi pia pexui tatsi, pebin wūtxi, poxi copiya nacatsiwena, bapoxi Nacom itapeta pia taexanaetsi pocotsiwa Nacom ichichipa”, jei Nacom pia peitorobi jume diwesitha tatsi. Yawa ponabe pecaponaenexabe pepupunaein xua pecatsiwa Nacomtha xua sacerdotemonaepin pebexubinexa xua petautsinexa xua petuxusi exanaenexa tsane Nacomtha María nexa yawa José nexa. Nacom peitorobi coyenewa tatsi jeyei: “Bara irū ainya tsaqueintobe care”, jei.

²⁵ Irūn barapoxonae pebin popona Jerusalén tomaratha, bapon pewn Simeón. Bapon pejuntū coyene xanepanaein. Bapon wūnae jainteiba Nacom. Bapon wūnae ewateiba xua Nacom itorobina pon Israel nacuapiwi pia Pecanamataxeinaein tatsi nexa. Bapon Israel nacuapiwi pu capanepaeinchi romanomonaē weya. Barapo romanomonaē icha nacua werena pona xua Israel nacuapiwi cueranta enatsi. Tsipei barapo romanomonaē Israel nacuapiwi canamataxeinatsi. Nacom pia Pejumope tūnaxū tatsi Simeón barū popoinchi.

²⁶ Nacom pia Pejumope tūnaxū tatsi Simeón yaputane exanatsi xua pinae copiya taena Mesías pon xua Nacom, pon jiwi Pecanamataxeinaein itorobina. Bapoxonae xua pinae pirapaeoyo tūpaena.

²⁷ Nacom pia Pejumope tūnaxū tatsi Simeón joniya exanatsi Nacom pin pia botha tatsi. Bara José irū pexuyo pena tatsino patopabe Nacom pin pia botha tatsi. Pexuyo capatopabe petacana exanaenexa tsainchibe icha be pocotsi coyeneya Moisés pia peitorobi coyenewatha tatsi itoroba.

²⁸ Simeón isapita pexuyo. Nacom wūnae jaintatsino. Simeón namchi, jeye:

²⁹ “Nacom pon Tanecanamataxeinaem, bara anoxuae caitacūpa xua tanecopatsiwam xua bara jūntemiya tatūpaewa tsane. Tsipei anoxuae bara nayabara jume wetame pocotsiwa bayatha yabara netsiwūnae muxu dutame. Poxoru xan bapon tsocuaein xua exanan xua neitorobame.

³⁰ Xan yatsicaewa bara tanba, pon Pecapanenebiyaēin jiwi.

³¹ Bapon tan pon xua itorobicapaebame, xua daxita jiwi taena xua bapon taeinchi.

³² Bapon yaputane exanaena xua Nacom yaputaeinchi pomonaē jopa judiomonaē naexanaeyo.

Tsipei bapon be bapocotsin, xua poxonae jiwi beta tane exainchi merawi xua xota yonoyonei. Yawano bapon exanaena xua Israel nacuapiwi, pomonaē jinyamonaē xua wūnae jaintinchi xua ichamonaē wūnae jainchina”, jei Simeón.

³³ María irū José yabara najuntū coyene cabenaecabe pocotsiwa Simeón pexuyo yabara paebatsi.

³⁴ Nexata Simeón barai, Nacom baraiichi xua María yabara yawano xua José yabara, jeye: “Juntū coyene weiweina exande baraponbe”, jei. Nexata Simeón, María baraiichi xua pexuyo pena tatsi:

—Barapo pexuyo Nacom itapeta xua bapon peexanaenexa tsane po coyene xua Israel nacuapiwi ichamonae Nacom beya peponaenexa xua ichacuiitha icha ichamonae Nacom beya jopa peponaenexa tsane. Yawa Nacom itoroba barapo pexuyo, peitabinexa Nacom pia peayapuswa ichitha ichamonae jume cui aitaftabi tsaibi tsane.

³⁵ Daxota barapo pexuyo yaputaena pocotsiwa jiwi pejuntu coyeneintha nanta xeineibina. Ichitha xam, María, daxita baxuan caajuntucoyenerewe exanaena be poxonae ichun canthuthu tsapinopaena cusitha, jei Simeón xua María tsipaebatsi.

³⁶ Iruu baxota poponaruu petsiriwa, pewun Ana. Barapowayo Nacom peitorobi jume pepaebiwayo. Barapowa Fanuel pexantiyo tatsi. Aser pon yatsicaya tabu ducua bapon pia pemomoxi susato jiwana tatsi. Barapowa bara nama penapataewa tsonpae. Barapowa caena bayatha poxonae penowayo tsecae jitha eca. Pia pebinbe siete po weiyobe nabaru poponabe. Bapoxonae pebin tupa.

³⁷ Barapowa caena bayatha piseuri cuenta tuptatsi. Anoxuae nama barapowa yaochenta y cuatro po weiyobe jopaba. Barapowa Nacom pin pia bo weya jopa pichapeibiyo. Saya exaneiba pocotsiwa Nacom itoroba merawintha yawa matacabintha. Najainboteibano poxonae tsipaebaiiba Nacomtha.

³⁸ Poxonae Jesús caponatsi Nacom pin pia botha xua Nacom pecatsinexatsi bapoxonae Ana imoxoyo caquita uncua barapomonaetha. Barapowa tsipaeba Nacomtha, jeye: “Nacom maisa juntu coyene weiweinan xua painta itorobame barapo pexuyo”, jei Ana. Bapoxonae Ana yabara paebaxoya pexuyo jiwitha pomonaetha pomonaewanae ewateiba po coyene xua Nacom itorobina Israel nacuapiwitha pon Israel nacuapiwi capanenebiya exanaeinchi romanomonaewa yea.

Meje yabara poxonae Jesusbaru caibe iyiya Nazaret tomara beya

³⁹ Nexata María iru José wetabeba daxita xua Nacom, pon jiwi Pecanamataxeinaein, peitorobi jume coyenewa paeba. Bapoxonae caibe canawiyabe pexuyo Galilea nacua beya xua pia tomara beyabe, Nazaret tomara beyabe.

⁴⁰ Pexuyo wichabeca. Matautano bichocono daunwei nawita, peyaputae coyene xeinapanano. Nacom tsita juntu coyene xanepanapoinchi.

Meje yabara poxonae Jesús siwa pona Nacom pin pia bo tatsi

⁴¹ Jesús pena tatsi iru paxa tatsi daxita weitha poneiba Jerusalén tomara beya xua nataiba Pascua wun matacabin. Barapo Pascua wun jei, poxonae Israel nacuapiwi nanta xeina xua poxonae pinae bayatha pia pamo susato jiwi tatsi capanenebiya exanatsi Egipto nacua weya, xua Nacom capanenebiya.

⁴² Poxonae Jesús doce po weiyobe yapu jopa, María iru José iru Jesús, Jerusalén tomara be-iyiya. Tsipei barapomonaewa pia cui xua poneiba barapo Pascua wun matacabin nexa.

⁴³ María iru José caibe nawirenabe pia tomara berena poxonae barapo matacabin weta. Ichitha pewowin Jesús naruntaba Jerusalén tomaratha. Jesús pena tatsi iru José jopa taeyobe xua Jesús nacopataba.

⁴⁴ Nanta xeinabe xua Jesús mexeya itara napunaecaponawe pin bicheitho. Caentacabitha María iru José namtotha naecaponabe, bapoxonae itaxanawiyabe pexanto. Necobauyabe pexanto pin bicheitho pia matabaxuyo jiwimonaetha, pijiwimonaethano.

⁴⁵ Jopa pexanto caxinaebe. Bapoxonae equeicha caibe iyabe Jerusalén tomara beya, pwenaweneinexa tsanebe pexanto baxotiya equeicha.

⁴⁶ Poxonae acoibi po matacabiyobe yapucaewa Jerusalén tomaratha baxota pexanto caxinabe Nacom pin pia botha tatsi. Jesús naeca ichaxota pomonaewa jiwi pecuidubiwi Nacom pia peitorobi jume. Jesús jume tane barapomonaewa. Matautano yainyabano nawita barapomonaetha.

⁴⁷ Daxita pomonaewa jume tane, najuntu coyene cabenaeca tsipei Jesús peyaputaein tsecae, matautano tsipei Jesús beta jume nota.

⁴⁸ María iru José poxonae baxua cui tanebe najuntu coyene cabenaecabe. María pexanto barai, jeye:

—Owae, ¿eta xua metha baxua painta exaname? Axa iru xan paca yabara najuntu coyene exabatsibe, paca jeitompatsi, jei.

⁴⁹ Jesús jume nota pena, jeye:

—¿Eta pocotsiwa metha ichawa beya pana nejeitompame? ¿Metha bara jopa payaputaem jampa xua bewa necui eenaena xua Taxa pia cui yabara tatsi? jei.

⁵⁰ Ichitha María iru José jopa xapain yaputaeyobe pocotsiwa Jesús paeba.

⁵¹ Jesús caibe nanawiya pena tatsibarutha Nazaret tomara beya. Jesús pena jume jejei tsaibi yawano José jume jejei tsaibichino xua daxita exana pocotsiwa Jesús itorobeibatsi. Jesús pena, daxita baxuan moicha cacui yabara cananta xeineibatsi pejuntu coyenewatha.

⁵² Nexata Jesús wiwichabapona yawa juntu coyene ayarusua exanapoinchino Nacom pia Pejumopetha tñaxa tatsi. Nacom iru Jesús antobe tsoponaetsi.

3

Meje yabara poxonae Juan pon Pebautisabin jiwi cuiduba ira xuepana susato tsurucuae nacuatha

(Mt 3.1-12; Mr 1.1-8; Jn 1.19-28)

¹ Iru Tiberio pon romanomonaе itorobiya pia pepa peewatsinchi tatsi yapu jopa quince po weibe xua itorobiya canamataxeina barapo nacuanthapiwi. Bapoxonae iru Poncio Pilato Judea nacuapiwi peyanacua ewatsinchi naexana. Barichi Herodes Galilea nacuapiwi peyanacua ewatsinchi naexana. Iru Herodes peweicho tatsi Felipe, bapon Iturea nacuapiwi peyanacua ewatsinchi naexana xua Traconite nacuathano. Barichiru Lisaniаs Abilinia nacuapiwi peyanacua ewatsinchi naexana.

² Barichiru Anás iru Caifás baponbe sacerdotemonaе pia pepa pentacaponaeinbe tatsibe. Barapoxonaeru Nacom Juan tsipaebatsi poxonae ira xuepana susato tsurucuae nacuatha popona. Juan bapon Zacarías pexanto tatsi.

³ Juan popona ducuaaeta Jordán nacuatha ichaxota Jordán mene. Nacom Pejume Diwesi tsipaeba ducuaaeta jiwitha. Bapon barai jiwitha, jeje:

—Icha juntu coyene paxeinare painya neauraxae xua abe paexaname. Paca bautisabina ichamonae xua Nacom paca necayabara jantemainaenexa abe painya neexanae cuiru coyenein, jei Juan.

⁴ Baxua exana, peyabara jeichixaetsi xua peyabara jeixae pon Nacom peitorobi jume pepaebin Isaias poxonae bapon tina pejume diwesi. Barapo diwesitha Isaias caena bayatha wñnae tsiwñnaeya yabara paeba xua Juan yabara. Isaias namchi, jeje:

“Jume tan pon wawai ira xuepana susato tsurucuae nacuatha.

Bapon wawai jeje: ‘Patsinajuntu cui coyene wñnaere pon jiwi pia pepa Pecanamataxeinaeinchi pia pepatopae wñnaeya tsane.

⁵ Daxita pamarafotontha paatsa jehebapoinyama.

Daxita petsuton paatsa caxiquiyama.

Pejeyajeyowa namton bopiya dubeinya paexande.

Pamarafotofotowa namton, panamto dameyama.

Apara jopa yabara janyo namton, jame

apara yabara jan painya juntu coyenein.

Ichi paichim xua namton paxanebame bara

paichinde pana najuntu cui wñnaere

painya Nepacacanamataxeinaein nexa

poxonae bapon patopeicaena.

⁶ Daxita nacuapiwimonae yaputaena Nacom pia

pecapanenebiyae coyene tatsi’, jei pon

wawai”, jei Isaias pejume diwesitha.

⁷ Pin bicheito pata, xua Juan pebautisabinexa tsane. Juan barai barapomonaе jeje: “¡Paxam pomonaе pemuxuitorobi jiwi pam! ¡Paxam be bara jomomonaе pam, tsipei jomo ba cuitaya ducupa nawa! Bara paichim anoxuae paichichipame Nacom pacuitaya ducupame xua abe paca exanaeyainwa. Jopa papanenebiyaem tsane bequein bara paca bautisabinchi tsipei jopa pajuntu coyene xanepanaem Nacomtha.

⁸ Xaniwaicha painompare xain ichamonae paca cui tane xua icha juntu coyene painya nexainaewa Nacomtha, pon jiwi Pecanamataxeinaein. Tsipei bequein paxam pajam: ‘Waxainchi Abraham pia pemomoxi susato jiwichixaetsi Nacom naca capanenebiya exanaena’, pajam, daichitha paxam jopa xaniwaicha pajume cowantsim Nacom. Daxota Nacom itacupatsi xua paca cui matawenta pia jopa paca nepaca capanenebiyaenexa tsane. Matautano barichino Nacom itacupatsi xua jiwi forotsinchi barapo ibotixi weya, po ibotixi xote Jordán mene itapatha bobena. Barapo jiwi naexanaena, po jiwi yatsicaewa Abraham pia pemomoxi susato jiwi tatsi, pomonaе pejume cowantsixaetsi Nacom.

⁹ Poxonae pebin naein uba, sipari ba canacui wñnaeta pecaucubobinexa po naein jopa nacoichiyo. Poxonae barapo naein ucuboba nantatsun eta xua petautsinexa isototha. Paxam bara paca juta ichiya paca cana exanaena. Nacom paca yabara nacui wñnaeta xua

paca bebai tsane isototha, ichaxota po isototha jopa cuinaya itacounayiyo tsipei Nacom jopa xanepanaya pata taexanaem”, jei Juan.

¹⁰ Nexata barapomonaе Juan yainyabatsi jeichichi:

—¿Eta pocotsiwa Nacom ichichipa pocotsiwa pata exanaenexa xua ichamonaе pata necui tanaexa tsane xua bara pajuntũ coyene xanepanaein Nacomtha? jei barapomonaе.

¹¹ Juan jume nota, jeye:

—Pon ainya camisabe xeina, bapon becatsipa pontha pon yatsicaewa jopa nũma xatatsiyo camisa. Irũũ pon tamatecatsi penabanaewa bapon becatsipa ichan pontha pon jopa xeinaeyo penabanaewa, jei Juan.

¹² Barichirũ pata, pomonaе paratixi pentoma noteibiwi po paratixi jiwi bewa catsibina pon romanomonaе itorobiya pia pepa peewatsinchi nexa. Barapomonaе pata xua Juan pebautisabinexa tsanerũ barapomonaе. Barapomonaе Juan yainyabatsi, jeichichi:

—Pon jiwi Necuidubim, ¿eta pocotsiwa Nacom ichichipa pocotsiwa pata exanaewa tsane? jei barapomonaе.

¹³ Juan jume nota, jeye:

—Saya meisa jiwi pawũcaename paratixi xua romanomonaе paca itoroba. Jopa yabara muxutorobiya pawũcaeinde ichawan, jei Juan.

¹⁴ Barichirũ soldadomonaе Juan yainyabatsi, jeichichi:

—Irũ paxan, ¿eta pocotsiwa Nacom ichichipa pocotsiwa pata exanaewa tsane? jei barapomonaе.

Juan jume nota, jeye:

—Jopa payabara jume daunweya wecobe noteibinde ichamonaе piawan tatsi. Mataũtano ichamonaе jopa pacui yopiteibinde pocotsiwa exana ichamonaе poxonaе apara jopa exaneibiyo. Bara saya pajuntũ coyene weiweinare poxonaе paratixi paxename poxonaе ichamonaе xua pata exaname xua soldadomonaе pamxaem, jei Juan.

¹⁵ Daxita pomonaе wũnaе ewateiba xua Mesias pepatopeicaewa tsane, barapomonaе poxonaе Juan jume tainchi, barapomonaе pejuntũ coyeneintha nanta xeina, xua apara Juan metha apara Mesiaswei.

¹⁶ Ichitha Juan barai daxita barapomonaе, jeye: “Xan paca bautisabatsi meratha. Ichitha nama patopaena pon bichocono ainya cui beyacaincha xan. Bapon pon pepa Pecanamataxeinaein jiwi. Xan saya tapawin. Daxota auran xua tataxu mũ isanaxubiwa pia penataxu xatatsiwa. Bapon paca jiwana bautisabina Nacom pia Pejumope tũnaxũtha tatsi. Bapon paca jiwana cui copatsinchi xua atene tsane Jesús pejume cowũntsixaetsi tsane.

¹⁷ Bapon pon patopaena bapon bayatha tsinacobenata po paparato xua trigo xu nexa. Bapon trigo xu tsanaya seicaya matapepe jehebapona. Trigo xu jehebapona, trigo xu matabohta. Matapepe jehebapona petautsinexa isototha, ichaxota po isoto jopa cuinaya itacounayiyo. Bara juta cana ichi tsane jiwitha icha trigo xu cana ichiya ichichi jiwi Nacom tsananobina pomonaе pejume cowũntsixaetsi pia nacuatha nexa. Ichamonaе tsananobinchi pomonaе jopa pejume cowũntsiwichi, petautsinexa isototha ichaxota xua jopa itacounayiyo”, jei Juan.

¹⁸ Icha diwesi yabara jumeno Juan barapomonaetha paeba Nacom pia pexeinya jume diwesi tatsi.

¹⁹ Mataũtano Juan biatane, Herodes biatainchi pon Judea nacuapiwi pia peyanacua ewatsinchi poxoru Herodes peweicho caiba yabũyo powa Herodías. Herodes peweicho tatsi pewũn Felipe. Mataũtano Juan biatane poxoru bayatha Herodes abe exana nawita jiwitha.

²⁰ Ichitha daunmetha equeicha Herodes abe exana xua Jutha caenaetatsi ichamonaetha xua pecaponaenexa tsainchi jiwi pecũbi botha.

*Meje yabara poxonaе Jesús bautisabatsi
(Mt 3.13-17; Mr 1.9-11)*

²¹ Poxonaе cataunxuae Juan jopa ecaeyo jiwi pecũbi botha, Juan bautisaba ducuaeta jiwi. Barichi irũ Jesús nabautisabatsi. Poxonaе Jesús tsiapaebuncua paxa, peitaboco nayausaranaxuba.

²² Nacom pia Pejumope tũnaxũ tatsi patopeica Jestutha, be topiboto yaruneica. Jesús jume tane pocotsiwa peitaboco wetsipaebicatsi, jeichichi:

—Xam apara Taxantom pom bichocono cantobetsi, pom caitapetatsi. Nejuntũ coyene weiweina exaname, jei Nacom.

*Meje yabara pomonaе Jesús pia pamo susatopiwi tatsi
(Mt 1.1-17)*

²³ Poxonae Jesús treinta po weibe yapu jopa, bapoxonae nama tamropata pitaba barompaya pia pepa peexanae coyenewan po coyene Nacom Pejume Diwesi pecueicuei-jeiwa xuano jiwi axaibi exana ducuaanaebiyano. Jesús, José pexanto tatsi. Daxita jiwi nanta xeina xua mexeya itara José yatsicaewa pexantowei. José, Elí pexanto tatsi.

²⁴ Bapon Elí, Matat pexanto tatsi. Bapon Matat, Leví pexanto tatsi. Bapon Leví, Melqui pexanto tatsi. Bapon Melqui, Jana pexanto tatsi. Bapon Jana, José pexanto tatsi.

²⁵ Bapon José, Matatías pexanto tatsi. Bapon Matatías, Amós pexanto tatsi. Bapon Amós, Nahúm pexanto tatsi. Bapon Nahúm, Esli pexanto tatsi. Bapon Esli, Nagai pexanto tatsi.

²⁶ Bapon Nagai, Maat pexanto tatsi. Bapon Maat, Matatías pexanto tatsi. Bapon Matatías, Semei pexanto tatsi. Bapon Semei, Josec pexanto tatsi. Bapon Josec, Judá pexanto tatsi.

²⁷ Bapon Judá, Joanán pexanto tatsi. Bapon Joanán, Resa pexanto tatsi. Bapon Resa, Zorobabel pexanto tatsi. Bapon Zorobabel, Salatiel pexanto tatsi. Bapon Salatiel, Neri pexanto tatsi.

²⁸ Bapon Neri, Melqui pexanto tatsi. Bapon Melqui, Adi pexanto tatsi. Bapon Adi, Cosam pexanto tatsi. Bapon Cosam, Elmadam pexanto tatsi. Bapon Elmadam, Er pexanto tatsi.

²⁹ Bapon Er, Josué pexanto tatsi. Bapon Josué Eliezer pexanto tatsi. Bapon Eliezer, Jorim pexanto tatsi. Bapon Jorim, Matat pexanto tatsi.

³⁰ Bapon Matat, Leví pexanto tatsi. Bapon Leví, Simeón pexanto tatsi. Bapon Simeón, Judá pexanto tatsi. Bapon Judá, José pexanto tatsi. Bapon José, Jonam pexanto tatsi. Bapon Jonam, Eliaquim pexanto tatsi.

³¹ Bapon Eliaquim, Melea pexanto tatsi. Bapon Melea, Mena pexanto tatsi. Bapon Mena, Matata pexanto tatsi. Bapon Matata, Natán pexanto tatsi.

³² Bapon Natán, David pexanto tatsi. Bapon David, Isai pexanto tatsi. Bapon Isai, Obed pexanto tatsi. Bapon Obed, Booz pexanto tatsi. Bapon Booz, Sala pexanto tatsi xua icha wun Salmón. Bapon Sala, Naasón pexanto tatsi.

³³ Bapon Naasón, Aminadab pexanto tatsi. Bapon Aminadab, Admin pexanto tatsi. Bapon Admin, Arni pexanto tatsi. Bapon Arni Esrom pexanto tatsi. Bapon Esrom, Fares pexanto tatsi. Bapon Fares, Judá pexanto tatsi.

³⁴ Bapon Judá, Jacob pexanto tatsi. Bapon Jacob, Isaac pexanto tatsi. Bapon Isaac, Abraham pexanto tatsi. Bapon Abraham, Taré pexanto tatsi. Bapon Taré, Nacor pexanto tatsi.

³⁵ Bapon Nacor, Serug pexanto tatsi. Bapon Serug, Ragau pexanto tatsi. Bapon Ragau, Peleg pexanto tatsi. Bapon Peleg, Heber pexanto tatsi. Bapon Heber, Sala pexanto tatsi.

³⁶ Bapon Sala, Cainán pexanto tatsi. Bapon Cainán, Arfaxad pexanto tatsi. Bapon Arfaxad, Sem pexanto tatsi. Bapon Sem, Noé pexanto tatsi. Bapon Noé, Lamec pexanto tatsi.

³⁷ Bapon Lamec, Matusalén pexanto tatsi. Bapon Matusalén, Enoc pexanto tatsi. Bapon Enoc, Jared pexanto tatsi. Bapon Jared, Mahalaleel pexanto tatsi. Bapon Mahalaleel, Cainán pexanto tatsi.

³⁸ Bapon Cainán, Enós pexanto tatsi. Bapon Enós, Set pexanto tatsi. Bapon Set, Adán pexanto tatsi. Bapon Adán, Nacom pexanto tatsi.

4

Meje yabara poxonae Jesús juntú coyene jujutatsi caurimonae pia pentacaponaein tatsi xua Jesús abe coyeneya petaexanaenexa tsane (Mt 4.1-11; Mr 1.12-13)

¹ Poxonae Jesús juntú coyene yucatsi Nacom pia Pejumo poe tūnaxú tatsi bapoxonae caibe nawiya Jordán mene weya. Nacom pia Pejumo poe tūnaxú tatsi Jesús mata cayatsi ira xuepana susato tsurucuae nacua beya.

² Baraxotiya Jesús popona cuarenta po matabibibe. Caurimonae pia pentacaponaein tatsi Jesús piraichi juntú coyene jujutatsi xua Jesús abe coyeneya petaexanaenexa tsane. Barapo cuarenta po matabibibetha Jesús jopa nabanaeyo. Poxonae barapo matababin yapucaewa Jesús bichocono jainpa.

³ Caurimonae pia pentacaponaein tatsi, Jesús baraichi, jeichichi:

—Icha xam yatsicaya Nacom Pexantom, netsita iture. Barapo iboto itorobare xain pan naexanaxoya, jei caurimonae pia pentacaponaein tatsi.

⁴ Jesús jume nota. Caurimonae pia pentacaponaein tatsi jume notatsi, jeye:

—Nacom Pejume Diwesitha namchi: ‘Jopa metha bepa meisa jiwi betiya una jinompaet-sipae pan’, jei Nacom Pejume Diwesi, jei Jesús.

⁵ Caurimonaē pia pentacaponaein tatsi Jesús matacapoinchi ichaxota po demxuwa bichocono atororo. Baraxotiya Jesús tsita itutarabatsi daxita nacuan, xua barapo cae pin nacuathe.

⁶ Bapoxonaē caurimonaē pia pentacaponaein tatsi Jesús baraichi, jeichichi:

–Daxita barapo nacuan cacatinchi jiwi neitorobinexa tsane. Matautano daxita cacatinchi nacuan pia pewnaewan, tsipei bayatha necata daxita barapo nacuan xua taitorobeibiwa coyenewan. Tawaxae catsin ichantha pontha pon xua ichichipan xua tacatsiwa.

⁷ Ichaunxuae nentabocototha uncuaename taitabaratha, xuano ichaunxuae newnae jainchiname xua nenanta xeinaewaxae xua xan jinya tacacanamateixaeinchi, bapoxonaē baxuan daxita bara cacatsinchi jinya Necanamataxeinaenexa barapo nacuan, jei caurimonaē pia pentacaponaein tatsi.

⁸ Ichitha Jesús jume nota, jeye:

–Yaitama Nacom Pejume Diwesitha namchi, jeye: ‘Meisa wunaē jainde jinya Necanamataxeinaein Nacom. Meisa bapon yatsicaewa taexande pocotsiwa caitoroba’, jei Nacom Pejume Diwesitha, jei Jesús.

⁹ Cotacaya nama equeicha Jesús matacapoinchi Jerusalén tomara beya, Nacom pin pia botha pentatupa beicha capoinchi. Jesús baraichi, jeichichi:

–Icha bara xaniwaicha Nacom Pexanto tatsim, wenaxoreinque.

¹⁰ Nacom Pejume Diwesitha namchi, jeye:

‘Nacom itorobina pia matatsunpiwi necayanabinexa.

¹¹ Barapo matatsunpiwi asiya cawaetaboutsina pecobetha, xua jopa necataxu tsaquituncuaenexa tsane ibototha poxonaē wenaxorecame’, jei Nacom Pejume Diwesitha, jei caurimonaē pia pentacaponaein tatsi.

¹² Jesús jume nota, jeye:

–Barichi Nacom Pejume Diwesitha namchi, jeye: ‘Jopa juntu coyene jujatsiya wacaeinde Nacom pon jinya Necanamataxeinaein, xua cajume jejei tsane necayawenaenexa poxonaē jopa xapain exanaem’, jei Nacom Pejume Diwesitha, jei Jesús.

¹³ Poxonaē caurimonaē pia pentacaponaein tatsi yaputane xua jopa xeinaeyo po coyenetha equeicha Jesús pejuntu coyene jujatsiwa tsainchi, bapoxonaē nama Jesús wepu poinchiba xua saya bara caeto nexa.

*Meje yabara poxonaē Jesús tamropata pitaba pia penacuichiwa Galilea nacuathe
(Mt 4.12-17; Mr 1.14-15)*

¹⁴ Jesús caibe iya Galilea nacua beya. Matautano jopa juniya xeinaeyo Nacom pia Pejumope tūnaxu tatsi pia peayapusu itorobi coyenewa tatsi. Daxita jiwi pomonaē jinompa barapo nacuathe Jesús yabara paebinoutatsi.

¹⁵ Jesús cuidubeiba barapomonaē judiomonaē pia penacaeuttsi bontha tatsi xua daxita tomarantha. Barapomonaē Jesús wunaē jainteibatsi.

*Meje yabara poxonaē Jesús Nazaret tomaratha popona
(Mt 13.53-58; Mr 6.1-6)*

¹⁶ Nexata Jesús Nazaret tomara beya pona, po tomaratha ichaxota wichaba. Judiomonaē barompaya pia pentaquei seicae matabitha tatsi Jesús joniya judiomonaē pia penacaeuttsi botha tatsi tsipei pia cui xeina xua peponeibiwa barapocotsi botha. Jesús xenta iya barapomonaē peuncuaenexa peitabaratha, peyorobinexa Nacom Pejume Diwesi, xua barapomonaē pejume taenexa.

¹⁷ Nexata Jesús catatsi Isaías pejume diwesi, pon Nacom peitorobi jume pepaebin, pon caena bayatha tupa. Poxonaē Jesús diboro pataxuba baxota taeba pocotsiwa baxota paeba, xua jeye:

¹⁸ ‘Nacom pia Pejumope tūnaxu tatsi neyanta popona.

Nacom neitapeta tatacucueijeinexa tsane pia pexeinya jume diwesi tatsi pomonaetha pomonaē peacopeibi jiwi.

Matautano neitoroba xua tayawenaenexa pomonaē anthathutane.

Matautano neitorobano xua tayawenaenexa pomonaē caurimonaē itorobatsi nawita xua barapomonaē pepanenebiyaenexa.

Matautano neitorobano xua tane tacana
exanaenexa pomonae peitata nacatsi jiwi.
Matautano neitorobano xua tayawenaenexa
pomona xua bichocono taayapubetsi xua
pejinompaewa tsane xua barapomona xua jopa pexeinae
dubenaenexa tsane barapo coyenein.

¹⁹ Matautano neitorobano xua jiwi
tatsipaebinexa po coyene xua Nacom nacui
wunaeta xua jiwi peyawenaewa tsainchi
pomona ichichipa xua Nacom pejume taewatsi”,
jei Isaias pejume diwesitha, jei Jesús xua yoroba.

²⁰ Poxonae Jesús barapo diboro acataraba, bapoxonae cata pontha pon jiwi
peyawenequeibin judiomona pia penacaetutsi botha tatsi. Bapoxonae Jesús econeca.
Daxita pomona xua baxota ena, Jesús necotenatsi xua cui ewatenatsi xua pecueicueijeixa
tsane Jesús.

²¹ Bapoxonae Jesús tamropata pitaba xua paeba, jeye:
—Anoxuae xuaunxuae pajume taneme baxua apara barapo mataqueithe Nacom
nayabara jume cui weta painya itatha, jei Jesús.

²² Daxita carepaya jiwi Jesús xanepanaya yabara paebatsi. Daxita barapomona najuntu
coyene cabenaeca xua pejume taexae xua po jume barapomona petsipaebixaetsi. Bara-
pomona nantiya nabarai, jeye:

—Maisa jume xeica bapon, jume wunaeya paeba. ¿Bara bapon José pexanto tatsi jampa?
najei barapomona.

²³ Jesús barai barapomona, jeye:
—Metha pana netsipaebichipame icha be pocotsi diwesiyo iche xua pecayabara juta
pepaebi diwesiyo xua ba jei: ‘Pon jiwi neyawabin, jinya coutha nayawabare’, xua ba
jei. Barichi anoxuae pana nejam tsane: ‘Xua paxan pajume tan xua juiña Capernaum
tomaratha exaname, barichinde xote exande jinya tomaratha’, pana nejam tsane, jei Jesús.

²⁴ Awiya cataunxuae Jesús cueicueije. Equeicha namchi, jeye:
—Xaniwaicha paca tsipaebatsi pon ba Nacom peitorobi jume pepaebin pia nacuamon-
aepiwi ba aitafaetabichi.

²⁵ Xaniyan paca baraichi xua caena bayatha poxonae Elías popona pon Nacom peitorobi
jume pepaebin, ainyawaxi powaxi pecuenta werapaewaxichi pia seuriwi Israel nacuatha
jinompa. Barapo nacuatha cuinaya jopa duneicaeyo acobi po weiyobe xuano seis po
xometiyobethano. Daxita jiwi piyain barapo nacuatha Israel nacuatha.

²⁶ Nacom jopa itorobiyo, Elías jopa itorobichi xua peyawenaenexa tsane caewayo jiwana
powaxi pecuenta werapaewaxichi pia seuriwi xua Israel nacuatha. Ichitha saya meisa
Nacom itoroba, Elías itorobatsi powatha powa pecuenta tupaewayotsi piseuri, powa
popona Sarepta tomaratha, xua Sidón nacuatha xua barapowayo peyawenaenexatsi.

²⁷ Barichi Israel nacuatha pinmonae jinompa pomona peperu sawatsi jiwimona,
poxonae Eliseo popona pon Nacom peitorobi jume pepaebin. Eliseo jopa jiwana axaibi
exanaeyo. Ichitha meisa Eliseo Naamán axaibi exanatsi pon bichocono peperu sawinchi.
Bapon Naamán, Siria nacuapin, jei Jesús.

²⁸ Poxonae barapomona jume tane pocotsiwa Jesús paeba pomona judiomona pia
penacaetutsi botha ena, bapoxonae barapomona Jesús casebatsi.

²⁹ Asiya umenaracupa barapomona. Jesús tomara peuma beitaweyatsi. Jesús capoinchi
pitapatoro itapa beya, po tsututha бонъхън jeba, xua bara wepexorecaenexa tsainchi
Jesús.

³⁰ Ichitha Jesús barapomona xenta iya, pu seicataba.

Meje yabara poxonae pebin pon cauri xeina
(Mr 1.21-28)

³¹ Nexata Jesús pona Capernaum tomara beya po tomara eca Galilea nacuatha. Baxotiya
Jesús cuiduba jiwi po mataqueitha pentaquei seicae matabitha.

³² Barapomona yabara najuntu coyene cabenaeca tsipei pocotsiwa bapon bara-
pomona cuidubatsi be pon peyaputaen pia peayapusu itorobi jume coyeneya tatsi paeba.

³³ Judiomona pia penacaetutsi botha tatsi pebin baxota eca, pon cauri xeina. Bapon
bichocono wawaya exanatsi cauri. Bapon Jesús baraichi xua namtsebiya wawai, jeye:

³⁴ —¡Jesús Nazaret tomarapim, warapare pata xainya weya! ¿Eta xua metha patopame
pata xantha xua jinya apara abe pata neexanaetsim? ¿Apara patopame jinya pana
nejutebicham? Paca yaputainchi yawa paca yaitainchi. Xam apara pon Nacom caitoroba,
pon pepa Nentacuiruyapuxanepanaem, jei cauri.

³⁵ Jesús itaweta cauri, jeye:

—¡Moyandel! ¡Bapon wepu ponde! jei Jesús.

Nexata cauri pebin iratha xotsi barapomonaē peit̃t̃ha tatsi. Pebin wepu poinchi cauri, saya juntema. Equeicha jopa ateneyono.

³⁶ Daxita barapomonaē yabara najunt̃ coyene cabenaeca, nayainyaba namchi:

—¿Eta po jumerā xua bapon paeba? Jamaisa barapo pebin itaweta caurimonaē pia peayapus̃ya itorobi coyenewatha. Matautano barapo caurimonaē bara pona.

³⁷ Daxita jiwī paebīnouta Capernaum tomara cuariyatha pocotsiwa Jesús exana.

Meje yabara poxonaē Jesús axaibi exana Simón Pedro pamiyo tatsi
(Mt 8.14-15; Mr 1.29-31)

³⁸ Bapoxonaē Jesús judiomonaē pia penacaetutsi bo tatsi wejoniya. Jesús joniya Simón pia botha tatsi. Simón pamiyo tatsi atene, domaebatsi. Barapowa piamonaē tatsi Jesús jume daunweya w̃c̃atsi xua bapowa axaibi peexanaenexa tsainchi.

³⁹ Jesús imoxoyo caquita uncuā pentasipatha. Jesús domaetha namchi, jeye:

—Barapowatha jopa bayatha yacacaewiyande, jei Jesús.

Domaē aichurucuaē. Nainya barapowa nantacotaxuba. Bapoxonaē bapowa pexaewa apata barapomonaetha.

Meje yabara poxonaē Jesús axaibi exana pin bicheitomonaē
(Mt 8.16-17; Mr 1.32-34)

⁴⁰ Poxonaē tabopiya tsanaicha pomonaē piamonaē barompaya taatenetsi pomonaē xua jopa nayaromae j̃paeyo, daxita barapomonaē Jesús betacarendenatsi. Jesús ichawa beya jayabapona pecobetha, bapoxonaē daxita carepaya axaibi.

⁴¹ Barichi pomonaē cauri pexeinaewi Jesús taitaweta barapomonaē. Barapo caurimonaē wawaya jeye:

—Apara xam Nacom Pexantom, jei.

Bequein caurimonaē baxua paeba ichitha Jesús awiwa daumetha itaweta caurimonaē. Jesús jopa najume copatsiyo xua equeicha pepaebiwa tsane poxoru barapo caurimonaē yaputane xua bapon yatsicaewa Mesías pon Nacom itorobica.

Meje yabara poxonaē Jesús cueicueijeī Nacom Pejume Diwesi judiomonaē pia penacaetutsi bontha tatsi
(Mr 1.35-39)

⁴² Poxonaē baya juntucuru pentha tsina, Jesús tomara weiya ichaxota jiwaibi bara beya pona. Ichitha jiwī Jesús jeit̃t̃atsi. Barapoxonaē bapomonaē pata ichaxota Jesús popona. Barapomonaē aichaxaibi xua Jesús pewepu warapaewa barapomonaē.

⁴³ Ichitha Jesús namchi, jeye:

—Bewa ir̃ yabara paebīn Nacom pia pexeinya jume diwesi tatsi, po diwesi yabara xua Nacom waba jiwī petanaexanaenexatsi piamonaē pomonaē Nacom j̃unt̃ coyene itorobiya ewata. Aparā baxua netsiyabara itorobica, jei Jesús.

⁴⁴ Daxota Jesús paeba ducuaeta Nacom Pejume Diwesi Judea nacuatha xua judiomonaē pia penacaetutsi bontha tatsi.

5

Meje yabara poxonaē Jesús piamonaē yawena xua duwei yamona
(Mt 4.18-22; Mr 1.16-20)

¹ Caentacabi Jesús Genesaret pucua itapatha uncuā. Pin bicheito pata bichocono nac̃ñaxuba Jesustha, tsipei barapomonaē ichichipa jume tane Nacom Pejume Diwesi tatsi.

² Jesús ainya jerabe tane pucuatha taetabo itapatha, po jera saya naebe. Tsipei duwei peyamonaewi bayatha nacui wetar̃c̃upa, matautano poxoru bayatha nonobouna taetabotha. Barapomonaē pia peyamonaewan iquicompa.

³ Nexata Jesús jeratha nontabiya Simón pia naetha tatsi. Jesús Simón baraichi:

—Tsiwiyo neyana torotaxoyam, jei Jesús.

Bapoxonaē Jesús eca jeratha. Jesús mene wecuidubecarena jiwī Nacom Pejume Diwesi.

⁴ Poxonaē Jesús najume weta, Simón baraichi, jeye:

—Jeratha ponde ichaxota pentatheib̃. Paxoyama painya neyacamonaewa painya necapirenaenexa duwei, jei Jesús.

⁵ Simón, Jesús jume notatsi, jeye:

—Pon jiwī Necuidubim, bequein barapo merawithe payamonompan, pacobesa patan. Yaitama aunxuae neitorobame, methaunxuae xoyaein tayamonaewa, jei Simón.

⁶ Poxonae barapomonae xoya, duwei pin tunto capirena, muxu peucubabi xua peyamonaeawa.

⁷ Nexata barapomonae moya pecobetha itacowaeba pomonae penabar_u yaxunobompaexae, pomonae icha jeratha jinompa itacowaebatsi, penayawenaenexa. Barapomonae pata. Jera ainya naebe wantabe duwei. Muxu pebunopaebe jerabe.

⁸ Simón pon Jesús icha w_nn duta, xua Pedro baraichi, bapon tane baxua. Bapoxonae bapon Jesús peitabaratha tauncuatsi pentabocotha. Simón, Jesús baraichi, jeye:

—Tanecanamataxeinaein, newepu ponare, tsipei xan abe taexanaein, jei Simón Pedro.

⁹ Poxoru Simón Pedro junuwiya najunt_u coyene cabenaeca yaitama peyacamonaeawatha capirena duwei pin tunto. Iru pomonae Simón Pedro pia jeratha petaenaewichi barapomonae ir_u junuwiya najunt_u coyene cabenaeca.

¹⁰ Iru Zebedeo pexantobe tatsi, Santiago ir_u Juan baponbe ir_u junuwiya najunt_u coyene cabenaecabe. Baponbe ponbe Simón pebar_u yamonaeinbe tatsibe. Ichitha Jesús Simón baraichi, jeichichi:

—Simón, jopa junuwinde, anoxuae caexanaeinchi xua pinmonae yawenaename xua barapomonae pejume cowantsiwa tsane Nacom icha bayatha ichim poxonae yamona duwei nawita, jei Jesús.

¹¹ Nexata poxonae barapo jerabe botounabe, barapoxonae barapomonae baxuan daxita nacui barapenta. Bapoxonae barapomonae Jesús puna poinchi.

Meje yabara poxonae Jesús axaibi exana pon peper_u sawinchi (Mt 8.1-4; Mr 1.40-45)

¹² Jesús icha tomara siwa pona. Bapoxonae pebin patopa pon peper_u sawinchi. Poxonae Jesús taebatsi, bapon Jesús peitabaratha tatsi pentabocotha tauncuatsi yawa ira betaeuncuareca. Bapon Jesús jume daunweya w_ncatsi, jeichichi:

—Pon Necanamataxeinaem jiwi, icha bara ichichipame bara caitac_upa xua axaibi tana neexanaewam, tsipei jinya neayapus_u itorobi coyenewa nexainaem, jeichichi Jesús bapon.

¹³ Nexata Jesús, nacobe yota, yawa mata jayaba bapon, pon peper_u sawinchi. Jesús barai, jeye:

—Bara ichichipan. ¡Bara axaibinde! ¡Bara caaper_uxaibi exanatsi! jei Jesús.

Bapoxonae bapon nainya taachurucaetsi xua peper_u sawiwatsi.

¹⁴ Nexata Jesús barai bapon, jeye:

—Jopa yabara tsipaebinde ichamonaetha xua neaxaibiwam. Saya jame meisa ponde sacerdotemonaepintha xua nenaitutsinexa xua bapon necataenexa xua bayatha nejumewa. Bapontha care pocotsiwa xua pecatsiwa Nacomtha, pocotsiwa xua bayatha Moisés cui itoroba xua equeicha jopa jinya nenataxobinexa jinya pepontha. Bapoxonae daxita jiwi cayaputaena xua tsita itapeinya xeinatsi xua xam bara jumem yawa xua per_u w_nnaem, jei Jesús.

¹⁵ Ichitha daxita jiwi taj_u beya jume taetaepona pocotsiwa Jesús exana. Pin bicheiton nacaetutapona Jesustha pejume taenexa tsane pocotsiwa Jesús exana. Matautano nacaetutapona xua Jesús peaxaibi exanaenexa barapomonae.

¹⁶ Ichitha Jesús ichaxota jiwaibi bara beya poneiba compa. Baxotiya Paxatha tsipaebiba.

Meje yabara poxonae Jesús axaibi exana pon pecuenobinchi (Mt 9.1-8; Mr 2.1-12)

¹⁷ Caentacabi Jesús cuidubauya. Iru_u baxotiya ena pomonae fariseomonae jiwana tatsi. Iru_u baxota ena pomonae jiwi pecuidubiwi Moisés pia peitorobi coyenewa tatsi. Barapomonae daxita tsiqui tomaraxi werendena po tomaraxi ena Galilea nacua_utha. Iru_u daxita tsiqui tomaraxi werendena po tomaraxi ena Judea nacua_utha, ir_u ichamonae Jerusalén tomara werendena. Nacom pia peayapus_u itorobi coyenewa tatsi Jesús yawenatsi, daxota axaibi exana peatene jiwi.

¹⁸ Nexata pebiwi pata. Barapo pebiwi carendena pon pecuenobinchi. Xua xota pocotsiwatha maiteiba, barapomonae barapocotsiwatha carendenatsi pecuenobinchi. Barapomonae bepa bom_ux_utha cajojoniya_ei xua bepa Jesús peitabaratha tabotichei.

¹⁹ Ichitha barapomonae jopa cajojoniyaeyo bom_ux_utha tsipei pin bicheito boupa quec_una. Barapo bo matatupa perca. Nexata daxota barapo bo matatupa beenoinya. Barapomonae barapo penta tupa weatsa caxina xoreca. Nexata barapomonae nantiya opi quetabe b_umac_utha barapo pemaitewi_uw_utha. Bapoxonae bara weyawa yorecatsi barapo pecuenobinchi jiwi pexainya deca tatsi, Jesús peitabarayo decano tatsi.

²⁰ Jesús tane xua barapomonae yabara cui jume cowanta xua Jesús bara peitac_upaewatsi xua axaibi peexanaewatsi pon pecuenobinchi. Daxota Jesús barai pecuenobinchi, jeye:

—Tajiton cayabara cui j_untemainsiba abe jinya neexanae cuiru coyenein, jei Jesús.

²¹ Nexata pomonae jiwi pecuidubiwi Moisés pia peitorobi coyene, iru fariseomonae, daxita barapomonae caemonae natsipaeba, najei: “Maisa bapon bichocono abe tsipei pocotsiwa bapon paeba bichocono Nacom tsita ajumebetsi. Jiton dapocotsin aibi pon xua jiwi cacui yabara jantemainaya juntu puxana exanatsi abe pia peexanae cuiuru coyenein tatsi. Jame meisa apara caein Nacom yaputane xua jiwi cacui yabara jantemainaya juntu puxana exanatsi abe pia peexanae cuiuru coyenein tatsi”, najei barapomonae.

²² Ichitha Jesús yaputane xua barapomonae caemonae natsipaeba. Jesús barai barapomonae, jeye:

—¿Eta pocotsiwa metha baxua pana natsipaebame?

²³ ¿Eta po jumetha baran tsane pecuenobinchi? ¿Metha jan tsane: ‘Abe jinya neexanae cuiuru coyenein cata jantemainatsi’, jan tsane? Ichacuitha ¿metha jan tsane: ‘Asiya uncuatabare yawa ponare’, jan tsane?

²⁴ Daxota aunxuae paca tsita itapeinya xeinaeinchi xua xan ponxaein Nacom Tananeitapetsin, xua xeinan taayapusu itorobi coyenewa xua bara tana neitacupaewa xua jiwi tayabara cacui jantemainaya juntu puxana exanaewa abe pia peexanae cuiuru coyenein tatsi pomonae jinompa barapo cae pin nacuathe, jei Jesús.

Bara nexata pecuenobinchi Jesús barai, jeye:

—Catsipaebatsi, nontaponde. Jinya nemaituncuaewa pire. Jinya bo be-iyandeno, jei Jesús.

²⁵ Bapoxonae pon pecuenobinchi caena nainya nontapona barapomonae peitatha tatsi, yawa pita xua pemaituncuaewa. Pia bo be-iyawa yawa Nacom wanae jaintatsi poxonae namtotha ecapona.

²⁶ Barapomonae daxita yabara najuntu coyene cabenaeca yawa Nacom wanae jaintatsi. Barapomonae junuwiya namchiya jeye:

—Anoxuae waxainchi tainchi xua pewanaewa pocotsiwa jopa yaputaetsi, jei barapomonae.

*Meje yabara poxonae Leví wabatsi, Jesús waba
(Mt 9.9-13; Mr 2.13-17)*

²⁷ Poxonae baxua Jesús nacui weta, bapoxonae Jesús pontaba. Jesús tane pebin pon pewan Leví. Leví bapon pon paratixi pentoma noteibin po paratixi jiwi bewa catsibina pon romanomonae pia pepa peyanacua ewatsinchi nexa. Bapon eca ichaxota paratixi matoma noteibeca. Jesús Leví baraichi, jeichichi:

—Nepuna ponde, jei Jesús.

²⁸ Bapoxonae Leví nontapona. Daxita baxua xubota, cuenta pona. Bapoxonae Jesús puna poinchi.

²⁹ Pirapaeyo Leví pin penabanaewa exana pia botha xua Jesús tsiexanatsi. Iru pebiwi pinmonae pomonae paratixi pentoma noteibiwi po paratixi jiwi bewa catsibina pon romanomonae pia pepa peyanacua ewatsinchi nexa, barapomonae Jesús baru eca pexaethopeibiwatha, iru ichamonaeno baru enatsi penabaru nabanaenexa tsane.

³⁰ Ichitha fariseomonae iru pomonae jiwi pecuidubiwi Moisés pia peitorobi coyenewa, daxita barapomonae Jesús pijimonae abeya tsipaebatsi xua Jesús yabara. Barapomonae namchi, Jesús pijimonae tatsi baraichi, jeichichi:

—Maisa Jesús abe exana poxoru baru xayeca pomonae paratixi pentoma noteibiwi po paratixi jiwi bewa catsibina pon romanomonae pia pepa peyanacua ewatsinchi nexa. Matautano baru xayeca pomonae abe peexanae cuiuru coyene peexanaewi, jeichichi Jesús pijimonae tatsi barapomonae.

³¹ Jesús jume nota barapomonae, jeye:

—Pomonae ba xua xaniwaicha jinompa xua jopa ateneyo barapomonae ba jopa canantawenonaeyo pon jiwi peyawubin. Saya jame meisa pomonae ba atene canantawenona pon jiwi peyawubin.

³² Barichinno xan patopan apara tha jopa tawabinexa tsane pomonae pejuntu coyene xanepanae jiwi. Apara tha meisa tawabinexa tsane pomonae peajuntucoyenebe jiwi, xua barapomonae icha juntu coyene pexeinaenexa tsane Nacomtha, jei Jesús.

Meje yabara poxonae Jesús yabara yainyabatsi po coyene xua Nacom peyabara nainbot-siwatsi

(Mt 9.14-17; Mr 2.18-22)

³³ Nexata barapomonae fariseomonae iru pomonae jiwi pecuidubiwi Moisés pia peitorobi coyene, daxita barapomonae Jesús yainyabatsi, jeichichi:

—Pomonae Juan pia pepuna jinompaewichi jopa juniya nainboteibiyo xua jopa juniya tsipaebibiyo Nacomtha. Iru pomonae fariseomonae barichiru. Ichitha nama jinyamonae daxua jopa cou daichiyo, saya cou u penabaneibi xuano saya u peapeibi cou, jeichichi Jesús.

³⁴ Jesús jume nota barapomonaе, jeye:

—Paxam jopa bewa paexanaem tsane xua ichamonae nainbotsina, pomonaе patsi-wabame pexaewa xua penabanaenexa xua poxonaе pebin pecotsiwa pita. Poxonaе cataunxuae awiya bapon eca poxonaе jiwi nabane, jopa ba bapoxonaе nainbotsi.

³⁵ Ichitha icha pon aena piowa pita, bapon caena nainya waetabatsi, ichamonae waetaba xua bapon taju pecaponaenexatsi, bapoxonaе jame jiwi ba bewa wecoyeya yabara nain-botsi, xua equeicha bapon caewa pepatopaewa tsane, jei Jesús.

³⁶ Matautano Jesús pecayabara juta pepaebi diwesiyo tsipaeba barapomonaе, jeye:

—Jiwi ba jopa exanaeyo xua pena dorouto tsiwiyo jiwana caxinaxubeta xua peru dorouto pewan botsinexa. Icha baxua exanaetsipa xua pena paparuwatha wan bota peru dorouto, bapoxonaе barapo dorouto abe tsanaya. Tsipei poxonaе barapo dorouto matanaxuba barapo pena paparuwa natsaquetabiya. Poxonaе barapo pena paparuwa natsaquetabiya equeicha wan tsitsipanarena barapo dorouto. Bapoxonaе equeicha pin wan tsanaya beyacaincha xua poxonaе copiya.

³⁷ Matautano jiwi ba pena vino mera jopa eparecaeyo peru bocototha, tsipei icha baxua exanaetsipa, barapo pena vino mera abe exanaetsipa barapo bocoto tsipei barapo bocoto jopa nayeyatoponaeyo poxonaе barapo vino mera atsaxa. Barapo pena vino mera naxuba xuano barapo bocoto naxuba poxonaе barapo bocoto tsitsica.

³⁸ Daxota bewa jame pena vino mera eparecae pena bocototha. Bapoxonaе pena vino mera jopa naxubiyo, xuano pena bocoto jopa nacubiyo poxoru boco yeyena xuano poxoru pena bocoto.

³⁹ Pon ba xua peru vino mera apa pirapaeyo jopa ichipaeyo pena vino mera. Bapon jei: ‘Maisa peru vino mera xeica, beyacaincha pena vino mera’, jei.

6

Meje yabara poxonaе Jesús pijimonaе tatsi yaboto nota trigo xu judiomonaе barompaya pia pentaquei seicaе mataqueitha tatsi (Mt 12.1-8; Mr 2.23-28)

¹ Caentacabitha judiomonaе barompaya pia pentaquei seicaе matabitha tatsi Jesús pijimonaе baru iya pabi iyiya. Jesús pijimonaе tatsi xunumenapona trigo xu, bapoxonaе barapomonaе pecobetha xu mata pepeta yawa xu xane.

² Nexata Jesús pijimonaе tatsi tayainyabatsi, fariseomonaе yainyaba, jeye:

—¿Eta pocotsiwa baxua paexaname? Apara jiwi jopa yabara cui copatsiyo xua ichamonae penacuichiwa barapo matabitha, xua judiomonaе barompaya pia pentaquei seicaе matabi tatsi, jei barapomonaе.

³ Jesús jume nota barapomonaе, jeye:

—Barapo tajimonaе jopa apara abe exanaeyo. ¿Jopa payabara yorobim pocotsiwa bayatha David exana poxonaе jainpa poxonaе iru pijimonaе tajainpatsiru? Bapon David pon caena bayatha Israel nacuamonaе itorobiya pia pepa peewatsinchi.

⁴ Bapon David iru pijimonaе tatsi barapomonaе Nacom pin pia botha jojoniya. David xane pan, po pan ichamonae cana exana xua Nacomtha pecatsiwatsi. Iru barapo pan David pijimonaе cata xua pexaenexaru. Barapomonaе xane bequein barapo Nacom pia peitorobi coyenewatha copata xua saya meisa sacerdotemonaе itacupatsi xua pexaewa barapo pan.

⁵ Jesús namchi, jeye:

—Xan ponxaein Nacom Tananeitapetsin taitorobi coyenewa xeinan xua jiwi tacoya taitorobiwa pentaquei seicaе matabitha, jei Jesús fariseomonaetha.

Meje yabara poxonaе Jesús cobe wunaе exana pon pecobe mubinchi (Mt 12.9-14; Mr 3.1-6)

⁶ Icha matabitha judiomonaе pia pentaquei seicaе matabitha tatsi Jesús joniya judiomonaе pia penacuetutsi botha tatsi. Matautano tamropata pitaba xua cuiduba barapomonaе. Barapo botha eca pon pecoxa weya pecobe mubinchi.

⁷ Pomonaе jiwi pecuidubiwi Moisés pia peitorobi coyene tatsi, iru fariseomonaе baxota ena. Daxita barapomonaе Jesús necotenatsi pecui taenexatsi icha bara metha Jesús cobe wunaе exanaena pentaquei seicaе mataqueitha pon pecobe mubinchi. Icha Jesús pon pecobe mubinchi axabi exanatsi, bapoxonaе barapomonaе xeinaena po coyenewa xua Jesús abe payabara paebiwatsi tsainchi.

⁸ Ichitha Jesús yaputane pocotsiwa barapomonaе nanta xeina. Jesús barai pontha pon pecobe mubinchi, jeye:

—Nontaponde, uncuare xote, jei Jesús.

Bapon nontapona, asiya uncuua Jesús peitabaratha tatsi.

⁹ Nexata Jesús barai ichamonae, jeye:

—Paca yainyabinchi, ¿eta xua copata pentaquei seicae matabitha? ¿Wanae jampa? ¿Abe jampa? ¿Eta xua, xua exana jane? ¿Xua pebin capanepatsi jampa? ¿Xua pebin hexotsi jampa? ¿Eta xua jane? jei Jesús.

¹⁰ Nexata Jesús naita muxunene cauncuapona, tane pomonae pematawacaicha enaewichi. Jesús barai pon pecobe mubinchi, jeye:

—Nacobe doire, jei Jesús.

Bapon nacobe doita. Nainya cobe wanae tsanaya.

¹¹ Ichitha barapomonae bichocono Jesús casebaracupatsi. Barapomonae caemonae natsipaeba najei:

—¿Etabe cui yabara ichainchi Jesús? jei barapomonae fariseomonae.

Meje yabara poxonae Jesús itapetsiya waba pia peitorobiwi tatsi pomonae xua doce poyobe

(Mt 10.1-4; Mr 3.13-19)

¹² Barapo matababintha Jesús pona demxuwa tha petsipaebinexa Paxa. Baraxotiya Jesús Paxa matowa tsipaeba barapo merawitha.

¹³ Poxonae baya xomoto penta tsina bapoxonae Jesús pijimonae waba. Barapomonae jiwana itapetsiya waba doce poyobe, pomonae baraichi xua jeye: “Jesús pia peitorobi jiw tatsi”, yabara jeichichi.

¹⁴ Meje barapo doce poyobe pomonae Jesús pia peitorobiwi tatsi. Meje barapomonae: Simón, pon icha wán “Pedro”, baraichi, iru ichun pewun Andrés, pon Simón peweicho tatsi, iru ichun pewun Santiago, iru ichun pewun Juan, iru ichun pewun Felipe, iru ichun pewun Bartolomé.

¹⁵ Iru ichun pewun Mateo, iru ichun pewun Tomás, iru ichun pewun Santiago, pon Alfeo pexanto tatsi, iru ichun pewun Simón, pon celotemonaepin.

¹⁶ Iru ichun pewun Judas, pon Santiago pexanto tatsi, iru ichun pewun Judas Iscariote, pon Jesús caenaetaxubatsi ichamonaetha xua Jesús pebexubinexatsi.

Meje yabara poxonae Jesús pin bicheitomonae cuiduba

(Mt 4.23-25)

¹⁷ Barapo doce poyobe Jesús demxuwa webaru dunareca, peira matafatanaewatha baru patopa. Baxota peira matafatanaewatha pin bicheito Jesús ewatumeinchi. Ichamonae pomonae Jesús pejume cowantsiwichi baxota umena. Iru Jerusalén tomarapiwi pata xua Judea nacuapiwi. Barichi Tiro tomarapiwi, Sidón tomarapiwino pata. Barapo tomarabe mar mene itapatha ecabe. Daxita barapo pin bicheito pata xua Jesús pejume taenexatsi xua cueicueijeji xuano xua Jesús pia axaibi exanaetsi peatene jiw.

¹⁸ Pomonae cauri pexeinaewi barapomonae Jesús taitaweta cauri.

¹⁹ Daxita jiw ichichipa xua Jesús pejayabiwatsi tsipei Jesús daxita jiw axaibi exana pia peayapusawatha.

Meje yabara poxonae Jesús yabara cuiduba pejuntu coyene weiweinaewa, xuano jopa pejuntu coyene weiweinaewa

(Mt 5.1-12)

²⁰ Nexata Jesús pijimonae necota. Jesús barai pijimonae, jeye:

“Pajuntu coyene weiweiname bequein anoxuae peacopeibi jiw pam. Tsipei Nacom pia pejume cowantsiwichi tatsi piamonae tatsi pam, pomonae Nacom juntu coyene itorobiya ewata.

²¹ “Pajuntu coyene weiweiname, bequein bara anoxuae pajainpame, bexa tsane paton-sanaename.

“Pajuntu coyene weiweiname, bequein bara anoxuae pawecoyam, bexa tsane bichocono pajuntu coyene weiweinaename.

²² “Pajuntu coyene weiweiname poxonae bequein jiw paca ita aenae-aenei, bequein paca itaweta bo weya xuano poxonae bequein abeya paca muxutainyaba. Matautano poxonae bequein jiw paca yabara abe paeba. Barapomonae baxua paca cana exana tamonae jiw pamxaem xua xan ponxaein Nacom Tananeitapetsin.

²³ Bichocono pajuntu coyene weiweinare barapo matababintha, tsipei peitabocotha Nacom paca catsibina pia pexeinya peitapanawwan pocotsiwan Nacom paca juntana jeba pia nacuatheicha. Icha barapomonae paca ichi, barapomonae pia pamo susato jiw tatsi, Nacom pia peitorobi jume pepaebiwi barichichi abeya biatainchi yawa abe exanatsi.

²⁴ “Ichitha pai jaibo paxam, anoxuae copei paacabem tsobenaem poxoru methaunxuae equeicha jopa painya neraichiwa tsane!

²⁵ “¡Pai jaibo, paxam pomonae anoxuae patonsanabename tsipei methaunxuae bexa tsane pajainpabenaename!

“¡Pai jaibo, paxam pomonae pajuntũ coyene weiweinabename tsipei anoxuae methaunxuae pajuntũ coyene wecoyam tsane!

²⁶ “¡Pai jaibo, pomonae jiwi wãnae paca jainteibena painya necueicueijeixae po diwesi jopa Nacom Pejume Diwesiyo! ¡Icha barapomonae paca ichi barichi barapomonae pia pamo susato jiwi tatsi, wãnae jainta pomonaetha pomonae naerabiya paeba xua pinae barapomonae Nacom pia peitorobi jume pepaebiwi!” jei Jesús.

Meje yabara poxonae Jesús cuiduba xua jiwi bewa antobe pomonaetha pomonae pia peaitafaetabi jiwichi
(Mt 5.38-48; 7.12)

²⁷⁻²⁸ Equeicha Jesús namchi, jeye: “Paxamtha pomonae beta pana nejume taneme, barapomonae paca baraichi: Paantobeinde pomonae bequein painya nepaca caaitafaetabi jiwi. Matautano beta pata taexande pomonae paca ita aenae-aenei. Matautano amanaya beta papaebare pomonaetha pomonae paca yabara abe paeba. Nacomtha patawũcare pomonae xua paca biatane.

²⁹ Icha ichũn paca jumata tsaquinopa pecobetha, moya equeicha icha jumata pana najumata caeware xua painya necajumata tsaquinopaenexa. Icha ichũn pacata pita peamtiyũn camisa, po camisa xua athawe peruyaewa yawa bara saya moya pacopare xua equeicha painya nepacata pichiwa tsane camisa.

³⁰ Daxita coyenexi pocotsiwa ichamonae paca wũca moya bara pacaichabeibare. Pon pacata pita painyawa jopa equeicha caewa pawũcaeinde.

³¹ Paexande ichamonaetha xua po coyene painya neichichipaewa xua barapomonae beta painya nepacata exanaewa tsane.

³² “Icha saya meisa paantobem pomonae painya nepaca antobexae, Nacom jopa paca cui yabara matomacae tsane. Tsipei apara irũ pomonae peajuntũcoyenebewi antobe ichamonae pomonae peantobewixaetsi.

³³ Barichi icha saya beta pata exaname pomonae beta pacata exana, Nacom jopa paca cui matomatsiyo tsaneno baxua. Tsipei pomonae peaitabe jiwi barapocotsi coyene irũ exana ichamonaetha pomonae peaitabe jiwitha.

³⁴ Barichi icha saya pacatsibame ichamonae xua bexa xuya painya nepaca catsibinexa, Nacom jopa paca cui matomatsiyo tsane baxua. Tsipei pomonae peaitabe jiwi barichi icha peaitabe jiwitha catsiba xua xuya equeicha pecatsibeibinexatsi.

³⁵ Paxam jame bewa paantobem tsane painya nepaca caaitafaetabi jiwi, xuano jame beta bewa paexanaem ichamonaetha. Matautano jame bewa bara pacatsibim ichamonae xua jopa painya neyabara ewatebiwa xua xuya painya nepaca catsibeibiwa tsane. Icha baxua paexanaename Nacom paca catsibina pia nacuatheicha pocotsiwa xua paca juntana jeba pia nacuatheicha. Matautano Nacom paca cana exanaena pia pexanton jiwi tatsi pam, pon peitabocotha eca. Tsipei Nacom pejuntũ coyene xanepanaein, daxota yawena barapomonaetha, pomonae bequein xua jopa wecobe notebiya jacobebiyo xuano xua peaitabe jiwi.

³⁶ Payabara cui nanta xeinare po coyene xua ichamonae painya neyawenaewa. Icha be Nacom ichi xua yabara cui nanta xeina po coyene xua peyawenaenexatsi jiwi, bara paichinde”, jei Jesús.

Meje yabara poxonae Jesús cuiduba xua jiwi jopa bewa yabara paebina ichamonae xua penatsicuentisiwa xua abe peexanaexae
(Mt 7.1-5)

³⁷ Equeicha Jesús namchi, jeye: “Jopa ichamonae payabara paebinde xua penatsicuentisiwa xua abe peexanaexae. Nexata bapoxonae Nacom jopa paca yabara paebi tsane painya xua nenatsicuentisiwa xua abe painya exanaexae. Ichamonae jume daunweya jopa pajande: ‘Apara bapon picoya, apara bapon picoya’, jopa pajande. Nexata Nacom jopa paca daichi tsane baxua. Pacui yabara juntemainare po coyene ichamonae pacata abe exana, nexata Nacom paca cui yabara juntemainare xua abe painya neexanaewa.

³⁸ Ichamonaetha, jopa juniya pacatsibinde, nexata Nacom jopa juniya paca catsibi tsane. Painya dorotha paca catsina, beta pacata pesabina, yawa beta pacata xatabacorecaena pecobetha yawa pacata nũnũcutaxuina. Yawa pacata wũnca exanaena. Icha daunweya payabara paebina xua penatsicuentisiwa ichamonae xua abe peexanaexae, Nacom barichi daunweya paca yabara paebina xua painya nenatsicuentisiwa xua abe painya neexanaexae”, jei Jesús.

³⁹ Jesús tsipaeba barapomonaе pecayabara juta pepaebi diwesiyo, jeye: “Pon ba peitata nacutsin jopa itacupaetsi xua pematacaponaewa ichun pon iru peitata nacutsin. Icha bapon baxua exanaetsipabe, baponbe fetotha joparecaetsipabe.

⁴⁰ Pon ba aena nacuiduba xua peyaputaenexa, bapon jopa be bapocotsinyo, pon pecuidubin jiwi, pon peyaputaen. Ichitha pon poxonae wetsina xua nacuiduba, bapon be pia pecuidubin cui jupa”, jei Jesús.

⁴¹ Barichi equeicha Jesús paeba caeintha pomonaе pijimonaе tatsi jiwana icha pecayabara juta pepaebi diwesiyo, jeye: “Xam be jinya jiton itata taneme poxonae naepatiyo itata jopiyatsi, ichitha jopa taem xua iruru xam nama pin naepato neitacueretotha ducua. Barapocotsi juta coyeneya ichi, xam ba jinya jiton cui taneme xua poxonae abe exana, ichitha jopa nayaputaem xua iruru xam bara ichim nama bichocono abe exaname.

⁴² Icha jopa taem pin naepato xua neitacueretotha ducua, jopa caitacupaeyo xua nejeiwa jinya jitontha: ‘Tajiton, cata jutinchi naepatiyo xua ducua neitacueretotha’, xua nejeiwa. Xam nepaebin xua ichun exana xua baxua neexanaewatha iru. Xam copiya nata jure barapo pin naepato xua neitacueretotha ducua. Bapoxonae beta taename nejutsinexa tsane naepatiyo xua jinya jiton peitacueretotha tarucuatsi”, jei Jesús.

Meje yabara poxonae Jesús yabara cuiduba xua pinae jiwi yaputane nae penacoichixae (Mt 7.17-20; 12.34-35)

⁴³ Jesús namchi, jeye: “Po naein pexeinya naein jopa bapana nacoichiyo po pethei camatsa thei. Barichi po naein camatsa naein jopa bapana nacoichiyo po pethei pexeinya thei.

⁴⁴ Jiwi yaputane nae po nae penacoichixae. Daxita jiwi yaputane xua higo thei, po pethei pexeinya thei jopa bapana teracae po naetha sojei xua camatsa nae. Matautano jiwi yaputane xua uva thei po thei unbototha xuwa jopa bapana teracae naexitha. Bara juta ichi jiwi yaputane xua pebin pejuntu coyene xanepanaein pon xanepanaya peexanaeinxae.

⁴⁵ Pon ba pejuntu coyene xanepanaein, bapon ba jame ba paeba pocotsiwa pexeinya coyene, pejuntu coyene xanepanaeinxae. Barichi pon ba peajuntucoyenebein bapon ba abe paeba, peajuntucoyenebeinxae. Pocotsiwa jiwi nanta xeina pejuntu coyene, baxua ba pecoiboto tsina cueicueijeji”, jei Jesús.

Meje yabara poxonae Jesús ainya botuxu be yabara paeba (Mt 7.24-27)

⁴⁶ Equeicha Jesús namchi, jeye: “Paxam pana neyabara jam: ‘Patatanecanamataxeinaem’, pajam, daichitha jopa paexanaem pocotsiwa paca itorobatsi.

⁴⁷ Incane yabara paca tsipaebinchi pon xua patopa taxantha, nejume naitomata pocotsiwa paeban, matautano exanano pocotsiwa ichichipan, bapon beta popona Nacom nexa.

⁴⁸ Bapon barapocotsi juta coyeneya nacana exana icha be ichi pon bo acabanota peira matatsucaewatha xua ichaxota ira daunwei. Meje jeye: Copiya muthun taju exanareca pecuaranobinexa botuxu naeton. Poxonae mene matacaewaxuba, barapo botuxu jopa joparenaeyo poxoru naeton taju umenareca xuano poxoru botuxu uncua pematatsucaewatha ichaxota ira daunwei.

⁴⁹ Ichitha nama pon nejume taetha, xuano jopa exanaeyo pocotsiwa ichichipan, bapon be meje: Bapon be pocotsin bo acabanota ichaxota ira matafatsana, xuano naeton jopa taju umenarecaeyo. Poxonae mene matacaewaxuba, barapo botuxu joparena poxoru naeton jopa taju umenarecaeyo, xuano poxoru botuxu uncua ichaxota ira matafatsana. Barapo botuxu nainya joparena. ¡Maisa botuxu bichocono abe!” jei Jesús.

7

Meje yabara poxonae Jesús axaibi exana pon soldadomonaе romanomonaе pia pentacaponaein tatsi tanacuitatsi

(Mt 8.5-13)

¹ Poxonae Jesús baxuan najume weta xua barapomonaе jume tane, bapoxonae Capernaum tomara beya pona.

² Baxotiya popona romanomonaе soldadomonaе pia pentacaponaein tatsi, pon xeina pia petanacuiteibinchixaetsi. Barapon bichocono antobe pia petanacuitinchi. Bapon pon petanacuiteibin bichocono atene, xua awatha petupaе.

³ Poxonae romanomonaе soldadomonaе pia pentacaponaein tatsi Jesús yabara jume tainchi, bapoxonae itoroba pitiri jiwi judiomonaе jiwana piwi Jesús beya xua petaaxaibi exanaenexa tsainchi pia petanacuichin tatsi.

⁴ Barapomonaе Jesús imoxoyo caquita poinchi. Barapomonaе Jesús jume daunweya tsipaebatsi, jeichichi:

—Barapo pentacaponaein, pentacui xanepanaein, daxota yawende.

⁵ Poxoru bapon wanacuamonaе wunaе yabara cananta xeineibatsi. Matautano bapon itoroba xua acaba pata penacaeutusi bo pia paratixitha, jei barapo pitiri jiji.

⁶ Nexata Jesús baru poinchi barapomonaе. Ichitha poxonaе Jesús muxu pepatopae, romanomonaе soldadomonaе pia pentacaponaein tatsi pia botha tatsi, barapo soldadomonaе pia pepa pentacaponaein tatsi, bapon itoroba pia jiji xua petacajume jeichinexa tsainchi Jesustha: “Tanecanamataxeinaein, xan saya tacui pawin. Auran xua xam nepatopaewa tsane tabotha tsipei xam ainya cuim.

⁷ Daxota jopa patopaeinyo nexainya beya, tsipei xam ainya cuim, xua paebiname pia peatenewatha tatsi bapoxonaе bapon axaibi bara tsane pon inta nacuiteiba.

⁸ Xan bichi xeinan tanecanamataxeinaein, pon neitoroba. Barichiru xeinan soldadomonaе pomonaе itorobeiban. Poxonaе ichun itoroban: ‘ponde’, jan, bapon pona. Poxonaе ichun waban: ‘antha’, jan, bapon patopa. Pon inta nacuita, itoroban: ‘inta exande’, jan, inta exana”, jeye pentacaponaein, jei pomonaе penacajume caitorobixaeitsi.

⁹ Poxonaе Jesús baxua jume taeba, jume cui yabara cananthuthu nanta xeinanaya cabenaeca beta pepaebixae romanomonaе soldadomonaе pia pentacaponaein tatsi. Jesús necotaba pomonaе puna poinchi, barai, jeye:

—Xaniyan paca tsipaebatsi Israel nacuatha iru dapocotsin jopa caxinaeinyo pocotsin icha pon iche pon tana necui yabara jume cowantsin xua bara neitacupa xua axaibi taexanaewa jiji, jei Jesús.

¹⁰ Poxonaе barapomonaе botha caibe nawibiya, barapomonaе taeba ducupa xua axaibi boca romanomonaе soldadomonaе pia pentacaponaein tatsi pia petanacuichin tatsi.

Meje yabara poxonaе Jesús petupaein asu exana pexanto tatsi powa pecuenta tupaewayotsi piseuri

¹¹ Poxonaе Jesús baxua nacui weta, bapoxonaе Nain tomara beya pona. Jesús cueyabatsi pijimonaе, iru pin bicheitumonaeno napona.

¹² Poxonaе Jesús muxu pepatopae tomaratha, Jesús tane xua pewowin petupaein cajojondenatsi xua pemuthuthu xubinexa tsainchiba, pon pena tsita compa. Barapo pewowin powa pecuenta tupaewayotsi piseuri barapowa pexanto tatsi. Barapowa puna poinchi pin bicheito.

¹³ Bapon Jesús pon Pecanamataxeinaein xae jiji, barapowa yabara cui nanta xeinatsi. Jesús barai barapowa, jeye:

—Jopa wecoyande, jei Jesús.

¹⁴ Nexata Jesús imoxoyo caquita pona petupaein, yacaja jayabano. Pomonaе yacaja capona yacaja caumenaracupa. Jesús barai petupaein, jeye:

—Pewowin catsipaebatsi, nontaponde, jei Jesús.

¹⁵ Nexata pewowin pon tupa, nantacotecataba, yawa tamropata pitaba xua pecueicueijeiva. Jesús coxiwatha cana cobenata pexanto.

¹⁶ Poxonaе pin bicheito taeracupa baxua, barapo pin bicheito bichocono junuwa. Barapoxonaе barapo pin bicheito Nacom wunaе jaintatsi, barapomonaе namchi:

—Nacom peitorobi jume pepaebin, pon ainya cui, waxantha patopa. Nacom siwa pona peyawenaenexa pijimonaе pomonaе pia pejume cowantsiwichi, jei barapomonaе.

¹⁷ Daxita jiji jume tane xua Jesús exana Judea nacuatha, iru po nacuan imoxoyo caquita ena Judea nacuatha.

Meje yabara poxonaе Juan itoroba pijimonaе Jesús beya peyainyabinexa tsainchi Jesús (Mt 11.2-19)

¹⁸ Juan pijimonaе tsipaebatsi daxita baxua xua Jesús exana. Juan waba ainya pebinbe pijimonaе jiwana tatsi.

¹⁹ Baponbe Juan itoroba Jesús beya xua najume caruta baponbetha matauta xua Jesús peyainyabinexatsi xua icha metha bara baponde jei pon bewa patopeicaena, bapon Cristo, jei. Ichacuitha metha ichun jampa, xua pawunaе ewatsin jampa jei.

²⁰ Bara baponbe ponbe Juan peitorobixaebe, baponbe imoxoyo Jesús caquita uncuatsibe. Baponbe Jesús baraichi:

—Juan pon jiji Pebautisabin, bapon pana nejume caruta, bapon namchi: ‘¿Metha bara xaniwaicha baponda, pon bewa patopeicaena, bapon Cristo?’ jei. ‘¿Ichacuitha metha bara ichun pawunaе ewatan jampara?’ jei Juan, jei baponbe.

²¹ Poxonaе baponbe patopabe, Jesús axaibi exana peatenewi, iru pomonaе pin domae xainchi, yawa taitaweta pomonaе cauri xeina. Matautano yawenano xua equeicha tane pomonaе jopa necotsiyo.

²² Baponbe jume notatsibe. Jesús jume nota, jeye:

—Paponarebe Juan beya. Juan patsipaebarebe xuaunxuae pocotsiwa panecui tane-mebe, matautano xuaunxuae pocotsiwa pana nejume tanemebeno. Matautano patsipaebarebe xua pomonae peitata nacutsi jiwi equeicha tane, matautano xua pomonae pejayu-jayujeimonae beta pona equeicha. Matautano xua pomonae peperu sawichimonae equeicha peru wnae, matautano xua pomonae pemuxusipanaewi equeicha muxu nasaba, matauta xua pomonae pewerapaewi equeicha asu. Matautano pomonae xua peacopeibiwi jume tane Nacom pia pexeinya pecapanenebiyae diwesi jume.

²³ Patsipaebare Juan xua xan janje: 'Juntu coyene weiweinaena pon jopa ainya unthathanyo, pon xaniwaicha neyabara cui jume cowanta', xua jan, jei Jesús.

²⁴ Nexata ponbe Juan itorobabe ponabe Juan beya. Bapoxonae Jesús tsipaeba jiwitha, xua Juan yabara paebatsi, jeye barapomonaetha: "Ira xuepana susato tsurucuae nacuatha paponame. Poxonae bara beya paponame, zeta xua painyatsi? zPainya jume taetsi pebin pon ainya unthathato cui xeina icha be naepanaewa ichi xua saya joibo ba jubabiya caya tsabi? Jume apara.

²⁵ Bara paichim paponame, zPainya nejume taenexa pebin, pon peitupanae paparuwa nama xatata? Jume apara. Payaputaneme pomonae peitupanae paparuwan nama xataba, barapomonae jinompa pexeinya bontha pomonae jiwi itorobiya pia pepa peewatsiwx-aetsi.

²⁶ Jume. Jopa baxua patsiponaem xua jopa painya jume taenexa pebin pon ainya unthathato cui xeina, matautano xua jopa painya jume taenexa pebin pon peitupanae paparuwa nama xatata. Apra jame baxua patsiponaem xua painya nejume taenexa pon Nacom peitorobi jume pepaebin. Bapon Juan bichocono peainya cuin pon Nacom pia peitorobi jume pepaebiwi jiwana pin beyacaincha ichan pon Nacom peitorobi jume pepaebin.

²⁷ Juan bapon apra, pon yabara paebatsi Nacom Pejume Diwesitha poxonae Nacom netsipaeba, nejei:

'Catsiwanae itorobinchi copiya pon tana nacajume carutsin.

Baraponuntu cui wnaetsina jiwi, xua daxita jiwi najuntu cui wnaetsina xam nexa, xua necantenta weyataeya wabinexa poxonae patopaename', nejei Nacom Pejume Diwesitha.

²⁸ Paca tsipaebatsi, xua daxita Nacom peitorobi jume pepaebiwi pomonae Juan tsiwanaya jinompatsi bayatha, dapocotsin aibi barapomonae jiwana pon yatsicaewa peainya cuin beyacaincha pon Juan, pon jiwi Pebautisabin. Juan peainya cui diwesi yabara cueicueije po coyene xua Nacom itorobina jiwi. Ichitha po diwesi xua tamona anoxuae paeba barapo diwesi bichocono ainya cui diwesi beyacaincha xua Juan cueicueije, bequein jiwi nanta xeina xua tamona jopa ainya cui jiwi.

²⁹ "Daxita barapomonaem baxua jume taerucupa. Iruu jume taerucupa pomonae paratixi pentoma noteibiwi romanomonaem pia pepa peyanacua ewatsinchi nexa, pomonae bayatha Juan bautisaba. Daxita barapomonaem nanta xeinarucupa xua Nacom bara pepa pentacui xanepanaein.

³⁰ Ichitha fariseomonaem iru pomonae jiwi pecuidubiwi Moisés pia peitorobi coyene tatsi, barapomonaem jume itaweta, Nacom jume itawetatsi pocotsiwa xua Nacom beexanaena barapomonaem nexa. Matautano barapomonaem cui itaweta, Juan cui itawetatsi xua pia pebautisabi coyenewa.

³¹ "Jiwi pia Pecanamataxeinaeinchi tatsi, bapon Jesús namchi, jeye: zEta pocotsimonaem cui jupatsi barapomonaem pomonae xote jinompe pomonae Nacom jume itawetatsi? zEtabe jeta ichi barapomonaem?

³² Barapomonaem be pexui, pocotsixi panatha nabaru jinompa. Nabaru wawai tsurubenanaebiya. Barapoxi nabara, jeye: 'Bayatha oibo paca tsimuxu obatsiba ichitha jopa panawirabim. Bayatha paca tsimuxu wecoyeichiba icha be ichi poxonae ichan tatupatsi, ichitha jopa pana itanuwe jume notsim xua painya newecoyeinexaru', jei barapoxi.

³³ Juan patopa pon jiwi Pebautisabin. Bapon jopa xaeyo pan. Matautano jopa apaeyo vino mera. Ichitha paxam pajam: 'Apra Juan puna popoinchi cauri', pajam.

³⁴ Bapoxonae xan, ponxaein Nacom Tananeitapetsin patopan. Xan pan taxaem yawa vino mera taapaem. Paxam pana neyabara paebame, pajam: 'Bapon maisa jopa juniya nabanaeyo, yawa jopa juniya apaeyo. Peatsacae jiwi abe peexanaem jiwi pia jiton tatsi, iru pomonae paratixi pentoma noteibiwi barapomonaem pia jiton tatsi', pana neyabara jam.

³⁵ Nacom piamonae tatsi barapomonae tsita exana xua jiwi tsita exanatsi Nacom pia peyaputae coyenetha tatsi. Po coyene barapomonae exana baxua Nacom tsita pexeinya coyenetsi”, jei Jesús.

Meje yabara poxonae Jesús siwa pona Simón fariseomonaepin pia bo beya tatsi

³⁶ Caein fariseomonaepin bapon Jesús wabatsi petaxaenexa tsainchi pia botha. Jesús pona bara beya yawa naeca pexaethopaewatha penanabanaenexa tsane.

³⁷ Nexata petsiriwa patopa powa pesi cui weiweinaewa, powa barapo tomaratha popona. Barapowa yaputane xua Jesús nanabanaeicha fariseomonaepin jiwanaepintha. Barapowa alabastro ibo wun bosibw atsato capatopa Jesthwa xua petuxuei nasiwa xua bichocono wunca.

³⁸ Barapowa Jesús imoxoyo caquita wecoyei tsuncuaetsi yawa peitacuere mentha Jesús taxu atatsica exanatsi. Bapoxonae barapowa pia pentanatha baxota Jesús taxu tsewa exanatsi. Barapowa Jesús taxu tsutsubatsi poxoru Jesús Pecanamataxeinaein jiwi. Bapoxonae barapowa Jesús taxu epatabatsi petuxuei nasiwatha.

³⁹ Poxonae fariseomonaepin jiwanaepin pon Jesús pewabixaetsi petaxaenexa tsane pia botha, poxonae bapon tane baxua, bapon pia coutha nabarai: “Icha bapon xaniwaicha tsipae pon Nacom peitorobi jume pepaebin tsipae metha yaputaetsipa xua powa jayabatsi apara powa pesi cui weiweinaewa, matautano xua bapowa powa peatsacaewa. Ichitha bapon xaniwaicha jopa daponyo pon Nacom itoroba”, jei barapon pon fariseomonaepin.

⁴⁰ Nexata Jesús barai fariseomonaepin jiwanaepin jiton, jeye:

—Simón incane catsipaebinchi, jei.

Bapon jume nota, jeye:

—Pon jiwi Necuidubimxae, moya taema, jei.

⁴¹ Jesús barai, jeye:

—Pebinbe nacueyatabe nacowaetabe paratixi ichuntha. Ichun jopa cataunxuae xuya catsiyo quinientos po paratiximonaebe po paratixi quinientos po matacabibe nexa poxonae nacuita. Ichun jopa cataunxuae xuya catsiyo cincuenta po paratiximonaebe pontha pon penacowaetsixaetsi.

⁴² Poxoru baponbe jopa itacupaetsibe xua xuya equeicha pecatsiwa tsanebe pontha pon penacowaetsixaebe, daxota pon penacowaetsixaetsi paratixi, bapon namchi, jeye: ‘Metha basaya paca cui yabara juntemainatsibe’, jei. Incane netsipaebare Simón xua baponbe, ¿jintam yatsicaewa antobetsira xua beyacaincha ichun antobetsi xua antobe pon nacowaetatsi paratixi? jei Jesús.

⁴³ Simón jume nota, Jesús jume notatsi, jeye:

—Bu, metha moya pon bichocono cacui yabara juntemainatsi bichocono pon penacowaetsixaebare quinientos po paratiximonaebe, jei Simón.

Jesús barai:

—Bara beta nejume notame, jei Jesús.

⁴⁴ Nexata Jesús necota barapo petsiriwa, bapoxonae Jesús Simón baraichi: Taema pocotsiwa barapo petsiriwa inta exana. Xan patopan jinya botha ichitha jopa meratha netaxu waexubim xua painya cui coyeneyathaxae xua judiomonae pamxae. Nama barapowa peitacuere mentha netaxu atatsica exana yawa pia pentanatha netaxu tsewa exana.

⁴⁵ Xam jopa netsutsubim, ichitha bapowa poxonae caena jonarenan awiya came netaxu tsutsuba.

⁴⁶ Jopa nenta epatabim petuxuei tuxusi nasi mera. Ichitha barapowa petuxuei tuxusi nasi mera netaxu epataba.

⁴⁷ Daxota catsipaebatsi xua bapowa matowa nasi cui matacaeta. Daxita baxuan yabara juntemainan, daxota bichocono neantobe. Ichitha nama pon be conotha nasi cui matacaeta, be conotha yabara cui juntemainan. Bapon be conotha neantobe, jei Jesús.

⁴⁸ Equeicha Jesús namchi bapowatha. Petsiriwa baraichi, jei:

—Cacui yabara juntemainaya juntu puxana exanatsiba abe jinya neexanae cuiru coyenewan, jei Jesús.

⁴⁹ Pomonaepin Jesús pebaru nabanaeixaetsi, barapomonae nabarai, jeye:

—Bapon, ¿jintamda, jamaisa bapowa cacui yabara juntemainaya juntu puxana exanatsi abe pia peexanae cuiru coyenewan tatsi? jei barapomonae pomonaepin baxota naena.

⁵⁰ Jesús barai petsiriwa, jeye:

—Bayatha necacapanepaewa caexainchi tsipei yabara tana nejume cowuntsixaem. Saya juntemiya poponde, jei Jesús.

8

Meje yabara yabuxi powaxi Jesús yanabatsi

¹ Bapoxonae pirapae Jesús daxita tomarantha pona ducuaanaeta, tsica tomaraxithano po tomarantha pin tomaranthano. Matautano paeba ducuaanaeta Nacom pia pexeinya jume diwesi tatsi po diwesi yabara xua Nacom waba jiwi petanaexanaenexatsi piamonae pomonae Nacom juntu coyene itorobiya ewata. Jesús yanabatsi pia peitorobiwi tatsi pomonae doce poyobe.

² Barichi Jesús yanabatsi petsiriwaxi, powaxi Jesús bayatha taitaweta cauri xuano axaibi exanano xua domae xainchi. Barapowaxi jiwana caewayo pewun María Magdalena, tsipei pia tomara tatsi pewun Magdala. Barapowa María powa bayatha taitawetatsi siete poyobe cauri.

³ Bichiru petsiriwa, powa pewun Juana, bapowa napona. Bapowa Juana, Cuza piowa tatsi. Bapon Cuza pon Herodes pia bo tatsi tayapucaecatsi. Iru ichowa pewun Susana, bapowa napona. Iru ichowaxi ainya yabuxiru napona. Daxita barapowaxi Jesús upain exaneibatsi xua xoxi barapowaxi pexeinaexae.

Meje yabara poxonae Jesús cuiduba jiwi pecayabara juta pepaebi diwesiyo xua pon peubin yabara

(Mt 13.1-9; Mr 4.1-9)

⁴ Daxita tomaranpiwi pata. Poxonae pin bicheito nacaetuta Jesús cuiduba barapo bicheito po diwesiyo pecayabara juta pepaebi diwesiyo.

⁵ Jesús barai: “Pebin pon peubin pontaba pia ubichi pabitha. Poxonae pon peubin ubauya, icha xu namtotha othopeica, pexu jiwi taxunaunaba, yawa pepupunaewi xu xane.

⁶ Icha xu, xu othopeica ibowantha. Poxonae barapo xu xuwa, barapo xu, xu yunna poxoru jopa taju xuwarecaeyo poxoru ibotixi nacucna yawa poxoru ira tsewa.

⁷ Icha xu, xu othopeica ichaxota pesoiwan xuwinaena. Barapo xu yaboto nanta capanaba poxoru yawa muxuna xuwina pesoiwan.

⁸ Icha xu, xu othopeica ichaxota ira wuna. Poxonae barapo xu, xu xuwa, xu nawunaeta. Caе xuto nacoita cien po xu matabuxnyobe”, jei Jesús.

Poxonae Jesús baxua paeba, bapoxonae jume daunweya namchi: “Icha pamuxu dube-name, moya pana nejume naitaeware pocotsiwa tapaca tsipaebiwatsi”, jei Jesús.

Meje yabara poxonae Jesús namchi xua exua metha pecayabara juta pepaebi diwesiyo yabara, jane jei

(Mt 13.10-17; Mr 4.10-12)

⁹ Nexata Jesús yainyabatsi pijimonae, barapomonae namchi, jeye: “¿Eta pocotsiwa yabara caunutame poxonae pana netsipaebame barapo pecayabara juta pepaebi diwesiyo?” jei bapomonae.

¹⁰ Jesús jume nota, jeye: “Meisa paxam yatsicaewa Nacom yabara paca yaputane exana po pecuidubiwa xua moya peyawun xeinaewa. Barapo moya peyawun xeinaewa apara xua Nacom exana xua paca cana exana xua painya nepaca itacupaewa xua painya nenaexanaewa Nacom piamonae tatsi pam, pomonae pamxaem Nacom itorobiya paca ewata. Ichitha jame ichamonae meisa pomonae jopa nejume cowantsiyo jopa daichichi Nacom jopa copatsiyo xua barapomonae peyabara yaputaewa baxua. Daxota barapomonae cuiduban pecayabara juta pepaebi diwesiyo xua Nacom peyabara yaputaenexatsi. Baxua paeban xua bequein pia tana necui taibenaewatha tsane ichitha jopa pia tana necui yaputaibenaewatha tsane. Yawa xua bequein pia tana nejume taibenaewatha tsane ichitha jopa pia tana nejume copi taibenaewatha tsane”, jei Jesús.

Meje yabara poxonae Jesús pijimonae muxu yaputane exana po diwesi xua pecayabara juta pepaebi diwesiyo pon peubin yabara

(Mt 13.18-23; Mr 4.13-20)

¹¹ Equeicha Jesús namchi: “Meje apara baxua yabara caunutan poxonae paeban pecayabara juta pepaebi diwesiyo: Po xuto xua iratha xuwa nacoichiya xanepanaya exana. Barapo xuto yabara caunuta Nacom Pejume Diwesi xua poxonae pebin juntu coyene webocatsi pebin wunaeya xanepanaya cana exanatsi.

¹² Po xuton xua namto beothopiya, aichurubenaе. Barapo xuton yabara caunuta xua jiwi bara juntu coyene weichichi caurimonae pia pentacaponaein tatsi. Jiwi juntu coyene weajumetsurubenaе exanatsi Nacom Pejume Diwesi xua bayatha po jume jume tane, xua bapoxonae jopa petajume cowantsinexa tsainchi Nacom, yawa xua jopa petana capanenebiyaenexa tsainchi Nacom beya xua Nacom exanaena.

¹³ Po xuton xua xu othopa ibowantha, barapo xuton yabara caunuta po jiwi xanepanaya jume tane Nacom Pejume Diwesi xuano juntu coyene weiweinaya Nacom jume cowantatsi.

Ichitha bara caeto jume cowanta poxoru barapomona anta faetabiya jume jeba Nacom Pejume Diwesi pejanta coyeneintha. Matauta cauri janta coyene wemuxu paeba xua abe peexanaenexa tsane. Daxota barapomona cayabara jantemaina Nacom.

¹⁴ Po xuton xua xu othopa pesoiwantha barapo xuton caunuta xua pomona Nacom Pejume Diwesi jume tane ichitha saya barompaya pia janta coyeneyatha jinompa, yawa saya u copei cayabara nanta xeina, yawa saya exana pocotsiwa janta coyene weiweina cana exanatsi. Po coyene pebiwi exana baxuan barapocotsi jata coyeneya exana icha ichi xua po xuton be pesoiwantha xu othopiya. Barapo xuton jopa thei dubenaeyo. Barapocotsi jata coyeneya ichi, barapo jiwi jopa xanapanaya jinompaeyo Nacom nexa.

¹⁵ Po xuton xua xu othopeica peira wanaewatha, bara nacoita. Barapo xuton yabara caunuta pomona jume tane Nacom Pejume Diwesi xuano jume cowantano poxoru janta coyene xanapanaya jume tane. Matautano beta exana dubenanaebiya beya matapainya jiwi cui tane xua barapomona janta coyene xanepana Nacom peitabaratha tatsi", jei Jesus.

Meje yabara poxona Jesus pijimona tsipaeba pecayabara jata pepaebi diwesiyo xua peicocha yabara

(Mr 4.21-25)

¹⁶ Equeicha Jesus namchi: "Poxona jiton pecoicha coicha exana bapoxona jopa coicha matakatsiyo. Matauta jopa coicha exanaeyo cama peupana deca. Jame asiya coicha exanatsi, pecoicha taenexa pomona joneibarena.

¹⁷ Daxita pocotsiwa xua moya peyawun xeinaewa bexa tsane jiwi yabara yaputaena. Barichi barapo diwesi xua pecayabara jata pepaebi diwesi xua paebaponan jiwi itacupaechi xua peyabara yaputaewa tsane.

¹⁸ "Pana nejume naitaeware painya neexanaenexa pocotsiwa paca tsipaebatsi. Pon ba be conotha Nacom yabara yaputainchi, Nacom bapontha cana exanaena xua ichawa peyabara yaputaewa tsane beya poxona bapon equeicha bichocono Nacom pejume cowantsiwa tsainchi. Pon ba jopa ichipaeyo xua Nacom peyabara yaputaewatsi, Nacom wepichina po coyene bapon yaputane xua beya daxota Nacom jopa pejume cowantsiwa tsainchi", jei Jesus.

Meje yabara Jesus pena tatsi iruru peyapin jiwi tatsino

(Mt 12.46-50; Mr 3.31-35)

¹⁹ Nexata Jesus pena tatsi iruru peyapin jiwi tatsino pata ichaxota Jesus uncua. Ichitha jopa Jesus imoxoyo caquita ponaetsi tsipei bichocono pin bicheito.

²⁰ Ichun Jesus baraichi:

—Ena, iruru neyapin jiwino pesato beya umena. Bepara bequein cataei, jei bapon.

²¹ Jesus namchi barapomonaetha:

—Apara jame be taena tsicotan yawano be tayapin jiwi tsicotan pomona xua jume tane Nacom Pejume Diwesi xuano xua exana pocotsiwa Nacom itoroba, jei Jesus.

Meje yabara poxona Jesus xainya ducuanaya exana joibo, yawa maratsacano xainya mene ducuanaya exanao

(Mt 8.23-27; Mr 4.35-41)

²² Caentacabi Jesus baru pona pijimona jeratha. Jesus pijimona barai:

—Anth, poinchi icha muxunene beya, pucua beya, jei Jesus.

Bara ponarucupaba.

²³ Poxona cataunxuae jeratha yana enapona bapoxona Jesus maituncuataba. Bapoxona jemeicha pin joibo naetaba mentha. Matauta bichocono jera mene wanca, muxu pebunarecae.

²⁴ Nexata Jesus yambaxotsi. Jesus baraichi:

—Jesus, Patatanecuidubim, yana bunarecatsi! jei barapomona.

Nexata Jesus nacosataxuba. Jesus itawetaxuba joibo maratsacano. Daxita caewanaya joibo yawa maratsacano.

²⁵ Nexata Jesus barai pijimona:

—Jopa pana nejume cui yabara jume cowantsim xua bara tana neitacupaewa xua tapaca yawenaewatsi? jei Jesus.

Barapomona bichocono junuwa yawa najanta coyene cabenaecarucupa. Barapomona caemona natsipaeba, jeye:

—Jintam metha baponda? jamaisa bapon itaweta joibo yawa maratsacan xua daxita xainya dubenanaya! najei barapomona.

Meje yabara xua pebin yabara pon caurimona pexeinaein pon Gerasa nacupin

(Mt 8.28-34; Mr 5.1-20)

²⁶ Pirapaeyo jebouna Gerasa nacua itapatha, po itapa eca Galilea nacua icha itapa panawa beya.

²⁷ Poxonae Jesús muxu penontounae jeratha, pebin pon copiya tomarapin pon equeicha aisowapin naexana, bapon patopa. Jesús caquita uncuatabatsi. Caena bayatha bapon puna jinompatsi caurimonae. Paparuwa jopa yawa poponaeyo, matautano botha jopa poponaeyo, saya ibo wountha poponeiba.

²⁸ Poxonae Jesús tainchi, iratha jopa. Pentabocototha uncua bapon, Jesús peitabaratha tatsi. Jume daunweya wawai:

—Jesús, Nacom Pexantom, pon peitabocototha eca. ¿Eta pocotsiwa metha patopame taxantha? Jume daunweya cabaraichi jopa neperaxa exanaeinde! jei.

²⁹ Daxota bapon baxua paeba yaitama Jesús taitaweta cauri xua peponaenexa bapon pia xainya weya tatsi. Bapon matowa teiqueibatsi cauri. Bayatha bequein jivi taxu cubeiba yawa pemaxano penaintotha xua bapon xua jopa peponaenexa, ichitha bapon nain xuneiba. Bapon ira xuepana susato tsurucuae nacua beya itorobeibatsi cauri.

³⁰ Jesús yainyaba:

—¿Eta po wum? jei Jesús.

Bapon jume nota exanatsi Jesustha. Bapon namchi, jeye:

—Tawun ayei, jei.

Baxua namchi tsipei bayatha cauri bicheito cunto pata bapontha.

³¹ Equeicha barapo pebin cueicueijejei exanatsi barapo cauri bicheito cunto. Barapo cauri cunto namchi, jeye: “Jesús jopa pana neitawetsinde po nacua ira bereca ichaxota jivi atene tsaibi”, jei bapon xua cueicueijejei exanatsi cauri.

³² Pin marrano duweimonae pitapatororotha jinompa xua yawa xayompano. Caurimonae Jesús jume daunweya wucatsi, jeye: “Pana nepu copabare marrano duweimonaetha”, jei. Jesús namchi: “Moya pataema”, jei.

³³ Nexata caurimonae pebin wepu ponatsi, yawa marrano duweimonaetha pata. Barapo marrano duweimonaetha ducupa, pin pitapatororo othopareca. Pucuatha bunothopa. Caurimonae cabunothopatsi.

³⁴ Pomonae yapu eena barapo marrano duweimonae junuwiya cuinaenouta tomarantha xuano tomaran aisowapiwi, xua pepaebinexa xua baxua exana.

³⁵ Jivi poxonae baxua tane, pata baxota ichaxota Jesús uncua. Tainchi pon wepu poinchi caurimonae. Bapon Jesús petaxu deca taecatsi, xuano paparuwa nama xatateca. Axaibiya eca, be pocotsin jopa matsiyaibichi. Barapo jivi junuwa nawita.

³⁶ Pomonae copiya tane, barapomonae equeicha tsipaeba ichamonaetha pomonaetha pomonae jopa taeyo po coyene xua bapon equeicha jume xua copiya bequein caurimonae pexeinaewa.

³⁷ Poxonae daxita barapo Gerasa nacuapiwi jume tane baxua, daxita barapomonae Jesús itawetatsi xua pewarapaenexa bara weya xua Gerasa nacua weya, poroxu barapomonae junuwa bichocono. Daxota Jesús jeratha nontabiya bara warapano.

³⁸ Pebin, pon wepu poinchi caurimonae, Jesús wucatsi xua bepara puna ponaetsei Jesús. Ichitha Jesús jopa copatsiyo xua pepuna ponaewa tsainchi bapon.

³⁹ —Jinya bo beya ponare. Daxita paebare jiwitha xua bayatha Nacom cata exana, jei Jesús.

Pebin nawiya tomara beya yawa daxita paebano tomaratha xua po coyene bayatha Jesús taexana xua bapon tacana exanatsi.

Meje yabara xua poxonae Jairo pexantiyo taaxaibi exanatsi; yawa yabara xua bapoxonae iru icha yabuyoy axaibi exanatsi poxonae Jesús pia paparuwa tajayabatsiru
(Mt 9.18-26; Mr 5.21-43)

⁴⁰ Poxonae Jesús caibe patoparena Galilea nacua berena, jivi Jesús matenta weiweinaya wabatsi, tsipei daxita barapomonae Jesús ewatatsi.

⁴¹ Nexata pebin patopa pon pewun Jairo. Bapon Jairo pon canamataxeina judiomonae pia penacaetutsi bo tatsi. Jesús petaxutha irabe tatayecarecatsi. Baxua Jairo exana poroxu Jesús pon ainya cui peexanaeinchi. Bapon Jairo Jesús jume daunweya wabatsi, jeye: “Antha tabotha ponare”, jei Jairo.

⁴² Bapon baxua paeba tsipei Jairo pexantiyo saya compa tatsi. Barapowayo doce po weibe xaina. Bapowayo muxu petupae.

Poxonae Jesús iya iru pin bicheito napona. Bichocono jivi acucu.

⁴³ Barapo pin bicheitha yabuyoy iru napona. Bapowa caena bayatha beya yadoce po weiyobe jopa xua pentabu janatha boca xua be nantawane. Barapowa daxita cobe caewitatsi xua peaxaibi exanaenexa tsainchi. Pomonae jivi peyawubiwi cobe caewita daichitha jopa axaibi exanaetsi.

⁴⁴ Bapoxonae barapowa imoxoyo caquita uncuataba Jesús peputha tatsi. Barapowa Jesús pia paparuwa tatsi tajayabatsi xua peopirawa. Bapoxonae caena nainya bapowa ajaneibi tsanareca.

⁴⁵ Nexata Jesús yainyaba barapo pin bicheitho, jeye:

—¿Jintam nejayabara? jei.

Daxita barapomonaе paeba xua pinae jopa jayabichiba. Daxota Pedro barai:

—Patatanecuidubim, barapo pin bicheito acacu canapuna torobabiya tane, dacotsiwa jam: ‘¿Jintam nejayaba?’ jam, jei Pedro.

⁴⁶ Ichitha Jesús jume nota:

—Ichun nejayaba tsipei taayapusawa newepu jiwana aichurucuae xua axaibi exanan, jei Jesús.

⁴⁷ Petsiriwa yaputane xua cobe yaputainchi xua Jesús cobe yaputane poxonae bapowa jayaba. Barapowa junuwiya patopa yawa pentabocototoha uncua ira betaeuncuarecano Jesús petaxutha tatsi. Baxua exana bapowa poxoru Jesús ainya cui peexanaeinchi. Nexata barapowa namchi barapo bicheito peitabaratha, jeye:

—Apara xan jayaban. Poxonae jayaban caena nainya axaibin, jei.

⁴⁸ Nexata Jesús barai, bapowa baraichi, jeye:

—Yabuyo caaxaibi exanatsi tana neyabara jume cowuntsixaem xua bara tana neitacupaewa xua tacaaxaibi exanaewatsi. Saya juntemiya poponde, jei Jesús.

⁴⁹ Poxonae cataunxuae Jesús tsipaebauya bapowatha, pebin patoparu pon Jairo pia bo tatsi weya pona. Bapon tsipaeba pontha pon pecanamataxeinaeinxae judiomonaе pia penacaetutsi botha tatsi pon Jairo. Jairo baraichi, jeichichi:

—Nexantiyo bayatha cata tupa. Jopa came fayacotsinde pon jiwu Pecuidubin, jeichichi Jairo bapon.

⁵⁰ Ichitha poxonae Jesús jume tane baxua, xua Jairo baraichi, Jesús barai, Jairo baraichi, jeye:

—Jopa junuwinde, maisa saya nejume cowunde. Nexantiyo cata axaibi tsane, jei Jesús.

⁵¹ Poxonae botha pata, Jesús jopa juntucuru bebaru joniyaeyo ichamonae. Saya meisa Pedro iru Santiago iru Juan iru powayo tupa paxa tatsi, bapon Jairo yawa pena tatsi, Jesús baru joniya barapomonaе.

⁵² Daxita barapomonaе yabuyo siwa wawaya wecoyeichi. Ichitha Jesús barai barapomonaе, jeye:

—Jopa pawecoyande, yabuyo apara jopa tupaeyo, maituncua apara, jei Jesús.

⁵³ Ichitha Jesús jume caponatsi barapomonaе. Tsipei barapomonaе yaputane xua yatsicaewa apara tupa barapowayo.

⁵⁴ Nexata Jesús jume daunweya cobe pichiya barai, jeye:

—¡Ja, owae asiya uncuatabare! jei Jesús.

⁵⁵ Barapowayo equeicha petupaewa nacosataxuba, caena nainya asiya uncuataba. Jesús itoroba barapomonaе xua barapowayo peapatsinexatsi pexaewa.

⁵⁶ Barapowayo paxa tatsi iru pena tatsi najuntu coyene cabenaecaeya tanebe. Jesús barapomonaе tsipaeba xua jopa cui yopichi tsainchi ichamonaetha xua po coyene bapon peexanaexae.

9

Meje yabara poxonae Jesús pijimonaе itoroba xua barapomonaе peyabara cueicuei-jeinexa jiwitha po coyene xua Nacom waba jiwu xua petanaexanaenexatsi pijimonaе tatsi (Mt 10.5-15; Mr 6.7-13)

¹ Jesús pijimonaе caetuta pomonaе xua doce poyobe. Yawa pijimonaе cata pia peayapusawa. Matautano catano peitorobi coyenewa xua barapomonaе peitaweteibinexa tsane cauri xuano xua peaxaibi exanaenexa tsaiibi tsane jiwu pomonaе atene.

² Jesús itoroba barapomonaе xua barapomonaе peyabara cueicuei-jeinexa tsane jiwitha xua po coyene Nacom waba jiwu xua petanaexanaenexatsi pijimonaе pomonaе itoroba peewatsixae. Matautano itoroba xua barapomonaе peaxaibi exanaenexa tsane jiwu pomonaе atene.

³ Jesús barai pijimonaе:

—Jopa pacaponaеinde ichawa xua painya necawarapaenexa. Matautano jopa iwabi pacaponaеinde, yawa jopa cote pacaponaеinde. Matautano jopa pacaponaеinde pexaewa, yawa jopa pacaponaеinde paratixi. Saya cae camisa panama xatabare, jopa icha camisan pacaponaеinde.

⁴ Botha po botha papatsiname, bara po botha painya nepu enaeinde bapoxonae barapo botha painya nepu warapaeinde.

⁵ Pomonae xua ichaxota jopa paca matenta weyataya wabiyo barapo tomara weya pawarapare. Pana taxu wenunbabare tsorobon po tsorobon painya taxutha dubena. Baxua paexande xua barapomonae peyaputaenexa xua abe exana paxamtha, jei Jesús.

⁶ Bara barapomonae ponarucpa. Matautano barapomonae pona daxita carepaya peya tomaraxitha. Matautano papaeba tsiniya Nacom pia pecapanenebiyae diwesi jume tatsi. Yawa axaibi exana tsiniyano jiwi pomonae atene.

Meje yabara poxonae Herodes Juan yabara jume unthuthu deideijeichi pebexubixaetsi bayatha

(Mt 14.1-12; Mr 6.14-29)

⁷ Bapoxonae Herodes Galilea nacuapiwi pia peyanacua ewatsinchi daxita jume tane xua Jesús exana. Bapon Herodes jopa xapain beta nanta xeinaeyo. Tsipei ichamonae catsawa Jesús yabara namchichi: “Apara bapon Juan, pon bequein bayatha tupa, equeicha asu juina”, jei.

⁸ Iru ichamonae namchi: “Bapon apara Elías, pon tsita naituta jiwitha”, jei. Iru ichamonae namchi: “Apara pomonae bayatha Nacom peitorobi jume pepaebiwi, barapomonae jiwana, bapon apara, pon petupaein equeicha juina”, jei barapomonae.

⁹ Ichitha Herodes namchi:

–Bara bayatha ichamonae cobe itorobacoumba xua Juan pewisi ucuibiwatsi. ¿Jintam metha bapon xua yabara jume tan nawita xua pinae peitupanaewan exana? jei.

Herodes bichocono beyaitaena, Jesús beyaitaeinchi pon wnae pexanaein.

Meje yabara poxonae Jesús apata pexaewa cinco mil pebiwi

(Mt 14.13-21; Mr 6.30-44; Jn 6.1-14)

¹⁰ Poxonae pata pomonae Jesús itoroba, barapomonae Jesús tsipaebatsi pocotsiwa xua barapomonae exana. Jesús tsana baru jopa barapo pijimonae tatsi xua pin bicheito weya. Ichaxota jiwi aibi, Jesús bara beya baru pona pijimonae, Betsaida tomara pecuariya beya baru pona.

¹¹ Ichitha poxonae barapo bicheito yaputane xua xota Jesús ponaena, barapo bicheito iru Jesús puna poinchi. Jesús matenta weiweinyaya waba barapo pin bicheito. Matautano Jesús yabara tsipaeba barapo bicheitho po coyene xua Nacom waba jiwi petanaexanaenexatsi pijimonae pomonae itorobiya pecanamataxeinaexae. Matautano Jesús axaibi exana atenemonae.

¹² Poxonae imoxoyo tabopiya Jesús barompaya pijimonae tatsi pomonae xua doce poyobe, barapoyobe Jesús imoxoyo caquita umenarucpatsi. Jesús baraichichi, jeye:

–Barapo bicheito itorobare pejeichinexa tsane xua ichaxota maichina xuano xua pexaewa pejeichinexa tsane tomaranxitha yawa po bon pipatotha umena, poxoru xote aibi pexaewa yawa bon xua ichaxota pemaichiwa tsane, jeichichi Jesús pijimonae.

¹³ Ichitha Jesús barai pijimonae:

–Paxam paapare pexaewa, jei Jesús.

Jesús jume notatsi pijimonae:

–Saya apara cinco po panbe paxeinan matautano saya ainyoyobe paxeinan duweiyobe. Apara acoibi tsipei pin bicheito. Metha paponan pata comotsinexa icha pexaewa, daxita barapomonae nexa, jei.

¹⁴ Barapo bicheito be cinco mil pebiwi. Nexata Jesús pijimonae barai:

–Pana nantaure xua ichamonae tsana eeniyaena be cincuenta po matabuxuyobe tsiniya, jei.

¹⁵ Bara Jesús pijimonae tatsi exana pocotsiwa xua Jesús paeba. Bapoxonae barapo pin bicheito iratha ena.

¹⁶ Bapoxonae Jesús pan pita cinco po panbe, yawa duwei ainyobe pitano. Jesús itaboco benecoicha, Paxa tsipaeba: “Axa, maisa juntu coyene weiweinan xua pexaewa pata tanecatsiwaxaem”, jei Jesús. Poxonae Jesús epa janaquiya nacobe weta, pijimonae caitoroba xua pecatsibaponaenexa tsane barapo bicheitho.

¹⁷ Bara daxita nabane, yawa bara daxita jain cowantarucpatsi. Bapoxonae Jesús pijimonae tatsi doce po cote matabuxuyobe wamba xua bayatha nacopaba pocotsiwa xua bayatha barapo jiwi jopa xaeyo petonsanaexae.

Meje yabara poxonae Pedro namchi Jesustha jeye: “Xam apara Mesías pon Nacom caitorobica”, jei Pedro

(Mt 16.13-19; Mr 8.27-29)

¹⁸ Caentacabitha Jesús Nacom tsipaebawiya, meisa pijimonae baru pona. Bapoxonae Jesús yainyaba pijimonae, jeye:

–¿Eta jiwi neyabara jei po coyene xua xan bapon aparán? jei Jesús.

¹⁹ Barapomonaē Jesús jume notatsi, jeye:

—Ichamonaē cayabara, jei: ‘Apara bapon Juan pon jiwi Pebautisabin, pon equeicha petupaēin asu juina’, jei. Iru ichamonaē cayabara, jei: ‘Apara bapon Elías, pon equeicha petupaēin asu juina’, jei. Iru ichamonaē cayabara, jei: ‘Apara bapon jiwana pomonaē Nacom peitorobi jume pepaēbiwi, pon petupaēin equeicha asu juina’, jei, Jesús pijimonaē tatsi.

²⁰ Nexata Jesús pijimonaē yainyaba, jeye:

—Incane iru paxamdu, zeta pana neyabara jumichimdu xua xan eta pondan? jei Jesús.

Pedro jume epa pita:

—Xam apara Mesías, pon Nacom caitorobica, jei Pedro.

Meje yabara poxonaē Jesús nayabara diwesi paeba po coyene xua petupaewa tsane (Mt 16.20-28; Mr 8.30-9.1)

²¹ Jesús pijimonaē muxu barai, xua pijimonaē jopa peyabara paēbinexatsi ichamon-
aetha baxua.

²² Yawa barai pijimonaē po coyene xua bexa ichamonaē Jesús cana exanaeinchi. Jesús namchi, jeye:

—Xan ponxaein Nacom Tananeitapetsin, jiwi bichocono neperaxa jubina. Matautano pitiri jiwi iruru sacerdotemonaē pia pentacaponaei tatsi, iruru pomonaē jiwi pecuidu-
biwi Moisés pia peitorobi coyenewa tatsi, daxita barapomonaē neitawetsina. Matautano barapomonaē nebexubina. Ichitha equeicha asu poponaēin poxonaē acoibi po matakabiy-
obe tsuxubi tsane, jei Jesús poxonaē nayabara paeba.

²³ Bapoxonaē Jesús barai daxita pijimonaē, jeye:

—Icha pebin ichichipa xua tajiwiwimonaē jiwanaēin penaexanaewa tsane bewa bapon yabara naitematsi pocotsiwa xua bapon ichichipa pia peexanaē coyenewan tatsi. Bapox-
onaē jame bapon bewa eexanaponaē daxita matakabi pocotsiwa itoroban bequein bara bapon bexotsi ichamonaē, tajiwiwimonaē jitonxae.

²⁴ Pon naantobeya nata exana pocotsiwa bapon ichichipa, bapon jopa xeinaeyo peajuntayapusawa, po peajuntayapusawa ataya tsiteca xua Nacom pia nacua be-
icha. Ichitha pon neantobeya inta exana pocotsiwa ichichipan bapon xeinaena peajuntayapusawa, po peajuntayapusawa ataya tsiteca xua Nacom pia nacua beicha.

²⁵ Icha pebin bichocono copei xeina pocotsiwa xeina po cae pin nacuathe, ichitha jopa xeinaeyo peajuntayapusawa, po peajuntayapusawa ataya tsiteca, bapoxonaē bapon jopa itacupaetsi xua penajuntu coyene capanepaewa xua jopa peweraweracaewa.

²⁶ Icha ichun neacaura, yawa nejume diwesi acaurano, xan ponxaein Nacom Tananeitapetsin xuya bapon acauran tsane. Baxua exanaein poxonaē patopaetsicaēin be jiwi pia pecanamataxeinaein tatsi yaitupanaē susato patopaetsicaēin. Taxa pia peitupanaewa tatsi yawa patopeicaēin. Matautano Taxa pia matatsunpiwi tatsi nebaru patopatsicaena, jei Jesús.

²⁷ Bara xaniwaicha paca tsipaebatsi xua pomonaē xote umene abu barapomonaē jopa werapae tsane. Barapomonaē jiwana copiya matha necotsina xua po coyene Nacom waba jiwi xua petanaexanaenexatsi piamonaē pomonaē itorobiya peewatsixae, bapoxonaē barapomonaē werapaena, jei Jesús.

*Meje yabara poxonaē Jesús pijimonaē peitutha pexeinya itupanaē coicha tsanaya naex-
ana*

(Mt 17.1-8; Mr 9.2-8)

²⁸ Poxonaē ocho po matakabibe jopa xua poxonaē Jesús barapo diwesi paeba, bapoxonaē Jesús pona demxuwa beicha petsipaēbinexa Nacom. Pedro iru Juan iru Santiago barapo matabuxuoyobe baru poinchibe.

²⁹ Poxonaē Jesús cataunxuae Nacom tsipaēbauya, bapoxonaē icha itabara tsanaya. Matauta penama xatatsiwano inyapana tsanaya yawa bichocono daedaena tsanaya.

³⁰ Nexata pebinbe yaitupanaē be damacu patopabe. Baponbe, iru Jesús, bapoyobe nabarū cueicueijeibe. Ponbe xua Jesús jemeicha tsita patopatsibe, bapon Moisés iru ichun pewun Elías, ponbe xua caena bayatha naxubabe.

³¹ Baponbe yabara baru cueicueijeibe xua Jesús petupaewa tsane xua peraxa jubinchi ichamonaē Jerusalén tomaratha.

³² Bequein Pedrobaru bichocono itamaipana daichitha nacosatumena. Pedrobaru tane xua Jesús yamatawacaicha pexeinya itupanaē be damacu tsuncuaetsi. Matautano Pedro-
baru tane ponbe Jesús baru uncuwa, Moisés iru Elías.

³³ Moisés iru Elías, poxonaē baponbe Jesús weya naetababe, bapoxonaē Pedro Jesús baraichichi, jeye:

—Jiwi Necuidubin, maisa w̄nae xua xote pata umenaewa. Pacata acabinchi acoibi po boutobe, cae boudito xam nexa, icha bouto Moisés nexa, icha bouto Elías nexa.

Ichitha Pedro beta jopa yaputaeyo xua baxua paeba.

³⁴ Poxonae Pedro cataunxuae bar̄n cueicueijei Jesús, bapoxonae daxita pexainya be-matawacaicha taruneicatsi tsaquinaebowa. Poxonae barapomonae tsaquinaebowa tutha nataer̄c̄pa bichocono junuwa.

³⁵ Nexata barapomonae tsaquinaebowatha pejume jume tane xua Nacom namchi, jeye: “Bapon apara Taxanto, pon bichocono antobein, pon itapetan. Bapon beta pajume taema pocotsiwa paca tsipaeba”, jei Nacom.

³⁶ Poxonae Nacom najume weta, Pedrobar̄n necobar̄c̄pa xua Jesús beya compa uncua. Pedrobar̄n saya moya. Jopa pejumeyo ichamonaetha xua tane.

Meje yabara poxonae Jesús cauri taitaweta xua pewowin xeina
(Mt 17.14-21; Mr 9.14-29)

³⁷ Baya poxonae Jesús barapo acoibi poyobe pijimonaebe dabe bar̄n dunareca Jesús pin bicheito matenta poinchi.

³⁸ Nexata barapo bicheitho jiwana pebin, bapon jume daunwei wawai, jeye:

—Jiwi Necuidubin, incane inta taema taxanto. Bapon taxanto inta compa pebin.

³⁹ Taxanto inta waetabatsi cauri, inta papai exanatsi, yawa inta iratha bebaichi. Matānta inta coibo thamthamei exanatsi poxor̄u matayaibatsi exanatsi. Inta taxanto cui tatainchi jopa bepu sorobabeibichi barapo cauri.

⁴⁰ Bayatha bequein jinyamonae jume daunweya cui itoroban: ‘Painta taxanto taitawere cauri’, jan. Ichitha jopa itac̄paetsi xua taxanto inta petaitawetsiwatsi cauri, jei pewowin paxa tatsi.

⁴¹ Jesús barai pin bicheitho, jeye:

—j̄Paxam barapomonae pam pomonae jopa xapain cataunxuae pana nejume cow̄antsim! j̄Paxam barapomonae pam, peaj̄nt̄ucoyenebe jiwi pam! ¿Eta po weibe nantawenonan xua bewa tapaca bar̄n ecaewa tsainchi xua beya poxonae tapanā nejume cow̄antsiwam tsane? ¿Matāntano eta po weibe equeicha nantawenonan xua tapaca cayawenaewatsi tsainchi? jei Jesús.

Nexata Jesús barai pewowin paxa tatsi, jeye:

—j̄Nexanto inta carenande! jei Jesús.

⁴² Poxonae pewowin cataunxuae Jesús itiya poinchi, bapoxonae equeicha pewowin iratha xotsi cauri. Equeicha pewowin coibo thamthamei exanatsi. Ichitha Jesús taitaweta cauri pewowin. Jesús axaibi exana pewowin. Equeicha Jesús caewa cata. Coxiyan caewa catatsi pexantoxae.

⁴³ Daxita barapo pin bicheito yabara naj̄nt̄a coyene cabenaeca pocotsiwa pewowin pexeyina coyene taexanatsi Nacom.

Meje yabara poxonae equeicha Jesús nayabara paeba xua poxonae t̄paena
(Mt 17.22-23; Mr 9.30-32)

Poxonae awiya cataunxuae yabara naj̄nt̄a coyene cabenaecompa barapo pin bicheito pocotsiwa Jesús exana, bapoxonae Jesús pijimonaē barai:

⁴⁴—Incane beta pajume taema, yawa jopa pana nejume cayabara j̄nt̄emainaeinde. Xan, ponxaein Nacom Tananeitapetsin jiwi, necaenaetsina ichamonaetha xua tanebexubinexa tsane, jei Jesús.

⁴⁵ Ichitha Jesús pijimonaē jopa xapain jume yaputaetsi xua barai. Barapomonae jopa tacopatichi Nacom xua Jesús pejume yaputaewa tsainchi. Barapomonae junuwa xua Jesús yabara peyainyabiwa tsainchi xua Jesús yaputane peexanaenexa xuaunxuae paeba.

Meje yabara poxonae Jesús yabara yainyabatsi pijimonaē po coyene xua pon peainya cui peexanaeinchi

(Mt 18.1-5; Mr 9.33-37)

⁴⁶ Nexata Jesús pijimonaē tatsi caemonae yabara nayainyaba, najei: “¿Jintam paxantha bichocono peainya cuinda xua beyacaincha ichan?” jei.

⁴⁷ Jesús yaputane baxua pocotsiwa barapomonae yabara nanta xeina. Nexata Jesús cobe pita pexuyo yawa pexainya cuaranoreca.

⁴⁸ Nexata Jesús barai pijimonaē:

—Pon matenta weyataeya waba peyawenaenexa pontha pon tana nejume cow̄antsixae xua pocotsin icha be barapocotsi pexuyo ichi barapon bara apara nententa weyataeya waba. Xan jopa meisa nententa weyataeya wabiyo apara bara ir̄n matenta weyataeya wabatsi pon tana neitorobixae xua pon bara Nacom. Daxota pon paxam jiwana pam, pon jopa paca tsita ainya cuiyo, bapon jame Nacom tsita ainya cuichi, jei Jesús.

Meje yabara poxonae Jesús barai pijimona: “Pon jopa nacata abe exanaeyo, bapon ba apara naca yawena”, jei

(Mr 9.38-40)

⁴⁹ Nexata Juan Jesús baraichi, jeye:

—Ja Tanecuidubim, paxan caein patan pon caw_n taiba poxonae itaweta caurimona, xua caurimona itawetatsi. Paxan baxua pacui itawetan tsipei jopa naca puna poponaeyo, jei Juan.

⁵⁰ Ichitha Jesús jume nota, jeye:

—Jopa pacui itawetsinde, tsipei pon jopa nacata abe exanaeyo bapon ba apara naca yawena, jei Jesús.

Meje yabara poxonae Jesús jume itaweta, Santiago iru Juan jume itawetatsibe

⁵¹ Poxonae imoxoyo matabi jopaena, po matabitha Jesús athabe icha tsane, xua Nacom exanaena, bapoxonae Jesús bichocono awiya nant_suba xua peponaewa tsane Jerusalén tomara beya.

⁵² Jesús naw_nae jume caitoroba pia jitonbe tatsi. Barapo Jesús pia jitonbe tatsi ponabe Samaria nacia beya. Ponabe xua bo tutu pew_ncaenexa tsanebe po tomara barapo Samaria nacua_ntha eca xua Jesús peecaenexa.

⁵³ Ichitha barapo tomarapiwi xua Samaria nacua_ntha jinompa, barapomona aichaxaibi xua Jesús weiweinaya pententa wabiwatsi baxota poxoru barapomona yaputane xua Jesús pona Jerusalén tomara beya.

⁵⁴ Ichitha Santiago iru Juan poxonae baxua tanebe, ponbe bequein taw_ncabe bo tutu Jesús nexa, baponbe Jesús baraichi, jeye:

—Patatanecanamataxeinaem, x_nam ichichipame xua paxan isoto paw_ncaein po isoto xua itaboco wetsica xua petautsinexatsi barapomona? jei baponbe.

⁵⁵ Nexata Jesús pijimona napatomeicha necota yawa jume itaweta.

⁵⁶ Nexata equeicha Jesús pijimonae bar_n pona icha tsiqui tomariyo beya.

Meje yabara poxonae Jesús yabara paeba pomona ichichipa xua pepuna ponaewatsi

(Mt 8.19-22)

⁵⁷ Poxona namtotha enapona, pebin Jesús baraichi, jeye:

—Patatanecanamataxeinaem, ichichipan xua tacapuna ponaewatsi xua ichaxota poname, jei pebin.

⁵⁸ Jesús jume nota, jeye:

—Namomona ba pia m_nhan xeina ichaxota pemaitathopeibiwa. Iru peyapupunaewi ba coton xeina ichaxota peyamaitathopeibiwa. Nama xan ponxaein Nacom Tananeitapsin nama jopa daichinyo. Nama jopa xeinaeyo bo xua tabo xua xota nafinacaecan, jei Jesús.

⁵⁹ Jesús barai ich_ntha, jeye:

—Nepuna ponde.

Ichitha bapon Jesús jume notatsi, jeye:

—Tanecanamataxeinaem, nepu copare xua taxa matha m_nth_ntha xubichi copiya xua bapoxonae tacapuna ponaenexatsi, jei.

⁶⁰ Jesús jume nota, jeye:

—Bara copare xua pet_npaewi m_nth_ncaeinchi, pomona xua be pewerapaewi jopa betanejume cow_ntsiwixae, barapomona m_nth_ncaena. Ichitha xam ponare jinya neyabara tsipaebine_n xua jiwitha po coyene xua Nacom waba jiw_n petanaexanaenexatsi pijimona pomona itorobiya pecanamataxeinaexae, jei Jesús.

⁶¹ Nexata ich_n Jesús baraichi, jeye:

—Tanecanamataxeinaem, ichichipan xua tacapuna ponaewatsi. Ichitha copiya bara necopare xua tana napeyabiwa tsane tamona, tabopiwi, jei bapon.

⁶² Jesús jume nota:

—Pebinba jopa itac_npaetsi xua beta penacuichiwa pabi icha saya napatomeicha necobiya nacuita. Barapocotsi jata coyeneya ichi, icha pebin exana Nacom pia petanacuichiwa tatsi jopa xapain exanaeyo xua peyabara paebiwa po coyene xua Nacom waba jiw_n petanaexanaenexatsi pijimona pomona itorobiya pecanamataxeinaexae icha bapon saya cayabara nanta xeina pocotsiwa barapo cae pin nacuathe xeina, jei Jesús.

10

Meje yabara poxonae Jesús pijimona itoroba setenta y dos poyobe pebiwi

¹ Barapoxonae Jesús pon jiw_n Pecanamataxeinaein_n xae tatsi, bapon itapeta equeicha icha pijimona tatsi setenta y dos poyobe. Daxita tomarantha Jesús itoroba be dos poyobe tsiniya, tsica tomaraxithano, pin tomaranthano xua ichaxota Jesús cotacaya ponaena.

² Jesús barai barapomonaē poxonaē muxu peitorobi, jeye: “Bara xaniyeya paca tsi-paebatsi. Pabitha ba pocotsiwa peubiwan naweta nawita, daichitha ba penacuichiwi pomonaē jota pinmonaē aibi. Bara jota ichi barapo cae pin nacuathe. Jiwi pinmonaē jinompa pomonaē nantawenona pejume taenexa Nacom pia pexeinya jume diwesi tatsi. Daichitha pomonaē Nacom Pejume Diwesi cueicueijeji tsurubenanaebiya ichamonaetha barapomonaē pinmonaē aibi saya tsiquimuaeyo. Daxota Nacom pawncare xua pecaitorobinexa tsane ichamonaē xua petacamuxu tsipaebinexa tsainchi pia pejume diwesi pomonaē barapo cae pin nacuathe pejinompaewi nexa.

³ Paponde ichaxota paca itorobatsi. Paca itorobatsi pia xainya beya pomonaē jopa jume cowantsiyo, pomonaē itacupatsi xua abe painya nepaca exanaewa icha oveja ichi xua poxonaē pona ichaxota neuthu jinompa xua itacupatsi xua abe peexanaewatsi.

⁴ Jopa pacaponaēinde cote. Yawa paratixi jopa pacaponaēinde. Yawa jopa pacaponaēinde painya nenataxu xatabiwan. Matauta jopa ichamonaē namtotha paewatumeyaeinde xua saya painya netsipaebinexa.

⁵ Poxonaē bomuxutha pajojoniyaename, barapo bopiwi pajacobare, pajande: ‘Barabu Nacom juntema jinompa paca cana exanaena’, pajande.

⁶ Icha baxota jinompa pomonaē juntema jinompa, baxua Nacom taexanaena xua pa-paebame. Ichitha icha baxota jinompa pomonaē jopa juntema jinompaeyo, baxua Nacom jopa taexanaē tsane xua papaebame. Equeicha caewa pacata parenaena xua baxua papaebame.

⁷ Barapo botha paenare. Paxaema paapareno pocotsiwa barapomonaē paca apata. Painya xoba paauram xua paca cata tsipei baraxua xua paca cata painya matoma painya netanacuichixae Nacom. Jopa ichawa beya paponaeinde bontha, saya bara po botha paenare.

⁸ Poxonaē tomaratha papanenebiyam, icha barapomonaē paca matenta weyataeya waba, moya paxaema pocotsiwa barapomonaē paca apata.

⁹ Axaibi paexande peatene jiwi, pomonaē xua barapo tomaratha ena. Barapomonaē pabarande: ‘Anoxuae Nacom waba jiwi xua petanaexanaexatsi piamonaē tatsi pomonaē itorobiya peewatsixae’, pajande.

¹⁰⁻¹¹ Ichitha poxonaē icha tomaratha papatsiname icha barapo tomarapiwi jopa paca matenta weyataeya wabiyo, pajande barapomonaetha: ‘iPo tsorobon panataxu wenunubaban painya tomaratha, apara xua abe paexaname pata xainya berena poxonaē pana nejume itawetame! Payaputaema, anoxuae Nacom waba jiwi petanaexanaexatsi piamonaē tatsi pomonaē itorobiya peewatsixae ichitha pana nejume itawetame pomonaē Nacom pata tana neitorobiwi panxaein’, pajande.

¹² Xaniyeya paca tsipaebatsi matakabi patopaena. Barapo matakabitha Nacom yabara paebina jiwi xua penatsicuentsiwa xua petsita exanaexaetsi. Barapo matakabitha jopa juniya bichocono atene tsane pomonaē paca jume itaweta. Ichitha nama pomonaē barapo tomaratha jinompa pomonaē paca jume itaweta jopa juniya atene tsane, beyacaincha poxonaē Sodoma tomarapiwi atene”, jei Jesús.

Meje yabara poxonaē Jesús yabara paeba po tomarapiwi jopa pejume cowantsiwichi (Mt 11.20-24)

¹³ Jesús equeicha pijimonaetha namchi, pomonaē setenta y dos poyobe xua ichamonaē yabara paebatsi, jeye: “iPai jaibo Corazín tomarapiwi tsobenaē! iiru Betsaida tomarapiwi tsobenaē! Po tsita itatsi coyenewan exanan Corazín tomaratha yawa Betsaida tomaratha ichun jopa bapana exanaeyo barapo tsita itatsi coyenewan Tiro tomaratha yawa Sidón tomaratha. Icha barapo tsita itatsi coyenewan exanaetsipa Tiro tomaratha Sidón tomarathano, barapo tomaranbepiwi icha penanta xeinaē coyenewatha yabara nanta pentsipa Nacomtha. Barapomonaē iratha enaetsipa yawa parauwan nama xatabichipa xua pocotsiwa be peru mapaton xua axun, yawa ipuna nacaxuebichipa pia pepontha. Barapomonaē baxua exanaetsipa xua ichamonaē petsita itapeinya xeinaenexa tsainchi xua icha junte coyenein Nacom petsita xeinaewatsi peauraxae xua abe peexanaexae.

¹⁴ Poxonaē barapo matakabi patopeicaena po matakabitha Nacom yabara paebina daxita jiwi xua petsita natsicuentsixaetsi xua abe petsita exanaexaetsi, Tiro tomarapiwi, Sidón tomarapiwino, daxita barapo tomarabepiwi bichocono peraxa jubebinchi. Ichitha nama paxam pomonaē Corazín tomarapiwi pam, iirun Betsaida tomarapiwi pamdu, daxita paxam jopa juniya paca peraxa jubebi tsane, beyacaincha xua peraxa jubebinchi Tiro tomarapiwi iiru Sidón tomarapiwi.

¹⁵ iIncane iiru Capernaum tomarapiwi pamdu! iBara pananta xeiname xua paca capanenebiya tsane peitaboco beicha? Jume, apara paca itorobina petupae coyene cuiru bereca.

¹⁶ “Pon xua paca jume naitawata, barapara nejume naitawataru. Pon xua paca jume itaweta, barapara nejume itaweta xan berena. Pon xua nejume itaweta, barichi Nacom jume itawetatsi pon xua tana neitorobixae”, jei Jesús.

Meje yabara poxonaē equeicha caibe parenāena Jesús pijimonaē tatsi pomonaē setenta y dos poyobe pebiwi

¹⁷ Barapo setenta y dos poyobe juntu coyene weiweinaya caibe nawibarena, jeye:

—Patatanecanamataxeinaem, caurimonaē pana nejume cowunta xua paitawetan poxonaē paca wun wun taibatsi, jei Jesús pijimonaē tatsi.

¹⁸ Jesús jume nota, jeye:

—Aa, bara bayatha cauri pia pentacaponaein tatsi Satanás tan xua jopeica itaboco wetsica icha yamuxu ichi poxonaē uncueica.

¹⁹ Paxam paca catatsi taayapuswa painya netaxunaunabaponaewa tsane jomon yawa putonno, xua jopa painya nepaca capepeichinexa. Po peayapuswa paca catatsi bichocono daunwei, beyacaincha painya nepaca caitafaetabi jiton, pon cauri pia pentacaponaein pia peayapuswa tatsi xua xota jiwi abe exanatsi. Jiwi dapomonaē aibi pomonaē abe paca cana exana.

²⁰ Jopa pajuntu coyene weiweinaeinde xua caurimonaē pia paca jume jejeixae xua duxpa poxonaē paitawetame, saya jame pajuntu coyene weiweinare xua Nacom painya nepaca wun dubixae pia diborotha itabocotha.

Meje yabara poxonaē Jesús juntu coyene weiweina exanatsi Nacom pia Pejumope tunaxu tatsi

(Mt 11.25-27; 13.16-17)

²¹ Bara caena bapoxonaē Jesús juntu coyene weiweina exanatsi Nacom pia Pejumope tunaxu tatsi. Jesús namchi, jeye: “Axa peitaboco Necanamataxeinaem, yawa ira Necanamataxeinaem. Wunaē cajaintatsi tsipei jopa tsita itubim pocotsiwa pexainyei coyenewa xan yabara pomonaētha pomonaē bichocono penacuidubiwi pomonaē be pinyon penatsicotaewi tsipei nanta xeina xua bichocono peyaputaewi daxita. Jame nama tsita itutame barapo pexainyei coyenewa xan yabara pomonaētha pomonaē jopa bichocono penacuidubiwi pomonaē be pexui penatsicotaewi tsipei jopa nanta xeinaeyo xua bichocono peyaputaē jiwi daxita. Axa baxua exaname necatsita xanepanaexae baxua”, jei Jesús Paxatha.

²² Equeicha Jesús pijimonaē barai pomonaē xua setenta y dos poyobe, jeye: “Taxa daxita necata xua pia peitorobi coyenewa tatsi matautano xua pia peyaputaē coyenewan tatsi. Dapon aibi pon xaniwaicha nejuntu cui coyene yaputane. Jame saya meisa Taxa Nacom, nejuntu cui coyene yaputane. Dapon ajibi pon Taxa juntu cui coyene yaputainchi ichun, saya meisa Taxaxae juntu cui coyene yaputan. Matauta barichi Taxa meisa juntu coyene yaputainchi pon saya bara copatan xua bara Taxa pejuntu cui coyene yaputaewa tsainchi pomonaē ichichipan”, jei Jesús.

²³ Nexata Jesús pijimonaē napatomeicha necota pomonaē xua doce poyobe. Meisa barapomonaebetha barai, jeye: “Juntu coyene weiweina pomonaē xua tane, pocotsiwan xua pataneme.

²⁴ Poxoru paca tsipaebatsi, xua Nacom pia peitorobi jume pepaebi jiwimonaē iru nacuan peewatsiwimonaē, pomonaē bayatha napenta barapomonaē bequein betaena pocotsiwa pataneme ichitha jopa taeyo. Matauta barapomonaē bequein bejume taena pocotsiwa pajume taneme ichitha jopa jume taeyo”, jei Jesús.

Meje yabara poxonaē Jesús yabara paeba Samaria nacuapin, pon wunaē exana

²⁵ Nexata iruru pon jiwi pecuidubin Moisés pia peitorobi coyene tatsi, barapon Jesús piraichi juntu coyene jujutsiya yainyabatsi xua barapon pejume barabotsinexatsi. Barapon Jesús jeichichi:

—Ja Tanecuidubim, ¿eta xua copiya matha exanocuaein xua ajuntayapusuya tapoponaeawa tsane xua ataya tsane? jei.

²⁶ Jesús jume nota, jeye:

—¿Eta xuara xua barapo Moisés pia peitorobi coyene diwesitha tina? ¿Eta xua yabara yorobame barapo diwesitha? jei Jesús.

²⁷ Pon jiwi pecuidubin Moisés pia peitorobi coyene bapon Jesús jume notatsi, jeye:

—Antobeinde jinya Necanamataxeinaem, bapon Nacom, daxita xua nejuntu coyene wetsina, matautano xua daxita jinya nepoponaē coyenewatha, matautano xua nanta xeiname, daxita xua nenanta xeinaewatha nentasiyatha, matautano daxita xua nedaunwei coyenewatham, matautano antobeinde necatsicuarabu ecaein icha ichim xua naantobem jinya coutha, jei pon jiwi pecuidubin Moisés pia peitorobi coyene.

²⁸ Nexata Jesús jume nota, jeye:

—Bara beta nejume notame. Icha baraxua exanaename peajuntuyapusawa xeinaename po peajuntuyapusawa xua ataya tsiteca, jei Jesús.

²⁹ Ichitha pon jiwi pecuidubin Moisés pia peitorobi coyene tatsi, barapon awiya nanta xeina nawita, pia jiwi nanta xeinaetsi xua bapon xeina pexeinya peyainyabiwa. Bapon Jesús yainyabatsi, jeye:

—¿Jintam baru pomonae tanetsicuarabu enaewi? jei.

³⁰ Nexata Jesús jume nota, jeye:

—Irunu pebin Jericó tomara bereca pona, Jerusalén tomara namtotha weya pona. Poxonae awiya namtotha ecapona jemeicha waetabatsi pomonae jiwi pecaibiwi. Barapon daxita wecobe notatsi xua pocotsiwa xeina, yawa butsi. Barapomonae aichurubena, tsica cuiyotha copatabatsi.

³¹ Bapoxonae iru sacerdotemonaepin barapo namto ecapona. Poxonae barapon yasusunya taebotatsi sacerdotemonaepin tajū matawacaicha toquetaba.

³² Iru levimonaepin baxoyo ecapona, bapon iru tajū matawacaicha toquetaba poxonae yasusunya taebota.

³³ Ichitha Samaria nacuapin baxoyo iru ecapona poxonae yasusunya taebota, yabara najuntu coyene xeinanareca peyawenaenexa.

³⁴ Nexata Samaria nacuapin imoxoyo caquita uncuataba pon yasusunya boca. Bapon wan yawubecapona penasiwatha vino merathano. Bapoxonae paparuwatha wan yarabecapona. Bapoxonae burrotha cuaretsica piyantha. Bomuxu beya capona ichaxota jiwi maiteibathopa. Baxota xanepanaeya bota.

³⁵ Bapoxonae baya poxonae juntucuru Samaria nacuapin ponaenaba, pita ainya paratixi. Bapoxonae cata pontha pon bo pexeinaein. Samaria nacuapin barai pontha pon bo pexeinaein: ‘Barapon beta xanepanaya bore. Icha paratixi seicanaya, equeicha bexa cacatsinchi poxonae caewa denan tsane’, jei Samaria nacuapin, jei Jesús.

³⁶ Equeicha Jesús namchi, jeye: “Barapo acoibi poyobe jiwana, ¿jintam yabara cananta xeiname xua wnae exana xua peantobexaetsi pon waetabatsi pomonae jiwi pecaibiwi, yawa xua butsino?” jei Jesús.

³⁷ Pon jiwi pecuidubin Moisés pia peitorobi coyene tatsi, bapon Jesús jume notatsi, jeye:

—Pon xua yabara najuntu coyene xeinanareca xua peyawenaenexa, jei bapon.

Jesús jume nota, jeye:

—Ponare, icha pocotsi coyeneya Samaria nacuapin ichi barichiya exande, xanepanaya exande ichamonaetha, jei Jesús.

Meje yabara poxonae Jesús, Marta yawa María siwa poinchibe

³⁸ Jesús pijimonae cataunxuae baru ecapona namtotha Jericó tomara beya baru pona. Pijimonae baru patopa tsica tomariyotha ichaxota petsiriwa popona powa pewun Marta. Barapowa Jesús matenta weyataeya wabatsi pia botha.

³⁹ Marta peyapiyo nantauta powa pewun María. Barapowa María Jesús caquita ecatsi xua Jesús pejume taenexatsi pocotsiwa paeba.

⁴⁰ Ichitha Marta enatsi pia penacuichiwa xua Jesús tsiexanatsi pexaewa xuano xua pijimonae tatsi nexano. Barapowa pona Jesús beya, namchi, jeye:

—Tanecanamataxeinaem, ¿jopa taem xua tayapiyo necopata xua compa nacuitan? Awiya bobena penacuichiwan. Itorobare bu neyawena, jei Marta.

⁴¹ Ichitha Jesús jume nota, jeye:

—Marta, caenauya jinya nenacuichiwan xua pocotsiwa xua ichichipame neexanaewa.

⁴² Saya cae coyene ainya cui xua xam nantawenoname pocotsiwa xua María exana xua barompaya itapeta xua wnae exana poxonae nejume tayeca. Jiton dapocotsin aibi xua pon María juntu coyene weaichurubena exainchi xua nejume tayeca, jei Jesús.

11

Meje yabara poxonae Jesús pijimonae yabara cuiduba xua Nacomtha petsipaebiwa (Mt 6.9-15; 7.7-11)

¹ Caentacabi Jesús tsipaebauya Nacom ichawatha. Jesús najume weta, bapoxonae pijimonae tatsi jiwana poyobe xua doce poyobe Jesús baraichi, jei:

—Jesús, Patatanecanamataxeinaem, pana necuidubare xua Nacomtha pata tsipaebiwa, icha Juan ichi xua pijimonae cuiduba, jei bapon.

² Jesús barai barapomonae, jeye:

—Poxonae Nacom patsipaebame, pajande:

‘Pata Taxam xam ponxaem peitabocotha athabeicha neecaen.

Barabũ daxita jiwi cabarũ cui itura jina nejuñtũ coyene wũnaewa nexeiñaxae. Barabũ jopaena matababi po matababi xua poxonae xam jiwi itorobiya canamataxeinaename barapo cae pin nacuathe.

³ Daxita matababin pexaewa pana catsibeibare po pexaewa daxita matababi pata canantawenonaewa.

⁴ Pana neyabara cui cana juñtemainare xua abe pata catsita exanaewatsi.

Bapoxonae pana neyabara cui cana exanare xua jopa equeicha pata catsita natsicuentisiwatsi tsainchi xua abe pata catsita exanaewatsi.

Baraxua painta exande icha paichin ichamonaetha.

Tsipei paxan copiya payabara cui cana exanan xua ichamonae jopa pana netsita natsicuentisiyo xua abe pata tanetsita exanaewa.

Jopa pana copatsinde xua abe pata exanaewa tsane poxonae jiwi pana nejuñtũ coyene

jujũta xua abe pata exanaewa tsane',

pajande poxonae Nacomtha patsipaebame, jei Jesús.

⁵⁻⁶ Equeicha Jesús barai, jeye:

—Metha beya tsipae xua caein paxam jiwana bapon nantaũta pon peyaputaeinchi. Bapon pia peyaputaeinchi beya pona papaetha. Pia peyaputaeinchi barai: 'Tamo, cacow-aetatsi acolibi po panbe, yaitama icha taneyputaein patopa pon anoxuae warapa tabo berena. Jopa xeinaeinyo xua taapatsiwa bapon', jei pebin.

⁷ Metha pon bomũxũ tututha boca bapon jume notsipa, jei tsipae: 'Jopa nejume fayacotsinde bomũxũ boupa daunwei, tapexui barũ maituncuan camatha. Jopa benontapon-aeyno xua pan tacacatsiwa tsane', jei tsipae pon bomũxũ tututha boca.

⁸ Paca tsipaebatsi bequein bapon bomũxũtha jopa benontaponaeyo, bequein bara pia peyaputaeinchi, daichitha cata poxoru jume fayacotatsi pia peyaputaeinchi. Mataũtano cata daxita xua pia peyaputaeinchi nantawenona.

⁹ Daxota paca tsipaebatsi. Matowa pawũcare Nacom, bapoxonae paca catsibina pocotsiwa xua pawũcame. Baraxua matowa paexande icha paichim poxonae matowa pajeiteibame beya poxonae pataebame, yawa icha paichim poxonae matowa pawawam bomũxũtha beya poxonae ichũn paca jume nota.

¹⁰ Tsipei pon matowa wũca ichũn bara catatsi. Tsipei pon matowa necoba, bara taeba. Tsipei pon bomũxũ pecoibototha matowa wawai bara tacoibo sarana xorenatsi yawa jume notatsino.

¹¹⁻¹² "Paxam pomonae pexui paxeiñame paca yainyabatsi. Poxonae painya pexui paca wũca duwei, ¿painya pexui pacatsipame jomo? Jume. Ichacuihitha tsipae poxonae painya pexui paca wũca petobũ, ¿painya pexui pacatsipame pũto? Jume, jopa baxua paraichim tsane.

¹³ Bara bequein peajuñtũcoyenebe jiwi pam, ichitha paxam payaputaneme xua pewũnaewan painya pexui pacatsibeibame. Ichitha nama Nacom painya axa jopa juniya paca catsiyo Nacom pia Pejumope tũnaxũ tatsi poxonae pawũcame. Nacom paca cata beyacaincha poxonae painya pexui pacatsibeibame poxonae paca wũqueiba", jei Jesús.

Meje yabara poxonae Jesús baraichi xua pinae xeina Beelzebú pia peyapusũ itorobi coyenewa tatsi

(Mt 12.22-30; Mr 3.20-27)

¹⁴ Irũrũ Jesús taitawetauya cauri xua pebin muxusipana exainchi. Poxonae cauri pebin wepu poinchi, bapoxonae pebin equeicha paeba. Jiwi yabara najũntũ coyene cabenaeca poxonae baxua tane.

¹⁵ Ichitha ichamonae namchi: "Bapon caurimonae itawetatsi apara pexeinaexae Beelzebú pia peyapusũ itorobi coyenewa tatsi pon caurimonae pia pentacaponaein tatsi", jei barapomonae.

¹⁶ Ichamonae Jesús wũcatsi: "Pana netsita itũre peitũpanaewa xua peitaboco wetsica jopeicaena", jei. Barapomonae baxua paeba poxoru ichichipa xua Jesús tsita itatsina, pia yaputaetsi icha barapon pon yatsicaewa Nacom itoroba.

¹⁷ Ichitha Jesús yaputane xua barapomonae nanta xeina. Jesús barai:

“Icha cae nacuapiwi nawepu tsatabe xua matauta nababe, bapoxonae jopa xaexaenaecaeyo. Matauta iruru icha cae bo matabuxu yomonaebe nababe yawa nawepu tsatajopabe, bapoxonae jopa xaexaenaecaeyo.

¹⁸ Barichi icha Satanás pijimonaе tatsi nawepu tsatajopabe matautano xua nababe bapoxonae jopa xaexaenaecaeyo. Satanás jopa itacupaetsi xua itoroba pijimonaе tsipei amsiya exana. Baxua paca tsipaebatsi tsipei naerabiya pana baram: ‘Apara bapon cauri itaweta Beelzebú pia peayapusu itorobi coyenewa tatsi pexeinaexae pon cauri pia pentacaponaein tatsi’, pana neyabara jam.

¹⁹ Icha Beelzebú pia peayapusu itorobi coyeneya tatsi cauri itawetan pon cauri pia pentacaponaein tatsi, ¿naxata eta po peayapusu itorobi coyeneya tatsi painyamonaе cauri itaweta? ¿iruru barapomonaе cauri itawetatsi Beelzebú pia peayapusu itorobi coyeneya tatsi? Daxota painyamonaе paca yaputane xua apara paxam panaerabame.

²⁰ Ichitha nama xan cauri itawetan Nacom pia Pejumope tanaхu tatsi pia peayapusu itorobi coyenewatha tatsi xua barapo pia pejumope tanaхu tatsi tanecatsixae. Baxua apara paca tsipaebatsi painya neyaputaenexa, xua painya xantha patopan ponxaein Nacom Tananeitapetsin.

²¹ “Pebin ba pon bo pexeinaein pon xua maxu daunwei, bapon nayanaba xua xuan peopi sojeiwan. Daxota pocotsiwan xua xeina pia botha bara xaniwaicha tabobeinchi.

²² Ichitha icha ichun patopa pon beyacaincha maxu daunwei, bapon ba nawita yawa caiba barapo peopi sojeiwan xua xuan bomuxu pexeinaein nanta xeina xua barapocotsiwantha bara xaniwaicha nayaewata. Poxonae barapo peopi sojeiwan bapon caiba tatsana ichamonae bichocono pematataeuncuaexae.

²³ “Pomonaе jopa neyawenaeyo, barapomonaе apara inta abe exana. Barapomonaе exana xua ichamonae jopa tana nejume cowantsiwa tsane. Barapomonaе jopa neyawenaeyo xua ichamonae nenacaetutsina tajiwiwmonaexae tsane”, jei Jesús.

Meje yabara poxonae Jesús yabara paeba cauri xua caewa nauyata pebintha (Mt 12.43-45)

²⁴ Equeicha Jesús namchi, jeye: “Poxonae pebin wepu poinchi cauri, bapoxonae cauri pona wexotha ichaxota ira tsewa pepoponaenexa tsane baxota. Ichitha poxonae jopa caxinaeyo xua ichaxota pepoponaenexa bapoxonae bapon nabarai: ‘Tha caibeya ponaetsi pebin beya ichaxota bayatha wepu ponan’, jei cauri.

²⁵ Poxonae caibeya pona cauri caxina, pebin caxinatsi xua xanepanaya popona.

²⁶ Nexata equeicha cauri pona pebin weya. Pirapaeyo bapon baru patopa siete poyobe cauri pomonaе bichocono abe, beyacaincha bapon pon copiya. Daxita barapo caurimonaе pebin xeina. Anoxuae bapon nama yatsicaya bichocono abe cana exainchi beyacaincha poxonae copiya abe cana exainchi poxonae saya caein”, jei Jesús.

Meje yabara poxonae Jesús yabara paeba po coyene pepa pejuntu coyene weiweinaewa

²⁷ Poxonae Jesús cataunxuae cueicueije tsuncuae barapo diwesi, baxota pin bicheitotha petsiriwa jume daunwei wawai Jesustha, jeye:

—¿Maisa ena juntu coyene weiweina powayo xua bayatha caexana yawa xua mito caapatano! jei petsiriwa.

²⁸ Ichitha Jesús barai petsiriwa, jeye:

—¿Bequein barichi, jame yatsicaewa juntu coyene weiweina pomonaе jume tane xua Nacom paeba xuano xua exana pocotsiwa Nacom itoroba! jei Jesús.

Meje yabara poxonae pomonaе peajuntucoyenebe jiwi Jesús cui itorobatsi xua peexanaewa tsane pexeinya petsita itutsi coyenewa

(Mt 12.38-42; Mr 8.12)

²⁹ Jesús imoxoyo matawacaicha umenatsi pin bicheito. Jesús barai barapo pin bicheito, jeye: “Jiwi pomonaе anoxuae jinompa barapomonaе peajuntucoyenebe jiwi. Barapomonaе necui itoroba xua bepa pinae tsita exanaein tatsita itutsi coyenewa xua pexeinya coyenewa. Ichitha jopa exanaein tsane icha tatsita itutsi coyenewa xua pexeinya coyenewa, saya meisa exanaein icha bayatha juta coyene cana ichichi Jonás pon Nacom peitorobi jume pepaebin, pon caena bayatha tupa.

³⁰ Caena bayatha Níwive tomarapiwi Jonás yaputainchi pon Nacom peitorobi jume pepaebin xua po coyene bapon Jonás Nacom peitorobinchi, tsipei Nacom bichocono Jonás ainya cui exanatsi. Xan ponxaein Nacom Tananeitapetsin Nacom ainya cui neexana. Daxita jiwi pomonaе anoxuae jinompa barapomonaе neyaputane po coyene xua xan Nacom neitorobica peitaboco wetsica.

³¹ Maticabi patopeicaena po maticabitha Nacom yabara paebina jiwi xua penatsicuentisiwa daxita peperaxa exanaenexa xua abe peexanaexae. Barapo mataqueitha

tsane petsiriwa powa caena bayatha tupa, bapowa asiya uncuaena Nacom peitabaratha tatsi. Barapowa pia nacua, nacuapiwayo, po nacua pocotsiwa parowa bereca taju bereca eca. Barapowa pia nacuapiwi tatsi itorobiya pia pepa peewatsiwayo. Barapowa yabara cueiceuijei tsane pomonae xua anoxuae jinompa poxonae uncuaena Nacom peitabaratha tatsi. Jei tsane bapowa: 'Maisa pomonae xua jinompa poxonae Mesías popona po irathe deque, barapomonae abe bichocono peexanaewi tsipei ajuntucoyenefaetabiya jume tane pocotsiwa Mesías cuiduba bequein Mesías bichocono peyaputaein', jei tsane barapowa. Barapowa baxua paebina poxoru bapowa bayatha taju werena pona pesiwa ponaenexatsi Salomón, pon caena bayatha Israel nacuapiwi itorobiya pia pepa peewatsinchi. Bapowa yaputane xua Salomón bichocono peyaputaein xua Nacom peyabara yaputaewatsi. Daxota bapowa ichichipa xua pecuidubinexatsi xua Salomón pecuidubinexa Nacom yabara. Nama xote uncuanje ponxaein taexanaein pocotsiwa pepa peainya cui coyenewa xua tacuidubin daxita jiwitha xua Nacom yabara. Barapocotsi coyenewa toxeinchiya ainya cui coyenewa beyacaincha po cui coyene Salomón exana poxonae cuiduba xua barapowa cuidubatsi xua Nacom yabara.

³² Barichi barapo matabitha Nínive tomarapiwi pomonae caena bayatha jinompa barapomonae abeya paca yabara paebina poxonae umenaena Nacom peitabaratha. Barapomonae baxua exanaena tsipei barapo Nínive tomarapiwi icha juntu coyene xeina Nacomtha peuraxae xua abe exana caena bayatha poxonae Jonás muxuwetsiya tsipaeba barapomonaetha Nacom pia pexeinya jume diwesi tatsi. Ichitha paxam jopa bara paichim, jopa icha juntu coyene paxeinaem. Nama aparta xote uncuanje ponxaein taexanaein pocotsiwa pepa peainya cui coyenewa xua tacaponaewa Nacom Pejume Diwesi daxita jiwitha. Barapocotsi coyenewa toxeinchiya ainya cui coyenewa beyacaincha Jonás po cui coyene exana poxonae Nacom Pejume Diwesi capona Nínive tomarapiwitha", jei Jesús.

Meje yabara poxonae Jesús yabara cuiduba jiwi po coyene xanepanaya peexanaewa pejuntu coyene wetsina

(Mt 5.15; 6.22-23)

³³ Jesús namchi jiwitha jeye: "Jiton dapon aibi pon pecoicha cueicha exana xua quirei pebuxu pana wetsina, yawa xua cueicha matabateta cajatha. Jume, jame, asiya cueicha exanatsi xua pecoicha taenexa pomonae jojoneibarena.

³⁴ Pecoicha ba yonoyonei merawi painya nepaca cayawenaenexa xua beta painya netaewa tsane quireitha. Barichi painya itacuereton painya nepaca cayawenaenexa xua beta painya netaewa tsane. Icha painya itacuereton wnae bara beta pataneme. Ichitha icha painya itacuereton abe jopa beta pataetsipaem. Barichinu painya juntu coyenewan xua painya nenanta xeinaewan. Icha painya juntu coyenewan xanepanaetsipa bara beta Nacom payabara najuntu coyene xeinaetsipame. Ichitha icha painya juntu coyenewan jopa xanepanaetsipae jopa beta Nacom payabara najuntu coyene xeinaetsipaem.

³⁵ Painya juntu coyenewan paca cana exanaetsipa xua bichocono abe paexanaetsipame daxota dota pam. Painya xoba merawi paponame icha jopa paxeinaem xua peyonoyoneiwa poxoru cotacaya panapapeichipame. Barichi pam, painya xoba pajinompage icha jopa paxeinaem xua pocotsiwa beta painya neyabara nanta xeinaewa Nacom poxoru cotacaya abe paexanaetsipame.

³⁶ Icha painya juntu coyene wnae, xuano xua jopa paxeinaem peabe coyenewa painya juntu coyenewa, bara xaniwaicha Nacom payabara yaputaneme icha poxonae pecoicha paca cana ichi xua beta pataneme", jei Jesús.

Meje yabara poxonae Jesús muxuweta jiwi fariseomonae iru pomonae jiwi pecuidubiwi Moisés pia peitorobi coyene tatsi barapomonae pecuiyainwa tatsi

(Mt 23.1-36; Mr 12.38-40; Lc 20.45-47)

³⁷ Poxonae Jesús najume weta, fariseomonae jiwanapin Jesús wabatsi xua petaxaenexa tsainchi pia botha. Jesús joniya yawa ecoundeca pexaethopaewatha.

³⁸ Fariseomonae najuntu coyene cabenaecaeya necotecataba xua Jesús jopa matha tsiwanaya penacobe quiatsiyoxae poxonae xane icha judiomonae ichi, xua saya pia cui coyene tatsi xua barapomonae nanta xeina icha jopa matha nacobe quiatsiyo Nacomtha natsicuentisipa.

³⁹ Nexata Jesús pon Pecanamataxeinaeinxae jiwi, fariseomonaepin baraichi:

—Paxam fariseomonaepiwi pam, paxam jopa ba juniya paexaneibim poxonae meisa panaperu iquicame. Daichitha burana iya painya juntu coyenetha pecaibi coyene paxeiname, peuwi coyeneno paxeiname. Be barapocotsi jiwi pam, pocotsimonae coroton saya matawacaicha iquica yawa paratonno, ichitha atutuxuira bichocono.

⁴⁰ Jopa peyaputae jiwi pam. Nacom exana wapepon yawa exana wajuntu coyenewa. ¡Baxua payaputanemeba!

⁴¹ Xua xoxi paxeineibame matha abũ copiya pajiwana tsabeibare pomonae peacopeibiwi nexa. Bapoxonae xua xoxi nacopabeiba baxua panata copabeibare. Icha bara paichim tsane, bara xaniwaicha pajuntũ coyene xanepaname Nacomtha. Yawa jopa panantawenonae xua pana nacobe iquiqueibame jiwi peitatha xua be panatsicotaneme pocotsi pebin pejuntũ coyene wũanein.

⁴² Equeicha Jesús namchi, jeye: “¡Paxam fariseomonaepiwi pam tsobena, xua peperaxa perũ jubiwa bexa paxeinaename! Daxita xua painya neubiwa Nacom pacatsibeibame caewaxi poxonae diez xoyobe paxeineibame. Irũ xua tsiwaxino pacatsibeibame. Bequein baxua paexaneibame ichitha Nacom jopa paantobem. Matauta ichamonae jopa xapain pata exanaem. Bewa paexanaem xua Nacom pacatsibeibame caewaxi poxonae diez xoyobe paxeiname. Yawano bewa paantobem Nacom. Yawano bewa xainyeya paexanaem jiwitha”, jei Jesús fariseomonaepintha.

⁴³ Bapoxonae Jesús fariseomonae baraichi, jeye: “¡Paxam fariseomonaepiwi pam tsobena! Bexa paxeinaename xua peperaxa perũ jubiwa. Paxam paichichipeibame xua painya nenanta caeneibiwa pexeinya peenaewantha judiomonaepia penacaetutsi botha po peenaewan ichaxota enathopeiba pomonae ainya cui penaexanaewi. Matautano paichichipeibame xua jiwi paca wũane jainteiba poxonae paca jacobanaemtotha, xua jiwi painya nepaca barũ itura jinaenexa”, jei Jesús.

⁴⁴ Equeicha Jesús namchi, jeye: “¡Moisés pia peitorobi coyene tatsi, jiwi pecuidubiwi pam tsobena! Irũ fariseomonaepiwi pam tsobena! Poxonae jiton ba pona namtotha jopa tsaqueinaeyo xua jiton piwa baxoyo bocareca mũthũ deca, xua peayeiwa poxoru jopa wũaneyo. Paxam bara paichim. Jiwi imoxoyo paca caquita pona jopa tsaqueinaeyo xua pocotsiwa painya juntũ coyenetha pananta xeiname xua abe xua jopa pecui wũaneyiwo”, jei Jesús.

⁴⁵ Nexata pomonae jiwi pecuidubiwi Moisés pia peitorobi coyene tatsi, barapomonae jiwana bapon Jesús baraichi, jeye:

—Jiwi Necuidubin, poxonae baxua paebame, apara irũ pana neyabara jam poxonae catsawiya paebame, jei.

⁴⁶ Nexata Jesús jume nota, jeye:

—Irũ paxam Moisés pia peitorobi coyene tatsi jiwi pecuidubiwi pam tsobenaem! Tsipei paxam ichamonae paitorobame xua capona pocotsiwa arewe pocotsiwa jiwi bapana jopa itacũpaetsi xua pecaponaewa, ichitha paxam jopa pata yoichaem, matauta bara cae cobesitiyotha jopa pata yoichaem. Jiton ba itoroba ichantha xua pecaponaenexa pocotsiwa jopa juniya arewiyo, xua pocotsiwa jopa itacũpaetsi xua pecaponaewa pon itoroba. Bara paichim paxam ichamonae pacuidubame xua jopa itacũpaetsi xua peexanaenexa baxuan xua pocotsiwa irũ xua jopa paca itacũpaeyo xua painya neexanaewa baxuan.

⁴⁷ “¡Paxam patsobenaem! Paxam petũpaewi pomonae Nacom peitorobi jume pepaebiwi payamũthũ acabame boutixi bequein painya amo susato jiwi juteba barapomonae.

⁴⁸ Poxonae baxua paexaname, ichamonae patsita itapeinya xeiname xua paxam bara irũ paichichipamerũ pocotsiwa xua painya amo susato jiwi juteba xua barapomonae pomonae Nacom peitorobi jume pepaebiwi jutebatsi. Daxota barapo petũpaewi payamũthũ acabame boutixi.

⁴⁹ “Daxota Nacom peyaputae jumetha namchi: ‘Itorobicaein barapomonaetha taitorobi jume pepaebiwi irũ pomonae taitorobiwi. Ichamonae pomonae taitorobi jume pepaebiwi jutebinchi. Ichamonae pomonae taitorobi jume pepaebiwi abe exanaeinchi. Ichamonae, pomonae taitorobiwi jutebinchi. Ichamonae, pomonae taitorobiwi abe exanaeinchi’, jei Nacom peyaputae jumetha”, jei Jesús.

⁵⁰ Equeicha Jesús namchi, jeye: “Pomonae anoxuae jinompa Nacom cana exanaena xua barapomonae peraxa jubebinchi psetsitaxaetsi xua barapomonae penatsicuentiwa xeina, tsipei jiwi juteba xua Nacom peitorobi jume pepaebiwi jutebatsi caena bayatha xua weya xua poxonae Nacom aena forota barapo cae pin nacue.

⁵¹ Painya amo susato jiwi jutebapona xua pomonae pejuntũ coyene xeicae jiwi jutebatsi. Copiya matha Abel bexotsi beya poxonae irũ Zacarías bexotsirũ. Barapon Zacarías pabexubame Nacom pin pia botha ichaxota xua barapo bo tututha naitama tauncuabe xua be pexaethopaewa xua ichaxota duwei tauteiba Nacom nexa irũ ichaxota po tutu yatsicaewa Nacom pia tutu. Daxota paca tsipaebatsi Nacom cana exanaena xua daxita paxam pomonae anoxuae pajinompame paca peraxa jubebina tsipei Nacom patsitame xua paxeiname penatsicuentiwa xua painya amo susato jiwi pejutebixae barapomonae”, jei Jesús.

⁵² Equeicha Jesús namchi, jeye: “¡Paxam jiwi pecuidubiwi pam tsobenaem xua Moisés pia peitorobi coyene tatsi! Paxam ayapube paexaname xua jiwi peyaputaewa Nacom Pejume Diwesi poxoru icha caununaya pacuidubame, xua jopa xapain pocotsiwa Nacom

paebiyo. Paxam jopa pajume cowantsim Nacom matauta jopa pacopatsim xua ichamonaе iru pejume cowantsiwa Nacom”, jei Jesus.

⁵³ Poxonae Jesus baxua paeba poxonae cataunxuae jopa natsixatabiyo, fariseomonaе iru pomonaе jiwi pecuidubiwi Moises pia peitorobi coyene, daxita barapomonaе Jesus bichocono casebatsi. Barapomonaе Jesus muxu fayacotatsi xua yainyabatsi nawita, peamuxuconae exanaenexa tsainchi.

⁵⁴ Barapomonaе Jesus piraichi matowa yainyabatsi peyaputaenexa icha Jesus ajume-beya jume bara botsina.

12

Meje yabara poxonae Jesus yabara cueicueijeji jiwitha xua fariseomonaе itara beta paeba ichitha jopa xapain exanaeyo

¹ Poxonae cataunxuae Jesus cueicueijeji tsuncuae, bapoxonae ayei jiwi nacaetutapona Jesutha. Jiwi nataxu taxunaunaba. Jesus tamropa pitaba xua cueicueijeji jiwitha. Copiya matha Jesus pijimonaе tsipaeba, jeye: “Dota pam jopa pajume naitaewatsinde fariseomonaе pia pecuidubi coyenewa tatsi xua painya nejume cowantsiyainwa. Barapomonaе itara beta paeba ichitha jopa xapain exanaeyo.

² Daxita diwesin xua po diwesin bequein anoxuae jiwi jopa yaputaeyo, bexa yaputaena. Pocotsiwa jiwi abe nameicha exana daichitha ichamonaе bexa yaputaeponaena baxua.

³ Paxam xua po diwesi merawi nameicha pana natsipaebame, barapo diwesi ichamonaе mataqueitha jume taena. Matautano pocotsiwa paxam aisawatha pana namuxu paxapaxeya tsipaebame, barapo diwesi ichamonaе panatha paca jume canawabiya wawai tsane”, jei Jesus.

Meje yabara poxonae Jesus yabara paeba xua pontha bewa ba jiwi cuitaya cunuwina (Mt 10.26-31)

⁴ Equeicha Jesus pijimonaе barai, jeye: “Tamonaе paxam paca tsipaebatsi jopa pacuitaya cunuwinde pomonaе xua itacupatsi xua paca necajutebiwa xua meisa painya pepontha. Ichitha barapomonaе jopa itacupatsi xua equeicha paca jumopein тнахн jutebina.

⁵ Ichitha yabara paca tsipaebatsi pontha jame bewa pacuitaya cunuwim, bapon apara jame Nacom. Tsipei bapon itacupatsi xua painya nepaca bebaiwa pin isototha po pin isototha jopa bapana itacounaiyo xua weraweraca painya nepaca exanaenexa painya pepon. Xaniyan paca tsipaebatsi bewa jame pacunuwim bapon Nacom.

⁶ “Jiwi ba caenaeta siri cinco poyobe, saya ainya paratiyobe nantomata. Bequein barapo siri caenaeta jiwi xua jopa matoma nautsiyo, ichitha Nacom jopa yabara juntemainaeyo siri, matautano caeyono jopa yabara juntemainaeyo.

⁷ Iru daxita painya nentanan Nacom daxita matapaеicha paca matana ununa. Jopa pajunuwinde tsipei paxam Nacom bichocono patsita ainya cuim beyacaincha siri”, jei Jesus pijimonaetha.

Meje yabara poxonae Jesucristo yabara paeba xua pomonaе peyabara paebiwichi ichamonaе peitabaratha tatsi

(Mt 10.32-33; 12.32; 10.19-20)

⁸ Equeicha Jesus namchi pijimonaetha, jeye: “Yabara paca tsipaebatsi pomonaе xua nayopita ichamonaetha, pomonaе xua najei: ‘Apara paxan Jesus pijimonaе tatsi pan’, najei. Barichi xan, ponxaein Nacom Tananeitapetsin xuya jan tsane matatsunpiwitha. Barapomonaе apara tana nejume cowantsiwi, jan tsane xuya barapo Nacom pia matatsunpiwi tatsi peitabaratha tatsi.

⁹ Ichitha pomonaе xua neyabara jei ichamonaetha: ‘Jopa dapon payaitaеinyo’, jei, xan ponxaein Nacom Tananeitapetsin xuya barapomonaе yabara jan tsane Nacom pia matatsunpiwi peitabaratha tatsi: ‘Apara barapomonaе jopa yaitaеinyo’, jan tsane.

¹⁰ “Xan ponxaein Nacom Tananeitapetsin pon abe neyabara paeba Nacom itacupatsi xua bapon peyabara juntemainaewatsi pocotsiwa bapon abe neyabara paeba. Ichitha pon nama Nacom pia Pejumope тнахн tatsi bichocono abe yabara paebatsi Nacom jopa bapana yabara juntemainaе bapon.

¹¹ “Paca caponaena judiomonaе pia penacaetutsi bontha ichaxota nacaetuteiba pentacaponaei. Paca caponaena pomonaetha pomonaе peyabara paebi jiwi xua penatsicuentisiwa xua abe peexanaexae yawa tomara pia pentacaponaei peitabaratha tatsi paca caponaena. Poxonae baxua paca exanaena, jopa payabara najuntу coyene exabinde pocotsiwa xua painya nejume notsiwa xuano xua painya netsipaеbiwa tsane barapomonaetha.

¹² Poxonae juntucuru pacaunutsiya paebiname, bapoxonae Nacom pia Pejumope тнахн tatsi paca tsijume dubina pocotsiwa painya netsipaеbiwa tsane”, jei Jesus.

Meje yabara poxonae Jesús pijimonaē yabara tsipaeba pon copei pexeinaein

¹³ Caēin pin bicheitha, bapon Jesús baraichi, jeye:

– Jiwi Necuidubim, taeweicho inta itorobare bu necata xua tawa xua taxa pecopiniwa xua xuan taxa bayatha pana nejuntana jeba, jei.

¹⁴ Jesús jume epa pita, jei:

– Maisacai, apara dapon aibi pon necana exana xua xan tapaca yabara paebiwatsi xua painya nenatsicuentsiwa xua abe painya neexanaexae. Matautano apara dapon aibi pon necana exana xua xan be pon tapacata tsabibeiwatsi pocotsiwa painya axa pia pecopiniwan tatsi, xua bayatha paca juntana jebeiba painya axa, jei Jesús.

¹⁵ Yawa Jesús namchi, jeye:

– Dota xua asiwiya paantobem xua xoxi paxename. Bequein pebin copei nawita xeinaetha, ichitha barapo pebin jopa yawenaetsi xua beta pepoponaewa, jei Jesús.

¹⁶ Nexata Jesús tsipaeba jiwitha pecayabara juta pepaebi diwesiyo, xua jeye: “Iru matha pebin popona pon copei pexeinaein. Pia pabi tatsi pexaewa tanawetatsi nawita.

¹⁷ Pon copei pexeinaein nexata pia coutha nabarai: ‘¿Eta bichocuaein tsane? ¿Eta xota jebocuaein pocotsiwan pabitha notan?’ jei.

¹⁸ Pia coutha najumo nota: ‘Bara yaputan tha xubichi pexaewa matabon. Tha equeicha acabichi po bon bichocono pin bon. Barapo pin bontha daxita pexaewa etsin yawa etsinno daxita pocotsiwa xeinan.

¹⁹ Nexata najuntu coyene baran tsane: Bara daxita xeiname ainya wei dapaēin nexa. Naffinacaecare, xaibare, apeibareno, juntu coyene weiweineibare’, najei xua najuntu coyene barai pon copei pexeinaein.

²⁰ Ichitha pon copei pexeinaein Nacom barai bapon, jeye: ‘Pebin pon jopa xapain nenanta xeinaem, methaunxuae anoxuae merawi tupaename. Daxita baxuan xua yabo notame, ¿jintam metha piawa tsane?’ jei Nacom.

²¹ Baxua barichi pon xua saya copei yabara nanta xeina nawita pecaetubinexa. Bapon Nacom copei xeina taetha, Nacom tsitatsi xua bapon apara acopeibi, tsipei bapon pejuntu coyene tatsi tsocuae xua Nacom jopa pejume cowantsixaetsi”, jei Jesús.

Meje yabara poxonae Jesús yabara cuiduba po coyene xua Nacom eena pijimonaē
(Mt 6.25-34)

²² Bapoxonae Jesús pijimonaē tsipaeba, jeye: “Paca tsipaebatsi, jopa bichocono payabara najuntu coyene exabinde pexaewa xua painya neuna jinompaewa tsane. Barichi jopa bichocono payabara najuntu coyene exabinde papaburu xua painya pepon nexa.

²³ Pocotsi asu pejinompaewa xua Nacom naca cata jame baxua ainya cui, beyacaincha pexaewa xua peuna jinompaewa. Pepon ainya cui iru, beyacaincha papaburu xua pepon nexa.

²⁴ Uni payabara yaputaema. Bapomonaē jopa ubiyo pabitha. Matautano jopa jotsiyo pocotsiwa penawetsiwa. Jopa xeinaeyo bomuxun xua pejebinxexa pexaewa. Ichitha Nacom, uni apatatsi pexaewa. Paxam nama bichocono Nacom patsita ainya cuim jame, beyacaincha peyapupunaewi xua Nacom tsita ainya cuichi.

²⁵ Dapon aibi pon paxam jiwana pon itacupatsi xua xeinaena icha matababi xua po matababitha pepoponaewa tsane poxonae tupaena. Bequein bapon nayabara nantu exaba nawita baxua, ichitha jopa itacupaetsi xua xeinaena caentacabi equeicha.

²⁶ Icha jopa paca itacupaeyo xua paexaname xua be conotha xua caentacabi nexa, zeta xua metha equeicha yabara panantu exabame ichawan xua daunwei bichocono?

²⁷ “Jame pacayabara nanta xeinare pentonon xua xuwa, xua matono itupana. Pentonon jopa nacuichiyo yawa jopa natsixanaeyo papaburu penamaxatabinxexa. Ichitha paca tsipaebatsi xua pentonon matono itupana bichocono beyacaincha pocotsi paparuwa Salomón nama xatata xua pexeinya paparuwa. Bapon Salomón pon caena bayatha judiomonaē itorobiya pia pepa peewatsinchi pon bayatha tupa.

²⁸ Pentonon, po matonon wexotha anoxuae xuwa, Nacom cana exana xua matono itupana. Ichitha pebiwi baya matono tautsina ichaxota pocotsiwatha pan seba, tsipei saya pentono. Nacom cana exana xua pentonon bichocono wnae bara bequein saya pentonon. Barichi Nacom itacupatsi xua beta paca neca-eenaewa xua beta painya nejinompaenexa. Matautano Nacom paca catsina paparuwan. ¡Maisa pebiwi pam tsobenae be conotha pajume cowantame Nacom!

²⁹ Jopa payabara najuntu coyene exabinde pexaewa xuan xua painya neapaewan yabara. Jopa panthutha deideijeya jinompaēinde xua ichawa pacayabara nanta xeiname.

³⁰ Tsipei barapo cae pin nacuathe jiwī, saya i baxua pecayabara najuntu coyene exabi pocotsiwa nantawenona. Ichitha nama paxam painya Axa Nacom panantautame pon yaputane daxita pocotsiwa xua xoxi panantawenoname.

³¹ Meisa saya bichocono pacayabara nanta xeinare xua painya neexanaewa xua Nacom ichichipa waba jiwi xua jiwi wabatsi xua petanaexanaenexatsi pijimona pomona itorobiya pecanamataxeinaexae. Icha baxua paexanaename nexata Nacom paca catsibina xua daxita pocotsiwa panantawenoname", jei Jesús.

Meje yabara poxona Jesús yabara cuiduba xua pocotsiwa Nacom jiwi pejantana jebiwatsi pia nacuatheicha

(Mt 6.19-21)

³² Equeicha Jesús namchi, jeye: "Tamonae pomona be ovejamona pam, painya nejunuwi jiwi pamxaem. Jopa pajunuwinde bequein bara tsiquimonaeyo pam. Painya Axa Nacom pia coya peichichipaexae pia coya paca cana exanaena pijimona tatsi jiwana pam pomona pejume cowantsiwichi pomona itorobiya pecanamataxeinaexae.

³³ Pacaenaere xua paxeiname. Barapo paratixi pomona acopeibiwi pacatsibare. Poxona baxua paexaname, bapoxona xuya Nacom athabeicha paca catsibina pocotsiwa xua painya nepaca jantana jebiwa pocotsiwa xua jopa naxubiyo. Athabeicha pecaibin jopa patopaeyo painya nepaca caibinexa pocotsiwa pajebame bara xoteicha. Matautano ofo jopa xaeyo pocotsiwa xua pajebame bara xoteicha.

³⁴ Ichaxota ba pajebame xua painya neichichipaewan baxota ba payabara nanta xeiname nawita", jei Jesús.

Meje yabara poxona Jesús yabara paeba xua pinae bewa nacui wunaetichi

³⁵⁻³⁶ Equeicha Jesús namchi, jeye: "Pana najuntu coyene cui wunaere xua tapatopaewa tsane. Barapocotsi juta coyeneya paichinde, icha pomona petanacuichiwi ichi xua nacui wunaeta, xua pon bo pexeinaein imoxoyo pepatopaexae. Bapon pon bo pexeinaein nasiwa pona ichaxota jiwi nacuetuta xua pexaenexa pexaewa poxona pebin piowa pita. Bapon nawirena bara werena, pomona pia petanacuichixixaetsi nainya tayausaranaxorenatsi pecoiboto poxona bapon patopa pia botha. Barapocotsi juta coyeneya paichinde. Paxam panacui wunaetsiya jinompare xua tapatopeicaewa tsane.

³⁷ Poxona bo pexeinaein patopa icha bapon tane xua pomona pia petanacuichiwixixaetsi jopa maichiyo bapoxona barapomonae juntu coyene weiweina. Bara xaniwaicha paca tsipaebatsi bapon pon bo pexeinaeinxae pia petanacuichiwichi cuareba pexaethopaewatha, bapoxona apatsina pexaewa.

³⁸ Pon bo pexeinaein, bara bequein papaetha patopaetha tsipae, ichacuitha bara bequein metha patopaetha tsipae mataquei wunaeyo, ichitha barapomona pomona petanacuichiwi juntu coyene weiweinaetsipa poxona bo pexeinaein tane xua jopa maichiyo barapomona.

³⁹ Barichi payaputaema, icha bo pexeinaein yaputaetsipa xua poxona patopaena pon jiwi pecaibin jopa maitecaetsipae. Matauta bapon jopa copatsipae xua pon pecaibin petajondenaewatsi pia botha.

⁴⁰ Bara paichinde. Tawanaetha pana nacui wunaere tsipei xan ponxaein Nacom Tananeitapetsin patopeicaein poxona jopa tsaca payabara jinompare tsane poxona jopa payabara nanta xeinaem tsane xua tapatopaewa tsane", jei Jesús

Meje yabara poxona Jesús yabara diwesi paeba ponbe xua bo peyapucaeaeinbe pon xua beta peexanaein, iru xua pon jopa beta peexanaein

(Mt 24.45-51)

⁴¹ Nexata Pedro Jesús yainyabatsi:

—Jesús, pata Tanecanamataxeinaem, po diwesi xuaunxuae pana tsipaebame, xua pecayabara juta pepaebi diwesiyo, ¿saya meisa paxan nexa? ¿iru ichamonae nexano? jei Pedro.

⁴² Jesús pon Pecanamataxeinaeinxae jiwi, Pedro jume notatsi pecayabara juta pepaebi diwesiyotha pepatopaewa tsane yabara, jeye: "Yabara catsipaebatsi pon matacapopona pomona bo pexeinaein tanacuitatsi. Barapon xanapanaya yaputaeya matacapopona. Poxona bo pexeinaein wepu warapa barapomona, pon bo pexeinaein itoroba pontha pon bo petayapucaeaeinchi, jeye: 'Inta beta matacapoponde, yawa inta beta pexaewa apare daxita matacabi pomona xua inta nacuita', jei bo pexeinaein.

⁴³ Pon bo petayapucaeaein bara juntu coyene weiweinaena poxona patopaena pon bo pexeinaein, petaexaetsi xua bara beta tayapucaeaca bo, xuanu bara beta peexanaexae xua bo pexeinaein itoroba.

⁴⁴ Xaniwaicha paca tsipaebatsi. Bo pexeinaein itorobina, xua pon petayapucaeaeixaetsi bo, bapon cana exanaeinchi xua equeicha daxita piawa beta petayapu enawatsi xua xuan xaina pon bo pexeinaein.

⁴⁵⁻⁴⁶ Ichitha ichacuitha pon yapucaeca bo bapon peantacuiyapubein tsipae. Bapon pia coutha nanta xeinaetsipa, najei tsipae: 'Metha bo pexeinaein jupa cuinaya patopae tsane', najei tsipae. Bapoxonae bapon cueinta pomonae pon bo pexeinaein tanacuitatsi, pebiwi yawa petsiriwaxi. Matautano bapon nanabanaetsipa nawita ichamonae yawa cupatsi nanaexanaetsipano. Bapoxonae bo pexeinaein jemeicha patopaena poxonae pon bo petayapucaecaen jopa wanae tsaqueinaeyo. Poxonae barapo hora tsuxubi jopa yaputaeyo yawa poxonae barapo matababi tsuxubi jopa yaputaeyo. Pon bo pexeinaein itorobina ichamonaetha xua pebenexatsi yawa peperaxa exabinexa tsainchi pon bo petayapucaecaen icha cana ichichi pomonae jopa pejume cowantsiwi.

⁴⁷ Pon bo yapucaeca, bapon bequein yaputane pocotsiwa pon bo pexeinaein itoroba xua ichichipa, ichitha jopa exanaeyo pocotsiwa itorobatsi, xua bo pexeinaein itoroba. Barapon bichocono peraxa jubinchi xua jopa peexanaexae pocotsiwa itorobatsi.

⁴⁸ Ichitha ichun pon bo yapucaeca jopa cono yaputaeyo pocotsiwa bo pexeinaein itoroba yawa itatemala abe exana. Bequein jopa cono yaputaeyo yawa itatemala abe exana, ichitha nantawenona xua peperaxa exanaewatsi be cono, tsipei abe exana be cono. Pon ba be cono Nacom yabara yaputaenchi, Nacom bapontha cana exanaena xua ichawa peyabara yaputaewa tsane beya poxonae bapon equeicha bichocono Nacom pejume cowantsiwa tsainchi. Pon ba jopa ichipaeyo xua Nacom peyabara yaputaewatsi Nacom wepichina po coyene bapon yaputane xua beya daxota Nacom jopa pejume cowantsiwa tsainchi", jei Jesús.

Meje yabara poxonae Jesús yabara paeba xua jiwi ainya bicheiton naexanaena xua Jesús pejume cowantsixaetsi xua ichamonae jopa pejume cowantsixae (Mt 10.34-36)

⁴⁹ Equeicha Jesús namchi, jeye: "Patopan barapo cae pin nacuathe Nacom tana neitorobixae xua jiwi aperaxatane taexanaenexa abe peexanaexae barapo jiwi. Tapatopaewaxae jiwi atene tsane icha be ichi poxonae barapo jiwi tautatsi isototha. ¡Maisa metha bayatha bena baxua exanocuaein barapo isoto!

⁵⁰ Xan barichin tsane daxita matapaecha aperaxatanein tsane poxonae tupaen. Awiya bichocono anthatharewein xua beya baxua inta exanaena.

⁵¹ ¿Pananta xeiname xua xan apara patopan xua jiwi juntea pejinompaewa tsane? Apra aibi, jopa baxua tsipatopaenyo. Apra jame patopeican taexanaenexa po coyene jiwi naba exanatsi xua daxota ainya bicheiton penaexanaewa tsane.

⁵² Anoxuae, yawa bexa tsane cinco poyobe cae matabaxuyoy xua bomaxutha jinompa barapomonae nawepu tsatajopaenabe. Tres poyobe ita aenae-aenei tsane xua dos poyobe ita aenae-aenei tsainchibe. Nantiya barapo matabaxuyoyobe naita aenae-aenei tsanebe. Baxua exanaena xua ichamonae tana nejume cowantsi jiwixae xua iru ichamonae jopa tana nejume cowantsixae.

⁵³ Coxiyan pexanto ita aenae-aenei tsane. Coxiyan xuya pexanto ita aenae-aenei tsainchi. Coxiwa pexantiyo ita aenae-aenei tsane. Coxiwa xuya pexantiyo ita aenae-aenei tsainchi. Iruru pamiyobe naita aenae-aenei tsanebe. Pecoepinyobe naita aenae-aenei tsanebe", jei Jesús.

Meje yabara poxonae Jesús diwesi paeba xua jiwi itaboco tane peitaboco yaputaenexa (Mt 16.1-4; Mr 8.11-13)

⁵⁴ Yawa Jesús barai jiwitha, jeye: "Poxonae tsaquinaebowa pataneme xua pocotsiwe wejopeine: 'Ema dawa jopeina', pajam. Jopa jume bara duneica.

⁵⁵ Poxonae joibo jopa: 'Wei imoxoyo', pajam. Jopa jume bara coicha jopa.

⁵⁶ Itara mexeya pexeinya juntu coyene paxename ichitha peajuntacoyenebe jiwi pam. Itaboco yawa irano panaita caewatame painya yaputaetsi icha ema yawa xua icha pexeinya matababi. Ichitha jopa payabara yaputaem xua bequein peitapanaewan exanan, ichitha cataunxuae came awiya jopa payabara yaputaem po coyene xua baxua Nacom taneitorobiwa", jei Jesús.

Meje yabara poxonae Jesús paeba xua ichun juntu cui xanepanaya juntea popona cana exana xua pon peitafaetabixaetsi (Mt 5.25-26)

⁵⁷ Equeicha Jesús namchi jiwitha, jeye: "¿Eta xua metha painya coutha beta jopa pana nayabara nanta xeinaem xua icha metha wanae painya neexanaewa?

⁵⁸ Icha ichun bepaca itoroba paca necaponaenexa pontha pon jiwi peyabara paebin xua penatsicuentisiwa xua abe peexanaexae nexata bapon patsipaebare poxonae cataunxuae namtotha paca baru ecapona xua painya nenaita coxone exanaenexa. Xain bapoxonae bapon jopa paca caponae tsane pontha pon jiwi peyabara paebin xua penatsicuentisiwa

xua abe peexanaexae. Tsipei icha bapon bara beya paca caponaetsipa, bapoxonae pon jiwi peyabara paebin xua penatsicuentsiwa xua abe peexanaexae equieicha dabeya policiamonae beya paca itorobichipa. Bapoxonae nama policiamonae jiwi pecabi bo beya paca itorobichipa.

⁵⁹ Bara xaniyeya paca tsipaebatsi. Paxam jopa paca pu copabi tsane jiwi pecabi bo weya, beya abu poxonae panatsipu matomacaename daxita paratixi cuntha po paratixi xua paxeineame”, jei Jesús.

13

Meje yabara poxonae Jesús yabara paeba xua ainya cui xua icha juntu coyene pexeinaewa Nacomtha

¹ Barapoxonae ichamonae pata. Jesús tsipaebatsi, jeye:

—Galilea nacuapiwi Jerusalén tomaratha capata duweimonae, Nacom pin pia botha xua barapo duweimonae pejutebinexa petautsinexa xua petuxusi exanaenexa Nacom nexa. Ichitha poxonae cataunxuae baxua exanompa Galilea nacuapiwi pon Galilea nacuapiwi peyanacua ewatsinchi, pon pewan Pilato poxonae bapon baxua jume taeba, xua Galilea nacuapiwi exanompa Nacom pin pia botha, bapoxonae bapon pia soldadomonae itoroba Nacom pin pia bo beya xua pejutebinexatsi Galilea nacuapiwi. Daxita duwei jana, yawa Galilea nacuamonae jiwi jana cae jana naexananaya, jei barapomonae.

² Jesús jume nota, jeye: “¿Eta xua metha pananta xeiname? ¿Barapo pebiwi jutebatsi bichocono yatsicaya abe peexanaewixae beyacaincha pomonae abe peexanaewi pomonae jinompa Galilea nacuatha?”

³ Apará aibi. Icha jopa Nacom patsita xeinaem icha juntu coyene, bara paichipaem, paca weraweraca exanaetsipa.

⁴ Ichacuitha metha pacui cananta xeiname pomonae dieciocho poyobe, pomonae bayatha bomxutha mata perababatsi xua po botha bichocono taicha po bo pewan Siloé. ¿Barapomonae mata tsapababatsi bichocono abe peexanaexae beyacaincha pomonae jinompa Jerusalén tomaratha?”

⁵ Apará aibi. Icha Nacom jopa patsita xeinaem icha juntu coyene, paxam bara paichipaem paca weraweraca exanaetsipa”, jei Jesús.

Meje yabara poxonae Jesús yabara paeba higuera nae xua po diwesi pecayabara jupa pepaebi diwesiyo

⁶ Nexata Jesús tsipaeba pecayabara jupa pepaebi diwesiyo. Bapon namchi, jeye: “Matha iru pebin higuera nae xeina po nae ubanota pia pabitha. Barapo pebin pia pabitha pona pia taetsi icha yacuei dubena. Ichitha poxonae tane jopa yacuei dubenaeyo.

⁷ Nexata pon pabi pexeinaein tsipaeba pontha pon pabi petayapu eenaeinchi, namchi, jeye: ‘Taema acobi po weibe pabitha poneiban tha bequein taibichi pethei ichitha jopa yacuei dubeneibiyo. Hncataxore. Jopa ichichipaeyo xua came barapo nae saya uncua ichaxota ubanotinchi icha nae, po nae penacoichi nae’, jei pon pabi pexeinaein poxonae tsipaeba pon pabi petayapu eenaeinchi.

⁸ Ichitha pon pabi petayapu eenaein jume nota: “Tanentacoponaem, abu barapo nae uncuaena barapo weithe. Tha yaira tabaca nacuenuena exanaetsi paraparatho, bapoxonae duwei petasin jebarecaetsi petabaca deca.

⁹ Metha bapoxonae matono dubenaetsipa icha weitha. Icha jopa matono dubenae tsane icha weitha nexata moya beuncataxotsi’, jei pon pabi petayapu eenaein”, jei Jesús.

Meje yabara poxonae Jesús axaibi exana yabuyo pentaquei seicae matabitha powayo naepasi xurutsiya pona

¹⁰ Caentacabitha judiomonae barompaya pia pentaquei seicae matabitha tatsi Jesús cuidubauya Nacom Pejume Diwesi judiomonae pia penacaetutsi botha tatsi.

¹¹ Barapo botha yabuyo eca, powa caena bayatha atene dieciocho po weiyobe. Barapowa naepasi xurutsiya pona. Barapowa xua juntucuru epasi boipana ajibi.

¹² Poxonae barapowa Jesús tane, Jesús waba barai, jeye:

—Yabuyo anoxuae jopa neraichiwa, bayatha wunaem, jei Jesús.

¹³ Nexata barapowa Jesús pecobetha jayaba. Bapoxonae yabuyo epasi naroitaba yawa barapowa wuna jainta, Nacom wuna jaintatsi.

¹⁴ Ichitha pon pecanamataxeinaein judiomonae pia penacaetutsi bo tatsi, bapon Jesús casebatsi xua axaibi peexanaexae pentaquei seicae matabitha. Bapon barai jiwitha, jeye:

—Bara iru seis po matabibite xua be cae semanatha tsoponeibi xua barapo matabitha benacuitatsi. Jame barapo seis matabibintha moya papare xua axaibi painya nepaca

exanaewa tsane. Nama jopa papatsinde pentaquei seicae matacabitha, jei bapon pon pecanamataxeinaein judiomonaē pia penacaeutsi bo tatsi.

¹⁵ Bapoxonaē Jesús jume nota, jeye:

—Itara mexeya pexeinya juntu coyene painya nexainaewi ichitha peajuntacoyenebe jiwi pam. Ichitha paxam iru panacuitame pentaquei seicae matacabitha. Burro ba payama isanaxubame, bueyno ba payama isanaxubame painya apatsinexa mera pepa mene beya barapo pentaquei seicae matacabitha.

¹⁶ Barapowa powayo Abraham pia pemomoxi susatopiwi jiwawayo tatsi. Barapowa caena bayatha atene exanatsi. Satanás atene exana dieciocho po weyobetha. Daxota iruru barapowa xan axaibi exanan pentaquei seicae mataqueitha, jei Jesús.

¹⁷ Poxonaē Jesús baxua caunuta, bapoxonaē pomonaē Jesús pia peaitafaetabiwichi aura tsumenaē. Ichitha daxita jiwi juntu coyene weiweina petaxae xua Jesús pexeinya pewnaewa exana.

Meje yabara poxonaē Jesús cuiduba pecayabara jata pepaebi diwesiyo po peabi xutiyo pewn mostaza xutiyo

(Mt 13.31-32; Mr 4.30-32)

¹⁸ Equeicha Jesús namchi, jeye: “Poxonaē Nacom waba jiwi petanaexanaenexatsi pijimonaē tatsi, pomonaē itorobiya peewatsixae, ¿eta po coyene nacoyene jurabe? ¿Eta xua paca cuidubinchi xua baxua yabara?”

¹⁹ Baraxua apara icha be mostaza xutiyo ichi po mostaza xuto pebin uba pia pabitha. Xuwa beya pin nae tsoponaē. Pepinnaexae daxota siri exana coton pemaxaranantha. Icha mostaza xutiyo ichi xua beya pin nae tsoponaē, bara jata ichi Nacom pejume cowantsiwi. Bequein anoxuae tsica bicheitiyo, bexa tsane beya pin bicheito tsoponaē tsane”, jei Jesús.

Meje yabara poxonaē Jesús cuiduba pecayabara jata pepaebi diwesiyo xua levadura yabara xua pan cotowa exana

(Mt 13.33)

²⁰ Barichi Jesús namchi, jeye: “Poxonaē Nacom waba jiwi petanaexanaenexatsi pijimonaē tatsi pomonaē itorobiya peewatsixae barapomonaē pin bicheitomonaē naenaexanapona. ¿Eta po coyene nacoyene jurabe?”

²¹ Barapo coyene bara jata ichi icha levadura matawun ichi, pocotsiwa cotowa exana poxonaē pan exana. Petsiriwa tres po tsoropabe trigo xu beno muxuna cauyentaba levadura matawun pocotsiwa xua cotowa exana pan. Bapoxonaē pentabu naexananaya, cocotowapona tsipei levadura matawun muxunaxuba”, jei Jesús.

Meje yabara poxonaē Jesús yabara cuiduba po boupayo tsica boupayo dena

(Mt 7.13-14, 21-23)

²² Poxonaē Jesús Jerusalén namto beya pona, cuiduba tsiniya Nacom Pejume Diwesi po bon epatotha bobena yawa tomaranthano.

²³ Pomonaē Jesús cuiduba barapomonaē caein jiwana Jesús yainyabatsi, jeichichi:

—Patatanecanamataxeinaem, ¿saya tsiquimonaeyo pomonaē capanenebiyatsi? jeichichi Jesús.

Nexata Jesús namchi jiwitha, jeye:

²⁴ —Bequein bichocono ayapube xua naexana Nacom pijimonaē pomonaē Nacom itorobiya ewata, ichitha bichocono pajure xua panaexaname Nacom pijimonaē tatsi. Baraxua be poxonaē pin bicheitomonaē ichichipa xua pejojondenaewa tsica boupayo dena. Bichocono ayapube. Bequein barapomonaē ichichipaena xua pejojondenaewa tsane ichitha jopa itacpae tsainchi.

²⁵ Barapoxonaē matacabi jopaena po matacabitha poxonaē pon bo pexeinaein pecoiboto daunwei exanaena. Paxam pomonaē aisowatha paumename pecoiboto padacadacatsiname, pajam tsane: ‘Patatanecanamataxeinaem, painta coibo saranaxorena bomaxu’, pajam tsane. Ichitha bapon paca jume notsina. Jei tsane: ‘Bu canta jopa paca yaitaetsi xua jopa paca yaputaetsi xua ichaxota werena painya neponaewi’, jei tsane.

²⁶ Paxam pajam tsane: ‘Bara cain bayatha paca baru xainchiba yawa paca baru apatsiba, yawa bayatha jiwi cuidubameba namtotha pata tomaratha’, pajam tsane.

²⁷ Ichitha Nacom pon painya Nepacacanamataxeinaein paca jume notsina: ‘Aunxuae bayatha paca baraichiba: Bu canta jopa paca yaitaetsi. Jopa paca yaputaetsi xua ichaxota werena painya neponaewi’, jan. ‘Taxainya weya panatsixibarucpare. Apra paxam peajuntacoyenebe jiwi pam, xua abe painya neexanaewi’, paca jei tsane.

²⁸ Barapoxonaē pataename xua Abraham, iru Isaac, iru Jacob, iru daxita Nacom peitorobi jume pepaebiwi xua ena Nacom pia peitorobi nacuatheicha. Ichitha paxam baxoteicha jopa pana naenaem tsane poxoru paca bebai tsane Nacom pia peitorobi nacua weya.

Daxota pawecoyam tsane anaya nantanuweya pana nawano tsaquibasinaename poxoru paca bebai tsane Nacom pia peitorobi nacua weya.

²⁹ Poxoru pinmonae patsina, Nacom pia peitorobi nacuatha penabanaenexa tsane. Ichamonae pomonae ichaxota xometo ecoina, barapomonaepiwi patsinano. Ichamonae pomonae ichaxota xometo jopeica, barapomonaepiwi patsinano. Ichamonae pomonae ena pocotsiwa bereca, barapomonaepiwi patsinano. Ichamonae pomonae pocotsiwa beweyabeicha ena, barapomonaepiwi patsinano.

³⁰ Pomonae xua anoxuae pepawi naexana pomonae jiwi jopa petsita ainya cui jiwichi po cae pin nacuathe barapomona Nacom pia peitorobi nacuatheicha peainya cui jiwi tsane. Pomonae xua anoxuae, pomonae jiwi petsita ainya cui jiwichi po cae pin nacuathe, barapomona Nacom pia peitorobi nacuatheicha jopa peainya cui jiwi tsane, jei Jesús.

*Meje yabara poxonae Jesús Jerusalén tomarapiwi siwa wecoyeichi
(Mt 23.37-39)*

³¹ Barapoxonae fariseo jiwana monae pata. Jesús tsipaebatsi. Jeichichi:

—Bewa warapaetsipame barapo tomara weya. Dota bepa Herodes cabexubei, jei.

³² Ichitha Jesús jume nota, jeje:

—Paponare painya netsipaebinxexa pon jiwi pemuxujainyabin, bapon Herodes. Pana nejume yopire pajande: ‘Taema anoxuae yawa baya tsane itawetsin caurimonae jiwi weya yawa axaibi exanaein peatenewi. Popobaya tsane wetsin’, jei pajande.

³³ Ichitha anoxuae yawa baya tsane nantawenonan xua bara beya Jerusalén tomara beya ponaein namtotha. Barapoxonae popobaya patopiyaein Jerusalén tomaratha. Jopa tana neitacupaexae xua tatupaewa tajua Jerusalén tomara pepuya beya ponxaein Nacom peitorobi jume tapaebin. Bewa tupaein Jerusalén tomaratha, jei Jesús fariseomonaetha.

³⁴ Bapoxonae Jesús yabara antathua wecoyei Jerusalén tomarapiwi. Jesús wecoyeya namchi, jeje: “¡Maisa Jerusalén tomarapiwi pam, pajutebeibame pomonae Nacom pia peitorobi jume pepaebiwi! ¡Mataatano paxam pajutebeibame ibotontha pomonae Nacom pacata itoroba! ¡Maisa bepac caetuaetuteibinchi, tapaca cayawenaewa tsainchi, icha wacara ichi poxonae nacoxi caetuaetuteta pecuarafetha! ¡Maisa bebarichocuaein tsane daichitha jopa paichichipaem!

³⁵ Incane pataema Nacom nacui baraxuba xua jopa painya nepaca caewatsiwa tsane. Daxota Nacom jopa poponaeyo pia pin pia botha tatsi painya tomaratha. Paca tsipaebatsi xua equeicha jopa pana netaem tsane, beya abua poxonae pana neyabara jam tsane: ‘¡Maisa bapon jiwi juntu coyene weiweina cana exanatsi, pon patopa Nacom peitorobixae, po Nacom jiwi Pecanamataxeinaeinchi!’ pana neyabara jam tsane”, jei Jesús fariseomonaetha.

14

Meje yabara poxonae Jesús axaibi exana pon perua putsuna

¹ Caentacabi pentaquei seicae matabitha Jesús pona fariseomona Nacom pia pentacaponae aewi tatsi jiwana pin pia botha tatsi penabanaenexa. Baxota fariseomona ichamonae Jesús amanayabiya tainchi pecui yaputaenexa tsainchi xua exana.

² Iru baxota pebin patopa ichaxota Jesús naeca. Barapo pebin pon perua putsuna.

³ Nexata Jesús yainyaba pomonae jiwi pecuidubiwi Moisés pia peitorobi coyene, yainyabano fariseomona Nacom, jeje:

—¿Bara Moisés pia peitorobi coyene jumewatha yabara copata jampa xua pon atene bara axaibi peexanaewatsi pentaquei seicae matabitha jampa? ¿Ichacuitha metha jopa yabara copatsiyo jampa? jei Jesús.

⁴ Ichitha barapomona Nacom moya umena. Bara Jesús jayaba pecobetha pontha pon atene, yawa axaibi exana, tsipaebano xua bara peponaenexa.

⁵ Jesús tsipaeba, barapo fariseomonaetha, jeje:

—Paxam panantawenoname xua panacuitame pentaquei seicae mataqueitha xua poxonae pajutsiname painya nexanto xua poxonae butecatzi iruba bueyno bara bequein pentaquei seicae matabitha, jei Jesús.

⁶ Barapomona Nacom jopa itacupaetsi xua Jesús pejume notsiwatsi.

Meje yabara poxonae Jesús yabara paeba pomonae pexaewa petsiwabiwichi penabanaenexa poxonae pebin piowa pita

⁷ Nexata Jesús tsipaeba barapomona Nacom pecayabara juta pepaebi diwesiyo pomonaetha pomonae xua pata penabanaenexa. Baxua tsipaeba poxonae tane xua barapomona Nacom nanta caeniya, copiya penabanaenexa. Jesús namchi barapomonaetha, jeje:

⁸ —Poxonae ichun cawaba jinya nenabanaenexa tsane, jopa nantacaecaeinde ichaxota enothopeiba pomonae peainya cui jiwi. Poxoru metha iruru patopaetsipa pon bichocono jiwi tsita ainya cuichi pon beyacaincha xam.

⁹ Pon xua cawaba, iru xua wabatsi pon jiwi tsita ainya cui naexanatsi, bapon cabarai tsipae: 'Incane nontaponde icha muxunenetha ecare. Cotacaya xaema. Ichaxota ecame, baxota ecaena pon jiwi tsita ainya cui naexanatsi', jei tsipae pon xua paca mata canabane. Nexata icha muxunenetha uranaya ecoundeatsipame.

¹⁰ Daxota poxonae cawaba nenabanaenexa, cotacaya ecareinca necajeinexa poxonae patopa pon paca mata canabane: 'Tajiton, icha muxunenetha ecare ichaxota xaiba pomonae jiwi tsita ainya cui naexanatsi', jei. Bapoxonae pomonae pata xua penabanaenexa barapomonae cayaitaena xua xam pon jiwi tsita ainya cui naexaname.

¹¹ Pon pia coutha peainya cui jiton naexana pejuntu coyenetha, Nacom exanaena xua bapon pecui pawi jiton naexanaena. Ichitha pon xua pepawi naexana pejuntu coyenetha Nacom exanaena xua bapon peainya cui jiton naexanaena, jei Jesús.

¹² Yawano Jesús barai pontha pon pexaewa petsiwabixaetsi, jeye:

—Poxonae pexaewa tsixaname yawano ichacuitha xua poxonae pin penabanaewa tsixaname, jopa wabinde jinya jiwimonae penabanaenexa. Iru jopa wabinde eweichomonae iru jinyamonae iru pomonae copei pexeinaewi. Poxoru barapomonae pentoma exanaetsipa xua xuya catsi wabichipa penabanaewa.

¹³ Jame maisa poxonae jiwi pexaewa tsixaname yawano ichacuitha pin penabanaewa tsixaname, wabare pomonae peacopeibi jiwi. Yawa wabare pomonae jopa peainya cui jiwi, iru pejayujayuwei jiwino, iru pomonae peitata nacatsi jiwino.

¹⁴ Bapoxonae juntu coyene weiweinaename. Barapomonae jopa itacupaetsi xua xuya necatsi wabiwa penabanaewa xua pentoma nexa. Ichitha Nacom cata exanaena pentoma poxonae jiwi asu exanaeinchi pomonae pejuntu coyene wunaewi, xuano xua exana pocotsiwa Nacom itoroba, jei Jesús.

Meje yabara poxonae Jesús cuiduba pecayabara juta pepaebi diwesiyo xua pin penabanaewa peexanaewa tsane

(Mt 22.1-10)

¹⁵ Poxonae baxua jume tane, pomonae xua xayena, barapomonae caein jiwana Jesús baraichichi, jeichichi:

—¡Pon xua nanabane Nacom pia peitorobi nacuatheicha tatsi, bapon bichocono juntu coyene weiweina! jeichichi Jesús bapon.

¹⁶ Nexata Jesús jume nota, jeye:

—Pebin pin penabanaewa tsixana jiwi. Barapo pebin itoroba ichan, xua pewabinexa ayei bicheito.

¹⁷ Poxonae barapo hora tsuxubi poxonae pexaewa nacui wanaeta, bapon itoroba pia petanacuichinchi xua pewabinexatsi pomonae bayatha wabatsi. Barapon namchi: 'Pajande jiwi: Antha pajojondena jei. Pexaewa weta jei, pajande', jei pon mata canabane.

¹⁸ Ichitha daxita barapomonae paeba xua pinae enatsi xua peexanaewa. Ichun namchi: 'Bayatha pabi comotan, tha canta matha taetsi. Nexata nejume yopire pinae jopa casebinde yaitama pinae jopa patopae tsane, jande', jei.

¹⁹ Ichun namchi: 'Canta diez poyobe comotan buey. Tha canta matha taetsi. Nexata nejume yopire pinae jopa casebinde yaitama pinae jopa patopae tsane, jande', jei.

²⁰ Ichun namchi: 'Canta anoxuaetha taseuri pitan. Nexata nejume yopire pinae jopa itacupaetsi xua pepatopaewa tsane, jande', jei.

²¹ Poxonae caibe nawiya pon penajume caitorobinchi bapon daxita baxua tsipaeba pia pecanamataxeinaeinchitha. Nexata pon pecanamataxeinaein caseba pomonaetha pomonae bequein pewabixae, xua jopa pepatsixae. Bapon barai pia petanacuichinchi, jeye: 'Nainya ponde tomara namtontha, yawa tsiqui namtoxitha tomara cuariya. Berene peacopeibiwi caponde, penabanaewi caponde, pejayujayujeimonae caponde, pomonae peitata nacatsi jiwi berene caponde', jei pon pecanamataxeinaein.

²² Pon petanacuichin pia pecanamataxeinaeinxaetsi, bapon pia pecanamataxeinaeinxaetsi barai: 'Tanecanamataxeinaein, xua neitorobame bayatha exanan, ichitha bomuxu jopa tutu canaupaxubiyu, jiwi yayatha', jei.

²³ Nexata bapon jume notatsi pia pecanamataxeinaeinchi: 'Equeicha nainya ponde tomara cuariya beya po namton pin namtontha, yawa tsiqui namtoxithano tomara cuariya. Baxota jume daunweya itorobare pomonae xua taneme xua pepatsinexa tabotha petutu canaupaxubinexa tsane.

²⁴ Catsipaebatsi, pomonae bequein waban ichitha jopa patsiyo, barapomonae jopa nabanae tsane tabotha', jei pon pecanamataxeinaein, jei Jesús.

Meje yabara poxonae Jesús paeba xua pinae bewa matha nacui barapentsi pia peexanaewan poxonae Jesús pepuna jinompaewa tsainchi

(Mt 10.37-38)

²⁵ Pin bicheitomonae Jesús puna poinchi. Jesús napatomeicha necota, namchi barapomonaetha, jeye:

²⁶ “Icha pebin ichichipa xua tajiwiwimonaе jiwanapin penaexanaewa tsane, bapon bewa yabara naitematsi pia peexanaewa. Bapon jame bewa neantobe tsane beyacaincha xua paxatha, beyacaincha xua penatha, beyacaincha xua piowatha, beyacaincha xua pia pexuitha, beyacaincha xua peweichowitha, beyacaincha xua pamchoxitha, yawano xua beyacaincha naantobe pia coutha, nexata bapon bara tajiwiwimonaepin. Ichitha icha jopa baxua exanaeyo xua bichocono nama tana neantobewa, bapon jopa tajiwiwimonaeyo.

²⁷ Matautano pon jopa awiya exana ducuaenaebiyayo pocotsiwa itoroban, tsipei jopa beperaxa exanaetsi icha be xua poxonae neichi nexata bapon jopa tajiwiwimonaepinyo.

²⁸ Poxonae pebin imoxoyo bo exana, po bo, pin bo, copiya matha nanta xeina xua bo yabara, copiya coichaxu ununa, icha jupa xua pecubaponaenexa pomonaе nacuita bo.

²⁹ Ichacuiharu saya naewa wetanota, poxoru coichaxu axu weraweraca. Daxota jopa yaputaeyo xua pewetsiwa. Ichamonae pata, barapomonaе bo taenota. Poxonae tane barapomonaе cui capona, bapon cui caponatsi.

³⁰ Barapomonaе namchi tsane, jei tsane: ‘Barapon tamropata pitaba bo xua acaba, ichitha jopa itacupaetsi xua pewetsiwa’, jei tsane”, jei Jesús.

³¹ Equeicha Jesús namchi: “Iruu pon jiwi itorobiya pia pepa peewatsinchi ichichipa xua jiwi naba exana ichun beya pontha pon iru jiwi itorobiya pepa peewatsin. Poxonae bapon baxua exana, copiya nanta xeina, najei tsane: ‘Jamaisa, saya beisa diez mil po soldadomonaе bicheitobe neyaewatacua, bapon netsi veinte mil po soldadomonaе bicheitobe yaewatatsi. Metha tamonaе jopa inta itacupaetsi xua peamanayabiwa barapo veinte mil bicheitha xua taxainya berena ponaena’, najei tsane.

³² Icha barapon jopa itacupaetsi xua peamanayabiwa, bapon najume caitorobina ichantha, poxonae cataunxuae taju eca, ichun pon icha nacuapiwi itorobiya pia pepa peewatsinchi xua petapaebinxua tsainchi xua jopa penabiwa tsane yabara, xua equeicha juntema pejinompaenexa.

³³ Icha bapon ichi pon jiwi itorobiya pia pepa peewatsinchi xua baraxuba xua nanta xeina, xua penabiwa tsane, barichi icha paxam jopa pabarapentsim daxita pocotsiwa paxeiname, jopa paca itacupaeyo xua tajiwiwimonaе painya nenaexanaewam”, jei Jesús.

Meje yabara poxonae Jesús diwesi yabara paeba xua bequein sare xoya pexaewatha ichitha awiya axaibi

(Mt 5.13; Mr 9.50)

³⁴ Equeicha Jesús jeye: “Sare beno, bara beno wanae. Ichitha icha barapo sare beno jopa abenataeyo, bapoxonae jopa peitacupaewatsi xua equeicha peabenataewa.

³⁵ Barapo sare jopa ira nexiyo tsipei naein jopa beta xuwa exanaetsi. Daxota barapo sare jiwi bewa xubi. Icha pamuxu dubename moya pana nejume naitaeware pocotsiwa tapaca tsipaebiwatsi”, jei Jesús.

15

Meje yabara poxonae Jesús paeba pecayabara jata pepaebi diwesiyo xua oveja pe-enaеin yabara xua poxonae pia oveja taeba

(Mt 18.10-14)

¹ Pomonaе paratixi pentoma noteibiwi, po paratixi jiwi bewa catsibina pon romanomonaе itorobiya pia pepa peewatsinchi nexa, iru pomonaе abe peexanae cuiru coyene peexaneibiwi daxita barapomonaе Jesús imoxoyo caquita umenarucupatsi xua Jesús pejume taenexatsi.

² Daxota fariseomonaе iruu pomonaе jiwi pecuidubiwi Moisés pia peitorobi coyene tatsi daxita barapomonaе Jesús abe yabara paebatsi. Barapomonaе namchi, jeye:

—Barapo pebin napona pomonaetha pomonaе abe peexanae cuiru coyene peexanaewi, yawa barapomonaetha nanabane, jei.

³ Tsipei Jesús yabara paebatsi barapomonaе, daxota nexata Jesús tsipaeba pecayabara jata pepaebi diwesiyo jeye:

⁴ “Jiton ba xeina oveja cien poyobe, caein tanapuxanatsi. Jiton wexotha cuenta pona noventa y nueve poyobe oveja pewenaweneinexa oveja pon beya matapainya taeba.

⁵ Poxonae jiton oveja taeba pon aichurucuae, juntu coyene weiweinaya bota peutucuratha.

⁶ Poxonae jiton oveja capatopa botha bapoxonae piamonaе waba pomonaе petaenaewichi pia botha, pia jiwi wabano, wabano pomonaе petsicuarabu enaewichi. Jiton daxita barapomonaetha barai, jeye: ‘Panebaru juntu coyene weiweinare tsipei oveja bayatha taeban pon bayatha inta aichurucuae’, jei bapon piamonaetha.

⁷ Xaniyan paca tsipaebatsi. Icha jiton ichi poxonae jũntũ coyene weiweina petaeibixae oveja, barichi pomonae peitaboco beicha ena. Baromonae bichocono jũntũ coyene weiweina poxonae ichũn Nacom tsita xeinatsi icha jũntũ coyene pon copiya penacui matacaetsin xua abe peexanae cuiru coyene exana. Barapomonae bapon yabara tox-einchiya jũntũ coyene weiweinatsi beyacaincha poxonae yabara jũntũ coyene weiweinatsi pomonae xua noventa y nueve poyobe jiwi pomonae xanepanaya peexanaewi, pomonae jopa Nacom pentichi”, jei Jesús.

Meje yabara poxonae Jesús paeba pecayabara jũta pepaebi diwesiyo xua yabũyo yabara xua poxonae taeba paratiyo

⁸ Equeicha Jesús paeba pecayabara jũta pepaebi diwesiyo, jeye: “Petsiriwa diez po paratiyobe xeina xua pecacomocae paratixi. Cae paratiyo taachurucuaetsi, daxota peicoicha coicha exana. Bo tutu camona bewayo, beya matapainya taeba.

⁹ Poxonae barapowa paratiyo taeba baropxonae pia jitowaxi waba, wabano powaxi petsicuarabũ enaewaxichi. Barapowa namchi barapowaxitha: ‘Pana nebarũ jũntũ coyene weiweinare poxoru bayatha taeban paratiyo, po paratiyo bayatha inta aichurucuae’, jei.

¹⁰ Paca tsipaebatsi barichi peitabocothicha Nacom pia matatsunpiwimonae tatsi bichocono jũntũ coyene weiweina poxonae ichũn Nacom tsita xeinatsi icha jũntũ coyene pon copiya penacui matacaetsin xua abe peexanae cuiru coyene peexanaein”, jei Jesús.

Meje yabara poxonae Jesús paeba pecayabara jũta pepaebi diwesiyo xua pebin yabara pon pexanto cayabara cui jũntemaina xua abe exana

¹¹ Barichi equeicha Jesús paeba icha pecayabara jũta pepaebi diwesiyo, jeye: “Jiton xeina pexantobe.

¹² Pon xuyapin paxa barai: ‘Axa, necare xua necopiniwa tsane pocotsiwa xua pana nejũntana jebame bequein cataunxuae poponame’, jei xuyapin. Nexata barapo jumetha coxiyan pexantobe tsata catabe.

¹³ Pirapaeyo xuyapin piawa caenaeta xua paxa catatsi. Barapo paratixi cuntha taju beya pona icha nacua beya. Icha nacuaatha abe exana. Barapo paratixi cobe caewitatsi xua nasi cui matacaeta yabũxitha.

¹⁴ Poxonae bapon daxita paratixi wetaxuba, irũrũ mayayo tsuxubirũ barapo nacuaatha, barapon muxu piyain petapae.

¹⁵ Nexata bapon jeita penacuichiwa ichũntha xua barapo nacuaatha. Bara barapon itorobatsi xua petayapu eenaenexa marranomona.

¹⁶ Bapon piyain ichichipa xane marranomona pexunenowa xua petsebocoton, tsipei bapon jopa catichi pexaewa.

¹⁷ Nexata bapon pia coutha nanta xeinanaya najei: ‘¡Maisa taxa pia petanacuichiwichi tatsi pexaewa ajainbe, tonsana nawita! Nama xota ecanje tain muxu tatupae.

¹⁸ Tha tacoyo beya nawiyaetsi ichaxota taxa popona. Metha jan tsane: Axa, Nacom tsita abe exanan, yawa catsita abe exanatsino.

¹⁹ Daxota equeicha jopa be taxanto, nejam. Nenatsicotaema be jinya necata nacuichiwi jiwanan, jan tsane’, najei barapo xuyapin.

²⁰ Nexata bapon paxa beya caibe nawiya.

“Poxonae cataunxuae taju jiniya, paxa taebiyatsi, coxiyan pexanto yabara nantanuweya cui nanta xeina. Coxiiyan pexanto matenta cuinaepoinya. Nexata pexanto cobe jayaba. Jũntũ coyene weiweinaya pexanto naisa cateita waetaba peantobexae.

²¹ Nexata barapo xuyapinxae paxa barai: ‘Axa, Nacom abe tsita exanan, yawa abe catsita exanatsino. Daxota equeicha jopa be taxanto nejam. Nenatsicotaema be jinya necata nacuichiwi jiwanan’, jei barapo xuyapin.

²² Ichitha coxiyan barapo jumetha barai pia petanacuichiwichi: ‘Nainya papire pexeiya paparuwa pamaxatare taxanto. Yawa anillo pacobesi xatare. Yawa pataxu xatare xua penataxu xatatsiwa.

²³ Vacayo pebtiyo poyo nasiteca pacarenande. Pabexore. ¡Bũ xainchi!

²⁴ Poxoru barapo taxanto mexeya nacata tũpawejan, ichitha anoxuae asũ. Bayatha nacata aichawiya, anoxuae matapainya netsita patopa’, jei coxiyan. Nexata baropxonae tamropata notarũcũpa xua weiweina poxonae xane”, jei Jesús.

²⁵ Equeicha Jesús namchi, jeye: “Irũrũ pin penabanaewa exanompa, irũrũ matapin pabitha popona. Poxonae bo benawirena busi taeba xua busi tanbaba yawa jume tane xua juinya nawiraba.

²⁶ Nexata barapon pon matapinxae waba caein pomonae penacuichiwi. Yainyaba, jeye: ‘¿Eta xua juinya busi exanompa?’ jei.

²⁷ Nexata barapon pon penacuichiwi jiwana jume nota. Jeye: 'Apara poxoru neyapin patopa. Axa pana itoroba bepa pinae pabexubin vaca pebtiyo poyo nasiteca, poxoru pinae neyapin xanepanaya asuya pepatopaexae', jei.

²⁸ Ichitha barapon pon matapinxae barapo jumetha anaepana. Jopa bejoniyaeyo botha. Coxian pesato bejoniya, pexanto jume daunweya waba: 'Owae, antha, antha jonarena', jei coxian.

²⁹ Nexata barapo coxian pexanto jume notatsi: 'Bara xam caena bayatha yaputaneme xua ainya wei cata nacuitatsi yawa jopa cajumefebichi. Ichitha bapana jopa necatsim peweinyo cabritiyo, tajiwiwmonae tabaru nabanaenexa.

³⁰ Ichitha barapo nexanto anoxuae cata patopa, xua jinya paratixi caewitaxuba xua penasi cui matacaetsiwa yabuxitha. Xam penacuichiwi itorobame xua vacayo pebtiyo bexubina poyo nasiteca tayapin nexa', jei barapon pon matapinxae.

³¹ 'Nexata coxian jume nota pexanto: 'Owae, apara xam cabaru poponeibatsi. Daxita pocotsiwan xeinan, apara bara jinyawa.

³² Ichitha anoxuae wnae nawita xua pin penabanaewa, yawa juntu coyene weiweinaeinchi poxoru barapo neyapin, pon xua mexeya nacata tapawejan, anoxuae asu popona. Caena bayatha nacata aichurucuae, yawa anoxuae matapainya naca tsita patopa', jei coxian poxonae pexanto tsipaeba", jei Jesús.

16

Meje yabara poxonae Jesús paeba pecayabara juta pepaebi diwesiyo xua pebin yabara pon jopa xanepanaya peyapucaeaein bo

¹ Equeicha Jesús tsipaeba pijimonae pecayabara juta pepaebi diwesiyo. Jesús jeye: "Matha iru pebin popona pon copei pexeinaein. Bapon xeina pon bo petayapucaeaeinchi. Bapon pon copei pexeinaein tsipaebatsi ichamonaе xua pinae pon bo petayapucaeaeinx-aetsi jopa pinae xapain exanaeyo, saya pinae abe exana, jei ichamonaе.

² Nexata bo pexeinaein pon copei pexeinaeinxae, bapon waba pia petayapucaeaeinchi bo. Bapon barai pontha pon bo petayapucaeaeinchi, jeye: '¿Jame ichamonaе jume tan xua pinae inta abe exaname xua tawan? Incane tha taetsi xua po paperantha tinadubame pocotsiwa inta caenaetame, xuano xua inta comocame. Tsipei jopa becaexanaetsi equeicha xua inta yapucaecame daxita tawan', jei.

³ Nexata pon bo peyapucaeaeinxae nacui yabara nanta xeina pia coutha, nabarai: '¿Eta pocotsiwa exanocuaein anoxuae tsipei nama pon tanecanamataxeinaein imoxoyo necopata xua bapoxonaе jopa taxainaewa tsane pocotsiwa taexanaewa? Jopa nebusi coxonaeyo xua naein tauncatsiwa pabitha. Auran tsipae xua saya amanaya i tawuqueibiwa paratixi.

⁴ Jaina, bara yaputan xua po coyeneya exanaein poxonaе tanecanamataxeinaein necopatsina, xua poxonaе jopa xeinaein tsane tanacuichiwa xua ichamonaе tanententa wabebinexa pia botha', jei.

⁵ Nexata bapon pon bo petayapucaeaein daxita tamropatsiya wawabapona pomonaе pia pecanamataxeinaeinchi petantoma amanayabixaetsi. Bapon matha yainyaba pontha pon copiya patopa jeye: '¿Eta xoyobe matoma amanayabame xua jopa cataunxuae catsim pontha pon tanecanamataxeinaein?' jei.

⁶ Bapon jume nota, pon bo peyapucaeaein, jume notatsi, jeye: 'Cien po penasi mera bosibube xua pin bosixiban tha baxua catichi, ichitha cataunxuae jopa baxota matomatsinyo barapo penasi mera bosiban', jei. Pon bo petayapucaeaein xuya jume nota: 'Taema xote xeinanje jinya papera xua tinadutame, cien po nasi bosixiban, jam, xua bexa matomatsiname. Xote nainya ecounteinque barapo itaneto tsitsinaxore, icha pena netinadutsiwa tinadure xua saya ochenta po sacube, jande', jei pon bo petayapucaeaein.

⁷ Bapoxonaе equeicha ichantha yainyaba: 'Incane iru xamdu, ¿eta xoyobe tanecanamataxeinaein taacobichi xua catsiname bapon?' jei. Bapon jume nota, pon bo petayapucaeaein jume notatsi, jeye: 'Tha catichi cien po sacube aro sacun', jei bapon. Nexata pon bo petayapucaeaein xuya jume nota: 'Taema xote xeinanje jinya papera xua bayatha tinadutame xua cien po sacube, jam, xua bexa matomatsiname pontha pon tanecanamataxeinaeintha. Xote nainya ecounteinque barapo itaneto tsitsinaxore, icha pena netinadutsiwa tinadure xua saya ochenta po sacube, jande', jei pon bo petayapucaeaein.

⁸ Ichitha bo pexeinaein yabara paeba pon bo petayapucaeaeinchi xua pinae bequein bara bapon abe taexana ichitha yaputane xua pocotsiwa pia coutha nayawena xua poxonaе pia jiwimonaе peexanaewa. Daxota paca tsipaebatsi pomonaе anoxuae jinompa

barapo cae pin nacuathe, pomonae jopa penejume cowantsiwi nama barichi. Barapomonae yabara najuntũ coyene wunaeta xua po coyene cae jiwimonae penaexanaewa xua daxota cae jiwimonae nantiya penayaweneibinexa. Baxua barapomonae exana beyacaincha pomonae Nacom pejume cowantsiwi.

⁹ “Paca tsipaebatsi ichamonae pacatsibeibare paratixi xua painya jiwi painya neexaneibinexa po paratixi xeina pomonae barapo cae pin nacuathepiwi pomonae abe peexanaewi. Bapoxonae poxonae jopa paxeinaem tsane paratixi pomonae bayatha payawename barapomonae paca matenta weiweinaya wabina po bontha xua ataya tsitecaeya pajinompaename.

¹⁰ “Pon xua xanepanaya yapucaeca xua poxonae peya penacuichiwiyo, barichi beta yapucaeca xua poxonae pin penacuichiwa. Pon naerabiya exana poxonae peya penacuichiwiyo, barichi naerabiya exanaena xua poxonae pin penacuichiwa.

¹¹ Icha paxam jopa xanepanaya patayapuenam xua paratixi xua barapo cae pin nacuathe nexa, Nacom jopa paca itorobiyo xua patayapuenaname xua bapon pia pexainya pexeinaewa tatsi.

¹² Icha jopa xanepanaya payapucaecaem ichun piawa, metha nexata jopa paca catsipae xua painyawa nexa tsane painya neyapucaenaewamxae.

¹³ “Jiton dapon aibi pon xeina ainya pia pecanamataxeinaeinchibe tatsi xua pon beta tanacuita barapo pia ainya pecanamataxeinaeinchibe tatsi. Tsipei barapo petanacuichin meisa antobeya taexana caeintha pon pia pecanamataxeinaeinchi poxonae itorobatsi. Icha pia pecanamataxeinaeinchi jopa taraichiyo. Cae pia pecanamataxeinaeinchi xanepanaya taexana. Icha pia pecanamataxeinaeinchi abeya taexana. Barichi jiton pon bichocono antobe Nacom, jopa itacupaetsi xua bichocono peantobewa paratixi poxonae yawa bichocono antobetsi Nacom”, jei Jesús.

¹⁴ Ichitha fariseomonae pomonae xua bichocono antobe nawita paratixi, barapomonae baraxua Jesús jume tayenatsi, yawa Jesús cui caponatsi.

¹⁵ Nexata Jesús fariseomonae baraichi, jeye: “Paxam barapomonae pam, xua ichamonae paca yabara nanta xeina xua rejuntũ coyene xanepanae jiwi pam. Ichitha Nacom paca juntũ coyene yaputane xua peajuntũcoyenebe jiwi pam. Xua pocotsiwan jiwi bichocono tsita ainya cuichi, baxuan Nacom bichocono tsita abetsi”, jei Jesús.

Meje yabara poxonae Jesús diwesi yabara paeba Moisés pia peitorobi coyene tatsi, yawa po coyene Nacom waba jiwi petanaexanaenexatsi pijimonae pomonae itorobiya pecanamataxeinaexae

¹⁶ Equeicha Jesús namchi, jeye: “Caena bayatha jiwi xeina Moisés pia peitorobi coyenewa tatsi, yawano xua pomonae Nacom peitorobi jume pepaebiwi pia pecuidubiwa tatsi, beya Juan patopa. Barapoxonae caena poxonae Juan popona pon jiwi Pebautisabin, jiwi paebinouta po coyene Nacom xua waba jiwi petanaexanaenexatsi pijimonae tatsi pomonae itorobiya peewatsixae. Jiwi bewa yabara najuntũ coyene sibi awiya xua pepatsinexa Nacom pia peitorobi nacua beicha tatsi.

¹⁷ “Yapu xanepana xua itaboco yawa ira peweraweracaewa. Nama Nacom peitorobi jume ajumeyapusũ bapana jopa peweraweracaewa bequein bara cae peitorobi coyene”, jei Jesús.

Meje yabara poxonae Jesús cuiduba xua jiwi piseurixi pepuna penteibiyainwa (Mt 19.1-12; Mr 10.1-12)

¹⁸ Equeicha Jesús namchi, jeye: “Pon punaxuba piowa yawa ichowa pichapa, bapon abe exana piseuritha yawa Nacom peitatha tatsi, tsipei Nacom tsitatsi xua powa copiya baru popona apara bara piowa tatsi. Barichi pon pita petsiriwa powa pepunaxubixae piseuri, bapon barichi pia coutha abe natsiexana, tsipei Nacom ichowa yabara nanta xeina xua bapowa cataunxuae pia pebin xeina bequein bara punaxuba”, jei Jesús.

Meje yabara poxonae Jesús diwesi yabara paeba xua pon copei pexeinaein irũ ichun pon Lázaro

¹⁹ Equeicha Jesús tsipaeba icha diwesi, jeye: “Matha irũ barichi pebin pon copei pexeinaein. Pexeinya paparuwa xua pena paparuwa nama xatabapona. Matauta daxita matacabi peitupanae nabanaewa exaneiba.

²⁰ Irũ ichun pebin popona, pon pewun Lázaro pon peacopeibin. Bapon Lázaro wan nawita xeina peparutotha. Bapon iratha eca pon copei pexeinaein pia bo boupatha weya tatsi.

²¹ Xua pon copei pexeinaein pia pexaethopaewatha taothopeicatsi pexaewa pepurawan, baraxua Lázaro ichichipa xaiba. Yawa aurimonae pata xua Lázaro pewan daebinxatsi.

²² Icha matacabitha Lázaro tupa. Matatsunpiwi Lázaro jumope pitatsi. Jumope capoinchi ichaxota Abraham popona athabeicha. Iruru pon copei pexeinaein tupa, yawa muthutha xotsi.

²³ “Pon copei pexeinaein patopa ichaxota pateiba pomonae pewerapebiwi barapo petupae cuiru coyene nacuath. Bapon bichocono atene. Bapon athabeicha necoicha. Bapoxonae Abraham taju taebiyatsi asiyeicha, yawa xua Lázaro baru equiyatsi.

²⁴ Pon copei pexeinaein wawai: ‘Tamo susato jiwanam, Abraham, necui yabara nanta xeinare. Inta Lázaro itorobinca taneebato memeinyatsinexa meratha poxoru bichocono netaxua po isotothe uncuan’, jei.

²⁵ Ichitha Abraham jume nota: ‘Tamonaе susato jiwanam, nanta xeinatabare xua caena bayatha poxonae cataunxuae asu poponame, xeiname xua acabem xua pocotsiwan ichichipame xua nexainaewa. Xanepanaya poponame. Ichitha nama Lázaro jopa daichiyo poxonae cataunxuae asu popona. Jopa xanepanaya poponaeyo. Xote bapon wunae yabara nantanuweya cananta xeinatsi xua peyawenaenexatsi. Ichitha nama xam jopa caraichiyo. Bichocono caperu weyawa.

²⁶ Yawa pin pitapatororo naca yacaincha ducua. Daxota pomonae ichichipa bara bedunareca taxainya wereca jopa itacupaetsi xua bara beparecaena nexainya bereca. Iru pomonae nexainya weruneca jopa itacupaetsi xua taxainya betsina pepatsinaenexa’, jei.

²⁷ “Nexata pon copei pexeinaein jume nota: ‘Nexata tamo susatopim sawucatsi inta Lázaro itorobare taxa pia bo beya.

²⁸ Baxota xeinan cinco poyobe tayapin jiwi. Abraham Lázarotha najume carure xua bu tayapin jiwi jopa pepatsinexaru tsane ichaxota uncuan xua bichocono atenein’, jei.

²⁹ Ichitha Abraham jume nota: ‘Apara neyapin jiwi xeina Moisés pia peitorobi coyene tatsi, yawa Nacom peitorobi jume pepaebiwi pia penacuidubiwan tatsi. Bu barapomonae exana pocotsiwa baraxua pejume coya’, jei Abraham.

³⁰ Pon copei pexeinaein jume nota: ‘Aa, tamo susato jitom, Abraham, ichitha icha petupaewi jiwana caein siwa ponaena barapomonae beya, barapomonae jume cowantsina yawa icha juntu coyene pexeinaenexa tsane Nacomtha’, jei.

³¹ Ichitha Abraham jume nota: ‘Icha barapomonae jopa exanaeyo xua peexanaewa pocotsiwa Moisés pia peitorobi coyene tatsi itoroba, xuano xua Nacom peitorobi jume pepaebiwi pia pecuidubiwan tatsi, barapomonae jopa jume cowantsipae bara bequein Nacom taitorobichipa xua jiwana caein pomonae petupaewi’, jei Abraham”, jei Jesús.

17

Meje yabara poxonae Jesús paeba xua jiton jopa bewa cana exanae ichantha xua iru abe peexanaewa tsane

(Mt 18.6-7, 21-22; Mr 9.42)

¹ Jesús namchi pijimonaetha, jeye: “Barapo nacuathepiwi ataya xeineiba po jiwi pecana exanaexaetsi xua ichamonae cana exana xua barapo jiwi abe peexanae cuiru coyene peexaneibinexa xua daxota jopa nejume cowanteibiyo. Ichitha pebin tsocuae xua bapon cana exana, xua ichun cana exanatsi, xua ichun abe peexanaewa tsane.

² Metha jame wunae tsipae xua barapo pebin pin iboto wisi catsipatsi pin mar mentha barapo iboto cayawa cabutabachipatsino. Tsipei jopa wunae tsipae xua bapon cana exana xua ichamonae abe peexanae xuuru coyene exana pomonae cataunxuae aena nejume cowanta.

³ ¡Dota pam, xua jopa bara paichim tsane!

“Icha ichun pon iru pejume cowantsindu, icha bapon pacata abe exana, bapon baxua yabara patsipaebare. Icha icha juntu coyene paca tsita xeinaena peauraxae xua pacata exana, bapoxonae pacui yabara junteinare pocotsiwa bapon pacata exana.

⁴ Bequein bara bapon abe pacata exana, siete po cuiyobe xua cae matacabitha, yawa paca tsipaeba siete po jumeyobe, bapon jeye: ‘Maisa auran tsocuae xua abe pacata exanatsi, equeicha jopa pacata abe exanae tsainchi’, jei pon abe exana. Daxota paca jeichi xua nantawenona peyabara junteinaewa baxua xua po coyene bapon pacata abe exana”, jei Jesús.

Meje yabara poxonae Jesús yabara paeba xua pin pejume cowantsi coyenewa

⁵ Jesús pon Pecanamataxeinaein jiwi, equeicha pia peitorobiwi baraichi, jeye:

—Pana cana exande xua bichocono pata jume cowantsiwa beyacaincha xua anoxuae, jei barapomonae.

⁶ Nexata Jesús pia peitorobiwi jume nota, jeye:

—Icha paxeinaetsipame xua be peya pejume cowantsi coyenewiyo xua bequein icha mostaza xutiyo juta ichi xua tsica xutiyo ichitha bara paca itacupa xua naewatha painya

nejeiwa: 'Ee, naewa jinya coutha nataba jonde yawa pin mar mene beya equeicha uncuare', painya nejeiwa. Bapoxonae barapo nae jopa bayatha tsipae poxonae pajam tsipae baxua, jei Jesús.

Meje yabara poxonae Jesús paeba xua pocotsiwa jiwi bewa exanae pocotsiwa pentacaponaein itoroba

⁷ Equeicha Jesús namchi, jeye: "Metha ba paxam jiwana caein xeina pia petanacuichinchi pon penacuichin bapon ira cacobauya, matauta vaca yapu capopona. Bapoxonae bapon pon penacuichin wexua wenawirena, bo benawirena. Pon paxam jiwana caein metha bapon jopa jei tsipae: 'Anetha, jondena matha xaema', jopa jei tsipae bapon.

⁸ Jame bapon jei tsipae: 'Pexaewa netsiupain exanare. Inta carena tsaibinde pexaewa pexaethopaewatha poxonae xunaecan. Bapoxonae cotacaya bexa nabanare', jei tsipae pon paxam jiwana.

⁹ Pon penacuichin jopa jei tsipaetsi: 'Jaco xua taneyawenaewam', jopa jei tsipae pon paxam jiwana. Tsipei saya taexanatsi xua bapon peitorobixae.

¹⁰ Icha pon petanacuichin ichi xua taexana peitorobixaetsi pia pentacaponaein, paxam bara juta paichinde. Poxonae pawetame pocotsiwa Nacom paca itoroba, pajande: 'Paxan pata nebusi cui tataewimonae pan xuano pata pecui pawi pan, tsipei saya paexanan xua pocotsiwa bewa paexanaein', pajande", jei Jesús.

Meje yabara poxonae Jesús axaibi exana diez poyobe pebiwi, pomonae peperu sawichimonae

¹¹ Poxonae Jesús cataunxuae ecapona Jerusalén tomara beya nexa, Samaria nacua iya pona yawa Galilea nacua iya pona.

¹² Poxonae Jesús tsica tomariyotha patopa, diez poyobe pebiwi pata Jesús pia xantha tatsi. Barapo diez poyobe peperu sawichimonae, ichitha barapomonae Jesús taju wetaeumendenatsi.

¹³ Barapomonae wawai, jeye:

—Jesús, pon Patatanecuidubim, pana neyabara najantu coyene xeinare jinya pata tana newawenaenexam, jei barapo peperu sawichimonae.

¹⁴ Poxonae Jesús tane barapomonae, Jesús barai, jeye:

—Paponare sacerdotemonaetha painya nepaca cataenexa, jei Jesús.

Poxonae cataunxuae namtotha enapona, bapoxonae barapomonae peru jume tsarucupae xua peperu sawiwatsi barapomonae.

¹⁵ Barapo diez poyobe jiwana caein, poxonae bapon taeba xua axaibi tsarucupae, bapoxonae Jesús beya pona, xua caibeya pona, yawa jume daunweya Nacom wanae jaintatsi.

¹⁶ Barapon pentabocototha uncua Jesús peitabaratha tatsi. Yawa irabe taeuncuareca xua Jesús pejacobinexatsi. Barapo pebin apara pon seicaya Samaria nacupin.

¹⁷ Nexata Jesús namchi, jeye:

—¿Diez poyobe itara axaibi exanan? ¿Incane dapo nueve poyobe jane?

¹⁸ Bapon apara penanapaincha jinompaewi jiwana pin. Yawa cou compa caiberena pia wanae jainchichi Nacom, jei Jesús.

¹⁹ Nexata Jesús equeicha pebin baraichi, jeye:

—Nontaponde pondeno, bayatha axaibim tana neyabara jume cowantsixaemxae xua bara tana neitacupaewa xua axaibi tacaexanaewatsi, jei Jesús.

Meje yabara poxonae Jesús yabara paeba po coyene xua poxonae Nacom itorobiya ewatsina jiwi

(Mt 24.23-28, 36-41)

²⁰ Fariseomonae Jesús yainyabatsi namchi, jeye:

—¿Eta poxonae Nacom itorobina pon peitapetsinxae pata tanecapanenebiwa exanaenexa, xuano xua itorobiya pata taneewatsiwa? jeichichi barapomonae Jesús.

Jesús jume nota, jeye:

—Poxonae Nacom itorobiya ewatsina jiwi, barapo coyene jiwi jopa itacupaetsi xua petaewa baxua.

²¹ Daxota jiwi jopa jei tsane: 'Baraxote bayatha patope', jopa jei tsane. Matautano jopa jei tsane 'Xoteiche bayatha patope', jopa jei tsane. Tsipei apara po coyene xua Nacom itorobiya ewatsina jiwi barapo coyene patopa jiwitha. Daxota Nacom juntu coyene itorobiya ewatsina jiwi pomonae pejume cowantsiwixaetsi Nacom, jei Jesús.

²² Nexata Jesús barai pijimonae, jeye:

—Matacabin othopaena po matacabintha poxonae paichichipame xua painya tana netaewam xua ponxaein Nacom Tananeitapetsin xuano xua muxuna bepataebenaename

caentacabi xua barapo matababin jiwana. Dapo jumetha jopa painya nepaca itacapaewa tsane xua painya tana netaewam tsane xuano xua caentacabi xua barapo matababin jiwana.

²³ Ichamonae paca jei tsane: 'Baraxote bayatha patopa bapon', paca jei tsane. Ichacuitha paca jei tsane: 'Baraxoteicha bayatha patopa bapon', paca jei tsane, ichitha jopa paponaeinde bara beya yawa jopa pajume cowantsinde.

²⁴ Icha yamuxu ichi xua jemeicha yacoicha uncueica, xua coicha nayotaxuba itabocototha, barichi tsane po matababitha poxonae patopeicaein ponxaein Nacom Tananeitapetsin.

²⁵ Ichitha copiya nantawenona xua neperaxa jubina ichamonae. Yawa neitawetsinano pomonae xua anoxuae jinompa.

²⁶ Icha matha ichi poxonae Noé caena bayatha popona jiji jopa tsaqueinaeyo xua Nacom pin awabo exanaena methaunxuae. Saya barompaya icha juntu cuitha jinompa daxota jiji werapa. Barichi juta ichi tsane poxonae patopeicaein barapo cae pin nacuathe xua ponxaein Nacom Tananeitapetsin. Poxonae patopeicaein jiji jopa tsaqueinae tsane xua Nacom werapa exanaena barapo jiji pomonae jopa pejume cowantsiyoxaesi.

²⁷ Pomonae jinompa poxonae Noé popona, barapomonae juntema nabaneiba, yawa apeiba, yawa apeiba yawa jiwitha jijinapona yawa pexantixi jitha dodoubapona, beya yantacabi othopa poxonae po matababitha Noé pin jera naetha joniya. Vapoxonae pin ema mu jopa. Daxita Noé wepu bunothopatsi pomonae jinompa poxonae Noé popona.

²⁸ Barichiru jiji pocotsiwa ichamonae exana poxonae ichun pebin popona pon pewun Lot. Barapomonae nabaneiba, yawa apeiba, yawa comaqueiba, yawa caenaeteiba, yawa pexaewa ubeiba, yawa bomuxun acabeiba.

²⁹ Poxonae bapon Lot Sodoma tomara wenaetabiya, barapoxonae iso itere mu, mu othopeica tomaratha, yawa pocotsiwa be ibo puru baxua itaboco weothopeicano xua bichocono atou. Daxita Sodoma tomarapiwi werapa.

³⁰ Icha Sodoma tomaratha ichi xua jemeicha iso itere mu, mu othopeica yawa xua jemeicha ibo puru itaboco weothopeica, bara juta ichin tsane jemeicha patopeicaein ponxaein Nacom Tananeitapetsin poxonae jiji tsita naitutsin.

³¹ "Barapo matababitha icha ichun bo matatupatha uncua, barapon jopa bewa botha joniya tsane xua penotsiwa tsane pocotsiwa tabobeinchi bomuxu tututha. Iru pon pabitha popona jopa bewa caibeya ponae tsane botha, saya jame nainya benaetsiricuaena.

³² Pacui yabara nanta xeinare Lot piseuri tatsi xua tupa poxonae jopa nainya naetsiricuaeyo piawan caibe pesiwa necoyaexae.

³³ Pon naantobeya nata exana pocotsiwa bapon ichichipa, bapon jopa xeinaeyo peajuntuyarusuwa po peajuntuyarusuwa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan bapon xeinaena peajuntuyarusuwa, po peajuntuyarusuwa ataya tsiteca xua Nacom pia nacua beicha.

³⁴ "Paca tsipaebatsi po mataqueitha patopaein, ainya pebinbe ponbe xua nanta juraya maitecabe, caein matatsunpin pichina, pon pejume cowantsixae Nacom. Ichun saya cuenta ponaeinchi jopa pejume cowantsiyoxae Nacom.

³⁵ Iruu ainya yabuyobe nacuara yacatoyorobauyaenabe, ichowa matatsunpin pichina pejume cowantsixae Nacom. Ichowa saya cuenta ponaeinchi jopa pejume cowantsixae Nacom.

³⁶ Iruu ainya pebinbe nacuara nacuitauyaenabe pabitha, ichun matatsunpin pichina, ichun saya cuenta ponaeinchi", jei Jesús.

—Poxonae baxua Jesús pijimonae jume tainchi, Jesús yainyabatsi jeichichi, jeye:

—Pata Tanecanamataxeinaem, ¿exota metha baxua exanaena? jeichichi pijimonae.

Jesús pijimonae jume nota pecayabara juta pepaebi diwesiyotha, jeye:

—Quequeremonae ba nacaetuta ichaxota baurin boca. Bara juta paichim tsane paxam pomonae tana nejume cowantsi jiji pam pana newunae ewatsiname po mataqueitha patopeicaein, barapo mataqueitha panacaetutsiname, jei Jesús.

18

Meje yabara poxonae Jesús paeba pecayabara juta pepaebi diwesiyu xua yabuyu yabara powa pecuenta tupaewayotsi piseuri xua iru pon jiji peyabara paebin xua penatsicuentisiwa xua abe peexanaexae

¹ Jesús pijimonae tsipaeba pecayabara juta pepaebi diwesiyu xua pecuidubinxea, jeye: "Paxam daxita matababi bewa pawaqueibim Nacom. Painya xoba paajuntucoyenefaetabim tsaimb poxonae pawaqueibame", jei Jesús.

² Equeicha Jesús pijimonaē barai, jeye: “Matha irurū tomaratha pōpōna pon jiwi peyabara paebin xua penatsicuentisiwa xua abe peexanaexae. Bapon jōpa Nacom cunuwichi. Yawa bapon jōpa beta yabara nanta xeinaeyo jiwitha xua peyawenaenexa.

³ Barapo tomaratha irurū pōpōna petsiriwa, powa pecuenta tupaewayotsi piseuri. Barapowa siwa poneiba pontha pon jiwi peyabara paebin xua penatsicuentisiwa xua abe peexanaexae. Barapowa jei tsaibi bapontha: ‘Neyawende, ichun inta abe exana’, jei tsaibi.

⁴ Pon jiwi peyabara paebin xua penatsicuentisiwa xua abe peexanaexae bapon ainya matacabin juntucuru jōpa beexaneibiyo pocotsiwa barapowa waqueiba. Ichitha bapon matapainya nanta xeina. Najei: ‘Xan apara jōpa Nacom cunuwinyo. Matauta jōpa beta tayabara nanta xeineibin jiwi xua tayawenaenexa.

⁵ Ichitha barapo pecuenta tupaewayotsi piseuri matowa nefayacota daxota neamuxu-faetabi exana. Metha moya barapowa yawenaēin, xua equeicha barapowa jōpa penesiwa ponaenexa, tsipei bichocono amuxufaetabin’, najei pon jiwi peyabara paebin xua penatsicuentisiwa xua abe peexanaexae”, jei Jesús.

⁶ Jesús pon Pecanamataxeinaēin jiwi equeicha namchi, jeye: “Baxua apara pocotsiwa paeba pon jiwi peyabara paebin xua penatsicuentisiwa xua abe peexanaexae xuano pon jōpa beta yabara nanta xeinaeyo jiwitha xua peyawenaenexa. Pajume naitaeware pocotsiwa bapon paeba.

⁷ ¿Eta xua metha pananta xeiname? ¿Metha bara Nacom came bayatha tsaibi pōxonae jiwi yaweneibatsi pōmonae xua pewaqueibixaetsi? ¡Jume, apara! Nacom nainya jiwi yaweneiba pōxonae barapo jiwi abe exaneibatsi ichamonaē, beyacaincha xua barapowa yawenatsi. Jame yatsicaewa Nacom yaweneiba pōmonaetha pōmonae peitapetsixae pewaqueibixaetsi merawitha yawa mataqueithano.

⁸ Paca tsipaebatsi xua Nacom jōpa bayatha tsaibiyo xua peyaweneibinexa pōmonae nejume cowanta. Xan ponxaein Nacom Tananeitapetsin pōxonae patopeicaēin, ¿metha bara pin bicheito taeyopeicaēin jampa, pōmonae xua xanepanaya beta tana nejume cowantsiya jinompawei pōmonae Nacom pewaqueibiwichi?” jei Jesús pijimonaetha.

Meje yabara pōxonae Jesús paeba pecayabara jūta pepaebi diwesiyo yabara xua fariseomonaē irurū pon paratixi matoma penoteibin

⁹ Jesús icha pecayabara jūta pepaebi diwesiyo tsipaeba pōmonaetha pōmonae jiwi peaebiwi pōmonae xua nayabara nanta xeina xua pinae beta jume cowanta xua pinae ichamonaē jōpa daichiyo.

¹⁰ Jesús namchi, jeye: “Igurū ainya pebinbe Nacom pin pia bo beya ponabe, xua baxotiya pewucaenexabe Nacom. Ichun fariseomonaēpin, ichun bapon jiwana pōmonae paratixi pentoma notebiwi po paratixi jiwi bewa catsibina pon romanomonaē itorobiya pia pepa peewatsinchi nexa.

¹¹ Fariseomonaēpin nantacotuncua yawa pentathotha wuca Nacomtha. Pōxonae tsipaeba Nacom, jeye: ‘Nacom meisa xam nejuntu coyene xanepanaēin. Juntu coyene weiweinan xua tana neyawenaewam tsipei xan jōpa be ichamonaēinyo pōmonae xua jiwi pecaibiwi, yawa xua peabewi, xuano xua penasi cui matacaetsiwi yabuxitha. Matautano xan jōpa dapomonaē jiwanaeyo pōmonae xua paratixi pentoma notebiwi po paratixi jiwi bewa catsibina pon romanomonaē itorobiya pia pepa peewatsinchi nexa.

¹² Xan cayabara nainbotatsi ainya cuiyobe xua cae semanatha, beta tacawaqueibinexatsi. Matautano cae paratixi jiwana wetsabeiban xam nexa pōxonae diez po paratiximonaēbe xeineiban. Yawano daxita xua xeinan baxuano jiwana tsaban xam nexa’, jei fariseomonaēpin.

¹³ Ichitha pon paratixi pentoma noteibin auranaya tajū beuncuiya. Saya irabe necoreca yawa jōpa athabe necoichaeyo. Saya ū penantanuweya penanthuthū jayabi abe peexanaēinxae. Bapon Nacom wuca, jeye: ‘Jaibo, Nacom neyabara najuntu coyene cui xeinare xua tana neyawenaewam tsane bequein bara taajuntucoyeneypubein’, jei pon paratixi matoma penoteibin.

¹⁴ Barapon pon paratixi penoteibin pōxonae najume weta xua wuca Nacom, nawiya pia bo beya. Paca tsipaebatsi xua barapon Nacom tsitatsi xua jōpa xeinaeyo xua penatsicuentisiwa xua abe peexanaexae. Ichitha fariseomonaēpin jōpa daichichi tsipei bapon awiwa peajuntucoyenebein. Pon xua pia coutha peainya cui jiton naexana pejuntu coyenetha, Nacom exanaena xua bapon pecui pawī jiton naexanaena. Ichitha pon xua pepawī naexana pejuntu coyenetha, Nacom exanaena xua bapon peainya cui jiton naexanaena”, jei Jesús.

Meje yabara pōxonae Jesús jeye pexuitha: “Barabū Nacom beta paca yawenaena”, jei (Mt 19.13-15; Mr 10.13-16)

¹⁵ Nexata jiwi Jesús tacaponatsi pexui, xua Jesús pejayabinexa pecobetha yawa xua Nacomtha petawnaenexa barapo pexui xua pejeinexa: “Barabn Nacom beta paca yawenaena”, pejeinexa. Ichitha Jesús pijimonae tatsi poxonae baxua tane, tamropata notarncupa xua barapomonae cui matawentatsi pomonae pexui carendena tsaiibi.

¹⁶ Ichitha Jesús waba pexui. Jesús pijimonae barai:

—Bara pacopabare pexui xua tana itata patsinexa. Jopa pexui paitawetsinde, tsipei Nacom pia peitorobi nacua tatsi saya meisa barapomonae nexa pomonae pejntu coyene xanepanaewi icha pexui ichi. Pexui pia cui xua tayapu xanepanatsi xua pia jntu coyeneintha jume cownta Nacom.

¹⁷ Xaniyan paca tsipaebatsi. Pon jopa yabara jume cowantsiyo xua icha be jopa pexui ichiyo xua ba pexui tayapu xanepanatsi xua jume cownta, bapon bapana jopa naexanae tsane Nacom pijimonae tatsi pomonae Nacom itorobiya ewata, jei Jesús.

*Meje yabara poxonae pewowin pon copei pexeinaein Jesús tsipaebatsi
(Mt 19.16-30; Mr 10.17-31)*

¹⁸ Caein pon pentacaponaeawi jiwana pin bapon Jesús yainyabatsi, jeichichi:

—Ja Tanecuidubim, maisa nejntu coyene wnaem. ¿Eta xua copiya matha exanocuaein xua ajntuyapusya tapoponaewa tsane xua ataya tsane? jei.

¹⁹ Jesús jume epa pita, jeye:

—¿Eta xua nebaram: ‘Nejntu coyene xanepanaem’, jam? Apará ichn dapon aibi pon pejntu coyene xanepanaein. Jame meisa apara bapon Nacom compa pejntu coyene xanepanaein.

²⁰ Xam yaputaneme po coyene Moisés pia peitorobi coyenewatha itoroba xua jeye: ‘Jopa ichowa pichinde ichn piowa tatsi, jopa ichn bexubinde, jopa caibinde ichn piawan tatsi, jopa naerabiya cayabara paebinde pocotsiwa ichomonae exana. Axatha jume baru cui itura jinare. Matautano enatha jume baru cui itura jinare’, jei Moisés, jei Jesús.

²¹ Pon pentacaponaein jume epa pita, jeye:

—Daxita caena bayatha barapo coyenein exaneiban, poxonae pexuyothan tamropata pitaban, beya anoxuae yacuiya pinyon, jei.

²² Poxonae Jesús baxua jume tane, Jesús barai, jeye:

—Cataunxuae icha cui coyene cata seica xua pocotsiwa neexanaewam tsane. Icha ichichipame xua jopa necata acolibyonexa tsane xua pocotsiwa xanepanaeya nexanaewa, matha daxita caenaere pocotsiwa xeinaem, yawa catsibare pomonaetha pomonae peacopeibi jiwi. Bapoxonae jame moya anetha, nepuna ponde. Bequein bara bapoxonae acopeibim tsane, daichitha Nacom cacatsina peitaboco beicha, pocotsiwa Nacom necajntana botsiwa pocotsiwa bichocono wnae, jei Jesús.

²³ Poxonae barapo pebin jume taeba, bichocono jntu wecoyei, tsipei bichocono copei pexeinaein.

²⁴ Poxonae Jesús tane xua barapon jntu coyene wecoyei, Jesús barai, jeye:

—¡Maisa bichocono ayapubecai xua copei pexeinaewi naexana Nacom pijimonae tatsi jiwana pomonae itorobiya canamataxeina! Tsipei barapomonae bichocono antasiwayatane barapo pia copei, beyacaincha xua Nacom antobetsi.

²⁵ Nama bichocono acuiruyapube xua duwein pon pewn camello xua bapon pejoniyawa acuichetto peetabu wan iya. Ichitha nama yatsicaewa pon bichocono copei pexeinaein taacuiruyapubetsi xua naexana Nacom pijimonae tatsi jiwana pomonae itorobiya canamataxeina beyacaincha xua poxonae acuiruyapube xua poxonae camello acuichetto peetabu wan iya pejoniyawa, jei Jesús.

²⁶ Pomonae xua baxua jume taerncupa, barapomonae Jesús yainyabatsi, jeye:

—Bapoxonae ¿jintam metha nexata itacupatsi xua penacapanepaewa pia coutha? jei barapomonae.

²⁷ Jesús jume nota, jeye:

—Pebiwi ba jopa itacupaetsi xua baxua exana, saya jame meisa Nacom compa itacupatsi xua jiwi napaeba cana exanatsi. Tsipei daxua ajibi pocotsiwa Nacom taacuiruyapubetsi, jei Jesús.

²⁸ Pedro barai, Jesús baraichi:

—Tapata Tanecanamataxeinaem, paxan daxita pacuenta ponan pocotsiwa paxeinan pata paca puna ponaewa tsainchi, jei Pedro.

²⁹ Jesús jume nota, jeye:

—Bara xainyeya paca tsipaebatsi. Nacom beta cana exanaena daxita pomonae peyabara cueieueiexae po diwesi xua Nacom waba jiwi petanaexanaenexatsi pijimonae tatsi pomonae itorobiya peewatsixae. Nacom beta cana exanaena barapomonae pia bon pecuenta ponaexae, yawa piseuri pecuenta ponaexae. Matautano beta cana exanaena

pomonaē pēweichowī pecuenta ponaēxae. Matautano beta cana exanaena pomonaē pamchowi pecuenta ponaēxae. Matautano beta cana exanaena pomonaē paxei jīwī pecuenta ponaēxae, matautano peniwi pecuenta ponaēxae. Matautano beta cana exanaena pomonaē pia pexui pecuenta ponaēxae.

³⁰ Barapomonaē barapo coyenein exana taneantobe jiwixae, daxota daxita barapomonaētha Nacom jopa juniya catsi tsane barapo cae pin nacuathe. Matautano barapomonaētha Nacom catsina pia peitorobi nacuatheicha peajuntucoyeneyapusawa po peajuntucoyeneyapusawa ataya tsiteca, jei Jesús.

Meje yabara poxonaē Jesús nayabara paeba acoibi po coyenebetha xua poxonaē tupaena (Mt 20.17-19; Mr 10.32-34)

³¹ Bapoxonaē Jesús pijimonaē compa waba aisowa beya xua pomonaē doce poyobe tatsi. Jesús barai barapomonaē, jeye: “Anoxuae ponaēinchi Jerusalén tomara beya. Baraxotiya tana nayabara jume cui wetsinexa bara nama, po coyene Nacom pia peitorobi jume pepaēbiwi newnae tsiwanaya yabara tina xua xan ponxaein Nacom Tananeitapetsin.

³² Yawa necaenaetsina pomonaētha pomonaē penanapaincha jinompaewi, xua icha nacua werena peponaewi xua barapomonaē tanecui caponaenexa. Matautano abe neyabara paebina. Yawa neyabara naone subabina.

³³ Yawa necuainchina, barapomonaē nebexubina. Daichitha poxonaē acoibi po matacabibe yapu caewina equeicha asu neexanaena petupae cuiru coyene weya”, jei Jesús.

³⁴ Ichitha Jesús pijimonaē tatsi jopa yaputaeyo baxua xua pocotsiwa Jesús pijimonaē tsipaeba. Barapomonaē jopa jume ita cui cupaetsi poxoru Jesús barompaya nabaru jume yabara canamchi, baxua barapomonaē taayapubetsi bichocono.

Meje yabara poxonaē Jesús Jericó tomaratha axaibi exana pon peitata nacutsin (Mt 20.29-34; Mr 10.46-52)

³⁵ Poxonaē Jesús itiya pona Jericó tomara, pon peitata nacutsin namtotha eca, yawa jīwī waqueibeca paratixi.

³⁶ Poxonaē bapon ponxae peitata nacutsin jume tane xua juinya pin bicheito pona, bapoxonaē bapon yainyaba, ichamonaē yainyabatsi, jeye: “¿Eta xua metha juinya pin bicheito pona?” jei pon peitata nacutsin.

³⁷ Bapon ponxae peitata nacutsin jume notatsi, jeye: “Apara Jesús, Nazaret tomarapin xote imoxoyo patope”, jei.

³⁸ Nexata bapon pon peitata nacutsin jume daunweya wawai, jeye:

—Jesús, David pia pemomoxi susato jiwanapim, ponxae Nacom necaitapetsim neyabara najuntucoyene xeinare jinya tana neyawenaenexam, jei pon peitata nacutsin.

³⁹ Pomonaē xua pin bicheito matacaenapoinchi, barapomonaē pon peitata nacutsin jume matawentatsi xua moya peecaenexa. Ichitha bapon equeicha jume daunweya wawai, jeye:

—Jesús, David pia pemomoxi susato jiwanapim ponxae Nacom Necaitapetsim neyabara najuntucoyene xeinare jinya tana neyawenaenexam, jei pon peitata nacutsin.

⁴⁰ Nexata Jesús naruntaba. Jesús namchi, jeye:

—Painta maxu xawena, jei.

Poxonaē pon peitata nacutsin imoxoyo patopa Jesththa, Jesús yainyaba, barai, jeye:

⁴¹ —¿Eta xua jinya tacata exanaetsi? jei.

Pon peitata nacutsin jume nota, jeye:

—Jesús Tananecanamataxeinaem, benecotsin cuinaya, jei.

⁴² Jesús jume nota, barai, jeye:

—Moya necore antha. Axaibi caexanatsi tana neyabara jume cowuntsixaemxae xua bara tana neitacupaewa xua tacayawenaewatsi, jei.

⁴³ Caena nainya bapon necotaxuba. Yawa Jesús puna poinchi. Matautano Nacom wunaē jaintatsi. Poxonaē pin bicheito baxua cui tane, iraru daxita barapo bicheito Nacom wunaē jaintatsi.

19

Meje yabara poxonaē pebin pon pewun Zaqueo Jesús jume cowuntatsi

¹ Jesús Jericó tomaratha patopa. Bapoxonaē bapon barapo tomara xenta iya.

² Baxota Jericó tomaratha pebin popona, pon copei bichocono pexeinaein. Bapon pewun Zaqueo. Bapon pon pecanamataxeinaein pomonaē paratixi pentoma noteibiwi po paratixi jīwī bewa catsibina pon romanomonaē itorobiya pia pepa peewatsinchi nexa.

³ Barapon Zaqueo bequein ichichipa xua Jesús peyaitaewatsi, ichitha Jesús jopa taetsi tsipei pin bicheito, matautano poxoru Zaqueo xataxatequeca.

⁴Nexata Zaqueo nanta cacuinaepoinya, peitiya ecoinyaenexa tsane naetha, po nae imoxoyo namtotha uncua ichaxota Jesús ponaena, xua Jesús barapo naetheicha xaniwaicha peyaitaenexatsi.

⁵Jesús barapo nae cacuita ecapona, bara asiya necoicha. Poxonae Zaqueo naetha tayeichatsi, Jesús namchi, jeye:

—Zaqueo, nainya ecoinca tha jinya botha ecaetsi anoxuae, jei Jesús.

⁶Bapoxonae Zaqueo nainya dunatabica. Matautano Jesús matenta weiweinaya wabatsi pia botha.

⁷Poxonae pin bicheito baxua tane, Jesús abe yabara paebatsi, jeye:

—Maisa Jesús bewa jopa ponae barapo botha, tsipei bapon abe peexanae cuiru coyene peexanaein, jei barapo bicheito.

⁸Nexata Zaqueo nantacotuncua pia botha, yawa jeye Jesustha:

—Taema Jesús Tanecanamataxeinaem, tha daxita jiwana wetsabichi pocotsiwa xeinan, tacatsibinexa tsane pomonaetha pomonae peacopebiwi. Matautano pomonae xua naerabiya wacan cae paratixi equeicha caewa tha catsibichi cuatro po paratixibe, jei Zaqueo.

⁹Jesús jume nota, jeye:

—Anoxuae Nacom cana exana xua barapomonae pecapanenebiyae jiwichi, pomonae barapo botha peenaewi. Zaqueo, xam Abraham pia pemomoxi susatopiwi jiwanam.

¹⁰Daxota xan ponxaein Nacom Tananeitapetsin patopan tawenaweneinexa tsane pomonae abe peexanae cuiru coyene peexanaewi pomonae icha xam ichim, xua tacapanenebiyaenexa tsane barapomonae, jei Jesús.

Meje yabara poxonae Jesús paeba pecayabara juta pepaebi diwesiyo xua diez po paratixibe yabara

(Mt 25.14-30)

¹¹Barapomonae jume tayena xua Jesús paeba barapo jiwitha poxonae Zaqueo yabara paebatsi. Daxota Jesús cuiduba barapo jiwi pecayabara juta pepaebi diwesiyotha, tsipei barapomonae nanta xeina xua Jesús pona Jerusalén tomara beya xua itara mexeya barapomonae itorobiya pia pepa peewatsinchi tatsi naexanaenawejei.

¹²Bapoxonae Jesús jeye: “Matha iru^u pebin popona. Barapo pebin jiwana pin pomonae peainya cui jiwi pomonae barompaya piamonae matabux^umonae. Barapo pebin taju pona icha nacuatha xua barapon icha nacuatha peexanaenexa tsainchi pocotsin be jiwi itorobiya pia pepa peewatsinchi, xua itorobiya peewatsinexa piamonae. Barapoxonae caibe nawiyaena pia nacuatha.

¹³Poxonae cataunxuae jopa taju ponaeyo matha waba diez poyobe pebiwi, xua petanacuichinexatsi. Daxita barapomonaetha barompaya catsina be cae paratixi xua pocotsiwa ainya matoma. Barapo pebin namchi pomonaetha pomonae pia petanacuichiwichi, jeye: ‘Barapo paratixitha pacomocare, equeicha pacaenaere xuya, painya xuya nawita nexeinaponanexa paratixi. Payacobe cui othopare poxonae beya patopaein’, jei barapo pebin.

¹⁴Ichitha bapon casebatsi piamonae, pomonae jinompa pia nacuatha tatsi. Pomonae bapon casebatsi, barapomonae itoroba ichamonae xua pecoyo wepetaiyaenexatsi poxonae bapon penta caponaein naexanopiya ichaxota pon jiwi itorobiya pia pepa peewatsinchi. Xua barapo penacajume caitorobiwichi pejeinexa: ‘Ponxaem jiwi itorobiya pia pepa neewatsin, taema, apara bapon piamonae aichaxabichi xua peexanaewatsi pon jiwi itorobiya pia pepa peewatsinchi’, jei penacajume caitorobiwichi, xua saya tapaeba.

¹⁵“Daichitha barapon cana exanatsi, pon jiwi itorobiya pia pepa peewatsinchi, xua ichan cana exana pon iru^u jiwi itorobiya pia pepa peewatsinchi, bapoxonae equeicha bapon caibe nawiya pia nacua beya. Poxonae bapon pia nacuatha patopa bapon waba pia petanacuichiwichi pomonaetha pomonae catsiba paratixi. Waba peyaputaenexa icha barapomonae metha comoca yawa caenaeta icha be pocotsi coyeneya bayatha bapon itoroba.

¹⁶Pon copiya patopa bapon namchi: ‘Tanecanamataxeinaem, po paratixi necatame, barapo paratixitha comocan, xuya equeicha caenaetan, equeicha diez po paratixibe matoma xeineiban’, jei pon copiya patopa.

¹⁷Pon pecanamataxeinaein jume nota, jeye: ‘Maisa xam beta exaname pon inta necacuichim. Yaitama beta eexanaponame xua peyauyo caitorobatsi daxota pentacaponaein caexanatsi xua necanamataxeinaewa tsane diez po tomariyobepiwi’, jei.

¹⁸Iru^u icha petanacuichinchi patopa. Bapon jeye: ‘Tanecanamataxeinaem, po paratixi necatame, barapo paratixitha comocan, equeicha caenaetan, equeicha matoma xeineiban cinco po paratixibe’, jei.

¹⁹ Pon pecanamataxeinaein jume nota. Bapontha jeye: 'Xam pentacaponaein caexanaeinchi xua necanamataxeinaenexa cinco po tomariyobepiwi', jei.

²⁰ "Iru icha pia petanacuichinchi patopa, bapon jeye: 'Tanecanamataxeinaem, taema xote xeinanje jinya paratiyo, cata mata quiyontabatsi painyaweratha.

²¹ Yaitama cacui cunuwatsi, tsipei be barapocotsim pon jopa jiwi juniya itorobeibim. Matautano jiwi cobe itorobeibame xua noteibina pocotsiwa jopa jinyawiyo. Matautano pexaewa xua naweta noteibame ichaxota jopa «bim», jei.

²² Nexata pon jiwi itorobiya pia pepa peewatsinchi namchi: 'Bepa maisa dapon abem. Apará xam jinya coutha nanatsicuenti exaname abe nepaebixae. Xam yaputaneme xua xan pon jopa jiwi juniya taitorobeibin, xuano xua pexaewa naweta tanoteibiwa xua ichaxota jopa tacya «beibinyo, matautano xua ichamonaé cobe itorobeiban xua noteiba pocotsiwa jopa tawiyo.

²³ Tsipei catsawiya neyabara nanta xeiname xua bichocono daunweya itoroban daxota bayatha inta bewa barapo paratiyo banco botha botsipame xua equeicha poxonaé patopan, icha paratiyo equeicha matoma xeinaetsipan xua equeicha inta pemataropeich-abotsixae tsipae poxonaé ichamonaé nacowaeta barapo paratiyo', jei.

²⁴ Pon jiwi itorobiya pia pepa peewatsinchi barai, pomonaé xua ena baxota baraichi: 'Barapon pacobe wepire barapo paratiyo, nexata barapo paratiyo pacare pon xua equeicha diez po paratixibe matoma exanaeya xeina', jei pon jiwi itorobiya pia pepa peewatsinchi.

²⁵ Pomonaé ena, barapomonaé jume epa nota, jeye: 'Pon jiwi itorobiya pepa neewatsin, equeicha icha paratiyo jopa catsinde bapontha. Bayatha apara diez po paratixibe xeina', jei barapomonaé.

²⁶ Pon jiwi itorobiya pia pepa peewatsinchi barapomonaé jume notatsi, jeye: 'Paca tsipaebatsi, pon ba be conotha Nacom yabara yaputainchi Nacom bapontha cana exanaena xua ichawa peyabara yaputaewa tsane beya poxonaé bapon equeicha bichocono Nacom pejume cowntsiwa tsainchi. Pon ba jopa ichipaeyo xua Nacom peyabara yaputaewatsi, Nacom wepichina po coyene bapon yaputane xua beya daxota Nacom jopa pejume cowntsiwa tsainchi.

²⁷ Yabara paca tsipaebatsi pomonaé taneaitafaetabi jiwi. Barapomonaé neaichaxaibi xua jiwi itorobiya pepa taewatsin tanecana exanaewa. Barapomonaé pacarenenande ichaxota ecan. Barapomonaé pajutebare ichaxota ecan', jei pon jiwi itorobiya pia pepa peewatsinchi", jei Jesús.

*Meje yabara poxonaé Jesús Jerusalén tomaratha patopa
(Mt 21.1-11; Mr 11.1-11; Jn 12.12-19)*

²⁸ Poxonaé Jesús baxua najume weta, bapoxonaé pona Jerusalén tomara beya.

²⁹ Jesús itiya patopa Betfagé tomara, Betania tomarano xua saya patopa demxuwatha po demxuwa pewun Olivova tsipei baxota umena olivo naein. Bapoxonaé nacyeyatabe poyobe itoroba poyobe xua pijimonaexae tatsi jiwanaé pomonaé xua doce poyobe.

³⁰ Jesús barai baponbe, jeye:

—Paponarebe po tomara painya itabaraya equiya. Poxonaé papatopaenamebe barapo tomaratha, pacaxinaenamebe burro pon pewun pon pequetanotsin, pon jopa ichamonaé tsijuma enaeyo. Payama isanaxorebe bepayama carenandebe.

³¹ Icha ichun paca barai: '¿Eta pocotsiwa payama isanaxubamebe burro?' icha paca jei bapon, nexata pajandebé: 'Pon Wanacanamataxeinaein bepa pata yama cayiyaeinjei, tsipei pinaé nantawenona', pajandebé, jei Jesús.

³² Poxonaé baponbe tomaratha patopabe, tanebe be pocotsi coyeneya bayatha Jesús namchi.

³³ Poxonaé baponbe burro yama isacauyabe, baponbe yainyabatsibe pomonaé barapo burro pexeinaexae. Baponbe baraichibe:

—¿Eta pocotsiwa burro payama isacauyamebe? jeichichibe baponbe.

³⁴ Baraponbe jume notabe barapomonaétha, jeye:

—Pon Pecanamataxeinaein jiwi bepa pinaé patayama cayiyaein, tsipei pinaé nantawenona, jeibe baponbe.

³⁵ Baraponbe burro tayama cayabe, Jesús tayama cayatsi. Baraponbe burro paparuwa tsijuma jebicabe po paparuwan aitiya xua baponbe pia paparuwan tatsi, bapoxonaé Jesús cuaretsicatsi.

³⁶ Jesús burrotha ecapona. Jiwi paparuwan namtotha yerababa jejobapoinya. Barapo paparuwan Jesús matatsun ecapona burrotha. Barapomonaé baxua exana tsipei Jesús matenta weyatainchi xua patopa.

³⁷ Poxonae Jesús muxu perunadecae demxuwa wereca, po demxuwa pewan Olivowa, tsipei baxota umena olivo naein barapoxonae pomonae Jesús pejume cowantsiwichi, barapomonae juntu coyene weiweinaya jume daunweya wawai. Yawano Nacom wanae jaintatsi xua bayatha pexeinya petsita itatsi coyenewan petaexae xua Nacom exana.

³⁸ Barapomonae jeye:

—¡Pai jayana! ¡Maisa Jesús pon jiwi itorobiya pia pepa peewatsinchi, maisa wanae, bapon patopa Nacom peitorobixae! ¡Pomonae xua peitabocotha jinompa juntu coyene weiweina bichocono! ¡Maisa Nacom bichocono wanae jaintatsi pon athabeicha eca! ¡jei Jesús pijimonae tatsi.

³⁹ Nexata fariseo jiwanamonae, pomonae naenapona pin bicheitha, barapomonae Jesús baraichi:

—Pon jiwi Necuidubim, jinya jiwimonae baxua jume matawende: ¡Moya pande! jande, ¡jei fariseo jiwanamonae.

⁴⁰ Ichitha Jesús jume epa pita, jeye:

—Paca tsipaebatsi, icha barapomonae metha moya tsipae bara nexata iboton jume daunweya wawai tsipae, ¡jei Jesús.

⁴¹ Poxonae Jesús imoxoyo Jerusalén tomaratha patopa, poxonae tomara tane, Jesús juntu coyene wecoyei tsanareca, poxoru Jerusalén tomaramonae yabara wecoyeichi.

⁴² Jesús namchi, jeye: “¡Pai maisa bepayaputaename xua pocotsi juntu coyene juntema jinompa paca cana exana! Nama anoxuae baxua nantsiyata. Jopa paca itacupaeyo xua painya nexainaewa painya juntu coyenetha.

⁴³ Meisa matababi pacata jopaena po matababi abe. Barapo matababitha painya nepaca caaitafaetabi jiwi paca yatomara yatoxoroto exanaxubina. Tsorobo paca yacaincha acabina. Yawa paca yacaincha umenaena daxita muxuneneintha.

⁴⁴ Paxam Jerusalén tomarapiwi pam, yawano painya pexuino, ichamonae paca jutebina. Painya bon iratha paca yawa bebai tsane. Jopa cae iboto asiya uncuiyae tsane, omeicha othopeicaena. Tsipei paxam jopa Nacom payaitaem xua poxonae paca necasiwa pon-aewa”, ¡jei Jesús Jerusalén tomarapiwimonae yabara.

Meje yabara poxonae Jesús aisowa benapuna torobabiya pomonae Nacom pin pia botha pecaenaetsiwi

(Mt 21.12-17; Mr 11.15-19; Jn 2.13-22)

⁴⁵ Jesús Nacom pin pia botha joniya. Baxota Jesús aisowa benapuna torobabiya pomonae caenaeta baxota.

⁴⁶ Jesús barai barapomonae, jeye:

—Nacom Pejume Diwesitha jeye: ‘Tabo apara po botha xua jiwi tanetsipaebinexa tsaibi tsane barapo botha’, ¡jei Nacom Pejume Diwesitha. Ichitha paxam barapo bo be pecaibiwi pia muthu tutu pacana exaname, ichaxota pijunuwi nantsiyabeibathopa, tsipei baxota panacaetutame saya u xua painya necaibinexam tsane paratixi pomonaetha pomonae xua pateiba xua Nacom petsipaebeibinexatsi, ¡jei Jesús.

⁴⁷ Nacom pin pia botha daxita matababi Jesús cuidubeiba. Ichitha sacerdotemonae pia pentacaponae, iru pomonae jiwi pecuidubiwi Moisés pia peitorobi coyene tatsi, iruru tomara pia pentacaponae daxita barapomonae Jesús yabara nanta xeinatsi nawita xua pebexubinexa tsainchi.

⁴⁸ Ichitha jopa itacupaetsi barapomonae xua Jesús pebexubiwa tsainchi tsipei pin bicheito beta xanepanaya Jesús jume tayenatsi.

20

Meje yabara xua Jesús pia peitorobi coyenewa xeina

(Mt 21.23-27; Mr 11.27-33)

¹ Caentacabi Jesús Nacom pin pia botha joniya. Barapo botha Jesús cuiduba jiwi. Yawa Nacom pia pecapanenebiyae diwesi yabara cueicueije. Bapoxonae iru sacerdotemonae pia pentacaponae tatsi pata. Iru pata pomonae jiwi pecuidubiwi xua Moisés pia peitorobi coyenewa tatsi. Iru pata pomonae penapatae jiwi.

² Daxita barapomonae Jesús baraichi, jeye:

—Incane pana tsipaebare, ¿eta po peitorobi coyenewatha cuidubame baxuan? ¿Jintam cacata barapo peitorobi coyene? ¡jei.

³ Nexata Jesús jume nota, jeye:

—Xan iruru tha barichichi paca yainyabinchi pana nejume nore.

⁴ ¿Jintam Juan cui itorobatsi jane xua jiwi pebautisabinexa tsainchi? ¿Metha bara Nacom cui itoroba jampa? ¿Metha bara jiwi cui itoroba jampa? ¡jei Jesús.

⁵ Barapomonaē caemonaē yabara natsipaeba pocotsiwa Jesús pepaebiwa. Barapomonaē jeye: “¿Eta xua metha jei tsainchi? Icha jei tsipaetsi xua Juan cui itorobatsi Nacom xua pebautisabiwa jiwi, metha naca jei tsipae: ‘¿Eta xua metha nexata jopa pajume cowantsim Juan?’ metha naca jei tsipae Jesús.

⁶ Icha jei tsipaetsi Juan cui itorobatsi jiwi, metha apara jiwi naca jutebina ibotoxitha, tsipei daxita barapo jiwi nanta xeina xua Juan pon Nacom peitorobi jume pepaebin”, najei barapomonaē.

⁷ Barapomonaē Jesús jume notatsi, jeye:

—Canta jopa payaputaeyino xua pon Juan cui itorobatsi xua jiwi pebautisabiwatsi, jei barapomonaē.

⁸ Nexata Jesús barai barapomonaē, jeye:

—Nexata barichin tsane. Jopa yabara paca tsipaebi tsainchi, po peitorobi coyeneyatha exanan xua daxita taexanaewan, jei Jesús.

Meje yabara poxonaē Jesús paeba pecayabara jata pepaebi diwesiyo pomonaē xua abe exana, pomonaē petayapucaenaewi uva pabi

(Mt 21.33-44; Mr 12.1-11)

⁹ Nexata Jesús diwesi tsipaeba jiwitha po diwesi pecayabara jata pepaebi diwesiyo. Jesús jeye: “Matha iru pebin pin uva pabi xeina. Bapon uba po unbo pewun uva cuei unbo. Bapoxonaē bapon itoroba pomonaē pia uva pabi petayapucaenaewichi tsainchi, xua bapoxonaē barapomonaē pejiwanaxaenexa pocotsiwa penawetsiwa. Bapoxonaē bapon icha nacua beya pona ainya wei nexa.

¹⁰ Matacabi tsuxubi xua uva cuei naweta. Bapoxonaē barapo mataqueitha pomonaē pabi petayapucaenaewi jiwana itapeta nota xua penawetsiwa. Bapoxonaē pon uva pabi pexeinaein, caein jiwana itoroba pomonaē pia petanacuichiwichi jiwana, xua petawucaenexa tsainchi uva cuei pomonaē beya pomonaē pabi petayapucaenaewichi. Ichitha barapon pon najume caitorobatsi, bapon butsi. Bapon caibe cobesa iya.

¹¹ Pon uva pabi pexeinaein bapon equeicha caein jiwana itoroba pomonaē pia petanacuichiwichi jiwana. Bapon barichi bichocono butsi, caibe cobesa nawiya yawa jopa catichi.

¹² Pon uva pabi pexeinaein equeicha caein jiwana itoroba pomonaē pia petanacuichiwichi jiwana. Barichi pomonaē pabi petayapucaenaewi barapon butsi yawa wan exanatsi yawa pabi weya xotsi.

¹³ “Pon uva pabi pexeinaein matapainya nanta xeina najei: ‘¿Eta xua metha exanaein? Metha taxanto itorobin pon bichocono antobein. Metha poxonaē taxanto taeinchi, metha inta yabara baru cui itura jinaeinchi’, najei.

¹⁴ Dapo jumetha pomonaē uva pabi petayapucaenaewi poxonaē bapon taeinchi, barapo petayapucaenaewi uva pabi najei tsane: ‘Apara bapon paxa copiniwa pichina. Daxota bapon bu bexotsi xua xainya xeinatsi barapo uva pabi’, najei barapomonaē.

¹⁵ Barapo pexanto tatsi uva pabi juma bemaXu cayiyatsi. Baxotiya bexotsi”, jei Jesús.

Nexata Jesús barai barapomonaē, pomonaē jume tayenatsi Jesús, jeye: “Pon uva pabi pexeinaein, ¿eta be cana ichi tsane pomonaetha pomonaē barapo uva pabi pia petayapucaenaewichi?

¹⁶ Pon uva pabi pexeinaein patopaena pia uva pabitha, pomonaē uva pabi peyapucaenaewi daxita barapomonaē jutebinchi. Barapoxonaē barapo uva pabi ichamonaē xuya catinchi xua petayapucaenaenexa tsainchi barapo uva pabi”, jei Jesús.

Pomonaē Jesús jume tayenatsi poxonaē baxua jume tane xua Jesús paeba, barapomonaē Jesús jume itawetatsi, jeye:

—jBara, jopa bepajume taeinyo baxua, tsipei xua paebame Nacom jopa copatsiyo pata xantha xua pata tanejutebinexa ichamonaē! jei barapomonaē.

¹⁷ Ichitha Jesús tane, barapomonaē tainchi. Jesús jeye:

—Incane pajume taema pocotsiwa Nacom Pejume Diwesitha neyabara caunuta poxonaē iboto yabara paeba, jeye:

‘Pebiwī pomonaē ibo bon peacabiwi,

barapo pebiwi xuba po iboto tabu

caboca, po iboto peainya cui iboto.

Ichitha Nacom itapeta barapo iboto xua

petabu cabocaenexa peainya cui ibotoxae’,

jei Nacom Pejume Diwesitha.

¹⁸ Incane iboto yabara paca tsipaebinchi. Barapo ibototha poxonaē ichauyo jopeica pepurawixi tsanaya. Matautano poxonaē barapo iboto ichauyo matatsun jopeicatsi pebeno tsanaya. Icha barapo iboto ichi poxonaē cana exana ichauxitha peainya cui

ibotoxae, xan barapocotsi juta coyeneya barichin pomonaetha pomonae jopa tana nejume powantsiwi. Pia jopa tana neyaputaexae barapomonae daxota peraxa exanaeinchi, jei Jesús.

¹⁹ Sacerdotemonae pia pentacaponaeawi tatsi, iru pomonae jiwi pecuidubiwi xua Moisés pia peitorobi coyenewa tatsi, daxita barapomonae juntucuru Jesús teicatsi poxoru barapomonae yaputane xua yabara paebatsi xua Jesús paeba. Nexata Jesús jopa teicaetsi poxoru jiwi cunuwatsi.

Meje yabara poxonae Jesús yabara cuiduba paratixi matoma po paratixi jiwi bewa catsibina pontha pon romanomonae itorobiya pia pepa peewatsinchi

(Mt 22.15-22; Mr 12.13-17)

²⁰ Barapomonae itoroba, ichamonae itorobatsi xua petataenexa tsainchi. Pomonae xua itorobatsi, barapomonae naexana itara mexeya pentu cui xanepanaewi. Barapomonae pona Jesús beya, xua Jesús naerabiya pecui jume yopichinexa tsainchi xua exana yawa xua paeba. Pia bapoxonae Jesús waetabichi yawa pia caponaetsi pontha pon Judea nacupaewi peyanacua ewatsinchi. Bapon peajumeyapusu itorobiwa xeina, xua po peajumeyapusu itorobiwa cata pon romanomonae itorobiya pia pepa peewatsinchi.

²¹ Daxota barapomonae Jesús yainyabatsi jeye:

—Pon jiwi Necuidubim. Bara payaputan xua bara jume xainyeya tsipaebame jiwi, matautano xua jiwi bara beta cuidubame xua pocotsiwa jiwi bewa exanaena pex-einaenexa tsane Nacomtha po juntu coyene pexanepanae juntu coyene. Matautano jopa jiwi cunuwim poxonae cuidubame poxonae bequein jiwi jopa ichichipaeyo baxua, tsipei xam daxita jiwi catsita najupa.

²² Incane yabara pana netsipaebare xuaje: ¿Metha bara Nacom pia peitorobi coyene naca itoroba xua waxainchi paratixi catsibinchi pon romanomonae itorobiya pia pepa peewatsinchi xua wanaca itorobixae bapon bequein bara pon penanapainchi poponaein? Icha jopa tsipae, ¿metha daxua abe tsipae? jeichichi Jesús barapomonae pomonae fariseomonae itoroba.

²³ Ichitha Jesús yaputane xua piraichi baxua yainyabatsi.

²⁴ Daxota jeye:

—Incane moya painta xawena paratiyo, tha taetsi. ¿Jintam pejumopere? ¿Yawano jintam wan ducuaré? jei Jesús.

Barapomonae jume nota, jeye:

—Apara romanomonae itorobiya pia pepa peewatsinchi, jei barapomonae.

²⁵ Nexata Jesús barai barapomonae, jeye:

—Bara nexata romanomonae itorobiya pia pepa peewatsinchi pacare pocotsiwa xua bapon piawaxae. Matautano Nacom pacare xua baxua iru piawaxae tatsi, jei Jesús.

²⁶ Barapomonae jopa itacupaetsi xua Jesús pewaetabiwatsi daxita jiwi peitutha, tsipei Jesús beta jume nota barapomonae. Barapomonae yabara najuntu cui coyene cabenaeca pocotsiwa xua Jesús xanepanaya beta jume nota, daxota barapomonae saya moya umena.

Meje yabara poxonae Jesús yabara yainyabatsi po coyene xua equeicha asu pomonae pewerapeibiwi

(Mt 22.23-33; Mr 12.18-27)

²⁷ Bapoxonae saduceomonae jiwana pata Jesús pia xantha tatsi xua Jesús piraichi pepsipaebinxatsi. Saduceomonae barompaya pia pecuidubi coyenewa xeina xua pinae pomonae pewerapeibiwi equeicha jopa asu tsaibiyo. Barapo pecuidubiwa jopa jupaeyo po pecuidubiwa Jesús pia pecuidubiwa tatsi xua pinae jiwi equeicha asu jinompaena poxonae werapa. Daxota saduceomonae Jesús siwa poinchi. Saduceomonae Jesús baraichi:

²⁸ —Pon jiwi Necuidubim. Moisés nacata tina, namchi: ‘Icha pebin piowa cuenta tupa, yawa jopa xeinaeyo pexui, xuyapin bewa pentapin pecoutha coseuri pichina xua bapoxonae pentapin pecoutha pexeinaenexa tsane pexui’, jei Moisés.

²⁹ Barichi, matha iru cae peweicho jiwi xua caepiwi naba ru jinompa siete poyobe. Matapin jitha eca. Bapon piowa cuenta naxuba. Pexui jopa xeinaeyo.

³⁰ Pon cotacaya naexana xuya pentapin coseuri pita xua bapoxonae pentapin pecoutha pexeinaenexa pexui. Bapon iru cuenta tupa, iru jopa xeinaeyo pexui.

³¹ Bapoxonae ichun xuyapin xuya barapowa pita xua pentapin coseuri pita. Bapon barichi iru cuenta tupa, iru pexui jopa xeinaeyo. Daxita barapo siete poyobe cuenta nanapentapona barapowa poxonae bequein xuya pecoutha nonotaponeiba. Barapo siete poyobe, caein jiwana jopa pecoutha tapoponaetsi pexuyo.

³² Bapoxonae matapainya iru barapowa tupa.

³³ Xam, Jesús, ba paebame, ba jam: ‘Matacabi jopaena po matacabitha Nacom asu exanaena xua jiwi asu exanaeinchi mathu wetsina’, ba jam. Poxonae barapo matacabi

jopaena xua daxita jiwi asu jujuinaena, barapo matabitha, zjintam metha barapowa xuya pichinchi, xua ichun pichina, xua barapo siete poyobe caein jiwana? Tsipei caena bayatha barapo siete poyobe caepiwi cuenta nanapentapona barapowa, jei saduceomona.

³⁴ Nexata saduceomona, Jesús jume nota. Jesús jeye:

—Barapo nacuathe pebiwi yawa yabaxi, barapomona jitha eenapona.

³⁵ Pomona xua Nacom itapeta waba, poxona barapomona patsina Nacom pia nacuaatha, barapomona jopa equeicha jitha eenapona tsane, yawa jopa pexantixi jitha cuarebapona tsane.

³⁶ Tsipei barapo nacuatheicha, barapomona bexa jopa werapae tsane icha matatsun-piwi ichi xua jopa werapayo. Matauta barapomona Nacom pia pexui, tsipei barapomona equeicha asu barapo petapae coyene weya.

³⁷ Caena bayatha Moisés yabara naca cuiduba xua pomona pewerapebiwi xua equeicha asu tsalbi tsane, po diwesitha naewa yabara tina po naewa taxunca. Barapo diwesitha Nacom pon Pecanamataxeinaein jiwi, namchi: ‘Xan Abraham pia Nacomun tatsin, iru Isaac pia Nacomun tatsin, iru Jacob pia Nacomun tatsin’, jei Nacom.

³⁸ Baxua Nacom paeba tsipei Abraham iru Isaac, iru Jacob pomona bayatha pewerapaewi anoxuae equeicha caewa asu jinompa Nacom pia nacuatheicha tatsi. Pomona pewerapaewi pomona jopa caewa equeicha asu pejinompaewi, barapomona jopa pia Nacom tatsi, pon itabocotha eca. Saya jame meisa pomona bayatha pewerapaewi caewa equeicha asu pejinompaewi pomona pejume cowantsiwiwaetsi Nacom, barapomona jame pia Nacom tatsi, pon itabocotha eca, jei Jesús.

³⁹ Nexata pomona jiwi pecuidubiwi Moisés pia peitorobi coyene tatsi, barapomona jiwana mona Jesús baraichi, jeye:

—Pon jiwi Necuidubim, maisa bara beta xanepanaya paebame, jei barapomona.

⁴⁰ Saduceomona equeicha jopa Jesús yainyabichi xua equeicha beta pejume notsiwat-siyainwa.

Meje yabara poxona Jesús nayabara jei: “Mesías, zjintam pia pemomoxi susato jiwana pin tatsira?” jei

(Mt 22.41-46; Mr 12.35-37)

⁴¹ Equeicha Jesús nayabara paeba pomonaetha pomona jiwi pecuidubiwi Moisés pia peitorobi coyene tatsi. Jesús jeye:

—¿Eta pocotsiwa metha jiwi paeba xua pinae Mesías bapon David pia pemomoxi susato jiwana pin tatsi?

⁴²⁻⁴³ Tsipei David jei salmos penaxuna weixi diwesintha:

‘Nacom pon Pecanamataxeinaein jiwi

Tanecanamataxeinaein baraichi pon

Mesías jeichichi:

Tacoxa werena ecare, beya abu tsane poxona

necaaitafaetabi jiwi pia Pecanamataxeinaeinchi

tatsi caexanaeinchi, jei Nacom’,

jei David salmos penaxuna weixi diwesintha.

⁴⁴ Icha David yabara jei xua Mesías yabara jeichi: Bapon Mesías Tanecanamataxeinaein, jei, ¿eta xua metha tsipae xua Mesías apara David pia pemomoxi susato jiwana pin tatsi? jei Jesús.

Meje yabara poxona Jesús muxuweta jiwi xua pomona jiwi pecuidubiwi Moisés pia peitorobi coyene tatsi barapomona pecuiyainwa tatsi

(Mt 23.1-36; Mr 12.38-40; Lc 11.37-54)

⁴⁵ Pomona xua umena daxita barapomona Jesús jume taeumeinchi poxona Jesús pijimona tsipaeba. Jesús namchi, jeye:

⁴⁶ “Dota pam, dota pomona jiwi pecuidubiwi Moisés pia peitorobi coyene tatsi. Barapomona pia pecuidubi coyenawan tatsi pecuiyainwa pande. Jopa paexanaeinde icha barapomona ichi xua barapomona bichocono ichichipa xua penama xatabiwa po paparuwan apipiya deca xua be pomona peainya cui jiwi penaexanaewi naexana. Barapomona bichocono ichichipa xua jiwi namtotha jacobebina xua barapomona pejacobinexatsi xua jiwi pebaru cui itura jineibinexa barapomona xua barapomona pebaru cui itura jineibinexatsi. Barapomona bichocono ichichipa xua nanta caeneiba judiomona pia penacaetutsi bontha tatsi ichaxota ba enathopeiba pomona peainya cui jiwi penaexanaewi. Matauta barapomona bichocono ichichipa xua eneiba ichaxota ba eneiba pomona peainya cui jiwimona poxona pexawan tsinacaetuteiba xua poxona penabaneibinexa tsane.

⁴⁷ Matautano barapomonaē powaxi pecuenta werapaewaxichi piseurixi, barapowaxi cueranta enatsi pia bon. Barapomonaē naemata jopa cuinaya najume copababeibiyo poxonaē tsipaebeiba Nacom. Barapomonaē bichocono peraxa jubebinchi poxonaē po mataqueitha Nacom yabara paeibina jiwi xua pia penatsicuentisiwa xua abe petsita exanaeaeysi. Barapomonaē bichocono atene tsane xua poxonaē beyacaincha ichamonaē atene exanaeinchi xua jopa pejume cowantsixaetsi Nacom”, jei Jesús.

21

Meje yabara poxonaē Jesús yabara paeiba xua petsiriwa paratiyobe cata Nacomtha, powa pecuenta tupaewatsi piseuri
(Mr 12.41-44)

¹ Nacom pin pia botha Jesús tane xua baxota pomonaē copei xeinaewi paratixi jeya Nacom nexa ichaxota jiwi jebeiba paratixi.

² Barichi Jesús tane xua iru ainya tsica paratiyobe jeca baxota powa pecuenta tupaewatsi piseuri, yawa bapowa peacopeibiwayo.

³ Jesús jeye:

—Bara xaniyeya paca tsipaeibatsi. Barapo yabayo powa pecuenta tupaewatsi piseuri, barapowa peacopeibiwayo. Daichitha barapowa jeca ainya paratiyobe Nacom nexa. Bapowa cata beyacaincha ichamonaē daxita pomonaē nawita jeya xua Nacom nexa.

⁴ Daxita barapomonaē jeya pocotsiwa tanacopabeibatsi. Ichitha nama bapowa bichocono peantobexae Nacom daxota omeicha jeca po paratiyobe bequein canantawenona xua pexaewa tsane, bequein bichocono peacopeibiwayo, jei Jesús pijimonaetha.

Meje yabara poxonaē Jesús yabara paeiba xua ichamonaē abe exanaena Nacom pin pia bo tatsi

(Mt 24.1-2; Mr 13.1-2)

⁵ Ichamonaē yabara natsipaeba nawita Nacom pin pia bo tatsi. Barapomonaē najei: “¡Maisa Nacom pin pia bo tatsi bepa wūnae! ¡Maisa bepa wūnae xua jiwi tutu pepena peitapanawāwan barapo Nacom pin pia botha xua Nacom nexa!” jei barapomonaē. Nexata Jesús jeye:

⁶—Matacabi jopaena po mataqueitha tsane ichamonaē pomonaē penanapaincha jinompaewi pomonaē xua icha nacua werena peponaewi abe exanaena Nacom pin pia bo tatsi, xuaunxuae pataneme po bo. Jopa cae ibotiyo nacopatuncuae tsane icha iboto peumatha, daxita abe tsane, jei Jesús.

Meje yabara poxonaē Jesús yabara paeiba xua copiya matha pewūnaeya exanaena petsita itutsi coyenewa poxonaē daxita weraweracaenaba

(Mt 24.3-28; Mr 13.3-23)

⁷ Nexata jiwi Jesús yainyabatsi, jeye:

—Pon jiwi pata Pecuidubim, ¿eta poxonaē metha ichamonaē baxua exanaena poxonaē abe cana exanaena Nacom pin pia bo tatsi? ¿Eta pocotsiwa tsane xua pewūnaeya tsita itapeinya xeinaena po coyene xua poxonaē imoxoyo daxita weraweracaenaba? jei Jesús pijimonaē tatsi.

⁸ Jesús jume barai: “Dota pam bu ichamonaē naerabiya paca muxu tsipaeba xua daxota abe paexanaetsipame. Tsipei tsane patsina ayei bicheito jiwi pomonaē natsicotaena icha be xan ichin. Barapomonaē jei tsane: ‘Apara xan, Mesías’, jei tsane. Ichun jei tsane: ‘Anoxuae Mesías patopaena’, jei tsane. Ichitha paxam jopa payabara jume cowantsinde pocotsiwa xua barapomonaē paeiba.

⁹ Pajume taename xua jiwi juinya nabenoutsina xote, yawa xua juinya iruru nabenoutsina icha ira beya. Daichitha jopa pajunuwinde, tsipei baxua pewūnaeya matha copiya tsane. Daichitha cataunxuae dapō matacabi aichica tsane xua poxonaē daxita weraweracaenaba yatsicaewa”, jei Jesús.

¹⁰ Equeicha Jesús namchi: “Cae nacuapiwi iru icha nacuapiwino barapo ainya nacuapiwibe nabenoutsina. Matautano iru pon nacua peewatsin iru ichundu pon icha nacua peewatsin baponbe iru nantiya nabenabe.

¹¹ Matautano ainya nacuantha ira jijiyatsina. Matautano ainya nacuantha jainbo nacua tsane, tsipei pin mayayo tsane. Matautano domae tsurucuae tsane ainya nacuantha. Matautano Nacom peitabocotha peitapanawāwan itatsina, xua jiwi bichocono cunuwa.

¹² “Poxonaē baxua pewūnaeya tsane jiwi paca teiquebina, paca atene exanaena. Judiomonaē pia penacaeuttsi botha paca caponaena painya paca yabara paebinexa painya nenatsicuentisiwa xua abe painya neexanaeae. Yawa paca caponaena jiwi pecubi botha. Paca caponaenano nacua peewatsiwi peitabaratha tatsi, painya tana nejume

cowantsixaemxae. Yawano paca caponaena pentacaponaeawi peitabaratha tatsi, pomonae iru itoroba jiwitha xua pon nacua peewatsin nexa painya tana nejume cowantsixaemxae.

¹³ Barapoxonae paca cui itacupaena xua barapomonaetha tapana neyabara paebiwam pocotsiwa bayatha paca tsita exanatsi.

¹⁴ Pananta xeinare painya juntu coyenetha, pana najande: 'Jopa tsiwanaya yabara nacui wunaetsi tsainchi xua ichamonae watsipaebiwatsi xua abe wanaca yabara paebiwa', pana najande.

¹⁵ Tsipei xan paca tsimuxu dutinchi po jume xua pacaunutsiname, xua po jumetha beta paca yaputane exanaena. Barapo jume pacata exanatsi xua painya paca necaaitafaetabi jivi jopa paca jume matanonopentsi tsane, xuano xua jopa peitacupaenexa tsainchi xua abe painya nepaca yabara paebiwa.

¹⁶ Paca caenaetsina ichamonae icha jiwitha pomonaetha pomonae jivi pecanamataxeinaewi. Iru painya axeiwi yawa painya ena jivi paca caenaetsina ichamonaetha. Iru painya eweicho jivi paca caenaetsina ichamonaetha. Iru painya amoyo jivi paca caenaetsina ichamonaetha. Iru painya jiwimonae paca caenaetsina ichamonaetha. Barichi ichamonae pomonae paxam jiwana pam jutebinchi.

¹⁷ Daxita nacuanpiwi paca casebina, painya tana nejume cowantsixaemxae.

¹⁸ Ichitha Nacom paca capanenebiyaena painya nejuntu coyenein panenebiyaenexa.

¹⁹ Awiya paantuyarusya nejume cowantsiya jinompare poxonae bequein ichamonae abe pacata exana xua beya payacuiya werapaeya othopaenae xua painya xeinaewa tsane peajuntuyaruswa po peajuntuyaruswa ataya tsiteca.

²⁰ "Poxonae pataename xua soldadomonae xua icha nacuanpiwi yacaincha matawacaicha yatoxoroto naexanaxubina Jerusalén tomara bapoxonae payaputaename xua barapo tomara bara imoxoyo abe exanaeinchi.

²¹ Barapo mataqueitha, daxita pomonae Judea nacuaitha jinompa barapomonae bewa demxuwam berucupiyaena. Iru pomonae Jerusalén tomarapiwi, barapomonae bewa bara berucupiyaena. Iru pomonae pabitha jinompa, barapomonae jopa bewa ducupaetsipae tomara beya.

²² Tsipei barapo matababintha Nacom cui itorobina, ichamonae cui itorobinchi, xua jivi peraxa exanaeinchi, icha be po coyeneya Nacom Pejume Diwesitha yabara paeba baxua.

²³ ¡Pai yabuxi tsobenae powaxi pexui burpana taenatsi barapo matababitha! ¡Pai powaxi iru pexui isaina, barapowaxi tsobenaer! Tsipei acabe tsobenae tsane pexui. Matautano Nacom cui itorobina barapo nacuaethe, ichamonae cui itorobinchi xua barapo nacuathepiwi pin peperaxa jubiwatsi tsainchi.

²⁴ Ichamonae cusitha jutebinchi. Ichamonae yamaxa cubiya caponaeinchi icha nacuan beya. Barapo Jerusalén tomaratha pomonae penanapaincha jinompaewi xua icha nacua werena peponaewi dubenanaebiyaena beya barapo matababi yacobe cui othopaena, po matababitha xua Nacom cobe matawentsina xua equeicha jopa enae tsane barapo tomaratha barapomonae", jei Jesús.

Meje yabara poxonae Jesús nayabara paeba xua poxonae equeicha patopaetsica ponxae Nacom pia Peitapetsin

(Mt 24.29-35, 42-44; Mr 13.24-37)

²⁵ Equeicha Jesús jeye: "Bapoxonae xometotha naitutsina peitupanaewa, yawa jomocoichatho, yawa opiteitontha. Barapo irathe daxita nacuanpiwi yabara najuntu coyene cabenaenoutsina. Matautano busi taena pin maratsacan busi xua busi jopa xainya mene ducuaeyo. Bichocono jivi najuniyacaena.

²⁶ Jiwi pijunuwi muxu pewerapae tsane poxonae nanta xeinaena po coyene Nacom exanaena barapo cae pin nacuaethe. Matauta junuwina xua exanaena itabocotha poxonae Nacom napuna torobabiyaena xua xuan itabocotha dubena. Bapoxonae jopa xapain dubenanaeyo tsane.

²⁷ Bapoxonae jiwi netaena ponxaein Nacom Tananeitapetsin xua tsaquinaebowatha patopeicaein. Nacom pia peayaruswa itorobi coyenewatha, matautano bichocono pexinya itupanae coichatha yawa patopeicaein.

²⁸ Poxonae baxuan juntucuru exanaenaba, panantusubarucupare, athabe panecotumeinyama, tsipei bara imoxoyo paca necapanenebiwa tsane", jei Jesús.

²⁹⁻³⁰ Nexata Jesús pijimonae tsipaeba pecayabara jata pepaebi diwesiyo xua higuera nae, jeye: "Pataema nae po nae pewan higuera nae, xuano ichacuitha icha naeinno xua pataneme xua pena noxu xuxuwa pona. Nexata bapoxonae payaputaema xua imoxoyo wei tsurucuae tsoponae.

³¹ Nexata barapocotsi juta coyeneya icha tsane xuaunxuae paca tsipaebatsi xua poxonae jiwi muxu pijunuwu pewaterapae tsane. Bapoxonae payaputaename xua bara imoxoyo tsane poxonae xua tapatopae wnae tsane poxonae jiwi itorobiya ewatsin.

³² “Bara xaniyeya paca tsipaebatsi daxita judiomonae naitapataya naexanaponaena beya yacui othopaena poxonae Nacom exanaena daxita baxuan pocotsiwa xuaunxuae paca tsipaebatsi. Bapoxonae barapo judiomonae werawueracaena.

³³ Peftaboco aichurucuae tsane, matauta ira aichurucuae tsane. Meisa nama tajumein ataya tsitecaena xua daxota daxita nayabara jume wetsina be pocotsi coyeneya bayatha paeban.

³⁴ “Dota pam, pana neyabara cananta xeinaeya jinompare. Painya xoba pana najuntā coyene ararana exaname xua pana nasi cui matacaetame yabaxitha xvano xua pana nacupa exaname peatsaxae meratha, yawano xua saya i pananta xeiname xua panantawenoname xua saya paxam nexa. Bapoxonae barapo matacabi xain jopa paca benaetae tsane poxonae jopaena.

³⁵ Tsipei barapo matacabi jemeicha jopaena, icha be pocotsi juta coyeneya ichi poxonae duwein jemeicha autabatsi mayatha. Barapo matacabi jopaena daxita barapo cae pin nacuathe yajiwī canapaxuinchī.

³⁶ Tsaca pajinompeibare xua tapatopae wnae tsane. Matowa patsipaeba dubenanaebiyama Nacom. Patsipaebibare xua Nacom paca capanenebiya exanaena baxua weya xua poxonae Nacom cana exanaena ichamonaetha xuaunxuae paca tsipaebatsi. Barichi patsipaebibareno xua painya nepaca itacupaewa tsane xua painya neumenaewa taitabaratha ponxaein Nacom Tananeitapetsin”, jei Jesús pijimonaetha.

³⁷ Daxita matacabi Jesús cuidubeiba jiwi Nacom pin pia botha Jerusalén tomaratha. Merawitha tsaibi demxuwa beya poneiba xua baxotiya peecaenexa tsaibi tsane, po demxuwa pewan Olivos.

³⁸ Daxita matacabi jiwi caemumbotha tsaibi pateiba Nacom pin pia botha xua Jesús pejume taenexa tsaibi tsainchi.

22

Meje yabara poxonae fariseomonae iru sacerdotemonae pia pentacaponae tati daxita barapomonae Jesús yabara nanta xeinatsi po coyeneya xua Jesús pewaetabiwa tsainchi (Mt 26.1-5, 14-16; Mr 14.1-2, 10-11; Jn 11.45-53)

¹ Bara nama imoxoyo matacabi jopa po matacabitha xua jiwi nacaetuta pexaenexa pan xua jopa cotowiyo. Barapo matacabi pewan Pascua matacabi wan. Barapo Pascua matacabi wantha jiwi yabara nanta xeina po matacabi poxonae caena bayatha matha judiomonae Egipto nacua weya panenebiya.

² Sacerdotemonae pia pentacaponae tati, iru pomonae jiwi pecuidubiwi Moisés pia peitorobi coyene tati, daxita barapomonae nabaꝛu muxu jei xua bepa pinae eta bichi tsane poxonae Jesús waetabinchi pebexubinexatsi. Cataunxuae jopa exanaeyo, canta jiwi cunuwatsi.

³ Bapon Judas caein jiwana pomonae doce poyobe pomonae Jesús pijimonaexae tati. Judas icha wan xeina, po wan “Isariote”, baraichi. Nexata bapoxonae Satanás caurimonae pia pentacaponaein tati, Judas imoxoyo peinya caquita uncuatabatsi peitorobinexatsi xua abe peexanaewa tsane.

⁴ Judas siwa pona sacerdotemonae pia pentacaponae tati, iru policiamonae xua pebaꝛu cueicueijeinexa tsane. Barapomonae policiamonae pentacaponae tati, xua pomonae peyabara umenaewi Nacom pin pia bo tati. Daxita barapomonaetha Judas tsipaeba xua pocotsi coyeneya poxonae Jesús caenaetinchi barapomonaetha.

⁵ Barapomonae bichocono ichichipacupa baxua. Yawa barapomonae Judas muxu tsipaebatsi xua parati xi catsibapaebatsi.

⁶ Judas bara yabara jejei xua barapomonae paeba. Bapoxonae Judas tamropata pitaba xua jeita xua po coyenetha Jesús pecaenaetaxubiwa tsainchi barapomonaetha poxonae peyapu xanepanaewatha poxonae jiwaibi tsupacuae.

Meje yabara poxonae Jesús pijimonae baru nabane Pascua wan matacabitha (Mt 26.17-29; Mr 14.12-25; Jn 13.21-30; 1 Co 11.23-26)

⁷ Nama matacabi jopaba po matacabitha poxonae jiwi tsinacaetutsina xua penabanaenexa pan po pan jopa muxuna pentsiyo lewadura matawan pocotsiwa xua cotowa exana pan. Barapo penantacarucuae matacabitha ba corderoxi pebtoxi xua oveja coxi jutebatsi xua jiwi pexaenexa.

⁸ Pedro iru Juan itorobatsibe, Jesús itoroba. Jesús barai, jeye:

—Paponarebe panacui w̄naerebe pexaewa Pascua w̄n matacabi nexa waxaenexa tsainchi, jei Jesús.

⁹ Baponbe, Pedro ir̄ Juan, Jesús yainyabatsibe. Jeibe:

—¿Xota ichichipame xua xota pexaewa paca tsiw̄naetsinchi wanabanaenexa tsane xua Pascua w̄n matacabi nexa? jei barapomonaē.

¹⁰ Jesús jume nota. Jeye:

—Poxonaē tomaratha papatopaenamebe, pataenamebe pebin. Barapo pebin juruwatho yantana ponaena mera. Bapon papuna ponarebe bo beya ichaxota bapon joniyaena.

¹¹ Pon bo pexeinaein pabarande: 'Pon jiwi Pecuidubin cabarai: ¿Incane tutura, po tututha tajiwiwimonaē bar̄ xaein Pascua w̄n matacabi nexa? jeye Pecuidubin', pajandebe, jei Jesús.

¹² Equeicha Jesús jeye:

—Bapoxonaē pon bo pexeinaein paca tsita ita cayopichinabe po tutu pin tutu. Barapo tutu, po tutu xua asiyeicha, barapo tutu bayatha xaneba. Barapo tututha pexaewa panacui w̄naetajebare xua wanabanaenexa pexaewa barapo Pascua w̄n matacabi nexa, jei Jesús.

¹³ Barapoyobe ponabe, penamchixae daxita tanebe be pocotsi coyeneya Jesús bayatha paeba. Bapoxonaē pexaewa nacui w̄naetajebabe Pascua w̄n matacabi nexa xua penabanaenexa.

¹⁴ Poxonaē barapo hora tsuxubi poxonaē quirei tsanaicha, Jesús bar̄ ecoundeca pexaethopaewatha pijimonaē pomonaē doce poyobe pomonaē pia peitorobiwixae tatsi Jesús.

¹⁵ Nexata Jesús barai, jeye:

—Maisa bichocono j̄nt̄ coyene weiweinan xua tapaca cabar̄ nacaetutsiwatsi, yawa tapaca cabar̄ nabanaewatsi barapo Pascua w̄n nabanaē matacabithe, xua baxua matha pew̄naeye tsane xua poxonaē tat̄paewa tsane.

¹⁶ Daxota paca tsipaebatsi xua equeicha jopa tapaca bar̄ nacaetutsiwatsi tsainchi xua wanabanaewa tsane Pascua w̄n matacabitha. Equeicha exanaeinchi barapo penabanaewa po mataqueitha poxonaē Nacom neexanaena xua jiwi itorobiya ewatsin, jei Jesús.

¹⁷ Nexata Jesús pecobetha pita corotiyo, Nacomtha tsipaeba, jeye:

—Axa, maisa j̄nt̄ coyene weiweinan xua corotiyotha ecareca pepa uva mera xua pata tanecatsiwam, jei.

Yawa barai pijimonaē, jeye:

—Barapo corotiye pana nacobe wenonotaponde tamropata tsiwixi pa-aapaponde.

¹⁸ Daxota paca tsipaebatsi barapo uva mera jopa equeicha paca bar̄ apae tsainchi anoxuae. Meisa ab̄ bexa tsane pena coyenewatha paca bar̄ apaeinchi barapo uva mera poxonaē Nacom neexanaena xua jiwi itorobiya ewatsin, jei Jesús.

¹⁹ Jesús pecobetha pita pan, Nacomtha tsipaeba, jeye:

—Axa, maisa j̄nt̄ coyene weiweinan xua pan pata tanecatsiwam, jei.

Bapoxonaē Jesús pecobetha epa janaca pan, yawa catsiba pijimonaē. Pijimonaē barai, jeye:

—Paxaema po pan epa janacan. Barapo pan apara neyabara caunuta tapepon xua poxonaē tapaca tsit̄paewatsi tsainchi. Baxua paexaneibare bapocotsiwa xuaunxuae pan paca bar̄ xainchi. Barapo coyene paexaneibare painya tana neyabara j̄nt̄anaineibinexa tsaiibi tsane, jei Jesús.

²⁰ Poxonaē Jesusbar̄ najain weta, barapoxonaē Jesús yabara paeba corotiyo, icha ichi xua yabara paeba pan. Jesús jeye:

—Nacom exana pena pecipanenebiyae coyene jiwi nexa. Barapo pecaapaewiyotha uva mera paapame, xuaunxuae paapame, apara natsicotane be tajana xua tat̄paein jana jopeicaein. Barapo pejanatha paca j̄nt̄ coyene cui capanepaeinchi abe painya neexanaē cuiu coyenein weya.

²¹ Pebin taxantha necacuita namax̄ ȳtabota pexaethopaewatha, barapo pebin necaenaetsina ichamonaetha xua tanebexubinexa tsane ichamonaē.

²² Xan ponxaein Nacom Tananeitapetsin bewa t̄paein, tsipei Nacom Pejume Diwesitha baxua neyabara paeba caena bayatha. Ichitha pebin tsocuae pon nacaenaetaxubina ichamonaetha, jei Jesús.

²³ Nexata barapomonaē caemonaē nantiya nayainyaba, jeye: “¿Jintam metha caenaetatsi Jesús?” najei barapomonaē.

Meje yabara poxonaē Jesús pijimonaē tatsi, yabara najume matsontsonoba xua barapoyobe caein ainya cui jiwana exanaeinchi pon xua barapo doce poyobe jiwana

²⁴ Pirapaeyo Jesús pijimonaē tatsi najume matsontsonoba xua barapoyobe caein ainya cui jiwana exanaeinchi pon xua barapo doce poyobe jiwana.

²⁵ Nexata Jesús jume barai: “Pomonaē jopa judiomonaē naexanaeayo, barapomonaē ba nantaŋta piamonaē pomonaē nacua peewatsiwi. Barapomonaē pomonaē jiwi itorobiya pia pepa peewatsiwichi barompaya piamonaexae jopa juniya itorobeibiyo. Barapomonaē pomonaē jiwi itorobiya pia pepa peewatsiwichi baxua exana, xua daxita jiwi pia jeichi: ‘Maisa barapomonaē pomonaē jiwi itorobiya pia pepa peewatsiwichi wanaē nacata exana xua naca itoroba’, pia jeichi jiwi.

²⁶ Ichitha paxam jopa bewa paraichim tsane xua aebiya painya neitorobiwa tsane. Jame, icha cui bewa paxeinare. Pon ainya cui peexanaeinchi paxamtha xua beyacaincha ichamonaē bapon bewa naexanaena be pon pecui pawī. Pon xua jiwi itorobeiba, bapon bewa naexanaena be pon amanaya tanacuita ichŋn nexa.

²⁷ Irŋ ainya pebinbe. Ichŋn pexaethopaewatha ecoundeca. Ichŋn pexaewa apata. Pon ecoundeca apatatsi. ¿Jintamda pon ainya cui peexanaeinchira xua beyacaincha ichŋn? Pon xua jiwi apata pexaewa bapon jopa ainya cui peexanaeinchi. Jame pon pententa apatinchi bapon jame pon peainya cui peexanaeinchi, xua beyacaincha ichŋn. Nama painya xantha ecan, xua tacoya nacana exanan be pon xua pexaewa jiwi taapatsin, pocotsin jopa ainya cuiyiyo.

²⁸ “Paxam barapomonaē pam, pomonaē meisa pana nebarŋ jinompeibame poxonaē bequein ichamonaē inta abe exana.

²⁹ Daxota paca catatsi taitorobi coyenewan icha Taxa Nacom neichi xua necata barapo peitorobi coyenewan.

³⁰ Barapo peitorobi coyenewan paca catatsi, painya nenabarŋ nabanaenexa taitorobeibi nacuatheica. Paenaename pexeinya peitŋpanae enaewantha, painya neyabara paebinexa tsane pomonaē doce po bicheito cuntiyobe, pomonaē Israel pia pemomoxi susato jiwimonaē tatsi xua penatsicuentsiwa abe pia peexanaexae”, jei Jesús.

Meje yabara poxonaē Jesús namchi xua pinaē Pedro Jesús yabara jei tsainchi: “Jopa dapon yaitaeyno”, pinaē yabara jei tsainchi Jesús (Mt 26.31-35; Mr 14.27-31; Jn 13.36-38)

³¹ Equeicha Jesús jeye:

—Simón jan, caurimonaē pia pentacaponaein tatsi, bapon Satanás newŋca: ‘Jinyamon-ae-pin necare’, nejei. Bapon ichichipa xua abe cata exanaena xua taneitawetsinexam tsane. Icha jiwi ichi xua pebena daunweya yasisita pexubinexa pesiberapewa. Barichi caurimonaē pia pentacaponaein tatsi ichichipa cajŋntŋ coyene itorobina xua taneitawetsinexam tsane.

³² Ichitha xan Taxa beicha cata tsipaebatsi xua jopa tana neyabara jŋntemainaenexam tsane xua tana nejume cowantsiwam. Ichitha Satanás cacana exanaena xua tana nejume-febiwam saya bara caeto tsane. Bapoxonaē equeicha caewa nejume cowantsiname. Poxonaē equeicha caewa nejume cowantsiname, nexata ichamonaē pomonaē tana nejume cowantsiwi barapomonaē yawenaename xua ajŋntŋyapusŋya tana nejume cowantsiwa tsane, jei Jesús.

³³ Simón Jesús jume notatsi, jeye:

—Tanecanamataxeinaem, maisa be cabarŋ poponaeinchi. Bara bequein ichamonaē cacaponaeina jiwi pecŋbi botha ichitha awiwa capuna tŋpaeinchi. Mataŋta bequein tŋpaeiname ichitha awiwa capuna tŋpaeinchi, jei Simón Pedro.

³⁴ Jesús jume nota, jeye:

—Pedro, catsipaebatsi hexa necaunutsiname acoibi po jume cuiyobe neyabara jam tsane: ‘Dapon jopa yaitaeyno’, neyabara jam tsane. Barapoxonaē irŋ tsane wacara pebto fibina, jei Jesús.

Meje yabara poxonaē bara nama barapo matacabi tsane po matacabitha Jesús waetabatsi

³⁵ Nexata Jesús pijimonaē yainyaba, jeye:

—Poxonaē bayatha paca itorobatsi paca jeichi: ‘Jopa paratixi doro pacaponaeinde, jopa cote pacaponaeinde, jopa panataxu xatabinde xua penataxu xatabiwa’, jan. ¿Eta xoyo pacata seica xua xoyo pacobena poname? jei Jesús.

Barapomonaē Jesús jume notatsi, jeye:

—Ajibi, bara paxeinan pocotsiwa panantawenonan, jei.

³⁶ Nexata Jesús jume nota. Barapomonaē jume notatsi. Namchi:

—Anoxuae paca tsipaebatsi xua icha cui coyeneya. Pon cote xeina, moya bewa caponaē. Pon xeina paratixi doro, moya bewa caponaē. Pon peaitiyŋ camisa xeina, bapon bewa caenaetsina barapo camisa, barapo paratixitha bewa comotsina cusi.

³⁷ Poxoru paca tsipaebatsi caena bayatha Nacom Pejume Diwesitha neyabara paeba, jeye: ‘Bapon cayabara cananta xeinaeinchi jei tsane bapon jiwana caein pomonaē

peabewi', jei Nacom Pejume Diwesitha xua pinae jiwi jei tsane. Jiwi nantawenona xua baxua neyabara caunutsina xua Nacom peneyabara jumichixae baxuan pejume diwesitha, jei Jesús.

³⁸ Barapomonaе Jesús jume notatsi. Jeye:

—Patatanecanamataxeinaem, xote bayatha paxeinan ainya watobe cusi, jei.

Jesús jume nota, jeye:

—Bara, bare, jei Jesús.

Meje yabara poxonae Jesús Paxa tsipaeba ichaxota tsica iriyo po iriyo pewun Getsemani (Mt 26.36-46; Mr 14.32-42)

³⁹ Nexata Jesús tomara weya pona. Bapon pona demxuxwa beya po demxuxwa pewun demxu Olivowa, olivo naein peumenaexae baxota poxoru pia cui xua poneiba baxota petsipaebibinexa Paxa. Jesús pijimonaе puna poinchi.

⁴⁰ Poxonae barapo demxuwatha patopa, Jesús pijimonaе barai:

—Nacom patsipaebare xua jopa abe painya neexanaewa tsane xua caurimonaе paca itoroba.

⁴¹ Nexata Jesús pijimonaе tsiwiyo wepu natsixitaba. Saya jopa tajuyo. Be poxonae pebin ibotiyo xoya xua be pocotsiwatha naruntabiya jopeica. Jesús pentabocototha ecoundeca. Paxa tsipaeba.

⁴² Jesús namchi: “Axa, icha ichichipame xua tana neyawenaewam, inta pire xua ajuntacoyenerewe neexana. Ichitha jopa neexanaeinde be pocotsi coyeneya ichichipan. Saya jame necana exande be pocotsi coyeneya ichichipame”, jei Jesús.

⁴³ Bapoxonae Jesús tsita naitatatsi matatsunpin pon itaboco wetsica pona. Barapo matatsunpin Jesús antusya cana exanatsi poxonae yawenatsi.

⁴⁴ Bichocono Jesús ajuntatane tsipei Paxa copatatsi xua jiwi petsitupaewa tsainchi. Paxa beya bichocono matowa jume daunweya tsipaeba. Yawano bichocono najaneta. Barapo penajanetsiwa poxonae iratha othopeica be pejana othothoepica.

⁴⁵ Poxonae najume wetaba xuano xua asiya uncuano bapoxonae pijimonaе beya pona. Jesús tane pijimonaе xua tamaitumeinchi. Barapomonaе maita tsipei juntu cuerona xua wecoyei, xua Jesús yaitama petupapaebixae.

⁴⁶ Nexata Jesús pijimonaе barai, jeye:

—¿Eta xua metha pamaitame? Panonobaponde Nacom patsipaebare xua jopa abe painya neexanaenexa tsane pocotsiwa caurimonaе paca itoroba, jei Jesús.

Meje yabara poxonae Jesús waetabatsi (Mt 26.47-56; Mr 14.43-50; Jn 18.2-11)

⁴⁷ Cataunxuae abu Jesús pijimonaе tsipaebuncua poxonaeru jiwi pin bicheito pata. Caein Jesús pijimonaе tatsi jiwana, pon pewun Judas, pomonaе xua doce poyobexae, bapon pin bicheito matacapona. Judas Jesús imoxoyo caquita uncuatabatsi xua Jesús petsutsubinexa tsainchi.

⁴⁸ Nexata Judas baraichi, Jesús barai, jeye:

—Xan ponxaein Nacom Tananeitapetsin, ¡Judas, jamaisa netsutsubame, apara metha jinya necaenaetichi ichamonaetha! jei Jesús.

⁴⁹ Pomonaе Jesús pijimonaе tatsi caquita umeinchi, poxonae barapomonaе baxua tane xua Judas Jesús tsutsubatsi xua pecaenaetsinexatsi ichamonaetha, bapoxonae barapomonaе Jesús baraichi:

—Pata Tanecanamataxeinaem, ¿barapomonaе cusitha paucuboban? jei Jesús pijimonaе tatsi.

⁵⁰ Jesús pijimonaе tatsi jiwana caein, bapon muxuyoro catsoniba, pon sacerdotemonaе pia pepa pentacaponaein tatsi tanacuitatsi bapon muxuyoro catsonibatsi po muxuyoroto pecoxa werucuiya.

⁵¹ Ichitha Jesús barai bapon jeye:

—Bara, bara, jei Jesús.

Pon muxuyoro catsonibatsi Jesús muxuyoro jayaba pecobetha. Bapoxonae bapon equeicha muxuyoro ducuanaya.

⁵² Jesús tsipaeba, sacerdotemonaе pia pentacaponaei tatsi tsipaebatsi. Yawano tsipaebano pomonaetha pomonaе penapataewi. Barichi tsipaebano pomonaetha pomonaе Nacom pin pia bo pepayu enaewi. Daxita barapomonaetha Jesús cueicueije, pomonaе ichichipa xua Jesús pewaetabiwatsi. Jesús jeye:

—¡Pacapatame cusin yawa iwabi, icha paichim poxonae pacana exaname pontha pon jiwi pecaibin!

⁵³ Poxonae daxita matacabi Nacom pin pia botha paca baru poponeibatsi, jopa pana newaetabim. Ichitha anoxuae barapo matacabi tsuxubi nama po matacabitha Nacom

paca yabara cui copata xua painya neexanaewa tsane pocotsiwa paca necaitorobixae cauri, bapon Satanás pon peyaitaquireya jinaein.

Meje yabara poxonae Pedro Jesús yabara paebatsi xua jeye: “Jopa dapon yaitaeinyo”, yabara jeichichi Jesús

(Mt 26.57-58, 69-75; Mr 14.53-54, 66-72; Jn 18.12-18, 25-27)

⁵⁴ Nexata daxita barapomonae Jesús teicatsi. Yawano capoinchino sacerdotemonae pia pepa pentacaponaein tatsi pia bo beya tatsi. Pedro, Jesús tsiwiyo tajū pu taeta tsiniyatsi.

⁵⁵ Baraxotiya sacerdotemonae pia pentacaponaein tatsi pia botha tatsi bara po botha aisowa beya panatha tututha isoto itutaeta. Soldadomonae barapomonae nayatoxoroto exanaxubiya ena isototha. Baraxota irū Pedro naeca.

⁵⁶ Yabūyo powa sacerdotemonae pia pepa pentacaponaein tatsi tanacuitatsi, poxonae Pedro tainchi barapowa, xua irū naeca baxota isototha barapowa Pedro caununaya baraichichi, jeichichi:

—Bapon irū apara bayatha Jesús puna poponeibatsi, jei.

⁵⁷ Ichitha Pedro jume matawenta, jei:

—jPetsiriwa, barapo pebin jopa yaitaeinyo! jei Pedro.

⁵⁸ Bapoxonae pirapaeyo irū ichūnda pebin patopa. Bapon Pedro irū tainchi xua irū naeca baxota. Pedro baraichi bapon, jeye:

—Xam apara irū Jesús pijimonae tatsi jiwanam, jei.

Ichitha Pedro jume barai, jeye:

—jPebin, jopa dapomonae jiwananyo apara! jei Pedro.

⁵⁹ Poxonae cae hora yapucaewa, irūna ichūn Pedro matowa baraichichi:

—Bapon apara napuna poneiba Jesús, tsipei bapon Galilea nacupinda, jei.

⁶⁰ Ichitha Pedro jume barai, jeye:

—jPebin, daumetha jopa taeinyo xua paebame! jei Pedro.

Poxonae Pedro cataunxuae baxua cueicueijeji, bapoxonae caena nainya wacara pebto caein fiba.

⁶¹ Nexata Jesús napatomeicha necota, Pedro necoyatsi. Nexata Pedro nanta xeinataba xua bayatha Jesús Pedro tsipaebatsi, poxonae jeye: “Xam barapo merawithe, pewūnaeya poxonae wacara pebto fibina xam copiya acoibi po jume cuiyobetha neyabara jam tsane: ‘Jopa dapon yaitaeinyo’, neyabara jam tsane. Barapoxonae irū nainya wacara pebto fibina”, jeichi Pedro xua Jesús paeba.

⁶² Nexata Pedro pesato bejoniya. Bichocono wecoyei, peajūntūtanexae xua Jesús yabara paebatsi.

Meje yabara poxonae Jesús cui caponatsi

(Mt 26.67-68; Mr 14.65)

⁶³ Pomonae Jesús yapucaumeinchi, daxita barapomonae Jesús cui caponatsi, yawa but sino.

⁶⁴ Jesús itacuere cutatsi, paparuwatha yawa itabara cuaintatsino. Barapomonae Jesús baraichi:

—Incane pana netsipaebare, ¿jintam caitabara tsaquibobara xua bequein paca itabara cutatsi? jei.

⁶⁵ Daxita barapomonae Jesús tsūma jume barū paebatsi ainya jumeintha.

Meje yabara poxonae Jesús capoinchi judiomonae pia pecanamata caitorobi jiwi bicheito tatsi pia peitabaratha tatsi

(Mt 26.59-66; Mr 14.55-64; Jn 18.19-24)

⁶⁶ Poxonae pentha tsina nabarū nacaetuta penapataewi judiomonae, irū sacerdotemonae pia pentacaponaei tatsi, irūna pomonae jiwi pecuidubiwi Moisés pia peitorobi coyene tatsi. Daxita barapomonae Jesús capoinchi pecanamata caitorobi bicheito itabaratha tatsi xua peyainyabinexatsi, jeichi:

⁶⁷ —Incane pana netsipaebare, ¿Xam Mesías, pon Nacom necaitorobin? jei.

Jesús jume epa pita jeye:

—Icha: ‘Aa’, paca jei tsipaetsi, apara jopa pana nejume cowūntsitsipaem.

⁶⁸ Icha paca yainyabichipatsi tayainyabiwan apara jopa pana nejume notsipaem.

⁶⁹ Ichitha ponxaein Nacom Tananeitapetsin ecaein Nacom pia pecoxa weya tatsi, po Nacom peayapusū itorobi coyenewa pexeinaein, jei Jesús.

⁷⁰ Bapoxonae daxita barapomonae Jesús baraichi:

—¿Nexata metha xam Nacom Pexanto tatsim? jei.

Jesús jume epa pita jeye:

—Aa, barichi xuaunxuae papaebame painya coutha, jei.

⁷¹ Nexata barapomonaе caemonae natsipaeba najei:

—Anoxuae jopa nantawenonaetsi xua ichamonae Jesús peyabara paebiwatsi. Tsipei anoxuae nama yatsicaewa jume tainchi, xua bapon pia coutha nayabara paeba, jei barapomonaе.

23

Meje yabara poxonae Jesús uncua Pilato peitabaratha tatsi

(Mt 27.1-2, 11-14; Mr 15.1-5; Jn 18.28-38)

¹ Nexata daxita penayatoxoro exanaxubiya enae jiwi barapomonaе asiya ume-naracupa, Jesús teicatsi yawa capoinchi Pilato peitabaratha tatsi. Pilato bapon pon Judea nacuapiwi peyanacua ewatsinchi.

² Baxota daxita barapomonaе Jesús cui yopitatsi xua abe exana, jeye:

—Barapo pebin patan xua wajiwimonaе jume cui tsacabatsi xua anaepana cana exanatsi. Yawano pajume tanno pocotsiwa jopa bewa pinae paratixi matoma catsi pontha pon romanomonaе itorobiya pia pepa peewatsinchi. Matauta bapon nayabara paeba: ‘Xan apara Mesías pon jiwi itorobiya pepa Taewatsin’, jei, jei barapomonaе.

³ Nexata Pilato Jesús yainyabatsi, jeye:

—¿Xam judiomonaе itorobiya pia pepa Neewatsin? jei.

Jesús jume nota namchi, jeye:

—Xuaunxuae paebame bara baxua apara, jei Jesús.

⁴ Nexata Pilato barai sacerdotemonaе pia pentacaponae wi tatsi yawa baraino jiwi, jeye:

—Jopa jume itaraerowinyo bapon xua po jumetha penayaita anae exanaewa, xua pebexubinxatsi barapo pebin, jei.

⁵ Ichitha barapomonaе jume daunweya cueicueijei, jeye:

—Jiwi jopa juniya jume cui tsacabichi xua anaepana exanatsi pia pecuidubiwantha, daxita Judea nacuatha. Baxua Galilea nacuatha tamropata pitaba, equeicha aunxuae waxainya becui joparene, jei.

Meje yabara poxonae Jesús uncua Herodes peitabaratha tatsi

⁶ Poxonae Pilato baxua jume taeba barapo bicheito baraichi, jeye:

—¿Jesús bara Galilea nacuapin? jei Pilato barapo bicheitotha.

⁷ Barapo bicheito namchi, jeye:

—Aa, bapon Galilea nacuapin, jei barapomonaе.

Bapoxonae Pilato itoroba, Jesús itorobatsi, Herodes peitabaratha beya. Bapon Herodes pon Galilea nacuapiwi peyanacua ewatsinchi. Herodes siwa poneiba Jerusalén tomara.

⁸ Poxonae Jesús taebatsi Herodes, bapon bichocono juntu coyene weiweinanareca, tsipei bayatha Herodes cuinaya betaena. Herodes saya jume taiba xua Jesús yopiteibatsi. Herodes ichichipa tane xua Jesús petsita itatsi coyenewa exanaewa.

⁹ Herodes Jesús matowa yainyabatsi. Ichitha Jesús jopa jume notsiyo.

¹⁰ Baraxota iru ena sacerdotemonaе pia pentacaponae wi tatsi. Iru baxota ena pomonaе jiwi pecuidubiwi Moisés pia peitorobi coyenewa tatsi. Daxita barapomonaе Jesús bichocono abe yabara paebatsi Herodes pia xantha tatsi.

¹¹ Nexata Herodes yawano pia soldadomonaе tatsino daxita barapomonaе Jesús tsumu jume baru paebatsi. Jesús cui caponatsi, pexeinya paparuwa juma xatatatsi pocotsi paparuwan nama xataba pomonaе peyanacua ewatsi jiwi. Equeicha Jesús itorobatsi Pilato peitabaratha beya, Herodes bara beitorobiya.

¹² Barapo matabitha Herodes iruno Pilato naitacoxonabe. Baponbe caena bayatha saya penaita aenae-aenei jitonbe.

Meje yabara poxonae Pilato jume baru jejei xua Jesús bara pebexubiwa tsainchi ichamonaе

(Mt 27.15-26; Mr 15.6-15; Jn 18.39-19.16)

¹³ Sacerdotemonaе pia pentacaponae wi tatsi iruru judiomonaе pia pentacaponae wi, iruru daxita jiwi, daxita barapo bicheito Pilato waba xua barapo bicheito penacae-tutsinexa.

¹⁴ Pilato barai barapo bicheito, jeye:

—Paxam barapo pebin pacaponame taxantha. Pajam: ‘Barapo pebin daxita jiwi jume cui tsacabatsi xua anaepana exanatsi’, pajam. Bayatha bequein baxua barapo pebin yabara yainyaban painya itabaratha pocotsiwa bayatha payabara paebame taxantha, ichitha jopa jume itaraerowinyo bapon, xua po jumetha penayaita anae exanaewa xua yabara pana netsipaebame.

¹⁵ Icha ichin xua jopa jume itaraerowinyo Herodes barichi. Daxota equeicha Jesús caibe itorobarenatsi waxainya berena. Yaitama Jesús jopa abe exanaeyo, daxota jopa bewa bexubi.

¹⁶ Tha cueintichi bapon. Tha bapoxonae pu copatichi, jei Pilato.

¹⁷ Poxonae Pascua matacabintha ichan ba bewa isanaxubichi. Pilato barapo Pascua matacabintha nantawenona xua isanaxubina caein pon jiwi pecubi botha peecaein, pon xua jiwi ichichipa, xua bapon peisanaxubinexa tsainchi.

¹⁸ Bapoxonae daxita jiwi jume daunweya wawai, jeye:

—¡Soldadomonae itorobare xua bapon pebexubinexatsi! ¡Barrabás painta pu sotabare! jei.

¹⁹ Barrabás jiwi pecubi botha etatsi, tsipei caena bayatha matacapona ichamonae xua barapo tomarapiwi najume tsacaba cana exanatsi xuano xua jiwi jutebatsi.

²⁰ Pilato ichichipa xua Jesús pu copatatsi. Daxota equeicha barapo bicheito tsipaebatsi xua Jesús yabara paebatsi.

²¹ Ichitha equeicha barapo bicheito jume daunweya wawai Pilatotha, jeye:

—¡Bewa maisa naetotha tɔparucua exanaem! ¡Bewa maisa naetotha tɔparucua exanaem! jei.

²² Equeicha Pilato tsipaeba barapo bicheito, jeye:

—¿Eta pocotsiwa xua metha jane xua abe exana? Xan jopa jume itaraerowinyo bapon xua po jumetha penayaita anae exanaewa xua pebexubinexatsi bapon. Tha cueintichi, tha bapoxonae pu copatabichi, jei.

²³ Barapo bicheito jopa juniya wawayo xua naetotha tɔparucua peexanaenexatsi Jesús. Iruru sacerdotemonae pia pentacaponae watsi jume daunweya wawairu, beya capanepa po coyene ichichipa pecana exanaewa.

²⁴ Daxota Pilato namchi: “Moya paexande be pocotsi coyeneya paichichipame”, jei Pilato.

²⁵ Nexata Pilato nama pu sotaba pon jiwi pecubi botha peecaein, pon jiwi ichichipa xua bapon peisanaxubiwa tsainchi. Bapon pewan Barrabás, pon waetabatsi poxonae jiwi najume tsacaba xuano poxonae jiwi jutebatsi. Bapoxonae Jesús copatatsi, Pilato copata, xua Jesús bara pebexubinexatsi judiomonae pejumeyainwa tatsi.

*Meje yabara poxonae Jesús tɔparucua exanatsi naetotha
(Mt 27.32-44; Mr 15.21-32; Jn 19.17-27)*

²⁶ Poxonae Jesús cataunxuae caenapoinchi tɔpa peexanadutsinexatsi naetotha, pebin waetabatsi, soldadomonae waetaba. Bapon pewan Simón, Cirene tomarapin. Bapon wexua werena pona. Bapon peutucuratha tabotsicatsi naeto, xua pecaponaenexa Jesús peputha tatsi.

²⁷ Jesús peputha tapoinchi pin bicheito, iru ainya yabuxino Jesús peputha tapoinchi. Daxita barapowaxi nantanuweya siwa namtsebiya wecoyeichi Jesús.

²⁸ Ichitha Jesús necotabiya barai barapowaxi, jeye:

—Yabuxi Jerusalén tomarapiwaxi pam, jopa pana nesiwa namtsebiya wecoyande. Jame maisa painya coutha pana nasiwa wecoyande, painya pexuino pasiwa wecoyande.

²⁹ Tsipei matacabin othopaena po matacabintha jiwi atene tsane. Barapo mataqueintha, jiwi jei tsane: ‘Juntu coyene weiweina po yabuxi jopa pexui xeinaeyo. Juntu coyene weiweina po yabuxi jopa bapana butixitha taenaetsi pexui. Juntu coyene weiweina po yabuxi bapana pexui jopa isainae’, jei tsane jiwi barapo matacabintha.

³⁰ Yawano jiwi namchi tsane: ‘Maisa xanepana xua wawerapaewa xua wanaca canubabiwa demxuwan, yawano tsorobon naca matatsin wetoxebabina xua jopa wanaca itatsiwa tsane’, jei tsane jiwi barapo matacabintha.

³¹ Xan wanae exanan dacotsiwa jiwi jopa juniya neperaxa exanaeyo. Ichitha pomonae abe peexanaewi nama jopa juniya bichocono peraxa exanaetsi beyacaincha xua neperaxa exana, jei Jesús.

³² Cataunxuae Jesús ecapona. Iruru ponbe abe matowa peexanaeinbe, baponbe Jesús peputha tacapoinchibe, xua baponbe iru pebexubinexa tsainchibe poxonae Jesús bexotsi.

³³ Daxita jiwi Jesús baru patatsi ichaxota po uruto be jiton matasipa piwa. Po uruto wan caunuteiba xua jei tsaibi: “La Calavera”, jei. Barapo uruto matasoitha Jesús tɔparucua exanatsi naetotha. Iruru ponbe jiwi pecaibinbe tɔparucua exanatsibe naetotha ichaxota imoxoyo Jesús ducua. Ichin Jesús petsocoina wetauncuiyatsi, iru ichan pecoxa wetauncuarenatsi.

³⁴ Poxonae Jesús naetotha ducua, Jesús jeye:

—Axa yabara cui junteinmainare po coyene barapomonae necana exana, tsipei barapomonae jopa yaputaeyo xua necana exana, jei Jesús.

Soldadomonaē nata tsaba Jesús pia paparuwan tatsi. Bapomonaē ibotixi bebeya penacueranta notsinexa Jesús pia paparuwan tatsi. Pon beta xoya ibotiyo bapon copiya pita Jesús pia paparuwan tatsi.

³⁵ Baraxota Jesús taeumeinchi jiwi. Ichitha nama pentacaponae wi Jesús cui caponatsi, barapomonaē jeye:

—Bapon cain capanepibabei ichamonaē, came jopa nacapanepaeyo. Icha bara bapon Mesías, pon Nacom pia peitapetsin, bu bara bapon pia coutha nacapanepa naeto wetsica, jei barapomonaē.

³⁶ Soldadomonaē iru Jesús cui capoinchi, imoxoyo caquita umenapoinchino. Barapo soldadomonaē Jesús apatatsi po mera pewan vino, po mera mene atsu.

³⁷ Barapo soldadomonaē Jesús baraichi, jeye:

—Icha xaniwaicha judiomonaē itorobiya pia pepa Neewatsim, moya jinya coutha nacapanepare! ¡Naeto wetsica ecoinca! jei soldadomonaē.

³⁸ Jesús pentutu wetsica tadutatsi napaewa xua barapo napaewatha tina. Barapo petinadutsiwa jeye: “Baponje apara judiomonaē itorobiya pia pepa peewatsinchi”, jei barapo petinadutsiwa.

³⁹ Ponbe Jesús pecuariya tacobe matatabarutatsibe, ponbe matowa abe peexanaeinbe, baponbe caein ichan, bapon Jesús biatainchi petupaeyainwa naetotha. Bapon namchi:

—Icha xaniwaicha xam Mesías, ponxaem Nacom caitapeta, moya jinya coutha nacapanepare! ¡Yawano pana necapaneparebe! jei bapon.

⁴⁰ Pon icha naetotha ducua, bapon jume matawenta, pon Jesús casebatsi, bapon jume matawentsi. Pon icha naetotha ducua namchi, jeye:

—¿Xam jopa cuitaya junuwim Nacom? Aparauxuae tupaieinchibe ichaunxuae Jesús ichi tsane.

⁴¹ Waxainchibe jopa juniya naca peraxa jubiyobe abe waexanaexaebe, apara bara xainwaicha xua nacata exana tsipei bayatha apara abe exanatsibe. Ichitha nama ponje jopa apara abe exanaeyo, jei.

⁴² Nexata pon baxua penamchixae, bapon Jesús baraichi, jei:

—Jesús, neyabara cananta xeinare xua tana neyawenaexam po matabathia poxonae patopeicaename xua jiwi neitorobinexam tsane, jei bapon.

⁴³ Jesús jume nota, jeye:

—Xaniwaicha bara catsipaebatsi, anoxuae tsane cabaru ecaeinchi ichaxota jiwi juntu coyene weiweinthopeiba, peitupanae nacuatheicha, jei Jesús.

Meje yabara poxonae Jesús tupa

(Mt 27.45-56; Mr 15.33-41; Jn 19.28-30)

⁴⁴ Poxonae Jesús cataunxuae ducua naetotha, bapoxonae daxita nacuantha bichocono aitaquiri xua poxonae mateinyaxae weya, beya yatabopiya. Tres po horabe quirei tsuncuae.

⁴⁵ Poxonae cataunxuae xometo jopa penthiyo, bapoxonae paparuwa, po paparuwa Nacom pin pia botha ducua, barapo paparuwa nainya bopiya matonta tsitsiqueica.

⁴⁶ Nexata Jesús jume daunweya wawai, jeye:

—Axa, nejumope pire, po jumope tana necatsixaemxae, jei Jesús.

Poxonae Jesús baxua caunuta, bapoxonae Jesús tupaicha.

⁴⁷ Soldadomonaē pia pentacaponae tatsi Roma nacua pin, poxonae bapon baxua taeba, bapoxonae Nacom wunaē jaintatsi, jeye:

—Jaina, apara baraponje jopa abe exanaeyo, itara ichamonaē yopita xua abe exana, jei bapon.

⁴⁸ Daxita pomonaē xua baxua taeumena baxota, barapomonaē pia bo benawibiya. Poxonae namtotha enapona, daxita barapomonaē nantacari cuainbobenapona poxoru bichocono ajuntacoyenetane xua Jesús pewisiwatsi.

⁴⁹ Ichitha pomonaē Jesús peyaitae jiwi, iru yabuxino, powaxi Jesús puna dendenatsi Galilea nacua werena, daxita barapomonaē Jesús tajū wetaeumeinyatsi poxonae ichamonaē Jesús bexotsi.

Meje yabara poxonae Jesús petupaiein ibo muthutha yauxatatabotatsi

(Mt 27.57-61; Mr 15.42-47; Jn 19.38-42)

⁵⁰ Igaru pebin popona, bapon pewan José, Arimatea tomarapin. Arimatea tomara eca Judea nacuatha. Bapon pentacui xanepanaein. Yawano beta pepoponaein Nacom peitutha tatsi. José, bapon jiwana caein pomonaē judiomonaē pia pecanamata caitorobi bicheito tatsi.

⁵¹ Barapon José yabara jume cowuntsiya wunaē ewateiba po coyenewa xua poxonae Mesías patopaetsica pon jiwi itorobiya peewatsinexatsi. Poxonae pomonaē pecanamata

caitorobi bicheito exana poxonae Jesús bexotsi, baxua José jopa pebur̄ya nacayabara nanta xeinaeyo.

⁵² José Pilato siwa poinchi. Pilato w̄ncatsi Jesús pet̄paein, José w̄nca.

⁵³ José naeto wepichica Jesús pet̄paein. Bapoxonae José mata quiyontabareca barapo pexeyna paparuwatha. Bapoxonae José ibo m̄th̄u iya boya, po m̄th̄u jiwi m̄th̄u tofobobapona. Barapo m̄th̄u cataba cataunxuae pet̄paein ich̄n jopa boyaetsi.

⁵⁴ José baxua exana po mataqueitha pew̄n penacui xaxainchi matakabi poxonae judiomonae ba weta daxita xua penacuitsiwa pew̄naeya poxonae jopaena pentaquei seicae matakabi. Barapo pentaquei seicae matakabi imoxoyo jopaena.

⁵⁵ Powaxi Jesús puna dendenatsi Galilea nacua werena, barapowaxi pona m̄th̄u, petaenexa xua Jesús m̄th̄u xotsi.

⁵⁶ Poxonae barapowaxi bo benawibiya, bapoxonae nacui w̄naetajeba petuxueiwan yawa penasiwanno, xua Jesús pet̄paein tsixaxaintajebatsi.

24

Meje yabara poxonae Jesús equeicha as̄ juina exanatsi pet̄pae cuiru coyene weya (Mt 28.1-10; Mr 16.1-8; Jn 20.1-10)

¹ Barapowaxi botha cuicuina peseicae matakabitha, Moisés pia peitorobi coyeneya pepaebixae, barapo matakabi yabara.

Poxonae judiomonae pia pentaquei seicae matakabi tatsi yapu caewaba bapoxonae patopa matakabi po matakabi xua copiya ducua cae semanatha. Barapo matakabitha poxonae aena pentha tsina, yab̄xi pona m̄th̄u beya ichaxota Jesús boca. Barapowaxi capona petuxueiwan yawa penasiwanno xua bayatha xaxaintajeba. Barapowaxi cueyabatsi icha yab̄xi.

² Poxonae barapowaxi barapo m̄th̄u beya pata, barapowaxi taer̄c̄pa xua po ibo panawatha yauxatatababota xua pin ibo panawa barapo ibo m̄th̄u bayatha cou yaupatax-ubabota.

³ Barapowaxi joniya m̄th̄u ichitha barapowaxi jopa taeyo xua Jesús pon Pecana-mataxeinaein pet̄paein pebocuaewa.

⁴ Barapowaxi yabara naj̄nt̄u coyene cabenaeca. Jopa yaputaeyo xua exana tsipei jopa taeyo xua Jesús pet̄paein boca. Barapowaxi tsita nait̄tatsi nacueyatabe pebinbe ponbe xua asiya uncuabe, xuano xua yawa paparuwa nama xatatabe, po paparuwa bichocono daedaena.

⁵ Barapowaxi bichocono junuwa, pijunuwi irabe necobareca. Barapo pebinbe barapowaxi baraichi, jeibe:

—¿Eta xua metha pet̄pae cuiru coyenewatha panecobompame pon equeicha as̄ barapo pet̄pae cuiru coyene weya?

⁶ Xote jopa bocaeyo bapon. Bayatha bapon as̄ pet̄pae cuiru coyene weya. Payabara jume nanta xeinare xua bayatha bapon paca tsipaeba poxonae cataunxuae Galilea nacuaatha popona.

⁷ Paca jeye: ‘Xan ponxaein Nacom Tananeitapetsin, bewa necaenaetsina pomonaetha pomonae abe peexanaewi. Barapo abe peexanaewi naetho t̄parucua neexanadutsina. Ichitha equeicha po matakabi acoibetha as̄n juina neexanaena pet̄pae cuiru coyene weya’, paca jei Jesús, jei barapo pebinbe xua barapowaxi tsipaebatsi.

⁸ Nexata barapowaxi baxua jume cui yabara nanta xeinar̄c̄pa xua bayatha barapowaxi tsipaebatsi, xua Jesús tsipaeba.

⁹ Poxonae barapowaxi m̄th̄u wenawibiya tomara beya, barapowaxi daxita paeba pocotsiwa tane. Jesús pia peitorobiwi tatsi pomonae xua once poyobe barapomonae tsipaebatsi, ichamonaeno tsipaebatsino, pomonae Jesús jume cow̄ntatsi.

¹⁰ Powaxi yopita, xua powaxi Jesús pia peitorobiwi tsipaebatsi, ichowayo pew̄n María Magdalena powa Magdala tomarapiwayo, ir̄u ichowayo Juana, ichowayo María, Santiago pena tatsi, yawanor̄u ichowaxino powaxi saya napon.

¹¹ Ichitha Jesús pia peitorobiwi tatsi nanta xeina xua barapowaxi jopa xainyeyo, yawano jopa jume cow̄ntsichi barapowaxi.

¹² Bapoxonae Pedro m̄th̄u becuinaepoinya. M̄th̄u tututha tane xua meisa paparuwa boca. Bapon pia bo benawiya. Bapon baxua yabara nanta xeina nawita.

Meje yabara poxonae Jesús pebinbe tsita nait̄ta namtotha poxonae Emaús tomara beya ponabe (Mr 16.12-13)

¹³ Barapo matabitha Jesús pijimonaē tatsi jiwanaē namtotha ecaponabe, siwa ponabe tomara, po tomara pewun Emaús. Barapo tomara eca once po kilómetrobe xua Jerusalén tomara weya.

¹⁴ Baraponbe yabara natsipaebecaponabe namtotha xua mexuaetha exana.

¹⁵ Poxonaē cataunxuae yabara natsipaebecaponabe yawa yabara najume matsontsonobecaponabe, bapoxonaē Jesús imoxoyo caquita uncuatababe yawa naponano.

¹⁶ Bequein baraponbe Jesús tainchi, ichitha baponbe jopa ita cui canaupaetsibe xua Jesús peyaitaewatsi.

¹⁷ Nexata Jesús yainyaba, baponbe baraichibe, jeye:

—¿Eta xua namtotha yabara pana natsipaebecaponamebe? jei Jesús.

Baponbe juntu wecoyeya naruntababe peyabara natsipaebecaponaexaēbe xua mexuaetha exana.

¹⁸ Ponbe penacueyatsixaēbe caein pewun Cleofas. Bapon Cleofas Jesús jume notatsi, jeye:

—Daxita pomonaē jinompa Jerusalén tomaratha, daxita barapomonaē yaputane xua exana barapo matabintha. ¿Meisa xam compam jopa yaputaem xua mexuaetha exana? jei.

¹⁹ Nexata Jesús baraiēbe baponbe, jei:

—¿Eta xua exanara barapo tomaratha? jei.

Baraponbe jume notabe, jeibe:

—Apara pana natsipaebecaponanbe xua jiwi exana, pajan: ‘Xua po coyeneya Jesús Nazaret tomarapin cana exanatsi’, pajan. ‘Pon Nacom peitorobi jume papaebin, pon peitupanaē petsita itatsi coyenein exana Nacom pia peayapusu itorobi coyeneya tatsi’, pajan. ‘Pon xanepanaya pecueicueijein Nacom peitutha tatsi, xuano xua jiwi peitutha tatsi’, pajan.

²⁰ Sacerdotemonaē pata tanecanamataxeinaewi iru pata pecanamata caitorobiwi piraichi Jesús cobe waetabatsi pia Pilato peitorobinexa soldadomonaē xua Jesús taparucua peexanaenexa tsainchi naetotha.

²¹ Bequein pawanaē ewatan xua Jesús patopa xua peyawenaenexa tsane Israel nacupawi xua barapo Israel nacupawi panenebiya peexanaenexatsi, ichitha bapon jopa capanenebiyaeyo barapomonaē. Yawano acobi po matabiēbe pu caewa poxonaē Jesús bexotsi.

²² Yabuxi, powaxi xua paxan jiwana pan, barapowaxi pona muthu beya poxonaē aena pentha tsina. Pona ichaxota Jesús boca. Barapowaxi pana tsipaēba xua tane. Daxua pana nenabenaēca exana bichocono.

²³ Barapowaxi pinaē jopa taeyo Jesús petupaēin. Bapoxonaē pana netsipaēba xua pinaē barapowaxi tsita naitutatsi matatsunpiwi. Pinaē matatsunpiwi namchi: ‘Bayatha Jesús asu’, jei pinaē.

²⁴ Bapoxonaē pata jiwimonaē, barapomonaē jiwana muthu beya pona. Barapomonaē bara tane baxua, xua yabuxi yopita. Ichitha Jesús petupaēin jopa taetsi, jeibe xua Jesús tsipaēbatsi.

²⁵ Nexata Jesús jume nota baraponbe, jeye:

—Paxam pomonaē jopa peyaputae jiwi pam, xuano xua bewayo pajume cocowantaponame pocotsiwa bayatha Nacom peitorobi jume pepaēbiwi paēba.

²⁶ Paxam payaputaneme xua Mesias pon Nacom itapeta, copiya bewa peraxa exanaēinchi. Nacom cana exanaēna xua bapon patopaēna Nacom pia peitorobi nacua beicha xua pexeinaenexa tsane Nacom pia peayapusu itorobi coyeneya tatsi, jei Jesús.

²⁷ Nexata Jesús tsipaēba baraponbe xua daxita i dapo diborontha Jesús yabara paēbatsi Nacom Pejume Diwesitha. Copiya matha Jesús yaputane exana po diwesin xua Moisés tina xua Jesús yabara paēbatsi. Bapoxonaē equeicha Jesús yaputane exana xua po diwesi Nacom peitorobi jume pepaēbiwi tina, xua Jesús yabara paēbatsi.

²⁸ Jesús, iru barapo pebinbe imoxoyo pata tomaratha, po tomara siwa ponaēna. Barapo pebinbe naruntababe, ichitha Jesús mexeya maisa pona namto tomara weya.

²⁹ Ichitha baponbe Jesús jume daunweya baraichi, jeye:

—Pana nebaru ecare, aparta bayatha tabopiya tsanaicha, quirei tsanaicha aparta, jeibe.

Daxota Jesús puna joniya ichaxota baraponbe patopabe xua barponbe pebaru ecaenexa tsainchibe.

³⁰ Nexata poxonaē Jesús baru eca pexaethopaewatha baponbe, bapoxonaē Jesús wecobe pita pan. Paxa barai: “Axa, maisa juntu coyene weiweinan xua pata tana necatsiwam barapo pan”, jei. Bapoxonaē Jesús epa janaxuba pan. Baponbe catatsibe.

³¹ Poxonae Jesús baxua exana, caena bapoxonae baponbe Jesús yaitainchi. Baponbe yaitaebabe. Bapoxonae Jesús yacuina yameicha aichurucuae tsanaya.

³² Baponbe natsipaebabe, najeibe:

—Maisa juntu coyene weiweinatsibe poxonae namtotha naca tsipaebecaponabe. Bapon naca yaputane exanabe xua bapon peyabara paebiwatsi Nacom Pejume Diwesitha, jei baponbe.

³³ Bapoxonae caena yacuina yameicha iyabe Jerusalén tomara beya. Baraxotiya Jerusalén tomaratha baponbe caxinabe penacaetutsi jiwi pomonae once poyobe pomonae Jesús pia peitorobiwi tatsi. Iruru nanacaetuta pomonae cueyaba xua pomonae once poyobe pia pecueyabiwichi.

³⁴ Barapo penacaetutsi jiwi namchi baponbetha, jeye:

—Apara xainyei. Bara Jesús pon Pecanamataxeinaein, asu. Apara bapon Jesús Simón tsita naitutatsi, jei barapo penacaetutsimonae.

³⁵ Nexata baponbe daxita yabara paebabe barapo penacaetutsi jiwitha xua baponbe namtotha cuidubecapoinchibe. Matauta paebabeno xua baponbe matapainya yaitaebabe xua Jesús yaitaebatsi poxonae Jesús pan epa janaxuba, xuano xua poxonae catatsibeno pan.

Meje yabara poxonae Jesús tsita naituta pijimonae Jerusalén tomaratha (Mt 28.16-20; Mr 16.14-18; Jn 20.19-23)

³⁶ Poxonae cataunxuae tsipaebabe barapo diwesi, bapoxonae Jesús jemeicha tsita naituta barapomonae peitabaratha. Jesús jacobae barapomonae, jeye:

—Barabu Nacom juntema jinompa paca cana exana, jei Jesús barapo penacaetutsimonae.

³⁷ Barapomonae bichocono nabenaeca, yawa bichocono cuitaya junuwa. Barapomonae nanta xeina xua metha Jesús perowatsi tainchi.

³⁸ Ichitha Jesús barai barapo penacaetutsimonae, jeye:

—¿Eta xua metha junuwiya pana nabenaecame? ¿Eta xua metha ainya unthuton pam?

³⁹ Pana necobe taema, yawa pana netaxu taema. Apara bara xan tsocuaein. Pana nejayabare, yawa pana neyaputaema xua xan pepa jiton. Dowatsi bapana jopa wi ducuae, yawa bapana jopa piwa ducuae. Ichitha aunxuae nama yatsicaewa xaniwaicha pana netaneme xua xan pepa jiton icha paxam paichim, jei Jesús.

⁴⁰ Poxonae baxua Jesús najume weta, nacobe wan ituba, yawa nataxu wan ituba.

⁴¹ Ichitha came awiye barapomonae jopa jume cowantsiyo poxoru barapo diwesi barapomonae tsita jume xEICATSi yawa barapo diwesi yabara najuntu coyene cabenaeca exanatsi. Jesús jeye:

—¿Paxam xote penabanaewiyo paxeineame? jei Jesús.

⁴² Nexata barapomonae Jesús catatsi duweiyo, poyo seba.

⁴³ Jesús wecobe pita, yawa xane barapomonae peitutha tatsi.

⁴⁴ Bapoxonae Jesús namchi barapomonaetha:

—Caena bayatha paca tsipaebatsi poxonae cataunxuae paca baru ecatsi. Paca jeichiche: 'Daxita po coyenein neyabara tina, daxita baxuan peneyabara jeixae, bewa necana exanaena. Daxita xua Moisés po diwesintha neyabara tina, bewa necana exanaena. Daxita pocotsiwa Nacom peitorobi jume pepaebiwi neyabara tina, bewa necana exanaena. Daxita xua salmos penaxanae weixi diwesintha neyabara tina, bewa necana exanaena', paca jeichiche, jei Jesús.

⁴⁵ Jesús barapomonae yaputane exana xua Nacom Pejume Diwesi paeba.

⁴⁶ Jesús barai barapomonae, jeye:

—Nacom Pejume Diwesitha neyabara jei: 'Mesías bewa tupaena, yawa equeicha asu tsane po matakabi acuibibe petupaey coyene cuiru weya.

⁴⁷ Yawano bewa barapomonae Mesías pia pejume cowanchiwichi bewa tsipaebina daxita nacuantha Nacom Pejume Diwesi tatsi Mesías pia peyayapusu itorobi coyeneyatha tatsi. Copiya petamropata notsinexa Jerusalén tomara weya. Barapomonae jei tsane jiwitha: Bewa icha juntu coyene Nacom patsita xeinaem xua bapoxonae Nacom painya nepaca cayabara juntemainaewa tsane abe painya neexanae cuiru coyenewa, jei tsane barapomonae', jei Nacom Pejume Diwesitha, jei Jesús.

⁴⁸ Equeicha Jesús barai pijimonae, jeye:

—Paxam daxita jiwi patsipaebiname daxita xua pataneme.

⁴⁹ Matauta pataemano xua pacata itorobicaeinchi Nacom pia Pejumope tuxu tatsi xua bayatha Taxa yabara paca tsiwuna muxu duta. Barapo Nacom pia Pejumope tuxu tatsi yawa patopaena peyayapusu itorobi coyenewa. Paenare xote Jerusalén tomaratha, beya

poxonae barapon yawa pacata patopaena pia peayapusu itorobi coyenewa Nacom pia nacua tatsi wetsica, jei Jesús.

Meje yabara poxonae Jesús athabe juinya Nacom pia peitorobi nacua beicha tatsi (Mr 16.19-20)

⁵⁰ Nexata Jesús pijimonae baru pona Jerusalén tomara weya, Betania tomara bebaru iya. Jesús namaxu yoicha itaboco beicha yawa tsipaeba Nacomtha xua pijimonae tatsi nexa, xua pijimonae petayawenaenexatsi.

⁵¹ Poxonae cataunxuae Jesús tsipaebuncua Nacom xua pijimonae tatsi nexa, bapoxonae Jesús athabe juinya exanatsi peitaboco beicha, Nacom exana.

⁵² Poxonae Jesús pijimonae tatsi baxua tane, bapoxonae barapomonae Jesús pecoutha tatsi namchi: “Maisa Wanacanamataxeinaein wanae”, jei. Barapomonae Jerusalén tomara beya juntu coyene weiweinaya caibe nawibiya.

⁵³ Barapomonae Jesús pia peitorobi jivi tatsi Nacom pin pia botha, baxota Nacom jopa juniya wanae jainteibichi.

Baja Lucas.

Jesucristo Pia Pexeinya Diwesi Jume Tatsi Juan Petinae Diwesi

Meje yabara poxonae Mesías jiwi forotatsi, pon pewan “Pejume”, baraichi

¹ Poxonae cataunxuae daxita nacuan jopa forotsiyo, bapoxonae iraru caena bayatha Mesías popona, pon Nacom Pexanto tatsi, pon pewan “Pejume”, baraichi. Bapon Nacom caena bayatha baru poponeiba. Bapon apara bara Nacom.

² Poxonae aena copiya, bapoxonae bapon caena bayatha Nacom baru popona.

³ Nacom cana exana xua Mesías daxita nacuan fororota. Dapocotsiwa aibi xua yasecinanya xua pocotsiwa bapon jopa exanaeyo.

⁴ Bapon Mesías, pon “Pejume” baraichi bapon asu cana exana daxita jiwi tsipei bapon ataya xeina peasu coyenewa. Matautano bapon pena juntu coyeneno cana catsiya taexanano jiwi xua jiwi yaputaena po coyene pexainyei coyenewa.

⁵ Icha pecoicha ichi xua jiwi yaweinchi xua beta pejinompaenexa poxonae quirei, bara juta ichi Mesías. Bapon jiwi yaweinchi xua beta xanepanaya pejjinaponaenexa poxonae bapon Mesías cuiduba jiwi. Caurimonae pia pentacaponaein tatsi bequein ichichipa xua Mesías peamanayabiwatsi, ichitha caurimonae pia pentacaponaein tatsi jopa itacupaetsi xua Mesías peamanayabiwatsi tsipei bichocono Mesías peayapuswa xeina.

⁶ Bapoxonae iru Nacom itoroba pebin, pon pewan Juan.

⁷ Bapon patopa xua Mesías peyabara paebinxatsi, po wan xua jei “Pon Nacom itorobica”, jei. Bapon Juan daxita jiwi juntu coyene cui tsacaraba xua jiwi Mesías pewanaeya tatsi, penajuntu cui wunaetsinexa xua daxita jiwi Mesías pejume cowantsinexa tsainchi.

⁸ Juan apara Mesías aibi. Apra saya pia Mesías wunae yabara paebichi xua Juan peitorobixaetsi baxua.

⁹ Bapon Mesías patopeica po cae pin nacuathe tsique peyawenaenexa daxita carepaya jiwitha pia pecuidubi coyenewantha.

¹⁰ Bapon popona barapo cae pin nacuathe tsique. Bara bequein bapon exana pia coya barapo nacue, po cae pin nacuathe tsica pona, daichitha barapo cae pin nacuathepiwi jopa Mesías yaitaetsi po coyene xua bapon po cae pin nacuathe tsique forota daxita.

¹¹ Bequein bapon bara pia nacuathe patopeica, daichitha barapo cae pin nacuapiwi bapon jopa weiweinaya matenta wabichi. Matautano jopa yaputaetsi xua po coyene bapon Mesías apara pon Nacom itoroba.

¹² Ichitha ichamonae pomonae bapon matenta weiweinaya wabatsi xuano xua bapon jume cowantatsi, barapomonae Mesías cana exana xua po coyeneya barapomonae Nacom piamonae tatsi penaexanaewa tsane.

¹³ Tsipei barapomonae jopa naexanaeyo Nacom pia pexui xua poxoru be jiton coyeneya penaexanumenaponaexae. Matautano barapomonae jopa naexanaeyo Nacom pia pexui xua poxoru pebin peichichipaexae xua pepichiwa piowa. Matautano barapomonae jopa naexanaeyo Nacom pia pexui xua poxoru coxiyūn peichipaexae xua pexeinaewa pia pexui. Saya jame barapomonae Nacom pia pexui tatsi naexana, tsipei Nacom cana exana baxua.

¹⁴ Barapon Mesías pon pewan “Pejume”, baraichichi, bapon poxonae naexana po cae pin nacuathe tsique bara bapon yatsicaya pepa jiton. Matautano naca baru popona bapon. Bapon wan ununatatsi “Jesús” baraichichi. Matautano bapon pejuntu coyene wetsina bichocono jiwi antobetsi. Matautano bapon xainyeya pepaebin. Matautano paxan pacui tan xua Jesús exaneiba pia pexeinya peayapuswatha po pexeinya peayapuswa Jesús Paxa catatsi. Bapon Nacom Pexanto tatsi, bara yatsicaya compa tatsi pepa Pexanto.

¹⁵ Juan yabara paeba, Jesús yabara paebatsi. Juan jeye: “Bara barapon apara pon bayatha yabara paeban xua poxonae janje: ‘Pon cotacaya patopa xua xan tsiwana patopan, bapon jame bichocono peainya cuin, beyacaincha xan. Tsipei bapon caena bayatha popona poxonae xan aibin xua poxonae abu cataunxuae jopa naexanaeyo’, janje”, jei Juan.

¹⁶ Bapon Jesús naca cata daxita pia peyaputae coyenewan. Jopa juniya amanaya naca catsiyo baxuan, xua pocotsiwa nantawenonatsi juntema watsita jinompaenexa tsane bapon.

¹⁷ Moisés naca cata Nacom pia peitorobi coyenewan tatsi. Baxuan bichocono jopa juniya ayapubeyo. Ichitha Jesucristo, pon “Mesías” baraichi xua pocotsiwa naca cuiduba xua pinae Nacom jopa juniya antobeyo jiwi, xuano xua pocotsiwa naca cuiduba bara baxua yatsicaya pexainyei jume.

¹⁸ Dapon aibi pon Nacom petaewatsi. Nacom Pexanto tatsi, pon yatsicaewa compa tatsi bapon naca cana exana xua Nacom wayaputaewatsi, paxa imoxoyo pebara poponaexaetsi.

Meje yabara poxona Juan pon jiwi Pebautisabin Jesucristo yabara cueicueijeichi (Mt 3.11-12; Mr 1.7-8; Lc 3.15-17)

¹⁹ Judiomona pomona ena Jerusalén tomaratha barapomona sacerdotemona itorobatsi iraru levitamona itorobatsi Juan beya, xua Juan peyainyabinexatsi xua pejeinexatsi: “¿Xam jintamunda?” pejeinexatsi.

²⁰ Juan beta nayabara paeba, jeye:

–Xan Mesías apara aibin, pon Nacom itorobicaena, pon wanaca capanenebiwa tsane, jei Juan.

²¹ Nexata equeicha Juan yainyabatsi, jeichichi:

–¿Metha nexata xam jintamunda? ¿Bara xam bapom pon Nacom peitorobi jume pepaebim pon pewan Elías, pon bayatha tupa? jei barapomona.

Juan jume nota, jeye:

–Xan bapon apara aibin, jei.

Equeicha Juan yainyabatsi, jeichichi:

–¿Nexata jintam metham? ¿Xam bapom pon Nacom peitorobi jume nepaebim pon bewa patopeicaena juinya pata tanecuidubinexa tsane Nacom Pejume Diwesi? jei barapomona.

Equeicha Juan jume nota, jeye:

–Jume, xan apara aibin dapon, jei Juan.

²² Nexata daxita barapomona Juan baraichi, jeye:

–¿Eta pom metham? Tsipei xua pata tanejume notsiwam pata tha xuya tsipaebichi pomona pana nejume caitoroba. ¿Etabe pana nejumichim tsane xua jinya coutha nenayabara paebiwam? jei barapomona.

²³ Nexata Juan jume nota, jeye:

–Xan bapon aparan pon wawan ichaxota ira xuepana susato tsurucuae nacua beya, xua jan: ‘Patsi najuntu cui coyene wunaere, pon jiwi pia pepa Pecanamataxeinaeinchi nexa pia pepatopae wunaeya tsane’, xua jan ponxaein xua wawan ira xuepana susato tsurucuae nacua beya. Bayatha Isaias pejume diwesitha taneyabara jume cui wuna tsiwanaya paebixae pon Nacom peitorobi jume pepaebim, jei Juan.

²⁴ Daxita pomona Juan baru cueicueijeichi, barapomona fariseomona itoroba.

²⁵ Daxita barapomona Juan yainyabatsi, jeichichi:

–Icha xam bapon Mesías aibim xuano xua icha Elías aibim, yawa icha xam bapon aibim pon Nacom peitorobi jume nepaebim, ¿nexata jintam cacui itoroba xua nebautisabiwa jiwi? jei barapomona.

²⁶ Juan jume nota, jeye:

–Xan meratha bautisaban, ichitha ichun beta exanaena beyacaincha xan. Bapon bara bequein painyamonae pia xantha tatsi popona ichitha bapon jopa payaitaem.

²⁷ Bequein bapon nepuna patopaena, ichitha pocotsiwa bapon exana bichocono ainya cui beyacaincha pocotsiwa exanan. Bichocono pin ura tsita xeinan xua tataxu mu isanaxubiwa tsane pia penataxu xatatsiwa tatsi, jei Juan.

²⁸ Daxita baxuan Juan yainyabatsi ichaxota po tomara pewan Betania. Barapo tomara eca icha pocotsiwa xometo weecoina xua icha muxunenetha eca Jordán mentha. Barapo muxunenetha Juan bautisaba jiwi.

Meje yabara xua poxona Jesús pon “Cordero”, baraichichi

²⁹ Icha mataqueitha Juan tane, Jesús tainchi xua Juan pexainya tarenatsi. Bapoxona Juan jiwitha jeye: “Incane pataema pon pejuntu coyene xeicaein pon Nacom itorobica, pon ‘Cordero’, baraichichi xua oveja pebto penun. Apra bapon pon jiwi petsitupaewa tsainchi xua abe pia peexanae cuiru coyenein tatsi icha poxonae ovejiyo ichi poxonae tsitapa jiwi abe pia peexanae cuiru coyenein tatsi.

³⁰ Bara bapon apra pon bayatha yabara paeban poxonae janje: ‘Pon cotacaya patopa xua xan tsiwana patopan, bapon jame bichocono peainya cuin, beyacaincha xan. Tsipei bapon caena bayatha popona poxonae xan aibin xua poxonae abu cataunxuae jopa naexanaeinyo’, janje.

³¹ Xan copiyatha jopa yaputaeyino xua Jesús bapon barapara Mesías, pon icha wun Cristo, pon Nacom itorobica. Ichitha xan patopan tabautisabinexa meratha Israel piomona susato saineiwi xua barapomona bapon peyaputaewa tsainchi”, jei Juan.

³² Juan yawa namchi, jeye: “Poxona bapon bautisaban bapoxona tan Nacom pia Pejumope tanaxu tatsi xua peitaboco weruneica xua be topiboto yaruneica. Barapo Nacom pia Pejumope tanaxu tatsi, bapon pexantha tapatopatsi.

³³ Xan cataunxuae bapoxonae xaniwaicha jopa yaitaeinyo bapon. Ichitha pon xua necui itoroba xua jiwi bautisaban meratha, nejei bapon: “Taename tajumope t̄nax̄u xua be topiboto tsecae xua peitaboco weruneica, po tajumope t̄nax̄u bapon pia xantha tapatopatsi. Poxonae baxua taename bapoxonae yaputaename xua barapo pebin apara pon jiwi pebautisabiwa tsainchi tajumope t̄nax̄uṯha. Bapon barompaya pia pebautisabi coyenewa exanaena xua poxonae barapo tajumope t̄nax̄u catsibina pomonaetha pomonae piamaethaxae. Barapoxonae barapo tajumope t̄nax̄u barapomonae yanaba jinompaeinchi’, jei Nacom.

³⁴ Bapoxonae bapon yaitan xua deta cou apara Mesías, yaitama tan xua poxonae bayatha Nacom netsipaeba. Daxota paca tsipaebatsi xua bapon barapara Nacom Pexanto tatsi”, jei Juan jiwitha.

Meje yabara xua poxonae Jesús itapeta pomonae copiya pomonae Jesús pijimonae tatsi

³⁵ Icha mataqueitha equeicha Juan pon jiwi Pebautisabin pecoutha patopa xuano xua pebinbe nacueyatabe puna poinchi ponbe xua pia pepuna ponaewichi jiwanae tatsi.

³⁶ Poxonae Juan tane xua Jesús dawerena ichaxoyo Juan dena, bapoxonae Juan jeje xua Jesús yabara jeichi:

—¡Pataema apara bapon pon ‘Cordero’ baraichi xua oveja pebto pen̄n pon Nacom itorobica xua petsit̄paenexa jiwi abe pia peexanae cuiru coyenein tatsi! jei Juan.

³⁷ Barapon pebinbe ponbe Juan pia pepuna ponaewichi jiwanae tatsi, baraponbe Juan jume tainchibe xua Juan baxua paeba. Bapoxonae barapo pebinbe Jesús puna poinchibe.

³⁸ Nexata Jesús napatomeicha necota caibeya yawa tanebe xua barapo pebinbe Jesús puna poinchibe. Bapoxonae baponbe Jesús yainyaba, jeje:

—¿Painya eta xuatsi?

Jesús jume notatsibe baponbe, jeibe:

—Pon jiwi Necuidubim, ¿exota poponame? jeibe.

³⁹ Jesús jume nota baponbe, jeje:

—Anetha, matha pataema, jei Jesús.

Nexata napuna ponabe yawa natanebe ichaxota Jesús popona. Barapo mataqueitha naecabe ichaxota Jesús popona. Jopa nawiyaebe tsipei xometo tabopiya tsanaichaba.

⁴⁰ Ponbe Juan pejume taexaetsibe xuano pepuna ponaexaetsibe Jesús, caein pew̄n Andrés, Simón Pedro peweicho tatsi.

⁴¹ Andrés copiya matha peweicho wenawenei pon pew̄n Simón. Andrés barai peweicho, jeje:

—Paxan pacaxinan pon pew̄n Mesías, jei Andrés. (Barapo w̄n yabara caunuta xua jei “Cristo”, jei.)

⁴² Bapoxonae Andrés peweicho capona, Simón capoinchi ichaxota Jesús uncuca. Poxonae Jesús tane xua poxonae Simón tainchi, jeje:

—Xam Simón Juan pexanto tatsim. Ichitha xam anoxuae new̄n Cefas tsane, barapo w̄n Cefas w̄n jei: ‘Iboto’, jei, jei Jesús. Seicaya griego jume w̄n ‘Pedro’, jei barapo w̄n ir̄u jei: ‘Iboto’, jei.

Meje yabara poxonae Jesús Felipe wabatsi, ir̄u Natanael wabatsi

⁴³ Bapoxonae icha mataqueitha Jesús ichichipa xua peponaewa Galilea nacua beya. Bapoxonae Jesús, Felipe caxinatsi, yawa jeichichi:

—Nepuna ponde, jei Jesús.

⁴⁴ Barapon Felipe Betsaida tomarapin, po tomaratha ir̄u Andrés popona ir̄u Pedro.

⁴⁵ Nexata Felipe Natanael wenaweneichi, yawa Felipe barai bapon, jeje:

—Pebin pacaxinan, pon bayatha Moisés yabara tsiw̄nae cui tina pia peitorobi diwesi jume coyenewatha. Matautano pon bayatha ir̄u Nacom peitorobi jume pepaebiwi yabara tsiw̄nae cui tina. Bapon apara Jesús, José pexanto tatsi. Bapon Jesús pon Nazaret tomarapin, jei Felipe.

⁴⁶ Natanael jeje:

—Dapon pebin pon pej̄nt̄u coyene xanepanaein Nazaret tomara weya bapana jopa pona. Tsipei daxita barapo tomarapiwi apara peaj̄nt̄ucuiruyapubewi, jei Natanael.

Felipe jume barai, jeje:

—Anetha incane matha taema, jei Felipe.

⁴⁷ Poxonae Jesús tane xua Natanael imoxoyo caquita pona, Jesús jeje:

—Patopa pebin pepa israelmonaepin, pon jopa jiwi pemuxuitorobin, pon xaniwaicha pejume cowantsin Nacom, jei Jesús.

⁴⁸ Nexata Natanael Jesús yainyabatsi. Natanael jeje:

—¿Eta ichim xua taneyaitawam? jei.

Jesús jume nota, jeje:

—Bayatha catainchi poxonae higuera nae tabacatha uncume poxonae cataunxuae Felipe jopa cawabiyo, jei Jesús.

⁴⁹ Bapoxonae Natanael jume nota, jeye:

—Pon jiwi Necuidubim. ¡Apara xam bara Nacom Pexantom! ¡Apara bara xam Israel nacuamonae itorobiya pia pepa Neewatsim! jei Natanael.

⁵⁰ Jesús jume nota, jeye:

—Xam nejume cowuntame poxonae xua saya catsipaebatsi xua cacataewatsi higuera naetha. Ichitha bexa necotsiname xua exanaein pocotsiwa pexeinya peitapanae tsita itutsiwan, beyacaincha xua saya aunxuae catsipaebatsi, jei Jesús.

⁵¹ Equeicha Jesús jeye:

—Xaniyan paca tsipaebatsi paxam pataename xua Nacom peitaboco saranaxuicaena. Matautano pataename matatsunpiwi xua jujuneibicaena xote tsique taxantha pia taneyawenaetsi. Matautano pataename xua equeicha caibe jujuneibiyaena taxainya weicha, ponxaein Nacom Tananeitapetsin, jei Jesús.

2

Meje yabara poxonae jiwi tsinacaetuta pexaewa Caná tomaratha xua penabanaenexa xua poxonae pebin pita pecotsiwa

¹ Poxonae acoibi po matacabibe yapucaewa, bapoxonae iru pexaewa tsinacaetuta Caná tomaratha xua Galilea nacuatha xua pebin pecotsiwa pepichixae. Jesús pena tatsi iru baxota natane pewabixaetsi.

² Iru Jesús wabatsi, iru pijimonae tatsi wabatsi xua penaponaewa tsane barapo pexaewa petsinacaetutsiwatha xua poxonae pebin pecotsiwa pita.

³ Vino mera omeicha mene weranapenta tsipei daxita jiwi apa. Daxota Jesús pena baraichi, jeye:

—Nama equeicha ameneibi vino mera omeicha mene weranapenta, jei Jesús pena tatsi.

⁴ Jesús jume nota, jeye:

—Ena, abu bexabu abu jopa yabara neyainyabinde baxua. Canta daxua aichica xua petsita itubiwa taexanaewa, jei Jesús.

⁵ Bapoxonae barapowa barai pomonaetha pomonae pexaewa carena tsaibi, jeye:

—Moya paexande xua pocotsiwa bapon paca itoroba, jei barapowa.

⁶ Baxota iratha ena seis po juruwatobe sayawan. Barapo pin juruwaton barompaya cae juruwatontha tsiniya cincuenta po mera bosibu matabuxuyobe tutu canaupa. Icha juruwatontha tsiniya setenta po mera bosibu matabuxuyobe tutu canaupa. Barapo juruwatontha ba judiomonae mene yaebeiba xua barapo merantha penacobe quiateibinexa xua daxota jopa Nacom petsita najuntu coyene taxobeibinexatsi.

⁷ Pomonae pexaewa carena tsaibi barapomonae Jesús barai, jeye:

—Barapo saya juruwatontha pawanbare mera, jei.

Bapoxonae barapomonae barapo juruwaton wanba.

⁸ Bapoxonae Jesús barai, jeye:

—Anoxuae barapo juruwaton tsiwixi pajiwana mene wenore xua po mera equeicha vino mera exanan. Pacaponare pontha pexaewa mata canabane, jei Jesús.

Daxota barapomonae bara baxua exana xua Jesús peitorobixae.

⁹ Pon mata canabane pexaewa, bapon mene pana barapo vino mera, po vino mera copiya saya mera. Ichitha bapon jopa yabara yaputaeyo xua barapo vino mera xua eta werena metha mene capona. Saya meisa pomonae mene eepacapona barapo juruwatontha barapomonae yaputane xua barapo juruwatontha jiwana mene nota xua po mera vino mera naexana. Bapoxonae pon mata canabane pexaewa waba, pon pecotsiwa pita bapon wabatsi.

¹⁰ Bapon barai, pon pecotsiwa pita baraichi, jeye:

—Daxita jiwi ba poxonae aena copiya matha apata po vino mera mene xeica. Poxonae jiwi ba wenaxuba po vino mera xeica, bapoxonae ba barapo jiwi ba equeicha apatatsi po vino mera be conotha xaexaeca. Ichitha nama xam icha coyene exaname. Po vino mera be conotha mene xaexaeca matha copiya apatame jiwi barapo vino mera. Poxonae barapo vino mera jiwi wenaxuba po vino mera be conotha mene xaexaeca bapoxonae apatame po vino mera bichocono xeica, jei bapon.

¹¹ Baxua xua Jesús exana Caná tomaratha xua Galilea nacuatha. Barapo pexeinya petsita itutsi coyenewa poxonae xua aena copiya matha exana pia peayapusuwatha. Poxonae baxua Jesús pijimonae cui tainchi, Jesús jume cowantatsi pijimonae.

¹² Poxonae baxua pexaewa najain weta bapoxonae Jesús pona Capernaum tomara beya. Bapon pena baru pona yawa peweicho jiwi baru pona, matautano pijimonae baru pona. Baxota Capernaum tomaratha daxita Jesusbaru be caentacabiyobe ena.

Meje yabara poxonae Jesús aisowa benapuna torobabiya pomonae Nacom pin pia botha pecaenaetsiwi

(Mt 21.12-13; Mr 11.15-18; Lc 19.45-46)

¹³ Tsipei poxoru imoxoyo barapo matabi tsaneba xua Pascua wan matabin daxota Jesusbaru Jerusalén tomara beya pona. Barapo Pascua wan matabin, po matabin poxonae judiomonae yabara nanta xeina xua pinae caena bayatha pia pamo susato jiwi tatsi panenebiya Egipto nacua weya.

¹⁴ Baxota Jesús caxina Nacom pin pia botha pomonae baxota caenaeta buey duweimonae, yawa ovejamonaeno yawa topibomonae caenaetano. Matautano Jesús tane xua pomonae ena pexaethopaewantha ichaxota paratixi nantiya nacatsiba jiwi.

¹⁵ Poxonae Jesús tane barapomonae, Jesús bapoxonae exana xua pocotsiwa xota cuainta xua duwein peru muto. Daxita barapomonae Jesús Nacom pin pia bo wenapuna torobabiya. Yawano Jesús muxuna itaweta xua barapomonae piawanxae, bueymonaeno, ovejamonaeno. Pomonae xua ena pexaethopaewantha xua ichaxota nantiya nacatsiba paratixi Jesús iratha tabebai paratixi, yawa irabe tayebabareca torobabiya pexaethopaewan.

¹⁶ Pomonae baxota caenaeta topibo, Jesús barai barapomonae, jeye:

—¡Daxita baxuan panore barapo Nacom pin pia bo weya pocotsiwan pacaenaetame! ¡Barapo Nacom pin pia bo jopa pacana exanaeinde xua be pocotsi bo jiwi ichaxota caenaeta pexaewa! jei Jesús.

¹⁷ Bapoxonae Jesús pijimonae tatsi yabara jume cui nanta xeinarucupa xua Nacom Pejume Diwesitha namchi xua Cristo yabara jeichichi xua jeye: “Yabara nejuntu coyene yuca xua yabara nanta xeinan xua pocotsiwa Taxa pia pin pia botha tatsi xeina. Daxota jiwi necaseba”, jei Nacom Pejume Diwesitha xua Cristo yabara paebatsi.

¹⁸ Nexata judiomonae Jesús yainyabatsi, jeye:

—¿Eta po pexeinya petsita itatsi coyenewa pana netsita itatsiname? Bapoxonae xain payaputaen xua bara cou xam deta xeiname Nacom pia peitorobi coyenewa tatsi xua daxota jiwi cui itawetame Nacom pin pia bo tatsi weya, jei.

¹⁹ Jesús jume nota, jeye:

—Icha barapo bo weraweraca paexanaename, equeicha acobi po matabibetha beta caewa xanebin, jei Jesús.

²⁰ Nexata barapo judiomonae Jesús tsipaebatsi, jeye:

—Jiwi barapo Nacom pin pia bo tatsi acaba ainya wei, cuarenta y seis po weibetha nacobe weta. ¿Eta pocotsiwa baxua paebame xua jinya saya acobi po matabibetha equeicha wuna exanaetsi? jei judiomonae.

²¹ Po bo xua Jesús yabara paeba apara xua nayabara paeba pia pepon.

²² Daxota poxonae Jesús equeicha asu juina petupa cuariyatha Jesús pijimonae yabara jume cui nanta xeinatsi xua bayatha Jesús paeba. Daxota jume cowanta Nacom Pejume Diwesi. Yawano Jesús jume cowantatsi pocotsiwa xua paeba.

Meje yabara xua po coyene Jesús daxita juntu coyene yaputane jiwi

²³ Poxonae Jesús Jerusalén tomaratha popona xua Pascua wan matabintha bapoxonae pin bicheitomonae Jesús jume cowantatsi. Daxota barapo bicheiton jume cowanta tsipei tane Jesús pia pexeinya petsita itatsi coyenewan tatsi.

²⁴ Jesús jopa yabara jume cowantsiyo barapomonae bequein jume cowantatsi taetha. Tsipei Jesús daxita juntu coyene yaputane jiwi xua ainya juntu coyene pexeinaewa.

²⁵ Daxota jopa nantawenonaeyo xua ichamonae Jesús petsipaebiatsi icha jiwi yabara. Tsipei bapon Jesús daxita juntu coyenein yaputane jiwi.

3

Meje yabara poxonae Nicodemo Jesús tsipaebatsi

¹ Irua pebin popona pon fariseomonaepin, pon pewan Nicodemo. Bapon judiomonae canamataxeinatsi.

² Bapon Nicodemo merawi Jesús siwa poinchi, yawa Jesús jeichichi:

—Pon jiwi Necuidubim, bara paxan payaputan xua Nacom caitoroba xua jinya pata tanecuidubiwam tsane. Tsipei ichun jopa itacupaetsi xua pexeinya petsita itatsi coyenewan peexanaewa Nacom pia peayapuswatha tatsi icha Nacom jopa yantsiyo bapon icha be xua poxonae ichim poxonae xua exaname Nacom necayantsixae, jei Nicodemo.

³ Nexata Jesús Nicodemo jume notatsi, Jesús jeye:

—Xaniyan catsi paebatsi. Pon equeicha jopa caewa naexanaeyo xua pena jiton penaexanaenexa, bapon jopa itacupaetsi xua Nacom piamonae tatsi penaexanaewa pomonae Nacom itorobiya peewatsixae, jei Jesús.

⁴ Nicodemo Jesús jume epa notsiya yainyabatsi. Nicodemo jeye:

—¿Eta bichi xua pebin pon bayatha pinyo xua equeicha caewa pena jiton naexana? ¿Metha bara itacupaetsi xua pena equeicha tsiperu wepatopa xua equeicha caewa penaexanaenexa pena jiton? jei Nicodemo.

⁵ Jesús jume nota, jeye:

—Xaniyan catsipaebatsi. Pon meratha jopa bautisabichi xuano xua icha jopa xeinaeyo Nacom pia Pejumoepo tñaxu tatsi po jumope tñaxu bapon icha juntu coyene xeina pecana exanaenexatsi, bapon jopa itacupaetsi xua Nacom piamonae tatsi penaexanaewa pomonae Nacom itorobiya peewatsixae.

⁶ Pomonae pena jiwi tsiperu wenaexana bara jiwi coyeneya yacuiya naexana. Pomonae naexana Nacom piamonae tatsi barapomonae Nacom pia Pejumoepo tñaxu tatsi cana exana xua barapomonae pexeinaewa icha juntu coyene. Barapomonae yacuiya naexana Nacom piamonae tatsi tsipei exana pocotsiwa Nacom pia Pejumoepo tñaxu tatsi itoroba.

⁷ Jopa najuntu coyene cabenaecaeinde xua tacatsipaebiwatsi xua tacajeiwatsi: ‘Daxita jiwi bewa pena jiwi naexanae equeicha’, tacajeichiwatsi xua.

⁸ Joibo ba pona ichaxota ichichipa peponaewa. Joibo busi taneme, ichitha jopa yaputaem xua ichaxota weponarena, yawa jopa yaputaem xua xota ponaena. Icha jiwi ichi xua jopa taeyo joibo ichitha tane xua joibo bubujei barichi jiwi jopa taeyo Nacom pia Pejumoepo tñaxu tatsi. Saya jiwi yaputane xua icha jiwi juntu coyene xeica cana exainchi barapo Nacom pia Pejumoepo tñaxu tatsi, jei Jesús.

⁹ Nexata Nicodemo equeicha Jesús yainyabatsi, jeye:

—¿Eta metha bichi Nacom pia Pejumoepo tñaxu tatsi? jei Nicodemo.

¹⁰ Jesús jume barai, Nicodemo jume baraichi, Jesús jeye:

—Xam pon daxita neyaputaem israelmonae pexantha tatsi yawa pon jiwi necuidubim barapomonae pexantha tatsi. Bequein barapo jitom ichitha jopa baxua yabara yaputaem xua tacatsipaebiwatsi.

¹¹ Xaniyan catsipaebatsi xua paxanbe, Juan, pon jiwi Pebautisabin, iru xan Jesús paca tsipaebatsi xua pocotsiwan payaputanbe. Matautano paxanbe bara yatsicaewa pata paebinbe xua patanbe bayatha. Ichitha paxam pomonae judiomonae pam jopa yabara pana nejume cowantsim pocotsiwa paxanbe paca tsipaebatsi.

¹² Icha jopa pana nejume cowantsim pocotsiwan xua barapo cae pin nacuathe yabare paca tsipaebatsi bara paichim jopa pana nejume cowantsipaem icha yabara paca tsipaebichipatsi pocotsiwan Nacom pia peitorobi nacua beicha tatsi.

¹³ “Dapon aibi pon peitaboco beicha pona Nacom beicha xua equeicha caewa patopeica bara wetsica. Daxota jiwi jopa yabara yaputaeyo Nacom pia peitorobi nacua beicha tatsi. Saya meisa jame xan ponxaein Nacom Tananeitapetsin patopeican tanacua wetsica daxota yabara yaputan Nacom pia peitorobi nacua beicha tatsi.

¹⁴⁻¹⁵ Caena bayatha ira xuepana susato tsurucuae nacuathe, pinmonae werapa poxoror jomon sinebatsi. Daxota Moisés penainto asiya duta xua be jomo canaxobiya exana. Pomonae jomon sinebatsi, poxonae barapomonae tane barapo penain jomo, bapoxonae jopa werapaeyo. Icha Moisés ichi bara neichi tsane jiwi. Xan ponxaein Nacom Tananeitapetsin, ichamonae asiya naetotha tparucua neexanaena. Barichi tsane pomonae yabara nejume cowantsina po coyene xua xan naetotha tatsitupaewa tsane xua barapomonae abe pia peexanae cuiru coyenein tatsi, barapomonae jopa weraweracae tsane. Barapomonae xeinaena peajuntu yapusawa, po peajuntu yapusawa ataya tsiteca”, jei Jesús.

Meje yabara xua Nacom daxita jiwi bichocono antobetsi barapo cae pin nacuathe

¹⁶ Equeicha Jesús nayabara paeba poxonae Nicodemo tsipaebatsi. Jesús jeye: “Nacom antobe bichocono daxita carepaya jiwi xua barapo cae pin nacuathe. Daxota Nacom Pexanto itoroba pon yatsicaya compa tatsi. Pon Nacom Pexanto tatsi jume cowantatsi, bapon jopa weraweracae tsane. Bapon peajuntu yapusawa xeinaena, po peajuntu yapusawa ataya tsiteca.

¹⁷ Nacom Pexanto jopa itorobicaeyo xua saya barapo cae pin nacuepiwi atene peexanaenexatsi xua penatsicuentisixae xua abe peexanaexae Nacomtha. Saya apara jame Nacom Pexanto itorobica xua jiwi pecapanenebiyaenexatsi penatsicuentisiwa weya.

¹⁸ “Pon Nacom Pexanto tatsi yabara jume cowantatsi, bapon jopa Nacom tsitatsi xua atene peexanaewa tsainchi xua penatsicuentisixae xua abe peexanaexae Nacomtha. Ichitha nama pon Nacom Pexanto tatsi jopa yabara jume cowantsichi bapon Nacom

bayatha tsitatsi xua atene peexanaewatsi tsainchi xua penatsicuentisixae jopa peyabara jume cowantsixaetsi Nacom Pexanto tatsi, pon bara compa.

¹⁹ Pomonae jopa Nacom Pexanto tatsi yabara jume cowantichi, barapomonae Nacom bayatha tsitatsi xua atene peexanaewatsi xua penatsicuentisixae xua abe peexanae cuiru coyenein peexanaexae. Tsipei poxonae Nacom Pexanto tatsi patopeica po cae pin nacuathe tsique, barapomonae ichichipa exana abe peexanaewan beyacaincha xua peexanaewa pocotsiwa Nacom itoroba.

²⁰ Tsipei daxita pomonae abe peexanaewi barapomonae Nacom Pexanto tatsi aichax-aibichi daxota jopa imoxoyo caquita ponaetsi bapon. Barapomonae jopa ichipaeyo xua peyaputaewatsi, xua Nacom Pexanto tatsi peyaputaewa xua pocotsiwa barapomonae abe exana.

²¹ Ichitha pomonae pejume cowantsiwi, pomonae yatsicaewa beta xanepanaya exana, barapomonae Nacom Pexanto tatsi imoxoyo caquita poinchi. Tsipei barapomonae ichichipa xua peyaputaewatsi xua Nacom Pexanto tatsi peyaputaewa tsane xua pocotsiwa barapomonae wɔnae peexanaexae, xua pocotsiwa Nacom peitorobixae”, jei Jesús Nicodemotha poxonae nayabara paeba.

Meje yabara poxonae Juan pon jiwi Pebautisabin equeicha Jesús yabara cueicueijeichi

²² Poxonae Jesús najume weta xua poxonae Nicodemo tsipaebatsi, bapoxonae pirapae Jesús pijimonae barɔ pona Judea nacua beya. Barapo nacuathe Jesús ainya matacabintha pijimonae barɔ popona. Mataantano baxota Jesús pijimonae cui itoroba xua jiwi pebautisabiwa tsainchi.

²³ Iɔɔɔ Juan bautisaba jiwi Enón tomaratha, po tomara eca ichaxota imoxoyo po tomara pewɔn Salim. Tsipei baxota menein nawita. Pinmonae Juan itata patatsi, yawa Juan bautisaba barapomonae.

²⁴ Juan baxua pewɔnaeya exana xua poxonae jiwi pecabi botha etatsi.

²⁵ Bapoxonae pomonae Juan pia pepuna jinompaewichi tatsi iɔɔ judiromonaeno, barapomonae yabara barɔ najume matsontsonobatsi pebautisabi coyenewa.

²⁶ Barapomonae Juan siwa poinchi xua Juan yabara peyainyabinexa tsainchi baxua. Jeye Juantha:

—Pon jiwi Necuidubim, incane matha taema. Pon caniwi cabarɔ popona Jordán mentha xua icha muxunene beya, pon bayatha yabara pana netsipaebame, bapon nama anoxuae bautisabauya jiwi yawa bapon puna poinchi daxita jiwi, jei Juan pijimonae tatsi xua Jesús yabara paebatsi.

²⁷ Nexata Juan barai barapomonae, jeye:

—Jiwi ba jopa xeinaeyo icha Nacom jopa catsiyo.

²⁸ Paxam bara yatsicaewa pana nejume taneme xua paca jeichi: ‘Xan dapon aibin Mesias’, jan. ‘Apara bapon pia pewɔnaeya tatsi Nacom neitoroba’, jan.

²⁹ Poxonae ba pebin pecotsiwa pita bapon pona yabuyo pia botha tatsi. Pon piowa pepichixae bapon pia jiton tatsi bichocono juntu coyene weiweina xua bapon piowa pepichixae poxonae jume taeuncua xua pia jiton tatsi piowa pita. Icha pebin cana ichichi pia jiton, bara jata ichin Jesucristotha anoxuae. Bichocono juntu coyene weiweinan tsipei daxita jiwi Mesias puna poinchi.

³⁰ Bapon bewa mataropeicha ainya cui naexanaponae jiwi peitatha tatsi. Xan bewa jopa ainya cui naexanaponaein tsane jiwi peitatha tatsi, jei Juan.

Meje yabara poxonae Juan yabara paeba pon peitaboco wetsica pona

³¹ Equeicha Juan piamonae barai, jeye:

—Pon peitaboco wetsica pona, bapon jame bichocono peyaputaen beyacaincha xua ichamonae. Pon xua po irathepin bapon apara saya jiton. Bapon saya yabara cueicueije pocotsiwa po irathe yabara. Ichitha pon peitaboco wetsica pona, bapon daxita canamatax-eina.

³² Bapon bequein jiwi yabara tsipaebatsi pocotsiwa xua bayatha tane peitabocotha, xuano xua pocotsiwa bayatha jume tane peitabocotha, ichitha jiwi jopa jume cowantsiyo pocotsiwa bapon paeba.

³³ Icha pebin jume cowanta pocotsiwa paeba pon peitaboco wetsica peponaexae xua Nacom yabara paebatsi, barapon tsita itapeinya xeina ichamonaetha, xua apara Nacom bara xaniwaicha pepaebin.

³⁴ Pon xua Nacom itoroba bara bapon cueicueije Nacom pejumein tatsi, tsipei Nacom jopa juniya nacana jumope tɔnaxɔ catsiyo xua bapon peyawenaewa tsainchi.

³⁵ Nacom bichocono antobe Pexanto. Pexanto cata peyapusu itorobi coyenewa xua bapon daxitan pecanamataxeinaewa tsane.

³⁶ Pon Nacom Pexanto tatsi yabara jume cowantinchí, bapon peajuntuyarusawa xeinaena, po peajuntuyarusawa jopa bapana weraweracaeyo. Ichitha pon Nacom Pexanto tatsi jopa yabara jume cowantinchí, bapon jopa xeinae tsane barapo peajuntuyarusawa. Nama bapon Nacom cana exanaena xua bapon bichocono atene peexanaewa tsainchi, jei Juan.

4

Meje yabara poxonae Jesús tsipaeba powayo Samaria nacuapiwayo

¹ Jesús jume tane xua jiwi tsipaeba fariseomonaetha xua jeye: “Jesús pinmonae xeina, pomonae pia pepuna ponaewichi. Jesús toxeinchiya jopa juniya bautisabiyo jiwi beyacaincha xua poxonae Juan bautisaba jiwi”, jei jiwi fariseomonaetha.

² (Dammetha Jesús apara jopa bautisabiyo. Apra jame Jesús pijimonaetha tatsi bautisaba jiwi.)

³ Poxonae Jesús jume yaputane xua jiwi paeba fariseomonaetha, bapoxonae Jesús pijimonaetha Judea nacua webará warapiya. Caibeya warapa Galilea nacua beya.

⁴ Poxonae warapa Galilea nacua beya bewa ponaena ichaxoyo Samaria nacua iya, tsipei namto baxoyo ducuiya.

⁵ Bapoxonae Jesús pijimonaetha bará patopa Sicar tomaratha, po tomara eca Samaria nacuaetha. Barapo tomara, Sicar tomara eca ichaxota imoxoyo po iriyo caena bayatha Jacob pexanto cata. Barapo Jacob pexanto tatsi pewán José. Jacob irá pexanto tatsi caena bayatha tapabe.

⁶ Barapo iriyotha mene mutha eca, barapo mene mutha pewán, “Jacob pia mutha”, jei. Tsipei Jesús natseparona namto dena, tsipei taju werena pona, daxota barapo mene mutha muxaburatha ecapa. Matautano bapoxonaetha mateinyaxae tsuxubi ira.

⁷⁻⁸ Irá bapoxonaetha Jesús pijimonaetha tatsi tomara be-iyiya pecomocaenexa pexaewa. Barapomonaetha pecoutha tatsi yabayo Samaria nacuapiwayo patopa ichaxota Jesús po mene mutha muxaburatha eca. Jesús barai bapowa, jeye:

—Mera necare, jei Jesús.

⁹ Bapoxonaetha barapo Samaria nacuamonaepiwayo Jesús jume notatsi. Barapowa jeye:

—¿Eta pocotsiwa metha mera nebará ununame? Apra judiomonaepim irá xan apra Samaria nacuamonaewayon, jei.

Barapowa baxua paeba tsipei judiomonaetha irá Samaria nacuamonaetha daxita barapomonaetha jopa naita coxonaeyo.

¹⁰ Nexata Jesús jume nota, jeye:

—Icha xam yaputaetsipame xua pocotsiwa Nacom cata jiwitha, yawa icha neyaputaetsipame pon auxuaein mera sawacatsi, bapoxonaetha jame newacaetsipame mera, xua icha mera, po mera jiwi peajuntuyarusawa xeina cana exainchi, po peajuntuyarusawa jopa bapana weraweracaeyo, jei Jesús.

¹¹ Bapowa Jesús jume notatsi, jeye:

—Pon jiwi Necanamataxeinaem, apra jopa xeinaem xua xota mene capatame. Yawa po mene mutha eca taju deca. ¿Jinya exota po mene boca inta mene capitchi, po mera jiwi ajuntuyarusawa exainchi?

¹² Barapon Jacob pata tamo susatopin pana cata barapo mene mutha. Bapon barapo mene mutha mene capaneiba peapeibinexa, irá pia pexui tatsi mene capaneiba xua peapeibinexa, matautano mene capaneiba peapeibinexa pia duweimonaetha. ¿Metha bara Jacob toxeincha ainya cuim, beyacaincha bapon? jei bapowa.

¹³ Jesús jume nota, jeye:

—Daxita pomonaetha xua po mene muthathe mene capaneiba xua peapeibinexa equeicha meratsiponeibina.

¹⁴ Ichitha pon apa xua po mera catan, bapon equeicha jopa caewa meratsipae tsane. Barapo mera icha ira burana mene ichi xua epatoya mene jujuina poxoru bichocono ira burana mene nayca. Barichi po coyene xua cacatinchi barapo coyene cajantu coyene yuca cacana exanaena, bapoxonaetha xeinaename peajuntuyarusawa, po peajuntuyarusawa xua ataya tsiteca, jei Jesús.

¹⁵ Nexata bapowa Jesús jume notatsi, bapowa jeye:

—Pon jiwi Necanamataxeinaem, dapo mera necare xua jopa caewa tameratsiponeibiwa tsane yawa xua equeicha po mene muthathe jopa tapateibiwa tsane xua mera tacapanathopeibinexa, jei barapowa.

¹⁶ Jesús jume nota, jeye:

—Moya matha iyande, matha jinseuri wabare. Nexata bapoxonaetha xote papatoparebe, jei Jesús.

¹⁷ Bapowa jume nota, Jesús jume notatsi, jeye:

—Taseuri apara jopa xeinaeinyo, jei.

Nexata Jesús jume barai, jeye:

—Bara xainyeya paebame poxonae jam, ‘Taseuri jopa xeinaeinyo’, jam.

¹⁸ Tsipei caena bayatha cinco poyobe pebiwi punaxubame. Pon xua anoxuae baru pononame, apara jinseuri aibi. Poxonae paebame baxua bara xainyeya paebame, bara jopa naerabim, jei Jesús.

¹⁹ Barapowa poxonae Jesús baxua jume tainchi barapowa jeye:

—Pon jiwi Necanamataxeinaem, bara catainchi xua xam apara pon Nacom peitorobi jume nepaebim.

²⁰ Pata tamo susato jiwi, Samaria nacuamonaepiwi, barapomonaе wūnae jainteiba Nacom xote po demxuwathe. Ichitha paxam judiomonaе pam, papaebame xua pinae bewa jiwi wūnae jainteibina Nacom bomuxatha po bo uncua Jerusalén tomaratha po bo Nacom pin pia bo tatsi, jei barapowa.

²¹ Jesús jume nota, jeye:

—Yabūyo moya yabara nejume cowunde xua tacatsipaebiwatsi. Tsipei barapo matacabi imoxoyo patopaena, po mataqueitha xua wūnae pajainteibiname Nacom. Nama jopa painya nenantawenonaewam tsane xua painya neponaewa, po demxuwathe yawa Jerusalén tomara beya xua wūnae painya nejainteibiwa tsane Nacom.

²² Paxam Samaria nacuamonaе pam, jopa payarutaem pon wūnae pajainteibame. Paxan nama judiomonaе pan payarutan pon wūnae pajainteiban, tsipei pon pecapanebiyaеin jiwi apara bapon judiomonaе jiwanaрin.

²³ Ichitha anoxuae nama patopa po mataqueitha poxonae pomonaе xaniwaicha wūnae pejainchiwa Nacom, barapomonaе icha coyene cuitha Nacom wūnae jaintinchi, xua barapomonaе pia Paxaxae tatsi. Barapomonaе xaniwaicha pia pejuntū coyenewatha wūnae jainchina Nacom. Tsipei Nacom baxua ichichipa xua wūnae pejainchiwatsi xua jiwi wūnae pejainchiwa pejuntū coyenewatha.

²⁴ Nacom pejuntū coyene xanepanaein pon peinya jumopein. Daxota pomonaе Nacom wūnae pejainchiwatsi, barapomonaе bewa xaniwaicha pejuntū coyenewatha wūnae jainchina Nacom, jei Jesús.

²⁵ Barapowa jume nota, jeye:

—Yarutan xua patopeicaena pon pewūn Mesías, (xua pon icha wūn “Cristo” baraichi). Poxonae bapon patopeicaena daxita yabaran pana necuidubina, jei bapowa.

²⁶ Jesús jume nota, jeye:

—Apara xan bapon, pon aunxuaein catsipaebatsi, jei Jesús.

²⁷ Baroxonae equeicha Jesús pijimonaе tatsi pata. Daxita barapomonaе yabara najuntū cui coyene cabenaеca xua Jesús tsipaeba Samaria nacuamonaewayo. Ichitha dapon aibi xua pon pejeiwa Jesustha, “¿Eta xua metha jinya xuatsi? ¿Eta pocotsiwa metha bapowa tsipaebame?” xua pon pejeiwa.

²⁸ Nexata bapowa juruwato cuenta iya tomara be-iya, nainya yacuinaya iya. Bapowa jiwi tsipaeba, jeye:

²⁹ —Anetha, pataema pebin ichaxota mūthū mene. Bapon yabara netsipaeba daxita pocotsiwa bayatha caena exanan. ¡Apara bapon metha Mesías! jei bapowa.

³⁰ Baroxonae jiwi tomara we-iyiya peponaenexa ichaxota Jesús popona.

³¹ Irarū Jesús pijimonaе jume daunweya baraichichi, jeye:

—Pon Patatanecuidubim, matha xaema, jeichichi pijimonaе.

³² Jesús jume barai pijimonaе, jeye:

—Xan xeinan pexaewa, po pexaewa jopa payarutaem, jei Jesús.

³³ Jesús pijimonaexae tatsi nexata bara caemonaе nayainyaba, jeye:

—¿Metha bara ichūn Jesús apatatsi pexaewa? najei barapomonaе.

³⁴ Ichitha Jesús pijimonaе jume barai, jeye:

—Icha pebin ichi xua bewa nabanaena, barichin xan bewa exanaein pocotsiwa Nacom ichichipa pocotsiwa bapon tana necui itorobixae. Mataantano bewa nacui wetsin Nacom pia penacuichiwa tatsi xua tana neitorobixae. Daxota xua baroxonae tanejuntū coyene yūcaewa tsane be poxonae pebin xua pexaewa una tonsana.

³⁵ Paxam ba pajam: ‘Abū cataunxuae cuatro po xometobe yapu seica pabitha xua pexaewa penawetsiwa tsane’, ba pajam. Ichitha nama paca jeichi: ‘Pataema bayatha pexaewa naweta xua pabitha’, paca jeichichi. Barapocotsi jūta coyeneya paca jeichi: ‘Jiwi barapo cae pin nacuathe bayatha najuntū cui coyene wūnaetaba xua pejume taenexa Nacom Pejume Diwesi xua pejume cowantsinexa’, paca jeichi.

³⁶ Catsibin pomonaе tamonaexae pocotsiwa xua pematomatsiwa xua inta ichamonaе peyawenaexaetsi xua irarū be tamonaе jiwi penaexanaenexa. Pomonaе nejume cowūnta

barapomonaē catsibin peajuntuyapusaŵa, po peajuntuyapusaŵa jopa weraweracaeyo. Tsipei pomonaē tajume pecueicueijeijiwī copiya xuano iru pomonaē tajume diwesi cotacaya xuya yaputane cana exana xua daxota jiwī nejume cowanta, daxita barapomonaē matabuxuŵobe nabaru juntu coyene weiweina xua ichamonaē nejume cowanta pecana exanaexaetsi.

³⁷ Tsipei po diwesiyo xua tsica diwesiyo, po diwesiyo yabara canauta jatsiya pepaebiwa bara apara xaniwaicha, po diwesiyo xua ba jeye: 'Ichun ūba, iru ichun xuya jota poxonaē naweta', xua jei po diwesiyo.

³⁸ Paca itorobatsi xua inta payawenama jiwī xua tajiwiwimonaē penaexanaenexa xua po coyene jopa pacata ayapubeyo xua poxonaē paexaname baxua. Baxua paexanaenama bequein bara jopa dapomonaē pam pocotsimonaē copiya tajume diwesi paeba barapo jiwitha. Jame paxam apara barapomonaē pam, xua xuya cotacaya yaputane pacana exaname barapo tajiwiwimonaē. Baraxua icha be poxonaē ichi poxonaē ichun xuya jota cotacaya poxonaē ichun copiya ūba, jei Jesús.

³⁹ Bapoxonaē pin bicheitomonaē pomonaē barapo tomaratha jinompa xua Samaria nacuatha, Jesús jume cowantatsi, tsipei barapo petsiriwa pejeixae: "Bapon Jesús yabara netsipaeba daxita pocotsiwa bayatha caena exanan", jei.

⁴⁰ Poxonaē barapo Samaria nacuapiwi Jesustha pata, bapoxonaē Jesús jume daunweya jeichichi: "Pana baru ecare pata tomaratha", jeichichi. Daxota Jesús ainya matababibe naeca barapo tomaratha.

⁴¹ Bichocono pinmonaē Jesús jume cowantaponatsi poxonaē jume tane xua Jesús paeba.

⁴² Nexata barapomonaē bapowa tsipaebatsi, jeichichi:

—Anoxuae nama pajume cowantan jopa meisa saya poxoru pata tanetsipaebiwam. Matautano bara pajume cowantan tsipei yatsicaewa pata muxutontha pajume tan pocotsiwa bapon paeba. Matautano bara payaputan xua bapon pon jiwī Pecapanenebiyaeinchi abe pia peexanaē cuiru coyenein tatsi weya xua barapo jiwī jopa peweraweracaenexa, jei barapomonaē.

Meje yabara poxonaē Jesús axaibi exana pon pentacaponaein pexanto tatsi

⁴³ Poxonaē barapo ainya matababibe yapucaewa, bapoxonaē Jesús pijimonaē Samaria nacua webaru warapiya xua baru pona Galilea nacua beya. Ichitha pijimonaē jopa baru patopaeyo pia tomaratha Nazaret tomaratha.

⁴⁴ Tsipei Jesús bayatha pijimonaē tsipaeba xua nayabara jeye:

—Pon ba Nacom peitorobi jume pepaebin, bapon ba pia nacuapiwi jopa baru cui itura jinaetsi, jei Jesús.

⁴⁵ Poxonaē Jesús pijimonaē baru patopa Galilea nacuatha, barapo Galilea nacuapiwi Jesús matenta weyataya wabatsi. Tsipei caena bayatha barapo Galilea nacuapiwi Jesús tainchi Jerusalén tomaratha, poxonaē jiwī nacaetuta xua penabanaenexa pexaewa po matababintha pewun Pascua wun matababin poxonaē jiwī yabara canantana xeina xua caena bayatha pia pamo susato jiwī tatsi panenebiya Egipto nacua weya. Matautano tsipei poxoru bayatha barapomonaē tane daxita pocotsiwa Jesús exana baxota.

⁴⁶ Bapoxonaē Jesús pecoyo baru pona pijimonaē Caná tomara beya xua po tomara eca barapo Galilea nacuatha. Barapo Caná tomara, po tomaratha ichaxota bayatha Jesús meratha equeicha vino mera cana exana. Poxonaē Jesús Caná tomaratha eca, iruru pebin pon pentacaponaein Capernaum tomaratha popona. Bapon pexanto taatenetsi. Barapo pentacaponaein tanacuita, pon jiwī itorobiya pia pepa peewatsinchi tanacuitatsi.

⁴⁷ Barapon pon pentacaponaein yaputane xua Jesús pijimonaē baru patopa Galilea nacuatha xua Judea nacua weya pona. Bapoxonaē Jesús siwa poinchi. Bapon Jesús jume daunwei jeichichi:

—Tabo beya ponde. Inta taxanto axaibi exande tsipei imoxoyo petupaē, jei bapon.

⁴⁸ Nexata Jesús barai bapon xua piamonaē tatsiru, jeye:

—Paxam jopa yabara pana nejume cowantsim. Saya poxonaē pexeinya petsita itatsi coyenewan paca tsita exaneibatsi bapoxonaē deta pana nejume cowanteibame, jei Jesús.

⁴⁹ Ichitha pentacaponaein jume nota, jeye:

—Pon Necanamataxeinaem jiwī, anetha nainya iyande, xua pewunaeya tsane poxonaē taxanto tupaena, jei.

⁵⁰ Nexata Jesús jume barai bapon, jeye:

—Moya caibe nawiyama jinya bo beya. Bayatha cata axaibi nexanto, jei Jesús.

Barapo pentacaponaein yabara jume cowanta pocotsiwa Jesús paeba. Bara pontaba pia bo beya.

⁵¹ Poxonae barapo pentacaponaein cataunxuae ecapona namtotha xua pia bo beya pona, bapoxonae bapon matenta poinchi pomonae pia petanacuichiwiwaetsi pia botha. Bapon jeichichi:

—Nexanto bayatha cata axaibi, jei barapomonae.

⁵² Nexata bapon yainyaba pia petanacuichiwichi, jeye:

—¿Eta poxonae inta taxanto axaibi? ¿Eta xoyo poxonae ecatabiya xometo? jei bapon.

Barapomonae jume nota, jeye:

—Mexuae axaibi tsuxubi poxonae mateinyaxae pepuya weya bapoxonae yasataxotsi domae, jei barapomonae.

⁵³ Nexata pexuyo paxa tatsi yabara nanta xeinataba xua barapo mateinyaxae pepuya weya xua mexuae Jesús namchi jeye: “Moya caibe nawiya jinya bo beya, bayatha nexanto cata axaibi”, jei Jesús. Bapoxonae bapon iru pomonae pia botha petaenaewichi Jesús yabara jume cowantatsi.

⁵⁴ Barapo pexeinya petsita itatsi coyenewa xua poxonae equeicha Jesús cotacaya exana poxonae caibe warapiya Galilea nacua beya poxonae Judea nacua wewarapiya.

5

Meje yabara poxonae Jesús axaibi exana pon pecuenobinchi ichaxota po fetiyo pewan Betzata

¹ Bapoxonae pirapae Jesús pona Jerusalén tomara beya. Barapo tomaratha judiomonae nacaetuta xua penabanaenexa pexaewa.

² Barapo tomaratha xua iboton peyacaincha toxoro dutsi acabiwa coiboton cae boupa iya barapo boupa pewan “Oveja pia boupa”, jei. Imoxoyo barapo boupa iya eca tsica mene fetiyo. Barapo fetiyo hebreo jumetha pewan “Betzata”, jei. Barapo fetiyotha cinco po boutiyoibe umena.

³ Barapo boutontha peatenewi iratha bobenapoinya, ichamonae pomonae peitata nacutsi jiwi, iru ichamonaeno pomonae pejayuyajujei jiwi, iru ichamonaeno pomonae pecuenobiwichi. Barapomonae ewatabobena xua barapo mene fetiyo mene najirababa.

⁴ Tsipei ichacuiitha tsaibi matatsunpin patopeiqueiba barapo mene fetiyotha xua peitaboco wetsica pona. Barapo matatsunpin mene najirababa exana barapo mene fetiyo. Pon copiya maxu cayatsi mene beya xua baxota cuaranotatsi, bapoxonae axaibi exainchi.

⁵ Baxota pebin iru boca pon caena bayatha atene treinta y ocho po weiyobetha.

⁶ Jesús tane xua bapon iratha boca. Mataatano Jesús yaputane xua bapon aina dapaein bayatha ewata boca. Jesús yainyaba bapontha, jeye:

—¿Ichichipame xua neaxaibiwa? jei Jesús.

⁷ Pon atene Jesús jume notatsi, jeye:

—Pon Necanamataxeinaem jiwi, dapon inta aibi pon taneyawenaewa xua mene betane-maxu cayaenexa poxonae matatsunpin mene najirababa exana. Poxonae tacoutha taepatotha iya tsaibin ichan copiya netsiwana patopeiba. Bapon axaibi, copiya pecaxinaexae mene, jei pon atene.

⁸ Jesús jume barai, jeye:

—Asiya uncuare. Pire jinya nebocaewa. Bara ponde, jei Jesús.

⁹ Bapoxonae caena nainya axaibi tsuxubi. Yawa pita pia pebocaewa, bara ponano. Ichitha barapo matacabi apara po matacabi pentaquei seicae matacabi.

¹⁰ Daxota judiomonae barai pontha pon axaibi exainchi. Jeichichi:

—Apara anoxuae po matacabi xua pentaquei seicae matacabi. Barapo mataqueitha jopa cacopatsiyo xua bara necaponaewa jinya nebocaewa, jei judiomonae.

¹¹ Bapon jume barai judiomonae, jeye:

—Pon neaxaibi exana bapon nebarai: ‘Pire jinya nebocaewa, bara ponde’, nejei bapon, jei bapon judiomonaetha.

¹² Nexata judiomonae yainyaba bapon, jeye:

—¿Jintam bapon pon baxua cabarai: ‘Pire jinya nebocaewa, bara ponde’, jei? jei barapomonae.

¹³ Ichitha bapon jopa wan taeyo pon peaxaibi exanaexaetsi, tsipei Jesús pin bicheitha naita cafetaba.

¹⁴ Pirapae bapon Jesús taeba Nacom pin pia botha tatsi. Jesús barai bapon, jeye:

—Incane nejume taema. Jame caaxaibi exanatsi. Equeicha jinxoba abe exaname, tsipei bapoxonae bichocono atenam tsipae beyacaincha xua poxonae copiya atenam, jei Jesús.

¹⁵ Nexata barapo pebin pona judiomonae beya xua pejeinexa:

—Apara pon neaxaibi exana bapon apara Jesús, jei bapon.

¹⁶ Daxota Jesús abe tsiyabara jeitapoinchi xua pebexubiwa tsainchi yaitama Jesús axaiibi exana pon atene po mataqueitha pentaquei seicae mataqueitha.

¹⁷ Ichitha Jesús jeye barapomonaetha:

—Taxa, apara cataunxuae nacuiteiba daxita matakabintha. Xan barichin bara bequein pentaquei seicae matakabi tan, jei Jesús.

¹⁸ Daxota bichocono nama judiromonae jopa juniya anaepanaeyo, yawa ichichipa xua Jesús pebexubiwa tsainchi. Barapomonae anaepana tsipei yaitama Jesús po mataqueitha pentaquei seicae matakabitha nacuita poxonae bequein barapomonae jopa copatsiyo. Matautano anaepana tsipei Jesús naexana xua Nacom pecui jupaewatsi, yawa tsipei jeye: “Nacom, Taxa”, jei.

Meje yabara poxonae Jesús yabara paeba xua pexeinaewa pia peayapusu itorobi coyenewa

¹⁹ Nexata equeicha Jesús barai barapo judiromonae, jeye: “Xaniyan paca tsipaebatsi xua xan Nacom Pexanton jopa exanaeinyo pocotsiwa tacoutha ichichipan. Saya jame exanan pocotsiwa Taxa cui tan pocotsiwa exana. Daxota bapocotsiwan baxua exanan.

²⁰ Taxa bichocono neantobe, yawa netsita ituta daxita xua bapon pocotsiwa exana. Taxa equeicha ichawanno netsita itutsina pocotsiwa xua bichocono wuna beyacaincha xua bayatha exanan. Bapoxonae yabara pana najuntu cui coyene cabenaecaename.

²¹ Taxa equeicha asu cana exana pomonae caena bayatha werapa. Xan barichin tsane Nacom Pexantonxaein equeicha asu cana exanaein pomonae pewerapaewi, pomonae xua ichichipan xua asu tacana exanaewa.

²² Taxa jopa ba yabara paebiyo jiwi xua penatsicuentisiwa xua abe peexanaexae. Saya meisa xan Pexanto tatsixaein necata barapo peayapusu itorobi coyenewa xua tayabara paebiwa jiwi xua penatsicuentisiwa xua abe peexanaexae Nacomtha.

²³ Baxua Taxa barapo peayapusu itorobi coyenewa necata xua daxita jiwi tana nebaru cui itura jinaenexa xua icha barapo jiwi ichi xua poxonae Taxa baru cui itura jinatsi. Xan ponxaein Nacom Pexantonxaein ponxaein Nacom tana neitorobixae pon jopa nebaru cui itura jinaeyo bapon barichi Taxa jopa baru cui itura jinaetsi.

²⁴ “Bara xainyeya paca tsipaebatsi xua xan, Nacom Pexantonxaein, pon xanepanaya nejume naitaewata pocotsiwa paeban xuano xua Taxa jume cowantsatsi bapon peajuntayapusuwa xeinaena po peajuntayapusuwa xua ataya tsiteca. Bapon bapana jopa yabara caunutsin tsane xua bapon Nacom bayatha tsitatsi xua bapon penatsicuentisiwa xua daxota bapon bewa tupaena abe peexanaexae. Tsipei bapon be barapocotsin, bara be pocotsin xua equeicha asu exanan petupa cuiru coyene weya.

²⁵ Xainyeya paca tsipaebatsi. Apara anoxuae barapo matakabi patope, po mataqueitha pomonae be pewerapaewi jopa pexeinaexae peajuntayapusuwa, barapomonae nejume taena. Yawano icha barapomonae nejume cowantsina bapoxonae xeinaena peajuntayapusuwa.

²⁶ Taxa xeina xua peajuntayapusuwa, po pia peajuntayapusuwa tatsi jopa weraweracaeyo. Daxota bara tayapu xanepanatsi xua ichun pecatsinexatsi barapo peajuntayapusuwa. Matautano Taxa necata barapo peajuntayapusuwa xua daxota xuya jiwi catan.

²⁷ Taxa pia peayapusu itorobi coyenewa necata xua jiwi tayabara paebinexa xua penatsicuentisiwa xua abe peexanaewixae Nacomtha. Tsipei naexanan pepa Jiton daxota necui jupa xua barapo pia peayapusu itorobi coyenewatha jiwi tayabara paebiwa xua penatsicuentisiwa xua abe peexanaexae.

²⁸ Jopa baxua payabara najuntu coyene cabenaecaende pocotsiwa tapaca tsipaebiawatsi. Tsipei patopaena icha matakabi po mataqueitha pomonae pewerapaewi nejume taena.

²⁹ Barapomonae pomonae pewerapaewi muthu wejuiuinaena. Pomonae xua xanepanaya exana xua poxonae caena bayatha jinompa, barapomonae asu exanaeinchi xua pexeinaewa tsane peajuntayapusuwa. Ichitha nama pomonae abe exana xua poxonae caena bayatha jinompa, barapomonae asu exanaeinchi xua peyabara paebinexatsi xua penatsicuentisiwa xua abe peexanaexae Nacomtha”, jei Jesús.

Meje yabara poxonae Jesús tsita itapeinya xeina jiwi xua bara xeina peayapusu itorobi coyenewa

³⁰ Cataunxuae awiya Jesús cueicueijeji judiromonaetha. Jesús jeye: “Jopa exanaeinyo pocotsiwa tacoutha ichichipan. Jiwi yabara paeban xua penatsicuentisixae xua abe peexanaexae Nacomtha be pocotsi coyeneya Taxa tanecui itorobixae. Baxua xua pocotsiwa poxonae jiwi yabara paeban xua penatsicuentisiwa xua abe peexanaexae apara bara xanepana. Tsipei jopa exanaeinyo pocotsiwa tacoutha ichichipan jame saya exanan pocotsiwa Taxa ichichipa, pon tana neitorobixae.

³¹ Icha saya meisa nayabara paebichipan tacoutha, yawa icha ichun jopa neyabara jume yawenaetsipae metha bapoxonae pana neyabara jam tsipaem: 'Apara pocotsiwa bapon pia coutha nayabara paeba jopa xainyeyo', pana neyabara jam tsipaem.

³² Ichitha ichun neyawena xua tana neyabara paebiwa tsipei paeban xua pocotsiwa bapon paeba. Nanta jupaya papaebanbe. Apara bapon Nacom bara Taxa. Bara yaputan po coyene bapon xua tana neyabara paebiwa apara bara xainyei.

³³ Paxam ichamonae paitorobame Juan beya, xua Juan peyainyabiwa tsainchi, pocotsiwa Juan yabara paca jume nota xua xan yabara, bara apara xainyei.

³⁴ Xan jopa jiton nantawenonaeinyo xua tana nebaru jume yawenaewa xua jiwi yabara tana nejume cowuntsiwa xua bara xainyeya tapaebin. Saya yabara paca tsipaebatsi pocotsiwa Juan tana neyabara paebiwa. Poxonae baxuan pajume cowuntsiname pocotsiwa Juan tana neyabara paebiwa bapoxonae paca capanenebiyaena abe painya neexanae cuiru coyenein yewa xua jopa painya atene tsaibiwa tsane abe painya neexanaewantha.

³⁵ Poxonae pecoicha itanata, jiwi ba caeto juntu coyene weiweina poxoru ichichipa barapo coicha xua yonoyonei. Icha pecoicha ichi Juan barichi. Poxonae Juan paca cuiduba copiya pajuntu coyene weiweiname caeto, poxoru paichichipame barapo diwesi pocotsiwa bapon paca tsipaeba.

³⁶ Ichitha nama xan xeinan xua pocotsiwa ainya cui beyacaincha xua po diwesi Juan tana neyabara paebiwa. Baxuan xua xuan pocotsiwa exanan apara bara xua pocotsiwa Taxa neitoroba. Po pexeinya petsita itubiwan xua exanan poxonae baxuan jiwi necui tane bapoxonae nejume cowanta xua Taxa necata barapo peayapusu itorobi coyenewa.

³⁷ Matautano Taxa, pon tana neitorobixae, beta xanepanaya neyabara paeba. Ichitha paxam jopa bapana Nacom pajume taem xua pejume. Matautano jopa bapana pataem pia pepon.

³⁸ Nacom Pejume Diwesi jopa paxeinaem painya juntu coyeneintha tsipei jopa pana nejume cowuntsim ponxaein xua Nacom tana neitorobixae.

³⁹ Paxam matowa pana nacuidubame Nacom Pejume Diwesi, tsipei pananta xeiname xua pia bapoxonae Nacom painya nepaca catsibichi pia peajuntuyapusuwa, po peajuntuyapusuwa jopa weraweracaeyo. Ichitha Nacom Pejume Diwesi, po diwesi payorobame, apara xua tana neyabara paebiwa.

⁴⁰ Ichitha jopa bapana pana nejume cowuntsim xua tapaca catsibinexatsi barapo peajuntuyapusuwa, po peajuntuyapusuwa jopa weraweracaeyo.

⁴¹ "Jopa netsita ainya cuiyiyo xua bara jiwi tana nebaru cui itura jinaewa xua ainya cuin tanaexanaexae.

⁴² Matautano paca juntu coyene yaputainchi xua painya juntu coyeneintha jopa Nacom paantobem.

⁴³ Xan, Nacom Taxa tana neitorobixae, pacata patopatsi, daichitha jopa pana nejume cowuntsim. Ichitha icha ichun pacata patopaetsipa pon pia coutha naitoroba, bapon xanepanaya pajume cowuntsipame.

⁴⁴ Jopa paca itacupaeyo xua pana nejume cowuntsiname tsipei saya pananta xeiname xua pia jiwi paca necayabara baru cui itura jineibiwa. Jopa pananta xeinaem xua po coyene Nacom paca necayabara baru cui itura jinaewa tsane.

⁴⁵ Jopa pananta xeinaeinde xua Taxatha tapaca yabara paebiwatsi xua po coyene abe painya neexanaewa. Xan dapon apara aibin xua abe tapaca yabara paebiwatsi. Paxam pananta xeiname, pana najam: 'Caena bayatha Nacom nacana jume diwesi cata Moiestha xua jiwi pejume cowuntsiwa tsane. Jume cowantatsi barapo diwesi, daxota Nacom naca capanenebiya tsane', pana najam. Daichitha jopa paexanaem pocotsiwa Moisés paca itoroba. Poxoru tsipei jopa Nacom pajume cowuntsim daxota Nacomtha abe paexaname.

⁴⁶ Icha pajume cowuntsipame pocotsiwa Moisés neyabara tinaeya paeba, metha iruru pana nejume cowuntsipame, tsipei Moisés neyabara tina.

⁴⁷ Icha jopa pajume cowuntsim pocotsiwa Moisés neyabara paeba, bara paichipaem jopa pana nejume cowuntsipaem", jei Jesús xua judiomonae tsipaebatsi.

6

*Meje yabara poxonae Jesús apata pexaewa cinco mil pebiwi
(Mt 14.13-21; Mr 6.30-44; Lc 9.10-17)*

¹ Poxonae Jesús najume weta judiomonaetha, bapoxonae Jesús pijimonae baru pona jeratha xua Galilea pucua icha muxunene beya. Barapo pucua icha wan Tiberias pucua.

² Pin bicheito Jesús puna poinchi, tsipei Jesús cui tainchi xua exana pia pexeinya petsita itatsi coyenewan, poxonae axaibi exana peatenewi.

³ Nexata Jesús pijimonaе baru ecoinya demxuxa icha. Bapoxonaе baxoteicha Jesús pijimonaе baru ecoinya.

⁴ Imoxoyo bara nama patopaena matacabi xua judiomonaе pia Pascua wun matacabi tatsi.

⁵ Jesús tane xua puna poinchi pin bicheito. Bapoxonaе Jesús barai, Felipe baraichi jeichichi:

—¿Eta xota metha pexaewa barapomonaе upain comocaeinchi? jei Jesús Felipetha.

⁶ Baxua Jesús Felipe yainyabatsi, pia xua Felipe jume taetsi, xua po coyeneya Felipe pejume notsiwa tsane. Tsipei Jesús yaputane po coyeneya xua imoxoyo peexanaewa.

⁷ Nexata Felipe Jesús jume notatsi, jeye:

—Bequein doscientos po pan matabuxumonaе comocaetsipathatsi jopa awiuya jupaetsipae xua daxita barompaya pexexinaponaewa barapo bicheito. Barapo denario paratiyo matawun xua bichocono matoma nawita xua caentaqueitha nexa xua matoma xeineiba pomonaе penacuichiwi, jei Felipe.

⁸ Bapoxonaе Andrés pon iraru Jesús pijimonaе tatsi jiwana jiton, pon Simón Pedro peweicho tatsi, bapon Jesús jeichichi:

⁹ —Meje pewowin wuto uncue. Bapoyo cinco po panbe xeina, po pan xua cebada beno pan. Matautano bapoyo duweiyobe capana. Ichitha apara jopa yapu jupaeyo xua pin bicheito! jei Andrés.

¹⁰ Nexata Jesús jume nota pijimonaе, jeye:

—Daxita jiwi patsipaebare xua peenaewa tsane iratha, jei.

Baxota naepanaewan nawita. Baxota pebiwi iratha ena. Barapo bicheito bara be cou cinco mil pebiwi.

¹¹ Nexata Jesús pecobetha pita pan, po pan xua pexuyo capatopa. Bapoxonaе Jesús Paxatha tsipaeba: “Axa, maisa juntu coyene weiweinan xua pata tana necatsiwaxaem pexaewa”, jei Jesús. Bapoxonaе Jesús pijimonaе tsicobe jajanacapona pan. Equeicha Jesús pijimonaе tatsi cacatsibapona barapo pan barapo cinco mil pebiwitha. Jesús barichiya exana poxonaе duweiyobe pita. Matautano pijimonaе tsicobe jajanacapona barapo bicheito nexa. Barapo cinco mil pebiwi bara xane xua ichichipa piyainxae.

¹² Poxonaе daxita tonsanarucupa, bapoxonaе Jesús pijimonaе barai:

—Panore xua barapomonaе jiwana xane. Pajebare, jopa pabebande, jei Jesús.

¹³ Barapomonaе Jesús pijimonaе tatsi nonotapona pocotsiwa barapo pin bicheito jiwana xaexaepona. Jesús pijimonaе tatsi doce po cotebe wunba xua bayatha po cinco panbe jiwana xaexaepona pin bicheito po pan xua cebada beno pan.

¹⁴ Barapo cinco mil jiwi poxonaе Jesús cui tainchi xua pexeinya petsita itatsi coyenewa exana, jeye:

—Apara bara bapon pon Nacom peitorobi jume pepaebin, pon xua juinya bewa pinax patopaena po nacuathe xua wanacuatha tsica, jei.

¹⁵ Ichitha Jesús yaputane xua barapomonaе ichichipa xua po coyene Jesús penaexanaewa tsane be pon jiwi itorobiya pia pepa peewatsinchi tsane barapo bicheito pia nacuathe tatsi. Daxota equeicha Jesús ponataba demxuxa beya, xua compa peecaenexa.

Meje yabara poxonaе Jesús mene matatsun jumatha pona

(Mt 14.22-27; Mr 6.45-52)

¹⁶ Poxonaе quirei tsanaicha Jesús pijimonaе tatsi pucua itapa bepareca.

¹⁷ Bapoxonaе jeratha nonobabiya. Barapo pucua iya jeratha epatauta iyiya xua pepatsiwa tsane Capernaum tomara beya. Jesús cuenta iyiyatsi poxoru bayatha quirei, yawano poxoru Jesús jopa cataunxuae patopaeyo.

¹⁸ Bapoxonaе pin joibo tsuxubi. Yawa maratsaca muxunenababa jera.

¹⁹ Poxonaе Jesús pijimonaе tuwatha yana panenebiya, bapoxonaе Jesús pijimonaе tainchi. Jesús mene matatsun juma dena pona jera dena. Bapoxonaе barapomonaе bichocono junuwa.

²⁰ Ichitha Jesús pijimonaе barai, jeye:

—¡Apara xan! jopa pajunuwinde! jei Jesús.

²¹ Bapoxonaе Jesús pijimonaе yaitaerucupatsi. Bapoxonaе Jesús juntu coyene weiweinaya wabatsi pijimonaе xua jeratha penontabinaenexa. Bapoxonaе nainya patarucupa Capernaum tomaratha.

Meje yabara poxonaе jiwi Jesús wenaweneichi

²² Icha mataqueitha pin bicheito, pomonaе umena pucua itapatha xua icha muxunenetha, barapomonaе tane xua Jesús pijimonaе cuenta ponarucupatsi jeratha, po jera saya bara cae nae xua po nae baxota boca.

²³ Poxonae cataunxuae Jesús yabara nanta xeinatsi baxua, bapoxonae icha jera naein pata xua po naein Tiberias tomara werendena. Barapo jera naein pata ichaxota po iriyo itama tayeca xua ichaxota bayatha Jesús, pon Wanacanamataxeinaein, Paxa tsipaeba xua jeye: “Axa, maisa juntu coyene weiweinan xua pata tanecatsiwam pan”, xua jei, xuano xua baxota Jesús apata pan jiwitha.

²⁴ Barapomonae yaputane xua Jesús aichurucuae. Mataantano yaputane xua Jesús pijimonae tatsi aichurubena. Daxota jeran notarucupa Capernaum tomara be-iyiya xua Jesús pewenaweneiwa tsainchi.

Meje yabara xua Jesús apara bapon yabara caunutatsi xua poxonae po pexaewa Nacom jiwi itaboco wetaitorobcatsi

²⁵ Poxonae barapomonae pata icha muxunene beya xua pucua iya, bapoxonae Jesús tainchi. Barapomonae Jesús yainyabatsi, jeichichi:

—Pon jiwi Necuidubim, ¿eta poxonae xote patopame? jei barapomonae.

²⁶ Jesús jume barai barapo jiwi, jeye:

—Xaniyan paca tsipaebatsi. Pana newenawenam, tsipei bayatha pana najain taneme pexaewa xua beya poxonae patonsaname. Apra jopa baxua patsipatsim xua bayatha tapaca tsita exanaexaetsi pexeinya tatsita itutsi coyenewan.

²⁷ Jopa pananta xeinaeinde xua saya pexaewa pana natsiupain nacuitame, po pexaewa saya nainya weraweraca. Saya meisa jame payabara nanta xeinare xua peajuntuyapusu coyenewa, po peajuntuyapusu coyenewa jiwi ajuntuyapusu exanatsi, po peajuntuyapusuwa jopa weraweracaeyo. Taxa, Nacom, barapo peajuntuyapusuwa necata, po peajuntuyapusuwa xuya paca catsinchi ponxaein Nacom Tananeitapetsin, jei Jesús.

²⁸ Nexata barapomonae Jesús yainyabatsi, jeye:

—¿Eta xua bewa paexanaein xua xainyeya pata exanaewa tsane pocotsiwa Nacom ichichipa? jei.

²⁹ Nexata Jesús jume nota barapomonae, jeye:

—Jame Nacom baxua ichichipa xua pata tanejume cowuntsiwam tsane ponxaein xua barapon Nacom, Taxa, neitoroba, jei Jesús.

³⁰ Nexata barapomonae Jesús yainyabatsi, jeye:

—¿Eta po jinya pexeinya netsita itutsi coyenewa, pana netsita itutsiname? Icha paca cui taeinchi baxua xua pana netsita itutsiname nexata bapoxonae xua xain paca jume cowuntatsi.

³¹ Ichaxota ira xuepana susato tsurucuae nacuaatha wamo susato jiwi xane pexaewa, po pexaewa Nacom taitorobica itaboco wetsica. Barapo pexaewa maná matawun. Barapomonae baxua cana exanatsi be pocotsi coyeneya Nacom Pejume Diwesitha yabara jeichichi: ‘Nacom cata barapomonaetha pexaewa, po pexaewa itaboco wetaitorobica’, jei Nacom Pejume Diwesitha, jei barapomonae.

³² Nexata Jesús jume barai barapomonae, jeye:

—Xaniyan paca tsipaebatsi, Moisés barapo pexaewa apra jopa wamo susato jiwi catsichi, po pexaewa xua itaboco wetaitorobcatsi. Apra jame Nacom, Taxa, barapo pexainyei nabanae pexaewa taitorobica.

³³ Po pexaewa Nacom itaboco wetaitorobica, apra neyabara wanae caunuta. Nacom neitorobica xua tacana exanaewa tsane jiwi barapo cae pin nacuaethe xua jiwi pexeinaewa tsane peajuntuyapusuwa, po peajuntuyapusuwa jopa weraweracaeyo, jei Jesús.

³⁴ Nexata barapomonae Jesús baraichichi, jeye:

—Patatanecanamataxeinaem, barapo pexaewa pana catsibeibare daxita matababi tsabi, jei.

³⁵ Jesús jume nota, jeye:

—Xan apra bapon xua po pexaewa Nacom itaboco wetaitorobica jiwi xua po pexaewa tana neyabara wanae caunutsixa ponxaein jiwi peajuntuyapusuwa tacatsin. Bequein jiwi xaiba pexaewa daichitha equeicha jainpouneiba, yawa equeicha meratsipouneiba. Jame pon patopa taxantha yawa pon nejume cowanta bara xeina daxita pocotsiwa penantawenonaewa.

³⁶ Bara bayatha bequein paca tsipaebatsi, daichitha jopa pana nejume cowuntsim bequein pana netaneme.

³⁷ Daxita pomonae xua Taxa necata, barapomonae bara tamonae. Barichi pomonae nejume cowanta, barapomonae jopa beban tsane.

³⁸ Xan apra jopa baxua tsipatopeicaeyo itaboco wetsica xua taexanaewa tsane pocotsiwa tacoutha ichichipan. Apra saya jame baxua tsipatopan xua taexanaewa tsane pocotsiwa Taxa ichichipa.

³⁹ Tsipei Taxa ponxae neitoroba, barapon ichichipa xua daxita jiwi beta ta-eeanaewa tsane pomonae tana necatsixae. Matautano Taxa jopa ichipaeyo xua barapomonae jiwana caein tanexubiwa. Matautano Taxa ichichipa xua equeicha asu cana exanaein petupae coyene cuariya weya pomonae tana necatsixae xua poxonae po matacabi opi ducuaenaba po cae pin nacuathe.

⁴⁰ Paxam yabara paca tsipaebatsi xua pocotsiwa Taxa peichichipaewa. Daxita pomonae neyabara paebina po coyene xua xan apara Nacom Pexanton, xuano xua nejume cowanta, barapomonae xeinaena peajuntuyarusawa xua ataya tsiteca. Barapomonae asu exanaein petupae coyene cuariya weya poxonae matacabi opi ducuaenaba po cae pin nacuathe, jei Jesús.

⁴¹ Poxonae Jesús baxua nayabara paeba bapoxonae judiomonae Jesús abe yabara paebatsi, tsipei Jesús jeye: “Xan apara bapon po pexaewa Nacom itaboco wetaitorobica jiwi xua po pexaewa tana neyabara wnae caunutsixae ponxaein jiwi peajuntuyarusawa tacatsin”, jei Jesús.

⁴² Barapomonae najei caemonae:

—Apara bapon Jesús, José pexanto tatsi. Apara coxiyın bayatha yaputainchi, coxiwano yaputainchino. ¿Eta pocotsiwa metha naca tsipaeba xua pinae itaboco wetsica pona? najei barapomonae.

⁴³ Nexata Jesús jume barai, jeye:

—Jopa caemonae pana natsipaebinde xua abe papaebame.

⁴⁴ Dapon aibi pon peitacupaewatsi xua pia coutha pepatopaewa xantha xua tana nepuna ponaewa tsane icha Taxa pon tana neitorobixae, pia coutha jopa copatsiyo xua jiwi pepatsinexa xantha. Barapomonae asu exanaein petupae coyene cuariya weya poxonae po mataqueitha daxita weraweracaena po nacuathe.

⁴⁵ Nacom peitorobi jume pepaebiwi pia petinae diwesintha jeye: ‘Daxita jiwi Nacom yaputane cana exanaena’, jei barapo Nacom peitorobi jume pepaebiwi pia petinae diwesintha. Daxota daxita pomonae Taxa jume tainchi xuano xua jume cowantatsino barapomonae bara pata taxantha.

⁴⁶ “Dapon aibi pon Taxa tainchi. Jame meisa ponxaein itaboco wepatopeican bara Taxa tan.

⁴⁷ Xaniyan paca tsipaebatsi, pon nejume cowanta bapon jame xeinaena peajuntuyarusawa, po peajuntuyarusawa jopa weraweracaeyo.

⁴⁸ Xan apara bapon xua po pexaewa Nacom itaboco wetaitorobica jiwi xua po pexaewa tana neyabara wnae caunutsixae ponxaein jiwi peajuntuyarusawa tacatsin.

⁴⁹ Painya amo susato jiwi pexaewa xane ichaxota ira xuepana susato tsurucuae nacuathe. Barapo pexaewa paeban, apara tapepon xua paca catatsi painya nenabanaewa tsane nabane daichitha matapainya werapa.

⁵⁰ Paxam yabara paca tsipaebatsi po pexaewa Nacom itaboco wetaitorobica jiwi xua po pexaewa tana neyabara wnae caunutsixae. Pon nejume cowantsina jopa weraweraca tsane icha ichın ichi xua poxonae xane barapo pexaewa jopa tupaeyo.

⁵¹ Xan apara bapon xua po pexaewa Nacom itaboco wetaitorobica jiwi, po pexaewa ayarusu, xua po pexaewa tana neyabara wnae caunutsixae. Pon xua nejume cowanta bara ataya poponaena icha ichın ichi xua poxonae xane barapo pexaewa bara asu. Po pexaewa xua yabara paeban, apara tapepon xua paca catatsi painya nenabanaewa tsane. Tupaen xua jiwi pexeinaewa tsane peajuntuyarusawa”, jei Jesús.

⁵² Nexata judiomonae caemonae najume matsontsonoba, najei:

—¿Eta pocotsiwa metha bapon naca tsipaeba xua naca catapaeba pia pepon xua wana-banaewa tsane? jei barapomonae.

⁵³ Jesús barai barapomonae, jeye:

—Xaniyan paca tsipaebatsi xan ponxaein Nacom Tana neitapetsin. Icha jopa paxaem tsane tapepon, yawa icha jopa paapaem tsane tajana, jopa paxeinaem tsane peajuntuyarusawa, po peajuntuyarusawa jopa weraweracaeyo.

⁵⁴ Pon xua tapepon xane yawa xua apa tajana, bapon xeinaena peajuntuyarusawa, po peajuntuyarusawa jopa weraweracaeyo. Yawa bapon asu exanaein petupae coyene cuariya weya po mataqueitha poxonae daxita weraweracaena po cae pin nacuathe.

⁵⁵ Tsipei tapepon be pexeinya pexaewa poxonae xua jiwi pexaewa tsane. Yawa tajana be pexeinya peapaewa xua jiwi peapaewa tsane.

⁵⁶ Pon tapepon xane yawa apa tajana, bapon nebaru poponeibina yawa xan baru poponeibin. Tsipei poxoru bapon neyabara jume cowanta xua xan bapon pia pepon tatsi tsitapan, yawano xua tajana othoparenaewa bapon nexa xua abe pia peexanae cuiru coyenein tatsi nexa.

⁵⁷ Taxa ponxae neitoroba bapon ataya asu poponeiba. Iruu xan barichin ataya asu poponeiban tsipei Taxa necata pia peajuntuyarusuwa, po peajuntuyarusuwa jopa weraweracaeyo. Barichiru pon xane tapepon, xua poxonae tana nejume cowantsiwa, bapon asu poponeibina tacatsixae peajuntuyarusuwa.

⁵⁸ Xan yabara paeban pexaewa, po pexaewa Nacom itaboco wetaitorobica jiwi. Barapo pexaewa jopa jupeayo, xua icha be maná matawahu ichi, po pexaewa painya amo susato jiwi xane. Daichitha barapomona matapainya werapa. Po pexaewa yabara paeban icha ichun xane barapo pexaewa, bapon xeinaena peajuntuyarusuwa, po peajuntuyarusuwa jopa weraweracaeyo, jei Jesús.

⁵⁹ Baxuan Jesús cuiduba judiomona pia penacaetutsi botha tatsi xua Capernaum tomaratha.

Meje yabara poxonae Jesús yabara paeba peajuntuyarusuwa, po peajuntuyarusuwa jopa weraweracaeyo

⁶⁰ Pinmonae pomonae Jesús puna poinchi, poxonae barapomonae Jesús jume tainchi pia pecuidubiwa, bapoxonae barapomonae najei:

—Pocotsiwa bapon paeba maisa bichocono ayapube xua wayabara jume cowantsiwa. ¿Jintam metha itacupatsi xua peexanaewa tsane pocotsiwa bapon paeba? najei.

⁶¹ Ichitha Jesús yaputane pocotsiwa xua peyabara paebiwatsi barapomonae xua peayapubexae pocotsiwa Jesús pepaebiwa. Nexata Jesús yainyaba barapomonae, jeye:

—Pocotsiwa aunxuae paca tsipaebatsi, ¿baxua pacata ayapube?

⁶² ¿Eta xua metha pananta xeinaetsipame icha pana netaetsipame xua athabe taichaewa itaboco beicha ichaxota bayatha poponan ponxaein Nacom Tananeitapetsin?

⁶³ Jiwi asu jinompa poroxu xeina pejumope tuxahu. Poxona pejumope tuxahu panepa jiton ba pia pepon tupa. Icha pejumope tuxahu ichi xua jiton asu exainchi pia pepon, barichi xua xan pocotsiwa tapaca tsipaebiwatsi barapo jume paca juntu coyene ayarusu cana exana xua jopa painya neweraweracaewa tsane.

⁶⁴ Ichitha cataunxuae pinmonae pomonae paxam jiwana pam, jopa nejume cowantsiyo, jei Jesús.

Caena bayatha Jesús copiya wuna tsiwanaya yaputane pomonae jopa pejume cowantsiwa tsainchi. Matautano caena bayatha Jesús copiya wuna tsiwanaya yaputane pon pecaenaetsiwa tsainchi tsane ichamonaetha xua pebexubiwa tsainchi Jesús.

⁶⁵ Equeicha Jesús barai pomonaetha pomonae pia pepuna ponaewichi, jeye:

—Daxota paca jeichi: ‘Dapon aibi pon peitacupaewatsi xua pia coutha pepatopaewa xantha xua tana nepuna ponaewa tsane, icha Taxa pia coutha jopa copatsiyo xua bara jiwi pepatsiwa xantha’, paca jeichi, jei Jesús.

⁶⁶ Poxonae Jesús baxua paeba bapoxonae pin bicheito pomonae Jesús pepuna ponaewichi barapomonae Jesús cuenta warapatsi. Barapomonae equeicha nama jopa Jesús puna ponaetsi.

⁶⁷ Bapoxonae Jesús pijimonae yainyaba pomonaeyoxae xua doce poyobe, pomonae Jesús pijimonaexae tatsi. Jesús pijimonae barai, jeye:

—¿Paxam painya iru ponaetsiru? jei Jesús.

⁶⁸ Nexata Simón Pedro Jesús jume notatsi. Pedro jeye:

—Patatanecanamataxeinaem, dapon aibi tsipae pon papuna ponan icha paca cuenta ponaetsipatsi. Saya meisa payaputan xua meisa xam compam yabara pana netsipaebame peajuntuyarusuwa, po peajuntuyarusuwa jopa weraweracaeyo.

⁶⁹ Paxan paca jume cowantatsi. Matautano payaputan xua xam apara pon Nacom caitoroba, pon pepa Nentacuiruyapuxanepanaem, jei Simón Pedro.

⁷⁰ Jesús pijimonae jume nota, jeye:

—Paxam pomonae doce poyobe pam pomonae tapaca caitapetsiwichi pam. Daichitha caein jiwana pam cauri piamona jiton tatsi, jei Jesús.

⁷¹ Poxonae Jesús baxua paeba, Jesús yabara paeba Judas, Simón Iscariote pexanto tatsi. Bapon Judas Jesús caenaetsinchi bequein bapon caein jiwana pomonae Jesús pijimonaexae tatsi, pomonae doce poyobe tatsi.

7

Meje yabara poxonae Jesús jopa yabara jume cowantichi peweicho jiwi

¹ Bapoxonae Jesús popona ducuaaeta baxota xua Galilea nacuaatha. Jesús aichaxaibi xua pepoponaewa Judea nacuaatha, tsipei judiomonae, pomonae baxota jinompa, ichichipa xua Jesús pebexubiwatsi.

² Bara nama imoxoyo tsurucuae tsoponaeba po matakabintha judiomonae jinompa tsica botuxixitha xua penabanaenexa pexaewa. Barapo matakabin ba judiomonae cayabara

nanta xeina xua caena bayatha pinae pia pamo susato jiwi tatsi jinompa tsica бонмхххitha ira xuepana susato tsurucuae nacuatha.

³ Jesús baraichi pia peweicho jiwi, jeye:

—Jopa xote poponaeinde. Judea nacua beya warapiyama xain baxotiya jinyamonae cacui tane pocotsiwa exanama xua jinya netsita itatsiwa.

⁴ Pon xua ba ichichipa peyaputaewatsi daxita jiwi, bapon ba daxita jiwi peitatha exana po coyene xua moya peyawun xeinaewa po coyene jiwi copiya jopa yabara yaputaeyo. Bapon ba jopa nameicha exanaeyo. Xam iraru barichinde. Daxita jiwi peitatha exande xain cacui tane xua jinya netsita itabiwa neexanaewam, jeichichi Jesús peweicho jiwi.

⁵ Baxua Jesús baraichichi peweicho jiwi, tsipei Jesús jopa jume cowantichi peweicho jiwi.

⁶ Nexata Jesús jume barai peweicho jiwi, jeye:

—Apara inta cataunxuae dapo matacabi aichica, po mataqueitha tana naitatsiwa judiomonaetha xua Judea nacuatha. Ichitha poxonae paichichipame xua painya neponaewa moya bara paponde Judea nacua beya.

⁷ Pomona jopa Nacom jume cowantichi barapomona jopa paca casebiyo. Ichitha xan necaseba tayabara paebixae xua po coyene pocotsiwa barapomona exana pejuntu coyeneintha apara abe.

⁸ Paxam bara moya paponde ichaxota judiomonae nacaetuta xua penabanaenexa pexaewa. Xan nama jopa ponaeyo cataunxuae canta tamatacabi aichica, jei Jesús.

⁹ Poxonae Jesús baxua najume weta, bapoxonae abu cataunxuae Galilea nacuatha popona be caentacabiyo xua pecoyo weya peponaenexa.

Meje yabara poxonae Jesús nasiwa pona Jerusalén tomara ichaxota judiomonae nacaetuta xua penabanaewa tsane pexaewa

¹⁰ Poxonae Jesús peweicho jiwi tatsi bayatha ponaba penanabanaenexa pexaewa ira Jesús bara beya pona. Jesús compa nameicha pipatotha pona. Jopa peyaru naponaeyo jiwitha.

¹¹ Barapo judiomonae penacaeutswiwa Jesús wenaweneichi. Barapo judiomonae pia pentacaponae tatsi caemona nayainyaba, najei:

—¿Incane methara? ¿Exota metha popona bapon? najei barapomona xua Jesús yabara paebatsi.

¹² Barapo pin bicheitomonaetha ichamona Jesús yabara paxapaxeya paebatsi. Ichamona jeye: “Bapon apara pejuntu coyene xanepanaein”, jei. Ichamona jeye: “Вун, metha jume, apara jiwi muxujainyabeibatsi”, jei barapomona.

¹³ Ichitha dapon aibi pon pentha pejume jinaewa jiwi peitatha xua Jesús peyabara paebiwa, tsipei judiomonae pia pentacaponae tatsi cunuwatsi.

¹⁴ Poxonae cuatro po matacabinbe yapucaewa xua poxonae judiomona po matacabintha nacaetuba, bapoxonae Jesús joniya Nacom pin pia botha. Mataatano baxota tamropata pitaba xua pecuidubiwa jiwitha.

¹⁵ Bapoxonae judiomona yabara najuntu cui coyene cabenaeca pocotsiwa Jesús beta caununaya pepaebiwa. Yawano najei:

—¿Eta xua metha bapon bichocono yaputane diwesi bequein jopa nacuidubiyo diwesi xua jopa barichiyo xua waxainchi wepu wanacuidubiwatsi diwesi? jei.

¹⁶ Jesús jume nota barapomona, jeye:

—Po diwesi jiwi cuiduban apara jopa barompaya tacuidubi coyenewa. Saya apara Taxa pia pecuidubi coyenewan tatsi jiwi cuiduban, pon tanecui itorobixae baxua.

¹⁷ Icha ichun ichichipa exana pocotsiwa Nacom ichichipa, bapon necayabara yaputaena xua po coyene tacuidubi coyenewa. Bapon yaputaena icha metha bara cuiduban pocotsiwa Taxa neitoroba, xuano xua ichacuitha icha metha apara cuiduban pexeinya peayapusu itorobi coyenewatha po coyene xua tawa xua saya tacoutha ichichipan.

¹⁸ Pon barompaya pia diwesi pia coutha nayabara paeba, apara bapon pia xua wuna yabara paebichi xua jiwi wunaeya peyabara paebiwa tsane. Ichitha ichun pon ichichipa xua jiwi Nacom wuna pejainchiwatsi pon Nacom bapon peitorobixaetsi, bapon jame po diwesi pexainyei diwesi paeba. Bapon jame jopa pemuxitorobin jiwi.

¹⁹ “Moisés paca cata pia peitorobi coyenewa. Daichitha jopa pacayabara jume cui cowantsiya exanaem. Bequein Moisés paca cui itoroba xua bepa pinae jopa jiton pabexubim tsane. Dapo jumetha, ¿eta xua metha paichichipame xua pata tanebexubiwa?” jei Jesús.

²⁰ Daxita barapomona Jesús jume notatsi, jeye:

—¡Apara cou cauri xeiname! Dapon apara aibi pon cabexubapaeba, jei judiomona.

²¹ Jesús jume barai barapomona, jeye:

—Daxita paxam payabara najuntũ cui coyene cabenaecame, tsipei pebin axaibi exanan po matababitha pentaquei seicae matababitha.

²² Ichitha paxam irũ panacuiteibame barapo matababitha. Moisés paca cata pia peitorobi coyenewa xua pexui painya newi thabiwa xua ichaxota pebiwichi xeinatsi xua ichaxota nareixacaena xua ocho po matababibetha poxonae yapu othopeiba. Ichitha Moisés jopa tamropata pitabiyo baxua, saya jame painya amo susato jiwi tamropata notarũcũpa baxua. Poxonae ocho po matababibe yapu othopeiba pawĩ thabame pebin wũtixi bequein poxonae pentaquei seicae matababi pataetham.

²³ Paxam paichichipame xua painya yabara jume cui wetsiwa xua pocotsiwa Moisés paca cui itoroba. Daxota pexui pebin wũtixi pawĩ thabame ichaxota pebiwichi xeinatsi xua ichaxota nareixacaena bequein pentaquei seicae matababi pataetham poxonae. Icha bara paichim pentaquei seicae matababitha, zeta pocotsiwa metha pana necasebame xua pebin axaibi taexanaexae pentaquei seicae matababitha?

²⁴ Painya xoba pebin payabara paebame xua penatsicuentiwa xua abe peexanaexae Nacomtha poxonae cataunxuae jopa payaputaem pocotsiwa pebin abe exana. Jame metha copiya pacui yaputaema xua icha bara metha pebin abe exana tsipei methapara barapo pebin xanepanaya exana.

Meje yabara xua Jesús yabara paeba xua ichaxota copiya popona

²⁵ Pomonae Jerusalén tomaratha jinompa, poxonae barapomonae Jesús baxua jume tainchi, nayainyaba. Barapomonae najei:

—¿Metha apara baponje, pon yabara paebatsi ichamonae xua bepa pinae pon bexubichi?

²⁶ Bapon apara jiwi peitabaratha paebuncuajeba. Ichitha dapon aibi pon pejume matawentsiwatsi bapon. ¿Metha poxoru pentacaponaeawi bapon yabara nanta xeinatsi xua bapon barapara Mesías pon Nacom itoroba daxota jopa pejumeyo barapomonae?

²⁷ Ichitha waxainchi yaputainchi xua ichaxota werena pona bapon. Jame poxonae Mesías patopaena dapon ajibi tsane pon yaputaena xua ichaxota werena peponaewa Mesías, jei barapomonae, pomonae Jerusalén tomarapiwi.

²⁸ Jesús cuiduba jiwi Nacom pin pia botha tatsi. Poxonae Jesús baxua jume tane pocotsiwa jiwi paeba, bapoxonae Jesús jume daunweya wawai, jeye:

—Pana neyabara cananta xeinaeya yaitaneme. Yawa pana neyabara nanta xeiname xua payaputaneme xua ichaxota werena taponae. Apra jopa tsipatopaeinyo xua taexanaewanexa pocotsiwan ichichipan tacoutha. Mexeya apra daxota tsipatopan ichũn tana neitorobixae pon xua yabara jume xainyeichi xua barapon bara eca peitabocotha. Bapon paxam jopa payaputaem.

²⁹ Bapon bara yaitan tsipei bapon pexainya wetsica ponan. Matautano bapon neitorobica, jei Jesús.

³⁰ Bapoxonae bequein barapomonae ichichipa xua Jesús pewaetabiwatsi, ichitha Jesús jopa waetabichi tsipei cataunxuae Jesús pia matababi jopa tapatopeicaetsi.

³¹ Pin bicheitomonae Jesús yabara jume cowantatsi xua Jesús apra bara Mesías. Barapomonae Jesús yabara jeichichi:

—Barapo pebin pexeinya petsita itatsi coyenewan exana be pocotsi coyene bayatha Nacom peitorobi jume pepaebiwi paeba xua juinya pinae Mesías pocotsiwa exanaena, jei barapomonae.

Meje yabara poxonae fariseomonae itoroba policiamonae xua Jesús pewaetabiwa tsainchi

³² Bapoxonaerũ fariseomonae jume tane pocotsiwa jiwi Jesús yabara baraichi: “Bapon apra Cristo”, xua jei jiwi. Nexata bapoxonae fariseomonae irũrũ sacerdotemonae pia pentacaponaeawi tatsi, daxita barapomonae itoroba policiamonae Nacom pin pia bo beya xua Jesús pewaetabiwa tsainchi.

³³ Nexata Jesús jei jiwitha:

—Saya caeto paca barũ popoinchi. Bapoxonae pirapaeyo equeicha tacoya beicha Taxa beicha ponaein pon tana neitorobixae.

³⁴ Paxam pana newenawenam tsane ichitha jopa pana necaxinaem tsane. Tsipei jopa paca itacũpae tsane xua painya neponaewa xua ichaxota taponae tsane, jei Jesús.

³⁵ Nexata judiomonae caemonae nayainyaba, najei:

—¿Exota metha bapon ponaena xua jopa wacaxinaewa tsainchi? ¿Metha icha judiomaetha ponaena jampa po judiomonae icha nacua werena pona po judiomonae griegomonae barũ jinompa jampa? Metha pia bapoxonae bapon cuidubichi barapo judiomonae, griegomonaeno.

³⁶ ¿Eta xua metha baxua caunata poxonae naca jei: 'Paxam pana newenawenam tsane ichitha jopa pana necaxinaem tsane, tsipei jopa paca itacurpa tsane xua painya neponaewa xua ichaxota taponae tsane', poxonae xua naca jei? najei judiomonae.

Meje yabara poxonae Jesús yabara paeba xua ira buxupana mene epatoyaya ichawa beya mene pona

³⁷ Po matacabi opi ducuanayaba xua po mataqueitha judiomonae nacaetuta xua penabanaenexa pexaewa, barapo matacabi bichocono peainya cui matacabi. Barapo matacabiha Jesús uncua jiwí peitabaratha tatsi. Matautano jume daunweya wawaya jeye:

—Icha ichun meratsipa, bu pona xan berena xua peapaenexa mera.

³⁸ Nacom Pejume Diwesitha paeba: Pinae pon tana nejume cowantsiwa bichocono juntu coyene yuca exanaponaeinchi po coyene xua tana nejume cowantsiwa, icha be pinae mene ichi tsane po mene ira buxupana mene, po mene xua ichawa beya epatoyaya mene pona bichocono pemene nayuca ponaexae, jei Jesús.

³⁹ Baxua Jesús paeba, xua pomonae pejume cowantsiwa tsainchi, barapomonae pinae xeinaena Nacom pia Pejumope tuxaxu tatsi. Ichitha cataunxae Nacom pia Pejumope tuxaxu tatsi aichica. Tsipei cataunxae Jesús jopa tupaeyo naetotha. Matautano tsipei cataunxae jopa ponaeyo Nacom beicha. Bapoxonae bexa tsane barapomonae pomonae Jesús pejume cowantsiwichi xeinaena Nacom pia Pejumope tuxaxu tatsi.

Meje yabara poxonae jiwí Mesías yabara najume matsontsonobatsi

⁴⁰ Baxota iruru ena ichamonae pomonae Jesús jume tainchi poxonae yabara paeba mera. Barapoxonae barapomonae najume matsontsonobiya paeba. Ichamonae jeye:

—Apara barapo pebin pon Nacom peitorobi jume pepaebin, pon wunae ewatatsi, pon bewa juinya patopaena, jei.

⁴¹ Ichamonae jeye:

—Apara barapo pebin, bapon apara Mesías pon Nacom itorobeicapaeba peitaboco wetsica, jei.

Ichitha ichamonaeru jeye:

—Jume apara, apara Mesías aibi, tsipei Mesías jopa patopaeyo Galilea nacua werena.

⁴² Tsipei Nacom Pejume Diwesitha jeye: 'Bapon Mesías itorobarecaein. Bapon Mesías David pia pemomoxi susato jiwanapin tatsi, pon caena bayatha Judea nacuumonae itorobiya pia pepa peewatsinchi tatsi naexana. Bapon Mesías Belén tomaratha naexanaena, po tomaratha David ichaxota popona bayatha', jei Nacom Pejume Diwesitha, jei barapomonae.

⁴³ Daxota pinmonae najume matsontsonoba, tsipei daxita barapomonae Jesús ichawa beya barompaya yabara nanta xeinatsi.

⁴⁴ Barapomonae jiwanamonae bequein ichichipa xua Jesús pewaetabiwatsi, ichitha dapon aibi pon Jesús pewaetabiwatsi.

Meje yabara poxonae pentacaponae jiwí Jesús yabara jume cowantichi

⁴⁵ Bapoxonae policiamonae pomonae Nacom pin pia bo peyapu eenaewi nawibiya fariseomonae beya yawa sacerdotemonae pia pentacaponae tatsi beyano. Daxita barapomonae policiamonae yainyabatsi, jeichichi:

—¿Eta xua metha jopa pacarendenaem Jesús? jei daxita.

⁴⁶ Barapo policiamonae jume nota barapomonae, jeye:

—¡Dapon aibi ichun pon beta pepaebiwa, icha bapon ichi xua beta wunaeya paeba! jei.

⁴⁷ Daxita nexata barapomonae policiamonae jume notatsi, jeye:

—¿Paxam iruru jiwí pacui jurpame, xua iruru pajume cowantame bequein bara bapon paca muxitoroba?

⁴⁸ Tsipei apara jopa payaputaem xua judiomonae pia pentacaponae tatsi jopa yabara jume cowantsiyo bapon. Iru fariseomonae pia pentacaponae tatsiru jopa yabara jume cowantsiyo bapon.

⁴⁹ Pomonae Jesús jume cowantatsi apara barapomonae jopa yaputaeyo pocotsiwa Nacom paeba pia peitorobi jumeintha. Barapomonae apara Nacom atene cana exanaena xua petsita natsicuentisixatsi xua abe petsita exanaexatsi, jei daxita fariseomonae.

⁵⁰ Barapo fariseomonae jiwanapin baxota eca, pon pewun Nicodemo, pon merawitha bayatha Jesús siwa poinchi. Bapon Nicodemo jeye fariseomonaetha xua ichamonaetha:

⁵¹ —Waitorobi coyenewatha ba jeichichi: 'Jopa bewa yabara paebichi pebin xua penatsicuentisiwa xua abe peexanaexae poxonae cataunxae jopa jume taetsi bapon pocotsiwa exana. Jame copiya matha bewa jume taetsi xua bapon pia coutha nayopita xua pocotsiwa exana', ba jeichichi, jei Nicodemo.

⁵² Nexata fariseomonae Nicodemo jume notatsi, jeye:

—¿Xam iruru barichim Galilea nacuapin naexaname, po Galilea nacuapiwi jopa beta yaputaeyo? Maisa jame matowa yorobare Nacom Pejume Diwesi. Xain yaputaneme xua dapon aibi pon xua Nacom peitorobi jume pepaebin, pon Galilea nacua werena pona, jei fariseomoneae.

Meje yabara poxonae yabuyo abe exana poxonae nasi cui wainmeinta icha pebintha bequein pia pebin xeinaetha

⁵³Nexata daxita barapomoneae barompaya pia bon be-iyiya.

8

¹Nexata Jesús pona demxuwa beya, po demxuwa pewan demxu Olivowa.

²Icha matababitha poxonae pentha tsina, bapoxonae equeicha Jesús caibeya pona Nacom pin pia bo tatsi beya. Pinmonae Jesús imoxoyo caquita poinchi. Jesús eca yawa tamropata pitaba xua pecuidubiwa jiwi.

³Bapoxonae judiomoneae, pomoneae jiwi pecuidubiwi Moisés pia peitorobi coyene tatsi, iruru fariseomoneae, daxita barapomoneae carendena petsiriwa Jesús pia xantha tatsi. Barapomoneae cui taepona poxonae barapo petsiriwa nasi cui wainmeinta icha pebintha bequein pia pebin xeinaetha. Bapoxonae daxita barapomoneae barapo petsiriwa cuarano-tatsi pin bicheito itabarayo deca xuano xua Jesús peitabarayo deca tatsi.

⁴Daxita fariseomoneae iruru judiomoneae, pomoneae jiwi pecuidubiwi Moisés pia peitorobi coyene tatsi daxita barapomoneae Jesús baraichi, jeye:

—Pon jiwi Necuidubim, paxan jemeicha pacui taeponan xua barapo yabuyo abe exana, poxonae nasi cui wainmeinta icha pebintha bequein pia pebin xeinaetha.

⁵Moisés pia peitorobi coyenewatha naca tsipaeba xua pinae bewa tura exanaetsi ibowantha powaxi poxonae barapo coyene exana xua abe exana. ¿Incane iru xamdu? ¿Jinya eta xua pana netsipaebichi xua pata cana exanaewa bapowatha? jei.

⁶Baxua naemata Jesús yainyabatsi, pia poxonae Jesús abeya jume notsina bapoxonae pia barapomoneae Jesús abe yabara paebichi. Nexata bapoxonae Jesús irabe taeuncuareca yawano ira tinano pecobesitha.

⁷Tsipei barapomoneae matowa Jesús yainyabatsi, daxota Jesús equeicha nantacotaxuba. Yawano barai barapomoneae, jeye:

—Caein paxam jiwana pam, pon bapana jopa abe exanae, bu bapon jame copiya matha bapowa cuintabatsi ibototha, jei Jesús.

⁸Equeicha Jesús irabe taeuncuareca. Yawano equeicha Jesús ira tina pecobesitha.

⁹Ichitha poxonae barapomoneae Jesús jume tainchi, bapoxonae daxita barapomoneae barompaya nanthuthu cayabara nanta xeina xua iruru abe exanaru barapomoneae. Daxita barapomoneae Jesús pia xainya weya tatsi tsana nanatsixibapona. Copiya penapataewi pona, bapoxonae cotacaya ichamonae nawibiya, beya jiwaiibi. Saya meisa barapo yabuyo compa uncua Jesús pia xantha tatsi.

¹⁰Bapoxonae Jesús equeicha nantacotaxuba. Yawa Jesús tane barapo yabuyo xua compa uncua pia xantha tatsi. Jesús barai yabuyo, jeye:

—¿Incane dapomoneae? ¿Dapomoneae aibi pomoneae cayabara paeba xua nenatsicuentisiwa xua abe neexanaexae Nacomtha? jei Jesús.

¹¹Barapowa Jesús jume notatsi, jeye:

—Jume, Tanecanamataxeinaein, dapomoneae aibi pomoneae neyabara paeba xua tanatsicuentisiwa xua abe taexanaexae Nacomtha, jei.

Nexata Jesús barai bapowa, jeye:

—Xan iruru jopa cayabara paebi tsainchi xua nenatsicuentisiwa xua abe neexanaexae Nacomtha. Nawiyama, equeicha jopa abe peexanae cuiru coyene exanaeinde, jei Jesús.

Meje yabara poxonae Jesús namchi, jeye: “Icha pecoicha ichi xua jiwi beta tane cana exainchi merawi, barichin xan jiwi cana exanan xua Nacom beta peyaputaewatsi”, jei Jesús

¹²Equeicha Jesús tsipaeba jiwi Nacom pin pia botha. Jesús jeye:

—Icha pecoicha ichi xua jiwi beta tanecana exainchi merawi, barichin xan jiwi cana exanan xua Nacom beta peyaputaewatsi xua pomoneae jinompa po cae pin nacuathae. Pon nejume cowanta, bapon xeinaena peajuntuyapusawa, po peajuntuyapusawa ataya tsiteca xua bapon jopa abe peexanaenexa, jei Jesús.

¹³Nexata fariseomoneae Jesús baraichi, jeye:

—Xam apara jinya coutha nayabara diwesi paebame, daxota jopa be paca jume cowantichi tsipei jopa ainya cuiyo pocotsiwa paebame, jei fariseomoneae.

¹⁴Jesús jume nota barapomonaetha, jeye:

—Xua xan nayabara diwesi paeban, baxua apara xainyan, bequein bara tacoutha nayabara diwesi paeban saya. Tsipei yaputan ichaxota werena taponaeawa xuano xua

ichaxota beya taponaeua tsane. Ichitha paxam jopa payaputaem ichaxota werena taponaeua xuano xua ichaxota beya taponaeua tsane.

¹⁵ Paxam jiwi payabara paebame xua penatsicuentsiwa xua abe peexanaexae Nacomtha saya xua poxonaē pataneme xua exana icha po cae pin nacuathepiwi ichi. Xan jopa bapana jiwi yabara paebinyo xua penatsicuentsiwa xua abe peexanaexae Nacomtha saya xua poxonaē tan xua exana.

¹⁶ Icha jiwi yabara paeban xua penatsicuentsiwa xua abe peexanaexae Nacomtha bara pexainyei coyeneyatha exanan. Tsipei jopa bapana companyo poxonaē jiwi yabara paeban xua penatsicuentsiwa xua abe peexanaexae Nacomtha tsipei Taxa Nacom nebaru exana baxua pon tana neitorobixae.

¹⁷ Painya itorobi coyenewatha jeye: 'Icha ichunbe nanta jupaeya yabara paebabe pocotsiwa tanebe bewa baponbe pajume cowantsiname tsipei baxua apara ainya cui', jei.

¹⁸ Xan tacoutha nayabara diwesi paeban. Iraru Taxa neyabara diwesi paeba, pon tana neitorobixae. Daxota Taxa pana nacueyatanbe, jei Jesús.

¹⁹ Nexata barapomonaē Jesús yainyabatsi, jeye:

—¿Incane Axa, exota poponara? jei.

Jesús jume nota, jeye:

—Paxam jopa pana neyaitaem, matautano Taxa jopa payaitaem. Icha pana neyaitaetsipame bapoxonaē metha payaitaetsipame Taxa, jei Jesús xua fariseomonaē tsipaebatsi.

²⁰ Baxuan Jesús caunuta poxonaē tsipaeba jiwi Nacom pin pia botha tatsi. Jesús imoxoyo uncua ichaxota jiwi jeba paratixi Nacom nexa. Dapon aibi pon Jesús pewaetabiwatsi, tsipei Jesús pia matacabi cataunxuae taachicatsi.

Meje yabara poxonaē Jesús namchi: "Jopa paca itacupae tsane xua painya neponaeua tsane ichaxota taponaeua tsane", jei Jesús

²¹ Equeicha Jesús jeye barapo fariseomonaetha:

—Bexa equeicha caibeicha ponaēin. Paxam pana neitaxanaename painya tapaca cayawenaenexa tsainchi abe painya neexanaē cuiru coyenein weya. Jopa paca capanepae tsainchi abe painya neexanaē cuiru coyenein weya xua poxonaē pawerapaename. Jopa paca itacupae tsane xua painya neponaeua ichaxota taponaeua tsane, jei Jesús fariseomonaetha.

²² Nexata judiomonaē caemonaē najei:

—¿Eta pocotsiwa metha bapon naca tsipaeba xua pinae jopa tae tsainchi xuano xua pinae jopa naca itacupae tsane xua waponaeua ichaxota bapon peponaeua tsane? ¿Metha pia coutha pia nabexuichi? jei judiomonaē.

²³ Nexata Jesús barai judiomonaē, jeye:

—Paxam saya betsiquepiwi pam. Xan seicaya nama athabeicha tapoponaēin. Paxam seicaya nama po cae pin nacuathepiwi pam. Xan nama po cae pin nacuathepin aibi.

²⁴ Daxota bayatha paca jeichi: 'Paxam jopa paca capanepae tsainchi abe painya neexanaē cuiru coyenein weya poxonaē pawerapaename', jan. Tsipei jopa pana neyabara jume cowantsim po coyene xua bara tana neitacupaewa xua tapaca cayawenaewatsi, daxota pamuxuna werapaename abe painya neexanaē cuiru coyenein, jei Jesús judiomonaetha.

²⁵ Nexata barapomonaē Jesús yainyabatsi, jeye:

—¿Jintam xamda? ¿Etapo jitom? jei.

Jesús jume nota barapomonaē, jeye:

—Poxonaē aena tamropata pitaban xua paca cuidubatsi, bapoxonaē bayatha nayopichiya paca tsipaebatsi po coyene xua ichaxota werena taponaeua.

²⁶ Acoibi nawita xua yabara tapaca tsipaebiwatsi po coyene xua abe peexanaē cuiru coyenein painya neexanaewa xua daxota Nacom patsita natsicuentame xua abe painya neexanaexae Nacomtha. Taxa neitoroba xua jiwi tatsipaebiwa pocotsiwa bayatha Taxa jume tan. Taxa bara yatsicaya jume xainyeya paeba, jei Jesús.

²⁷ Ichitha barapomonaē jopa yaputaeyo poxonaē Jesús jeye Nacom yabara: "Taxa", jei xua apara Paxa caunuta, pon Nacom.

²⁸ Daxota Jesús barai barapomonaē, jeye:

—Poxonaē paxam naetha pana necobe matatabarutsiname xan ponxaein Nacom Tananeitapetsinxae, bapoxonaē pana neyaputaename xua deta cou apara barapo jiton xan. Matautano pana neyaputaename xua xan jopa tacoutha nayabara paebinyo, saya xua cueicueijan pocotsiwa Taxa necuiduba.

²⁹ Tsipei pon neitoroba apara nebaru popona. Taxa bapana jopa compa popona neexanaē tsipei saya exaneiban pocotsiwa Taxa tsita xanepanatsi, jei Jesús.

³⁰ Poxonaē Jesús baxua caunuta pinmonaē judiomonaē Jesús jume cowantatsi.

Meje yabara poxonae Jesús yabara paeba Nacom pijimonaе tatsi iru pomonaе caurimonaе pia pentacaponaein tatsi piamonaе tatsi

³¹ Nexata bapoxonaе Jesús barai judiomonaе, po judiomonaе Jesús pejume cowantsixaetsi. Jesús jeye:

—Icha paxam xanepanaya pana nejume cowantsiya exanaponaeya jinompaename pocotsiwa tapaca tsipaebiwaetsi, bapoxonaе bara pepa tajimonaе pam tsane.

³² Bapoxonaе payaputaename po coyene pexainyei coyenewa. Matautano papanenebiyaename pexainya weya pon paca itoroba xua abe painya neexanaewa, jei Jesús.

³³ Barapo judiomonaе, Jesús jume notatsi, jeye:

—Apara paxan Abraham pia pemomoxi susato jiwi tatsi pan. Dapon aibi pon pana itoroba xua pata taexanaewa poxonae pana itoroba xua poxonae pana busi tatane. ¿Eta pocotsiwa metha pana nejam: ‘Paxam papanenebiyaename pexainya weya pon paca itoroba xua abe painya neexanaewa’, pana nejam? jei pomonaе Jesús jopa jume cowantichi.

³⁴ Jesús barai barapomonaе, jeye:

—Xaniyan paca tsipaebatsi daxita pomonaе xua abe peexanae cuiru coyenein exana barapomonaе bara exana po coyenein pia pepon itorobatsi icha jiton ichi pon amanaya tanacuita ichun xua poxonae bewa exanae pocotsiwa peitorobixaetsi poxonae busi cui tainchi.

³⁵ Pon ba amanaya tanacuita ichun, bapon ba apara piamonaе aibi pomonaе peitorobixaetsi, tsipei bapon pebusi cui taetaeinchi. Ichitha pon ba xua ichun pexantoxae tatsi, bapon ba ataya pexanto tatsi bara piamonaе pexeinaexae bapon.

³⁶ Daxota xan Nacom Pexanton, icha panenebiyaе paca cana exainchi caurimonaе pia pentacaponaein tatsi weya, pon xua paca itorobeiba xua abe painya neexanaewa, barapoxonaе bara ataya paca capanenebiya tsoponeibi tsainchi bapon pexainya weya tatsi.

³⁷ Bayatha yabara paca yaputainchi xua Abraham pia pemomoxi susatopiwi tatsi pam. Daichitha paichichipame xua pana nebexubame, jopa painya neichipaexae xua painya nejume taewa pocotsiwa paca tsipaebatsi.

³⁸ Xan yabara paeban po coyenein xua Taxa netsita ituta. Paxam paexaname xua po coyenein painya axa paca itoroba, jei Jesús.

³⁹ Barapomonaе Jesús jume notatsi, jeye:

—¡Pata tamo susatopin pon be pata taxa patsicotan, bapon apara Abraham! jei barapomonaе.

Ichitha Jesús jume barai, jeye:

—Icha bara Abraham pia pexui tatsi pam tsipaem, metha bara paexanaetsipame pocotsiwa bapon bayatha caena exana.

⁴⁰ Bequein bara paca tsipaebatsi po coyene pexainyeiwa xua po coyene Nacom necuiduba, ichitha paichichipame xua pana nebexubame. Apara Abraham jopa bapana baxua daichi.

⁴¹ Paxam bara barapocotsiwa paexaname pocotsiwa painya axa exana, jei Jesús.

Nexata barapomonaе Jesús baraichi, jeye:

—Paxan dapomonaе pan aibi pomonaе piacoibi jiwi pan, tsipei pata taena jopa nasi cui wainmeinchiyu. Paxan xaniwaicha payaputan xua bara compa painta pata taxa, bapon Nacom, jei barapomonaе.

⁴² Nexata Jesús jume barai, jeye:

—Icha bara Nacom pia pexui pam tsipaem metha pana neantobe tsipaem. Tsipei Nacom bapon pia xainya wetsica ponan, anoxuaeno bara uncuante. Apara jopa daxua tsipatopaeinyo xua tacoutha tana nayabara paebiwa tsane. Saya patopan poxoru Nacom neitoroba.

⁴³ Paxam jopa payaputaem xua paca tsipaebatsi poxoru jopa be painya nejume taexae baxua pocotsiwa paca tsipaebatsi.

⁴⁴ Caurimonaе pia pentacaponaein tatsi, bapon apara painya axa. Barapo caurimonaе pia pentacaponaein tatsi bapon piamonaе tatsi pam daxota paexaname pocotsiwa bapon paca itoroba. Barapo caurimonaе pia pentacaponaein tatsi jiwi jutebapoinchi poxonae Nacom aena nacua forota weya, xua beya anoxuae. Bapon bapana jopa xainyeya pepaebain tsipei po juntu coyene Nacom xainyeya peyabara paebiwaetsi jopa xeinaeyo. Poxonaе bapon naerabiya paeba, baxua paeba tsipei barapo penaerabi juntu coyene xeina. Bapon jiwi itorobatsi xua jiwi naerabiya pepaebiwa tsane.

⁴⁵ Paxam bapon piamonaе tatsi pamxaem daxota jopa xaniwaicha pana nejume cowantsim pocotsiwa xainyeya tapaebiwa.

⁴⁶ Paxam caein jiwana pam dapon aibi pon tana neyabara jeiwa: 'Maisa bapon abe exana', pon tana neyabara jeiwa. Bequein bara pexainyei jume paca tsipaebatsi daichitha jopa pana nejume cowantsim.

⁴⁷ Pon ba Nacom piamonae tatsi baraba namuxu naewata pocotsiwa Nacom paeba. Paxam apara jopa Nacom piamonae tatsi pam, daxota jopa bepajume cowantsim pocotsiwa Nacom paeba, jei Jesús xua judiomonae tsipaebatsi.

Meje yabara poxonae Jesús namchi: "Poxonae cataunxuae Abraham jopa poponaeyo, caena bayatha tsiwanaya ataya poponeiban", jei Jesús

⁴⁸ Nexata equeicha judiomonae Jesús baraichi, jeye:

—Bara xainyeya paca yabara paebatsi poxonae pana najan: 'Bapon apara Samaria nacuamonae pin, apara cauri xeina', poxonae paca yabara jeichichi, jei judiomonae.

⁴⁹ Jesús jume nota, jeye:

—Xan apara cauri jopa nebaru poponaeyo. Saya xua exanan bara pocotsiwa jiwi cana exanan xua Taxa wunae pejainchiwatsi, ichitha nama paxam pana necasebame, saya abeya pana neyabara paebame.

⁵⁰ Jopa netsita ainya cuiyiyo xua jiwi wunae tana nejainchiwa. Bequein Taxa ichichipa xua jiwi wunae tana nejainchiwa. Bapon Taxa yabara paebina jiwi pomonae xua abe peexanaewa xua penatsicuentisiwa xua abe petsita exanaeatsi.

⁵¹ Xaniyan paca tsipaebatsi pon nejume cowantsiya exanaena pocotsiwa paeban, bapon jopa bapana tupaes tsane, jei Jesús.

⁵² Bapoxonae judiomonae Jesús jume notatsi, jeye:

—Bara xaniwaicha payaputan xua xam cabaru popona cauri. Abraham iruru pomonae Nacom peitorobi jume pepaebiwi daxita barapomonae caena bayatha werapa. Ichitha xam pana nejam: 'Pon nejume cowantsiya exanaena pocotsiwa paeban, bapon jopa bapana tupaes tsane', pana nejam.

⁵³ Xam apara jopa toxeincha ainya cuim Abraham pon pata tamo susatopin! Bapon caena bayatha tupa iruru caena bayatha werapa pomonae Nacom peitorobi jume pepaebiwi. ¿Eta xua metha jinya coutha nanta xeiname xua ichamonae cayabara nanta xeinaena xua xam pon peainya cui jitom? jei judiomonae.

⁵⁴ Jesús jume nota, jeye:

—Icha saya compa xan tacoutha wunae najaintan baxua jopa xapain wunaeyo. Jame pon wunae nejainta bapon apara Nacom, pon payabara jam: 'Apara pata Taxa, bapon Nacom', pajam.

⁵⁵ Bequein baxua papaebame daichitha jopa xapain payabara yaputaem Nacom. Xan Nacom yaputan. Ichitha icha jan tsipaein: 'Bapon jopa yaputaeyo', jan tsipaein, metha apara naerabichipan icha paichim xua naerabiya papaebame poxonae. Ichitha xan yatsicaewa yaputan Nacom daxota bara baxuan itapeta exanan xua pocotsiwa tana neitorobixae pon Taxa bapon Nacom.

⁵⁶ Abraham painya amo susatopin bayatha yabara wunae yaputane xua tapatopaewa tsane po cae pin nacuathe tsique. Daxota bapon bichocono juntu coyene weiweina. Bara xainyei patopan po cae pin nacuathe tsique daxota bichocono juntu coyene weiweina bapon.

⁵⁷ Nexata judiomonae Jesús baraichi, jeye:

—Apara pena jitom cataunxuae, jopa xeinaem apara cincuenta po weiwe. ¿Eta pocotsiwa metha jam: 'Abraham tan', jam? Bara caena bayatha Abraham tupa, jei judiomonae.

⁵⁸ Jesús jume nota, jeye:

—Xaniyan paca tsipaebatsi poxonae cataunxuae Abraham jopa poponaeyo caena bayatha tsiwanaya ataya poponeiban, jei Jesús judiomonaetha.

⁵⁹ Nexata bapoxonae barapomonae anaepanaya ibowan notarucu pecuinbabinexatsi Jesús. Ichitha Jesús nantsiyataraba yawa ponataba Nacom pin pia bo weya. Jesús xenta iya, barapomonae pia xainya iya tatsi.

9

Meje yabara poxonae Jesús axaibi exana pon peitata nacutsin, pon xua pexuyotha yawa naexana

¹ Iruru Jesús Nacom pin pia bo weya baru pona pijimonae xua poxonae namtotha baru ecarona. Bapoxonae Jesús caxina pebin pon peitata nacutsin xua pon pexuyotha yawa naexana.

² Jesús pijimonae yainyabiyatsi, jeye:

—Patatanecuidubim, ¿eta pocotsiwa metha bapon itata nacatsiya naexana? ¿Metha poxoru paxa tatsi abe exana? ¿Metha poxoru pena tatsi abe exana? ¿Ichacuitha metha tsipae poxoru bapon pia coutha abe exana? jei barapomonaē.

³ Jesús pijimonaē jume barai, jeye:

—Jume apara, jopa apara itata nacatsiyo poxoru abe peexanaexae bapon. Mataantano jopa apara baxua xua paxa tatsi abe peexanaexae. Mataantano jopa apara baxua xua pena tatsi abe peexanaexae. Jame apara bapon itata nacata xua jiwi peyaputaenexa xua Nacom peayarusɨwa xeina xua axaibi peexanaenexa tsainchi bapon.

⁴ Jiton ba nacuita poxonaē cataunxuae pentha tsuncuae. Poxonaē quirei tsuxubi pebin ba jopa itacɨpaetsi xua penacuichiwa. Xan barichin. Poxonaē cataunxuae poponan po cae pin nacuathe bewa exanaein tanacuichiwa. Barapo tanacuichiwa apara pia penacuichiwa tatsi pon tana neitorobixae. Poxonaē tɨpaēin jopa neitacɨpaē tsane xua taexanaewa barapo tanacuichiwa xua bayatha Nacom neitoroba.

⁵ Poxonaē cataunxuae po cae pin nacuathe poponanje jiwi yawenan xua Nacom beta peyabara yaputaewa tsainchi, icha jiton ichichi pecoicha xua yawenatsi merawi xua beta penecotsiwa, jei Jesús pijimonaētha.

⁶ Poxonaē Jesús baxua najume weta, bapoxonaē iratha naone sutaba, yawa peonetha tsoroboyo nacobena ponaxuba. Bapoxonaē Jesús barapo tsoroboyotha itacuere caxueba peitata nacatsin.

⁷ Nexata Jesús barai bapon, jeye:

—Ponare fetiyo beya, po fetiyo pewɨn Siloé. Barapo Siloé fetiyotha naitacuere waexore, jei Jesús. (Barapo Siloé fetiyo wɨn jei: “Po fetiyo Nacom itoroba”, jei.)

Pon peitata nacatsin pona fetiyo beya naitata waexubano. Poxonaē equeicha bapon caibe iya Jesús beya, nama bara itacɨpatsi xua petaewa.

⁸ Bapon pia petsicuarabɨ enaewichi tatsi, irɨno pomonaē pecui yaputaexaetsi xua poxonaē bapon aitatabeya popona daxita barapomonaē bapon yabara natsipaebatsi. Ichamonaē jeye:

—¿Apara baponda pon iratha jiwi wɨnquequeibara paratixi? jei.

⁹ Ichamonaē jeye:

—Aa, apara bapon, pon iratha jiwi wɨnquequeiba paratixi, jei.

Ichamonaē jeye:

—Apara bapon aibi. Saya apara be bapon, jei.

Ichitha pon peitata nacatsin pia coutha jeye:

—Apara bara xan tsocuaēin, jei.

¹⁰ Nexata daxita barapomonaē peitata nacatsin yainyabatsi, jeichichi:

—¿Eta xua metha anoxuae taneme? jei daxita barapomonaē.

¹¹ Pon peitata nacatsin jume nota barapomonaē, jeye:

—Pon pewɨn Jesús, bapon tsoroboyo peonetha nacobena pontaba, bapoxonaē barapo tsoroboyotha neitacuere caxueba. Yawa nejei: ‘Fetiyo beya ponare, po fetiyo pewɨn Siloé. Barapo fetiyotha naitacuere waexore’, nejei. Bara barabeya ponan. Poxonaē baxota naitacuere waexuban, bapoxonaē bara tan, jei bapon.

¹² Bapoxonaē peitata nacatsin yainyabatsi barapomonaē, jeichichi:

—¿Incane dapo pebin, pon caaxaibi exana? jeichichi.

Bapon jume barai bapomonaē, jeye:

—Bɨ, canta jopa taeinyo, jei bapon.

Meje yabara poxonaē pon equeicha xua itata wɨnaē matowa yainyabatsi xua fariseomonaē matowa yainyaba

¹³ Pon xua equeicha itata wɨnaē, pomonaē pia petsicuarabɨ enaewichi tatsi barapomonaē bapon capoinchi fariseomonaē beya.

¹⁴ Ichitha po mataqueitha Jesús axaibi exana pon peitata nacatsin, xua poxonaē tsoroboyo peonetha nacobena pontaba, barapo matababi apara judiomonaē pia pentaquei seicaē matababi tatsi.

¹⁵ Bapoxonaē bapon yainyabatsi fariseomonaē, jeye:

—¿Eta bichim xua anoxuae jamaisa necotame? jei fariseomonaē.

Bapon jume barai, jeye:

—Bapon tsoroboyo peonetha neitacuere caxueba. Bapoxonaē naitacuere waexuban meratha. Bapoxonaē yawa bara necotan, jei fariseomonaētha.

¹⁶ Bapoxonaē fariseo jiwamononaē bapon baraichi, jeye:

—Pon caaxaibi exana apara Nacom jopa bapon itorbicaeyo, tsipei bapon jopa yabara barɨ cui itura jinaeyo barapo pentaquei seicaē matababi, jei fariseo jiwamononaē.

Ichamonaē jeye:

—Icha bapon peajuntacoyenebein, ¿metha nexata eta pocotsiwa pexeinya petsita itutsi coyenewa exana? jei.

Daxita barapo fariseomonaе nantiya najume matsontsonoba.

¹⁷ Equeicha fariseomonaе, pon bayatha itacuere axaibi exainchi, bapon yainyabatsi, jeichichi:

—¿Incane xam, eta xua yabara nanta xeinameru pon caaitacuereixaibi exana? jei fariseomonaе.

Bapon jume epa pita, jeye:

—Yaitama bapon neaxaibi exana metha moya bara bapon, pon Nacom peitorobi jume pepaеbin, jei bapon.

¹⁸ Ichitha judiomonaе jopa bejume cowantsiyo pocotsiwa pon peitata nacutsin bayatha itacuere axaibi exainchi xuano xua anoxuae itacupatsi xua petaewa. Daxota bapoxonaе barapo judiomonaе pon itacuere axaibi exainchi paxa tatsi wabatsi, yawa pena tatsi wabatsi.

¹⁹ Barapo judiomonaе jeye coxiyunbetha:

—¿Baponje bara yatsicaya painya nexanto? ¿Apara bara bapon pon bayatha yaitata nacutsiya naexana? ¿Eta bichi xua anoxuae itacupatsi xua penecotsiwa? jei judiomonaе.

²⁰ Barapo coxiyunbe jume notabe, jeibe:

—Bara yatsicaewa payaputan xua bapon barapara pata taxanto. Matautano payaputan xua bayatha bapon itata nacutsiya naexana.

²¹ Daichitha jopa payaputaеinyo xua eta bichi xua bapon anoxuae necota. Matautano jopa payaputaеinyo xua pon pata taxanto itacuere axaibi exainchi. Paxam moya bara bapon payainyabare. Bu nexata bapon pia coya paca jume notsina tsipei apara bayatha pinyo, jeibe coxiyunbe.

²² Barapo coxiyunbe cunuwa judiomonaе cunuwatsi. Tsipei judiomonaе bayatha jei: “Pomonaе Jesús yabara jume cowantatsi, pomonaе xua jeye: ‘Jesús apara bapon Mesías pon Nacom itorobica’, pomonaе jeye, barapomonaе paitawetan pata penacatutsi bo weya”, jei bapon judiomonaе. Daxota barapo coxiyunbe pijunuwi jopa jeibe: “Apara bapon Jesús pon Mesías bapon painta taxanto itacuere axaibi exainchi”, jopa jeibe.

²³ Daxota barapo coxiyunbe barapo judiomonaetha jeibe: “Paxam moya bapon payainyabare. Bu nexata bapon pia coya paca jume nota tsipei bayatha pinyo”, jeibe coxiyunbe.

²⁴ Bapoxonaе equeicha judiomonaе pon itacuere axaibi exainchi yainyabatsi, jeichichi:

—Yatsicaewa xainyeya pana netsipaebare xua iruru Nacom necajume taenexa. Paxan payaputan xua Jesús bapon apara pon peajuntacoyenebein, jei judiomonaе.

²⁵ Bapon jume nota barapo judiomonaetha, jeye:

—Xan jopa yabara yaputaеinyo xua icha metha bapon pon peajuntacoyenebein. Saya meisa yaputan xua copiya taitata nacutsin xuano xua anoxuae neitacupa xua tanecotsiwa, jei bapon.

²⁶ Equeicha barapo judiomonaе bapon yainyabatsi, jeichichi:

—¿Eta caaitacuere ichi poxonaе caaitacuereixaibi exana? jei judiomonaе.

²⁷ Bapon jume nota barapo judiomonaе, jeye:

—Bara bayatha paca tsipaebatsiba. Came jopa yabara pana nejume cowantsim. ¿Eta xua metha equeicha bepa baxua matowa paca tsipaebichi? ¿Painya iruru naexanaetsi Jesús pijimonaе tatsi? jei bapon.

²⁸ Ichitha barapo judiomonaе bapon biatainchi, jeichichi:

—Xam moya Jesús piamonae jiton tatsi naexande, nama paxan Moisés pia peitorobi coyenewa pata exanaponaе jiwi.

²⁹ Paxan payaputan xua Nacom Moisés itorobatsi. Ichitha nama pon caaitacuereixaibi exana jopa payaputaеinyo xua ichaxota werena peponaewa xua ichun peitorobixae, jei judiomonaе.

³⁰ Bapon jume nota, jeye:

—¡Jina! Paxam jopa payaputaem xua bapon Jesús ichaxota werena peponaewa xua bequein painya tana netaewatham xua Jesús tana neaitacuereixaibi exanaewa.

³¹ Waxainchi yaputainchi bara, xua Nacom jopa jume naitawatsiyo pomonaetha pomonaе abe peexanaewi xua peyawenaewanexa. Nacom saya meisa jume naitawata pomonaetha pomonaе wunaе pejainchixaetsi. Matautano Nacom saya jume naitawata pomonaetha pomonaе peitorobixae xua pia petaexanaewa tsainchi pocotsiwa bapon peichichipaexae.

³² Poxonaе aena Nacom nacua forota, bapoxonaе xua beya anoxuae, dapon aibi pon ichun itacuere axaibi exainchi pon peitata nacutsin.

³³ Icha bapon Nacom jopa itorobichipae, metha bapon jopa itac̄paetsipaetsi xua ich̄n itacuere axaibi peexanaewatsi, pon peitata nac̄tsin, jei bapon.

³⁴ Nexata bapon baraichi, jeichichi:

—Daxota itata nac̄tsiya naexaname tsipei ajunt̄coyenebeya naexaname. ¡Dacotsiwa apara ichichipame pana necuidubamecai! jei judiomonae.

Bapoxonae bapon itawetatsi judiomonae pia penac̄aetutsi bo tatsi weya.

Meje yabara poxonae Jesús yabara paeba pomonae jopa Nacom yaputaetsi

³⁵ Jesús yaputane xua pon bayatha itacuere axaibi exainchi itawetatsi judiomonae pia penac̄aetutsi bo tatsi weya, xua judiomonae itaweta. Poxonae bapon Jesús caxina, Jesús jeye:

—¿Xam yabara jume cowantame pon Nacom pia Peitapetsin tatsi? jei Jesús.

³⁶ Bapon jume barai Jesús, jeye:

—Pon Necanamataxeinaem jiwi, incane netsipaebare, ¿Incane bapon pon Nacom pia Peitapetsin? Bapoxonae tha jume cowantichi, jei pon peitata nac̄tsin.

³⁷ Jesús jume nota, jeye:

—Xam apara bapon bayatha taneme pon Nacom pia Peitapetsin tatsi. Pon aunxuaein catsipaebatsi, apara bara xan, jei Jesús xua nabarai.

³⁸ Nexata bapon pentabocototha uncuca Jesús peitabaratha tatsi xua Jesús w̄nae pe-jainchinxatsi. Bapon jeye:

—¡Tanecanamataxeinaem, cajume cowantatsi bara! jei bapon.

³⁹ Bapoxonae Jesús barai, jeye:

—Barapo cae pin nacuathe patopeican xua jiwi tayabara paebinea xua penac̄sicutsiwa xua abe peexanaexae Nacomtha. Pomonae xua bayatha jopa Nacom cayabara yaputaetsi barapomonae cana exanaein xua barapomonae Nacom cayabara yaputaecinchi. Pomonae xua bayatha bequein nanta xeina xua Nacom cayabara yaputaecinchi barapomonae cana exanaein xua barapomonae equeicha jopa Nacom cayabara yaputae tsainchi, jei Jesús.

⁴⁰ Bapoxonae fariseo jiwanamonae, pomonae Jesús bar̄ uncuca, poxonae barapomonae Jesús jume tainchi, Jesús yainyabatsi, jeye:

—¿Apara pana baram xua equeicha jopa payabara yaputaecin tsane Nacom? jei fariseo jiwanamonae.

⁴¹ Jesús jume nota, jeye:

—Icha paxam bayatha jopa payabara yaputaemtsipae Nacom, jopa apara painya coutham tsipae xua poxonae abe painya neexanaewa. Ichitha mexeya poxor̄u pajam: 'Payaputan Nacom', pajam daxota apara painya coutham xua bara abe painya neexanaewa, jei Jesús.

10

Meje yabara poxonae Jesús yabara paeba pon oveja pe-eeinaein

¹ Equeicha Jesús namchi: “Xaniyan paca tsipaebatsi diwesi xua pata neyabara yaputaewam tsane. Pebin ba oveja pia curara boupa iya joniya. Ichitha pon peboupa jopa joniyaeyo, saya ecoinya icha muxunene werena, bapon apara pon pecaibin oveja.

² Pon jame joniya pepa boupa iya bapon apara pon pe-eeinaein oveja.

³ Pon peboupa xatababin, bapon boupa saranaxorena pon oveja pe-eeinaein taboupa saranaxorenatsi. Poxonae pon oveja pe-eeinaein junuta oveja, barapo oveja jume copi yaputane baxua. Pon oveja pe-eeinaein, bapon daxita barapo oveja barompaya pia w̄nxitha junuta. Bapoxonae bapon curara weya mata coniya ovejamonae.

⁴ Poxonae curara weya mata coniya daxita bapon mata caecapona yawa punae- napoinchi pejume copi yaputaexaetsi.

⁵ Ichitha barapo ovejamonae jopa puna ponaeyo ich̄ntha, pontha pon jopa yaitaeyo. Saya cuitaya d̄cupa tsipei ich̄n jopa jume copi yaputaetsi”, jei Jesús.

⁶ Jesús tsipaeba barapomonae barapo pecayabara juta pepaebi diwesiyo poxonae oveja yabara paeba, daichitha came barapomonae jopa yaputaeyo barapo diwesi.

Meje yabara xua Jesús pon beta pe-eeinaein jiwi

⁷ Nexata equeicha Jesús tsipaeba barapomonae, jeye: “Icha oveja ichi xua curaratha jojoniya xua peboupa peyawenaexaetsi, barichi jiwi xua Nacom pia nacuatheicha tatsi pata poxor̄u xanxaein xua tayawenaexae.

⁸ Daxita pomonae netsiwana pata, pomonae xua jei: ‘Nacom pana itoroba’, jei, barapomonae apara pomonae jiwi pemuxujainyabiwi. Ichitha jiwi jopa yabara jume cowantsiyo barapomonae, icha oveja ichi xua aichaxaibi pepuna ponaewa ich̄ntha jopa pejume copi yaputaexae.

⁹ Xan jiwi tayawenaein daxota pon nejume cowanta yawenan xua pepatopaewa Nacom beicha. Icha oveja ichichi xua merawi curaratha yaboupa xatatabatsi xuano xua mataqueitha yausaranaxorenatsi xua pexaenexa naepanaewa, barichi pomonae tana nejume cowantsiwi barapomonae beta yawenan.

¹⁰ "Pon pecaibin patopa xua saya pecaibinexa oveja, yawa xua saya abe peexanaenexa yawa pebexubinexa. Ichitha nama xan patopan xua jiwi tacatsinexa peajuntayapusuwa, po peajuntayapusuwa jopa weraweracaeyo xua jiwi jopa juniya mataropeichiya xexeinaponae tsane barapo peajuntayapusuwa.

¹¹ Pon beta pe-eenaein oveja, bapon tsitupa pia ovejamonae, tsipei jopa ichichipaeyo xua petajutebiwatsi pia ovejan tatsi xua poxonae pomonae pecaibiwi jutebina. Barapocotsi coyene ichi jiwi beta ta-eenaein. Jiwi tsitupaen xua barapomonae tacapanepaenexa.

¹² Ichitha pon tanacuita ichan xua tayapu eena oveja apara saya piaparatixichi. Poxonae bapon neutha tane pijunuwi, oveja cuenta naetsiriwa, tsipei barapo ovejamonae pia ovejamonae tatsi aibi. Poxonae neutha icha ovejan teicatsi, bapoxonae icha ovejamonae tsanaothopa.

¹³ Bapon naetsiriwa tsipei saya oveja eena xua piaparatixichi, xuano xua jopa xapain peyabara nanta xeinaexae ovejamonae.

¹⁴⁻¹⁵ "Xan natsicotan be pon ovejamonae beta tayapu eenaein tsipei beta ta-eenaein pomonae tana nejume cowantsiwi. Taxa neyaitane, xuya Taxa yaitan. Barichi yaitan pomonae tana nejume cowantsiwi, xuya barapomonae neyaitane. Xan tana nejume cowantsiwi yaitatsin xua tatsitupaenexa naetotha xua jopa peweraweracaewa tsane barapomonae.

¹⁶ Barichi xeinan icha tana nejume cowantsiwi pomonae jopa israelmonaeyo. Barapomonae bewa iraru nacaetuta exanaein xantha pomonae caena bayatha tana nejume cowantsiwi iru pomonaeno xua bexa nejume cowantsinano. Caebicheito exanaein. Barapomonae exanaena pocotsiwa itoroban. Mataatano xeinaena bara compa xua xan ponxaein beta ta-eenaein, icha pebin ichi pon ovejamonae peyapu eenaein xua poxonae ovejamonae caetucuetuteta cae curaratha.

¹⁷ "Taxa bichocono neantobe tsipei tsitupaen pomonae tana nejume cowantsiwi. Ichitha equeicha asun tsane.

¹⁸ Dapon aibi pon xua pia coutha tana nebexubiwa. Saya jame poxonae tacoutha ichichipan. Xan itacoxonan xua bara jiwi tatsitupaewa. Mataatano itacoxonan xua equeicha asu tapoponaewa tsane petupaewa weya. Baxua itacoxonan xua taexanaewa, Taxa tana neitorobixae", jei Jesús.

¹⁹ Poxonae barapo judiomonae Jesús baxua jume tainchi, bapoxonae equeicha barapo judiomonae yabara najume matsontsonoba.

²⁰ Ichamonae judiomonae yainyaba xua icha judiomonae yainyabatsi, jeichichi:

—¿Eta xua metha bapon pajume naitawatame pocotsiwa bapon paeba? ¡Apara matayaibatsi! ¡Cauri xeina apara! jei judiomonae.

²¹ Ichamonae jeye:

—Dapon aibi pon xanepanaya pepaebiwa icha cauri xeina. Caurimonaepin jopa bapana itacupaetsi xua pon peitata nacatsin axaibi peexanaewatsi, jei ichamonae.

Meje yabara poxonae judiomonae Jesús jume itawetatsi

²² Poxonae awubo daxita jiwi nacaetuta Jerusalén tomaratha xua penabanaenexa pexaewa. Barapo penacaetutsi matabin poxonae nabane jiwi yabara nanta xeina xua caena bayatha piamonae tatsi equeicha xaneba Nacom pin pia bo tatsi poxonae ichamonae abe exana. Barapomonae baxua yabara nacaetuta peyabara paebinexa xua barapo bo Nacom nexa.

²³ Jesús popona Nacom pin pia bo tauchipa boutotha. Barapo Nacom pin pia bo tauchipa bouto pewan Salomón.

²⁴ Baxota judiomonae Jesús imoxoyo caquita umenarucupatsi yawa Jesús jeichichi:

—¿Eta po matabibe metha ainya muxu paxeinaein xua pata cayabara yaputaewa tsainchi? Icha bara yatsicaya Mesías xam, moya pana netsipaebare, jei.

²⁵ Jesús jume nota, jeye:

—Bara bayatha paca tsipaebatsiba ichitha jopa pana nejume yabara cowantsim. Pocotsiwa xua exanan, xua Taxa tana neitorobixae, baxua apara bara paca tsita naitapeinya xeinatsi xua xan apara bara Mesías.

²⁶ Baxua jopa pana neyabara jume cowantsim tsipei jopa tajimonae pam be pocotsi coyeneya aunxuae bayatha paca tsipaebatsi.

²⁷ Pomonaē tana nejume cowantsiwi nejume copi yaputane yawa nepuna pona, icha ovejamonaē ichi xua jume copi yaputane pontha pon pe-eenaexaetsi xuano xua barapo ovejamonaē puna pona xua bapon puna poinchi.

²⁸ Tana nejume cowantsiwi catan peajuntayapuswa, po peajuntayapuswa xua bapana jopa peweraweracaewa tsane. Matautano ichamonaē jopa itacapaetsi xua tana newecobe notsiwa xua tamonaē inta notatsi.

²⁹ Taxa barapomonaē necata. Barapon Taxa bichocono toxeincha caein ainya cui, beyacaincha ichan xua ainya cui. Dapon aibi pon Taxa wecobe notatsi xua piamonaē tatsi tanotatsi.

³⁰ Xan, iru Taxa bara caein panbe, jei Jesús.

³¹ Nexata judiomonaē ibotoxi nota xua Jesús pecuinbabiwa tsainchi.

³² Jesús barai barapomonaē, jeye:

—Paxantha matowa exaneiban pexeinya tatsita itutsi coyenewan Taxa pia peayapuswatha tatsi. ¿Eta po tatsita itutsi coyenewan taexanaexae ibotoxitha painya necuinbabichi? jei Jesús.

³³ Judiomonaē jume nota, jeye:

—Jopa apara daxota paca cuinbabichi poxoru pexeinya petsita itutsi coyenewan neexanaexae. Daxota paca cuinbabatsi tsipei jam: ‘Xan iru Taxa bara caein panbe’, jam. Baxua apara abe paebame tsipei be Nacom naexaname jinya coutha poxonaē saya pebim, jei judiomonaē.

³⁴ Jesús barai, jeye:

—Nacom Pejume Diwesitha yabara paebatsi pomonaē Nacom pejume cowantsiwichi. Nacom jeye: ‘Paxam iruru nacommonaē pam’, yabara jei Nacom, pomonaē pejume cowantsiwixaetsi.

³⁵ Nacom paeba xua pinae pomonaē petajume cowantsiwixaetsi pejume diwesi barapomonaē pinae bara nacommonaē tsenaē. Matautano waxainchi yaputainchi barapo diwesitha xua jopa bapana Nacom naerabiyo.

³⁶ Nacom neitapeta, neitorobano tapatopaenexa barapo cae pin nacuathe. ¿Eta xua metha papaebame xua xan abe paeban poxonaē jan: ‘Xan Nacom Pexanton’, jan?

³⁷ Icha jopa exanaeinyo pocotsiwa Taxa neitoroba painya xoba pana nejume cowantame baxua.

³⁸ Icha exanan pocotsiwa Taxa neitoroba, bapoxonaē pana necui yabara jume cowande pocotsiwa exanan, bequein jopa pana nejume cowantsim xua paca tsipaebatsi. Bapoxonaē xain payaputaename xua xan Taxa nebaru popona, xua barichin xua Taxa baru poponan, jei Jesús.

³⁹ Equeicha barapomonaē ichichipa xua Jesús pewaetabiwatsi ichitha Jesús naetsiriwa barapomonaē weya.

⁴⁰ Nexata Jesús pijimonaē caibe baru nawiya icha muxunene beya xua Jordán mentha. Baraxotiya Jesús pijimonaē baru eca, ichaxota Juan bayatha bautisaba jiwí.

⁴¹ Pin bicheitomonaē Jesús siwa poinchi pejume taenexatsi. Barapomonaē Jesús yabara natsipaebatsi, najei:

—Xaniyei bequein Juan pexeinya petsita itutsi coyenewan jopa exanaeyo daichitha daxita pocotsiwa xua Jesús yabara paebatsi, daxita baxuan bara apara xainyei, najei barapomonaē.

⁴² Baraxotiya pin bicheitomonaē Jesús yabara jume cowantatsi.

11

Meje yabara poxonaē Lázaro tupa

¹ Iru pebin popona, pon pewan Lázaro. Bapon atene. Bapon Betania tomarapin. Iru bapon Lázaro pamchobe tatsi barichi Betania tomarapiwayobe. Barapo pamchobe tatsi ichowayo pewan María, ichowayo pewan Marta.

² Barapowa María, powa Lázaro pamcho tatsi, powa Jesús taxu epatabinchi icha matacabitha penasiwatha xua petuxueiwa xuano xua taxu tsewa exanaeinchi pentanatha.

³ María pamchobe najume caitorobabe ichantha icha tomara beya xua baxotiya Jesús beya petacajume jeichinexatsibe:

—Patatanecanamataxeinaein, jinya jiton atene, petacajume jeichinexatsibe bapon.

⁴ Poxonaē Jesús baxua jume tane, Jesús jeye:

—Bequein Lázaro atene ichitha barapo peatenewa jopa exanaeyo xua tupa peexaneibiwa ataya. Saya atene, apara Nacom pia jiwí tsita itutsichi pia peayapuswa itorobi coyenewa. Matautano iru xan Nacom Pexanton jiwitha tatsita itutsinexa taayapuswa itorobi coyenewa, jei Jesús.

⁵⁻⁶ Bequein Jesús antobe Marta iru María iru Lázaro ichitha cataunxuae eca baxotiya ainya matabibibe poxonaе jume taetha xua Lázaro bayatha atene nawita.

⁷ Pirapae Jesús daxita pijimonaе barai, jeye:

—Caibeya poinchi Judea nacua beya, jei Jesús.

⁸ Nexata daxita Jesús pijimonaе baraichi, jeye:

—Pon Patatanecuidubim, cain judiomonaе, Judea nacua ichichichipa cacuinbaba ibotoxitha. Dacotsiwa equeicha jinya ponaetsi barapo Judea nacua beya, jeichichi.

⁹ Jesús barai, jeye:

—Caentacabi doce po horabe xeina poxonaе pentha tsuncuae. Icha pebin mataqueitha popona jopa xuirapopaeyo pentha petsuncuaexae barapo cae pin nacuathe.

¹⁰ Barichin poxonaе cataunxuae poponan barapo cae pin nacuathe bewa exanaein xua Taxa pocotsiwa neitoroba. Tsipei poxonaе t̄p̄aein jopa neitac̄p̄ae tsane xua exanaein baxua, barapo cae pin nacuathe.

¹¹ Pirapae Jesús daxita pijimonaе barai, jeye:

—Wajiton, Lázaro, maituncua. Ichitha tha bexa yānbaxuichi, jei Jesús.

¹² Nexata daxita Jesús pijimonaе baraichi, jeye:

—Patatanecanamataxeinaem, icha bapon maituncua, ¿metha poxoru anoxuae yasatatsi, daxota baxua paebame? jeichichi.

¹³ Ichitha Jesús namchi: “Lázaro bayatha t̄p̄a”, jei, xua poxonaе jei: “Lázaro maituncua”, jei. Daichitha Jesús pijimonaе tatsi nanta xeina xua metha Lázaro maituncua icha merawi ichi poxonaе maiteca.

¹⁴⁻¹⁵ Bapoxonaе Jesús pijimonaе tsita najume itapeinya xeina, jeye:

—Lázaro bayatha naxuba. Pacata daxua w̄nae xua jopa baxotiya poponaein yo poxonaе Lázaro t̄p̄a. Tsipei baxua painya nejume cow̄antsinexa, daxota jopa nainya ponaeinyo. Antha poinchi bara beya ichaxota Lázaro boca, jei Jesús.

¹⁶ Nexata Tomás, pon icha w̄n Gemelo peweichobe penama naexanaexaеbe, bapon Jesús pijimonaе tatsi baraichi, jeye:

—B̄u naca bar̄u pona Jesús, xain Jesús naca bar̄u werapa, jei Tomás.

Meje yabara xua Jesús namchi: “Xan pon jiwi as̄u taexanaein pet̄p̄ae cuiru coyene weya”, jei

¹⁷ Poxonaе Jesús pijimonaе bar̄u patopa Betania tomaratha, jiwi Jesús tsipaebatsi xua pinae bayatha Lázaro cuatro po matabibibe yapucaewa xua muth̄tha xotsi.

¹⁸ Betania tomara taj̄yo itamataeca Jerusalén tomara saya tres po kilómetro epatiyobe xeina.

¹⁹ Pinmonaе judiomonaе Marta iru María siwa poinchibe pia botha tatsi peitanuwe mat̄taenexa tsainchibe petat̄p̄aexaetsibe peweicho tatsi.

²⁰ Poxonaе Marta yaputane xua Jesús pijimonaе bar̄u patopa, bapowa bo wejonarena xua Jesús pententa weyataeya wabinexatsi. Ichitha nama María botha eca.

²¹ Marta Jesús baraichi, jeye:

—Pon Necanamataxeinaem jiwi, icha bayatha xote ecaetsipame, metha bayatha jopa t̄p̄aetsipae taeweicho.

²² Yaputan xua methaunxuae Nacom cacatsina daxita pocotsiwa new̄caewam, jei Marta.

²³ Jesús barai, jeye:

—Eweicho equeicha cata as̄u poponaena, jei Jesús.

²⁴ Marta Jesús baraichi, jeye:

—Aa, bara yaputan xua equeicha as̄u poponaena poxonaе po mataqueitha daxita jiwi Nacom as̄u exanaena pet̄p̄ae cuiru coyene weya poxonaе po cae pin nacue daxita weraweracaena, jei Marta.

²⁵ Nexata Jesús jume barai, jeye:

—Xan apara barapo jiton, pon jiwi as̄u jinompa taexanaein pet̄p̄ae cuiru coyene weya. Matātano xan pon jiwi tacatsin peaj̄nt̄yap̄us̄wa, po peaj̄nt̄yap̄us̄wa jopa weraweracaeyo. Pon nejume cow̄anta bequein bara t̄p̄a ichitha equeicha as̄u poponaena.

²⁶ Pon xeinaena peaj̄nt̄yap̄us̄wa xuano xua nejume cow̄antsina, bapon barana jopa weraweracaе tsane. ¿Baxua bara yabara jume cow̄antame? jei Jesús xua Marta tsipaebatsi.

²⁷ Bapowa jume nota, jeye:

—Aa, Tanecanamataxeinaem, bara baxua yabara jume cow̄antan xua xam Mesías pon Nacom Pexantom, pon bewa juinya patopaename po cae pin nacuathe tsique, jei Marta.

Meje yabara poxonaе Jesús itamata wecoyei tsuncuae ichaxota Lázaro yām̄th̄u uncua

²⁸ Poxonaе Marta najume weta xua Jesús tsipaebatsi, bapoxonaе Marta pamcho waba powa pew̄n María. Marta nameicha pamchotha jeye:

—Pon jiwi Pecuidubin xote patope, cawaba, jei Marta.

²⁹ Poxonae María baxua jume taeba, bapoxonae caena nainya ponataba Jesús petaenexatsi.

³⁰ Jesús ab_u cataunxuae pijimonae jopa bar_u ponaeyo tomaratha. Jesús caxinatsi ichaxota copiya Marta Jesús caxinatsi.

³¹ Judiomonae pomonae María pamchobe itanuwe matateicatsibe xua pomonae pia botha tatsi taenatsibe, poxonae barapo judiomonae tane xua María nainya ponataba, ir_u barapomonae napuna pona. Barapo judiomonae nanta xeina xua mexeya itara María pamchobe m_uth_u beya ponabewei xua pewecoyeinexabe ichaxota peweichobe tatsi tayam_uth_u uncuatsibe.

³² Poxonae María itamata patopatsi María pentabocototha uncu, yawa Jesús baraichichi, jei:

—Tanecanamataxeinaem, icha bayatha xote ecaetsipame metha bayatha pata taeweicho jopa t_upaetsipae, jei María xua Jesús tsipaebatsi.

³³ Jesús tane xua María wecoyei. Taneno xua judiomonae pomonae napona xua ir_u wecoyei. Bapoxonae Jesús an_uth_u wecoyei yawa an_uth_uarewe.

³⁴ Jesús baraino barapomonae, jeye:

—¿Exota Lázaro pam_uth_u xubame? jei Jesús.

Jesús jume notatsi, jeye:

—Pon Necanamataxeinaem jiwi, xotiye incane matha taema, jei barapomonae.

³⁵ Ir_u Jesús wecoyei tsanareca.

³⁶ Bapoxonae judiomonae Jesús yabara jeichichi, jeye:

—Incane pataema maisa bapon Lázaro bichocono antobetsi, najei judiomonae.

³⁷ Ichitha ichamonae judiomonae Jesús yabara jeichichi:

—Icha bapon itac_upatsi xua pon peitata nacatsin axaibi exainchi, zeta xua metha bapon jopa itac_upaetsi xua Lázaro yawenatsi xua bayatha jopa t_upaetsipae? najei judiomonae.

Meje yabara poxonae Lázaro equeicha as_u popona

³⁸ Equeicha Jesús bichocono an_uth_uarewe. Yawa imoxoyo pijimonae bar_u pona m_uth_u beya. Barapo m_uth_u ibo m_uth_u, yawa m_uth_u yauxatatabanota pin ibo panawatha.

³⁹ Jesús barai barapomonae, jeye:

—Papataxore ibo panawa, jei Jesús.

Lázaro pon t_upa bapon pamcho tatsi Marta, Jesús jeichi:

—Patatanecanamataxeinaem, apara bayatha pepon bichocono tuxamna, tsipei bayatha cuatro po matacabibe yapucaewa poxonae t_upa, jei Marta.

⁴⁰ Ichitha Jesús Marta jume baraichi, jeye:

—Bara bayatha catsipaebatsiba: Icha yabara jume cow_untame, necotsiname Nacom pia peayapus_uwa, cajeichiba, jei Jesús.

⁴¹ Nexata ichamonae ibo panawa pataxuba. Bapoxonae Jesús peitaboco beicha athabe-icha necoicha. Yawa jeye Paxatha:

—Axa, j_unt_u coyene weiweinan, yaitama nejume taneme pocotsiwa tacaw_ucaexaetsi.

⁴² Bara yaputan xua nejume taibame poxonae caw_uqueibatsi. Apra catsipae-batsi baxua xua pomonae xote umene barapomonae nexa xua tana neyabara jume cow_untsinea xua xan pon tana neitorobim, jei Jesús.

⁴³ Poxonae Jesús najume weta baxua, bapoxonae jume daunweya wawai, jeye:

—¡Lázaro, bara wejondena! jei Jesús.

⁴⁴ Bapoxonae pon xua t_upa m_uth_u wejondena. Xua bayatha paparuwatha max_u cae-cunta cubaxotsi yawa pesito decano yawa xua painyaweratha itabara yarabaxotsi, baxuan Lázaro yawa jondena. Jesús barai jiwi, jeye:

—Daxita baxuan paweisacare, bapoxonae b_u bara pona, jei Jesús.

Meje yabara poxonae fariseomonae ir_u sacerdotemonae pia pentacaponae w_u tatsi daxita barapomonae Jesús yabara nanta xeinatsi xua po coyeneya Jesús pewaetabiwa tsainchi (Mt 26.1-5; Mr 14.1-2; Lc 22.1-2)

⁴⁵ Judiomonae pomonae María pamchobe cueyatatsibe, poxonae barapo judiomonae baxua Jesús cui tainchi Jesús yabara jume cow_untatsi pinmonae.

⁴⁶ Ichitha ichamonae judiomonae fariseomonae beya pona xua peyabara paebinexa pocotsiwa bayatha Jesús exana.

⁴⁷ Nexata fariseomonae ir_u sacerdotemonae pia pentacaponae w_u tatsi daxita barapomonae nacaetuta penacanamata caitorobi bicheitotha, yawa najei barapomonae:

—¿Eta xua exanaeinchi metha? Barapo pebin exana nawita pexeinya petsita itutsi coyenewan.

⁴⁸ Icha baraxua saya yabara cui copatinchi metha pinmonae bapon yabara jume cowantsinchi. Barapoxonae romanomonaepia pentacaponaeawi patsina waxantha, yawa abe exanaena Nacom pin pia bo tatsi xua watomaratha, yawa wanacuatha naca jutebina, najei barapomonaepia.

⁴⁹ Caein bapomonaepia jiwana pewun Caifás. Bapon Caifás barapo weitha sacerdotemonaepia pepa pentacaponaein tatsi naexana. Bapon Caifás jei pin bicheitoha:

—Paxam apara jopa baxua payabara yaputaem.

⁵⁰ Matautano jopa payabara yaputaem xua po coyene pacata xanepana xua ichun bara caein piamonae yaitatsina pebexubinexatsi xua daxita piamonae tatsi jopa petajutebinexa tsainchi, jei Caifás xua piraichi nanta xeina.

⁵¹ Ichitha Caifás jopa baxua pia coutha nanta xeinaeyo. Tsipei Caifás barapo weitha sacerdotemonaepia pepa pentacaponaein tatsi naexana, daxota tsiwunae yabara paeba xua xua Nacom cueicuei jei exana xua Jesús bewa tsitupaena judiomonaepia.

⁵² Meisa barapo judiomonaepia Jesús jopa tsitupaeyo, apara irun ichamonaepia nexano Jesús tsitupa xua Jesús caemonaepia nacaetuta peexanaenexa pomonaepia Nacom piamonae tatsi, pomonaeno tajun ena ichaxota icha nacuantha.

⁵³ Daxota barapomonaepia judiomonaepia pia pentacaponaeawi tatsi nabaru muxu jei po coyeneya xua poxonae Jesús pebexubiwa tsainchi.

⁵⁴ Daxota Jesús jopa naitapeinya xeinaeyo judiomonaetha. Saya Jesús Judea nacua wewarapiya, tomara beya pona po tomara pewun Efraín, po tomara eca ichaxota ira xuepana susato tsurucuae nacua. Barapo tomaratha pijimonaepia baru eca Jesús.

⁵⁵ Bara nama imoxoyo tsurucuae tsoponae po matababin xua judiomonaepia Pascua wun matababin tatsi. Pin bicheitomonaepia tomara weya pona xua Jerusalén tomara beya pona xua baxotiya pia cui coyenewa peexanaenexa Nacom nexa, xua Nacom jopa petsita natsicuentinexatsi xua abe petsita peexanaexae. Tsipei pia peitorobi coyenewatha tatsi baxua yabara paeba xua barapomonaepia bewa baxua exanaena Pascua wun matababin pewunaeya.

⁵⁶ Daxita barapomonaepia Jesús wenaweneichi. Poxonae barapomonaepia Nacom pin pia botha pata, baxota barapomonaepia najei:

—¿Etabe payabara nanta xeinaeya ichim? ¿Metha Jesús xote patopaena jampa? ¿Metha jopa patopae tsane jampa? najei barapomonaepia.

⁵⁷ Fariseomonaepia irun sacerdotemonaepia pia pentacaponaeawi tatsi daxita barapomonaepia jiwu baraichi, jeichichi:

—Pon tane Jesús, nexata bun pana netsipaeba, xua bapon pata tha waetabichi, jei barapomonaepia.

12

Meje yabara poxonae petsiriwa Jesús mata epatabatsi penasiwa, po penasiwa petuxueiwa

(Mt 26.6-13; Mr 14.3-9)

¹ Poxonae cataunxuae seis po matababibe aibi xua Pascua wun matababin nexa, Jesús pijimonaepia baru pona Betania tomara beya. Barapo Betania tomara, po tomara ichaxota Lázaro popona, pon Jesús bayatha asu exana petupaepia cuiru coyene weya.

² Baxota pexaewa Jesús upain exanatsi. Marta apata pexaewa. Jesús pijimonaepia tatsi iru naena pexaethopaewatha. Iru Lázaro baxota naeca xua iru naxane.

³ Iru bapoxonae María carena bosibu bichocono wunca petuxuei nasiwa. Barapo tuxusi tuxuei nasiwa bichocono ainya matoma. Barapo tuxusi tuxuei nasiwa pewun nardo. Barapo petuxuei tuxusi nasiwatha María Jesús mata epatabatsi yawa taxu epatabatsino. Bapoxonae María pentanatha Jesús taxu tsewa exainchi. Daxita bomuxu tutu canaupa ducua xua tuxuei tsurucuae.

⁴ Irun naeca Judas Iscariote, pon Simón pexanto tatsi. Bapon Judas Jesús pijimonaepia tatsi jiwana. Barapo Judas pon bexa Jesús caenaetsinchi. Bapon namchi, jeye:

⁵ —¿Eta pocotsiwa metha saya xuba barapo tuxusi tuxuei nasiwa? Barapo petuxuei tuxusi nasiwa becaenaetsipame xua nentoma xeinaenexa beyacaincha xua trescientos po paratiximonaepia xua po paratiximonaepia beyacaincha trescientos po matababibe nexa, poxonae nacuita, jei Judas Iscariote.

⁶ Judas apara jopa baxua paebiyo xua peantobexaetsi pomonaepia peacopeibiwi. Saya apara baxua paeba poxoru bapon pon pecaibin jiwu. Bapon Judas Jesusbaru paratixi dunucue tacapoinchi. Ichitha bapon cou jiwana wenoteiba paratixi poxonae Jesusbaru jeiba.

⁷ Nexata Judas Jesús barai, jeye:

—¡Moyande bara copare! Apará xua barapowa netsibota barapo petuxuei tuxusi nasiwa tapepon nexa xua tatúpaein tana neperu waenexa poxonae po mataqueitha muthiya tana neboyaenexa tsane. Baxua netsibota apará xua muthu tana neboyaenexa poxonae tupaein.

⁸ Barapo irathe peacopeibi jiwi paca baru jinompeibina painya neyawenaenexa tsaiibi tsane barapo jiwi. Ichitha nama paxam jopa ataya paca baru poponae tsainchi xua pata tana neyawenaenexam barapo irathe, jei Jesús.

Meje yabara poxonae sacerdotemonaē pia pentacaponae tatsi peburu nanta xeina xua Lázaro pebexubiwa tsainchi

⁹ Pinmonae judiomonaē jume tane xua Jesús popona Betania tomaratha. Bapoxonae barapo judiomonaē pona Betania tomara beya xua Jesús petaenexatsi iruru xua Lázaro petaenexatsi pon Jesús bayatha asu exana petúpaē cuiru coyene weya.

¹⁰ Nexata sacerdotemonaē pia pentacaponae tatsi peburu nanta xeina xua iru Lázaro pebexubiwa tsainchi.

¹¹ Tsipei pinmonae judiomonaē penta sacerdotemonaē pia pentacaponae tatsi pia pecuidubiwan tatsi. Matautano barapo judiomonaē saya Jesús jume cowantatsi tsipei Jesús cui tainchi pocotsiwa Jesús wunae exana poxonae Lázaro asu exainchi petúpaē cuiru coyene weya.

Meje yabara poxonae Jesús Jerusalén tomaratha patopa (Mt 21.1-11; Mr 11.1-11; Lc 19.28-40)

¹² Icha mataqueitha baya xua poxonae po mataqueitha Jesús taxu wainchi petuxuei nasiwatha, bapoxonae Jesús pijimonaē baru pona Jerusalén tomara beya. Bapoxonaeru Jerusalén tomaratha ena pin bicheito pomonaē xua copiya bayatha pata Pascua wun maticabin nexa. Daxita barapomonaē yaputane xua anoxuae methaunxuae patopaena Jesús barapo tomaratha.

¹³ Barapo pin bicheito peaxu ucuboba po axu icha coichaxu axu ichi. Barapomonaē Jesús matenta iyiyatsi xua Jesús pententa weyataeya wabinexatsi. Yawa jume daunweya wawaya jeye:

—¡Pai jayana! ¡Máis Jesús pon Pecanamataxeinaein jiwi deta wunae, bapon patopa Nacom peitorobixae! ¡Máis Nacom bichocono wunae jaintatsi pon peitabocotha eal! ¡Máis Jesús deta wunae, pon Israel nacuamonaē itorobiya pia pepa Peewatsinchi tatsi! jei barapo pin bicheito.

¹⁴ Bapoxonae Jesús tane burro pon penun. Bapoxonae barapo burrotha equeica yawa ponano namtotha. Jesús exana be pocotsi coyeneya caena bayatha yabara paebatsi Nacom Pejume Diwesitha, xua Mesías pepatopaewa tsane Jerusalén tomaratha, jeye:

¹⁵ “Sión tomarapiwi pam, jopa pajunuwinde.

Pataema pon itorobiya pepa painya Nepacacaewatsin.

Bapon pacata patopaena xua burrotha

equeicaena”, jei Nacom Pejume Diwesitha.

¹⁶ Bapoxonae Jesús pijimonaē tatsi jopa yaputaeyo po coyene xua caena bayatha Jesús wunae yabara tsiwunae paebatsi, xuano xua po coyene exanaenano. Ichitha pirapae poxonae Jesús caibe nawicha peitaboco beicha, yawa poxonae Paxa matenta weyataeya wabatsi, bapoxonae barapomonaē yaputane po coyene Jesús yabara tsiwunae paebatsi Nacom Pejume Diwesitha, xuano xua jiwi exana poxonae Jesús wunae jaintatsi.

¹⁷ Pomonaē naponá poxonae Jesús Lázaro wabatsi petúpaē cuiru coyene weya, barapomonaē tamropata notarucpa xua jiwitha paeba pomonaetha pomonaē Jerusalén tomarapiwi, pomonaē bayatha Jesús pecui taexaetsi poxonae Lázaro asu exainchi.

¹⁸ Daxota pinmonae pona Jesús beya xua Jesús pematenta weyataeya wabinexatsi. Tsipei barapo pinmonae jume tane pocotsiwa Jesús exana pexeinya petsita itutsi coyenewa poxonae Lázaro asu exainchi.

¹⁹ Nexata fariseomonaē caemonaē natsipaeba, najei:

—¡Incane matha pataema! Barapomonaē jopa naca jume cowantsiyo, yawa daxita jiwi meisa napuna pona bapontha, najei barapomonaē.

Meje yabara poxonae griegomonaē Jesús wenaweneichi

²⁰ Barapo pin bicheito, po bicheito copiya bayatha Jerusalén tomaratha ena, xua baxota wunae pejainchinexa Nacom, barapo pin bicheito jiwanaemonaē, griego nacuamonaepiwi jiwana.

²¹ Barapo griego nacuamonaepiwi Felipe imoxoyo caquita poinchi. Barapon Felipe Bet-saida tomarapin xua Galilea nacuaatha. Barapo griego nacuamonaepiwi Felipe tsipaebatsi, jeichichi:

—Incane matha pana nejume taema. Pata bequein Jesús taetsi, jei.

²² Bapoxonae Felipe jume yopita Andrés beya, xua equeicha baponbe pejume yopichinexabe Jesús beya.

²³ Bapoxonae Jesús baraponbe baraichi yawa daxita barapo jiwi baraichi, jeye:

—Nama imoxoyo barapo matakabi tsoponae, po mataqueitha xan, ponxaein Nacom tana neitapetsixae nebexubina ichamonae. Barapo mataqueitha Nacom ainya cui neexanaena.

²⁴ Xaniyan paca tsipaebatsi. Poxonae trigo xuto saya xu boca yawa icha jopa xu bocaeyo tsorobo tututha, yawa icha jopa xuwiyo, jopa itacupaetsi xua pexaewa naexana. Ichitha icha barapo trigo xuto tsorobo tututha boca yawa icha xuwa, bapoxonae jame bara pexaewa naexana. Icha barapo trigo xuto ichi, xan barapocotsi coyeneya jiwi bara necana ichi tsane.

²⁵ Pon naantobeya nata exana pocotsiwa bapon ichichipa po cae pin nacuathe, bapon jopa xeinaeyo peajuntayapusawa, po peajuntayapusawa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan, bapon xeinaena peajuntayapusawa, po peajuntayapusawa ataya tsiteca xua Nacom pia nacua beicha.

²⁶ Pon ichichipa exana tawa xua penacuichiwa, bapon bara bewa moya exanaena pocotsiwa itoroban. Pon exana pocotsiwa itoroban, bapon patopaena ichaxota poponan. Icha pebin exana pocotsiwa itoroban, bapon Taxa cana exanaena xua bapon peainya cui jiton tsane Taxa pia nacua beicha tatsi, jei Jesús.

Meje yabara poxonae Jesús nayabara paeba xua petupaewa tsane

²⁷ Equeicha Jesús jeye: “Anoxuae bichocono anthuthurewein tsipei tatupaewa tsaneba. ¿Eta jumichicuaein tsane metha Taxatha? ¿Metha jan tsane: ‘Axa, necapanepare baxua weya’, metha jan tsane? Jume, apara jopa baxua tsipatopeicaeyo. Apara tsipatopeican xua taaperatanewa tsane jiwi nexa.

²⁸ Jame bejan: ‘Axa, bara bu jiwi cana exaname xua wnae necajainchiwa’, bejan jame”, jei Jesús.

Poxonae Jesús baxua najume weta, bapoxonae Jesús jume tane xua Nacom namchi peitaboco wetsica, jeye: “Baxatha apara baxua jiwi cana exanan xua jiwi wnae tana nejaintebiwanexa, tsipei daxita beta exanan. Matautano equeicha ichawa exanaein xua jiwi wnae tana nejaintebiwanexa tsane”, jei Nacom.

²⁹ Pinmonae umena xua Jesús jume taeumeinchi, iru Jesús pijimonae tatsi baxota umenaru. Barapo jiwi baxua nayabara yainyaba xua Nacom cueicueije. Ichamonae jeye:

—jApara xua jurujurei yamuxu! jei.

Ichamonae jeye:

—jApara bapon tsipaebatsi matatsunpin! jei.

³⁰ Nexata Jesús pijimonae barai, jeye:

—Pon pajume taneme apara Nacom. Jopa apara paebiyu xua xan nexa. Apara paeba pia xua painya nejume taenexa daxota baxua Nacom paeba.

³¹ Imoxoyo nama matakabi patopaena, po mataqueitha Nacom yabara paebina jiwi xua penatsicuentiwa xua abe peexanaexae bapontha. Pon jiwi juntu coyene itorobatsi xua abe peexanaewa po cae pin nacuathe, nama imoxoyo Nacom amanayabina bapon poxonae xubina barapo cae pin nacue weya.

³² Poxonae ichamonae nedutsina naetotha tatupaenexa tsane, bapoxonae daxita jiwi cana exanaein xua pomonae peichichipaewa tsane xua tana nejume cowantsinexa, jei Jesús.

³³ Poxonae Jesús baxua paeba jiwi yaputane exainchi xua Jesús pebexubiwa tsainchi poxonae tupaena.

³⁴ Bapoxonae barapo jiwi Jesús tsipaebatsi. Jesús jeichichi:

—Paxan pajume tan xua poxonae wamonae yoroba Moisés pia peitorobi coyenewatha pocotsiwa baxota jeye: ‘Bara Mesias ataya asu poponeiba’, jei baxota. ¿Eta xua metha pana netsipaebame xua pinae pon Nacom Peitapetsin bewa naetotha tupaena? ¿Jintam metha pon Nacom Peitapetsin? jei barapomonae.

³⁵ Nexata Jesús tsipaeba barapomonae xua nacaunuta, jeye:

—Saya caeto pana netaneme pon paca yaputane exainchi. Beta pajinompame tapaca yawenaexae tsainchi, icha paichim xua beta pajinompame poxonae xometo paca yawena xua beta pajinompame mataqueitha. Pana nejume cowande poxonae cataunxuae po cae pin nacuathe poponanje. Matautano poxonae cataunxuae paca itacupa xua pata tanejume cowantsiwam. Jopa abe paexanaeinde xua poxoru poxonae jopa pata tanejume cowantsixaemxae. Tsipei bara jutiya ichi, poxonae jiwi abe exana be poxonae pomonae pona ichaxota quirei. Jopa beta ponaeyo tsipei jopa xeinaeyo pecoicha.

³⁶ Pana nejume cowande poxonae cataunxuae po cae pin nacuathe poponanje. Bapoxonae paxam tajimonae pam tsane, jei Jesús.

Poxonae baxua Jesús najume weta, barapo jiwi weya natsixitaba yawa wepu aichuru-
cuae.

*Meje yabara poxonae Jesús yabara paeba xua eta xua metha pinae Jesús jopa jume
cowantichi judiomonae*

³⁷ Bequein Jesús matowa exana pia pexeinya petsita itatsi coyenewan barapomonae
peitatha tatsi, daichitha pinmonae barapomonae jopa Jesús yabara jume cui cowantichi
po coyene xua Jesús bara bapon Mesías pon Nacom itorobica.

³⁸ Baxua exana xua nayabara jume cui weta po coyene bayatha pon Nacom peitorobi
jume pepaebin Isaias wanae tsiwanaya yabara jei:

“Pon jiwi Necanamataxeinaein barapomonae
jopa jume cowantsiyo xua pacuiduban
bequein barapomonae tane matowa poxonae
paexanan Nacom pia peayapuswatha”,
jei Isaias.

³⁹ Barapomonae jopa jume cowantsiyo, tsipei Isaias equeicha jei:

⁴⁰ “Nacom cana exana xua barapomonae jopa
beta xapain naita cui coyene yaputaeyo.
Matautano Nacom cana exana xua jopa pejume
cowantsiwa pejuntu coyene wetsina.
Barapomonae be natsicotane peitata nacatsi
jiwi, tsipei jopa beyaputaeyo, xua
icha juntu coyene pexeinaewanexa.
Matautano jopa ichipaeyo xua peyabara jume
cowantsiwa po coyene xua Nacom itacupatsi
xua pejuntu coyene xanepana peexanaewa”,
jei Isaias pejume diwesitha.

⁴¹ Daxita baxuan Isaias paeba xua Jesús yabara paebatsi. Isaias caena bayatha tane
poxonae eca Mesías pia pexeinya pia peitapanae peecaewatha. Daxota Isaias yabara paeba,
Mesias yabara paebatsi xua pocotsiwa bayatha petaexae.

⁴² Bequein daxita judiomonae Jesús jopa jume cowantichi, daichitha ichamonae ju-
diomonae Jesús jume cowantatsi. Matautano ichamonae judiomonae xua pomonae
judiomonae pia pentacaponaeawi tatsi Jesús jume cowantatsi. Ichitha daxita barapomonae
jopa Jesús yabara paebichi jiwi peitatha tatsi tsipei fariseomonae cunuwatsi. Tsipei icha
barapomonae Jesús yabara paebichipatsi, metha barapomonae itawetsipatsi judiomonae
pia penacaeutatsi bon tatsi weya, xua fariseomonae itawetsipa.

⁴³ Tsipei barapo Jesús pia pejume cowantsiwichi pijunuwi daxota itapeta jume naitae-
wata xua jiwi jei: “Jopa Jesús payabara paebinde”, jei jiwi. Barapomonae pomonae Jesús
pejume cowantsiwichi baxua itapeta jume naitaewata beyacaincha xua poxonae bequein
Nacom cui itoroba.

*Meje yabara xua po jume Jesús paeba barapo jumetha jiwi yabara paebinchi xua penat-
sicuentsiwa xua abe peexanaexae*

⁴⁴ Equeicha Jesús jume daunweya jeye: “Pon nejume cowanta meisa jopa nejume
cowantsi tsane, jame Taxa jume cowantsinchino pon tana neitorobixae.

⁴⁵ Pomonae xua neyaputane barapomonae barichi Taxa yaputainchi.

⁴⁶ Xan pon yabara yaputane paca cana exainchi Nacom. Patopeican po cae pin nacuathe
xua pomonae tana nejume cowantsiwi jopa penantawenonaenexa xua pejinompawea
poxonae jopa Nacom yabara yaputaetsi.

⁴⁷ Pon bequein jume tane tajume diwesi xuano xua icha bequein jopa exanaeyo tana ne-
jume taewatha pocotsiwa itoroban, bapon jopa yabara paebin tsane xua penatsicuentiwa
xua abe peexanaexae Nacomtha. Tsipei apara jopa baxua tsipatopaeinyo xua tacoya
barapocotsi jiwimonae tayabara paebinexa xua penatsicuentiwa xua abe peexanaexae
Nacomtha. Jame apara tsipatopan xua jiwi u tacapanenebiyaenexa tsane.

⁴⁸ Pon jopa tsita ainya cuichi xua jopa tsita ainya cuinyo, xuano xua icha jopa jume
cowantsiyo pocotsiwa paeban po jume aunxuae paeban, bapon barapo jumetha yabara
paebinchi xua penatsicuentiwa xua abe peexanaexae poxonae po mataqueitha nacua
weraweracaena.

⁴⁹ Tsipei xan jopa paebinyo pocotsiwa tacoutha taichichipaewa. Saya apara baxua
daxita exanan pocotsiwa Taxa neitoroba pocotsiwa bewa paebin xuano xua pocotsiwa
bewa jiwi cuidubin.

⁵⁰ Yaputan Taxa pia peitorobi coyenewa, barapo peitorobi coyenewa jiwi cana exainchi xua pexeinaewa peajuntuyapususwa, po peajuntuyapususwa ataya tsitca. Daxota pocotsiwa paca tsipaebatsi apara xua Taxa bayatha tana neitorobixae”, jei Jesús.

13

Meje yabara poxonae Jesús pijimonae taxu matawane meratha

¹ Barapoxonaeru bara barapo matacabi tsuxubi, po matacabi tsiwanaya mata carucua xua Pascua wan matacabin. Jesús yaputane xua bara nama imoxoyo bara po matacabi tatsoponaetsiba, po mataqueitha Jesús cuenta ponaena po cae pin nacue xua Paxa beicha peponaewa tsane. Jesús antobe tsaibi pia pejume cowantsiwichi pomonae xua tajinom-patsi po cae pin nacuathe. Nama imoxoyo Jesús exana xua pocotsiwa jiwi yaputane xua Jesús jopa juniya antobeyo pomonae pia pejume cowantsiwichi.

²⁻⁴ Judas, pon Simón Iscariote pexanto tatsi, bapon cui itorobatsi caurimonae pia pentacaponaein tatsi xua Jesús pecaenaetsinexatsi ichamonaetha. Jesús yaputane xua bayatha Paxa wetsica pona. Matautano xua equeicha Paxa beicha patopaena xuano xua Paxa catatsi daxita pia peayapususwa itorobi coyenewa. Baxua bequein xeina, daichitha poxonae pijimonae baru eca pexaethopaewatha asiya uncuataba. Yawa paparuwa nama jonta, po paparuwa matha weruya. Yawa icha paparuwatha naepa cuta.

⁵ Bapoxonae Jesús mera epata corototha. Bapoxonae pijimonae taxu matawaerona meratha. Yawa paparuwatha taxu tsewa exana po paparuwatha naepa cuta.

⁶ Poxonae Jesús Simón Pedro muxu petaxu matawaetsi, Simón jeye:

—Tanecanamataxeinaem, zeta pocotsiwa metha iru jinya netaxu matawaetsi? jei Simón Pedro.

⁷ Jesús jume barai, jeye:

—Xua baxue cata exanatsi anoxuae jopa yabara yaputaem. Ichitha bexa tsane baxua yabara yaputaename, jei Jesús.

⁸ Ichitha equeicha Simón Pedro jume barai, jeye:

—Bapana jopa netaxu matawaem tsane, jei Simón Pedro.

Jesús jume barai, jeye:

—Icha jopa cataxu matawaetsipaetsi meratha nexata jopa tajimonae jitom tsipaem, jei Jesús.

⁹ Simón Pedro jume barai, jeye:

—Tanecanamataxeinaem, meisa jopa netaxu matawaem, jame yawa necobe matawaema, yawa nentasipa matawaema, jei Simón Pedro.

¹⁰ Jesús jume barai, jeye:

—Pon xua anoxuae nowaexuba, bapon equeicha jopa nantawenonaeyo xua pia pepon matawaem, saya jame meisa petaxu. Paxam pejuntu coyene xeicae jiwi pam, saya caein jiwana pam jopa daichiyo, jei Jesús.

¹¹ Jesús jeye: “Paxam pejuntu coyene xeicae jiwi pam, ichitha caein jiwana pam jopa daichiyo”, jei. Jesús baxua paeba tsipei yaputane xua caein jiwana pomonae Jesús pijimonae tatsi, bapon Jesús caenaetinchi.

¹² Poxonae Jesús nacobe weta xua pijimonae taxu matawane meratha equeicha paparuwa nama xatata po paparuwa copiya nama xuenaexuba. Bapoxonae equeicha econeca pexaethopaewatha. Yawa pijimonae barai, jeye:

—¿Bara payaputaneme xuaunxuae pacata exanatsi?

¹³ Pana neyabara jam: ‘Pon Patatanecuidubin’, pana neyabara jam. Yawano pana neyabara jam: ‘Pon Patatanecanamataxeinaein’, pana neyabara jam. Bara xainyeya pana neyabara jam baxua, tsipei apara xan bapon.

¹⁴ Icha xan painya Tapacacuidubin xua painya Tapacacanamataxeinaeinchi xua paca taxu matawainchi meratha bewa paxam bara paichim tsane, bewa nantiya pana nataxu matawaem meratha.

¹⁵ Baxua paca tsita exainchi xua painya bara paichinexam tsane ichaunxuae ichin.

¹⁶ Xaniyan paca tsipaebatsi. Pon ba tanacuita bapon jopa ainya cuiyo. Jame bapon pia pentacaponaein tatsi yatsicaya ainya cui beyacaincha pon tanacuita. Pon ba itorobatsi jopa ainya cuiyo. Jame pon peitorobixae bapon ainya cui.

¹⁷ Icha baxua payaputaneme yawa icha baxua paexanaenameno bapoxonae pejuntu coyene weiweinae jiwi pam tsane.

¹⁸ “Apara jopa daxita paca yabara paebichi xua pejuntu coyene weiweinae jiwi pam tsane, tsipei caein jiwana pam jopa daichiyo. Xan paca juntu coyene yaputainchi tsipei tapaca itapetichi jiwichi pam. Ichitha nacui yabara jume wetsina be po coyeneya bayatha Nacom tsiwanae yabara paeba pejume diwesitha. Nacom jeye: ‘Pon baru xan, pon

itara mexeya tajiton, bapon equeicha caewa tana neaitafaetabi jiton naexana', jei Nacom Pejume Diwesitha.

¹⁹ Baxua pexuñnaeya paca tsipaebatsi xua poxonaecana exanaena pon equeicha caewa tana neaitafaetabi jiton naexana. Bapoxonaecana painya yabara tana nejume cowuntsinexama tsane xua xan bapon aparana xua ponxaein paca tsipaebatsi.

²⁰ Xaniyan paca tsipaebatsi. Po pebin matenta weyataya waba pontha pon itoroban barapo pebin barapara nententa weyataya waba. Barichi pon nententa weyataya waba barapara Nacom matenta weyataya wabatsi, pon tana neitorobixae", jei Jesús.

Meje yabara poxonaecana Jesús jeye: "Judas necaenaetsina ichamonaetha", jei (Mt 26.20-25; Mr 14.17-21; Lc 22.21-23)

²¹ Poxonaecana baxua Jesús najume weta, bapoxonaecana bichocono anthuthurewe tsanareca. Yawa najume naitapeinya xeinaeya, jeye:

—Xaniyan paca tsipaebatsi. Caecin jiwana pam bapon necaenaetsina ichamonaetha, jei Jesús pijimonaetha.

²² Nexata Jesús pijimonaecana tatsi naitabara taerucupa, nantiya najeye: "¿Jintam metha bepa Jesús caenaetichi?" najei. Ichitha barapomonaecana jopa yaputaeyo xua Jesús yabara jei pon.

²³ Caecin Jesús pijimonaecana tatsi jiwana, pon bichocono Jesús antobe, bapon Jesús imoxoyo baruñ xunaeca, barapo pexaethopaewatha.

²⁴ Simón Pedro pecobetha moya jume itoroba jeye: "Jesús yainyabare: '¿Jintam yabara paebame?' jande", jei Simón Pedro xua jume itorobatsi pon Jesús imoxoyo caquita ecatsi.

²⁵ Bapoxonaecana Jesús imoxoyo caquita ecarenatsi equeicha. Jesús yainyabatsi, jeye:

—Tanecanamataxeinaem, ¿jintam cacaenaetsina? jei.

²⁶ Jesús jume nota, bapon jume notatsi, jeye:

—Pan puruñwiyo tha atatsica exanaetsi. Pon catan barapo pan puruñwiyo, bapon apara pon necaenaetsina ichamonaetha, jei Jesús pontha pon peyainyabixae.

Poxonaecana Jesús pan puruñwiyo atatsica exana, bapoxonaecana Jesús cata, Judas catatsi pon Simón Iscariote pexanto tatsi.

²⁷ Poxonaecana Judas barapo pan Jesús wecobe pitatsi, bapoxonaecana caena nainya Judas juntu coyene itorobatsi Satanás caurimonaecana pia pentacaponaein tatsi xua Jesús pecaenaetsiwa tsainchi. Bapoxonaecana Jesús jeye, Judas jeichichi:

—Xua pocotsiwa jinya anoxuae exanaetsi, moya exande nainya, jei Jesús.

²⁸ Daxita barapomonaecana pomonaecana Jesús pijimonaecana tatsi, pomonaecana pebaruñ xunaecaexae, jopa xapain yaputaeyo pocotsiwa Jesús itoroba, xua Judas itorobatsi.

²⁹ Tsipei bapon Judas paratixi doro capopona, daxota Jesús pijimonaecana tatsi nanta xeina xua mexeya itara Jesús itorobawejei xua pia tacomotichi pexaewa penabanaecana coyenewa nexa. Yawa nanta xeina xua mexeya itara Jesús itorobawejei xua Judas paratixi pecatsinexa peacopeibi jiwitha.

³⁰ Poxonaecana Judas Jesús wecobe pitatsi pan puruñwiyo, bapoxonaecana Judas ponataba. Iruñ bapoxonaecana quirei tsanaicharuñ.

Meje yabara poxonaecana Jesús yabara cuiduba jiwi pena peitorobi coyenewa

³¹ Nexata poxonaecana Judas pontaba Jesús pijimonaecana barai, jeye:

—Imoxoyo nama paca tsita itatsinchi taayapusña itorobiya coyenewa xua xan apara bara ponxaein Nacom Tananeitapetsin. Barichino paca tsita itatsinchi Nacom pia peayapusñ itorobi coyenewa tatsi.

³² Icha xan ponxaein Nacom Tananeitapetsin, icha paca tsita itatsi Nacom pia peayapusñ itorobi coyenewa, nexata Nacom xuya nainya paca tsita itatsina taayapusñ itorobi coyenewa xua xan apara bara ponxaein Nacom Tananeitapetsin.

³³ Pomonaecana be tapexui tapaca canatsicotaewichi pam, bara nama saya caeto paca baruñ poponaecinchi. Icha ichin xua caena bayatha xua judiomonaecana tsipaeban, bara paca jumichichi anoxuae: 'Jopa paca itacupaecana tsane xua pana nepuna ponaename ichaxota taponaewa tsane', paca jeichi.

³⁴ Barapo pena itorobi coyenewa paca cuidubatsi, xua janje: 'Nantiya pana naantobeinde, icha paca ichichi xua paca antobetsi. Bewa bara paichim tsane xua nantiya pana naantobem tsane', jan.

³⁵ Icha paxam nantiya pana naantobem tsurubenanaebiyam tsane, daxita jiwi paca cui yaputaena xua paxam bara apara tana nejume cowuntsi jiwi pam, jei Jesús.

Meje yabara poxonaecana Jesús namchi xua Pedro jei tsane: "Jopa dapon yaitaeyo", pinaecana yabara jei tsainchi Jesús

(Mt 26.31-35; Mr 14.27-31; Lc 22.31-34)

³⁶ Simón Pedro Jesús yainyabatsi, Pedro jeye:

—Tanecanamataxeinaem, ¿jinya exota ponaetsi? jei Simón Pedro.

Jesús jume nota, jeye:

—Anoxuae jopa caitacupaeyo xua tana nepuna ponaewam ichaxota ponaein. Ichitha bexa tsane caitacupaena xua tana nepuna ponaewam ichaxota ponaein, jei Jesús.

³⁷ Nexata Simón Pedro jume barai, jeye:

—Tanecanamataxeinaem, ¿eta xua metha baxua paebame xua anoxuae jopa neitacupaeyo xua tacapuna ponaewatsi ichaxota poname? ¡ichitha xan bara copatan xua jiwi tana nebexubinexa tacapuna ponaenexatsi! jei Pedro.

³⁸ Jesús jume barai, jeye:

—¿Bara xaniwaicha xua xam bara copatame xua jiwi necabexubinexa tana nepuna ponaenexam? Jume, apara xaniyan catsipaebatsi barapo merawithe acobi po jumeyobebe neyabara jam tsane: ‘Jopa dapon yaitaeinyo’, neyabara jam tsane. Bapoxonae iruru wacara pebto fibina, jei Jesús.

14

Meje yabara poxonae Jesús jeye: “Xan apara pon jiwi matacaponan Taxa beicha”, jei Jesús

¹ Equeicha Jesús pijimonaе barai, jeye: “Jopa yabara nantı exabinde ichawan. Pana neyabara jume cowanteibare yawano Taxa payabara jume cowanteibareno.

² Taxa pia nacua beicha bon nawita ichaxota jiwi pejinompaewa. Icha bon ajibi tsipae, metha bayatha jopa paca tsipaebichipaetsi, daxota apara paeban tsipei xainyan. Daxota paca tsiwanaeya pacata tutu wunaetinchi bara po bon.

³ Poxonae wetan xua Taxa beicha taponae xuano xua icha nacobe wetan xua bon paca tsiwanaeya tutu wunaetatsi, bapoxonae equeicha patopeicaein. Paca caponaeinchi ichaxoteicha xua tapoponaewa tsane.

⁴ Paxam payaputaneme ichaxota ponaein. Daxota payaputanemeno po coyeneya xua painya nepatsiwa tsane baxota”, jei Jesús.

⁵ Tomás jeye Jesustha:

—Patatanecanamataxeinaem, jopa payaputaеinyo po nacua beya ichaxota ponaename. Tsipei baxua jopa payaputaеinyo, daxota jopa pana neitacupaeyo xua pata ponaewa po nacua beya ichaxota xam ponaename, jei Tomás.

⁶ Jesús jume nota, jeye:

—Xan apara pon jiwi tamatacaponaein Taxa beicha. Matautano xan pon xainyeya tapaein. Matautano xan apara pon jiwi tacatsin peajuntıyapusıwa, po peajuntıyapusıwa ataya tsiteca. Saya meisa xan ba jiwi yawenan xua pepatsiwa Taxa beicha.

⁷ Icha paxam pana neyaputaneme bara paichim Taxa payaputaneme. Daxota anoxuae nama Taxa payaputaneme yawano patanemeno tsipei paxam pana netaneme, jei Jesús.

⁸ Nexata Felipe Jesús baraichichi, jeye:

—Patatanecanamataxeinaem, copare xua Axa pata tha taetsi. Bapoxonae junteма pata jinompaewa tsane, jei Felipe.

⁹ Jesús Felipe jume notatsi. Jesús jeye:

—Felipe, bara bayatha cabaru popoinchiba. ¿Eta xua came jopa neyaputaem? Pon ba netane barichi apara bara Taxa tainchi. Daxota jopa benejam: ‘Copare painta pata tha Axa taetsi’, jopa bepana nejam.

¹⁰ ¿Eta xua metha jopa jume cowantsim xua bara Taxa neyanta xua bara irı Taxa yantandı? Daxita pocotsiwan paca tsipaebatsi apara jopa paebinyo pocotsiwa tacoutha ichichipan. Apara Taxa pon neyantsiya popona baxua apara exana pocotsiwa xua exanan.

¹¹ Pajume cowınde xua Taxa neyanta popona, xua Taxa irı yanta poponan xua daxota Taxa be caein panbe. Icha jopa paca itacupaeyo xua pana nejume cowıntame pocotsiwa yabara paca tsipaebatsi Taxa, moya pana necui yabara jume cowınde xua bayatha exanan pexeinya tatsita itıtsi coyenewan. Baxuan jiwi tsita itıban xua bara xainyei xua Taxa neyanta popona xua daxota Taxa be caeinbe panbe.

¹² Xaniyan paca tsipaebatsi, pon nejume cowınta, baron irı exanaena pocotsiwa exanan. Matautano equeicha ichawan mataropeicha exanaena pewınaewan beyacaincha xua pocotsiwa exanan. Tsipei xan ponaein Taxa beicha.

¹³ Daxita pocotsiwan pana newın caununaya wıcame Taxa beicha, bara baxua exanaein, tapaca catsita itıtsinexatsi Taxa pia peayarusı itorobi coyenewa tatsi.

¹⁴ Bara pacata exanaeinchi poxonae pana newın caununaya wıcame Taxa beicha, jei Jesús.

Meje yabara poxonae Jesús tsiwınaeya paeba xua bexa Nacom pajumope tınapı itorobina jiwıtha

¹⁵ Equeicha Jesús barai pijimonaē, jeye: “Icha pana neantobem, moya paexande taitorobi coyenewan.

¹⁶ Icha baxua paexanaename tha bapoxonaē Taxa w̄h̄caetsi jan tsane: ‘Axa, ich̄n itorobare xua barapomonaē peyawenaenexatsi’, jan tsane. Bapoxonaē Taxa pacata itorobina pon ataya paca yantsiya poponeibina.

¹⁷ Pon Nacom itorobina, apara bapon bara pia Pejumope t̄nax̄n tatsi, po Pejumope t̄nax̄n tatsi paca yaputane exana xua bara x̄ainyei xua pocotsiwa Nacom yabara. Ichitha pomonaē jopa nejume cow̄ntsiyo, barapomonaē jopa yaputaeyo Nacom pia Pejumope t̄nax̄n tatsi. Daxota barapo Nacom pia Pejumope t̄nax̄n tatsi jopa itac̄paetsi xua barapomonaē peyantsiya jinompaewatsi. Daichitha payaputaename barapo Nacom pia Pejumope t̄nax̄n tatsi tsipei pacata patopaena yawano ataya paca yantsiya poponaena”, jei Jesús.

¹⁸ Equeicha Jesús barai pijimonaē, jeye: “Jopa paca punapentsi tsainchi. Equeicha caibe patopeicaein xua tapaca bar̄u poponaewatsi tsainchi.

¹⁹ Bara caeto jiwi jopa netae tsane pomonaē jopa tana nejume cow̄ntsiwi. Ichitha paxam pana netaename. Paxam equeicha as̄u pajinompaename tsipei xan equeicha as̄u poponaein.

²⁰ Barapo mataqueitha poxonaē Nacom pia Pejumope t̄nax̄n tatsi patopeicaena, payaputaename xua xan Taxa be caein pana naexananbe ir̄u xua paxam be caein pana necana exaname ir̄u xua xan be caein paca cana exanatsi.

²¹ Pon yaputane taitorobi coyenewan xuano xua exana xua barapo taitorobi coyenewan paeba, bapon tsita itapeinya xeina jiwitha xua xaniwaicha bara neantobe. Taxa antobe tsane bapon, pon neantobe. Xan barichin antobein tsane bapon. Matautano yaputane exanaein xua bara bapon bar̄u poponan”, jei Jesús.

²² Ir̄u Judas pon seicaya ich̄nd̄u, pon Judas Iscariote aibi, barapo Judas Jesús tsipaebatsi, Jesús jeichichi:

–Patatanecanamataxeinaem, z̄eta xua jinya meisa pana neyaputane exanaetsi xua bara pana nebar̄u jinompame xua jopa daichim pomonaetha pomonaē jopa cajume cow̄ntsiyo? jei Judas.

²³ Jesús Judas jume notatsi, jeye:

–Pon neantobe bapon exana pocotsiwa itoroban. Bapoxonaē Taxa antobe tsane bapon. Xan ir̄u Taxa pon caein panx̄aeinbe papatopaeinbe bapontha pata yantsinexa bapon.

²⁴ Pon jopa neantobeyo, bapon jopa exanaeyo pocotsiwa itoroban. Po jume diwesi xuaunxuae pana nejume taneme apara jopa nata paebinyo. Apara baxua paeban tsipei Taxa nejume caitoroba pon tana neitorobixae, jei Jesús xua Judas tsipaebatsi.

²⁵ Equeicha Jesús pijimonaē barai, jeye: “Daxita baxuan paca tsipaebatsi poxonaē cataunxuae paca bar̄u popoinchi anoxuae.

²⁶ Inta paxam pacata Nacom najumope t̄nax̄n itorobina. Barapo Nacom pia Pejumope t̄nax̄n tatsi paca yawenaena. Matautano paca cuidubina xua pex̄ainyeiwa xua Nacom yabara. Matautano barapo Nacom pia Pejumope t̄nax̄n tatsi paca cana exanaena xua pana neyabara cananta xeinaename xua pocotsiwan bayatha daxita yabara paca tsipaebatsi.

²⁷ “Poxonaē paca cuenta ponaeinchi j̄ntema jinompa paca cana exanaeinchi. Paca catinchi po coyene j̄ntema tapoponaē coyenewa. Barapo j̄ntema tapoponaē coyenewa jopa bara be j̄ta ichiyo xua jiwi barompaya j̄ntema pia pejinompaē coyenewa tatsi. Jopa yabara pana naj̄nt̄u exabinde ichawan. Matauta jopa junuwiya pajinompaeinde.

²⁸ Bayatha pana nejume taneme xua ponaein jan xuano xua equeicha patopeicaein paxamtha xua paca bar̄u poponaeinchi jan. Icha xaniwaicha pana neantobem tsipaem metha paj̄nt̄u coyene weiweinaetsipame xua taponaewa Taxa beicha. Tsipei Taxa bichocono ainya cui, beyacaincha xua xan poxonaē cataunxuae poponan po cae pin nacuathe.

²⁹ Baxua paca tsipaebatsi xua tsiw̄naē paeban painya tana nejume cow̄ntsinexam tsane poxonaē xaniwaicha baxua tsane.

³⁰ “Nama imoxoyo jopa neitac̄paeyo xua equeicha caeto tapaca tsipaebiwa tsainchi, tsipei nama imoxoyo patopaenaba pon jiwi j̄nt̄u coyene itorobeibatsi po jiwitha jopa tana nejume cow̄ntsiwi. Ichitha bapon jopa xeinaeyo peayapus̄u itorobi coyenewa xua tana neitorobiwa tsane.

³¹ Bewa exanaein pocotsiwa xua Taxa neitoroba, xua daxita jiwi peyaputaenexa xua apara bara xan ponxaein Taxa bichocono tana neantobein.

“iPanonoba ponde! Weye poinchi”, jei Jesús pijimonaetha.

15

Meje yabara poxonae Jesús yabara paeba uva ñnboto xua pepa ñnboto

¹ Equeicha Jesús jeye: “Icha pepa ñnboto ichi xua petabũ opina wejujuina mene xua uva thei penacoichinexa, xan bara pocotsi jũta coyeneya cana ichin jiwi. Jiwi ajũntũcoyeneyparusũya cana exanan pomonaе tana nejume cowũntsi jiwi, icha uva pabi pexeinaein ichi xua yabaca xueta xua xanepanaya petaxuwiwa tsainchi. Taxa bara jũta coyeneya ichi. Taxa yawena pomonaе tana nejume cowũntsiwi, pomonaе xanepanaya inta pejinompaewi.

² Uva pabi pexeinaein daxita ucuboba po maxũranan xua jopa nacoichiyo. Bapoxonaе daxita barapo pemaxũranan po maxũranan xua dubena xanepanaya nacoita beyacaincha xua copiya poxonaе nacoita. Taxa barapocotsi jũta coyeneya exana. Taxa itaweta pomonaе bequein nejume cowũnta ichitha jopa beta jinompaeyo xan nexa. Barichi pomonaе bequein nejume cowũnta ichitha saya tsiwiyo exana pocotsiwa itoroban, Taxa atene cana exana xua barapomonaе atene, xua daxota barapomonaе beta exanaena pocotsiwa itoroban.

³ Pajũntũ coyene wũnaem painya tana nejume cowũntsiwaxaе xua bayatha po jume diwesi tapaca tsipaebixaetsi.

⁴ Pana necayawa jinompeibare icha ichin xua ataya paca cayawa poponeibinchi. Uva ñnboto maxũranawa ba poxonaе iratha maxũrana boca jopa ba pipatotha matono xu-wouncuaeyo xua pethei perubenaenexa. Bara jũta coyeneya paichim. Icha jopa pana necayawa jinompaem, jopa paxeinaem tsane xua po coyene pexeinya peajũntũyparusũ coyenewa.

⁵ “Icha pepa uva ñnboto ichi xua xeina pemaxũranawan, bara jũta coyeneya ichin. Xeinan pomonaе tana nejume cowũntsi jiwi pam. Pepa uva ñnboto nacoita exana nawita pethei pemaxũranawantha tsipei poxoru pemaxũranawan dubena pepa uva ñnbototha tsica. Bara jũtiya ichi icha pana necayawa jinompame bapoxonaе bichocono paca jũntũ coyene xanepana exanaeinchi. Daxota icha pana nepentsiya jinompame jopa paca itacũpaetsipae xua paexaname pocotsiwa xua Nacom ichichipa.

⁶ Pon jopa necayawa poponaeyo bapon Taxa itawetsina, icha xua uva pabi pexeinaein ichi. Bapon petũpae maxũranawan nota xua bayatha ucobobeba yawa bapoxonaе isotototha bebeya petautsinexa.

⁷ “Icha pana necayawa jinompaename yawa icha jopa pajũntemainaem tsane pocotsiwa bayatha paca cuidubatsi, bapoxonaе pocotsiwa pana newũcaename bara baxua pacata exanaeinchi.

⁸ Jiwi Taxa barũ cui itura jinatsi poxonaе paca tane xua betiya xanepanaya pajinompame painya neexanaeae pocotsiwa Taxa paca itoroba. Yawa Taxa barũ cui itura jinatsi tsipei barapomonaе paca cui yaputane xua paxam barapara pepa tamonaе jiwi pam.

⁹ Paca antobetsi icha Taxa ichi xua neantobe. Ataya payacuiya jinompare xua paxam po coyene xua pomonaе tapana nejume cowũntsi jiwi pam.

¹⁰ Paexanaponde pocotsiwa paca itorobatsi, bapoxonaе bichocono tsitecaeya paca antobe tsoponaе tsainchi, icha xan ichin xua poxonaе exanan pocotsiwa Taxa neitoroba xua daxota ataya tsitecaeya neantobe tsoponaе.

¹¹ “Baxuan paca tsipaebatsi xua paca jũntũ coyene xanepana exanaeinchi xua bapoxonaе bichocono pajũntũ coyene weiweinaename.

¹² Barapo taitorobi coyenewa baxue xua janje: ‘Nantiya paxam pana naantobeinde, icha paca ichichi xua paca antobetsi’, jan.

¹³ Yabara paca tsipaebatsi po peantobewa bichocono ainya cui beyacaincha icha peantobewa. Barapocotsi peantobewa xeina pebin poxonaе peantobexae pia jiton yaitataba xua pebexubinexatsi xua pia jiton tatsi jopa bepetaubexubiwa tsainchi.

¹⁴ Paxam apara tajiwiwonaе pam, icha paexanaponaename pocotsiwa xua tapaca itorobiwatsi.

¹⁵ Anoxuae jopa bepaca caunutichi xua paxam pomonaе inta amanaya penacuichiwi pam. Nama po cae pin nacuathe pomonaе petanacuichiwi jopa yabara yaputaeyo pocotsiwa exana pomonaе pia pecanamataxeinaewichi tsipei jopa baxua yabara paebiyo. Ichitha paca caunutatsi xua paxam apara tajiwiwonaе pam, tsipei nama xan paca cana exainchi xua payabara yaputaname daxita pocotsiwan xuan Taxa necui itoroba.

¹⁶ Apara jopa pana neitapetsim. Jame apara paca itapetatsi. Paca cui itorobatsi xua xanepanaya painya neexanaewa pocotsiwa Taxa paca itoroba. Ichichipan xua jopa peweraweracaewa tsane pocotsiwan painta exanaename. Bapoxonaе Taxa bara pacata exanaena poxonaе Taxa beicha pawũcame poxonaе pana nebũxũna bobenouname.

¹⁷ Daxota equeicha paca jeichi: ‘Paxam nantiya pana naantobeinde’, jan”, jei Jesús pijimonaetha.

Meje yabara poxonae Jesús jeye: “Jiwi necaseba, iru paca caseba”, jei Jesús

¹⁸ Equeicha Jesús jeye: “Pomonaе jopa neјume cowuṅtsiyo icha barapomonaе paca caseba pananta xeinare xua barapomonaе copiya necaseba daxota paca casebaṅ.

¹⁹ Icha paxam pomonaе jopa pata tana neјume cowuṅtsiwi јiwana pam tsipaem, bapoxonaе pomonaе necaseba paca antobe tsipae icha ichi xua barompaya antobe pijimonaе. Pomonaе xote јinompе, pomonaе jopa tana neјume cowuṅtsiwi, barapomonaе pexantha tatsi paca itapetatsi daxota barapomonaе paca caseba. Tsipei anoxuae paxam jopa barapomonaе јiwana pam.

²⁰ Pana neјume cayabara nanta xeinare xua bayatha paca tsipaebatsi xua janje: ‘Pon ba tanacuiṭa ichuṅ, bapon јopa ainya cuiyo, јame pia pentacaponaein tatsi ainya cui pon peitorobixaetsi’, paca jeichi. Tsipei јiwi inta abe exana daxota iru pacata abe exana. Јiwi jopa јume cowuṅtsiyo tacuidubiwa. Barichi јopa јume cowuṅtsiyo painya necuidubiwa.

²¹ Daxita baxuan јiwi paca cana exanaena xua painya neexanaexae pocotsiwa paca itorobatsi tsipei јopa yapuraetsi pon neitoroba pon Taxaxae.

²² “Icha јopa patopaeinchipae po cae pin nacuathe, xуano xua icha јopa cuidubinchipae barapomonaetha, barapomonaе јopa natsicuentaipae xua abe peexanaexae tsipei јopa yapuraetsipae xua abe exana. Ichitha anoxuae јopa itacupaetsi xua peјeiwa: ‘Јopa payapuraetainyo xua abe paexanan’, xua peјeiwa, tsipei patopan yawa cuiduban barapomonaе.

²³ Pomonaе xua necaseba, barapomonaе iru Taxa casebatsi.

²⁴ Barapomonaе tane xua xan exanan pocotsiwa ichuṅ јopa itacupaetsi xua peexanaewa. Icha barapomonaе јopa bayatha necui taetsipae xua exanan јopa natsicuentaipae xua abe peexanaexae јopa peyapuraetaexae tsipae xua abe exana. Ichitha barapomonaе bara xaniwaicha necui tane xua exanan. Matautano yaputane xua abe exana. Daxota barapomonaе necaseba iru daxota Taxa casebatsi.

²⁵ Ichitha baxua bewa neyabara јume cui wetsina tsipei Moisés pia peitorobi coyenewatha neyabara tsiwunaeya jeye: ‘Barapomonaе necaseba poroxu saya апatsi’, jei barapo Moisés pia peitorobi coyenewatha.

²⁶ “Itorobin Nacom pia Peјumope tṅaxu tatsi xua po peјumope tṅaxu Taxa werena pona, po peјumope tṅaxu paca yawenaena po peјumope xainyeya pepaebin. Barapo peјumope tṅaxu neyabara paebina poxonae bapon patopeicaena.

²⁷ Paxam bara paichim tsane ichamonaetha pana neyabara paebiname. Tsipei poxonae aena tamropata pitaban tanacuichiwa barapo cae pin nacuathe, bapoxonae caena bayatha pana nebaṅ јinompame”, jei Jesús pijimonaetha.

16

¹ Equeicha Jesús barai pijimonaе, jeye: “Baxua paca tsipaebatsi xua јopa painya nebarapentsiwa tsane xua tapana neјume cowuṅtsiwam poxonae јiwi abe pacata exanaena.

² Paca itawetsina јudiomonaе pia penacaetutsi bon weya. Po mataqueitha poxonae јiwi paca јutebina, barapo јiwi catsawiya nanta xeinaena xua Nacom pecui itorobixae xua daxota painya paca necajutebiwa tsane.

³ Barapo јiwi baxua pacata exanaena, tsipei јopa neyapuraeyo matauta Taxa tsipei јopa yapuraetsi.

⁴ Baraxua paca tsipaebatsi xua painya tana necayabara јume cananta xeinaewam tsane poxonae barapo matakabi tsane poxonae po mataqueitha јiwi abe pacata exanaena.

Meje yabara po coyene xua Nacom pia Peјumope tṅaxu tatsi exana

“Poxonae aena tamropata pitaban tanacuichiwa baraxua јopa paca tsipaebichi tsipei paca baṅ popoinchi.

⁵ Ichitha nama anoxuae baxua paca tsipaebatsi tsipei ponaein, xua Taxa beicha taecaewa tsane pon tana neitorobixae. Dapon aibi paxam јiwana pam pon neyainyaba xua neјei: ‘¿Eta xota ponaename?’ pon neјei, tsipei daxita pam bara pana neyaputaneme xua xota taponaeawa.

⁶ Nama anoxuae bichocono panthuthu wecoyam tapaca tsipaebixaetsi baxua.

⁷ Ichitha bara yatsicaya xainyeya paca tsipaebatsi. Baxua pacata wṅnae xua taponaeawa tsipei icha јopa ponaeinchipae, јopa neitacupaetsipae xua taitorobiwa Nacom pia Peјumope tṅaxu tatsi xua painya nepaca cayawenaenexa. Icha ponaein barapo јumope pacata itorobinchi.

⁸ Poxonae Nacom pia Peјumope tṅaxu tatsi patopeicaena, јiwi yabara yaputane cana exanaeinchi pocotsiwa daxita јiwi abe peexanae cuiru coyenein exana. Matautano barapo Nacom pia Peјumope tṅaxu tatsi јiwi yaputane cana exanaeinchi xua xan saya

xanepanaya Nacom tayabara paebin. Matautano barapo Nacom pia Pejumope tñaxu tatsi jiwi yaputane cana exanaeinchi xua po coyene poxona Nacom exanaena xua Nacom yabara paebina daxita jiwi xua penatsicuentsiwa xua abe peexanaexae.

⁹ Poxona barapomona abe peexanae cuiru coyene exana baxua tsita itapeinya xeina xua barapomona jopa tana nejume cowantsiwi.

¹⁰ Matautano jiwi yaputane cana exanaeinchi xua xan saya xanepanaya Nacom tayabara paebin, tsipei Taxa beicha ponaein yawa paxam jopa equeicha pana netaem tsane.

¹¹ Matauta barapo Nacom pia Pejumope tñaxu tatsi jiwi yaputane cana exanaeinchi xua po coyene poxona Nacom exanaena xua Nacom yabara paebina daxita jiwi xua penatsicuentsiwa xua abe peexanaexae. Tsipei caena bayatha bapocotsiwa exana caurimona pia pentacaponaeintha, pon jiwi jñntu coyene itorobatsi barapo cae pin nacuathe xua abe peexanaenexa. Matautano Nacom bapontha cana exanaena xua bexa bapon weraweracaena.

¹² “Ichawa bequein xeinan xua tapaca tsipaebiwatsi ichitha anoxuae jopa paca itacupaeyo xua painya neyaputaewa tsipei jopa paca coyene cupaeyo.

¹³ Poxona patopeicaena Nacom pia Pejumope tñaxu tatsi, barapo pejumope tñaxu paca tsipaebina daxita xua xuan pocotsiwa pexainyeiwa tsipei apara jopa paebi tsane xua pia coutha peichichipaewa. Saya paebina xua Nacom bayatha jume tainchi. Matautano barapo pejumope tñaxu yabara yaputane paca cana exanaena pocotsiwa bexa tsane exanaena po cae pin nacuathe tsique.

¹⁴ Barapo Pejumope tñaxu jiwi cana exanaeinchi xua jiwi wñnae tana nejainchiwa tsane. Pocotsiwa xua paca tsipaebatsi, barapo pejumope tñaxu xuya yaputane paca exanaena.

¹⁵ Daxita xua Taxa pocotsiwa xeina iru apara xan tawa. Daxota paca jeiche: ‘Pocotsiwa tacuidubi coyenewa, barapo coyenewa barapo pejumope tñaxu xuya equeicha paca cuidubina’, paca jeichi.

¹⁶ “Caeto tsane jopa pana netaem tsane. Ichitha bexa tsane bapoxona equeicha pana netaename. Bapoxona pirapaeyo Taxa beicha ponaein”, jei Jesús pijimonaetha.

Meje yabara poxona Jesús jeje: “Bequein copiya pawecoyam tsane ichitha bexa equeicha pajñntu coyene weiweinaename”, jei Jesús

¹⁷ Bapoxona ichamona pomona Jesús pijimona tatsi caemona nayainyaba, najei: —¿Eta xua bapon naca tsipaebara? ¿Eta xua metha naca jei: ‘Caeto tsane jopa pana netaem tsane. Ichitha bexa tsane, bapoxona equeicha pana netaename. Bapoxona pirapaeyo Taxa beicha ponaein’, naca jei?

¹⁸ ¿Eta xua metha ‘caeto tsane’, jane? Jopa baxua yaputaetsi, najei.

¹⁹ Jesús pijimona yaputane xua pijimona juntucuru yainyabatsi. Daxota pijimona barai, jeje:

—Xuaunxuae paca jeichi: ‘Caeto tsane jopa pana netaem tsane. Ichitha bexa tsane bapoxona equeicha pana netaename’, jan ¿baxua apara pana necayabara jume yainyabame?

²⁰ Xaniyan paca tsipaebatsi. Tacoutha paxam pawecoyam tsane yawano paanthatharewem tsane poxona iraru jñntu coyene weiweinaena pomona jopa tana nejume cowantsi jiwi. Bequein caeto pawecoyam tsane ichitha equeicha pajñntu coyene weiweinaename.

²¹ Poxona yabayo bapana taecatsi pexuyo, poxona imoxoyo naexanaena pexuyo, bapowa bichocono wecoyei. Ichitha poxona bayatha pexuyo naexana, bapoxona bapowa nacayabara jantemaina xua bayatha yaporowa papai xua peatenexae. Daxota bapowa jñntu coyene weiweina pexuyo bayatha penaexanaexae.

²² Bara juta coyeneya paichim tsane. Poxona tñpaein xua taponaenexa tsane, bequein pawecoyam tsane, ichitha panetaename poxona asñn tsane xua ponaein Taxa beicha. Yawa bapoxona pajñntu coyene weiweinaename. Dapon aibi pon barapo jñntu weiweinae coyenewa paca jñntu coyene wejñntemaina cana exanaena.

²³ “Barapo mataqueitha, po mataqueitha Taxa beicha ponaein, equeicha bara nama jopa painya tana neyainyabiwam tsane. Saya meisa poxona Taxa beicha pana newñn caununaya wñcaename, bara baxua daxita pacata exanaena. Baxuan pocotsiwa paca tsipaebatsi bara xainyan.

²⁴ Caena bayatha xua beya anoxuae jopa pana newñn caununaya wñcaem Taxa beicha. Anoxuae nama pana newñn caununaya wñcaename Taxa beicha. Bara baxua pacata exanaena xua bichocono yatsicaya painya nejñntu coyene weiweinaewa tsane”, jei Jesús pijimonaetha.

Meje yabara poxonae Jesús jeye: “Xan amanayabaxubin pon jiwi juntu coyene itorobatsi po cae pin nacuathe”, jei Jesús

²⁵ Equeicha Jesús barai pijimona, jeye: “Pocotsiwan xua bayatha paca tsipaebatsi, bara peaban pecayabara juta pepaebi diwesixitha. Ichitha barapo matacabi patopaena, po mataqueitha jopa paca tsipaebi tsainchi pecayabara juta pepaebi diwesixitha. Barapo mataqueitha bara Nacom yabara jume penthiya paca tsipaebinchí.

²⁶ Barapo mataqueitha pana newan caununaya wucaename Taxa beicha. Jopa paca tsipaebichí xua Taxatha tapacata wucaewa tsainchi tsipei apara bara painya coya paca itacupa.

²⁷ Taxa paca antobe pata tana neantobemxaem yawa pata tana nejume yabara cowuntsixaemxae xua xan bara yatsicaya Taxa wetsica ponan.

²⁸ Taxa pia xainya wetsica ponan xua tapatopaewa tsane po cae pin nacuathe tsique. Ichitha anoxuae barapo cae pin nacue cuenta ponan xua equeicha Taxa beicha taponae wa tsane”, jei Jesús pijimonaetha.

²⁹ Nexata Jesús pijimonaexae baraichichí, jeye:

—Anoxuae bara yatsicaya jume penthiya pana netsipaebame. Jopa paebim pecayabara juta pepaebi diwesixitha.

³⁰ Anoxuae payaputan po coyene xua bara daxita neyaputaewan. Matautano payaputan xua jopa pata nantawenonaewa xua paxan pata paca cayainyabiwatsi. Daxota pajume cowuntan xua xam bara yatsicaewa Nacom wetsica neponaein, jeichichí Jesús pijimona.

³¹ Jesús jume barai pijimona, jeye:

—¡Anoxuae matapainya pana nejume cowuntame! jei Jesús.

³² Bara nama imoxoyo matacabi patopa, po mataqueitha tsana parucupaename poxonae jiwi paca yotabina. Paxam pana necuentarucupaename. Daichitha xan jopa companyo tsane tsipei Taxa neyanta bayatha.

³³ Daxita baxuan paca tsipaebatsi painya nejuntu coyene weiweinaenexam tsane tapana necayawa jinompaexaem tsane. Poxonae cataunxuae pajinompaename po cae pin nacuathe jiwi paca atene exanaena poxonae abe paca cana exanaena. Daichitha junte ma pajinompae. Tsipei xan amanayabaxubin pon jiwi juntu coyene itorobatsi po cae pin nacuathe, jei Jesús pijimonaetha.

17

Meje yabara poxonae Jesús pijimona tawuca Paxatha

¹ Poxonae Jesús baxua najume weta xua pijimona tsipaeba, bapoxonae Jesús itaboco necoicha. Paxatha tsipaeba jeye: “Axa, aunxuae patopaena xua poxonae jiwi tsita itutsiname xua xan, apara bara Nexanton, pon taainya cuin. Bapoxonae jiwi tsita itutsin xua xam jinya neainya cuin.

² Xam, Nexantonxaein, daxita jinya neitorobi coyenewa necatame xua taitorobinexa tsane jiwi. Daxita po jiwi necatame, po jiwi tana nejume cowuntsiwi, barapo jiwi catsin peajuntu yapusawa, po peajuntu yapusawa ataya tsiteca.

³ Axa, yatsicaya compam xam Nacom, iru xan Jesucriston compan ponxaein neitorobame po cae pin nacuathe tsique. Pomona nejume cowunta iru xuan cajume cowuntano, barapomona xeinaena peajuntu yapusawa, po peajuntu yapusawa ataya tsiteca.

⁴ “Po cae pin nacuathe exanan xua jiwi wanae necajainchiwa. Bayatha wetan xua bayatha necui itorobame xua taexanaewa tsane.

⁵ Axa, anoxuae equeicha ainya cui neexande neitabaratha, icha matha neichim poxonae caena bayatha ainya cui neexaname neitabaratha poxonae nexantha poponan poxonae cataunxuae po cae pin nacue jopa forotsinyo.

⁶ “Pomona bayatha itapetame, pomona nejume cowunta, barapomona yabara cuiduban xua xam cayabara paebatsi. Barapomona bara jinyamona yawa nepuna pona exaname. Barapomona bara xanapanaya exana xua pocotsiwa itorobame.

⁷ Pocotsiwan xua xan peaban xuan xua exanan, daxita baxuan exanan tana necat-simxae jinya pexeinya ayapusu itorobi coyenewa. Anoxuae daxita baxuan barapomona yaputane.

⁸ Pocotsiwan necuidubame xuya barapomona cuiduban. Daxita baxuan barapomona yabara nejume jejei. Barapomona yaputane xua xan bara yatsicaya xam wetsica ponan. Matautano yaputaneno xua xam tana neitorobiwam.

⁹ “Cawucatsi barapomona nexa xua neyawenaewa tsane barapomona. Apará jopa yabara cawucaetsi pomona jopa nejume cowuntsiyo xua neyawenaewa tsane. Saya jame yabara cawucaetsi pomona tana necatsixaemxae pomona jinyamonaexae.

¹⁰ Daxita pomonae xua jinyamonae apara tamonaeru. Daxita iraru pomonae xua tamonae, apara jinyamonaeru. Ichamonae wynaeya necayabara nanta xeina xua xan ainya cuin tsipei xanepanaya jinompa, pomonae tana nejume cowantsi jiwi.

¹¹ "Xan jopa poponaein tsane po cae pin nacuathe tsipei ponaein nexainya beicha xua tapoponaenexa nexantheicha. Nama barapomonae jopa daichiyo, saya po cae pin nacuathe dubenanaebiyana. Axa, xam ponxaem bichocono nejuntu coyene xanepanaein tsaibim. Pomonae bayatha tana necatsixaemxae barapomonae bebere jinya neayapusu neitorobi coyenewatha xua barapomonae jopa pejuntu coyene cui itorobinexa tsainchi xua abe peexanaewa tsane xua caurimonae pia pentacaponaein tatsi juntu coyene cui itoroba. Bapoxonae barapomonae be caein cana naexanaeinchibe waantobexaebe barapomonae icha ichichibe xua be caein naexainchibe.

¹² Poxonae cataunxuae poponan po cae pin nacuathe, apara xan bebeteiban barapomonae jinya neayapusu neitorobi coyenewatha pomonae tana necatsixaemxae. Barapo tamonaexae beta bebetan yawa jopa copatsinyo xua ichin tana newepu aichurucuaewa, saya meisa caein nexubina barapomonae jiwana. Daxota bapon bewa tupaena tsipei bichocono peajuntucoyenyapubein. Bapon abe exana tsipei caena bayatha nejume diwesitha bapon yabara paebatsi po coyeneya xua bapon tana necana exanaewa tsane.

¹³ "Anoxuae xan ponar nexainya beicha ichaxoteicha ecame. Ichitha daxita baxuan paeban poxonae cataunxuae po cae pin nacuathe poponanje xua barapomonae bichocono pejuntu coyene weiweinaenexa, po pejuntu coyene weiweinaewa bayatha xeinan.

¹⁴ Nejume diwesi catan barapo tamonae. Ichitha barapo tamonae inta casebatsi ichamonae tsipei barapo jiwi po cae pin nacuathepiwi. Barapo tamonae nama po cae pin nacuathepiwi aibi, icha ichin xua xan po cae pin nacuathepin aibin.

¹⁵ Apara jopa sawucaetsi xua barapo tamonae nenotsinexa po cae pin nacue weye. Saya apara sawucatsi xua barapomonae nebebetsinexa caurimonae pia pentacaponaein tatsi pecuiyainwa.

¹⁶ Icha xan ichin xua po cae pin nacuathepin aibin, barichi barapo tamonae jopa barapo cae pin nacuathepiwiyo.

¹⁷ Nejume diwesi, apara po diwesi nexainyei diwesi jume. Poxonae barapo tamonae jume tane baxua barapomonae catame xua pejuntu coyene weiweinaewa xua peexanaewa tsane pocotsiwa ichichipame.

¹⁸ Icha neichim xua neitorobame pomonaetha pomonae jopa jume cowantsiyo, barichin pomonae tana nejume cowantsiwi itoroban pomonaetha pomonae jopa tana nejume cowantsiwi.

¹⁹ Najuntu coyene catan nexainya beya tha xua exanaetsi pocotsiwa ichichipame. Baxua exanan tsipei antobein tamonae. Exande xua barapomonae iru peajuntu coyene catsinexa nexainya beya xua pia peexanaewa tsane pocotsiwa ichichipame. Baxua peexanaenexa tsane pexeinaexae nejume diwesi, po diwesi nexainyei jume diwesi.

²⁰ "Jopa meisa sawucaetsi barapo tamonae nexa, apara yawano iru yabara sawucatsi pomonae hexa nejume cowantsina poxonae jume taena tajume diwesi xua poxonae pepaebixae tsane barapo tamonae.

²¹ Sawucatsi xua barapomonae be caein penaexanaenexa xuano xua cae penanta xeinaeya nacana baru cayawa nanta xeinaenexa tsainchibe. Baxua exanatsibe barapomonaetha icha neichim xua neyantame xuano xua xam cayantatsiru. Poxonae barapomonae be caein nacayawa naexana ponaeinchibe, bapoxonae ichamonae yabara jume cowantsina xua xam bara yatsicaya tana neitorobiwam.

²² Barapo tamonae peainya cui coyenewa catan, po peainya cui coyenewa xam necatame xua barapomonae be caein penaexanaenexa icha ichichibe xua bara caein naexanatsibe.

²³ Xan tamonae yantan iru xam neyantame, tsipei daxitatsi be caein naexainchi daxota barapomonae yatsicaya bara be caein naexana. Bapoxonae daxita jiwi cui yaputaena xua xam bara yatsicaya tana neitorobiwam. Matautano barapo jiwi cui yaputaena xua tamonae antobem icha ichin xua neantobem.

²⁴ "Axa, necatame barapo tana nejume cowantsiwi. Ichipan xua barapomonae pomonae tana nejume cowantsiwi ponaena ichaxoteicha taponaeewa tsane xuano xua pia petaenexa tsane taainya cui coyenewa xua necatame. Tsipei caena bayatha neantobem poxonae cataunxuae jopa forotsiyo po cae pin nacue.

²⁵ Axa, pon bichocono nejuntu coyene xanepanaem. Pomonae jopa tana nejume cowantsiwi jopa pepa jinyamonaeyo tsipei jopa cayaitaeyo. Ichitha xam bara cayaitainchi. Pomonae tamonae, pomonae tana nejume cowantsiwi barapomonae neyabara yaputane xua xam tana neitorobiwam.

²⁶ Barapomonae pomonae tana nejume cowantsiwi yabara yaputane exanan xua xam cayabara paebatsi. Abu cataunxuae awiya baxua exanaein xua jinya necaantobenexa

tsane icha neichim xua neantobem. Matautano barapomonae ataya yaitata poponeibin”, jei Jesús poxonae Paxa tsipaeba.

18

Meje yabara poxonae Jesús waetabatsi

(Mt 26.47-56; Mr 14.43-50; Lc 22.47-53)

¹ Poxonae Jesús najume weta xua poxonae Paxa tsipaeba, bapoxonae pomonae Jesús pijimonaexae tatsi Jesús baru pona. Jesús baru pona foto iya icha muxunene beya, po foto cataunxuae ira tsewa. Barapo foto pewun Cedrón. Barapo icha muxunene beya umena xua ponaein peabi naein, baxota Jesús pijimonae baru patopa.

² Judas, pon Jesús caenaetatsi, bapon yaputane barapo momiyi tsipei baxota matha matowa Jesús pijimonae baru nacauteiba.

³ Judas patopa ichaxota Jesús pijimonae baru uncua. Judas baru pona soldadomonae iru no policiamonae, po policiamonae pomonae Nacom pin pia bo peyabara umenaewi. Daxita barapomonae, pomonae Judas baru patopa fariseomonae itoroba iru sacerdotemonae pia pentacaponaei tatsi itorobaru. Daxita barapomonae cusin capona. Iru ichamonae lamparan capata iru ichamonae banaxuton capata.

⁴ Bequein Jesús tsiwana yaputane barapomonae xua po coyene pecana exanaewa tsainchi, ichitha Jesús itataya yawa yainyaba, jeye:

—¿Jintam pawenawenam? jei Jesús.

⁵ Daxita barapomonae Jesús jume notatsi, jeye:

—Apara Jesús Nazaret tomarapin pawenawenan tsompae, jei.

Jesús jume nota, jeye:

—Apara bara bapon uncuanje, jei Jesús.

Iru Judas, pon Jesús caenaetatsi, baxota nauncuaru.

⁶ Poxonae Jesús, jeye: “Apara, bara bapon uncuanje”, jei, bapoxonae barapomonae peuma iyiya caibeya yawa xuirabathopa.

⁷ Equeicha Jesús yainyaba, jeye:

—¿Jintam pawenawenam tsompae? jei.

Equeicha barapomonae, jeye:

—Apara, Jesús Nazaret tomarapin pawenawenan tsompae, jei barapomonae.

⁸ Nexata Jesús barai, jeye:

—Bayatha paca tsipaebatsiba: ‘Apara bara bapon uncuanje’, jan. Icha pana newenawenam bara tamonaie inta painta pu copabare, jei Jesús.

⁹ Baxua exana tsipei caena bayatha Jesús jeye Paxatha: “Axa, barapo tamonaexae beta bebetan yawa jopa copatsinyo xua ichan tana newepu aichurucuaewa”, jei Jesús.

¹⁰ Bapoxonae Simón Pedro namara wejonta pia wato cusi. Simón Pedro muxuyoro catsoniba pon pewun Malco, po muxuyoroto pecoxa werucuiya. Bapon Malco pon sacerdotemonae pia pepa pentacaponaein tatsi tanacuitatsi.

¹¹ Jesús Pedro barai, jeye:

—Cusi jeinca pentacuerutha. ¿Eta pocotsiwa daxua daichim? ¿Xam ichipame xua jopa taexanaewa tsane pocotsiwa caena bayatha Taxa neitoroba xua bara bewa jiwí atene tana necana exanaewa? jei Jesús.

Meje yabara poxonae Jesús uncua Anás peitabaratha tatsi

(Mt 26.57-58; Mr 14.53-54; Lc 22.54)

¹² Bapoxonae soldadomonae iru soldadomonae pia pentacaponaein tatsi iruru policiamonae, po policiamonae pomonae Nacom pin pia bo peyabara umenaewi, daxita barapomonae Jesús waetabatsi yawa maxu cubatsi.

¹³ Bapoxonae Jesús capoinchi Anás pia bo tatsi beya. Bapon Anás Caifás paxuyo tatsi. Bapon Caifás barapo weitharu sacerdotemonae pia pepa pentacaponaein tatsi naexana.

¹⁴ Barapon Caifás, pon caena bayatha jei judiomonaetha: “Metha wunaie xua bara caein piamonae yaitatsina pebexubinexatsi xua daxita piamonae tatsi jopa petajutebinexatsi”, jei Caifás xua bayatha paeba.

Meje yabara poxonae Pedro Jesús yabara paebatsi xua jeye: “Jopa dapon yaitaeinyo”, yabara jeichichi Jesús

(Mt 26.69-70; Mr 14.66-68; Lc 22.55-57)

¹⁵ Simón Pedro iru ichan ponxaeru Jesús pijimonaie tatsi jiwana Jesthath napuna ponabe poxonae policiamonae Jesús capoinchi sacerdotemonae pia pepa pentacaponaein tatsi pia botha tatsi. Barapon pon ichan bapon yaitainchi xua sacerdotemonae pia pepa pentacaponaein tatsi yaitane. Daxota bapon sacerdotemonae pia pepa pentacaponaein tatsi pia pin pia bo panatha tatsi Jesús puna jonyatsi.

¹⁶ Nama Pedro aisowatha uncua peboupa juma werena. Daxota bapon pon ichun pana weya pona peboupa beya xua yabwyo petsipaebineixatsi powayo yapu eneiba peboupa. Bapon jeye: “Inta Pedro pu itorobarena xua bara jondenaena”, jei. Tsipei barapo sacerdotemonaē pia pentacaponaein tatsi bapon yaitainchi daxota barapowa Pedro bara copatatsi xua bara jondenaena.

¹⁷ Nexata poxonae Pedro jondena, bapowa Pedro yainyabatsi, jeichichi:

—¿Bara xam, Jesús pijimonaē tatsi caein jiwanamda? jeichichi Pedro.

Pedro jume nota, jeye:

—Jume, apara xan dapon aibin, jei Pedro.

¹⁸ Yaitama iru aque tsuncuaeru daxota pomonaē sacerdotemonaē pia pepa pentacaponaein tatsi tanacuitatsi iru policiamonaeno, daxita barapomonaē isoto itutaeta barapo panatha. Daxita barapomonaē nonopumena barapo isototha. Pedro iru baxota nanonopuncuaru.

Meje yabara poxonae sacerdotemonaē pia pepa pentacaponaein tatsi Jesús matowa yainyabatsi

(Mt 26.59-66; Mr 14.55-64; Lc 22.66-71)

¹⁹ Iruu bapoxonaē sacerdotemonaē pia pepa pentacaponaein tatsi tamropata pitaba xua Jesús matowa peyainyabiwatsi. Jesús jeichichi: “Jesús, ¿jintam baru jinyamonaē? ¿Eta po diwesi cuidubame barapo jinyamonaē?” jeichichi Jesús.

²⁰ Jesús jume nota, jeye:

—Caena bayatha daxita jiwi peitutha cueicueijan tsaibin. Judiomonaē pia penacaetutsi bontha ataya cuidubeiban. Matautano Nacom pin pia botha ichaxota judiomonaē nacae-tuteiba, baraxotano ataya cuidubeiban. Bapana jopa jiwi wepu nameicha paebin xua pocotsiwa jiwi jopa tana nejume taenexa.

²¹ ¿Eta pocotsiwa metha nejume yabara yainyabame? Jame maisa moya yainyabare pomonaē bayatha nejume tane. Moya barapomonaē catsipaebina pocotsiwa bayatha tsipaeban barapomonaē petanejume yaputaexae pocotsiwa bayatha tsipaeban, jei Jesús.

²² Poxonaē Jesús baxua najume weta, bapoxonaē caein policiamonaē jiwanaēin pomonaē baxota umena, po policiamonaē Nacom pin pia bo peyabara umenaewi bapon Jesús jumata cuaintaxotsi. Yawa bapon Jesús jeichichi:

—¿Eta xua dapo jume paebame poxonae baxua jume notame sacerdotemonaē pia pepa pentacaponaein tatsi? jei bapon.

²³ Jesús jume nota, jeye:

—Icha bara pocotsiwa abe paeban, moya netsipaebare xua abe. Ichitha icha xua wanaē paeban, ¿eta pocotsiwa metha nexata nejumata cuaintaxubame? jei Jesús.

²⁴ Bapoxonaē Anás Jesús yamaxu cubiya itorobatsi Caifás beya. Bapon Caifás sacerdotemonaē pia pepa pentacaponaein tatsi naexana barapo weitharu.

Meje yabara poxonae equeicha Pedro Jesús yabara paebatsi: “Jopa dapon yaitaeinyo”, yabara jeichichi Jesús

(Mt 26.71-75; Mr 14.69-72; Lc 22.58-62)

²⁵ Poxonaē baxuaru, iru caitaunxuae Pedro nanonopuncua. Barapoxonaē barapomonaē Pedro yainyabatsi, jeichichi:

—¿Xam apara Jesús pijimonaē tatsi caein jiwanamda? jeichichi Pedro.

Ichitha Pedro jume notsiya jeye:

—Jume, apara xan bapon aibin, jei Pedro.

²⁶ Bapoxonaē equeicha ichun Pedro yainyabatsi pon sacerdotemonaē pia pepa pentacaponaein tatsi tanacuitatsi. Pon Pedro yainyabatsi, bapon caein jiwana pomonaē Pedro jiwana muxuyoro catsoniba. Bapon Pedro yainyabiya jeichichi:

—Xam bayatha caena caitainchi poxonae Jesús paca baru pona momiyō beya. ¿Bara methara? jeichichi Pedro.

²⁷ Pedro equeicha jume notsiya jeye:

—Jume, jopa dapon yaitaeinyo, jei.

Bapoxonaeru caena nainya wacara pebto fiba.

Meje yabara poxonae Jesús uncua Pilato peitabaratha tatsi

(Mt 27.1-2, 11-14; Mr 15.1-5; Lc 23.1-5)

²⁸ Caemumbotha Jesús capoinchi Caifás pia bo weya pon jiwi peyanacua ewatsinchi pin pia bo tatsi beya, pon pewun Pilato. Ichitha judiomonaē jopa johoniyaeayo barapo botha pon jiwi peyanacua ewatsinchi pin pia bothaxae tatsi. Judiomonaē pia juntu coyene cui xeina xua jei: “Judiomonaē jopa bewa nanacaetutsi pomonaē jopa be judiomonaē naexanaeyo pia bothaxae tatsi po mataqueitha poxonae imoxoyo Pascua wun matacabin xua poxonae

jiwi penabanaewanexa pexaewa”, jei. Tsipei icha baxua exanaetsipa pia coutha najuntũ coyene taxobichipa yawa barapomonaē jopa itacũpaetsipaetsi xua pexaewa xaena, po pexaewa poxonaē xane Pascua wũn matababintha.

²⁹ Daxota Pilato aisowa bejoniya pia bo weya xua petsipaebinxatsi pomonaē pesatotha umena. Pilato jeye barapomonaetha:

—¿Eta pocotsiwa painya yabara netsipaebichi bapon xua abe peexanaewa? jei.

³⁰ Barapomonaē Pilato jume notatsi, jeye:

—Icha bapon jopa abe exanaetsipae, metha bapon jopa caponaetsipaetsi nexantha, jei barapomonaē.

³¹ Nexata Pilato barai jiwi, jeye:

—Paxam papire bapon, barompaya painya neitorobi coyenewatha payabara paebare xua penatsicuentiwa xua abe peexanaexae, jei Pilato.

Barapo judiomonaē jume nota, jeye:

—Ichitha paxan judiomonaē pan, romanomonaē pia peitorobi coyenewa jopa pana copatsiyo xua ichũn pacui itoroban xua jiton pebexubiwaetsi xua poxonaē abe peexanaexae, jei judiomonaē.

³² Baxua exana tsipei bayatha Jesús tsiwanaya nayabara paeba po coyeneya jiwi poxonaē Jesús pebexubiwa tsainchi.

³³ Bapoxonaē Pilato equeicha pia pin pia bo bejoniya yawa Jesús wabatsi, jeichici:

—¿Xam judiomonaē itorobiya pia pepa Neewatsin? jei Pilato.

³⁴ Jesús jume nota, jeye:

—¿Apara jincoya necayabara cananta xeinaeya yainyabame? Apara ichũn yabara necatsipaebixae baxua, ¿daxota barapo jumetha neyainyabame? jei Jesús.

³⁵ Pilato jume nota, jeye:

—Jopa taeinyo tsipei apara xan judiomonaepin aibin. Apara jinya nacuamonaepiwi irũ sacerdotemonaē pia pentacaponaewi tatsi, apara barapomonaē cacaenaeta taxantha. ¿Eta pocotsiwa metha exaname? jei Pilato.

³⁶ Nexata Jesús jume nota, jeye:

—Taitorobi coyenewatha jopa itorobinyo jiwi po cae pin nacuathe. Icha baxua exanaetsipan, bara nexata tamonaē neyawenaetsipa xua judiomonaē jopa tana newaetabinexa. Ichitha taitorobi coyenewatha jopa itorobinyo jiwi po cae pin nacuathe, jei Jesús.

³⁷ Nexata Pilato Jesús jeichici:

—¿Apara xam pon jiwi itorobiya pia pepa Neewatsin? jeichici Jesús.

Jesús jume nota, jeye:

—Aa, apara bara xan bapon pon jiwi itorobiya pia pepa Taewatsin xuaunxuae bara paebame. Daxota naexanan po cae pin nacuathe yawa patopan tapaebinxexa xua pocotsiwa pexainyeiwa yatsicaewa. Daxita pomonaē ichichipa xua pejume cowantsiwa xua barapo pexainyei jume, barapomonaē bara nejume tane, jei Jesús.

³⁸ Pilato Jesús baraichi, jeye:

—¿Eta pocotsiwa metha pocotsiwa pexainyeiwa? jei Pilato.

Meje yabara poxonaē Pilato jume barũ jejei xua Jesús bara pebexubiwa tsainchi ichamonaē

(Mt 27.15-31; Mr 15.6-20; Lc 23.13-25)

Poxonaē Pilato baxua yainyaba, bapoxonaē Pilato equeicha aisowa bejoniya xua equeicha judiomonaē petsipaebinxatsi. Pilato barai judiomonaē, jeye:

—Xan jopa jume itaraerowinyo bapon xua po jumetha nayaita anae exanaena xua pebexubinxatsi.

³⁹ Ichitha paxam painya cui paxeiame xua ba caein tapacata isanaxubiwaetsi pomonaē jiwi pecubi botha nobatsi poxonaē xua po mataqueitha Pascua wũn matababintha. ¿Bara anxuae pacata saya pu copatinchi pon judiomonaē itorobiya pia pepa peewatsinchi? jei Pilato.

⁴⁰ Nexata barapo judiomonaē jume daunweya wawai, jeye:

—¡Jume, jopa dapon isanaxubinde! ¡Maisa jame Barrabás isanaxore! jei barapo judiomonaē.

Barapon Barrabás, pon bichocono jiwi pecaibi.

19

¹ Nexata Pilato najume caitoroba xua Jesús bara pecuainchinxatsi xua pocotsiwatha ewa xua bichocono amũpiya xua xota ba jiwi cuainteibatsi poxonaē abe exaneiba. Soldadomonaē baxua exana.

² Barapo soldadomonaes Jesús mata xatatatsi pee tepa. Matautano bapoxonae Jesús pia paparuwa juma xuenatsi. Icha paparuwa juma xatatatsi po paparuwa tsobia.

³ Bapoxonae barapo soldadomonaes Jesús imoxoyo cacuita umenarucupatsi. Yawa Jesús cui caponaeya jeichichi:

—¡Jaina, maisa wunaem pon judiomonaes itorobiya pia pepa Neewatsin! jei barapo soldadomonaes xua Jesús cui capoinchi.

Bapoxonae Jesús itabara cuaintatsi.

⁴ Equeicha Pilato pesato bejoniya judiomonaes beya. Pilato barai judiomonaes, jeye:

—Matha pataema. Bapon pacata carenaeinchi, painya neyaputaenexa xua xan jopa jume taeinyo xua po jumetha penayaita anae exanaewa xua pebexubinexatsi barapo pebin, jei Pilato.

⁵ Bapoxonae Jesús pee tepa pesato beyawa joniya. Yawa paparuwa yawa joniya po paparuwa tsobia. Nexata Pilato barai jiwi, jeye:

—¡Pataema xote uncue baponje! jei Pilato.

⁶ Bapoxonae sacerdotemonaes pia pentacaponaeawi tatsi iru policiamonaes, poxonae daxita barapomonaes Jesús taerucupatsi, jume daunweya wawaya jeye:

—¡Naetotha bara tparucua bewa exanaem! ¡Naetotha bara tparucua bewa exanaem! jei barapomonaes.

Pilato barai jiwi, jeye:

—Moya paxam jame bara papire, moya painya coya naetotha tparucua paexande. Yaitama xan apara jopa jume taeinyo po jumetha xua bapon penayaita anae exanaewa xua pebexubinexatsi.

⁷ Ichitha judiomonaes Pilato jume notatsi, jeye:

—Paxan pata taitorobi coyenewa paxeinan. Bapon pia coutha Nacom Pexanto tatsi natsicotane daxota bapon bewa tupaena tsipei pata taitorobi coyenewa baxua peyabara paebixae, jei judiomonaes.

⁸ Poxonae Pilato baxua jume tane, Pilato nama bichocono equeicha junuwa.

⁹ Equeicha Pilato Jesús caibe maxu coniyatsi bo beya. Baxota Pilato Jesús yainyabatsi. Jesús jeichichi:

—¿Eta werenapim xam? jei Pilato.

Ichitha Jesús jopa jume notsiyo.

¹⁰ Nexata Pilato Jesús baraichi, jeichichi:

—¿Eta pocotsiwa jopa nejume notsim? ¿Apara xam jopa neyaputaem xua xeinan taitorobi coyenewa xua tana neitacupaewa xua jiwi taitorobiwa xua tparucua necaexanadutsiwa naetotha? Matautano xeinan taitorobi coyenewa po coyene xua jiwi taitorobiwa xua saya necapu sotabiwa, jei Pilato.

¹¹ Jesús jume nota, jeye:

—Icha Nacom jopa cacatsipae barapo peitorobi coyenewa metha ichamonaes jopa itorobimchipae xua ichamonaes abe tana necana exanaewa. Daxota pon necanaeta xamtha bapon jame bichocono abe exana beyacaincha xam xua abe necana exaname, jei Jesús.

¹² Poxonae baxua Pilato jume taeba, bequein bichocono nanta xeina xua Jesús bara saya pepu sotabiwa tsainchi, ichitha junuwa poxoru judiomonaes jume daunweya wawai. Barapomonaes jeye:

—¡Icha xam bara saya, pu sotabame, apara romanomonaes itorobiya pia pepa peewatsinchi bapon jopa pia jiton tsipaem! ¡Pon pia coutha naexana xua be natsicotane pon jiwi itorobiya pia pepa peewatsinchi, bapon apara romanomonaes itorobiya pia pepa peewatsinchi bapon pia peaitafaetabinchi jitontsi! jei judiomonaes.

¹³ Poxonae Pilato baxua jume taeba, bapoxonae ecoundeca ichaxota pia coutha cayabara cananta xeinecaeya cueicueije tsequeibi jiwi. Bapon baxota eca yawa najume caitorobeca xua bara berena Jesús pearendenaenexatsi ichaxota Pilato eca, po pia peecaethopae tutu ibo pana tatsi hebreo jumetha, “Gabata”, jei. Baraxua jei: “Pefaratsiwa ibowa pana”, jei.

¹⁴ Bapoxonaeru barapo matabi tsuxubiru, po matabi copiya tsiwanaya ducua Pascua wun matabi. Barapo matabi itorobiya paxaewa xaxaintajeba xua Pascua wun matabi nexa xua baya tsane. Poxonae mateinyaxae tsuxubi, bapoxonae Pilato barai judiomonaes, jeye:

—¡Incane pataema pon itorobiya pepa painya Nepacacaewatsin! jei.

¹⁵ Ichitha barapo judiomonaes jume daunweya wawaya jeye:

—¡Maisa bara tupaena! ¡Bara naetotha tparucua exande! jei.

Pilato jume barai, jeye:

—¿Bara itorobin jampa xua pebexubiwatsi pon itorobiya pepa painya Nepacacaewatsin? jei Pilato.

Ichitha sacerdotemonaē pia pentacaponaeŵi tatsi Pilato jume notatsi, jeye:

—Apara ichan jopa paxeinaeinyo pon jiwī itorobiya pia pepa Peewatsinchi. Jame saya meisa painta bara compa pon itorobiya pepa pata Neewatsin, bapon jame apara pon romanomonaē itorobiya pia pepa Peewatsinchi, jei judiomonaē.

¹⁶ Barapo jumetha Pilato Jesús canacobena catatsi barapo judiomonaetha. Baxua Pilato exana xua Jesús bara tupa peexanaenexatsi naetotha. Bapoxonae barapo judiomonaē Jesús pitatsi.

Meje yabara poxonae Jesús tupaŵi exanatsi naetotha

(Mt 27.32-44; Mr 15.21-32; Lc 23.26-43)

¹⁷ Jesús bara pona, yawa pia naeto utucuraŵi, xua barapo naetotha pecobe matatabarutsinexatsi ichaxota po demxuwatha be jiton matasipa piwa. Barapo demxuwa caunuteiba xua jei tsaibi: “La Calavera”, jei. (Seicaya hebreo jumetha jei tsaibi: “Golgota”, jei.)

¹⁸ Barapo demxu matasoitotha Jesús cobe matatabarutatsi naetotha. Iru ainya pebinbe cobe matatabarutatsibe. Jesús tutiyotha yanaeto uncua, ichan Jesús pecoxa weya tayanaeto uncuatsi iru ichan Jesús petsocona weya tayanaeto uncuatsi.

¹⁹ Pilato itoroba xua Jesús pentutu wetsica petarutsinexatsi napaeuyo. Barapo napaeuyotha jeye xua tinaduta: “Jesús, Nazaret tomarapin, pon judiomonaē itorobiya pia pepa Peewatsinchi”, jei barapo petinaē napaeuyotha.

²⁰ Pinmonae judiomonaē yoroba barapo petinadutsiwa tsipei ichaxota Jesús cobe matatabarutatsi imoxoyo itama tayeca tomara, po tomara pewan Jerusalén. Barapo petinaē napaeuyotha, hebreo jumetha tina, griego jumetha tinano, iru latin jumetha tinano.

²¹ Daxota sacerdotemonaē pia pentacaponaeŵi tatsi, pomonaē judiomonaexae, Pilato baraichi, jeye:

—Jopa jande ‘Pon judiomonaē itorobiya pia pepa Peewatsinchi tatsi’, jopa jande. Jame maisa jande: ‘Ponje najei: Xan pon judiomonaē itorobiya pia pepa Taewatsin, najei’, jande, jei sacerdotemonaē pia pentacaponaeŵi tatsi.

²² Ichitha Pilato jume nota, jeye:

—Xuaunxuae tinadutan bara ducuaena, jei Pilato.

²³ Soldadomonaē poxonae Jesús canacobena wetatsi xua cobe matabobatsi, bapoxonae nota Jesús pia paparuwān tatsi. Tsipei cuatro po soldadopinbe daxota nata tsaba xua cuatro poyobe nexa xua soldadomonaē. Matauta dorouto Jesús juma wejontatsi, po dorouto ompareca, xua jopa epa xuxucaeyo.

²⁴ Barapo cuatro poyobe xua soldadomonaē caemonaē natsipaeba, najei:

—Jopa tsana nata epa tsitsicaē tsainchi. Jame metha xanepana xua ibotixi bebeya tsainchi. Bapoxonae yaputaeinchi xua pon ibotiyo beta xoya, moya copiya pichina, jei.

Baxua barapomonaē exana peyabara cui wānaē tsiwanaya jeixae pon Nacom peitorobi jume pepaebin. Bapon jeye Cristo yabara, Nacom Pejume Diwesitha: “Tapaparuwān nata tsabina yawa ibotixi bebeya tsane penacueranta notsinexa tsane tapaparuwān”, jei pon Nacom peitorobi jume pepaebin. Bara baxua exana barapo soldadomonaē.

²⁵ Jesús pena tatsi imoxoyo uncua ichaxota Jesús ducua. Barichi Jesús pena tatsi iru pamcho tatsi baxota umena. Barichi icha María, powa Cleofas piowa tatsi baxota uncua. Barichi icha María, powa María Magdalena, powa Magdala tomarapiwayo, baxota uncua.

²⁶ Poxonae Jesús taenota pena yawa poxonae taenota pon bichocono Jesús antobe, pon pijimonaē jiwānapin bapoxonae Jesús barai pena, jeye:

—Ena, taema bapon nexanto cata uncuareque, jei Jesús.

²⁷ Bapoxonae Jesús barai bapon, jeye:

—Incane taema barapowa, powayo enaxae, jei Jesús.

Bapoxonae barapowa barapon pena tsicotaeŵi waba pia botha.

Meje yabara poxonae Jesús tupa

(Mt 27.45-56; Mr 15.33-41; Lc 23.44-49)

²⁸ Bapoxonae pirapaeyo Jesús yaputane xua bayatha yabara jume cui wetatsi xua bayatha Nacom Pejume Diwesitha paeba. Matautano xua Jesús penajume cui yabara wetsinexatsi xua bayatha Nacom Pejume Diwesitha yabara tsiwānaē paebatsi, bapoxonae Jesús jeye:

—Meratsipan, jei.

²⁹ Baxota juruwato eca xua yawa eca vino mera, po mera atsu. Nexata barapo soldadomonaē esponjatha mene yutsiya capita. Bapoxonae Jesús naewatha tadutatsi yawa tayoichatsi pecoiboto deca.

³⁰ Jesús tsutsubiya apa barapo vino mera. Bapoxonae jeye:

—Bara daxita neyabara jume cui weta, jei Jesús.
Bapoxonae Jesús nawisi jetataba. Түпанаича.

*Meje yabara poxonae soldadomonaepin Jesús epa catsitsinaxubiya cawñichatsi de-
jonatha*

³¹ Cataunxuae barapo matabi po matabitha poxonae judiomonaewñnaeya nacui wñnaeta pia pentaquei seicae matabi tatsi nexa. Barapomonaewñnae jopa ichipaeyo xua came naetotha dubenaena po pebiwi naetotha werapa poxonae jopaena barapo pentaquei seicae matabi, po matabi peainya cui matabixae. Barapo pentaquei seicae matabi, po matabi tamropata pitaba xua Pascua wñn matabin. Judiomonaewñnae jopa ichipaeyo xua pejonsiwa pepon naetotha barapo pentaquei seicae matabitha. Daxota barapo judiomonaewñnae Pilato jume itorobatsi, jeye: “Soldadomonaewñnae itorobare xua petopa janacaenexa tsainchi pomonaewñnae naetotha dubena xua nainya barapo pebiwi түпа peexanaenexatsi. Matawta itorobare xua barapo pebiwi naeton wetsica penotsinexatsi icha xaniwaicha daxita barapo pebiwi bayatha werapa”, jei barapo judiomonaewñnae.

³² Nexata soldadomonaewñnae bara beya pona. Yawa barapo soldadomonaewñnae copiya topa janaxuba ichñn pon Jesús icha muxunene wetarucuiyatsi. Bapoxonae equeicha ichñn topa janaxotsi pon Jesús icha muxunene wetarucuiyatsi.

³³ Poxonae soldadomonaewñnae imoxoyo umenarñcypa ichaxota Jesús ducua, bapoxonae Jesús tainchi xua bayatha Jesús түпа. Daxota barapo soldadomonaewñnae Jesús jopa topa janaxuichi.

³⁴ Ichitha caein barapo soldadomonaewñnae jiwana, bapon Jesús epa cawñicha catsitsinaxubiyatsi dejonatha. Bapoxonae caena nainya jana othoparena yawano mera othoparenano.

³⁵ Xan, Juan, baxuan daxita tan pocotsiwa soldadomonaewñnae Jesús cana exanatsi. Daxota pocotsiwa xua baxua paeban bara xainyan, xua daxota painya tana nejume cowñtsinexam.

³⁶ Barapomonaewñnae baxua exana tsipei bayatha Nacom Pejume Diwesitha Cristo yabara tsiwanaya jeichichi: “Jopa piwa janaxubi tsainchi bapon xua matawta cae piwano”, jei Nacom Pejume Diwesitha.

³⁷ Matawta icha jume diwesitha xua Nacom Pejume Diwesi, jeye: “Necoichaeinchi pon xua cawñichatsi”, jei Nacom Pejume Diwesitha.

*Meje yabara poxonae Jesús petypaein ibo mñthñtha yauxatatabotatsi
(Mt 27.57-61; Mr 15.42-47; Lc 23.50-56)*

³⁸ Bapoxonaewñnae pebin, pon pewñn José, pon Arimatea tomarapin, bapon Jesús iru jume cowñtatsi. Ichitha José baxua jopa nayopichiyo ichamonaetha xua Jesús pejume cowñtsiwatsi, tsipei judiomonaewñnae jume cunuwatsi. Bapon José copiya Pilato muxu tsipaebiya jeichichi, jeye:

—Nejume barñ jejeande tha jontichi Jesús petypaein naeto wetsica, jei José.

—Bara moya taema, jei Pilato.

Daxota José bara beya pona. Bapoxonae José jonta naetotha Jesús petypaein.

³⁹ Irñññ ichñn napona Jesús pia mñthñtha. Bapon pewñn Nicodemo, pon matha Jesús siwa poinchi merawi. Daxota bapon Nicodemo patopa xua José peyawenaenexatsi. Bapon Nicodemo capatopa treinta po kilobe xua pocotsiwa pebeno, po beno xua tuxuei. Barapo beno xua muxunaxuba po petuxuei nain pewñn mirra, xuano xua icha petuxuei nainwano po petuxuei nainwa pewñn áloe.

⁴⁰ Bapoxonae José irñññ Nicodemo pitabe Jesús petypaein. Yawa paparuwatha petuxuei beno muxuna capanaboicna mata quiyontabicabe. Baxua exanabe, tsipei judiomonaewñnae pia cui coyene xeina xua poxonae pon petypaein canacui wñnaewñnae wetatsi poxonae namñthññqueiba.

⁴¹ Imoxoyo ichaxota Jesús po demxuawatha түпа, baxota peñbi naein umena. Barapo peñbi naein niyotha ibo itapatororotha mñthññ boca pena mñthññ, po mñthññ cataunxuae jopa mñthññ xubichi petypaein ichñn.

⁴² Barapo pena mñthññ Jesús boyatsi, tsipei barapo pena mñthññ imoxoyo boca ichaxota Jesús түпа. Matawta tsipei quirei tsanaicha xua poxonae patopa pentaquei seicae matabi, po mataqueitha judiomonaewñnae jopa nacuichiyo.

20

*Meje yabara poxonae Jesús equeicha asññ juina exanatsi petypae cuiru coyene weya
(Mt 28.1-10; Mr 16.1-8; Lc 24.1-12)*

¹ Bapoxonaewñnae domingo matabi jopa, po matabi xua copiya ducua cae semanatha. Bapoxonae caemñnbotha poxonae cataunxuae quiriquirica, bapoxonae María

Magdalena, powa Magdala tomarapiwayo, muthutha patopa ichaxota Jesús boca. Barapowa tane xua muthu yapusauncua xua bequein ichamonae yapu xatatabanota pin ibo panawatha.

² Bapoxonae barapowa nainya pata taxainya becuinaerena ichaxota Simón Pedro uncua iru xan, Juan, baxota uncuan ponxaein Jesús bichocono neantobe. Yawa pana nejei:

—Cou Jesús petupaein pitatsi, pon Wanacanamateaxeinaein. Jopa payaputaeyino ichaxota equeicha botatsi, pana nejei.

³ Bapoxonae Simón Pedro, iru xan Juan, muthu bepaiyanbe.

⁴ Bara beya pana nacuara cuinayanbe. Ichitha xan, Juan, bichocono bichoinan beyacaincha Pedro. Daxota muthutha patopan copiya.

⁵ Yawa muthu beya nabuxu tsutiya necobian. Paparuwa tan xua iratha boca, po paparuwatha Jesús petupaein mata quiyontabatsi, ichitha jopa joniyaeyino.

⁶ Bapoxonae Simón Pedro tacoya werena cotacaya patopa. Bapoxonae muthu joniya. Barichi barapon barapo paparuwa tane xua iratha boca.

⁷ Matautano taneno po paparuwatha Jesús matasipa quiyontababotatsi. Barapo paparuwa nanta quiyontabiya tsanaya boca.

⁸ Bapoxonae xan, ponxaein copiya patopan, iru joniyan muthu iya. Poxonae daxita baxuan tan, bapoxonae nainya jume cowantan xua Jesús bayatha asu.

⁹ Bayatha jopa payaputaeyino Nacom Pejume Diwesi, po diwesiha xua xota bapon yabara paebatsi po coyene xua bapon bewa asu tsane petupae coyene cuiru weya.

¹⁰ Nexata xan, Juan, iru Simón Pedro caibe panawiyambe bo beya.

Meje yabara poxonae Jesús María tsita naitatatsi, powayo Magdala tomarapiwayo (Mr 16.9-11)

¹¹ María Magdalena, Magdala tomarapiwayo, powa pana tsiwun caya, bapowa equeicha caiberena muthutha patopa. Barapowa muthu coiboto juma weya wecoyei tsuncuae. Poxonae wecoyei tsuncuae nantanuweya nabuxu japasota necobiya muthu iya.

¹² Bapoxonae bapowa tane ponbe matatsunpinbe xua ecabe ichaxota bayatha Jesús botatsi petupaein. Barapo matatsunpinbe po paparuwa apiya nama xatatabe pemainya paparuwa. Icha matatsunpin eca Jesús pentasipa coyo deca tatsi. Icha matatsunpin eca Jesús pia pesito coyo deca tatsi.

¹³ Barapo matatsunpinbe María yainyabatsi, jeichichi:

—María, zeta xua metha wecoyam tsauya? jei.

María jume nota, jeye:

—Yaitama cou Tanecanamataxeinaein petupaein pitatsi. Jopa taeinyo xua equeicha xota botatsi petupaein, jei María.

¹⁴ Poxonae bapowa najume wetsiya paebaxoya, xuano xua poxonae napatomeicha necotaxoya, bapoxonae pebin taenotatsi ichitha bapowa jopa yaputaeyo xua apara bapon Jesús. Ichitha bapowa Jesús jopa yaitaetsi.

¹⁵ Nexata Jesús María yainyabatsi, jeichichi:

—Ja, zeta pocotsiwa came wecoyam tsauyam? Jintam wenawenam? jei.

Barapowa nanta xeina xua mexeya itara pon peabi naein yapu eenawei. Daxota bapowa, jeye:

—Icha xam bayatha pitame petupaein pon Tanecanamataxeinaein, incane netsipaebare xua equeicha exota botame. Tha bapoxonae petupaein equeicha pitichi, jei María.

¹⁶ Nexata Jesús barai, jeye:

—María, jei.

María equeicha napatomeichaxuba. Yawa hebreo jumetha jeye:

—¡Rabuni! jei (po jumetha xua jei: “Pon jiwi Necuidubin”, jei).

¹⁷ Jesús jume nota, jeye:

—Jopa nejayatabinde tsipei cataunxuae jopa ponaeyino ichaxota Taxa equiya. Jamaisa ponde, paebareno tajimonaetha xua xan paeban xua jan: ‘Taxa beicha ponaein, po Taxa painya Axa iru’, jan. ‘Barapon Nacom, Tanacom iru paxam painya Nacom’, jan xua, jei Jesús.

¹⁸ Barapoxonae María Magdalena, powa Magdala tomarapiwayo, tsiwun caya Jesús pijimonae tatsi beya. Bapowa tsipaeba xua bayatha tane pon Pecanamataxeinaein jiwi. Yawano tsipaebano daxita pocotsiwa Jesús paeba bapowatha.

Meje yabara poxonae Jesús pijimonae tsita naitata (Mt 28.16-20; Mr 16.14-18; Lc 24.36-49)

¹⁹ Barapo mataqueitha poxonae cataunxuae awiya domingo, bapoxonae merawi Jesús pijimonae tatsi nacaetuta. Tsipei judiomonaе cui cunuwatsi daxota bo bichocono boupa

daunwei exana. Nexata Jesús barapo tututha patopa. Yawa pijimonae peitabarayo deca taunca. Pijimonae jacobiya jeye:

—Maisa juntema pajinompare, jei Jesús.

²⁰ Poxonae Jesús baxua najume weta bapoxonae tsita nacobe wan itata pijimonae yawa naepa wan itata. Poxonae Jesús pijimonae taeracupatsi bichocono junta coyene weiweina petaexaetsi Jesús pon barapomonae Pecanamataxeinaetsi.

²¹ Pirapaeyo equeicha Jesús pijimonae barai, jeye:

—Maisa juntema pajinompare. Icha Taxa neichi xua neitoroba bara paca ichichi paca itorobatsi, jei Jesús.

²² Nexata bapoxonae Jesús pijimonae matatsun ofutaba, jeye:

—Nacom pia Pejumope tanaxu tatsi bara paca yantsina, jei.

²³ Pomonae xua pacui cayabara juntemainame abe pia peexanae cuiru coyenein tatsi, bara barapomonae Nacom iru cayabara cui juntemainaena abe pia peexanae cuiru coyenein tatsi. Pomonae jopa pacayabara cui juntemainam abe pia peexanae cuiru coyenein tatsi, bara barapomonae Nacom iru jopa cayabara cui juntemainaeayo abe pia peexanae cuiru coyenein tatsi, jei Jesús.

Meje yabara poxonae Tomás tane xua Jesús equeicha asu

²⁴ Tomás, bapon Jesús pijimonae tatsi jiwana. Bapon icha wan Gemelo, po wan xua jei: “Nama naexanabe pexuyobe”, jei. Barapon Tomás jopa naecaeyo poxonae Jesús pijimonae tsita naituta.

²⁵ Pirapae poxonae Jesús napitaba ichamonae pomonae Jesús pijimonae tatsi Tomás tsipaebatsi, jeichichi:

—Paxan Jesús, pon Wanacanamataxeinaein, patan, jeichichi Tomás.

Ichitha Tomás jume nota, jeye:

—Jopa jume cowantsinyo baxua. Jopa bejume cowantsinyo icha jopa cobe wan taeinyo xua penain wan, xuano xua icha jopa jayabinyo tacobetha. Matautano jopa bejume cowantsinyo icha jopa yene wan jayabinyo, jei Tomás.

²⁶ Poxonae ocho po matabibibe yapucaewa xua icha domingotha, bapoxonae equeicha bomxutha nacaetuta Jesús pijimonae tatsi. Bapoxonaeru Tomás jame naeca. Bequein bomxu boupa bichocono daunwei exana ichitha Jesús jonarena. Pijimonae peitabarayo deca taunca. Yawa jacobiya jeye:

—Maisa juntema pajinompare, jei Jesús.

²⁷ Bapoxonae Jesús jeye Tomás beya:

—Moya necobe wan jayabare xua penain wan. Moya taema xua nantiyabe tacobe wanbe. Yawano neyene wan jayabare. Jopa ainya muxu xeinaeinde. Moya maisa nejume cowunde, jei Jesús.

²⁸ Nexata Tomás jume nota, jeye:

—Jaina, deta Tanecanamataxeinaem! ¡Yawa Nacom, Tanacom! jei Tomás.

²⁹ Jesús jume nota, jeye:

—Tomás anoxuae nejume cowuntame tanetaemxaem. Ichitha pomonae bequein jopa netaeyo xua daichitha nejume cowanta, barapomonae bichocono junta coyene weiweina, jei Jesús.

Meje yabara xua eta pocotsiwa metha yabara tina barapo diboro

³⁰ Jesús ainya coyenein matowa pijimonae peitutha exaneiba pexeinya petsita itatsi coyenewan. Daxita barapo coyenein awiya yabara seica xua jopa yabara tinaeinyo barapo diborothe.

³¹ Daxita xua xuan pocotsiwa yabara tinan po diborothe apara xua baxuan painya yabara jume cowantsinexam tsane xua Jesús apara bara Mesías. Matautano yabara tinan xua painya yabara jume cowantsinexa xua Jesús apara Nacom Pexanto tatsi. Matautano yabara tinan xua painya nexeiaenexa tsane peajuntuyaruswa, po peajuntuyaruswa xua ataya tsiteca xua poxonae pajume cowantsiname Jesús.

21

Meje yabara poxonae Jesús tsita naituta siete poyobe pomonae pijimonaexae tatsi jiwana

¹ Bapoxonae pirapae equeicha Jesús pijimonae tsita naituta Tiberias pucua itapatha. Poxonae pijimonae tsita naituta poxonae apara iche:

² Jesús pijimonae tatsi nacaetuta. Barapo matabuxnyobe meje: Simón Pedro, iru Tomás pon icha wan Gemelo, iru Natanael Caná tomarapin, po tomara eca Galilea nacuaatha, iru xan, Juan, iru taeweicho xua Zebedeo pexantobe tatsi panbe, iru ichunberu. Daxita barapo matabuxnyobe pan panacaetutan Tiberias pucua itapatha.

³ Simón Pedro pana jei:

—Tha duwei yamonaetsi, jei.

Paxan pajanje:

—Paxan iru paca puna ponaeinchi, pajan.

Bapoxonae jeratha daxita panonobabiyán. Ichitha barapo merawitha jopa duwei pataeinyo, bequein payamonan.

⁴ Poxonae baya pentha tsina, Jesús pana tsita naitata pitapathiya, tuwutha payana dubendenan. Ichitha paxan jopa payaitaeinyo xua bapon apara Jesús.

⁵ Nexata Jesús pana nebarai:

—Incane, ¿jopa pataem duwei? jei Jesús.

—Jume, duwei aibi, pajan.

⁶ Nexata Jesús pana barai, jeye:

—Jera coxa beya bara bepaxoyama peyacamonaewa. Bapoxonae pacapirenaename duwei, jei Jesús.

Baxua paexanan. Pirapae jopa pana itacupaeyo xua patajutaxorenaewa peyacamonaeewa, poxoru pin duwei tunto pacapirenan.

⁷ Nexata xan, Juan, ponxaein bichocono Jesús neantobe, Simón Pedro baran, janje:

—Apara bapon Jesús, pon Wanacanamataxeinaein, jan.

Poxonae Simón Pedro nejume taeba, bapoxonae paparuwa xua nama xuenabota nainya yacuinaya nama xatataba. Bapoxonae mene weitata jopiya.

⁸ Ichitha paxan pomonae jopa paraichinyo jeratha pajebounan. Barapo jera be conotha taju tuwutha berucuarena saya cien metrobe xeina. Bewayo pajeboundenan tsipei peyacamonaewa mentha yawa ducupona pin duwei tunto.

⁹ Poxonae jera wepanonobabiyán, bapoxonae isoto patan xua barapo isototha duwein yutaboya yawano xua pan boquiya.

¹⁰ Jesús pana barai, jeye:

—Painta xawena duwei xuaunxuae pacaebouname, pana jei.

¹¹ Simón Pedro jeratha nontabiya. Yawa taetabo itapa bejutabotsina peyamonaewa xua bichocono wanca duwei. Ciento cincuenta y tres po duwei matabuxumonaebe. Bequein duwei bichocono wanca daichitha jopa ucupanayiyó peyacamonaewa.

¹² Nexata Jesús pana barai, jeye:

—Antha matha paxaema, pana jei.

Paxan jiwana dapon aibi pon peyainyabinexa, pon pejeinexa: “¿Jintam xamda?” pon jei, tsipei daxita paxan payaitan xua bapon apara pon Patatanecanamataxeinaein.

¹³ Bapoxonae Jesús isoto bepoinya pepichinexa pan. Bapoxonae pana necatsiba yawa duwei pana necatsiba.

¹⁴ Baxua exana poxonae nama acoibi po cuiyobe xua Jesús pana netsita naitata xua poxonae equeicha asu popona petupae cuiru coyene weya.

Meje yabara poxonae Jesús baru cueicueijeí Simón Pedro

¹⁵ Poxonae pana nain wetan xua Jesús pana apata, bapoxonae Simón Pedro, Jesús yainyaba, jeye:

—Simón, pon Juan pexantom, ¿bichocono neantobem, beyacaincha xua po pebiwe neantobe? jei.

—Aa, Tanecanamataxeinaem, bara caena bayatha neyaputaneme xua tacaantobewatsi bichocono, jei Pedro.

Jesús barai, jei:

—Icha neantobem, inta tamonae tana nejume cowantsiwi yawende, icha pon ovejaxi peenaen eini xua yawena ovejaxi, jei Jesús.

¹⁶ Equeicha Jesús barai Pedrotha, jeye:

—Simón, pon Juan pexantom, ¿bichocono neantobem? jei.

—Aa, Tanecanamataxeinaem, bara caena bayatha neyaputaneme xua bichocono tacaantobewatsi, jei Pedro.

Jesús jume nota, jeye:

—Icha neantobem, inta tamonae tana nejume cowantsiwi yawende, icha pon ovejamona pe-enaen eini xua yawena ovejamona, jei Jesús.

¹⁷ Equeicha acoibi po jume cuiyobe Jesús barai Pedrotha, jeye:

—Simón, pon Juan pexantom, ¿bichocono neantobem? jei.

Pedro juntu coyene wecoyey yaitama Jesús yainyaba acoibi po jume cuiyobetha. Pedro jeye Jesththa:

—Tanecanamataxeinaem, bayatha caena daxita yaputaibame. Matautano yaputane-
meno xua tacaantobewatsi, jei Pedro.

Jesús jume nota, jeye:

—Icha neantobem, inta tamonaе pomonaе tana nejume cowantsiwi yawende, icha pon ovejamonae pe-eenaеin ichi xua yawena ovejamonae.

¹⁸Xaniyan catsipaebatsi poxonaе matha cataunxuaе pewowim jinya paparuwa bara jin-coutha namaxatabeibame. Matautano matha bara poneibame xua ichaxota ba ichichipa neponaewa. Ichitha poxonaе perum tsane, ichamonae camaxu cаbiya yotsina. Ichun paparuwa cama xatatsina. Ichamonae camaxu caponaena ichaxota jopa ichipaem xua neponaewa, jei Jesús.

¹⁹Poxonaе Jesús baxua paeba Pedro wanaе tsiwanaya cui yaputane exainchi xua jiwi eta bichi tsane poxonaе Pedro bexubinchi. Matautano Jesús tsiwanaya cui yaputane exana xua jiwi Nacom wanaе jainchinchí xua poxonaе jiwi taena xua po coyene cuirutha xua poxonaе Pedro tupaena peexanaexae pocotsiwa Nacom itoroba. Bapoxonaе Jesús jeye Pedrotha:

—¡Bara ataya yacuiya poponare xua tamonaе jitom! jei Jesús.

Meje yabara poxonaе Jesús neyabara paeba ponxaein xua Jesús bichono neantobe

²⁰Poxonaе Pedro napatomeicha necota, bapoxonaе netaenota xua punauncuan ponxaein Jesús bichocono neantobe. Xan apara bapon pon bayatha matha imoxoyo Jesús caquita xunaecan, poxonaе matha jan: “Tanecanamataxeinaem, ¿jintam pon cacaenaeta-paeba?” ponxaein matha jan.

²¹Poxonaе Pedro netane, bapoxonaе jeye Jesustha:

—Tanecanamataxeinaem, ¿incane ponje tsaneru? jei Pedro.

²²Jesús Pedro jume notatsi, jeye:

—Icha xan tacoutha ichichipan xua bapon Juan bara ataya asu poponaena beya poxonaе xua equeicha caewa patopeicaein po cae pin nacuathe, baxua jopa apara cata ainya cuiyo. Jamaisa xam bara ataya yacuiya poponde po coyene xua tamonaе jitom, jei Jesús.

²³Daxota Jesús pijimonaе tatsi, barapomonaе neyabara tsiwun capana pijimonaetha xua xan jopa tatupaewa tsane. Ichitha Jesús jopa paebiyo xua jopa tatupaewa tsane. Saya apara jei: “Icha xan tacoutha ichichipan xua bapon bara ataya asu poponaena beya poxonaе xua equeicha caewa patopeicaein po cae pin nacuathe, baxua jopa apara cata ainya cuiyo”, jei Jesús.

²⁴Xan, Juan, ponxaein xua Jesús yabara paeban. Daxita pocotsiwa xua xuan paeban, apara pexainyeiwan. Matauta barapo diborothe xan apara tinan, pon Juan tsocuaein. Bara paichim daxita xua xuan tinan payaputanemeru xua baxuan apara bara pexainyeiwan.

²⁵Awia cui yapu seica xua tayabara tinaewa pocotsiwa Jesús daxita exana. Icha daxita diwesin tsana yabara titiniyaetsipan pocotsiwa Jesús exana, metha barapo diboron jopa po cae pin nacue tsijuntutu canaupetsipaetsi.

Baja Juan.

Po Coyenein Jesucristo Pia Peitorobiwi Tatsi Pexeinya Coyenein Exana

Meje yabara xua Lucas yabara tina xua Nacom yabara tsiwuna mu xu duta xua itorobina jiwitha pia Pejumope tñaxu tatsi.

¹ Xam, Teófilom, tajiton cata tinatsi. Bayatha copiya matha cain cata tinatsi icha diwesi. Barapo diwesi xua yabara catsipaebatsi daxita po coyenewan xua Jesús exana. Cata tinatsi bayatha daxita xua po mataqueitha Jesús tamropata pitaba po coyene xua peexanaewa, mataatano xua pecuidubiwano, xua beya yacui weraweracanaya po mataqueitha poxonae athabe juinya.

² Poxonae pewunaeya tsane xua Jesús athabe icha, matha pia peitorobiwi itapeta. Jesús cuiduba barapomonae xua Nacom pia Pejumope tñaxu tatsi pia peayapusawatha tatsi. Jesús cata barapomonae po coyenewan xua Jesús petaxanaenexa tsainchi.

³ Poxonae Jesús equeicha asu, poxonae bequein tupa, bapoxonae Jesús tsita naituta barapomonaetha. Cuarenta po matacabibetha Jesús tsita naituba ducuaaebiya barapomonae. Petsita naituba ducuaaebiyaexae pijimonae, barapoxonae pijimonae yaputainchi xua xaniwaicha bara petupaein equeicha asu. Jesús barapo pia peitorobiwi yabara cuiduba po coyene Nacom waba jiwu petanaexanaenexatsi pijimonae pomonae itorobiya peewatsixae.

⁴ Poxonae cataunxuae awiya Jesús pia peitorobiwi baru nacaetuta ducuaaebiya, Jesús barai, jeye:

—Abu jopa paponaeinde Jerusalén tomara weya. Paeware xua Nacom Taxa bayatha yabara paca tsiwuna mu xu duta. Taxa namchi: ‘Tajumope tñaxu itorobicaein’, jei. Baraxua bayatha paca tsipaebatsi.

⁵ Barapon Juan bautisaba u meratha. Ichitha tsiwiyo bayiyo bexa tsane Nacom pia Pejumope tñaxu tatsi paca bautisabina. Pacata patsina Nacom pia Pejumope tñaxu tatsi painya paca baru poponaenexa tsane, jei Jesús pijimonaetha.

Meje yabara poxonae Jesús athabe icha

⁶ Poxonae Jesús pia peitorobiwi baru nacaetutatsi Jesús yainyabatsi pia peitorobiwi, jeichichi:

—Jesús, pata Necanamataxeinaem, ¿methaunxuae anoxuae exanaename xua Israel nacuapiwi equeicha xeinaena itorobiya pia pepa peewatsinchi? jeichichi Jesús pijimonae.

⁷ Jesús jume nota pijimonae, jeye:

—Paxam jopa paca itacupaeyo xua painya neyaputaewa po dapae poxonae Nacom peexanaewa tsane baxua, mataatano xua po mataqueitha poxonae peexanaewa tsane. Saya meisa Taxa xeina peayapusu itorobi coyenewa, po peayapusu itorobi coyenewatha xua peexanaewa baxua.

⁸ Poxonae Nacom pia Pejumope tñaxu tatsi pacata patsina painya nepaca baru poponaenexa xua bapoxonae peayapusawa painya nexenaenexa. Tajume diwesi painta papaebiname Jerusalén tomaratha, Judea nacuathano, Samaria nacuathano, daxita carepaya taju nacuantha, jei Jesús.

⁹ Poxonae Jesús baxua najume weta, Jesús athabe caichatsi Nacom. Jesús pia peitorobiwi taumeinyatsi. Barapomonae tsaquinaebowa tane xua Jesús matawacaicha duneicatsi. Equeicha Jesús jopa taetsi.

¹⁰ Poxonae awiya came barapomonae necotumeinya itaboco, barapomonae jemeicha caquita umenarucupatsi pon xua nacueyatabe, ponbe xua pemainya paparuwa penama xatatsinbe.

¹¹ Baraponbe Jesús pijimonae tatsi baraichi, jeye:

—Ja, pomonae Galilea nacuapiwi pam, ¿eta xua metha came awiya paitaboco necotumeinyame? Bapon Jesús, pon xuaunxuae athabe icha painya xamtha, bexa tsane equeicha patopaetsica, barapocotsi juta coyeneya ichi tsane ichaunxuae aunxuae icha ichi, poxonae athabe icha.

Meje yabara poxonae Jesús pia peitorobiwi jiwu tatsi Matías itapetatsi Judas pecoutha petanacuichiwa tsainchi

¹² Barapoxonae Jesús pia peitorobiwi jiwu tatsi demxuwa weiyiya po demxuwa pewun Olivo demxuwa xua Jerusalén tomara be-iyiya. Poxoru Jerusalén tomara imoxoyo daxota barapomonae itacupatsi xua peponaewa Jerusalén tomara beya demxuwa weya bequein

bara judiomonae pia pentaquei seicae matacabi tatsi saya poxoru Moisés pia peitorobi coyenewatha baxua peyabara copatsixae.

¹³ Poxonae Jesús pia peitorobiwi tatsi pareca Jerusalén tomaratha, athabe jujuinya po tututha athawetsica jinompa. Baraxota jinompa Jesús pia peitorobiwi tatsi pewan Pedro, iru Juan, iru Santiago, iru Andrés, iru Felipe, iru Tomás, iru Bartolomé, iru Mateo. Iru popona ichun Santiago pon Alfeo pexanto tatsi. Iru popona ichun pon pewan Simón. Barapon Simón celotemonae jiwana pin. Barapo celotemonae pomonae ba ichichipa xua pexeinaewa barompaya pia pecanamataxeinaeinchi. Iru popona ichun pon pewan Judas pon Santiago pexanto tatsi.

¹⁴ Daxita barapomonae iru Jesús peyapin jiwi tatsi baru nacaetuteibatsi, xua pebaru tsipaebeibinexatsi Nacomtha. Iru Jesús pena tatsi, bapowa María, iru ichowaxi yabaxi baru nacaetuteibatsi xua pebaru tsipaebeibinexatsi Nacomtha.

¹⁵ Nexata caentacabi Pedro nontapona ichaxota ena pomonae xua Jesús pejume cowantsiwi. Barapo bicheito be ciento veinte poyobe. Barapomonae Pedro barai, jeye:

¹⁶ "Tamonae pam, pomonae iru painya nejume cowantsiwxiae Jesús. Bewa nayabara jume cui wetsina po coyene bayatha Nacom namchi xua pejume diwesitha yabara tsiwanaya paeba. Bayatha caena David cueicueijei exanatsi Nacom pia Pejumope tñaxu tatsi xua Judas cui coyene caunutatsi xua pinae Jesús waetabinchi pomonae Judas matacaponae.

¹⁷ Bara Judas yatsicaya pata jiton petain pana nabaru nacuitan barapo penacuichiwa.

¹⁸ Poxonae Judas Jesús caenaetatsi, sacerdotemonae pia pentacaponae tatsi Judas catatsi paratixi. Pirapae sacerdotemonae pia pentacaponae tatsi bapo paratixitha Judas petupaein tsicomotatsi ira. Judas iratha jopeica poxonae tupa yawa coto tsitecatsi, un pichatecatsino abe peexanaexae.

¹⁹ Nexata pomonae Jerusalén tomaratha pejinompaewi, barapomonae jume tane pocotsiwa Judas exana. Daxota barapomonae barapo ira wan duta po wan jei: 'Acéldama ira', jei. Barapo jume, barapomonae pijumetha xua jei: 'Pejana ira', jei"; jei Pedro.

²⁰ Equeicha Pedro barai barapomonae pomonae pejume cowantsiwi, jeye: "Salmos penaxanae wei diwesitha Judas petupaeaxae yabara paeba, jeye: 'Pia bo tatsi tausaya bo tauncuaeinchi.

Jopa ichun ecae tsane baxota', jei.

Matautano namchino:

'Equeicha pecoutha tanacuitinchi ichun',

jei Salmos penaxanae wei diwesitha,

xua Judas yabara", jei Pedro.

²¹ Nexata Pedro equeicha namchi, jeye: "Xote waxantha jinompa pebiwi pomonae matha cain pana nepuna jinomparu poxonae Jesús pon Wanacanmataxeinaein pana nebaru jinompa daxita pan.

²² Barapo pebiwi taneno xua Juan Jesús pebautisabiwatsi. Yawa barapo pebiwi taneno xua poxonae Jesús cataunxuae exana ducuaaebiyi pocotsiwa xua pewanaewan. Matautano barapo pebiwi taneno poxonae Jesús yantacabi jopa po mataqueitha poxonae athabe juinya. Bewa wabichipatsi caein barapo pebiwi jiwana, pon pecui yaputaein po coyene Jesús equeicha asu popona. Bapon iru pana puna cueicueijei tsane xua po coyene Jesús equeicha asu pepoponaewa", jei Pedro barapo pejume cowantsi jiwitha.

²³ Barapomonae pomonae pejume cowantsi jiwi najiwana itapeta ayunbe. Ichun pewan José Barsabás, pon icha wan Justo. Iru ichun pewan Matías.

²⁴ Nexata barapomonae Jesús athabeicha tsipaebatsi, jeye: "Nacom, pon jiwi Necanamataxeinaem. Daxita jiwi nejuntu coyene yaputaein. ¿Incane methara ponbe jiwana pon xua ichichipamera, pon xua cuita itapeta ichichipame?"

²⁵ Barapon iru penaexanaenexa jinya neitorobi jiton pon xuya Judas pecoutha petanacuichinexatsi. Judas tupa nacabeta abe peexanaexae. Judas pona ichaxota po nacuatha jopa nacoicha dunsiyo isoto", jei barapomonae.

²⁶ Nexata barapomonae wan jiyatabaxuba ibotiyobe. Nexata saya Matías wan naitataraba. Daxota bapon Matías itapeta cuita wabatsi. Matías once pomonaeyobetha naponae pomonae Jesús pia peitorobi jiwi tatsi.

2

Meje yabara poxonae Nacom pia Pejumope tñaxu tatsi patopeica pomonaetha pomonae Nacom pejume cowantsiwi

¹ Pentecostés matakabi tsuxubi, po mataqueitha xua poxonae jiwi tsinacaetuteiba penabanaexa pexaewa peyabara nanta xeinaexae xua pexaewa naweta. Barapo matakabitha daxita pomonae Jesús pejume cowantsiwi bara cae botha nacaetuta.

² Barapo mataqueitha barapomonae busi tane, pebusi po busi xua be joibo busi po busi xua busi nainya naetaba itaboco wetsica. Barapo busi daxita bo tutu canaupa ichaxota barapomonae nacaetuta.

³ Barapoxonae barapomonae tsita naitapeinya xeinatsi xua be peebato jumope coichan. Barapo peebato jumope coichan daxita carepaya barompaya barapomonae jayayababa tsiniya taenatsi.

⁴ Barapoxonae daxita carepaya barapomonae juntu coyene yucatsi Nacom pia Pejumo pe tunaxu tatsi pia peayapusu itorobi coyenewa tatsi. Matautano daxita barapomonae barompaya tsanaya icha jumeintha cueicueijeji xua be po jumetha Nacom pia Pejumo pe tunaxu tatsi cueicueijeji cana exana barapomonae po jumein xua jopa yaputaeyo.

⁵ Barapo matakabintha, iru pinmonae judiomonae pata Jerusalén tomaratha, po judiomonae i dapocotsi nacuan werena peponaewi xua penataenexa Pentecostés wun matakabi poxonae tsinacaetuta pexaewa penabanaexa. Barapomonae bichocono pejume cowantsiwi Nacom.

⁶ Barapo ayei bicheitomonae pomonae judiomonae barapomonae busi tane xua po busi, busi duneica ichaxota nacaetuta pomonae barapon Jesús pia pejume cowantsiwichi tatsi. Barapo judiomonae jume tane xua daxita barapomonae barompaya pia jumexitha cueicueijeji xua judiomonae pia pejume tatsi. Barapoxonae barapomonae nanacaetuta Jesús pejume cowantsiwitha. Barapomonae pomonae judiomonae najuntu coyene cabenaeca. Yawa jopa yaputaeyo xua peyabara nanta xeinaewa baraxua tsipei daxita barapomonae pomonae Jesús pejume cowantsiwichi barompaya judiomonae pijumexitha tatsi cueicueijeji.

⁷ Daxita barapomonae pomonae judiomonae najuntu coyene cabenaeca. Nantiya caemonae natsipaeba, jeye:

—Jina, bara barapomonae Galilea nacuapiwiba, pomonae bequein barapomonae jopa icha jumeintha pecueicueijeji jiwi xua wajumeintha pecueicueijejiwa!

⁸ ¿Eta pocotsiwa barapomonae metha daxita barompaya tsanaya icha jumeintha cueicueijeji xua wajumeintha?

⁹ Xote jinompa Partia nacuapiwi iru Media nacuapiwiba, iru Elam nacuapiwiba. Barichi xote jinompe Mesopotamia nacuapiwi, iru Judea nacuapiwiba, iru Capadocia nacuapiwiba, iru Ponto nacuapiwiba, iru Asia nacuapiwiba.

¹⁰ Matautano barichi xote jinompa Frigia nacuapiwi, iru Panfilia nacuapiwiba, iru Egipto nacuapiwiba, iru Libia nacuapiwiba pomonae jinompa imoxoyo Cirene nacua. Matautano ichamonae pata pomonae Roma tomarapiwi.

¹¹ Barapo Roma tomarapiwi icha judiomonae pepa judiomonae xua yacui naexana. Icha judiomonae jopa pepa judiomonae. Saya judiomonae penaexanaewi, tsipei barapomonae jume cowanta Nacom icha be judiomonae ichi pomonae pepa judiomonae. Iru pata ichamonae Creta nacuapiwi, iru Arabia nacuapiwiba. Ichitha daxita waxainchi jume tainchi xua Nacom pewnaewan exana peayapusuwatha, poxoru barapo Jesús pijimonae tatsi wajumeintha paeba, jei barapo judiomonae.

¹² Daxita barapo judiomonae najuntu coyene cabenaeca. Daxota barapomonae jopa xaniwaicha yabara nanta xeinaeyo baxua. Barapomonae caemonae nayainyabiya, jeye:

—¿Eta pocotsiwa metha baxua jane? jei.

¹³ Ichamonae saya jume cui capana. Barapomonae namchi, jeye:

—¡Apara barapomonae Jesús pijimonae tatsi cupatsi! jei.

Meje yabara poxonae xua Pedro tsipaeba barapomonae

¹⁴ Jesús pia peitorobiwi tatsi poyobe xua once poyobe, barapoyobe pia xantha tatsi Pedro nontapona. Matautano nontapona pepa bicheito itabaratha tatsi. Pedro jume daunweya barai barapo bicheitha, jeye: “Paxam, pomonae Judea nacuapiwi pamxaem iru daxita pomonae Jerusalén tomarapiwi pamxaem, incane pana nejume taema, yabara paca tsipaebinchi xuaunxuae pajume taneme.

¹⁵ Barapo pebiwe xua Jesús pijimonae tatsi apara jopa cupaetsi xuaunxuae pacui yabara nanta xeiname. Apara awiya xometo caewa ecareca. Cataunxuae apara baya daxota jopa cupaetsi.

¹⁶ Baraxua xuaunxuae anoxuae pajume taneme, caena bayatha Nacom pia peitorobi jume pepaebin yabara tsiwunae muxu duta pon pewan Joel. Joel baraxua Nacom Pejume Diwesitha tina xua saya tatina, xua pinae Nacom paeba.

¹⁷ Jeyei Nacom:

'Poxonae barapo cae pin nacuathe po matababi
opi weraweracaena, bapoxonae barapo
matababitha daxita carepaya jiwitha
najumope t̄nax̄u cayataxubiya catsibin.
Painya nexanto jiwi ir̄u painya nexantixi
neyabara cueicueijeji tsane pocotsiwa
xua yaputane exanan.

Pewowi yatsicaya tsita nait̄teibinchi
be poxonae camaiteibina.

Pitiri jiwi camaiteibina poxonae amachinae tsane.

¹⁸ Pomonae xua amanaya neyabara diwesi
canantsipaebina, barapomonaethano
najumope catsibin barapo matababitha,
yab̄x̄ithano, pebiwithano. Barapoxonae inta cueicueijeji tsane.

¹⁹ Peitabocotha paca tsita it̄tsinchi po coyenein
bichocono pew̄naewan xua jiwi bichocono
naj̄nt̄u coyene cabenaeca exanatsi.

Iratha tsicano paca tsita it̄tsinchi po coyenein
xua jopa juniya be pejana tsurucuae tsane, xuano
xua jopa juniya be isoto tsurucuae tsane, xuano
xua jopa juniya be nobo ts̄x̄u tsurucuae tsane.

²⁰ Poxonae patopaetsica pon jiwi Pecanamataxeinaein
copiya baraxue panecotsiname xua xometo quiri
jei tsane, jopa pentha tsurucuae tsane.

Yawa panecotsiname xua jomocoichato be
janowa ducuaena.

Barapo matababi w̄nae tsane poxonae pon jiwi
Pecanamataxeinaein patopaetsica.

Barapo matababi Nacom pepa peit̄panae
matababi exanaena.

²¹ Pomonae picoya penata w̄ucaewa Nacomtha xua
Nacom peyawenaenexa tsainchi, barapomonae
capanenebiya tsainchi Nacom', jei Joel
xua saya Nacom tapaebatsi", jei Pedro.

²² Equeicha Pedro barai barapomonae jeye: "Pomonae Israel nacuapiwi pamxaem,
incane pana nejume taema, xua paca tsipaebinchi. Jesús, pon Nazaret tomarapinxae
bapon Nacom itoroba painya xantha. Bapon Jesús pew̄naewan exana pexeinya psetsita
it̄tsi coyenewanno Nacom pia peayapus̄watha tatsi, painya neyaputenexa tsane xua
Nacom yawena xua Jesús peyawenaewatsi. Paxam bayatha payaputaneme xua bapon
tsita nait̄ba ducuaenebiya.

²³ Bayatha Nacom paca cui w̄nae tsiwanaya tane xua po coyeneya pata exanaename
pexantotha tatsi. Nacom bara paca cui copata xua abe paexaname. Jesús pawaetabame
painya caenaetsinexa tsane bapon peacuipe jiwitha. Barapomonae Jesús cobe matabo-
batsi naetotha yawa bexotsi.

²⁴ Ichitha equeicha Nacom as̄u exana pexanto pet̄pae cuiru nacua weya. Nacom
Pexanto capanera pia peant̄yapus̄watha barapo pet̄pae cuiru nacua weya, tsipei
barapo pet̄pae cuiru nacua jopa xeinaeyo peayapus̄wa xua Jesús awiya pebotsiwatsi
barapo pet̄pae cuiru nacuatha.

²⁵ Ir̄u David, Israel nacuapiwi itorobiya pia pepa peewatsinchi, caena bayatha tina
Nacom Pejume Diwesitha. David tina Jesús jume yabara tatsi. David namchi, jeye:

'Yaputan xua Tanecanamataxeinaein nebar̄u
poponeiba daxita matababi.

Bapon neyaweneiba.

Bapon nebar̄u poponeiba daxota

jopa junuwin tsane.

²⁶ Daxota bichocono j̄nt̄u coyene weiweinan.

Matautano daxota Nacom Pejume Diwesi

j̄nt̄u coyene weiweinaya
cueicueijan ichamonaetha.

Bara bequein t̄paein, m̄th̄utha bocuaeinno,
ichitha jume cowantan xua Nacom equeicha as̄u
neexanaena pia peant̄yapus̄watha.

27 Xam Nacom jopa punaxubim tsane tajumope petɔpae cuiru cuariyatha. Poxoru xan jinya nexanton tajuntɔ cui xanepanaein daxota jopa benecopatsim xua tatɔpaein tuxamnuncuaein, yawa xua tsabanuncuaein.

28 Neita cui tsita itɔbame beta xaniwaicha tapoponaenexa tsane poxonaē equeicha asɔ neexanaename petɔpae cuiru nacua weya. Nejuntɔ coyene weiweina exaname tsipei neyanta poponeibame', jei David xua saya Jesús tapaebatsi", jei Pedro.

29 Equeicha Pedro barai barapomonaē, jeye: "Tamonae, daxota beta paca tsipaebatsi xua pinae David wamo susato nacuapin bayatha pinae tɔpa. Piamonaē muthutha xotsi. Piamonaē muthutha xotsi. Waxantha boca barapo muthɔ ichaxota petɔpaein muthutha xotsi.

30 Apra, barapon David, pinae Nacom peitorobi jume pepaebin. Bayatha pinae David nacana wɔnae tsiwanaya muxu tsidutatsi Nacom, xua pinae David pijimonaē tatsi jiwana pon jiwi Pecanamataxeinaein tatsi naexanaena. Barapon pon Pecanamataxeinaein jiwi Israel nacuapiwi canamataxeinaeinchi icha cain bayatha David ichi poxonaē canamataxeina barapo Israel nacuamonaē.

31 Bayatha pinae David yabara tsiwɔnae muxu duta xua bexa tsane Nacom Mesías equeicha asɔ exanaeinchi. Nacom Pexanto tatsi pon David yabara jume jei, apra bapon Mesías. David namchi xua Mesías jeyei xua saya pinae David tapaeba: 'Xam Nacom jopa punaxubim tsane tajumope petɔpae cuiru cuariyatha. Poxoru xan jinya nexanton tajuntɔ cui xanepanaein, daxota jopa benecopatsim xua tatɔpaein tuxamnuncuaein yawa xua tsabanuncuaein', jei David xua Mesías jeyei.

32 Pon Mesías, pon xuaunxuae yabara paca tsipaebatsi apra bapon Jesús pon Nacom equeicha asɔ exana. Baraxua paxan yatsicaewa pata cui taewi.

33 Jesús asiya icha peecaenexa Nacom pecoxatha tatsi. Jesús pon jiwi pepa Pecanamataxeinaein exanatsi Nacom. Mataɔtano Jesús nacana jumope catatsi, Nacom. Barichi baxua xuaunxuae pataneme yawa pana nejume tanemeno xua daxita carepaya barompaya icha jumexitha pacueicueijan, baraxua Nacom pia Pejumope tɔnaxɔ tatsi pana cata.

34 Poxoru David saya tɔpa, jopa athabe ichiyo, icha be jopa Jesús ichiyo poxonaē athabe icha Jesús. Ichitha saya baxua David tapaeba Nacom, xua Nacom Mesías tsipaebatsi, jeye: 'Nacom, Tanecanamataxeinaein baraichi.

Tacoxatha weya ecare.

35 Abɔ beya poxonaē matapainya necaaitafaetabi jiwi pia Pecanamataxeinaein tatsi caexanaeinchi. Barapomonaē beexanaetsipa pocotsiwa xua xam nepaebiwam', jeye pinae Nacom xua Mesías tsipaebatsi, jei David Nacom nexa", jei Pedro.

36 Equeicha Pedro namchi barapomonaē: "Paxam, pomonaē Israel nacuapiwi pamx-aem. Anoxuae payaputaneme pon xua naetotha tɔparucua paexaname, Nacom exana xua bapon jiwi pia Pecanamataxeinaein tatsi naexana. Yawano Nacom naca itata caewata xua pon Mesías jei, pon Nacom itorobica petsitɔpaenexa jiwi, apra bapon Jesús", jei Pedro.

37 Poxonaē daxita carepaya barapomonaē baxua jume taerɔcɔpa bichocono juntɔ coyene wecoyeyi tsɔrɔcɔpae. Barapomonaē Pedro baraichi irɔ Jesús pia peitorobi jiwi tatsi baraichi, jeye:

—Patamonaē, ζeta bewa pabichin tsane metha? jei.

38 Nexata Pedro barapomonaē barai, jeye:

—Icha juntɔ coyene paxeinare Nacomtha painya neauraxae xua abe paexaname. Mataɔtano daxita carepaya pam ichamonaē paca bautisabina Jesucristo pewantha xua Nacom pia paca necayabara junteinaenexa xua abe painya neexanaē cuiru coyenein. Barapoxonaē Nacom paca nacana jumope catsibina.

39 Barapo peyabara tsiwɔnae muxu dutsiwa apra paxam nexa, irɔ muxuna daxita painya pexui nexano. Mataɔtano pomonaē tajɔ beya jinompa irɔ barapomonaē nexa. Barichi Nacom pon Wanacanamataxeinaeinxae, pomonaē waba peantobexae barapomonaē irɔ nexa, jei Pedro.

40 Barapo jumeintha yawa icha jumeintha Pedro tsipaeba barapomonaē. Mataɔtano Pedro bichocono muxuweta poxonaē jeye:

—Po coyenein xua daxita abe peexanaē cuiru coyenein paexaneibame, barapo coyenein pana nacui barapende, po coyenein xua daxita carepaya jiwi exaneiba, jei Pedro.

⁴¹ Po matacabitha poxonae Pedro paeba baxua barapo matacabitha pomonae jume cowwnta xua Pedro paeba barapomonae bautisabatsi. Barapo matacabitha tres mil po bicheito jiwimonaebe naexana xua pomonae copiya pomonae Nacom pejume cowwntsiwixaetsi barapomonae mataropeicha pinmonae naexanatsi.

⁴² Barapomonae nacuiduba nawita, xua Jesucristo pia peitorobi jiji tatsi paeba. Barapomonae nacana cui nanta jupaya jinompa. Nacomtha nabarũ tsipaeibano. Nabarũ nacaetuteibano xua penabarũ epa janaqueibinexa pan xua penabarũ xaibinexa. Barapomonae baxua exana dubenanaebiya xua Jesucristo peyabara nanta xeina dubenanaebiyanexatsi po coyene xua Jesucristo bayatha icha ichi xua poxonae pan epa janaca.

Meje yabara po coyeneya xua jinompa pomonae copiya Jesús pejume cowwntsiwi

⁴³ Jesucristo pia peitorobiwiti tatsi, barapomonae pexeinya petsita itatsi coyenewan exana nawita Nacom pia peayapuswathata tatsi. Daxita pomonae jopa Jesucristo pejume cowwntsiwichi, daxita barapomonae junuwa, Nacom cunuwatsi poxonae cui tane baxuan.

⁴⁴ Daxita barapomonae, pomonae Jesús pejume cowwntsiwixaetsi, barapomonae xani-waicha caemonae pebwũya nabarũ jinompa. Matautano barapomonae caemonae nantiya nacatsiba dubenanaebiya pichiwiwi pocotsiwan xua xeina.

⁴⁵ Matautano barapomonae daxitan pocotsiwan xua xeina caenaeta dubenanaebiya. Bapoxonae barapo paratixi nata tsaba dubenanaebiya xua jopa pexeinaexae ichamonae xua icha be pocotsi coyeneya pocotsiwan canantawenona ichamonae.

⁴⁶ Daxita carepaya barapomonae nabarũ nacaetuta dubenanaebiya Nacom pin pia botha. Matautano pia boxitha nabarũ nacaetuta dubenanaebiya pan nabarũ epa nantarũba janaquiya exana dubenanaebiya. Juntema nabarũ juntu coyene weiweinaeya xerubenanaebiya.

⁴⁷ Daxita barapomonae carepaya Nacom wũnae jainta dubenanaebiya. Matautano barapomonae barũ cui itura jinatsi ichamonae beta peexanaexae. Daxita matacabi tsaibi pomonae Nacom pejume cowwntsiwixaetsi barapomonae Nacom cana exana xua mataropeicha pinmonae tsoponae tsaibi.

3

Meje yabara poxonae pon pejayuyajujei jiton equeicha cui jume exanatsi

¹ Caentaqueitha quiripitha poxonae tres po horabe tsuxubi po horatha poxonae jiji ba poneiba Nacom pin pia botha xua petsipaeibinexa Nacomtha bapoxonae Pedro irũ Juan Nacom pin pia botha joniyaabe.

² Barapo bo Nacom pin pia bo tatsi icha coiboto jiji wũn duta, jeye: “Pexeinya coiboto”, jei. Barapo coibototha daxita matacabi tsaibi pebin cuareteibatsi pon pejayuyajujei jiton xua yawa naexana poxonae pexuyo. Daxota bapon baxota cuareteibatsi xua pewũquequeibinexa pomonaetha pomonae jojoneibiya barapo coiboto iya.

³ Pon pejayuyajujei jiton wũca paratixi poxonae Pedro irũ Juan tainchibe xua muxu pejoniyaabe barapo coiboto iya.

⁴ Nexata Pedro irũ Juan tanebe bapon. Pedro barai bapontha, jeye:

—Incane pana taemabe, jei Pedro.

⁵ Nexata necota bapon. Nanta xeinataba xua catinchi paratixi.

⁶ Ichitha Pedro barai bapontha, jeye:

—Canta jopa xeinaeinyo paratixi. Matautano jopa xeinaeinyo pocotsiwa oro nain matawũn. Meisa po coyenewa xua taxeinaewa baxua cacatinchi. Jesucristo, Nazaret tomarapin wũntha cabaraichi, asiya uncuatabare yawa pondeno, jei Pedro.

⁷ Nexata Pedro pocotsiwa pecoxa weya cobe pita. Yawa asiya cuaranotano. Bapoxonae nainya beta taxuyawere daunweya ducuanaya. Pesitano wũnae tsanayano.

⁸ Nexata bapon pon pejayuyajujei jiton jirawũna. Asiya uncuatabano. Ponano. Bapoxonae Pedro irũ Juan puna joniyaatsibe bapon, Nacom pin pia botha. Jirajirawiya ponano. Yawano Nacom wũnae jaintatsi.

⁹ Nexata daxita pomonae xua Nacom pin pia bo tututha peenaexae, tainchi pon pejayuyajujei jitonxae xua pona, yawano xua Nacom wũnae jaintatsino.

¹⁰ Barapomonae daxita carepaya najuntu coyene cabenaecaeya tane, tsipei barapomonae bayatha cui tane xua bapon amanaya jiji wũquequeiba paratixi pecoibototha, po coiboto pewũn “Pexeinya coiboto”, jei.

Meje yabara poxonae Pedro diwesi paeba Nacom pin pia botha po tututha pewũn Salomón bo wũn tututha

¹¹ Poxonae pejayuyajujei jiton awiya maxũ waetabatsibe Pedro Juanno bapoxonae irũnũ daxita jiji najuntu coyene cabenaecaeya cuinaenouta Nacom pin pia botha xua tututha po tututha Salomón bo wũn tututha ichaxota Pedro barũ jinompa.

¹² Poxonae Pedro barapomonae caetaebiya, Pedro barai: “Ja, pomonae Israel nacua-monaepiwi pamxaem, zeta xua metha paxam pana najuntũ coyene cabenaecaeya taneme baxua? ¿Pana neyabara nanta xeinamebe xua pata taayapusuwatha paaxaibi exananbe pejajuyajujei jiton? ¿Matautano pana neyabara nanta xeinamebe poxoru Nacom pajume cowuntanbe daxota pon pejajuyajujei jiton axaibi?”

¹³ Ajibi, apara wamo susato jiwi pia Nacom tatsi axaibi exana bapon. Barapo Nacom Jacob pia Nacom tatsi, Abraham bapon pia Nacomno, Isaac bapon pia Nacomno. Apra bapon baxua taexana Nacom. Bapon Nacom Pexanto bichocono ainya cui cana exana poxonae pexanto asũ exana petũpae cuiru coyene weya. Bapon apra Jesús pon pacae-naetame pomonaetha pomonae pentacaponaeawi, pon bepa bequein isanaxubei Pilato poxonae paxam jopa pacopatsim xua bapon peisanaxubiwa.

¹⁴ Bapon pon bichocono pejuñtũ coyene xanepanaein xua jopa xeinaeyo penat-sicuentiwa xua abe peexanaexae tsipei saya exaneiba pocotsiwa Nacom ichichipa. Ichitha jopa paichipaem xua Pilato peisanaxubiwa tsane bapon. Saya meisa pawũcama xua Pilato peisanaxubiwa ichũn pon jiwi pejuñtebeibin pon Barrabás.

¹⁵ Poxonae baxua paexaname barapara Jesús pabexubame. Bapon Jesús pon jiwi cana exanatsi xua jiwi ajũntũyapusũya pejinompaewa. Bapon Jesús Nacom equeicha asũ exana petũpae cuiru coyene weya. Bara baxua yatsicaya pacui tan daxita.

¹⁶ Po jume wũn peayapusũ wũn, bapo wũn Jesús pia wũn. Daxota pejajuyajujei jiton barapo jume wũntha axaibi exanatsi. Barapon pataneme xua axaibi, tsipei bapon jume nanta pitabiya jume cowũnta barapo peayapusũ jume wũn. Daxota barapon painya itabaratha axaibi tsuxubi poxoru jume cowũnta Jesús”, jei Pedro.

¹⁷ Equeicha Pedro jeye: “Tamonae yaputan xua jopa payabara yaputaem xua paex-aname poxonae Jesús pabexubame. Barichi painya pentacaponaeawino jopa yabara yaputaeyo xua baxua exana.

¹⁸ Nacom peitorobi jume pepaebiwĩ bayatha Mesías yabara tsiwana paebatsi. Bara-pomonae paeba, jeye: ‘Bexa tsane Mesías bexubinchi’, jei. Nacom bara nacui yabara jume weta baxua xua bayatha Nacom peitorobi jume pepaebiwĩ paeba.

¹⁹ Daxota icha juñtũ coyene paxeinare Nacomtha painya neauraxae xua abe paexaname. Yawa pajume cowũnde painya nepaca cayabara juñtemainaenexa abe painya neexanae cuiru coyenein. Yawa Nacom pawũcare xua paca juñtũ coyene xanepana exanaena. Barapomonae Nacom paca juñtũ coyene ayapusũya exanaena.

²⁰ Tsipei Nacom equeicha athawetsica Jesús itorobicaeinchi pon bayatha Nacom itapeta pon Mesías xua painya nepaca capanenebiyaenexa tsane abe painya neexanae cuiru coyenein weya.

²¹ Cataunxuae abũ Jesucristo equiya Nacom pia nacuatheicha tatsi. Equeicha bapon patopaetsica poxonae Nacom wũnae exanaena daxitan, be pocotsi coyeneya bayatha Nacom peitorobi jume pepaebiwĩ paeba.

²² Barichi Moisés pata amo susato jiton namchi: ‘Painyamonae jiwana Nacom cana exanaena, pon Nacom pia peitorobi jume pepaebin tsecae tsane icha neichi. Pajume cowũntsiya exande daxita pocotsiwa xua bapon paca tsipaebina.

²³ Daxita pomonae jopa jume cowũntsiyo pocotsiwa bapon paeba, barapomonae Nacom weraweraca cana exanaena xua jopa penaexanaenexa Nacom pijimonae tatsi’, jeyei Moisés”, jei Pedro.

²⁴ Equeicha Pedro jeye: “Daxita Nacom peitorobi jume pepaebiwĩ irũ Samuel pon xua yatsicaya tabũ ducua, baraxua carepaya bapo diwesin yabara paeba barapo matakabin.

²⁵ Barapo Nacom pia peyabara tsiwũnae muxu dutsiwa po peyabara tsiwũnae muxu dutsiwa Nacom tsiwũnaeya muxu duta Nacom pia peitorobi jume pepaebi jiwitha, apra bara irũ paxam nexa. Baxua Nacom pena peyabara tsiwũnae muxu dutsiwa Abraham yabara tsiwũnae muxu dutatsi pon wamo susatopin xua xanepanaya painya nejinom-paenexa. Nacom Abraham baraichi, jeye: ‘Caein jinya nemomoxi susato jiwi jiwanaepin pepatopaexae tsane daxita i dapocotsi nacuanpiwi yawenaein’, jei Nacom Abrahamtha.

²⁶ Poxonae Nacom Pexanto asũ exana petũpae cuiru coyene weya, barapomonae copiya pacata itoroba painya xantha pia painya nepaca cayawenaenexa xua daxita paxam painya nenacui barapentsinexa abe painya neexanae cuiru coyenein”, jei Pedro.

4

Meje yabara poxonae Pedro irũ Juan cueicueijeji tsuncuaebe pomonae tomarapiwi pia pentacaponaeawi tatsi peitabaratha tatsi

¹ Poxonae cataunxuae Pedro iru Juan cueicueijeibe barapomonaetha, bapoxonae sacerdotemonaē pia pentacaponae wi tatsi pata. Iru patopa pon soldadomonaē pia pentacaponae in tatsi pon Nacom pin pia botha tatsi pe-eenaē in. Yawa saduceomonaē iru pata baxota.

² Barapomonaē bichocono anaepana, yaitama Pedro Juanno paebabe xua po coyene Jesús petypae in equeicha asu, xua pinae barichi jiwino poxonae tupa equeicha asu.

³ Bara nexata Pedro Juanno waetabatsibe barapomonaē. Jiwi pecubi botha capoinchibe. Barapo botha etatsibe tsipei quirei tsanaya xua beya poxonae yaitapenacaena.

⁴ Pinmonae jume tane po diwesi Juan iru Pedro paebabe, yawa jume cowantano barapo diwesi. Barapomonaē iruru pomonaē copiya jume cowanta caena bayatha, daxita barapomonaē nexata daxita cinco mil bicheito tsuxubi xua saya pebiwi ununatsi.

⁵ Icha mataqueitha judiomonaē pia pentacaponae wi tatsi, iruru pitiri jiwi, iruno pomonaē jiwi pecuidubiwi Moisés pia peitorobi coyenewa tatsi, daxita barapomonaē nacaetuta Jerusalén tomaratha.

⁶ Baxota iru nanacaetuta Anás pon sacerdotemonaē pia pepa pentacaponae in tatsi. Iru nanacaetuta Caifás, Anás perobi. Iru nanacaetuta Juan iru Alejandro, ponbe Anás piomonaē tatsi. Barichiru nanacaetuta ichamonaē pomonaē sacerdotemonaē pia pentacaponae wi tatsi barapomonaē piomonaē tatsi.

⁷ Bapoxonae ichamonaē itoroba xua Pedro iru Juan pecuaranotatsinexatsibe barapo penacaetutsiwi itabaratha. Yainyabatsibe, jeichibe:

—¿Jintam pia peayapusu itorobi coyenewatha tatsi matautano jintam pewantha tatsi axaibi paexanamebe? jeichichibe.

⁸ Pedro bichocono jintu coyene yucatsi Nacom pia Pejumope tunaxu tatsi pia peayapusu itorobi coyenewa tatsi. Pedro barapomonaē jume nota, jeye:

—Pomonaē tomarapiwi pia pentacaponae jiwi pamxaem, iruru pomonaē pitiri jiwi pamxaem, pomonaē Israel pijimonaē tatsi pamxaem, daxita barapomonaē pam paca tsipaebatsi.

⁹ Maisa yabara pana yainyabamebe xua po coyene pejayuyajujei jiton axaibi xua painya neyaputaenexa xua eta po coyeneya xua paexananbe poxonae bapon axaibi exanatsi po coyene xua bichocono wnae.

¹⁰ Daxota paxanbe paca jume notatsi xua iru israelmonae piwi peyaputaenexa po coyene xua pon pejayuyajujei jiton axaibi exanatsi poxonae pawan paeban Jesús pewan pon Nazaret tomarapin. Bapon Jesús, pon apara naetotha tparucua paexaname matautano pon equeicha Nacom petypae in asu exana petypae cuiru coyene weya.

¹¹ Bayatha Nacom Pejume Diwesitha tsiwanaya yabara paeba xua po coyeneya pacana exanaename Jesustha. Paxam be barapocotsimonaē pam, be pocotsimonaē xua ibo bo peacabiwi. Barapomonaē xuba iboto po iboto bequein ainya cui naexana beyacaincha icha iboto. Paxam bara paichim Jesucristo paxubame pon peainya cuin xua Nacom ainya cui cana exana beyacaincha ichamonaē.

¹² Barapo cae pin nacuathe dapocotsin aibi pon capanepeiba jiwi. Saya meisa bapon Jesús capanepeiba jiwi. Ichun Nacom jopa nacata itorobiyo.

¹³ Daxita tomarapiwi pia pentacaponae wi tatsi yabara najuntu coyene cabenaeca xua Pedro Juanno jopa auriyobe xua atsaquiya paebabe. Tsipei barapomonaē pomonaē pentacaitorobi bicheito yaputane xua Pedro Juanno jopa nacuidubiyobe petinae botha matautano xua baponbe saya pecu pawi jitonbe. Barichi barapo pentacaitorobi bicheito yaputane xua xaniwaicha apara baponbe ponbe napuna poponeibabe Jesustha.

¹⁴ Barapomonaē moya ena tsipei pon pejayuyajujei jiton Pedro Juanno axaibiya caquita uncuatsibe. Daxota barapomonaē Pedro Juanno jopa abe yabara paebichibe.

¹⁵ Pedro Juanno matha pesato beitorobiyatsibe. Barapomonaē natsipaeba.

¹⁶ Nabarai, jeye:

—¿Eta bichainchi metha baraponbetha Pedro Juanno? Bayatha daxita carepaya Jerusalén tomarapiwi yaputane xua Juan Pedrono exanabe pexeinya petsita itatsi coyenewa Nacom pia peayapusu watha tatsi. Daxota jopa naca itacupaeyo xua wapaebiwa po coyene xua baponbe jopa apara exanaeyobe pexeinya petsita itatsi coyenewa Nacom pia peayapusu watha tatsi.

¹⁷ Maisa aichaxaibichi xua daxita carepaya jiwi jume taetaepona baxua. Metha daxota baponbe jume daunweya itorobinchi xua equeicha jopa paebi tsanebe xua Jesús peyabara paebiwatsi, jei barapomonaē.

¹⁸ Barapo pentacaitorobi bicheito equeicha Pedro iru Juan wabatsibe. Jume daunweya tsipaebatsibe:

—Equeicha jopa Jesús payabara paebindebe. Equeicha jopa yabara pacuidubindebe barapo cui, jei barapomonaē.

¹⁹ Bara nexata Pedro Juanno jume notabe barapomonaē, jeibe:

—Incane payabara nanta xeinare icha metha bara Nacom tsita xanepanatsi xua paxanbe pata paca cajume cowantsiwatsi xua pata exanaewabe pocotsiwa pana itorobame xua daxota jopa pata exanaewa pocotsiwa Nacom pana itoroba.

²⁰ Bewa paexanaeinbe daxita pocotsiwa Nacom pana neitorobabe. Bewa papaebinde daxita pocotsiwa patanbe xua Jesús exana yawa xua pajume tanbeno xua Jesús paeba, jeibe Pedro Juanno.

²¹ Barapomonaē pomonaē tomarapiwi pia pentacaponae wi tatsi, Pedro iru Juan jume itawetatsibe. Daichitha saya pu copatatsibe. Barapomonaē jopa itacupaetsi xua pecuainchiwatsibe Pedro iru Juan jiwi pecunuwixaetsi, tsipei pinmonae jiwi Nacom wunaē jaintatsi, petaexae pocotsiwa Pedro iru Juan exanabe.

²² Pon pejayujayujei jiton pontha pon Nacom pexeinya petsita itatsi coyenewa taexana, bapon axaibi exanatsi poxonaē cuarenta po weiyobe xeina.

Meje poxonaē pomonaē Jesús pejume cowantsiwichi tatsi wuca Nacom xua jopa pejunuwixaxa tsane poxonaē Nacom Pejume Diwesi cueicueijej tsane jiwitha

²³ Pedro Juanno nainya pontababe ichaxota Jesús pejume cowantsiwichi tatsi jinompa. Baxota nanabaru nacaetutatsibe. Barapomonaetha paebabe, xua baraunchichibe sacerdotemonaē pia pentacaponae wi, pitiri jiwino.

²⁴ Poxonaē Pedro iru Juan baxua jume taerucupatsibe, barapomonaē Nacomtha tsi-paeba, jeye: “Nacom, pon pata Necanamataxeinaem, xam daxita peitabocotha exaname, irathano, menthano, daxita icha coyeneinno.

²⁵ David pon neitorobi jume pepaebin, nejumope tuxaxu cueicueijej cana exanatsi xua cata paeba, poxonaē jeye:

‘¿Eta xua metha, pomonaē jopa judiomonaē naexanaeyo cayabara anaepana?
Bara bequein ichipa abe cata exana ichitha jopa itacupaetsi.

²⁶ Daxita carepaya nacuanpiwi pomonaē jiwi itorobiya pia pepa peewatsiwichi iru ichamonaē pomonaē jiwi peyanacua ewatsiwichi barapomonaē nacaetuta xua abe necayabara paebinexa yawa xua Nexanto pia abe yabara paebichi pon Mesias, pon jinya Neitapetsin’, jeyei David, xua pinaē Nacom tapaebatsi”, jei barapomonaē xua wuca Nacomtha.

²⁷ Equeicha bapomonaē jeye: “Bara yatsicaya baxua exana poxonaē Herodes iru Poncio Pilato, iru icha nacuamonaepiwino, iru Israel nacuamonaepiwino xote nacaetuta Jerusalén tomaratha. Barapomonaē nacaetuta xua Jesús abe peyabara paebinexatsi nexanto pon pejuntu coyene xanepanaein pon Mesias pon itapetame.

²⁸ Barapomonaē, pomonaē xote nacaetuta, exana daxita xua caena bayatha cui wunaē tsiwanaya yabara paebame po coyene xua barapomonaē exanaena.

²⁹ Pata Necanamataxeinaem, matha jume taema xua pana yabara abe jume baraunchi xua abe pana exanapaeba. Pana care xua neajuntayarusuxa xua jopa junuwiya pata paebinexa tsane jinya jume diwesi, tsipei paxan jinya neitorobi jiwi pan.

³⁰ Peatenewi axaibi exande neayarusuwatha. Matautano barabu copatame xua pexeinya petsita itatsi coyene paexanaein poxonaē pacueicueijan tsane jinya jume diwesi, Jesús nexanto pia peayarusuwatha tatsi pon pejuntu coyene xanepanaein”, jei barapomonaē poxonaē wuca Nacomtha.

³¹ Barapomonaē najume wetarucupa xua Nacomtha petsipaebiwa. Bapoxonaē ichaxota nacaetuta barapomonaē ira jijiyataxuba. Daxita barapomonaē juntu coyene wuca cana exanatsi Nacom pia Pejumope tuxaxu tatsi pia peayarusu itorobi coyenewa tatsitha. Matautano barapomonaē Nacom Pejume Diwesi jopa junuwiya paebinoutsuyo.

Meje yabara poxonaē pomonaē Jesús pejume cowantsiwi pocotsiwan xua xeina daxita baxuan bara barapomonaē nexa

³² Pomonaē pejume cowantsiwi Jesucristo pinmonae tsoponaē. Barapomonaē peburuxa nanta xeina be caenthato coyeneya. Ichun jopa jeiyu: “Apara pocotsiwa xeinan meisa tawa”, jopa jeiyu. Ichitha daxita xua barapomonaē xeina baxua saya daxita bara barapomonaē nexa.

³³ Jesús pia peitorobi jiwi tatsi ajumeyarusuxa yabara paeba pocotsiwa bayatha tane poxonaē Jesucristo pon jiwi Pecanamataxeinaeinchi xua equeicha petupaein asu popona

exanatsi. Matautano yabara cuecuciejei po coyene Nacom bichocono wunae exana daxita barapomonaetha peantobexaetsi.

³⁴⁻³⁵ Jopa ichun acopeibiyo pomonae Jesús pejume cowantsiwi. Daxita barapomonaexaina xua pocotsiwa penantawenonaewa poxoru ichamonaepomonae nawita pexeinaewi caenaeta dubenanaebiya pabin, bomuxanno. Barapo paratixi poxonae xeineiba, catsibeibatsi Jesucristo pia peitorobi jiwitatsi. Nexata xuya barapo paratixi Jesucristo pia peitorobi jiwitatsi catsibeiba pomonaetha pomonae peacopeibi jiwitatsi xua daxota jopa petaseicaenexatsi pocotsiwa nantawenona.

³⁶ Barichi exana bapon José pon Leví pia pemomo susato jiwana pin. Jesucristo pia peitorobi jiwitatsi icha wun duta bapontha, po wun Bernabé. (Barapo wun, xua hebreo jume je: "Pon jiwitatsi pentateiqueibin", je.) Barapon José, Chipre tunaetotha naexana.

³⁷ Bapon pia pabi caenaeta. Bapoxonae barapo paratixi Jesucristo pia peitorobi jiwitatsi catatsi peacopeibiwi nexa.

5

Meje yabara poxonae Ananías iru piowa Safira abe exanabe

¹ Bapoxonae iru ichun pon pewun Ananías iru piowa pewun Safira, pabi xeinabe. Bapon piowabe pia ira caenaetabe.

² Bapon piowabe najura nanta xeinabe. Baponbe icha paratixi nata botabe. Icha paratixi Jesucristo pia peitorobi jiwitatsi catabe bequein Ananías paeba xua daxita catabe Jesús pia peitorobi jiwitatsi.

³ Bara nexata Pedro Ananías baraichi, jeye:

—Ananías, zeta xua metha Satanás jume jejam xua cajume tsiduta xua Nacom pia Pejumope tuxaxu tatsi muxuitorobame? Zeta xua metha paratixi nata botame xua ira matoma cacata?

⁴ Po ira caenaetame apara bara jinya ira. Yawa barapo matomano apara bara jinyawa. Barapo paratixi icha canantawenoname bara ba moya tainchi. Zeta xua metha baxua najuntu coyene xeiname? Jopa apara muxuitorobim pebiwi. Jame yatsicaya apara Nacom pia Pejumope tuxaxu tatsi muxuitorobame, je Pedro.

⁵ Poxonae baraxua Ananías jume taeba, petupaein Ananías iratha jopa. Daxita pomonae xua jume tane xua bapon tupa, bichocono junuwa.

⁶ Pewowi pata. Ananías petupaein mata yarabatsi pesato becayatsi, xua pemuthutha xubinexatsi.

⁷ Pirapaeyo poxonae tres po horabe weta, Ananías piowa tatsi patopa ichaxota Pedro bane. Barapowa jopa yaputaeyo xua pia pebin tatsi tatupatsi.

⁸ Nexata Pedro barai barapowa, jeye:

—Zeta daxita pana catame xoxi pacaenaetame pentoma pabi? je Pedro.

Barapowa jume nota, jeye:

—Aja, bara daxita, je barapowa.

⁹ Nexata Pedro barai barapowa, jeye:

—Zeta xua metha pana muxu wetamebe xua Nacom pia Pejumope tuxaxu tatsi pamuxuitorobinamebe? Taema, pewowi pomonae aunxuae jinya pebin muthutha xotsi, pecoibototha pata, necamuthutha xubinexa tsanera.

¹⁰ Barapoxonae caena nainya Safira Pedro petupaein tanabotabatsi. Poxonae pewowi taeba xua barapowa bayatha tupa, bapoxonae bapowa jontaxorenatsi. Pia pebin cacuita muthutha xorecatsi.

¹¹ Daxita Jesús pejume cowantsi jiwitatsi, ichamonaeno unthuthu nayotarucupa pejunuwixae poxonae baraxua jume tane.

Meje yabara poxonae Jesús pia peitorobi jiwitatsi ainya pexeinya petsita itatsi coyenewan exana, Nacom pia peayapusawatha tatsi

¹² Jesús pia peitorobi jiwitatsi pexeinya petsita itatsi coyenein exana jiwitatsi Nacom pia peayapusawatha tatsi. Pinmonae Jerusalén tomarapiwi pomonae jume cowanta Jesús, Nacom pin pia botha nacaetuta. Po tutu pewun Pórtico de Salomón tutu, bapo tututha nacaetuta.

¹³ Ichamonaepomonae xua jopa jume cowantsiyo Jesús, junuwa xua penanacaetutsiwa Jesús pejume cowantsi jiwitatsi. Ichitha barapo Jerusalén tomarapiwi tsita cui wunaetsi Jesús pejume cowantsi jiwitatsi.

¹⁴ Pin bicheito nayoyotapona, pebiwino, yabuxino pomonae xua jume cowantapona Jesús ponxae jiwitatsi Pecanamataxeinaeinchi.

¹⁵ Jesús pia peitorobi jiwitatsi wunae peexanaexae, Nacom pia peayapusawatha tatsi, daxota pomonae atene namtotha capoinchi. Ichamonaecamatha bobena namtotha.

Ichamonae weintha bobena. Barapomonae ichipa jayababatsi xua Pedro pejumope tatsi, xua barapomonae peaxaibi exanaenexa tsainchi.

¹⁶ Jiwi nacaetuta Jerusalén tomaratha pomonae xua pia tomaran jeba Jerusalén tomara pepuya weya. Barapomonae capata peatenewi iru pomonae xua matajemabatsi exanatsi cauri. Daxita barapomonae peburaya axaibi exanatsi. Daxita barapomonae carepaya equeicha axaibi.

Meje yabara poxonae Jesús pia peitorobi jiwi tatsi peraxa exanatsi

¹⁷ Nexata sacerdotemonae pia pepa pentacaponaein tatsi, iru pomonae xua napuna pona, pomonae saduceomonae, daxita barapomonae Jesús pia peitorobi jiwi tatsi anaepanaya jume uwatsi.

¹⁸ Daxota pomonae xua anaepana Jesús pia peitorobi jiwi tatsi teicatsi. Jiwi pecubi bothano capoinchi.

¹⁹ Ichitha Jesús itoroba matatsunpin. Bapon merawi patopa. Jiwi pecubi coiboto yausaranaxuba. Matatsunpin aisowa bemaxu cayiya Jesús pia peitorobi jiwi tatsi.

²⁰ Matatsunpin Jesús pia peitorobi jiwi tatsi tsipaebatsi, jeje: “Paponde Nacom pin pia botha. Baxota paumende. Payabara paebare daxita jiwitha barapo pena juntu coyene po coyene xua Nacom cata jiwitha xua beta pejinompaenexa”, jei matatsunpin.

²¹ Poxonae baya caemumbotha Jesús pia peitorobi jiwi tatsi bara exana xua matatsunpin paeba. Bara Nacom pin pia botha yacuinaya jojoniya pecuidubinexa jiwi.

Barapoxonae sacerdotemonae pia pepa pentacaponaein tatsi, iru saduceomonaeno waba daxita carepaya Israel nacua pia penapatae jiwi xua penacaetutsinexa pentacaitorobi bicheitotha. Barapoxonae barapomonae itoroba ichamonae xua Jesús pia peitorobi jiwi tatsi pecuaranobinexatsi pin bicheitotha peitabaratha tatsi.

²² Ichitha poxonae policiamonae jiwi pecubi botha pata, Jesús pia peitorobi jiwi tatsi jopa taetsi. Daxota policiamonae diwesiyo caibeya capona pin bicheito peitabaratha.

²³ Policiamonae namchi, jeje:

—Poxonae papatan jiwi pecubi botha, soldadomonae pomonae peewatsiwi barapo pecubi botha barapo soldadomonae pecoiboto yabara umena, daunwei tsuncuae. Poxonae pasaranaxoyan jopa paitaraerowinyo Jesús pia peitorobi jiwi tatsi. Jiwaibi. Aichurubena, jei.

²⁴ Poxonae sacerdotemonae pia pepa pentacaponaein tatsi, iru Nacom pin pia bo peyabara umenaewi pia pentacaponaein tatsi, iru sacerdotemonae pia pentacaponaein tatsi jume tane baxua, barapoxonae najuntu coyene benaecaeya nayainyaba, jeje: “¿Exota metha jane Jesús pia peitorobi jiwi tatsi? ¿Exua jane?” jei.

²⁵ Iruu barapoxonae pebin patopa. Barapomonae baraichi, jeje:

—Ja, pomonae jiwi pecubi botha pacaponame, barapomonae Nacom pin pia botha umena. Matautano cuiduba jiwi, jei bapon.

²⁶ Nacom pin pia bo peyabara umenaewi barapomonae pia pentacaponaein tatsi bapon baru pona policiamonaeno Nacom pin pia botha. Equeicha caewa baru dendenatsi Jesús pia peitorobi jiwi tatsi ichaxota nacaetuta pentacaitorobi bicheito. Saya jopa abe exanaetsi poxonae teicatsi. Saya baru cui wunaeya carendenatsi poroxo barapo policiamonae jiwi cui cunuwatsi. Daxota policiamonae saya be xainyatha teica barapomonae xua jiwi pecuiyainwaxae tatsi xua policiamonae pecuinbabiwa tsipaetsi ibotixitha.

²⁷ Nacom pin pia bo peyabara umenaewi pia pentacaponaein tatsino, barapomonae Jesús pia peitorobi jiwi tatsi capoinchi pentacaitorobi bicheito peitabaratha. Sacerdotemonae pia pepa pentacaponaein tatsi bapon, Jesús pia peitorobi jiwi tatsi baraichi, jeje:

²⁸ —Bayatha jume daunweya paca tsipaebatsiba: ‘Equeicha jopa Jesús payabara paebinde’, pajan. ¿Ichitha eta xua paexaname? Daxita carepaya Jerusalén tomarapiwi yaputane pocotsiwa paxam pacuidubame Jesús yabara. Yawa painya metha paebichi xua paxan panatsiaena cuentan Nacomtha tupa pata exanaexae Jesús, jei barapo pentacaitorobi bicheito.

²⁹ Nexata Pedro iru ichamonae pomonae Jesús pia peitorobi jiwi tatsi daxita barapo matabuxuyobe jume nota barapomonaetha, jeje:

—Apara jame bewa paexanaein pocotsiwa Nacom pana itoroba. Nacom pia peitorobi coyenewa ainya cui beyacaincha jiwi pia peitorobi coyene tatsi.

³⁰ Pata amo susato jiwi pia Nacom tatsi, barapo Nacom Jesús equeicha petupaein asu exanatsi pon xua pabexubame, poxonae naetotha tupa ruca paexanadutame.

³¹ Nacom Pexanto pia peayapusawatha exana yatsicaya jiwi pia pepa Pecanamataxeinaein tatsi. Yawa exana pexanto pon jiwi Pecapanenebiyaein. Baxua exana poxonae pecoxatha taecatsi pexanto. Nacom baxua exana tsipei ichichipa xua Israel nacuapiwi icha juntu cui coyene xeinaena bapontha, xua barapoxonae barapomonae Nacom pecui

yabara jantemainaenexa po coyene xua barapomonaе Nacom tsita natsicuentatsi xua abe pe-eexanaexae.

³² Bara yatsicaya pata cui taewi daxita baxuan, Nacom pia Pejumope tanaxa tatsi ira tanera. Daxota paca tsipaebatsi baxua, pocotsiwa xua Jesús exana. Nacom najumope cata pomonaetha pomonaе xua peichichipaewa xua peexanaewa pocotsiwa Nacom itoroba, jei Jesús pia peitorobi jiwi tatsi.

³³ Pentacaitorobi bicheito jume taerucupa xua pocotsiwa paeba barapomonaе pomonaе Jesús pia peitorobiwi tatsi. Bapoxonaе barapomonaе bichocono casebarucupatsi. Barapo pentacaitorobi bicheito ichichipa xua barapo Jesús pia peitorobiwi tatsi pejutebiwaitsi.

³⁴ Barapo pentacaitorobi bicheitho eca fariseomonaepin pewan Gamaliel, pon jiwi pecuidubin Moisés pia peitorobi coyene tatsi. Jiwi bapon baru cui itura jineibatsi. Bapon asiya uncuа yawa itoroba xua bara caeto pesato becayiya tsainchi barapomonaе pomonaе Jesús pia peitorobi jiwi tatsi.

³⁵ Bapoxonaе bapon Gamaliel barai barapomonaе pomonaе pentacaitorobi bicheitho, jeye:

—Paxam pomonaе Israel nacuamonaepiwi pamxaem, dota pam xua pocotsi coyeneya pacana exanaename barapomonaе.

³⁶ Metha bara pajantemainame poxonaе matha bapon Teudas poxonaе pia coya pentacaponaein naexana, nayabara paeba xua pinaе bichocono peainya cui jiton. Cuatrocientos pebiwimonaе matabuxabe puna jinompatsi bapon. Ichitha poxonaе Teudas bexotsi ichamonaе, bapoxonaе pijimonaе tatsi ducupa, poxonaе daxita yotabatsi. Saya xua Teudas exana baxua pecui pawi.

³⁷ Barichi Teudas pepuya weya ichan patopa pon pewan Judas. Bapon pentacaponaein najainta poxonaе jiwi pewan tinaе matababi tsuxubi. Bapon Galilea nacuapin. Piamonaе pin bicheito puna jinompatsira, ichitha barichi bapon Judas bexotsi ichamonaе. Barichira pijimonaе tatsi tarucupatsi poxonaе yotabatsi.

³⁸ Daxota paca jeichi: ‘Jesús pia peitorobi jiwi tatsi bara pacui copabare’, jan. Icha barapomonaе saya exanaetsipa xua jiwi itoroba, nexata barapomonaе jopa amanayabichipae pocotsiwa xua ichichipa peexanaewa.

³⁹ Ichitha icha barapomonaе exanaetsipa pocotsiwa Nacom itoroba, nexata paxam jopa pacui amanayabichipaem barapomonaе. Dota pam. Daxota jopa paexanaponaеinde po coyene xua Nacom pia peaitafaetabi jiwichi pana naexanaponaе, jei Gamaliel.

Barapomonaе pomonaе pentacaitorobi bicheito bara jopa pecuiyo Gamaliel pepaebixae.

⁴⁰ Barapoxonaе barapomonaе pomonaе pentacaitorobi bicheito equeicha wabatsi Jesús pia peitorobi jiwi tatsi. Bapoxonaе matha copiya ichamonaе itorobatsi xua Jesús pia peitorobi jiwi tatsi pecuainchinexatsi. Equeicha jume daunweya tsipaebatsi: “Equeicha jopa Jesús payabara papaebim tsane”, jei. Bapoxonaе pu copababatsi nama Jesús pia peitorobi jiwi tatsi.

⁴¹ Jesús pia peitorobi jiwi tatsi pentacaitorobi bicheito weya pona. Barapomonaе juntu coyene weiweina tsipei peraxa exanatsi ichamonaе, Jesús pijimonaexae xua baxua saya Nacom pecopatsixae.

⁴² Awiya barapomonaе amsiya yabara cuiduba, Nacom pin pia botha Jesús pia pexeinya jume diwesi yawa xua boxithano. Matautano cuidubano xua Jesús apara Mesías pon Nacom itorobica.

6

Meje yabara poxonaе Jesús pia peitorobi jiwi tatsi itapeta siete poyobe peyawenaenexa tsane ichamonaetha

¹ Barapoxonaе barapo mataqueitha pinmonaе jume cowanta Jesús. Pomonaе xua griego jume pecueicueijiwi anaya tsipaeba, pomonaе xua hebreo jume pecueicueijiwi baraichi, jeye: “Patamonaе, powaxi pecuenta werapaewaxichi piseurixi powaxi griego jume pecueicueijiwaxi poxonaе judiomonaе apata pexaewa, barapowaxi saya peyaxi apatatsi pexaewa. Ichitha meisa judiomonaewaxi powaxi pecuenta werapaewaxichi barapowaxi jopa juniya nabaneibiyo”, jei.

² Jesús pia peitorobi jiwi tatsi, pomonaе doce poyobe, barapomonaе baru nacaetuta ichamonaе pomonaе ira Nacom pejume cowantsiwi. Barapomonaе pomonaе Jesús pia peitorobi jiwi tatsi jeye barapomonaetha:

—Painta jopa yapu xanepanaeyo xua pata nacui barapentsiwa xua pata cueicueijiwi Nacom Pejume Diwesi xua saya pexaewa pata apatsinexa jiwi.

³ Daxota wajiwimonaе paitapere siete poyobe pebinbe paxam jiwana. Paitapere pomonaе xua daxita jiwi ita cui juntu coyene xanepaneibatsi, pomonaе xua juntu coyene

yucatsi Nacom pia Pejumope tñaxu tatsi pia peayapusuwatha tatsi, pomonae xua peyaputaewi. Barapo siete poyobe pacui itorobin xua pexaewa apateibina.

⁴ Bapoxonae paxan Jesús pia peitorobiwi tatsi pan, jopa paapatsin tsane pexaewa. Saya meisa Nacom pata tsipaebeibichi nawita yawa pata cueicueijeji tsabichi Jesús pejume diwesi, jei barapomonae.

⁵ Jesús pejume cowuntsi jiwi tatsi nanta jupaya nanta xeinarucupa. Bapoxonae Esteban itapetatsi. Bapon Esteban pon bichocono jume cowanta Jesús yawa bichocono juntu yucatsi Nacom pia Pejumope tñaxu tatsi pia peayapusuwa tatsi. Itapetatsi Felipeño, iru Prócoro, iru Nicanor, iru Timón, iru Parmenas, iru Nicolás. Bapon Nicolás Antioquia tomarapin. Bapon copiya jopa naexanaeyo judiomonaepin. Poxonae jume cowanta Nacom, bapoxonae judiomonaepin naexana.

⁶ Barapoxonae barapo siete poyobe Jesús pejume cowuntsi jiwi tatsi capona Jesús pia peitorobi jiwi tatsitha. Jesús pia peitorobi jiwi tatsi mata jayabiya tawuca Nacomtha xua Nacom yawenaena barapomonae.

⁷ Pinmonae jume tane Nacom Pejume Diwesi. Pinmonaeno iru jume cowanta Cristo Jesús, pomonae Jerusalén tomaratha jinompa. Iru judiomonaepia sacerdotemonae tatsi, barapocotsimonae pin bicheito jume cowanta.

Meje yabara poxonae Esteban waetabatsi

⁸ Esteban pexeinya petsita itatsi coyenewan exaneiba jiwitha Nacom pia peayapusu itorobi coyenewatha tatsi. Tsipei Nacom yanta popona bapon daxota Esteban Nacom yaweneibatsi pecatsixaetsi peayapusuwa.

⁹ Nexata nacaetuta pinmonae judiomonaepia penacaetutsi botha tatsi. Ichamonae wun dutatsi xua jeichichi: “Pomonae pepu sorobabebiwichi poxonae busi cui tatayebabatsi”, yabara wun jeichichi. Iru nanacaetutapona Cirene tomarapiwi, iru Alejandria tomarapiwi, iru Cilicia nacuapiwi iru Asia nacuapiwi. Daxita barapomonae Esteban jume matsontsonobatsi.

¹⁰ Ichitha Esteban xaniwaicha cueicueijeji exanatsi Nacom pia Pejumope tñaxu tatsi. Daxota poxonae Esteban paeba barapomonae jopa itacupaetsi xua beta pejume notsiwa.

¹¹ Nexata barapomonae po pin bicheito penacaetutsimonae ichamonae nantsiyatsiya catatsi paratixi petacamuxuitorobinexa tsainchi xua Esteban paeba. Barapomonae pomonae pemuxuitorobi jiwi namchi xua Esteban Moisés baraunchichi abe jei, yawa xua Nacom baraunchichi abe jei.

¹² Barapo jumetha pemuxuitorobi jiwi daxita jiwi anaepana exanatsi xua Esteban jume canaerabatsi. Pitiri jiwino anaepana. Iru pomonae jiwi pecuidubiwi Moisés pia peitorobi coyene tatsi barapomonaeno iru anaepana. Daxota barapo penapatae jiwi iru pomonae jiwi pecuidubiwi Moisés pia peitorobi coyene tatsi barapomonae Esteban yorobateicatsi. Pentacaitorobi bicheito peitabaratha capoinchi.

¹³ Barapo pentacaitorobi bicheito equeicha waba pomonae Esteban jume cui canaerabatsi wabatsi. Barapomonae pomonae penaerabiwi Esteban yabara jeichichi:

—Bapon Esteban Nacom pin pia bo tatsi baraunchichi abe jei. Barichi bapon Esteban Moisés pia peitorobi coyenewa tatsi baraunchichi abe jei.

¹⁴ Pajume tan, xua Esteban paeba xua pinae Jesús Nazaret tomarapin paeba. Jesús pinae namchi, pinae jeye: ‘Barapo bo Nacom pin pia bo tantanaca exanaein’, pinae jei Jesús. Equeicha Esteban namchi xua pinae Jesús paeba pinae jeye: ‘Tamropata pitaban po peitorobi coyenewa xua bayatha Moisés paca itoroba’, jei pinae bapon Jesús, jei barapomonae pomonae penaerabiwi.

¹⁵ Pomonae baxota ena pomonae pentacaitorobi bicheito, barapomonae Esteban necotetsi. Barapomonae itabara tayena xua Esteban peitabara be matatsunpin itabara, xua bichocono wunae.

7

Meja yabara poxonae Esteban pentacaitorobi bicheito itabaratha pia coya paeba

¹ Nexata sacerdotemonae pia pepa pentacaponaein tatsi bapon Esteban baraiichi, jeichi: “¿Bara xainyei xua barapomonae cabarai?” jei sacerdotemonae pia pepa pentacaponaein tatsi.

² Esteban jume nota, jeye: “Tamonae pam pana nejume taema. Wanacom wunae nawita. Barapon Abraham tsita naitutatsi poxonae caena bayatha awiya Mesopotamia nacuatha popona. Bapon Abraham wamo susatopin matha copiya tsiwanaeya popona Mesopotamia nacuatha poxonae Harán tomara bewarapiya.

³Nacom pinae Abraham baraichi: 'Barapo ira jinya ira cuenta warapare. Jinyamonaeno cuenta warapare. Icha ira bewarapiyama ichaxota po ira beya cacaponaeinchi', jei pinae Nacom.

⁴Nexata pinae Abraham Caldea nacua wewarapiya. Harán tomara pinae bewarapiya. Poxonae pinae Abraham Harán tomaratha popona pinae Abraham paxa tatapatsi pon pewn Taré. Bapoxonae Nacom, Abraham pinae itorobatsi barapo irathe po irathe pajinompame anoxuae.

⁵Barapoxonae pinae Abraham cataunxuae jopa catichi ira. Saya pinae tacayabara wanae tsimuxu dutatsi. Nacom pinae Abraham baraichi: 'Jinya ira tsane, iru jinya jiwi penaitapataya naexana dubenaponeibiwi tsane pomonae jinya nemomo susato jiwi pia ira nexa tsaneru', jei pinae Nacom. Ichitha pinae barapoxonae jopa xeinaeyo pexui.

⁶Baraxua Nacom pinae Abraham baraichi: 'Jinya nemomo susato jiwi icha nacuatha jinompaena. Be pomonae penanapaincha jinompaewi tsicotaeinchi xua be pocotsi jiwimonae icha nacua werena peponaewi. Tanacuitinchi ichamonae xua amanaya tanacuichina. Busi cui tatayebeibinchino. Caitacueintinchino yawa. Cuatrocientos po weiyobe tsane xua jinyamonae naitapataya atene exaneibinchi', jei Nacom Abrahamtha.

⁷Eqeicha Nacom tsipaeba Abraham, jeye: 'Barapomonae xua abe pacata exanaena poxonae paca busi cui tataibina barapomonae jopa cui juntemaine tsane. Barapomonae itawetsiya peraxa jubin. Bapoxonae jinya nemomoxi susato jiwi warapaena po nacuathe ichaxota uncuame yawa wanae nejainchina xote', jei pinae Nacom Abrahamtha.

⁸Nacom pinae Abraham itorobatsi xua peexanaenexa po coyene xua pexui pebin wutixi pewi thabiwatsi xua ichaxota nareixacaena. Barapo coyene exana Abraham wanae xeinaenexa iru piamonae tatsi xua po coyene bayatha Nacom pinae yabara tsiwanae muxu duta, xua bepa pinae yaweneibina xua barapomonae pinae bepa yaweneibinchi. Daxota pinae poxonae Abraham pexanto tanaexanatsi pexanto wi thaba, pinae pewn Isaac. Isaac iru pinae barichi pexanto wi thaba, pinae pewn Jacob. Jacob iru pinae barichi wi thaba pexanto jiwi, pomonae bayatha Israel nacuamonaepiwi pia pentacaponae tanaexanatsi barapo doce poyobe.

⁹'Jacob pia pexanto jiwi tatsi, barapo doce poyobe, wamo susatomonae. Barapo doce poyobe jiwana caein pewn José. José pentapin jiwi uwatsi. Daxota José pentapin jiwi caenaetatsi. Pomonae bapon José comotatsi barapomonae José Egipto nacua becayiyatsi. Pon be jiwi pebusi cui tataibinchi be bapocotsin petsicotaenexa tsainchi. Ichitha Nacom José yawenatsi pebaru poponaexaetsi.

¹⁰Poxonae José abe jume barauchalbichi ichamonae, yawa poxonae muxu atene peexaneibichi awiya José capanepeibatsi Nacom. Poxonae faraón peitabaratha taponatsi José, Nacom exana xua José faraón tsita juntu coyene xanapanatsi. Matautano Nacom peyaputaen exanano. Bapon faraón Egipto nacuamonae pia pepa peewatsinchi tatsi. Faraón cana exana xua José Egipto nacuapiwi yanacua ewatatsi faraón nexa. Matautano faraón cana exana xua José canamataxeina daxita xua xuan faraón xeina.

¹¹'Barapoxonae Egipto nacuatha jainbo nacua tsurucuaeno, Canaán nacuathano iru. Pata amo susato jiwi jopa pexaewa taeyo. Yawa piyain pewerapae nacua tsurucuae poroxu pexaewa ajibi.

¹²Poxonae Jacob jume tane xua trigo xu xeina Egipto nacuatha, pia pexui bara beitorobiya. Barapon Jacob pia pexui tatsi, pata amo susato jiwi. Baraxua poxonae xua copiya aena pona Egipto nacuatha.

¹³Poxonae eqeicha pona José pentapin jiwi tsita naitapeinya xeina xua bapon bara peweicho jiwi tatsi. Bapoxonae faraón yaputane xua barapomonae apara bara José piamonae tatsi.

¹⁴Pirapae José pentapin jiwi itoroba xua petabarua dendenaenexatsi paxa tatsi, pon pewn Jacob, matautano piamonae tatsi petabarua dendenaenexatsi po jiwimonaexae xua setenta y cinco poyobe.

¹⁵Daxota Jacob iru pijimonaeno Egipto nacua beya warapa. Baxota pirapae bapon tupa. Iru pirapae pata amo susato jiwino weraparua baxota.

¹⁶Pirapaeno Jacob piwan capoinchi Siquem tomara beya. Baxota piwan muthatha xotsi, po ira bayatha Abraham comota, po ira Hamor pexantixi tatsi caenaeta.

¹⁷'Ainya wei tsuxubi. Poxonae barapomonae Egipto nacua wewarapiyaenaba, be pocotsi coyeneya bayatha Nacom yabara tsiwanae muxu duta, bapoxonae Israel nacuapiwi pinmonae naexana.

¹⁸Nexata Egipto nacuatha ichun nacua peewatsin naexana, pon José jopa yaputaetsi.

¹⁹Barapo Egipto nacuapiwi itorobiya pia pepa peewatsinchi tatsi pata amo susato jiwi muxutorobeibatsi. Yawa cuainteibatsino. Yawa cobe itorobeibatsino xua pexui saya pebebainexa tsaiibi tsane aisowatha xua pewerapeibinexa.

²⁰ Barapoxonae iru Moisés naexanaru. Moisés paxa pia botha wihatatsi acoiibi po xometiyobe. Barapon Moisés pexeinyan nawita Nacom tsita juntu coyene xanepanecatsi barapo pexuyo.

²¹ Poxonae Moisés pena xotsi yawa paxa xotsi namicha jeriyotha yana botetatsi mentha xua musuripawa cuba, barapoxonae faraón pexantiyo tatsi Moisés pitatsi. Be pexanto tscotane, pia botha wihatata.

²² Bapon Moisés nacuiduba nawita pocotsiwa Egipto nacuamonae yaputane. Daxota peyaputaein tsecaeno, wanae peexanaein tsecaeno.

²³ ‘Pirapae poxonae Moisés yacurenta po weibe jopa, bapon nanta xeina xua piamonae pesiwa ponaewa pomonae Israel nacuamonaexae.

²⁴ Poxonae Moisés piamonae siwa pona, bapon tane xua piamonae jiwana tatsi tabutsi, Egipto nacuapin. Daxota Moisés yawena pon piamonae jiwanaexae tatsi yawa bexuba Egipto nacuapin.

²⁵ Moisés nanta xeina, pia coutha nabarai: ‘Tamonae, Israel nacuamonaepiwi neyaputaena xua Nacom neitoroba. Mata cawarapaein barapomonae Egipto nacua weya, penacapanenebiyaenexa tsane’, najei. Ichitha daumetha barapomonae jopa tsaqueinaeyo.

²⁶ Icha matabitha Moisés tane xua caepinbe iru nababeru Israel nacuamonaepinbe. Moisés barai baponbe: ‘Ja, zeta xua metha caepinbe pana nabamebe?’ jei.

²⁷ Pon piamonae ba, Moisés napuna torobapoinchi. Moisés baraichi: ‘Jintam caitoroba pata xantha xua pon be jiwi neyabara paebin penatsicuentisiwa xua abe peexanaexae, xuano xua jiwi Necanamataxeinaem naexaname?’

²⁸ Jjinya nebeuxichi icha mexuae ichim Egipto nacuapin?’ jeichichi Moisés.

²⁹ Poxonae Moisés jume taebiriwa baxua, Moisés naetsiricua Madián nacua benaetsircuuiya. Baxota Moisés tanaexanatsi pexuyobe, pebin wutobe’, jei Esteban.

³⁰ Equeicha came Esteban barapomonae baru cueicueije. Namchi, jeye: ‘Caentacabi pirapae poxonae cuarenta po weibe pu caewa, xua poxonae equeicha icha cuarenta po weibe xeina, Moisés popona ichaxota ira xuepana susato tsurucuae nacuatha. Imoxoyo demxuan, po demxuan pewan Sinai baraxota Moisés tsita naitatatsi matatsunpin xua poxonae isototha uncua xua taxuncua tsica naeyo.

³¹ Moisés yabara najuntu coyene cabenaeca. Bapon itatapoinya tsipei ichipa yaitane. Barapoxonae baxota Moisés jume tane xua Nacom namchi:

³² ‘Apara jinya amo susato jiwi pia Nacom tatsin. Iru apara, Abraham pia Nacom tatsin. Iruru apara Isaac pia Nacom tatsin. Apara iru Jacob pia Nacom tatsin’, jei Nacom. Moisés pijunuwi bichocono jijijiyei daxota aichaxaibi xua tane.

³³ Nacom pinae Moisés baraichi: ‘Xua nataxu xatatame nataxu wejonde, poxoru po iratha poname apara tairiyo.

³⁴ Tamonae, pomonae Egipto nacuatha jinompa bichocono atene exaneibatsi yawa jume tanno xua nanenaba. Daxota barapomonae capanepan. Antha, caitorobatsi equeicha necoyo beya, Egipto nacua beya’, jei pinae Nacom”, jei Esteban.

³⁵ Equeicha Esteban namchi, jeye: ‘Pomonae Egipto nacuatha jinompa, barapomonae Moisés aichaxaibichi. Barapomonae Moisés baraichi: ‘Jintam caitoroba pata xantha xua naexaname pon be jiwi neyabara paebin xua penatsicuentisiwa xua abe peexanaexae xuano xua naexaname pon be necanamataxeinaein?’ jei barapomonae. Bequein barapomonae baxua paeba ichitha Nacom cana exana xua bapon Moisés naexana be pon jiwi peyabara paebin xua penatsicuentisiwa xua abe peexanaexae. Matautano Moisés cana exanatsi pon pecapanepaein piamonae. Baxua Moisés naexana poxonae matatsunpin itoroba po matatsunpin Moisés tsita naitatatsi poxonae isototha uncua xua taxuncua tsica naeyo.

³⁶ Bapon Moisés pon wamo susato jiwi capanepatsi Egipto nacua weya. Moisés petsita itatsi coyenewan exana Nacom pia peayapusuwatha. Baxua exana Egipto nacuatha, Mar Rojo menthano. Matautano exanano ichaxota ira xuepana susato tsurucuae nacuatha cuarenta po weibetha.

³⁷ Moisés Israel nacuamonae jiwitha namchi: ‘Nacom paca jiwana cana exanaena pon pia peitorobi jume petapaeinchi icha neichi barichi tsane. Bapon xua pon Nacom itorobina, apara pon painyamonae jiwana tsane’, jei Moisés.

³⁸ Matautano apara bapon Moisés pon nanacaetuta poxonae Israel nacuamonae nacaetuta ichaxota ira xuepana susato tsurucuae nacuatha. Matautano bapon Moisés diwesi tsipaeba jiwitha xua petsipaebixaetsi matatsunpin poxonae tsipaebatsi demxuwatha po demxua pewan Sinai. Barapo diwesi po diwesi Moisés wamo susato jiwi tsipaebatsi barapo diwesi jiwi cana exanatsi xua peajuntu yapusawa pexeinaewa. Barapo diwesi iru waxainchi nexaru.

³⁹ “Ichitha barapomonae wamo susato jiwi jopa bejume jejeyo xua peexanaewa pocotsiwa Moisés itorobatsi Nacom. Moisés jume matawentatsi. Saya barapomonae ichipa xua equeicha caibeya penawibiwa Egipto nacua beya.

⁴⁰ Poxonae cataunxuae Moisés demxuwatha pona, barapoxonae barapomonae Moisés peweicho tatsi pon pewın Aarón, bapon baraichi: ‘Painta exande ainya ibo nain nacomın. Barapo ibo nain nacomın naca tsiwana copia cajijincaena namtotha. Jopa payaputaeyinyo xua Moisés aichawiya pon pana matacapona Egipto nacua weya’, jeichichi Aarón.

⁴¹ Barapoxonae barapomonae penain nacom exana be vacayo pebtiyo canaxobeta. Bapoxonae barapomonae tabexuba oveja, penain nacom nexa. Tsipei barapomonae nanta xeina xua metha penain nacom ichichipa baxua. Barapomonae bichocono jıntı coyene weiweina penain nacom pia coya peexanaexae, xua pin penabanaewa xua pebaru itura jinaenexatsi barapo ibo nacom.

⁴² Barapomonae Nacom wepu tsatajopa tsipei barapomonae pia penain nacom exana. Nacom bara copata barapomonae xua bara barapomonae bara exanaena be pocotsi coyeneya xua ichichipa peexanaewa. Daxota barapomonae opitei be nacom cana exana, po opitei barapomonae wınae jainta. Barapomonae pomonae wamo susatomonae, exana pocotsiwa caena bayatha Nacom pia peitorobi jume pepaebın yabara cui tsiwanae muxu dutsiya tina. Bapon diwesi tina xua Nacom jume yabara tinatsi xua Nacom namchi barapo diwesitha, jeje:

‘Israel nacuamonae, paxam oveja pabexubame
painya penain nacomın nexa,
ichitha xan nexa jopa paraichim.
Baraxua paexaname poxonae pajinompame ichaxota
ira xuepana susato tsurucuae nacuatha
xua cuarenta po weibetha.

⁴³ Yawa pacaponame penain boutiyo nacom
po penein boutiyo nacom pewın Moloc.
Yawa pacaponame icha penain opitei nacom
po opitei penain nacom pewın Refán.
Barapo penain nacombe paexaname
painya wınae jaintichi.

Daxota xan itorobin ichın xua paca mata
cawarapaena Babilonia nacua beya.
Bequein jopa bepawarapaem ichitha awiya
paca itorobinchi’, jei Nacom.

⁴⁴ “Wamo susato jiwi exana xua be bo xua anseraboco, xua ichaxota tututha jeba ibo xua po iboton Moisés mata tina xua Nacom pejume caitorobiwan. Barapomonae cuita acaba be pocotsi boyo Moisés tsita itutatsi Nacom.

⁴⁵ Wamo susato jiwi poxonae tawerapatsi paxa tatsi, itorein pita barapo boyo xua anseraboco boyo. Pata tamo jiwi Nacom pia boyo capona poxonae Josué napona. Poxonae pata tamo jiwi ainya nacuan nonota tsiniya barapoxonae equeicha barapo anseraboco boyo capona beya yacobe cui matacabi othopa poxonae David popona pon Israel nacuapiwi itorobiya pia pepa peewatsinchi.

⁴⁶ Bapon David pon Israel nacuapiwi itorobiya pia pepa peewatsinchi tatsi, Nacom tsita pejıntı coyene xanepanaeinchi. Bapon David ichichipa xua acaba pin bo Nacom nexa po Nacom Jacob pia Nacom tatsi.

⁴⁷ Ichitha Salomón bapon apara pon Nacom pin pia bo exana.

⁴⁸ Bequein Nacom pon pepa Nacom jopa poponaeyo botha pocotsi bo jiwi acaba Nacom nexa. Nacom peitorobi jume pepaebın baxua yabara paeba xua Nacom tapaebatsi, jeje:

⁴⁹ ‘Peitaboco apara ichaxota taequeibithopeibiwa.
Ira apara ichaxota nataxu yıtabotan.

¿Eta pocotsi bo netsiexanaename?’
jei pon Wanacanamatexeinaein.
Mataıtano jeino: ‘Ichacuitha ¿eta po irara
xua ichaxota nafinacaecaen?’

⁵⁰ Apara xan tacoutha exanan daxita ira yawa
peitaboco daxota jopa nantawenonaeyinyo xua
ichawa tana netsiexanaewam’, jei Nacom”,
jei Esteban.

⁵¹ Equeicha Esteban barai, jeje: “Maisa bichocono pajıntı coyene daunwam xua jopa bepapaputaem. Mataıtano pamuxu tutu daunwam, yawano pajıntı coyene daunwam

icha be pocotsimonaē ichi pomonaē jopa peyaputaewi Nacom. Barichi paaichaxaibim Nacom pia Pejumope t̄nax̄n̄ t̄atsi. Paxam bara paichim icha painya amo susato jiwi ichi.

⁵² Apara painya amo susato jiwi bayatha Nacom pia peitorobi jume pepaēbiwi catsa jume bar̄n̄ paebatsi, yawa cueintatsino. Matautano bayatha jutebatsi barapomonaē pomonaē Nacom pia peitorobi jume pepaēbiwi, pomonaē namchi: 'Bexa patopaena pon pepa pejunt̄n̄ xanepanaein pon Mesías baraichi', jei. Cain paxam, barapon poxonaē patopa, pacaenaetame, pabexubameno.

⁵³ Nacom pia peitorobi diwesi pajume taneme xua matatsunpiwi paca tsipaēba Nacom nexa. Ichitha jopa paexanaem pocotsiwa Nacom paca itoroba barapo pia peitorobi diwesitha", jei Esteban pentacaitorobi bicheitha.

Meje yabara poxonaē Esteban t̄apa

⁵⁴ Poxonaē pentacaitorobi bicheito jume tane pocotsiwa Esteban paēba, bapoxonaē bichocono Esteban yabara cui anaepanar̄c̄apatsi.

⁵⁵ Ichitha Esteban bichocono j̄nt̄n̄ coyene ȳca cana exainchi Nacom pia Pejumope t̄nax̄n̄ t̄atsi pia peayapur̄n̄watha. Esteban athabeicha necoicha. Bapon necota Nacom pia peit̄n̄panaē coicha t̄atsi ir̄n̄ Jesucristo xua uncua Nacom pecoxatha t̄atsi.

⁵⁶ Nexata Esteban namchi, jeye:

—Incane pataema. Necotan xua peitaboco naitaboco coibo yausaranaxuba. Tan Jesús xua uncua Nacom pecoxa weya t̄atsi ponxae Nacom pia Peitapetsin t̄atsi, jei Esteban.

⁵⁷ Barapomonaē jume itapataya namuxu acaba pocotsiwa Esteban paēba. Yawa anaepanaya wawai. Barapomonaē be cae bicheito naexana pomonaē Esteban betacuinaeyiyatsi.

⁵⁸ Barapomonaē Esteban aisowa bexoyatsi tomara weya. Yawa baraxota ibotontha cuinbabatsi. Pomonaē abe peexanaewichi Esteban, barapomonaē Saulo juma camisa jeba xua pocotsiwan nainya werubiya. Bapon Saulo pon pewowin xua bayatha pinyo.

⁵⁹ Poxonaē barapomonaē Esteban cuinbabompatsi ibotontha bapoxonaē Esteban t̄sipaēba Nacomtha, jeye: "Jesús, pon Tanecanamataxeinaem, nejumope t̄nax̄n̄ pire", jei Esteban.

⁶⁰ Bapoxonaē pentabocototha uncua. Namtsebiya wawaino, jeye: "¡Jesús, Tanecanamataxeinaem! ¡Necana cui j̄nt̄n̄mainare, yawa jopa neyantomatsinde xua barapomonaē inta abe exana!" jei Esteban.

Poxonaē najume wetaba, t̄apanaicha Esteban.

8

¹ Saulo ir̄n̄ bar̄n̄ ita cui w̄naetsi poxonaē ichamonaē Esteban bexotsi.

Meje yabara poxonaē Saulo abe exana pomonaētha pomonaē Jesús pejume cow̄ntsiwi

Po matacabitha Esteban bexotsi, barapo matacabitha judiomonaē tamropata notar̄c̄apa xua Jesús pejume cow̄ntsi jiwi t̄atsi bichocono abe exanatsi Jerusalén tomaratha. Daxita Jesús pejume cow̄ntsi jiwi t̄atsi yotabatsi. Ichamonaē Judea nacua ber̄c̄apiya, ichamonaē Samaria nacua ber̄c̄apiya. Meisa Jesús pia peitorobi jiwi t̄atsi pomonaē xua doce poyobe ena Jerusalén tomaratha. Jopa d̄c̄upaeyo.

² Ichamonaē, pomonaē Nacom pejume cow̄ntsiwichi, Esteban m̄th̄h̄tha xotsi. Barapomonaē Esteban bichocono siwa wecoyeichi.

³ Saulo jeita ducuaeta Jesucristo pia pejume cow̄ntsi jiwi t̄atsi. Daxita bot̄n̄x̄n̄ j̄paya Saulo jiwi teteica tsiniya yab̄x̄xino pebiwino. Jiwi pec̄abi bo beya capona.

Meje yabara poxonaē Jesús pejume cow̄ntsi jiwi t̄atsi paēba dubenanaēbiya Jesús pia pexeinya jume diwesi t̄atsi Samaria nacua

⁴ Pomonaē bewa Jerusalén tomara wer̄c̄apiyaena barapomonaē Jesucristo pia peca-panepae jume diwesi paēba dubenanaēbiya daxita po tomarantha xua pateiba.

⁵ Barapomonaē jiwana t̄atsi pon Felipe baraichi bapon pona pepa tomaratha Samaria nacua. Barapo tomaratha tamropata pitaba xua pecueicueijeiba Cristo yabara.

⁶ Jiwi nacaetuta dubenanaēbiya. Matautano jume naitomatsiya jume taerubenanaēbiya pocotsiwa Felipe cueicueije Cristo yabara. Matautano barapomonaē taerubenanaēbiya pexeinya petsita it̄atsi coyenewan xua Felipe exana Nacom pia peayapur̄n̄ itorobi coye- newatha.

⁷ Pomonaē xua cauri pexeinaewi, barapomonaē equeicha axaibi exanatsi poxonaē Felipe taitaweta cauri. Matautano caurimonaē barapomonaē wawaya wepu d̄c̄r̄peibatsi. Ichamonaē pomonaē pecuenobichi jiwi, pejayujayujeimonaeno, daxita barapomonaē axaibi exanatsi.

⁸ Felipe baxua peexanaexae daxota barapo tomarapiwi bichocono j̄nt̄n̄ coyene wei- weinaya jinompa.

⁹ Barapo Samaria tomaratha popona pon pentawun Simón. Bapon Simón mara pexeinaein. Matautano bapon barapo Samaria tomarapiwi muxujainyabeibatsi poxonae bapon pia coya pentacaponaein naexana.

¹⁰ Daxita tomarapiwi pomonae peacopeibiwi iru pomonae nawita pexeinaewino, barapomonae beta jume naitaewata pocotsiwa Simón paeaba. Barapomonae namchi, jeye: “Barapon Simón apara pon yabara jeichichi: ‘Pon bichocono Nacom pia peayapusuwa tatsi xeina’, yabara jeichi”, jei barapomonae.

¹¹ Daxita barapo tomarapiwi itapeta jume naitaewata pocotsiwa Simón paeaba, tsipei saya caena bayatha barapomonae muxujainyabatsi mara peexanaewi pia coyeneyatha tatsi.

¹² Barapomonae jume cowanta po pexeinya jume diwesi Felipe cueicueijeji xua Nacom yawa Jesucristo yabara, po diwesi xua Nacom waba jiwi petanaexanaenexatsi pijimonae tatsi jiwana pomonae Nacom itorobiya ewata. Bapoxonae barapomonae bautisabatsi pebiwi yawa yabuaxino.

¹³ Bapoxonae bapon Simón iru jume cowanta. Iruno bapon bautisabatsi. Matautano bapon tamropata pitaba xua Felipe peyantsiwatsi. Bapon Simón yabara najuntu coyene cabenaeca bichocono poxonae Felipe pexeinya petsita itatsi coyenewan exana Nacom pia peayapusuwatha.

¹⁴ Jesucristo pia peitorobi jiwi tatsi, pomonae peenaexae Jerusalén tomaratha, jume tane xua Samaria nacuamonae jume cowanta Nacom Pejume Diwesi. Daxota barapomonae Pedro itorobatsi iru Juan itorobatsi, Samaria nacuamonae beya.

¹⁵ Poxonae Juan Pedrobe patopabe barapomonaetha, bapoxonae Nacomtha tawucabe Samaria nacuapiwi nexa, pomonae pejume cowantsixae Nacom. Baponbe ichichipabe xua barapomonae peyanaba jinompaenexatsi Nacom pia Pejumope tuxaxu tatsi.

¹⁶ Pedro iru Juan tawucabe barapomonae Nacomtha. Tsipei barapomonae awiya cataunxue jopa tapatichi pia juntu coyeneintha Nacom pia Pejumope tuxaxu tatsi. Saya meisa poxoro bautisabatsi Jesús pon Pecanamataxeinaein jiwi bapon pewantha tatsi.

¹⁷ Pedro iru Juan, pecobetha mata jayababe barapomonae. Barapoxonae barapomonae tapatatsi pia juntu coyeneintha tatsi Nacom pia Pejumope tuxaxu tatsi.

¹⁸ Poxonae Simón cui tane xua Pedro Juanno pecobetha mata jayababe xua daxota Nacom pia Pejumope tuxaxu tatsi tapatatsi barapomonae, Simón ichichipa xua pecatsiwa paratixi baponbetha.

¹⁹ Simón namchi, jeye:

—Dapo peayapusuwa necare. Tha iru poxonae mata jayabeiban ichamonae tapateibinchi Nacom pia Pejumope tuxaxu tatsi, jei Simón.

²⁰ Nexata Pedro Simón baraichi, jeye:

—Barabu xam yawa jinya paratixino cayawa muxuna weraweraca exanaena, tsipei saya nanta xeiname xua necaitacupaewa xua Nacom pia peayapusuwa tatsi necomotsiwa paratixitha, po peayapusuwa bequein Nacom amanaya pecatsiwa jiwitha.

²¹ Jopa caitacupaeyo xua nexainaewa Nacom pia peayapusuwa tatsi, tsipei apara Nacom cajuntu coyene yaputane xua neajuntacoyenebewa.

²² Nacui baraxore jinya abe neexanae cuiru coyenein. Nacom wucare, xain Nacom cayabara junteina xua nanta xeiname baxua.

²³ Catainchi xua pejume uwiwa nenthutotha xeiname. Xam neabewa canthutha yancababa daxota beta jopa xapain poponaem, abe nanta xeiname jincoutha, jei Pedro.

²⁴ Nexata Simón jume nota. Pedro iru Juan jume notatsibe, jeye:

—Painta yabara wucarebe Nacomtha baxua xuaunxuae pana netsipaebamebe, xain bapoxonae xeinaein barapo coyene xua jopa abe tana necana exanaenexa, jei Simón.

²⁵ Bapoxonae Pedro Juanno ichamonaetha nacui yopitabe po coyene xua bayatha jume cowantabe Nacom. Yawa xua penthutotha taecatsibe Nacom pia Pejumope tuxaxu tatsi. Baponbe Nacom pia pexeinya jume diwesi tsipaebabe barapomonaetha. Jerusalén tomara bewarapiyabe. Poxonae warapabe, Jesús pia pexeinya jume diwesi papaeba tsiniyabe Samaria nacuatha. Ainya tomarantha cueicueijeibe.

Meje yabara xua poxonae Felipe iruru Etiopia nacuapin nantenta ponabe namtotha

²⁶ Barapoxonae pirapae, Jesucristo pon Pecanamataxeinaein jiwi, bapon pia matatsunpin tatsi, Felipe tsita naitutsiya tsipaebatsi, jeichichi: “Nontaponde, yawa ponde pocotsiwa parowa bereca. Jerusalén namto iyande xua po namto Gaza tomara betaerucuiya”, jei matatsunpin. Barapo namto ducuiya ichaxoyo ira xuepana susato tsurucuae nacua iya.

²⁷ Felipe nantacotaxuba, bapoxonae bara ponataba. Poxonae Felipe namtotha ecapona, bapoxonae caxina pebin Etiopia nacuapin. Barapon pon pentacaponaein pon peainya cui jiton. Matautano bapon paratixi tayapu eena xua yabuyo nexa powa Etiopia nacua pepa

peewatsiwayo. Bapon Etiopía nacuapin bayatha pona Jerusalén tomara beya xua wanae pejainchinexa Nacom.

²⁸ Bapon caewa pia nacua siwa ecapona Etiopía nacua. Cawayu pecapona naeyotha ecapona yawa yorobecapona po diwesi bayatha Isaías tina, pon Nacom peitorobi jume pepaebin.

²⁹ Nacom pia Pejumope тnaxн tatsi Felipe baraichi, jeye: “Imoxoyo ponde cawayu pecapona naeyo beya yawa imoxoyo caquita naecaponde”, jeichichi Felipe.

³⁰ Felipe cuinaepona cawayu pecapona naeyo beya, ichaxota jume tane xua yoroba Etiopía nacuapin. Bapon yoroba Nacom Pejume Diwesi, xua po diwesi bayatha Isaías tina. Felipe barai bapontha jeye:

—¿Bara yaputaneme xuaunxuae yorobame? jei.

³¹ Bapon Felipe jume notatsi, jeye:

—¿Eta bichin xua tayaputaewa icha dapon aibi pon yabara neyaputane exana barapo diwesi? jeichi Felipe.

Felipe wabatsi xua penontabinaenexa xuano xua peecaenexa ichaxota bapon eca.

³² Po diwesi ichaxota bapon yoroba xua baxue meje:

“Be poxonaе jiwi oveja yamн capona pebexubinexa tsane, barichi tsane jiwi caponaena jiton pebexubinexa tsane. Be cordero moya, jopa papayo poxonaе na thabatsi barichi tsane jiton moya tsane, jopa papai tsane poxonaе caitacueintinchi poxonaе yawa aperutane tsaneno.

³³ Jiton ura exanaeinchi.

Jiwi ura exanaena.

Jopa beta yabara exanae tsainchi poxonaе jiton atene tsane poxonaе jopa bequein abe exanaeyo.

Jiwi jopa yabara paebi tsane xua pia pexui tatsi, poxoru jopa nantausti tsane pexui, pemomoxino.

Jiwi barapo jiton bexubinchi”, jei Nacom Pejume Diwesi, po diwesi Isaías tina xua ichaxota yoroba Etiopía nacuapin.

³⁴ Nexata Felipe yainyabatsi Etiopía nacuapin, jeichichi:

—Incane netsipaebare, ¿jintam Isaías yabara jei? ¿Pia coutha nayabara jei jampa? ¿Bara metha ichнn yabara jeichi? jeichichi Felipe Etiopía nacuapin.

³⁵ Felipe yaputane exana Etiopía nacuapin po diwesi xua Isaías tina Jesús jume yabara. Bapoxonaе nama paeba po coyene Jesús pia pexeinya jume diwesi tatsi.

³⁶ Poxonaе Felipe Etiopía nacuapinno namtotha ecaponabe, bapoxonaе Etiopía nacuapin namchi, jeye:

—Taema meniyo eque jeba. ¿Jopa nebautisabim tsane? jeichichi Felipe.

³⁷ Felipe barai, jeye:

—Icha daxita carepaya jume cowantame nejuntн coyenetha, methaunxuae bara cabautisabinchi, jei Felipe.

Etiopía nacuapin Felipe jume notatsi, jeye:

—Bara yabara jume cowantan xua Jesucristo, bara Nacom pexanto tatsi, jei bapon.

³⁸ Nexata Etiopía nacuapin cobe itoroba xua duntabina pon xua cawayu pecomae-caein. Nexata duneicabe Felipe Etiopía nacuapinno. Meniyo bejonecabe. Nexata Felipe meniyotha bautisaba Etiopía nacuapin.

³⁹ Poxonaе meniyo wejuinabe, Nacom pia Pejumope тnaxн tatsi Felipe puxanatsi. Felipe equeicha jopa taetsi Etiopía nacuapin. Saya equeicha Etiopía nacuapin juntema pona pia nacua beya.

⁴⁰ Felipe taerнcрpatsi ichamonae Azoto tomaratha. Felipe daxita tomaran tamropatecapona xua pecueicueijiwa Jesucristo pia pexeinya jume diwesi tatsi, beya yacui jopa Cesarea tomaratha.

9

*Meje yabara poxonaе Saulo jume cowanta Jesús
(Hch 22.6-16; 26.12-18)*

¹ Awiya came Saulo ichipa daxita pejutebiwa pomonae Jesucristo pejume cowantsi jiwi tatsi, pon Jesús Pecanamataxeinaein jiwi. Daxota Saulo siwa pona sacerdotemonaie pia pepa pentacaponaein tatsi.

² Saulo wuca: “Necare cartan judiomonaie pia penacaeuttsi bon pia pentacaponaei nexa. Tha tacaponaetsi Damasco tomara beya. Icha caxinaein pomonae Jesús pejume cowantsiwi tha jiwi pecubi botha caponaetsi Jerusalén tomaratha, pebiwino, yabuxino”, jei Saulo.

³ Saulo Damasco tomara beya pona. Poxonae bara muxu pepatopae, bapoxonae pin coicha yacaincha matawacaicha matatsun uncuatabicatsi. Barapo coicha peitaboco wejopeica.

⁴ Nexata iratha jopa Saulo. Yawa jume taneno xua pejume xua baraichichi, jeichichi: “Saulo, Saulo, zeta xua metha tamonaie inta abe exaname?” jei pejume.

⁵ Saulo jume nota, jeye: “Pon jiwi Pecanamataxeinaem, ¿jintamunda?” jei Saulo. Saulo u pejume jume notatsi, jeye: “Apara bara xan Jesús, ponxaein inta abe cana exaname tamonaie.

⁶ Nontaponde, tomara be-iyande. Baraxotiya catsipaebina pocotsiwa bewa exaname”, jeiichichi Saulo.

⁷ Pebiwi, pomonae Saulo puna poinchi bichocono pijunuwi moya umena tsipei saya u pejume jume tane ichitha pepon jopa xapain taeyo.

⁸ Saulo nantacotaxuba asiya uncua. Poxonae necotaxuba jopa xapain taeyo. Daxota pomonae Saulo puna poinchi cobe capoinchi Damasco tomara beya.

⁹ Baraxota Damasco tomaratha Saulo eca acoibi po matacabibe. Jopa xapain necotsiyo. Barapo acoibi po matacabibetha jopa nabanaeyo, jopa apaeyono.

¹⁰ Baxota Damasco tomaratha popona pon pejume cowantsin Jesucristo. Bapon pewun Ananías. Ananías tsita naitapeinya xeinatsi Jesús poxonae camaita. Ananías tsipaebatsi Jesús jeiichichi: “¡Ananías!” jeiichi. Ananías jume nota, jeye: “Jai, apara xote ecanje, pon jiwi Pecanamataxeinaem”, jei.

¹¹ Nexata Jesús Ananías baraichi: “Nontaponde. Namto beya ponde, po namto pewun Bopiya perucuiyae namto. Poxonae Judas pia botha patopame, yainyabare barapo botha. ‘¿Incane Saulo, Tarso tomaramonaepin?’ jande. Iraunxuaeru Saulo Nacom tsipaebauya.

¹² Saulo amachinae xua cacamaita, xua Ananiam xua itacuere wnaetsiname Saulo necobetha”, jei Jesús.

¹³ Nexata Ananías jume nota, jeye: “Pon jiwi Pecanamataxeinaem, pinmonae netsipaeba xua pinae bapon cata abe exanatsi jinya jiwimonaie, pomonae Jerusalén tomaratha jinompa.

¹⁴ Bapon carta capatopa xote, po carta bayatha sacerdotemonaie pia pentacaponaei caitoroba. Saulo carta capatopa poxoru sacerdotemonaie jume jejei xua Saulo pinae bara caponaena jiwi pecubi bo beya pomonae cawan ununeiba poxonae Nacom tsipaebibatsi”, jei Ananías.

¹⁵ Jesús Ananías baraichi, jeiichichi: “Ponde tsipei yaitama bapon bayatha Saulo itapetan. Bapon Saulo tsipaebina tajume diwesi icha nacuantha, po nacuantha jinompa pomonae jopa judiomonaie naexanaeyo. Matautano tsipaebina pomonaetha pomonae jiwi itorobiya pia pepa peewatsiwichi. Matautano tsipaebina barapo tajume diwesi israelmonaetha.

¹⁶ Tha bexa Saulo tsita itutichi po coyene xua bewa atene tsane tajume diwesi penatsipei cueicueijeixae tsane”, jei Jesús.

¹⁷ Nexata Ananías pona ichaxota Saulo eca. Poxonae joniya botha, Saulo pecobetha ainya cobethabe mata jayabatsi. Ananías namchi, jeye:

—Saulom, pon be tayapin catsicotainchi, nejume cowantsixae Jesús. Bapon Jesús pon jiwi Pecanamataxeinaein neitoroba, pon namtotha catsita naitata xuano xua catsipaebano. Jesús neitoroba nenecotsinexa tsane yawa Nacom necajuntu coyene yuca exanaenexa pia Pejumopo tunaxutha, jei Ananías xua Saulo tsipaebatsi.

¹⁸ Barapoxonae caena nainya peitacueretotha be petsebocoton taothopeinatsi. Bapoxonae equeicha caewa wnaeya daxita carepaya tane. Saulo asiya uncua bapoxonae caena bautisabatsi.

¹⁹ Poxonae nabane bapoxonae cui thunei tsanaya. Be caentacabiyobe Saulo eca Damasco tomaratha ichaxota ena pomonae pejume cowantsiwi Jesucristo.

Meje yabara poxonae Saulo Jesús pejume diwesi paeba Damasco tomaratha

²⁰ Caena nainya Saulo pona judiomonaie pia penacaeuttsi bontha tatsi. Tsipaeba barapomonaetha, jeye: “Barapon Jesús, apara Nacom Pexanto tatsi”, jei.

²¹ Daxita pomonae jume tayena barapomonaie yabara najuntu coyene cabenaeca, nabarai, najei:

—Bara baraponda, pon cain matha Jerusalén tomaratha patopa xua abe peexanapon-aenexatsi pomonaе Jesucristo pewan ununaewichi poxonaе Nacom wəqueibatsi. Aparā bapon pon bayatha xote patope xua peteicaenexatsi pomonaе pejume cowantsiwi xuano xua pecaponaenexatsi pomonaetha pomonaе sacerdotemonaе pia pentacaponaewi xua Jerusalén tomara beya, najei.

²² Ichitha bapon Saulo awiya jume tsacatsacapiya cueicueijeі. Bapon tsita itapeinya xeina xua Jesús apara Mesías. Daxota barapomonaе judiomonaе moya umenaracəpa tsipei yabara najəntə coyene cabenaeca pocotsiwa xua Saulo paeba.

Meje yabara poxonaе Saulo panepa judiomonaе pecuiyainwa

²³ Poxonaе ainya matakabin yapucaewa judiomonaе caemonaе pebərəya nanta xeina xua bepa bexubichei Saulo.

²⁴ Saulo ichən muxu baraichi: “Bepa cabexubei ichamonaе”, jei. Saulo ewatumeinchi tomara coibotontha po coiboton xua tomara peyacaincha toxoroto dutsiwa coiboton. Barapo coibotontha Saulo ewatumeinchi daxita matakabi, yawa merawino.

²⁵ Ichitha Saulo merawi panepa poxonaе pijimonaе pitatsi yawa yacote yorecatsi pepa tomara juma deca xua tomara peyacaincha toxoroto dutsiwa juma deca.

Meje yabara poxonaе Saulo Jerusalén tomaratha popona

²⁶ Poxonaе Saulo Jerusalén tomaratha patopa bepa bequein barə nacaetutei Jesús pejume cowantsiwichi tatsi, ichitha barapomonaе Saulo cunuwatsi tsipei nanta xeina xua Saulo jopa xapain Jesús pejume cowantsiwichi jiwana tatsi.

²⁷ Ichitha Bernabé Saulo cuaranotatsi Jesús pia peitorobi jiwi tatsi peitabaratha tatsi. Bernabé barapomonaetha namchi, jeye: “Pinae bayatha Saulo namtotha tsita naitutatsi Jesús pon jiwi Pecanamataxeinaein. Matautano pinae Saulo muxu tsipaebatsi. Matautano pinae tsipaeba Jesús pejume diwesi Damasco tomaratha xua pinae cui tsacatsacapiya cueicueijeі”, jei Bernabé.

²⁸ Daxota Saulo napopona ducuaeta Jerusalén tomaratha ichaxota Jesús pia peitorobi jiwi tatsi. Saulo Jerusalén tomaratha jume tsacatsacapiya cueicueijeі ducuaeta Jesús pejume diwesi tatsi pon jiwi Pecanamataxeinaein.

²⁹ Saulo yabara barə natsipaeba Jesús pejume diwesi, yawa barə najume matsontsonobatsi judiomonaе, pomonaе xua griego jume penatsipaebiwi. Barapomonaе judiomonaе, ichichipa xua Saulo pebexubiwatsi.

³⁰ Pomonaе irə Jesús pejume cowantsiwi tatsi jume tane, xua bepa Saulo imoxoyo bexubichei judiomonaе. Daxota Saulo Cesarea tomara becayiyatsi. Baxota punaxubathopatsi. Equeicha Saulo dabe pu itorobiyatsi Tarso tomara beya.

³¹ Daxita Jesús pejume cowantsiwi tatsi jəntema jinompa Judea nacuatha, Galilea nacuatharə, Samaria nacuatharə, tsipei jopa ichamonaе abe exanaeyo barapomonaetha. Matautano barapomonaе mataropeichiya nacuidabapona xua pejume cowəntarənaewa Nacom. Matautano exanapona pocotsiwa Nacom ichichipa. Nacom pia Pejumope tənaxə tatsi barapomonaе yaweinchi pejəntə coyeneintha tatsi. Pinmonaе Jesús jume cocowəntapona.

Meje yabara poxonaе Eneas axaibi exanatsi

³² Poxonaе Pedro siwa pona ducuaeteiba daxita tomaran Jesús pejume cowantsiwi tatsi, bapoxonaе yawa siwa ponano pomonaе Jesús pejume cowantsiwi pomonaе ena Lida tomaratha.

³³ Baxota Pedro caxina pon pecuenobinchi xua saya camatha boca. Bayatha caena xeina baxua ocho po weibe. Bapon pewan Eneas.

³⁴ Pedro, Eneas baraichi:

—Eneas, Jesucristo caaxaibi exana. Asiya uncuatabare. Jinya cama xaxainta xore, jei Pedro.

Barapoxonaе caena yacuinaya nantacotaxuba Eneas.

³⁵ Nexata Lida tomarapiwi, irə Sarón tomarapiwino, barapomonaе Eneas tainchi xua equeicha beta pona. Bapoxonaе barapomonaе nacui barapenta xua copiya jume cowanta pejume cowantsinexa Jesucristo, pon jiwi Pecanamataxeinaein.

Meje yabara poxonaе Dorcas equeicha caewa asə exanatsi poxonaе təpa

³⁶ Irəni jame caena bayatha Jope tomaratha popona powa pejume cowantsiwayo Jesús. Bapowa pewan Tabita. Barapo wan seicaya griego jume wan “Dorcas” baraichi. Barapowa pocotsiwa wənəe itapeta exaneiba nawita. Matautano barapowa yaweneiba pomonaetha pomonaе peacopeibiwi.

³⁷ Barapowa caena nainya atene tsanaya. Caena nainya təpanaya. Daxita petəpəein matapaeta perə iquicatsi. Bapoxonaе po tutu athabeicha baxota boichatsi.

³⁸ Jope tomara Lida tomara imoxoyo nacaquita ecabe. Baxota Pedro popona Lida tomaratha. Baxota Jope tomaratha pomonae Jesús pejume cowantsiwichi tatsi jume tane xua juinya Pedro Lida tomaratha popona. Bapoxonae itoroba pebinbe nacueyatabe xua bepa pinae tawabathopiyaetsi xua Pedro pewabathopiyaenexatsi Lida tomara beya. Baponbe namchibe. Pedro baraichi: “Cawaba pomonae Jesús pejume cowantsiwichi tatsi. Bepa pinae anetha iyaem”, jeibe baponbe.

³⁹ Bara Pedro puna pona baponbetha. Poxonae Pedro patopa Jope tomaratha, baru jojoniyatsi Pedro, ichaxota po tututha boca petupaewa Dorcas. Daxita pecuenta werapaewaxichi piseurixi caquita wecoyei tsumenaetsi Pedro. Yawa barapowaxi Pedro tsita itubatsi doroburu, camisanno xua bayatha Dorcas taxuxuca poxonae cataunxuae abu popona.

⁴⁰ Pedro pesato beitaweya daxita barapomonae. Pedro imoxoyo caquita eca pentabocototha. Nacomtha tsipaeba. Bapoxonae powa tɔpuncua Pedro pexainya benecoia, Pedro barai bapowa, jeye:

—Tabita, asiya uncuatabare, jei Pedro.

Bapoxonae powa tɔpuncua necotaxuba. Poxonae Pedro tainchi, bapoxonae nantacotecataba.

⁴¹ Pedro Dorcas cobe pitatsi. Asiya cuaranotatsi. Bapoxonae Pedro waba pomonae Jesús pia pejume cowantsi jiwi tatsi, iruru powaxi pecuenta werapaewaxichi piseurixi. Barapomonae Pedro tsita ituta xua equeicha Dorcas asu.

⁴² Jope tomarapiwi jume taerucupa xua equeicha Dorcas petupaewa nacosata. Bapowa equeicha asu popona. Daxota pinmonae jume cowanta Jesús pon jiwi Pecanamataxeinaeinchi.

⁴³ Jope tomaratha Pedro baxota popona ainya matababin. Pedro popona Simón pia botha tatsi pon xua duwei peboco wnaeteibin.

10

Meje yabara Pedro iru Cornelio

¹ Iruru jame Cesarea tomaratha pebin warapaeya popona. Bapon pewun Cornelio. Cornelio, jame yatsicaya pia nacua tatsi Italia nacua. Bapon soldadomonae pia pentacaponaein tatsi. Iruru soldadomonae pia nacua tatsi Italia nacua.

² Cornelio piamonae baru jume cowanta Nacomtha. Matautano Nacom wuna jain-tatsi. Barapon Cornelio matowa yaweneiba judiomonae, pomonae pecopeibiwi. Bapon paratixi catsibeiba barapomonaetha. Bapon Cornelio tsipaebai Nacomtha.

³ Icha mataqueitha, Cornelio mataqueitha quiripitha amachinae.

Cornelio tane Nacom pia matatsunpin tatsi be poxonae camaita. Matatsunpin patopaeya namchi, jeye: “¡Cornelio!” jei.

⁴ Cornelio junuwiya camaitiya tane matatsunpin. Cornelio jume epa pita, jeye: “Pon jiwi Pecanamataxeinaem, ¿eta xua jinyatsi?” jei Cornelio. Cornelio jume notatsi matatsunpin jeye: “Bayatha Nacom cajume tane poxonae tsipaebame pexainya beya. Cacui taneno xua yaweneibame pecopeibiwi. Nacom cayabara nanta xeina.

⁵ Cornelio, ichamonae Jope tomara beitorobiyama pewabinexa tsainchi pon ainya wunbe pexeinaein. Bapon Simón baraichi yawa Pedro baraichi.

⁶ Barapon Simón Pedro eca icha Simón pia botha tatsi pon Simón seicaya pon duwein peboco wnaeteibin. Barapon Simón mar mene itapatha yabo uncu”, jeichichi Cornelio matatsunpin.

⁷ Poxonae matatsunpin napitaba, barapoxonae Cornelio ichamonae waba, pomonae xua pia botha petanacuihiwichi. Iru soldadomonaepin waba, pon xua pia botha tanacui-tatsi. Barapon soldadomonaepin pejuntu coyene xanepanaein Nacomtha.

⁸ Barapomonaetha tsipaebatsi pocotsiwa bayatha Cornelio tsipaebatsi matatsunpin. Cotacaya Cornelio itoroba barapomonae Jope tomara beya.

⁹ Icha mataqueitha barapomonae warapa Jope tomara beya. Poxonae cataunxuae itiya pona poxonae mateinyaxae, poxonae bara imoxoyo patchaba, bapoxonae iruru Pedro bo matatupa beecoinyaru, po bo matatupa pereca. Nacom tsipaebawiya poxonae bayatha mataeinyaxae tsuxubi.

¹⁰ Pedro bichocono jainpeca, bepa bequein xaei. Ichitha poxonae awiya cataunxuae tasetatsi, Pedro tsita naitutatsi be poxonae camaita.

¹¹ Pedro athabe necoicha xua peitaboco nayausanaxuba. Yawa taneno xua pin paparuwa pexainya betaruneicatsi, be xua jiton nantiya caruneicabe.

¹² Bapoxonae barapo paparuwatha Pedro tane daxita xua xuan saya pecobetha pona be cawayun. Yawa tane daxita xua xuan saya petaxutha bobenapona be maquibun. Yawa

tane daxita xua xuan saya petompacuetontha bobenapona be jomon. Matautano tane daxita xua xuan saya yapupuna be peyapupunaewi.

¹³ Nexata Pedro peitabocotha jume tane xua namchi, jeye: “Pedro asiya uncuatabare. Pon xua ichichipame, pire. Moya bexore. Yawa xaema”, jei barapo jume.

¹⁴ Nexata Pedro jume nota, jeye: “Bara, bayatha apara jopa bapana camatsawan xaeyno, xua tamona jopa copatsiyo xua pexaewa”, jei Pedro.

¹⁵ Equeicha Pedro jume tane pejume xua tsipaebatsi, xua jeichichi: “Xua Nacom catsijainya exana, baraxua jopa camatsawa jaintocuaetsi”, jeichichi.

¹⁶ Pedro matha acoibi po jumeyobe tsipaebatsi baxua. Bapoxonae paparuwa caibe juinya peitaboco beicha.

¹⁷ Xua Pedro baraichi Nacom, baxua Pedro yabara nanta xeina nawita: “¿Eta xua metha Nacom yabara nejumichira?” najei. Pomonae Cornelio itoroba, barapomonae i dapo bon yainyainyaba tsiniya: “¿Incane Simón pia bo?” jei. Bapoxonae bapomonae pata Simón pia curara coibototha tatsi. Poxonae barapomonae pata, Pedro cataunxuae yabara nanta xeina xua tsipaebatsi iua Nacom tsipaeba.

¹⁸ Poxonae Cornelio pijimonae tatsi pata baxota, pin jumetha namchi, jeye: “¿Incane Simón pon icha wun ‘Pedro’ baraichi? ¿Baxota bara ecará?” jei.

¹⁹ Awiya came Pedro baxua yabara nanta xeinequiya xua pocotsiwa bapon tane. Nexata bapoxonae Nacom pia Pejumo pe tanaxu tatsi Pedro baraichi, jeye: “Pedro, nejume taema. Acoibi poyobe pebiwi cawenawenei tsompae.

²⁰ Nontaponde nainya ira bedunatabareinca. Barapomonae naponde, beitatema napontabare, yaitama barapomonae itoroban”, jeichichi Pedro.

²¹ Bara nexata Pedro ira bedunatabareca. Pedro barai barapomonae, jeye: —Apara bara xan, po jiton xua pana newenawenei tsompaem. ¿Eta xua metha papatame? jei.

²² Barapomonae Pedro jume notatsi, jeye:

—Papatan yaitama Cornelio, pon soldadomonae pia pentacaponaein tatsi, bapon pana itoroba. Barapon pejuntu coyene xanepanaein. Barapon Nacom jume cowantatsi. Iru daxita judiomonae barapon baru cui itura jineibatsi yawa antobetsi. Pinae Nacom pia matatsunpin tatsi Cornelio itorobatsi Simón Pedro wabare nejume taenexa tsane jei pinae, jei barapomonae, xua Pedro tsipaebatsi.

²³ Nexata Pedro waba barapomonae xua petamaitenaewa tsainchi barapo botha. Icha matabitha piawa xaxainta xua caponaena. Bapoxonae Pedro napona barapomonae. Iru ichamonae naponano, pomonae iru Jesús pejume cowantsiwi tatsi, pomonae xua ena Jope tomaratha.

²⁴ Icha matabitha pata Cesarea tomaratha. Baraxota Simón Pedro ewatatsi. Cornelio pia matabithayomonae pewabixae baru ewateca, yawa pia jiwi tatsino.

²⁵ Poxonae Pedro Cornelio pia botha tapatopatsi, Cornelio Pedro jacobatsi. Bapoxonae Cornelio Pedro peitabaratha pentabocototha tauncuatsi, pewanae jainchinexa tsainchi Pedro.

²⁶ Ichitha Pedro, Cornelio asiya cuaranotsiya baraichichi, jeye:

—Cornelio, nontaponde. Saya apara xan pebin naexanan icha xam ichim barichin apara, jei Pedro.

²⁷ Poxonae Pedro natsipaebiya jonyabe, baxota Pedro pin bicheito tane xua nacaetuta.

²⁸ Nexata Pedro barai barapomonae, jeye:

—Bara bayatha payaputaneme xua waxainchi judiomonae jiwichi wacui coyenewa xeinatsi xua jopa nacui yabara copatichi xua wabarū nacaetuteibiwa pomonae jopa judiomonae naexanaeyo. Matautano jopa nacui yabara copatichi xua pia bonthano waponeibiwa. Ichitha Nacom aunxuae necuiduba xua pinae jopa bewa ichamonae catsapiwi jaintin tsane.

²⁹ Daxota bichoina patopan yaitama pinae pana wabame. ‘Bara’, jopa janyo. Methaunxuae paca yainyabinchi: ¿Eta xua metha pana tsiwabame? jei Pedro.

³⁰ Nexata Cornelio, Pedro jume notatsi, jeye:

—Petain cuatro po matabibe tsuxubi, quiripitha xote tabothena poxonae yabara nainbotan xua Nacom tsipaeban barapoxonae matatsunpin jemeicha tabothena patopa. Barapo matatsunpin paparuwa nama xatata po paparuwa bichocono daedaena.

³¹ Matatsunpin nebarai: ‘Cornelio, bayatha Nacom cajume tane poxonae tsipaebame pexainya beya. Cacui taneno xua yaweneibame peacopeibiwi daxota Nacom cayabara nanta xeina’, jei.

³² Nebaraino: ‘Ichamonae Jope tomara be itorobiyama, pewabinexa tsainchi pon ainya wunbe pexeinaein. Bapon Simón baraichi, yawa Pedro baraichi. Pedro eca ichan Simón

pia botha tatsi, pon Simón pon seicaya duwein peboco wunaeteibin. Barapon Simón mar mene itapatha yabo uncua', nejei.

³³ Daxota nainya itoroban ichunbe acoibi poyobe yaitama apara cawabatsi. Barabu patopame. Daxita paxan xote Nacom peitabaratha pajinompan. Matautano paca ewatatsino tsipei yaitama tha paca jume taetsi xua Nacom, pon Pecanamataxeinaein, cana cajume itoroba, jei Cornelio.

Meje yabara poxonae Pedro pin diwesi paeba Cornelio pia botha tatsi

³⁴ Pedro barapomonaetha namchi, jeye:

—Anoxuae yaputan xua Nacom jopa cana exanaeyo jiwi xua ichun ainya cui xua beyacaincha ichun. Nacom daxita jiwi tsita najupatsi.

³⁵ Daxita nacuantha pomonae xua Nacom wunae jaintatsi xuano xanepanaya exanano, Nacom antobe barapomonae.

³⁶ Bayatha payaputaneme xua Nacom Pejume Diwesi nacariwesi itoroba paxantha pomonae Israel pia pemomoxi susato jiwi tatsi panxaein. Barapo pexeinya diwesi jume juntema jinompa pana exana poxonae Jesucristo pajume cowuntan. Nacom Jesús Pecanamataxeinaein exanatsi daxita carepaya jiwi nexa.

³⁷ Paxam bara payaputaneme xua Juan Jesús yabara cueicueijeichi yawa bautisaba jiwi Galilea nacuaatha. Bapoxonae iruru Jesucristo tamropata pitaba xua cueicueije Galilea nacuaatha yawa daxita Judea nacuaatha.

³⁸ Matautano bara payaputanemeno xua Nacom cata pia peayapusu itorobi coyenewa, Jesucristo Nazaret tomarapin catatsi. Yawano Jesucristo nacana jumope tunaxu catatsi. Bapoxonae Jesús daxita carepaya tomarantha popona ducuaeta. Yawa axaibi exana ducuaetaetno peatene jiwi. Yawa taitaweta ducuaetaetno pomonae xua cauri pex-einaewi. Daxota bapon baxua beta exana Nacom pebaru poponaexae.

³⁹ Bayatha pacui tan daxita carepaya xua Jesús exana Judea nacuaatha, Jerusalén tomarathano ichaxota jinompa judiomonae. Bapoxonae nama Jesús naetotha cobe matatabarutatsi, xua poxonae tupa exanadutatsi naetotha.

⁴⁰ Poxonae acoibi po matababibe tsuxubi Nacom petupeain equeicha asu exana. Matautano bapon pana netsita naituta exana.

⁴¹ Ichitha daxita jiwi jopa tsita naituta exanaetsi. Saya paxan pana netsita naituta exana. Nacom pana itapeta pia patayopichinexa ichamonaetha pocotsiwa Jesús exana xuano xua paebano. Paxan Jesús pabaru nabanani, matautano pabaru aparono poxonae equeicha asu popona.

⁴² Jesús pana itoroba daxita nacuantha pata paebinexa tsane Nacom Pejume Diwesi, xuano bapon pejume diwesino. Nacom cana exana, Jesucristo cana exanatsi be pon jiwi peyabara paebin penatsicuentsiwa xua abe peexanaexae. Bexa tsane Jesús daxita jiwi nanantaetsiya jiwana torotsiya itawetsina, pomonae cataunxuae jinompa yawa pomonae bayatha werapano.

⁴³ Bayatha pomonae Nacom pia peitorobi jume pepaebiwé Jesús pejume diwesi paeba. Barapomonae namchi: 'Daxita pomonae Jesús pejume cowuntsiwichi barapomonae Nacom yabara juntemainaena abe pia peexanae cuiru coyenein tatsi Nacom pia peayapusuwathaxae', jei barapomonae, jei Pedro.

Meje yabara poxonae pomonae jopa judiomonae naexanaeyo pejuntu coyeneintha tapatsi Nacom pia Pejumope tunaxu tatsi

⁴⁴ Poxonae cataunxuae Pedro cueicueije, bapoxonae Nacom pia Pejumope tunaxu tatsi tapatatsi pomonae jume tane xua Pedro paeba.

⁴⁵ Judiomonae, Jope tomarapiwi, pomonae pejume cowuntsixae Jesucristo, barapomonae Pedro puna poinchi. Barapomonae daxita yabara najuntu coyene cabenaeca xua iru barapomonae pomonae jopa judiomonae naexanaeyo iru pejuntu coyeneintha taenatsi Nacom pia Pejumope tunaxu tatsi.

⁴⁶ Judiomonae yaputane xua bara xaniwaicha Nacom pia Pejumope tunaxu tatsi tapatatsi pomonae jopa judiomonae naexanaeyo. Yaputane tsipei barapomonae barompaya tsanaya icha jumeintha cueicueije. Ichitha barapomonae jopa xapain najume copi yaputaeyo. Judiomonae jume taneno xua pomonae jopa judiomonae naexanaeyo Nacom wunae jaintatsi.

⁴⁷ Pedro namchi, jeye:

—Barapomonae apara Nacom pia Pejumope tunaxu tatsi xeina icha waxainchi ichichi. Jiton dapon aibi pon jeye: 'Jopa bewa bautisabi, apara pomonae jopa judiomonae naexanaeyo', xua pon pejeiwa, jei Pedro.

⁴⁸ Pedro cui itoroba judiomonae. Pedro namchi, jeye: "Pabautisabare barapomonae pomonae jopa judiomonae naexanaeyo. Jesucristo pewun pawun taibare poxonae

pabautisabame”, jei Pedro. Bapoxonae pirapae barapomonae, pomonae xua aena taenatsi Nacom pia Pejumope тѳнахѳ тати, Pedro apusiwatsi xua jopa warapae tsane yawa xua caeto абѳ ecaenano.

11

Meje yabara poxonae Pedro diwesi tsipaeba pomonaetha pomonae Jesús pejume cowantsi jiwí Jerusalén tomaratha

¹ Jesús pia peitorobi jiwí тати ирѳѳ pomonae pejume cowantsiwi Jesús, pomonae ena Judea nacuatha, barapomonae daxita jume tane xua ирѳѳ pinae pomonae jopa judiomonae naexanaeyo bayatha jume cowanta Nacom Pejume Diwesi.

² Poxonae Pedro Jerusalén tomara bewarapiya, judiomonae pomonae xua jume cowanta xua ainya cui Jesús pejume cowantsi jiwí тати pewi thabiwa tsainchi, barapomonae Pedro jume daunweya tsipaebatsi.

³ Pedro baraichi, jeye:

—¿Eta xua metha barapomonae siwa poname pomonae jopa judiomonae naexanaeyo? ¿Eta xua metha naxaneme barapomonaetha? jei judiomonae.

⁴ Nexata Pedro diwesi eetapona xua cueicueijeí barapomonaetha. Po diwesiin eetapona, barapo diwesiin xua poxonae siwa pona pomonae jopa judiomonae naexanaeyo. Pedro namchi:

⁵ —Poxonae Jope tomaratha Nacom tsipaeban, pin paparuwa tan be poxonae camaitan. Barapo paparuwa peitaboco weruneica be pematontha nantiya yacaincha opi queraba. Taxainya duneica.

⁶ Barapo paparuwatha tan xua bobena. Baraxuan tan xua saya pecobetha pona be cawayun. Baraxuanno tan xua saya petaxutha bobenapona be maquibѳ. Baraxuanno tan xua saya petompacuetontha bobenapona be jomon. Baraxuanno tan xua saya yapupuna be peyapupunaewi.

⁷ Peitabocotha jume tan xua nebarai: ‘Pedro asiya uncuatabare. Pon xua ichichipame, pire. Moya bexore. Yawa xaema’, nejei.

⁸ Jume notan nexata: ‘Bara, bayatha apara jopa bapana camatsawan xaeinyo xua tamonae jopa copatsiyo xua pexaewa’, jan.

⁹ Equeicha peitaboco wenebaraichica: ‘Xua Nacom catsijainya exana, baxua jopa camatsawa jaintocuaetsi’, nejei.

¹⁰ Acoibi po jumeyobe nebarai. Saya ѳ barapo jumethabe nebarai. Bapoxonae paparuwa equeicha peitaboco beicha caibe caicha.

¹¹ Paparuwa caibe juinya, ирѳѳ pebiwi acoibi poyobe patarѳ. Bapoyobe Cesarea tomara-piwi, taxantha pata. Barapo acoibi poyobe, pomonae Cornelio itoroba.

¹² Nacom pia Pejumope тѳнахѳ тати nebarai: ‘Napuna ponde. Beitatema pontabare’, nejei. Ирѳ nebarѳ pona seis poyobe Cesarea tomara beya pomonae pejume cowantsiwi Jesús. Pajojoniyan Cornelio pia botha тати.

¹³ Cornelio pana netsipaeba xua pinae pia botha tapatopatsi matatsunpin. Matatsunpin namchei: ‘Pebiwi Jope tomara beitorobiyama, pewabinexa tsainchi pon xua ainya wѳnbe xeina, Simón yawa Pedro.

¹⁴ Barapon Simón Pedro paca tsipaebina Jesús pejume diwesi, paca necayawa capanenebiyaenexa tsane Nacom’, jei pinae matatsunpin poxonae pinae Cornelio tsipaebatsi, jei Pedro barapomonaetha.

¹⁵ Pedro equeicha namchi:

—Poxonae Jesucristo pejume diwesi paebaxoyan Corneliobarѳtha, barapoxonae Nacom pia Pejumope тѳнахѳ тати tapatatsi barapomonae. Icha cain painta ichi, barichi pomonaetha Nacom nacana jumope catsiba.

¹⁶ Bapoxonae nantana pitaban Jesús pejume, poxonae pana barai: ‘Juan saya ѳ meratha bautisaba. Ichitha Nacom seicaya barompaya pia cuitha paca bautisaba. Ichitha Nacom seicaya barompaya pia cuitha paca bautisabina. Bapoxonae painya jѳntѳ coyeneintha pacata patsina Nacom pia Pejumope тѳнахѳ тати’, jei Jesús.

¹⁷ Xaniwaicha beta yaputan xua Nacom nacana jumope тѳнахѳ cata barapomonaetha pomonae jopa judiomonae naexanaeyo, icha cain ichi poxonae Nacom nacana jumope тѳнахѳ cata pata xantha poxonae Jesucristo pajume cowantan. Daxota Nacom jopa cui yancatabinyo poxonae ichichipa exana barapomonaetha, jei Pedro.

¹⁸ Poxonae Jesucristo pejume cowantsi jiwí, pomonae ena Jerusalén tomaratha, poxonae baxua jume таерѳѳѳѳ moya umenarѳѳѳѳ. Mataѳtano Nacom wѳnae jaintatsino. Barapomonae namchi, jeye:

—¡Maisa wѳnae, ирѳѳ Nacom nacana cui cata pomonaetha pomonae jopa judiomonae naexanaeyo xua barapomonae pejume cowantsiwa tsanerѳ Jesús, yawa xua jѳntema

pejinompaewa tsanera! Baraxua Nacom ichichipa xua barapomonaе najuntа cui coyene barapanta xua abe, petaxeinaenexa tsainchi peajuntayapusuwa, po peajuntayapusuwa xua jopa weraweracaeayo, jei barapomonaе.

Meje yabara poxonaе Jesús pejume cowantsi jiwі tatsi jinompa Antioquía tomaratha

¹⁹ Jesucristo pia pejume cowantsi jiwі tatsi дѣцѣра, tsipei peanaepanaewi yotaba, poxonaе po matacabitha Esteban bexotsi. Barapomonaе tsanarѣцѣра, ichun Fenicia nacua beya, ichun Chipre nacua tunaeto beya, ichun Antioquía tomara beya. Barapomonaе saya judiomonaetha cueicueijeі Jesucristo pejume diwesi.

²⁰ Ichamonaе, pomonaе pejume cowantsiwi Jesús, Chipre nacua tunaetopiwi, Cirene tomarapiwino, barapomonaе Antioquía tomaratha pata. Daxita barapomonaе tsipaeba pomonaetha pomonaе jopa judiomonaе naexanaeyo Jesús pejume diwesi tatsi pon jiwі pia Pecanamataxeinaeinchi.

²¹ Barapomonaе yawenatsi nawita Nacom pia peayapusuwa tatsi. Daxota pin bicheito pomonaе jopa judiomonaе naexanaeyo, barapomonaе jume cowantatsi Jesús, pon jiwі Pecanamataxeinaeinchi.

²² Jerusalén tomaratha, Jesucristo pejume cowantsi jiwі tatsi, barapomonaе, jume tane xua Antioquía tomarapiwi jume cowanta Jesucristo pomonaе jopa judiomonaе naexanaeyo. Daxota Bernabé Antioquía tomara beitorobiyatsi.

²³ Poxonaе Bernabé Antioquía tomaratha patopa be ita cui wanaetsi xua Nacom yawena barapomonaetha. Bapoxonaе Bernabé juntа coyene weiweina. Bernabé barapomonaе barai, jeye: “Paajuntacoyeneyapusuwa jinompare Nacomtha. Matautano Nacom ajuntayapusuwa pajume cowantaponde”, jei Bernabé.

²⁴ Bernabé pejuntа coyene xanepanaein. Bapon juntа coyene yucatsi Nacom pia Pejumope tanaхu tatsi tsipei daxita i daxuan exana pocotsiwa Nacom itoroba. Matautano bichocho Nacom jume cowantatsi. Daxota pin bicheito jume cowanta Jesús, pon jiwі Pecanamataxeinaeinchi.

²⁵ Nexata Bernabé Tarso tomara bewarapiya, pewenaweneinexatsi Saulo.

²⁶ Poxonaе Saulo caxinatsi baxota, Antioquía tomara bebaru warapiyatsi Saulo. Baraponbe cae wei naecabe baxota, cuidubabe pin bicheito xua Jesús pejume diwesi. Baraxota jiwі matha Jesús pijimonaе tatsi wun dutatsi xua Antioquía tomarapiwi wun duta xua jeye: “Cristobarmonaе”, jeichichi barapomonaе pomonaе Jesús pijimonaе tatsi.

²⁷ Poxonaе Bernabé iru Saulo cataunxuae cuidubapoponabe Antioquía tomaratha, Nacom pia peitorobi jume pepeabiwi baxota pata, Jerusalén tomara werendena.

²⁸ Bara caein jiwana pewun Agabo. Agabo asiya uncua barapomonaetha. Bapon wunae tsiwanaya paeba. Agabo yaputane exanatsi Nacom pia Pejumope tanaхu tatsi. Agabo namchi, jeye: “Bexa tsane daxita carepaya nacuantha jainbo tsane”, jei Agabo. Baraxua xainyei poxonaе jumba matha Claudio romanomonaе itorobiya pia pepa peewatsinchi tatsi naexana, bapoxonaе pin jainbo tsurucuae.

²⁹ Daxota Jesús pejume cowantsiwi tatsi, pomonaе ena Antioquía tomaratha, ichipa yawena pomonaе iru pejume cowantsiwiwixae Jesús pomonaе peenaexae Judea nacuaetha. Daxota barapomonaе pomonaе Jesús pejume cowantsiwiwixae peburaya nanta xeina xua paratixi taitorobina. Daxita barapomonaе carepaya paratixi cata be xua po coyene cobe itacupatsi xua pecatsiwa.

³⁰ Barapomonaе baxua exana. Barapo paratixi Bernabé iru Saulo caitorobatsibe pitiri jiwі nexa xua Judea nacua beya.

12

Meje yabara poxonaе Santiago bexotsi iru xua poxonaе Pedro jiwі pecubi botha capoinchi

¹ Barapoxonaе Herodes pon Judea nacuapiwi peyanacua ewatsinchi, bapon tamropata pitaba xua pomonaе Jesús pejume cowantsiwi tatsi peraxa exanatsi.

² Herodes itoroba pia jiwі, xua pin cusitha Santiago pebexubiwatsi, pon Juan peweicho tatsi.

³ Herodes jume tane xua judiomonaе tsita xanepanatsi xua Santiago bexotsi. Daxota Herodes cui itoroba piamonaе xua Pedro pewaetabiwatsi xua pecaponaenexatsi jiwі pecubi botha. Baxua exana poxonaе Pascua wun matacabintha poxonaе jiwі pan xane po pan xua jopa xeinaeyo levadura xua pocotsiwa cotowa exana.

⁴ Poxonaе Pedro jiwі pecubi botha eca, soldadomonaе yapucaumena, Pedro yapucaumeinchi. Soldadomonaе, cuatro po bicheito matabuxuyobe. Cae matabuxuyo xeina be cuatro poyobe. Be cae matabuxuyo tamroropatapona poxonaе yacaincha umeneibatsi Pedro. Herodes yabara nanta xeina xua peexanaewa tsane xua Pedro pin

bicheito peitabaratha cuaranotinchi pepa tomaratha poxonae Pascua wɔn matacabin yapu caewina.

⁵ Awiya came Pedro jiwi pecɔbi botha eca. Ichitha Jesús pejume cowantsiwichi jume daunweya wɔca Nacom, Pedro tawɔcatsi.

Meje yabara poxonae Nacom, Pedro capanepatsi jiwi pecɔbi bo weya

⁶ Herodes merawi nanta xeina xua baya tsane Pedro cuaranotinchi pepa bicheitho peitabaratha. Barapo merawitha, abɔ cataunxuae Pedro nantiya cobe nain camaituncuatsibe soldadomonaepinbe. Irɔ soldadomonaepinbe yacaincha uncuabe jiwi pecɔbi bo boupa.

⁷ Caena nainya Jesús pia matatsunpin tatsi Pedro tsita naitɔtatsi. Jiwi pecɔbi botha pin coicha pentha tsuxubi bichocono. Matatsunpin Pedro yaɔbaxotsi. Nexata Pedro nacosataxuba. Matatsunpin namchi, jeye: “Pedro, nanainya nonta ponde”, jei matatsunpin. Bapoxonae Pedro nantiya cobe nain jopeicabe iratha.

⁸ Bapoxonae matatsunpin Pedro baraichi, jeye: “Coreinya bocoto bichocono nacoto epa catatabare. Nainya nataxu xatare jinya nenataxu xatatsiwa”, jei. Baraxua Pedro exana. Equeicha matatsunpin namchi, jeye: “Pire jinya camisa po paparuwa xua nainya weruyame. Antha nepuna ponde”, jei matatsunpin.

⁹ Nexata matatsunpin Pedro pecoiboto bepuna joniya, pesato beya. Ichitha Pedro xapain jopa naita cui coyene taeyo xua jiwi pecɔbi bo wepuna joniya matatsunpin. Saya nanta xeina be amachinae.

¹⁰ Pedro irɔ matatsunpin xenta jonyabe soldadomonaepin pon yacaincha uncua ichaxota Pedro etatsi. Bapoxonae equeicha icha soldadomonaepin xenta jonyabe pon ewatuncua pepa boupa xua pesatotha. Pedro irɔ matatsunpin peboupa penainwa xua peyacaincha dutsiwa bara wejonyabe tomara beya. Barapo boupa jemeicha nacoibo yausaranaxuba. Pedro matatsunpinno namtotha ponabe. Poxonae icha namtotha patopabe bapoxonae jemeicha matatsunpin Pedro cuenta aichurucuaetsi tomara namtotha.

¹¹ Barapoxonae Pedro xaniwaicha naita cui coyene tane. Bapon nabarai, jeye: “Bara yatsicaya xainyei Jesús pia matatsunpin inta itoroba tsipei metha bepa necapanepae Herodes pia xainya weya tatsi xuano xua judiomonae pia xainya weya tatsi, pomonae ichichipa abe inta peexanaewa”, najei.

¹² Poxonae baxua nacui cananta xeina, Pedro pona María pia bo tatsi beya. Bapowa Juan pena tatsi. Juan icha wɔn xeina, Marcos. María pia botha tatsi pin bicheito nacaetuta pewɔqueibinexa Nacomtha. Baxota Pedro patopa.

¹³ Pedro curara coiboto dadacata. Yabɔyo powa pewɔn Rode muxu naya pia yaputaetsi pon patopa.

¹⁴ Poxonae barapowa Pedro jume copi tainchi xua wawai abɔ jopa saranaxubiyo peboupa. Bapowa bichocono jɔntɔ coyene weiweina daxota caibe cuinaya piamonae tsiwɔn caya. Namchi:

—Pedro curara coibototha uncua, jei Rode.

¹⁵ Barapomonae namchi, jeye:

—¡Apara camatayaiba! jei.

Equeicha bapowa jume nota, jeye:

—¡Babara xainyan, Pedro bapon yatsicaya! jei.

Equeicha barapomonae jume nota, jeye:

—Metha apara Pedro pia matatsunpin tatsi, pon yantatsi, jei.

¹⁶ Awiya came Pedro peboupa dacadacatuncua. Poxonae barapomonae peboupa saranaxoya, Pedro yabara najɔntɔ coyene benaecaeya tainchi.

¹⁷ Pedro pecobetha moya jume matawenta. Cotacaya Pedro diwesi tsipaeba barapomonae xua bayatha capanepatsi jiwi pecɔbi bo weya, xua Jesús capanepa pon jiwi Pecanamataxeinaeinxae tatsi. Pedro namchi, jeye:

—Barapo diwesi Santiago patsipaebare irɔ ichamonae patsipaebare pomonae Jesús pejume cowantsiwi tatsi, jei Pedro.

Barapoxonae Pedro icha namto be-iya.

¹⁸ Poxonae baya pentha tsina soldadomonae nabenaenompa tsipei jopa yabara yaputaeyo po coyene xua Pedro aichurucuae.

¹⁹ Herodes soldadomonae itorobatsi xua jeitatsi Pedro. Ichitha jopa Pedro taebichi. Daxota Herodes cana exana xua barapo soldadomonae natsiaenae cuenta pepanepaexae Pedro. Barapoxonae Herodes icha soldadomonae cui itorobatsi xua barapo soldadomonae

jutebinchi. Barapoxonae Herodes Judea nacua wewarapiya, Cesarea tomaratha pepopon-aenexa.

Meje yabara poxonae Herodes tupa

²⁰ Herodes pon Judea nacuapiwi peyanacua ewatsinchi, bapon Tiro tomarapiwi casebatsi iru Sidón tomarapiwino casebatsi. Bequein bayatha copiya Herodes itoroba pexaewa barapo tomarabe nexa ichitha anoxuae jopa daichiyo poxoru Herodes caseba barapo tomarapiwi. Daxota Sidón tomarapiwi iru Tiro tomarapiwino itoroba pebiwi pesiwa ponaenexa tsainchi Blasto pon peainya cui jiton xua Herodes pon tanacuitatsi. Barapomonae ichichipa xua Herodes xaniwaicha caewa be piamonae exana, daxota barapomonae Blasto tsipaebatsi xua barapomonae peyabara jume yawenaenexatsi xua poxonae petsipaebinxatsi Herodes.

²¹ Daxota Herodes wan duta, barapo matacabi, po matacabitha xua Herodes siwa ponaeinchi barapomonae. Poxonae matacabi tsuxubiba barapo matacabitha Herodes pia paparuwa nama xatataba po paparuwa tsobia, pocotsi paparuwan nama xataba pentacaponae. Bapoxonae pia peceaewatha eca. Herodes piamonaetha tsipaeba.

²² Nexata barapomonae wawai Herodes baraichi, jeye: “¡Apara xua bapon paeba, jopa be pebinyo, apara bara nacom tsecae!” jei barapomonae.

²³ Bara caena bapoxonae Nacom pia matatsunpin tatsi Herodes iratha xotsi. Iratha xotsi yaitama bapon jopa Nacom baru cui itura jinaetsi poxonae pia coya Nacom naexana. Oro wan caewita poinchi. Jana caewita poinchino. Tsapita poinchino. Herodes tupaanaicha.

²⁴ Pomonae xua jume cowanta Jesús, barapomonae taju tsipaebapona Nacom Pejume Diwesi daxita nacuantha. Daxota daxita pinmonae jume cowantatsi Jesús.

²⁵ Poxonae Bernabé Saulono nacui wetabe baxua, Jerusalén tomara wewarapiyabe. Antioquía tomara bewarapiyabe. Juan Marcos baru warapatsi.

13

Meje yabara poxonae Bernabé Saulono Nacom Pejume Diwesi caponabe

¹ Baraxota Antioquía tomaratha jiwana jinompa pomonae pejume cowantsiwi Nacom pomonae Nacom pia peitorobi jume pepaebiwi iru pomonae jiwi pecuidubiwi Moisés pia peitorobi coyene. Barapomonae meje: Bernabé iru Simón pon icha wanño, Negro baraichi, iru Lucio Cirene tomarapin ecaru. Iru Saulo ecaru. Iru Manaén ecaru, pon Herodes bayatha caepinbe naexanabe xua nacuara wichaba ponabe. Herodes Galilea nacuapiwi peyanacua ewatsinchi naexana.

² Caentacabi, poxonae barapomonae Nacom pejume coyene canatsipaeba exana, yawa yabara nainbota, barapoxonae Nacom pia Pejumope tunaxu tatsi barapomonae tsipaebatsi, jeye: “Paitorobare Bernabé, Saulono, petsipaebinxaxa tsanebe Nacom pia pexeinya jume diwesi tatsi po penacuichiwa baponbe bayatha tsiwabanbe”, jei Nacom pia Pejumope tunaxu tatsi.

³ Nexata poxonae xua Nacom wuca najume weta, xuano poxonae weta xua yabara nainbota, barapoxonae Bernabé Saulono pecobetha jayabatsibe. Bapoxonae napeyabatsibe.

Meje yabara poxonae Nacom pia peitorobi jiwi tatsi, Nacom pia diwesi tatsi cueicueijei Chipre tunaetotha

⁴ Bapoxonae Bernabé Saulonaru itorobatsibe Nacom pia Pejumope tunaxu tatsi. Seleucia tomara bewarapiyabe. Bapoxonae ponabe jeratha po naetha po nae pin nae, petunaeto beya. Barapo tunaeto pewan Chipre.

⁵ Poxonae patopa Salamina tomaratha, Nacom pia pexeinya diwesi tatsi cueicueijei judiomonae pia penacuetutsi bontha tatsi. Juan Marcos bichi napona Bernabé Saulono peyawenaenexatsi.

⁶ Barapoyobe daxita barapo tunaeto matawacaicha enapona petsipaebinxaxa Nacom pia pexeinya jume diwesi tatsi. Bapoxonae Pafos tomaratha pata. Barapo tomaratha bapoyobe caxinabe judiomonaepin pon pewan Barjesús. Bapon Barjesús mara pexeinaein, pon saya naeraba paeba. Bapon Barjesús namchi, jeye: “Xan tacueicueijein Nacom nexa”, jei.

⁷ Barapon napuna poneiba pontha pon Chipre tunaetopiwi peyatunaeto ewatsinchi ponxae pewan Sergio Paulo. Bapon Sergio Paulo peyaputaein. Bernabé Saulono wabatsibe pia jume taetsibe xua Nacom Pejume Diwesi tatsi pepaebiwa.

⁸ Barapon pon mara pexeinaein icha wan xeina, griego jume, “Elimas”, baraichi. Bapon Bernabé Saulono jume yancatabatsibe, tsipei jopa ichipaeyo xua Sergio Paulo jume cowantsina Nacom Pejume Diwesi.

⁹ Nexata Saulo, pon icha wanxae Pablo, Nacom pia Pejumope tunaxu tatsi juntu coyene yucatsi. Pablo bichocono pexainya beya tane.

¹⁰ Pablo barai, jeye:

—¡Barjesús, xam pon jwi nemuxitorobeibin, abe neexanaein, cauri pexantom, daxita xua pewnaeawan neaichaxaibim! ¿Eta xua daichim jiwi cui yancababeibame xua pejume cowanteibiwa Jesús, pon jiwi Pecanamataxeinaeinchi?

¹¹ Bara anoxuae Nacomtha natsiaenae cuentsiname. Daxota caitacuere piontababa. Jopa caeto pesato taem tsane, beya poxonae matapainya Nacom copatsina xua netaewa tsane, jei Pablo.

Bapoxonae Elimas nainya itata quirei. Bapon ichawa beya ichan nacobena jayaba, pecobe caponaenexatsi peitata nacatsinxae.

¹² Poxonae Sergio Paulo baxua tane bapoxonae bapon Nacom jume cowantatsi tsipei tsita wunaetsi pocotsiwa Pablo Bernabeno yabara cuidubabe Nacom pon jiwi Pecanamataxeinaeinchi.

Meje yabara poxonae Bernabé Pablono Antioquía tomaratha ecabe xua Pisidia nacuatha

¹³ Pablo iru pijimonae tatsino Pafos tomara wewarapiya. Perge tomara be-iyiya jeratha, po nae pin nae. Perge tomaratha pata, Panfilia nacuatha. Barapo nacuatha daxita barapomonae Juan Marcos wu pona. Barapoxonae Jerusalén tomara bewarapiya.

¹⁴ Nexata Pablo iru pijimonae tatsi Antioquía tomara be-iyiya. Barapo tomara Pisidia nacia nacacuita ecabe. Barapo matabitha, po matabitha pentaquei seicae matabitha, judiomonae pia penacaeuttsi botha tatsi pata, yawa enoundeca.

¹⁵ Baraxota ichan yoroba Moisés pia peitorobi coyene diwesi tatsi. Yawa yoroba xua Nacom peitorobi jume pepaebiwi paeba. Bapoxonae poxonae najume weta pentacaponae, pomonae peyabara umenaewi penacaeuttsi bo, barapomonae Pablo wabatsi iru piamonae tatsi wabatsi. Barapomonae jeye:

—Pata tajiwiwimonaem, icha paxeiname diwesi, po diwesi xua barapomonae pejuntu coyene tsacabiwatsi xua juntepa pejinompaewa nexa barapomonae pomonae xote ene, bara moya papaebare barapo diwesi, jei barapomonae.

¹⁶ Nexata Pablo asiya uncua. Pecobetha jume matawenta xua moya peenaenexa. Pablo barai, jeye:

—Incane pajume taema, israelmonae pam, iru paxamno pomonae Nacom abe paca necaexanaeyainwa pam xua icha abe paexaname, pomonae judiomonae jopa naexanaeyo pam.

¹⁷ Wamo susato jiwi, pomonae Israel piamonae, barapomonae Nacom cana exana xua barapomonae nayoyotapona beya xua pin bicheito naexanapona, poxonae cataunxuae Egipto nacuatha jinompa. Nacom itapeta waba barapomonae, xua petanaexanaenexatsi pijimonae jiwana tatsi. Daxota Nacom pia peayapusawatha wamo jiwi capanepatsi Egipto nacia weya.

¹⁸ Wamo jiwi ira xuepana susato tsurucuae nacia beya warapa cuarenta po weibe. Nacom yaweneiba barapomonae bequein barapomonae abe exaneiba cuarenta po weibe.

¹⁹ Wamo susato jiwi tsimaxu dubatsi Nacom poxonae jutebatsi Canaan nacuamonae. Nacom caewitaxuba Canaan nacuamonae siete po bicheito matabuxayobe. Wamo susato jiwi barapo ira xuya catatsi, Nacom cata.

²⁰ Daxita baraxua Nacom exana barapomonaetha cuatrocientos cincuenta po weibetha.

“Bapoxonae Nacom jiwana cana exana pomonae jiwi peyabara paebiwichi xua penatsicuenttsiwa xua abe peexanaexae pentacainompaenexa tsane barapomonae. Nacom baxua exana beya poxonae pon pewan Samuel popona pon Nacom pia peitorobi jume pepaebin.

²¹ Nexata israelmonae Nacomtha wuca pon be yatsicaya barapomonae barompaya itorobiya pia pepa peewatsinchi tatsi tsane. Daxota Nacom taexana barapomonaetha pon pewan Saúl, Cis pexanto tatsi, pon Benjamín pia pemomoxi susato jiwana tatsi. Bapon Saúl, pon jiwi itorobiya pia pepa peewatsin naexana cuarenta po weiyobe.

²² Bapoxonae Saúl cui matawentsi Nacom abe peexanaexae. Equeicha exana ichan pon jiwi itorobiya pia pepa peewatsinchi, pon pewan David. Nacom yabara jume jei David: ‘David tan, pon Isai pexanto. David netsita juntu coyene xanepana yawa wunaexanano. David itapeta exanaena daxita pocotsiwa ichichipan’, jei Nacom.

²³ David pia pemomo susato jiwana tatsi, bapon pewan Jesús. Jopa cain bayatha Nacom Pejume Diwesi paebi penamchixae Jesús capanepa Israel nacuamonae. Baraxua caena bayatha Nacom yabara tsiwunaexae muxu duta.

²⁴ Pewunaeya poxonae Jesús tamropata pitabina xua pecuidubiwa Nacom nexa copiya matha Juan daxita Israel nacuapiwi tsipaeba xua pinae bewa naci barapentsina abe peexanae cuiru coyenein xua Nacom petsita xeinaenexatsi icha juntu coyenein, xuano xua bewa pinae nabautisabina.

²⁵ Poxonae Juan bara imoxoyo tupa, jeye: ‘jopa daponyo xan, pon xua payabara nanta xeiname, pon Mesias baraichi. Cotacaya ichun patopaena xua pon nepuna patopaena. Pocotsiwa bapon exana bichocono ainya cui beyacaincha pocotsiwa exanan. Bichocono pin ura tsita xeinan xua daxota bewa jopa tataxu mu isanaxubiwa tsane pia penataxu xatatsiwa tatsi’, jei Juan’, jei Pablo.

²⁶ Equeicha Pablo jeye: “Tamonae pam, Abraham pia pemomoxi susato jiwi tatsi pamxae, iruru pomonae Nacom abe paca necaexanaeyainwa pam xua icha abe paexaname. Nacom pacata itoroba barapo pecapanenebiyae diwesi jume po diwesi Juan yabara paeba.

²⁷ Barapomonae pomonae Jerusalén tomaratha jinompa iru pia pentacaponaeawi tatsi jopa Jesús yaitaetsi po coyene xua bapon apara Mesias. Mataatano barapomonae jopa yaputaeyo xua bayatha Nacom peitorobi jume pepaebiwi yabara wuna tsiwanaya paeba xua bexa Jesús cana exanaeinchi. Pentaquei seicae matabitha poxonae ichamonae yoroba po diwesi xua Nacom pia peitorobi jume pepaebiwi tina, judiomonae pia penacaeutsti botha tatsi barapomonae jopa yabara yaputaeyo barapo diwesi. Poxonae Jesús naetotha teparucua exanatsi, barapomonae nanta jupiya exana Jesththa icha be pocotsi coyeneya bayatha Nacom pia peitorobi jume pepaebiwi paeba.

²⁸ Barapo judiomonae jopa xeinaeyo po coyeneya xua Jesús pebexubiwa tsainchi. Bequein Jesús jopa abe exanaeyo ichitha barapomonae Pilato wacatsi xua Pilato itorobina soldadomonae xua Jesús pebexubiwa tsainchi.

²⁹ Barapomonae exana daxita po coyene bayatha xua Jesús yabara wuna tsiwanaya paebatsi Nacom Pejume Diwesitha. Barapoxonae Jesús pijimonae petupaein naeto wepichicatsi. Pijimonae muthatha xotsi petupaein pitapatororo muthatha.

³⁰ Ichitha Nacom, Jesús equeicha caewa asu exanatsi petupae cuiru coyene weya.

³¹ Matha cain Jesús puna jinompeibatsi ichamonae poxonae Galilea nacuaatha popona, Jerusalén tomarathano. Barapomonaetha equeicha Jesús tsita naitata ducuaenaebiya ainya matababi dapaein. Pomonae Jesús bayatha tsita naitata, barapomonae apara pomonae xua anoxuae daxita tomaran tsipaeba dubenanaebiya Jesús yabara.

³² “Daxota paca tsipaebatsi Jesucristo pia pexeinya diwesi jume xua bayatha Nacom yabara tsiwuna muxu duta wamo susato jiwitha.

³³ Baxua Nacom exana poxonae Jesús equeicha asu exanatsi. Nacata exana poxoru waxainchi wamo susatopiwi pijimonaetsi. Icha be pocotsi coyeneya bayatha tina Nacom Pejume Diwesitha xua salmos penaxunae weixi diwesintha, po wei xua ichaxota ‘dos’, jei xua jeye: ‘Xam, taxantom, itawan caexanatsi bara’, jei.

³⁴ Nacom, Jesús asu exanatsi, xua equeicha jopa petupaenexa tsane, xua equeicha jopa tsabanuncuae tsane. Daxota jei pejume diwesitha: ‘Paca catinchi xua bayatha David tayabara tsiwuna muxu dutan’, jei.

³⁵ Daxota pon xua tina salmos penaxunae weixi diwesintha, barapo diwesintha Nacom baraichi: ‘jopa copatsim xua nexanto petsabanuncuaewa tsane pon bichocono pejuntu coyene xanepanaein’, jei.

³⁶ Xainyei, David exana xua Nacom ichipa poxonae baru popona Israel nacuapiwi. David bayatha tupa. Muthatha xotsi ichaxota pamo jiwi tatsi yamuthu umena. Yawa bayatha tsabanuncua.

³⁷ Ichitha barapo pepon po pepon Nacom asu exana, barapo pepon jopa tsabanaeyo.

³⁸ Tamonae pam, maisa bepayaabara yaputaename Jesús po coyene xua bapon Jesús pacata cayawa tupa abe painya neexanae cuiru coyenein xua daxota Nacom jantemaina barapo abe painya neexanae cuiru coyenein.

³⁹ Tsipei Jesús tupa daxota daxita pomonae jume cowanta bapontha, Nacom juntu coyene wunaetsina. Bequein jiwi exana daxita pocotsiwa Moisés pia peitorobi coyenewatha itoroba, ichitha barapo coyenewa bapana jopa jiwi juntu coyene xanepana exanaetsi abe pia peexanae cuiru coyenein tatsi weya.

⁴⁰ Dota, icha metha jopa Nacom pajume cowantsipaem, bara paichim tsipae icha be pocotsi coyeneya bayatha pomonae Nacom peitorobi jume pepaebiwi yabara tina. Namchiya tina, jeye:

⁴¹ ‘Ja, jiwi pecui caponaemonae pam,

bara pana nabenaecare, pawerapare.

Xan, Nacom, anoxuae exanaein bichocono pepa pewunaewa poxonae cataunxuae pajinompame.

Baxua xua exanan, jopa pajume cowantsim, bara bequein ichamonae paca tsipaeba’,

jei Nacom”, jei Pablo.

⁴² Pablo, iru pia pepuna ponaewichi daxita barapoyobe judiomonae pia penacaeutsti bo tatsi wejojoniya. Pomonae baxota umena pomonae jopa yacuiya naexanaeyo xua

judiomonae penaexanaewa, barapomonae Pablo w̄ncatsi xua bepa pinae Pablo equeicha cuidubina po diwesi anoxuae paeba xua equeicha icha diwesi mataropeichiya cuidubina xua icha mataqueitha tsane xua pentaquei seicae matabitha.

⁴³ Poxonae najume weta Pablo ir̄u Bernabé, puna poinchibe judiomonae ir̄u pomonae jopa judiomonae naexanaeyo. Barapomonae Nacom jume cow̄nta nawita icha judiomonae ichi. Pablo Bernabeno tsipaebabe barapomonae: “Nacom pajume cow̄nta dubenanaebiyama xua Nacom w̄nae pia pacata exanaenexa painya j̄unt̄u coyeneintha pia paca necaantobexae”, jeibe.

⁴⁴ Icha matabi, po matabitha pentaquei seicae matabitha, pin bicheito pomonae tomaratha ena, nacaetuta xua pejume taenexa Nacom pia pexeinya jume diwesi tatsi, pon Pecanamataxeinaeinchi jiwi.

⁴⁵ Ichitha poxonae judiomonae pinmonae necota, jume uwa tsipei pinmonae nacaetuta pejume taenexatsi Pablo. Pablo jume matawentatsi xua paeba yawa ts̄um̄u jume bar̄u paebatsino.

⁴⁶ Nexata Pablo Bernabeno tsipaebabe barapomonae. Jopa auriya paebiyobe. Jeibe:

—Bara xanepana xua copiya Nacom Pejume Diwesi paca tsipaebatsi pomonae judiomonae pamxaem. Daichitha, jopa bepajume taem barapo diwesi tsipei jopa paichichipaem xua painya nexenaewa peaj̄unt̄uyarus̄wa po peaj̄unt̄uyarus̄wa ataya tsiteca. Daxota anoxuae ichamonaetha pata tha ponaetsi pomonaetha pomonae jopa judiomonae naexanaeyo.

⁴⁷ Pata Tanecanamataxeinaein Nacom pana itoroba. Pana baraino, jeye:

‘Paca exanatsi xua painya neyawenaewa
daxita pomonae jopa judiomonae naexanaeyo
xua xanepanaeya pejinompaenexa tsane.
Matautano paca exanatsi xua beta
painya netsipaebinexa Nacom Pejume
Diwesi daxita nacuantha, xua jiwi
pecapanenebiyaenexa tsainchi Nacom abe pia
peexanae cuiru coyenein weya tatsi’,
jei Nacom, jei Pablo.

⁴⁸ Poxonae baxua jume taer̄uc̄pa, pomonae jopa judiomonae naexanaeyo, barapomonae bichocono j̄unt̄u coyene weiweinar̄uc̄pa, j̄unt̄ema jinompano. Pablo tsipaebatsi: “Nacom Pejume Diwesi jume xeica. Bichocono jume w̄nae”, jei. Daxita barapomonae jume cow̄nta pomonae Nacom cuita itapeta petaxeinaenexa tsainchi peaj̄unt̄uyarus̄wa, po peaj̄unt̄uyarus̄wa ataya tsiteca.

⁴⁹ Barapomonae pomonae Jesús pejume cow̄ntsiwichi daxita nacuantha tsipaeba Jesús pia pexeinya jume diwesi tatsi, pon jiwi Pecanamataxeinaein.

⁵⁰ Ichitha judiomonae anaepana exana yab̄axi powaxi Nacom cananta xeinatsi bichocono. Yawa pebiwi pomonae peainya cui jiwi, barapo pebiwi anaepana exanatsir̄u. Ir̄u judiomonae Pablo Bernabeno abe yabara cueicueijeichibe, daxota daxita jiwi Pablo ir̄u Bernabé casebatsibe. Barapo jiwi Pablo Bernabeno itawetaxotsibe pia nacua beya.

⁵¹ Nexata Pablo Bernabeno nataxu nan̄atababe tso robo. Baxua exanabe petsita itapeinya xeinaenexa po coyene bapomonae abe exana poxonae jume itaweta Nacom Pejume Diwesi. Barapoxonae warapabe Iconio tomara beya.

⁵² Ichitha pomonae Jesús jume cow̄nta, barapomonae bichocono j̄unt̄u coyene weiweina. Matautano barapomonae j̄unt̄u coyene w̄ncatsi Nacom pia Pejumope t̄nax̄u tatsi.

14

Meje yabara poxonae Pablo Bernabeno Iconio tomaratha poponabe

¹ Iconio tomaratha Pablo Bernabeno judiomonae pia penacaetutsi botha tatsi jonyiabe. Beta paebabe daxota pinmonae Jesús jume cow̄nta. Judiomonae jume cow̄nta, ir̄ūn̄ pomonae jopa judiomonae naexanaeyo jume cow̄nta Jesús.

² Ichitha po judiomonae jopa Jesús pejume cow̄ntsiwichi barapomonae cui tsacaba pomonae jopa judiomonae naexanaeyo cui tsacabatsi. Daxota barapomonae pomonae jopa judiomonae naexanaeyo abe yabara nanta xeina xua pomonae Jesús pejume cow̄ntsiwi tatsi abe yabara nanta xeinatsi.

³ Pablo Bernabeno barapo tomaratha ecabe. Ainya matabi dapaein baraponbe ecabe baraxota. Nacom Pejume Diwesi jume daunweya cueicueijeibe Pecanamataxeinaein nexa. Baponbe Nacom cata pia peayarus̄wa peexanaenexabe pexeinya petsita itatsi coyenewan. Poxonae jiwi cui tane xua baponbe exanabe, barapo jiwi yaputane xua Nacom yawena baponbe, peantobexaetsibe.

⁴ Daxita jiji tomaratha be ainya jiwibe natsababe. Ichamonaē judiomonaē ichichipa. Ichamonaē Jesús pia peitorobi jiji tatsi ichichipa. Daxota ainya bicheitobe nacana exanabe.

⁵ Nexata bapoxonaē judiomonaē irū pomonaē jopa judiomonaē naexanaeyo peburūya yabara jume baru nanta xeinaraēcūpa xua pentacaponawēi paeba po coyene xua Pablo yawa Bernabé abe peexanaewa tsainchibe xuano xua ibotontha pecuinbabinexatsibe.

⁶ Poxonaē Bernabé Pablobe jume taebabe nainya naetsirucuabe Listra tomara beya, Derbe tomara beyano. Barapo tomarabe Licaonia nacuatha ecabe. Matautano icha tomaran beya ponabe Pablo Bernabeno xua po tomaran ena barapo Licaonia nacuatha.

⁷ Barapo tomarantha cuiduba ducuaenaebiyabe Jesús pia pexeinya jume diwesi tatsi.

Meje yabara poxonaē Pablo Listra tomaratha ibotontha cuinbabatsi

⁸ Listra tomaratha pebin popona pon pemūbinchi, pon xua jopa peponaēin. Bapon pexuyotha caena yawa naexaneca, xuano bapana jopa ponae.

⁹ Bapon pon pemūbinchi Pablo jume tainchi xua pocotsiwa cueicueije. Pablo pemūbinchi tane. Pablo nanta xeina, xua pon pemūbinchi bara Nacom jume cowantatsi. Pablo nanta xeinataba xua axaibi peexanaewa tsainchi pon pemūbinchi. Daxota bi-chocono Pablo naita cui duya bapontha beya.

¹⁰ Nexata Pablo jume daunweya barai, jeje:

—Asiya uncuare, jei.

Pon pemūbinchi asiya uncuatabiya jirawūna yawa nainya ponano.

¹¹ Poxonaē Pablo cui tainchi barapomonaē, jume daunweya wawai pin jumetha, Licaonia pijumetha tatsi:

—iNacombe be pebin jūta tsecae waxainya berena patopabe! jei.

¹² Barapomonaē namchi: “Maisa Bernabé bara mexeya nacom tsecae, po nacom pewūn Zeus. Irū Pablo bara mexeya icha nacom tsecae, po nacom pewūn Hermes”, jei. Barapomonaē bapo wūn duta poxoru tsipei Pablo penantacapaēbin tsecae.

¹³ Irū barapo nacom Zeus pia sacerdotemonaēpin xeinara, pon Zeus wūnaē jainteibatsi pia penacaeutusi bo tatsitha. Barapo penacaeutusi bo uncu tomara coiboto juma weya. Barapo sacerdotepin vaca pebton wiyaba pentonon pecaponaenexa Zeus pia penacaeutusi botha tatsi. Barapo tomarapiwi irū Zeus pia sacerdotepin ichichipa juteba vaca pebton petautsinexa xua petuxusi exanaenexa Pablo irū Bernabé nexabe pia Pablo irū Bernabé yabara nanta xeinaebe barapomonaē xua barapomonaē bara pejūntū coyene xanepanaewi.

¹⁴ Bernabé Pablobe jume tanebe xua taexanaeinchibe baxua barapomonaē. Bapoxonaē anaya nama paparuwa tsitsinaxubabe. Cuinaeponaya wawaiibe poxoru aichaxaibibe xua baxua barapomonaē exanaena. Jeibe:

¹⁵ —iEta xua daxua pana canaūtame? Aparā saya jiji panbe. Be paxam paichim bara paichinbe. Papatopanbe tsipei apara pata paca catsipaēbinexa tsainchi xua painya nenacui barapentsiwa tsane barapo coyenexi xua jopa pecui xanepanaewiyo. Maisa Nacomtha panantana pende. Barapo Nacom pon peantūciuyapusūn, exana peitaboco, iranno, pin meneinno. Daxita xua xuanno yawa muxuna dubena tsiniya Nacom bayatha exana.

¹⁶ Wawūnaeya Nacom cui copata daxita nacuapiwi xua bara pejinompaenexa icha be pocotsi coyeneia ichichipa xua pejinompaewa. Daxita jiji pia cui nata exana saya.

¹⁷ Nacom xua pewūnaewan nacopiniwa tsita itūba daxota jiji naita cui coyene tane xua Nacom exana. Barapon Nacom apara pon ema pacata itorobica, pexuwiwanno paca tsijain exaneica catsicano. Pexaewa paca cata. Paca jūntū coyene weiweina exana, jei.

¹⁸ Bequein Bernabé Pablobe jume daunweya yabara paebabe baraxua, awiya barapomonaē ichichipa jutebina vaca pebton xuano xua wūnaē pejainchinxatsibe Pablo irū Bernabé. Barapomonaē muxu pejutebi vaca daichitha jopa jutebiyo.

¹⁹ Bapoxonaē judiomonaē pomonaē jopa pejume cowantsiwi, Antioquia tomara weparena, irūnū Iconio tomara weparena. Daxita barapo judiomonaē Listra tomarapiwi baru cueicueijeichi pebaru anaepanaenexatsibe Pablo irū Bernabeno. Nexata barapomonaē Listra tomarapiwi ibotontha cuinbabatsi Pablo. Barapomonaē najūntū coyene xeina xua bayatha tūpa Pablo. Pablo tomara coiboto juma bejojontapoinyatsi.

²⁰ Jesús pejume cowantsiwichi Pablo cacuita mata wacaicha umenaraēcūpatsi. Bapoxonaē Pablo asiya uncuataba. Equeicha tomara bepoinya. Icha mataqueitha Bernabé Pablobe Derbe tomara beya ponabe.

²¹ Barapoxonaē Bernabé Pablobe muxu tsipaebabe Jesús pia pexeinya jume diwesi tatsi. Pinmonaē jume cowanta Jesús. Equeicha bapoxonaē Listra tomara beya, caibeya ponabe. Iconio tomarano, Antioquia tomara beyano bara bewarapiyabe.

²² Bernabé iru Pablo barapo tomarantha juntu coyene tsacababe pomonaetha pomonae pejume cowuntsiwi xua xanepanaya pejinompaewa tsane. Matautano cui itorobabe barapomonaetha xua bewa barapomonaetha beta xanepanaya jume cowanta dubenanaebiyaena. Barichino matautano tsipaebabe xua pinae poxonaetha ichamonaetha pepatsiwa tsane Nacom pia peitorobi nacua beicha bewa matha ajuntacoyenetane exaneibinchi xua ichamonaetha taexanaena.

²³ Bernabé Pablobe tamroropata itapeta tsiniyabe pitiri jiwi daxita Jesús pejume cowuntsiwi pia penacaetutsi bontha. Barapo pitiri jiwi itapetatsi peyawenaenexa xua peyawenaenexatsi pomonaetha Jesús pejume cowuntsiwi. Poxonaetha daxita najume weta xua Nacomtha petsipaebiwa, xuano xua yabara nainbota pitiri jiwi nexa, barapoxonaetha Pablo iru Bernabé, Nacom pon Pecanamataxeinaein jiwi, jeichichi: “Nacom, barapo pitiri jiwi beta eenare jinya necajume cowuntsixae”, jeibe.

Meje yabara poxonaetha Bernabé iru Pablo Antioquia tomaratha equeicha caibe patopiyabe xua po tomara peecaexaetha Siria nacuatha

²⁴ Copiya matha Pisia nacua bewarapiyabe. Bapoxonaetha Panfilia nacuatha patopabe.

²⁵ Jesús pia pexeinya jume diwesi tsipaebabe Perge tomaratha. Barapoxonaetha equeicha Atalia tomara bewarapiyabe.

²⁶ Baraxotiya Atalia tomaratha Antioquia bewarapiyabe jeratha, po naetha po nae pin nae. Antioquia tomara barapo tomara ichaxota bayatha matha barapomonaetha Bernabé iru Pablo tawucatsibe Nacomtha poxonaetha juntucuru warapabe. Bayatha cain barapo Antioquia tomarapiwi tawuca Nacomtha, xua Nacom beta eenaena peantobexaetha xua Pablo iru Bernabeno beta eenaeinhibe poxonaetha nacuitabe Nacom pia penacuichiwa. Baxota equeicha Pablo Bernabeno pecoutha patopabe tsipei barapo pia penacuichiwabe bayatha wetabe.

²⁷ Bernabé iru Pablo poxonaetha patopabe Antioquia tomaratha caetutabe pomonaetha pejume cowuntsiwi Jesús. Baponbe barapomonaetha tsipaebabe po coyene bayatha Nacom Pablo iru Bernabé taexanatsibe. Matautano tsipaebabe xua Nacom pon Pecanamataxeinaein jiwi, pomonaetha jopa judiomonaetha naexanaeyo tacopatatsi xua iru barapomonaetha peitacupaewatsi xua pejume cowuntsinexatsi Jesús.

²⁸ Bernabé iru Pablo baraxotiya ainya dapaen naecabe barapomonaetha pia xantha tatsi pomonaetha Jesús pejume cowuntsi jiwichi.

15

Meje yabara poxonaetha nacaetuta Jerusalén tomaratha Jesús pia peitorobi jiwi tatsi iru nenapataetha jiwi

¹ Barapoxonaetha iru pebiwi, pomonaetha Judea nacuatha jinompa, pata Antioquia tomaratha. Barapomonaetha tamropata notarucupa xua pecuidubiwa pomonaetha pomonaetha iru pejume cowuntsiwixae Jesús. Jeye: “Icha paichichipame xua painya nepaca capanenebiwa matha pana nawi thabare pebiwi pam ichaxota pana nareixacaename icha be ichi pocotsi coyeneya bayatha Moisés paca itoroba”, jei.

² Pablo iru Bernabeno jume daunweya tsipaebabe xua baxua jopa xainyeyo. Ichitha jume matsontsonobatsibe barapomonaetha. Daxota Pablo iru Bernabé wun dutatsibe, iru ichamonaetha wun dubatsi xua daxita barapomonaetha peponaenexa Jerusalén tomara beya. Matautano barapomonaetha itorobatsi xua barapo penawi thabi coyene yabara petsipaebinxatsi Jesús pia peitorobi jiwi tatsi, iruru pitiri jiwi petsipaebinxatsi pomonaetha penacaetutsi jiwi jiwana xua Jerusalén tomaratha.

³ Barapo Antioquia tomarapiwi pomonaetha Jesús pejume cowuntsiwi pu taeumena. Pablo iru Bernabé iru icha pebiwi pu taeumeinchi. Barapoxonaetha Pablo Bernabeno iru icha pebiwino warapa. Barapomonaetha siwa pona Fenicia nacua beya, Samaria nacua beyano. Barapomonaetha Pablo Bernabeno tsipaebabe, jeibe: “Pomonaetha xua jopa judiomonaetha naexanaeyo, barapomonaetha pia cui coyenein nacui barapenta po coyenein xua jume cowanta bayatha pia jume cowantichi Nacomtha”, jeibe Pablo, Bernabeno. Daxita pomonaetha iru pejume cowuntsiwixae Jesús bichocono juntu coyene weiweina poxonaetha jume tane baxua.

⁴ Bernabé iru Pablo poxonaetha patopabe Jerusalén tomaratha, pomonaetha pejume cowuntsi jiwi baponbe matenta weiweinaya wabatsibe. Iruru Jesús pia peitorobi jiwi tatsi matenta weiweinaya waba. Barichiru pitiri jiwi matenta weiweinaya waba. Bernabé iru Pablo tsipaebabe barapomonaetha po coyene bayatha Nacom taexana baponbethea.

⁵ Ichitha ichamonaetha fariseomonaetha, pomonaetha bayatha jume cowanta Jesús, asiya umena. Barapomonaetha namchi, jeye:

—Pomonaetha jopa judiomonaetha naexanaeyo pomonaetha pejume cowuntsiwi Jesús bewa exanaetsi xua penawi thabiwa tsane xua ichaxota nareixacaena xua ichaxota pebiwixae

xeina. Matautano bewa cui itorobichi xua bewa exanaponaena pocotsiwa bayatha Moisés itoroba pia peitorobi coyenewatha, jei.

⁶ Bapoxonae Jesús pia peitorobi jiwi tatsi iru pitiri jiwimonaeno nacaetuta peyabara pæbinexa barapo penawi thabi coyene.

⁷ Caena bayatha bapomonaæ najume matsontsonobompa. Bapoxonae Pedro asiya uncuataba. Barai barapomonaætha, jeye:

—Tamonaæ pam, pomonaæ iru painya nejume cowantsiwixæe Jesús, paxam payaputaneme, xua caena bayatha Nacom neitapeta painya xantha. Newaba tacueicueijeinexa tsane Jesús pia pexeinya pecapanenebiyæe diwesi jume pomonaætha pomonaæ jopa judiomonaæ naexanaeyo, xua iruru barapomonaæ pejume cowantsinexa barapo diwesi.

⁸ Nacom pejuntu coyene yaputaæin jiwi daxota naca yaputane exana xua bapon tsitatsi xua barapomonaæ pejuntu coyene xanepanaewi bequein jopa judiomonaæ naexanaeyo. Nacom bara nanajumope tñaxu cata barapomonaætha icha matha naca cana ichi.

⁹ Nacom bichocono antobe barapomonaæ icha ichi xua bichocono naca antobe. Nacom juntu coyene puxana exana barapomonaæ xua abe pia peexanae cuiru coyenein tatsi pejume cowantsixaetsi icha naca ichi.

¹⁰ Maisa anoxuæe jopa bepayaabara yaputaem pocotsiwa Nacom exana. Matautano barapo pejume cowantsiwi pomonaæ jopa judiomonaæ naexanaeyo pacui itorobame xua penawi thabiwa xua ichaxota nareixacaena xua ichaxota pebiwichi xeinatsi. Matautano be paca ita cui jicha xua barapomonaæ bewa exanaena pocotsiwa Moisés itoroba. Apra baraxua jopa naca itacupaeyo xua waexanaewa. Iruru wamo susato jiwi jopa itacupaetsi xua peexanaewa baxua.

¹¹ Nama apra waxainchi wanaca capanenebiyæe jiwichi xua saya amanaya xua Jesús pon jiwi Pecanamataxeinaæin peichichipaexæe baxua. Barapo pejume cowantsiwi iru bara cana ichichi, jei Pedro barapomonaætha.

¹² Bapoxonae barapomonaæ moya umena. Barapomonaæ Bernabé iru Pablo jume tæumenatsibe. Tsipaebabe: “Paponeibanbe pomonaætha pomonaæ jopa judiomonaæ naexanaeyo. Paexaneibanbe barapomonaætha pexeinya petsita itatsi coyenewan Nacom pia peayapusuwiyatha tatsi”, jeibe.

¹³ Poxonae Bernabé iru Pablo najume wetabe xua paebabe, bapoxonae Santiago namchi, jeye:

—Tamonaæ pam, pomonaæ iru painya nejume cowantsiwixæe Jesús, pana nejume taema:

¹⁴ Simón Pedro aunxuæe naca tsipaeba. Pedro namchi: ‘Poxonae Nacom copiya taropata pitaba xua yawena pomonaæ jopa judiomonaæ naexanaeyo, Nacom jiwana itapeta pomonaæ xua peantobenexa tsainchi bapon’, jei Pedro.

¹⁵ Xuaunxuæe Pedro paeba caena bayatha Nacom pia peitorobi jume pepaæbiwi yabara tsiwunaæ muxu dutsiya tina Nacom Pejume Diwesitha xua Nacom nexa, jeye:

¹⁶ Poxonae daxita baraxua wetsina, xan Nacom equeicha patoparecaein. Exanaein xua caein, pon David pia pemomo jiwi tatsi jiwana matacapoponaena piamonaæ, icha matha David ichi poxonae piamonaæ matacapopona.

¹⁷ Poxonae baraxua exanaein, barapoxonae ichamonaæ pomonaæ jopa judiomonaæ naexanaeyo newenawenei tsane pia tanejume cowantsinexa tsane. Barapomonaæ pia Pecanamataxeinaæin tatsi naexanaein taitapetsixæe barapomonaæ.

¹⁸ Nacom pon jiwi yaputaeya exanatsi barapo coyenein caena bayatha pepaebixæe baxua daxota xaniwaicha Nacom exanaena’, jei Nacom pia peitorobi jume pepaæbiwi, Nacom Pejume Diwesitha xua Nacom nexa, jei Santiago.

¹⁹ Santiago cataunxuæe awiya cueicueije, jeye: “Daxota nanta xeinan, equeicha waxainchi jopa bewa itorobi tsainchi pomonaæ jopa judiomonaæ naexanaeyo xua peexanaewa po coyenein xua taayapubetsi. Barapomonaæ nacui barapenta pia cui coyenein po coyenein xua jume cowanta bayatha pia jume cowantichi Nacomtha.

²⁰ Betatinaetsipatsi carta pomonaæ jopa judiomonaæ naexanaeyo. Barapo cartatha jeichipaetsi: ‘Jopa equeicha pewi paxæinde po wi jiwi tajeba lbo nacom nexa. Painya xoba yabuxi panotame po yabuxi jopa painya seurixi. Painya xoba duwei pawu xaneme pon saya pipato tupa xuanõ pon saya bunõpa. Matautano jopa paxæinde pejanan’, bejei tsipaetsi.

²¹ Baraxua bewa exanaetsi poxoru caena cain bayatha pomonae Nacom Pejume Diwesi pecanatsipaebi jiwi yorobeiba barapo diwesi judiomonae pia penacaetutsi bontha tatsi. Daxita tomarantha xua po matacabintha pentaquei seicae matacabintha barapomonae yorobeiba Nacom Pejume Diwesi, po diwesi xua Moisés tina bayatha pocotsiwa yabara tsiwānae muxu duta Nacom”, jei Santiago.

Meje yabara poxonae barapo bicheito carta tatina pomonaetha pomonae jopa judiomonae naexanaeyo

²² Jesús pia peitorobi jiwi tatsi irurū pitiri jiwi, irū daxita pomonae pejume cowantsiwi juntucuru najiwana itapeta. Bapoxonae xua Antioquia tomara beya penajiwana itorobinexa Pablo irū Bernabé. Judas wūn dutatsi pon icha wūn Barsabás. Irū Silas wūn dutatsi, baponbe ponbe bichocono peainya cui jitonbe xua pomonae irū pejume cowantsiwi pia xantha tatsi.

²³ Jesús pia peitorobi jiwi tatsi irurū pitiri jiwi, irū pomonae Jesús pejume cowantsiwi, barapomonae carta tina xua pecaitorobinexa xua Pablo irū Bernabé irū Judas irū Silas barapoyobe pecaitorobinexatsi. Barapo carta namchi, jeye:

“Paxan Nacom pia peitorobi jiwi tatsi pan, irū pitiri jiwi panno xua nacaemonae jiwichi xua wajume cowantsiwichi Jesús. Paxan pajacaban patamonae pomonae jopa judiomonae naexanaeyo pomonae irū Jesús pejume cowantsiwichi, pomonae pejinompaexae Antioquia tomaratha, xuano xua pejinompaexae Siria nacuatha, Cilicia nacuathano.

²⁴ Payaputan ichamonae xua patamonae pata tomara weya pipato paca siwa pona painya tomara beya. Paca cajume acaura. Barapomonae namchi: ‘Pana nawi thabare. Matautano paexande pocotsiwa Moisés pia coyenewatha itoroba’, jei. Jopa paitorobinyo barapo jume.

²⁵ Daxota be juntucuru pawānaein xua cuita pananta jupaya nanta xeinan. Paitoroban ichamonae pata xainya weya pia paca necataenexa tsane. Napuna ponabe Bernabé Pablono ponbe bichocono paantobein.

²⁶ Baponbe Pablo irū Bernabé muxu pebocaebe xua pebexubiwatsibe pecueicueijei tsurucuaenaeyaxaebe Jesucristo nexa, pon Wanacanamataxeinaein.

²⁷ Paitorobanbe Judas Silasno. Baraponbe saya pia coutha paca tsipaebinabe daxita xua barapo cartatha papaeban painya neyaputaenexa.

²⁸ Paxan irū Nacom pia Pejumoro tūnaxū tatsi pananta jupaya nanta xeinan xua jopa bepaca itorobichi icha cui coyene po cui coyene bichocono pacata ayapube xua painya neexanaewa tsane. Meisa saya ū baxua xua pacata tinatsi po cartathe baxua panantawenoname xua painya neexanaewa tsane.

²⁹ Painya xoba paxaneme pewi po wi jiwi tajeiba ibo nacom nexa poxonae tauta barapo duwei xua tuxusi exana barapo ibo nacom nexa. Barichi painya xoba duwei pawī xaneme pejanano po duwei pipato tūpūmena. Matautano ichamonae painyamonae jiwana pia xoba nota yabūxi powaxi jopa piseurixi tatsi. Icha baraxua panacui barapentsiname xanepanaya pajinompaeneme. Baja”, jei barapo cartatha.

³⁰ Bernabé irū Pablo, irū Judas Silasno barapomonaeyobe peitorobixaetsi bara Antioquia tomara be-iyiia. Barapo tomarathiya barapomonaeyobe caetuteta pomonae pejume cowantsiwi. Matautano barapomonaeyobe barapo carta cata barapomonaetha.

³¹ Pomonae irū pejume cowantsiwixae Jesús bara yoroba barapo carta. Barapomonae bichocono jūntū coyene weiweina tsipei barapo cartatha cui matateicaeya yabara paebatsi.

³² Judas irū Silas peitacūpaexaetsibe xua beta petsipaebiwabe Nacom Pejume Diwesi xua Nacom yaputane exana, daxota jūntū coyene tsacababe barapomonaetha pomonae irū Jesús pejume cowantsiwi tatsi xua beta pejinompaewa tsane. Matautano baponbe cui matateicabe.

³³ Barapoyobe barapo pejume cowantsiwitha naecabe caena bayiyo. Barapoxonae barapomonae pomonae pejume cowantsiwixae Jesús barapoyobe jūntū coyene xanepanaya pu napeyabatsi xua penawibiyaexae caibeya ichaxota werena bayatha pomonae peitorobire-naexaetsi.

³⁴ Ichitha Silas juntucuru narunta.

³⁵ Pablo irū Bernabé Antioquia tomaratha ecabe. Baponbe irū ichamonaeno pomonae pinmonae, daxita barapomonae cuiduba dubenanaebiya yawa tsipaeba dubenanaebiya Jesús pon Pecanamataxeinaein jiwi pia pexeinya jume diwesi tatsi.

Meje yabara poxonae Pablo equeicha warapa nacueyatabe po cuiyobetha xua Jesús pia pexeinya jume diwesi tatsi pecueicueijeiwa nexa

³⁶ Pirapaeyo icha mataqueitha, Pablo barai, Bernabé baraichi, jeye:

—Antha equeicha Jesús pejume cowantsiwi siwa ponaeinchi daxita jupaya tomarantha ichaxota matha cain Jesús pon jiwi Pecanamataxeinaein pia jume diwesi tatsi tsipaebatsibe. Wayaputaenexabe icha metha bara beta jinompa bapomonaе, jei Pablo.

³⁷ Bernabé ichichipa xua puna poinchibe pon Juan, pon icha wunno Marcos.

³⁸ Ichitha Pablo jopa ichipaeyo xua pebaru ponaewatsi Juan Marcos tsipei bayatha Panflia tomaratha Bernabé iru Pablo cuenta ponatsibe. Bayatha Juan Marcos juntucuru jopa benapuna nanacuichiyo Jesús pia pexeinya jume diwesi tatsi.

³⁹ Najume matsontabe. Bernabé iru Pablo nawu tsatajopabe. Bernabé tsana baru jopa Marcos. Weratha ponabe Chipre tunaeto beya.

⁴⁰ Barapoxonaе Pablo cuita waba Silas. Antioquia tomaratha pomonaе pejume cowantsiwixae Jesús, Pablo Silasno tatsipaebatsibe Nacomtha xua Nacom peenaenexa peantobexae xua Pablo iru Silas peenaenexatsibe poxonaе cueicueijeibe Nacom Pejume Diwesi.

⁴¹ Pablo iru Silas warapabe Siria nacua beya, Cilicia nacua beyano. Baponbe juntu coyene tsacababe pomonaetha pomonaе pejume cowantsiwi Jesús xua beta pejinompaewa nexa.

16

Meje yabara poxonaе Timoteo cueyata, Pablo iru Silas cueyatatsibe

¹ Pablo iru Silas Derbe tomaratha patopabe. Equeicha bapoxonaе Lистра tomaratha patopabe. Baraxota Lистра tomaratha caxinabe pebin pon pejume cowantsin Jesús. Bapon pewan Timoteo. Pena tatsi saya judiomaenawayo. Barapowa iru pejume cowantsiwayo Jesús. Timoteo paxa tatsi griegomonaepin.

² Jesús pejume cowantsiwi, pomonaе jinompa Lистра tomaratha, iru pomonaе Iconio tomaratha jinompano, barapomonaе Timoteo beta yabara paebatsi xua pinae pejuntu coyene xanepanaein.

³ Pablo ichichipa xua bepuna ponaechatsi Timoteo xua peyawenaenexatsi. Ichitha matha copiya cui itorobatsi Timoteo xua pewi thabinexatsi xua ichaxota nareixacaeca xua ichaxota pebinxae xeina. Pablo baxua exana tsipei jopa ichipaeyo xua judiomaenae anaepna peexanaewa tsainchi xua jopa pewi thabixae tsipaetsi Timoteo. Tsipei Pablo yaputane xua judiomaenae nawita ichaxota poneibinabe. Barapomonaе judiomaenae nawi thabeiba tsipei pia cui. Matautano barapomonaе judiomaenae yaputane xua Timoteo paxa tatsi griegomonaepin. Daxota Timoteo jopa caena bayatha wi thabichi tsipei canta griegomonaе jopa daxua exaneibiyo.

⁴ Daxita jupaya tomarantha pateiba, Pablono, Silasno, Timoteono. Barapomonaeyobe tsipaebabe pomonaetha pomonaе Jesús pejume cowantsiwi pocotsiwa bayatha Jesús pia peitorobi jiwi tatsi iru pitiri jiwi tina cartatha poxonaе nacaetuta Jerusalén tomaratha pomonaе pejume cowantsiwi Jesús.

⁵ Daxota pomonaе penacaetutsi jiwi bara xanepanaya beta jume cowanta. Daxotano pinmonae jume cowanta. Daxita matacabi mataropeicha pinmonae tsoponae xua jume cowantapona Jesús.

Meje yabara poxonaе Pablo camaita Macedonia nacuapin

⁶ Nacom pia Pejumope tuxaxu tatsi Pablo jopa copatichi xua pecueicuejiwa tsane Nacom pejume diwesi Asia nacuatha. Daxota Pablobaru Frigia nacua iya pona xuano xua Galacia nacua iya pona.

⁷ Misia nacua iyiya. Baraxotiya bequein ichichipa pata Bitinia nacuatha, ichitha Jesús pia Pejumope tuxaxu tatsi apusiwa.

⁸ Daxota Misia nacua iyiya. Troas tomaratha mene itapatha pata.

⁹ Baraxota merawi Pablo camaita pebin pon Macedonia nacuapin. Bapon Macedonia nacuapin nantacotuncua. Pablo jume daunweya wabatsi: “¡Anetha denande! Macedonia nacua berena. ¡Pana yawende!” jeichichi Pablo.

¹⁰ Pablo camaita bapon, daxota paxainxainyan xua pata warapaenexa Macedonia nacua beya. Iru xan, Lucas tsocuaein, naponan. Paxan tsipei payaputan xua bara Nacom pana itoroba barapo nacuatha xua pata cueicuejiwa tsane Jesús pia pexeinya jume diwesi tatsi.

Meje yabara poxonaе Pablo iru Silas Filipos tomaratha ecabe

¹¹ Jeratha pawarapan, po naetha po nae pin nae. Paponaruxupan Troas tomara mene itapa weya. Weratha bopiya payiyan petunaeto cacuitiya Samotracia tunaeto. Icha matacabitha papatan Neápolis tomaratha.

¹² Equeicha baxotiya Filipos tomara bepayiyan, po tomaratha xua romanomonaе cueranta ena. Barapo Filipos tomara yatsicaya pepa tomara, pepa Macedonia nacua. Baraxota ainya matacabin paenan.

¹³Caentacabi, po matakabi pentaquei seicae matakabitha, tomara pepuya beya paponan mene itapa beya, ichaxota judiomonaе Nacom w̄yqueiba. Paenan baraxotiya. Jesús pejume diwesino pacueicueijan yab̄xitha powaxi xua cou bayatha nacaetuta.

¹⁴Barapowaxi caewayo jiwana pana jume tane. Barapowa pew̄n Lidia, Tiatira tomarapiwayo. Bapowa caenaeteiba papab̄r̄, po papab̄r̄ m̄ tsobia po papab̄r̄ ainya matoman. Barapowa w̄nae jainteiba Nacom. Barapowa beta jume tane pocotsiwa Pablo paeba. Nacom pon jiwi Pecanamataxeinaein, barapowa icha j̄nt̄ coyene cana exanatsi xua peexanaenexa pocotsiwa Pablo paeba.

¹⁵Barapowa bautisabatsi, yawa piamonaе matab̄x̄yo tatsi bautisabatsi. Bapoxonaе bapowa pana barai, jeye:

—Icha bara metha xaniwaicha pananta xeiname xua Jesús tajume cow̄ntsiwayo, pon jiwi Pecanamataxeinaein, nexata antha tabotha pamaire, pana nejei Lidia.

Pecono jumeyotha pana barai, bepa pinae xua pia botha pamaichin.

¹⁶Icha mataqueitha poxonaе namtotha paenaponan xua poxonaе paponan ichaxota jiwi w̄yqueiba Nacomtha, baxota yab̄yo pacaxinan namtotha. Barapowayo cauri xeina. Barapowayo pebusi cui taetaewayotsi xua amanaya petanacuichiwa pia pentacaponaein nexa. Matātano barapowayo paratixi caetuba pia pentacaponaein tatsi nexa xua bapowa pecueicueije tsaisiba pocotsiwa cauri yaputane exana.

¹⁷Barapowa, Pablo, ir̄ paxan pana pu wabapona. Bapowa wawaya namchi, jeye:

—¡Barapomonaе tanacuita Nacom nexa, po Nacom itabocotha eca! ¡Paca muxu tsipaeba Nacom pia pecapanenebiyaе diwesi! jei barapowayo.

¹⁸Bapowa baxua exaneiba ainya matakabin. Pablo amuxufaetabi. Pablo barapowa taitaweta cauri. Pablo cauritha namchi, jeye:

—Jesucristo w̄ntha caitawetatsi. Naetsiriware. Xubariware bapowayo, jei Pablo.

Bara caena barapowayo copatabatsi cauri.

¹⁹Barapoxonaе yab̄yo cui tainchi pia pentacaponaeiwichi tatsi xua equeicha jopa amanaya tacaetubi tsane paratixi barapomonaе nexa. Daxota Pablo Silasno waetabatsibe. Pematacatorobi bicheito jiwi peitabaratha capoinchibe tomara panatha.

²⁰Barapomonaе Pablo ir̄ Silas cuaranotsibe peitabaratha tatsi pomonaе jiwi peyabara paebiwi xua penatsicuenta siwa xua abe peexanaexae, barapomonaе ichamonaе cui itorobatsi xua Pablo ir̄ Silas pēma xuenaxubinexatsibe paparuwa, bapoxonaе xua pecuainchinexatsibe iwatontha.

²¹Baraponbe peia cui coyeneya naca cuiduba. Barapo coyene jopa becopatichi xua wajume taenexa xuano xua waexanaenexa, tsipei romanomonaetsi, jei barapomonaе.

²²Bara nexata Pablo ir̄ Silas bar̄ anaepanar̄c̄patsibe jiwi. Matātano pomonaе jiwi peyabara paebiwi xua penatsicuenta siwa xua abe peexanaexae, barapomonaе ichamonaе cui itorobatsi xua Pablo ir̄ Silas pēma xuenaxubinexatsibe paparuwa, bapoxonaе xua pecuainchinexatsibe iwatontha.

²³Matha bichocono cuaintatsibe. Bapoxonaе caponatsibe jiwi pec̄bi bo beya. Pon peyabara equeibin pomonaе c̄bebatsi jiwi pec̄bi botha bapon cui itorobatsi jeichichi: “Beta yapu enare, xua jopa penaetsiriwanexabe”, jeichichi barapon.

²⁴Poxonaе bapon jume tane pocotsiwa pentacaponaei cui itoroba, bapoxonaе po tutu taj̄ beya baxota Pablo ir̄ Silas cuaranoyatsibe. Bichocono naepawatha taxu cateitabetatsibe jiwi petaxu cateibabi naewatha.

²⁵Papaetha Pablo ir̄ Silas Nacomtha tsipaebabe yawa Nacom pijume weino nax̄nabe. Ichamonaе baraxota c̄bebatsi jiwi pec̄bi botha. Barapomonaе Pablo ir̄ Silas jume tayenatsibe.

²⁶Barapoxonaе jemeicha bichocono jijiyataxuba. Ibowano jijiyataxubano xua bom̄x̄n peȳtanotsiwa. Bapoxonaе jemeicha nainya saya dubenanaya peboupan. Matātano pomonaе jiwi pec̄bi botha jebatsi daxita taxu nain sarababatsi.

²⁷Pon peyabara equeibin pomonaе c̄bebatsi, bapon nacosataxuba. Bapon tane xua barapo jiwi pec̄bi bo saya peboupa umenar̄c̄pa. Bapoxonaе pia cusi namara jonta. Muxu penabexubi, tsipei bapon nanta xeina xua bara daxita panenebiya, Pablo, Silasno ir̄ ichamonaeno.

²⁸Ichitha Pablo waba bapon pon peyabara equeibin pomonaе c̄bebatsi jiwi pec̄bi botha, jeye:

—¡Jopa jinya coutha nabexubinde, tsipei apara cataunxuae xote pajinompan! jei Pablo.

²⁹Nexata pon peyabara equeibin pomonaе c̄bebatsi jiwi pec̄bi botha, wawaya namchi, jeye: “Painta itanatabare”, jei. Jijiyeya cuinaepondena. Pablo ir̄ Silas imoxoyo petaxutha pentabocotha caquita tauncuatabatsibe.

³⁰Bapoxonaе bapon pon peyabara equeibin pomonaе c̄bebatsi jiwi pec̄bi botha, bapon Pablo ir̄ Silas pesato becayatsibe. Pablo ir̄ Silas baraichichibe, jeye:

—Ja, ¿eta bichocuaein tsane xua tana necapanepaewa tsane Nacom beicha? jei bapon.

³¹ Pablo iru Silas jume notabe, jeye:

—Jume cowunde Jesús pon jiwi Pecanamataxeinaein, bapoxonae necacapanepae jitom tsane iru jinyamonae matabuxuho pecapanenebiyae jiwi tsainchi, jeibe.

³² Tsipaebabe bapontha, Jesús pon jiwi Pecanamataxeinaein, pia pexeinya jume diwesi tatsi. Matautano tsipaebabe piamonae matabuxuho jiwitha tatsi, pomonae pia botha petaenaexaetsi.

³³ Caena barapoxonae, pon peyabara equeibin pomonae cubebatsi jiwi pecubi botha, Pablo, iru Silas wan quiatatsibe. Bapoxonae bapon bautisabatsi iru piamonae matabuxuho tatsi bautisabatsi. Pablo, iru Silas bautisababe.

³⁴ Bapoxonae Pablo iru Silas bo beya caponatsibe. Pexaewa catatsibe. Bapon piamonae matabuxuho tatsino bichocono juntu coyene weiweina pejume cowantsixae Nacom.

³⁵ Pomonae jiwi peyabara paebiwi penatsicuentisiwa xua abe peexanaexae, barapomonae caemumbotha itoroba, policiamonae itorobatsi ichaxota pon peyabara equeibin pomonae cubebatsi jiwi pecubi botha. Bapon copatatsi xua bara Pablo iru Silas pepu copatsinexatsibe.

³⁶ Nexata pon jiwi peyabara equeibin pomonae cubebatsi jiwi pecubi botha, bapon Pablo baraichi, jeye:

—Pomonae jiwi peyabara paebiwi penatsicuentisiwa xua abe peexanaexae, barapomonae necui itoroba xua tapaca isanaxubiwa tsainchibe. Bara paca itacupabe xua bara papu seicaenamebe, jei bapon.

³⁷ Ichitha Pablo barai policiamonaetha, jeye:

—Apara barapomonae pana cuainta pepa bicheito peitabaratha. Dacotsiwa barapomonae abe painta exana. Seicaya apara romanomonae pan. Copiya matha jopa pana caponaeyobe ichaxota pon jiwi peyabara paebin xua penatsicuentisiwa xua abe peexanaexae. Saya barapomonae pia coutha paeba xua abe paexananbe. Daxota jiwi pecubi botha pana caponabe. Deta aena poxonae juntucuru pana isanaxubapaebabe moya namicha pana itorobabe. Pentacaponaewi patsipaebare, pomonae pana cuainta, bu jame barapomonae pia coutha pana nepu sotababe, jei Pablo.

³⁸ Baxua policiamonae bayatha jume yopita pomonaetha pomonae jiwi peyabara paebiwi xua penatsicuentisiwa xua abe peexanaexae. Barapomonae bichocono junuwa poxonae jume tane xua Pablo iru Silas apara romanomonaepinbe.

³⁹ Barapomonae ponarucupa jiwi pecubi botha, Pablo, iru Silas siwa poinchibe peauraxae xua bayatha Pablo, iru Silas cuaintatsibe. Barapomonae Pablo iru Silas tsipaebatsibe, jeichichibe: “Maisa paauran tsipei abe paca exanatsibe. Moya paponarebe. Jopa po tomarathe paecaeindebe. Jopa pana neyopichinde”, jei.

⁴⁰ Poxonae Pablo iru Silas jiwi pecubi bo wenaetabiyabe, Lidia pia bo tatsi be-iyabe. Siwa ponabe pomonae pejume cowantsiwixae Jesús. Barapomonaetha baponbe juntu coyene tsacababe xua xanepanaya pejinompaewa tsane. Bapoxonae bara wewarapiyabe.

17

Meje yabara poxonae Tesalónica tomarapiwi namtsebiya anaepanaeya wawai xua Pablo, iru Silas pecasebixaetsibe

¹ Pablo iru Silas Anfípolis tomara iyabe. Apolonia tomara iyabeno. Barapoxonae Tesalónica tomaratha patopabe po tomara ichaxota judiomonae pia penacaetutsi bo tatsi uncua.

² Pablo pia cui xeina xua judiomonae pia penacaetutsi bontha tatsi pateiba. Daxota baxota eca acoibi po semanabe. Matautano daxita pentaquei seicae maticabintha barapo judiomonae pia penacaetutsi botha Pablo iru Silas cuidubabe.

³ Pocotsiwa Nacom Pejume Diwesi paeba, baxua Pablo tsipaeba po coyene xua pinae pon Mesías bewa bexubinchi ichamonae, xuano xua pinae bapoxonae equeicha asu tsane. Pablo jeye barapomonaetha:

—Pon xua Jesús xuaunxuae yabara paca muxu tsipaebatsi, bapon apara bara Mesías, jei Pablo.

⁴ Ichamonae, judiomonae jume cowanta. Barapomonae Pablo, iru Silas caemonae naexanatsibe. Barichi pin bicheiton griegomonae jume cowantaru, pomonae Nacom wanae jaintatsi. Barapomonae jume cowanta Jesús. Irua ainya yabuxi bicheiton jume cowanta Jesús powaxi baru cui itura jineibatsi xua jiwi baru cui itura jineiba.

⁵ Ichitha icha judiomonae pomonae jopa pejume cowantsiwi, baxua yabara uwa. Daxota barapomonae pebiwi baru nacaetuba po pebiwi peajuntacoyeneyapubewi xua po pebiwi saya pejinompaewi namtontha. Daxita barapomonae namtsebiya wawai tomaratha.

Jasón pia botha tatsi anaepanaya jojoniya xua Pablo iru Silas pejeichinexatsibe xua pewaetabinexatsibe xvano xua pecaenaetsinexatsibe jiwitha.

⁶ Ichitha baxota Pablo iru Silas jopa taebichibe. Daxota catsaya waetabatsi Jasón, iru ichamonae pomonae pejume cowantsiwixae Jesús. Pablo iru Silas waetabatsibe. Daxita barapomonae pentacaponae jiwitha becayiyatsi. Daxita barapomonae yabara wawaichiya jeichibe:

—¡Barapo pebinbe daxita nacuantha abe paeba ducuaenaebiyabe yawa waxainya becu joparenabe!

⁷ Jasón barapomonae matenta weiweinaya waba pia botha. Jasón pia botha maitecabe. Daxita Pablobaru jopa exanaeyo po peitorobi coyenewan xua pon romanomonae itorobiya pia pepa peewatsinchi itoroba. Matautano barapomonae paeba xua pinae ichun popona pon jwi itorobiya pia pepa peewatsinchi, bapon pinae Jesús, xua jopa yabara cananta xeinaetsi pon romanomonae itorobiya pia pepa peewatsinchi, jei barapomonae xua namtsebiya wawai.

⁸ Poxonae baxua jume tane, pentacaponae iru pomonae xua baxota umena, daxita barapomonae anaepanaeya namtsebiya wawai.

⁹ Barapo pentacaponae wecobe nota paratixi xua Jasón iru pomonae pejume cowantsiwi wecobe notatsi. Barapo pentacaponae namchi xua pinae equeicha caewa catsinchi Jasón barapo paratixi poxonae Pablobaru tomara weya ponaena. Bapoxonae pentacaponae Pablo baru pu sorobabatsi pewarapaenexa tsane tomara weya.

Meje yabara poxonae Pablo iru Silas Berea tomaratha poponabe

¹⁰ Barapo merawitha pomonae iru pejume cowantsiwixae Jesús, barapomonae Pablo, iru Silas itorobatsibe xua nainya pewarapaenexabe Berea tomara beya. Poxonae barapo tomaratha patopiyabe judiomonae pia penacaetutsi botha tatsi jonyabe.

¹¹ Judiomonae, pomonae Berea tomarapiwi, barapomonae pejuntu coyene xanepanaewi icha be jopa Tesalónica tomaratha ichiyo. Jame barapo Berea tomarapiwi bara xanepanaya jume tane Jesús pejume diwesi. Daxita matakabi barapomonae Nacom Pejume Diwesitha yorobeiba pia yaputaetsi barapo diwesi, po diwesi xua Pablo iru Silas paebabe icha metha baraxua bara xainyeibe.

¹² Daxota pinmonae jume cowanta Jesús. Judiomonae jume cowanta Jesús. Iru griegomonae jume cowantano, yabuxi, iru pebiwi. Powaxi jume cowanta Jesús, barapowaxitha jwi baru cui itura jineiba.

¹³ Judiomonae, Tesalónica tomaramonae, jume tane xua Pablo cuiduba Nacom Pejume Diwesi Berea tomaratha. Daxota bapomonae Berea tomara be-iyiya. Baxotiya barapomonae namtsebiya wawai xua Pablo iru Silas pecasebixatsibe.

¹⁴ Ichitha pomonae pejume cowantsiwixae Jesús, Pablo itorobatsi xua nainya peponaenexa imoxoyo mar mene beya poxonae cataunxuae Silas iru Timoteo ecabe Berea tomaratha.

¹⁵ Pomonae Pablo cueyabatsi barapomonae Pablo punaxubathopatsi Atenas tomaratha. Barapomonae equeicha caibe nawibiya Berea tomara beya. Barapomonae Silas iru Timoteo tsipaebatsibe xua Pablo najume caruta xua bepa pinae Silas iru Timoteo nainya patopaenabe Atenas tomaratha.

Meje yabara poxonae Pablo Atenas tomaratha popona

¹⁶ Pablo ewata, Silas iru Timoteo ewatatsibe Atenas tomaratha. Barapoxonae barapo tomaratha Pablo tane xua barapomonae ainya ibo nacomun xeina. Daxota bichocono yabara najuntu coyene exaba.

¹⁷ Daxota Pablo tsipaeba Nacom Pejume Diwesi judiomonaetha judiomonae pia penacaetutsi botha tatsi. Matautano baxotano tsipaeba pomonae bequein jopa judiomonae naexanaeyo, barapomonae Nacom wunae jaintatsi. Barichi daxita matakabi pomonae Pablo caxibeiba pomonae nacaetuteiba tomara pin panatha barapomonaethano Pablo cuidubeiba Nacom Pejume Diwesi.

¹⁸ Barichi griegomonae ichichipa xua pejume taewa pocotsiwa Pablo paeba. Ichamonae griegomonae itapeta jume cowanta pocotsiwa epicureomonae cuiduba. Iru ichamonae griegomonae itapeta jume cowanta pocotsiwa estoicomonae cuiduba. Barapomonaebe Pablo tsipaeba. Bapoxonae ichamonae Pablo yabara jeichichi, jeye:

—¿Eta xua bapon naca barai tsipae, pon xua jopa juniya cueicueijeji tsaijiyo? jei.

Ichamonae jeye:

—Mexeya maisa bapon cueicueijeji pia nacomun nexa, jei.

Barapomonae baraxua paeba, tsipei Pablo Jesús pia pexeinya jume diwesi paeba ducuaenaebiyabe, matautano poxorua paeba xua Jesús equeicha pinae asu.

¹⁹ Nexata ichamonaе Pablo teicatsi pecaponaenexatsi atororotha ichaxota ba penta-caponaewi nacaetuteiba, poxonaе ichauxi muxu peexaneibi. Barapo pentacaponaewi matabaxуyo pewн Areόpago, Pablo yainyabatsi, jeichichi:

–Pana netsipaebare bepayabara yaputaеin po diwesi xua cuidubiya paeba ducunaе-biyame.

²⁰ Xuaunxuae pana tsipaebame, barapo diwesi jopa payaputaеinyo bayatha. Pata bequein yabara yaputaеtsi xua po diwesi baxua yabara caunuta, jei barapomonaе.

²¹ Atenas tomaramonaе irи pomonaе penanapaincha jinompawei xua icha nacula werena peponaewi, pomonaе anoxuae jinompa xote, daxita barapomonaе и saya pepaebeibi. Yawa saya и cou paebeiba poxonaе pena jume jume taiba, saya baxua paebeiba.

²² Nexata Pablo Areόpago wн matabaxуyo peitabaratha tatsi asiya uncuataba. Pablo namchi, jeye:

“Paxam Atenas tomaramonaе pam. Bara paca cui yaputainchi xua painya nacomн wнае pajaintame.

²³ Poxonaе ponan ichaxota painya nacomн wнае pajaintathopeibame tan ainya ibo nacom matabon. Matautano tan baxota, ichaxota nacom wнае pajaintame, xua cou ichaxota pocotsiwatha xua be pexaethopaewa xua ichaxota duwei patautathopame baxua cou panta tinadutame. Baxua panamchim couje: ‘Barapo nacom xua pon jiwi jopa yaputaеyo’, pajam. Xuaunxuae cou asiya pawн dutame pon, bapon, apara pepa Nacom. Xuaunxuae po diwesi yabara paca tsipaebatsi, barapon pejume diwesi apara.

²⁴ “Barapon pon pepa Nacom, daxita barapo ira exana. Daxita carepaya juraya exana. Barapon pon pia coya peewatsin barapo susato nacuano, yawa barapo itabocono. Po bon patsiacabeibame Nacom xua po botha jiwi wнае pejaintithopeibinexa Nacom, apara ba Nacom jopa poponaеyo barapocotsi botha.

²⁵ Xua pocotsiwan jiwi taexana Nacom nexa, baraxua Nacom jopa nantawenoneibiyo. Barapo Nacom saya pia coutha daxita nacata exana. Peayapuswano, naca cata. Daxita barapo petusato tutu joibo naca cata. Baxuan daxita amanaya saya nacata exana. Daxita ichauxino muxuna exanano.

²⁶ “Copiya meisa bapon Nacom compa exana pebin, bara caein. Barapo cae janatha daxita yanacula exana jiwi. Daxita wнае tsiwanaeya yaputaneno poxonaе naexanaena daxita jiwi. Matautano yaputane xua eta po weiyobetha jinompaena. Matautano yaputane xua pia irantha bexa naexanumenaponaena.

²⁷ Icha pebin cuita cananta xeinaetsipa Nacom, bara Nacom cana exanaetsipa xua bapon bara Nacom pejume cowantsiwa tsainchi. Nacom jopa tajи ecaеyo ichitha bara waxantha imoxoyo popona.

²⁸ Nacom pepoponaexae daxota asи jinompatsi. Nacom naca exana, daxota beta nacuiyenabatsi, yawa daxota wacobexitha и waexanae. Ichaunxuae ichin xua paca tsipaebatsi barichi painyamonaе baxua paeba pomonaе diwesi petinaewi poxonaе jei, ‘Nacom apara pia jiwichi waxainchi’, jei.

²⁹ Waxainchi Nacom pia jiwichixaetsi, daxota jopa bewa nanta xeinaetsi xua Nacom po Nacom pepa Nacom, apara jurа po nacomн jiwi exana pecobetha. Barapo nacomн po nacomн xua jiwi cana exana xua oro nainton yawa xua plata nainton yawa xua ibowan, saya jiwi pia coyene cuirutha nanta xeina xua peexanaewa barapo nacomн.

³⁰ Matha copiya bayatha Nacom saya beitatemaya tane jiwi abe pia peexanaewan tatsi, tsipei barapomonaе jopa yabara yaputaеyo pocotsiwa Nacom ichichipa. Ichitha matabainya anoxuae daxita jiwi Nacom cui itoroba xua petsita xeinaenexatsi icha juntи coyene, xua jopa equeicha peexanaenexa abe peexanae coyene. Saya и penanta xeinaenexa tsane pocotsiwa Nacom ichichipa.

³¹ Nacom matababi wн duta xua po mataqueitha tsane Jesús caetucaetutetsina daxita jiwi pia peitabaratha. Barapo matababitha tsane Jesús xaniwaicha yabara paebina daxita jiwi xua penatsicuentisiwa xua abe peexanaexae. Pomonaе xua abe exana itawetsinchi, pomonaе xua wнае exana jopa itawetsi tsainchi. Nacom itapeta, xua Jesús tsiitapetatsi barapo penacuichiwa tsipei Jesús saya xaniwaicha pepaеbin. Poxonaе Nacom Jesús asи exanatsi petupaewitha, Nacom naca tsita itapeinya xeina xua apara Jesús tsiitapetatsi barapo penacuichiwa”, jei Pablo.

³² Poxonaе barapomonaе Pablo jume tainchi po coyene xua equeicha petupaewi pinaе asи tsaibi tsane, ichamonaе Pablo jume cui caponatsi nawita. Ichamonaе namchi, jeye:

–Bexa paca jume taeinchi equeicha xuaunxuae paebame, jeichichi Pablo.

³³ Nexata Pablo cuenta ponataba barapomonaе.

³⁴ Ichitha ichamonaе Pablo puna poinchi yawa bapomonaе Jesús jume cowantatsi. Ichн barapomonaе jiwana pewн Dionisio. Bapon Dionisio Areόpago wн matabaxуyo

jiwanapin. Petsiriwa powa iru napona powa iru pejume cowantsixae Jesús, bapowa pewun Dámaris. Ichamonae iru napona pomonae iruru Jesús pejume cowantsiwichi.

18

Meje yabara poxonae Pablo Corinto tomaratha popona

¹ Pirapae equeicha Pablo Atenas tomara wewarapiya. Corinto tomara bewarapiya.

² Baraxota Pablo caxina judiomonaepin, pon pewun Aquila. Bapon Ponto nacuapin. Piowa tatsi pewun Priscila. Piseuribe mexuaetha Italia nacua wewaraparenabe, tsipei pon romanomonaе itorobiya pia pepa peewatsinchi pon pewun Claudio, bapon judiomonaе daxita itorobatsi xua pewarapaewa tsane barapo Roma tomara weya. Daxota Corinto tomaratha patopabe. Pablo siwa pona, Aquila petsiriwano siwa poinchibe.

³ Pablo naeca Aquila pia botha tsipei bapon pia penacuichiwiyo iru xeina icha Aquila piawabe ichi. Pia penacuichiwiyo xeina xua chivo boco bouton exana. Aquila piowabe nacuitabe, iru Pablo piawa nacuita.

⁴ Daxita matababi, po matababintha pentaquei seicae matababintha Pablo poneiba judiomonaе pia penacaetutsi botha tatsi. Baxota Pablo jume daunweya cueicueijeji pomonaetha pepa judiomonaetha iru pomonaetha jopa judiomonaе naexanaeyo. Pablo cueicueijeji barapomonaetha tsipei ichichipa xua barapomonaе Jesús pejume cowantsiwa tsainchi.

⁵ Poxonae Silas iru Timoteo Macedonia nacua wepatoparenabe, barapoxonae daxita matababintha Pablo cuidubeiba judiomonaetha. Pablo paeba xua pinae pon Jesús jeichichi xua apara pinae bapon apara bara Mesías, pon xua pinae barapomonaе pewunaе ewat-sixae.

⁶ Barapomonaе tamropata pitaba xua Pablo abe yabara paebatsi yawa tsamu jume baru paebatsi. Nexata Pablo pepatomeicha nama paparuwa nunutaba. Baxua exana poxoru barapomonaе anthuafaetabiya jume tane. Pablo barai barapomonaе, jeje:

—Bara apara painya coutha icha pana natsicuentame xua daxota poxonae paweraw-eracaename. Jopa tacouthinyo xua jopa paxeinaem tsane peajuntacuiyapusuwa, tsipei bayatha yabara paca tsipaebatsi barapo peajumeyapusu diwesi. Tha anoxuae Nacom Pejume Diwesi caponaetsi pomonaetha pomonaе jopa judiomonaе naexanaeyo, jei Pablo.

⁷ Barapoxonae Pablo judiomonaе pia penacaetutsi bo tatsi wewarapiya. Pablo pona Justo pia bo beya tatsi. Bapon Justo, icha wan xeina, Ticio baraichi. Bapon wunaе pejainteibin Nacom. Bapon yabo uncua ichaxota imoxoyo judiomonaе pia penacaetutsi bo tatsi peuma werena.

⁸ Iru Crispo, pon judiomonaе pia penacaetutsi bo peyapucauncuaein, bapon piamonae matabaxuyo baru jume cowanta Jesús pon jiwi Pecanamataxeinaein. Barichi pinmonae pomonaе Corinto tomaratha jinompa poxonae jume tane Nacom Pejume Diwesi, bapomonaе iru jume cowanta Jesús. Pomonaе pejume cowantsiwi barapomonaе daxita bautisabatsi.

⁹ Bapoxonae Pablo merawi camaituncua Nacom pon Pecanamataxeinaein jiwi. Pablo baraichichi, jeje: “Jopa junuwinde. Nacom Pejume Diwesi paeba ducuaenaebiyama. Jinxoba moyam.

¹⁰ Tsipei apara, xan cabaru popoinchi, daxota ichamonae jopa itacupaetsi xua abe necaexanaewa. Barapo tomarathe tamonaе, pinmonae apara inta jinompa”, jei Jesús.

¹¹ Pablo baxota popona dieciocho po xometiyobe Corinto tomaratha. Baxota Pablo cuiduba ducuaenaebiya Nacom Pejume Diwesi.

¹² Iru pebin popona pon pewun Galión. Bapon Galión Acaya nacuapiwi pia peyanacua ewatsinchi exanatsi. Barapoxonae judiomonaе pomonaе Acaya tomarapiwi nacaetuta Pablo yabara nacaetutatsi pecasebixaetsi xua pecaponaenexatsi Galión peitabaratha tatsi.

¹³ Judiomonaе namchi, Galión baraichi, jeje:

—Poxonae bapon Pablo paeba ducuaenaеbeiba pinmonae baraxua jume jejei tsaibi. Pablo cuidubeiba jiwi, xua pinae jame bewa jiwi wunaе jainteibi Nacom po coyene jopa jupaeyo Moisés pia peitorobi coyenewa tatsi, jei barapomonaе.

¹⁴ Pablo bara muxu pepaebi, iru Galión paebaxoyaru. Nexata barapon namchi judiomonaе baraichi, jeje:

—U judiomonaе pam. Painya xoba pana tsipaebame. Jame icha bapon caiba, icha jiton bexotsi, icha ichawiyoy exana xua abe, metha jame bapoxonae paca jume jejei tsipaetsi. Ichitha bapon jopa abe exanaeyo.

¹⁵ Saya u payabara cueicueijam tsaibi barompaya painya cui xua painya amo jiwi pia cui coyeneya tatsi. Moya baxua paxam paexande pocotsiwa Pablo payabara paebame.

Tsipei jopa bepacata naexanaetsi be pon jiwi peyabara paebin xua penatsicuentisiwa xua abe peexanaexae. Moya painya coutha pacui itawere, jei Galión.

¹⁶ Bapoxonae Galión pesato benapuna torobabiya barapo judiomonae.

¹⁷ Bara nexata daxita judiomonae Sóstenes waetabatsi pon judiomonae pia penacaetutsi bo tatsi peewatsin. Barapomonae Sóstenes bñtsi Galión peitabaratha tatsi. Daichitha baxua Galión saya cui tane, jopa tsita ainya cuichi.

Meje yabara poxonae Pablo equeicha Antioquia tomara beya caibeya warapa. Baxotiya tamropata pitaba xua warapa acoibi po cuiyobetha xua pecueicueijeinexa Jesús pia pexeinya jume diwesi tatsi

¹⁸ Pablo awiya came baxota popona ainya matakabin Corinto tomaratha. Bapoxonae nama copya napeyaba pomonae pejume cowñntsiwixae Jesús. Siria nacua bewarapiya weratha, po naetha po nae pin nae. Aquilano piowabe naponabe. Barapoxonae juntucuru bara ponatabichiba copya matha nanta catepateya sibaxuba Cencrea tomaratha xua penayabara tsita itapeinya xeinaenexa xua nayabara jume cui wetsina xua exanaexa xua bayatha Nacomtha nayabara tsiwñnae muxu duta.

¹⁹ Bara Efeso tomaratha pataracupa. Baxota Pablo Aquila piseuribe xubetatsibe pia ponaetsi ichaxota judiomonae nacaetuta barompaya pia penacaetutsi botha. Baraxota Pablo bara cueicueijejei barapo judiomonae.

²⁰ Efeso tomarapiwi bequein Pablo apusiwatsi xua abñ peecaewa tsane. Ichitha Pablo juntucuru jopa beecaeyo baxota ainya matakabin.

²¹ Nexata Pablo napeyaba barapomonae. Pablo namchi, jeye: “Tha nama Jerusalén tomara beequiyaetsi. Tha naewatequiyaetsi xua jiwi petsinacaetutsinexa pexaewa xua penabanaewa. Metha equeicha paca taeyoparenaeinchi icha Nacom metha newñnae ichipaena”, jei Pablo.

—Bara warapataba Pablo. Efeso tomara wewarapiya jeratha po naetha po nae pin nae.

²² Poxonae Cesarea tomaratha patopa Jerusalén tomara be-iyá, pia jacobichi pomonae Jesús pejume cowñntsiwichi. Bapoxonae equeicha Antioquia tomara bewarapiya.

²³ Poxonae bara juntucuru yaainya merawin jopa baxotiya equeicha icha nacuaabe bewarapiya. Galacia nacua bewarapiyano. Frigia nacua bewarapiyano. Baxota Jesús pejume diwesi cuiduba Pablo pomonaetha pomonae Jesús pejume cowñntsiwi. Pablo jñntñ coyene tsacaba xua barapomonae ajñntñyapñsñya pejume cowñntaponaewa tsane Jesús.

Meje yabara poxonae Apolos Nacom Pejume Diwesi Cueicueijejei Efeso tomaratha

²⁴ Caenin judiomonae jiwanaepin Efeso tomaratha patopa. Bapon pewñn Apolos. Bapon seicaya irñ Alejandría tomarapin. Bapon Nacom Pejume Diwesi peyaputaen yawa beta cacueicueijejei barapo diwesi.

²⁵ Apolos beta yabara cudubatsi ichamonae xua Jesús, pon Pecanamataxeinaein jiwi, pia cui. Jñntñ coyene weiweinaya paeba. Xaniwaicha piamonae cuiduba Jesús yabara bequein saya yaputane xua po coyene pinae Juan pebautisabiwa jiwi xua icha jñntñ coyene pexainaenexa Nacomtha.

²⁶ Apolos judiomonae pia penacaetutsi botha tatsi bichocono jñntñ coyene wñnaeya cueicueijejei Nacom Pejume Diwesi. Priscila, Aquila piowabe jume tanebe bapon. Wababe bapon, pia bo becayabe. Aquila, Priscila pia pebinbe yabara muxu tsidutabe icha diwesi xua Nacom pia pepa diwesi po diwesi xua jopa yaputaeyo.

²⁷ Apolos ichichipa xua peponaewa Acaya nacua beya. Bapoxonae pomonae pejume cowñntsiwixae Jesús, Apolos canatsiwana tinaxotsi carta xua tatinatsi pomonae pejume cowñntsiwixae Jesús. Daxota barapomonae tatina xua Apolos pententa weiweinaya wabinexatsi. Poxonae Apolos patopa Acaya nacuaetha, bapon yawena pomonaetha pomonae bayatha Nacom jume cowñntatsi pomonae Nacom pentobexae.

²⁸ Apolos daxita jiwi peitabaratha jume amanayaba poxonae Jesús beta yabara pae-batsi. Daxota barapomonae judiomonae jopa itacupaetsi xua pejume notsiwatsi bapon po coyene xua poxonae bapon abe pepaebiwa. Poxonae Apolos yoroba Nacom Pejume Diwesi bapon tsita itapeinya xeina xua Jesús apara Mesias pon Nacom itorobica.

19

Meje yabara poxonae Pablo Efeso tomaratha popona

¹ Poxonae Apolos Corinto tomaratha eca, bapoxonae irñ Pablo seicaya ducuaenaebiya daxita tomanar jupaya, po tomanartha ichaxota atororon. Efeso tomaratha patopa, baxota Pablo caxina ichamonae pomonae Cristo pejume cowñntsiwichi.

² Pablo yainyaba barapomonae, jeye:

—¿Bayatha Nacom pia Pejume tñnaxñ tatsi painya jñntñ coyenetha pacata pata poxonae pajume cowñntame Jesús? jei.

Barapomonaе Pablo jume notatsi, jeye:

—Jume, jopa payaputaеinyo. ¿Eta pocotsiwara xua Nacom pia Pejumope tunaxu tatsi? Bayatha jopa payabara jume taеinyo baxua, jei.

³ Pablo yainyaba, jeye:

—¿Eta pabichim poxonaе pajume cowantame poxonaе paca bautisaba? jei.

Pablo jume notatsi, jeye:

—Apara saya payabara jume cowantan xua Juan cuiduba, po coyene xua Juan itorobatsi xua jiwi pebautisabiwatsi, jei.

⁴ Pablo jume nota, jeye:

—Aja, Juan bautisaba pomonaetha pomonaе abe pia peexanaе cuiru coyenein nacui barapenta xua pomonaе pejume cowantsiwichi Nacom. Daxota metha Juan piamaetha barai: ‘Pajume cowande pon xua tsiwana patopan’, jei Juan piamaetha. Xua Juan namchi: ‘Pon xua tsiwana patopan’, jei, bapon apara Jesús, pon ‘Mesías’ baraichi, jei Pablo.

⁵ Poxonaе baraxua Pablo jume taerucapatsi, caena barapomonaе bautisabatsi Jesús pia pewantha tatsi pon Pecanamataxeinaein jiwi.

⁶ Poxonaе Pablo barapomonaе pecobetha mata jayaba, barapoxonaе barapon Nacom pia Pejumope tunaxu tatsi barapomonaе tapatatsi pejuntu coyeneintha, yawa cueicueijeje exanebatsi icha jumeintha xua ichamonaе pia jume tatsi. Matautano barapoxonaе barapomonaе cueicueijeje Nacom Pejume Diwesi pocotsiwa Nacom yaputane exana.

⁷ Daxita bapomonaе pomonaе baxota ena doce pomonaе matabuxayobe pomonaе xua Jesús pejume cowantsixaetsi.

⁸ Baxota Efeso tomaratha, Pablo judiomonaе pia penacaetutsi botha tatsi poneiba acoibi po xometiyobetha Nacom Pejume Diwesi pecueicueijejewanexa. Bapon jopa junuwiyo poxonaе cueicueijeje. Matautano yabara tsipaeba po coyene Nacom waba jiwi petanaexanaenexatsi piamaetha tatsi pomonaе itorobiya peewatsixae.

⁹ Ichitha ichamonaе aichaxaibi jume tane. Jopa juntucuru bejume cowantsiyo. Saya barapomonaе jiwi peitutha tatsi abe yabara paeba Jesús pia pena pecuidubiwa tatsi. Nexata barapomonaе pia xainya weya tatsi Pablo napitaba. Saya meisa baru pona pomonaе Jesús pejume cowantsiwichi po bo penacuidubi bo beya. Pebin pon pewun Tirano barapo bo, bapon pia bo tatsi. Barapo botha Pablo daxita matacabi Nacom Pejume Diwesi cuidubeiba.

¹⁰ Baraxota Pablo ainya weibe paeba ducuaеabiya Nacom Pejume Diwesi. Daxita pomonaе Asia nacupiwi judiomonaе iru pomonaе jopa judiomonaе naexanaeyo barapomonaе jume cowanta Jesús pia pexeinya jume diwesi tatsi, pon Pecanamataxeinaein jiwi.

¹¹ Nacom Pablo yawenatsi xua pexeinya petsita itutsi coyenewan exana Nacom pia peayapusawatha tatsi.

¹² Ichamonaе paparuwan yawa painyaweran capona Pablo beya xua barapo paparuwantha Pablo peperu jayababinexatsi. Barapo paparuwan nata capona peatene jiwitha. Bapoxonaе barapo paparuwantha nainya axaibi tsouneibi. Iru pomonaе cauri xeina barapo paparuwantha nacapanenebiya tsaibi. Barapomonaе cauri wepu poneibatsi.

¹³ Ichamonaе judiomonaе, pomonaе saya pejinompaewi, barapomonaе pia cui xeina xua jiwi taitaweteibatsi cauri. Barapomonaе ichichipa Jesús wun wun taibatsi poxonaе itaweta cauri. Barapomonaе caurimonaе baraichi, jeye: “¡Bara Jesús pewantha paca itawetatsi, pon Pecanamataxeinaein jiwi, xua pon Pablo wun yopita ducuaеabiya!” jei barapomonaе.

¹⁴ Iru barapoxonaeru judiomonaepin pon pewun Esceva, xeina siete poyobe tatsi pebiwi. Barichi barapo siete poyobe wun wun taibatsi Jesús, poxonaе itaweta cauri. Esceva sacerdotemonaе pia pentacaponaewi jiwana tatsi.

¹⁵ Poxonaе barapomonaе paeba barapo wantha, Jesús pewantha tatsi, barapomonaе jume notatsi cauri, jeye: “Bara tayaputaеin Jesús, Pablono bara yaputanno. ¿Incane paxamda? ¿jintam pamda?” jei bapon cauri.

¹⁶ Bapoxonaе barapo siete poyobe pexainya betanaxorenatsi pon cauri xeina. Barapomonaе butsi. Matautano barapomonaе jopa nacuiyenabiyo. Barapo siete poyobe daxita tamasa jebompatsi yawa wan dubatsi. Bo bejumasa ducupiya.

¹⁷ Pomonaе Efeso tomaratha peenaewi, judiomonaе, iru pomonaе jopa judiomonaе naexanaeyo, daxita bapomonaе jume tane xua siete poyobe jumasa ducupa. Barapomonaе junuwa bichocono. Daxota barapomonaе Jesús pon Pecanamataxeinaein jiwi wanae jaintatsi.

¹⁸ Pomonae Jesús jume cowantatsi pinmonae barapomonae jiwana baxota pata. Barapomonae jiwi peit̃tha tatsi paeba xua bepa pinae bayatha abe exana poxonae mara coyeneya exana nawita.

¹⁹ Pomonae Jesús pejume diwesi coyene nacuiduba, barapomonae carendena diboron po diboron xua mara yabara penacuidubiwan. Barapo diboron tauteba. Poxonae barapo diboron tauteba daxita nataeumena. Barapomonae yabara matoma ununa xua pinae barapo diboron matoma nawita, cincuenta mil po paratiximonaebe pinae nantomata.

²⁰ Barapoxonae pin bicheito jume cowanta Jesús, pon Pecanamataxeinaein jiwi. Yawa barapomonae tsita itapeinya xeina dubenanaebiya xua bara Nacom apra xeina peayapusu itorobi coyenewa.

²¹ Poxonae baxua weta Pablo najuntu coyene weta xua pesiwa ponaewa tsane tomaran xua Macedonia nacuatha, yawa xua Acaya nacuathano xua bapoxonae Jerusalén tomara bepewarapiyaenexa. Nanta xeinano xua peponaewa tsane Roma tomara beya.

²² Ponbe Pablo yawenatsi, Timoteono Erastono, baponbe Pablo Macedonia nacua beitorobiyabe. Cataunxuae abũ bapon Pablo Asia nacuatha eca.

Meje yabara poxonae jiwi namtsebiya wawai Efeso tomaratha Pablo pecasebixaetsi

²³ Barapoxonae Efeso tomarapiwi anaya anaepanaeya najume cayayataxuba poxoru aichaxaibi xua pejume taewa xua Pablo yabara cueicueijeí Jesús pia pena pecuidubiwa tatsi.

²⁴ Pon xua abe penajume cayayataxubin xua poxonae namtsebiya wawai bapon pewun Demetrio. Bapon pinmonae xeina pomonae petanacuichiwichi xua petaexanaewichi penainwixi. Barapomonae Demetrio taexanatsi tsiqui penain boxi xua Artemisa pia bo canaxobeba. Artemisa Efeso tomarapiwi pia nacomwa tatsi. Barapowa jopa be pepa nacomiyo.

²⁵ Bapon Demetrio pia petanacuichiwichi waba. Pomonae irũ Artemisa pia penain boxi peexanaewi wabatsino. Demetrio namchi daxita barapomonaetha, jeye: "Bara metha payaputaneme xua paratixi xeinatsi poxoru Artemisa pia penain boxi exanatsi wacaenaetsinexatsi, daxota xeinatsi paratixi.

²⁶ Pon pataneme yawa pajume tanemeno, barapon Pablo. Bapon paeba ducuaanaebiya xua pinae pomonae icha nacom canautsiya exana apra pinae xapain jopa daxua pepa nacomiyo. Pomonae Pablo cuidubeiba jume jejei tsaibichi ayei jiwi Efeso tomarathano, Asia nacuathanoru jume jejei pinmonae.

²⁷ Baxua bichocono nacata abe, tsipei icha jiwi jopa comocaetsipae barapo penain boxi xua waxainchi exaneibatsi bapoxonae jopa xeinaetsipaetsi paratixi. Jiwi namchi tsane: "Artemisa pia pin bo tatsi abe. Xapain jopa pepa Nacom pin pia boyo", jei tsane. Cataunxuae anoxuae barapo jiwi Asia nacuariwi irũ daxita nacuanpiwi Artemisa wuna jainteibatsi. Ichitha icha jume cowantsinchi Pablo, metha equeicha jopa bewuna jainteibichipaetsi Artemisa", jei Demetrio.

²⁸ Poxonae baxua Demetrio jume taerũcpatsi, anaepanarũcpa barapomonae. Yawa barapomonae namtsebiya wawai, jeye: "¡Maisa Artemisa powa pata tanecanamataxeinaewa, barapowa bichocono pejuntu coyene xanepanaewa! ¡Maisa Efesiomonae pan Artemisa wuna pajaintan!" jei barapomonae.

²⁹ Barapoxonae daxita tomarapiwi jupaya anaepana. Gayo irũ Aristarco, ponbe Macedonia nacupinbe, ponbe Pablo pepuna ponaexaetsibe, baraponbe waetabatsibe. Po botha ichaxota jiwi nacaetuteiba pecueicueijeinexa tsaibi tsane bara bemaũ cayatsibe.

³⁰ Bepa bequein Pablo najoniyaeei barapo botha, petsipaebinexa tsane barapomonae, ichitha Jesús pejume cowantsiwichi Pablo jopa pu copatichi.

³¹ Barichi pomonae pentacaponaewi jiwana Asia nacuatha, barapomonae Pablo pia jiwi tatsi cou tana cajume caitorobatsi xua bepa pinae Pablo jopa najoniyaeei tsane baxota.

³² Barapoxonae barapo penacaetutswatha, ichamonae icha caununaya wawai irũ ichamonae icha caununaya wawai. Daxita barapomonae najume cayayataxubiya wawai. Ichamonae jopa yaputaeyo po coyene xua barapomonae yabara nacaetuta.

³³ Barapo penacaetutsimonae anaepana. Pablo yabara anaepanatsi irũ pijimonae tatsi tayabara anaepanatsi. Daxota judiomonae caemonae najiwana napuna totabiya pebin xua bapon peitabaratha peuncuaenexa barapo penacaetutswatha. Bapon pewun Alejandro. Bapon pecobetha jume matawenta tsipei ichichipa bequein yabara jume yawena judiomonae barompaya piamonae.

³⁴ Poxonae barapomonae Alejandro yaitaerũcpatsi xua Alejandro judiomonaepin, barapoxonae equeicha daxita namtsebiya wawai tsonpae ainya horabe. Barapomonae namchi, jeye: "¡Maisa pata tanecanamataxeinaewa Artemisa! ¡Maisa barapowa pejuntu

coyene xanepanaewa! ¡Maisa efesiomonae pan Artemisa wunae pajaintan!” jei barapomona.

³⁵ Nexata, pon xua tomara peewatsin, bapon uncua barapo penacaetutsi itabaratha. Bapon jume matawenta xua equeicha jopa penamtsebiya wawainexa tsane barapomona. Bapoxonae bapon namchi, jeye: “Pomonaefeso tomaramonae pam. Bara daxita nacua-monaepiwi naca yaputane xua waxainchi notatsi Artemisa pin pia bo tatsi. Matautano yaputane xua waxainchi botatsi po iboto xua athawe jopeica. Barapo iboto apara bara Artemisa tsipei be Artemisa pia paw.

³⁶ Jiton dapocotsin aibi pon xua nejume barai xua naeraban, daxota saya iru moya pande. Painya xoba ichawa pananta xeiname poxonae jopa beta pananta xeinaem.

³⁷ Ponbe, Gayo iru Aristarco, ponbe pacarendename, baponbe jopa abe paebiyobe. Baponbe jopa caibiyobe xua xoyo boca Artemisa pin pia botha tatsi. Matautano Artemisa namomwa jopa cui aebiyobe.

³⁸ Icha Demetrio iru petanacuichiwichi nanta xeina xua ichamonae Demetriobaru abe taexainchi moya jame barapomona bewa ponaena po bo ichaxota ena pomonaewi peyabara paebiwi xua penatsicuentsiwa xua abe peexanaexae. Bapoxonae barapomonaewi itacupatsi xua petsipaebiwa pomonaetha pomonaewi tomara pentacaponaewi po coyene xua ichamonae abe exana barapomonaetha.

³⁹ Icha ichawa painya paebichi abe anoxuae jopa papaebinde. Po mataqueitha poxonae pentacaponaewi ba nacaetuta pejume taenexa xua jiwu paeba bapoxonae jame papaebare.

⁴⁰ Wanamtsebiya wawaijeixae anoxuae daxota romanomonae naca yabara anaepanaena tsipei nanta xeinaena xua waxainchi aichaxaibichi xua barapomonaewi naca itoroba. Jopa xeinaetsi po diwese xua yabara tsipaebinchi barapomonaetha pocotsiwa xua yabara namtsebiya wawaichi”, jei tomara peewatsin.

⁴¹ Poxonae najume wetaba baxua, barapomonaewi pesato beitorobiyatsi.

20

Meje yabara poxonae Pablo siwa pona Macedonia nacua, Grecia nacua

¹ Bara najume wetaracupa daxita poxonae namtsebiya wawai tsompae. Bapoxonae Pablo waba pomonaewi Jesús pejume cowantsiwichi pebaru nacaetutsinexa. Barapomonaetha Pablo yabara tsipaeba Jesús pejume diwesi xua barapomonaewi peajuntayapusaya xanepanaya pejinompaenexa tsane Nacomtha. Bapoxonae Pablo barapomonaewi napeyaba. Macedonia nacua bewarapiya.

² Daxita barapo tomaran, Pablo siwa pona barapo Macedonia nacuaetha, cuidubano pomonaetha pomonaewi Jesús pejume cowantsiwichi, xua peajuntayapusaya xanepanaya tajinompaenexa tsainchi Nacomtha. Poxonae nacui wetaba equeicha Grecia nacua bepatopiya.

³ Baraxota Pablo acoibi po xometiyobe yapucaewa. Bara juntucuru Siria nacua beya warapa jeratha po nae pin naetha. Bapoxonae jume tane xua pinae judiomonaewi anaepana xua Pablo bexubapaebatsi. Daxota Pablo najuntu cui weta xua caibeya peponaewa tsane petaxutha Macedonia nacua beya.

⁴ Pablo yanabatsi ichamonae. Iru ichun napona bapon pewun Sópater, pon Barea tomarapin, pon Pirro pexanto tatsi. Iru ichunbe naponabe baponbe pewunbe Aristarco iru Segundo, baponbe Tesalónica tomarapinbe. Iru ichun napona, bapon pewun Gayo, Derbe tomarapin. Iru ichun napona, bapon pewun Timoteo. Iru ichunbe naponabe, ponbe pewunbe Tíquico iru Tróximo, baraponbe Asia nacua pinbe.

⁵ Barapomonaewi daxita pana netsiwana nantacapona, Troas tomaratha cou baxota pana ewata.

⁶ Ichitha Filipos tomara weya pawarapan jeratha, po naetha po nae pin nae poxonae weta Pascua wun matabin. Barapo Pascua matabintha jiwu xane pan xua pocotsiwa jopa cotowiyo. Poxonae cinco po matabibe caewa papatan Troas tomaratha, baxota barapomonaewi pacaxiban. Baraxota paenan siete po matabibe.

Meje yabara poxonae Pablo Troas tomara siwa pona

⁷ Pentaquei seicae matabintha, domingotha, pana nacaetutan, pata epanantarabi janacaenexa tsane pan. Pablo cuiduba pomonaewi Jesús pejume cowantsiwichi, tsipei baya warapaena Pablo. Daxota poxonae cueicueije beya yapapae.

⁸ Po tutu athabeicha barapo tututheicha pana nacaetutan. Barapo tututha ainya coichan dubena.

⁹ Pewowindu pewun Eutico, barapoyo bomuxu tututha ventanatha pemuxubaratha eca. Pablo bayiyo tsuxubi xua Nacom Pejume Diwesi cueicueije. Barapoxonae Eutico

nantacotiya maitecataba. Tajū wejopeica. Po tututha Pablo cueicueijeji tsuncuae xua ichaxota acobi tututheicha barapo tutu wejopeica. Eutico পেত্ৰােয়ো পিতাসি.

¹⁰ Bara nexata Pablo dunatabica. Pablo Eutico caquita ecatsi pentabocototha. Pablo naisa cateita waetaba. Piamonae barai Pablo, jeye:

—Jopa pajunuwinde, bara apara asū, jei.

¹¹ Nexata Pablo equeicha caibe juinya. Pan epa janaxuba, yawa xane. Barapoxonae equeicha Pablo matowa cueicueijeji Nacom Pejume Diwesi, beya yajume pentha tsina. Bapoxonae weta. Bara cou nama matakabi wūnae tsuxubiba Pablo warapa.

¹² Barapo pewowin Eutico equeicha bara asū. Eutico piamonae bo becayiyatsi. Daxita saya jūntū coyene tsacabatsi xua jūntema jinompa xua equeicha Eutico পোসখাে.

Meje yabara poxonae Pablo jeratha Troas tomara wewarapiya po naetha po nae pin nae xua Mileto tomara bewarapiya

¹³ Paxan copiya jeratha paponan weratha Aso tomara beya tsipei yaitama Pablo pana itoroba xua bepa pinae weratha paponaein. Bapon yaitama bepa petaxutha ponaei. Bara xotiya, Aso tomaratha paichichipan payapitan Pablo.

¹⁴ Poxonae Pablo Aso tomaratha pacaxibarūcapan, bapon equeicha pana yantaba. Mitilene tomara beya pawarapan.

¹⁵ Mitilene tomara wepawarapiyan. Bapoxonae icha matakabitha imoxoyo Quío tunaetho papatan icha muxunenetha. Baraxota caentacabitha paenan. Equeicha icha matakabitha Samos tunaetho papatan. Barapoxonae equeicha icha matakabitha Mileto tomaratha papatan.

¹⁶ Baxua Pablo exana tsipei bapon nanta xeina xua jopa becaeyo ainya matakabin Asia nacuatha. Bapon aichaxaibi pona Efeso tomaratha. Ichichipa Jerusalén tomara beya bichoina peponaewa tsane, tsipei imoxoyo bara Pentecostés matakabi tsane, icha bara pecui jūpaenexatsi.

Meje yabara poxonae Pablo tsipaeba penapatae jiwi Efeso tomaratha

¹⁷ Pablo Mileto tomaratha eca. Pablo najume caitoroba ichamonae xua Efeso tomaramonae pitiri jiwi pewabinexatsi pomonae Jesús pejume cowāntsiwichi, xua Mileto tomaratha pepatsinexa.

¹⁸ Poxonae Efeso tomarapiwi, penapatae jiwi pata baxota, Pablo barai, jeye: “Bara paxam payaputaneme xua wūnae poponan poxonae copiya patopan Asia nacuatha painya xantha. Awiya cataunxuae barichin wūnae poponan.

¹⁹ Daxita matakabi Jesús pejume diwesi cueicueijan tsaibi. Jopa bichocono atsaca tsaibinyo. Jume wūnaeya natsipaeban saya. Poxonae Nacom pon jiwi Pecanamataxeinaein pejume diwesi cueicueijan, bichocono yaitawanaeya cueicueijan yawa nejume yancababeiba judiomonae yawa bepa nejutebeibe.

²⁰ Paxam payaputaneme xua jopa nacui baraxubinyo xua tapaca tsipaebiwatsi Jesús pejume diwesi xua po coyene painya nepaca yawenaewa tsane. Paca cuidubatsi jiwi peitabaratha tatsi. Mataātano painya boxithano paca cuidubatsi.

²¹ Judiomonae jume daunweya cuiduban. Irūnū pomonae jopa judiomonae naexanaeyo jume daunweya cuiduban xua barapomonae bewa icha jūntū coyene pexeinaenexa Nacomtha xuano pejume cowāntsinexatsi Jesús pon Wanacanamataxeinaein.

²² Nacom pia Pejumoepa tūnaxū tatsi neitoroba xua bewa ponaetsipanjei Jerusalén tomara beya. Ichitha jopa nayaputaeyno pocotsiwa xua baxotiya tsane ichamonae inta exanaena.

²³ Jame anoxuae saya meisa yaputan xua Nacom pia Pejumoepa tūnaxū tatsi yabara netsipaeba xua daxita toman ichaxota pateibin. Nebarai, jeye: ‘Jiwi pecūbi bontha cajebeibina, yawa caperaxa exaneibinano’, nejei Nacom pia Pejumoepa tūnaxū tatsi.

²⁴ Juntucuru xua icha tūpan, baraxua jopa netsita ainya cuiyo. Bara jemba tsane icha saya poponaein. Icha tūpan, bara jemba tsane. Daxota neitacūpa xua jūntū coyene weiweinaya exanaein pocotsiwa Jesús neitoroba beya yacuiya tūpajopaen. Mataātano daxota neitacūpa xua wetsin pocotsiwa Jesús neitoroba, pon Pecanamataxeinaeinchi jiwi, xua tapaca tsipaebiwatsi barapo pexeinya jume diwesi po coyene xua bichocono jiwi peantobewatsi Nacom.

²⁵ “Bayatha paca tsipaebatsi Nacom Pejume Diwesi po diwesi yabara xua Nacom waba jiwi, petanaexanaenexa tsainchi pijimonae jiwana tatsi pomonae itorobiya peewatsixae. Anoxuae bara xaniwaicha yaputan paxam pomonae pamxaem xua paca tsipaebatsi barapo diwesi, equeicha jopa pana netaem tsane.

²⁶ Daxota anoxuae paca tsipaebatsi icha jopa pajume cowāntsim, baraxua apara jopa tacoyiyo. Bara apara painya coyam tsipei bayatha bequein matowa paca tsipaebeibatsi pexeinya jume diwesi.

²⁷ Daxita xua Nacom neitoroba barapo diwesin omeicha paca tsipaebatsi. Jopa icha diwesiyo copatsinyo.

²⁸ Painya coutha xanepanaya pana najuntũ coyene yabara nanta xeinare. Matautano xaniwaicha payapu eenare pomonae Jesús pejume cowantsiwichi. Paxam pitiri jiwi pam, baxua paexande tsipei Nacom pia Pejumope tũnaxũ tatsi paca itoroba painya neyapu cainompaenexa tsane Jesús pejume cowantsiwi tatsi. Matautano baxua paexande tsipei barapomonae Nacom piamonae tatsi, tsipei pexanto tatsi tsitupa xua barapomonae jopa peweraweracaewa tsane.

²⁹ Yaputan poxonae warapaein tacoutha patsina ichamonae. Barapomonae Jesús pejume cowantsiwichi abe exanaeinchi. Barapomonae Jesús pejume cowantsiwichi ducupa exanetinchi icha neũthũ ichi.

³⁰ Barichi painya jiwi jiwanamonae ajumebeya cuidubina xua jopa xainyeyo. Barapomonae cuidubina penaerabi diwesi, xua pomonae Jesús pejume cowantsiwichi pejume cowantsinexa barapo penaerabi diwesi.

³¹ Dota pam, xua peabe jume, painya nejume cowantsiwa. Pana necui yabara nanta xeinare xua paca cuidubatsi acoibi po weiyobe. Paca cuidubatsi merawithano, mataqueithano. Matautano paca siwa wecoyeichi ichacuitha.

³² Tamonae pam, Nacomtha pacata tsipaebatsi xua paca necayawenaewa tsane, xuano xua Nacom Pejume Diwesi painya necayawenaenexa po diwesi xua paca cuiduba xua pinae Nacom paca antobe. Barapo Nacom Pejume Diwesi peayapusũwa xeina xua ajuntũyapusũya paca cana exanapona. Matautano paca catsina daxita pocotsiwa bayatha pepa piamonae yabara tsiwũnae muxu duta xua catsiba paeba.

³³ Jopa taichichi tsainbinyo xua ichũn pia paratixi tatsi matautano xua ichũn pia paparuwan tatsi.

³⁴ Jame bara payaputaneme xua tacoutha natsiyabara nacuitan. Bara tawa comotan. Matautano xua pexaewa comotan, paparuwano. Matautano yawenan pomonae xua necueyaba.

³⁵ Bayatha payaputaneme xua daunweya nacuitan. Baxua exanan tsipei ichichipan xua painya neyaputaewa tsane, xua painya neyawenaenexa pomonae peacopeibi jiwi. Jopa pajuntẽmainaeinde xua Jesús pon Pecanamataxeinaein jiwi namchi, xua jeye: “Ba jũntũ coyene weiweina bichocono pon cata beyacaincha xua pon pecatsixaetsi”, jei Jesús”, jei Pablo.

³⁶ Poxonae Pablo najume wetsiya paeba, poxonae xua pitiri jiwi tsipaebatsi, bapoxonae pentabocototha uncu. Pablo daxita barũ tsipaeba Nacomtha.

³⁷ Barapoxonae daxita matowa wecoyei. Yawano matowa naisa teicatsino Pablo poxonae tsutsubatsi, peantobexaetsi.

³⁸ Barapomonae bichocono wecoyei tsipei Pablo bayatha namchi, jeye: “Equeicha jopa pana netaem tsane”, jei. Barapoxonae barapomonae Pablo jera bepuna tayathopyatsi po naetha po nae pin nae.

21

Meje yabara poxonae Pablo weratha Jerusalén tomara bewarapiya po naetha po nae pin nae

¹ Poxonae Jesús pejume cowantsiwichi pacuenta ponan, barapoxonae Cos tomara bepawarapiyan weratha. Barapoxonae icha matabitha Rodas tomara bepapiyan weratha. Barapoxonae equeicha icha matabitha Pátara tomara bepawarapiyan weratha.

² Pátara tomaratha baxota equeicha icha nae panotarũcupan. Fenicia tomara bepawarapiyan.

³ Poxonae Chipre tunaeto patan pamatawacaicha toqueban. Barapo tunaeto pata tatsocona iya paxenta iyipan. Siria nacua bepapiyan. Barapo nae Tiro tomaratha botouna, pejotsinexa tsane xua capona. Tiro tomaratha paxubarũcupan barapo nae. Baxota painompanno.

⁴ Baraxota Tiro tomaratha pacaxibarũcupan pomonae Jesús pejume cowantsiwichi. Barapomonae pia xantha tatsi pajinompan siete po merawiyobe. Barapomonae Pablo tsipaebatsi, jeichichi: “Jopa Jerusalén tomara beya ponaeinde”, jeichichi. Nacom pia Pejumope tũnaxũ tatsi barapomonae yabara tsiwanaya tsipaebatsi po coyene xua ichamonae Pablo cana exanaeinchi barapo tomaratha.

⁵ Poxonae barapo siete merawiyobe payapucaewan paponarũcupan. Daxita pomonae Jesús pejume cowantsiwichi, tomara weya pana nepu taeumenathopya yabũxino

pexuino. Taetabo mene itapa bepaiyan. Baraxota pentabocototha paumenan. Nacom patsipaeban.

⁶ Pana napeyaban barapomonaē, pana naisa teica pata taneantobexae. Bapoxonae equeicha jera panotarcupan, barapomonaē equeicha pia boxi benawibiya.

⁷ Bara papanenebiyan tsaracupaē xua Tiro tomara weya paponan. Tolemaida tomara beya papanenebiyan. Baxota equeicha pajacaban pomonaē Jesús pejume cowantsiwichi. Caentacabitha baxota pajinompan.

⁸ Icha matacabitha, Pablono yawa xua pomonaē pata tacueyabixae pan Cesarea tomaratha papatan. Barapo tomaratha Felipe pia bo tatsi bepaiyan. Bapon Nacom Pejume Diwesi pecueicueijeji ducunaebiyae jiton. Bapon jiwana pomonaē siete poyobe pomonaē peyawenaē jiwi. Barapo siete poyobe, matha cain itapetatsi Jerusalén tomaratha xua Jesús pia peitorobi jiwi tatsi peyawenaenexatsi. Barapon pia xantha tatsi paenan.

⁹ Felipe cuatro po pexantiyobe tatsi xeina. Barapowaxi cataunxuae jopa jitha enaeyo. Barapowaxi tsipaeba jiwi Nacom Pejume Diwesi xua Nacom yaputane exana.

¹⁰ Baxota caentacabiyoē paenan Cesarea tomaratha. Bapoxonae Judea nacupin patopa, pon Nacom pia peitorobi pepaebin, pon pewan Agabo.

¹¹ Agabo pana nesiwa pona. Pablo coreinya bocoto mara wejontatsi. Barapo coreinya bocototha petaxuno, pemaxuno Agabo pia coutha nacaecunta cubaxuba. Bapoxonae Agabo namchi, jeye:

—Bayatha Nacom pia Pejumope tñaxu tatsi netsipaeba po coyene xua judiomonaē exanaena Jerusalén tomaratha. Bepa pinaē barapomonaē caiche tsane pon xua pia bocoto pexeinaein pocotsi bocote, ichaunxuae naichin, bara jeta caichi tsane pinaē. Matautano bepa pinaē barapomonaē cacaponaē pomonaē penanapaincha jinompaewi xua icha nacia werena peponaewi, jei Agabo.

¹² Poxonae baxua pajume tan, paxan iru pomonaē Cesarea tomarapiwi Pablo pabaran, pajanje:

—Bara, jinxoba poname Jerusalén tomara beya, pajan.

¹³ Ichitha Pablo pana jume nota, jeye:

—¿Eta xua metha pana siwa wecoyam? ¿Eta xua metha pana itanuwe forotame? Bara bayatha nacui yabara jume wetan tanecubinexa tsane, matautano tatupaenexa tsane Jerusalén tomaratha tajume cowantsixae Jesús, pon jiwi Pecanamataxeinaein, jei Pablo.

¹⁴ Bequein Pablo jume daunweya pabaran xua jopa ponaē tsane ichitha Pablo dapojumetha bepa ponaē. Matapainya saya jopa equeicha pata jumeyo. Matautano pajan:

—Basaya moya baxua exanaena be pocotsi coyeneya xua Nacom ichichipa, pajan.

¹⁵ Bapoxonae poxonae pana jume wetan baxua, bara nama paxainxainyan. Bapoxonae Jerusalén tomara bewarapiyan.

¹⁶ Ichamonaē Cesarea tomarapiwi, pomonaē Jesús pejume cowantsiwichi pana nepuna pona. Pana capona bo beya pata tajinompaenexa tsane, pebin pon pewan Mnasón, bapon pia bo beya tatsi. Bapon Mnasón Chipre tunaetopin. Bapon pinaē caena bayatha jume cowanta Jesús.

Meje yabara poxonae Pablo, Santiago siwa poinchi

¹⁷ Poxonae Jerusalén tomaratha papatan, baxota pomonaē Jesús pejume cowantsiwichi weiweinaya pana matenta waba bichocono.

¹⁸ Icha matacabitha Pablo pana nebaru pona. Pasiwa ponan Santiago. Baraxota iru daxita pitiri jiwi jinompan.

¹⁹ Barapomonaē Pablo jacobu. Bapoxonae tsiwiyo bexa Pablo tsipaeba daxita po coyene xua Nacom exana pomonaētha pomonaē jopa judiomonaē naexanaeyo. Yawano paeba po coyene Pablo itorobatsi Nacom, xua petacaponaenexa Nacom Pejume Diwesi tatsi.

²⁰ Poxonae jume tane baxua xua Pablo paeba, barapoxonae barapomonaē Nacom wanaē jaintatsi. Nexata Santiago Pablo baraichi, jeye:

—Taema, incane jume taema. Judiomonaē pin bicheiton tsoponae, pomonaē bayatha Jesús jume cowantsi. Daxita barapomonaē namuxutainyaba xua pinaē daxita jiwi nantawenona xua Moisés pia peitorobi coyene exanapona.

²¹ Cayopita ichamonaē xua pinaē cuidubame judiomonaē pomonaē icha nacuantha pejinompaewi. Pinaē cuidubame xua equeicha pinaē barapomonaē bewa jopa yabara jume cui exanaē pocotsiwa bayatha Moisés itoroba. Matautano pinaē cuidubame barapomonaē xua pinaē jopa bewa penawi thabi coyene exanaē tsane xua pewi thabiwa pia pexui ichaxota nareixacaena xua ichaxota pebiwixae xeina. Matautano pinaē cuidubame xua barapomonaē bewa jopa exanaē barapo peitorobi coyenewan xua pinaē pocotsiwa wamo jiwi bayatha exaneiba.

²² ¿Eta xua waxainchi exanaeinchi? Tsipei judiomonae, pomonae pejume cowantsiwi Jesús, nacaetutsina xote barapo Jerusalén tomarathe, poxonae jume taena xua patopame.

²³ Paxan xua paca itorobatsi baxua exande. Taema xote pata xantha cuatro poyobe ponabe pebiwi. Barapoyobe yabara nacui wanae tsijume dutabe Nacomtha pocotsiwa xua exanapaeba. Anoxuae baxua barapomonae bewa exanae pocotsiwa bayatha exanapaeba.

²⁴ Barapomonae matakayande paratixi nanacui baru nantomare sacerdotemonepintha, xam nexano iru barapomonae nexano xua jopa painya nenajuntu coyene taxobinexa. Nanacui baru nantomare, barapoyobe penanta catepateya sibapentsinexa tsane. Icha baxua exanaename, daxita jiwi cacui yaputaena xua bayatha jopa exanaem xua ichamonae abe cayabara paeba. Yawa daxita jiwi cacui yaputaena xua xam xaniwaichiya exaname pocotsiwa Moisés itoroba.

²⁵ Paxan pata tinan carta pomonae Jesús pejume cowantsiwichi, pomonae jopa judiomonae naexanaeyo. Pata yabara tinan baxua xua pananta xeinan xua barapomonae beexanaetsipa. Pajan barapo cartatha: 'Painya xoba duwei pawí xaneme po duwein jiwi tsiseba ibo nacom. Matautano painya xoba paxaneme po duwein pon saya pipato tumpuncia, xuano painya xoba pajana xaneme. Painya xoba pasiwa xeiname yabaxi xua jopa painya seurixi', pajan, jei Santiago.

Meje yabara poxonae soldadomonae Pablo maxu waetabatsi judiomonae pin pia botha tatsi, bapoxonae jiwi pecubi bo beya caponatsi

²⁶ Nexata Pablo baru poinya barapo cuatro poyobe. Icha matakabi Pablo iru barapo cuatro poyobe exana po coyene xua jopa penajuntu coyene taxobiwa Nacomtha. Bapoxonae Pablo iru barapo cuatro poyobe Nacom pin pia botha tatsi jojoniya. Pablo namchi, jeye: "Equeicha papatsinan siete po matakabibe poxonae pawetsin po coyene xua daxota jopa pata najuntu coyene taxobiwa Nacomtha. Pacaponaein duwein sacerdotemonepin pebexubinexa tsane xua pata catsinexa Nacom", jei Pablo.

²⁷ Poxonae barapo siete matakabiyobe imoxoyo yapucaewinaba, bapoxonae Pablo judiomonae Nacom pin pia botha tainchi. Pomonae Pablo tainchi, barapomonae judiomonae pomonae Asia nacua weya pona. Pomonae Pablo tainchi, barapomonae exana xua pin bicheito namtsebiya wawai xua Pablo pecasebixaetsi. Bapoxonae Pablo waetabatsi.

²⁸ Jume daunweya wawai, jeye: "¡Pajume taema, paxam pomonae Israel nacuapiwi pamxaem! ¡Pana yawende! Barapon cuiduba ducuaeibiya daxita jiwi. Abeya naca yabara cui cueicueijeí. Matautano abeya yabara cueicueijeí Moisés pia peitorobi coyenewan tatsi. Matautano barapo Nacom pin pia bo abeya yabara cueicueijeí barapon. Matautano bapon griegomonae matakapoinchi barapo Nacom pin pia bo berena. Poxonae Pablo matakapona griegomonae, Nacom pin pia botha tatsi atutube exana", jei barapomonae.

²⁹ Baxua paeba, tsipei poxoru bayatha barapomonae Pablo tainchi Jerusalén tomaratha. Baxota Pablo baru pona Efeso tomarapin, pon pewan Trófimo. Daxota barapomonae catsawa nanta xeina xua metha bayatha Pablo Nacom pin pia botha baru pona Trófimo. Daumetha Trófimo baxota jopa naponae.

³⁰ Daxita tomarapiwi jupaya equeicha jume daunweya wawai. Daxita cuinaerendena, barapomonae Pablo yoroba teicatsi. Nacom pin pia bo wemaxu capoinyatsi. Barapoxonae barapomonae bichocono yaboupa cateitabanota Nacom pin pia bo.

³¹ Barapomonae, pomonae peanaepanaewi muxu Pablo pebexubichi. Bara nexata romanomonae soldadomonae pia pepa pentacaponaein tatsi jume tane xua daxita Jerusalén tomaromonae najume cayayataxuba.

³² Nexata soldadomonae pia pepa pentacaponaein tatsi, bapon pia soldadomonae copiya piamonae caeactuteta. Bapoxonae barapo soldadomonae pin bicheito becuinaeyiya ichaxota Pablo muxu pebexubichi. Poxonae barapo soldadomonae taerucpatsi barapo bicheito xainya umenarucpa. Barapoxonae barapomonae equeicha jopa Pablo batsi.

³³ Nexata soldadomonae pia pepa pentacaponaein tatsi Pablo imoxoyo caquita uncuatabatsi. Bapoxonae Pablo maxu waetabatsi. Bapon soldadomonae pia pepa pentacaponaein tatsi piamonae itoroba xua ainya naintothabe pemaxu cubaxubinexatsi Pablo. Bapoxonae bapon soldadomonae pia pepa pentacaponaein tatsi yainyaba pin bicheitho, jeye: "¿Jintam baraponda? ¿Eta xua metha bapon exana?" jei.

³⁴ Ichitha barapomonae ichawan caununaya wawai. Ichamonae ichawa wawai. Daxota bapon soldadomonae pia pentacaponaein tatsi jopa xapain jume taeyo. Bapoxonae bapon soldadomonae pia pentacaponaein tatsi Pablo itorobatsi soldadomonae pia bo beya tatsi.

³⁵ Poxonae patopa soldadomonaē pia bo beya, penonobabeiyawatha xua non-ababeibiya soldadomonaē Pablo yoichiya capoinchi bara beya. Pin bicheito bichocono anaepana daxota Pablo yoichiya capoinchi.

³⁶ Barapo pin bicheito soldadomonaē cayabara wawaya punaenapoinchi, jeye: “¡Maise pabexore bapon!” jei barapomonaē.

Meje yabara poxonae Pablo paeba barapomonaē peitabaratha

³⁷ Poxonae juntucuru Pablo soldadomonaē pia bo beya capoinchi, Pablo barai soldadomonaē pia pentacaponaeintha tatsi, jeye:

—¿Metha ichauyo catsipaebichipatsi? jei Pablo.

Poxonae baxua jume taeba, soldadomonaē pia pentacaponaein tatsi yainyaba, jeye:

—¿Xam necueicueijeinda griego jumera?

³⁸ ¿Xam barapo jítomda egipcio nacuapimda, pon nacaetuteiba exaneiba pijimonaē xua ichamonaē pejutebeibinexa tsainchi? ¿Xam barapomonaē pia pentacaponaein tatsi, pon xua matacaponaponaē cuatro mil jiwi ichaxota ira xuepana susato tsurucuae nacuatha? jei soldadomonaē pia pepa pentacaponaein tatsi.

³⁹ Nexata Pablo jume nota, jeye:

—Apara pepa judiomonaepiyon. Tarso tomaratha naexanan. Tatomara ainya cui tsipei pepa tomara. Tarso tomara Cilicia nacuatha eca. Nejume cui yabara copare xua barapomonaē tatsipaebiwa tsane, jei Pablo.

⁴⁰ Soldadomonaē pia pepa pentacaponaein tatsi bara Pablo yabara jume copatatsi xua Pablo bara pepaebiwa tsane. Pablo ichaxota nonababeibiya baxota asiya uncu. Yawa pecobetha jume matawenta barapomonaē xua moya peenaenexa. Poxonae moya enaracupa barapomonaē, Pablo hebreo jumetha cueicueije. Namchi, jeye:

22

¹ “Tamonaē pam, ira pomonaē pitiri jiwi pam, pana nejume taema xua tapaca tsipaebiwa tsainchi xua tana nararu jume yawenaewan”, jei Pablo.

² Poxonae barapomonaē jume taeracupa, xua Pablo hebreo jumetha cueicueije, barapomonaē moya enaracupa. Pablo barapomonaē barai, jeye:

³ “Xan apara judiomonaepin. Bayatha naexanan Tarso tomaratha, Cilicia nacuatha. Saya apara Jerusalén tomaratha wichaban. Baxota nacuiduban po coyenein wamo susato jiwi itorobeiba. Daxita barapo coyenein pebin pewan Gamaliel, necuiduba. Necui eeneiba xua Nacom tanacuiteiban xua daxita tajantu coyenewatha icha anoxuae daxita paichiponaem.

⁴ Bayatha jeiteiban pomonaē pejume cowantsiwi Jesús pia pena pecuidubiwa tatsi. Teiqueibanno, jiwi pecubi bo beya caponeiban, pebiwino yawa yabuxino. Tsipei ichichipan xua ichamonaē jutebeiba xua barapomonaē pejutebeibinexatsi.

⁵ Sacerdotemonaē pia pentacaponaein tatsi ira pitiri jiwi paca tsipaebina xua bayatha barapomonaē necata cartan xua barompaya wajudiomonaē nexa xua Damasco tomaratha. Barapo cartanxae neitacupa xua tateicaewa tsane pomonaē Jesús pejume cowantsiwichi. Baxota Damasco tomaratha ponan tajeichinexa pomonaē Jesús pejume cowantsiwichi, tsipei tha Jerusalén tomara becayaetsi barapomonaē, matautano tsipei tha yamaxu cubiya caponaetsi taperaxa exanaenexa tsane barapomonaē”, jei Pablo.

Meje yabara poxonae Pablo diwesi paeba xua poxonae po coyene pejume cowantsiwa Jesustha

⁶ Equeicha Pablo jeye: “Damasco tomara namtotha ecaponan, bara nama mateinyaxae tsuxubi. Poxonae bara muxu tapatopaeba barapo tomaratha, bapoxonae pin coicha neyancataba. Taxainya benematawacaicha jopeica. Peitaboco wejopeica.

⁷ Iratha jopan. Bapoxonae peitaboco wenebaraichica. Jume taeuncuan, nebarai, jeye: ‘Saulo, Saulo, zeta xua metha tamonaē inta abe exaname?’ jei.

⁸ Nexata yainyaban: ‘Pon jiwi Necanamataxeinaem, zjintamamda?’ jan. Nejume epa pita, jeye: ‘Apara xan Jesús, Nazaret tomarapin ponxaein tamonaē inta abe exaname’, nejei.

⁹ Pomonaē nepuna pona ira coicha taneno. Bichocono bapomonaē junuwa. Saya meisa coicha tane, saya jopa jume taeyo po jume xua nebaraichica.

¹⁰ Nexata yainyaban: ‘Pon jiwi Necanamataxeinaem, zeta pocotsiwa metha exanocuaein?’ jan. Bapon nebarai, jeye: ‘Nontaponde Damasco tomara be-iyande barapo tomaratha, ichan yabara catsipaebina pocotsiwa xua bewa exaname’, nejei.

¹¹ Barapo coicha bichocono neitata naquitaba exana. Pomonaē nepuna pona Damasco tomara benemaxu caiya.

¹² “Barapo tomaratha, Damasco tomaratha, cou pebin popona, bapon pewun Ananías. Bapon daxita yabara jume cuiya exaneiba Moisés pia peitorobi coyene tatsi. Barapo judiomona, Damasco tomaratha, barapomona Ananías xanepanaya yabara paebeibatsi.

¹³ Ananías nesiwa pona. Bapon nebarai: ‘Saulo, tamona jitom, equeicha caewa nepu necotsinde’, jei. Bara caena barapoxona equeicha caewa necotaxuban. Bapon bapoxona taenotan.

¹⁴ Ananías nebarai, jeye: ‘Pata amo jiwi pia Nacom tatsi bayatha itapeta cawaba xua neyaputaenexa tsane xua Nacom caitoroba. Caitapeta xua netaenexa pon yatsicaewa pejanta coyene xanepanaein, matautano nejume taenexa pocotsiwa catsipaeba.

¹⁵ Aunxuae Jesús yabara cueicueijam tsane daxita nacuan jupayantha. Yabara paebi-name daxita xua taneme xuano xua jume tanemeno.

¹⁶ Anoxuae, zeta xua metha came ecame? Nontaponde. Barabun ichun cabautisabina Jesucristo pewantha, pon jiwi Pecanamataxeinaein, necayabara juntemainaenexa abe jinya neexanae cuiru coyenein’, nejei Ananías”, jei Pablo.

Meje yabara poxona Pablo nayabara paeba xua peitorobiwatsi ichaxota pomonaetha pomona jopa judiomona naexanaeyo

¹⁷ Pablo cataunxuae cueicueijei, jeye: “Poxona caibe nawiyen Jerusalén tomara beya, Nacom pin pia botha tatsi ponan. Barapo botha Nacom tsipaeban. Bapoxona camaitan xua netsita naitaata.

¹⁸ Jesús necotan, pon jiwi Pecanamataxeinaein. Bapon nebarai: ‘Antha yacuina pontabare Jerusalén tomara weya, tsipei barapomona jopa xapain cajume cowantsi tsane xua tana neyabara paebiwam’, jei Jesús.

¹⁹ Nexata jume epa pitan: ‘Pon jiwi Necanamataxeinaem, barapomona bayatha necui yaputane xua poneiban daxitan judiomona pia penacaeuttsi bontha tatsi. Bayatha jiwi pecubi botha caponeiban, pomona necajume cowantsiwi. Matautano bichocono beibanno.

²⁰ Poxona Esteban bichocono jana othopeica xan saya cui necotuncuan. Bapon Esteban pon cajume cowanta bayatha. Bapon jinya diwesi pecanantsipaebin. Poxona Esteban bexotsi, saya cui matu taeuncuan. Yabara jume baru cui jejan poxona barapomona Esteban bexubapaeibatsi. Barapomona pipaparuan tajeban’, jan Jesustha.

²¹ Ichitha bapon pon jiwi Pecanamataxeinaein nebarai: ‘Antha ponde. Aunxuae taju caitorobinchi barapomona beya, pomonaetha pomona jopa judiomona naexanaeyo beya’, nejei”, jei Pablo.

Meje yabara poxona soldadomona pia pentacaponaein tatsi Pablo waetabatsi

²² Pablo cataunxuae paeuncua barapo penonobabeibiyathopaewatha soldadomona pia botha. Poxona Pablo jume taerucupatsi xua bepa pinae ponaena pomonaetha pomona jopa judiomona naexanaeyo beya, bapoxona barapo bicheito namtsebiya wawai, jeye: “¡Maisa bapon pabexore bara! ¡Dapocotsin jopa bewa popona!” jei.

²³ Awiya came barapomona wawai tsoempae. Yawa pia paparuwan anaya nunubaba. Yawa taetowan anaya athabe bebeicha.

²⁴ Romanomona soldadomona pia pepa pentacaponaein tatsi, bapon pia soldadomona itoroba xua Pablo pecaponaenexatsi soldadomona pia bo beya tatsi xua jiwi pecubi bo. Baxota Pablo capoinchi pecuainchinexa tsainchi xua daxota Pablo peyabara paebiwa tsane baxua xua Pablo peyabara namtsebiya wawaichiwatsi judiomona.

²⁵ Poxona bara juntucuru Pablo maxu catanotatsi xuano juntucuru muxu pebetsino, Pablo barai soldadomona pia pentacaponaein tatsi, jeye:

—Jopa be pana necuainchipaem tsipei apara xan romanomonaepin. Matautano baxua jopa pana necanainchipaem icha jopa neyabara paebiyo pon jiwi peyabara paebin penatsicuentsiwa xua abe peexanaexae, jei Pablo.

²⁶ Poxona baxua jume tane, soldadomona pia pentacaponaein tatsi, bapon pona pia pepa pentacaponaein tatsi beya. Bapon namchi pia pepa pentacaponaeintha, jeye:

—Dota xua xam cana exanaename bapontha. Apara cou deta Pablo iru romanomonaepin, jei.

²⁷ Nexata soldadomona pia pepa pentacaponaein tatsi, bapon Pablo imoxoyo caquita uncuatabatsi. Bapon Pablo yainyabatsi, jeichichi:

—¿Bara yatsicaya xainyei bara xam romanomonaepim? jeichichi Pablo.

Pablo jume nota, jeye:

—Aa, bara xan tsocaein, jei Pablo.

²⁸ Soldadomona pia pepa pentacaponaein tatsi Pablo jume notatsi, jeichichi:

—Xan iru barichin romanomonaepin. Nacui yabara matomatan bichocono pin paratixi matoma xua romanomonaepin tana naexanaewa tsane, jei.

Pablo namchi, jeye:

—Apara seicaya nama xan caena bayatha pexuyothan yacuiya naexanan romanomonae-pin, jei.

²⁹ Poxonae Pablo baxua paeba, bapoxonae pomonae Pablo muxu pecuainchichi Pablo pexeinya wetanatsixibarucapiyatsi. Iruru bara wenatsixitabiya soldadomonaepia pepa pentacaponaein tatsi tsipei bapon yaputane xua Pablo apara romanomonaepin. Daxota junuwa xua Pablo pemaxu cubixaetsi.

Meje yabara poxonae Pablo pentacaitorobi bicheitomonae peitabaratha uncuapomonae judiomonaepia

³⁰ Icha matabitha soldadomonaepia pepa pentacaponaein tatsi bepa yaputaei, bepa jeyei: “¿Eta xua metha Pablo yabara anaepanatsi judiomonaepia?” bepa jeyei. Daxota bapon, Pablo taxuenaxotsi xua maxu cutatsi. Nexata bapon itoroba xua sacerdotemonaepia pentacaponaein tatsi iru pentacaitorobi bicheito nacaetsina. Pablo bara bebaru iyatsi. Baraxota cuaranotatsi barapomonaepia peitabaratha tatsi.

23

¹ Pablo pentacaitorobi bicheito beya bichocono naita cui dutsiya necoya. Pablo barapomonaepia beya namchi, jeye:

—Tamonae, caena bayatha beya anoxuae juntu coyene xanepanaya poponan Nacom peitathata tatsi, jei Pablo.

² Nexata sacerdotemonaepia pepa pentacaponaein tatsi, Ananías, bapon itoroba xua Pablo pecoibo cuainchinxatsi pomonae Pablo imoxoyo caquita peumenaexaetsi.

³ Ichitha Pablo jume nota, Ananías jume notatsi, jeye:

—Xam ponxaem itara mexeya xanepanaya nepaebin ichitha jiwi nemuxuitorobin, Nacom cacuainchina. Xam ecame xote jinya tana neyabara paebinexam tana natsicuentisiwa xua abe taexanaexae icha be pocotsi coyeneya Moisés pia peitorobi coyenetha baxua yabara paeba. Ichitha xam jopa xapain exanaem poxonae ichamonaepia itorobame xua tana necoibo cuainchinxata poxonae Moisés pia peitorobi coyenewatha jopa baxua itorobiyo, jei Pablo.

⁴ Pomonaepia Pablo imoxoyo caquita umeinchi, jeichichi:

—Apara sacerdote pia pepa pentacaponaein tatsi abe tsipaebame pon Nacom tanacuitatsi, jei barapomonaepia.

⁵ Pablo jume nota, jeye:

—Tamonae, jopa yaputaenyo xua pon tsipaeban apara sacerdotemonaepia pepa pentacaponaein tatsi. Icha yaputaetsipan, jopa paebinchipae. Nacom Pejume Diwesitha namchi, jeye: ‘Jopa bewa painya pentacaponaein jiwana abe pajainchim pomonaepia painya tomaratha’, jei Nacom Pejume Diwesitha, jei Pablo.

⁶ Nexata Pablo cui yabara nanta xeina barapomonaetha tsipei ainya bicheitobe, ichamonaepia saduceomonaepia, ichamonaepia fariseomonaepia. Daxota bapon Pablo jume daunweya wawai barapomonaetha, jeye:

—Tamonae, bara xan apara fariseomonaepin, yawa fariseomonaepin pexanton. Tsipei jume cowantan xua jiwi petupaewi equeicha asu tsaibi tsane daxota pana necaponaepia painya tana neyabara paebinexam xua tana natsicuentisiwa xua abe taexanaexae, jei Pablo.

⁷ Poxonae Pablo baxua paeba saduceomonaepia iru fariseomonaepia najume matsontsonobabe. Barapo bicheito ainya bicheitobe naexanabe, tsipei barapo bicheitobe seicaya barompaya nabaru nanta xeina.

⁸ Saduceomonaepia paeba xua pinae petupaewi jopa equeicha asu tsaibi tsane. Matautano barapomonaepia paeba xua pinae matatsunpiwi jopa jinompaeyo, matautano pinae dowatsi dapomonaepia pinae ajibi. Ichitha meisa fariseomonaepia jume cowanta daxita barapo diwesin, xua pinae pewerapeibiwi equeicha asu tsaibi tsane, matautano xua pinae dowatsi jinompa, xuano xua pinae matatsunpiwi bara jinompa. Daxita barapo diwesin fariseomonaepia jume cowanta. Ichitha nama saduceomonaepia jopa daichiyoy.

⁹ Daxita barapo bicheitobe namtsebiya wawai. Fariseomonaepia jiwana ichamonaepia nonobapona. Barapomonaepia yaputane nawita Moisés pia peitorobi coyene tatsi. Barapomonaepia namchi, jeye:

—Bapon Pablo jopa abe exanaeyoba, metha dowatsi bapon tsipaebatsi, ichacuihata metha matatsunpin bapon tsipaebatsi, jei barapomonaepia.

¹⁰ Barapomonaepia daxita najume matsontsonobiya biatane. Bapon romanomonaepia soldadomonaepia pia pepa pentacaponaein tatsi, bapon bichocono junuwa tsipei Pablo tsana peru xunaeinchi. Daxota bapon romanomonaepia soldadomonaepia pia pepa pentacaponaein

tatsi itoroba pia soldadomonaē xua Pablo equeicha caponaēinchi soldadomonaē pia bo beya tatsi.

¹¹ Icha mataqueitha merawi pon Pecanamataxeinaein jiwi, Pablo imoxoyo caquita uncuatsi xua tsita naitatatsi. Bapon namchi, Pablo baraichi, jeye: “Pablo, najuntu coyene tsacatabare. Icha ichim xua Jerusalén tomaratha neyabara paebame barichinde equeicha Roma tomaratha neyabara paebare”, jei Jesús.

Meje yabara poxonaē judiomonaē nanta xeina xua Pablo pebexubiwa tsainchi

¹² Icha mataqueitha, ichamonaē judiomonaē peburaya nanta jepaya nanta xeina xua Pablo pebexubiwa tsainchi. Barapomonaē nayabara tsiwunaē muxu duta Nacomtha xua bepa pinaē jopa nabanaē tsane, xuano jopa apae tsaneno xua beya pinaē yajainbonaya othopaena poxonaē Pablo bexubinchi.

¹³ Barapomonaē pomonaē Pablo hexubapaebatsi xuano xua yabara nainbotapaebatsi bichocono pinmonaē beyacaincha xua pocotsi cuarenta po pebiwimonaeyobe.

¹⁴ Barapomonaē pona sacerdote pia pentacaponaēwi tatsi beya, yawa judiomonaē pia pitiri jiwi tatsi beya. Barapo pebiwimonaeyobe barai barapomonaetha, jeye:

—Bayatha pana nayabara tsiwunaē muxu duban Nacomtha xua jopa pata nabanaewa tsane beya tsane poxonaē cataunxuae jopa pabexubinyo tsane Pablo.

¹⁵ Paxam iru pomonaē pentacaitorobi bicheito, romanomonaē soldadomonaē pia pepa pentacaponaēin tatsi patsipaebare xua bapon pia soldadomonaē peitorobinexa xua Pablo pecuaranotsinexa tsainchi painya itabaratha baya tsane. Romanomonaē soldadomonaē pia pepa pentacaponaēin tatsi pamuxuitorobare. Naemata bapon pabarande: ‘Awiya peyainyabiwa paxeinan pata tha yainyabichi Pablo’, pajande. Paxan pata tha nama namtotha ewatumenatsi. Pata tha bexuichi, poxonaē barapomonaē Pablo caponaēinchi, jei barapomonaē.

¹⁶ Pablo perobi tatsi jume tane xua barapo cuarenta po pebiwimonaeyobe namtotha nantsiyatsiya bobenapaeba pewaetabinexa tsainchi Pablo. Daxota Pablo perobi tatsi pona soldadomonaē pia bo tatsi beya. Baxota Pablo perobi tsipaebatsi xua barapomonaē Pablo bepa hexubichei.

¹⁷ Nexata Pablo waba pon xua romanomonaē soldadomonaēpin pia pentacaponaēwi jiwana. Pablo namchi, jeye:

—Poye pewowin wuto caponde romanomonaē soldadomonaē pia pepa pentacaponaēin tatsi beya, tsipei bapoyo diwesiyo xeina xua petsipaebiwa tsane, jei Pablo.

¹⁸ Romanomonaē soldadomonaē pia pentacaponaēin tatsi Pablo perobi tatsi capoinchi xua romanomonaē soldadomonaē pia pepa pentacaponaēin tatsi beya. Bapon namchi, jeye:

—Pablo soldadomonaē pia botha peecaēin, bapon neitoroba xua pinaē bepa caponaēin-jei poye. Tsipei pinaē xeina diwesiyo xua necatsipaebinexa, jei bapon soldadomonaē pia pentacaponaēin tatsi.

¹⁹ Pablo perobi tatsi cobe pitatsi romanomonaē soldadomonaē pia pepa pentacaponaēin tatsi. Bara natsixitabatsi aisowa beya. Bapoyo baraichichi, jeichichi:

—¿Jinya eta xua netsipaebichi? jeichichi.

²⁰ Nexata pewowin wuto jume nota romanomonaē soldadomonaē pia pepa pentacaponaēintha, jeye:

—Judiomonaē peburaya nanta xeina xua bepa cawucaei xua Pablo baya necaponaenexa pentacaitorobi bicheitha. Bepa camuxuitorobei. Bepa jeyei: ‘Panantawenonan pata tha Pablo yainyabichi ichawiyo’, bepa jeyei barapomonaē.

²¹ Ichitha jopa jume cowantsinde, barapomonaē namtotha nantsiyatsiya bobenapaeba pewaetabinexa tsainchi taxuyo. Barapo cuarenta po pebiwimonaeyobe natsiwunaē yabara muxu duba Nacomtha xua bepa pinaē jopa nabanaē tsane yawa jopa apae tsane beya pinaē poxonaē tsane poxonaē Pablo bexubinchi. Anoxuae barapomonaē cajume cui ewata xua jam tsane: ‘Baya tsane Pablo pentacaitorobi bicheitha itorobinan’, jam tsane, jei Pablo perobi tatsi.

²² Nexata romanomonaē soldadomonaē pia pepa pentacaponaēin tatsi barapoyo napeyabatsi. Pewowin wuto ponataba. Pewowin wuto baraichi, jeye:

—Ichuntha jopa tsipaebinde xuaunxuae po diwesiyo netsipaebame, jei soldadomonaē pia pepa pentacaponaēin tatsi.

Meje yabara poxonaē soldadomonaē pia pepa pentacaponaēin tatsi Pablo itorobatsi Félix beya pon Judea nacuamonaē pia peyanacua ewatsinchi

²³ Romanomonaē soldadomonaē pia pepa pentacaponaēin tatsi waba ainya pentacaponaēinbe. Bapon baraponbetha itoroba. Barai: “Soldadomonaē pacui wunaerebe doscientos po soldado matabaxube pomonaē xua petaxutha ponaena, iru setenta po soldado

matabuxibe pomonae xua cawayutha ponaena, iru doscientos po soldado matabuxibe pomonae dejonan cajijincaena. Barapo bicheito daxita peponaenexa Cesarea tomara beya merawitha poxonae a las nueve tsuxubi.

²⁴ Matautano pacui wnaerebe cawayu ayunbe xua Pablo peequeicaenexa tsane. Matautano paitorobarebe xua Pablo beta pecaponaenexatsi, xua asuno Félix beya”, jei.

²⁵ Bapon pia soldadomonae caitoroba carta. Barapo cartatha namchi, jeye:

²⁶ “Xan Claudio Lisias. Félix, ponxaem tacabaru cui itura jinaeinchi, cajacobatsi.

²⁷ Pon anoxuae cata itorobatsi nexainya beya barapo pebin waetabatsi, judiomonae waetaba. Muxu pebexuichi. Poxonae jume tan xua bapon romanomonaepin najainta daxota nainya soldadomonae baru ponan bapoxonae bapon capanepan.

²⁸ Tsipei tha yaputaetsi xua barapomonae Pablo yabara paebatsi, daxota Pablo cuaranotan judiomonae pia pentacaitorobi bicheitha tatsi.

²⁹ Jume tan xua barapomonae Pablo yabara paebatsi xua pinae bapon jopa exanaeyo icha be pocotsiwa barapomonae pia peitorobi coyenewan tatsi paeba. Ichitha barapomonae jopa xeinaeyo po coyene xua daxota Pablo pebexubinexatsi, xuano xua daxota jiji pecubi botha peetsinexatsi.

³⁰ Ichitha bapoxonae jume tan xua judiomonae namuxuweta pebexubinea tsainchi Pablo. Daxota Pablo nexainya beya itoroban. Tsipaeban judiomonae pia pentacaitorobi bicheito tatsi. Janje: ‘Icha awiya Pablo pacui itawetsiname xua abe bapon exana – cabaraichi– bapon pia xainya beya paponare. Papaebare Félixtha baxua, pocotsiwa Pablo exana’, jan. Baja, Claudio”, jei barapo cartatha.

³¹ Barapo soldadomonae exana pocotsiwa xua bayatha itoroba pon romanomonae soldadomonae pia pepa pentacaponaein tatsi itoroba pon pewan Claudio. Barapo soldadomonae barapo merawitha Pablo capoinchi Antipatris tomara beya.

³² Icha mataqueitha barapomonae soldadomonae pomonae petaxutha pona, caibe nawibiya ichaxota tauncuatsi soldadomonae pia bo beya. Pomonae cawayutha pona awiya Pablo baru poinchi.

³³ Soldadomonae Pablo capoinchi Cesarea tomara beya. Barapomonae soldadomonae Félix catatsi barapo carta. Pablono baxota punaxubothopatsi.

³⁴ Félix matha yoroba carta. Bapoxonae Pablo yainyabatsi, jeichichi:

–Pablo, zeta po nacua jitomda? jei.

Pablo jume nota, jeye:

–Bara Cilicia nacua piyon, jei.

³⁵ Félix namchi, jeye:

–Poxonae judiomonae patsina, pomonae xua abe cayabara paeba, bapoxonae cajume taeinchi xua tana netsipaewiam tsane, jei Félix.

Bapoxonae Félix itoroba soldadomonae xua Pablo yapucaenaeinchi ichaxota po botha peitapanae bo, po bo Herodes cuenta naxuba.

24

Meje yabara poxonae Pablo Félix peitabaratha tatsi nayabara jume paeba

¹ Icha matababitha poxonae cinco po matababibe tsuxubi, pebiwi pata Cesarea tomaratha. Ichun pewan Ananias. Bapon Ananias sacerdotemonae pia pepa pentacaponaein tatsi. Iru pitiri jiwimonaeno pata. Iru pon xua petapaebebin jiji, pon pewan Tértulo bapon napatopa. Barapomonae nacuara pata Cesarea tomaratha. Barapomonae Félix peitabaratha taumeinchi, xua Pablo abeya peyabara paebinxatsi.

² Poxonae Pablo carendenatsi, Tértulo Pablo abe yabara paebatsi. Félix baraichi, jeye:

–Félix, xam pon pana yanacua ewatame. Daxota juntea xanepanaya pajinompan. Maisa bara beta itorobiya canamataxeiname jiji jinya neyaputae coyenewatha. Daxota xam beta exaname barapo nacuathe.

³ Félix, xam pon pata paca baru itura jinaeinchim, xua exaname yatsicaya wnae nawita barapo nacue nexa.

⁴ Jopa ichichipaeinyo xua tacayatacutsiwatsi. Daxota catsipaebatsi xua saya caeto pana nejume taema xua pata paca catsipaebiwa tsainchi.

⁵ Anoxuae payaputan xua Pablo bichocono pana cui fayacota xua abe exana. Matautano bapon judiomonae cui tsacabatsi xua nacaseba exanatsi daxita nacuantha. Matautano bapon, apara pomonae nazarenomonae barapomonae pia pentacaponaein tatsi, pomonae pecuidubi jiji icha coyeneya pocotsiwa jopa xainyeyo.

⁶ Yawa Nacom pin pia bono tatsi juntucuru abe taexanatsino, poxonae juntucuru baru jonyatsi pon jopa judiomonae naexanaeyo Nacom pin pia botha. Daxota pawaetaban. Paxan paichichipan Pablo paperaxa exanan barompaya pata peitorobi coyenewa cuitha.

⁷ Ichitha soldadomonae pia pepa pentacaponaein tatsi, Lisias, daunweya pana wecobe maxu pitatsi Pablo.

⁸ Soldadomonae pia pepa pentacaponaein tatsi, Lisias, pana barai: 'Pomonae Pablo abe jaintatsi moya Félix peitabaratha papaebare', pana jei Lisias, jei Tértulo.

Tértulo equeicha namchi, jeye:

—Félix icha yainyabatsipame Pablotha metha bara yaputaetsipame xuaunxuae cabaraichichi. Xuaunxuae Pablo yabara paeban baxua xaniyan yatsicaya, jei Tértulo.

⁹ Judiomonae, pomonae Tértulo puna poinchi namchi: "Tértulo bara xaniyei paeba", jei.

¹⁰ Nexata Félix Pablo moya pecobetha jume itorobatsi. Bapoxonae Pablo Félix baraichi, jeye:

—Yaputan xua caena bayatha ainya wei xam naexaname pon jiwi neyabara paebin xua penatsiuentsiwa xua abe peexanaexae xua barapo tomarathe nexa. Daxota juntu coyene weiweinan xua tana nayabara paebiwa neitabaratha.

¹¹ Icha yainyabame barapomonae, Jerusalén tomarapiwi, catsipaebichipa xua bayatha Jerusalén tomara beya ponan. Baxota ponan tsipei Nacom pin pia botha wunae tajainchinexa Nacom. Anoxuae petain doce matabibe yapucaewan poxonae xua bayatha ponan bara beya.

¹² Jopa jume matsontsonobeibinyo jiwi. Yawa jiwi jopa jume cui tsacabeibinyo xua anaerpanaya penajume cayayatsinexa. Baxuan jopa exanaeinyo Nacom pin pia botha. Mataantano judiomonae pia penacaeuttsi bontha tatsi, baxuan jopa exanaeinyo. Mataantano tomoran pecuariyathan jopa baxuan exanaeinyo.

¹³ Pomonae paeba xua pinae abe exanan, barapomonae jopa jume cupaetsi xua tana necui yopichiwa xua abe exanan.

¹⁴ Xaniwaicha catsipaebatsi xua xan Nacom tanacuitan pon tamo susato jiwi pia Nacom tatsi. Baraxua exanan xua jiwi cuduban be pocotsi coyeneya xua paeba Jesús pia pena pecuidubiwa tatsi po pecuidubiwa judiomonae yabara nanta xeina xua pinae barapo pecuidubiwa jopa xainyeyo. Xan jume cowuntan daxita Moisés pia peitorobi coyenewan. Mataantano po diwesin Nacom pia peitorobi jume pepaebiwi tina, barapo diwesinno jume cowuntan.

¹⁵ Xan barichindu, Nacom yabara baru jume cowuntsiya ewatan icha barapomonae ichi xua po coyene pomonae pewerapaewi equeicha asu tsane, pomonae peajuntucoyenebe jiwi iru xua asu tsane pomonae pejuntu coyene xanepanae jiwino.

¹⁶ Daxota jopa najuntu coyene acauringo tsipei nayaputan xua Nacom beta taexanan. Jiwhano jopa najuntu coyene acauringo.

¹⁷ "Ainya wei dapaein saya icha nacuantha poponan. Bapoxonae equeicha tatomara beya poponan, Jerusalén tomara beya. Patopan baxota Nacom pin pia botha poxoru yaitama paratixi caponan xua tamona nexa po paratixi ichamonae taitoroba. Mataantano bara beyan xua baxotiya Nacom tatsita exanaenexa xua pocotsiwa be tacatsiwa Nacomtha, xua duwein tatautsiwa tsane.

¹⁸ Barapo coyenein awiya exanawiyen, bequein bayatha nenacui yabara jume weta exana po coyene xua daxota Nacom jopa tsitanyo xua taajuntucoyenebewan be pocotsi coyeneya xua judiomonae itoroba. Bapoxonae judiomonae pomonae Asia nacua weparena netaeba Nacom pin pia botha. Barapomonae baxota necaxiba bequein poxonae jopa jiwi namtsebiya wawaya exanaeinyo.

¹⁹ Pomonae netane Nacom pin pia botha pomonae Asia nacua werena pepatsiwi bewa dapomonae xote patsi xua necatsipaebinxexa tsane xua tana neyabara paebinexa tsane xua abe taexanaewa.

²⁰ Icha barapomonae jopa patsiyo pomonae xote ena bu paeba. Barapomonae netane poxonae cain matha judiomonae pia pentacaitorobi bicheito peitabaratha uncuan. Barapomonae bu catsipaeba, icha metha bara abe exanan poxonae barapo pentacaitorobi bicheito peitabaratha tatsi uncuan.

²¹ Saya u baxua exanan poxonae peitabaratha uncuan, bapoxonae bichocono wawan. Janje: 'Anoxuae poxonae paxam pana neyabara paebame xua tanatsiuentsiwa xua abe taexanaewa paxam pananta xeiname xua abe exanan yaitama jume cowuntan xua pewerapaewi equeicha asu tsai tsane', jan jei", Pablo.

²² Félix caena bayatha yabara yaputane Jesús pia pena pecuidubiwa tatsi. Daxota Félix cataunxuae abu jopa baxua yabara paebiyo pocotsiwa barapomonae paeba. Daxota Félix namchi, baromonaetha, jeye:

—Abu bexa pacatsipaebinchi, poxonae soldadomonae pia pepa pentacaponaein tatsi patopaena pon Lisias, bapoxonae yabara paebin pocotsiwa Pablo exana, jei Félix.

²³ Nexata Félix itoroba soldadomonae pia pentacaponaein tatsi xua soldadomonae Pablo cataunxuae yapu eeniya pebaru jinompaenexatsi Herodes pia botha tatsi, bequein

bara copata xua Pablo bara exanaena be pocotsiwa xua bapon ichichipa exana barapo botha. Matautano copatano xua Pablo bara pesiwa ponaenexatsi piamonae xua piamonae peyawenaenexatsi xua pocotsiwa nantawenona bapon.

²⁴ Icha matabitha pirapaeyo Félix piowabe patopabe. Petsiriwa pewan Drusila. Barapowa judiomonawayo. Félix najume caitoroba ichuntha xua Pablo pewabinexatsi Félix berena, matautano xua Pablo Félix yabara petsipaebinxatsi xua po coyene jiwi jume cowanta Jesucristo.

²⁵ Pablo Félix tsipaebatsi xua pinae ainya cui xua jiwi beta yanthuthiya jinompa icha be Nacom ichi xua beta yanthuthiya popona. Matautano paebano xua pinae jiwi pia xoba abe exaneiba. Matautano namchino xua pinae caentacabitha tsane Nacom wabina daxita jiwi xua peyabara paebinea xua penatsicuentisiwa xua abe peexanaexae barapo cae pin nacuathe. Félix najunta coyene cabenaeca poxonae jume tane baxua. Pablo tsipaebatsi, jeichichi:

—Jinya tutu beya bara ponde. Bexa equeicha cawabinchi icha ichawiyo jopa neenaeyo, jei Félix.

²⁶ Félix nanta xeina xua paratixi pecatsiwa tsainchi xua Pablo pecatsiwa tsane xua daxota Pablo pepu copatsinexatsi. Daxota memecabiya wabatsi Pablo.

²⁷ Baraxua exana beya yaanya weibe jopa. Barapoxonae Félix weta xua pon peyanacua ewatsin jiwi naexana barapo Judea nacuathe, xua icha nacua beya pewarapaexae. Ichun Félix pecoutha tatsi tapatopatsi pon pewan Porcio Festo pon xuya pon peyanacua ewatsin jiwi naexana Judea nacuathe. Félix ichichipa xua peweyataewatsi xua judiomonae peweyataewa daxota Pablo jopa copatichi xua bara yatsicaewa pepu copatsiwatsi xua pepanepaewa tsane.

25

Meje yabara poxonae Pablo Festo peitabaratha tatsi tauncuatsi

¹ Festo bara patopa xua penaexanaenexa pon peyanacua ewatsin jiwi. Poxonae acoibi po matabibibe weta Cesarea tomara weya pona, Jerusalén tomara beya pona.

² Barapo tomaratha Jerusalén tomaratha sacerdotemonae pia pentacaponawewi tatsi iru judiomonawo pomonae pentacaponawewino, barapomonae Pablo abeya cui yabara canantsipaebatsi.

³ Barapomonae Festo baraichi: “Bu painta ichamonae Pablo Jerusalén tomara beya capoinchi”, jei. Barapomonae baxua Festo jeichichi, tsipei Pablo namtotha ewatabobena-paebatsi pebexubinexatsi.

⁴ Festo jume nota, jeye:

—Canta Pablo Cesarea tomaratha eca xua soldadomonae baru jinompatsi. Tha nama imoxoyo bara beya equeicha caibeya ponaetsi.

⁵ Painyamonaewi jiwana pomonae pentacaponawewi moya bu barapomonae nepuna pona Cesarea tomara beya. Icha Pablo abe exana, metha moya baraxota Pablo jame be cui yabara paebichipatsi barapomonae, jei Festo.

⁶ Festo cataunxuae Jerusalén tomaratha ocho po merawiyobe yapucaewa xua equeicha ainya dapaeyobe. Barapoxonae Cesarea tomara bewarapiya caibeya. Icha matabitha Festo eca peequeibithopebiwatha po tututha ichaxota yabara paebequeiba jiwi xua penatsicuentisiwa xua abe peexanaexae. Festo barai soldadomonae: “Painta caponde Pablo taxainya berena”, jei.

⁷ Poxonae Pablo patopa, judiomonae imoxoyo umenarucupa pomonae Jerusalén tomara weparena. Barapomonae judiomonae Pablo yacaincha matawaqueicha umenatsi. Barapomonae Pablo cui yabara paebatsi xua abe exana nawita. Ichitha xua barapomonae paeba jopa tsita itapeinya xeinaeyo xua apara bara xainyei pocotsiwa barapomonae paeba.

⁸ Nexata Pablo pia coya nayabara paeba, jeye:

—Xan jopa abe exanaeyo. Jopa abe yabara paebinyo Moisés pia peitorobi coyene tatsi. Matautano Nacom pin pia bo jopa abe yabara paebinyo. Matautano jopa abe yabara paebinyo romanomonae itorobiya pia pepa peewatsinchi tatsi, jei Pablo.

⁹ Festo bepara antobetsei judiomonae. Daxota Festo Pablo yainyabatsi, jeichichi:

—¿Jinya ponaetsi Jerusalén tomara beya xua baxotiya cayabara paebinchichi nenatsicuentisiwa xua abe neexanaexae? jei Festo.

¹⁰ Pablo jume nota, Festo jume notatsi, jeye:

—Xan uncuan peitabaratha tatsi pomonae pentacaponawewi, pomonae romanomonae itorobiya pia pepa peewatsinchi tatsi itoroba. Barapomonae pentacaponawewi bara itacupatsi xua barapo tomarathe tana neyabara paebinea xua tana natsicuentisiwa xua

abe taexanaexae. Jopa nantawenonaeyino xua taponaeua tsane Jerusalén tomaratha. Xam bayatha beta yaputaneme xua jopa abe exanaeyino judiomonaetha.

¹¹ Icha xaniwaicha abe exanan barapomonaetha, metha moya benebexubina. Jopa junuwinyo xua tatupaewa tsane. Ichitha icha jopa xainyeyo xua barapomonaeyabara paeba, metha nexata barapomonaey jopa nebexubichipae. Tha nama warapaetsi romanomonaey itorobiya pia pepa peewatsinchi beya, tacoya nayabara paebichi, jei Pablo.

¹² Copiya matha Festo tsipaeba pejume yaweneibiwichi. Barapoxonaey Festo, Pablo baraichi, jeye:

—Yaitama aunxuae siwa ponapaebame romanomonaey itorobiya pia pepa peewatsinchi tatsi, xua necayabara paebinea xua nenatsicuentisiwa xua abe neexanaexae daxota moya ponaename bapon beya, jei Festo.

Meje yabara poxonaey Pablo uncuwa Agripa peitabaratha tatsi pon peyanacua ewatsin jiwi

¹³ Icha matabitha Agripa, pon peyanacua ewatsin jiwi, bapon pona Cesarea tomara beya. Petsiriwa puna poinchi, bapowa pewan Berenice. Festo siwa poinchi Cesarea tomaratha iya.

¹⁴ Baraxotiya Agripa petsiriwano ainya matabin ecabe. Festo namchi Agripa, jeye: —Xote eque pon cain Félix xubeta Cesarea tomaratha xua bapon pebarujinompaenexatsi soldadomonaey.

¹⁵ Poxonaey Jerusalén tomaratha ecan, sacerdotemonaey pia pentacaponae jiwi tatsi, pitiri jiwino, barapomonaey netsipaeba xua bepa pinaey Pablo itorobin xua petupaewa tsane.

¹⁶ Barapomonaey baran: ‘Barapocotsi coyene romanomonaey pan pata cui coyene. Paxan jopa pacopatsinyo xua ichun amanaya bexotsi. Jame copiya pomonaey xua abe yabara paeba ichuntha, barapomonaey bewa paebina bapon peitabaratha tatsi icha bara metha bapon xaniwaicha abe exana. Bapoxonaey bapon pia coutha beya nayabara paebichipa xua barapomonaey paeba’, jan.

¹⁷ Daxota poxonaey barapomonaey pata xote, jopa be bayathinyo yaitama. Daxota baya caena nainya eoundecan, po tututha yabara paebequeiban jiwi xua penatsicuentisiwa xua abe peexanaexae. Itoroban soldadomonaey xua Pablo pecaponaenexatsi taxainya berena.

¹⁸ Xan nanta xeinan xua Pablo bichocono abe exana. Ichitha poxonaey barapomonaey asiya umena peyabara cueicueijeinexa tsainchi, Pablo jopa paebiyi po diwesi xua daxota tananta xeinaexa xua Pablo bara abe exana cou.

¹⁹ Pocotsiwa xua Pablo yabara cueicueijeichi, saya xua apara pia pejume cowantsiwa tatsi yabara, matautano xua Pablo peyabara cueicueijeixae pebin pon Jesús baraichi, xua pinaey equeicha asu poxonaey tupa. Seicaya nama barapomonaey paeba xua pinaey bapon apara tupa, xua equeicha jopa asuyo.

²⁰ Jopa yaputaeyino xua baxua exanan xua Pablo abe yabara paebatsi. Daxota copiya matha Pablo yainyaban, janje: ‘¿Xam, jinya ponaetsi Jerusalén tomara beya xua baraxotiya cayabara paebinchi xua nenatsicuentisiwa xua abe neexanaexae?’ jan.

²¹ Ichitha Pablo dapo jumetha netsipaeba xua bepa ponaey Augusto beya, romanomonaey itorobiya pia pepa peewatsinchi beya, pon xua bepa pinaey yabara paebinchi xua penatsicuentisiwa xua abe peexanaexae. Daxota itoroban soldadomonaey xua Pablo abujinompaenexatsi soldadomonaey, beya abujinompaenexatsi soldadomonaey, beya abujinompaenexatsi soldadomonaey pontha pon romanomonaey itorobiya pia pepa peewatsinchi, jei Festo xua Agripa tsipaebatsi.

²² Nexata Agripa Festo baraichi, jeye:

—Tha bequein irujume taetsiru Pablo, jei Agripa.

Agripa jume notatsi, Festo jume nota, jeye:

—Metha moya baya tsane jume taename, jei Festo.

²³ Bara icha matabitha Agripa iru Berenice patopabe. Paparuwa peitupaewa nama xatatabe. Agripa pinmonaey barujinompaenexatsi soldadomonaey pia pepa pentacaponaewi tatsino, iru Cesarea tomara pia pentacaponaewino. Barapo bicheito Agripa barujinompaenexatsi soldadomonaey xua Pablo pecarendenaenexa tsainchi.

²⁴ Festo barai, jeye:

—Agripa, xam pon neyanacua ewatsin jiwi, iru pomonaey pecanamataxeinaey jiwi pamdu. Bapon xote uncuwa Pablo. Daxita judiomonaey iru Jerusalén tomarapiwi, iru Cesarea tomarapiwi, daxita barapomonaey Pablo jume yabara paebatsi xua pinaey abe exana. Matautano barapomonaey neitoroba nawita xua bepa pinaey Pablo itorobin xua petupaewa tsane.

²⁵ Ichitha xan saya tacoya nanta xeinan be jopa neichichi abe exanaeyo, poxonaey nejume nota, poxonaey tsipaeban. Daxota jopa becaenaetaxubinyo xua pebexubiwa tsainchi. Ichitha Pablo netsipaeba xua bepa ponaey romanomonaey itorobiya pia pepa peewatsinchi tatsi beya, pon pewan Augusto, tsipei bepa pinaey yabara paebichi xua penatsicuentisiwa

xua abe peexanaexae. Daxota yabara najuntꝫ coyene wetan xua bapon Pablo taitorobiwa tsane bara beya.

²⁶ Yaitama bapon jopa abe exanaeyo, jopa yaputaeinyo xua eta be tajumichiwa tsane barapo cartatha poxonae Pablo itorobin xuano xua cartano cayabara cui pu catsin bara beya. Daxota anoxuae Pablo pinya itabaratha cuaranotan. Xam Agripa, pon neyanacua ewatsin jiwi, moya matha copiya yainyabare Pablo, tsipei tha beta cui yabara tatinaetsi bara beya pontha pon romanomonaie itorobiya pia pepa peewatsinchi.

²⁷ Tsipei inta jopa xanepanetsipae icha itorobichipan Pablo pon pewaetabinchi icha jopa yabara paebinchipae xua pocotsiwa bapon peexanaexae, jei Festo xua Agripa tsipae-batsi.

26

Meje yabara poxonae Pablo pia coutha cuita paeba, Agripa peitabaratha tatsi, pon peyanacua ewatsin jiwi

¹ Bara nexata Agripa Pablo baraichi, jeye:

—Icha jinya paebichi, moya taema, jei.

Barapoxonae Pablo namaxꝫ yoicha xua Agripa jacobatsi. Barapoxonae namchi, jeye:

² “Agripa, pon neyanacua ewatsin jiwi, maisa bichocono juntꝫ coyene weiweinan, xua anoxuae neitabaratha tana nayabara jume paebixae tsane pocotsiwa bayatha neyabara paeba judiomonaie po coyene xua pinae abe exaneiban.

³ Poxoru yaitama, xam Agripa, bayatha yaputaneme pata juntꝫ coyenein pomonaie judiomonaie panxaein. Yaputanemeno baxuan xua pana najume matsontsonoban. Daxota cabaraichi xua saya beta nejume taema xua jopa aitaconaeinde”, jei Pablo.

Meje yabara poxonae Pablo nayabara paeba, poxonae pinae cataunxuae jopa jume cowantsiyo Jesús

⁴ Equeicha Pablo namchi, jeye: “Daxita judiomonaie barapomonaie neyaputane xua poxonae pexuyon, poxonae caena bayatha pia xantha tatsi poponan xua tanacuaxae. Barichino neyaputane poxonae Jerusalén tomaratha poponan.

⁵ Icha yainyabatsipame barapomonaie, yabara catsipaebichipa pocotsiwa exaneiban xua fariseomonaie pocotsi juntꝫ coyene cuidubeiba, pocotsiwa judiomonaie cuidubeibatsi, tsipei xan fariseomonaiepin. Daxita barapomonaie yaputane xua caena bayatha jume cowantꝫ daxita pocotsiwa xua barapomonaie itoroba. Fariseomonaie itapeta cuita exaneiba pocotsiwa Nacom itoroba beyacaincha ichamonaie xua exaneiba.

⁶ Judiomonaie necapona xote tsipei saya poxoru yabara wꝫnae ewatan xua bexa Nacom asꝫ exanaena pomonaie xua werapa. Baxua pinae Nacom wamo susato jiwi yabara tsiwꝫnae muxu dutatsi.

⁷ Patamonaie pomonaie Israel nacuamonaiepiwi pomonaie xua doce pomonaie bicheitobe, baxua yabara jume cui wꝫnae ewata poxonae petꝫpaewi equeicha asꝫ exanaeinchi, xua poxonae Nacom exanaena. Daxota barapomonaie Nacom wꝫnae jainteibatsi. Mataantꝫ itapeta exana pocotsiwa Nacom itoroba, merawithano, matabithano. Xam Agripa pon neyanacua ewatsin jiwi catsipaebatsi baxua tayabara jume cowantsixaerꝫ, daxota judiomonaie neyabara paeba xua pinae abe exanan.

⁸ Painya xoba pananta xeiname xua Nacom jopa itacꝫpaetsi xua equeicha jiwi asꝫ peexanaewatsi pomonaie xua werapa”, jei Pablo.

Meje yabara poxonae Pablo nayabara paeba xua pinae copiya abe exana nawita pomonaie pejume cowantsiwichi Jesús

⁹ Equeicha Pablo jeye: “Xan copiya tacoutha nanta xeinan xua bewa bichocono abe exanaein pomonaie pomonaie Jesús pejume cowantsiwichi pon Nazaret tomarapin.

¹⁰ Jerusalén tomaratha baxua exanan. Sacerdotemonaie pia pentacaponaeawi pia peitorobi coyenewa necata xua daxota tana necui jꝫpaewa xua jiwi tacaponaewa jiwi pecabi botha. Pinmonaiecai caponan, pomonaie Jesucristo pejume cowantsiwi. Xan yabara jume jejan xua barapomonaie pejutewiatsi.

¹¹ Anaya caenaetan, peraxa exananno poxoru ichipan xua barapomonaie pentsina xua Jesús pejume cowantsiwatsi. ꝫ baxua exanan. Daxita judiomonaie pia penacatutsi bontha tatsi exananno. Bichocono anaepanan. Daxota icha nacuantha ponan tajeichinexa pomonaie pejume cowantsiwichi Jesús xua barapomonaie abe taexanaenexa”, jei Pablo.

Meje yabara poxonae equeicha Pablo nayabara paeba poxonae pinae jume cowanta Jesús

¹² Equeicha Pablo namchi, jeye: “Barichi sacerdotemonaie pia pentacaponaeawi tatsi pia peitorobi coyenewa necata xua daxota tana necui jꝫpaewa xua taponaeawa Damasco

tomara beya, xua pomonae jume cowanta Jesucristo tacaponae nexa tsane Jerusalén tomara berena.

¹³ Xam pon neyanacua ewatsin jiwi bara xaniwaicha catsipae batsi poxonae namtotha paenaponan poxonae mateinyaxae tsuxubi pecoicha tan xua peitaboco wejopeica, pin coicha po coicha beyacaincha xua xometo. Barapo coicha pomonae nepuna pona nebaru matawacaicha matatsun uncueia.

¹⁴ Nexata daxita iratha paothopan. Jume tan xua pon hebreo jumetha nebarai, jeye: 'Saulo, Saulo, zeta xua tamonae inta abe exaname? Poxonae tamonae peraxa exaname, apara jinya coutha atene nacana exaname icha be buey ichi poxonae ba pia coutha xua xota sojei nataxu matababa', nejei.

¹⁵ Nexata jume notan janje: 'Pon jiwi Necanamataxeinaem, zjintam xamda?' jan. Nejume nota jeye: 'Apara bara xan, Jesús ponxaein inta abe exaname tamonae pomonae tana nejume cowantsiwi.

¹⁶ Nontaponde. Xua anoxuae necotame catsita naitatsi. Apara tha tana nejume yopichim. Matautano bexano equeicha ichawa necotsiname tana neyabara paebinxam tsane baxuanno.

¹⁷ Cacui itorobatsi xua Nacom Pejume Diwesi necueicueijamnexam. Nexata cacapanepaeinchi poxonae juntucuru caperaxa exana judiomonae iru pomonae jopa judiomonae naexanaeyo.

¹⁸ Caitorobatsi judiomonaetha iru pomonaetha pomonae jopa judiomonae naexanaeyo xua jopa equeicha pejinompaenexa poxonae jopa jume cowantsiyo. Matautano caitorobatsi xua barapomonae jopa peexanaponaenexa pocotsiwa caurimonae pia pentacaponaein tatsi itoroba, pon Satanás, jame meisa peexanaenexa pocotsiwa Nacom itoroba. Matautano caitorobatsi xua barapomonae tana nejume cowantsinexa. Bapoxonae yabara jumentainaein barapomonae abe pia peexanae cuiru coyenein tatsi, matautano xua pexeinaenexa pocotsiwa Nacom yabara tsiwunae muxu duba', nejei Jesús", jei Pablo.

Meje yabara poxonae Pablo exana pocotsiwa Nacom itoroba poxonae tsita naitatsi namtotha

¹⁹ Equeicha Pablo namchi, jeye: "Agripa, xam pon neyanacua ewatsin jiwi, xan jopa jumefebinyo xua Jesús neitoroba poxonae itaboco wenetsita naitatsica xua namtotha netsita naitata poxonae pecoichatha jume tan xua Jesús netsipaeba.

²⁰ Copiya matha Damasco tomarapiwi tsipaeban Nacom Pejume Diwesi. Bapoxonae equeicha barapo diwesi tsipaeban Jerusalén tomarapiwi. Bapoxonae equeicha daxita Judea nacuumonaepiwi barapo diwesi tsipaebanno. Iru pomonaetha pomonae jopa judiomonae naexanaeyo tsipaebanno. Barapo diwesi tsipaeban xua barapomonae icha juntu coyenein pexeinaenexa, yawa Nacom pejume cowantsinexatsi, matautano xua barapomonae petsita itapeinya xeinaenexa jiwitha xua bara Nacom jume cowantatsi xua beta peexanaexae.

²¹ Daxota judiomonae newaetaba poxonae Nacom pin pia botha patopan yawa bepa nebexubei.

²² Ichitha Nacom neyawena. Daxota awiya Nacom Pejume Diwesi paeban bichocono daxita i dapomonaeintha pomonaetha pomonae pepawi jiwi iru poponaethano pomonae peainya cui jiwi. Baraxua saya meisa paeban be pocotsi coyeneya matha juinya Moisés yabara wunae tsiwanaya paeba iruru be pocotsi coyeneya matha juinya Nacom peitorobi jume pepaebiwi yabara wunae tsiwanaya paeba.

²³ Barapomonae tsipaeban po diwesi yabara xua pinae bexa Mesías peraxa exanaeinchi ichamona. Matautano bapon pinae pon xua copiya pomonae pewerapaewi asu nanta caexanaeinchi. Matautano xua pinae judiomonae iru pomonae jopa judiomonae naexanaeyo yabara yaputane exanaeinchi pecapanenebiyae diwesi jume", jei Pablo xua Agripa tsipaebatsi.

Meje yabara poxonae Pablo paeba Jesús pejume diwesi Agripatha xua Agripa pejume cowantsinexa

²⁴ Poxonae baraxua Pablo najume weta xua nayabara jume paeba, Festo jume daunweya wawai, jeye:

—¡Pablo, maisa cantsiyai beca poxoru saya u necuidubi daxota cantsiyaiha! jei Festo.

²⁵ Pablo jume nota, jeye:

—Festo ponxae m tacabarú cui itura jinaeinchi, jopa nentsiyai biyo apara. Xuaunxae paeban, apara seicayarú xua xaniwaicha paeban xua bara apara pexainyeiwa.

²⁶ Ee taema, Agripa, pon pepa peyanacua ewatsin jiwi pon xote eque. Bapon yaputane xua xaniwaicha paeban. Bapontha jopa junuwinyo xua tsipaeban. Xuaunxae catsipae batsi bapon baxua daxita yaputane poxoru jopa namicha exanaeincho.

²⁷ Agripa, xam pon neyanacua ewatsim jiwi. ¿Jume cowuntame pocotsiwa Nacom pia peitorobi jume pepaebiwi paeba? Bara yaputan xua bara jume cowuntame, jei Pablo.

²⁸ Agripa jume nota, Pablo jume notatsi, jeye:

—Saya caeto netsipaebame. Saya barapo jumetha nanta xeiname xua xan nainya jume cowuntsinan Jesús, jei Agripa.

²⁹ Nexata Pablo namchi, jeye:

—Xua caeto paca tsipaebatsi yawa icha matowa paca tsipaebatsi bara ba Nacomtha pacata wucatsi xam nexa, iru pomonae nexa, pomonae nejume tane painya nejume cowuntsinexam tsane Jesús. Ichichipan xua painya neexanaewa icha ichin xua tajume cowuntsiwa, bara bequein jopa ichipaeinyo xua painya nemaxatha painya nexainaewa jiwi pecubi nainto be pocotsi nainto xuaunxuae tamaxatha ducua, jei Pablo.

³⁰ Poxonae Pablo najume weta baxua, Agripa pon peyanacua ewatsin jiwi iru Berenice asiya uncuatababe. Iru Festo pon peyanacua ewatsin jiwi asiya uncuataba. Pomonae iru ena asiya umenaracupa.

³¹ Aisowa be-iyiwa barapomonae natsipaeba, najei:

—Barapon Pablo jopa apara abe exanaeyo po coyeneyatha xua daxota bapon pebexubinexatsi, matautano po coyeneyatha xua daxota bapon jiwi pecubi botha peetsinexatsi, najei barapomonae.

³² Agripa tsipaeba, Festo baraichi, jeye:

—Icha metha jopa naca wucaetsipae Pablo xua peponaewa tsane pontha pon romanomonae itorobiya pia pepa peewatsinchi xua baxotiya peyabara paebinxatsi penatsicuntsiwa xua abe peexanaexae metha pu copatsipatsi xua bara pepanepaewa tsane yatsicaewa, jei Agripa.

27

Meje yabara poxonae Pablo Roma tomara beitorobiya

¹ Barapomonae najuntu coyene weta xua pata taneitorobiwa Italia nacua beya. Pablo iru ichamonaeru pomonae peteiquebiwichi daxita barapomonae itorobatsi Roma tomara beya. Pon barapomonae matabapoinchi bapon pewun Julio, pon soldadomonae pia pentacaponaein tatsi. Barapo matabaxayo soldadomonae bicheito wan dutatsi “Augusto soldado bicheito”, jei, poxoru barapo soldadomonae Augusto tanacuitatsi, pon romanomonae itorobiya pia pepa peewatsinchi. Barapo soldadomonae Pablo iru ichamonaecapionatsi Augusto beya.

² Pepa weranaetha pawarapan, po nae Adramitio tomara werena pona. Barapo nae equeicha Asia nacua beya ponaena. Po tomaraxi pitapatha ena barapo tomaraxi bepa siwa ponaeni. Ichun pana cueyeta. Bapon pewun Aristarco Tesalónica tomarapin. Barapo tomara Tesalónica tomara eca Macedonia nacuatha.

³ Icha matabiitha Sidón tomaratha papatan. Baraxota barapon Julio, Pablo baru jume wunaetsi. Matautano bapon Julio, Pablo copatatsi xua bara Pablo piamonae pesiwa ponaewa tsainchi, xuano xua bara Pablo peyawenaenexatsi xua xoxi nantawenona.

⁴ Bara Sidón tomara wewarapiyan weratha. Bara weratha paenaponan joibo cuiyainwa Chipre tunaeto pantawaqueban, yaitama bichocono pin joibo dena ichaxoyo copiya payiyan.

⁵ Bara mar mene iya paenaponan, Cilicia nacua, Panfilia nacuano imoxoyo pacaquita enaponan. Bapoxonae Mira tomaratha papatan, po tomara Licia nacuatha eca.

⁶ Baraxota pon soldadomonae pia pentacaponaein tatsi bapon icha nae taeba baraxota. Barapo nae Alejandría tomara werena pona. Barapo nae iru seicaya Italia nacua beya ponaena. Barapo naetha equeicha Julio pana baru iya Italia nacua beya.

⁷ Ainya matababin saya bewayo paenaponeiban, poxoru yaitama joibo jera caewa carena tsabi. Gnido tomara paxenta enaponan. Salmón tomarano paxenta enaponan. Creta tunaetono pantawaqueban.

⁸ Bewayo weratha paenaponan, pitapa pacaquita enaponan. Tomaratha papatan ichaxota pexutoroto. Baxota pajebounan, po tomara pewun Buenos Puertos. Barapo tomara imoxoyo eca ichaxota Lasea tomara.

⁹ Baraxota came awiwa ainya matababin paenan. Bayatha yapu caewa barapo matababin poxonae barapomonae warapapaeba barapo matabiitha xua pin mene mara mene iya. Tsipei imoxoyo awubo tsurucuae tsoponae, daxota Pablo nanta xeina xua icha metha ponaetsipan, panacabetsipan. Daxota barapomonae Pablo muxuweta.

¹⁰ Pablo namchi, jeye:

—Pebiwí pam, pana nejume taema. Ichaunxuae warapaeinchi methaunxuae nacabetinchi. Matautano methaunxuae weranae abe exanaena. Matautano xoxino xua capoinchi methaunxuae napentsina. Matautano jiwí methaunxuae napentsina, jei Pablo.

¹¹ Ichitha soldadomonaē pia pentacaponaein tatsi, bapon Julio, jopa jume naitomatsiyo xua Pablo tsipaeba. Ichitha dapo jumetha saya meisa pon jera pecanamataxeinaein ira pon jera pexeinaein, baponbe itapeta jume naitomatatsibe.

¹² Barapomonaē nanta xeina, xua baraxota jopa beenaeyo poxoru barapo tomara jopa cui wunaeyo xua jera peboacaewa poxonaē awubo pin joiboxae. Pinmonae barapomonaē jiwana tsita xanepanatsi xua Buenos Puertos weya pewarapaenexa jeratha Fenice tomara beya, po tomara eca Creta tunaetotha. “Methaunxuae tsiwanaya payaeinchi penacabetsi awubo, joibono”, jei. Barapo tomara cui wunaē xua ichaxota jera jebouneiba. Baxota joibo yayapa poxoru tomara naita cafeteca, poxoru joibo jopa patopaeyo pocotsiwa wetsica yawa pocotsiwa wetsina. Baraxota bepa enaei poxonaē awubo tsuxubi.

Meje yabara poxonaē maratsaca daunwei pepa mar mentha

¹³ Nexata bewayo joibo tsuncuae, be pocotsiwa parowa wejopeina. Daxota barapomonaē namchi: “Bū poinchi cataunxuae saya tsiqui joibiyo”, jei. Bapoxonaē totabiya jera. Barapo Creta tunaeto imoxoyo pitapa pacaquita enaponan weratha.

¹⁴ Poxonaē saya caeto paenaponan bapoxonaē pin joibo pana epa taepona, Creta nacua tunaeto wejoparena. Jera epa yutaba.

¹⁵ Nexata joibo jera muxunenababa. Canta joibo nawita, daxota jopa paponaeinyo joibo beya. Daxota saya pacopatan xua saya bara joibo pana yanacaputabiyaenaba.

¹⁶ Cauda tunaetiyo bepana yanacaputabiya. Baraxota ichaxota joibo yayapa, tsica naeyo jeriyo po naeyo paquetoutan, pajontaxuinan pepa naetha.

¹⁷ Panacuítontan xua pajonta xuinan. Barapo naeyo pepa jeratha pacatabotan. Nexata jera penacuichiwi pepa bumacantha peuma wemuxabura capabina, muxabura babataruba xua pewacatabiyunwa joibo. Nexata barapomonaē bichocono junuwa poxoru nanta xeina xua mexeya itara jera naxatatabawei taetabotha, po taetabo pewun Sirte. Daxota wera jontabota jeratha. Saya jera caputabiya joibotha.

¹⁸ Icha matababitha came awiya maratsacan bichocono daunwei. Daxota ichawan mentha bebai xua xuan capona.

¹⁹ Icha matababitha daxota pabeban xua jeratha jeba tsipei ichichipa xua tafafanatsi.

²⁰ Ainya matababin came awiya jopa panecotsinyo xometo. Opiteino jopa panecotsinyono. Pajunuwan. Pananta xeinan: “Metha aparaunxuae jopa nacapanenebiya tsainchi. Bunothopaeinchi aunxuae”, pajan.

²¹ Ainya matababin pana yapu xenaca xua jopa panabanaeinyo. Pablo nontapona. Barapomonaē baraichi, jeye:

—Bara bayatha paca tsipaebatsiba: ‘Creta tunaeto beya, jopa pawarapaeinde’, paca baraichiba. Daumetha equeicha pawarapame. Daxota aunxuae jera abe exana. Matautano pananta puxanamo xuaunxuae pabebam xoxi pacaponaē.

²² Ichitha saya jopa pajunuwinde. Jopa pajiwana tupaem tsane, bequein meisa jera naxubina.

²³ Merawi matatsunpin netsita naituta. Barapo matatsunpin Nacom itoroba pon Tanacom xuano xua taexanaexae pocotsiwa bapon neitoroba.

²⁴ Barapo matatsunpin nebarai: ‘Pablo jopa junuwinde poxoru bexa tsane romanomonaē itorobiya pia pepa peewatsinchi pon Augusto, peitabaratha tatsi uncuae-name. Daxota pomonaē xua napona cata capanepatsi Nacom’, nejei matatsunpin.

²⁵ Daxota, paxam pana najuntu coyene tsacabare, poxoru xan nanta xeinan xua pocotsiwa matatsunpin netsipaeba bara baxua exanaena.

²⁶ Ichitha petunaetotha naca monapentsina, jei Pablo.

²⁷ Poxonaē catorce po matababibe tsuxubi, barapoxonaē mar mene pacaxiban. Barapo pepa mar mene pewun Adriático mene. Barapo mentha joibo pana yana muxunenababa. Merawi papaetha, pomonaē petanacuichiwi barapo naetha, barapomonaē nanta xeina xua imoxoyo ira itiya pona.

²⁸ Barapomonaē mene epa tutu canaũbareca. Treinta y seis po mu epatiyobe xeina xua iratha deca. Caeto equeicha mene epa tutu canaũba, baxota veinte y siete po mu epatiyobe xeina xua iratha deca.

²⁹ Barapomonaē pejunuwixae xua jera tofotabina poxonaē yutabina ibowantha, daxota barapomonaē po nainto arewe, xua jera duntaba exanaduta petafe xoreca. Cuatro po naintobe xoreca peruntaba exanadutsinexa. Matautano barapomonaē Nacomtha waca xua xometo pentha tsane, penecotsinexa tsane.

³⁰ Pomonae petanacuichiwi barapo naetha barapomonae nanta xeina xua peracupaewa. Daxota barapomonae naemata po nainto arewe dureca pebuxhgesa. Ichitha tsiqui naeyo mentha durecano, poxoru pia namicha ducupaetsi barapo naeyotha.

³¹ Pablo barai Julio, pon soldadomonae pia pentacaponaein tatsi, xuano baraino soldadomonaetha, jeye:

—Icha pomonae petanacuichiwi barapo naetha icha jopa enae tsane barapo pin naethe, jopa Nacom capanenebiyae tsane, jei Pablo.

³² Daxota soldadomonae jeriyo ma ucuiba. Jeriyo mentha jopeica.

³³ Poxonae caemumbo, Pablo pijiwimonae jain itoroba. Pablo pijiwimonae barai, jeye:

—Bayatha dos po semanabe painya junuwi jopa bichocono panabanaem poxoru pajuuwame xua pabunothopame.

³⁴ Daxota pin jumetha paca jeichichi. Moya matha paxaema tsipei baxua ainya cui xua painya nenacapanenebiyaeenam. Bara caein jopa napuxanae tsane. Matautano jopa caentanatiyo aichurucuae tsane.

³⁵ Poxonae Pablo najume weta, pecobetha pan pita, Nacomtha tsipaeba barapomonae peitabaratha tatsi. Barapoxonae pan epa janaxuba. Bapoxonae xane.

³⁶ Bapoxonae barapomonae najuntu coyene tsacabarucupa. Matautano barapomonae daxita juntema nabanerucupa.

³⁷ Jerapiwi doscientos setenta y seis po matabuxhmonaebe pan xua daxita pan.

³⁸ Poxonae barapomonae najain wetarucupa, daxita barapomonae trigo xu bebai pepa mentha poxoru bepa jera tafafanaetsei.

Meje yabara poxonae jera bunareca

³⁹ Poxonae xometa baya penta tsina, pomonae petanacuichiwi barapomonae jopa yaitaeyo ira, po iratha muxu pepatsi. Poxonae barapomonae pexutoroto tane, barapomonae nanta xeina xua juntucuru jebounaena taetabo itapatha.

⁴⁰ Daxota barapomonae nayana ma ucuiba, xua po nainton arewe mene bupana bobendeca. Po catenano pecabobotsi catena, barapo catenano isanaxoreca. Nexata paparuwa duta wera naetha. Barapo wera pebuxhtha duta. Jera nainya cacuita caputabiya ira.

⁴¹ Ichitha barapoxonae barapo nae ichaxota tsewa tuwutha naxatatabarena. Buxh naxatatabuncua bichocono. Petafe fotaba maratsacatha.

⁴² Soldadomonae bepara jutebei pomonae peteiquebi jiwichi, tsipei poxonae mentha othopaena mexeya itara ducupaenawei.

⁴³ Ichitha soldadomonae pia pentacaponaein tatsi, bapon Julio, ichipa xua Pablo asu popona. Daxota Julio jopa yabara jume copatsiyo xua jutebinchi pomonae peteiquebi jiwichi. Bapoxonae Julio itoroba pomonae yaputane xueiba, copiya pepatsinexa tsane pepa iratha.

⁴⁴ Pomonae xua jopa xueibiyo napaewan cobena xueibiya. Matautano barapo jera pepan cobena xueibiya. Daxota daxita panenebiya pepa iratha.

28

Meje yabara poxonae Pablo Malta tunaetotha patopa

¹ Poxonae po tunaetotha papanenebiyan ichamonae pana tsipaeba: “Apara Malta tunaeto”, jei.

² Malta tunaetopiwi beta pana matenta weiweinaya waba. Bichocono ema duna. Ema pana atsana. Aqueno. Daxota barapomonae pin isoto itutaeta. Bapoxonae barapomonae pana waba: “Antha panonopenare”, jei.

³ Pablo isoton nota po isoton tsewa. Poxonae barapo isoton pepa isototha bebebeya, barapo isotontha jomo athabe jopeina poxoru bichocono atou. Pablo cobe sinaducuatasi barapo jomo.

⁴ Malta tunaetomonaepiwi, Pablo cui tainchi xua jomo cobe sinaducuatasi. Barapomonae nantiya natsipaeba, najei: “Barapo pebin aparta pon jowi pejutebin. Bequein panepa pepa mar mentha ichitha barapo nacom, po nacom pewan Justicia, bapon itoroba jomo pesinarucuaenexa tsainchi, xua bapon jopa pepoponaenexa tsane”, jei barapomonae.

⁵ Ichitha Pablo nacobe nunutaba jomo isototha. Saya axaibi tsuncuae Pablo.

⁶ Daxita barapomonae Pablo cui necotumeinchi xua cobe putsunanaya yawa icha iratha jopiyaena petupaen. Bayatha cui wenaewatumena. Poxonae baxua jopa daichiyo, daxota equeicha ichawa nanta xeinarucupa: “Metha moya bara Pablo nacom tsecae”, jei bapomonae.

⁷ Ichaxota isoto, baxota ainya iran bobena Malta tunaeto peewatsin, bapon pia iran tatsi. Bapon, acoibi po matabibibe beta pexaewa pana apata. Baxota yawa pamaitenan. Bapon pewan Publio pon iran pata tan.

⁸ Publio paxa tatsi camatha boca. Domaebatsi. Suibatsino. Pablo barapo tutu bejoniya ichaxota bapon boca. Bapoxonae Pablo cobe jayabiya tsipaeba Nacomtha. Bara bapon axaibi tsanaya.

⁹ Poxonae baraxua exana Pablo, daxita Malta tunaetomona, pomona peatenewi, baxota pata. Iru Pablo axaibi exanaru daxita barapomona.

¹⁰ Malta tunaetomona pana baru cui itura jina nawita. Bapoxonae poxonae equeicha pawaraparu cupan jeratha, pana nepu catsiba xua xoxi pata nantawenonaenexa poxonae weratha pawarapan.

Meje yabara poxonae Pablo Roma tomaratha patopa

¹¹ Poxonae acoibi po xometiyobe payapucaeawan barapo Malta tunaetho, barapoxonae pawarapan. Pawarapan weratha po naetha po nae barapo Malta tunaetho ayawubo tsuncuae. Barapo nae Alejandria tomara werena peponae nae. Barapomona barapo naetha petafetha cuareta naewiyo be jitonyobe. Saya canaxoba pia nacombe. Icha nacom pewun Cástor. Icha nacom pewun Pólux.

¹² Siracusa tomaratha pajebounan. Barapo tomaratha acoibi po matabibetha paenan.

¹³ Barapo tomara wepawarapiyan, Siracusa tomara weya. Bapoxonae Regio tomaratha papatan. Icha matabibetha joibo wexubiye Puteoli tomara bepana yanacaicha ainya merawibe. Baxota papatan Puteoli tomaratha.

¹⁴ Baraxota pacaxiban pomona iru pejume cowantsiwichi Jesús. Barapomona pana waba: "Cae semanatha pana baru enare", jei. Bapoxonae equeicha Roma tomara bepawarapiyan. Pecaie payiyan.

¹⁵ Pomona iru pejume cowantsiwichi Jesús, Roma tomaramonaepiwi, cou pana yabara jume tane xua imoxoyo papatan. Daxota cou ichamona pana siwa dendena pecaerena. Foro de Apio tomara beparena. Ichamona Tres Tabernas tomara beparena pia pana taetsi. Poxonae Pablo barapomona tane, Nacomtha tsipaeba. Pablo juntu coyene sadujei xua juntema pepoponaewa poxonae tane pomona pejume cowantsiwichi Jesús.

¹⁶ Poxonae Roma tomaratha papatan, soldadomona pia pentacaponaein tatsi, copata xua Pablo bara saya pepoponaenexa icha botha, xuano xua saya caein Pablo peyapu eenaenexatsi soldadomonaepin.

Meje yabara poxonae Pablo Nacom pexeinya jume diwesi paeba Roma tomaratha

¹⁷ Poxonae acoibi po matabibetha yapucaewa, Pablo najume caruta ichamonaetha petawabinexa tsainchi Roma tomarapiwi, pomona judiomona pia pentacaponaei tatsi. Poxonae barapomona pata, Pablo barai barapomona, jeye:

—Tamona, jopa abe exanaeyino wamonaetha pomona judiomonaexae. Matautano bequein jopa abe exanaeyino wamo susato jiwi piamona pia coyene cuitha tatsi, ichitha barapomona newaetaba. Matautano jiwi pecubi botha necapona Jerusalén tomaratha xua romanomona pia pentacaponaei tatsi pia xantha tatsi.

¹⁸ Barapomona, romanomona, neyabara yainyaba nawita xua icha abe exanan. Ichitha barapomona neyaputane xua jopa abe exanaeyino. Daxota barapomona ichipi xua saya tana necopatabiwa tsane. Romanomona aichaxaibi xua jemeicha saya nenacui cayantomata xua tana nebexubiwa tsane tsipei pinae jopa abe exanaeyino.

¹⁹ Ichitha judiomona neapusiwa xua jopa taponae wa tsane. Daxota bewa wucaein xua taponae wa tsane romanomona itorobiya pia pepa peewatsinchi beya, xua tana neyabara paebinexa tsane icha metha abe exanan. Baxota ponan bequein jopa xeinaeyino xua po coyene tayabara paebiwa tamona xua abe exana.

²⁰ Daxota paca wabatsi tha paca cataetsi xuano xua tha panejume taeicham. Waxainchi israelomonaetsi wnae ewatatsi pon Nacom itorobicaeba. Tajume cowantsixae baxua daxota anoxuae penainto tamaxutha ducua, jei Pablo barapo pentacaponaei witha.

²¹ Barapoxonae romanomona Pablo baraichi, jeichichi:

—Jopa paima patopaeyo carta Judea nacua werena xua xam necayabara tinaewa. Po judiomona, Judea nacua werena pata pomona patamona, barapomona jopa abe cayabara paebiyo.

²² Paichichipan paca jume tainchi xua jinya coutha nanta xeiname. Poxoru daxita nacuan pajume tan, xua Jesús pia pena pecuidubi coyenewan tatsi abe yabara paeba, jei barapo judiomona pia pentacaponaei tatsi xua Pablo tsipaebatsi.

²³ Pablo muxu tsipaebatsi po matabietha xua patsina. Barapo matabietha Pablo pia botha tapatatsi pin bicheito. Pablo baya tamropata pitaba xua tsipaeba barapomonaetha, beya yapentha. Pablo jume daunweya yabara cueicueije barapomonaetha po diwesi po coyene xua Nacom waba jiwi petanaexanaenexatsi piamona tatsi poxonae Jesús jume cowantsi. Matautano tsipaeba barapomonaetha Jesús yabara xua Jesús apara pon Moisés

yabara paeba pia peitorobi coyenewatha. Matautano Jesús apara pon Nacom pia peitorobi jume pepaebiwi yabara tina pia petinae diwesiintha.

²⁴ Xua Pablo po jume diwesi paeba, ichamonae jume cowanta poxonae cataunxuaera ichamonae jopa jume cowantsiyo.

²⁵ Barapomonaeb be ainya bicheitobe natsicotane. Daxota bapomonaebe tamropata notarucpa xua peponaewa. Pablo namchi, jeye:

—Po diwesi Nacom pia Pejumope tanaxu tatsi cata xua Isaías catatsi xua bapon petsipaebinxaxua xua wamo susato jiwi petsipaebinxatsi, barapo diwesi po diwesi pexeinya diwesi, xua jeye:

²⁶ Ponde, barapomonaethano jande:

Pajume taneme ichitha jopa xapain payabara jume yaputaem pocotsiwa pajume taneme.

Pataneme painya itacueretontha ichitha

jopa xapain payaputaem pocotsiwa panecotame.

²⁷ Barapomonaeb najuntu coyene ararana exana,

jopa peichichipaexae xua pejume taewa.

Matautano antaetabiya jume tane.

Barapomonaeb baraxuan exana,

poxoru jopa betaeyo peitacueretontha,

poxoru jopa bejume taeyono pemuxutontha,

yawa poxoru pejuntu coyeneintha jopa beyaputaeyo.

Barapomonaeb jopa ichipaeyo xua tana netsita

xeinaewa icha juntu coyene xua daxota jopa

neitacupaeyo xua tayabara junteinaewa

abe pia peexanae cuiru coyenein tatsi,

jeyei Nacom pia Pejumope tanaxu tatsi xua

Isaías cueicueijei exanatsi pinae, jei Pablo.

²⁸ Pablo cataunxuae cueicueijei, jeye:

—Anoxuae xuano bexa tsaneno payaputaename xua pomonaeb jopa judiomonaeb naexanaeyo jume taena Nacom pia pecapanenebiyae diwesi. Bara barapomonaeb beta jume naitawatsina.

²⁹ Poxonaeb Pablo najume weta natsixibarucpa judiomonaeb. Poxonaeb pona barapomonaeb yabara najume matsontsonoba xua Pablo paeba.

³⁰ Pablo Roma tomaratha popona ainya weibe. Pia botha eca xua saya tanacowaeicha eca. Barapo botha daxita matenta weiweinaya wabeiba pomonaeb pesiwa poneibixaetsi Pablo.

³¹ Pablo tayapu xanepanatsi xua pepoponaewa. Barapoxonaeb Pablo barapomonaetha yabara tsipaeba po diwesi po coyene Nacom waba jiwi petanaexanaenexatsi pijimonaeb tatsi pomonaeb itorobiya peewatsixae. Matautano yabara cuidubano xua Jesucristo yabara, pon Pecanamataxeinaein jiwi. Romanomonaeb pia pentacaponaein tatsi Pablo jopa cui matawentichi.

Baja Lucas.

Meje Po Carte Pablo Tatina, Roma Tomarapiwi Tatinatsi

Meje yabara poxonae Pablo tamropata pitaba xua tatina pomonaetha pomonae Roma tomarapiwi

¹ Xan, Pablon, apara pon tanacuichin amanaya Jesucristo nexa. Nacom newaba yawa tsana nenota xua necana exana Jesucristo pia peitorobi jivi jiwana tatsin xua tacueicuei-jeinexa Nacom pia pecapanenebiyae diwesi jume.

² Barapo pecapanenebiyae diwesi jume caena bayatha Nacom yabara tsiwinae muxu duta Nacom pia peitorobi jume pepaebi jiwitha poxonae barapomonae tina Nacom Pejume Diwesi xua Nacom yaputane exana, po diwesi xua Nacom pia pexeinya jume diwesi tatsi.

³ Barapo diwesi yabara tinatsi Jesucristo, pon Wanacanamataxeinaein, pon Nacom Pexanto tatsi. Poxonae bapon Jesucristo be jiton coyeneya naexana, xaniwaicha bapon David pia pemomoxi susato jiwana pinsi tatsi. Barapo David pon caena bayatha Israel nacuapiwi itorobiya pia pepa peewatsinchi.

⁴ Poxonae Nacom pia peayapusu itorobi coyenewatha Jesucristo pon Wanacanamataxeinaein asu exanatsi petuapae cuiru coyene weya, bapoxonae Nacom tsita itapeinya xeina jiwitha xua bapon Jesucristo bara Nacom Pexanto tatsi po pexantoxae tatsi pia jumope tuxaxu tatsi juntu coyene xanepana Nacomtha.

⁵ Jesucristo pata tana neantobexae, Nacom pana cata pocotsi coyene xua pana netsita coyene xanepana xua pata tana necana exanaewa tsane Jesucristo pia peitorobi jivi tatsi. Nacom pana itoroba pata cueicuei-jeinexa daxita nacua jiwitha xua barapomonae pejume cowantsinexa yawa xua peexanaenexa pocotsiwa xua Jesucristo itoroba.

⁶ Daxita barapomonae pomonae jume cowanta, paxam barapomonae jiwana pam. Nacom iru paca waba xua paxam Jesucristo piamonae tatsi jiwana pam painya nenaexanaenexa.

⁷ Daxita pam pacata tinatsi pomonae pajinompame Roma tomaratha, pomonae pam xua Nacom paantobem. Yawano Nacom paca waba xua bapon painya tsita nenajuntu coyenein xanepana exanaenexam tsane. Barabu Nacom, pon Waxa, iru Jesucristo pon jivi Pecanamataxeinaein baponbe paca yawenaenabe pia paca necaantobexae. Matautano baponbe barabu juntema jinompa paca cana exanaena.

Meje yabara poxonae Pablo ichichipa xua pesiwa ponaewa Roma tomara

⁸ Matha copiya Jesucristo wan caununaya tsipaeban Nacomtha, janje tsabin: "Nacom, yabara juntu coyene weiwein Roma tomarapiwi, tsipei daxita nacuan jivi yabara paeba xua pinae barapo Roma tomarapiwi xaniwaicha beta cajume cowanta", jan tsabin Nacomtha.

⁹ Ajuntuayapusu Nacom tanacuitan. Nacom tacueicueijan pia jume diwesi xua pocotsi jume Pexanto tatsi tayabara paeban. Barapon Nacom bara yatsicaewa neyaputane xua matowa paca yabara nanta xeinaeya tsipaebaponatsi barapo Nacomtha.

¹⁰ Nacomtha yainyabeiban xua icha bapon ichichipa xua bara metha neitacupaetsipa xua matapainya tapaca siwa ponaewatsi tsainchi.

¹¹ Paca siwa ponaeinchi tsipei bichocono ichichipan xua tapaca taewatsi. Ichichipanno xua tapaca cuidubiwatsi tsainchi xua Nacom pia Pejumope tuxaxu tatsi painya nepaca cayawenaenexa tsane painya juntu coyenewatha. Baroxonae paca juntu coyene ayapusu exanaena.

¹² Pocotsiwa xuaunxuae yabara paeban apara xua waxainchi caemonae nantiya wanajuntu coyene tsacabinexa xua juntema wajinompaenexa. Baxua nacana exanaeinchi poxonae wanatsipaebibeinexa Nacom Pejume Diwesi, po jume diwesi pajume cowantame xua iru jume cowantandu.

¹³ Tamonae pam, pomonae iru painya nejume cowantsiwixae Jesucristo. Ichichipan xua payaputaneme xua matowa ichichipeiban xua tapaca siwa poneibiwa tsaibi tsainchi. Ichitha beya anoxuae jopa neitacupaeyo xua tapaca siwa ponaewatsi. Ichichipan xua tapaca cuidubiwatsi Nacom Pejume Diwesi xua pejume cowantsinexa pomonae jopa copiya jume cowantsiyo, xua iru pejuntu coyene tsacabinexatsi pomonae copiya jume cowanta. Baxua barichin tsane icha bayatha ichin ichamonaetha xua poxonae yawenan pomonae jopa judiomonae naexanaeyo xua pejume cowantsinexa.

¹⁴ Nacom neitoroba daxita jiwitha. Daxota bewa cueicueijan tsane Nacom Pejume Diwesi daxita jiwitha, bequein metha bara tomarapiwi tsipae, ichacuiha metha bara

bequein unupiwi tsipae, bequein metha peyaputaewi tsipae, ichacuiitha metha bequein jopa peyaputaewi tsipae.

¹⁵ Daxota bichocono ichichipan xua paxam iru tapaca cuidubiwatsi tsainchi Nacom Pejume Diwesi pomonae pamxaem xua painya nejinompaewi pam Roma tomaratha.

Meje yabara xua Nacom Pejume Diwesi xeina peyapusu itorobi coyenewa xua jiwi pecapanenebiwatsi

¹⁶ Jopa ajumeurinyo xua tacueicueijejiwa Nacom pia pexeinya jume diwesi. Poxonae jiwi jume cowanta barapo diwesi, Nacom capanenebiya exana barapomonae abe pia peexanae cuiru coyenein weya tatsi pia peyapusu itorobi coyenewatha. Nacom capanenebiya pomonae pia pejume cowantsiwichi, matha copiya judiomonae, bapoxonae iru pomonae jopa judiomonae naexanaeyo.

¹⁷ Barapo diwesi naca yaputane exana xua Nacom naca cana juntu coyene xanepana exana bapontha, xua jopa watsita natsicuentisixae xua abe waexanaexae bapontha. Nacom baxua naca cana juntu coyene exana saya poxoru u meisa wayabara jume cowantsixae pocotsiwa exanapaeba, bapon. Nacom Pejume Diwesitha jeye baxua yabara: “Pontha, pon Nacom juntu coyene xanepana exana pia peyabara jume cowantsinxae si pocotsiwa exanapaeba bapon ataya tsitecaeya poponaena”, jei Nacom Pejume Diwesitha.

Meje yabara xua jiwi penatsicuentisiwa Nacomtha abe peexanaexae

¹⁸ Waxainchi yaputainchi xua Nacom anaepana pomonaetha pomonae abe peexanaewi. Daxota itorobica athawetsica po coyenetha xua barapo jiwi atene peexanaewatsi. Nacom anaepana, jiwi abe peexanaexae bapontha yawano abe peexanaexae ichamonaetha. Matautano barapomonae abe peexanaexae, jopa copatsiyo xua bara pia juntu coyeneintha peyaputaewa pexainyei jumein.

¹⁹ Barapomonae bewa xaniwaicha bayatha yaputaena po coyene xua Nacom pejuntu coyene tatsi. Tsipei bayatha Nacom tsita najuntu coyene ituta barapomonaetha.

²⁰ Jiwi jopa itacupaetsi xua paeba xua pinae jopa Nacom yabara yaputaetsi. Beya poxonae Nacom aena forota barapo cae pin nacue, jiwi yaputane xua Nacom xaniwaicha popona yawa pia peyapusu itorobi coyenewa bapana jopa weraweracae tsane. Jiwi yaputane baxua poxonae tane pocotsiwa Nacom forota bequein Nacom jopa taetsi. Daxota jiwi natsiaenae cuenta exana Nacomtha pia coutha poxonae abeya paeba xua pinae jopa yaputaetsi Nacom.

²¹ Bequein barapomonae yabara yaputane xua bara Nacom popona, daichitha barapomonae jopa baru cui itura jinaeyo Nacom ponxae xua yatsicaewa pia pepa Nacom tatsi. Yawano barapomonae jopa jei tsaihiyo Nacomtha: “Nacom, pajuntu coyene weiweinan xua pocotsiwa painta neexanaewamxae”, jopa jei tsaihiyo. Saya meisa barapomonae yabara nanta xeina dubenanebiya pocotsiwa xua pepawi. Saya abeya nanta xeina dubenanebiya xua daxota jopa yaputaeyo pexainyei jume.

²² Bequein barapomonae paeba xua pinae peyaputaewi daichitha be pomonae xua jopa xapain peyaputae jiwi naexanaeyo.

²³ Barapomonae jopa wunae jainchiyo Nacom, pon ataya tsitecaeya popona. Saya u wunae pejainchi ibo nacomun, po ibo nacomun be tsita jiwichi xua saya peweraweracae coyene. Yawano icha ibo nacomun exana xua xuan be peyapupunaewi, yawano po ibo nacomun be jomon xua petompacuetontha pona, yawano po ibo nacomun be duwein xua pecobe xeina yawa pesito xeina.

²⁴ Daxota Nacom copata xua barapomonae bara moya peexanaenexa abe peexanaewa be pocotsi coyeneya xua ichichipa. Bapoxonae barapomonae nantiya nata exana pocotsiwa xua aura exanatsi pia pepontha.

²⁵ Baxuan Nacom copata xua peexanaewa barapomonae, tsipei barapomonae jopa jume cowantsiyo Nacom pia pexainyei diwesi jume. Saya barapomonae itapeta u jume cowanta xua xuan penaerabi diwesi jumein. Pocotsiwan Nacom forota baxuan barapomonae be pia nacomun cana exana pejume cowantsinexa, matautano xua barapomonae pebaru cui itura jinaenexa xua wunae pejainchiwa nexa. Barapomonae jopa wunae jainchiyo pepa Nacom, pon daxita peforotsin. Barapon waxainchi bewa wunae jaintelbinchi xua ataya tsaihi tsane pia peexaneibixae waxainchi nexa. Je, bara ichi tsane.

²⁶ Daxota Nacom copata xua barapomonae bara moya peexanaenexa pocotsiwan xua aura exanatsi pia pepontha pocotsiwan abe coyenewa peichichipaewan. Matautano barapomonae pia yabuxi tatsi jopa equeicha exanaeyo po coyene yabuxi ba exana poxonae peichichipaewa pia pebin. Bapoxonae barapo yabuxi exana xua cae yabuxi naichichipa.

²⁷ Barichi pebiwi aichaxaibi po coyene pebiwi ba exana poxonae peichichipaewa pia pet-siriwa. Saya meisa bichocono penthatontha ichichipa exana xua cae pebiwi naichichipa. Barapo pebiwi nantiya nata exana pocotsiwa xua pin ura xeina exanatsi. Barapomonae

abe peexanaexae Nacomtha natsicuenta. Daxota Nacom copata xua barapomonae pia pepon atene nata exana.

²⁸ Poxoru barapomonae jopa ichipaeyo xua jopa pejume cowantsiwa Nacom, daxota Nacom copata xua barapomonae moya bara abeya penanta xeinaenexa. Matautano Nacom copata xua barapomonae bara moya exanaena pocotsiwan jopa bewa exanae pocotsiwa xua abe.

²⁹ Barapomonae jopa juniya juntu coyene yucaetsi xua peabe coyenewan. Barapomonae nasi cui weiweina exanaduta, yawano abe exana ichamonaetha. Yawano exana xua ichichipa pocotsiwa ichamonaе xeina. Yawano ichichipa xua ichamonaе atene exanatsi. Barapomonae uwa, ichamonaе uwatsi. Yawano barapomonae juteba, ichamonaе jutebatsi. Yawano penabi coyene exana. Yawano barapomonae jiwi muxujainyaba nawita. Yawano barapomonae bichocono piamonaе caseba nawita. Yawano caemonaе nabaru xapaxapei xua ichamonaе abe yabara paebatsi.

³⁰ Yawano barapomonae jume atsaquiya abeya yabara paeba xua ichamonaе pocotsiwa exana. Barichi barapomonae Nacom casebatsi. Yawano barapomonae biatane ichamonaе. Yawano pia coutha penayabara paebiwi xua pinae peainya cui jiwi. Yawano barapomonae peaebiwi xua ichamonaе aebatsi. Yawano jeita nawita pocotsiwan xua peabe coyenewa. Yawano jopa exanaeyo pocotsiwan xua paxeimi itorobeibatsi.

³¹ Barapomonae jopa ichichipaeyo xua Nacom peyabara yaputaewatsi. Yawano barapomonae jopa jume xainyeya exanaeyo pocotsiwan xua exanapaebeiba. Yawano barapomonae jopa xapaın antobeyo ichamonaе. Yawano barapomonae jopa ichamonaе yabara juntemainaetsi xua abe exana. Yawano barapomonae jopa ichamonaе xapaın yabara nanta xeinaetsi xua peyawenaenexatsi.

³² Barapomonae yaputane pocotsiwa xua Nacom itoroba. Yawano barapomonae yaputane xua pomonaе barapo peabe coyenewan exana bewa werapaena. Bequein barapomonae yaputane baxuan ichitha awiya abe eexanapona. Yawano barapomonae juntu coyene weiweina, poxonae ichamonaе ira barapo peabe coyenewan exana.

2

Meje yabara xua Nacom yabara paebina penatsicuentsiwa jiwi, xua yatsicaewa pexainyei coyenewatha

¹ Paca tsipaebatsi paxam judiomonaе jiwana pam pomonaе xua ichamonaе pecayabara nanta xeinaewichi xua icha abe exana xuano xua icha jopa abe exanaeyo. Paxam jopa bewa pajam tsane ichantha: “Xam abe exaname, natsicuenta exaname Nacomtha”, jopa bewa pajam tsane. Tsipei poxonae ichan payabara paebame xua penatsicuentsiwa xua abe peexanaewaxae, apara painya coutha panatsicuentame Nacomtha xua abe painya neexanaexae. Poxoru bichocono abe painya neexanaewi icha ichi pomonaе payabara paebame xua penatsicuentsiwa xua abe pia peexanaewaxae.

² Waxainchi yaputainchi xua Nacom yabara paebina daxita jiwi xua penatsicuentsiwa xua abe peexanaexae xua yatsicaewa pexainyei coyenewatha xua abe peexanaexae bapontha. Poxonaе Nacom yabara paebina xua penatsicuentsiwa jiwi, bapon paebina xua pomonaе barapo peabe coyenewan exana bewa peraxa jubebinchi xua atene tsane.

³ Paxam ichan payabara paebame penatsicuentsiwa xua abe pia peexanaewaxae. Apara painya coutha panatsicuentame Nacomtha xua ira paxam painya nebarichiwatham xua abe painya neexanaexae. Paxam jopa paca itacupaeyo xua painya nepanenebiwa poxonae Nacom atene exanaena xua poxonae yabara paebina jiwi xua penatsicuentsiwa xua pomonaе abe peexanaewi.

⁴ Paxam paichaxaibim poxonae Nacom bichocono peichichipaexae xua painya nepaca yawanaewa xua painya nepaca antobexae. Yawa paxam paichaxaibim poxonae Nacom abu saya juntema ewata xua beta pacata exanaena xua pomonaе pamxaem xua pajume cowantsiname yawa atene paca exanaena pomonaе pamxaem jopa painya nejume cowantsiwi. Nacom baxua exana pia xua paxam painya auratsi abe painya neexanaexae. Yawano pia painya bapoxonaе Nacom wucaetsi xua painya nepaca cayabara juntemainaenexa painya abe exanae coyenewan.

⁵ Paxam ainya anthton paxeiname. Yawano jopa paichipaem xua icha junte coyene painya tsita xeinaewa Nacom. Daxota paxam mataropeicha paexanaponaе xua pocotsiwan abe. Daxota bexa Nacom paca yabara anaepanaena xuano atene paca exanaena painya tsita natsicuentisixae po mataqueitha Nacom paebina xua bewa atene exanaeinchi pomonaе barapo peabe coyenewan exana. Nacom yabara paebina jiwi xua penatsicuentsiwa xua abe peexanaexae xua yatsicaewa pexainyei coyenewatha abe peexanaexae bapontha.

⁶ Nacom catsibina pentoman daxita carepaya jiwitha xua pocotsiwan pia petanacuichi-wixaetsi. Pomonae abeya tanacuita xuya abeya matoma catsibebinchi. Pomonae wanaeya tanacuita xuya wanaeya matoma catsibebinchi.

⁷ Ichamonae Nacom peajuntuyapusu coyenewa catsibina pomonaetha pomonae jopa aitaconaeya exana dubenanaebiyayo pocotsiwa Nacom ichichipa. Barapomonae ichichipa nawita xua po coyene Nacom petsita xanepanaewa tsainchi. Matautano barapomonae ichichipa nawita pia pebaru cui itura jinaewa Nacomtha. Matautano barapomonae ichichipa nawita xua pia xeinaetsi peajuntuyapusu coyenewa po peajuntuyapusu coyenewa ataya tsiteca.

⁸ Ichamonaetha, Nacom anaya exanaena xua atene exanatsi barapomonae pomonae saya u piawa nata exana. Yawa Nacom atene exanaena pomonae jopa jume cowantsiyo Nacom pia pexainyei jume diwesi. Barapomonae Nacom bichocono caseba itapeta peichichipaewaxae xua abe coyenewa peexanaewa.

⁹ Atene exanebinchi yawa ajunturewe exanebinchi daxita pomonae abe coyenewan peexanaewi, matha copiya pomonae judiomonae, bapoxonae iru catsibinchi pomonae jopa judiomonae naexanaeyo.

¹⁰ Ichitha nama Nacom seicaya catsibina pomonaetha pomonae xanepanaya betiya peexanaewi po coyenewa xua Nacom petsita xanepanaewa tsainchi. Yawano catsibina po coyenewa xua pebaru cui itura jinae coyenewa. Yawano catsibina po coyenewa xua juntema pejinompae coyenewan. Matha copiya catsibinchi judiomonae, bapoxonae iru catsibinchi pomonae jopa judiomonae naexanaeyo.

¹¹ Barapomonaethabe Nacom catsina barapo coyenein tsipei Nacom tsita najupatsi daxita jiji.

¹² Pomonae jopa judiomonae naexanaeyo daxita barapomonae yaputane poxonae abe exana pia peitorobi coyenewan pexinaexae. Icha barapomonae awiya eexanapona pocotsiwa xua abe, Nacom tsita natsicuentatsi. Barapomonae werapaena abe peexanaexae bequein jopa yaputayo Moisés pia peitorobi coyenewa tatsi. Pomonae judiomonae barapomonae yaputane Moisés pia peitorobi coyenewa tatsi. Daxota yaputane poxonae abe exana. Poxonae barapomonae abe eexanapona Nacom tsita natsicuenta exanatsi abe peexanaexae, poxoru yaputane Moisés pia peitorobi coyene tatsi.

¹³ Pomonae jume tane Moisés pia peitorobi coyenewa tatsi xuano exana pocotsiwa itoroba, barapomonae Nacom tsita juntu coyene xanepanatsi. Pomonae saya jume tane Moisés pia peitorobi coyene tatsi daichitha jopa exanaeyo pocotsiwa itoroba, barapomonae Nacom jopa tsita juntu coyene xanepanaetsi.

¹⁴ Pomonae jopa judiomonae naexanaeyo barapomonae jopa xeinaeyo Moisés pia peitorobi coyenewa tatsi. Ichitha ichacuitha barapomonae exana xua be pocotsi coyene Moisés pia peitorobi coyenewatha itoroba. Baxua barapomonae exana, tsipei pejuntu coyenewantha yaputane pocotsiwa xua abe xuano pocotsiwa xua xanepana bequein bara jopa xeinaeyo Moisés pia peitorobi coyenewa tatsi. Poxonae baxuan exana be barompaya pia peitorobi coyenewan xeina pia juntu coyenewantha.

¹⁵ Poxonae barapomonae beta exana, baxua itapeinya xeina xua barapomonae pia juntu coyenewantha xeina Nacom pia peitorobi coyenewa tatsi. Barapomonae yacuiya naexana. Barapomonae pia juntu coyenein yaputane cana exanatsi xua poxonae wanae exana xuano xua poxonae ichacuitha abe exana.

¹⁶ Jemeicha jopaena matakabi po mataqueitha poxonae Nacom itorobina xua Jesucristo yabara paebina daxita jiji xua pia penatsicuentasiwa xua abe peexanaexae Nacomtha. Barapo mataqueitha Jesucristo yabara paebina jiji xua penatsicuentasiwa xua abe peexanaexae xua pocotsiwan namicha abeya peexanaexae matautano pocotsiwan namicha abeya penanta xeinaexae. Baraxua Jesucristo bara exanaena icha be pocotsi coyeneya peaban poxonae cueicueijan Nacom pia pexeinya pecapanenebiyae diwesi jume.

Meje yabara xua judiomonae yawa Moisés pia peitorobi coyenewa tatsi

¹⁷ Paxam papaebame, pajam: “Paxan seicaya judiomonaepiwi pan”, pajam. Pananta xeiname xua Moisés pia peitorobi coyenewa tatsi paca capanepaena. Atsaquiya papaebame xua barompaya painya nacom, yatsicaya pepa Nacom.

¹⁸ Barichi paxam papaebame xua pinae payaputaneme pocotsiwa xua Nacom pia peichichipae coyenewa. Matautano papaebame xua pinae Moisés pia peitorobi coyenewa paca cuiduba xua painya neitapetsiwa po coyene xua pexainyei coyenewa.

¹⁹ Matautano atsaquiya papaebame, pajam: “Paxan pacuiduban pomonae jopa peyaputae jiji Nacom. Yawa jume cowanta pacana exanan pomonae jopa jume cowantsiyo Nacom”, pajam.

²⁰ Paxam pananta xeiname xua paca itacupa xua pacuidubame pomonae Nacom jopa peyaputae jiwi. Barichi pananta xeiname xua paca itacupa xua yaputane pacana exaname pomonae pena pejume cowantsiwi. Paca itacupa barapo ainya coyenewabe painya neyaputaexae Moisés pia peitorobi coyenewa xua xeina pexainyei yaputae coyenewan.

²¹ Poxonae ichamonae po coyenein yabara pacuidubame paxam jopa apara matha pajume yabara cowantsiya exanaem barapo coyenein. Paxam pacuidubame pocotsi coyenewa xua jopa bewa caibi ichamonaetha xua iru painya barichiwathamdu.

²² Paxam pacuidubame xua jopa bewa ichun piowa tatsi tapichichi xua iru painya barichiwathamdu. Paxam papaebame xua pinae paaichaxaibim ibo nacomun, ichitha paxam pacaibame pocotsiwan xua jeba ibo nacomun pia botha tatsi.

²³ Atsaquiya papaebame xua paxeiname Moisés pia peitorobi coyenewa. Ichitha iru apara paxam jopa paexanaem xua painya nebaru cui itura jinaewa Nacom, poxonae jopa payabara jume cui coyeneya exanaem barapo Moisés pia peitorobi coyenewa. Daxota ichamonae jopa Nacom baru cui itura jinaetsi.

²⁴ Daxota Nacom Pejume Diwesitha jeye: “Apara paxam painya coutha pam poxonae pomonae jopa judiomonae naexanaeyo Nacom abe yabara paebatsi tsipei copiya paxam abe paexaname”, jei Nacom Pejume Diwesitha.

²⁵ Paxam judiomonae pam, xua pebiwi pam paca wi thaba poxonae cataunxuae pexui pam. Paca jumapa peru muxunene caxica xua ichaxota pebiwichi xeinatsi ichaxota pana nareixacaeiname. Baxua paca cana exana poxoru Moisés pia peitorobi coyene paca itoroba xua painya tsita itapeinya xeinaenexa xua bara apara Nacom piamonae tatsi pam. Barapo coyenewa xua Moisés pia peitorobi coyene tatsi paca yawena xua Nacom pajume cowanta dubenanaebiyame icha paexaname daxita pocotsiwa Moisés paca itoroba. Ichitha icha jopa paexanaem pocotsiwa xua Moisés paca itoroba jopa paca yawenaeyo xua Nacom pajume cowanta dubenanaebiyame bequein paca wi thabitha tsipae.

²⁶ Pon jopa wi thabichi poxonae bapon exana pocotsiwa Moisés pia peitorobi coyenewatha itoroba, Nacom tsitatsi be xua bapon bayatha apara wi thabatsi. Nacom tsitatsi xua bapon bara pijimonae jiton tatsi bequein bara jopa wi thabichi.

²⁷ Ichacuitha pebiwi bequein jopa wi thabichi, daichitha exana pocotsiwa Moisés pia peitorobi coyenewatha itoroba. Barapomonae paca juntu cui coyene yabara nanta xeinaena xua icha abe paexaname Nacomtha xuano xua icha wuna paexaname Nacomtha. Bequein payaputaetham Moisés pia peitorobi coyenewa xua petinae diwesi, ichitha jopa payabara jume cuiya exanaem pocotsiwa barapo Moisés pia peitorobi coyenewatha paeba.

²⁸ Pon jiwi tsitatsi xua pepa judiomonaepin saya poxoru pewi thabixaetsi xua pepontha, bapon Nacom jopa tsitatsi xua pia jiton tatsi.

²⁹ Jame xua pepa judiomonaepin penaexanaenexa tsane, saya jame poxonae Nacom juntu coyene xanepana exana barapo jiton xua Nacom jopa bapon tsita natsicuentichi abe peexanaexae pia juntu coyenewatha. Poxonae jiton xaniwaicha wi thabatsi, apara baxua, xua poxonae jiton xaniwaicha jume cowanta pejuntu coyenewatha Nacom. Pocotsiwa xua Moisés pia petinae coyenewa, jopa exanaeyo xua jiton icha juntu coyene pexeinaewa Nacomtha xua pexanepanaewa. Saya apara meisa Nacom pia Pejumo pe tynaxu tatsi baxua exana. Jiwi wunaeya yabara paeba pomonae xua pewi thabiwichi. Ichitha nama Nacom wunaeya yabara paeba pontha pon icha juntu coyene xeina bapontha xua pexanepanaewa.

3

¹ Metha beya ichun yainyabichipa jei tsipae: “¿Eta po coyene, po coyene Nacom tsita xanepanatsi, po coyene beta wepu toxeinchiya exana pomonae judiomonae xua wepu beta toxeincha exanatsi pomonae jopa judiomonae naexanaeyo? ¿Eta po coyene, po coyene Nacom tsita xanepanatsi, po coyene beta wepu toxeinchiya exana pon pewi thabinchi xua wepu beta toxeincha exanatsi pon jopa pewi thabinchi?” jei tsipae.

² Metha jume notsipan bapon, jan tsipae: “Apara bara bichocono jopa juniya xanepanaeyo xua penaexanaewa judiomonae xuano xua wi thabatsi, poxoru copiya Nacom Pejume Diwesi nacana jume diwesi cata judiomonaetha”, jan tsipae.

³ Ichacuitha metha beya equeicha bapon yainyabichipa jei tsipae; “Daichitha ¿eta bichi tsipae icha barapomonae jiwana nacui barapentsipa xua jopa peyabara jume cowantsiwa xua Nacom hexa exanaena pocotsiwa Nacom yabara tsiwuna muxu duta? ¿Daxota metha Nacom xuya nacui baraxubichipa xua jopa equeicha peexanaewa pia peyabara tsiwuna muxu dutsiwa?” jei tsipae.

⁴ Metha jan tsipae: “Jume, apara Nacom bapana jopa baxua exanae! Apara jame Nacom daxitan pexainyeiwantha exaneiba. Nacom bewa exaneibina baxuan bara bequein jiwi

pemuxitorobi jiwi. David baxua yabara paeba Nacom Pejume Diwesitha xua Nacom tapaebatsi, jeye:

‘Nacom, poxonaе cueicueijam jiwi yaputaena xua xam xainyeya bara nepaebin.

Bapoxonaе jiwi jume amanayabame poxonaе baxua exaname poxonaе bequein jiwi cayabara paeba xua abe exaname’, jei David Nacom Pejume Diwesitha”, jan tsipae.

⁵ Ichitha metha ichamonaе jume coxonaya najume matsontsonobichipa jei tsipae: “Poxonaе waxainchi abe exanatsi bapoxonaе Nacom naca atene exana. Abe waexanaе coyenewantha jiwi tsita itapeinya xeinatsi xua bara Nacom aichaxaibi abe peexanaе coyenewa xua bara Nacom xanepanaya peexanaein. Daxota abe waexanaе coyenewatha Nacom yawenatsi. ¿Eta xua metha yabara paebinchi baxua? ¿Metha Nacom jopa xaniwaicha exanaeyo icha naca atene exana abe peexanaе cuiru coyene waexanaexae?” jei tsipae barapomonaе, xua saya paeba icha jiwi ichi pomonaе jopa peyaputae jiwi.

⁶ Metha barapomonaе jume notsipan, jan tsipae: “jume apara, baxua jopa xainyeyo! Icha Nacom jopa xaniwaichiya exanaetsipae poxonaе naca yabara paeba xua penatsicuentisiwa bapoxonaе jopa itacupaetsipaetsi xua daxita yabara paebatsi jiwi xua penatsicuentisiwa xua abe peexanaе cuiru coyene peexanaexae. Ichitha Nacom apara xaniwaichiya exana daxota itacupaetsi xua daxita jiwi yabara paebatsi penatsicuentisiwa”, jan tsipae.

⁷ Metha ichamonaе jei tsipae: “Nacom jopa bewa naca yabara paebi penatsicuentisiwa tsane wanaca yabara paebinexa xua abe waexanaewan poxonaе naerabiya cueicueijeichi. Poxoru poxonaе naerabiya cueicueijeichi ichamonaе tsita itapeinya xeinatsi xua Nacom seicaya exana xua Nacom bichocono xainyeya pepaebin xuano xua Nacom bara peainya cuin”, jei tsipae barapomonaе.

⁸ Ichamonaе iru jei tsipae: “Daxota waxainchi bewa abe exanaeinchi, xua watsita itapeinya xeinaenexa xua Nacom bara xainyeya pepaebin”, jei tsipae barapomonaе. Barapomonaе naerabiya paeba xua pinae xan barapo coyene cuiduban ichamonaе. Barapo naerabiya pepaebiwi xua neyabara jume caenaeraba, barapomonaе Nacom tsita natsicuentinchi abe taneyabara paebixae.

Meje yabara xua daxitatsi pomonaetsi pomonaе Nacom watsita natsicuentisiwichi abe waexanaexae bapontha

⁹ ¿Waxainchi pomonaе judiromonaetsi Nacom tsitatsi xua jopa wanatsicuentisi jiwichi xua beyacaincha pomonaе jopa judiromonaе naexanaeyo xua naca toxeinchiya bichocono abe peexanaewi? Jume. Tsipei bayathaunxuae paeban: “Waxainchi judiromonaetsi iru pomonaе jopa judiromonaе naexanaeyo daxitatsi abe waexanaе jiwichi”, jan.

¹⁰ Nacom Pejume Diwesitha baxua yabara jeye:

“jDapomonaе ajibi pomonaе xua xanepanaya peexanaewi, xua matautano bara caeinno!

¹¹ Matautano dapon ajibi pon ichichipa xua peyabara yaputaewa pexainyei coyenewa.

Matautano dapon ajibi pon xua ichichipa penaponaewa Nacomtha.

¹² Daxita jiwi Nacom pentatsi yawano abe peexanaе jiwi bichocono.

jDapon ajibi pon xua xanepanaya beta exana, xua matautano bara caeinno!

¹³ Barapomonaе caunuta nawita pocotsiwa peabe jumein, icha muthu tsina ichi xua cawenabeina xua tuxamna baxoyareca pebocarecaexae pon tupa. Bapomonaе pepaebiwantha ichamonaе muxujainyabeibatsi.

Barapo pepaebiwantha ichamonaе ajuntacoyenetane exanatsi, icha jomo ichi xua ichun sinatsi poxonaе bichocono atene exanatsi pewano tsapa pexeinaexae.

¹⁴ Barapomonaе saya u cueicueijeji xua xuan peabe jumein, po jumein xua atsaca pepaebiwa.

¹⁵ Barapomonaе bichocono ichichipa nawita xua ichamonaе bichocono atene peexanaewatsi

xuano xua pejutebiwatsi.

¹⁶ Daxita ichaxota poneiba barapomonaе, ichamonaе abe exaneibatsi.

Matautano exaneiba pocotsiwa ichamonaе ajuntucoyenetane cana exanatsi.

¹⁷ Barapomonaе jopa yaputaeyo xua po coyene caemonaе nantiya junteма jinompa penaexanaе coyenewa.

¹⁸ Matautano barapomonaе jopa cunuwiyo Nacom xua abe peexanaeyainwatsi”, jei Nacom Pejume Diwesitha.

¹⁹ Waxainchi yaputainchi xua daxita Nacom paeba Moisés pia peitorobi coyenewatha baraxua judiomonaе nexa. Barapomonaе bewa exanaе Moisés pia peitorobi coyenewa tatsi. Ichitha judiomonaе jopa itacupaetsi xua peexanaewa barapo coyenewa. Barichi pomonaе jopa judiomonaе naexanaeyo jopa itacupaetsi xua peexanaewa baxua. Barapo coyeneya Nacom yaputane exana xua daxita jiwi jopa pepaebinxexa xua pinae jopa abe peexanaewa barapo jiwi. Matautano Nacom tsita itapeinya xeina jiwitha xua Nacom yabara paebina xua penatsicuentisiwa daxita jiwi xua abe peexanaexae bapontha.

²⁰ Dapon ajibi pon itacupaetsi xua pejeiwa: “Xan bichocono tajuntu coyene xanepanaein xua Nacom jopa tatsita natsicuentisixae abe taexanaexae bapontha. Tsipei daxita yabara jume cuiya exanan pocotsiwa Moisés pia peitorobi coyenewatha itoroba”, xua pejeiwa. Tsipei jame apara barapo Moisés pia peitorobi coyenewa tatsi naca yaputane exana xua waxainchi apara abe waexanae jiwichi.

Meje yabara xua jiwi capanenebiyatsi pejume cowantsixae Nacom

²¹ Ichitha anoxuae Nacom jiwi yaputane exanatsi po coyeneya bapon exana xua poxonaе jiwi juntu coyene xanepana exanatsi bapontha. Nacom jopa tsita natsicuentichi barapomonaе xua abe peexanaexae. Nacom baxua exana jopa poxoruyo xua peexanaexae pocotsiwa Moisés pia peitorobi coyenewatha itoroba. Moisés pia peitorobi coyenewa tatsi, iru Nacom pia peitorobi jume pepaebiwi paeba xua bewa jiwi Nacom tsita juntu coyene xanepanaetsi.

²² Nacom juntu coyene xanepana cana exana jiwi poxonaе barapo jiwi jume cowanta Jesucristo. Nacom bara daxita najuntu coyene juriya exana pomonaetha pomonaе pejume cowantsiwi Jesucristo, poxoru Nacom tsita najupatsi barapo pejume cowantsiwichi.

²³ Tsita najupatsi yaitama daxita jiwi peabe coyenewan exana. Yawano barapo jiwi taseicatsi po coyene xua Nacom tsita xanepanatsi barapomonaе.

²⁴ Ichitha Nacom peantobexae jopa tsita penatsicuentisiwatsi barapo jiwi. Baxua Nacom amanaya taexana. Nacom pentoma exana xua jiwi pejuntu coyene xanepanaenexa poxonaе Cristo Jesús naetha tsitupa, xua jiwi tsitupatsi.

²⁵ Nacom Pexanto itorobica, pon Cristo. Bapon jana pichapabarena poxonaе tsitupa jiwi pia peabe coyenewan tatsi. Nacom juntemaina jiwi pia peabe coyenewan poxonaе barapomonaе jume cowanta Cristo. Barapo coyenewatha Nacom yaputane exana xua bara juntu coyene xanepana cana exana jiwi xua jopa Nacom petsita natsicuentisiwatsi xua abe peexanaexae. Bayatha bapon beitatemaya cui taetaepona jiwi abe pia peexanae cuiru coyenewan tatsi pomonaе xua caena bayatha jinompa poxonaе cataunxuae Jesús jopa tupaeyo.

²⁶ Ichitha anoxuae Nacom yaputane exana jiwitha xua beta xanepanaya peexanaewa. Anoxuae Nacom jopa beitatemaya cui taeyo jiwi abe pia peexanae cuiru coyenewan tatsi. Apara jame Nacom juntu coyene xanepana cana exana jiwi poxonaе Nacom yabara juntemaina jiwi xua pia penatsicuentisiwa xua abe peexanaexae. Baxua exana daxita pomonaetha pomonaе pejume cowantsiwi Jesús.

²⁷ Daxota waxainchi jopa naca itacupaeyo xua atsaquiya nayabara peabatsi xua beta waexanaewa. Waxainchi jopa najuntu coyene xanepana exanaetsi bequein ichichipatsi xua waexanaewa pocotsiwa Moisés pia peitorobi coyenewatha itoroba, daichitha jopa exanaetsi. Nama apara wajume cowantsixae Jesús, daxota bapon naca juntu coyene xanepana cana exana Nacomtha.

²⁸ Nama anoxuae waxainchi yaputainchi xua Nacom juntu coyene xanepana cana exana pontha pon jume cowanta Jesús. Nacom jopa juntu coyene xanepana exanaeyo poxonaе bequein ichun ichichipa xua peexanaewa pocotsiwa Moisés pia peitorobi coyenewatha itoroba xua daichitha poxonaе jopa exanaeyo.

²⁹ Nacom jopa meisa apara judiomonaе pia Nacom tatsi. Apara iru pomonaе jopa judiomonaе naexanaeyo barapomonaе iru pia Nacom tatsi.

³⁰ Icha Nacom ajibi, saya meisa bapon Nacom nacata bara compa. Barapo Nacom juntu coyene xanepana cana exana jiwi, pomonaetha pomonae jume cowanta Jesucristo, bequein pomonae wi thabatsi xuano bequein pomonae jopa wi thabichi.

³¹ Waxainchi jopa nacui barapentichi Moisés pia peitorobi coyenewa tatsi yaitama jume cowantatsi Jesús. Jame poxonae xaniwaicha jume cowantatsi Jesús bapoxonae bara xaniwaicha exanatsi pocotsiwa Moisés pia peitorobi coyenewatha itoroba.

4

Meje xua Abraham yabara

¹ Anoxuae paca tsipaebatsi xua pocotsiwa Nacom exana Abrahamtha. Bapon wamo susatopin, iraru daxita judiomonae pia pamo susatopin tatsi pon caena bayatha tupa.

² Abraham jopa pia coya najuntu coyene xanepana exanaeyo xua jopa Nacom petsita natsicuentiswatsi xua abe peexanaexae. Daxota jopa itacupaetsi xua atsaquiya nayabara paeba xua xanepanaya peexanaewa. Bapon jopa itacupaetsi xua atsaquiya paeba Nacom peitutha tatsi.

³ Nacom Pejume Diwesitha Abraham yabara paebatsi, jeye: “Abraham jume cowanta Nacom. Peyabara jume cowantsixae pocotsiwa xua Nacom exanapaeba, Nacom juntu coyene xanepana cana exana bapon”, jei Nacom Pejume Diwesitha.

⁴ Poxonae jiton ba tanacuita ichun, jopa jiton pentoma becatsichi xua saya amanaya nexa poxoru ichun peyabara nanta xeinaexae bapon. Jame jiton ba bewa pentoma catsichi xua poxoru penacuichixae.

⁵ Ichitha nama Nacom seicayiya exana. Pon yabara jume cowanta pocotsiwa Nacom exanapaeba xua Nacom peyabara junte mainaenexa xua bapon pia penatsicuentiswatsi tatsi, bara Nacom yawena bapon. Barapo jiton Nacom tsita juntu coyene xanepanatsi, bequein bapon jopa exanaeyo pocotsiwa bewa bapon exanae xua daxota Nacom peyawenaenexa tsane.

⁶ David pon wamo susatopin, pon caena bayatha tupa, bapon caena bayatha Israel nacuapiwi itorobiya pia pepa peewatsinchi. Bapon David yabara paeba po jiton bichocono juntu coyene weiweina. Jeye: “Pon peyabara jume cowantsixae pocotsiwa Nacom exanapaeba, Nacom juntu coyene xanepana cana exana. Jopa apara Nacom juntu coyene xanepana exanaeyo xua poxoru bapon wunaeya xanepanaya peexanaexae. Apra poxoru Nacom peichichipaexae, daxota baxua exana”, jei David.

⁷ Equeicha David jei:

“Juntu coyene weiweina pomonae Nacom yabara junte maina xua puxana exana abe pia peexanae cuiru coyenewan tatsi.

⁸ Juntu coyene weiweina pon Nacom jopa tsita natsicuentisichi xua abe peexanaexae”, jei David.

⁹ Po pejuntu coyene weiweinaewa xua David yabara paeba, meisa saya u pomonae pewi thabiwichi jopa nexiyo. Apra barapo pejuntu coyene weiweinaewa iru pomonae jopa pewi thabiwichi nexano apra. Bayathaunxuae paca tsipaebatsi xua Abraham yabara jume cowanta pocotsiwa Nacom exanapaeba, daxota Nacom juntu coyene xanepana cana exana bapon xua jopa Nacom tsitatsi xua Abraham penatsicuentiswatsi xua abe peexanaexae.

¹⁰ Abraham jopa juntu coyene xanepana exanaetsi poxonae nacana cui wetatsi xua pewi thabiwatsi. Apra Nacom Abraham juntu coyene xanepana exanatsi poxonae cataunxuae jopa wi thabichi.

¹¹ Abraham peyabara jume cowantsixae pocotsiwa Nacom exanapaeba, Nacom juntu coyene xanepana exana. Cotacaya bapoxonae Abraham wi thabatsi. Barapo pewi thabi coyene tsita itapeinya xeina xua bara Nacom juntu coyene xanepana exana Abraham, peyabara jume cowantsixae pocotsiwa Nacom exanapaeba. Abraham petsiwana exanaexae xua pewi thabiwatsi, daxota Nacom tsitatsi xua Abraham be coxiyun poxonae cana exanatsi xua canamataxeinaena xua daxita nacuanpiwi pomonae jopa pewi thabiwichi. Barapomonae be Abraham pia pexui. Baxua Nacom cana exana po jiwitha, po jiwi peyabara jume cowantsiwiwaetsi pocotsiwa exanapaeba bara bequein daxita barapo jiwi jopa pewi thabiwichi copiya. Daxota Nacom iru yabara nanta xeina xua bara iru barapomonae juntu coyene xanepana bapontha.

¹² Barichi Abraham be coxiyun cana exanatsi, xua pomonae bayatha pewi thabiwichi barapomonae be pia pecanamataxeinaeinchi. Jopa Abraham be coxiyun cana exanaetsi xua poxoru barapomonae pewi thabixaetsi. Jame apra be coxiyun cana exanatsi poxoru

irũ peyabara jume cowũntsiya jinompaexae pocotsiwa Nacom exanapaeba icha Abraham ichi, pon wamo susatopin xua beya poxonae wi thabatsi.

Meje yabara xua poxonae Nacom cata pia peyabara tsiwũnae muxu dutsiwa, Abraham catatsi

¹³ Nacom yabara tsiwũnae muxu duta Abrahamtha irũ pia pemomoxi susato jiwitha tatsi. Nacom yabara tsiwũnae muxu duta xua catsina daxita barapo cae pin nacue Abrahamtha, irũ pia pemomoxi susato jiwitha tatsi. Daxita barapomonaetha Nacom jopa apara catsiyo barapo yabara petsiwũnae muxu dutsiwa xua poxoru Abraham peexanaexae pocotsiwa Moisés pia peitorobi coyenewatha itoroba tsipei Moisés jopa cataunxuae naexanaeyo poxonae bayatha Abraham tũpa. Apara Nacom cata barapo yabara petsiwũnae muxu dutsiwa poxoru Abraham peyabara jume cowũntsixae pocotsiwa Nacom exanapaeba. Daxota Nacom yabara tsitatsi xua bara Abraham pejũntũ coyene xanepanaein bapontha.

¹⁴ Icha pomonae xeinaetsipa pocotsiwa Nacom yabara tsiwũnae muxu duta, icha barapomonaetha apara barapomonaetha tsipae pomonae exana daxita pocotsiwa Moisés pia peitorobi coyenewatha itoroba bapoxonae barapomonaetha jopa daxita yabara jume cowũntsiya pocotsiwa Nacom exanapaeba. Mataũtano pocotsiwa xua Nacom yabara tsiwũnae muxu duta barapomonaetha jopa tsita xainyei tsipaetsi.

¹⁵ Ichitha baraxua jopa xainyeyo, tsipei Moisés pia peitorobi coyenewa saya exana xua jiwi atene peexanaewatsi. Atene exanatsi poxoru jiwi beta jopa daxita yabara jume cuiya exanaeyo barapo Moisés pia peitorobi coyenewa tatsi. Ichitha pomonae jopa xeinaeyo Moisés pia peitorobi coyenewa, barapomonaetha Nacom jopa tsita penatsicuentisiwatsi xua abe peexanaexae xua poxonae jopa exanaeyo barapo peitorobi coyenewa.

¹⁶ Daxota Nacom yabara tsiwũnae muxu duta Abrahamtha peyabara jume cowũntsixaetsi pocotsiwa Nacom exanapaeba. Nacom pia yabara petsiwũnae muxu dutsiwa, Nacom bara xaniwaicha amanaya catsina Abraham pia pemomoxi susato jiwitha tatsi. Nacom jopa meisa catsiyo pomonaetha pomonae peexanaewi xua Moisés itoroba. Apara Nacom irũ cata pomonaetha pomonae pejume cowũntsiwichi icha Abraham ichi poxonae jume cowũntsiya Nacom. Bapon Abraham be coxiyũn cana exainchi xua daxita waxainchi be xua wanacanamataxeinaein, copiya pejume cowũntsixae.

¹⁷ Nacom jeje Abrahamtha pejume diwesitha: “Xam cacana exanatsi xua ainya nacuanpiwi necayabara nanta xeinaenexa xua xam compam daxita nacuanpiwi cacanamata caexanatsi be coxiyũn”, jei Nacom Pejume Diwesitha. Daxota barapo yabara petsiwũnae muxu dutsiwa Nacom tsita coyene xanepanatsi. Barapon Nacom Abraham yabara jume cowũntsiya pocotsiwa Nacom exanapaeba. Mataũtano barapo Nacom equeicha asũ exana pomonae bayatha werapa. Mataũtano barapon Nacom itoroba xua forota pocotsiwan jiwi bapona jopa tae copiya, poxoru Nacom cataunxuae abũ jopa forotsiyo bapocotsiwan.

¹⁸ Abraham poxonae nawei wetaba xua jopa itacũpaetsi xua pexeinaewa pexui, awiya cataunxuae yabara jume cowũntsiya wũnae ewata pocotsiwa Nacom exanapaeba. Bapon jume cowũntsiya popona xua Nacom exanaena xua bayatha paeba xua Abraham pinae bapon pexanto xeinaena. Abraham yabara jume cowũntsiya pocotsiwa Nacom exanapaeba pocotsiwa yabara tsiwũnae muxu duta. Bapon Abraham cana exanatsi xua daxita carepaya nacuan jiwi peyabara nanta xeinaenexa xua Abraham compa daxita nacuanpiwi canamata exanatsi be coxiyũn. Caena bayatha Nacom tsipaeba Abraham. Nacom jeje: “Abraham, exanaein ayei jiwi jinya nemomoxi susato jiwi”, jei Nacom.

¹⁹ Abraham jopa jũntũ coyene natsepaeyo xua peyabara jume cowũntsiya pocotsiwa Nacom exanapaeba, bequein bara bapon cien po weibe xeina. Bapon Abraham yaputane, xua bapon irũ piowa tatsi Sara bara imoxoyo methaunxuae tũpaenabe. Abraham piseuribe bichocono perunbe. Mataũtano yaputaneno xua Sara jopa itacũpaetsi xua pexui pexeinaewa.

²⁰ Bapon Abraham jopa ainya muxu xeinaeyo. Mataũtano jopa nacui baraxubiyo xua peyabara jume cowũntsiya pocotsiwa Nacom exanapaeba xua pocotsiwa Nacom yabara tsiwũnae muxu duta xua pinae Abraham pexanto xeinaena. Jame bapon Abraham beta xaniwaicha jume cocowũntapona. Abraham wũnae jaintapona Nacom.

²¹ Baxua Abraham exanapona poxoru bara yatsicaewa yaputane xua Nacom itacũpatsi xua peexanaewa pocotsiwa xua bapon yabara tsiwũnae muxu duta.

²² Abraham peyabara jume cowũntsixae pocotsiwa Nacom exanapaeba, daxota bapon Nacom tsitatsi xua bapon bara peyabara jũntũ coyene tsita xanepanaeinchi xua jopa pepsita natsicuentisxaetsi abe peexanaexae bapontha.

²³ Po jumein xua bayatha Abraham yabara paebatsi xua jeye: “Nacom tsitatsi xua bapon bara pejuntũ coyene xanepanaein xua jopa petsita natsicuentisiwatsi abe peexanaexae bapontha”, jei, barapo jumein jopa meisa tinaeyo xua bapon nexa.

²⁴ Barapo jumein xua po jumein tina apara irũ bara waxainchi nexa xua naca yabara paebarũ. Wajume cowũntsixae Nacom, daxota Nacom tsitatsi xua bara waxainchi irũ wajuntũ coyene xanepanae jiwichi xua jopa watsita natsicuentisiwatsi xua abe waexanaexae bapontha. Waxainchi yabara jume cowũntatsi pocotsiwa Nacom exanapaeba, pon Jesús asũ exanatsi petũpae cuiru coyene weya, pon Wanacanamataxeinaein.

²⁵ Nacom itoroba xua bapon Jesús naca tsitũpa abe waexana cuiru coyenewan. Matautano Nacom asũ exanano, xua Jesús asũ petũpae cuiru coyene weya xua wanaca cana exanaenexa xua jopa Nacom watsita natsicuentisiwa tsane xua abe waexanaexae bapontha.

5

Meje yabara xua Nacom wanaca cana exanaewa xua jopa wanatsicuentisiwa tsane bapontha, xua abe waexanaexae

¹ Nacom naca cana exana xua bapon jopa watsita natsicuentisiwa tsane abe waexanaexae bapontha. Baxua Nacom naca cana exana wayabara jume cowũntsixae pocotsiwa Nacom exanapaeba. Daxota waxainchi jũntema dubenanaebiyatsi Nacom peitũtha tatsi Jesucristo wanaca tsitũpaexae, pon Wanacanamataxeinaeinxae.

² Cristo wajume cowũntsixae, daxota naca cana exana xua Nacom bara wanaca yawenaewa tsane wanaca antobexae. Nacom wanaca yawenaexae ajũntũcoyenesũya jinompatsi. Yawa waxainchi jũntũ coyene weiweinatsi wawũnae ewatsixae xua bexa irũ xeinaeinchi pebarũ cui itura jinaewa po pebarũ cui itura jinaewa jiwi Nacom tsita xeinatsi peainya cuinxae icha bapon ichi.

³ Jopa meisa baxua nexiyo, jame yawa jũntũ coyene weiweineibatsi poxonae ichamonae naca atene exaneiba. Tsipei waxainchi yaputainchi xua wanaca jũntũ coyene ayapusũ exanaewa xua daxota jopa waaitaconaewa poxonae bequein ichamonae naca atene exana.

⁴ Poxonae ajũntũcoyenyeparusũya jinompatsi xua daxota jopa waaitaconaewa poxonae bequein ichamonae naca atene exana, bapoxonae Nacom naca weyatane xua bara beta waexanaewa. Poxonae Nacom naca weyatane, baxua naca cana exana xua wawũnae ewatsiya ewatsiwatsi xua Nacom nacata exanaena pocotsiwa yabara naca tsiwũnae muxu duta.

⁵ Barapo wawũnae ewatsiwa jopa naca jũntũ coyene cana exanaeyo xua wajũntũ coyene wecoyeiwa xua jopa wataexae pocotsiwa wawũnae ewatsiwa. Nacom bichocono naca jũntũ coyene yũca cana exana pia peantobe coyenewa pia Pejumope tũnaxũtha. Barapo pia Pejumope tũnaxũ tatsi naca nacana jumope cata wajũntũ coyenewatha.

⁶ Poxonae waxainchi jopa naca itapũpaeyo xua wacoutha wanacapanenebiwa, bapoxonae Cristo naca tsitũpa abe waexanae cuiru coyenewan nexa. Bapon Cristo tũpa poxonae po mataqueitha Nacom copata xua bapon petũpaewa tsaneba.

⁷ Barapo cae pin nacuathe nacata ayapube xua nanta xeinatsi xua jiton wayabara nanta xeinaewa xua ichũn peita araranaewatsi xua peyapu cabocaewa xua daxota petũpaewa bequein barapo ichũn daxita yabara jume cuiya exana pocotsiwa Moisés pia peitorobi coyenewatha paeba. Tsipei jiwi ba anatsiũntabe, jopa ichipũpaeyo xua petũpaewa. Ichitha ichacuitha tsipae metha jiton yaita araranaetsipa xua peyapu cabocaewa xua daxota petũpaewa pon xanepanaya petaxanaein ichamonae.

⁸ Jame Nacom xaniwaicha naca tsita itapeinya xeina pia wanaca antobexae. Baxua Nacom naca cana exana poxonae Cristo naca yapu caboca xua wanaca tsitũpaewa bara bequein cataunxuae abe waexanae jiwichi.

⁹ Nacom naca exana xua waxainchi pejũntũ coyene xanepanae jiwichi xua poxonae jopa natsicuentisichi bapontha abe waexanaexae, xua poxonae Cristo naca tsitũpa. Bapoxonae yawa jana pichapabarena. Barichi icha coyenewano exanaenano. Cristo naca yaputane exana xua wanaca capanenebiwa tsane Nacom pia pewanaca casebiwa weya. Po mataqueitha Nacom yabara paebina daxita jiwi xua penatsicuentisiwa xua abe peexanaexae, barapo mataqueitha Nacomtha jopa natsicuentisiwatsi xua abe waexanaexae.

¹⁰ Copiyatha waxainchi Nacom pia peaitafaetabi jiwichi. Ichitha bapon Nacom naca cana exana xua waita coxonae xua daxota Nacom pia jiwi tatsi wanaexanaenexa, Pexanto tatsi pewanaca tsitũpaexae. Ichitha anoxuae Nacom pia jiwi tatsixaetsi, Jesucristo naca capanenebiya pia peasũ poxonae coyenewatha.

¹¹Jopa meisa baxuiyo, jame juntu coyene weiweinatsino Nacomtha xua xuan Jesucristo peexanaexae waxainchi nexa, pon Wanacanamataxeinaein. Bapon Cristo naca cana exana xua waxainchi Nacom wanaca ita coxonaewa xua daxota Nacom pia jiwi tatsi wanaca cana exanaewa.

Meje xua Adán yabara iru Cristo yabara

¹²Caein pon xua copiya abe exana barapo cae pin nacuathe, bapon Adán. Bapon caena bayatha tupa copiya abe peexanaexae. Bapoxonae daxita jiwi abe eexanapona barapo cae pin nacuathe. Jiwi abe peexanaponaexae daxota werapaena, tsipei daxita jiwi abe exana.

¹³Barapo cae pin nacuathe jiwi abe eexanapona beya poxonae Moisés pia peitorobi coyene tatsi xeina barapo cae pin nacuathepiwi. Poxonae jiwi cataunxae jopa yaputaeyo Moisés pia peitorobi coyenewa tatsi, jopa Nacom tsitatsi xua barapomonae pexeinaewa penatsicuenti coyenewa bapontha bequein barapomonae abe exanaetha.

¹⁴Ichitha po dapaetha poxonae Adán popona weya xua beya poxonae iru Moisés popona, jiwi abe eexanapona. Daxota jiwi xeinapona po coyenewatha xua daxota werapaena barapo jiwi. Barapomonae werapa bequein pia peabe coyenewan tatsi jopa barichiyo icha Adán ichi. Adán abe exana poxonae bequein Nacom itoroba xua jopa bewa pinae xae tsane petheito. Bapon Adán bara be bapon pon bexa patopeicapaeba, bapon Cristo. Adán pia coutha xua jiwi abe peexanaewa xua jiwi pecanamata caexanaexaetsi. Seicaya nama Cristo pia coutha xua jiwi beta peexanaewa xua jiwi pecanamata caexanaexaetsi.

¹⁵Pocotsi coyene xua Adán naca tsixana jopa be ichiyo xua pocotsi coyene naca tsixana Jesucristo. Jiwi nawita werapa poxoru caein abe pecanamata exanaexae bapon Adán. Ichitha Nacom amanaya naca tsixana pecapanenebiyae coyenewa poxoru caein, pon Jesucristo, naca tsitupa abe waexanaexae. Barapo coyene xua po coyene Nacom naca tsixana bichocono peainya cui coyene, beyacaincha po cui coyene Adán naca tsixana. Barapo coyene Nacom naca tsixana xua peantobexae daxita jiwi peyawenaenexa ayei jiwitha.

¹⁶Po peabe coyenewa caein canamata exana bapon Adán jopa coyene jupaetsi xua nacui coyene jupa exanabe po cui coyene xua Nacom amanaya naca tsixana. Copiya Adán canamata exana abe peexanae cuiru coyene. Bapoxonae daxita jiwi jupa exana. Nacom yabara paeba Adán xua penatsicuentisiwa abe peexanaexae. Daxota Nacom Adán yabara jeichichi xua Adán bewa pinae tupaena abe peexanaexae. Barichi Nacom tane xua daxita jiwi bewa werapaena bichocono abe peexanaexae. Daxota Nacom ichichipa xua jiwi peyawenaewatsi. Nacom amanaya juntu coyene xanepana exana jiwi xua barapo jiwi jopa natsicuentisiyo bapontha, abe peexanaexae. Baxua exana Cristo petsitupaexae jiwi.

¹⁷Bara xaniwaicha caein abe pecanamata exanaexae, daxita jiwi bewa werapaena abe peexanaexae. Ichitha nama anoxuae pocotsiwa caein peexanaexae pon Jesucristo, barapocotsiwa bichocono ayapusa beyacaincha xua Adán exana. Jesucristo petsitupaexae jiwi daxota Nacom bichocono jopa juniya yawenaeyo jiwi peantobexae. Barapo jiwi Nacom amanaya juntu coyene xanepana exana. Daxota Nacom weyatane xua barapomonae jopa xeinaeyo penatsicuenti coyenewa bapontha bequein barapomonae abe exana taetha. Barapomonae Jesucristo ayapusa nanabaru yawa popona penanabaru yawa itorobinexa tsane ichamonaetha.

¹⁸Barapon Adán pia peabe coyenewaxae, daxita jiwi natsicuenta Nacomtha xuya abe peexanaexae icha Adán ichi. Po pexanepanae coyenexae xua Jesucristo exana, barapo coyene jiwi cana exanatsi xua capanenebiyatsi penatsicuenti coyenewa weya xua abe peexanaexae. Daxota daxita jiwi pomonae pejume cowantsixae Jesucristo itacupatsi xua ataya asu jinompaena.

¹⁹Baxua caunutan xua caein jopa pejume jejeixae xua peexanaewa pocotsiwa xua Nacom itoroba, daxota jiwi ayei jiwi abe eexanapona. Barichi xua caein pejejeixae xua peexanaewa pocotsiwa Nacom itoroba, daxota ayei jiwi najuntu coyene xanepana exanapona Nacomtha. Matauta barapomonae Nacom capanenebiya exana xua pia penatsicuenti coyenewa weya, xua abe peexanaexae.

²⁰Nacom itoroba, xua Moisés tina pia peitorobi coyenewa xua jiwi peyaputaewa tsane xua bara jiwi daxita abe peexanaponae jiwi poxonae jopa yabara jume cuiya exanaeyo pocotsiwa Moisés itoroba. Poxonae jiwi equeicha mataropeicha yaputane Moisés pia peitorobi coyenewa, bapoxonae equeicha bichocono mataropeicha yaputane abe peexanae coyenewan. Daichitha Nacom bichocono mataropeicha aantobe tsoponae xua peyawenaenexatsi barapomonae.

²¹Copiya daxita jiwi werapa abe peexanaexae. Ichitha anoxuae Nacom peantobexae jiwi daxota cana exana xua jopa xeinaeyo penatsicuenti coyenewa xua abe peexanaexae.

Nacom jiwi catatsi peajuntuyapusu coyenewa po peajuntuyapusuwa ataya tsiteca Jesu-cristo pon Wanacanamatexaeinaein wanaca tsitapaexae.

6

Meje yabara xua waxainchi asu jinompatsi caemonae wanaexanaexae Cristotha

¹ Waxainchi jopa bewa abe eexanaponaeinchi xua Nacom wanaca yayawenaponaenexa xua daxota wayaputaenexa xua bara Nacom naca antobe.

² Jopa bewa baxua exanaetsi. Waxainchi bayatha wetatsi xua abe waexanaewa. Eque-icha jopa bewa abe exanaetsi, icha be pon petupaein ichi, xua jopa itacupaetsi xua equeicha abe peexanaewa, tsipei bayatha tupa.

³ Paxam payaputaneme baxue: Poxonae waxainchi ichamonae naca bautisaba, bapoxonae caemonae nanaexainchi Cristo Jesustha. Waxainchi caemonae wananaexanaexae Cristotha poxonae naca bautisaba, bapoxonae be cae cui coyeneya nanaexanatsi xua wawerapaewa, icha bapon ichi poxonae tupa. Baxua be icha waxainchi xua bayatha werapatsi xua daxota equeicha jopa naca itacupaeyo xua abe waexanaewa.

⁴ Wanaca bautisabi coyenewa baxua be poxonae Cristo naca cayawa muthuthu xotsi. Yawano be Cristo naca cayawa tupa poxonae bapon tupa. Icha Cristo ichichi xua equeicha asu exanatsi petupaeyo cuiru coyene weya, Nacom bara naca ichi tsane. Nacom Cristo paxa asu cana exanatsi pia peitupanae coicha ayapusu itorobi coyenewatha. Barichi Nacom bara naca ichi tsane wayawa jinompaenexa pena juntu coyenewa. Bapoxonae xeinatsi pena juntu coyenewa, xua po juntu coyenewatha jinompatsi icha Cristo ichi. Nacom, baxua Cristo paxa cana exanatsi Nacom pia peitupanae coicha ayapusu itorobi coyenewatha.

⁵ Tsipei waxainchi be caemonae nanaexanaeinchi po petupaeyo coyenewatha poxonae bapon tupa. Barichi tsane poxonae equeicha asu naca exanaena petupaeyo cuiru coyene weya icha matha Cristo ichichi poxonae asu exainchi petupaeyo cuiru coyene weya. Bapoxonae caemonae nanaexanaeinchi Cristotha. Daxota icha Cristo ichichi xua poxonae asu exainchi equeicha petupaeyo cuiru coyene weya, naca barichi tsane. Nacom equeicha asu naca exanaena petupaeyo cuiru coyene weya caemonae wananaexanaexaetsi Cristotha poxonae be naca yawa tupa Cristo.

⁶ Waxainchi yaputainchi, xua pocotsiwan exanatsi xua xuan waperu juntu coyenein po coyenein naca cana exana xua abe waexanaewa, barapo coyenein be weraweraca poxonae Cristo tupa exanadutatsi naetotha. Baxua nacata exana xua jopa equeicha bichocono waichichipaewa tsane xua waexanaewa abe coyenewa poxonae bequein wajuntu coyene naca itoroba xua abe waexanaewa tsane.

⁷ Daxota ba pon xua bayatha tupa jopa itacupaetsi xua equeicha abe peexanaewa. Waxainchi barichichi jopa naca itacupaeyo xua equeicha abe waexanaewa tsane.

⁸ Waxainchi Cristo naca cayawa tupa, daxota jume cowantatsi xua bexa bapon Cristo baru jinompaeinchi.

⁹ Waxainchi yaputainchi, xua poxonae Cristo equeicha asu exanatsi petupaeyo cuiru coyene weya, bapoxonae bapana equeicha jopa tupa exanae tsainchi.

¹⁰ Poxonae Cristo tupa bapon saya bara cae coyenewatha tupa xua daxita jiwi nexa abe peexanaexae xua ataya tsiteca. Ichitha xua Cristo anoxuae asu popona, barapo pepoponae coyenewa xua beta peexanaenexa pocotsiwa Nacom peichichipaewa xua bara ataya tsane.

¹¹ Barichi anoxuae paxam bewa pananta xeinaename be pomonae xua werapa xua equeicha jopa itacupaetsi xua abe peexanaewa. Bara paichinde paexande xua jopa paexanaeinde icha barapomonae ichi. Paexande pocotsiwa Nacom tsita xanepanatsi xua pocotsiwa Nacom ichichipa xua caemonae painya nanaexanaexae Cristo Jesustha.

¹² Daxota jopa pacopatsinde xua painya juntu coyenein paca itoroba xua abe painya neexanaewa. Painya pepon werapaena daxota jopa paexanaem tsane xua pocotsiwa painya pepon paca itoroba xua pocotsiwa ichichipa paexaname xua peabe coyenewan.

¹³ Painya xoba pacopatame xua bara painya juntu coyenein paca itorobina xua painya neexanaewa tsane peabe coyenewan. Jame maisa bara pacopare xua bara Nacom paca juntu coyene itorobeibina painya neexanaenexa pocotsiwa Nacom paca itoroba. Bara paichinde icha be ichi xua pomonae bayatha werapa xua equeicha asu exanatsi xua jopa equeicha abe exanaeyo.

¹⁴ Anoxuae barapo abe peexanae coyenewa po coyene xua copiya paexanaponame jopa itacupaetsi xua paca cana exana xua equeicha abe painya neexanaponaewa tsane. Barichi anoxuae equeicha jopa panantawenonaem xua paexanaename pocotsiwa Moisés paca itoroba pia peitorobi coyenewatha Nacom painya paca capanenebiyaenexa. Jame paexana dubenanaebiyama pocotsiwa xua Nacom ichichipa pia paca necayawenae coyenewatha, pia paca necaantobexae.

Meje yabara xua waxainchi bewa exanaetsi pocotsiwa pexainyei coyenewa

¹⁵ ¡Waxainchi jopa bewa abe eexanaponaeinchi! Anoxuae jopa Moisés naca itorobiyo pia peitorobi coyenewatha xua waexanaewa. Apra Nacom naca itoroba wanaca yawenaenexa xua wanaca antobexae.

¹⁶ Paxam payaputaneme icha pebin nacaenaeta xua ichichipa exana pocotsiwa xua ichun itoroba, bapoxonae bapon naexana be pon xua amanaya petanacuichin pon pia pentacaponaeinchi nexa. Daxota poxonae paxam paichichipame xua itapeta painya neexanaewa peabe coyenewan, bapoxonae barapo peabe coyenewa be paca canamataxeina. Bapoxonae be pana nacana exaname be pocotsin amanaya petanacuichin pia pentacaponaeinchi nexa. Daxota pawerapaename, painya neexanaexae barapo abe peexanae coyenewa. Ichacuitha icha paichichipame xua itapeta painya neexanaewa pocotsiwa xua Nacom itoroba, bapoxonae xaniwaichiya painompame. Nacom tsitatsi xua painya juntu coyenein xanepana xua jopa painya nenatsicuentisiwa abe painya exanaexae bapontha.

¹⁷ Ichitha baxua yabara Nacom tsipaeban, janje: “Nacom maisa juntu coyene weiweinan, barapo Roma tomarapiwi pia peexanaexae. Tsipei copiya u saya xua abe coyenewan peexanaewi. Ichitha anoxuae barapomonae cajume cowanta. Barapomonae bichocono jume cowanta pia juntu coyenewatha pocotsiwa pexainyei jume xua barapomonae nacuiduba”, janje Nacomtha.

¹⁸ Daxota anoxuae Nacom paca capanenebiya exana barapo abe painya neexanae coyenewan weya. Yawano paxam amanaya painya netanacuichi jiwi pam Nacom nexa xua beta painya neexanaewam.

¹⁹ Xan cueicueijan pocotsi jumeintha xua jiwi itacupatsi peyaputaenexa, tsipei yaputan xua pacata ayapube xua painya neyaputaewa. Caena bayatha paxam saya payabara copatame xua bara painya neexanaewa peabe coyenewan xua paichichipame. Jamaisa anoxuae payabara copare xua painya pepon peexanaponaenexa pocotsiwa xua pexanepanae coyenewan Nacom nexa. Bapoxonae Nacom patsita juntu coyene xanepanaya jinompame.

²⁰ Poxonae cataunxuae saya u painya neexanaewi abe peexanae coyenewan, bapoxonae jopa u painya neexanae jiwi pocotsiwa pexanepanae coyenewan.

²¹ Poxonae bayatha peabe coyenewan paexaname baraxua apra jopa paca yawenaeyo. Apra saya paca aura exana anoxuae. Ichitha barapo abe peexanae coyenewan saya paca cana exana xua painya newerapaewa tsane.

²² Ichitha anoxuae panenebiya painya nepaca exanaexae barapo abe painya neexanae coyenewan weya, daxota anoxuae paexaname pocotsiwa xua Nacom paca itoroba. Daxota pocotsiwa Nacom painya nepaca matomatsiwa, baxua apra poxonae Nacom paca juntu coyene xanepana cana exana bapontha. Matautano Nacom paca catsibina pocotsiwa peajuntucoyenesuwa po peajuntucoyenesuwa ataya tsiteca.

²³ Barapo peabe coyenewaxae saya jiwi werapaena cana exanaeinchi. Ichitha pocotsiwa xua Nacom amanaya wanaca catsiwa, baxua apra po coyene xua peajuntuayarusu coyene po peajuntuayarusu coyene ataya tsiteca. Barapo peajuntuayarusu coyenewa naca cana exana xua caemonae naexainchi Cristo Jesustha, pon Wanacanamataxeinaein.

7

Meje yabara xua po peitorobi coyenewa poxonae jitha peecaewa yabuyoy

¹ Tamonae pam, pomonae pam pomonae iru painya nejume cowantsi jiwixae Jesucristotha. Paxam barapomonae pam xua payaputaneme Moisés pia peitorobi coyenewa tatsi. Yawano payaputaneme xua jiwi saya bewa exanaena pocotsiwa Moisés itoroba barapo peitorobi coyenewatha poxonae cataunxuae jinompa barapo cae pin nacuathe. Ichitha poxonae jiwi werapa barapomonae jopa equeicha bewa exanae pocotsiwa barapo peitorobi coyenewa itoroba.

² Paca tsipaebatsi peyabara juta paebiwa: Petsiriwa powa xeina piseuri bewa piseuritha cuicuinae pepaebixae barapo peitorobi coyenewa, xua poxonae pia pebin tatsi awiya asu popona. Ichitha icha barapowa pia pebin tatsi tatupatsi barapowa jopa nantawenonaeyo xua peexanaewa pocotsiwa Moisés itoroba barapo peitorobi coyenewatha xua po coyene pebin yabara paebatsi.

³ Daxota icha barapowa isa maiteca icha pebin xua nasi cui exana icha pebintha poxonae cataunxuae baru popona pia pebin, bapowa bapoxonae Nacom tsita natsicuentatsi xua abe peexanaexae. Ichitha icha bapowa pia pebin tatsi tatupatsi barapowa itacupatsi xua pepichiwa icha pebin. Barapowa jopa Nacom tsita natsicuentatsi xua abe peexanaexae. Poxonae baxua exana, tsipei barapo peitorobi coyenewa jopa yabara paebiyo baxua.

⁴ Tamonaē pam, paxam pomonaē iru painya nejume cowantsiwixae Jesucristo. Barichi bara juta ichi poxonaē Cristo tupa, paxam iru be pawerapame. Daxota jopa panantawenon-aem xua paexanaename pocotsiwa Moisés itoroba pia peitorobi coyenewatha. Anoxuae paxename ichun pon paca itoroba. Baraxua barichi icha yabuyo ichi xua pita icha pebin pon bapowa itorobatsi poxonaē piseuri tatsi tatupatsi. Anoxuae paxam Cristo piamonaē tatsi pam, pon equeicha asu exanatsi petupaē curu coyene weya. Barapo coyenewatha Nacom naca cana exana xua wanaca itacupaewa xua waexanaewa tsane pocotsiwa xanepana Nacom nexa.

⁵ Poxonaē waxainchi copiya jume cowantatsi, Moisés yabara naca itoroba pia peitorobi coyenewatha po coyenewa jopa bewa exanaetsi. Ichitha wajuntu coyenewatha ichichipatsi nawita xua waexanaewa barapo abe peexanae coyenewan poxonaē jume tainchi xua jopa bewa exanaetsi barapo coyene. Barapo coyene naca cana exana xua saya wawerapaewa tsane.

⁶ Ichitha anoxuae jopa wanantawenonaewa xua waexanaewa pocotsiwa Moisés itoroba pia peitorobi coyenewatha. Waxainchi bayatha be werapatsi xua daxota barapo Moisés pia peitorobi coyene tatsi jopa itacupaetsi xua wanaca itorobiwa. Daxota anoxuae naca itacupa xua watanacuichiwa Nacom. Waxainchi xeinatsi pena juntu bayathu coyene po pena juntu coyene Nacom pia Pejumope tuxaxu tatsi naca cata. Nama jopa equeicha exanaetsi pocotsiwa Moisés itoroba barapo pia peru itorobi coyenewatha xua bayatha tina.

Meje yabara xua Pablo jeye: "Meje xua po peabe exanae coyene xeinan", jei.

⁷ Waxainchi jopa bewa paebichi xua Moisés pia peitorobi coyenewa tatsi abe. Tsipei barapo Moisés pia peitorobi coyenewa tatsi necuiduba xua bara abe exanan. Copiya jopa yaputaeinyo xua peabe coyenewa poxonaē yabara uwiya ichichipan pocotsiwan ichamonaē xeina. Ichitha barapo peitorobi coyenewa naca tsipaeba, naca jeye: "Jopa yabara uwiya paichichipaeinde pocotsiwa xua ichamonaē xeina", jei barapo peitorobi coyenewa.

⁸ Poxonaē copiya jume cowantan, Moisés yabara neitoroba pia peitorobi coyenewatha po coyenewan xua jopa bewa uwiya ichichipaein tsane ichamonaē piawan. Ichitha jame ichichipan nawita tajuntu coyenewatha xua taxainaewa tsane xua ichamonaē piawan poxonaē jume tan xua jopa bewa ichichipaein tsane xua taxainaewa tsane ichamonaē piawan. Poxonaē awiya jopa yaputaeinyo Moisés pia peitorobi coyenewa jopa ichipaeinyo xua taxainaewa pocotsiwa ichamonaē piawan.

⁹ Caena bayatha poxonaē jopa yaputaeinyo Moisés pia peitorobi coyenewa xan saya juntema poponan, tsipei jopa yabara yaputaeinyo xua abe taexanaewa. Ichitha pirapae bequein yabara yaputan barapo peitorobi coyenewa, xua ichamonaē piawan peuwiwa yabara, awiya bichocono abe exanapanan. Bapoxonaē bara be tatupae coyenewaba tsipei jopa juntema tapoponaewa abe taexanaexae.

¹⁰ Barapo Moisés pia peitorobi coyenewa tatsi Nacom cata xua jiwi pejuntu coyene weiweinaenexa xua poxonaē pejuntu coyene xanepanaewa tsane. Poxonaē jiwi jume cowantsiya exana daxita xua barapo coyenewatha itoroba, barapo jiwi bexa tsane xeinaena peajuntu yapusawa xua bara ataya tsane xeinaena. Daichitha barapo coyenewa wecoyeyi necana exana tsipei bewa tatupae coyenewa tsane poxoru jopa neitacupaeyo xua exanan daxita xua barapo coyenewa itoroba.

¹¹ Barapo Moisés peitorobi coyenewa be netsita penaerabi coyenewa. Mexeya itara xeinaeinaein jantocuae peajuntu yapusawa poxonaē exanaein pocotsiwa Moisés itoroba pia peitorobi coyenewatha. Daichitha poxonaē abe exanan Moisés pia peitorobi coyenewa netsita itata xua bewa tupaēin tanatsicuentiwaxae abe taexanaexae Nacomtha.

¹² Daxita po peitorobi coyenewan Nacom cata Moisestha daxita bara wnae, yawa bara pexainyei coyenewan.

¹³ Barapo Moisés pia peitorobi coyenewa jopa necana exanaeyo xua bewa tupaēin tanatsicuentiwaxae abe taexanaexae Nacomtha. Aparajame barapo abe taexanae coyene necana exana xua be tupaēin tanatsicuentiwaxae abe taexanaexae Nacomtha. Bequein barapo Moisés pia peitorobi coyene tatsi wnae, daichitha barapo peitorobi coyene neyaputane exana xua abe taexanaein. Barapo peitorobi coyenewatha xua Nacom naca yaputane exana xua poxonaē abe exanatsi barapo abe peexanae coyenewa bara xainyei, bara abe bichocono. Jopa bichocono juniya abeyo.

¹⁴ Yaputainchi xua Moisés pia peitorobi coyenewa tatsi apara xanepana, Nacom weya pejume pichipaexae. Ichitha poxoru saya jiton juntu coyeneya taxainaexae tajuntu coyene necana exana xua abe taexanaewa.

¹⁵ Tsipei jopa xapain yaputaeinyo pocotsiwa xua exanan, poxoru jopa exanaeinyo pocotsiwa xua xanepana xua pocotsiwa ichichipan xua taexanaewa nexa. Ichitha pocotsiwa aichaxaibin xua jopa pexanepanaexae, daichitha apara baxua exaneiban.

¹⁶ Ichitha icha abe exanan xua bequein aichaxaibin abe taexanaewa, bapoxonae yaputan xua Moisés pia peitorobi coyenewa tatsi xanepana. Tsipei barapo peitorobi coyenewa necuiduba xua jopa bewa exanae abe peexanae coyenewan.

¹⁷ Tacoutha jopa ichipaeinyo xua abe taexanaewa bequein baxua exanan. Ichitha barapo abe peexanae coyenewa xua tajuntũ coyenewatha xeinan, barapo coyene necana exana xua apara abe taexanaewa.

¹⁸ Tsipei xan yaputan xua xeinan jiton pia coyene. Daxota jopa xinaeinyo pexanepanae coyenewa. Bequein ichichipan xua xanepanaya taexanaewa, ichitha jopa neitacũpaeyo xua baxua exanan tacoutha.

¹⁹ Jopa exanaeinyo po pexanepanae coyenewa bequein ichichipaethan xua taexanaewa. Ichitha ¼ exanaponan po abe peexanae coyenewan bequein aichaxaibithan xua taexanaewa.

²⁰ Daxota icha abe exanan pocotsiwa bequein aichaxaibithan xua abe taexanaewa, bapoxonae jopa neitacũpaeyo xua tacoutha nayawenan xua jopa abe taexanaewa. Barapo abe peexanae coyenewa xua tajuntũ coyenewatha xeinan, barapo coyene necana exana xua equeicha mataropeicha abe taexanaewa.

²¹ Daxota nayaputan pocotsiwa exaneiban tajuntũ coyenewatha, xua poxonae bequein ichichipan beta taexanaewa tsane bapoxonae abe exaneiban.

²² Bichocono ichichipeiban tajuntũ coyenetha Nacom Pejume Diwesi tatsi.

²³ Ichitha yaputan xua po peabe coyenewa tajuntũ coyenewatha xeinan neitoroba xua abe taexanaewa tsaibi, bequein nanta xeinan xua beta taexanaewa, icha Nacom ichichipa. Ichitha barapo peabe coyenewa neitoroba xua equeicha mataropeichiya abe taexanaewa, po peabe coyenewa xua tajuntũ coyenewatha xeinan. Xan be pon tanebusi cui taetaein ichamonae tsipei barapo abe taexanaewa neitorobeiba xua abe taexanaewa.

²⁴ ¡Ooo, jopa taxanepanae tsocuaeinyo! ¡jopa tajuntũ coyene wuna tsocuaeinyo! ¡jintam metha necapanepaena barapo tapepon weya po pepon xua bewa tũpaena?

²⁵ Daxota Nacomtha janje: “Nacom juntũ coyene weiweinan xua Jesucristo, pon Tanecanamataxeinaein, itacũpatsi xua tanecapanepaewa tsane barapo tapepon weya”, jan Nacomtha. Daxota yaputan xua nanta xeinan xua bara beta taexanaewa pocotsiwa Nacom neitoroba, ichitha tajuntũ coyenewatha exanan pocotsiwa xua abe taexanaewa.

8

Meje yabara xua peajuntũyapusũya pejinompaewa po peajuntũyapusũwa Nacom pia Pejumope tũnaxũ tatsi naca cata

¹ Dapon ajibi pon itacũpatsi peyabara paebiwa xua pomonae caemonae penaexanaewi Cristo Jesustha natsicuenta abe peexanaexae Nacomtha.

² Nacom pia Pejumope tũnaxũ tatsi naca cata peajuntũyapusũwa xua wajinompae coyenewanexa xua caemonae xua wanaexanaexaetsi Cristo Jesustha. Barapo Nacom pia Pejumope tũnaxũ tatsi neyawena pia peayapusũ itorobi coyenewatha. Necapanepa exana po peitorobi coyene weya xua neitoroba xua abe taexanaewa. Matautano necapanepa exana xua po peitorobi coyene weya tũpa necana exana.

³ Moisés pia peitorobi coyenewa tatsi jopa itacũpaetsi xua jiwi capanenebiya exainchi abe pia peexanae cuiru coyenein weya. Jiwi jopa itacũpaetsi xua daxita yabara jume cuiya exana barapo Moisés pia peitorobi coyenewa tatsi. Ichitha Nacom Pexanto itorobica pon yatsicaya pepa Pexanto tatsi. Barapo Pexanto tatsi naexana be bara jiton pia pepon tatsi, bara naca perũ coyene jũpa, po pepontsi xua abe waexanae jiwichi. Poxonae Cristo tsitũpa waabe exanae cuiru coyenewan, bapon amanayaba barapo waabe exanae cuiru coyenewantha. Barapo peabe coyenewan jopa peitacũpaenexa tsainchi xua wanaca cana exanaewa tsane xua equeicha abe waexanaewa tsane.

⁴ Nacom baxua exana xua waxainchi wanaca itacũpaenexa xua waexanaewanexa tsane pocotsiwa Moisés itoroba pia peitorobi coyenewatha. Waxainchi naca itacũpa xua waexanaewa pocotsiwa Moisés pia peitorobi coyenewatha itoroba, poxoru jopa apara exanaetsi xua wapepon peichichipaexae. Apra jame exainchi xua pocotsiwa Nacom pia Pejumope tũnaxũ tatsi wanaca itorobixae.

⁵ Pomonae exana dubenanaebiya pocotsiwa pia pepon ichichipa exana, saya barapomonae yabara nanta xaina xua abe peexanae coyenewa. Pomonae exana dubenanaebiya icha pocotsiwa Nacom pia Pejumope tũnaxũ tatsi ichichipa, barapomonae saya yabara nanta xaina xua xanepanaya peexanae coyenewa pocotsiwa Nacom nexa.

⁶ Jiwi ba yabara nanta xeina abe peexanae cuiru coyenewan pocotsiwa pia pepon tatsi ichichipa. Bapoxonae barapo jiwi werapaena peexanaexae barapo abe peexanae coylene. Iru icha jiwi ba yabara nanta xeina xanepanaya peexanae coyenewan xua pocotsiwan Nacom pia Pejumo pe tñaxu tatsi ichichipa, barapomonae xeinaena peajuntuyaruswa po peajuntuyaruswa xua bara ataya tsane. Matautano xeinaena jantema pejinompaee coyenewa.

⁷ Pomonae saya peyabara nanta xeinaewi xua abe peexanae coyenewa xua pocotsiwa pia pepon tatsi ichichipa exana, barapomonae apara Nacom pia peaitafaetabi jiwichi. Barapomonae jopa ichipaeyo xua peexanaewa pocotsiwa Nacom itoroba pia peitorobi coyenewatha xuano xua jopa itacupaetsi xua peexanaewa barapo coylene.

⁸ Pomonae naitomatsiya exana pocotsiwa xua pia pepon tatsi itoroba xua abe peexanae coyenewa peexanaewa, barapomonae Nacom jopa tsita xanepanaetsi.

⁹ Ichitha nama paxam jopa paexanaem baxua po abe peexanae cuiru coyenewan painya pepon paca cana exana xua abe painya neexanaewa. Ichitha nama paxam pajinompame icha be pocotsi coyeneya Nacom pia Pejumo pe tñaxu tatsi ichichipa, icha barapo jumope yatsicaewa paca baru jinompa. Pon jopa Nacom pia Pejumo pe tñaxu tatsi baru poponaetsi, bapon jopa Cristo pijimonae tatsi.

¹⁰ Ichitha icha Cristo paca baru popona, Nacom pia Pejumo pe tñaxu tatsi paca cana exana xua jopa painya nenatsicuentiswam xua abe painya neexanaexae Nacomtha. Baxua paca cana exana bara bequein painya pepon werapa exanatsi abe peexanae coyenewan. Baxua paca cana exana painya nejuntu coylene xanepanaexae Nacomtha.

¹¹ Nacom pia Pejumo pe tñaxu tatsi Jesús asu exanatsi petupae cuiru coylene weya. Icha Nacom pia Pejumo pe tñaxu tatsi paca baru popona, bapoxonae Nacom asu exanaena painya pepon, po pepon xua werapaena. Baxua Nacom pacata exanaena, icha Nacom pia Pejumo pe tñaxu tatsi ichi poxonae Cristo asu exanatsi petupae cuiru coylene weya. Baxua Nacom exanaena painya nepaca baru jinompaexae Nacom pia Pejumo pe tñaxu tatsi.

¹² Tamonae pam, paxam pomonae iru painya nejume cowantsiwixae Jesucristo. Waxainchi jopa bewa exanaetsi pocotsiwan xua wapepon naca cana exana xua abe waexanaewa tsane.

¹³ Tsipei icha paxam paexana dubenanaebiyame xua pocotsiwa painya pepon ichichipa xua abe painya neexanaewa tsane, bapoxonae pawerapaename. Ichitha jame paexana dubenanaebiyama pocotsiwa Nacom pia Pejumo pe tñaxu tatsi paca cui itoroba xua painya neexanaewa tsane. Bapoxonae jopa paexanaem pocotsiwan xua painya pepon paca cana exana xua abe painya neexanaewa tsane. Bapoxonae bexa tsane ajuntusuya pajinompaename Nacom pia nacuatheicha.

¹⁴ Daxita pomonae Nacom pia Pejumo pe tñaxu tatsi itorobiya ewata, barapomonae bara Nacom pia pexui tatsi.

¹⁵ Nacom paca nacana jumope cata. Barapo pejumo pe jopa paca cana exanaeyo pomonae be painya nepaca busi cui tatayebeibi jiwu pam xua ichamonae amanaya painya netanacuichi jiwu pam, xua daxota equeicha pajunuwame. Jame barapo Nacom pia Pejumo pe tñaxu tatsi paca cana exana xua Nacom pia pexui tatsi pam. Barapo Nacom pia Pejumo pe tñaxu tatsi naca exana xua barompaya wajeiwa: "Axa", wajeiwa Nacomtha.

¹⁶ Nacom pia Pejumo pe tñaxu tatsi iru wajantu coyenewa natsipaebabe xua pinae bara Nacom pia pexui tatsi wanaexanaewichiba.

¹⁷ Waxainchi Nacom pia pexui tatsi wanaexanaexae, daxota xeinatsi pocotsiwa Nacom wanaca jantana jebiwu xua bexa tsane naca catsibina. Barapocotsiwa bayatha yabara naca tsiwunae muxu duba. Poxonae Nacom baxua naca catsibina, Cristo matha catsinchi xua waxainchi wajiwana xeinaenexa. Icha waxainchi ichamonae naca atene exana, icha poxonae Cristo ichichi xua matha atene exanatsi ichamonae, bapoxonae waxainchi Cristo baru xeinaeinchi pocotsiwa Nacom wanaca jantana jebiwu. Nacom naca catsibebina po pexinya peitupanae coicha xua bayatha Cristo catatsi.

Meje yabara xua Nacom piamonaetha catsicaena pia pexeinya peitupanae coicha

¹⁸ Xan yaputan xua bequein ichamonae naca atene exana barapo cae pin nacuathe, baxua jopa ainya cuiyo. Matautano yaputan xua Nacom cata pia pexinya peitupanae coicha Jesustha. Barichi naca catsibina barapo pexeinya peitupanae coicha po pexinya peitupanae coicha xua jopa juniya wnaeyo.

¹⁹ Daxita po jiwi Nacom forota barapo cae pin nacuathe, barapo jiwi wnae weyataeya ewata po mataqueitha poxonae Nacom tsita itatsina piamonae. Nacom tsita itatsina piamonae xua daxita jiwi peyaputaenexa tsane xua xaniwaicha barapomonae apara Nacom pia pexui.

²⁰ Daxita baxuan xua xuan Nacom exana po cae pin nacuathe barapo coyenein abe naexanaena. Jopa apara barapo coyenein pia couthiyo xua peweraweracaewa tsane peabexae, saya apara poxoru Nacom baxua pecopatsixae poxoru Nacom namchi xua daxita bewa weraweracaena Adán abe peexanaexae. Ichitha Nacom yabara cana juntu coyene weta exana xua pejopaewa tsane matakabi po mataqueitha xua barapo cae pin nacue pena nacua naexanaena.

²¹ Barapo cae pin nacuathe xua pena nacua, jiwi jopa bapana equeicha werapae tsane. Matautano daxita coyenein xua Nacom forota jopa bapana equeicha weraweracae tsane. Barapo mataqueitha daxita xua xuan Nacom forota Nacom wnae cana exanaena, icha pijimonaetha cana ichi tsane xua pijimonaetha tatsi bichocono wnaeya xanepana naexanaena.

²² Waxainchi yaputainchi daxita baxuan xua pejinompaewan xua Nacom peforotsiwan caena bayatha atene xua beya anoxuae. Atene icha yabayo ichi xua bichocono atene poxona imoxoyo pexuyo tanaexanatsi.

²³ Daxita baxuan meisa jopa ateneyo. Bara ira waxainchi daxitatsi atenetsi bequein Nacom pia Pejumo pe tñaxu tatsi naca yawa jinompa. Barapo pejumope, apara pocotsiwa xua copiya matha Nacom naca cata xua pocotsiwa jiwana Nacom bexa naca catsibina. Bichocono ajuntacoyenerewetsi xua jñthuthu wecoyeichi, poxona waxainchi ewatatsi po mataqueitha poxona Nacom yatsicaewa naca cana exanaena pia pexuichi, xua barichino naca catsibinano pena pepon.

²⁴ Poxona Nacom naca capanenebiya, Nacom naca tsipaeba pinae naca catsibina pena pepon. Barapo pepon cataunxae abu wnae ewatatsi. Icha waxainchi xeinaeinchi pocotsiwa xua wnae ewatatsi bapoxona jopa nantawenonaetsi xua came wnae ewatatsi, tsipei bayatha xeinaeinchiba. Poxoru jiton ba jopa came wnae ewatsiyo pocotsiwa xua bayatha xeinaba.

²⁵ Ichitha icha wnae ewatatsi pocotsiwa xua came jopa xeinaetsi bapoxona bewa wnae ewatichi xua jopa bepijawa aitaconaetsi.

²⁶ Barichi Nacom pia Pejumo pe tñaxu tatsi naca yawena tsipei waxainchi wajuntu coyene faefaenaewi. Waxainchi jopa yaputaetsi xua betiya cuitiya wacatsi Nacom. Ichitha poxona juntu coyene bojeichi, poxoru jopa wanaca itacupaewa xua po jumetha wacaunutsiwa, bapoxona Nacom pia Pejumo pe tñaxu tatsi nacata waca Nacomtha.

²⁷ Nacom, bapon yaputane pocotsiwa xua jiwi pia juntu coyenewatha nanta xeina. Matautano barapon yaputane pocotsiwa Nacom pia Pejumo pe tñaxu tatsi ichichipa paeba jiwi nexa. Nacom pia Pejumo pe tñaxu tatsi Nacom wacatsi icha be pocotsi coyeneya Nacom ichichipa pomonaetha xua Nacom piamonaetha tatsi nexa.

Meje yabara xua waxainchi amanayabatsi po coyenein xua bequein naca atene exana

²⁸ Waxainchi yaputainchi xua daxita po coyenein xua nacata exana bequein wnae, ichacuitha bequein abe, daichitha Nacom equeicha daxita baxuan nacata xanepana exana. Baxua Nacom taexana pomonaetha pomonaetha pia peantobexaetsi. Barapomonaetha Nacom waba petaxanaewa tsainchi pocotsiwa bapon ichichipa.

²⁹ Caena bayatha poxona aena nacua forota, Nacom tsiwana yaputane barapomonaetha pomonaetha pejume cowantsiwichi tsainchi. Matautano Nacom itapeta xua pecana exanaetha icha be pexanta tatsi ichi. Baxua Nacom exana xua Pexanto tatsi bapon Jesús, be matapin naexana xua daxita jiwi pentapin tatsi.

³⁰ Pomonaetha xua Nacom itapeta xua caena bayatha xua copiya poxona aena nacua forota, bara yawano Nacom waba xua peexanaenexa pia pexui tatsi. Pomonaetha Nacom pewabixae bara yawano exana xua barapomonaetha jopa penatsicuentisiwa xua abe peexanaetha pecatsixae pejuntu coyene xanepanaewa bapontha. Pomonaetha xua Nacom pejuntu coyene xanepana exanaetha, bara yawano yabara tsiwanaetha muxu duta xua barapomonaetha naexanaena icha be Nacom Pexanto tatsi ichi.

³¹ Anoxuae waxainchi yaputainchi xua Nacom naca yawena daxota dapon ajibi pon naca juntu coyene amanayaba xua abe wanaca exanaenexa.

³² Poxoru Nacom Pexanto jopa asiwiyo daxota Nacom copata xua wanaca tsiupaenexa. Daxita waxainchi yaputainchi xua daxota daxitan coyenein Nacom amanaya naca catsiba po coyenein canamatawenonatsi.

³³ Dapon ajibi xua itacupatsi yabara paeba xua pinae Nacom tsita natsicuentatsi pomonaetha pia peitapetsiwixae tatsi xua abe petsita exanaethaetsi. Nacom yabara paeba xua pinae apara jopa barapomonaetha tatsi natsicuentisichi xua abe petsita exanaethaetsi bequein abe exana taetha.

³⁴ Matautano dapon ajibi xua itacupatsi yabara paeba xua barapomonaetha bewa werapana penatsicuentisixae xua abe peexanaetha Nacomtha. Barapomonaetha jopa bewa

werapae tsane, tsipei Cristo Jesús tsitupa barapomonaе, аbe peexanaexae Nacomtha. Bapon Cristo Jesús equeicha asu exanatsi. Anoxuae eca Nacom pia coxa weya tatsi. Bapon Cristo Jesús Paxatha wuca xua nacata wuca.

³⁵ Cristo naca antobe, daxota dapon ajibi pon itacupatsi xua tsanayiya naca cana exana Cristo weya. Ichacuitha ichamonae atene wanaca exanaewichitha awiya Cristo naca antobe. Ichacuitha ichamonae daunwei wanacata exanaewichitha awiya naca antobe. Ichacuitha ichamonae аbe wanacata exanaewichiwathatsi wayabara cueicueijeixae Jesús awiya bapon naca antobe. Ichacuitha wajainpaewichiwathatsi awiya naca antobe. Ichacuitha wanacata acuibichiwathatsi paparuwa awiya naca antobe. Ichacuitha wanapeichiwathatsi poxonae ichamonae аbe nacata exana awiya naca antobe. Ichacuitha ichamonae wanaca jutebichiwathatsi awiya naca antobe. Daxita barapo coyenein jopa canaupatsi xua tsanayiya wanaca exanaewa Cristo weya.

³⁶ Icha naca ichi daxita barapo coyenein, barichiru Nacom Pejume Diwesitha bayatha baxua yabara naca tsiwanae muxu duta, jeye:

“Nacom poxoru tapaca cajume cowantsi
jiwixaetsi daxita maticabin tsaibi
ichamonae ichichipa pana jutebeiba.
Barapomonaе pana necana exaneiba icha jiwi
ichi xua poxonae daxita maticabin ovejan
capaneiba pon oveja pejutebeibin beya”,
jei Nacom Pejume Diwesitha, xua
yabara naca tsiwanae muxu duta.

³⁷ Ichitha bequein waxainchi daxita barapo coyenein naca atene exana, daichitha amanayabatsi barapo coyenein Cristo pia peayapusu itorobi coyenewatha pon wanaca antobein.

³⁸⁻³⁹ Daxota bara yatsicaewa yaputan, xua dapocotsi coyene ajibi po coyenetha xua tsanayiya naca exana Nacom pia peantobe coyene weya tatsi. Jopa tsanayiya naca exanaeyo bara bequein poxonae tupaethatsi, yawa bara bequein poxonae jinompaethatsi. Iru matatsunpiwi jopa canaupatsi xua tsanayiya wanaca cana exanaewa, bequein iru caurimonaeru, bequein iru pocotsiwan xua anoxuae exanaponaeru, bequein iru xua pocotsiwan bexa tsaneru, bequein iru xua pocotsiwan wetsica patopaenano, bequein iru xua pocotsiwan iru wetsinano, bequein iru ichawano xua pocotsiwa Nacom forota. Bara bequein daxita barapo coyenein, ichitha jopa canaupatsi xua tsanayiya pewanaca exanaewa Nacom pia wanaca antobe coyene weya tatsi. Nacom naca cata barapo peantobewa xua Cristo Jesús xeina, pon Wanacanamataxeinaein.

9

Meje yabara xua Nacom itapeta judiomonaе

¹ Pocotsiwan paca tsipaebatsi barapocotsiwan pexainyei jumein. Tajume cowantsixae Cristo, bara jopa naerabinyo. Tajantu coyenetha Nacom pia Pejumope tanaxu tatsi neitoroba. Barapon jume daunweya netsipaeba xua pinae bara yatsicaewa xainyeya cueicueijan.

² Xainyan, wecoyan. Bichocono tamonaе siwa anthathutanein tsaibi jopa pejume cowantsixae Cristo.

³ Bichocono antobein barapomonaе pomonaе tanacuapiwi. Daxota nayabara paeбан, janje: Bena bequein siwa tupaеuеin tamonaе xua bequein tsana tanaexanaewa Cristo weya, xua be poxonae Nacom tsita tanatsicuentsiwa xua barapomonaе аbe pia peexanae coyenewan nexa. Bapoxonae xua Nacom tamonaе pia pecapanenebiyaenexatsi, daxota Nacom copata xua ichamonae nebexubina, najanje.

⁴ Pon Israel, pon caena bayatha tupa, bapon nawun cata tamonaetha. Daxota tamonaе “israelmonae”, baraichi. Bapon pia pemomoxi susato jiwi tatsi pomonaе tamonaexae Nacom barapomonaе pia pexu exana. Barapomonaе bayatha Nacom yanta popona xua daxota barapomonaе tane Nacom pia pexeinya peitupanae coicha poxonae xua beta exana barapomonaе nexa, Nacom tsipaeba barapomonaе pocotsiwa xua bapon peichichipaewa. Matautano Nacom yabara tsiwanae muxu duta pomonaetha pomonaе xua ataya yaweneibina barapomonaе peexanaenexa xua bapon ichichipa. Barapomonaetha Nacom cata Moisés pia peitorobi coyenewa tatsi. Matautano Nacom cata barapomonaе po coyene xua barapomonaе xaniwaicha wunaе pejainchinexa bapontha. Matautano Nacom yabara tsiwanae muxu duta barapomonaе xua Cristo pepatopeicaewa tsane.

⁵ Barapomonaе wamo susato jiwi pia pemomoxi susato jiwi tatsi. Cristo be jiton coyeneya naexana barapomonaе jiwana pomonaе pia pemomoxi susatopiwi jiwana tatsi.

Bapon Cristo apara bara Nacom. Barabū Nacom bara ataya wūnae jainteibinchi pon xua daxita coyeneintha canamataxeina.

⁶ Ichitha barapomonaē bequein Nacom cata daxita barapo coyenein, daichitha anoxuae barapomonaē jopa Nacom xanepanaya beta tsita jinompaetsi jopa Cristo peyabara jume cowantsixaetsi. Bequein ichamonaē nanta xeinaetsipa xua pinae Nacom Pejume Diwesi jopa ainya cuiyo xua barapomonaē jopa peexanaexae pocotsiwa Nacom itoroba, ichitha baraxua jopa xainyeyo pocotsiwa barapomonaē nanta xeina. Baraxua jame tsita itapeinya xeina xua apara jopa daxitiyo pomonaē Israel pia pemomoxi susato jiwi tatsi xua Nacom piamonaē tatsi.

⁷ Matautano Abraham pia pemomoxi susato jiwi tatsi apara jopa daxitiyo barapomonaē xua Nacom piamonaē tatsi. Nacom caena bayatha tsipaeba Abrahamtha, jeye: “Xam xeinaename pomonaē pepa jinya nemomoxi susato jiwi xua Isaac pon nexanto xua pia pexui jiwana tatsi”, jei Nacom.

⁸ Baxua naca yaputane exana xua Nacom jopa exanaeyo daxita xua Abraham pia pemomoxi susato jiwi tatsi be Nacom pia pexui tatsi. Nacom meisa be pia pexui cana exana pomonaetha pomonaē pejume cowantsixae xua Nacom pia peyabara tsiwūnae muxu dutsiwa. Barapomonaē jume cowanta Nacom pia peyabara tsiwūnae muxu dutsiwa xua Cristo capanenebiyaena barapomonaē.

⁹ Tsipei Nacom tsipaeba Abrahamtha poxonaē yabara tsiwūnae muxu duta. Nacom jeye: “Barapo xometotha xua icha weitha taitorobi coyenewatha bapoxonaē Sara pexanto pabetsina pebin wuto xua nexanto tsane”, jei Nacom.

¹⁰ Jopa meisa baxuiyo, ichawano Nacom exana. Sara pexanto tatsi naexana pewun Isaac. Poxonaē Isaac pinyo, bapon nacueyoba piowa, pewun Rebeca. Rebeca tanama ecatsibe pebin wutobe. Barapo pexuyobe cae axa nantautebe bapon Isaac, pon wamo susatopin.

¹¹⁻¹³ Caena bayatha pewūnaeya poxonaē barapoyobe jopa naexanaebe, xuano pewūnaeya xua poxonaē barapoyobe jopa abe exanaeyobe matautano pewūnaeya xua poxonaē jopa wūnae exanaebe, bapoxonaē Nacom tsipaeba Rebeca tsipaebatsi. Nacom jeye: “Pon xua copiya naexanaena bapon peyapin canamataxeinaeinchi”, jei Nacom. Barapo jume bara nayaraba jume jupabe xua icha diwesitha Nacom Pejume Diwesitha xua Rebeca pexantobe tatsi yabara paebatsi xua ichaxota, jeye: “Cuita itapetan Jacob xuyapin, ichitha nama Esaú naitematn matapin”, jei Nacom Pejume Diwesitha. Baxua naca yaputane exana xua Nacom pia coya itapeta pomonaetha pomonaē xua peichichipaewa, xua pewabiwa barapomonaē. Nacom jopa yabara itapetsiyo barapomonaē peexanaexae pocotsiwa Nacom peichichipaewa.

¹⁴ Ichamonaē paeba, xua pinae Nacom jopa xapain exanaeyo poxonaē caein jiwana itapeta, xua poxonaē ichun naitematatsi. Apara jopa xapain wūnaeyo xua barapomonaē Nacom yabara paebatsi.

¹⁵ Tsipei Nacom paeba Moisestha, jeye: “Pomonaē wūnaeya yabara nanta xeinaein xua tayawenaenexa, barapomonaē beta yawenaein”, jei Nacom.

¹⁶ Baxua naca cuiduba xua jopa jiton itapetichi poxoru wūnae peexanaexae. Matautano jopa itapetichi xua poxoru peichichipaexae xua peitapetsiwatsi. Saya jame pebiwi itapetatsi poxonaē Nacom wūnaeya yabara nanta xeina xua peyawenaenexa tsane barapomonaē.

¹⁷ Nacom cueicueije pejume diwesitha nacia peewatsintha pon Egipto nacuapiwi itorobiya pia pepa peewatsinchi. Nacom jeye bapontha: “Apara xan ponxaein tacoya cacana exanatsi pon Egipto nacuapiwi itorobiya pia pepa peewatsinchi. Painya xantha tapexeiya tsita itutsi coyenewa exanaein xua tsita itapeinya xeinaein xua xan xeinan bichocono peayapusn itorobi coyenewa. Matautano exanaein xua daxitan nacuan jiwi taneyabara jume taenexa”, jei Nacom.

¹⁸ Daxota yaputainchi xua Nacom itacupatsi xua wūnaeya yabara nanta xeina xua peyawenaenexa pontha pon ichichipa xua peyawenaewa. Matautano Nacom saya yabara copata xua ichun pejuntu coyenetha pexeinaewa po coyene pejumefebi coyenewa. Baxuan Nacom cana exana pomonaetha pomonaē Nacom ichichipa xua xeinaena barapo coyenein.

¹⁹ Metha paxam pana nebaram xua barapomonaē yabara xua pajam: “Poxonaē Nacom atene exana pomonaetha pomonaē petsita natsicuentaxaetsi xua abe peexanaexae ¿baxua Nacom jopa xaniwaicha exanaeyo jampa? Nacom copata xua barapomonaē xeina pejuntu coyeneintha pejumefebi coyenewan. ¿Barapomonaē Nacom tsita natsicuentatsi jampa, poxonaē Nacom bequein copata baxua jampa?” pajam.

²⁰ Ichitha paca jume notatsi, janje: “¿Paxam pebiwi tsobenae pam! ¿Eta po jiwi pam xua painya nejume matsontsonobiwi Nacom? Juruwato jopa itacupaetsi xua pejeiwa pontha

pon peexanaexaetsi: ‘¿Eta xua metha bara necanauta jutsiya exaname?’ xua pejeiwa juruwato. Bapana juruwato jopa itacɔpaetsi xua pepaebiwa baxua”, paca jeichi.

²¹ Pon xua juruwato peexanaein bapon itacɔpatsi xua cae tsorobotha jiwana exana ainya juruwaton xua seicayan be pocotsi coyeneya xua ichichipa. Bapon itacɔpatsi xua pexeinya juruwato exana xua bichocono ainya matoma. Matautano bapon itacɔpatsi xua bara cana exana xua jopa wɔnaeyo xua saya pecasetsinexa.

²² Nacom barichi itacɔpatsi xua jiwi pecana exanaewatsi be pocotsi coyeneya xua ichichipa. Bequein Nacom ichichipa tsita ituta pia peanaepanaewa pomonaetha pomonae abe peexanaewi, ichitha jopa cataunxuae baxua exanaeyo. Matautano bequein ichichipa tsita ituta pia peayapusu itorobi coyenewa po coyene xua barapomonaetha peexanaewatsi, ichitha Nacom jopa cataunxuae baxua cana exanaeyo barapomonaetha. Ichitha Nacom caena bayatha beitemaya taetaepona xua barapomonaetha abe pia peexanae coyenewan, po abe coyenewan xua Nacom anaepana exanatsi. Barapomonaetha muxu peweraweracae exanaetsi abe peexanaexae.

²³ Nacom beitemaya naca taetaepona wanaca tsita itutsinexa daxita waxainchi xua bichocono bara ichichipa xua wanaca yawenaewa tsane bayatha itapeta wanaca antobewaxae. Caena bayatha Nacom yabara naca tsiwanaeta xua iru waxeinaenexa Nacom pia pexeinya juntu coyenewa xua bichocono peantobewa.

²⁴ Nacom naca waba pomonaexaetsi pomonae judiomonaetha jiwanaetsi. Matautano Nacom naca waba pomonaexaetsi pomonae jopa judiomonaetha naexanaeyo jiwanaetsi.

²⁵ Baxua Nacom yabara paeba pejume diwesitha pomonae yabara, pomonae jopa judiomonaetha naexanaeyo po diwesitha ichaxota Oseas tina. Nacom jeye:

“Pomonae copiya jopa tamonaeyo, barapomonaetha yabara jan tsane, ‘Apara tamonaetha’, jan tsane.

Matautano pomonae copiya jopa antobeinyo barapomonaetha yabara jan tsane:

‘Apara taantobe jiwi’, jan tsane.

²⁶ Matautano ichaxota ba jiwi yabara jan: ‘Paxam jopa tamonaetha pam’, jan, baraxota barapomonaetha yabara jan tsane: ‘Apara paxam tapexui pam, po Nacomxaein ataya tsitecaeya jiwi asu jinompa taexanaein’, jan tsane”, jei Nacom, ichaxota po diwesitha Oseas tina pon caena bayatha tupa.

²⁷ Barichi iru Isaías yabara jeye judiomonaetha: “Bequein judiomonaetha bichocono jiwi ayaxa icha taetowan ichi xua bobena mar mene itapatha, daichitha saya be conotha barapo judiomonaetha jiwana pomonae xua Nacom capanenebiya.

²⁸ Saya conotha capanenebiya tsipei Nacom methaunxuae yabara paebina daxita jiwi barapo cae pin nacuathepiwi pia petsita natsicuentisaxaetsi xua abe petsita exanaexaetsi. Yawano jiwi ayei peweraweraca exanaeinchi xua Nacom exanaena”, jei Isaías.

²⁹ Isaías copiya yabara tsiwanae muxu duta, jeye:

“Nacom apara bapon pon xua itoroba daxita coyeneintha.

Bapon wɔnaeya naca yabara nanta xeina xua wanaca yawenaewa tsane xua awiya be conotha pejinompaenexa pomonae wamomoxi susato jiwi jiwana, xua daxita jopa peweraweracaewa tsane.

Icha Nacom jopa baxua exanaetsipae, bapoxonaetha waxainchi bara naca juta ichipae icha bayatha Sodoma tomarapiwi cana ichichi, matautano icha matha Gomorra tomarapiwi cana ichichi xua daxita weraweraca”, jei Isaías

Nacom Pejume Diwesitha.

Meje yabara xua judiomonaetha jopa jume cowantsiyo Nacom pia pexeinya jume diwesi tatsi

³⁰ Barapo peyabara jutiya paebiwan naca yaputane exana xua apara pomonae jopa judiomonaetha naexanaeyo Nacom jopa tsitatsi xua barapomonaetha penatsicuentisiwa xua abe peexanaexae. Baxua Nacom cana exana barapomonaetha bequein barapomonaetha jopa tsaqueinaeyo xua pexeinaewa pejuntu coyene xanepanaewa Nacomtha. Barapomonaetha xeina pejuntu coyene xanepanaewa Nacomtha Cristo pejume cowantsixaetsi.

³¹ Ichitha nama barapo judiomonaetha paeba, jeye: “Nacom naca juntu coyene xanepana exanaena xua jopa Nacom watsita natsicuentisinxatsi xua abe waexanaexaetsi bapontha.

Bapon baxua naca cana exanaena icha exanaeinchi pocotsiwa Moisés pia peitorobi coyenewatha itoroba”, jei barapomona. Daichitha barapomona judiomona jopa itacupaetsi xua daxita peyabara jume cuiya exanaewa pocotsiwa Moisés itoroba pia peitorobi coyenewatha.

³² ¿Eta xua metha jane xua barapomona jopa itacupaetsi xua exana pocotsiwa Moisés pia peitorobi coyenewatha itoroba? Metha poxoru barapomona nanta xeina xua poxona beta exana bapoxona jopa pexeinaewa tsane penatsicuentisiwa Nacomtha. Barapomona jopa jume cowantsiyo xua Nacom itorobica Cristo, daxota barapomona Nacom tsita natsicuentatsi xua abe petsita exanaexaetsi. Barapomona nacabeta exana, poxona jopa jume cowantsiyo Nacom, atene peexanaexaetsi tsane icha jiton ichi poxona xuirapopa ibototha xua pia coutha nacabeta exana xua atene naexana.

³³ Nacom Cristo yabara paebatsi pejume diwesitha. Icha jiwi ichi poxona nacabeta poxona xuirabathopa ibototha, barichi jiwi nacabeta poxona Cristo jopa jume cowantichi. Nacom jeye:

“Jerusalén tomaratha po tomara atororo
xua po tomara pewun Sión
barapo tomaratha notsin pon
jiwi pecapanenebiyaenexa tsainchi.
Jiwi nacabeta exana poxoru barapo jiwi
jopa jume cowantsiyo bapontha,
icha jiwi ichi xua nacabeta exana
poxona xuirabathopa ibototha.
Pon jume cowantsina bapontha, jopa bapana
juntu natsepanayae tsane”, jei Nacom.

10

¹ Tamona pam, paxam pomona ira painya nejume cowantsiwixae Jesucristo. Maisa bichocono tajuntu coyenewatha ichichipan daxota bichocono Nacomtha tsipaeban judiomona nexa, xua barapomona pecapanenebiyaenexa tsainchi abe pia peexanae cuiru coyenein weya.

² Barapomona yabara paeban xua barapomona judiomona bequein ichichipa nawita xua Nacom petanacuichiwatsi, daichitha jopa yaputaeyo xua pocotsiwa Nacom xaniwaicha ichichipa xua barapomona peexanaewa.

³ Barapomona jopa yabara yaputaeyo xua pocotsiwa poxona Nacomuntu coyene xanepana exana jiwitha xua jopa xeinaeyo penatsicuentisiwa Nacomtha xua abe peexanaexae. Barapomona jujata xua icha barompaya pia cui coyeneyatha exanaena xua bapoxona pexeinaenexa tsane pejuntu coyene xanepanaewa Nacomtha xua jopa penatsicuentisiwa xua abe peexanaexae. Barapomona jopa exanaeyo be pocotsi coyene Nacom itoroba jiwitha xua Cristo pejume cowantsixaetsi xua bapoxona jiwi pexeinaenexa pejuntu coyene xanepanaewa Nacomtha.

⁴ Barapomona jopa yabara yaputaeyo xua po coyene Cristo jopa ainya cui cana exanaeyo Moisés pia peitorobi coyenewa tatsi. Daxota anoxuae jiwi jopa cana matawenon- aeyo barapo Moisés pia peitorobi coyenewa tatsi xua po peitorobi coyenewa bequein jiwi yabara nanta xeina xua pinae poxona yabara jume cuiya exanaena pinae xeinaena pejuntu coyene xanepanaewa.

⁵ Caena bayatha Moisés yabara paeba xua pinae pia peitorobi coyene tatsi itacupaetsi xua jiwiuntu coyene xanepana exanatsi Nacomtha xua jopa petsita natsicuentisiwa xua abe peexanaexae. Moisés jeye: “Pon daxita yabara jume cuiya eexanaponaena barapo taitorobi coyenewa xua tian, bapoxona bapon bara ataya tsitecaeya poponaena peajuntu yapusa coyenewatha”, jei Moisés.

⁶ Nacom Pejume Diwesitha yabara paeba pomona jopa xeinaeyo penatsicuentisiwa Nacomtha pejume cowantsixae Cristotha. Nacom jeye: “Jopa pananthu yainyabinde, jopa pajande: ‘¿Jintam metha itaboco beicha ponaena xua Cristo pecatsicaenexa tsainchi barapo cae pin nacuathe tsique xua wanaca yawenaenexa?’ jopa pajande.

⁷ Matautano jopa pajande: ‘¿Jintam metha ira bereca ponaena xua Cristo pecatsinaenexa tsainchi barapo cae pin nacuathe xua petupae cuiru coyene weya?’ jopa pajande”, jei Nacom.

⁸ Nacom equeicha pejume diwesitha pejuntu coyene xanepanaewa yabara jeye: “Tajume diwesi bara imoxoyo dubena xua paca itacupa painya necueicueijeinexa barapo diwesi. Matautano paca itacupa xua painya neyabara nanta xeinaewa barapo diwesi”, jei Nacom xua pejume diwesitha. Barapo diwesi bara najupabe po diwesi xua yabara paca cuidubatsi xua painya nejume cowantsiwa.

⁹ Icha paichichipame xua Nacom painya nepaca capanenebiwa bewa paexanaename barapo coyewabae: Bewa ichamonaetha payabara paebim xua Jesús painya Nepacacanamataxeinaein. Matautano bewa pajume cowantsim painya nejuntũ coyeyinthã xua Nacom Jesús equieicha asũ exanatsi petypae cuiru coyene weya. Bapoxonae Nacom paca capanenebiyaena abe painya neexanae coyewewan weya.

¹⁰ Poxonae jiton jume cowanta pia juntũ coyewewatha Jestushta bapoxonae jopa Nacom tsita natsicuentisichi xua abe petsita exanaexaetsi. Poxonae jiton yabara cueicueijei xua Jesucristo apara pia Pecanamataxeinaeinchi, bapoxonae Nacom capanepa bapon abe pia peexanae cuiru coyewewan weya.

¹¹ Nacom Pejume Diwesitha jeye: “Pon jume cowanta Cristoshta, Cristo yawenaena xua daxota jopa bapana juntũ coyene natsepanayae tsane”, jei Nacom, xua pejume diwesitha.

¹² Nacom jopa tsita seicayatsi daxita jiwi, bara saya tsita najupatsi, bequein bara metha judiomonaes tsipae irũno metha bequein jopa dapomonaes tsipae pomonaes jopa judiomonaes naexanaeyo. Bapon Cristo Pecanamataxeinaein exanatsi daxita jiwi nexa. Yawano bapon Cristo Wanacanamataxeinaein jopa juniya catsiyo daxita piawan pomonaetha pomonaes pewcaes jiwixaetsi.

¹³ Tsipei Nacom Pejume Diwesitha jeye: “Daxita pomonaes wũca pontha pon jiwi Pecanamataxeinaein, pon Cristo, xua pecapanenebiyaenexa tsainchi, barapomonaes bara capanenebiya tsainchi”, jei Nacom.

¹⁴ Jiwi jopa itacũpaetsi xua petsipaebiwa pontha pon jiwi Pecanamataxeinaein icha jopa jume cowantsiyo bapontha. Matautano jopa itacũpaetsi xua pejume cowantsiwa pontha pon jiwi Pecanamataxeinaein icha jopa bapana yabara jume yaputae bapontha. Matautano jiwi jopa itacũpaetsi xua peyabara jume yaputaewa bapon icha ichamonaes jopa capanaeyo barapo diwesi xua pecueicueijeinexa barapo jiwitha, xua peyabara paebiwatsi pon jiwi Pecanamataxeinaein.

¹⁵ Matautano jiwi jopa itacũpaetsi xua pecueicueijeiwa xua po diwesi pon jiwi Pecanamataxeinaein peyabara paebiwatsi icha dapomonaes ajibi pomonaes itoroba barapomonaetha xua barapomonaes pecueicueijeinexa. Nacom Pejume Diwesitha yabara jei baxua: “Maisa bichocono daxua wũnae xua poxonae jiwi pata xua pecueicueijeinexa Nacom pia pexeinya jume diwesi xua Cristo peyabara paebiwatsi”, jei Nacom Pejume Diwesitha.

¹⁶ Daichitha jopa daxita jiwiyõ xua ichichipa pejume taewa barapo pexeinya jume diwesi. Baxua Isaias yabara jei Nacom Pejume Diwesitha: “Tanecanamataxeinaem ¿jintam jume cowanta pocotsiwa papaeban? Saya be conotha jiwi, pomonaes jume cowanta xua pata tacayabara paebiwatsi”, jei Isaias.

¹⁷ Daxota jiwi jume cowanta poxonae jume tane barapo pexeinya jume diwesi. Po pexeinya jume diwesi jiwi jume cowanta apara po diwesi xua Cristo yabara.

¹⁸ Tacoya nayainyaban. Nabaran, janje: ¿Metha bara barapomonaes judiomonaes barapo pexeinya jume diwesi joma taeyõ jampa? ¡Jume apara, apara bara jume tane barapo pexeinya jume diwesi! najan. Nacom Pejume Diwesitha baxua yabara jeye:

“Nacom piamonaes tatsi capona Nacom

Pejume Diwesi taju beya.

Po diwesin xua barapomonaes paeba taju beya

jume pichapapona daxita barapo cae pin

nacuathe”, jei Nacom Pejume Diwesitha.

¹⁹ Equieicha nayainyaban, janje: ¿Metha bara barapomonaes judiomonaes jopa yaputaeyõ xua barapo diwesi ichamonaes jume cowantsina? najan. ¡Jume! ¡Apara bara yaputane! najan. Barapomonaes yaputane tsipei Moisés baxua caena bayatha copiya yabara tsiwũnae muxu duta. Moisés tatina Nacom, xua Nacom jeye:

“Ichamonaes capanenebiyan pomonaes

jopa judiomonaes naexanaeyo.

Paxam paca exanatsi xua barapomonaes pauwame.

Ichamonaes capanenebiyan pomonaes

jopa bichocono peyaputae jiwi.

Paxam paca exanatsi xua baxua paca anaepana

exana, jei Nacom”, xua Moisés tatina.

²⁰ Bapoxonae irũ pirapae Isaias atsaquiya yabara tsiwũnae muxu duta Nacom nexa xua Nacom jeye:

“Pomonaes jopa nejeichiyo bara necaxiba.

Pomonaes jopa neyabara yainyabiyo bara

barapomonaes cana exanan xua barapomonaes

neyaputane”, jei Nacom, xua Isaias tatina.

²¹ Equeicha Isaías yabara tsiwūnae muxu duta judiomonaē Nacom nexa, xua Nacom jeye: “Daxita matacabi wabeiban barapomonaē. Ichitha barapomonaē jopa exaneibiyo pocotsiwa itorobeiban tsipei barapomonaē tanejume torobabeibi jiwi xua jopa, tanejume cowantsiwa”, jei Nacom, xua Isaías tatina.

11

Meje yabara xua Nacom itapeta judiomonaē piwi pomonaē Israel pon caena bayatha tupa bapon piamonaē tatsi

¹ Equeicha nayainyaban najan: ¿Metha bara Nacom torota daxita piamonaē israelmonaē jampa? najan. Jume apara, tsipei apara xan barapo israelmonaē jiwana pin, daxota jopa netorotsiyo, Abraham pia saineiwimonaē jiwana tatsin apara, matautano Benjamín pia pemomoxi susato jiwi jiwana tatsin apara.

² Nacom jopa torotsiyo piamonaē pomonaē xua caena bayatha peitapetsixae xua cana exana be piamonaē tatsi. Paxam payaputaneme xua Nacom Pejume Diwesitha paeba, po diwesitha ichaxota Elías tsipaeba Nacomtha. Elías pon Nacom pia peitorobi jume pepaebin pon caena bayatha tupa. Elías anaya yabara paeba israelmonaē, jeye:

³ “Nacom ponxaem Tanecanamataxeinaem, barapo israelmonaē juteba, jutebatsi pomonaē jinya neitorobi jume pepaebiwī. Matautano barapo israelmonaē cayatsiya abe exana pocotsiwan iboton xua xuan xota duwei yubeibiya jutebathopeiba xua poxonaē catsita tuxusi exana. Xan compan napaeban xua pomonaē beta necajume cowantsiwi barapomonaē jiwana. Irũ barapomonaē ichichipa nebexubara”, jei Elías poxonaē tsipaeba Nacomtha.

⁴ Ichitha Nacom Elías jume notatsi. Nacom jeye: “Awiya cataunxuae xeinan siete mil pebiwi xua tamonaē, pomonaē tanejume cowantsiwi. Barapomonaē jopa pentabocototha umenaeyo xua poxonaē wūnaē pejainchinexa ibo nacom, po ibo nacom pewun Baal”, jei Nacom.

⁵ Nama anoxuae awiya barichi israelmonaē be conotha pomonaē jume cowanta Nacomtha pomonaē Nacom peitapetsiwi, pia peantobexae barapomonaē.

⁶ Nacom itapeta barapomonaē, pomonaetha pomonaē peichichipaexae xua peyawe-naewa barapomonaetha pia peantobexae. Baxua Nacom amanaya exana barapomonaetha. Nacom jopa itapetsiyo barapomonaē, xua peyabara cui matomatsinexa xua peexanaexae pocotsiwa xanepana. Tsipei icha Nacom saya itapeta jiwi, xua peyabara cui matomatsinexa xua barapo jiwi peexanaexae barapoxonaē Nacom be jopa bapana amanaya exanaeyo jiwi nexa.

⁷ Daxota yaputainchi xua pinmonaē xua barapo israelmonaē jiwana jopa catsibichi pejũntũ coyene xanepanaewa xua bequein baxua tsixana nawita po coyenein Moisés itoroba. Jame Nacom cata barapo coyene pomonaetha pomonaē peitapetsiwixae, xua pomonaē israelmonaē jiwana. Barapomonaē, pomonaē israelmonaē jiwana barapomonaē Nacom jopa catsibiyo barapo pejũntũ coyene xanepanaewa. Nacom copata xua barapomonaē pejũntũ coyenewatha xeina pejume torobabi coyenewa.

⁸ Nacom Pejume Diwesitha Moisés yabara paeba barapomonaē. Moisés jeye: “Nacom copata xua barapomonaē xeinaena po jũntũ coyene jopa itacupaetsi xua peyaputaewa. Bequein barapomonaē yoroba xua pejume xainyei coyenewa daichitha jopa yaputaeyo. Matauta bequein barapomonaē jume tane pexainyei jume daichitha jopa jume cowantsiyo. Barapo coyenein anoxuae cataunxuae baxuan eexanapona”, jei Moisés xua Nacom Pejume Diwesitha.

⁹ Irũ David yabara paeba israelmonaē poxonaē Nacom tapaebatsi. David jeye:

“Barapomonaē beitatemaya jũntũ coyene weiweinaepona pin penabanaewantha. Barapomonaē nanta xeina xua jopa catsita natsicuentiyo xua abe peexanaexae. Poxonaē barapomonaē cataunxuae eexanapona baxua barabũ xam Nacom jemeicha atene cana exanaename barapomonaē, jopa pia necajume cowantsixae.

¹⁰ Daxota barabũ copatsiname xua barapomonaē israelmonaē jopa yaputaeyo po coyene xua barapomonaē catsita natsicuenta abe necatsita exanaexae.

Matautano barabũ copatsiname xua barapomonaē xeinaena po peatene coyenewa anthũthũrewē

cana exanatsi xua ataya, abe peexanaexae”,
 jei David, israelmonae yabara,
 Nacom Pejume Diwesitha.

Meje yabara xua pomonae jopa judiomonae naexanaeyo Nacom jume cowuntatsi

¹¹ Equeicha tacoya nayainyaban, najan: Poxonae judiomonae, pomonae israelmonaexae, Nacom nawepu tsabatsi, jopa pejume cowuntsixaetsi ¿metha bara Nacom itawetsina barapomonae xua ataya tsane jampa? ¡jume apara! ¡Barapara Nacom jopa itawetsi tsane xua bara ataya tsane! Nacom capanenebiyaena icha judiomonae bexa tsane. Bequein anoxuae Nacom jopa capanenebiyaeyo barapomonae judiomonae, apara bara capanenebiya abe pia peexanae cuiru coyenein weya tatsi pomonae jopa judiomonae naexanaeyo. Nacom baxua exana xua judiomonae peuwinexa, xua uwatsi pomonae jopa judiomonae naexanaeyo xua barapomonae Nacom pecapanepaexae.

¹² Poxoru judiomonae Nacom nawepu tsabatsi daxota Nacom xanepana exana ichamonae, xua daxita carepaya barapo cae pin nacuathe. Judiomonae jopa Nacom pejume cowuntsixaetsi daxota Nacom xanepana exana, pomonaetha pomonae jopa judiomonae naexanaeyo xua Cristo pejume cowuntsiwxaxaetsi. Bexa tsane Nacom xanepana exanaena judiomonaetha pocotsiwa bichocono daxita nacuanpiwi tsita xanepanatsi, xua beyacaincha poxonae xanepana exana pomonaetha pomonae jopa judiomonae naexanaeyo. Baxua Nacom cana exanaena poxonae judiomonae iru Cristo jume cowuntsinchi.

¹³ Anoxuae paca tsipaebatsi pomonae pam pomonae jopa judiomonae naexanaeyo pam. Yaitama Nacom taneitorobixae pomonaetha pomonae jopa judiomonae naexanaeyo, pomonae icha paichim, daxota tsitsipaebaponan Nacom Pejume Diwesi. Barapo tatanacuichiwa Nacom bichocono netsita ainya cui.

¹⁴ Beexanaein xua tamonae judiomonae paca uwa, xua bapoxonae barapomonae pejume cowuntsinexa icha paichim. Yawano barapoxonae barapo tamonae jiwana Nacom capanenebiya tsane taexanaexae Nacom nexa.

¹⁵ Tsipei poxonae Nacom itaweta barapomonae judiomonae bapoxonae Nacom itapeta ichamonae pomonae barapo cae pin nacupapiwi jiwana xua pecanaexanaenexa pia jiwimonae tatsi. Poxonae judiomonae iru cana exanaeinchi Nacom pia jiwimonae tatsi Cristo pejume cowuntsixaetsi baxua bichocono wanae tsane be poxonae jijiwe equeicha asu exanatsi petupae cuiru coyene weya.

¹⁶ Ainya pecayabara juta pepaebi diwesiyo paca tsipaebatsi. Poxonae jijiwe ba pentubu tsequeta xua cae pan exana pecatsinexa Nacomtha barapo pan matabuyo bara Nacom piawa tatsi. Barichi pepa matabu barapara Nacom piawa tatsi. Barichi poxonae jijiwe ba paeba xua pinae nae petabu opina catsina Nacomtha bara Nacom piawa tatsi. Barichi pepa maxuranan barapara Nacom piawa tatsi. Icha barapocotsi naxobe coyenewabe cana ichiya exana jijiwe, barapocotsi juta coyeneya Nacom cana exana jiwitha. Poxoru Abraham iru pomonae Nacom peitorobi jume pepaebiwi barapomonae Nacom piamonae tatsi daxota iru pia pexui tatsi iru Nacom piamonae tatsi.

¹⁷ Equeicha pecayabara juta pepaebi diwesiyo paca tsipaebatsi. Jijiwe itacupatsi xua olivo nae jiwana maxuranan weucuboba po nae ubanota pabitha xua bebai. Icha olivo nae maxuranan jiwana weucuboba, po nae untha uncua. Barapo maxuranan wantha japateita catsiya duba po naetha po nae uncua pabitha, po nae copiya jiwana maxuranan bebai. Barapo nae tabu opinan aisa cana exana xua barapo maxuranan beta nacoita tsipei mene nota barapo nae tabu opina tsina. Bara juta coyeneya ichi, icha olivo naetha cana ichichi, Nacom jijiwe barapocotsi coyeneya cana ichi. Nacom jiwana torota po judiomonae jopa pejume cowuntsixaetsi xua bapoxonae Nacom paca cana exana piamonae tatsi pam. Nacom paca cana exana xua peajuntuyapusuwa painya nexainaewa painya neume cowuntsixae Jesucristo. Barapo coyene icha be poxonae pemaxuranan cana ichichi poxonae aisa cana exainchi pemene notsixaetabu opinan tsina, xua beta xu xuwa exana pena maxuranatha.

¹⁸ Daxota jopa paatsaquiya aebiya nanta xeinaeinde xua ainya cui jijiwe pam xua Nacom painya nepaca wabixae beyacaincha icha judiomonae pomonae Nacom torota. Payabara nanta xeinare barapo olivo nae xua pecayabara juta paebiwa. Barapo maxuranan jopa apara nacoita exanaeyo barapo nae tabu opina deca. Jame apara barapo nae tabu opina nacoita exaneina barapo maxuranantha.

¹⁹ Metha papaebichipame, pajam tsipae: “Nacom torota judiomonae xua wanaca exanaenexa piamonae tatsichi, xua icha jijiwe cana ichi olivo naetha”, pajam tsipae.

²⁰ Metha moya bara xainyei tsipae. Bara Nacom torota barapomonae judiomonae jopa pejume cowuntsiwxaxaetsi Jesucristo. Paxam Nacom piamonae tatsi paca cana exana, tsipei saya apara pajume cowuntame Jesucristo, saya meisa baxuaxae. Jopa pana najuntu

coyene yabara atsacande xua painya nexeiaaexae pocotsiwa Nacom paca cata. Jame saya dota pam xua jopa xanepanaeya pajume cowantsim Jesucristo xua daxota Nacom painya nepaca torotsiwa tsane. Jiwi pemaxurana ucubobiya bebai po nae pabitha uncu.

²¹ Bara juta coyene ichi. Nacom torota judiomonaе pomonaе copiya piamonaexae tatsi jopa pejume cowantsixae Jesucristo. Nacom bara paca ichipae paca torotsipa icha jopa pajume cowantsipaem.

²² Anoxuae waxainchi yaputainchi xua Nacom yawena jiwi, peantobexae. Yawano yaputainchi xua Nacom ayapube taexana ichamonaе pomonaetha pomonaе abe peexanae jiwixae. Nacom daunweya yabara paeba penatsicuentsiwa pomonaе xua jopa pejume cowantsiwichi. Ichitha Nacom beta xanepanaya paca cana exana. Nacom baxua paca cana exanaena icha awiya pajume cowanta dubenanaebiyaename. Ichitha icha awiya jopa pajume cocowantaponaem tsane Nacom paca torotsina.

²³ Matautano Nacom itacupatsi xua equeicha caewa cana exana piamonaе judiomonaе, pomonaе Nacom bayatha copiya bequein petorotsixae. Nacom baxua cana exanaena icha jame barapomonaе Cristo jume cowantsinchi. Nacom baxua cana exanaena icha jiton ichi xua equeicha caewa pecoutha japateita cutanota wantha pemaxurana, po maxurana bequein ucubiya xuba.

²⁴ Paxam pomonaе jopa judiomonaе naexanaeyo pam, Nacom paca cana exana piamonaе tatsi pam, bequein copiya jopa piamonaе tatsi pam. Nacom bara paca cana ichi, icha be pocotsi coyeneya pebin ichi xua unupi olivo nae maxurana ucuiba. Equeicha barapo maxurana icha olivo nae maxurana wantha japateita cutsiya duta po olivo nae pabitha ubanota. Bapoxonaе barapo unupi olivo nae maxuranatha pexeiya thei xuwa. Ichitha icha pebin equeicha pita po maxurana xua ucuiba pepa olivo nae weya yawa equeicha caewa pecoutha japateita cutanota wantha, barapo maxurana beta xuwa beyacaincha xua xuwa unupi olivo nae maxurana poxonaе japateita cutanota wantha. Icha pebin ichi, Nacom bara itacupatsi cana exana judiomonaetha. Nacom tayapu xanepanatsi xua equeicha exana piamonaе tatsi pomonaе copiya torota pomonaе judiomonaе.

Meje yabara xua Nacom bexa tsane israelmonaе capanenebiya tsainchi

²⁵ Tamonaе pam, paxam pomonaе iru painya nejume cowantsiwixae Jesucristotha. Maisa ichichipan xua paxam yabara painya neyaputaewa tsane xua moya peyawun xeinaewa po coyene xua Nacom yabara po coyene ichamonaе jopa yaputaeyo. Tsipei jopa ichipaeinyo xua painya coutha painya nenayabara nanta xeinaewan xua peyaputae jiwi pam. Meje baxue xua moya peyawun xeinaewan: Anoxuae israelmonaе xeina pejanta coyenewatha po coyene xua Nacom pejume torobabi coyenewatsi xua daxota Nacom jopa pejume cowantsiwatsi. Ichitha jame bexa poxonaе abu daxita carepaya jume cowantsina Nacom pomonaе jopa judiomonaе naexanaeyo pomonaе Nacom itapeta, bapoxonaе equeicha judiomonaе jume cowantsina.

²⁶ Bapoxonaе daxita israelmonaexae pomonaе judiomonaexae pomonaе Nacom itapeta, capanenebiya tsainchi abe pia peexanae cuiru coyenewan weya tatsi. Nacom baxua yabara jeye pejume diwesitha:

“Pon jiwi Pecapanenebiyaein patopaena israelmonaе jiwianatha pomonaе Si6n tomara wanmonaе.

Bapon janta coyene wepichina Jacob pia pemomoxi susato jiwi tatsi abe pia peexanae cuiru coyenewan tatsi, pomonaе israelmonaexae.

²⁷ Janta coyene wepichin barapo judiomonaе abe pia peexanae cuiru coyenewan tatsi.

Barapoxonaе cayabara jume weta exanaein pocotsiwa caena bayatha yabara tsiwanae muxu dutan barapomonaе pia pamo susato jitontha tatsi pon pewan Jacob, pon Israelxae”,
jei Nacom Pejume Diwesitha.

²⁸ Ichamonaе xua israelmonaе jiwana anoxuae barapomonaе Nacom pia peaitaetabi jiwichi tsipei barapomonaе jopa jume cowantsiyo Nacom pia pexeinya jume diwesi tatsi po diwesi Cristo pepatopaewa yabara. Tsipei barapomonaе baxua exana, daxota paxam pomonaе jopa judiomonaе naexanaeyo pam, bara paca itacupa xua painya nejume cowantsiwa Cristo. Ichitha barapo israelmonaе Nacom caena bayatha copiya itapeta. Barapo israelmonaе awiya Nacom antobe, pia pamo susato jiwi tatsi copiya peitapetsix-aetsi.

²⁹ Tsipei Nacom jopa ichawa beya paebiyoy. Pocotsiwa Nacom cata equeicha jopa caewa pichiyo. Pomonaе Nacom itapeta equeicha jopa itawetsiyo.

³⁰ Paxam pomonae jopa judiomonae painya nenaexanaewi pam, copiya paxam jopa painya neexanae jiwi pam pocotsiwa Nacom paca itoroba. Daichitha anoxuae judiomonae jopa peexanaexae pocotsiwa Nacom itoroba, daxota Nacom w̄naeya paca yabara nanta xeina pia nepaca cayawenaewa tsane.

³¹ Ichitha anoxuae bequein barapomonae judiomonae jopa exanaeyo pocotsiwa xua Nacom ichichipa, bexa tsane barapomonae judiomonae jume cow̄ntsina. Poxonae baxua exanaena Nacom, xua w̄naeya paca yabara nanta xeina pia nepaca cayawenaewa tsane ir̄u w̄naeya yabara nanta xeinaena peyawenaenexa tsane xua barapomonae peyawenaenexatsi pia peantobewixae. Nacom baxua exanaena barapomonaetha icha bayatha pacata ichi xua poxonae Nacom pacata exana.

³² Nacom bara copata xua daxita jiwi bara naj̄pa xua penatsicuentisiwa xua jopa pejume cow̄ntsixaetsi. Nacom bara baxua copata, xua penanta j̄p̄riya yawenaenexa daxita jiwi, peantobexae.

³³ ¡Maisa jopa juniya Nacom yawenaeyo jiwitha! ¡Maisa Nacom jopa juniya xeinaeyo peyabara yaputae coyenewan po coyene xua xaniwaicha pecayabara exanaewa! ¡Maisa Nacom jopa juniya yabara tsiw̄nae yaputaeyo peyaputae coyenein xua bexa exanaena! ¡Dapon ajibi pon itac̄patsi xua pecayabara yaputaeya p̄aebiwa pocotsiwa Nacom cuita yabara exana! ¡Barichi dapon ajibi pon itac̄patsi xua peyaputaewa Nacom pia cui coyenewan tatsi!

³⁴ Nacom Pejume Diwesitha tatsi yabara jeye baxua: “Dapon ajibi, pon yaputane pocotsiwa Nacom nanta xeina pon jiwi Pecanamataxeinaeixae. Matātano dapon ajibi, pon xua Nacom pecuidubiwatsi.

³⁵ Matātano dapon ajibi pon cata Nacomtha xua daxota xuya bewa Nacom matomatsina”, jei Nacom Pejume Diwesitha tatsi.

³⁶ Aparā daxita coyenein Nacom forota. Nacom canamataxeina pia peayapus̄u itorobi coyenewatha daxitan pocotsiwan xua xuan exana. Daxitan bara piawa tatsi. ¡Barabu Nacom w̄nae j̄aintebatsi xua ataya tsaibi tsane! ¡Je, bara ichi tsane!

12

Meje yabara xua wajinompawea wataexanaenexa Nacom

¹ Tamonae pam, paxam pomonae ir̄u painya nejume cow̄ntsiwixae Jesū. Paxam payaputaneme xua Nacom bichocono naca yawena pia wanaca antobexae. Daxota paca itorobatsi daxita pam. Pana naj̄nt̄u coyene doure Nacomtha painya nenacuichinexa pocotsiwa Nacom paca itoroba. Baxua bara be poxonae jiton ovejiyo as̄u cata xua pebexubinexa Nacom nexa. Poxonae pana naj̄nt̄u coyene doutame Nacomtha barapo coyene Nacom tsita xanepanatsi. Barapocotsi coyenewatha bewa w̄nae pajaintsiname Nacom painya j̄nt̄u coyeneintha.

² Jopa bara paichiponaende xua abe paexanapona po coyenewan icha ichi xua exana dubenanaebiya pomonae barapo cae pin nacuathe jinompa. Jame maisa bara pacopare xua Nacom paca necanaexanaenexa xua icha j̄nt̄u coyene paxename xua beta painya nenanta xeinaponaenexa tsane. Bapoxonae payaputaeneme xua bara painya neexanaewa pocotsiwa Nacom ichichipa. Pocotsiwa Nacom peichichipaewa xua apara painya neexanaponaewa tsane xua meje: pocotsiwa bara w̄nae, matātano pocotsiwa Nacom pej̄nt̄u coyene weiweina exanaewatsi, matātano pocotsiwa daxita bichocono matapaieicha xanepana.

³ Nacom taneantobexae necata barapo peayapus̄u itorobi coyenewa xua tapaca itorobiwatsi pocotsiwa yabara bewa paexanaename. Daxota baxua paca tsipaebatsi xua paxam jopa bewa pana nayabara nanta xeinaem xua peainya cui jiwi pam beyacaincha poxonae Nacom pia coutha ainya cui paca cana exana. Nacom paca catsiba pejume cow̄ntsiwa daxita carepaya paxamtha. Daxota bewa daxita paxam xainyeya pana nayabara nanta xeinaem pocotsiwa painya neexanaexae xua icha be pocotsi coyeneya Nacom painya nepaca itorobixae pocotsiwa bewa paexanaename.

⁴ Wapepontha nawita xeinatsi xua wanaca cueyatsiwan, bara bequein cae pepontsi. Daxita barapo wanaca cueyatsiwan wapepontha jopa nanta j̄p̄ae coyeneya exanaeyo.

⁵ Waxainchi bara ichichi bara bequein pinmonaetsi ichitha waxainchi be cae pepontsi Cristotha. Ichitha apara daxitatsi bara caemonae naexainchi wajume cow̄ntsixaes Cristo. Caemonae wanaexanaexae Cristotha, daxota nantiya nayawenatsi.

⁶ Nacom daxita carepaya barompaya naca catsiba waj̄nt̄u coyeneya waexanae coyenewan, peichichipaexae xua naca yawenaena wanaca antobexae. Barapo j̄nt̄u coyeneyatha waxainchi barompaya bewa beta taexanaetsi Nacom wanaca catsixae barapo coyene. Ichamonaetha Nacom naca jiwana catatsi po coyene xua peyabara yaputaeya cueicueiji

coyenewa Nacom Pejume Diwesi. Bapoxonae barapomonae bewa cueicueije barapo diwesi jiwitha. Bapomonae bewa exanae baxua daxita po pejume cowantsiwatha Nacom bapomonaetha cata.

⁷ Ichamonaetha Nacom naca jiwana catatsi, po coyene xua ichamonae peyawenaewatsi. Barapomonae bewa moya ichamonae bara beta yawenaetsi. Ichamonae Nacom naca jiwana catatsi po coyene xua ichamonae pecuidubiwatsi. Pomonaeyaputane xua pecuidubiwa ichamonaetha, bewa moya bara beta cuidubina ichamonaetha.

⁸ Ichamonaetha Nacom naca jiwana catatsi peyaputae coyenewa po coyenewa xua pejantũ cui coyene tsacabinexa pejume cowantsiwi xua jantema pejinompaenexa. Pomonaetha Nacom cata barapo peyaputae coyenewa bapomonae bewa moya bara beta jantũ cui coyene tsacabina ichamonae. Ichamonaetha Nacom naca jiwana catatsi peyaputae coyenewa po coyenewa xua piawan peroutsiwa ichamonaetha. Bapomonae bewa jopa asiwiyo, moya bara bewa amanaya doutsina ichamonaetha. Ichamonaetha Nacom naca jiwana catatsi peyaputae coyenewa po coyenewa xua piamonae canamataxeinaeya itoroba. Bapomonae bewa moya bara saya daunweya beta canamataxeinaeya itorobaponae. Ichamonaetha Nacom naca jiwana catatsi peyaputae coyenewa po coyenewa xua yawena peacopeibi jiwĩ. Bapomonae bewa moya jantũ coyene weiweinaeya yawena.

Meje yabara xua pocotsiwa bewa exanae pomonae pejume cowantsiwi Cristo

⁹ Poxonae pana naantobem xaniwaicha nantiya caemonae pana naantobeinde. Panaitemare abe peexanae coyenewan. Saya naitomatsiya paexanaponde pocotsiwa pexanepanae coyenewan.

¹⁰ Bewa caemonae nantiya pana naantobem, icha caepi jiwĩ ichi xua yatsicaewa naantobe xua cae peweicho jiwĩ. Bewa ichamonae pabarũ cui itura jinaem xua barapomonae peainya cui jiwĩ beyacaincha paxam.

¹¹ Jantũ coyene daunweya patanacuire pon jiwĩ Pecanamataxeinaein. Jopa paacoyenefaetabinde poxonae pata nacuitame. Antũcoyeneyapusya bapon patanacuire, bichocono painya neichichipaexae.

¹² Painya newnae ewatsixae pocotsiwa xua Nacom paca catsibapaeba bexa daxota pajantũ coyene weiweinaeya jinompare. Poxonae ichamonae jopa xapain pacata exanaeyo, xua paca cana exana xua pajantũcoyenetanem, bara saya jantema pajinompare. Jopa paaitaconaeinde. Jopa pana cui barapentsinde xua painya tsipaebibiwa Nacom.

¹³ Nacom piamonae xua irũ pomonae pejume cowantsiwi xaxatsi payawende pocotsiwa xua barapomonae nantawenona. Pantenta weyataeya wabeibare painya bontha pomonae painya nepaca casiwa poneibiwi, pomonae pejume cowantsiwi Nacom pomonae jopa painya yaitaibi jiwĩ.

¹⁴ Pomonae paca atene exana painya nejume cowantsixae Jesucristo barapomonae patawacare Nacomtha xua Nacom peyawenaewa tsane barapomonae. Nacom jopa patsipaebinde xua abe pecana exanaewa tsane barapomonaetha.

¹⁵ Irũũ pajantũ coyene weiweineibare poxonae ichamonae jantũ coyene weiweineiba. Ichacuitha pajantũ coyene wecoyeyi tsabindeno poxonae ichamonae jantũ coyene wecoyeyi tsaibi.

¹⁶ Pebũũya nanta cui jũpaeya pajinompare xua jantema nantiya pana nabarũ dubenanaebiyame. Jopa ichamonae paaebinde. Pacana exande painya jiwĩ xua be pomonae pecui pawĩ jiwĩ. Jopa pana nayabara nanta xeinaeinde xua painya neyaputae jiwĩ pam.

¹⁷ Poxonae ichamonae abe pacata exana jopa xuya abe pata exanaeinde barapomonaetha. Jame maisa pananta xeinare xua daxita jiwĩ xaniwaicha painya netaexanaewa tsane pocotsiwa barapomonae tsita cui xanapanatsi.

¹⁸ Paexanaponde daxita pocotsiwan paca itacũpa, xain bapoxonae jantema pana nabarũ jinompame daxita jiwĩ.

¹⁹ Tamonae pam paxam pomonae tapaca caantobe jiwichi pam irũ painya nejume cowantsiwi xaxatsi Jesucristo. Paxam jopa bewa xuya panayantomateibim tsane poxonae ichamonae abe pacata exaneiba. Jame bara saya pacopare xua bara Nacom peyantomatsiwa exanaena pomonaetha pomonae abe pacata exana. Tsipei Nacom Pejume Diwesitha tatsi baxua yabara jeye: "Jame xan saya ba tacoyan xua jiwĩ atene exanan abe peexanaexae ichamonaetha. Xan peyantomatsiwa xuya exanaein pomonaetha pomonae paca abe exana jei pon Pecanamataxeinaein jiwĩ", jei Nacom Pejume Diwesitha.

²⁰ Jopa xuya payantomateibim tsane. Jame paexande xua Nacom Pejume Diwesitha tatsi jeye: "Icha painya nepaca caaitafaetabi jiton jainpa, paapare pexaewa. Yawano icha meratsipano, paapare pocotsiwa xua peapaewa. Poxonae baxua pataexanaename, bapoxonae barapon pin ura paca tsita xeinaena xua bayatha abe pia pacata exanaexae", jei Nacom Pejume Diwesitha.

²¹ Jopa pacopatsinde xua ichamonae abe pia paca exanae coyenein tatsi paca juntu coyene amanayaba xua daxota abe paexaname barapomonaetha pomonae painya nepaca caaitaetafi jiwi. Jame maisa beta exanaeya pata exande poxonae bequein ichamonae abe pacata exana. Bapoxonae pacoyene amanayabame po coyenein abe peexanae coyenewan.

13

¹ Daxita jiwi bewa exanae pocotsiwa itorobatsi pomonae itorobiya pecanamataxeinae jiwi pomonae peayapusu itorobi coyenewa xeina. Jiwi jopa itacupaetsi xua pecanamataxeinaewa ichamonae xua peitorobinexa icha Nacom jopa yabara copatsiyo baxua. Tsipei jiwi pomonae peayapusu itorobi coyenewa xeina xua pacanamataxeinaewatsi ichamonae saya meisa Nacom bara yabara cui copaba xua barapo jiwi bara pecanamataxeinaewa tsane ichamonae.

² Daxota icha ichan jume naitemata xua pocotsiwa itorobatsi xua itoroba pon piamonae itorobiya pecanamataxeinaein barapara bapon barichi jume naitemata po coyene xua Nacom exana xua poxonae cana exana xua barapomonae pecanamataxeinaewa ichamonae. Pocotsimonae xua baxua exana xua pejume naitematsiwa, barapocotsimonae apara bara Nacom tsita natsicuentatsi xua barapo abe coyenewa peexanaexae.

³ Pomonae beta peexanae jiwi jopa bewa cuitaya junuwi tsane xua pecuitaya junuwatsi pomonae itorobiya pecanamataxeinaewi. Jame saya meisa pomonae abe peexanae jiwi bewa cuitaya junuwina xua pecuitaya junuwatsi pomonae itorobiya pecanamataxeinae jiwi. Icha jopa paichichipaem xua junuwa painya nepaca exanaewa pon itorobiya pecanamataxeinaein, moya jame beta patsita exande. Bapoxonae bapon bara patsita xanepanaename.

⁴ Tsipei apara pon itorobiya pecanamataxeinaein jiwi tanacuita Nacom xua painya nepaca cayawenaewa tsane. Ichitha icha paxam abe paexaname moya bara bewa pajunuware, tsipei bapon pon itorobiya pecanamataxeinaein jiwi, xeina po peayapusu itorobi coyenewatha peitacupaewatsi xua atene paca exana. Bapon tanacuita Nacom. Daxota bapon Nacom taexainchi xua pomonae abe peexanaewi atene tsane xua penatsicuentatsixae xua abe peexanaexae Nacomtha.

⁵ Daxota bewa paexanaename pocotsiwa paca itoroba pon itorobiya painya nepaca canamataxeinaein. Jopa apara bewa paexanaem tsane baxua xua poxoru Nacom atene painya nepaca exanaeyainwa, jame apara poxoru xua painya juntu coyenetha payabara yaputaneme xua bewa beta painya neexanaewa tsane.

⁶ Daxota xain barapomonae pacatsibame pematomatsi paratixi pocotsi paratixi jiwi bewa catsibina pomonaetha pomonae itorobiya pecanamataxeinae jiwi. Tsipei barapomonae nantawenona paratixi xua beta pe-eexanaponaewa tsane poxonae Nacom tanacuitapoinchi.

⁷ Daxita barapomonae barompa paratixi pacatsibare po paratixi bewa pacatsibim barapomonae. Pomonae painya nepaca canamataxeinaewi pacatsibare daxita po coyenein peyabara matomatsiwan xua xuan paca wuca. Daxita pomonae pecanamataxeinae jiwi pabaru cui itura jinare, xua daxota betiya painya nebaru cueicueijejewa tsane.

⁸ Painya xoba ichamonae pantoma amanayabeibame. Jame saya cae coyene bewa paxeinaem po coyene xua nantiya painya nenaantobewam. Tsipei pon antobe ichamonae bapon jume cowantsiya exana daxita pocotsiwa xua Moisés itoroba pia peitorobi coyenewatha.

⁹ Moisés pia peitorobi coyenewatha jeye: “Jopa pichinde ichan piseuri tatsi. Jopa bexubinde ichamonae. Jopa caibinde xua ichamonae piawan. Jopa yabara uwinde pocotsiwa ichan xeina”, jei barapo itorobi coyenewatha. Barapo coyenein xuaunxae paeban, iruno daxita icha peitorobi coyenewano be cae peitorobi coyenewa jume naexanabe ichaxota xua po jumetha jeye: “Ichamonae antobeinde icha ichim xua jinya coutha naantobem”, jei barapo peitorobi coyenewatha.

¹⁰ Pon ba beta antobe tsabi ichamonae bapana jopa abe taexanaeyo barapomonaetha. Daxota icha antobetsi ichamonae bapoxonae barapara jume cowantsiya exainchi daxita pocotsiwa Nacom itoroba Moisés pia peitorobi coyenewatha.

¹¹ Daxita baxuan bewa paexanaename tsipei payaputaneme xua anoxuae po dapaetha pajinompame bichocono peayapube dapae. Barapo dapaetha tsaca pajinompae, tsipei imoxoyo naca itiya pona po mataqueitha Nacom naca capanenebiyaena. Barapo matacabi imoxoyo beyacaincha xua poxonae aena jume cowantatsi Jesucristo.

¹² Pequireiwa ba bewaya caewanaya poxoru matacabi dawetsina. Bara juta coyeneya ichi poxonae pomonae ba abe peexanaewi bara apara pequireitha abe exana. Barapomonae barapenta xua abe exana poxonae matacabi tsuxubi. Barichi waxainchi bewa

barapentichi xua abe waexanae coyenewa icha barapomonae ichi xua saya merawi abe exana ichitha mataqueitha jopa exanaeyo. Waxainchi bewa beta exanaetsi icha pomonae ba ichi pomonae jinompa mataqueitha xua beta exana. Baxua exanatsi poxonae najuntũ coyene wũnaetatsi xua najuntũ coyene ayapusu exanatsi abe waexanaeyainwa. Baxua icha be poxonae ba soldadopin ichi poxonae matabitha nacui wũnaeta penabinexa. Bapon penaintontha nayaitata xua daxita pontha xua peboxotsiyainwatsi.

¹³ Barabu beta xanepanaya dubenanaebiyatsi, icha jiwi ichi xua beta dubenanaebiya mataqueithaxae. Jopa bewa nacupa exanae dubenanaebiyae tsainchi xua peamenet-saxawa. Matautano jopa bewa ponaeinchi po penabanaewan xua ichaxota pinmonae penacaeutsiwa yawa abe exana. Jopa bewa nasi cui exanae tsainchi. Matautano jopa bewa tanotsichi ichamonae piseuri jiwi tatsi. Yawano jopa bewa nantiya jume daunweya najume matsontsonobi tsainchi. Matautano jopa bewa nauwi tsainchi.

¹⁴ Jame ichawa bewa paexanaename. Bewa Jesucristo patsipaebiname xua painya nepaca yaitatsinexa pon jiwi Pecanamataxeinaein, xua abe painya exanaeyainwa tsane. Bapoxonae jopa paexanaeinde po coyene xua abe painya exanaewan pocotsiwa painya juntũ coyenein ichichipa xua peexanaewa.

14

Meje yabara xua jopa bewa abeya yabara paebichi po coyene xua pejinompaewa pomonae irũ pejume cowuntsiwi

¹ Icha ichun juntũ coyene faefaena pejume cowuntsiwa Cristotha, bapon pacana exande be painyamonae jiwi jiwana pomonae painya nejume cowuntsi jiwixae pam. Jopa bapon yabara pajume matsontsonobinde xua pia pecayabara nanta xeinaewatsi xua po coyeneya bapon bewa exanae xuano xua ichacũitha po coyeneya xua bapon jopa bewa exanae.

² Ichamonae ba nanta xeina xua itacupatsi penabanaewa xua daxita coyenein pexaewan. Ichamonae ba pomonae juntũ coyene faefaena xua pejume cowuntsiwa Cristotha barapomonae ira pipexaewa xane jopa pewi xaeyo.

³ Pon penabanaein daxita coyeneya pexaewan, bapon jopa bewa paebi tsane ichuntha pontha pon xua jopa penabanaeinxae pewi. Jopa bewa paebi tsane "Abe exaname jopa nenabanaexae pewi", jopa bewa jei tsane. Barichi pon pewi jopa penabanaein, bapon jopa bewa paebi tsane pontha pon pewi penabanaeinxae: "Abe exaname nenabanaexae pewi", jopa bewa jei tsane. Tsipei pon daxita coyeneya penabanaein pexaewa Nacom yabara nanta xeina xua bara irũ pexanto tatsi, icha ichi pon jopa penabanaein pewi.

⁴ Xam jopa bewa daxua paebim tsane xua pon ichun tanacuitatsi xua bapon natsicuenta pontha pon pecanamataxeinaeinchi abe peexanaexae. Po pebin xua Nacom tanacuitatsi bapon nantauta pon jiwi Pecanamataxeinaein. Bapon jopa nantawenonaeyo xua irũ xam canamataxeiname bapon. Saya meisa Nacom itacupatsi xua yabara paeba poxonae po coyene icha bapon wũnae exana xuano xua icha jopa xapain exanaeyo. Ichitha bapon xanepanaya exanaena tsipei Nacom itacupatsi xua cana exana, xua pia petanacuichi jiwi tatsi xanepanaya peexanaewa.

⁵ Ichamonae nanta xeina xua caentaqueitha bichocono peainya cui matabi beyacaincha xua icha matabi tsipei barapo matabitha xua Nacom wũnae pejinchiwatsi. Ichamonae nanta xeina xua daxita matabin bara najupa xua peainya cui matabin xua Nacom wũnae pejinchiwanexatsi barapo matabintha. Daxita barapomonae bewa barompaya pia juntũ coyenewatha yabara nanta xeinae xua barapara pejayeyiwa po coyenewa xua peyabara nanta xeinaexae. Jopa bewa nanta xeinae po coyenewa ichun yabara nanta xeina.

⁶ Pon jopa nacuihiyo po mataqueitha xua peainya cui matabi, bapon baxua exana xua Nacom wũnae pejinchinexatsi pon jiwi Pecanamataxeinaein. Barichi pon xua penabanaein daxita coyeneya pewi, apara xua Nacom wũnae pejinchinexatsi, pon jiwi Pecanamataxeinaein, tsipei bapon jeye: "Nacom maisa juntũ coyene weiweinan xua tanecatsiwam daxita coyeneya pexaewan", jei. Irũno pon jopa pewi xaeyo, bapon barapara xua Nacom wũnae pejinchinexatsi pon jiwi Pecanamataxeinaein, tsipei bapon jeye: "Nacom maisa juntũ coyene weiweinan xua tanecatsiwam ira pipexaewa", jei bapon.

⁷ Tsipei dapon ajibi pon waxainchi jiwantsi pomonaexaetsi pomonae wajume cowuntsiwichi, xua pon pepoponaewa penacanaexanaewa xua be pocotsi coyeneya bapon ichichipa. Jame apara popona icha be pocotsi coyeneya bara Cristo pon jiwi Pecanamataxeinaein ichichipa xua pepoponaewa tsane. Barichi icha bapon tupaetsipa apara saya poxoru Jesucristo pon jiwi Pecanamataxeinaein bara copata xua bapon petupaewa tsane.

⁸ Icha Nacom pon jiwi Pecanamataxeinaein copata xua awiya wajinompawatsi bewa beta jinompaetsi xua daxota jiwi Nacom wũnae pejinchinexatsi. Icha Nacom pon

jiwi Pecanamataxeinaein copata xua bara watupaewa tsane barapo coyene bewa cana exanaetsi xua jiwi wuna pejainchiwa Nacom. Daxota bequein icha waxainchi jinompaetsipatsi, yawano poxona bequein icha tupaetsipatsi bara barapara barapo coyeneinya waxainchi bewa cana exanaetsi xua jiwi Nacom wuna pejainchinxatsi pon jiwi Pecanamataxeinaein poxoru waxainchi piamonae tatsichi.

⁹ Daxota Cristo tupa, yawano equeicha asu popona xua penaexanaenexa tsane pon jiwi Pecanamataxeinaeinchi xua daxita jiwi nexa pomonae werapa irano pomonae cataunxuae jinompano.

¹⁰ Daxota dapon ajibi pon paxam jiwana pam pon bewa yabara paebina pomonaetha pomonae iru pejume cowantsiwi Cristo, xua pejeiwa: "Barapomonae Nacom tsita natsicuentatsi abe peexanaexae bapontha", xua pejeiwa. Matautano ichamonae paxam jiwana jopa bewa yabara paebi tsane pomonaetha pomonae iru pejume cowantsiwi, xua jei: "Maisa barapomonae jopa peyaputaewi xua jopa peainya cui jiwi", jopa bewa jei. Tsipei poxoru daxita waxainchi hexa tsane umenaenchi Cristo peitabaratha. Cristo daxita naca yabara paebina xua wanatsicuentasiwa xua abe waexanaexae Nacomtha.

¹¹ Tsipei Nacom Pejume Diwesitha jeje: "Xan bara xaniwaicha yabara paca tsiwuna muXu dutatsi xua daxita jiwi patsina xua pentabocototha peumenaenexa taitabaratha tanewuna jainchinexa.

Daxita jiwi neyabara paebina jei tsane:

'Apara barapon yatsicaewa pepa Nacom', jei tsane", jei Nacom pon jiwi

Pecanamataxeinaein xua Pejume Diwesitha.

¹² Bapoxonae barapo mataqueitha yabara cueicuei jei tsainchi Nacomtha pocotsiwa xua caena bayatha exanatsi xua barapo cae pin nacuathe icha bara metha wuna exainchi yawano icha bara metha abe exainchi.

Meje yabara xua jopa bewa exanaetsi pocotsi coyeneya pomonae pejume cowantsiwi abe peexanaewa tsane

¹³ Daxota waxainchi jopa bewa yabara nantiya namuxutainyabichi pocotsiwa waexanaexae. Jame bewa paexanaem xua meje: Painya xoba pacana exaname painyamonae pomonae iru pejume cowantsiwi xua pocotsi coyeneya barapomonae peexanaewa tsane xua daxota jopa pejume cowantsiwa tsane Nacom.

¹⁴ Tsipei xan tajume cowantsixae Jesús pon jiwi Pecanamataxeinaein daxota bara yatsicaya yaputan, xua dapocotsiwa ajibi po pexaewa tanejuntu coyene taxobiwa xua icha taxaewa tsane. Ichitha icha ichun yabara nanta xeina xua po pexaewa betaxobichipatsi icha xaetsipa bapoxonae bara tsita xainyeichi, betaxobichipatsi icha xaetsipa.

¹⁵ Ichitha icha paxaetsipame pocotsiwa xua painya jiton jopa ichichipaeyo xua pexaewa, pon iru pejume cowantsin bapoxonae peantobe coyenewa jopa patsita xeinaem bapon. Painya xoba paexaname pocotsi coyenetha xua ichun baraxuba Nacom xua poxoru pocotsiwa painya nexaexae. Tsipei apara Cristo bayatha tsitupa bapon.

¹⁶ Paxam pananta xeiname xua bara wuna paexaname po coyenein ichamonae tsita abetsi pejuntu coyenein taxobixaetsi. Bequein baxua payabara nanta xeinaetham tsipae ichitha jopa paexanaetsipae barapo coyenein. Tsipei icha paexanaetsipame barapo coyenein, ichamonae yabara jei tsipae barapo coyenein: "Maisa po coyenein barapomonae exana bichocono abe", jei tsipae.

¹⁷ Nacom ichichipa xua waxainchi peburaya juntema wajinompawea. Daxota poxonae Nacom naca itoroba po coyene yabara po coyeneya bewa naba ru jinompaeinchi, jopa yabara paebi tsainchi xua po peitorobi coyenein xua waxaewa yawa waapaewa yabara. Jame po coyenein yabara naca itoroba xua apara jame pinae bewa Nacom tsita xeinaeinchi pejuntu coyene xanepanaewa. Matautano bewa pinae juntema naba ru jinompaeinchi Nacom nexa. Matautano bewa juntu coyene weiweinaeya jinompaeinchi. Daxita barapo coyenein xeinatsi wanaca catsibixae Nacom pia Pejumo pe tana xua tatsi.

¹⁸ Poxonae barapo coyeneya Cristo taexainchi bapoxonae Nacom tsita xanepanatsi pocotsiwa xua exainchi. Matauta jiwi naca yabara paeba xua pinae bara beta exainchi.

¹⁹ Daxota bewa waxainchi exaneibinchi pocotsi coyenein xua juntema naba ru jinompaetsi exanatsi. Yawano bewa exaneibinchi pocotsi coyeneintha xua nantiya jume cowantaponatsi naexainchi.

²⁰ Jopa bewa paxaem ichun peitabaratha pon painyamonae jiwana pocotsiwa xua bapon yabara nanta xeina xua jopa bewa xae. Icha paxaetsipame bapon peitabaratha, bapon iru metha xaetsipa barapo pexaewa. Bapoxonae bapon nanta xeinaetsipa xua bapon

pomonaē jiwana pomonaē penatsicuentsiwa Nacomtha xua abe peexanaexae. Painya xaexae bapon pacana exaname xua jopa beta pejume cowantsiwa Nacom.

²¹ Jame pocotsiwa xua xanepanaya painya neexanaewa tsane meje baxue: Jopa bewa paxaem pewi. Matautano jopa bewa paapaem peamenetsaxawa. Matautano jopa bewa paexanaem pocotsi coyenewatha painya jiton exanaena pon iru pejume cowantsin Cristo xua abe peexanaewa tsane.

²² Icha paxam pajume cowantame xua bara Nacom paca copata xua bara painya nenabanaewan daxita coyeneya pexaewan, po pexaewan jopa paca juntu coyene taxobiyo saya jame meisa Nacomtha yabara patsipaebare baxua. Painya xoba ichamonaē yabara patsipaebame pexaewa po pexaewa barapomonaē jopa bapana xae. ¡Maisa juntu coyene weiweina pon daxita coyeneya pexaewa penabanaein pon pia juntu coyenewa jopa tsi-paebichi xua pinae penatsicuentsiwa xua abe peexanaewaxae Nacomtha poxonaē barapo pexaewa xane!

²³ Pon yabara ainya unthuton xeina xua pocotsiwa penabanaewan, bapon barapara pia coya natsicuenta Nacomtha xua abe exana xua poxonaē daichitha xane barapo pexaewa. Daxota daxita pocotsiwan waxainchi exanatsi icha jopa beta yabara jume cowantichi xua waexanaewa pocotsiwa Nacom ichichipa bapoxonaē barapara abe exanatsi, poxonaē baxuan exanatsi.

15

Meje yabara xua pocotsiwa bewa exanaetsi xua ichamonaē tsita xanepanatsi

¹ Waxainchi pomonaetsi pomonaē ajuntucoyenesutsi xua wajume cowuntsiwa Cristotha. Daxota bewa yawenaetsi pomonaē xua juntu coyene faefaena xua pejume cowuntsiwa Cristotha xua barapomonaē awiya jume cowuntsina. Jopa meisa bewa exanaetsi pocotsiwa xua waxainchi wacoya ichichipatsi.

² Daxita waxainchi bewa exanaetsi pocotsi coyenewa tsita coyene xanepanatsi pomonaē ichamonaē pomonaē iru pejume cowantsiwi pocotsi coyenetha xua barapomonaē yawenatsi xua pejume cocowantaponaenexa.

³ Tsipei Cristo jopa exanaeyo xua pia coya ichichipa pocotsiwa tsita coyene xanepanatsi. Jame saya bapon yabara jume cui copatatsi xua jiwi bapon atene peexanaewatsi poxonaē abe yabara paebatsi. Jiwi Cristo bara barapo coyeneya cana exanatsi icha be pocotsi coyeneya caena bayatha Cristo yabara paebatsi Nacom Pejume Diwesitha xua Cristo jeye Nacomtha: “Poxonaē jinya necaaitafaetabi jiwi abeya cayabara paeba, barichi barapara xan berena abeya neyabara paeba”, jei Cristo Nacomtha.

⁴ Daxita xua pocotsiwan caena bayatha tina Nacom Pejume Diwesitha, baxuan yabara tina xua wanaca cuidubinexa Nacom yabara. Baxuan naca cuiduba xua Cristo wawunaē ewatsinexa. Xeinatsi baxua poxoru Nacom Pejume Diwesi naca cana exana xua jopa dapo coyene xeinaetsi xua bepijawa aitaconaetsi xua bequein ichamonaē abe nacata exana. Yawano barapo diwese naca cana exana xua najuntu coyene tsacabatsi xua wajume cowunta dubenanebiyaewa.

⁵ Nacom bapon naca cana exana xua jopa bepijawa aitaconaetsi yawano xua naca juntu coyene tsacaba exana. Barabu barapon Nacom paca yawena xua peburuya nanta juriya pananta xeiname xua painya nabaru exanaewa tsane, icha be pocotsi coyeneya Cristo Jesús exana.

⁶ Barabu be caemonaē pana nabaru wunaē jaintame Nacom, pon Jesucristo Paxa tatsi, pon Jesucristo Wanacanamataxeinaein.

Meje yabara xua po coyene pomonaē jopa judiomonaē naexanaeyo tsipaebatsi Nacom pia pecapanenebiyaē diwesi jume

⁷ Daxota icha Cristo naca ichi xua naca matenta weyataeya waba, paxam bara paichinde. Nantiya pana nantenta weyataeya wabeibare xua bapoxonaē jiwi wunaē pejainteibinexa Nacom painya neexanaewamxae baxua.

⁸ Xan paca tsipaebatsi xua Cristo patopa xua judiomonaē peyawenaenexatsi. Cristo baxua exana xua tsita itapeinya xeina xua Nacom bara exana pocotsiwa bapon exana-paeba. Matautano Cristo baxua exana pia nayabara jume cui wetsinexa pocotsiwa bayatha Nacom yabara tsiwunaē muxu duta wamo susato jiwitha.

⁹ Yawano Cristo daxota patopa xua pomonaē jopa judiomonaē naexanaeyo wunaē pe-jainchinexa Nacom xua Nacom wunaeya peyabara nanta xeinaexae xua peyawenaenexa barapomonaē. Nacom Pejume Diwesitha baxua yabara jeye xua Cristo paeba paxatha:

“Wunaē cajaintatsi daxita nacuan jiwitha pomonaē jopa judiomonaē naexanaeyo pia xantha tatsi.

Wunaē cajaintatsi xua poxonae cata
 naxunatsi”, jei Nacom Pejume
 Diwesitha xua Cristo Paxatha paeba.
¹⁰ Equeicha Nacom Pejume Diwesitha jeye:
 “Barabū daxita nacuan jiwi caemonae nabarū
 jūntū coyene weiweinaena pomonae Nacom
 itapeta xua pecana exanaenexa piamonae tatsi”,
 jei Nacom Pejume Diwesitha.

¹¹ Equeicha Nacom Pejume Diwesitha jeye:
 “Barabū daxita pam pomonae jopa judiomonae
 naexanaeyo pam wunaē pajainchiname
 pontha pon jiwi Pecanamataxeinaein.
 Matautano barabū daxita nacuanpiwi
 wunaē jainchina bapontha”, jei
 Nacom Pejume Diwesitha.
¹² Equeicha Nacom Pejume Diwesitha xua Isaías tatina, jeye:
 “Pebin patopaena pon Isaī pia pemomoxi
 susato jiwi jiwana tatsi,
 pon David paxa tatsi.

Bapon Nacom cana exana xua bapon itorobiya
 pecanamataxeinaenexa tsane pomonae
 jopa judiomonae naexanaeyo.
 Barapomonae jume cowantsiya wunaē ewatsina
 xua barapon barapomonae pecapanenebiwa
 tsainchi abe pia peexanaexae cuiru
 coyenein weya tatsi”, jei Isaías
 Nacom Pejume Diwesitha.

¹³ Barabū Nacom pon naca cana exana xua wawunaē ewatsiwa Cristo bichocono paca
 jūntū coyene weiweina exanaena. Matautano barabū Nacom jūntema jinompa paca cana
 exanaena. Nacom baxua pacata exana painya nejume cowantsixae bapon. Vapoxonae
 barabū Nacom paca cana exana xua jopa juniya painya newunaē eewataponaeewa tsane
 Cristo. Nacom pia Pejumope tūnaxū tatsi baxua paca cana exana pia peayapusū itorobi
 coyenewatha.

¹⁴ Tamonae pam, paxam pomonae irū painya nejume cowantsixae Jesucristo. Bara
 xaniwaicha beta yaputan, xua paxam beta painya neexanaewam po peantobewa xu-
 aunxuae yabara paca tsitinatsi. Matautano paxam payaputaneme daxita xua pocotsiwa
 bewa paexanaename. Matautano payaputaneme xua po coyene bewa nantiya pana
 namuxuwetsim.

¹⁵ Barapo cartathe pecono jumeyotha atsaquiya pacata tinatsi. Baxuan xua pocotsiwan
 pacata tinatsi jopa ichipaeinyo xua painya nejūntemainaewa. Daxota atsaquiya pacata
 tinatsi baxuan Nacom tanebarū cui itura jinaexae poxonae necata barapo tanacuichiwa.

¹⁶ Nacom neitoroba xua Jesucristo tatanacuichinexa tayawenaenexa pomonae jopa
 judiomonae naexanaeyo. Tanacuitan Nacom poxonae cueicueijan Nacom pia peca-
 panenebiyae diwesi jume pomonaetha pomonae jopa judiomonae naexanaeyo. Bara-
 pomonae pejume cowantsixae Cristo, Nacom pia Pejumope tūnaxū tatsi cana exana
 xua barapomonae pejūntū coyene xanepanaewa Nacomtha. Po coyene exanan baxua
 be po coyene icha sacerdotemonaepin ichi. Poxonae bapon duwei jiwi tsitautatsi abe
 pia peexanae coyenein nexa tatsi bapoxonae barapo jiwi Nacom petsita jūntū coyene
 xanepanaewichi.

¹⁷ Tajume cowantsixae Cristo Jesús daxota bichocono netsita xanepana xua tatax-
 anaexae barapo penacuichiwa xua Nacom nexa.

¹⁸ Jopa yabara paebinyo xua Cristo exana ichamonae nexa. Saya meisa bichocono netsita
 xanepana pocotsiwa xua Cristo exana xan nexa. Cristo neyawena xua pomonae jopa ju-
 diomonae naexanaeyo pejume cowantsinexa Nacom. Barapomonae Nacom jume jejeichi
 poxonae jume tane pocotsiwa cueicueijan xuano xua tane pocotsiwan xua exananno.

¹⁹ Nacom neexana xua pia Pejumope tūnaxū tatsi pia peayapusū itorobi coyenewatha
 exanan pexeinya petsita itūbi coyenewan po coyene jiwi jūntū coyene nabenaeca cana
 exainchi. Daxota poxonae Jerusalén tomara wewarapiyan daxita jiwitha cueicueijan
 tsoponae Nacom pia pecapanenebiyae diwesi jume xua Cristo yabara. Baxua exanan beya
 Iliria nacuatha yacui jopan.

²⁰ Daxota ichichipeiban xua tacueicueijeiva Nacom pia pecapanenebiyae diwesi jume xua Cristo yabara ichaxota cataunxuae jiwi jopa yabara jume taeyo Cristo. Jopa becueicueijanyo Nacom Pejume Diwesi ichaxota ichamonae copiya bayatha cueicueijeji barapo diwesi.

²¹ Poxonae xan baxua exanan, exanan be pocotsiwa bayatha Nacom Pejume Diwesitha pepaebixae, xua Cristo yabara jeichichi:

“Pomonae cataunxuae jopa tsipaebichi po diwesi

xua bapon peyabara paebiwatsi, barapomonae

jume taena, xua bapon yabara jume taeinchi.

Bapoxonae barapomonae yaputaena po diwesi

xua bapon peyabara paebiwatsi xua daxota

bapon jume cowantsinchi”, jei

Nacom Pejume Diwesitha tatsi.

Meje xua poxonae Pablo paeba xua pinae beponaena Roma tomara beya

²² Ichamonae tatsipaebaponaexae barapo diwesi jopa neitacupaeyo xua tapaca casiwa ponaewatsi. Bequein bayatha ichichipeiban xua tapaca casiwa ponebiwa tsainchi ichitha jopa neitacupeibiyo.

²³ Ichitha anoxuae wetan barapo penacuichiwa daxita barapo nacuanthe. Caena bayatha ainya wei ichichipeiban xua tapaca casiwa ponebiwatsi.

²⁴ Anoxuae ichichipan xua tapaca casiwa ponaewa tsainchi poxonae warapaein España nacua beya. Poxonae paxam panejuntu coyene weiweina cana exanaenameba xua tapaca casiwa ponaexaetsi equeicha warapaein España nacua beya. Ichichipan xua tapan neyawenaewam tsane pocotsiwa nantawenonan tawarapaewanexa poxonae painya tomara weya ponaein.

²⁵ Ichitha anoxuaetha copiya ponaein Jerusalén tomara beya. Capanaein pocotsiwa xua barapo Jerusalén tomarathapiwi peyawenaewatsi, pomonae iru pejume cowantsiwi Cristo.

²⁶ Macedonia nacuapiwi iru Acaya nacuapiwi pomonae pejume cowantsiwixae Cristo daxita barapomonae pia coya juntucuru exana po coyene tsita coyene xanepanatsi. Barapomonae taitoroba paratixi Jerusalén tomarapiwi nexa, pomonae peacopeibiwi pomonae iru jume cowanta Jesús icha paxam paichim.

²⁷ Barapo pejume cowantsiwi pomonae Macedonia nacuapiwi iru Acaya nacuapiwi barapomonae juntucuru nanta xeina pia coya xua peexanaewa baxua. Barapomonae jopa itorobichi ichun. Ichitha barapomonae bewa yawenaena pomonaetha pomonae acopeibiwi. Barapomonae pomonae jopa judiomonae naexanaeyo jume tane Nacom pia pecapanenebiyae diwesi jume poxoru bayatha judiomonae yawena pecueicueijeixae barapo diwesi barapomonaetha. Daxota anoxuae pomonae jopa judiomonae naexanaeyo bewa xuya yawena barapomonaetha judiomonaetha pocotsiwantha xua barapomonae pexeinaexae Nacom weya.

²⁸ Daxota poxonae wetsin barapo penacuichiwa xua catsin daxita barapo paratixi Jerusalén tomarapiwitha, bapoxonae ponaein España nacua beya. Paca siwa ponaeinchi copiya, bapoxonae bara beya warapaein España nacua beya.

²⁹ Bara xaniwaicha yaputan xua poxonae paca siwa ponaeinchi, Cristo necatsina po diwesi paxam nexa po diwesi bichocono paca tsita juntu coyene xanepana xua daxota painya nejuntu coyene weiweinaewa tsane.

³⁰ Tamonae pam, paxam pomonae iru painya nejume cowantsiwixae Jesucristo. Paca wucatsi xua be caemonae panaexande xua ajumesaya daunweya painya pana nebaru tsipaebinxae Nacomtha xua bapon tana neyawenaewa tsane xua tatanacuichiwa bapon. Baxua paca wucatsi iru painya jume cowantsixae Jesucristo pon Wanacanamataxeinaeinxae. Barichi paca wucatsi iru painya xeinaexae po peantobe coyenewa Nacom pia Pejumope tuxaxu tatsi naca cata.

³¹ Nacomtha painta tsipaebare xua jopa abe tana neexanaenexa pomonae Judea nacuatha pejinompaewi, pomonae jopa pejume cowantsiwi. Matautano Nacomtha painta tsipaebare xua barapo Jerusalén tomarapiwi pomonae pejume cowantsiwi jowi tanententa cobe wenotsinexa barapo paratixi.

³² Bapoxonae icha Nacom ichichipaena juntu coyene weiweinaya paca siwa patopaeinchi. Matautano nafifina caewatsin xua tapaca casiwa ponaewatsixae tsainchi.

³³ Barabu Nacom pon junte ma jinompa naca cana exana paca baru poponaena daxita. Je, bara ichi tsane.

16

Meje yabara poxonae Pablo jacobae Roma tomarapiwi

¹ Anoxuae yabara paca tsipaebatsi powa pewun Febe, powa beta peexanaewayo. Barapowa paca siwa ponaena. Bapowa be wamcho watsicotaewa iru pejume cowantsixae Jesús. Barapowa Nacom tanacuitatsi xua yawenatsi pomonae pejume cowantsi jiji Cencrea tomaratha.

² Barapowa wunaeya pantenta weyataeya wabare Jesucristo piamonae jiwanaxae pon Wananamataxeinaein. Baxua bewa paexanaem icha pomonae pejume cowantsiwi ichi xua bewa nantiya nantenta weyataeya wabeibina. Barapowa payawende xua pocotsiwa barapowa nantawenona, tsipei barapowa bayatha yawena nawita pin bicheitomnae. Yawano barapowa bayatha iru neyawena.

³ Pinta jacobare powa pewun Prisca. Iru pinta jacobare, pia pebin tatsi, Aquila, tsipei baru nacuitanbe barapo tanacuichiwa po coyenein exanan Cristo Jesús nexa.

⁴ Baraponbe bara muxu petupaebe tana necapanepaenexabe poxonae ichamonae juncucuru muxu tana nebexubi. Daxota xan baranbe: “Maisa juntu coyene weiweinan xua tapaneyawenaemxaebe”, jan. Barichiru daxita pomonae Nacom pejume cowantsiwichi pomonae jopa judiomonae naexanaeyo pomonae Nacom petsita nacaetuteibiwichi xua wuna pejainteibinexatsi, jeye: “Maisa pajuntu coyene weiweinan xua paxambe pana neyawename xua Pablo jopa petupaewa”, jei.

⁵ Iruno pinta jacobare pomonae nacaetuta Prisca pia pebinbe pia botha tatsibe. Matautano pinta jacobare Epeneto pon tajiton, pon bichocono antobein. Bapon pon copiya jume cowanta Cristo Asia nacuatha.

⁶ Matautano pinta jacobare María. Barapowa powa bichocono pacata nacuita.

⁷ Matautano pinta jacobarebe Andrónico iru Junias ponbe iru judiomonaepinbe icha xan ichin. Baponbe neyawa baru muxuna etabe jiji pecabi botha. Matautano baponbe Jesucristo pia peitorobi jiji tatsi jiwanae. Jiji beta yaputaena xua baponbe bara Jesucristo pia peitorobi jiji jiwanae tatsi. Baponbe caena bayatha netsiwana jume cowantabe Cristo.

⁸ Pinta jacobare Ampliato pon tajiton, pon bichocono antobein, pon iru pejume cowantsixae pontha pon jiji Pecanamataxeinaein.

⁹ Pinta jacobare Urbano, pon xua naca baru muxuna tanacuita Cristo. Matautano pinta jacobare Estaquis, pon tajiton, pon bichocono antobein.

¹⁰ Pinta jacobare Apeles, pon tsita itapeinya xeineiba xua bapon bara xaniwaicha Cristo pejume cowantsiwatsi poxonae bequein abe taexaneibatsi ichamonae. Matautano pinta jacobare Aristóbulo piamonae tatsi.

¹¹ Matautano pinta jacobare Herodión pon iru judiomonaepin icha xan ichin. Iru pinta jacobare Narciso piamonae tatsi pomonae pejume cowantsixaeru pontha pon jiji Pecanamataxeinaein.

¹² Iru pinta jacobare powa Trifena iruno powa Trifosa. Barapowayobe, powayobe iru tanacuitabe xua pon jiji Pecanamataxeinaein tanacuitatsibe. Iru pinta jacobare Pérsida powayo tajitowayo, powayo antobein iruru pejume cowantsixaeru. Barapowa iruru nawita daunweya tanacuitaru xua pon jiji Pecanamataxeinaein daunweya tanacuitatsi.

¹³ Iruno pinta jacobare pon Rufo. Bapon pon jiji Pecanamataxeinaein itapeta, Rufo itapetatsi xua xanapanaya petanacuitsinexatsi. Iruno pinta jacobareno bapon Rufo pena tatsi, ponbe iru be taena tscotan.

¹⁴ Iru pinta jacobare pon Asíncrito, iruno pon Flegonte, iruno pon Hermes iruno pon Patrobas, iruno pon Hermas. Iruno pinta jacobare daxita pomonae iru pejume cowantsiwixae Cristo pomonae xua baru jinompatsi barapomnae.

¹⁵ Matautano pinta jacobare pon Filólogo. Iruno pinta jacobare powa Julia. Iruno pinta jacobare pon Nereo, iruno Nereo pamcho tatsi. Iruno pinta jacobare pon Olimpas. Matautano pinta jacobare daxita pomonae iru pejume cowantsiwixae Cristo, pomonae baru jinompatsi barapomnae.

¹⁶ Betiya pinta nantiya pana nacobe najacobare painya neantobewaxae Cristo. Daxita barapomonae pomonae Cristo pejume cowantsiwichi pomonae xote jinompe, daxita barapomonae paca jacobae.

¹⁷ Tamonae pam, paxam pomonae iru painya nejume cowantsiwixae Jesucristo. Paxam paca muxuwetatsi xua dota pam painya necui naitaewatsinexa pomonae xua tsana paca necaexanae jiji xua ainya bicheitobe paca cana exana. Barapomonae pacata ayapube exana xua painya nejume cowantsiwa Cristo. Barapomonae catsawa yabara jume tox-einchiya exana xua Jesucristo pia pecuidubi coyenewa tatsi xua bayatha pocotsiwa pana nacuidubame. Maisa barapomonae taju pajume cuitaya ponde.

¹⁸ Barapomonae jopa tanacuichiyo xua Jesucristo jopa tanacuichichi pon Wanacana-mataxeinaein. Barapomonae saya nacuita xua saya pia coutha peexanaenexa xua pocotsiwa barapomonae ichichipa xua peexanaewa. Barapomonae muxujainyaba nawita pomonaetha pomonae be conotha peyaputae jiwi xua abe peexanae coyene yabara. Baxua exana po jumeintha xua pexeinya jumein yawa po jumeintha itara mexeya bara jume xanepana, ichitha jopa pexainyei jume.

¹⁹ Daxita jiwi paca yaputane xua paxam paexaname pocotsiwa Nacom paca itoroba pejume diwesitha. Daxota bichocono jantꝯ coyene weiweinan. Ichichipan xua painya nex-einaewa tsane painya neyaputae coyenewan po coyenewan xua pexanepanae coyenein painya neexanaenexa. Matautano ichichipan xua jopa painya neexanaewa tsane icha be ichi xua poxonae exana pomonae jopa peyaputaewi, xua jopa abe painya neexanaewa tsane.

²⁰ Nacom bapon apara pon jantema jinompa naca exana. Barapon aunxuae paca yawenaena xua painya neamanayabiwa tsane pon bichocono abe peexanaein, bapon Satanás. Barabꝯ Jesús, pon Wanacanamataxeinaein, paca yawenaena pia paca necaantobexae.

²¹ Irꝯno Timoteo paca jacobae pon nebarꝯ nacuita Jesucristo nexa. Matautano pon Lucio, irꝯno pon Jasón, irꝯno pon Sosípater, barapoyobe paca jacobae. Barapoyobe irꝯ judiomonaepinbe, icha xan ichin.

²² Xan Tercio, barapo carte saya tatinan Pablo. Xan bapon irꝯꝯ paca jacobatsi irꝯꝯ taantobexae pon jiwi Pecanamataxeinaein.

²³ Irꝯꝯ pon Gayo bapon paca jacobae. Xan Pablon bapon Gayo pia botha tatsi anoxuae poponan. Baxota pia botha tatsi tanacaetutatsi pomonae pejume cowantsi jiwi, Nacom wꝯnae pejainchinexatsi. Irꝯno Erasto paca jacobarꝯ pon paratixi peenaein Corinto tomaratha xua Corinto tomarapiwi pia paratixi tatsi. Irꝯno Cuarto bapon paca jacobae, pon irꝯꝯ pejume cowantsin Cristo.

²⁴ Barabꝯ Jesucristo, pon Wanacanamataxeinaein, daxita paxam paca yawenaena pia paca necaantobexae. Je, bara ichi tsane.

Meje xua Pablo Nacom wꝯnae jaintatsi poxonae najume opi duta exana barapo carte

²⁵ Barabꝯ wꝯnae jaintatsi Nacom. Nacom itacꝯpatsi xua paca ajantꝯyapusꝯyana cana exana xua beta painya nejume cowantsinexa barapo pexeinya pecapanenebiyae diwesi jume coyenewathaxae. Barapo diwesi Jesucristo yabara cueicueijan. Caena bayatha poxonae Nacom aena nacua forota, barapo pexeinya pecapanenebiyae diwesi jume Nacom cataunxuae jopa tsita jume itapeinya xeinaeyo, tsipei abꝯ be namicha jume yawꝯn xeina xua jiwi jopa yaputaeyo. Ichitha anoxuae Nacom tsita jume itapeinya xeina barapo diwesi.

²⁶ Barapo pexeinya pecapanenebiyae diwesi jume, anoxuae jiwi barapo diwesi yaputane, Nacom pia peitorobi jume pepaebiwi peyabara tinaexae barapo pexainyei jume diwesi. Matautano jiwi yaputane poxoru Nacom peitorobixae, pon xua ataya tsitecaeya popona. Barapo diwesi Nacom jume tane exana daxita nacuanpiwitha, xua barapo jiwi pejume cowantsinexa Cristo. Matautano jume tane exana xua barapo jiwi peexanaewa tsane pocotsiwa Nacom itoroba.

²⁷ Barabꝯ Nacom wꝯnae jaintatsi, pon meisa compa yatsicaewa daxita peyaputaein. Jesucristo naca cana exana xua Nacom wꝯnae wajainchiwa xua ataya nexa. Je, bara ichi tsane.

Baja Pablo.

Meje Po Carte Copiya Tatina Pablo Corinto Tomarapiwi Tatinatsi

Meje poxonae Pablo tatina Corinto tomarapiwi

¹ Xan, Pablon, pacata tinati Nacom peichichipaexae xua tana newabiwa xua tana neexanaewa Jesucristo pia peitorobi jiwi jiwana tatsin. Irano Sóstenes pon iru pejume cowantsin Jesucristo, baponbe panbe pacata tinati.

² Paxam pomonae painya nejume cowantsi jiwi pam Corinto tomaratha. Barapomonae pam pacata tinati pomonae Nacom piamonae tatsi pam painya neyawa jinompaexae Cristo Jesús. Nacom paca waba painya nenajuntu coyene wanae exanaenexa Nacomtha. Pacata tinati daxita nacuapiwi pam, pomonae iru painya nejume cowantsiwixae pam Jesucristo, xua pomonae painya newan ununeiwiwi Jesús pewan poxonae pawuqueibame Nacomtha. Bapon Jesucristo Wanacanamataxeinaein iru daxita nacuanthapiwi pomonae pejume cowantsiwi barapomonae pia Pecanamataxeinaeinchi tatsi.

³ Barabu Nacom Waxa, iru Jesucristo pon jiwi Pecanamataxeinaein juntea jinompa paca exanaena. Matautano barabu baponbe paca yawenaena pia paca necaantobewaxae.

Meje poxonae Pablo tawuca Nacomtha Corinto tomarapiwi

⁴ Daxita matacabi tsaiibi Nacomtha pacata tsipaebeibatsi, jan tsabibin: “Nacom maisa juntu coyene weiweinan xua barapomonae tana neyawenaewa xua Cristo Jesús peantobexae barapomonaetha”, jan tsabibin.

⁵ Painya neyawa muxuna jinompaexae Cristo, daxota Nacom peayapusuwa jopa juniya paca catsiyo xua xaniwaicha painya nepaebiwa pejume diwesi. Barapon Nacom paca cata po coyene beta yabara painya neyaputaewa bapon.

⁶ Po diwesi paca tsipaebatsi Cristo yabara xua bapon paca cana exana painya nejinompaewa bapon nexa baxua anoxuae xaniwaicha paexanaponame.

⁷ Paxam paxeiname pocotsiwa Nacom pia Pejumo pe tuxaxu tatsi paca cata, daxita xua pocotsiwan panantawenoname xua betiya painya nejinompaewa tsane Nacom nexa. Daxita baxuan paxaina dubenanaebiyenome poxonae cataunxuae pawucae ewatsiname xua poxonae Jesucristo po mataqueitha equeicha patopeicaena pon Wanacanamataxeinaein.

⁸ Nacom paca yaweneibina xua paajuntusaya jinompaename beya poxonae Jesucristo equeicha patopaetsica. Dapon xain aibi tsane pon paca yabara paeba xua painya nenatsicuentiwa xua abe painya neexanaexae Nacomtha xua poxonae equeicha patopaetsica pon Wanacanamataxeinaein Jesucristo.

⁹ Nacom bara ataya exaneiba pocotsiwa pia petsiwucae muxu dutsiwan. Barapon Nacom paca waba painya neyawa muxuna jinompaenexa tsane Jesucristo pon Wanacanamataxeinaein, Nacom Pexanto tatsi.

Meje poxonae Pablo yabara paeba po coyene pomonae pejume cowantsiwi Cristo xua natsaba nacana exana

¹⁰ Tamonae pam, paxam pomonae iru painya nejume cowantsiwixae Jesucristo. Jume daunweya paca tsipaebatsi tajuntu coyenetha tsipei daxita paxam Jesucristo piamonae tatsi pam pon Wanacanamataxeinaein. Caemonae peburaya cuita pacueicueijan tsurubenanabiyama. Jopa pana najume matsontsonobinde xua daxota painya nenatsabiwam tsipae. Jame maisa peburaya pananta xeinare xua be bara caemonae pam.

¹¹ Tamonae pam, pomonae iru painya nejume cowantsiwixae Jesucristo. Daxota baxua paca tsipaebatsi, yaitama yaburo powa pewan Cloé piamonae tatsi netsipaeba pinae paxam nantiya pana najume matsontsonoba dubenanaebiyame.

¹² Jume tan xua paxam jiwana xua barompaya tsanaya paeba, jeye: “Pablo yabara jume cowantan pocotsiwa cuiduba”, jei. Ichamonae jeye: “Apolos yabara jume cowantan pocotsiwa cuiduba”, jei. Ichamonae jeye: “Pedro yabara jume cowantan pocotsiwa cuiduba”, jei. Ichamonae jeye: “Cristo yabara jume cowantan pocotsiwa cuiduba”, jei.

¹³ Daxita paxam jopa bewa barapo coyene paexanaem xua ainyamonaein pana naexaname. Cristo jopa pia coutha nanantarubiya exanaeyo tsipei Cristo apara bara caein. Xan, Pablon, jopa apara paca tsitupaetsi naetotha. Jopa apara paca bautisabichi tawantha xua daxota tamonae painya nenaexanaenexam.

¹⁴ ¡Pai jaibo! ¿Incane metha barichipaein? ¿Incane metha bautisabichipan? Daxota Nacom tsipaeban janje: “Nacom maisa juntu coyene weiweinan xua barapomonaе jopa tabautisabiwa”, jan. Saya meisa bautisaban Crispo iruru Gayo.

¹⁵ Daxota dapon aibi pon itacupatsi xua pejeiwa: “Xan nebautisaba Pablo pewantha”, xua pejeiwa.

¹⁶ Jaina iruru Estefanas piamonae tatsi bautisaban. Ichitha ichamonae jopa yabara nanta xeinaeinyo xua tabautisabiwa bayatha.

¹⁷ Cristo jopa neitorobiyo xua tabautisabinexa jiwi. Jame saya Cristo neitoroba xua yabara tacueicueijeinexa pecapanenebiyae diwesi. Ichitha jopa cueicueijanyo icha be ichi pon bichocono cueicueijeji poxoru bichocono peyaputaexae. Ichi baxua exanaetsipan jiwi jopa yabara yaputaetsipae Jesucristo pia pecapanenebiyae diwesi xua poxonaе Cristo naetotha tsitupa jiwi.

Meje poxonaе Pablo yabara paeba xua Cristo xeina Nacom pia peyapususwa tatsi xuanо Nacom pia peyaputae coyenewano tatsi

¹⁸ Ichamonae jopa beta yabara nanta xeinaeyo po diwesi xua Cristo petsitapaewa naetotha jiwi. Barapomonaе yawa muxuna weraweracaena abe peexanaewan. Barapomonaе jopa pejume cowantsixae Jesucristo daxota nanta xeina xua barapo diwesi be tsita penamitacueinchi diwesi jumetsi. Ichitha ichamonae beta yabara nanta xeina barapo diwesi. Barapomonaе Nacom capanenebiyaena abe pia peexanae cuiru coyenein tatsi weya. Barapomonaе yaputane xua barapo diwesi bichocono peyapusus diwesi xua Nacom weya.

¹⁹ Nacom Pejume Diwesitha baxua yabara paeba. Nacom jeye:

“Weraweraca exanaein peyaputae coyenewan, po peyaputae coyenewan xeina pomonaе peyaputaewi.

Pecuidubi coyenewan beban tsane,

po pecuidubi coyenewan xeina

pomonaе peyaputaewi”, jei Nacom.

²⁰ Pon xua peyaputaеin iru pon xua pecuidubin, iru pon jume daunweya yabara cueicueijeji po nacuathe, barapomonaе Nacom jopa tsita ainya cuichi. Nacom cui capona peyaputae coyenewan, po peyaputae coyenewan xeina pomonaе peyaputae jiwi barapo cae pin nacuathe.

²¹ Nacom xainyeya xeina peyaputae coyenewa. Nacom jopa copatsiyo jiwi xua peyaputaewatsi bapon, peyaputae coyenewatha po peyaputae coyenewa xeina pomonaе jinompa barapo cae pin nacuathe. Jame Nacom ichichipa xua capanepa jiwi abe pia peexanae cuiru coyenein weya pejume cowantsixaetsi poxonaе pacueicueijan Nacom Pejume Diwesi. Barapo diwesi ichamonae tsita penamitacueinchi diwesichi.

²² Judiomonaе ichichipa tane nawita Nacom pia pexeinya petsita itatsi coyenewan xua pejume cowantsinexa tsane Nacom Pejume Diwesi. Seicaya nama griegomonaе yabara jeita nawita barapo irathe pia peyaputae coyenewan xua pejume cowantsinexa tsane Nacom Pejume Diwesi.

²³ Ichitha paxan payabara cueicueijan Mesias pon naetotha tsitupa xua jiwi abe pia peexanae cuiru coyenein tatsi. Barapo diwesi judiomonaе jopa be jume jejeyo poxoru tsita ajumebetsi. Seicaya nama pomonaе jopa judiomonaе naexanaeyo tsita penamitacueinchi diwesichi barapo diwesi.

²⁴ Ichitha pomonaе Nacom waba pomonaе bara metha bequein judiomonaе tsipae iruru pomonaе metha bequein jopa judiomonaе naexanaeyo tsipae barapomonaе jame Jesucristo jume cowantatsi. Barapomonaе nanta xeina xua Mesias xeina Nacom pia peyapusus coyenewa tatsi matautano xua Nacom pia peyaputae coyenewa tatsi xua jiwi pecapanenebiyaenexa tsainchi.

²⁵ Pocotsiwa jiwi tsita penamitacueinchi diwesichi xua Nacom exana baxua apara bara jame Nacom bichocono tsita peyaputae coyenewatsi, beyacaincha po peyaputae coyenewa jiwi xeina barapo cae pin nacuathe. Matautano pocotsiwa jiwi jopa tsita peyapusus xua Nacom xeina baxua apara bara jame Nacom tsita peyapusus coyenewatsi bichocono, beyacaincha po peyapusus coyenewa jiwi xeina barapo cae pin nacuathe.

²⁶ Tamonaе pam, paxam pomonaе iru painya nejume cowantsiwixae Jesucristo. Paxam bewa pana nacayabara nanta xeinaem xua eta po jiwi pam xua poxonaе Nacom aena paca waba. Vapoxonaе pananta xeiname xua saya paxam caeyobe pam pomonaе peyaputae jiwi pam. Barichi paxam saya caeyobe pam pomonaе peyapusus itorobi jiwi pam. Matautano paxam saya caeyobe pam pomonaе peainya cui jiwi pam.

²⁷ Nacom itapeta pomonaе xua ichamonae yabara jeichi: “Barapomonaе apara pomonaе jopa peyaputae jiwi”, jei. Ichitha barapomonaе Nacom pia peitapetsiwixae

barapomonaē aura exana pomonaētha pomonaē abe peyabara paebixaetsi, pomonaē bichocono peyaputaewi. Barapomonaē pomonaē pia coutha peyaputaewi penaexanaewixae aura tsane, tsipei yaputaena xua pomonaē Nacom pia peitapetsiwixae tatsi xaniwaicha barapomonaē peyaputaewi. Matautano Nacom itapeta pomonaē xua ichamonaē yabara jeichi: “Apara barapomonaē pomonaē pejuntū coyene faefaenaewi pejume cowantsiwatha”, jei. Ichitha barapomonaē pomonaē Nacom pia peitapetsiwixae barapomonaē aura exana pomonaētha pomonaē abe peyabara paebixaetsi pomonaē pia coutha penayabara nanta xeinaewa xua bichocono pexeinaewa peajuntūcoyenesūwa.

²⁸ Nacom itapeta pomonaē barapo cae pin nacuathepiwi jiwana, pomonaē pecui pawijiwi xua piamonaē peexanaenexa. Barapomonaē pomonaē ichamonaē abe peyabara paebiwichi, matautano xuano pomonaē ichamonaē jopa petsita ainya cui jiwichi. Nacom itapeta pomonaē jopa peainya cui jiwixae xua penajume tsita itapeinya xeinaenexa xua Nacom jopa peitapetsiwa pomonaē pia coutha penacayabara nanta xeinaewa xua peainya cui jiwixae.

²⁹ Daxota dapon aibi pon peitacupaewatsi xua Nacom peitabaratha atsaquiya penayabara paebiwa xua peainya cui jitonxae.

³⁰ Nacom paca exana xua painya neyawa jinompaewa Cristo Jesús pia peajuntūyarusūwa tatsi. Matautano Nacom naca exana xua xeinatsi Cristo Jesús pia peyaputaē coyenewa tatsi wayaputaenexa Nacom. Matautano Cristo naca cana exana xua wajuntū coyene xanepanaewa xua jopa wanatsicuentisiwa xua abe waexanaexae Nacomtha. Matautano Cristo naca exana xua watanacuichinexa Nacom, bapon piamonaexae tatsichi. Nacom naca yantomata xua Jesucristo naca tsitupa naetotha wanaca capanenebiyaenexa abe waexanaē cuirū coyenein weya.

³¹ Daxota Nacom Pejume Diwesitha paeba jeye: “Jiwi jopa bewa pia coutha atsaquiya nayabara paebi xua peainya cui jiwixae. Bū jame moya barapo jiwi bewa saya atsaquiya yabara paebina po coyene Nacom pia peainya cui coyenewa tatsi pon jiwi Pecanamataxeinaeinchi”, jei Nacom Pejume Diwesitha.

2

Meje xua Cristo petupaewa diwesi yabara

¹ Tamonaē pam, paxam pomonaē irū painya nejume cowantsiwixae Jesucristo. Patopan painya xantha tapaca catsipaebinxatsi Nacom pia pexainyei diwesi jume. Bapoxonaē jopa paca tsipaebichi po diwesi ayapube xua tacueicueijeiwa xua poxonaē icha ichi xua paeba pon peyaputaēin bichocono.

² Poxonaē poponan painya xantha, saya meisa Jesucristo yabara nanta xeinan xua tapaca catsipaebinxatsi. Matautano yabara tapaca catsipaebinxatsi po coyene poxonaē bapon naetotha tupa.

³ Poxonaē paxamtha naitatan nayabara nanta xeinan xua neita coxana xua beta tacueicueijeiwa. Matautano tajunuwi unthuthū deideijan.

⁴ Poxonaē paca tsipaebatsi Nacom Pejume Diwesi jopa paca tsipaebichi po jumein ayapube xua icha ichi poxonaē cueicueijei pon bichocono peyaputaēin. Ichitha seicaya nama paca tsipaebatsi tana neitorobixae Nacom pia Pejumope tūnaxū tatsi yawano Nacom pia peyapusu itorobi coyenewathano.

⁵ Daxota poxonaē pajume cowantame Jesucristo apara poxoru jopa painya nejume cowantsixae jiwi pia peyaputaē coyenewa. Apara jame poxoru Nacom painya nepaca yawanaexae pia peyapusu itorobi coyenewatha daxota pajume cowantame.

Meje yabara xua Nacom naca yaputane exana pia Pejumope tūnaxūtha tatsi

⁶ Paxan pacueicueijan pomonaētha pomonaē bichocono pejume cowantsiwi Nacomtha xua Nacom pia peyaputaē coyenewa tatsi. Nacom pia peyaputaē coyenewa tatsi jopa apara barapo cae pin nacuathe weya ponaeyo. Matautano jopa apara barapo coyene xua po coyene jopa ponaeyo pomonaē piamonaē itorobiya pecanamataxeinaewi weya. Pomonaē anoxuae piamonaē itorobiya pecanamataxeinaewi werapaena, yawano weraweracaena pia peyaputaē coyenewan tatsi.

⁷ Po coyene xua paca tsipaebatsi apara Nacom pia peyaputaē coyenewa tatsi. Barapo coyene caena bayatha Nacom namicha yawun xeina xua jiwi jopa yabara yaputaeyo beya anoxuae Nacom najume tsita itapeinya xeina. Caena bayatha pewūnaeya poxonaē Nacom nacua forotsina bapon nanta xeina xua naca capanepaena. Baxua apara Nacom pia peyaputaē coyenewa tatsi xua matapainya naitata.

⁸ Barapomonaē pomonaē piamonaē itorobiya pecanamataxeinaewi jopa yabara yaputaeyo Nacom pia peyaputaē coyenewa tatsi. Icha metha barapomonaē yaputaetsipa

metha jopa Jesucristo naetotha tupa exanaetsipaetsi, pon jiwi Pecanamataxeinaein, pon pexeinya peitupanae coicha pexeinaein.

⁹ Nacom Pejume Diwesitha baxua yabara jeye:

“Nacom bayatha jiwi tsiwunaeta po jiwi peantobewixaetsi pocotsiwan xua bichocono pewunaewan xua exana barapo jiwi nexa. Barapocotsiwan jiwi jopa yabara yaputaeyo, matautano jopa yabara jume taeyo. Matautano Nacom tsiwunaeta pocotsiwa xua jiwi jopa bapana yabara nanta xeinae jopa juniya pewunaexae”, jei Nacom Pejume Diwesitha.

¹⁰ Nacom yabara naca yaputane exana baxuan pia Pejumope tñaxuḡ tatsi. Nacom pia Pejumope tñaxuḡ tatsi daxita yaputaeya necota pocotsiwa naca yaputane exana, beya yawa muxunano naca yaputane exana pocotsiwa Nacom namicha yawun xeina.

¹¹ Jiton dapon aibi pon itacupatsi xua yaputane ichun pia pejuntũ coyene tatsi. Saya jame meisa ichun itacupatsi xua pia coutha najuntũ coyene yaputane. Bara juta ichi meisa Nacom pia Pejumope tñaxuḡ tatsi yaputane xua Nacom pia pejuntũ coyenewa tatsi.

¹² Nacom jopa naca copatsiyo xua bara wacoutha wayaputaewa tsane xua be pocotsi coyene Nacom pia penanta xeinaewa tsane. Apra jame seicaya naca cata pia Pejumope tñaxuḡ tatsi, wanaca yaputane exanaenexa xua pocotsiwan yabara Nacom wanaca catsiwa wanaca antobexae.

¹³ Waxainchi diwesi cueicueijeichi pomonaetha pomonae Nacom pejume cowuntsiwi po coyenetha Nacom pia Pejumope tñaxuḡ tatsi naca yaputane exana. Jopa apra barapo diwesi cueicueijeichi xua saya barapo cae pin nacuathepiwi pia coyenetha tatsi xua saya ba wacoutha wananta xeinaewa. Daxota yabara paebatsi pocotsiwan xua Nacom pia Pejumope tñaxuḡ tatsi ichichipa paeba pomonaetha pomonae Jesús pejume cowuntsiwichixaetsi. Barapomonae yaputane barapocotsiwan.

¹⁴ Nama pon jopa pejume cowuntsin Jesús jopa yaputaeyo pocotsiwan wacueicueijeia, pocotsiwan Nacom pia Pejumope tñaxuḡ tatsi naca yaputane exana. Tsipei bapon tsita penamitacueinchi jumetsi. Bapon jopa yaputaeyo barapo diwesi tsipei jopa xeinaeyo Nacom pia Pejumope tñaxuḡ tatsi xua peyawenaenexatsi xua peyaputaewanexa.

¹⁵ Jame pon pejume cowuntsin Nacom, bapon yawenatsi Nacom pia Pejumope tñaxuḡ tatsi xua yabara peyaputaewa daxitan. Ichamonae jopa itacupaetsi xua bapon peyabara paebiwatsi xua penatsicueisiwa xua abe peexanaexae.

¹⁶ Nacom Pejume Diwesitha barapo coyene yabara jeye: “¿Jintam yaputane Nacom pia penanta xeinaewa tatsi xua pecuidubinexa tsane Nacomtha pon jiwi Pecanamataxeinaein? Jume apra, apra dapon aibi”, jei Nacom Pejume Diwesitha. Waxainchi nanta xeinatsi icha be pocotsi coyeneya Cristo ichi xua penanta xeinaewa.

3

Meje xua Pablo yabara paeba pomonae penabarũ nacuichiwi Nacom nexa

¹ Tamonae pam, paxam pomonae irũ painya nejume cowuntsiwixae Jesucristo. Jopa neitacupaeyo xua tapaca catsipaebiwa tsainchi icha bichocono pajume cowuntame Nacomtha icha be pocotsi jiwimonae ichi pomonae bichocono jume cowunta Nacom. Ichitha daxota paca tsipaebatsi tsipei paxam be barapocotsi jiwimonae pam pomonae jopa bichocono Nacom yabara yaputaetsi. Paxam paca tsipaebatsi be pexui pam xua aena pajume cowuntame Cristo.

² Pocotsi coyene xua ayapube jopa paca cuidubichi, icha be coxiwa ichi xua poxonae apata mito pexuyo poxonae cataunxuae jopa yaputaeyo xua xane pexaewa. Cataunxuae jopa neitacupaeyo xua tapaca cuidubinxatsi po diwesi bichocono daunwei poxorũ awiya jopa payaputaem. Paxam be barapocotsi pexui pam xua po pexui cataunxuae jopa itacupaetsi xua pewito pexaewa.

³ Paxam cataunxuae painompame icha be ichi poxonae jinompa pomonae jopa pejume cowuntsiwi Nacom. Poxonae paxam nantiya pana nauwa dubenanaebiyame, yawa nantiya pana naba dubenanaebiyame, painompame icha be ichi xua jinompa xuano abe exana dubenanaebiyapa pomonae jopa pejume cowuntsiwi Nacom.

⁴ Ichamonae pomonae paxam jiwana pam, jeye: “Pablo yabara jume cowuntan pocotsiwa cuiduba”, jei. Ichun jeye: “Apolos yabara jume cowuntan pocotsiwa cuiduba”, jei. Poxonae papaebame baxua bapoxonae bara pajinompame icha jiwi ichi poxonae jinompa pomonae jopa pejume cowuntsiwi Nacom.

⁵ Daxota paca tsipaebatsi: Xan Pablo jopa taainya cui jiton, barichira Apolos. Apara paxanbe saya ponbe amanaya pata tanacuichinbe Nacom. Nacom Apolos pana neitorobabe xua pata cueicueijeinexabe Nacom Pejume Diwesi. Apolos baxua pata exanaexaebexaxota pajume cowantame Jesucristo pon jiwi Pecanamataxeinaein.

⁶ Xan Pablon paca cuidubatsi Nacom Pejume Diwesi. Apolos xuya equeicha ichawa paca cuiduba Nacom yabara. Ichitha nama Nacom apara bapon, pon paca yawena xua painya nejume cocowantaponaenexa. Barapo coyene icha be nae ichi xua peabi nae. Ichun ubanota. Ichun mera mata epababapona. Ichitha nama Nacom, apara bapon, pon exana xua xaniwaicha xuwa.

⁷ Ichun copiya uba iru ichun xuya mata epababa meratha. Pon peubixae jopa ainya cui jitonnyo. Iru pon xuya pemata epababaponaexae meratha, bapon jopa ainya cui jitonnyo. Jame saya meisa Nacom ainya cui, tsipei Nacom daxita xuwa exana naewan. Daxota Nacom bichocono ainya cui beyacaincha xua barapo pebinbe. Barichi Apolos iru xan Pablon jopa ainya cui jitonnyo panbe. Jame Nacom bichocono ainya cui beyacaincha paxanbe.

⁸ Pomonaex xua uba iru pomonaex xuya meratha mata epababapona barapomonaex Nacom tsita najupatsi. Nacom pentoma cata barapomonaetha be pocotsi coyeneya xua barapomonaex petanacuichiwa. Pon xua abeya petanacuichixae, be conotha matoma catsinchi. Pon xua wnaeya petanacuichixae, wnaeya matoma catsinchi.

⁹ Paxan pana nabaru yawa tanacuitan Nacom xua pata cueicueijeiya Nacom Pejume Diwesi poxonaex paca cuidubatsi xua painya nejume cowantsiwa tsane Nacom. Barapocotsi jata coyeneya praexanan poxonaex Nacom Pejume Diwesi paca cuidubatsi icha pebin ichi poxonaex uba rabitha xua petanaforotsinexatsi pexaewa. Nacom paca exana xua beta painya nejume cocowantaponaewa bapon xua beya bichocono painya nejuntay coyene xanepanaewa tsane. Waxua Nacom paca cana exana, icha be pocotsi jata coyeneya ichi poxonaex pebin botnyu acabapona xua beya poxonaex bichocono pexeinya bo.

¹⁰ Nacom necopata xua ponxaein copiya matha tapaca cayawenaewatsi xua painya nejume cowantsinexa bapon. Nama bapoxonaex xuya ichamonae paca cuidubapona Nacom Pejume Diwesi xua painya nejume cocowantaponaenexa. Barapocotsi jata coyeneya exanan poxonaex tapaca cayawenaewatsi, icha pebin ichi pon peyaputaen xua bo peacabiwa poxonaex bo acaba po bo ibo bo. Bapon copiya matha tsicobe nobabareca po iboton beta petaby caumenaewa xua ichamonae tsicobe nobabarecatsi. Athawetsica xuya ichamonae exanapona. Daxita pomonaex acaba barapo ibo bo bewa beta xanapanaya exanaexa icha jiwi ichi xua poxonaex bewa beta taexanaena xua pocotsiwa taexana Nacom nexa.

¹¹ Poxonaex jiton ibo bo acaba bapon copiya beta noba po iboton xua copiya nanta caumena. Barapoxonaex ichun bewa icha iboton beta cuaranobi barapo iboton pecoyoreca xua bo pexeinya bo petsuncuaenexa. Barapocotsi jata coyeneya ichi, poxonaex paca cuidubatsi Jesucristo pejume diwesi. Ichun bewa beta yabara paca cuidubina icha coyene xua baxua painya nejume cowantsinexa.

¹² Po pebin ibo bo acaba barapo pebin itacupatsi xua jebabapona ichawa barapo ibotontha, po ibotontha copiya nanta caumena. Pocotsiwan bapon itacupatsi xua jebabapona bichocono ayapusu be pocotsiwa pewun oro nain, yawano pocotsiwa xua pewun plata nain yawa pocotsiwa be iboton po iboton xua bichocono ainya matoma. Ichacuitha barapo pebin itacupatsi xua barapo ibotontha jebabapona pocotsiwan xua pepawi be naepawa, yawa be naepanaewan yawa be musuriboton. Bara jata ichi, pebin itacupatsi xua yawenaena ichamonaetha. Ichacuitha beta cuidubina pomonaex xua jume cowanta Jesucristo po pocotsiwa xua bichocono ayapusu. Ichacuitha cuidubina pocotsiwa xua pepawi pomonaex xua jume cowanta Jesucristo xua jopa ayapusuyo.

¹³ Jopaena matacabi po mataqueitha Nacom yabara paebina jiwi xua penatsicuentisiwa xua abe peexanaexae. Barapo mataqueitha Nacom taena po coyene xua jiwi taexana Nacom. Nacom bichocono tsita xanepanatsi pocotsiwa xua bichocono ayapusu po coyenein jiwi taexana bapon nexa. Ichitha nama Nacom naitemata po coyene jopa tsita xanepanaetsi xua pocotsiwa bequein jiwi taexana bapon nexa.

¹⁴ Icha pebin exana pocotsiwa xua bichocono ayapusu xua Nacom nexa, Nacom matoma catsina bapontha.

¹⁵ Ichitha icha ichun taexana Nacom pocotsiwa Nacom jopa tsita xanepanaetsi, daxita barapo coyenein Nacom naitemata po coyene bequein bapon Nacom taexanatsi. Ichitha bapon capanepatsi poxonaex Nacom naitemata po coyene bapon exana, icha pebin ichichi xua capanepatsi isoto weya bequein daxita tataxotsi xua pocotsiwa xeina.

¹⁶ Barapara paxam payaputaneme xua painya juntay coyene Nacom tsitatsi xua bara be Nacom pin pia bo tatsi tsipei Nacom pia Pejumope tunaxu tatsi popona painya juntay coyenetha.

¹⁷ Icha ichan saraboba Nacom pin pia bo, Nacom xuya weraweraca exanaena barapo jithontha. Nacom pin pia bo tatsi, bara po bo Nacom tsita xanepanatsi poxoru pia Pejumo pe tanaxu tatsi pepoponaexae barapo botha. Icha Nacom ichi xua weraweraca cana exana pontha pon petasarabobixaetsi pin pia bo tatsi, barichi xuya Nacom weraweraca cana exanaena pontha pon paca juntu coyene itoroba xua abe painya neexanaewa tsane. Nacom baxua exana tsipei Nacom pia Pejumo pe tanaxu tatsi popona painya juntu coyenetha.

¹⁸ Jopa pacopatsinde xua painya coutha pana namuxuitorobame. Icha ichan pia coutha nacayabara nanta xeina xua bichocono peyaputaein icha barapo cae pin nacuathepiwi ichi, bewa bapon pia coutha equeicha caewa naexanae be pocotsin jopa peyaputaein. Bapoxonae bapon bara Nacom tsita be pon pepa peyaputaeinchi.

¹⁹ Nacom tsita penamitacueinchi jumetsi po peyaputae coyenewan yaputane jiwi pomonae barapo cae pin nacuathe jinompa. Nacom Pejume Diwesitha barapo jiwi yabara jeichi: “Nacom tsitatsi xua apara xeina penatsicuentisiwa xua abe peexanaexae pocotsi jiton peyaputaein, peexanaexae barompaya pia peyaputae coyenewatha”, jei Nacom Pejume Diwesitha.

²⁰ Matautano Nacom Pejume Diwesitha baxua yabara jeino: “Nacom yaputane po coyenein nanta xeina pomonae peyaputaewi. Barapocotsi coyenein Nacom tsita penamitacueinchi jumetsi”, jei Nacom Pejume Diwesitha.

²¹ Pomonae pejume cowantsiwi Jesucristo jopa bewa atsaquiya pana neyabara paebi tsane xua pejeiwa: “Pon jume cowantan pocotsiwa cuiduba bapon bichocono peyaputaein beyacaincha ichan pon peyaputaein”, xua pata taneyabara jeiwa pomonae pejume cowantsiwi. Tsipei paxan pomonae pecuidubiwi pan saya pebiwi pan xua jopa bichocono peyaputaewi pan. Dapocotsiwa aibi xua pocotsiwa payaweraweracame xua jopa paxeinaem. Daxita pomonae painya nepaca cuidubiwi, irano daxita coyenein pocotsiwa Nacom forota, bara Nacom exana paxam nexa painya nepaca cayawenaewa tsane.

²² Xan Pablon Nacom neitoroba, iru Apolos itorobatsi, iru Pedro itorobatsi xua pata paca cayawenaexatsi. Nacom paca cata daxita xua barapo ira piawan, xua painya nepaca yawenaenexa. Matautano yabara paca yaputane exana xua peajuntu yapuswa, po coyenewano petupae coyenewa, matautano po coyene anoxuae piawa yabara, po coyenewano bexa piawa yabara xua painya nepaca yawenaenexa.

²³ Baraxuan daxita paxeiname Cristo piamonae jiwi tatsi pamxaem. Barichi Cristo barapara Nacom Pexanto tatsi.

4

Meje xua Jesucristo pia peitorobi jiwi tatsi taexana, Nacom taexanatsi

¹ Paxam bewa pana neyabara nanta xeinaename xua paxan meisa saya barapomonae pan xua pomonae Cristo amanaya pata tanacuichi jiwi pan. Paxan yabara pacuiduban Nacom moya pia peyawan xeinaewa tatsi po coyene copiya bequein bayatha moya yawan xeina xua jiwi jopa yabara yaputaeyo. Barapo coyene xua moya peyawan xeinaewa, anoxuae Nacom najume yabara copata xua jiwi bara peyaputaenexa.

² Pon tanacuia pia pecanamataxeinaeinchi, barapon bewa bara xaniwaicha exanaena pocotsiwa pia pecanamataxeinaeinchi tsipaeba xua bepa exanaena pinae xua daxota pejume cowantsinexatsi pia pecanamataxeinaeinchi xua bara xaniwaicha exana.

³ Jopa netsita ainya cuiyo xua paxam tapaneyabara paebiwam xua tacuidubiwa yabara xua icha metha bara exanan pocotsiwa Nacom neitoroba. Matautano jopa netsita ainya cuiyo xua jiwi taneyabara paebiwa xua barapo coyene xua icha metha bara exanan. Barichi tacoutha jopa nayabara nanta xeinaeinyo xua icha metha barapo coyene jopa exanaeinyo, xua daxota tanatsicuentisixae abe taexanaexae Nacomtha.

⁴ Tajuntu coyene netsipaeba xua bara pinae xanepanaya taexanaewa. Bequein tajuntu coyene baxua netsipaeba ichitha jopa nayaputaeinyo xua metha apara abe taexanaewa xua daxota Nacom tsita natsicuantan. Nacom pon jiwi Pecanamataxeinaein bapon apara pon taneyabara paebin xua tanatsicuentisiwa xua abe taexanaexae. Bapon meisa nejuntu coyene yaputane icha bara metha tsita xeinan xua tanatsicuentisiwa xua abe taexanaexae.

⁵ Jopa bepijawa payabara paebinde ichamonae xua abe pia peexanaewa. Abu tsane beya poxonae patopaetsica pon jiwi Pecanamataxeinaein bapoxonae payabara paebiname abe pia peexanaewa. Barapon Nacom tsita itutsina po coyene xua jiwi pia pejuntu coyenewatha namicha xeina po coyene xua ichamonae jopa taeyo. Bapon Nacom pon jiwi Pecanamataxeinaein itutsina po coyenein jiwi namicha xeina pejuntu coyeneintha xua penatsicuentiswan po coyenein xua Nacom petsita exanaewatsi. Daxita barompaya jiwitha Nacom yabara paebina po coyene pia petaexanaewichi. Pontha pon xanepanaya

petanacuitsinchi Nacom w̄nae jainchina bapontha. Nacom jopa w̄nae jainti tsane pon jopa xanepanaya petanacuitinchi.

⁶ Tamonaē pam, paxam pomonaē ir̄u painya nejume cow̄antsiwixae Jesucristo. Yabara paca tsipaebatsi barapo coyenein po coyenein paexanan, xanepanaya painya nejinom-paenexa. Barichi paca tsipaebatsi Apolos yabara ir̄u xua xan yabara painya nenacuidu-binexam pocotsiwa paexanan. Bapoxonaē painya neexanaewa tsane icha paichin poxonaē xua paexanan. Pajinompa dubenanaebiyama icha be pocotsi coyeneya Nacom Pejume Diwesitha paeba. Jopa painya neexana dubenanaebiyaenexa pocotsiwa jopa paebiyō Nacom Pejume Diwesitha. Painya xoba atsaquiya pacayabara nanta xeiname ponbe Nacom petanacuichinchibe, xua ich̄an bichocono peainya cui jiton beyacaincha ich̄an.

⁷ Nacom jopa paca exanaeyo xua peainya cui jiji pam beyacaincha xua ichamonaē pomonaē ir̄u pejume cow̄antsiwi Nacom. Pocotsiwa paxeiname jopa apara pana nacatsim painya coutha barapocotsiwa. Apra jame daxita baxuan paxeiname pocotsiwa Nacom paca catsiba. Daxota jopa bewa atsaquiya pana nayabara paebim painya coutha. Poxonaē baxua papaebame apra paj̄antemainame pocotsiwa xua Nacom painya nepaca catsibiwa daxita.

⁸ Itara mexeya daxita painya nexenaē jiji pam po coyenein xua paichichipame painya neyaputaewa Nacom yabara daichitha jopa barapomonaē pam. Pananta xeiname icha pomonaē copei pexeinaewi ichi ir̄u icha ichi pomonaē jiji itorobiya pia pepa peewatsiwichi xua xeina daxita xua ichichipa yawa daxita xua xuan pocotsiwa pecanantawenonaewa. Paxan jopa nama bara paichinyo. Maisa anoxuae bequein pana ita cui jicha xua yatsicaewa paxam pomonaē painya neyaputae jiji pam daxita xua Nacom Pejume Diwesi yabara xua bapoxonaē pata tana nebar̄u yaputaewam tsane daxita Nacom Pejume Diwesi.

⁹ Paxan Jesucristo pia peitorobi jiji tatsi pan. Xan nanta xeinan xua Nacom bara be copata pata tana cana exanaewa xua jiji pata tana necui caponaewa xua poxoru imoxoyo pata werapaewa tsane. Paxan be pocotsi jiwimonaē pecui pawī jiwimonaē pan xua daxota daxita nacuanpiwi ir̄u matatsunpiwi pana ichichi xeica.

¹⁰ Jiwi pana neyabara nanta xeina xua paxan pata nemuxuxenaē jiji pan, yaitama paxan Cristo payabara cueicueijan. Jaina maisa paxam jiwi paca yabara nanta xeina xua paxam beta yabara painya neyaputae jiji pam Cristo. Paxan nama jopa pana daichibenaēinyo. Paxan jiwi pana yabara nanta xeina xua paj̄ant̄u coyene faefaenabenan. Jaina nama pana nayabara nanta xeiname xua paj̄ant̄u coyene daunwam Nacomtha. Jaina maisa jiwi paca bar̄u cui itura jina, jopa pana daichibenaēinyo. Nama atsaquiya abeya pana yabara paeba.

¹¹ Caena bayatha beya anoxuae, paxan bichocono pajainpan. Matautano pameratsipanno bichocono. Matautano painta paparuwan bichocono jonopa. Jiwi pana neba bichocono. Yawano jopa bo paxeinaēinyo.

¹² Pana nacobe fifinatontan, patain pata nacuichixae bichocono. Bequein jiwi ts̄am̄u jumetha pana casebeiba daichitha barapomonaē Nacomtha pataw̄queiban xua barapomonaē peyawenaenexa tsaibi tsainchi. Poxonaē jiji pana atene exaneiba bara saya pacui copatan.

¹³ Bara bequein jiwi abeya pana neyabara paebeiba ichamonaetha, daichitha baxua jopa pajume naitaewatsinyo. Saya jame xanepanaya patsipaeban barapomonaetha. Jiwi pana neyabara nanta xeina xua pinaē peabe jiji pan. Barapo jiwi pana itaweta icha be poxonaē jiton ichi poxonaē piawa basuratha xuba. Baxua jiwi painta exanapona beya anoxuae.

¹⁴ Jopa baxua pacata tinaetsi xua paca aura exanatsi. Jame pacata tinatsi xua pata cayawenaenexatsi xua painya neexanaenexa pocotsiwa bewa paexanaename. Paxam be tapexui pam, tsipei bichocono paca antobetsi.

¹⁵ Bequein icha bara metha paxeinaetsipame diez mil poyobe pomonaē painya cacuidubi jiji po coyene xua Cristo yabara, ichitha saya pacata compa pon be painya axa natsicotane. Saya meisa xan compan copiyan pon be painya axa tapacata natsicotaeinchi, tsipei paxam copiya Cristo Jesús pajume cow̄antame poxonaē paca cuidubatsi Nacom Pejume Diwesi.

¹⁶ Daxota bichocono paca muxu jeichi, paexanaponde icha xan ichin xua exanaponan.

¹⁷ Daxota pacata itorobatsi Timoteo pon bichocono antobein. Bapon bara be taxanto, tsipei yawanen xua pejume cow̄antsiwa Jesucristo pon jiji Pecanamataxeinaein. Bapon exaneiba pocotsiwa itorobeiban. Bapon Timoteo paca tsipaebina xua tana neyabara paebiwa tsane po coyene xua xanepanaya tapoponaewa tajume cow̄antsixae Cristo Jesús. Barapo coyenein cuidubeiban ichaxota poneiban daxita i dapocotsi penacatutsi bon jiwitha pomonaē Nacom pejume cow̄antsiwichi.

¹⁸ Ichamonaē pomonaē paxam jiwana pam, bichocono juntu coyene yacatsi xua ichamonaē peabiwatsi. Baxua exana tsipei barapomonaē nanta xeina xua xan jopa tapaca siwa ponaewa tsainchi.

¹⁹ Icha Nacom pon jiwi Pecanamataxeinaein copatsina xua bara taponaewa tsane aunxuae paca siwa ponaeinchi. Bapoxonaē taēin pomonaē xua ichamonaē peabiwichi icha metha barapomonaē xeina Nacom pia peayapusu itorobi coyenewa tatsi. Ichacuiitha metha tsipae apara metha saya paeba.

²⁰ Jiwi jopa patsi tsane Nacom pia peitorobi nacua beicha xua poxoru wynaē pepeabixae tsane pia coutha. Apra jame jiwi patsina bara beicha pexeinaexae Nacom pia peayapusu itorobi coyenewa tatsi.

²¹ ¿Eta xua painyatsi? ¿Paca tsicapatinchi naewan xua xota paca beinchi? Jume apra. Ichacuiitha metha tsipae ¿paichichipame xua tapaca casiwa ponaewatsi tapaca caantobexaetsi? ¿Matautano beta pacata exanaeinchi xua jopa taanaepanaexae? Aa jame baxua.

5

Meje xua poxonaē Pablo itaweta pon penowa tsiperu nacoyoba

¹ Ichun netsipaeba xua pinae caein pon paxam jiwana pam pinae bichocono abe exana. Pinae bapon penowa tsiperu nacoyoba powa paxa tatsi bayatha baru popona. Barapo peexanaē coyenewa bichocono abe. Pomonaē bequein jopa peyabara yaputaewa Nacom barapo coyene jopa copatsiyo xua jiwi peexanaewa tsane baxua.

² Paxam pomonaē painya nenanta xeinaē jiwi pam xua peainya cui jiwi pam xua daxota jopa panantawenonaem xua painya neitawetsiwa bapon. Jame bewa baxua payabara juntu coyene wecoyam. Pon painya xantha pita penowa powa paxa tatsi xeina bewa patorotsim painya xainya weya.

³ Bequein jopa yatsicaewa paca baru ecaetsi ichitha paca yabara nanta xeineibatsi be poxonaē paca baru ecatsi yatsicaewa. Bara bapon yabara paeban xua penatsicuentisiwa xua abe peexanaexae tsipei yabara paeban Jesucristo pia peayapusu itorobi coyenewatha tatsi, pon Wanacanamataxeinaein. Baxua exanan icha be poxonaē yatsicaewa tapaca baru ecaewatsi.

⁴ Poxonaē panacaetutame daxita pam, pomonaē painya nejume cowuntsi jiwi Jesús, paca yabara nanta xeineibinchi icha be poxonaē tapaca baru ecaewatsi yatsicaewa. Matautano Jesús pon jiwi Pecanamataxeinaein pia peitorobiwa tatsi xua peayapusuwa tatsi paxeina dubenanaebiyama.

⁵ Pon xua awiya abe exanapona barapo jiton bara pacopare Satanastha pon caurimonaē pia pentacaponaeintha tatsi. Bapoxonaē barapo caurimonaē pia pentacaponaein tatsi atene cana exanaena bapontha xua saya pia pepontha tatsi poxoru barapo jiton ichichipa xua abe peexanaewa. Bapoxonaē barapo pebin equeicha jume cowuntsina Nacom po pebin copiya abe peexanaexae. Pia pejumope tunaxu tatsi Nacom capanepaena po mataqueitha poxonaē Jesús patopeicaena, pon jiwi Pecanamataxeinaein.

⁶ Paxam jopa bewa atsiquiya pajinompam xua poxoru pocotsiwa painya neexana dubenanaebiyaxae. Icha caein payabara cui copatame xua bara abe exanapona painya xantha pon abe peexanaein bequein xua saya conotha exana, bapoxonaē pinmonaē painyamonae abe exanapona. Bara paxam payaputaname pocotsi diwesiyo ba jiwi yabara canauta jutsiya paeba baxua yabara xua pejeiwa: “Levadura matawun xoyo bequein peyauyo baxoyo daxita pantha cotowa exana”, xua pejeiwa.

⁷ Painya xainya weya patorore pon abe peexanaein abe peexanaeyainwa daxita painyamonae xua icha bapon ichi xua abe exana. Barapo coyene icha be ichi poxonaē jiwi levadura bebai, po levadura peru levadura abe peexanaeyainwa pan matabutha. Poxonaē bapo pebin patorotame bapoxonaē painyamonae pomonaē pejume cowuntsiwi xanepanaya jinompaena. Caena bayatha judiomonaē juteba oveja xua poxonaē pewanaeya tsane poxonaē Egipto nacua weya pona. Bapoxonaē Nacom yabara junteina judiomonaē abe pia peexanaē cuiru coyenein tatsi poxonaē cordero hexotsi xua oveja pebto penun. Nacom tsitatsi xua Cristo bara be cordero poxonaē tupa naetotha. Cristo naca tsitupa xua abe waexanaē cuiru coyenein icha cordero ichi xua tsitupa xua judiomonaē abe pia peexanaē cuiru coyenein tatsi.

⁸ Waxainchi jopa bewa peabe coyenewa exanaetsi. Jame bewa xaniwaicha juntu coyene xanepanaya jinompa dubenanaebiyatsi Jesucristo pia pejume cowuntsiwichixatsi.

⁹ Icha cartatha paca tsipaebatsi xua jopa bewa painyamonae jiwi pacana exanaem pomonaē pesi cui weiweinaē jiwi xua bequein jopa piseuri jiwi.

¹⁰ Barapomonaē pomonaē pesi cui weiweinaē jiwi pomonaē jopa pejume cowuntsiwi Jesús apra jopa paca tsipaebichi barapomonaē yabara. Pomonaē jimun jiwi xua

ichichipa copei xeinaewi naexana xua beyacaincha ichamonae pomonae jopa pejume cowantsiwi Jesús apara jopa paca tsipaebichi barapomonae yabara. Pomonae jopa pejume cowantsiwi Jesucristo pomonae pecaibi jiwi apara jopa paca tsipaebichi barapomonae yabara. Pomonae ibo nacomun wnae pejainchiwi apara jopa paca tsipaebichi barapomonae yabara. Barapomonae pexainya weya painya newarapaenexa maisa jame bewa pawarapaem barapo cae pin nacua weya, xua ichaxota po nacua jiwaibi beya xua bara beya painya newarapaenexa.

¹¹ Pocotsiwa aunxuae paca tsipaebatsi baraxua icha cartatha bayatha pacata tinatsi. Jan: “Jopa bewa payawa muxuna jinompaem pomonae abe peexanae jiwi bequein paeba xua pinae jume cowanta Jesucristo. Barapomonae jopa bewa payawa muxuna jinompaem pomonae pesi cui weiweinae jiwi, irano pomonae jimun jiwi xua ichichipa copei xeinaewi naexana beyacaincha xua ichamonae irano pomonae ibo nacomun wnae pejainchiwi, irano pomonae nacupa penaexanaewi, irano pomonae jiwi pebiataewi, irano pomonae pecaibi jiwi daxita barapomonae jopa bewa pabarun xaem bequein paca wabitha tsipaeno xua painya nenanabanaewa tsane”, jan.

¹² Xan jopa neitacupaeyo xua jiwi tayabara paebiwa xua penatsicuentisiwa Nacomtha xua abe peexanaexae pomonae jopa jume cowantsiwo.

¹³ Jame apara meisa Nacom yabara paeba xua penatsicuentisiwa xua abe peexanaexae pomonae jopa Nacom pejume cowantsiwichi. Ichitha bewa payabara paebim xua penatsicuentisiwa pomonae penacuetutsi jiwi pomonae pejume cowantsiwixae xua abe peexaneibixae poxonae. Daxota bewa paxam patorotsim pon abe exana painya xantha pon penowa tsiperu wenacoyoba xua awiya baru jijinapona.

6

Meje yabara pomonae pejume cowantsiwi Jesucristo xua peponaewa pontha pon jiwi yabara paeba xua penatsicuentisiwa xua abe peexanaexae

¹ Poxonae ichamonae pomonae pejume cowantsiwi jiwana pacata abe exana painya xoba paponame ichaxota eca pon jiwi yabara paeba xua penatsicuentisiwa xua abe peexanaexae. Jamaisa baxua paexaname xua pawucame pon jopa pejume cowantsin pon jiwi yabara paeba xua penatsicuentisiwa xua bapon peitawetsinexa pomonae abe peexanaewi. Bapoxonae painya pia bapon paca tsipaebichi xua barapomonae paca tsita natsicuenta xua abe peexanaexae. Jame bewa paponaname ichaxota nacaetuta pomonae pejume cowantsiwi Jesucristo. Bapoxonae barapomonae yabara paebina pomonae xua penatsicuentisiwi xua abe peexanaexae paxamtha.

² Paxam payaputaneme xua pomonae pejume cowantsiwi Jesucristo, barapomonae yabara paebina pomonae xua penatsicuentisiwi xua abe peexanaexae barapomonaetha pomonae barapo nacuathepiwi. Barichi hexa tsane poxonae Cristo patopeicaena payabara paebiname pomonae barapo nacuathepiwi xua penatsicuentisiwa xua abe peexanaexae. Daxota anoxuae bewa paexanaem xua payabara paebiname xua penatsicuentisiwa xua bequein bara conotha abe peexanaexae pomonaetha pomonae pejume cowantsiwi Jesucristo po coyenein bara bequein bichocono jopa abeyo.

³ Waxainchi yaputainchi xua hexa tsane wayabara paebiwa matatsunpiwi penatsicuentisiwa xua abe peexanaexae Nacomtha. Baxua exanaeinchi poxonae Cristo patopeicaena. Daxota anoxuae paca itacupa xua painya neyabara paebiwa xua penatsicuentisiwa xua abe painya nepaca tsita exanaexae pomonaetha pomonae pejume cowantsiwi xua wajinompawa yabara barapo cae pin nacuathe.

⁴ Icha paxeiname po coyenein xua abe pacata exana pomonae iraru pejume cowantsiwi, jopa bewa paponame ichaxota pon jiwi peyabara paebin jiwi xua penatsicuentisiwa xua abe peexanaexae pon jopa pejume cowantsin.

⁵ Baxua paca tsipaebatsi xua painya neauramnexa tsane. Pon ba peyaputaen bapon ba itacupatsi xua jiwi peyabara paebiwa pomonaetha pomonae xua penatsicuentisiwa xua abe peexanaexae, xua ichamonaetha abe peexanaexae pomonaetha pomonae iru pejume cowantsiwixae Jesucristo. Ichitha poxonae paponame ichantha pontha pon jiwi peyabara paebin xua penatsicuentisiwa xua abe peexanaexae, pon jopa pejume cowantsin, apara jopa xapain paexanaem. ¿Metha bara painyamonae jiwana pin dapocotsin yatsicaewa aibi jampa pon jiwi peyabara paebin xua penatsicuentisiwa xua abe peexanaexae jampa?

⁶ Ponbe paxam jiwana pam, ponbe pejume cowantsinbe Jesucristo, baponbe nababe. Ichun xua baponbe jiwana pona ichaxota pon jiwi peyabara paebin pon jopa pejume cowantsin, xua peyabara paebinexatsi pon abe peexanaexae ichantha.

⁷ Poxonae paxeineibame po coyenein xua pana nabeibame xua daxota paponeibame pontha pon jiwi peyabara paebin baxua abe paexaname. Poxonae ichamonae abe pacata

exana saya bara pacui yabara copabare. Jame baxua pacata xanepana. Bapoxonae jopa painya nenantawenonaewa xua painya neponaewa pontha pon jiwi peyabara paebin xua penatsicuentisiwa xua abe peexanaexae. Barichino poxonae ichamonae paca caiba saya bara pacopare xua jopa abe painya neexanaenexa tsane bapomonaetha.

⁸ Payopitame xua pinae painyamonae pacata abe exana, yawa xua pinae paca caiba. Ichitha apara paxam bara paichim abe paexaname, xua poxonae paponame pomonaetha pomonae jopa pejume cowantsiwi xua peyabara paebinexatsi pomonae abe pacata exana.

⁹⁻¹⁰ Paxam payaputaneme xua pomonae abe peexanaewi jopa patsi tsane Nacom pia peitorobi nacua beicha. Painya xoba pana nayabara cui copatame xua painya coutha painya nenamuxuitorobiwa barapo coyene yabara xua daxota pananta xeiname xua barapomonae apara patsina Nacom pia nacua beicha. Pomonae jopa patsi tsane Nacom pia peitorobi nacua beya xua peexanaexae po coyenein xuaje: Pomonae pesi cui weiweinae jiwi, pomonae wunae pejainchiwi ibo nacomun, iru pomonae penotsiwi yabaxi powaxi bara bequein pia pebiwi xeina, iru po pebiwi cae pebiwi penais maichiwi, iru pomonae pecaibi jiwi, iru pomonae jimun jiwi xua ichichipa copei xeinaewi naexana beyacaincha xua ichamonae, iruru pomonae nacupa penaexanaewi, peatsaxa meran, iruno pomonae jiwi pebiataewi, iruno pomonae peyabara muxuitorobi jiwi pecaibinexa.

¹¹ Copiyatha paxam be barapocotsi jiwimonae pam xua poxonae matha aena pajume cowantame xua abe painya neexanae jiwi pam. Daichitha Nacom paca yabara jantemaina abe painya neexanae cuiru coyenein. Matautano Nacom paca yabara caunuta jeye: "Tapexuimonae jiwi", paca yabara jei. Matautano Nacom jopa painya tsita natsicuentisiwa xua abe painya neexanaexae. Nacom pia Pejumo pe tuxaxu tatsi iru Jesucristo pacata exana baxua xua poxonae pajume cowantame Jesucristo pon jiwi Pecanamataxeinaein.

Meje xua Pablo jei: "Wapepon Nacom piawa", jei

¹² Jiwi ba jeye: "Xan necopata xua bara taexanaewanexa pocotsiwa xua ichichipan", jei. Bara bequein xanyiwi jiwi xua pepaebiwa, ichitha ichacuiha barapo jiwi jopa xapain pia coutha nata exanaetsipae. Bequein barichin bequein necopata xua bara daxita taexanaewa, daichitha ichacuiha jopa xapain nata exanaeinchipae xua poxonae icha nanta xeinaetsipan xua jopa neitacupaeyo xua bara tana necui copatsiwa.

¹³ Bara jiwi ba xainyeya paeba poxonae jeye: "Pexaewa wunae xua pecotsoro nexa, iru pecotsoro wunae xua pexaewa nexa", jei. Ichitha hexa tsane Nacom weraweraca cana exanaena barapo naxobe jumebe. Nacom apara jopa nacata exanaeyo wapepon xua wapepon abe wanata exanaewa xua wanasi cui taetaewa. Wapepon Nacom exana xua pia coutha natsixana, xua watanacuichinexa bapon, pon jiwi Pecanamataxeinaein. Nacom yawena xua wapepon yawenatsi xua pia wanaca capanepaenexa.

¹⁴ Icha Nacom ichi xua asu exana petupaе cuiru coyene weya pon jiwi Pecanamataxeinaein Jesucristo, Nacom bara naca ichi tsane, asu naca exanaena petupaе cuiru coyene weya pia peayapusu itorobi coyeneyatha.

¹⁵ Paxam Corinto tomarapiwi pam. Payaputaneme xua daxita carepaya paxam Cristo piamonae jiwana tatsi pam, pomonae pejuntu coyene xanepanae jiwi. Xan iru barapo pejuntu coyene xanepanae jiwi piamonae jiwanan tatsin. Daxota jopa benatsiperu jayababinyo powaxitha powaxi pesi cui weiweinaewaxi, tsipei tapepon apara Cristo tatanacuichinexa bapon.

¹⁶ Paxam payaputaneme icha pebin natsiperu jayababa powatha powa penasi cui matacaetsiwa baraponbe bara be caeinbe naexanabe. Nacom Pejume Diwesitha jeye: "Poxonae pebin piowa pita bara be caein naexanabe", jei Nacom Pejume Diwesitha.

¹⁷ Poxonae ichun cae juntu coyene naexana Cristotha pon jiwi Pecanamataxeinaein, bapon bara apara caein naexana Cristotha pia pejuntu coyenewatha.

¹⁸ Painya xoba paexanaename icha pocotsi coyeneya ichi xua peexanaewa pomonae pesi cui weiweinaewi. Daxita po coyenein pebiwi exana xua abe peexanaewa apara jopa pia coutha abe nacana exanaeyo. Apara jame ichantha abe exana. Saya jame poxonae pebiwi pesi cui weiweinaewi bapoxonae barapo pebiwi pia coutha abe nacana exana.

¹⁹ Paxam payaputaneme xua Nacom pia Pejumo pe tuxaxu tatsi paca baru jinompa pia paca nacana jumope tuxaxu catsixae paxamtha. Icha barapo Nacom pia Pejumo pe tuxaxu tatsi ichi xua paca baru jinompa, barichi barapo Nacom pia Pejumo pe tuxaxu tatsi popona Nacom pin pia botha tatsi. Tsipei anoxuae Nacom piamonaexae tatsi pam, apara paxam jopa painya coutha painya nenacanamataxeinaewi jiwi pam.

²⁰ Nacom bayatha pacata pematomatsiwa exana xua poxonae Jesus naetho painya nepaca tsitupaewa xua abe painya neexana cuiru coyenein. Daxota beta pajume cowantsiya jinompare ichamonae petitutha tatsi. Bapoxonae barapomonae Nacom baru

cui itura jinatsi xua pon xanepanaya peexanaein poxonaē paca cui tane xua xanepanaya pajinompame.

7

Meje xua Pablo yabara muxuweta xua jitha peenaewa yabara

¹ Anoxuae paca jume notatsi po peyainyabiwa pana yainyabame cartatha. Icha pebin jopa jitha beecaeyo b̄u bara moya jopa jitha ecae tsane, bequein bara baxua taxanepanatsi bapon.

² Ichacuitha poxonaē pebin jopa jitha ecaeyo besi cui weiweinaena powatha xua bequein pia pebin xeina. Daxota pecuiyainwa barapo coyene bapon bewa jitha ecaena, xua barompaya piowa tatsi. Barichi daxita yab̄uxi bewa barompaya seicaya notsina pia pebiwi.

³ Pebin bewa bara exanaena piowatha xua poxonaē peisa maitecae coyenewa. Barichiru yab̄uyo bewa bara exanaena pia pebintha xua poxonaē petsicura maitecae coyenewa.

⁴ Petsiriwa powa jitha eca, jopa bewa nayabara nanta xeinaē xua penaperu xeinaewa xua saya pia coutha nexa. Jame bewa nanta xeinaē xua apara bara pia pebin tatsi pia per̄ato tatsiru. Barichi pebin jopa bewa nayabara nanta xeinaē xua penaperu xeinaewa xua saya pia coutha nexa. Jame bewa nanta xeinaē xua apara bara piowa tatsi pia per̄ato tatsiru.

⁵ Petsiriwa jopa bewa aichaxaibi tsane xua isa maiteca pia pebin. Pebin iru jopa bewa aichaxaibi tsane xua piowa peisa maitecaewatsi. Poxonaē pebin piowabe eenatsibe caentacabiyobetha xua Nacomtha w̄ucauyabe bapoxonaē baponbe itac̄upatsi xua itompa exanaenabe xua peexanaewa po coyene penaisa maitecae cui coyenewa. Saya caentacabiyobetha baxua bewa itompa exanaena po coyene xua penaisa maitecae cui coyenewa. Jame poxonaē po mataqueitha najume wetsina xua Nacomtha pew̄ucaewabe bapoxonaē jame bara bewa exanaenabe equeicha penaisa maitecae cui coyenewa. Baxua bewa exanaenabe xua jopa pēj̄ntu coyene j̄j̄tsinexa tsainchibe caurimonaē pia pentacaponaein tatsi xua abe peexanaenexa tsanebe xua naitompa penaexanaeaebe.

⁶ Saya baxua paca muxuwetatsi apara xua jitha painya neenaewa xua daxota jopa abe painya neexanaewa tsane. Jopa apara paca itorobichi daxita pam xua jitha painya neenaewa. Bara moya jitha ecaena pon ichichipa.

⁷ Ichichipan xua daxita jiwi jinompa dubenanaebiyaena icha po coyeneya ichin xua poxonaē poponan xua jeinya ecan. Daichitha Nacom cata daxita jiwitha xua daxita jiwi barompaya pia cui coyenewan xexeina tsiniya. Po coyenein xua Nacom cata daxita barompaya jiwitha jopa nacui coyene j̄upaeyo.

⁸ Pomonaē pemisa dubenaewi pam iru powaxi painya seuriwi painya necacuenta werapaewaxichi pam, daxita barapomonaē pam paca tsipaebatsi. Bara w̄unaē tsipae icha jopa jitha paenaemtsipae icha be xan ichin xua jopa jitha taecaewa.

⁹ Ichitha icha jopa paca itac̄upaeyo xua painya nejeinya enaewa moya bara jitha bewa paenaem. Jame baxua pacata xanepana xua jitha paenaem xua daxota jopa painya nesi cui weiweinaewa.

¹⁰ Ichitha pomonaē xua bayatha jitha painya neenaewi pam barapomonaē pam paca itorobatsi. Jopa apara taitorobi coyeneya paca tsipaebichi. Jame apara Nacom taneitorobixae xua po coyeneya tapaca catsipab̄inexatsi. Paca jeichi: “Yab̄uyo jopa bewa cuenta warapaewa pia pebin xua pexubinexa”, paca jeichi.

¹¹ Powa punaxuba pia pebin, barapowa bara misa ecaena. Jopa pitsi tsane icha pebin equeicha. Metha jame xanepanaetsipa icha bapowa caewa pichapa pia pebin. Barichi pebin jopa bewa punaxubi tsane piowa.

¹² Anoxuae nama icha coyene paca tsipaebatsi po coyenewa jopa Nacom neitorobiyo saya xua tacoutha tananta xeinaewa. Icha pebin pon pejume cowantsin xeina piseuri powa jopa pejume cowantsiwayo bapon jopa bewa punaxubi tsane bapowa icha bapowa ichichipa xua bapon pebaru poponaewatsi.

¹³ Barichi icha yab̄uyo powa jume cowanta xeina pebin pon jopa pejume cowantsin bapowa jopa bewa punaxubi tsane icha bapon ichichipa xua bapowa pebaru poponaewatsi.

¹⁴ Po pebin bequein jopa jume cowantsiyo, Nacom tsitatsi xua po coyene barapon penacoyobiwa bara xanepana, tsipei bapon piowa xeina powa pejume cowantsiwayo. Barichi powa jopa bequein pejume cowantsiwayo, Nacom tsitatsi xua po coyene barapowa jitha peecaewa bara xanepana, tsipei bapowa xeina pia pebin pon pejume cowantsin. Icha Nacom barapocotsi coyeneya jopa exanaetsipae nexata painya pexui be pomonaē jopa Nacom pejume cowantsiwi pia pexui tatsi tsipae. Ichitha poxoru barapo coyene painya

netsita xeinaexae Nacom daxota Nacom yawa muxuna tsitatsi xua barapo painya pexui barapoxi juntu coyene xanepanena.

¹⁵ Ichacuitha pebin pon jopa pejume cowantsin ichichipa punaxuba piowa powa pejume cowantsiwayo. Bapoxonae bapowa bara copata xua pepunaxubiwatsi pia pebin. Barichi ichacuitha yabuyo powa jopa pejume cowantsiwayo ichichipa punaxuba pia pebin pon pejume cowantsin. Bapoxonae bapon bu bara copata xua pepunaxubiwatsi pia petsiriwa. Nacom copata barapomonae jopa pejume cowantsiwixaetsi xua piseuriwi pepunapentsiwa tsipei ichichipa xua jantemiya wanabaru jinompaewa tsane saya.

¹⁶ Yabuyom icha ewatsiwatham tsipae xua jinya pebin pejume cowantsinexa, daichitha jopa jume cowantsipae Nacom. Barichi pebin icha ewatsiwatham tsipae xua jinseuri pejume cowantsinexa, daichitha jopa jume cowantsipae Nacom.

¹⁷ Daxita paxam bewa xanepanaya pajinompaename icha pocotsi coyeneya Nacom painya nepaca catsixae tsane. Baxua bewa paexanaename xua po coyene Nacom paca yabara tsiwaba bara bequein painya seurixi paxeiname ichacuitha bara metha bequein jopa paxeinaem tsane painya seurixi. Baxuan cuiduban daxita carepaya penacatetsi bontha pomonae Nacom pejume cowantsiwichi.

¹⁸ Ichacuitha Nacom waba xua pebin wabatsi pejume cowantsinexa tsane. Icha barapo pebin caena bayatha wi thabatsi bu saya barabu tsane baxua. Barichi ichacuitha Nacom waba xua pebin wabatsi pejume cowantsinexa tsane. Barichi icha barapocotsi pebin caena bayatha jopa wi thabichi bu saya barabu tsane baxua xua jopa pewi thabinexatsi.

¹⁹ Bapana Nacom jopa tsita ainya cuichi, metha bequein pebin bayatha wi thabatsi, ichacuitha metha bequein jopa wi thabichi. Po coyene xua peainya cui coyene xua jiwi bewa exanaena, jame maisa bewa jiwi jume cowantsiya exanaena pocotsiwa Nacom itoroba.

²⁰ Daxita paxam bewa jupa paexana dubenanaebiyaname icha copiya paichim xua paexana dubenanaebiyame poxonae copiya aena Nacom paca waba.

²¹ Poxonae Nacom waba pon paxam jiwana pam xua poxonaru bapoxonae amanaya tanacuita pia pentacaponaein, bapon jopa bewa yabara nantu exabi baxuan xua pia saya poponaetsi. Ichitha icha bapon itacupatsi xua saya pepoponaewa bu moya saya popona xua jopa penantawenonaenexa tsane xua amanaya petanacuichiwa ichun.

²² Barichi ichacuitha pon bayatha exanatsi xua amanaya petanacuichinexa ichun bapon jume cowanta Jesús. Bapoxonae bapon naexana pon saya pepoponaein pia pentacaponaein weya, peexanaenexa pocotsiwa Cristo itoroba. Barichi ichacuitha pon saya pepoponaein xua jopa amanaya tanacuichiyo ichun bapon jume cowanta Jesucristo. Bapoxonae bapon naexana pon Jesús amanaya pia petanacuitinchi tatsi tsipei exana pocotsiwa Cristo itoroba.

²³ Nacom pin matomatha pacata matomata poxonae Jesús naetotha paca tsitupa abe painya neexanae cuiru coyenein nexa. Painya xoba pacopatame xua jiwi equeicha caewa painya nepaca itorobiwa xua abe painya neexanaewa.

²⁴ Tamonae pam daxota paca itorobatsi xua painya nejume cowanta dubenanaebiyenexa Nacom, icha paichim xua pajume cowanta dubenanaebiyame poxonae copiya Nacom aena paca waba.

²⁵ Jopa xeinaein po jumetha xua tacueicueijiwa po coyenewa xua Nacom pon jiwi Pecanamataxeinaein neyaputane exana xua pomonae piseuriwi penotsiwi nexa. Saya apara paca tsipaebatsi po coyeneya xua saya tacoutha tananta xeinaewa. Ichitha paxam paca itacupa xua pata tana nejume cowantsiwam tsipei Nacom necata barapo peyaputae coyenewa tana neantobexae.

²⁶ Xan tacoya nanta xeinan xuaje: Bara bewa saya jiwi jeinya enaena. Jopa jitha peenaewa tsane, tsipei anoxuae barapo dapaetha xeinatsi nawita po coyenein bichocono nacata ayapube tsounae xua wanapapechuwatsi.

²⁷ Icha jitha paename painya xoba pana napunapentame. Barichi icha pajeyna ename painya xoba pasi cui weiwainame.

²⁸ Icha jitha paename jopa apara bara abe paexanaem. Iru icha yabuyo jitha eca bapowa apara jopa abe exanaeyo. Daichitha pomonae jitha peenaewi bichocono taayapubetsi xua pejinompaewa nexa barapo cae pin nacuathe. Xan ichichipan paca yawenatsi daxota baxuan yabara paca tsipaebatsi xua pacata ayapubeyainwa xua jitha painya neenaewaxae tsipae.

²⁹ Tamonae pam, paxam pomonae iru painya nejume cowantsiwixae Jesucristo. Po coyenewa xua ichichipan tapaca tsipaebiwatsi tsainchi xua meje xua janje: "Waxainchi pin dapae jopa xeinae tsainchi po mataqueitha poxonae Jesús patopeicaena", jan. Daxota pomonae jitha ena bewa jinompa dubenanaebiyae icha be poxonae ichi poxonae xua

jinompa dubenanaebiya pomonae jeinya peenaewi xua xaniwaicha Nacom daunweya petanacuichiwatsi.

³⁰ Daxota jiwi bewa eenaetsi xua Nacom petanacuita dubenanaebiyaewatsi. Daxota pomonae anthathutane xua pewecoyeixaebu barapomonae jinompa icha ichi xua jinompa pomonae jopa anthathutaneyo xua jopa pewecoyeixaebu xua daunweya penacuichixae Nacom nexa. Barichi pomonae xua bichocono juntu coyene weiweinaebu barapomonae jinompa icha ichi xua jinompa pomonae jopa juntu coyene weiweinaeyo xua daunweya penacuichixae Nacom nexa. Barichi pomonae xua pecomoca dubenanaebiyaewi bu barapomonae jinompa icha ichi xua jinompa pomonae jopa pecomoca dubenanaebiyaewi xua daunweya penacuichixae Nacom nexa.

³¹ Poxonae cataunxuae pajinompame barapo cae pin nacuathe jopa paichichipa dubenanaebiyaende pocotsiwan xua barapo cae pin nacuathe xeina. Tsipei pocotsiwa barapo cae pin nacuathe xeina daxita weraweracaena.

³² Ichichipan xua bichocono jopa painya neyabara nanta xeinaewa pocotsiwa barapo cae pin nacuathe xeina xua paca juntu deideijeie exana. Po pebin jeinya eca itacupatsi xua penajuntu coyene eena exanaewa xua petaxanaewatsi Nacom pon jiwi Pecanamataxeinaein. Barapo coyene Nacom juntu coyene weiweina exanatsi.

³³ Po pebin jitha eca bapon bichocono yabara eenatsi nawita xua yabara nanta xeina nawita xua po coyeneya piseuri peewatsiwa xua daxota bapowa piseuri peyabara baru juntu coyene weiweinaenexa.

³⁴ Barapon barapo naxobe coyenewabe muxuna yawa nanta xeina. Barichi yabuxi powaxi jeinya ena iruru powaxi jitha ena barompaya tsanaya piawan yabara nanta xeina. Powa xua bapana jopa jitha ecae bapowa itacupatsi xua penajuntu coyene eena exanaewa xua petaxanaewa po coyene Nacom ichichipa pon jiwi Pecanamataxeinaein. Barapowa ichichipa exana xua Nacom pejuntu coyene weiweina exanaewatsi tsainchi pocotsiwa xua bapowa peexanaewaxae xuano bapowa pocotsiwa penanta xeinaewaxae. Ichitha nama powa jitha eca bapowa bichocono yabara eenatsi nawita xua yabara nanta xeina nawita xua po coyeneya pia piseuri peewatsinexa xua daxota bapon piseuri peyabara bara juntu coyene weiweinaenexa.

³⁵ Baxua paca tsipaebatsi tsipei ichichipan xua tapaca cayawenaewatsi. Aparajopa paca itorobichi xua jopa painya nenotsiwa tsane painya seuriwi. Ichichipan xua beta painya nejinompraewa xua painya netanacuita dubenanaebiyaenexa Nacom daxita painya juntu coyeneintha.

³⁶ Pebin iru yabuyo nanta xeinabe xua penapichinexa tsanebe. Ichitha cataunxuae ewatabe xua penapichiwa tsanebe. Bapon ichichipa nawita xua pepichiwa bapowa, iru petsiriwa bayatha wei weta. Daxota moya bara bewa napichinabe. Baxua jopa abeyo po coyene baponbe exanabe.

³⁷ Ichitha icha pebin itacupatsi xua jopa nantawenonaeyo xua pepichinexa pecotsiwa, xuano juntucuru jopa pichi tsane pecotsiwa, bara jembra tsane icha bapon pecotsiwa jopa pichi tsane. Bara saya jeinya ecaena. Bapoxonae bapon bara saya beta exana.

³⁸ Pon pecotsiwa pita beta exana bequein. Ichitha nama pon jopa jitha ecaeyo bapon jame bichocono beta exana beyacaincha pon pecotsiwa pita.

³⁹ Petsiriwa powa jitha eca powa pejume cowantsiwa bewa piseuri cuicuinaena poxonae cataunxuae jopa tatupaetsi piseuri. Icha pia pebin tatupaetsi barapowa itacupatsi xua pichina icha pebin pon saya pejume cowantsin.

⁴⁰ Jame metha bapowa bichocono yatsicaewa juntu coyene weiweinaetsipa icha jopa equeicha pichipae icha pebin. Bapoxonae bapowa bichocono juntu coyene weiweinaetsipa beyacaincha poxonae pita icha pebin. Baxua nanta xeinan xua saya tananta xeinaewa. Matautano iruru barichin jume cowantan xua Nacom pia Pejumoepetaxatatsi tana nebaru poponaewa. Daxota neitacupa xua yabara tapaebiwa barapo coyenein.

8

Meje xua Pablo peyabara paebiwa pexaewa po pexaewa jiwi tajeba ibo nacomun

¹ Anoxuae ichichipan xua pexaewa yabara tapacata tinaewatsi po pexaewa jiwi tajeba ibo nacomun poxonae jiwi wnae jainteiba ibo nacomun. Bequein xainyei xua baxuan yabara yaputainchi, daichitha barapo peyaputae coyenewan naca atsaca exana. Ichitha jame po peantobe coyenewa xeinatsi apara naca yawena xua beta wanabaru jinompae-watsi.

² Pon xua nanta xeina xua pinae yaputane bichocono bapon apara taacoibichi pocotsiwa xua bapon bewa yaputaena.

³ Icha ichun Nacom antobetsi bara Nacom juntu coyene yaputane bapontha.

⁴ Daxota equeicha pexaewa yabara paca tsipaebatsi, po pexaewa jiwi tajeiba ibo nacomyn. Barapo pexaewa xuya ichamonae xane cotacaya. Waxainchi yaputainchi xua ibo nacomyn jopa xaniwaicha xeinaeyo peayarusawa xua apara saya jiwi pecobetha forota. Jame nama yaputainchi pepa Nacom, pon compa.

⁵ Jiwi jume cowanta xua pinae pinmonae jinompa, pomonae nacomyn, itabocotha, barapo cae pin nacuatheno. Barichino xua pinae pentacaponae wi jinompa itabocotha barapo cae pin nacuatheno.

⁶ Nama waxainchi yaputainchi xua compa popona Nacom, pon Waxa. Daxita coyenein Nacom pia xainya werena tapichipapoinchi, bara bequein daxita baxuan Cristo forota Waxa nexa. Mataatano Nacom naca cana exana pia watanacuichinexa bapon. Barichi meisa compa popona pon pepa jiwi Pecanamataxeinaein, bapon Jesucristo. Bapon Jesucristo daxita forota Nacom nexa. Waxainchi xeinatsi peajantucoyenesawa, po peajantucoyenesawa xua bapon naca cata.

⁷ Ichamonae pomonae pejume cowantsiwi Nacom, jopa yabara yaputaeyo xua ibo nacomyn. Barapomonae awiwa nanta xeina xua ibo nacom peayarusawa xeina bequein anoxuae barapomonae jume cowanta Nacom. Barapomonae bayatha pia cui xeina xua pexaewa tajebeiba ibo nacomyn poxonae wanae jainteiba barapo ibo nacomyn. Barapomonae abetha nanta xeina jeye: "Icha xaetsipan pewi po pewi ichamonae tajeiba ibo nacomyn metha neajantucoyenebe cana exanaetsipa poxoru barapo pewi ibo nacomyn piawa", jei xua abetha nanta xeina. Bequein barapomonae jume cowanta Nacom ichitha jopa yaputaeyo xua ibo nacomyn pia pexaewa jopa itacupaetsi xua ajantucoyenebe cana exanatsi barapomonae icha jiwana xaetsipa barapo ibo nacomyn pia pexaewa.

⁸ Pexaewa jopa naca yawenaeyo xua wanajuntucoyene xanepana exanaewatsi xua daxota Nacom wanaca weyataewa tsane. Icha waxainchi nabunatsi pexaewa jopa naca yawenaeyo xua Nacom tsita juntucoyene xanepanatsi beyacaincha xua poxonae jopa nabanaetsi. Barichi icha najainbotatsi baxua jopa naca yawenaeyo xua Nacom tsita juntucoyene xanepanatsi beyacaincha xua poxonae nabunatsi.

⁹ Paca itacupa xua paxaneme xua pocotsiwa painya neichichipaewa. Icha pajiwana xaneme po pexaewa jiwi tajeiba ibo nacomyn, baxua jopa paca tsita abeyo. Ichitha poxonae paexaname baxua pomonae ainya unthuton pexeinaewi, aena pejume cowantsiwixae, barapomonae tsita ayapubetsi. Icha barapomonae xaena barapo pexaewa painya neexanaewaxae bequein barapomonae tsitatsi xua abe peexanaewi poxonae xane barapo ibo nacomyn pia pexaewa tatsi. Daxota painya xoba paexaname po coyene painya neichichipaewa.

¹⁰ Metha beya paca taetsipa pon pejume cowantsin poxonae panabaname pexaewa po pexaewa jiwi tajebeiba ibo nacomyn poxonae wanae jainteiba barapo ibo nacomyn. Iruru metha beya tsipae bapon naxaetsipa barapo pexaewa poxonae bapon paca jain tane. Paxam pomonae painya neyabara yaputaewi pam barapo pexaewa. Payaputaneme xua barapo pexaewa apara jopa itacupaetsi xua jiwi ajantucoyenebe cana exanatsi. Ichitha pomonae ainya unthuton pexeinaewi aena pejume cowantsiwixae jopa yaputaeyo baxua yabara icha paxam paichim. Barapomonae awiwa nanta xeina jeye: "Icha barapo pexaewa xaein neajantucoyenebe exanaena", jei.

¹¹ Ichacuitha paxaneme barapo pexaewa bequein payabara yaputaetham xua jopa abe paca cana exanaeyo. Painya neexanaexae baxua xua paxaneme barapo pexaewa daxota bichocono abe paexaname pontha pon ainya unthuton xeina, pon abetha nanta xeina, jeye: "Icha barapo pexaewa xaein neajuntucoyenebe exanaena", jei. Daxota bapon payabara nanta xeinare xua abeyo iru Cristo tsitupa bapon icha ichi xua paca tsitupa.

¹² Pacata jopa abeyo xua poxonae paxaneme barapo pexaewa. Jame apara abe paexaname poxonae iruru xane barapo pexaewa pomonae ainya unthuton xeina. Poxonae abe paexaname barapomonaetha apara bara iru abe paexaname Cristotha, tsipei apara barapomonae pomonae iru pejume cowantsiwixae Cristo.

¹³ Metha beya xaetsipan pewito pocotsi wito xua ichun, pon iru pejume cowantsin yabara nanta xeineiba xua jopa bapana xae po pewi xua jiwi tajebeiba ibo nacomyn. Poxonae bapon nejain tane, bapon iru xane, najuntucoyene taxoba. Barapomonae abe exana cana exanan. Daxota metha xanepanaetsipa icha bapana jopa xaetsipaein equeicha barapocotsi wito xua jopa taexanaewanexa xua bapon abe peexanaewa tsane.

9

Meje po coyenein yabara pomonae Jesús pia peitorobi jiwi tatsi itacupaetsi xua peexanaewa

¹ Tajantũ coyene jopa netsipaebiyo xua abe taexanaewa icha xaein barapo pexaewa xua jiwi tajebe ibo nacomũn. Ichũn jopa itacũpaetsi xua yabara tana neitorobiwa barapo pexaewa tsipei xan Jesús pia peitorobi jiwi jiwana tatsin. Xan bara yatsicaewa tan Jesús, pon Wanacanamataxeinaein. Paxam pajume cowũntame Jesús daunweya tatanacuichixae pon jiwi Pecanamataxeinaein.

² Ichamonae jopa neyabara tsaqueinaeyo xua xan Jesús pia peitorobi jiwi jiwana tatsin. Jame paxam pana neyabara yaputaneme xua xan Jesús pia peitorobi jiwi jiwana tatsin. Painya nejume cowũntsixae pon jiwi Pecanamataxeinaein ichamonae patsita itapeinya xeiname xua xan bara ponxaein Jesús tana neitorobin.

³ Baraxua jume notan pomonaetha pomonae yabara neyainyaba xua pinae icha bara metha yatsicaewa pon Jesús tana neitorobin.

⁴ Barapomonaetha janje: Bernabé irũ xan bara pana neitacũpabe xua pata wecobe noteibiwabe pocotsiwa xua jiwi pata necatsibiwabe pexaewa. Mataũtano pana neitacũpabe xua pata wecobe noteibiwabe pocotsiwa paapan xua poxonae patanacuita ducuanabeibyanbe Jesús.

⁵ Mataũtano icha jitha eaetsipan bara neitacũpaetsipa xua tabarũ ponaewa taseuri icha Jesús pia peitorobi jiwi tatsi ichi xua itacũpatsi xua peexanaewa baraxua xua piseuriwi barũ warapa. Irũnũ barichi Jesucristo pon jiwi Pecanamataxeinaein pia peweicho jiwi tatsi baxua exana. Irũ Pedro exana baxua xua piseuri barũ pona.

⁶ Poxonae ichamonae paca tsipaeba Nacom Pejume Diwesi, payawename barapomonae pocotsiwa penantawenonaewa. Paxanbe Bernabé irũ xan panacuitanbe paxam nexa poxonae Nacom Pejume Diwesi paca tsipaebatsi. Ichitha jopa pana neyawenaem pocotsiwa panantawenonanbe. Paxanbe bewa panacuichinbe icha penacuitsiwa yawa pata como-caenexa pocotsiwa panantawenonanbe. Meisa paxanbe baxua paexananbe, ichamonae jopa daichiyoy.

⁷ Soldadomonaepin poxonae ba naba pia pentacaponaein nexa jopa ba natamatomatsiyo pia pexaewa. Pon ba jame itoroba apata pexaewa pia soldadomona. Barichi pon ba uva pabi nacuita itacũpatsi xua yawa uva cuei xaexaepona. Barichirũnũ pon ba vaca yapu eena bapon ba itacũpatsi mipi yuyucapona vaca xua peapaponaenexa.

⁸ Saya jopa meisa jiwi yabara nanta xeinaeyo baxua xua pon tanacuita itacũpatsi yawa xane. Aparã irũ Moisés pia peitorobi coyenewatha baxua yabara paebarũ.

⁹ Moisés tina po diwesi pia peitorobi coyenewathaxae, xua jeye: "Poxonae po duwein pon pewũn buey nanacuitapona xua pexu xu taxunaunabapona, baropxonae pebin jopa copatsiyo xua pecoibõ acatsiwa xua jopa pexaenexa. Saya bara poxotsina xua yawa xaexaeponaena poxonae nacuitapona", jei. Nacom jopa yabara paebiyo baxua xua saya meisa poxoru peyabara nanta xeinaexae buey. Jame saya apara poxoru peyabara nanta xeinaexae jiwi.

¹⁰ Nacom pana necayabara jũta pæba poxonae buey yabara pæba. Baxua painta exana xua pata taneyawenaenexa. Pon ba nacobe weta xua ãba pabitha, irũnũ pon xuya nota poxonae naweta, baponbe xeinaenabe pexaewa xua penawetsiwa.

¹¹ Paxan paca cuidubatsi Nacom Pejume Diwesi. Tsipei paca yawenatsi daxota bewa xuya pana necatsibim pocotsiwa xua panantawenonan xua pata jinompæwanexa.

¹² Paxam pacatsibame pocotsiwa xua nantawenona ichamonae pomonae Nacom Pejume Diwesi paca cuidua, ichitha paxan paca yawenatsi beyacaincha xua barapomonae paca yawena. Daxota bewa pana necatsibeibim icha paca wũqueibichipatsi beyacaincha xua pacatsibeibame ichamonae.

Ichitha baxua jopa paexanaeinyo xua pata sawũcaewatsi. Paxan bichocono paatanein xua jopa pata xeinaexae pocotsiwa xua pata nantawenonaewa pata jinompæbiwanexa bequein jopa paca wũqueibichi. Jopa paca wũcaetsi tsipei jopa paichipaeyo xua jopa painya nejume cowũntsiwa Cristo pia pexeinya jume diwesi. Jopa paca wũcaetsi poxoru metha pananta xeinaetsipame xua paxan apara pata paratixichi paca tsipaebatsi Nacom Pejume Diwesi.

¹³ Paxam payaputaneme xua pomonae ba nacuita Nacom pin pia botha barapomonae ba apatatsi pexaewa Nacom pin pia botha. Barichirũ pomonae ba nacuita ichaxota iboto uncua po ibototha duwein bexuba xua tauta xua petuxusi exanaenexa Nacom nexa barapomonae ba itacũpatsi xua xuya penabanaewa barapo duwein xua saya jiwana xane.

¹⁴ Barichi Nacom pon jiwi Pecanamataxeinaein jeye: "Pomonae inta nacuita xua pæba dubenanaebiya tacapanenebiyæ diwesi jume, barapomonae apatatsi pexaewa xua poxonae ichamonae apateiba be pematomaqueibiwatsi tsipei barapomonae cueicueijei tsurubenanaebiya tajume diwesi", jei Nacom.

¹⁵ Ichitha jopa bapana wũcaeyo jiwi xua tana apatsinexa pexaewa xua be tanamatatsiwa. Pacata tinatsi xua jopa tapaca wũcaewatsi. Ichichipan xua tatũpæwa tsane

pewñaeaya xua poxonae tapaca wñcaewatsi tsainchi. Bichocono jũntũ coyene weiweinan poxonae tapaca tsipaebiwatsi Nacom Pejume Diwesi. Yaitama jopa pana necatsibeibim xua be pata tanematomaqueibiwam, daxota atsaquiya paca tsipaebatsi.

¹⁶ Jopa neitacũpaeyo xua atsacan xua tacueicueijeixae Nacom pia pecapanenebiyae diwesi jume. Nacom neitoroba xua bewa tacueicueijeíwa tsane barapo diwesi. ¡Ichitha xan tsocuaein tsipae icha jopa cueicueijan tsipae barapo diwesi!

¹⁷ Bequein icha Nacom jopa neitorobichipae xua saya xan tacoutha tsipaebaponaetsipan Jesucristo pia pexeinya diwesi nexata ewatsipan xua jiwi tanematomatsinexa tacueicueijeixae barapo diwesi. Ichitha jame tsipaebaponan pexeinya jume diwesi Nacom tana neitorobixae. Jume cowñtaponan be pocotsi coyeneya Nacom neitorobapona.

¹⁸ Daxota xua be tanematomatsiwa apara xua poxonae jũntũ coyene weiweinan tapaca tsipaebixae tsipae barapo Nacom Pejume Diwesi bequein metha jopa pana catsibeibichipaem xua patanematomatsiwam, matautano metha poxonae bara tapanecatsibeibichipaem pocotsiwa tapanematomatsiwam. Paxam jopa pana necatsim pocotsiwa be pata nematomatsiwam. Jopa paca wñcaetsi bequein bara neitacũpa xua tapaca wñcaewatsi pocotsi matoma bewa panecatsibeibim. Bara pocotsi matoma jiwi bewa catsina pomonaetha pomonae Nacom Pejume Diwesi tsipaebatsi xua pejinompeibiwa tsane.

¹⁹ Bequein jopa bewa amanaya tanacuichin tsane ichũn, ichitha tacoutha nacana exanan be pon amanaya tanacuichin daxita jiwi nexa. Barapo coyene exanan xua pinmonae pejume cowñtsinexa Cristo.

²⁰ Poxonae poponan judiomonaes pia xantha tatsi, exana ducuaenaebiyen icha be barapo judiomonaes ichi xua exana dubenanaebiya pocotsiwa Moisés itoroba pia peitorobi coyenewatha. Bara pocotsi coyenein exanan xua Moisés itoroba, bara bequein jopa bewa exanaein tsane. Saya exanan tsipei ichichipan xua tayawenaewa xua barapomonaes pejume cowñtsinexa Cristo Jesús.

²¹ Poxonae poponan pexantha tatsi pomonaes jopa exanaeyo pocotsiwa Moisés pia peitorobi coyenewatha itoroba, bapoxonae popona ducuaenaebiyen icha barapomonaes ichi xua jinompa dubenanaebiya. Bapoxonae jopa exanaeinyo pocotsiwa Moisés pia peitorobi coyenewatha itoroba, xua barapomonaes tayawenaenexa, xua pejume cowñtsiwanexa Jesús. Jopa paca tsipaebichi xua tajume naitematsiwa Nacom xua tana neitorobiwa. Jame bara exanan pocotsiwa Cristo neitoroba.

²² Poxonae poponan pexantha tatsi pomonaes jũntũ coyene faefaena Nacomtha xua pejume cowñtsiwa xua aena pejume cowñtsixae bapoxonae exana ducuaenaebiyen icha barapomonaes ichi xua exana dubenanaebiya tayawenaenexa xua equeicha bichocono mataropeicha pejume cowñtsiwanexa Jesucristo. Daxita carepayá jiwitha peitũtho poponeiban, poxonae be pocotsi coyeneya jinompeiba barapo jiwi tayawenaenexa xua equeicha bichocono mataropeicha pejume cowñteibinexa Jesucristo.

²³ Daxita baxuan exana ducuaenaebiban tacueicueijeí tsabínexa Nacom pia pecapanenebiyae diwesi jume, matautano tsipei ichichipan xua tajũntũ coyene weiweinaewa tsane poxonae barapomonaes jume cowñtsina Jesucristo.

²⁴ Paxam payaputaneme poxonae jiwi ba namtotha cuinaepona saya caein meisa copiya patopa. Bapon ba catatsi pocotsiwa pematomatsiwatsi copiya pepatopaexae xua beta cuinaepona. Bara pocotsi jũta coyeneya ichi, beta pata exanaponde Jesucristo pia petanacuichiwa tatsi xua painya nepaca catsibínexa xua painya nepaca matomacaewan.

²⁵ Pomonaes ba xua nacui wñnaeta xua penaxenacaenexa ichawa jopa exanaeyo pocotsiwa taayapubetsi poxonae pecuinaeponaenexa. Barapomonaes ba baxua exana pia xeinaetsi pocotsiwa pecui yabara matomacaewatsi. Barapo pentoma noxu tepa pocotsiwa xua saya caena naxuba xua weraweraca. Nama waxainchi beta exanapoinchi Nacom pia petanacuichiwa tatsi, xua Nacom wanaca catsibiwa tsane pocotsiwa wanaca yabara cui matomacaewa, pocotsiwa xua ataya ayapũũ xua jopa weraweracaeyo.

²⁶ Daunweya exanaponeiban Nacom pia petanacuichiwa tatsi be poxonae xua bichoina cuinaeponan xua tatoxeincha patopaewa. Jopa exanaeinyo icha ichi xua pon naitacueinchíya jiraba.

²⁷ Ichitha nama seicayiya exanan xua tapepon daunweya tacyo naitoroban xua daxota jopa abe exanaeinyo. Tapepon itoroban xua tana nejume cowñtsiwa xua peexanaewa pocotsiwa itoroban. Antũyapũũya tanacuitan Nacom tajunuwixae xua jopa beta taexanaewa xua bequein bara ichamonaes cuidubithan barapo coyenein. Icha jopa beta exanaeinchipae Nacom jopa tsita xanepanaeinchipae xua daxota taneitawetsiwa tsipae.

¹ Tamonaē pam, paxam pomonaē iru painya nejume cowantsiwixae Jesucristo. Ichichipan xua painya neyaputaewa tsane po coyene xua poxonaē wamo susato jiwitha pecana exanaewatsi. Barapomonaē Egipto nacua weya pona. Bapoxonaē tsaquinaebowa matatsun dubenapoinchi. Barapo tsaquinaebowa barapomonaē matacapoinchi xua ichaxota ichichipa peponaewa barapomonaē. Daxita barapomonaē icha muxunene beepa Ꞇncababiya po pin pucua pewꞆn Mar Rojo wꞆn pucua. Barapo pin bicheito epataꞆta iyapona xua poxonaē Nacom tsewa taexaniya xua be namto taexaniya.

² Barapomonaē tsaquinaebowa be caemonaē matatsun dubenapoinchi. MataꞆta barapomonaē be caemonaē Mar Rojo wꞆn pucua epataꞆta iya pona. Barapoxonaē be caemonaē naexana Moisestha xua Moisés pematacapanaexa barapomonaē. Barapomonaē barapocotsi jꞆta coyeneya exana icha be poxonaē jiton ichi xua poxonaē bautisabatsi mentha caemonaē penaexanaexa Cristotha, xua Cristo pecanamataxeinaexa bapontha.

³ Daxita barapomonaē xane po pexaewa Nacom taitorobica itaboco wetsica.

⁴ Yawano barapomonaē apa po mera xua Cristo itoroba ira xuepana susato tsurucuae nacuatha. Barapo mera iboton weya mene pichapa. Cristo barapo mera apatapona poxonaē yanta xua barapomonaē yantatsi.

⁵ Daichitha pin bicheitomonaē xua barapomonaē jiwana jopa exanaeyo pocotsiwa Nacom ichichipa. Daxota Nacom copata xua barapomonaē bara pejiwana werapaponaewa tsane barapo ira xuepana susato tsurucuae nacuatha.

⁶ Baxua exana xua nacata yabara canaꞆta jꞆtsiya exana. Jopa bewa waichichipaewa tsainchi pocotsiwa jopa nacata wꞆnaeyo xua icha barapomonaē ichi poxonaē pia coutha abe nata exana.

⁷ Daxota jopa bewa wꞆnaē pajainchim ibo nacomꞆn icha be barapomonaē jiwana ichi. Barapomonaē wꞆnaē jainta ibo nacomꞆn. Nacom Pejume Diwesitha barapomonaē yabara jeichi: “Barapomonaē ena xua pexanaexa yawa xua peapaenexa. Bapoxonaē yatsicaewa barapomonaē nawiraba ibo nacom tsita nawirabatsi”, jei Nacom Pejume Diwesitha.

⁸ Waxainchi jopa bewa exanaetsi xua nasi cui weiweina exanatsi icha be barapomonaē jiwana ichi. Barapomonaē jiwana nasi cui exana yabꞆxitha xua jopa piseurixi. Daxota caentaqueitha veintitrés mil pebiwi werapa abe peexanaexae.

⁹ MataꞆtano jopa bewa najꞆntꞆ coyene jꞆjꞆta exanaetsi Nacomtha xua wanaca baru anaepanaexa, icha barapomonaē jiwana ichi. Barapomonaē najꞆntꞆ coyene jꞆjꞆta exana Nacomtha. Daxota Nacom copata xua barapomonaē werapa poxonaē jomon sinebatsi barapomonaē.

¹⁰ Jopa bewa Nacom anaepanaya baru paebichi, icha be barapomonaē jiwana ichi. Barapomonaē Nacom anaepanaya baru paebatsi, daxota Nacom copata xua barapomonaē weraweraca poxonaē matatsunpin juteba po matatsunpin jiw pejutebin.

¹¹ Nacom exana daxita baxuan barapomonaetha, xua wanaca muxuweta exanaexa xua jopa waraichiwanecha icha barapomonaē ichi. Moisés yabara tina barapomonaē xua yaputane wanaca exanaewa xua bara nama imoxoyo barapo nacue weraweracaena.

¹² Daxota tsipaeban pon paxam jiwana pam pon xua nayabara nanta xeina xua pinae bichocono pejume cowantsixae peajꞆntꞆcoyenesuwa xeina Nacomtha. Janje: “Dota jinya xoba abe exaname. Poxoru icha metha nanta xeinaetsipame xua jopa abe exanaem, bapoxonaē metha abe exanaetsipame”, jan.

¹³ Jopa meisa paxam caurimonaē pia pentacaponaein tatsi paca jꞆntꞆ coyene jꞆjꞆtsiyo. Barapara iru ichamonaē pomonaē pejume cowantsiwi barichichi jꞆntꞆ coyene jꞆjꞆtatsi abe peexanaexa. Paxam paca itacꞆpa xua pajꞆntꞆ coyene amanayabame barapo caurimonaē pia pentacaponaein tatsi. Baraxua paexaname icha barapomonaē ichi xua jꞆntꞆ coyene amanayaba barapo caurimonaē pia pentacaponaeinthatsi. Daichitha paca itacꞆpa xua payabara jume cowantame Nacom xua bara bapon paca yawenaena. Nacom jopa copatsiyo xua caurimonaē pia pentacaponaein tatsi bichocono paca jꞆntꞆ coyene jꞆjꞆtsina xua pocotsiwa bichocono pacata ayapube xua daxota abe painya neexanaewa tsane. Ichitha poxonaē caurimonaē pia pentacaponaein tatsi paca jꞆntꞆ coyene jꞆjꞆta, Nacom paca yawenaena xua painya nerꞆcꞆpaewa bapon weya xua daxota jopa abe painya neexanaexa.

¹⁴ Tamonaē pam paxam pomonaē iru painya nejume cowantsiwixae Jesucristo. Paxam pomonaē tapaca caantobe jiwichi pam. Painya xoba wꞆnaē pajaintame ibo nacomꞆn.

¹⁵ Paca tsipaebatsi paxam pomonaē painya neyaputae jiwꞆ pam. Paxam payaputaneme xua painya neyabara nanta xeinaewa pocotsiwa paca tsipaebatsi icha metha bara xaniwaicha paeban.

¹⁶ Waxainchi nacaetutatsi wayabara jantanainaexa xua Cristo wanaca tsitꞆpaewa naetotha. Bapoxonaē apatsi vino mera yawa xainchi pan. Barapo vino mera Cristo pia pejana tatsi yabara caanutatsi. MataꞆtano barapo pan Cristo pia pepon tatsi yabara

caunutatsi. Poxonae apatsi barapo vino mera Nacom tsipaebatsi barapo vino mera nexa po vino mera tsijunta eca corotiyotha. Jeichichi: “Maisa Nacom painta pexeinya coyene exaname”, jeichichi. Bapoxonae be caemonae naexainchi Cristotha waapaexae barapo vino mera. Barichi poxonae pan janacatsi be caemonae naexainchi Cristotha waxaexae barapo pan.

¹⁷ Bequein waxainchi pinmonaetsi xua cae pan nabaru xainchi, ichitha waxainchi be caemonaetsi bapon Cristotha tsipei bara cae pan nabaru xainchi.

¹⁸ Payabara nanta xeinare xua judiomonae pomonae Israel nacuamonaepiwi. Barapomonae judiomonae xane po duwein ichamonae tauta xua petuxusi exanaewa Nacom nexa. Bapoxonae barapomonae be caemonae naexana Nacomtha.

¹⁹ Jopa apara paca tsipaebichi xua ibo nacom xeina peajuntayapuswa. Matautano jopa paca tsipaebichi xua po wi jiwi tajeba ibo nacomun ainya cui barapo wi beyacaincha xua icha pewi.

²⁰ Paca tsipaebatsi xua jiwi tajeba pewi ibo nacomun pomonae jopa yaputaeyo Nacom. Barapomonae tajeba barapo pewi caurimonae. Jopa apara tajebiyi Nacom. Jopa ichichipaeyo xua caemonae pana naexaname caurimonae pijimonaetha. Metha baraxua paexanaetsipame poxonae panabaru xaneme pomonae nacaetuta pexaenexa po wi jiwi tajeba ibo nacomun.

²¹ Paxam panabaname pon jiwi Pecanamataxeinaein pia penabanaethopaewatha tatsi yawa xua paapameno. Jopa paca itacupaeyo xua panabaname yawa xua paapameno ichaxota exanumpa cauri pia cui coyene pomonae jopa pejume cowantsiwi.

²² Icha waxainchi wuna jaintatsi caurimonae poxonae xainchi po pewi jiwi tajeba ibo nacom bapoxonae waxainchi exanatsi xua pon jiwi Pecanamataxeinaein naca caseba pia wanaca asiwixae. Waxainchi jopa xeinaetsi po peayapuswa xua bichocono daunwei xua beyacaincha Nacom.

Meje xua Pablo yabara paeba xua bewa jiwi yabara nanta xeinae pewi poxonae xane

²³ Baraxua bequein xainyei poxonae jiton jeye: “Neitacupa xua taexanaewa pocotsiwa ichichipan”, jei bapon. Daichitha jopa daxita nacata wunaeyo xua pocotsiwa exanatsi. Bequein waxainchi naca itacupa xua waexana dubenanaebiyaewa pocotsiwa xua waichichipaewatsi. Daichitha daxita baxuan jopa naca yawenaeyo xua wajume cowanta dubenanaebiyaewa Jesus.

²⁴ Jopa bewa payabara nanta xeinaem xua saya painya coutha nexa xua painya neyawenaenexam. Jame bewa payabara nanta xeinaem xua apara iru ichamonae painya neyawenaenexaru.

²⁵ Po pewi pacomoqueibame po wi jiwi caenaeta pecaenaetsi bontha, painya xoba matha payabara yainyabeibame barapo pewi. Jopa payainyabinde icha metha xua apara po wi bayatha jiwi tajeba ibo nacom. Jame bara saya itatemala paxaibare. Xain bapoxonae painya juntu coyene jopa paca tsipaebiyi xua apara abe paexaname.

²⁶ Nacom Pejume Diwesitha jeye: “Barapo cae pin nacue yawa xua xuan xeina barapo cae pin nacuathe Nacom pon Pecanamataxeinaein bapon piawan”, jei Nacom Pejume Diwesitha.

²⁷ Poxonae jiton pon jopa pejume cowantsin Jesus, paca tsiwaba pexaewa xua pia paca baru xaetsi, icha paichichipame moya pana napuna xaema. Paxaema pocotsiwa xua pexaethopaewatha bobena. Jopa payabara yainyabinde barapo pexaewa icha metha barapo pewi ibo nacom werena capona. Xain bapoxonae painya juntu coyene jopa paca tsipaebiyi xua apara abe paexaname.

²⁸ Ichacuiha metha ichun paca tsipaebichipa, xua jeye: “Apara barapo pewi jiwi tajeba ibo nacom poxonae wuna jainta barapo ibo nacomtha”, jei bapon. Bapoxonae painya xoba paxaneme barapo pewito. Tsipei icha barapo pewi pajiwana xaename abe exana pacana exaname pontha pon xua yabara paca tsipaeba barapo pewi. Poxoru ichamonae pomonae pejume cowantsiwi Nacom, yabara nanta xeina xua apara jiwi abe exana icha barapo wi xane. Daxota bapon junuwa xua abe exana icha pexaewa tsane barapo pewito. Icha jopa baxua peitutha paexanaem tsane bapoxonae bapon juntu coyene xanepanaya poponaena Nacomtha.

²⁹ Yabara paca tsipaebatsi po coyene xua ichun yabara nanta xeina barapo pewi pejuntu coyenewatha. Jopa apara yabara paca tsipaebichi po coyene paxam xua payabara nanta xeiname barapo pewi painya juntu coyenewatha.

Ichitha metha ichun neyainyabichipa, jei tsipae: “¿Eta pocotsiwa metha nantawenonan xua taexanaewa pocotsiwa ichun yabara nanta xeina barapo pewi?” jei tsipae.

³⁰ Equeicha metha bapon jei tsipae: “Poxonae pexaewa nabanana Nacomtha tsipaeban barapo pexaewa nexa, janje: Nacom, maisa juntu coyene weiweinan xua barapo pexaewa

tanecatsiwam, jan. Icha baxua exanan ζeta pocotsiwa metha nexata ichamonae abe neyabara paeba poxonaе xan barapo pexaewe?" jei tsipae.

³¹ Yabara paca tsipaebatsi baraxuan daxita xua xuan painya neapaewan yawa daxita xua xuan painya nenabanaewan yawa daxita icha coyeneinno xua xuan painya neexanaewan daxita bara pocotsi coyenein beta paexaneibare xua daxota poxonaе jiwi paca cui taibina bapoxonaе jiwi wуnaе jainteibina Nacom.

³² Jopa paexanaeinde pocotsiwa xua abe paexaname xua pocotsiwa daxota ichamonae jupa exanaena. Baraxua jopa paexanaeinde judi monaetha, iru pomonaetha pomonaе jopa judi monaе naexanaeyo, iru pomonaetha pomonaе Nacom pejume cowantsiwichi jiwana monaе.

³³ Xan ichichipan beta taexanaewa po coyene xua ichamonae tsita xanepanatsi. Jopa exanaeinyo pocotsiwa xua tacoutha taichichipaewa. Saya meisa beta exanan po coyene ichamonae tsita xanepanatsi xua po coyenewatha barapomonaе peyawenaenexatsi xua pecapanenebiyaenexatsi abe pia peexanaе cuiru coyenein weya.

11

¹ Paexanaponde icha be pocotsi coyeneya ichin poxonaе exanaponan, tsipei exanan pocotsiwa Cristo exanapona.

Meje xua Pablo yabuxi yabara paeba powaxi poxonaе ena penacaetutsi botha xua poxonaе wуnaе jainta Nacom

² Tamonaе pam paca weyatainchi tsipei paneyabara nanta xeina poname xua daxita coyenyatha. Paxam paexana dubenanaebiyame pocotsiwa xua paca cuidubatsi.

³ Ichitha ichichipan xua painya neyaputaewa xua Cristo canamataxeina daxita pebiwitha. Barichiru daxita pebiwi barompaya piseuriwi canamataxeina. Barichi Nacom Cristo canamataxeinatsi.

⁴ Icha pebin nantasipa acata poxonaе Nacomtha tsipaeba xuano poxonaе cueicueijeji Nacom Pejume Diwesi, barapon Cristo jopa baru cui itura jinaetsi. Saya pia coutha ainya cui nacana exana.

⁵ Jame icha yabuyo jopa nantasipa acatsiyo xua poxonaе cueicueijeji Nacom Pejume Diwesi, xuano poxonaе Nacomtha tsipaeba, bapowa pia pebin jopa baru cui itura jinaeyo poxonaе jopa nantasipa acatsiyo paparuwatha. Bapowa tsita itapeinya xeina xua jopa exanaeyo pocotsiwa pia pebin itorobatsi. Baraxua jupa icha be poxonaе ichi xua daxita matana sibatsi abe peexanae xae.

⁶ Icha jopa yabuyo nantasipa acatsiyo bewa barapowa daxita nanta sibina. Ichitha icha barapowa aura xua penanta sibiwa daxota bewa nanta acatsina.

⁷ Poxonaе Nacom exana pebin barapo pebin Nacom cui jupatsi. Daxota barapo pebiwi xeinaru barapo pecanamataxeinaе coyenewa po coyenewa Nacom xeina. Pebin jopa bewa nantasipa acatsina poxonaе Nacomtha tsipaeba, xuano poxonaе Nacom Pejume Diwesi cueicueijeji xua daxota pebaru cui itura jinaenexa xua Nacom pebaru cui itura jinaenexatsi. Ichitha yabuyo bewa baru cui itura jinae pia pebin, tsipei pia pebin canamataxeinatsi.

⁸ Poxonaе Nacom forota jopa Nacom exanaeyo pebin yabuyo weya. Saya jame Nacom exana yabuyo pebin pexainya weya tatsi.

⁹ Nacom jopa forotsiyo xua pebin yabuyo tsixanatsi. Jame Nacom forota xua yabuyo pebin tsixanatsi.

¹⁰ Daxota yabuyo bewa nanta acatsina penacaetutsi botha. Bapoxonaе bapowa tsita itapeinya xeina matatsunpiwimonaetha xua bapowa baru cui itura jinae pia pebin pecanamataxeinae xae.

¹¹ Daichitha pomonaе Nacom pejume cowantsiwixae, pebin nantawenona yabuyo, iru yabuyo nantawenona pebin.

¹² Bequein Nacom exana yabuyo pebin peyene weya tatsi, ichitha pebiwi ba nowaeumenapona yabuxi weya. Barapo naxobe coyenewabe Nacom forota, pebin yawa yabuyo.

¹³ Pananta xeinare xua icha bara xaniwaicha xua yabuyo jopa nanta acatsiyo poxonaе Nacomtha tsipaeba penacaetutsi botha xua poxonaе wуnaе pejainchinexa Nacom.

¹⁴ Wacui coyenewa ba naca yaputane exana xua pebiwichi jopa bewa antanapiya naexanaetsi. Baxota ba aura naca exana.

¹⁵ Barichiru wacui coyenewa ba naca yaputane exana xua yabuxi wуnaе exana poxonaе nantana copaba xua antanapiyiya. Bapoxonaе yabuyo pia pentanantha nantasipa acata.

¹⁶ Pon ichichipa xua yabara pana nejume matsontsonoba baxuan, pajanje bapontha: "Barapo coyene pacuiduban. Matauta daxita penacaetutsi bonmonaе jiwi pomonaе Nacom pejume cowantsiwi peburуya pana nabaru japaya nanta xeinan tsipei icha coyene jopa payaputaeyino", pajan.

Meje xua Pablo yabara paeba xua abe exana pomonae pejume cowantsiwi Nacom poxonae nainya xane po penabanaewa cayabara nanta xeina xua Jesús pia petsitupaewa jiwi

¹⁷ Pacata tinatsi anoxuae xua po coyenein yabara xua jopa tana neitacupaewa xua tapaca tsipaebiwatsi xua beta painya neexanaewa. Bequein pana nabaru nacaetutame ichitha painya juntu coyene jopa paca cana exanaeyo xua paayarusu tsoponaem. Maisa apara abe paexaname.

¹⁸ Copiya matha paca tsipaebatsi janje: “Ichun netsipaeba xua pinae poxonae pana nabaru nacaetutame, wuna painya nejainchinexa Nacom, pinae ainyamonaein tsanaya pana natsabame. Bapoxonae pinae pana najume matsontsonobame”, jan. Nanta xeinan xua apara xainyei po coyene ichamonae netsipaeba xua paca yabara paeba.

¹⁹ ¡Moya ainya bicheiton pana naexande xain bapoxonae pana najume matsontsonobame! ¡Xain bapoxonae ichamonae tane xua ichamonae petaenexatsi pomonae jopa iru najume matsontsonobiyo pomonae xua beta peexanaewi!

²⁰ Bequein pana nabaru nacaetuteibame xua painya xaenexa pexaewa poxonae pacayabara nanta xeiname xua pon jiwi Pecanamataxeinaein paca tsitupa, daichitha saya paxaneme. Apara jopa pacayabara nanta xeinaem barapo coyene.

²¹ Daxita paxam carepaya barompaya pia pexaewa nainya xane. Jopa pawunaewa ewateibim ichamonae xua painya nenabaru xaenexa. Daxota ichamonae jainpa pomonae cotacaya pata. Ichamonae bichocono tonsana beya poxonae nacupa exana peatsaxa meran xua apa poxonae muxuna xane pexaewa.

²² Apara paxename painya bon ichaxota paca itacupa xua pana napena jubame. Baraxua be paichaxaibim pomonae Nacom pejume cowantsiwichi pomonae penacae-tutsi bomonae jiwi poxonae baxua paexaname. Aura paexaname pomonaetha pomonae peacopeibiwi pomonae jopa itacupaetsi xua capana pexaewa, pomonae cotacaya pepat-sixae. ¿Eta paca yabara jumichicuae tsainchi? Paca yabara jei tsainchi: ¿Bara beta xanepanaya paexaname jan tsane? ¡Jume! Baxua jopa neitacupaeyo xua tapaca yabara paebiwatsi.

Meje xua Pablo yabara cuiduba pexaewa po pexaewa poxonae jiwi cayabara nanta xeina Jesús

(Mt 26.26-29; Mr 14.22-25; Lc 22.14-20)

²³ Po coyene xua paca cuidubatsi baxua copiya Nacom necuiduba. Paca jeichi: Po merawitha Jesús caenaetatsi pon jiwi Pecanamataxeinaein, barapo merawitha Jesús pan pita pecobetha.

²⁴ Poxonae najume weta xua paxa tsipaeba xua jei: “Axa maisa juntu coyene weiweinan xua tanecatsiwam pan”, jei, bapoxonae pan epa janaca. Bapon barai pijimonae jeye: “Panore pan yawa paxaemano. Barapo pan neyabara caunuta xua tapepon. Tapepon inta atene exanaeinchi painya nepaca cayawenaenexa tsane xua painya tanejume cowantsiwaxaem tsane. Poxonae baxua paexaneibame xua paxaibame panecayabara jantanaineibare painya juntu coyenewatha”, jei Jesús xua pijimonae tsipaeba.

²⁵ Barichiya exana poxonae najain weta. Bapoxonae corotiyoy pita pecobetha yawa jeye: “Pena petsiwunaewa muxu dutsi coyenewa paca tsipaebatsi. Barapo uva mera po mera xua corotiyotha tsijunta eca, barapo uva mera yabara caunuta tajana xua jana othoparenaein poxonae tupaein. Barapo jana tsita itapeinya xeinaena xua jiwi pinmonae yabara junteinaein abe pia peexanae cuiru coyenein tatsi. Daxita coyeneintha poxonae baxua paexaneibame xua paapeibame barapo uva mera, bapoxonae panecayabara jantanaineibare painya juntu coyenewatha xua tapaca catsitupaewaxaetsi”, jei Jesús, xua pijimonae tsipaeba.

²⁶ Daxita tsaiibi poxonae paxaibame pan yawa paapeibameno barapocotsi uva mera xua tsijunta eca corotiyotha, jiwi patsita itapeinya xeiname xua Cristo pacui yabara jantanainame xua painya nepaca tsitupaewa. Baxua paexaneibare beya poxonae equelicha Jesús patopaetsica, pon jiwi Pecanamataxeinaein.

Meje yabara xua poxonae jiwi bewa beta exanae xua poxonae xane po pexaewa poxonae cayabara nanta xeinatsi Jesús

²⁷ Pon xane barapo pan xuano apa barapo uva mera xua tsijunta eca corotiyotha xua Jesucristo cayabara nanta xeinatsi icha bapon jopa juntu coyene xanepanaeyo Nacomtha, apara abe exana Cristotha. Bapoxonae bapon Nacom tsita xeinatsi xua penatsicuentsiwa xua abe peexanaexae Cristo pepontha tatsi xuano xua pia pejanathano tatsi tsipei bapon jopa baru cui itura jinaeyo barapo coyene.

²⁸ Daxota daxita jiwi bewa barompaya matha pewunaeya najuntu coyene cayabara nanta xeinaena. Barapo jiwi bewa nanta xeinaena icha metha bara xanepanaya exana

beya poxonae xaena barapo pan xuano poxonae apa barapo uva mera xua tsijunta eca corotiyotha.

²⁹ Pon xane barapo pan xuano xua apa barapo uva mera xua tsijunta eca corotiyotha xua Jesucristo peyabara xaenexa ichacuiitha bapon natsicuenta Nacomtha abe peexanaexae. Bapon natsicuenta Nacomtha tsipei matha jopa yabara nanta xeinaeyo barapo pexaewa xua apara bichocono ainya cui coyenewa xeina beyacaincha icha pexaewa.

³⁰ Daxota pinmonae pajiwana atenem xuano jopa xeinaeyo peajuntuyapusuwa. Daxota ichamonae bayatha pajiwana werapame.

³¹ Poxonae apatsi uva mera xuano poxonae xainchi pan po pexaewa poxonae Cristo cayabara nanta xeinatsi, matha bewa najuntu coyene cayabara nanta xeinaetsi, xua icha metha bara wunae waexanaewa. Bapoxonae xain Nacom jopa naca atene exanaeyo xua wanatsicuentiwaxae xua abe waexanaexae.

³² Bequein baxua Nacom nacata exana wanaca cuidubinexa xua equeicha xanepanaya waexanaenexa tsane. Nacom baxua nacata exanaena xua jopa wanaca yabara jeinexa: "Paxam abe paexaname icha ichi pomonae jinompa barapo cae pin nacuathe pomonae bichocono abe peexanaewi, pomonae jopa pejume cowantsiwi", xua jopa pewanaca yabara jeinexa.

³³ Daxota tamonae pam poxonae pana nacaetutame xua painya nabaru xaenexa po pexaewa xua poxonae Jesucristo cayabara nanta xeinatsi, matha abu ichamonae paewa-teibare.

³⁴ Icha ichan jainpa bu bapon matha pia botha xane pewunaeya xua poxonae nap-atopaena penacaetutsi botha xua poxonae wunae jainta Nacom. Bapoxonae itacupatsi xua bapon penaxaewa po pexaewa poxonae Jesucristo cayabara nanta xeinatsi. Bapoxonae Nacom jopa peraxa jubi tsane bapon xua abe peexanaexae poxonae nanacaetuta pomonaetha pomonae Nacom pejume cowantsiwichi. Poxonae paca siwa ponaeinchi xua tapaca taenexa tsainchi, bapoxonae paca cuidubinchi pocotsiwan xua yabara pana neyainyabame.

12

Meje xua pejuntu cui coyenein yabara po pejuntu coyenein Nacom pia Pejumope tunaxu tatsi amanaya cata daxita carepaya pomonaetha pomonae Nacom pejume cowantsiwichi

¹ Tamonae pam, paxam pomonae iru painya nejume cowantsiwixae Jesucristo. Yabara paca tsipaebatsi po coyene ichichipan xua painya neyaputaewa. Nacom pia Pejumope tunaxu tatsi cata pejuntu cui coyenein daxita barompaya carepaya pomonaetha pomonae Nacom pejume cowantsiwichi.

² Paxam payaruputaneme xua abe paexaname pewunaeya poxonae pajume cowantame. Pacopatame xua bara ichamonae ichawa beya paca matacapona xua wunae painya nejainchinexa ibo nacomun, po ibo nacomun jopa cueicueijeio.

³ Daxota ichichipan xua painya neyaputaewa tsane xua poxonae jeye: Dapocotsin aibi, pon itacupatsi xua jeye: "Jesús apara jopa Nacom Pexanto tatsi", xua poxonae jei, icha bapon xeina Nacom pia Pejumope tunaxu tatsi pia peayapusu itorobi coyenewa tatsi. Barichi dapocotsin aibi pon itacupatsi xua poxonae jeye: "Bapon Jesús apara pon jiwi Pecanamataxeinaein", xua poxonae jei, icha bapon jopa xeinaeyo Nacom pia Pejumope tunaxu tatsi pia peayapusu itorobi coyenewa tatsi.

⁴ Jiwi itacupatsi xua daxita carepaya barompaya pexeinaewa ainya juntu cui coyenein pomonae pejume cowantsiwixae Nacom. Barapo juntu cui coyenein jopa nacui coyene jupaeyo. Bequein daxita jiwi xeina barapo coyenein daichitha bara saya compa pon pecatsixae apara bapon Nacom pia Pejumope tunaxu tatsi.

⁵ Jiwi pomonae pejume cowantsiwixae Nacom, itacupatsi xua daxita carepaya barompaya pexeinaewa ainya petanacuichi coyenewan Nacom nexa. Ichitha meisa saya bapon Nacom compa pon jiwi Pecanamataxeinaein daxitatsi waxainchi tanacuitatsi bapon.

⁶ Jiwi pomonae Nacom pejume cowantsiwixaetsi itacupatsi xua pexeinaewa ainya cui coyenein po coyeneinya xua Nacom petanacuichiwatsi. Ichitha daxita barapo coyenein jopa nacui coyene jupaeyo. Saya compa Nacom pon daxita barapo jiwi cana exanatsi xua peexanaewa daxitan barapo coyeneinyatha.

⁷ Nacom pia Pejumope tunaxu tatsi tsita itapeinya xeina Nacom pia peayapusu itorobiwa tatsi. Baxua exana poxonae Nacom barompaya naca cana exana xua beta waexanaewa wayawenaenexa tsane daxita jiwitha.

⁸ Ichamonae jiwanaetha, Nacom pia Pejumope tunaxu tatsi cata pejuntu cui coyenewa xua po coyene barapomonae pejuntu coyenetha beta yaputane xua peexanaenexa pocotsiwa

pecueicueijeia ichamonaetha. Barichi ichamonaе jiwanatha Nacom pia Pejumope t̃nax̃ t̃atsi cata pejunt̃ cui coyenewa po coyene xua beta pecuidubiwa po coyene peyaputaewa xua daunwei yabara yaputane pecana exanaenexa xua ichamonaе yabara yaputane pecana exanaenexatsi.

⁹ Ichamonaе jiwanatha Nacom pia Pejumope t̃nax̃ t̃atsi cata peyabara jume cow̃ntsi coyenewa xua daxota bapomonaе nanta xeina xua bara itac̃patsi xua peexanaewa daxita coyenein xua Nacom itoroba xua bapomonaе peyawenaexaetsi Nacom. Barichi ichamonaе jiwanatha Nacom pia Pejumope t̃nax̃ t̃atsi cata xua po coyenewatha peatenewi axaibi peexanaewatsi.

¹⁰ Ichamonaе jiwanatha, Nacom pia Pejumope t̃nax̃ t̃atsi cata po coyenewatha pex-einya petsita it̃tsi coyene peexanaewa. Ichamonaе jiwanatha, Nacom pia Pejumope t̃nax̃ t̃atsi cata po coyeneya xua pecueicueijeia Nacom Pejume Diwesi. Ichamonaе jiwanatha Nacom pia Pejumope t̃nax̃ t̃atsi cata po coyeneya beta peyaputaewa xua po coyene poxonaе Nacom pia Pejumope t̃nax̃ t̃atsi jiwi cueicueijeie exanatsi yawa po coyene poxonaе jiwi cueicueijeie exanatsi caurimonaе. Ichamonaе jiwanatha Nacom pia Pejumope t̃nax̃ t̃atsi cata po coyeneya xua ichamonaе pecueicueijeia icha jumeintha, po jumein bequein jopa nacuidubiyo. Ichamonaе jiwanatha Nacom pia Pejumope t̃nax̃ t̃atsi cata po coyeneya xua barapomonaе xuya jume yaputane exana po jumein xua ichamonaе paeba po jumein xua ichamonaе bequein jopa nacuidubiyo.

¹¹ Daxita barapo junt̃ coyenein exana ducunaebiya pon Nacom pia Pejumope t̃nax̃ t̃atsi. Barapo jumope daxita coyenein meisa compa exana, po jumope Nacom pia Pejumope t̃nax̃ t̃atsi. Barapo pejumope daxita carepaya jiwitha cata icha be pocotsi coyeneya barapo jumope peichichipaexae xua pecatsiwa.

Meje yabara xua daxitatsi be caemonaetsi Jesustha

¹² Pepon bequein caein ichitha nawita xeina xua pia pecueyabiwatsi, petaxube, pesitobeno, remax̃beno yawa ichawanno. Barapo pepon pecueyabiwatsi bequein ainyawan daichitha daxita bara caewa ompin naexana pepontha. Barapocotsi j̃ta coyeneya ichi, Cristo pinmonae xeina pia pejume cow̃ntsiwichi bequein bara barapon Jes̃s caein.

¹³ Barapocotsi j̃ta coyeneya ichi, waxainchi seicaya jiwichi. Daichitha daxita waxainchi be caemonaе jiwichi wajume cow̃ntsixae Jes̃s. Ichamonaе waxainchi jiwanatsi judiomonaetsi. Ichamonaetsi pomonaе jopa judiomonaе naexanaeyo. Ichamonaetsi pomonaе amanaya tanacuitatsi ichamonaе nexa. Ichamonaetsi pomonaе saya wajinompawei xua saya wawan wanata exanaе jiwi. Daichitha daxita waxainchichi naca bautisaba. Waxainchi be caemonaetsi naexanatsi Nacom pia Pejumope t̃nax̃ t̃atsi wanaca bar̃ jinompaxae. Nacom daxita waxainchi barompaya carepayatsi naca cata barapo pejumope t̃nax̃, pon bara saya meisa caein.

¹⁴ Pepon jopa xeinaeyo bara caewa xua pecueyatsiwatsi. Apra nawita xeina xuan pecueyabiwatsi.

¹⁵ Metha petaxu jei tsipae: “Xan apra jopa pecobeinyo, daxota xan pepon nexa aibi”, jei tsipae. Bequein baxua paebichipa daichitha apra bara pepon cueyatatsi icha itac̃patsi xua paeba.

¹⁶ Metha pemuxuyoroto jei tsipae: “Xan apra jopa peitamaiqueitanyo daxota xan pepon nexa aibi”, jei tsipae. Bequein baxua paebichipa daichitha apra bara pepon cueyatatsi icha itac̃patsi xua paeba.

¹⁷ Icha daxita wapepon ̃ peitacuereto tsipae, jopa naca itac̃paeyo xua wajume taewa tsipae. Barichi icha wapepon daxita ̃ pemuxuyoroto tsipae, jopa naca itac̃paeyo xua watuxubiwa tsipae.

¹⁸ Ichitha Nacom pitacuiya duba xua ichaxota ichichipa duba daxita baxuan xua pocotsiwan pepon pecueyabiwatsi.

¹⁹ Icha daxita baxuan saya ̃ najupaetsipa, bapoxonaе jopa xapain xeinaetsipaetsi pepon.

²⁰ Bequein anoxuae nawita xeinatsi xuan wanaca cueyabiwan wapepontha, daichitha awiwa bara cae pepontsi.

²¹ Peitacuereto jopa itac̃paetsi xua pejeiwa pecobetha: “Xam jopa cacanamatawenonaetsi”, jopa pejeiwa. Barichi pentasipa jopa itac̃paetsi xua pejeiwa petaxubetha: “Paxambe jopa paca canamatawenonaetsibe”, jopa pejeiwa.

²² Po wanaca cueyatsiwa wapepontha xua jopa naca tsita ainya cuiyo, apra bara baxua ainya cui wacanamatawenonaenexa.

²³ Wapepon xua wanaca cueyatsiwa xua jopa naca tsita ainya cuiyo, paparuwatha nama acatatsi xua wabar̃ itura jinaenexatsi. Pocotsiwa wanaca cueyatsiwa xua wapepontha xua pocotsiwa jiwi jopa benaca taeyo, naacabatsi paparuwantha wapin uraxae.

²⁴ Po wanaca cueyatsiwa wapepontha pocotsiwa jiwi nacata tane baxuan jopa ainya cuiyo xua waacabinexa paparuwatha xua jopa wauraxaetsi. Nacom nacata exana pepon xua waxainchi beta nayaewatatsi paparuwatha, po wanaca cueyatsiwa wapepontha xua bichocono pecanantawenonaewa baxua.

²⁵ Nacom baxuan exana xua jopa baxuan penawepu tsabinexa pepon weya. Daxita baxuan xua wanaca cueyabiwan eenatsi xua nantiya penayawenaewa tsane icha pomonae Nacom pejume cowantsiwichi ichi xua nantiya bewa nayawena.

²⁶ Icha barapo wanaca cueyabiwan caewa jiwana wepu atene, bara barichi pepon daxita ateneru. Matauta icha baxuan caewa jiwana ainya cui cana exanatsi bara daxita nabaru weiweinaya dubena pepontha.

²⁷ Paxam Jesucristo piamonae tatsi jiwana pamxaem, caemonae pananaexaname, icha Jesucristo ichi xua xeina pia pecueyabiwatsi pia pepontha. Bequein bara caemonae pananaexaname ichitha carepaya barompaya patanacuitame Cristo.

²⁸ Nacom itapeta xua pomonae pejume cowantsiwichi xua pomonae pia petanacuichinexa tsainchi. Copiya itapetatsi pomonae Jesucristo pia peitorobi jiwi tatsi. Bapoxonae iruru itapetatsi pomonae Nacom pia peitorobi jume pepaebiwi. Equeicha bapoxonae iruru itapetatsi pomonae jiwi pecuidubiwi Nacom Pejume Diwesi. Bapoxonae iruru itapetatsi pomonae pexeinya petsita itatsi coyenewan exana. Bapoxonae iruru itapetatsi pomonae axaibi peexanaewi peatenewi. Iruru bapoxonae itapetatsi pomonae jiwi peyawenaewi. Bapoxonae iruru itapetatsi pomonae peitorobiwi pomonaetha pomonae pejume cowantsiwi. Iruru bapoxonae itapetatsi pomonae cueicueijeji icha jumeintha, po jumein bequein jopa nacuidubiyo.

²⁹⁻³⁰ Nacom jopa apara daxita piamonae exanaeyo pomonae Jesús pia peitorobi jiwi tatsi. Matautano Nacom jopa apara daxita piamonae exanaeyo pomonae Nacom pia peitorobi jume pepaebiwi. Barichi Nacom jopa apara daxita piamonae exanaeyo pomonae jiwi pecuidubiwi Nacom Pejume Diwesi. Barichi jopa apara daxita jiwiyo pomonae exana pexeinya petsita itatsi coyenewan. Matautano jopa apara daxita jiwiyo pomonae axaibi peexanaewi peatenewi. Barichi jopa apara daxita jiwiyo pomonae cueicueijeji icha jumeintha po jumein bequein jopa nacuidubiyo. Barichi jopa apara daxita jiwiyo pomonae xuya piamonae yabara yaputane exana po jumein ichamonae cueicueijeji po jumein bequein jopa nacuidubiyo.

³¹ Ichitha paxam bewa paichichipaename po juntu cui coyenein xua bichocono wanae po coyenein xua Nacom amanaya cata piamonaetha.

Meje xua Pablo yabara paeba peantobe coyenewa

Ichitha anoxuae yabara paca cuidubinchi icha juntu cui coyenewa po juntu cui coyenewa bichocono toxinchiya wanae beyacaincha xua po juntu cui coyenein aunxuae yabara paeban.

13

¹ Metha icha bequein neitacupaetsipa xua tacueicueijejewa ainya jumein po jumein ichamonae cueicueijeji, xuanu po jumein matatsunpiwi cueicueijeji. Bequein metha neitacupaetsipa daichitha icha jopa ichamonae tsita xeinaeyo peantobe coyenewa, bapoxonae saya apara pin busi jumein exanan poxonae saya cueicueijan.

² Metha xan Nacom pia peitorobi jume tacueicueijan tsipae, matautano metha yapuraetsipan daxita po coyenein Nacom moya yawan xeina xua bexa Nacom exanaena, matautano metha yapuraetsipan daxita peyaputae coyenewan, matautano metha beta jume cowantsipan xua taneitacupaewa xua tsipaeban demxuwatha xua peponaenexa. Bequein metha xeinaetsipan daxita barapo coyenein ichitha came jopa xeinaeinchipae peantobe coyenewa barapoxonae jopa ainya cui jityonyo.

³ Icha peacopeibi jiwitha catan daxita pocotsiwa xeinan, yawano icha caenaetan tapepon xua tanetautsinexa tatupaen tajume cowantsixae, ichitha awiya came jopa xeinaeinchipae peantobe coyenewa daxita jiwi nexa, Nacom jopa tsita ainya cuijonyo.

⁴ Jame pon xua peantobe coyenewa xeina daxita jiwi nexa bapon jame juntema popona poxonae bequein ichamonae abe taexanaetha xua bapon bequein abe taexanaethatsi. Barichi pon peantobe coyenewa xeina, bapon jame amanaya yabara nanta xeinaeya yawena ichamonae. Bapon jame jopa peyabara uwin pocotsiwa ichamonae xeina. Matautano bapon jame jopa pia coutha penayabara nanta xeinaein xua peainya cui jiton. Matautano jame bapon jopa peaebin jiwi.

⁵ Barichi bapon jame jopa atsaquiya pepaebin. Matautano bapon jame jopa peyabara nanta xeinaein xua saya u piawa nexa. Bapon jame jopa peanaepanaein ichamonaetha. Bapon jame xuya jopa peyantomateibin xua xuya peexanaenexa abe bapontha.

⁶ Barichi bapon jame jopa juntu coyene weiweinaeyo poxonae ichamonaе abe exana. Saya bapon jame juntu coyene weiweina poxonae ichamonaе bara xainyeya exana.

⁷ Pon ba jame peantobe coyenewa xeina ichamonaе nexa, bapon jame exanapona beta bequein ichamonaе daunweya ayapubeya taexanaetha xua bapon daunweya ayapubeya taexanaethatsi. Bapon ba jame yabara jume cowantapona ichamonaе xua barapomonaе pomonaе ichamonaеxae itacupatsi xua xanepanaya peexanaewa. Matautano bapon jame yabara jume cowantsiya ewatapona xua ichamonaе bexa beta peexanaewa tsane bequein abe peexanaewi. Matautano bapon ba saya junteма popona bequein bapon abe taexanaethatsi ichamonaе.

⁸ Po coyene xua jiwi antobe ichamonaе barapo coyenewa bapana jopa weraweracaе tsane. Jopaena matacabi po matacabitha jopa nantawenonaе tsane xua pomonaе pecueicueijeji jiwi Nacom nexa pocotsiwa Nacom yaputane exana. Barichino jopa cueicueijeji tsane icha jumeintha po jumein barapomonaе jopa bequein nacuidubiyo. Matautano jopa nantawenonaе tsainchi po coyene peyaputae coyenewa.

⁹ Anoxuae wayaputae coyenewa nacata seica daxota be conotha yaputainchi. Matautano Nacom yabara wacueicueijejiwa nacata seica daxota be conotha yabara cueicueijeichi Nacom.

¹⁰ Ichitha poxonaе Cristo patopaetsica pon daxita coyenein peyaputaein bapoxonaе bapon naca yaputane exanaena po coyene xua nacata seica xua wayabara cueicueijejiwa bapon, xuano xua bapon yabara yaputainchi. Barapo ainya coyenebe weraweracaena bapoxonaе.

¹¹ Poxonaе xan awiya pexuyon cueicueijan xua najume pexuinan. Yawano nanta xeinan icha pexuyo ichi. Matautano yaputan xua pexuyoxaein. Ichitha poxonaе pinyonba nacui baraxuban pocotsiwa exanaponan poxonaе pexuyon.

¹² Bara juta coyeneya ichi anoxuae. Saya be conotha Nacom yabara yaputainchi. Baraxua be icha be pocotsi juta coyeneya ichi poxonaе tsabocototha nayatainchi xua duduна xua daichitha jopa nataetsi. Ichitha bexa tsane yatsicaewa Nacom pentha taeinchi peitabara. Anoxuae be conotha Nacom yabara yaputan. Ichitha bexa tsane xaniwaicha daxita beta yaputaein icha anoxuae Nacom neichi xua tanejuntu coyene yaputaewa.

¹³ Acoibi po coyenewabe ataya ayapusu tsane. Meje barapo acoibi po jume coyenewabe xuae: Pejume cowantsi coyenewaru Nacomtha, barichi peyabara jume cowantsiya ewatsi coyenewaru Nacomtha, matautano peantobe coyenewaru. Jame po jume coyenewa bichocono toxeinchiya ainya cui beyacaincha xua icha coyenewa barapo coyenewa jame apara xua peantobe coyenewa, xua ichamonaе waantobe coyenewatsi. Barapo jume coyenewa bichocono toxeinchiya ainya cui.

14

Meje xua Pablo yabara paeba xua ainya jumein pepaebiwa yabara po jumein bequein jopa nacuidubiyo

¹ Bewa paichichipaename xua painya nexainaewa peantobe coyenewa. Barapoxonaе bewano paichichipaename icha juntu coyenein pocotsi juntu cui coyenein Nacom amanaya paca cata. Po juntu cui coyene xua bichocono wunaе beyacaincha xua icha juntu cui coyenewa, apara barapo juntu cui coyenetha pacueicueijam Nacom pia peitorobi diwesi. Baxua jame bewa paichichipaename.

² Pon ba icha jumetha cueicueijeji po jumeintha xua bapon bequein jopa nacuidubiyo bapon apara tsipaeba Nacomtha. Bapon apara jopa tsipaebiyo jiwitha tsipei jiwi jopa yaputaeyo pocotsiwa paeba bapon. Pocotsiwa bapon paeba apara Nacom pia Pejumope tanaxu tatsi cueicueijeji exana. Bapon apara paeba pocotsiwa Nacom moya yawun xeina, pocotsiwa xua bequein jiwi jopa yaputaeyo.

³ Ichitha nama seicaya pon jame Nacom Pejume Diwesi cueicueijeji jiwitha, jiwi yaputane exanaeinchi Nacom yabara. Matautano bapon poxonaе Nacom Pejume Diwesi cueicueijeji yawena ichamonaetha xua barapomonaе juntu cui coyene tsacabatsi xua Nacom pejume cowantsiwatsi. Barichi poxonaе cueicueijeji Nacom Pejume Diwesi juntu coyene sadujei exana pomonaе anthuthurewe xua anthuthutane.

⁴ Pon ba cueicueijeji ainya jumeintha po jumeintha bequein bapon jopa nacuidubiyo, bapon ba saya pia coutha nayawena xua peyabara yaputaewa Nacom. Ichitha pon ba cueicueijeji jiwitha Nacom nexa po coyene Nacom yaputane exana, bapon jiwi yaputane exainchi Nacom yabara pomonaе xua Nacom pejume cowantsiwichi.

⁵ Ichichipan xua daxita paxam painya necueicueijejiwa icha jumeintha, po jumein bequein jopa panacuidubim. Jame yatsicaewa bichocono ichichipan xua painya necueicueijejiwa Nacom Pejume Diwesi ichamonaetha. Pon ba xua Nacom Pejume Diwesi

cueicueijeí ichamonaetha, bapon ba jame w̄nae exana beyacaincha pon icha jumeintha cueicueijeí. Ichacuitha bapon pon icha jumeintha paeba itac̄patsi xua yabara jume yaputane exana jiwitha po jumein xua pipato pepaebi jumein. Icha bapon barapo coyene exana bapoxonae bapon yawena pomonae pejume cow̄ntsiwi Nacom xua beta mataropeicha pejume cocow̄ntaponaenexa Cristo.

⁶ Tamonae pam, icha poxonae paca siwa ponaetsipatsi paca tsipaebichipatsi po jumeintha jopa nacuidubinyo tacoutha, bapoxonae apara jopa paca yawenaetsipaetsi. Ichitha icha paca tsipaebichipatsi po diwesi Nacom neyaputane exana, baxua jame paca yawenaetsipa xua beta painya nejume cow̄ntsiwa Nacom. Ichitha icha ichacuitha paca tsipaebichipatsi pocotsiwa xua nacuiduban baxua jame paca yawenaetsipa. Matautano icha ichacuitha paca tsipaebichipatsi pocotsiwa xua Nacom Pejume Diwesi paeba pocotsiwa hexa Nacom exanaena, baxua jame paca yawenaetsipa. Ichacuitha icha paca cuidubichipatsi Nacom Pejume Diwesi baxua paca yawenaetsipa.

⁷ Jiwi ba tanbaba po petanbabiwa arpa mataw̄n, xuano ba oba po peobiwa pew̄n flauta. Ichitha icha barapo ainya pecajume exanaewan jopa xapain busi pichapaetsipae bapoxonae jiwi jopa xapain yaputaetsipae po wei xua icha jiwi wei tanbaba.

⁸ Barichi poxonae ba jiwi naba ichamonaetha bapoxonae ba oba xua penajunutsiwa. Ichitha icha barapo busi, busi caewa, jiwi jopa xapain busi taeyo. Bapoxonae jiwi jopa itac̄paetsi xua penacui w̄naetsiwa xua penabinexa.

⁹ Barichi paxamtha. Icha icha jumeintha papaebichipame jiwitha, po jumeintha bequein jopa panacuidubim, xuano ir̄u barapo jiwi jopa nacuidubiyo bapoxonae jiwi jopa xapain paca yaputaetsipae. Baraxua apara be saya poxonae sito patsipaebame.

¹⁰ Metha beya tsipae xua barapo nacuathe ainya jumein xei naetsipa xua jiwi barompaya tsanaya pijumeintha paeba. Daxita barompaya pia matab̄x̄monaein tsiniya xeina po jumein xua yaputane barapomonae.

¹¹ Ichitha icha xan jopa yaputaeyinyo po jumetha xua ich̄n netsipaeba bapoxonae xan be tsita tana nanapaincha poponaeyin xua be icha nacua werena taponaein ir̄u bapondu be netsita penanapaincha poponaeyin xua be icha nacua werena peponaein.

¹² Paxam paichichipame po j̄nt̄u cui coyenein Nacom pia Pejumope t̄nax̄u tatsi amanaya cata piamaonaetha. Yaitama baxuan paichichipame daxota bichocono paw̄c̄are barapo Nacom pia Pejumope t̄nax̄u tatsi xua painya nepaca catsibinexa po j̄nt̄u cui bichocono w̄nae. Baxua paw̄c̄are xua painya neyawenaenexa pomonae pejume cow̄ntsiwi Nacom, xua beta pejume cocow̄ntaponaenexa Nacom.

¹³ Daxota pon icha cueicueijeí icha jumetha po jumetha bequein bapon jopa nacuidubiyo, bapon bewa w̄caena Nacomtha xua Nacom bapontha yabara jume yaputane pecana exanaenexa barapo jume. Bapoxonae bapon itac̄patsi xua yabara yaputane exana barapo jume xua ichamonae yaputane exanatsi.

¹⁴ Icha icha jumetha tsipaeban Nacomtha po jume bequein jopa yaputaeyinyo saya apara tajumope t̄nax̄u tsipaeba Nacomtha. Taj̄nt̄u coyene jopa yaputaeyo xua tatsipaebiwa Nacom. Barichi ichamonae jopa yaputaeyo xua tatsipaebiwa Nacom.

¹⁵ ¿Eta xua bewa exanocuaein? Jame, bewa w̄caein Nacom tajumope t̄nax̄u tha po jumein jopa yaputaeyinyo. Matautano bewa w̄caein Nacom taj̄nt̄u coyenewatha po jumein yaputan. Barichi bewa nax̄naein Nacomtha tajumope t̄nax̄u tha po jumein jopa yaputaeyinyo. Matautano bewa nax̄naein taj̄nt̄u coyenewatha po jumein yaputan.

¹⁶ Ichacuitha metha icha jumetha w̄nae jainchipame Nacom xua nejumope t̄nax̄u cueicueijeí cacana exana. Pomonae xua cajume taetsipa jopa cajume yaputaetsipae. Daxota jopa itac̄paetsipaetsi xua peb̄r̄ya necajume notsiwa Nacom nexa, xua pejeinexa: “Bara ichi tsane”, xua pejeiwa.

¹⁷ Poxonae bequein Nacomtha w̄caetsipame icha jumetha bara bequein w̄nae pocotsiwa xua paebame, daichitha ich̄n jopa yawenaetsipaetsi xua beta pejume cow̄ntsiwa Nacom.

¹⁸ Nacomtha tsipaeban paxam yabara, janje: “Nacom maisa j̄nt̄u coyene weiweinan, xua icha jumeintha tacatsipaebiwatsi, beyacaincha daxita barapomonae xua icha jumeintha catsipaeba”, jan.

¹⁹ Ichitha poxonae pomonae Nacom pejume cow̄ntsiwichi nacaetuta penacaetutsi botha bara saya w̄nae tsipae xua icha saya cinco po jumebe tacuidubiwa tsipae xua jiwi peyaputaewa tsane. Baxua beyacaincha xua poxonae icha metha cueicueijan tsipae diez mil po jumebe, po jume xua jopa nacuidubinyo. Bequein barapo diez mil po jumebe paebichipan daichitha jiwi jopa yaputaetsipae xua tacueicueijeiwa.

²⁰ Tamonae pam, paxam pomonae ir̄u painya nejume cow̄ntsiwixae Jesucristo. Painya xoba pananta xeiname icha pexui ichi poxonae nanta xeina. Jame pajinompa dubenanae-

biyama icha pexui ichi poxi pencuetixi xua jopa abe exanaeyo. Maisa jame pananta xeina dubenanaebiyama icha pomonae pinyon ichi xua nanta xeina dubenanaebiya.

²¹ Nacom jeye pia peitorobi jume diwesitha: "Paebin barapo judi monaetha poxonae cueicueijei cana exanaein pomonae penanapaincha jinompaewi xua icha nacuapiwi po jumein xua jopa yaputaeyo pomonae xua petsipaebixaetsi. Bequein baxua exanaein ichitha cataunxuae barapo judi monaetha jopa nejume tae tsane", jei pon jwi Pecanamataxeinaein pia peitorobi jume diwesitha.

²² Daxota xua pecueicueijeiwa icha jumeintha tsita itapeinya xeina xua pomonaetha pomonae jopa pejume cowantsiwi xua apara Nacom atene exanaena barapomonae jopa pejume cowantsixae. Barapo jumein jopa apara nexiyo pomonae xua bayatha pejume cowantsiwi, poxoru Nacom jopa atene exanae tsane barapomonae. Ichitha xua cueicueijei Nacom Pejume Diwesi, baxua tsita itapeinya xeina pomonaetha pomonae pejume cowantsiwi xua apara Nacom yawenaena barapomonae peantobexae tsipei barapomonae Nacom jume cowantatsi. Barapo Nacom Pejume Diwesi pecueicueijeiwa jopa apara nexiyo pomonae jopa pejume cowantsiwi poxoru Nacom jopa yawena tsane barapomonae jopa pejume cowantsixae Nacom.

²³ Ichacuitha metha patsipa painya nenacaetutswiwa xua poxonae Nacom wnae pajaintame pomonae jopa yabara yaputaeyo poxonae ichamonae pecueicueijeiwa icha jumeintha, iru pomonae jopa pejume cowantsiwi Nacom. Icha metha daxita paxam barompaya papaebichipame icha jumeintha barapomonae jopa paca yaputaetsipae. Bapoxonae barapomonae paca yabara nanta xeinaetsipa xua apara painya nepacamatajemabi jwi pam.

²⁴ Ichitha metha pebiwi patsipa painya nenacaetutswiwa xua poxonae Nacom wnae pajaintame pomonae jopa yabara yaputaeyo poxonae ichamonae pecueicueijeiwa icha jumeintha, iru pomonae jopa pejume cowantsiwi Nacom. Poxonae daxita paxam Pejume Diwesi papaebichipame barapomonae paca yaputaetsipa xua papaebame. Bapoxonae barapomonae najuntu coyene cayabara nanta xeinaetsipa xua abe peexanaewa. Matautano barapomonae yaputaetsipa xua Nacom petsita natsicuentswiwa xua abe peexanaexae xua poxonae painya necajume taexae poxonae papaebame Nacom Pejume Diwesi.

²⁵ Nacom exana xua barapomonae peyaputaewa po coyene xua Nacom daxita beta yabara yaputane po coyene xua barapomonae nanta xeina pejuntu coyenewatha. Bapoxonae barapomonae yaputaena xua bara Nacom junte maina barapomonae abe pia pexanae cuiru coyenein tatsi. Bapoxonae pentabocototha umenaena xua Nacom wnae pejainchinexa tsainchi. Barapomonae jei tsane paxamtha: "Jaina, maisa deta Nacom paca baru jinompa!" paca jei tsane barapomonae.

Meje xua Pablo jeye: "Beta xanepanaya paexanaponde penacaetutsi bontha poxonae wnae pajainteibame Nacom", jei

²⁶ Tamonae pam, paxam pomonae iru painya nejume cowantsiwixae Jesucristo. Paca tsipaebatsi xuae: Poxonae pana nacaetutame, ichamonae painyamonae jiwana barabu naxanaena peweixi xua wnae pejainchinexa Nacom. Ichamonae iru barabu cuidubina ichamonaetha. Ichamonae iru barabu cuidubina po coyenein Nacom yaputane exana. Ichamonae iru barabu icha jumeintha cueicueijei tsane po jumein bequein jopa nacuidubiyu. Ichamonae iru barabu xuya barapo jumein yabara jume yaputane exanaena daxita jiwitha po jumein ichamonae paeba. Daxita po coyenein xua paexaname bara wnae paexande poxonae panacaetutame wnae painya jaintsinexa Nacom xua daxota xanepanaya mataropeicha painya nejume cocowanta dubenanaebiyaenexa Nacom.

²⁷ Poxonae icha jumeintha pacueicueijam bewa saya cueicueijei nacueyatabe poyobe ichacuitha poxonae acoibi poyobe. Ichitha ichamonae ajibi tsane. Barapo acoibi poyobe bewa xuya cotacaya barompaya tsana cueicueijei tsoponae tsane. Bewa bapoxonae xuya ichan cotacaya yabara jume yaputane exanae pocotsiwan xua barapo acoibi poyobe barompaya seicaya paeba.

²⁸ Ichun dapocotsin aibi pon itacapatsi xua xuya cotacaya peyabara jume yaputane exanaewa, jopa bewa barapo acoibi poyobe icha jumeintha paebi tsane penacaetutsi jiwitha xua poxonae Nacom wnae pejainchinexa. Saya bewa moya pia coutha cueicueijei Nacomtha.

²⁹ Bara wnae tsipae icha saya pacopatsipame nacueyatabe poyobe xua pecueicueijeiwa Nacom Pejume Diwesi xua ichacuitha poxonae saya acoibi poyobe. Ichamonae bewa jume taena icha metha bara xaniwaicha paeba barapo acoibi poyobe.

³⁰ Icha ichan eca baxota pon Nacom yaputane exana po jumein bewa cueicueijeji tsane baroxonae pon xua copiya asiya uncuwa bewa moya ecaena xua daxota barapon pon ichan itacapatsi xua cueicueijeji po jumein Nacom yaputane exana.

³¹ Daxita paxam paca itacapa xua painya necueicueijejiwa Nacom Pejume Diwesi, painya necana exanaenexa xua daxita barapomonae penacuidubinexa. Matautano paca itacapa painya necueicueijejiwa painya nejuntui cui tsacabinexa daxita jiwi pejume cowantsinexa Nacom. Ichitha jame paxam barompaya tsanaya xuya patamropatsiya cueicueijam tsopeibim tsane.

³² Pomonae Nacom Pejume Diwesi pecueicueijejiwi barapomonae itacapatsi xua pe-najuntu coyene itorobiwa. Daxota barapomonae ewata xua ichan matha pecueicuei-jeinexa, xua bapoxonae bara pecueicueijejinexa tsane ichamonaetha.

³³ Tsipei Nacom jopa ichipaeyo xua jiwi ajumeyaexa poxonae daxita jiwi peburaya cue-icueijeji Nacom Pejume Diwesi. Jame Nacom ichichipa xua pomonae pejume cowantsiwi juntama penabaru jinompawea poxonae nacaetuteiba xua wunae pejainchinexa Nacom.

Daxita pomonae xua nacaetuta pejume cowantsixae Jesucristotha, exana xuaje:

³⁴ Yabuxi bewa saya moya poxonae nacaetuta pomonae Nacom pejume cowantsiwi xua Nacom Pejume Diwesi pecueicueijejinexa. Nacom baxua jopa copatsiyo xua yabuxi pecueicueijejiwa baxota. Barapo yabuxi bewa jume cowantsina pia seuriwi pocotsiwa itorobeibatsi icha be pocotsi coyeneya bayatha Moisés pia peitorobi coyenewatha paeba.

³⁵ Icha barapo yabuxi ichichipa xua peyaputaewa pocotsiwa ichamonaetha paeba, bewa barapowaxi pia boxitha yainyabi pia seuriwi. Tsipei jopa wunae tsipae icha yabuyo cueicueijeji penacaetutsimonaetha pomonae Nacom pejume cowantsiwichi xua poxonae yainyaba pia pebiwi.

³⁶ Paxam bewa payaputaename xua Nacom Pejume Diwesi jopa copiya matha tam-ropata pitabiyo painya xantha. Matautano jopa paxam compa pam pomonae meisa paxename Nacom Pejume Diwesi.

³⁷ Ichamonaetha pomonae paxam jiwana pam nanta xeina xua xeina po juntu coyenewatha pecueicueijejiwa Nacom Pejume Diwesi. Barapo juntu coyene xua Nacom pia Pejumope tnapaxi tatsi amanaya cata. Matautano ichamonaetha pomonae paxam jiwana pam nanta xeina xua xeina icha juntu coyenewa po juntu coyene Nacom cata. Daxita paxam bewa payaputaename xua po coyenein yabara pacata tinatsi xua apara Nacom wanaca itoro-biwa.

³⁸ Icha pebin jopa bejume cowantsiyo pocotsiwa paeban, bapoxonae painya xoba pajume cowantame pocotsiwa bapon paeba.

³⁹ Tamonae pam, paxam pomonae iru painya nejume cowantsiwixae Jesucristo. Bewa jame paichichipaename xua painya necueicueijejiwa Nacom Pejume Diwesi. Painya xoba pajume itawetame poxonae ichamonaetha cueicueijeji icha jumein po jumein bequein jopa nacuidubiyo.

⁴⁰ Daxita beta xanapanaya paexanaponde poxonae pana nacaetutame penacaetutsi botha xua poxonae wunae painya nejainchinexa Nacom, xua barompaya tsanaya patam-ropatsiya exanaponde.

15

Meje xua Pablo yabara paeba poxonae Cristo equeicha asu exainchi

¹ Tamonae pam, paxam pomonae iru painya nejume cowantsiwixae Jesucristo. Ichichipan xua pacayabara nanta xeiname po diwesi pecapanenebiyae diwesi jume, po diwesi paca tsipaebatsi. Barapo pecapanenebiyae diwesi pajume cowantame, xua daxota beta pajume cowantsiya jinompame Nacomtha.

² Painya nejume cowanta dubenanaebiyaxae barapo pecapanenebiyae diwesi, anox-uae painya nepaca capanenebiyae jiwi pam abe painya neexanae cuiru coyenein weya. Barapo coyene paxeina dubenanaebiyaxaenae icha beta payabara jantanainame pocot-siwa paca cuidubatsi xuano icha xaniwaicha pajume cowantame baxuan. Icha copiya jopa pajume cowantsim tsane painya juntu coyenetha barapo pecapanenebiyae diwesi bapoxonae Nacom jopa paca capanenebiyae tsane.

³ Copiya paca cuidubatsi pocotsiwa xua ichan necuiduba xua Cristo yabara. Paca cuidubatsi xua Cristo naca tsitupa abe waexanae cuiru coyenein nexa icha be pocotsi coyeneya bayatha Nacom Pejume Diwesitha yabara paeba baxua.

⁴ Poxonae Jesucristo tupa bapoxonae muthutha xotsi. Ichitha poxonae acoibi po mata-cabibe jopa, barapo matabitha equeicha asu exanatsi, icha be pocotsi coyeneya bayatha Nacom Pejume Diwesitha yabara paeba baxua.

⁵ Bapoxonae Pedro tsita naitutatsi Jesucristo. Bapoxonae equeicha Jesucristo tsita naitata pia peitorobi jiwi tatsitha pomonae doce poyobe.

⁶ Bapoxonae caena equeicha Jesucristo tsita naitata pomonaetha pomonae pia pejume cowantsi jiwixaetsi, pomonae beyacaincha quinientos poyobe jiwi. Awiya pinmonae barapo bicheito jiwamonae jinompa anoxuae pomonae xua Jesús tainchi bequein ichamonae werapa bayatha, pomonae barapomonae jiwana.

⁷ Bapoxonae equeicha Santiago tsita naitutatsi Jesucristo. Bapoxonae equeicha Jesús tsita naitata daxita pomonaetha pomonae pia peitorobi jiwi tatsi.

⁸ Bapoxonae nama matapainya xan Pablon netsita naitata Jesucristo. Nacom necana exana pon pia peitorobi jiwi jiwana tatsin, xua pon tabu ducuan. Xan be pon xua nainya jemeicha jume cowantan icha be pocotsi coyeneya ichi poxonae pexuyo pena nainya jemeicha tsiperu wenaexana.

⁹ Xan wepu be conotha ainya cuin pomonae Jesucristo pia peitorobi jiwi tatsi. Ichamonae pomonae Jesucristo pia peitorobi jiwi tatsi bichocono ainya cui beyacaincha xua xan. Bequein Nacom neyabara caunuta xua xan Jesucristo pia peitorobi jiwi tatsi jiwanan ichitha auran tsipei bichocono abeya exanan pomonaetha pomonae penacaetutsimonae jiwitha pomonae pejume cowantsiwi Nacom. Pebaraxuaxae jopa bewa neyabara caunutsi baxua.

¹⁰ Ichitha xan nama anoxuae seicayiya exanan Nacom taneyawenaexae. Bapon tana neantobexae jopa abeya taexanaeinyo. Jame nama seicaya bichocono ayapusya nacuitan Jesucristo nexa beyacaincha ichamonae pomonaexae Jesucristo pia peitorobi jiwi tatsi. Ichitha xan jopa tacouthinyo xua tanacuichiwa, apara jame Nacom neyawena tana neantobexae.

¹¹ Jopa ainya cuiyiyo pomonae bayatha paca cuiduba Nacom Pejume Diwesi. Jopa ainya cuiyiyo icha ichamonae pomonae Jesús pia peitorobi jume pepaebi jiwi bayatha paca cuiduba. Matautano jopa ainya cuiyiyo icha xan bayatha paca cuidubatsi. Saya jame ainya cui xua daxita paxan nanta jupaya tapaca cuidubiwatsi barapo Nacom pia pecapanenebiyae diwesi jume xuanu xua painya nejume cowantsiwa baxua.

Meje xua Pablo yabara paeba pomonae xua equeicha asu exanatsi petupae cuiru coyene weya

¹² Paca cuidubatsi xua Cristo equeicha asu exanatsi petupae cuiru coyene weya. Dai-chitha pomonae paxam jiwana pam paeba xua pinae Nacom jopa equeicha asu exanaeyo jiwi petupae cuiru coyene weya. ¿Eta xua nexata metha baxua paeba painyamona jiwana? Bara bayatha payabara yaputanemeba.

¹³ Icha jiwi jopa equeicha asu exanaetsipaetsi petupae cuiru coyene weya, bara nexata Cristo barichipaetsi, jopa equeicha asu exanaetsipaetsi petupae cuiru coyene weya.

¹⁴ Icha Cristo jopa equeicha asu exanaetsipaetsi petupae cuiru coyene weya, bapoxonae jopa ainya cui tsipae pocotsiwan paca cuidubatsi. Bapoxonae baxua be xua pejumexaei tsipae tsipei jopa paca yawenaetsipae. Matautano barichi painya nejume cowantsiwa jopa ainya cui tsipae jopa painya nepaca yawenaexae tsipae.

¹⁵ Icha baxua xaniyei paxan be pomonae pemuxuitorobi jiwi pan tsipaein pocotsiwa Nacom payabara paeban, tsipei paxan apara papaeban xua Cristo equeicha asu exanatsi petupae cuiru coyene weya. Papaeban xua Nacom equeicha Cristo asu exanatsi petupae cuiru coyene weya ichitha baxua jopa xainyeyo icha jiwi jopa equeicha asu exanaetsi petupae cuiru coyene weya.

¹⁶ Icha petupae jiwi jopa equeicha asu exanaetsipaetsi petupae cuiru coyene weya, barichi Cristo bayatha jopa equeicha asu exanaetsipaetsi petupae cuiru coyene weya.

¹⁷ Icha Cristo jopa equeicha asu exanaetsipaetsi petupae cuiru coyene weya bapoxonae jopa paca yawenaetsipae xua painya nejume cowantsiwa. Daxota awiya paexana dubenanaebiyae tsipame abe painya neexanae cuiru coyenein.

¹⁸ Icha baxua xainyei tsipae xua Cristo jopa asu exanaetsipaetsi petupae cuiru coyene weya bapoxonae pomonae xua bayatha werapa bequein jume cowantsitha tsipae Jesús, ichitha weraweracaetsipa xua abe peexanaexae.

¹⁹ Waxainchi jume cowantsiya wuna ewatatsi xua bexa tsane Cristo naca asu exanaena poxonae werapaeinchi. Ichitha icha saya jume cowanta dubenanaebiyae tsipatsi xua Nacom wanaca yawenaewa tsane barapo cae pin nacuathe, bapoxonae wajume cowantsiwa jopa naca yawenaetsipae xua po coyene Nacom bexa asu wanaca exanaewa tsane poxonae werapaeinchi. Bapoxonae jiwi pomonae jopa pejume cowantsiwi naca yabara jei tsipae: “¡Pai barapomonae tsobenae beyacaincha ichamonae bequein jume cowantsitha tsobenae!” xua wanaca yabara jeichiwa tsipae.

²⁰ Ichitha pocotsiwa xua yatsicaya jame xainyei, apara jame xua Cristo bara yatsicaya asu exanatsi petupae cuiru coyene weya. Bapon Cristo copiya jiwi asu canamata exanatsi xua petupae cuiru coyene weya pomonae xua ataya tsitecaeya peasunexa xua jopa weraweracaeyo.

²¹ Jiwi abe peexanae cuiru coyenein peexanaexae daxota werapa, tsipei jiton copiya abe canamata exana, bapon Adán. Nama jiwi equeicha asu exanatsi, tsipei jiton copiya asu canamata exanatsi, bapon Jesucristo.

²² Jiwi werapaena icha Adán ichi abe peexanaexae. Daxita pomonae Cristo piamonae tatsi equeicha asu exanaeinchi petupae cuiru coyene weya icha Cristo cana ichichi xua asu exanatsi xua petsitecaeyo.

²³ Nacom iche tsane xua poxonae exanaena xuae: Copiya matha Cristo asu exanatsi. Bexa tsane pomonae Cristo piamonae tatsi asu exanaeinchi petupae cuiru coyene weya poxonae Cristo equeicha patopaetsica barapo irathe tsique.

²⁴ Cristo weraweraca exanaena daxita, xua peitorobi coyenewan. Matautano muxuna weraweraca exanaena xua nacuan peewatsi coyenewan. Matautano muxuna weraweraca exanaena peayapusu itorobi coyenewa po peayapusu itorobi coyenewa xua jopa Nacom pia coyenewa tatsi. Bapoxonae poxonae wetsina daxita, Cristo pia peayapusu itorobi coyenewa Paxa caewa catsina, pon Nacom.

²⁵ Tsipei Cristo bewa tsiwanaya exanaponaena daxita jiwitha be pon jiwi itorobiya pia pepa peewatsinchi. Baxua bewa exanaena beya poxonae Nacom weraweraca exanaena pomonae Cristo pia peaitafaetabi jiwichi.

²⁶ Po coyene Nacom cotacaya exanaena xua apara piamonae asu cana exanaena xua bapana jopa peweraweracaewa tsane.

²⁷ Tsipei Nacom Pejume Diwesitha paeba xua pinae Nacom itorobina Pexanto pon Jesucristo xua itorobiya pecanamataxeinaenexa daxitantha. Bequein bara Jesucristo daxitantha itorobiya canamataxeinaena saya Paxatha meisa jopa itorobiyo tsane.

²⁸ Copiya Nacom exanaena xua Cristo itorobiya canamataxeinaena daxitantha. Bapoxonae Cristo Nacom Pexanto tatsi pia coutha nacana exanaena xua Paxa itorobiya pecanamataxeinaenexa tsainchi. Bapoxonae Nacom xaniwaicha itorobiya canamataxeinaena daxitantha.

²⁹ Ichacuitha ichamonae bautisabatsi pomonae pewerapaewi tsibautisabatsi xua barapomonae equeicha peasunexa pepatsinexa Nacom pia nacuatha. Icha pewerapaewi jopa equeicha asu exanaetsi petupae cuiru coyene weya bapoxonae barapomonae pomonae pewerapaewi jopa yawenaetsi bequein petsibautisabithatsi xua ichamonae bautisabatsi xua peasunexa pomonae werapa.

³⁰ Daxita matakabi jinompeibatsi xua naca peipeita ichamonae xua naca abe exana wajume cowantsixae. Icha jopa equeicha asu naca exanaetsipae jopa ainya cui tsipae xua wacueicueijeji tsurubanaebiwa Nacom Pejume Diwesi.

³¹ Tamonae pam, paxam pomonae iru painya nejume cowantsiwixae Jesucristo. Daxita matakabi muxu tatupai xua ichamonae tanepiweita exaneibixae. Baraxua xaniyei icha ichi xua xaniyei xua juntu coyene weiweinan xua Jesucristo pon Wanacanamataxeinaein xanepanaya peexanaexae painya xantha.

³² Xan bara imoxoyo tatupae poxonae Efeso tomarapiwi inta abe exana. Barapomonae baraxua necana exana icha neuthu ichi poxonae ichun waetabatsi. Bequein barapomonae baxua necana exana xua muxu tatupae ichitha jopa asu neexanaetsipae petupae cuiru coyene weya icha jiwi equeicha jopa asu exanaetsipaetsi. Icha jopa equeicha caewa asu naca exanaetsipae bara saya exana dubenanaebiyaetsipatsi pocotsiwa ichichipatsi. Poxonae baraxua exanatsi jupa exanatsi icha ichamonae ichi pomonae jopa peyabara jume cowantsiwa xua bara asu peexanaewatsi. Barapomonae jeye: “Anoxuae nabanaeinchi yawa apaeinchi, tsipei baya werapaeinchi jopa naca tsita ainya cuiyo”, jei barapomonae, pomonae jopa pejume cowantsiwi.

³³ Painya xoba pacopatame xua bara ichamonae painya nepaca muxuitorobeibiwa. Jiwi ba pia pecayabara juta pepaebi diwesiyo ba jei: “Pomonae abe peexanaewi cuiduba ichamonaetha pomonaetha pomonae ichipa beta exana, xua barapomonae abe peexanaenexa”, ba jei barapo diwesiyo.

³⁴ Equeicha caewa paexande po juntu coyene xua bichocono Nacom tsita xanepanatsi. Painya xoba equeicha abe paexaname. Ichamonae paxam jiwana pam jopa Nacom yaputaetsi. Baxua paca tsipaebatsi xua painya neauranexa.

Meje po coyeneya xua Nacom exanaena poxonae jiwi equeicha asu exanaeinchi petupae cuiru coyene weya

³⁵ Metha ichan yainyabina, jei tsane: “¿Eta po coyeneya Nacom exanaena poxonae pewerapaewi equeicha asu exanaeinchi? ¿Eta pocotsi pepon barapomonaе xeinaena?” jei tsane.

³⁶ Barapo peyainyabiwa saya pejumexaei. Poxonae paubame peubi xuto, barapo xuto bapana bocareca iratha xua pexu nantafobabinexa poxonae xua nae pexuwinexa.

³⁷ Poxonae paubame jopa apara peaboto paubim xua pepa nae pexuwinexa. Jame apara ba pexu paubame, metha beya xua trigo xuto tsipae, ichacuitha metha icha pexuton tsipaeno.

³⁸ Cotacaya Nacom exana xua barapo pexu xuwa icha be pocotsi coyeneya Nacom ichichipa. Daxita peubi xuton tsanaya seicaya pia cui barompa poxonae xuwa.

³⁹ Barichi jiwi pepon daxita jopa najupaeyo. Jiwi pia pepon seicaya tsanaya barompa. Duwei unupiwi pia pepon seicaya tsanaya barompa. Duwei menepiwi seicaya pia pepon tsanaya barompa. Pepupunaewi seicaya pia pepon tsanaya barompa.

⁴⁰ Peitabocotha xeina ainya pepon po ainya pepon peitabocotha pejinompaewi nexa. Barichi barapo irathe xeina ainya pepon pomonaе barapo irathe pejinompaewi nexa. Po pepon pexeinya peitupanae coicha xeina xua peitabocotha jinompa barapo pepon bichocono pexeinya pepon. Barichi wapepon pexeinya pepon po pepon xeinatsi po cae pin nacuathe.

⁴¹ Xometo poto atsato pia pexeinya peitupanae coicha barompa. Barichi jomocoichato pia peitupanae coicha barompa. Opiteino pia peitupanae coicha barompa. Icha opitei pia peitupanae coicha jopa nacoicha jupaeyo icha opiteitontha po opiteiton pia peitupanae coicha xeina.

⁴² Barapocotsi juta coyeneya ichi pomonaе xua equeicha asu exanatsi petupae cuiru coyene weya. Poxonae pomonaе pewerapaewi iratha muthucatsi equeicha caewa tsorobo naexana petsabanaexae. Bapoxonae equeicha Nacom asu exanaena pena pepon xua pet-sitecanaexa. Barapo pena pepon bapana jopa tupaе tsane equeicha, jopa petsabanaexae tsane.

⁴³ Barapo peru pepon jopa xeinaeyo peitupanae coicha poxonae muthutha xotsi. Ichitha jame barapo pena pepon xeina pexeinya peitupanae coicha. Barapo peru pepon jopa xeinaeyo peasawa poxonae muthutha boca. Ichitha jame barapo pena pepon xeina peasawa.

⁴⁴ Barapo peru pepon saya barapo cae pin nacuathe nexa. Daxota poxonae tupa, tsabana naexana, tsorobo equeicha caewa penaexanaenexa. Ichitha poxonae barapo pepon asu exanaeinchi, bapoxonae pena pepon naexanaena pejumope tupaхu nexa xua Nacom pia nacuatha peponaenexa. Icha jiwi xeina peru pepon xua barapo cae pin nacuathe nexa, barichi pena pepon xeinaena xua Nacom pia nacuatheicha nexa.

⁴⁵ Nacom Pejume Diwesitha jeye: “Po jiton copiya Nacom forota, bapon Adán. Bapon peasawa xeina xua peponaenexa barapo cae pin nacuathe”, jei Nacom. Ichitha Cristo Adán bichocono toxeincha ainya cuichi equeicha caewa asu peexanaexaetsi. Daxota bapon Cristo itacupatsi xua ichamonaetha cana exana xua pexeinaewa peajuntuyarusawa xua po peajuntuyarusawa ataya tsiteca.

⁴⁶ Copiya jopa xeinaetsi po pepon Nacom pia nacuatha nexa. Saya copiya xeinatsi po pepon barapo cae pin nacuathe nexa. Ichitha cotacaya bexa tsane xeinaeinchi po pepon pena pepon Nacom pia nacuatha nexa.

⁴⁷ Po jiton copiya exanatsi, pon tsorobo weya exanatsi, bara bapon apara saya barapo cae pin nacuathe nexa. Po jiton xua cotacaya patopa bapon apara Cristo pon itaboco wepatopeica.

⁴⁸ Po jiwi xua barapo nacuathe jinompe pia pepon exanatsi icha Adán ichichi xua pia pepon tsorobo weya exanatsi. Ichitha pomonaе Jesucristo piamonaе tatsixae barapomonaе xeinaena pepon icha ichi xua pocotsi pepon xeina Cristo, pon xua itaboco wetsica pona.

⁴⁹ Anoxuae wapepon werapaena icha Adán pia pepon tatsi ichi xua bayatha tupa. Ichitha poxonae Nacom pia nacuatha patinchi wapepon xeinaeinchi pocotsi pepon icha Cristo pia pepon tatsi ichi xua pexeinya peitupanae coicha xeina.

⁵⁰ Tamonaе pam paxam pomonaе ira painya nejume cowantsiwixae Jesucristo, yabara paca tsipaebatsi po pepon yawa jinompati. Barapo pepon jopa naca itacupaeyo xua wayawa patsiwa Nacom pia peitorobi nacuatheicha xua ataya tsitecaeya wajinompaenexa tsane, tsipei barapo pepon tupa.

⁵¹ Paca tsipaebatsi pocotsiwa xua namicha xua jiwi jopa yabara yaputaeyo xua Nacom moya yawun xeina. Daxita pomonaе waxainchi jiwantsi jopa weraweracae tsainchi xua ataya tsane. Ichitha daxita waxainchi xeinaeinchi icha pepon.

⁵² Poxonae trompeta matawan asiya obina xua poxonae Nacom daxita wetsina, bapoxonae Nacom jemeicha nainya asu exanaena pomonaе pewerapaewi pomonaе pejume

cowantsiwixae Cristo. Baxua nainya exanaena icha be pocotsi jeta coyeneya ichi poxonae jiton nainya naichaquetabiya necotaba. Pewateraewi asu exanaeinchi xua equeicha bapana jopa peweraweracaenexa tsane. Bapoxonae waxainchi pomonaetsi cataunxuae jinompatsi nainya icha pena pepon xeinaeinchi.

⁵³ Wapepon po pepon tsorobo weya naexana bewa naexanaena icha pepon xua jopa weraweraca exanaetsi. Wapepon xua itacupatsi xua pewerapaewa, bewa pepon naexanaena po pepon xua jopa werapaeyo.

⁵⁴⁻⁵⁵ Wapepon xua weraweracaena Nacom equeicha asu exanaena pena pepon po pepon jopa weraweracae tsane. Poxonae baxua exanaena jopa weraweracaeyo. Yawa barapo pepon itacupatsi xua werapa ichitha barapo pepon naexanaena po pepon xua jopa werapaeyo. Bapoxonae baxua nayabara jume cui weta xua exana pocotsiwa bayatha Nacom Pejume Diwesitha tsiwinae yabara muxu duta. Nacom Pejume Diwesitha jeye: "Poxonae Nacom pena pepon cana exanaena piamonae, bapoxonae Nacom amanayabina pontha pon jiwi tupa peexanaein", jei Nacom Pejume Diwesitha.

⁵⁶ Pocotsiwa xua naca amanayaba, apara xua wawerapaewa abeya waexanaexae. Pomonae exanaetha pocotsiwa Moisés pia peitorobi coyenewatha itoroba, barapomonae awiya werapa poroxu barapomonae awiya abe peexanaexae.

⁵⁷ Paxan pajan Nacomtha: "Nacom, maisa pajuntu coyene weiweinan xua pata tanecat-siwam jinya neayapusu itorobi coyenewa pata amanayabinexa abe peexanae cuiru coyenein. Barapo coyene pana catame xua poxonae Jesucristo pon pata Necanamataxeinaein naetotha pata tana tsitupaexae", pajan.

⁵⁸ Tamonae pam, paxam pomonae tapaca caantobe jiwichi pam. Painya neamanayabixae abe painya neexanae cuiru coyenein, pana najuntu ayapusu exande Nacomtha. Painya xoba payabara cui copatame xua bara ichamonae paca cana exanaena xua icha coyeneya painya neexanaewa tsane. Ataya beta panacuita dubenanaebiyama Nacom nexa. Tsipei paxam payaputaneme po penacuichiwa Nacom pata tanacuita dubenanaebiyame, bara Nacom tsita xanepanatsi.

16

Meje xua Pablo paratixi yabara paeba po paratixi jiwi catsiba ichamonaetha pomonaetha pomonae pejume cowantsiwi Nacom

¹ Yabara paca tsipaebatsi paratixi po paratixi penacaetutsimonae jehebapona ichamonae nexa pomonae pejume cowantsiwi Nacom. Paexande icha pomonae penacaetutsi jiwimonae ichi xua exana pocotsiwa itoroban pomonae Galacia nacuamonaepiwi.

² Daxita domingo wan matacabintha paxam daxita barompaya painya paratixi pajiwana wetsabiya pajehebaponaename pocotsi matoma pana busi matoma xeineibame. Pomonae pin matoman nabusi matoma xeineiba bewa ainya paratixi jehebaponaena. Pomonae tsiqui matomaxi nabusi matoma xeineiba bewa cae paratixi jehebaponaena. Abu paratixi pajebare xua jopa painya neexanaewa tsane baraxua xua poxonae equeicha patopaein.

³ Poxonae patopaein bapoxonae paitapetsiname pebiwi po pebiwi pecaponaenexa carta. Barapo pebiwi Jerusalén tomara beya caitorobin carta. Barapomonae carta caponaena yawa muxuna caponaena paratixi po paratixi pajehebaponaename Jerusalén tomarapiwi nexa pomonae pejume cowantsiwi Nacom.

⁴ Icha nanta xeinaein xua yapu wanaein paratixi penawichixae metha moya bara ponaetsipan Jerusalén tomara beya. Bapoxonae barapomonae nepuna ponaena.

Meje xua Pablo yabara nanta xeina, xua pewarapaewa tsane

⁵ Poxonae ponaein, bewa Macedonia nacua iyan tsane. Bapoxonae cotacaya paca siwa ponaeinchi Corinto tomaratha.

⁶ Metha beya paca baru ecaetsipatsi be caentacabiyobetha. Ichacuihtha metha poxonae awabo paca baru ecaetsipatsi. Bapoxonae poxonae weta xua awabo, paca itacupa xua pata neyawenaewam pocotsiwa nantawenonan poxonae warapaein icha tomara beya.

⁷ Jopa ichipaeinyo xua saya bara caetotha tapaca siwa ponaewatsi. Jame ichichipan xua be pecono daepayobe tapaca baru ecaewatsi tsainchi poxonae patopaein. Baxua exanaein icha Nacom baxua inta copatsina.

⁸ Ecan xote Efeso tomaratha beya poxonae matacabi jopaena po matacabi pewun Pentecostés. Barapo matacabi po matacabi jiwi yabara jantanaina xua poxonae matha Nacom pia Pejumope tnapax tatsi patopa penacaetutsi jiwitha pomonaetha pomonae pejume cowantsiwi.

⁹ Anoxuae neitacupa xua bichocono tatanacuichiwa Nacom xua jiwi pinmonae pejume cowantsinexa barapo tomaratha. Ichitha ayei jiwi ichichipa abe necana exana xua jopa taexanaenexa tsane.

¹⁰ Icha Timoteo patopaena painya xantha, pantenta weyataema xua bapon juntea peponaenexa painya xantha. Baxua pata exande poxoru bapon exana pocotsiwa Nacom ichichipa, icha xan ichin xua exanan pocotsiwa Nacom ichichipa.

¹¹ Daxita paxam jopa payabara jande: “Apara bapon Timoteo pewowin, jopa apra peyaputaein”, jopa payabara jande. Jame maisa bapon payawende xua equeicha juntea caewa peponaenexa taxainya berena. Baxua paexande tsipei xan iru ichamona peponaenexa iru pejume cowantsiwixae Jesucristo, panabaru wnae ewatan bapon xua Timoteo pawatan.

¹² Apolos pon iru pejume cowantsin matowa tsipaeban xua painya nepaca cataenexa xua bapon pecueyabinexa tsainchi ichamona peponaenexa iru pejume cowantsiwixae Jesucristo. Ichitha bapon nanta xeina xua anoxuae jopa yapu jupaetsi xua peponaewa tsane xua painya nepaca siwa ponaewa. Bapon ponaena ichitha poxona tayapu jupaechinchi.

Meje poxona Pablo najume wetsiya paeba

¹³ Dota pam, pomona xua abe pacata exana. Beta paajuntasuya pajume cowanta dubenanaebiyama. Paexana dubenanaebiyama icha pebiwi ichi xua jopa sunuwiya exana dubenanaebiyayo xua beta peexanaewa.

¹⁴ Daxita pocotsiwan xua paexaneibame, peantobe coyeneyatha paexaneibare ichamonaetha.

¹⁵ Tamona pe pam, paxam pomonaenexa iru painya nejume cowantsiwixae Jesucristo. Paxam payaputaneme xua Estefanas piamonae tatsi copiya jume cowanta Jesucristo Acaya nacuatha. Barapomonaenexa bichocono yawena ichamonaetha pomonaetha pomonaenexa iru pejume cowantsi jiwu Nacom.

¹⁶ Paca tsipaebatsi xua paxam xuya paexana dubenanaebiyama pocotsiwan barapomonaenexa paca itoroba. Pabaru nacuire barapomonaenexa xua no ichamonaenexa iru pabaru nacuitame pomonaenexa jupaeya exana icha barapomonaenexa ichi.

¹⁷ Maisa bichocono juntea coyene weiweinan xua Estefanas iru Fortunato iru Acaico xote pate. Barapomonaenexa inta exana pocotsiwa jopa paca itacupaeyo xua painta exaname xua jopa xote tapaca baru ecaexaetsi.

¹⁸ Barapomonaenexa nejuntea cui coyene tsacaba exana xua xaniwaicha tapoponaenexa Nacom nexa. Barichi iru baxua pacata exana. Beta paweyataename barapocotsi jiwimonaenexa.

¹⁹ Pomonaenexa penacaetutsimonaepiwi, pomonaenexa pejume cowantsiwi Nacom, pomonaenexa Asia nacuatha jinompa, barapomonaenexa paca jacobae. Aquila iru piowa tatsi Prisca, iru pomonaenexa petanacaetutsi dubenanaebiyae jiwichi pia botha tatsi, barapomonaenexa bichocono paca jacobae peantobe jiwixae xua peantobexaetsi pon jiwu Pecanamataxeinaenexa.

²⁰ Daxita pomonaenexa pejume cowantsiwixae Cristo pomonaenexa xote jinompe daxita paca jacobae. Bepiya painta nantia pana najacobae painya neantobewaxae Cristo.

²¹ Xan Pablon pacata tinatsi po diwesiyo xua cotacaya opi ducua. Yatsicaya tacoutha tacobe couya pacata tinatsi tapaca jacobinexatsi.

²² Icha ichun jopa Jesucristo antobetsi pon jiwu Pecanamataxeinaenexa barabu Nacom itawetsina pexainya weya, xua bapon be pon abe peexanaenexa jiton tsane. ¡Xam ponxam Pata Necanamataxeinaenexa nainya antha patopare!

²³ Barabu Jesucristo pon jiwu Pecanamataxeinaenexa paca yawenaena pia paca nepaca caantobewaxae xua xanepanaya painya nejinompaenexa.

²⁴ Daxita paxam pacata itorobatsi po coyene xua tapaca caantobe coyenewatsi taantobewaxae Cristo Jesús.

Baja Pablo.

Meje Po Carte Cotacaya Pablo Tatina, Corinto Tomarapiwi Tatinatsi

Meje poxonae Pablo tamropata pitaba xua tatina pomonaetha pomona Corinto tomara-piwi

¹ Xan Pablon pacata tinati. Nacom peichichipaexae bapon necana exana xua Jesucristo pia peitorobi jiwi jiwana tatsin. Xan iru Timoteo pon pejume cowantsin baponbe panbe pacata tinati. Paxam pomona iru painya nejume cowantsixae Jesucristo pana nacaetutame penacaetutsi botha Corinto tomaratha xua wuna painya nejainchinexa Nacom. Matautano pata tinanbe pomona iru Nacom piamona tati xua Acaya nacuatha jinompa.

² Barabu Nacom pon Waxa iru Jesucristo pon jiwi Pecanamataxeinaein baponbe paca yawenaena pia paca nacaantobexae. Matautano barabu baponbe paca cana exanaena xua juntea painya nejinompaewa tsane.

Meje yabara xua poxonae Pablo atene exanatsi

³ Bara Nacom wuna jaintatsi pon Wanacanamataxeinaein Paxa tati xua Jesucristo Paxa tati. Bapon Nacom Waxa naca yabara nanta xeina xua wanaca yawenaewa tsane. Bapon Nacom naca itanuwe matateica wanaca antobexae.

⁴ Daxita xua xuan ichamona pana atene exana, xuan Nacom pana cui matateiqueiba, baxua Nacom painta exana xua xuya iru ichamona pata cui matateicaenexa tsaibi tsane pomona poxona atene exaneibatsi ichamona. Paxan ichamona pacui matateican icha Nacom pana ichi xua pana cui matateica.

⁵ Icha Cristo ichichi poxona atene exanatsi ichamona, barichi ichamona pana atene exana pata jume cowantsixae Jesucristo. Nacom, Cristo cui matateicatsi poxona atene exanatsi ichamona. Bara pana ichi Nacom pana cui matateiqueiba poxona ichamona pana atene exaneiba.

⁶ Ichamona pana anthutane exana. Bequein baxua painta exana, daichitha awiya pana itacupa xua tapaca cayawenaewatsi poxona paca cui matateicatsi. Matautano pana atene exana pata paca cuidubixaetsi painya nepaca capanenebiyaenexa abe painya neexanae cuiru coyenein weya. Nacom pana cui matateica xua paxan xuya pata paca cui matateicaenexatsi. Baxua paca cana exanatsi poxona awiya juntea pajinompa dubenanaebiyame bequein poxona ichamona paca atene exana icha barapomona pana ichi xua pana atene exana.

⁷ Paxan ajuntasya paca cui yabara jume cowantsiya ewatatsi xua paxam bara beta pajinompa dubenanaebiyaname poxona bequein ichamona paca atene exana. Paxan payarutan xua paxam iru paajuntacoyenetanem poxona ichamona pana atene exana. Barichi Nacom paca cui matateica icha pana ichi xua pana necui matateica.

⁸ Tamona pam, paxam pomona iru painya nejume cowantsiwixae Jesucristo. Paichichipan xua painya neyaputaewa xua ichamona bichocono painta ayapube exana Asia nacuatha. Baxua bichocono ayapusa pana juntu coyene jujuta, beya poxona awatha muxu jupa juntea pata dubenanaebiyawa. Ichacuitha pananta xeineiban xua jopa pana itacupaewa xua pata panenebiwa xua pata asya tsane.

⁹ Ichacuitha pananta xeinan xua bara metha pata werapaewa tsane. Ichitha baxua Nacom saya bara copata xua pata yabara jume cowantsiwa tsane xua meis Nacom bara compa pia coutha pata taneyawenaewa tsane xua jopa pata tana nayawenaewa tsane pata coutha. Nacom apara pon equeicha asu exana pewaterapaewi petupae cuiru coyene weya.

¹⁰⁻¹¹ Nacom pana necapanenebiya ichamona weya poxona barapomona bichocono abe painta exana poxona awatha muxu pata werape. Matautano awiya Nacom baxua painta exanapona. Yatsicaewa Nacom payabara jume cowantan xua bexa tsane pana necapanenebiyaenano icha awiya painta wuapona Nacomtha. Nacom pana neyawena poxona pinmona painta tsipaebina Nacomtha. Bexa poxona Nacom pana necapanenebiyaena barapoxona pin bicheitomona jei tsane: "Nacom maisa pajuntu coyene weiweinan xua neyawenaewa Pablobaru xua jopa pewaterapaewa neantobexae poxona jiwi pin bicheito cawuca barapomona nexa", jei tsane barapo pin bicheitomona.

Meje poxonae Pablo jopa yapu jupaetsi xua peponaewa Corinto tomara beya

¹² Pajuntu coyene weiweinan, daxota atsaquiya pata jeiwa pocotsiwe: Daxita pocotsiwa paexanan po cae pin nacuathe, xuano poxona pata paca baru jinompaewatsi, pata juntu coyene bara pana tsipaeba xua pinae bara beta paexanan. Pajuntu coyene xanepanan

Nacomtha. Matautano bara xainyeya paexanan daxita coyenein. Nacom pana neyawena xua beta pata jinompaewa tsane pata antobexae Nacom. Aparaxua jopaxa paexanaein yo barompaya pata tayaputae coyenewatha.

¹³ Daxita xua pacata tinatsi jopaxa icha diwesi pacata yawa muxuna tinaetsi. Pocotsiwa pacata tinatsi saya pocotsiwa painya nepacaxa itacupaewa xua painya neyorobiwa tsane xuanoxua painya nejume copi yaputaewa tsane. Ichichipan xua betiya painya neyaputaewa tsane daxita pocotsiwa xua pacata tinatsi.

¹⁴ Anoxuae daxita pam be conotha pana neyaputaneme. Poxonae Jesús pon Wanacanamataxeinaein equeicha patopaetsica, pana neyabara juntu coyene weiweinaename icha paichin tsane xua paxa yabara juntu coyene weiweinaeinchi.

¹⁵ Poxoru pana neyabara juntu coyene weiweiname daxota nanta xeinan xua tapacaxa siwaxa ponaewatsi tsainchi. Bapoxonae icha neitacupa equeicha bexaxa paxa siwaxa ponaeinchi xua daxota ainya cuiyobetha paxa siwaxa ponaeinchi tapacaxa cayawenaewa tsainchi.

¹⁶ Bayatha paxa tsipaebatsi janje xuaje: “Poxonae ponaein Macedonia nacua beya copyaxa ichichipan xua matha tsiwanaeyaxa tapacaxa siwaxa ponaewatsi tsainchi. Equeicha paxa taeinchi poxonae caewa denan tsane Macedonia nacua werena. Bapoxonae paxa itacupa xua tapana neyawenaewam poxonae warapaein Judea nacua beya”, paxa jeichi.

¹⁷ Bequein baxuaxa paeban, daichitha baxuaxa jopaxa neitacupaeyo xua taexanaewa baxuaxa. Poxonae baraxuaxa paeban pana nejume cayabara cananta xeiname xua xan apaxa pon ichawaxa beya tapaebin xua be pocotsi jiton pon saya exana pocotsiwa bapon ichichipaxa ichawaxa beya ba paeba. Xan baxuaxa jopaxa exanaein yo. Jopaxa ba paxa jeichi “Aja”, jopaxa paxa jeichi. Ichacuitha jopaxa ba paxa jeichi “Jume”, jopaxa paxa jeichi xua poxonae cae coyene yabara paxa tsipaebatsi.

¹⁸ Nacom bapon bara xaniwaichaxa tana neyabara paebin pocotsiwa taexanaewa. Bapon Nacom netane xua jopaxa ichawaxa beya tapaebiwaxa. Saya poxonae, ba “aja”, pejeinexaxa, ba “aja”, jan. Matautano saya poxonae ba “jume” pejeinexaxa, ba “jume”, jan.

¹⁹ Timoteo iru Silvano iru xan paxa cuidubatsi Nacom Pejume Diwesi po coyene xua Cristo Jesús yabara, pon Nacom Pexanto tatsi. Bapon Cristo jopaxa bapana jei tsai biyo bara caetothaxa: “Jume”, yawa “Aja”, jopaxa bapana jei tsai biyo. Saya jame ba jei: “Aja”, ba jei tsai bi.

²⁰ Cristo bara daxita exana pocotsiwa Nacom Pexanto yabara tsiwanae muxu duta. Bara Cristo “Je” jei xua peexanaenexaxa pocotsiwa Paxa itorobatsi. Daxota waxainchi barichichi jei tsai bi chi: “Je, barichi tsane bara Cristo Jesús exanaena baxuaxa”, jei tsai bi chi waxainchi poxonae Nacom wunaxa jainteibatsi.

²¹ Bapon Nacom pana ajuntucoyenesu exana xua beta pata jume cowantsinexaxa Cristo. Matautano iru bara paxa ichi Nacom, paxa yawena. Bapon Nacom naxa itapeta watanacuichinexaxa bapon.

²² Barapon Nacom naxa cana exana xua wanaxa baru jinompaewa pia Pejumope tanaxu tatsi wanaxa yaputaenexaxa xua piamonae jiwichi. Baraxuaxa Nacom naxa tsita itapeinyaxa xeina xua bexaxa tsane naxa catsina ichawan.

²³ Nacom neyabara juntu coyene yaputane xua xainyeya paeban. Bequein juntu curu nanta xeinan xua paxa siwaxa ponaeinchi ichitha jopaxa ponaein yo. Jopaxa paxa siwaxa ponaetsi Corinto tomarathaxa tsipei jopaxa daunweyaxa bepaxa tsipaebichi xua paxa juntu coyene wecoyeyi exanaetsipatsi.

²⁴ Jopaxa bepaxa yabara itorobichi xua pocotsiwa bewaxa painyaxa nejume cowantsiwa tsane. Tsipei barapara ayapusuyaxa pajume cowanta dubenanaebiyame. Pocotsiwa jame paichichipan apaxa xua pata paxa baru nacuichi watsi jame, painyaxa nejuntu coyene weiweinaenexaxa.

2

¹ Daxota juntu curu nanta xeinan xua jopaxa equeichaxa tapacaxa siwaxa ponaewa tsainchi, tsipei jopaxa bepaxa wecoyeyi exanaetsi.

² Icha paxa juntu wecoyeyi exanaetsipatsi, dapomonaxa aibi tsipae pomonaxa nejuntu coyene weiweina exana. Jame meisaxa paxam paxa itacupa xua tapana nejuntu coyene weiweina exanaewam. Ichitha icha paxam saya pajuntu coyene wecoyam tsipae jopaxa pana nejuntu coyene weiweina exanaemtsipae.

³ Daxota bayathaxa pacata tinatsi icha cartaxa tsipei jopaxa bepaxa siwaxa ponaetsi icha saya paxa juntu coyene wecoyeyi exanatsi poxonaxa yabara paxa muxuwetatsi pocotsiwa paexaname xua abe paexaname. Aparaxa jame paxam pomonaxa bewaxa pana nejuntu coyene weiweina exanaem. Xan nanta xeinan icha juntu coyene weiweinan paxam bara paichim tsane pajuntu coyene weiweinaename.

⁴ Poxonaxa bayathaxa po cartaxa pacata tinatsi bichocono anthuthu wecoyan, tsipei bichocono paxa yabara najuntu coyene eena exanatsi pocotsiwa painyaxa neexanaexaxa beya poxonaxa

yatsicaewa wecoyan xua yatsicaewa taitacuere mene jujuincaewa. Jopa ichipaeinyo xua tapaca wecoyei exanaewatsi. Jame ichichipan xua painya neyaputaewa xua tapaca caantobewichi bichocono.

Meje poxonae Pablo itoroba xua Corinto tomarapiwi peyabara jñntemainaewa tsane pocotsiwa exana pon penowa pita

⁵ Caein pon paxam jiwana pam abe exana ichamonaetha. Bapon jñntu coyene wecoyei exana ichamonaetha. Bapon jopa meisa apara compa nejñntu coyene wecoyei exanaeyo. Barichi bapon bara iru paca jñntu coyene wecoyei exana daxita paxam bequein saya bapon abe exana pon painyamonae jiwana jiton.

⁶ Pon yabara icha cartatha pacata tinatsi pon abe peexanaein, pebñruya nanta jñruya paitawetame bapon xua pepatopaeyainwa painya nenacuetutsiwatha poxonae wñnae pajaintame Nacom. Anoxuae bapon nacui baraxuba xua abe peexanaewa. Baraxua bara wñnae. Painya xoba equeicha paitawetame bapon.

⁷ Anoxuae paxam bewa pacui yabara jñntemainaem abe pia peexanae cuiru coyene tatsi. Mataatano bewa pacui matateicaename xua peaurayainwa. Icha jopa baxua peexanaemtsipae, bapoxonae bapon metha jopa juniya bichocono jñntu coyene wecoyei tsipae, xua daxota anaya pia coutha penacabetsiwa xua pebaraxubixae xua pejume cowñntsiwa.

⁸ Daxota paca tsipaebatsi, bapon patsita itapeinya xeinare xua peantobe coyenewa painya netsita xeinaewa bapon.

⁹ Bayatha yabara pacata tinatsi xua bewa pamuxuwetsim bapon. Paca jñntu coyene jñntatsi xua tayaputaenexa icha metha bara xaniwaicha pana nejume cowñntame daxita pocotsiwa paca itorobatsi, bara bayatha pamuxuwetame bapon.

¹⁰ Icha paxam ichñn pacui yabara jñntemainaem abe pia peexanae cuiru coyenein tatsi, barichin tsane iru bapon cui yabara jñntemainaem abe pia peexanae cuiru coyenein tatsi. Tsipei icha ichñn cui yabara jñntemainaem abe pia peexanae cuiru coyenein apara poxoru copiya painya necui yabara jñntemainaem abe pia peexanae cuiru coyenein tatsi. Baxua exanan Cristo tana neitorobixae. Baxua Cristo necui tane xua exanan.

¹¹ Waxainchi ichamonaem abe pia peexanae cuiru coyenein tatsi yabara jñntemainaem xua caurimonae pia pentacaponaein tatsi jopa wanaca cui amanayabinexa. Cui yaputainchi xua bapon bichocono daunweya jiwi jñntu coyene jñntatsi xua abe peexanaenexa.

Meje poxonae Pablo Tito bichocono yabara najñntu coyene exabatsi Troas tomaratha

¹² Poxonaem Troas tomaratha patopan xua tacueicueijeinexa Cristo pejume diwesi bara inta yapu wñnae xua tanacuichinexa Nacom nexa, pon jiwi Pecanamataxeinaein poxoru barapo tomarapiwi bara beta nejume tane.

¹³ Ichitha bichocono jopa jñntema poponaeyo poxoru bichocono yabara najñntu exaban Tito pon iru pejume cowñntsin Jesucristo, yaitama jopa caxinaeyo bapon. Daxota Troas tomarapiwi napeyaban. Bapoxonaem ponan Macedonia nacua beya.

Meje yabara po coyeneya xua Cristo naca yawena xua waamanayabinexa caurimonae pia pentacaponaein tatsi

¹⁴ Nacom patsipaeban, pajan: "Nacom maisa pajñntu coyene weiweinan xua painta exaname", pajan. Nacom pana cana exana xua Cristo betiya pana canamataxeina poxonaem Nacom Pejume Diwesi pacueicueijan. Mataatano Nacom pana cana exana xua pata amanayabiwa caurimonae pia pentacaponaein tatsi poxonaem jiwi yaputane pacana exanan xua peyabara yaputaewatsi Cristo. Daxita nacuantha ichaxota raponeiban, bapon payabara paebeiban. Barapo pexeinya jume diwesi xua papaebeiban taju beya pajume pichipaponan, icha be poxonaem petuxuei tuxusi ichi xua taju tuxusi pona.

¹⁵ Nacom ichipa nawita poxonaem beta patacueicueijan xua Cristo payabara cueicueijan icha be poxonaem ichi poxonaem bichocono tuxusi ichichipa incienso tuxusi matawñn. Barichi po diwesi xua Cristo payabara cueicueijan, taju pajume pichipaponan pomonaem pomonaem Cristo capanenebiya ducuanaebiya xuan pomonaem pomonaem wegaweracaponae jopa pejume cowñntsixae Cristo.

¹⁶ Poxonaem jiwi jopa jume cowñntsiyo barapo diwesi po diwesi pacueicueijan be tsita tuxusichi xua po tuxusi tuxusi barapomonaem tupa peexanaewatsi. Ichitha poxonaem jiwi jume cowñnta, bapoxonaem barapo diwesi tsita muxu wñnaetsi icha xua jiwi ichi poxonaem po tuxusi tuxune bichocono ponxo tuxusi wñnaetsi. Barapomonaem nejñntu coyenetha yaputane xua barapo jume diwesisxae Nacom cata barapomonaem peajñntuyapusuwa po peajñntuyapusuwa ataya tsiteca. ¿Jintam metha itacupatsi xua barapo Nacom pia petanacuichiwa tatsi peexanaewa xua pia coutha compa exana? Apara dapon ajibi.

¹⁷ Paxan jopa paexanaeinoyo icha be jopa ichamonaee ichiyo xua poxonaee barapomonaee pia paratixichi paeba dubenanaebiya Nacom Pejume Diwesi. Paxan po pebiwi pan xua xaniwaicha pata tsipaebi jiwi pan ichamonaetha, Nacom pata taneitorobixae. Daxota Nacom Pejume Diwesi papaeban caemonaee wanaexanaeatsi Cristotha.

3

Meje poxonaee Pablo yabara paeba Nacom pia pena petsiwunaee muxu dutsiwa tatsi

¹ Poxonaee baxua pacata tinatsi, metha pana neyabara nanta xeinaetsipame xua paxan pomonaee ainya cui jiwi pata naexanaee jiwi pan. Nama ichamonaee cartan capona po carthantha piamonaee beta yabara tina barapomonaee, xua painya necopatsiwa tsane xua bara pia paca tsipaeebichi Nacom Pejume Diwesi poxonaee barapomonaee pateibina painya tomaratha. Metha paxam pana neyabara nanta xeinaetsipame xua xan iru barichindu icha ichamonaee ichi xua poxonaee barapo carta capona pia xua painya necopatsiwa tsane xua bara pia paca tsipaeebichi Nacom Pejume Diwesi. Bequein metha pana neyabara nanta xeinaetsipame xua xuya painta tinaetsipame xua paxan yabara ichitha jopa apara paca wuatsi baxua.

² Poxonaee daxita jiwi paca cui tane xua beta painya jinompaewa Nacom nexa, bapoxonaee jiwi pana neyabara nanta xeina xua bara beta pata exanaewa xua pata paca yawenaetsi xua painya nejume cowuntsiwa. Pata juntu coyenanwan pana tsipaeba xua bara pinae pajume cowuntame Cristo. Poxonaee jiwi paca cui tane xua beta painya nejinompaewa Nacom nexa, barapo jiwi pana nejuntanaina xua beta pata paca cayawenaetsi. Baxua be poxonaee jiwi yoroba pexeinya carta xua paxan yabara xua daxota jopa nantawenonaeyo xua xuya painta petinaenexa carta.

³ Cristo ichichipa xua jiwi tane xua bapon bichocono wunaee exana paxam nexa po jumein weya xua paxan paca tsipaebatsi. Ichitha bapon Cristo jopa tinaeyo carta peanaincuitontha xua jiwi petaenexa pejumein itaneton. Matautano jopa tinaeyo peitaneton xua ibo panawatha ichi Moisés ichi. Jame Nacom pia Pejumopee tuxaxu tatsi icha juntu coyene paca cata xua daxota jiwi tsita itapeinya xeinatsi xua Cristo beta exana paxam nexa.

⁴ Paxan pana itacupa xua baxua papaeban Cristo pata neyawenaexae xua pata jume cowuntsiwa Nacom.

⁵ Ichitha jopa pana neitacupaeyo xua pata coutha pata exanaewa baxua. Daxita pocotsiwan pana itacupa xua pata exanaewa apara Nacom pata taneyawenaexae.

⁶ Nacom pana necana exana xua pomonaee yatsicaewa pata yabara cueicueijeji jiwi pan Nacom pia pena petsiwunaee muxu dutsiwa coyenewa. Nacom pia pena petsiwunaee muxu dutsi coyenewa jiwitha jopa xeinaeyo xua tina ainya coyenein xua jiwi peitorobi coyenewatsi xua jiwi bewa exanaena. Barapo Nacom pia pena petsiwunaee muxu dutsi coyenewa paeba xua saya meisa xua beta pejinompaenexa. Nacom pia Pejumopee tuxaxu tatsi itacupatsi xua naca cata pena pejuntu coyenein. Nama Moisés pia peitorobi coyenewa seicaya paeba xua bequein jiwi exana xua Moisés itoroba, barapomonaee awiya werapaena abe peexanaexae. Nama seicaya Nacom pia Pejumopee tuxaxu tatsi peajuntuyapusawa naca cata.

⁷ Moisés pia peitorobi coyenewa ibo panawantha tina. Barapo coyene jiwi cana exanatsi xua pewerapaewa abe peexanaexae. Poxonaee barapo coyenewa Moisés cata israelmonaetha barapomonaee israelmonaee jopa itacupaetsi xua Moisés peitabara taewatsi tsipei Nacom pia pexeinya peitupanaee coicha tatsi bichocono pentha Moisés peitabaratha. Ichitha barapo Nacom pia pexeinya peitupanaee coicha tatsi Moisés pia xainya weya tatsi bewayo caewanaya.

⁸ Po pena juntu coyene Nacom pia Pejumopee tuxaxu tatsi naca cata bichocono wunaee tsipei jiwi cana exanatsi xua pexeinaewa peajuntuyapusawa po peajuntuyapusawa ataya tsiteca. Barapo pena juntu coyene bichocono wunaee beyacaincha po peitorobi coyene Moisés itoroba.

⁹ Bequein Moisés pia peitorobi coyenewa wunaee, barapo coyenewaxae Nacom tsitatsi xua jiwi penatsicuentisiwa xeina xua abe peexanaexae. Nama bichocono wunaee Nacom pia pena juntu coyenewa po juntu coyenewa jiwi catatsi beyacaincha Moisés pia peitorobi coyenewa. Barapo Nacom pia juntu coyenewaxae, jopa tsitatsi xua piamonaee tatsi pexeinaewa xua penatsicuentisiwa xua abe peexanaexae.

¹⁰ Moisés pia peitorobi coyenewa tatsi copiya bichocono wunaee, nama anoxuae jopa peraichiwa, tsipei jopa naca yawenaeyo. Nama Nacom pia pena petsiwunaee muxu dutsi coyenewa tatsi jame barapo coyene jiwi bichocono yawenatsi. Daxota barapo coyene yatsicaewa wunaee beyacaincha Moisés pia peitorobi coyenewa tatsi.

¹¹ Poxonae Moisés cata pia peitorobi coyenewa israelmonaetha bapoxonae barapomonaе tane Moisés peitabaratha tatsi Nacom pia pexeinya peitapanae coicha tatsi. Barapo pexeinya peitapanae coicha caewanaya. Nama Nacom pia pena petsiwanae muxu dutsi coyenewa jopa caewanayiyo. Nama ataya ayapusuya tsiteca barapo coyene.

¹² Tsipei pajume cowantsiya ewatan xua Nacom exanaena daxita pocotsiwa bayatha yabara pana netsiwanae muxu duta, daxota jopa paaurinyo xua pata yabara paebiwa daxitan.

¹³ Paxan jopa paexanaeinyo icha Moisés ichi. Bapon Moisés naitabara acata paparuwatha xua israelmonae jopa peyaputaenexa xua poxonae barapo pexeinya peitapanae coicha caewanaya.

¹⁴ Barapo israelmonae jopa yaputaeyo Moisés pia peitorobi coyenewa tatsi. Nacom copata xua barapomonaе jopa peyaputaewa pia juntu coyeneintha barapo coyenewa. Barichi anoxuae poxonae barapo israelmonae yoroba Moisés pia peitorobi coyenewa tatsi, cataunxuae came jopa yabara yaputaeyo baxua. Baraxua icha poxonae Moisés ichi poxonae naitabara acata paparuwatha poxonae barapomonaе jopa yaputaeyo xua barapo coicha caewanaya. Matauta anoxuae barapomonaе jopa yaputaeyo xua icha jiwi jume cowantsina Cristo saya meisa bapoxonae barapo jiwi itacupatsi xua peyaputaewa Moisés pia peitorobi coyenewa.

¹⁵ Israelmonae beya nama anoxuae, came jopa yaputaeyo Moisés pia peitorobi coyenewa tatsi poxonae yoroba. Barapomonaе jopa peyaputaewa Moisés pia peitorobi coyenewa tsipei najuntu coyene ararana jopa be peyaputaewaxae.

¹⁶ Ichitha poxonae jiwi jume cowanta Jesucristo pon jiwi Pecanamataxeinaein, bapoxonae Nacom cana exana xua pejuntu coyeneintha peyaputaewa Moisés pia peitorobi coyenewa tatsi.

¹⁷ Jesucristo pon jiwi Pecanamataxeinaein ira Nacom pia Pejumope tuxaxu tatsi najuntu coyene jupabe. Pomonaе ba Nacom pia Pejumope tuxaxu tatsi xeina jopa nantawenonaeyo xua peexanaewa pocotsiwa Moisés pia peitorobi coyenewatha itoroba xua daxota Nacom jopa atene peexanaewa tsane barapomonaetha.

¹⁸ Daxita waxainchi wajume cowantsixae Jesucristo pon jiwi Pecanamataxeinaein, jiwi tsita itutatsi xua bara Nacom pia Pejumope tuxaxu tatsi jopa juniya naca yawenaeyo. Jopa daichichi icha Moisés ichi poxonae paparuwatha naitabara acata xua jopa peichichipaexae xua peitabara taewatsi ichamonae, tsipei bichocono itabara daedaena xua Nacom pia peitapanae coicha tatsi. Jame waxainchi jinompatsi xua ichamonae naca juntu coyene tane, xua jiwi beta peyaputaenexa xua bara Nacom pon bichocono pexeinaein pejuntu coyene xanepanaewa. Nacom pia Pejumope tuxaxu tatsi naca yawena ducuaeibiyaena bexa tsane xua waxeinaponaewa tsane pena juntu coyenewan. Icha Jesucristo ichi pia juntu coyenewatha, barichi tsainchi xua wajuntu coyenewantha xua poxonae jinompatsi.

4

¹ Nacom pata tanaantobexae pana cata barapo penacuichiwa. Daxota paxan jopa bapana paajuntu coyenefaetabiya cueicueijanyo Nacom Pejume Diwesi.

² Jopa paexanaeinyo xua pata yabara cueicueijeiba po coyene ba jiwi aura exanatsi po coyene jiwi moyu yawun xeina. Matautano jopa paexanaeinyo po coyene xua pata muxujainyabiya paebiwa. Barichi jopa payabara jume toxechinchiya exanaeinyo Nacom Pejume Diwesi xua poxonae ichamonae pata cana exanaenexa xua Jesús pejume cowantsiwatsi. Nama apara seicaya papaeban pexainyei jume diwesi. Daxota poxonae daxita jiwi pana nejume tane pia juntu coyenein tsipaebatsi xua bara xainyeya papaeban. Nacom pana jume tane daxita pocotsiwa papaeban.

³ Poxonae Nacom pia pecapanenebiyae diwesi jume pacueicueijan, icha jiwi jopa yaputaeyo baxua, apara poroxu barapomonaе weraweracaena, jopa pejume cowantsixae.

⁴ Jiton ba pon peitata quirein jopa itacupaetsi xua petaewa. Bara pocotsi juta coyeneya ichi pomonaе weraweracaena jopa itacupaetsi xua pejume cowantsiwa Nacom. Caurimonaе pia pentacaponaein tatsi jiwi juntu coyene itorobatsi barapo cae pin nacuathe. Bapon barapomonaе cana exanatsi xua jopa peyaputaewa. Daxota jopa Cristo jume cowantsichi. Matautano bapon jopa copatsiyo xua barapomonaе peyabara jume cowantsiwa Nacom pia pecapanenebiyae diwesi tatsi. Barapo diwesi bichocono wanae xua yabara caunuta xua Cristo pexeinya peitapanae coicha xeina. Bapon Cristo bara Nacom cui jupatsi.

⁵ Poxonae pacueicueijan, apara jopa pata coutha pana nayabara cueicueijanyo. Apara Jesucristo payabara cueicueijan xua bapon yatsicaya pepa Wanacanmataxeinaein. Paxan amanaya panacuitan paxam nexa pata taantobexae Jesús.

⁶ Nacom pon xua jeye: “Barabũ pecoicha ba pentha pequireiwatha”, jei. Bapon Nacom exana xua pepatopaewa pata jũntũ coyeneintha pia pexeinya jume diwesi tatsi, po diwesi copiya jopa pata yaputaewa. Pata jũntũ coyeneintha pata xeinaexae barapo diwesi pana itacũpa xua pata yabara yaputaewa Nacom pia pexeinya peitũpanae coicha xua paxan patan, xua Jesucristo pata itabara taewa.

Meje xua Pablo yabara paeba xua pejinompaeya coyenewa xua pejume cowũntsi coyeney-atha

⁷ Paxeinan pata jũntũ coyeneintha peyaputae coyenewa po peyaputae coyenewa pana cana exana xua pata yabara yaputaewa Nacom pia pexeinya peitũpanae coicha. Pata pepon saya bichoina weraweraca icha juruwato ichi xua bichoina weraweraca. Pata xeinaexae Nacom pia peyaputae coyenewa, daxota ichamonae patsita itapeinya xeinan xua peyapusu itorobi coyenewa paxeinan xua Nacom pana cata. Daxota apara Nacom piawa, jopa apara patawiyo.

⁸ Bequein jiwi ichawa beya pana jũntũ coyene jũjũta xua abe pata exanaenexa poxonae abe painta exana, ichitha awiya pana itacũpa xua pata panenebiwa bara weya. Bequein bichocono yabara pana najũntũ coyene exaban pocotsiwa jiwi painta exana, ichitha awiya jopa paaajũntũcoyenefaetabinyo.

⁹ Bequein jiwi pana nepu baraina pia abe pata neexanaetsi ichitha Nacom jopa pana copabiyo xua compa pan xua pata necuenta ponaewa. Bequein barapomona iratha pana bebai xua pata tanejutebiwa tsane, ichitha Nacom jopa pana copabiyo xua barapomona pata tanejutebiwa.

¹⁰ Daxita nacuantha ichaxota paponeiban jiwi abe pana exaneiba. Barapomona pana wan dubeiba pata tanejutebebiwa tsane icha Jesús ichichi xua bexotsi. Poxonae jopa pabobenaeyo xua ichamonae jopa pata tanejutebiwa, baxua patsita itapeinya xeinan jiwi xua apara Jesús asũ pon pata taneyawenaexae pia peyapusu coyenewatha.

¹¹ Poxonae cataunxuae pajinompan barapo cae pin nacuathe jiwi ichichipa pata tanejutebebiwa pata yabara paebi dubenanaebiyaexae Jesús. Daxota baxua jiwitha patsita itapeinya xeinan xua xaniwaicha bara Jesús pana yantsiya popona poxonae jiwi pana wan tane xua poxonae bequein muxu pata bobeneibi.

¹² Pata yabara paebixae Jesucristo jiwi muxu pata tanejutebeibi. Ichitha pata yabara paebixae Jesucristo daxota peajũntũyapusuwa paxeiname po peajũntũyapusuwa ataya tsiteca.

¹³ Nacom Pejume Diwesitha jeye: “Jume cowũntan daxota cueicueijan”, jei. Paxan pajume cowũntan icha David ichi xua poxonae baxua paeba. Irũũ paxandũ pajume cowũntan daxota pacueicueijan.

¹⁴ Payaputan xua Nacom Jesús asũ exanatsi xua petũpae cuiru coyene weya pon jiwi Pecanamataxeinaein. Barichi tsane Nacom asũ naca exanaena petũpae cuiru coyene weya, caemona waexanaeatsi Jesththa. Paxan irũũ paxamũ Nacom naca caponaena pia xainya beicha.

¹⁵ Daxita pocotsiwan xua ichamonae pana necana exana xua paatanein baxuan paca yawena xua painya nejume cowũntsinexa. Poxonae jiwi equeicha mataropeicha jume cowaantaponaena Cristo, baroxonae ayei jiwi Nacom wũnae jainchinchĩ, jei tsane: “Nacom maisa pajũntũ coyene weiweinan xua pata taneyawenaewam pata taneantobexaemxæ”, jei tsane. Baroxonae jiwi bichocono wũnae jainchina Nacom xua bapon bara beta peexanaexae.

¹⁶ Daxota jopa bapana paaajũntũcoyenefaetabiya jinompaein. Pata pepon fifinapona. Ichitha pata jũntũ coyene equeicha mataropeichiya asũya ayapusu tsooneibi daxita matacabin.

¹⁷ Po coyenein xua barapo cae pin nacuathe ichamonae atene pata tana neexanaewa jopa pana netsita ainya cuiyo tsipei saya bara caeto pana atene exana. Barapo atenewa pata tana neexanaewa pana neyabara nacui wũnaeta xua bexa tsane Nacom pata tana necatsibiwa tsane po coyenein xua bichocono wũnae xua po coyene ataya pata xeinaewa tsane po coyene xua pexeinya peitũpanae coichaxae.

¹⁸ Jopa bichocono pacayabara nanta xeineibinyo po coyenein painta daunwei xua jiwi atene pata tana neexaneibixae barapo cae pin nacuathe. Jame maisa bichocono pacayabara nanta xeinan po coyenein xua Nacom pana jũntũ coyene weiweina exanaena. Pocotsiwan xua jiwi pana necana exana barapo cae pin nacuathe weraweracaena. Nama xua pocotsiwan Nacom painta exanaena baxua ataya ayapusu tsoponae.

5

¹Pata pepon xua saya pata yawa jinompaenexa barapo cae pin nacuathe nexa icha bouto ichi xua saya pecuenta werapaenexa barapo cae pin nacuathe. Poxonae pawerapaen pata pepon weraweracaena icha bouto ichi. Bapoxonae payaputan xua Nacom icha pepon painta xeina xua pena pepon pia nacuatheicha. Barapo pepon ataya payawa jinompaen. Barapo pena pepon Nacom exana, jiwi jopa exanaeyo.

²Anoxuae bichocono pana najuntu coyene exaban tsipei bichocono bepaxeinaein icha pena pepon po pena pepon Nacom xeina pia nacuatheicha.

³Barapo pena pepon Nacom pana cata xua jopa pata jinompaenexa athabeicha poxonae jopa paxeinaeyo pepon.

⁴Poxonae cataunxuae barapo pepon payawa jinompan barapo cae pin nacuathe bichocono pana najuntu coyene exaban tsipei jiwi painta ayapube exana pata pepontha. Ichitha jopa paichichipaeinyo xua pata jinompaewa be poxonae jopa paxeinaeyo barapo peru pepon xua pata bebeixae. Jame paichichipan xua pata yawa jinompaewa pena pepon. Po pepon anoxuae payawa jinompan saya werapaena. Paichichipan xua equeicha pata xeinaewa pena pepon po pena pepon xua ataya asuya pata yawa jinompaewa tsane.

⁵Nacom pana necui yabara wunaeta xua barapo pena pepon pana catsina. Nacom pana cata pia Pejumoŕe t̄nax̄ t̄tsi xua pana netsita itapeinya xeina xua bexa tsane Nacom pena pepon xaniwaicha pana catsina.

⁶Daxita matacabin ajuntusuya pajume cowanteiban Nacom pon jiwi Pecanamataxeinaein. Payaputan xua poxonae cataunxuae barapo cae pin nacuathe payawa jinompan barapo peru pepon. Cataunxuae yatsicaya Jesucristo taju tsana pana cuenta eca, jopa cataunxuae pata xeinaexae barapo pena pepon.

⁷Pajinompan pata jume cowantsiya coyenyatha Jesús, xua bapon exanaena pocotsiwan bapon paeba, bequein cataunxuae jopa pana nebar̄ jinompaeyo itabocotheicha. Aparta jopa pajinompaeyo xua pata tataewaxae ichawa.

⁸Ajuntusuya pajume cowanteiban Nacom. Paichichipan pata bebeiwa barapo peru pepon xua po pepon anoxuae payawa jinompan pata jinompaenexa ichaxota Jesús popona pon jiwi Pecanamataxeinaein.

⁹Bichocono paichichipan xua pata exanaewa pocotsiwa bapon Jesús pon jiwi Pecanamataxeinaein ichichipa bequein barapo pepon payawa jinompan barapo cae pin nacuathe, matautano ichacuitha metha bequein poxonae painompan Nacom pia nacuatha.

¹⁰Bexa tsane daxita waxainchi bewa umenaeinchi Cristo nayabara peitabaratha. Bapoxonae barapo mataqueitha bapon yabara paebina jiwi xua penatsicuentisiwa xua abe peexanaexae Nacomtha. Daxita barompaya matoma xeinaena pocotsiwa pia peexanaexae poxonae cataunxuae jinompa barapo cae pin nacuathe. Pomonae wunaeya tanacuita xuya wunaeya matoma catsibinchi. Pomonae jopa xapain tanacuichiyo xuya antomabeya catsibinchi.

Meje xua Pablo yabara paeba xua juntea pejinompaeyo coyenewa yabara

¹¹Yaitama payaputan xua bewa pacunuwin Nacom pon jiwi Pecanamataxeinaein pata bar̄ cui itura jinaenexa bapon. Daxota pamuxuwetan jiwi xua bewa jume cowantsina Jesús. Nacom pana juntu coyene yaputane xua xainyeya bepataexanaein. Barichi paichichipan xua paxam pana juntu coyene yaputaneme beta.

¹²Paxan jopa paichichipaeinyo xua pata coutha pata nayabara paebiwa xua pata paca catsipaebiwa tsainchi xua pata ainya cui jiwixae xua daxota pata tanebar̄ cui itura jinaewam tsane. Jame nama paca tsipaebatsi po coyene xua pana nayabara paeban xua painya pata taneweyataenexa. Matautano paca tsipaebatsi xua ichamonae painya nejume noteibinexa poxonae ichamonae abeya pana neyabara paebeiba. Barapomonae pia coutha atsaquiya nayabara paeba xua daxita xanepanaya peexanaexae po coyenein xua jiwi cui tane. Ichitha barapomonae jopa najuntu coyene yabara tsaqueinaeyo xua po juntu coyenein xeina pia juntu coyeneintha po juntu coyene jopa wunaeyo.

¹³Barapomonae pana neyabara nanta xeina xua paxan pomonae pata tanentsiyabi jiwi pan xua poxonae pata cueicueijeixae Nacom Pejume Diwesi. Icha barapomonae baxua pana neyabara nanta xeina aparta poxor̄u Nacom pata taantobexae. Icha barapomonae jopa pana yabara nanta xeinaeyo xua paxan pomonae pata tanentsiyabi jiwi pan, aparta poxor̄u saya pata paca yawenaexaetsi.

¹⁴Cristo pata tana neantobexae paichichipan xua pata tatanacuichiwanexa bapon. Bara xaniwaicha payaputan xua Cristo tsit̄pa daxita jiwi pomonae pia pejume cowantsiwichixaetsi. Daxota Nacom patsitan xua paxan be pomonae pata werapaewi pan abe pata exanaexae.

¹⁵ Cristo tsitupa daxita jiwi, xua daxita jiwi pejinompaenexa Cristo nexa peexanaexae pocotsiwa bapon tsita xanepanatsi. Barapoxonae jopa jinompaesane po coyeneya poxonae tsita xanepanatsi barapomonae. Jame barapomonae bewa jinompaesane Cristo nexa pon naetotha tupa xuano xua equeicha asu exanatsi.

¹⁶ Anoxuae jopa payabara nanta xeinaeinyo xua pata yaputaewa jiwi pia pejuntu coyenein tatsi xua saya poxonae pacui tan poxonae po coyenein exana icha pomonae jopa pejume cowantsiwi ichi. Barapomonae nanta xeineiba xua jiwi pejuntu coyene yaputaenexatsi xua saya poxonae cui tainchi xua exaneiba. Bequein copiya bayatha Cristo jopa wunaeya payabara nanta xeinaeinyo, ichitha anoxuae jopa baxua paraichinyo poxoru anoxuae bara xaniwaicha payaputan bapon.

¹⁷ Pon caein naexana Cristotha pejume cowantsixae bapon pena juntu coyene xeina. Po coyenein xua bayatha exana xua peru juntu coyenein weraweracaena. Anoxuae equeicha icha pena juntu coyenein exanaena.

¹⁸ Daxita barapo pena juntu coyenein Nacom werena pona. Nacom naca cana exana xua piamonae jiwi tatsichi pomonaexaetsi bequein copiya Nacom pia peaitafaetabi jiwi tatsichi. Baxua Nacom naca cana exana Cristo wanaca tsitupaexae. Matautano Nacom pana itoroba xua paxan xuya ichamonaetha pata cana exanaenexa Nacom piamonae tatsi pomonaexae bequein copiya Nacom pia peaitafaetabi jiwichi.

¹⁹ Pocotsiwa xuaunxuae paca tsipaebatsi xua apara meje: Nacom juntema jinompa cana exana barapo cae pin nacuathe pomonae copiya pia peaitafaetabi jiwichi poxonae barapomonae yabara jume cowanta xua Cristo tsitupa barapo jiwi. Bapoxonae Nacom jopa tsitatsi xua barapo jiwi penatsicuentisiwa xua abe peexanaexae. Matautano Nacom pana cata penacuichiwa po penacuichiwa xua pata cueicueijeinexa jiwitha. Po diwesi yabara xua Nacom piamonae cana exana jiwi, pomonae bequein copiya pia peaitafaetabi jiwichi, barapo diwesi pacueicueijan.

²⁰ Paxan pomonae Cristo pata taneitorobi jiwi pan pata cueicueijeinexa bapon nexa. Bequein bara paxan paca tsipaebatsi, apara jame yatsicaewa Nacom paca tsipaeba poxonae paca tsipaebatsi. Cristo patacueicueijan poxonae jume daunweya paca jeichi: "Pana nacui barapende abe painya neexanae cuiru coyenein. Pajume cowande Cristo caemonae painya nenaexanaenexa Nacomtha", paca jeichi.

²¹ Cristo bapana jopa abe exanae. Ichitha Nacom tsitatsi xua Cristo penatsicuentisiwa xua poxoru abe waexanaexae. Bapoxonae Nacom naca cana exana xua caemonae wanaexanaewa bapontha xua wajuntu coyenein xanepanaenexa Cristo pia peexanaexae poxonae naca tsitupa. Bapoxonae Nacom tsitatsi xua jopa watsita natsicuentisiwa bequein abe waexanaethatsi.

6

¹ Nacom pata tana nebaru nacuita dubenanaebiyaexae, jume daunweya paca muxu tsipaebiya jeichi: "Painya xoba panaitematame po diwesi xua Nacom paca cata paca necaantobexae. Barapo diwesi apara xua Nacom juntu coyene xanepana exana jiwi pomonae pejume cowantsixae", paca jeichi.

² Tsipei Nacom, pewunaeya poxonae xua jiwi yabara cui cananta xeinaeinchi peyawaenexa tsainchi, Nacom Pejume Diwesitha namchi, jeye:

"Po matabi jiwi yabara cui cananta xeinaein tayawenaenexa tsane, barapo mataqueitha paca jume tainchi. Po matabitha jiwi capanenebiyaein paxam yawa paca yawenaeinchi", jei Nacom Pejume Diwesitha.

Anoxuae apara barapo matabi jopa, po mataqueitha Nacom naca yabara cui cananta xeina wanaca yawenaenexa.

³ Poxonae Nacom patanacuita dubenanaebiyen paichichipan xua daxita jiwi xaniwaicha pata tatsita jinompaewa, xua daxota daxita jiwi pejume cowantsiwanexa. Jopa abe paexanaeinyo bequein xua tsiwiy xua abe pata exanaewa xua jiwi pata nejume aebiyainwa Nacom Pejume Diwesi poxonae patsipaeban.

⁴ Jame apara daxita beta paexana dubenanaebiyen jiwi pata tsita itapeinya xeinaewa xua apara jiwi pata taneyaputaenexa xua Nacom patanacuitan. Baxua paexanan poxonae awiya saya juntema pajinompan poxonae bequein ichamonaen atene pana exana, xuano bequein painta seica pocotsiwa panantawenonan, xuano bequein poxonae bichocono painta yapu daunwei tsabi poxonae paexaneiban.

⁵ Ichacuitha jiwi pana beiba bichocono. Matautano ichacuitha jiwi pana cuaranobeiba jiwi pecabi bontha. Matautano ichacuitha jiwi ayei jiwi anaepanaya pana

netsaquibabeiba poxonae jiwi ayei асуа. Poxonae panacuiteiban, bichocono ayapusya panacuiteiban. Ichacuitha merawitha jopa pamaiteibinyo tsipei saya paexaneiban Nacom pia penacuichiwa tatsi. Ichacuitha tsaibi bichocono pajainpeiban.

⁶ Jiwi patsita itapeinya xeinan xua paxan pomonae Nacom pia petanacuichi jiwi tatsi pan xua Nacom pata tsita јунта coylene xanepanaexae, matautano tsipei poxoru payaputan pocotsiwa pexainyei jume, matautano jopa pata casebixae pomonae bequein painta abe exana, xuano xua xanepanaya pata taexanaexae ichamonae, matautano Nacom pia Pejumope тнаху tatsi pata tanebaru јиномпаexae, xuano xua ichamonae xaniwaicha pata taantobexae.

⁷ Bara xaniwaicha payabara paeбан po coyene pexainyeiwa. Paxan paxeinan Nacom pia peayapusu itorobi coyenewa tatsi. Pata Nacom pata tsita јунта coyene xanepanaexae, paxeinan pocotsi coyenewa xua panantawenonan xua pata tacueicueijeinexa Nacom. Paxan panacui wetan xua Nacom patanacuitan.

⁸ Ichacuitha jiwi pana nebaru cui itura jineiba, ichamonae jopa pana tsita daicheibiyo. Ichacuitha ichamonae wнаеуа pana neyabara paebeiba. Ichacuitha ichamonae abeya pana neyabara paebeiba. Ichamonae pana neyabara paebeiba xua paxan pomonae jiwi pata muxuitorobi jiwi pan. Ichamonae pana neyabara paebeiba xua paxan pomonae apara xaniwaicha pata paeби jiwi pan.

⁹ Ichacuitha ichamonae jopa ichipaeyo xua pata taneyabara yaputaewa xua paxan Jesús pia peitorobi jiwi tatsi pan. Pana yabara nanta xeina xua saya jiwi pan bequein daxita jiwi bara xaniwaicha pana neyaputane xua paxan Jesús pia peitorobi jiwi tatsi pan. Ichacuitha ichamonae pana neyabara nanta xeineiba xua paxan bara imoxoyo muxu pata bobeneibi, ichitha awiya асуа pajinompeiban. Jiwi pana neatene exaneiba, ichitha jopa pana neјutebeibiyo.

¹⁰ Bequein ichacuitha bara pajuntу coylene wecoyan pata painta exanaexae ichamonae, daichitha awiya pajuntу coylene weiweinaya јinompeiban. Metha bequein paxan be pomonae peacopeibiwi pan tsipae ichitha paxeinan nawita Nacom weya pocotsiwan xua payawenan ichamonae. Bapoxonae barapo ichamonae be pomonae copei pexainaewi naexana tsipei jume cowanta Nacom Pejume Diwesi xua papaeban. Bequein bara be pomonae jopa pata xeinae jiwi pan pocotsiwa xeina po cae pin nacuathe, daichitha apara bara paxeinan daxita po coyenein Nacom pana cata po coyenein xua jopa pewerawera-caewa.

¹¹ Tamonae pam, paxam pomonae Corinto tomarapiwi pam. Daxita xua po coyenein tajuntу coyenewatha nanta xeinan baxuan paca tsipaebatsi. ¡Bichocono tajuntу coyenewatha paca antobetsi!

¹² Amanaya bichocono jopa juniya paca antobetsi. Ichitha nama paxam barapomonae pam, pomonae pam jopa paichichipaem xua painyamonaе jiwi tapana neexanaewam.

¹³ Xan paca tsipaebatsi xua be poxonae icha coxiyan ichi xua tsipaeba pia pexuyotha. Paca jeichi: “Xuya daxita painya neјuntу coyenewatha paneantobeinde icha paca ichichi xua tapaca antobewatsi bichocono”, paca jeichi.

Meje poxonae Pablo jeye: “Icha Nacom ichi xua popona pia pin botha barichi Nacom pana nebaru јиномпа”, jei

¹⁴ Jopa caemonae pana naexanaeinde pomonaetha pomonae jopa pejume cowuntsi jiwi. Tsipei pon peјuntу coylene xanepanaein jopa itacupaetsi xua pecueyatsiwa pontha pon peajuntуcoyenebein. Barichi xua pequireiwatha peyonoyoneiwa jopa itacupaetsi xua quirei tsanaya baxota, awiya peyonoyoneixae.

¹⁵ Barichi Cristo pon xanepanaya peexaneibin jopa itacupaetsi xua pecueyatsiwa caurimonae pia pentacaponaeintha tatsi, pon abe peexaneibin. Barichi pon pejume cowuntsin jopa itacupaetsi xua pecueyatsiwa pontha pon jopa pejume cowuntsin, poxoru jopa јupaeyo xua nanta xeinabe.

¹⁶ Barichi Nacom pin pia botha jiwi jopa bewa wнае јainchina ibo nacomun. Saya meisa bewa wнае јainchina Nacom barapo botha. Nacom patsitan xua paxan bara be Nacom pin pia bo tatsi. Icha Nacom ichi xua popona pia pin pia botha, barichi Nacom naca baru јиномпа, pon ataya асуа popona. Nacom caena bayatha baxua yabara jeye:

“Barapomonae baru poponaein yawa
cueyata ducunaebiyein.
Matautano barapomonae pia Nacomun
tatsin tsane.

Barapomonae tamonae naexanaena”, jei Nacom.

¹⁷ Daxota Nacom pon Pecanamataxeinaein jiwi, equeicha yabara paeба pomonae jopa pejume cowuntsiwi. Nacom piamonaetha jeye:

“Barapomonae pia xainya weya paponare.

Jopa caemonae pana nayawa
exanaeinde barapomonae.

Jopa paexanaeinde peabe coyene po
coyene barapomonae exana.

Nexata xan paca matenta weyataeya wabinchi.

¹⁸ Xan naexanan xua xan painya Axan.

Matautano paxam taxanton jiwi pam tsane,
xuano ira taxantixi jiwi pamda”,
jei Nacom piamonaetha pon daxita peayapusa
itorobi coyenewan pexeinaein.

7

¹ Tamonae pam, paxam pomonae tapaca caantobe jiwichi pam. Xuaunxuae po diwesi paca tsipaebatsi baraxuan apara Nacom yabara naca tsiwinae muxu duta xua pocotsiwa wanaca cana exanaewa. Daxota waxainchi bewa daxita abe waexanae cuiru coyenewan pentichi po coyenewan xua wapepon exana, xuano xua wajuntu coyene nanta xeinano. Matautano bewa xua Nacom junuwiya wabarã cui itura jinaewatsi tsainchi. Matautano bewa xanepanaya exanaponaetsi beya poxonae bichocono Nacom watsita juntu coyene xanepanaewa tsane xua jopa wanatsicuentisiwa xua abe waexanaexae bapontha.

Meje xua poxonae Corinto tomarapiwi icha juntu coyene xeina xua Jesús pejume cowantsixaetsi

² Equeicha caewa pana neantobeinde tsipei paxan jopa abe pacata exanaetsi. Paxan jopa abeya pamatacaponaeinoyo ichamonae xua xuyã abe peexanaexa. Matautano ichamonae jopa pamuxujainyabeibinyo.

³ Jopa baraxua paca tsipaebichi xua paca yabara paebatsi xua abe painya neexanaewam. Bayatha copiya paca tsipaebatsi, paca jeichi: “Tajuntu coyenewatha bichocono paca antobetsi, bequein metha poxonae paca barã werapaetsipatsi, xuano metha bequein poxonae paca barã jinompaetsipatsino”, paca jeichi.

⁴ Barã bichocono paca yabara jume cowantatsi xua po coyene tapaca catsipaebi-watsi tsainchi pocotsiwa tajuntu coyenewatha nanta xeinan xua pocotsiwa painya neexanaenae tsane. Matautano paca yabara winae jaintatsi poxonae ichamonae tsipaeban poxoru tapaca cui yabara paebixaetsi. Bequein ichamonae atene neexana, daichitha poxonae jume tan pocotsiwa praexaname pana nejuntu coyene tsacaba exaname xua juntema tapoponaewa. Matautano barichi bichocono panejuntu coyene weiweina exaname.

⁵ Poxonae po mataqueitha weya papatan Macedonia nacua weya jopa cuinaya juntema painompaeinyo xua jiwi abe pata tana necana exanaewa daxita coyeneintha. Pomonae jopa pejume cowantsiwi bichocono pana casebeiba pata natsipei cueicueijeixae Jesús pejume diwesi. Barichi pomonae pejume cowantsiwi junuwiya payabara najuntu coyene exabeiban nawita xua jopa xanepanaya pejinompaewa tsipae.

⁶ Daichitha Nacom pana juntu cui coyene tsacaba xua juntema pata jinompaewa poxonae bequein paatanein tsaibi. Barapon Nacom apara pon jiwi cana exanatsi xua juntema pejinompaewa poxonae bequein juntu coyene wecoyeyi. Baxua Nacom pana necana exana poxonae Tito patopa pata xantha.

⁷ Rajuntu coyene weiweinan xua bapon pepatopaexae. Ichitha jame yatsicaewa pana nejuntu coyene tsacabame xua poxonae bapon pana netsipaeba xua pinae xanepanaya pata exaname bapon. Bapon pana netsipaeba paxam yabara xua pinae pajam: “Maise Pablobarã bepataebenaein. Bichocono pawecoyan yaitama Pablobarã abe exanatsi ichamonae. Daxota payabara najuntu coyene exaban bapon”, pinae pajam. Poxonae baxua jume tan bichocono juntu coyene weiweinan.

⁸ Bequein xan paca juntu coyene wecoyeyi exanatsi xua po cartatha copiya pacata tinatsi, daichitha anoxuae baxua jopa yabara auranyo bequein copyatha yabara auran baxua. Barapo carta saya bara caeto paca juntu coyene wecoyeyi exana.

⁹ Ichitha anoxuae juntu coyene weiweinan xua jopa apara poxoru painya nejuntu coyene wecoyeyixae poxonae payorobame barapo carta, saya apara jame poxoru Nacom icha juntu coyene painya netsita xeinaexae. Paxam rajuntu coyene wecoyam icha be pocotsi coyeneya Nacom peichichipaewa xua abe painya neexanaexae. Daxota paxan jopa abe pacata exanaetsi.

¹⁰ Poxonae jiwi juntu coyene wecoyeyi icha be pocotsi coyeneya Nacom ichichipa, barapo peitanuwetha jiwi cana exanatsi xua peurawa abe peexanaexae bapoxonae barapo

jiwi Nacom jume cowuntatsi. Bapoxonae Nacom jopa tsita natsicuentichi xua abe peexanaexae. Barapomonae icha juntu coyenein xeina poxonae barapomonae capanenebiyatsi abe pia peexanae cuiuru coyenein weya tatsi. Bapoxonae barapomonae jopa bewa aura tsane xua copiya juntu coyene wecoyei. Ichamonae pomonae jopa pejume cowuntsiwi Nacom, poxonae barapomonae wecoyei xua jopa peauraxae poxonae abe exana, ichitha barapo itanuweha barapomonae jopa yawenaetsi. Apra saya barapomonae werapaena Nacom petsita abe exanaexaetsi.

¹¹ Po itanuwe Nacom pacata copata bayatha jame barapo itanuwe paca yawena. Barapo itanuwe paca exana xua paca juntu coyene tsacaba xua beta painya neexanaenexa. Matautano paca exana xua pacui yabara nanta xeiname pon abe peexanaein. Bapoxonae nainya paitawetame bapon, abe peexanaexae. Barichi be patsita itapeinya xeiname Nacom xua paxam jopa panatsicuentisim xua jopa be barapocotsi coyenewiyo pocotsi coyenewa xua bapon exana. Matautano paauram xua painya necopatsiwa bapon xua bara abe peexanaewa. Matautano pajunuwame xua Nacom atene paca exana poroxu bapon abe peexanaexae. Bapoxonae be pabebam painya xainya weya po coyene xua bichocono abe. Daxota paitawetame bapon. Daxita beta paexaname. Painya netsita itapeinya xeinaewa Nacomtha xua apra daxita paxam jopa abe paexanaem. Saya meisa bapon abe peexanaexae.

¹² Bayatha pacata tinatsi po carta xua paca itanuwe exana xua Nacom painya tsita itapeinya xeinaenexa xua xaniwaicha bara pana neantobem painya neexanaexae pocotsiwa paca itorobatsi. Apra jopa pacata tinaetsi xua saya poroxu tayabara nanta xeinaexae pon abe exana, xuano iru pon coseuri pitatsi, xua tayawenaewa tsane.

¹³ Pata taneantobemxaem pana nejuntu coyene tsacabame xua tajuntu coyene weiweinaewa.

Barichiru daxita paxam Tito pajuntu coyene cui tsacabame daxita pocotsiwantha xua beta painya paebixaem bapontha. Jame yatsicaewa bapoxonae bichocono pajuntu coyene weiweinan xua poxonae Tito pacana exaname, beyacaincha poxonae pana necana exaname xua poxonae pajuntu coyene weiweinan.

¹⁴ Poxonae Tito taxainya weya bara muxu peponaeba matha beta paca yabara paebatsi bapontha, janje: “Maisa Corinto tomarapiwi pomonae pejume cowuntsiwi weyatan xua bichocono pejuntu coyene xanepanaexae Nacomtha”, jan. Paxam jopa panejuntu coyene aura exanaem. Xua ba paca tsipaebeibatsi baraxua bara pexainyeiwa tsaibi. Matautano pocotsiwa paca yabara paebatsi Titotha baxua apra bara pexainyeiwano iru.

¹⁵ Bapon Tito bichocono paca antobe anoxuae beyacaincha poxonae cataunxuae jopa paca siwa ponaeyo. Bapon paca yabara juntanaina xua paxam pabarū jume jejam tsaibi pocotsiwa paca itorobeiba. Matautano bapon pantenta weyataeya wabame painya barū itura jinaexae bapon. Matautano pajunuweibame xua abe painya neexanaeyainwa bapon.

¹⁶ Maisa bichocono juntu coyene weiweinan xua tapaca yabara jume cowuntsiwatsi xua daxita coyenewan painya neexanaewaxae po coyene xua wanae.

8

Meje xua poxonae Pablo yabara paeba xua Cristo piamonae tatsi paratixi pecacomocae paratixi jehebapona pomonae peacopeibiwi nexa

¹ Tamonae pam, paichichipan xua painya neyabara yaputaewa xua Nacom pia peyawenaewa jiwi, pia peantobexae. Ichichipan xua tapaca tsipaebiwatsi po coyene Nacom tsita itapeinya xeina barapo pia peantobe coyenewa pomonaetha pomonae pejume cowuntsiwichi, pomonae penacaeutisi bonmonae jiwi xua pomonae wanae pejainteibiwi Nacom pomonae xua Macedonia nacuatha jinompa.

² Bequein barapomonae bichocono daunweya juntu coyene jujutatsi poxonae ichamonae abe taexana barapomonaetha, daichitha awiya cataunxuae barapomonae juntu coyene weiweina. Bequein barapomonae peacopeibi jiwi, daichitha barapomonae catsibeiba nawita paratixi pecacomocae paratixi petaitorobinexa pomonaetha pomonae peacopeibi jiwi Jerusalén tomarapiwi be poxonae yatsicaewa pepa copei pexeinaewi.

³ Xan tan xua barapomonae cata nawita be po coyeneya xua daxita itacupatsi xua pecatsibiwa. Matautano ichawano catsiba beyacaincha xua poxonae itacupatsi xua pecatsibiwa.

⁴ Barapomonae bichocono pana muxu fayacotsiya jeye: “Bara pana copare xua bara Jerusalén tomarapiwi patacatsibinexa paratixi pecacomocae paratixi pomonae iru pejume cowuntsiwi, pomonae peacopeibi jiwi”, pana jei.

⁵ Barapomonaē baxua exana beyacaincha xua pocotsiwa pananta xeinan xua barapomonaē itacupatsi xua pocotsi coyeneya pecatsibiwa tsane. Matautano barapomonaē juntucuru nanta xeina xua bara petanacuichinexa tsane Nacom nexa daxita pejunta coyeneinyatha. Bapoxonaē juntucuru nanta xeina xua barapomonaē bara pata taneyawenaexa tsane be pocotsi coyeneya Nacom ichichipa.

⁶ Daxota Tito paitoroban xua nacui wetsina xua penonotaponaewa tsane paratixi pecacomocae paratixi, tsipei bapon bayatha caena tamropata pitaba xua penonotaponaewa paratixi painya xantha. Poxonaē barapo paratixi pacatsibaponame bara pexeinya coyene paexanaponaē peacopeibiwitha painya neantobewaxae.

⁷ Paxam bichocono jopa juniya paxeinaem po coyenein xua painya neexanaewa. Bichocono pajume cowantame Nacom. Matautano betiya pacueicueijam Nacom Pejume Diwesi, xuano bichocono payabara yaputaneme Nacom Pejume Diwesi. Matautano bichocono painya junta coyenewatha paichichipame xua ichamonaē painya neyawaewa. Matautano bichocono pana neantobem. Daxota bichocono jopa juniya toxeinchiya paexanaeinde xua painya neyawaewa xua poxonaē paratixi pacatsibame pomonaetha pomonaē iru pejume cowantsiwixae. Baraxua paexande painya neantobexae barapomonaē.

⁸ Poxonaē baxua paca tsipaebatsi jopa paca itorobichi xua painya neexanaewanexa. Saya apara jame paca tsipaebatsi baxua xua tayaputaenexa icha bara metha paxam bichocono paantobem ichamonaē icha Macedonia nacuamonaepiwi ichi. Barapomonaē bichocono antobe ichamonaē daxota yawena nawita.

⁹ Paxam payaputaneme xua Jesucristo naca antobe pon Wanacanamataxeinaein. Jesucristo poxonaē Paxatha popona copiya daxita xeina be poxonaē yatsicaewa copei pexeinaein. Daichitha bapon pia coutha nacana exana be pocotsin jopa copei pexeinaein poxonaē paxa cuenta pona. Poxonaē jiton pia coyeneya nacana exana bapoxonaē acopeibi nacana exana pia paca necaantobewaxae. Daxota xuya nawita painya nexeinaē jivi pam tsane xua po coyenewa Jesucristo xeina.

¹⁰ Paca tsipaebatsi baxua painya tapaca cayawenaexaetsi. Nanta xeinan xua paxam bewa panacui yabara wetsiname pocotsiwa xua bayatha icha weitha patamropata notacupame xua paratixi painya nejehebaponaewa Jerusalén tomarapiwi nexa. Baxua bayatha paexaname painya junta coyeneintha bichocono painya neichichipaexae xua painya neexanaewa baxua.

¹¹ Icha copiya paichim xua paichichipame nawita xua painya neexanaewa baxua, paexanaponde beya poxonaē panacui yabara wetsiname. Padodoutaponde xua be pocotsi coyene paca cui jupa xua pocotsi matoma paxeineibame xua pajiwana tsabeibiname paratixi.

¹² Icha pebin ichichipa xua pecatsiwa paratixi Nacomtha bapon bara nata jiwana wetsatsina paratixi xua catsina be pocotsi coyene xua cui jupatsi xua pecatsiwa. Pocotsiwa bapon cata bara Nacom wecobe pita. Saya poxoru Nacom jopa pewacaexae poxonaē pebin bequein jopa xeinaeyo taethatsi. Saya jame icha jivi cui jupatsi xua pecatsiwa poxonaē xeina, bapoxonaē jame Nacom wecobe pita.

¹³ Jopa paca tsipaebichi xua ichamonaē bewa payawenaename xua painya necatsibiwa daxita xua paxeiname xua beya poxonaē daxota painya neacopeibiwa tsane.

¹⁴ Saya jame paca tsipaebatsi xua paxam copei pexeinaewi pam iru peacopeibiw Jerusalem tomarapiwi bewa peburu jupaeya paxeinaename. Metha anoxuae paxeiname nawita, ichitha barapomonaē jopa xeinaeyo. Daxota paxam pomonaē nawita painya nexeinaē jivi pam bewa pacatsibiname pomonaetha pomonaē jopa xeinaeyo pocotsiwa barapomonaē nantawenona. Metha bexa tsane barapomonaē xeinaena nawita ichitha paxam jopa paxeinaem tsane. Bapoxonaē bewa barapomonaē xuya paca catsibina pocotsiwa panantawenoname. Bapoxonaē daxita pam nanta jupaeya paxeinaename.

¹⁵ Nacom Pejume Diwesitha baxua yabara jeye: “Pon nawita pexeinaein copiya, beyacaincha xua pocotsiwa nantawenona, bapon jiwana wecata ichantha pocotsiwa xua jopa pecanantawenonaexae. Pon xua tsiwiyo xeina copiya xua daxota taseicatsi pocotsiwa nantawenona, pirapae xeina pocotsiwa pecanantawenonaewa poxoru pon nawita xeina piawa jiwana wecata bapontha”, jei Nacom Pejume Diwesitha.

Meje xua Tito yabara iru pomonaē pia peyanabiwatsiru

¹⁶ Tsipaeban Nacom, janje: “Nacom maisa junta coyene weiweinan xua Tito pejunta coyenewatha yabara nanta xeina ducuaebiya Corinto tomarapiwi xua peyawenaenexa barapomonaē icha xan ichin”, janje.

¹⁷ Bapɔn Tito jũntũ coyene weiweina pɔxonae patsipaeban xua pia paca necayawenonaeewa tsane. Daxota anoxuae bapɔn pia coutha paca siwa ponaena peichichipaexae xua pia paca yawenaetsi.

¹⁸ Ichũndũ paitoroban pon pejume cowũntsindũ xua Tito pepuna ponaenexatsi. Daxita pomonae pejume cowũntsiwi pomonae penacæuteibi jiwĩ xua wũnae pejainteibiwi Nacom barapomonae bapɔn beta yabara nanta xeinatsi, tsipei pinae bapɔn beta xanepanaya cuiduba Nacom pia pecapanenebiyae diwesi jume.

¹⁹ Jopa meisa pebaxuaxae. Jame yawa mataũtano barapomonae pomonae pejume cowũntsiwi peitapetsixae barapo pebin xua bapɔn pata tanebarũ ponaenexa pɔxonae pacapanan paratixi peacopebiwĩtha pata antobexae barapomonae. Barapo penacuichiwa pata exanaexae pabarũ cui itura jinan Nacom pata exanaexae pocotsiwa bapɔn pana itoroba. Mataũtano pɔxonae baxua paexanan patsita itapeinya xeinan xua paichichipan xua nantiya pata tanayawenaewa.

²⁰ Paichichipan xua xaniwaicha beta paexanan pɔxonae pin paratixi cun pacaponan xua jiwĩ abe pata neyabara paebiyainwa.

²¹ Paichichipan nawita xua xainyeya pata exanaewa Nacom peitabaratha tatsi xuano xua jiwĩ peitũtha tatsino.

²² Barichino ichũno paitoroban pon pejume cowũntsindũ xua bapɔnbe Tito pepuna ponaenexa tsainchibe. Bapɔn pon cotacaya paitoroban, pajũntũ coyene jũjũtan pata yaputaenexa icha bara metha beta nacuita Nacom nexa. Bara bapɔn beta jume cowũnta ducuaenabiya. Daxota bapɔn irũ paitoroban. Bapɔn ichichipa nawita xua pia paca yawenaewa tsane pia paca yabara jume cowũntsixae xua bara beta paexaname.

²³ Icha ichũn paca yabara yainyaba Tito pana nejume cayabara jume jande bapɔntha xua janje: “Bapɔn taneyantsin. Bapɔn neyanta xua penacuichiwa po penacuichiwa xua tapaca yawenaewatsi. Ponbe Tito puna poinchibe bapɔnbe itorobatsibe pomonae pejume cowũntsiwi. Bapɔnbe tsita itapeinya xeinabe barapomonaetha xua bara xaniwaicha pejume cowũntsinbe Cristo, xua daxota barapomonae wũnae pejainchinxea Nacom”, pana nejume cayabara jande.

²⁴ Barapo acoibi poyobe xaniwaicha pantenta weyataeya wabare pɔxonae patsina painya xantha. Vapɔxonae pɔxonae baxua paexaname patsita itapeinya xeinaenome pomonae pejume cowũntsiwi xua xaniwaicha bara paantobem barapo acoibi poyobe. Vapɔxonae barapomonae paca yabara cui yaputaena, xua paxan xaniwaicha papaeban xua pɔxonae jũntũ coyene weiweinaya atsaquiya tapaca yabara paebiwatsi xua painya nejume cowũntsixae.

9

Meje xua paratixi pejehebaponaewa yabara pomonae pejume cowũntsi jiwĩ nexa, pomonae peacopeibi jiwĩ xua pomonae Jerusalén tomarapiwi

¹ Jopa nantawenonaeinyo xua equeicha tayabara tinaewa xua painya neyawenaenexa ichamonae pomonae irũ jume cowũnta xua painya necatsibinexarũ paratixi pomonae Jerusalén tomarapiwi.

² Bara yaputanba bayatha xua bichocono painya neichichipaewa xua painya necatsibiwa paratixi. Paca yabara paebeibatsi Macedonia nacuamonaepiwĩtha, janje: “Bayatha icha weitha Acaya nacuapiwi najũntũ cui coyene wũnaeta xua jehebaponaena paratixi peacopeibiwi nexa”, jan. Barapo Macedonia nacuapiwi, najũntũ cui coyene tsacaba xua irũ pebarichinexarũ pejume taexae xua pinae paxam paichichipame nawita po coyene painya neyawenaewa.

³ Barapo acoibi poyobe itoroban xua ichamonae jopa taneyabara paebinexa tsane xua tanaerabiwa xua bayatha tapaca yabara paebixae. Daxota bewa pana nacui wũnaetsiname xua painya nejehebaponaewa paratixi xua painya necatsibinexa ichamonae.

⁴ Metha barapo Macedonia nacuamonaepiwĩ jiwana nebarũ ponaena pɔxonae paca siwa ponaeinchi. Metha barapomonae paca taetsipa xua jopa pana nacui yabara wũnaetsim xua painya nejehebaponaewa paratixi xua painya necatsibiwa ichamonae. Vapɔxonae bichocono paauran tsipae tsipei bayatha paca yabara paebatsi xua paxam pacatame nawita. Irũrũ paxam paauram tsipae.

⁵ Nanta xeinan xua bewa copiya itorobin barapo acoibi poyobe xua bara poyobe copiya paca siwa ponaena beya pɔxonae xua paca siwa ponaeinchi. Barapɔxonae barapoyobe painya nepaca yawenaenexa xua penotaponae paratixi. Bayatha pana nemuxu tsipaebame xua pinae paichichipame painya necatsibiwa ichamonae barapo paratixi. Po paratixi panotaponame panacui yabara wetsiname, baxua patsita itapeinya

xeiname xua saya jopa apara poxoru bewa pacatsibim. Saya poxoru painya coutha painya neichichipaexae xua painya necatsibiwa.

⁶ Payabara nanta xeinare po diwesi ba xua jeye: Pon ba conotha uba ba conotha jota pocotsiwan xua penawetsiwan. Pon ba jopa juniya ubiyo ba jopa juniya jotsiyo pocotsiwan xua penawetsiwan.

⁷ Daxita pomonae pejume cowantsiwi bewa catsibeibina be pocotsi coyeneya nanta xeina pejuntũ coyenewatha. Jopa bewa asiwiya catsibeibi icha aichaxaibi xua pecatsibiwa. Matautano jopa bewa catsibeibi poxoru ichun pecui itorobixae xua pecatsibeibiwa tsane. Nacom tsita juntũ coyene xanepanatsi nawita pon juntũ coyene weiweinaya douteiba ichamonaetha.

⁸ Nacom bara itacũpatsi xua daxita painya nepaca catsibiwa pocotsiwan panantawenoname, matautano ichawano xua bichocono nawita beyacaincha pocotsiwa xua panantawenoname. Bapoxonae paxeinaename pocotsi coyeneya xua paca cui jupa xua pajuntũ coyene weiweinaya catsibiname ichamonaetha.

⁹ Nacom Pejume Diwesitha pon nawita pecatsibin jiwi bapon yabara jeichichi, jeye: “Pon catsibeiba poneiba nawita pomonaetha pomonae peacopeibi jiwi Nacom jopa juniya xuya catsibeibi tsane bapontha, xanepanaya peexanaexae”, jei Nacom Pejume Diwesitha.

¹⁰ Apara Nacom pon catsibeiba jiwi po pexu xua jiwi peabinexa. Matautano apara Nacom pon catsibeiba pexaewa xua jiwi pexaenexa. Barichi Nacom paca catsibeibina beyacaincha xua pocotsiwa panantawenoname. Bapoxonae paca cui jupaena xua ichamonaepainya necatsiba dubenanaebiyaewa tsane nawita, pocotsiwa jopa panantawenonaem.

¹¹ Nacom nawita paca catsibina xua daxota paca itacũpaena xua ichamonaepacatsiname nawita. Poxonae pacaponaein barapo paratixi xua pata itorobame peacopeibi jiwi nexa, Jerusalén tomaratha, bapoxonae barapomonae Nacomtha jeye tsane: “Nacom maisa pajuntũ coyene weiweinan xua painta exaname xua daxota barapo Corinto tomarapiwi painta itoroba paratixi”, jei tsane.

¹² Poxonae barapo paratixi pacatame barapo pejume cowantsiwiwitha, bara barapomonae pacatame pocotsiwa barapomonae penantawenonaewa. Matautano painya neexanaexae baxua barapomonae wũnae jainteiba Nacom.

¹³ Barapomonae wũnae jainta Nacom painya nejejeixae xua paexaname po coyene Cristo pia pecapanenebiyae diwesitha paca itoroba. Matautano barapomonae Nacom wũnae jainchinchichi, painya neyawenaexae poxonae pacatame paratixi nawita barapomonaetha xuano xua daxita ichamonaethara.

¹⁴ Barapomonae Nacomtha pacata wũcaena pia paca necaantobewaxae poxoru barapomonae patsita itapeinya xeiname xua Nacom bichocono paca yawena pia paca necaantobewaxae.

¹⁵ Nacomtha patsipaeban, pajanje: “Nacom maisa pajuntũ coyene weiweinan xua nexanto painta amanaya itorobicame pata xantha. Baxua pocotsiwa xua painta exaname bichocono jopa juniya xanepanaeyo xua jopa pana itacũpaeyo xua po jumetha pata yabara paebiwa”, pajan.

10

Meje xua Pablo yabara paeba pia peitorobi coyenewa

¹ Xan Pablon paca jume fayacotatsi. Paca tsipaebatsi icha be pocotsi coyeneya Cristo ichi poxonae paeba. Bapon tsipaeba jiwitha pebaru cui itura jinae coyenetha xuano peantobe coyeneyatha. Paxam pinae pana neyabara paebame pinae pajam: “Poxonae Pablo popona pata xantha saya jopa jume daunweyo poxonae pana netsipaeba. Ichitha poxonae tajũ wepainta tineibarena jume daunweya painta tineibarena”, pinae pana neyabara jam.

² Poxonae paca siwa ponaeinchi jopa paexanaeinde pocotsiwa xua daxota bewa paca tsipaebinchichi pocotsi jumeintha xua daxota jume daunweya tapaca catsipaebiwa tsainchi. Ichamonaepaxam jiwana pana neyabara paeba xua pinae abe paexanan poxonae paexanan pocotsiwa Nacom pana itoroba icha pocotsi jiwimonae ichi pomonae jopa pejume cowantsiwi. Bewa jume daunweya tsipaebin barapomonaetha xua baxua yabara xua taneyabara paebiwa.

³ Bara xaniwaicha xua paxan apara saya jiwi pan. Bequein paxan pajinompan barapo cae pin nacuathe, ichitha poxonae pacuiduban Nacom Pejume Diwesi jopa paexanaeinyo icha barapo cae pin nacuathepiwi ichi poxonae yabara naba peexanaenexa pocotsiwa ichichipa.

⁴ Jopa paxeinaeinyo xua pesojeiwan xua pata nabinexa xua pocotsiwa barapo cae pin nacuathepiwi xeina. Daichitha paxeinan Nacom pia peayapusu itorobi coyenewa tatsi xua baraxota pata nayaewatsinexa. Barapon Nacom pia peayapusu itorobi coyenewa tatsi pana necana exana xua paamanayaban po peayapusuwa barapo cae pin nacuathepiwi xeina xua saya caurimoniae pia pentacaponaein tatsi pia peayapusuwa tatsi.

⁵ Ichamoniae najume matsontsonoba poxoniae pacuecueijan Nacom Pejume Diwesi jopa peichichipaexae xua Nacom peyaputaewa tsainchi. Barapomoniae pajume amanayaban poxoniae najume matsontsonoba. Barichi pomoniae atsaquiya penayabara paebiwi pia coutha poxoru jopa ichipaeyo xua Nacom peyaputaewa tsainchi, barapomoniae pacui amanayabandu. Paxan pacopatan xua bara Cristo pata tanecanamataxeinaewa daxita pata tananta xeinaewatha, xua daxota pata exanaewa pocotsiwa Cristo pana itoroba.

⁶ Paxan panacui wanaetan xua pata muxuwetsiwa pomoniae jumefeba Nacom pomoniae painyamoniae jiwana pamxaem. Baxua paexanaein barapomoniaetha poxoniae paxam matha tsiwanaya xaniwaicha pajume jejam tsurubenanaebiyam tsane xua paexana dube-nae-biyame pocotsiwa Cristo ichichipa.

⁷ Paxam paca tsitatsi xua paxan be pomoniae jopa peainya cui jiwi pan poxoniae saya pana taneme. Jopa pana nejuntu cui coyene yaputaem po coyene xua paxeinan pata juntu coyeneintha. Icha ichu xaniwaicha pia coutha nayabara nanta xeina xua bapon Cristo piamoniae jiwana tatsi, bapon bewa barichi xua bewa pana yabara jantanainae xua paxan bara Cristo piamoniae jiwana tatsi pan icha bapon ichi.

⁸ Jopa auranyo xua pata coutha pata nayabara paebiwa baxua bequein pata coutha atsaquiya pana nayabara paeban xua janje baxue: "Apara Nacom pana cata pia peayapusu itorobi coyenewa xua pata paca cayawenaenexa tsainchi xua painya nejuntu coyene xanepanaponaenexa. Apara jopa pana catsiyo barapo peayapusu itorobi coyenewa xua pata paca abe exanaewatsi tsainchi", xua jan.

⁹ Jopa ichipaeinyo xua pata taneayabara nanta xeinaewam xua pana pata tanejume cunuwiwam xua pacata tinatsi cartan.

¹⁰ Ichamoniae neyabara paeba, jeye: "Pablo pia cartantha xua taju wenacata tineibarena bichocono ayapube xua wayabara jume cowantsiya exanaewa yawa bichocono jume daunwei tsaibi. Ichitha poxoniae bapon patopa waxantha pia pepon saya pecui pawu xuan poxoniae cueicueijeji jopa naca tsita ainya cuiyiyo", jei barapomoniae.

¹¹ Barapomoniae apara bara bewa pana neyaputaena xua paexanaein pocotsiwa xua cartantha papaeban poxoniae papatsin barapomoniae pia tomaratha tatsi.

¹² Pata coutha jopa pana nayabara nanta xeinaeinyo xua paxan pacui jupan xua pomoniae pia coutha penayabara nanta xeinaewi xua peainya cui jiwi naexana. Saya barapomoniae pia coutha nayabara nanta xeina xua bara betiya exana daxita, beyacaincha ichamoniae pomoniae piamoniae tatsi. Barapomoniae apara jopa peyaputae jiwi, poxoru saya jeita nawita xua po coyene beyacaincha piamoniae tatsi exana.

¹³ Paxan saya tsiwiyo atsaquiya yabara papaeban po coyene xua Nacom pata tanecui copatsiwa xua bara pata tanacuichiwa Nacom. Jopa toxeinchiya atsaquiya papaebinyo xua beyacaincha xua poxoniae Nacom pana copata xua pata exanaewa tsane. Saya paexanan po penacuichiwa xua Nacom pana cata. Nacom pana copata xua papatan ichaxota paxam Corinto tomaratha xua pata paca cayawenaenexatsi Nacom Pejume Diwesi.

¹⁴ Jopa patoxeinchiya exanaeinyo po coyene Nacom pana itoroba poxoniae paca siwa poinchi. Paxan pomoniae pan pomoniae copiya papatan painya xantha xua pata paca catsipaebinxatsi Cristo pia pexeinya jume diwesi.

¹⁵ Ichamoniae pomoniae paxam jiwana pam jume cowanta Cristo pejume diwesi pecuidubixaetsi ichamoniae. Barapomoniae pomoniae pejume cowantsiwi Cristo pejume diwesi, jopa atsaquiya bepayaabara janyo: "Barapomoniae jume cowanta apara poxoru barapomoniae pata cuidubixae", jopa bepajanyo. Jame xua paichichipan xua paxam bewa mataropeichiya pajume cowanta dubenanaebiyaename. Bapoxoniae pana itacupa xua mataropeichiya pata nacuichiwa painya xantha. Saya meisa bewa paexanaein pocotsiwa Nacom pana itoroba.

¹⁶ Paichichipan pata cuidubiwa ichamoniae Nacom Pejume Diwesi xua taju beya xua painya tomara weya poxoniae pawetan xua pata paca cuidubiwatsi Nacom Pejume Diwesi. Ichitha jopa paichipaeinyo xua pata cuidubiwa Nacom Pejume Diwesi ichaxota iru ichamoniae cuidubaru barapo Nacom Pejume Diwesi yawano xua jiwi jume cowanta barapo diwesi. Tsipei barapo pejume cowantsiwi jopa paichichipaeinyo xua pata yabara jeinexa: "Barapomoniae taju weya jume cowanta barapo Nacom Pejume Diwesi pata cueicueijeixae barapo diwesi", jopa bepayaabara janyo.

¹⁷ Icha ichun ichichipa atsaquiya penayabara paebiwa xua pinae beta exana, jame bara bewa moya bara atsaquiya yabara paebi po coyene Nacom pia peyaputae coyenewan tatsi yabara xua petsita itapeinya xeinaenexa xua apara Nacom beta peexanaein.

¹⁸ Pocotsiwa xua pebin pia coutha nayabara wnae jainta xua beta peexanaexae baxua Nacom jopa tsita ainya cuichi. Pocotsiwa xua Nacom yabara nanta xeina xua barapo pebin yabara nanta xeinatsi baxua jame Nacom tsita ainya cuichi.

11

Meje xua Pablo yabara paeba pomonae xua muxuitorobiya pejeiwa: "Paxan Jesús pia peitorobi jiwi tatsi pan", pomonae pejeiwa

¹ Ichichipan xua jopa painya neaitaconaewa xua tapana nejume yabara ewatsiwam xua tapaebiwa pocotsi jume xua po diwesiyo xan yabara.

² Tsipei yaitama bichocono paca asiwatsi icha Nacom pana ichi xua pana asiwa. Paxan paca doutatsi Nacomtha xua painya nejume cowantsinexa Cristo. Barapocotsi coyeneya paca cana exanatsi icha be pocotsi coyeneya pebin ichi poxonae ba pexantiyo douta xua ichun pepichinexa powa bayatha ichun jopa pichiyo. Bapowa antobe pia pebin. Paxam bewa bara paichim, bewa Cristo pantobem.

³ Caurimonaie pia pentacaponaein tatsi pon pia coutha naexana be jomo, bapon Eva muxuitorobatsi peajuntucoyenebewatha. Pajunuwan xua bapon paca muxuitorobina barapo juntucoyenewatha. Bapon paca cana exanaena xua painya nenanta xeinaewa Cristo jopa beta peyabara nanta xeinaewatsi, xua equeicha jopa xanapanaya painya neantobewa tsane Cristo, meisa xua bapontha painya neantobenexa.

⁴ Paca yabara junuwatsi poxoru pajume naitaewatame pocotsi diwesin xua daxita jiwi paeba. Paxam itapeta pajume naitaewatame ichuntha pontha pon peyabara paebin Jesús xua ichun xua pon pepa Jesús aibi. Paxam payabara jume naitaewatame icha jumope xua po jumope jopa xapain Nacom pia Pejumope tanaxu tatsi. Matautano yabara pajume naitaewatame icha diwesi po diwesi xua jopa xapain Nacom pia pecapanenebiyae diwesi jume xua po diwesi jume copiya pajume taneme.

⁵ Pomonae baxuan paca tsipaeba, barapomonae pia coutha nayabara nanta xeina, jeye: "Paxan Jesús pia peitorobi jiwi tatsi pan, xua pata peainya cui jiwi pan", jei. Ichitha jopa yabara nanta xeinaeyo xua barapomonae netoxeincha peainya cui jiwi beyacaincha xua xan.

⁶ Xan saya taepato cueicueijan Nacom Pejume Diwesi tatsi. Jopa bichocono wnae tacueicueijejiwa jopa be bapocotsinyo be pocotsin xua beta pecueicueijejiwa. Daichitha bara yaputan xua yabara tacueicueijejiwa. Paca tsita itapeinya xeineibatsi xua bara tayaputaewa, xua poxonae daxita pocotsiwantha paca tsipaebeibatsi.

⁷ ¿Metha bara abe exanan jampa poxonae jopa paca wucaetsi pocotsiwa nantawenonan xua tacueicueijeixae Nacom pia pecapanenebiyae diwesi? Jume apara, apara jopa abe exanaeyo. Tacoutha acopeibi naexanan xua tacui paw naexanan xua saya meisa ainya cui paca cana exanatsi poxonae paca cuidubatsi Nacom Pejume Diwesi.

⁸ Ichamonae pomonae pejume cowantsiwi pomonae penacaetuteibi jiwi, xua pomonae wnae pejainteibiwi Nacom barapomonae wecobe pitan paratixi tanecatsixae. Barapo paratixitha comocan pocotsiwa xua nantawenonan poxonae tapaca baru ecaewatsi xua amanaya tapaca cayawenonaenexatsi.

⁹ Poxonae cataunxuae paca baru ecatsi bapoxonae inta acoibi pocotsiwa tasanantawenonaewa. Jopa wucaeyo painyamonaie jiton xua pocotsiwa daunweya pacata exainchi xua saya painya tana necatsibiwaxaem. Pomonae Macedonia nacuamonaepiwi pomonae pejume cowantsiwi barapomonae inta carendena pocotsiwa xua tasanantawenonaewa. Bayatha jopa paca wucaetsi xuano xua equeicha bexa jopa paca wucaes tsainchi xua daxota jopa pacata daunwei exanae tsainchi xua daxita coyenewantha.

¹⁰ Tajuntucoyenewatha xeinan Cristo pia pexainyei coyenewa tatsi. Dapon aibi xua neexana xua taitompa exanaewa xua yabara tacueicueijejiwa baxua xua jopa paratixi paca wucaetsi. Baxua cueicueijan daxita Acaya nacuatha.

¹¹ ¿Eta xua metha baxua paca tsipaebatsi? ¿Metha poxoru jopa tapaca antobewatsi? Ajibi apara, Nacom yaputane xua bichocono tapaca antobewatsi.

¹² Ichitha awiya exanaponaein pocotsiwa xua anoxuae exanaponan xua jopa tapaca wucaponae watsi paratixi. Baxua exanan xua tajume cui matawentsinexa, pomonae xua naerabiya atsaquiya paeba, xua jeye: "Paxan japa paexanan icha Pablobaru ichi xua paratixi nonotapona be pentoma xua pecueicueijeixae Cristo pejume diwesi", jei.

¹³ Barapomonaē pemuxuitorobi jiji xua pinae barapomonaē Jesús pia peitorobi jiji tatsi. Barapomonaē jiji muxujainyaba pia penacuichiwa coyenewatha. Barapomonaē be natsicotane Jesús pia peitorobi jume pepaebi jiji tatsi.

¹⁴ Pocotsi coyeneya xua barapomonaē nacana exana jopa yabara najuntũ coyene cabenaecaeyino. Payaputan xua barapomonaē apara Satanás piamonaē tatsi tsipei barapomonaē pia coutha nacana exana xua itara mexeya beta peexanaewi icha bapon ichi. Satanás pon caurimonaē pia pentacaponaein tatsi pia coutha nacana exana xua itara mexeya pon xanepanaya peexanaein icha matatsunpin ichi xua pexeinya peitũpanae coicha xeina Nacom weya.

¹⁵ Daxota jopa bewa najuntũ coyene cabenaecaetsi xua poxonaē Satanás pia petanacuichi jiwimonaē tatsi exana icha Satanás ichi poxonaē exana. Barapomonaē natsicotane be pocotsimonaē xua beta peexanaewi. Daxota poxonaē Nacom yabara paebina barapomonaē xua penatsicuentiwa xua abe peexanaexae, barapomonaē bichocono atene exanebinchi xua be pocotsi coyeneya bichocono abe peexanaexae.

Meje xua poxonaē Pablo pia coya nayabara paeba xua atene exanatsi Jesús pia peitorobi jiji jiwana tatsixae

¹⁶ Equeicha paca tsipaebatsi: Jopa paneyabara nanta xeinaeinde xua xan be pon tanentajemabin bequein cueicueijeithan barapo coyeneya. Ichitha icha panecayabara nanta xeiname baxua bara saya beitatemaya amuxuya pana nejume taema pocotsiwa xua cueicueijan icha be pocotsin pon pematajemabinchi ichi. Bapoxonaē xan tacoutha atsaquiya conotha nayabara paebin icha ichamonaē ichi xua pia coutha atsaquiya nayabara paeba.

¹⁷ Apara jopa paebinyo xua tana itorobixae Jesús pon jiji Pecanamataxeinaein. Apara saya tacoutha atsaquiya nayabara paeban icha pon matajemabatsi ichi xua pia coutha natsipaeba.

¹⁸ Tsipei ayei jiji atsaquiya yabara paeba pocotsiwa barapo cae pin nacuathe xeina. Daxota xan barichin tacoutha atsaquiya nayabara paeban.

¹⁹ Pananta xeiname xua daxita pam painya neyaputae jiji pam. Ichitha jopa peyaputaewi pam. Bara saya pacui yabara copatame xua pajume naitomatame pomonaetha pomonaē be pematajemabi jiji pomonaē naerabiya paeba xua poxonaē jeye: “Paxan Jesús pia peitorobi jiji pan”, jei.

²⁰ Matautano bara saya pacui yabara copatame xua bara amanaya painya netanacuichinexa tsane ichamonaē. Matautano saya pacui yabara copatame xua bara ichamonaē amanaya paratixi painya nepaca cobe wenoteibiwa xua saya barapomonaē nexa. Matautano saya pacui yabara copatame xua bara ichamonaē paca yabara muxuitoroba painyawan xua painya nepacata notsiwa. Barichi bara saya pacui yabara copatame xua bara ichamonaē painya nepaca aebiwa xua barapomonaē ainya cui jiji beyacaincha paxam. Matautano saya pacui yabara copatame xua bara painya nepaca itabara cuainchiwa.

²¹ Bequein auran xua paca tsipaebatsi baxua, ichitha jopa padaunwan tsobenaeinyo icha paichim poxonaē ichamonaē pacata abe exana!

Icha daxita jiji ichi xua atsaquiya nayabara paeba, xan barichin irũ atsaquiya nayabara papaeban tacoutha icha pon pematajemabinchi ichi xua poxonaē nayabara paeba.

²² Barapomonaē atsaquiya nayabara paeba xua barapomonaē pinae judiomaepiwi. Xan irũũ apara barichin judiomaepin. Matautano pinae barapomonaē Israel pon bayatha tũpa pia pemomoxi susato jiji tatsi. Xan apara irũũ barichin barapon Israel pia pemomoxi susato jiji jiwana tatsin. Matautano barapomonaē atsaquiya nayabara paeba xua pinae Abraham pia pemomoxi susato jiji tatsi. Xan apara irũũ barichin Abraham pia pemomoxi susato jiji jiwana tatsin.

²³ Matautano barapomonaē atsaquiya nayabara paeba xua pinae Cristo pia petanacuichi jiwichi tatsi. Nama apara xan irũũ barichin Cristo pia petanacuichin tatsin beyacaincha barapomonaē. Poxonaē baxua paeban apara icha pocotsin ichi pon pematajemabinchi xua pia coutha nayabara paeba. Xan bichocono daunweya ayarusũya nacuitan Cristo nexa beyacaincha barapomonaē. Jiji matowa nejebeiba jiji pecũbi bontha beyacaincha barapomonaē. Ichamonaē bichocono nebeiba beyacaincha barapomonaē. Matowa muxu tatũpeibi xua ichamonaē inta exana.

²⁴ Daxota cinco po coyenewathabe judiomaē newaetaba pia tanecuainchinexa. Daxita coyenewatha necuainta barapomonaē treinta y nueve po cuiyobetha copabeiba xua nejuma cuainta xua xota cuainta xua duwein peru muto.

²⁵ Ichacuitha tsabi acoibi po cuiyobetha necuainteiba iwatontha. Cae coyenewatha ibotontha necuinbabeiba. Acoibi po coyenewathabe jeratha ponaetha pin naetha

payothopan poxonae pawarapan xua jera bunareca. Cae merawitha yawa cae mataquei-thano xoyopan pin mar mentha.

²⁶ Matowa warapeiban tacaponaenexa Cristo pejume diwesi xua jiwa tatsipaebinxax. Ichacuitha inta daunwei xua icha muxunene beya mene iya tapatebiwa tsane poxoru metha awabo tsipae. Ichacuitha inta daunwei poxonae poneiban namtontha xua metha pomonae pecaibi jiwa tawanaetha jinompeiba xua tanecaibiwa tsane pocotsiwa xeinan. Ichacuithano inta daunwei poxonae tanacuamonaepiwi metha inta abe exaneibichipa. Ichacuitha inta daunwei poxonae pomonae jopa pejume cowantsiwi metha abe tana neexanaewa tsipae. Ichacuitha inta daunwei poxonae jiwa tomarantha metha abe tana neexanaewa tsipae. Ichacuitha inta daunwei poxonae ira xuepana susato tsurucuae nacuatha taponeibiwa xua metha abe tana neexanaewa tsipae. Ichacuitha inta daunwei poxonae pin mene mar mentha metha abe tana neexanaewa tsipae poxonae jeratha ponan po nae pin naetha. Ichacuitha inta daunwei poxonae metha abe tana neexanaewa tsipae pomonae naerabiya pepaebiwi xua pinae pejume cowantsiwi.

²⁷ Xeinan penacuichiwa po penacuichiwa inta bichocono daunwei xua neatene exana. Matautano ainya merawin tsaiwi xua jopa maiteibinyo. Matautano tain atenein tsaiwi. Matautano bichocono tameratsi tsaiwi. Matautano ainya matacabin inta pexaewa ajibi tsaiwi. Matautano bichocono aqein tsaiwi poxonae inta seiqueiba paparuwa.

²⁸ Matautano iru icha coyeneinno xua seica xua tapaca tsipaebiwi. Matautano xeinan icha coyene po coyene xua neajuntucoyenerewe exana xua poxonae yabara nanta xeineiban pomonae Nacom pejume cowantsiwichi pomonae penacaetutsi bonmonaepiwi poxonae ne-eena xua tayawenaenexa barapomonae.

²⁹ Icha ichan pon barapo penacaetutsi bonmonae jiwana pin, icha bapon juntu cui coyene faefaena xua pejume cowantsiwa Nacom, nantanuweya yabara nanta xeinan bapon. Icha ichan juntu coyene jujutatsi xua abe peexanaenexa auran bapon nexa, yawano caseban pontha pon pejuntu coyene jujutsixae.

³⁰ Icha bewa atsaquiya nayabara paebin, bapoxonae atsaquiya yabara paebin pocotsiwa xua jiwa tsita itapeinya xeinan xua xan faefaenan xua jopa neitacupaeyo xua tacoutha tana nayawenaewa.

³¹ Nacom neyaputane xua xaniwaicha bara yabara paeban po coyenein xua inta daunwei. Nacom Jesucristo Paxa tatsi, pon Wanacanamataxeinaein. Barapon jiwa bewa wnae jainteibina ataya.

³² Caena bayatha Damasco tomaratha poponan. Bapoxonae pon canamataxeina barapo tomaratha, bapon itoroba soldadomonae xua tomara peyacaincha toxorotsi dutsiwa coibototha peumenaenexa. Barapo soldadomonae tomara coibotontha umena xua pia tanewaetabichi poxonae tomara wewarapiyan xua tanecaponaenexa jiwa pecubi botha. Barapon pon canamataxeina barapo tomaratha bapon tanacuitatsi pon yatsicaewa nacua peewatsin bapon tanacuitatsi, pon pewan Aretas.

³³ Bequein barapo soldadomonae bepa newaetabei, ichitha jopa ponaeyo tomara coiboto iya. Ichamonae neyacote yoreca ventana wereca xua pepa tomara juma deca. Bara panepataban.

12

Meje xua Pablo yabara paeba xua petsita itabiwatsi xua abe poxonae camaita pocotsiwan Nacom tsita itaiteiba bapontha

¹ Bewa tacoutha atsaquiya paca tsita nayabara paebichi, xua painya neyaputaenexa xua bara beta taexanaewa. Daichitha jopa xapain nayawenaeyo baxua. Jame apara awiwa paca tsipaebatsi xua pocotsiwan Nacom netsita itata xua be poxonae camaitan. Matautano paca tsipaebatsi pocotsiwan xua Nacom neyaputane exana xua bapon pia peyabaraxae.

²⁻³ Caena bayatha ainya wei xua poxonae copiya tajume cowantsiwa Cristo. Caena bayatha catorce po weibe yapucaewa xua poxonae necapona jemeicha peitaboco beicha po itaboco bichocono taju beicha ichaxota Nacom popona. Jopa taeinyo icha metha pepon daxita necaicha ichacuitha saya metha moya nejumope caicha. Xan jopa baxua yaputaeyo saya meisa compa Nacom yaputane.

⁴ Xan yaputan xua necaicha paraiso matawan nacua beicha. Poxonae patopan barapo nacuaetheicha jume tan baxoteicha po jume xua nameicha moya yawan xeina xua jiwa jopa yabara yaputaeyo. Nacom jopa yabara necopatsiyo xua bara barapo jume tatsipaebiwa tsane ichamonaetha.

⁵ Bequein neitacupa xua atsaquiya tayabara paebiwa xua pocotsiwan wnae xua xuan tataxae, daichitha jopa barapo coyeneya exanaeyo. Saya meisa atsaquiya yabara

paeban pocotsiwan xua inta ayapube xua po coyene tatsita itapeinya xeinaewa xua apara nefaefaena exana xua daichitha Nacom neyawena.

⁶ Bara neyabara cui copata xua bara atsaquiya tanayabara paebiwana tsane pocotsiwan xua beta taexanaewan. Poxonae baxua exanan jopa paebinyo icha be pocotsin pematajemabinchi ichi, xua nayabara paeba tsipei paeban pocotsiwan xua pexainyeiwan. Ichitha xan jopa baxua atsaquiya nayabara cui paebinyo, tsipei jopa ichipaainyo xua ichamonae taneyabara nanta xeinaewa xua xan bichocono taainya cuin, beyacaincha xua pocotsiwa barapomonae necui tane xua exanan, xuano xua beyacaincha nejume tane xua cueicueijan.

⁷ Pocotsiwa xua Nacom neyaputane exana bichocono wuna nawita. Nacom copata xua bara saya atenein tsaibi tsane xua atsaquiya tapingiyanwa pocotsiwan xua Nacom yabara neyaputane exana. Barapo peatene coyenewa caurimonae pia pentacaponaein tatsi, pon Satanás, itoroba xantha xua atene tana necana exanaenexa. Barapo peatenewa bichocono atenein tsaibi be poxonae xua xane eto nexatempa.

⁸ Acoibi po jumeyothabe tsaibi Nacom jume fayacotsiya wuqueiban xua taneperaxa capanepaenexa barapo peatene coyenewa weya.

⁹ Ichitha Nacom netsipaeba, jeye: “Jume, jopa caaxaibi exanaetsi. Jame cata itorobatsi Tajumope tuxaxu jinya necayawenaenexa daxita tacaantobetsixaetsi. Saya meisa baxua nantawenoname. Po jiton ba axaibiya popona bara itacupatsi xua daxita pia coutha peexanaewa. Jopa ba canantawenonaeyo taayapusu coyenewa. Ichitha nama pon ba taayapubetsi xua pia coutha beta peexanaewa bapon jame canantawenona taayapusu coyenewa. Bara bapon yawenan”, jei Nacom. Daxota ichichipan poxonae inta ayapube tsaibi xua jopa tana neitacupaewa xua daxita beta taexanaewa tacoutha. Bapoxonae jiwi tanetaenexa xua bara Cristo neyawena pia peayapusu coyenewatha.

¹⁰ Daxota juntu coyene weiweinan poxonae inta ayapube tsaibi xua beta taexanaewa. Matautano juntu coyene weiweinan poxonae jiwi abe neyabara paebeiba. Matautano juntu coyene weiweinan bequein jopa xeinaainyo pocotsiwa xua tanantawenonaewa. Barichino juntu coyene weiweinan poxonae bequein jiwi neatene exaneiba tajume cowantsixae Cristo. Matautano juntu coyene weiweinan poxonae bequein jiwi inta ayapube exaneiba. Daxita baxuan nejuntu coyene weiweina exana, poxonae inta ayapube tsaibi xua beta taexanaewa xua ichamonae inta daunwei peexanaexae. Bapoxonae bara xaniwaicha asun tsipei Cristo tana neyawenaexae.

Meje poxonae Pablo yabara najuntu coyene eena exana nawita Corinto tomarapiwi

¹¹ Cueicueijan icha ichi poxonae cueicueijei pon pematajemabinchi xua atsaquiya nayabara paeba. Ichitha paxam pana necana exaname xua atsaquiya tanayabara cueicueijeiwa. Jame apara paxam barapomonae pam pomonae bequein bewa xanepanaya pana neyabara paebim. Bequein xan jopa peainya cuiyinyo, ichitha barapomonae jopa peainya cui jiwi beyacaincha xua xan pomonae pajume naitaewatame. Barapomonae naerabiya paeba xua pinae barapomonae bichocono peainya cui jiwi pomonae Cristo pia peitorobi jiwi jiwana tatsi. Ichitha barapomonae xainwaicha bichocono jopa peainya cui jiwi.

¹² Poxonae cataunxuae paca baru popoinchi paca tsita itapeinya xeinatsi xua xan yatsicaya Jesucristo pia peitorobi jiwi jiwana tatsin. Matautano jopa aitaconaeiyya exanaainyo poxonae bequein ichamonae inta daunwei exana poxonae abe neyabara paeba. Jame saya junteama exana ducuanaebiyan petsita itatsi coyenewan painya xantha bequein ichamonae abe neyabara paeba. Matautano exana ducuanaebiyan pocotsiwan jiwi nabenaeca exainchi. Daxita baxuan exanan Nacom pia peayapusu itorobi coyenewatha tatsi.

¹³ Paca yabara nanta xeinatsi xua paxam metha pananta xeiname xua paxam jopa peainya cui jiwi pam. Matautano metha pananta xeiname xua meisa icha penacacetutsi bonmonae jiwi pomonae wuna pejume cowantsiwi Nacom bichocono peainya cui jiwi beyacaincha paxam. Metha pananta xeiname baxua poxoru jopa paca wucaetsi xua tapana neyawenaenexam tsane pocotsiwatha tanantawenonaewa pocotsiwatha xua ayapube pacata exainchi.

¹⁴ Anoxuae nacui yabara wunaetan xua tapaca siwa ponaewatsi tsainchi equeicha xua nama acoibi po cuiyobetha tsane. Caena bayatha copiya nacueyatabe po cuiyobetha paca siwa poinchi. Ichitha jopa paca wucaetsi xua pocotsiwatha tapana neyawenaenexam tsane xua pacata ayapube exainchi. Ichitha jopa paca yabara siwa ponaetsi taichichipaexae pocotsiwa xua paxeiname. Aparas saya paxam cuita paca siwa poinchi. Pexui ba jopa nantawenonaeyo xua paxeiwi juntana jeba paratixi, jame saya ba coxiyeiwi

bewa pia pexui jantana jebi paratixi. Barapocotsi juta coyeneya ichin bewa paca yawe-naeinchi. Jopa panantawenonaem xua tapana neyawenonaewam.

¹⁵ Juntũ coyene weiweinan xua paca catsinchi daxita xua xeinan. Barichi copatan xua bara ichamonaē atene tana neexanaewa tapaca cayawenaenexatsi. Poxonaē bequein matowa toxeinchiya paca antobe tsoponaetsi daichitha be conotha xuya pana neantobem.

¹⁶ Ichamonaē pomonaē painyamonae jiwana pam naerabiya neyabara jei: “Bara xaniwaicha Pablo jopa painta ayapube exanaeyo xua pana newuca paratixi bapon nexa. Daichitha ichacuiitha tsipae metha apara bapon naca muxuitorobiya wecobe notsiparatixi”, jei.

¹⁷ ¿Metha paratixi paca yabara muxuitorobiya wecobe notsinchi poxonaē pebiwi itorobin painya xantha? ¡Jume apara! ¡Jopa baxua exanaeinio!

¹⁸ Tito itoroban xua painya nepaca siwa ponaewa tsane, irũno ichũno itoroban pon irũ pejume cowũntsin xua Tito pecueiyatsiwa tsainchi. ¿Metha Tito bara paca yabara muxuitorobiya wecobe notsinchi paratixi? ¡Jume apara! Paxam bara payaputaneme bara Tito betiya xaniwaicha pananta jupaya paexananbe, xuano pana najũntũ coyene jũpanbe.

¹⁹ Jopa payabara nanta xeinaeinde barapo jumein xua pata paca catsipaebiwatsi xua saya poxoru pata ichichipaexae xua paxam paca tsita xanepanatsi. Jopa baxua paexanaeinio. Jame po jume xua Cristo ichichipa xua patapaebiwa, apara barapo jume cui coyeneya papaeban. Daxita baxuan pacueicueijan Nacom peitũtha xua xanepanaya mataropeicha beta Nacom painya nejume cocowũntaponaewa tsane. Baxua paexanan tsipei paxam tamonaē pam, pomonaē pata paca caantobe jiwichi pam.

²⁰ Junuwan xua poxonaē tapaca siwa ponaewa tsainchi xua metha pajinompaetsipame be pocotsimonaē aichaxaibin tataewa poxoru metha aichaxaibin tsipae pocotsiwa xua paexaname. Mataũtano metha paneyabara nanta xeinaetsipame xua xan jopa paca cui jũpaetsi xua poxonaē pocotsiwa exanan. Barichi junuwanno xua poxonaē tapaca siwa ponaewa tsainchi xua metha nantiya pana najume matsontsonobame. Mataũtano junuwan xua nantiya pana yabara uwame pocotsiwan paxeiname, xuano xua nantiya pana nacasebame. Mataũtano junuwan xua nantiya pana naasiwam xua ichamonaē jopa bepawenaem. Mataũtano junuwan xua nantiya pana nabiatatsipame xuano xua nantiya tsũmũ jumeja pana nacui yopitsipame pocotsiwan xua paexaname. Junuwanno xua nantiya pana naebichipame painya neyaputaexae pocotsiwan xua paexaname, xuano xua nantiya pana natsaquibabame poxoru painya neanaepanaexae.

²¹ Mataũtano junuwan xua poxonaē equeicha tapaca siwa ponaewatsi tsainchi, Tanacom neexana xua paca yabara auratsi. Bichocono unthũthũ wecoyan tsane pomonaē nexa pomonaē xua caena bayatha abe peexanaexae. Barapomonaē cataunxuae jopa acuiuriyo pocotsiwan xua abe eexanapona xua poxonaē barapomonaē yabũxi nata nota xua bequein jopa piseurixi xuano poxonaē yabũxi nota pebiwi poxonaē jopa piseuriyo. Mataũtano barapomonaē atsaquiya abe eexanapona.

13

Meje poxonaē Pablo napayabiya najume weta

¹ Anoxuae equeicha paca siwa ponaeinchi xua nama acoibi po cuiyobetha tsane xua taponaeewa tsane bara beya. Icha ichũn ichichipa cui yopita xua ichũn abe peexanaexae Nacom pia peitorobi coyenewa baxua yabara naca tsipaeba, naca jeye: “Poxonaē jiwĩ cui yopita xua ichũn abe peexanaexae bewa acoibi poyobe yabara paebina bapontha, xua abe peexanaexae bapon. Ichacuiitha saya nacueyatabe poyobebe yabara paebichipa bapontha bapoxonaē jiwĩ tsita itapeinya xeinatsi xua bara bapon abe peexanaein”, jei Nacom pia peitorobi coyenewatha tatsi.

² Bayatha poxonaē paca siwa poinchi yabara paca tsipaebatsi pomonaē xua abe peexanaewi pomonaē painyamonae jiwana pam xua irũ ichamonaē. Anoxuae bequein cataunxuae tajũ paca cuenta poponatsi, equeicha paca tsipaebatsi xua bayatha pocotsiwa paca muxuwetatsi, janje: “Poxonaē equeicha paca siwa ponaeinchi ayapube taexanaein pomonaetha pomonaē xua awiwa abe peexanaponaewi”, jan.

³ Baxua paca cana exanaeinchi yaitama paichichipame xua paca tsita itapeinya xeinaeinchi xua pocotsiwa Cristo neitoroba tacueicueijeinexa bapon nexa. Paca muxuwetsinchi Cristo nexa tapaebixae bapon nexa. Cristo jopa jume faefaenaeyo poxonaē yabara paca muxuwetatsi painya abe exanaē cuiru coyenein. Jame apara bapon jume daunweya paca tsipaeba.

⁴ Poxonaē Jesucristo tũpa naetotha jiwĩ yabara nanta xeina xua bapon Cristo saya jũntũ coyene faefaena, tsipei jopa pia coutha nayawenaeyo. Ichitha anoxuae Jesucristo asũ popona Nacom pia peayapũsũ itorobi coyenewatha tatsi. Bequein pajũntũ coyene

faefaenan anoxuae, daichitha poxonae paca itawetinchi bapoxonae jopa pajuntũ coyene faefaenaen tsane. Jame asũ pajinompaein. Bapoxonae Nacom pia peayarusũ itorobi coyenewatha ayarusũya paca itawetsina.

⁵ Incane painya coutha pana najuntũ coyenein jũjũre icha bara xaniwaicha metha beta pajume cowantsiya jinompame. Icha bara xaniwaicha pana nayaputaneme xua bara yatsicaewa Jesucristo piamonae tatsi pam, barapoxonae pana nayaputaeneme xua bara apara Jesucristo paca barũ jinompa. Icha jopa Jesucristo piamonae tatsi pam, bapoxonae Jesucristo jopa paca barũ jinompaeyo.

⁶ Ichichipan xua paxam payaputaneme xua paxan Cristo pana barũ popona. Paxan jopa pemuxutorobi jiwĩ pan xua poxonae pata jeiwa: "Paxan Jesucristo pia peitorobi jiwĩ tatsi pan", poxonae pata jeiwa.

⁷ Pawũcan Nacomtha xua jopa abe painya neexanaewa tsane. Jopa Nacomtha baxua payabara wũcaeyo xua paca tsita itapeinya xeinaeinchi xua paxan Jesucristo pia peitorobi jiwĩ tatsi pan xua daxota beta painya neexanaewa tsane. Ichitha pacata wũcatsi Nacom xua awiya ƚ meisa pexeinya coyene painya neexanaponaewa tsane bequein metha pana neyabara nanta xeiname xua paxan jopa pomonae Jesucristo pia peitorobi jiwĩ tatsi panyo. Bequein paxan jopa paca tsita itapeinya xeinaetsi xua bara Cristo pia peitorobi jiwĩ tatsi pan.

⁸ Paxan jopa paichichipaeinyo xua pata yabara jume toxeinchiya exanaewa pocotsiwa itoroba barapo Nacom pia pexainyei diwesi jume. Jame apara itapeta paexanan pocotsiwa itoroba barapo pexainyei jume diwesitha.

⁹ Daxota pajuntũ coyene weiweinan poxonae ichamonae pana neyabara paeba xua pinae jopa daunweya papaebinyo. Saya paichichipan xua beta painya nejume cowantsiwa tsane. Awiya Nacomtha pacata wũcatsi xua paxam xaniwaicha painya nejuntũ coyene xanepanaponaewa tsane Nacomtha xua jopa patsita natsicuentisim tsane abe painya neexanaexae bapontha.

¹⁰ Pewũnaeya xua poxonae tapaca siwa ponaewa tsainchi, matha barapo carte pacata tinatsi. Daxota tinan xua jopa bewa paca tsipaebi tsainchi pocotsiwa pacata ayapube exanatsi poxonae paca siwa ponaeinchi. Bapoxonae jopa nantawenonaen tsane xua tapaca itorobiwa tsainchi xua taxeinaexae Nacom pia peitorobi coyenewa tatsi po peitorobi coyenewa Nacom necata. Nacom necata barapo peitorobi coyenewa xua painya nejuntũ coyene xanepana ponaenexa Nacomtha. Apara jopa baxua necatsiyo xua abe tapaca exanaenexatsi.

¹¹ Tamonae pam, bara wetan anoxuae barapo carte. Ichichipan xua painya nejuntũ coyene weiweinaya jinompaewam tsane. Itapeta pajume jejande pocotsiwa xua paca muxuwetatsi xua daxota beta mataropeicha painya neexanaponaewa tsane. Pana najuntũ coyene tsacabare xua daxota pebũũya caemonae pana nabarũ nanta xeinaeya jinompare. Juntema panabarũ jinompare. Bapoxonae Nacom pon juntema peporonaen, xuanõ xua peantobe tsurucuaebiyaein, barapon paca barũ poponeibina.

¹² Betya painta nantiya najacobare painya neantobewaxae Cristo.

¹³ Daxita pomonae xote jinompe pomonae pejume cowantsiwi Jesucristo barapomonae paca jacobae.

¹⁴ Barabũ Jesucristo pon jiwĩ Pecanamataxeinaen paca yawenaena pia paca necantobexae. Barabũ Nacom pia peantobe coyenewatha tatsi pajinompaeiname. Mataũtano barabũ Nacom pia Pejumoƚe tũnaxũ tatsi daxita pam paca barũ jinompaena.

Baja Pablo.

Meje Po Carte Pablo Tatina, Galacia Nacuapiwi Tatinatsi

Meje yabara poxonae Pablo tamropata pitaba xua tatina pomonaetha pomonae Galacia nacuapiwi

¹ Xan, Pablon, Jesucristo pia peitorobi jwi jiwana tatsin. Apra ichun jopa neitapetsiyo yawa pebiwi jopa neitorobiyo. Apra jame Jesucristo bapon neitoroba, yawa Nacom, Waxa, neitoroba, pon Pexanto asu exana petupaeyoyene weya.

² Xan, iruru ichamonae pomonae pejume cowantsiwi daxita barapomonae pan paca jacobatsi. Barapo carte pacata tinatsi pomonae Nacom piamonae tatsi pam, painya nejume cowantsixae Jesucristo pomonae Galacia nacuatha painya nejinompaewa.

³ Barabu Nacom, pon Waxa, iru Jesucristo, pon jwi Pecanamataxeinaein, baponbe amanaya paca yawenaena pia paca necaantobexae. Yawano barabu Nacom juntema jinompa paca exanaena.

⁴ Bapon Jesucristo naca tsitupa xua wanaca capanenebiya exanaenexa barapo abe waexanae coyene weya xua po abe exanae coyene exana pomonae jinompa po cae pin nacuathe. Nacom pon Waxa ichichipa naca capanepa daxita barapo coyenein weya.

⁵ ¡Barabu Nacom wanae jaintatsi jwi xua ataya tsane!

Meje yabara xua ajibi icha pecapanenebiyae coyenewa

⁶ Najuntu coyene benaegan xua nainya papentame Nacom, pon paca waba. Tsipei apra bapon paca yawena po peantobe coyenewatha Cristo iruru xeina waxainchi nexa. Yawa najuntu coyene benaegan xua pajume cowantame icha jume diwesi xua be pecapanenebiyae diwesi jume xua saya jwi paeba.

⁷ Bara xaniwaicha, xua icha pecapanenebiyae diwesi aibi. Pocotsiwa xua ichamonae paca cana exana baxua paca juntu coyene tsacaba xua painya nejume cowantsinexa icha diwesi, xua toxeinchiya painya nejume cowantsinexa Cristo pia pecapanenebiyae diwesi jume tatsi.

⁸ Icha ichun toxeinchiya ichawiya yabara paca tsipaeba xua pocotsiwa bayatha paca tsipaebatsi pecapanenebiyae diwesi coyene barabu Nacom bapontha cabeta exanaena abe peexanaexae. Metha bara bequein xan tsipaein, ichitha Nacom necabetsipa. Ichacuitha metha bara bequein matatsunpin tsipae pon itaboco wetsica pona, ichitha Nacom cabetsipa bapontha.

⁹ Baxua bayatha paca tsipaebatsi ichitha equeicha baxua paca tsipaebatsi. Paca jeichi: Icha ichun toxeinchiya ichawiya yabara paca tsipaeba xua pocotsiwa bayatha paca tsipaebatsi pecapanenebiyae diwesi coyene barabu Nacom bapontha cabeta exanaena abe peexanaexae, paca jeichi.

¹⁰ Poxonae paeban baxua jopa cueicueijanyo pocotsiwa jwi beta tana neyabara nanta xeinaewa. Apra jame cueicueijan Nacom wanae tana neyabara nanta xeinaexae. Icha saya nanta xeineibichipan xua exanan po coyeneyatha xua jwi beta tana neyabara nanta xeineibiwa tsane bapoxonae xan jopa Cristo pia peitorobi jwi jiwana tatsin tsipae.

Meje yabara xua poxonae Pablo Jesucristo pia peitorobi jwi jiwana pin tatsi cana exainchi

¹¹ Tamonae pam, pomonae iru painya nejume cowantsiwixae Jesucristo. Ichichipan xua painya neyaputaewa xua po diwesi pecapanenebiyae diwesi xua po diwesi cueicueijan, barapo diwesi apra jopa jwi pia diwesiyo tatsi.

¹² Matauta barapo diwesi apra xua jopa jiton netsipaebiyo. Yawa matautano dapon aibi xua pon necuiduba barapo diwesi. Apra saya Jesucristo neyaputane exana poxonae netsita itata pia coutha.

¹³ Paxam pajume taneme xua pocotsiwa bayatha exanan, xua poxonae cataunxuae eexanaponan xua po coyene judiomonae exana pia pejume cowantsiwa xua abe yabara, yawa pejinompaeyoyene yabara. Bayatha payaputaneme xua bichocono abe cana exanan pomonaetha pomonae Nacom piamonae tatsi daxita pomonae pejume cowantsiwixaetsi Cristo. Ichichipan xua daxita weraweraca taexanaewa.

¹⁴ Xan bichocono yabara nacuidubaponan po coyene judiomonae pia pejume cowantsiwa tatsi. Yawa yabara nacuidubaponan po coyene pia pejinompaeyoyene tatsi. Bichocono nacuidubaponan beyacaincha xua ichamonae nacuidubapona pomonae tanacuapiwi pomonae tana newei jupaewi. Bichocono ichichipan xua taexanaewa po coyene tamo susato jwi exana, beyacaincha xua ichamonae exana.

¹⁵ Ichitha caena bayatha Nacom neitapeta xua tajume cowuntsiwa tsane bapon pewunaeya poxonae beya tanaexanaewa tsane. Daxota Nacom newaba, bichocono petana neantobexae.

¹⁶ Bapon Nacom yabara neyaputane exana Pexanto tatsi, pon Jesucristo. Baxua Nacom inta exana Pexanto tatsi tayabara cueicueijeinexa tsane pomonaetha pomonae jopa judiomonae naexanaeyo. Poxonae barapo coyeneya necana exana jopa baxua yabara paebinyo ichamonaetha.

¹⁷ Matautano jopa ponaeinyo Jerusalén tomara beya xua baxua tayabara paebinxexa Jesucristo pia peitorobi jiwitha tatsi pomonae bayatha netsiwana cana exainchi Jesucristo pia peitorobi jiwitatsi. Seicaya nama xan nainya ponan Arabia nacua beya. Bapoxonae pirapaeyo Damasco tomara beya ponan.

¹⁸ Jopa nainya ponaeinyo Jerusalén tomara beya. Saya bara beya ponan poxonae acoiibi po weiyobe yapucaewa. Bapoxonae Pedro tan, yawa baxota naecan quince po matakabibe.

¹⁹ Jopa taeinyo daxita pomonae Jesucristo pia peitorobi jiwitatsi. Saya meisa Santiago tan pon Jesús pia peitorobi jiwitawanapin tatsi, pon jiwit Pecanamataxeinaein bapon peweicho tatsi.

²⁰ Bara xaniwaicha tinan. Nacom yaputane xua jopa naerabinyo pocotsiwa pacata tinatsi.

²¹ Nexata bapoxonae Siria nacua beya ponan, yawano Cilicia nacua beya ponan.

²² Nama pomonae jinompa Judea nacua, pomonae Cristo pejume cowuntsiwi, cataunxuae barapomonae jopa xaniwaicha neyaitaeyo.

²³ Saya barapomonae jume tane xua ichamona neyabara jeye: “Apara bapon, pon caena bayatha abe naca cana exana wajume cowuntsixae Cristo. Anoxuae bapon yabara cueicueijeit tsurucuaenaebiya Jesucristo pia pejume cowuntsi diwesi, bequein copiya ichichipa weraweraca cana exana ichamonae pomonae pejume cowuntsiwi Jesucristo”, neyabara jei.

²⁴ Barapomonae wuna jainteiba Nacom poxoru anoxuae wuna exanan Nacom nexa.

2

Meje yabara poxonae Jesús pia peitorobi jiwitatsi Pablo caemonae narua naexanatsi

¹ Jerusalén tomara weya ponan xua jiwitatsipaebinxexa Nacom Pejume Diwesi icha nacuantha. Poxonae catorce po weibe yapucaewa bapoxonae Bernabé equeicha paponanbe Jerusalén tomara beya. Yawa iru Tito baru ponan.

² Bara beya ponan tsipei Nacom netsita ituta xua bewa ponaein. Baraxota Jerusalén tomaratha pomonae pecanamataxeinaewi Nacom piamonae tatsi daxita pomonae pejume cowuntsixaetsi Cristo barapomonae compa nebaru nacaetuta. Barapomonaetha yabara tsipaeban po diwesi pecapanenebiyae diwesi jume, xua po diwesi tsipaeban pomonaetha pomonae jopa judiomonae naexanaeyo. Baraxua exanan tsipei jopa ichipaeinyo xua barapo diwesi pejumexaei tsane po diwesi bayatha tsipaeba ducuaanaeteiban yawa xua anoxuae tsipaeban pomonaetha jopa judiomonae naexanaeyo.

³ Tito baxota nabaru ecan. Bequein bara bapon griego nacuaonaepin ichitha jopa itorobichi xua pewi thabiwatsi xua ichaxota pebiwi nareixacaena. Bequein ichamonaebaxua ichichipa xua baxua Tito pecana exanaewatsi, ichitha jopa baxua cana exanaetsi.

⁴ Ichamonae pomonae Cristo Jesús jopa xapain jume cowuntsichi, barapomonae namicha pata poxonae pana nacaetutan. Barapomonae ichichipa xua Tito pewi thabiwatsi xua ichaxota pebiwi nareixacaena. Barapomonae namicha pata poxoru ichichipa yaputane xua icha paxan jopa paexanaeinyo pocotsiwa Moisés pia peitorobi coyenewatha itoroba xua anoxuae pata jume cowuntsixae Cristo Jesús. Barapomonae ichichipa xua equeicha bewa paexanaein pocotsiwa Moisés pia peitorobi coyenewatha yabara itoroba xua penawi thabi coyene.

⁵ Matautano bara caetono barapomonae jopa pajume cowuntsiya taeinyo. Yawano jopa paexanaeinyo pocotsiwa xua barapomonae pana neitoroba xua jame saya poxoru apara painya neyaputaewa tsane pexainyeiwa xua po coyene Nacom pia pecapanenebiyae diwesi jume xeina.

⁶ Jerusalén tomaratha tsipaeban pomonae pecanamataxeinaewi Nacom piamonae tatsi daxita pomonae pejume cowuntsixaetsi Cristo. Nayabara paeban barapomonaetha pomonae Nacom piamonae tatsi pecanamataxeinaewichi po coyene Nacom Pejume Diwesi tsipaeban pomonaetha pomonae jopa judiomonae naexanaeyo. Ichitha barapo matakabitha barapomonae pomonae Nacom piamonae tatsi pecanamataxeinaewichi jopa neitorobiyo xua tamuxuna cueicueijeiwa xua icha diwesi xua Jesucristo yabara poxonae cueicueijeit ducuaanebiyan po diwesi xua yabara paeban pomonaetha pomonae jopa

judiomonae naexanaeyo. Jopa inta ainya cuiyo xua barapomonae bichocono peainya cui jiwi xua pecanamataxeinaewi xua nama xan jopa daichinyo, tsipei Nacom daxita tsitatsi xua xan iru barapomonae penajurpae jiwi pan.

⁷ Barapomonae jopa necatsiyo pena pecuidubiwa xua tacueicueijeinexa. Barapomonae yaputane xua Nacom neitoroba tacueicueijeinexa pia pecapanenebiyae diwesi pomonaetha pomonae jopa judiomonae naexanaeyo pomonae jopa pewi thabiwichi. Icha Nacom ichi xua Pedro itorobatsi xua pecueicueijejwa tsane barapo pecapanenebiyae diwesi judi monaetha, barichi Nacom neitoroba xua tacueicueijejwa tsane barapo diwesi pomonaetha pomonae jopa judiomonae naexanaeyo.

⁸ Nacom Pedro exainchi Jesucristo pia peitorobi jiwi jiwanapin tatsi xua pomonae judiomonae nexa. Barichi Nacom neexana xua Jesucristo pia peitorobi jiwi jiwanapin tatsin xua pomonae jopa judiomonae naexanaeyo nexa.

⁹ Santiago, iru Pedro iru Juan barapo acoibi poyobe jiwi yabara nanta xeina xua barapo acoibi poyobe pepa pecanamataxeinaewi xua canamataxeinatsi pomonae Nacom piamonae tatsi daxita pomonae pejume cowantsixaetsi Cristo. Barapo acoibi poyobe yaputane xua Nacom necata barapo penacuichiwa. Bapoxonae barapo acoibi poyobe necobe jayaba xua patsita itapeinya xeinan xua peburaya cuita pata nanta xeinaewa xua xan barapoyobe jiwana poyobe xua Nacom Pejume Diwesi cueicueijeji jiwitha. Barapo acoibi poyobe iru Bernabé cobe jayabatsi. Barapomonae baxua exana poxoru pata jiwimonae pana naexanan, yawano poxoru barapomonae peburaya nanta xeina, xua paxanbe Bernabé panbe paponaeinbe ichaxota pomonae jopa judiomonae naexanaeyo xua iruru poxonae barapomonae naruru nacuichina pomonae judi monaetha.

¹⁰ Barapo acoibi poyobe pana itoroba, pana nejei: “Pananta xeinare xua painya neyawa-naewa tsane peacopeibi jiwi Jerusalén tomaratha”, pana jei. Baxua bichocono ichichipan xua taexanaewa tsane.

Meje yabara poxonae Pablo muxutainyaba, Pedro muxutainyabatsi Antioquia tomaratha

¹¹ Nexata poxonae Pedro Antioquia tomaratha patopa, bapon itabara taeya muxutainyaban tsipei bapon bayatha abe exana.

¹² Pocotsiwa bapon exana baxue: Copiya bapon Pedro naxane pomonaetha pomonae jopa judiomonae naexanaeyo, pomonae xua jopa ba wi thabichi xua ichaxota pebiwi pia penareixacaenaewa bequein bapon judi monaepin. Ichitha poxonae pata pebiwi, po pebiwi Santiago baru popona, bapoxonae Pedro tsana xane jopa equeicha naxaeyo pomonaetha pomonae jopa judiomonae naexanaeyo. Baxua Pedro exana poxoru Santiagobaru cunuwatsi xua poxoru Santiagobaru paeba xua pinae bewa daxita pebiwi wi thabichi, metha bequein tsipae pomonae pepa judiomonae, matawanta metha bequein tsipae pomonae jopa judiomonae naexanaeyo.

¹³ Bapoxonae ichamonae icha judiomonae pomonae pejume cowantsiwi Jesucristo, barichi jurpae exana icha Pedro ichi xua tsana xane. Bequein barapo ichamonae yaputane xua jopa bewa itorobi xua pewi thabiwatsi pomonae pejume cowantsiwi, ichitha awiya barapomonae paeba xua bewa pinae wi thabichi pomonae pejume cowantsiwi. Barichi Bernabé bara jurpiya ichi iru exana xua tsana wepu xane pomonae jopa judiomonae naexanaeyo.

¹⁴ Ichitha poxonae tan xua barapomonae jopa xapain exanaeyo pocotsiwa xua Nacom pia pecapanenebiyae jume diwesitha paeba bapoxonae Pedro tsipaeban peitabaratha tatsi daxita pomonae Nacom piamonae tatsi pejume cowantsixaetsi Cristo pomonae nacaetuta. Janje: “Xam bequein judi monaepim ichitha poponame icha ichi poxonae popona pon jopa judiomonae naexanaeyo. Jopa exanaem icha ichi poxonae exana pon judi monaepin. Xam jopa bewa itorobim pomonae jopa judiomonae naexanaeyo xua bewa exanaena icha judiomonae ichi xua poxonae exana”, jan.

Meje yabara xua judiomonae xuano pomonae jopa judiomonae naexanaeyo xua iru capanenebiya tsainchi xua Jesucristo pejume cowantsiwi xaetsi

¹⁵ Waxainchi judiomonae naexanatsi. Ichitha waxainchi jopa abe waexanae jiwichi xua jopa icha ichamonae ichiyo pomonae jopa judiomonae naexanaeyo, tsipei barapomonae abe peexanaewi.

¹⁶ Waxainchi yaputainchi xua bequein exanatsi pocotsiwa Moisés pia peitorobi coyene-wathatha itoroba, ichitha jopa jurtu coyene xeicaetsi Nacomtha xua jopa Nacom watsita natsicuentiwa tsane abe waexanaexae bapontha. Jiwi ba jurtu coyene xeica poxonae Jesucristo jume cowantatsi. Waxainchi jurtu coyene xeicatsi poxoru jume cowantatsi Jesucristo xua poxoru jopa wajume cowantsiya exanaexae pocotsiwa Moisés pia peitorobi

coyenewatha itoroba. Dapon aibi pon pejuntꝫ coylene xeicaein xua pejume cowantsiwa exanaexae pocotsiwa Moisés pia peitorobi coyenewatha itoroba.

¹⁷ Waxainchi ichichipatsi xua wajuntꝫ coylene xeicae jiwichi wanaca yawenaexae Cristo. Ichitha icha waxainchi nacuidubaponatsi xua xeinatsi peajuntꝫcoyenebewa xua bequein Cristo naca yawena, bapoxonae jopa naca yawenaeyo Cristo. Matautano bapoxonae bapon abe naca cana exana. ¡Jume, baxua apara Cristo jopa bapana nacata exanae!

¹⁸ Nacom tsitan xua tatsita natsicuentiwa abe taexanaexae bapontha icha equeicha jiwi caewa itoroban xua bewa exanaena pocotsiwa Moisés naca itoroba pia peitorobi coyenewatha wanaca capanenebiyaenexa abe waexanae coyenewa weya.

¹⁹ Barapo Moisés pia peitorobi coylene jopa neyawenaeyo xua necana exana xua tajuntꝫ coylene xanepanaewa Nacomtha. Saya necana exana xua tatupaewa tsane, poxoru awiya tanatsicuentiwa xeinan. Ichitha anoxuae Cristo tana netsitupaexae neitacupa xua tapoponaewa Nacom nexa. Matauta anoxuae jopa neitorobiyo Moisés pia peitorobi coyenewa tatsi poxoru jopa xeinaeyo peayapusꝫ itorobi coyenewa xua tana necapanepaewa tsane abe taexanae coyenewa weya.

²⁰ Poxonae Cristo tupa naetotha inta yawa muxuna tupa abe taexanae coyenewan. Daxota anoxuae xan be ichan, tsipei Cristo neyawa popona. Po peajuntꝫayapusꝫwatha poponan, barapo peajuntꝫayapusꝫwa Nacom necata tajume cowantsixae Cristo. Bapon Cristo, pon Nacom Pexanto, bichocono neantobe, daxota inta tsitupa abe taexanae coyenewan.

²¹ Jopa benaitematsinyo Nacom pia peantobewa tatsi. Icha nanta xeinan xua jiwi najuntꝫ coylene xeica exana Nacomtha peexanaexae pocotsiwa Moisés pia peitorobi coyenewa itoroba, xua daxota bapoxonae Cristo jopa nantawenonaeyo xua jiwi petsitupaewatsi bara be poxonae xuban Nacom pia peantobewa tatsi.

3

Meje yabara xua Moisés pia peitorobi coyenewa tatsi

¹ ¡Eta bichi tsobernae Galacia nacuaipiwi! ¿Jintam pon mara pexeinaein paca barꝫ xuaeji xua jopa painya nejume cowantsiwa Nacom pia pejume xainyeiwa tatsi? Poxonae paca tsipaebatsi paca yaputane exainchi xua Jesucristo tsitupa jiwi naetotha xua jiwi tsitupatsi.

² Baraxua pana nejume nore: ¿Nacom paca cata pia Pejumope tunaxꝫ tatsi painya neexanaexae pocotsiwa Moisés pia peitorobi coyenewatha itoroba? Jume. Nacom paca cata pia Pejumope tunaxꝫ tatsi painya nejume cowantsixae po coylene xua yabara paca tsipaebatsi xua pejume cowantsiwa Jesucristotha.

³ ¡Maisa bichoconocai! ¿Eta pomonae pam tsobernaem? Poxonae copiya pajume cowantame Nacom pia Pejumope tunaxꝫ tatsi paca yawena xua Nacom painya netsita xeinaewa pejuntꝫ coylene xeicaewa. ¿Anoxuae pananta xeiname xua bichocono pejuntꝫ coylene xeicaewa paxeiname beyacaincha xua copiyatha paxeiname, xua Moisés pia peitorobi coyenewa painya exanaexae? Ajibi, jopa bewa baxua pananta xeinaem.

⁴ Ichamonae bichocono paca atene exana Jesucristo pexeinya jume diwesi painya nejume cowantsixae. Jopa bewa pana nacui barapentsim xua painya nejume cowantsiwa Jesucristo pejume diwesi, po diwesi yabara xua ichamonae atene paca exaneiba. Tsipei icha pana nacui barapentsipame xua painya nejume cowantsiwa Jesucristo pejume diwesi jopa pexainyei jume tsipae pocotsiwa xua papaebame.

⁵ Nacom paca cata pia Pejumope tunaxꝫ tatsi. Matautano Nacom pexeinya petsita itꝫbi coyenewa exana painya xantha. ¿Eta pocotsiwa metha Nacom baxua exana? Baxua Nacom jopa pacata exanaeyo xua poxoru painya neexanaexae pocotsiwa Moisés pia peitorobi coyenewatha itoroba. Apara jame baxua pacata exana poxoru painya nejume cowantsixae po diwesi xua pajume taneme.

⁶ Abraham pon caena bayatha popona yabara jume cowanta xua Nacom exanaena pocotsiwa Abraham yabara tsiwꝫnae muxu dutatsi. Daxota Nacom tsitatsi xua bapon Abraham bara pejuntꝫ coylene xanepanaein xua jopa Nacom tsita xeinaetsi penatsicuentiwa xua abe peexanaexae.

⁷ Daxota paxam bewa payaputaename xua pomonae xaniwaicha Jesucristo pejume cowantsiwichi, Nacom tsitatsi xua barapomonae bara be yatsicaewa Abraham pia pemomoxi susato jiwi tatsi bequein bara jopa yatsicaewa Abraham pia pemomoxi susato jiwiyo tatsi.

⁸ Caena bayatha Nacom Pejume Diwesi paeba, xua Nacom capanenebiya tsane pomonae jopa judiomonae naexanaeyo xua jopa peatenenexa tsane xua abe peexanaexae. Baxua Nacom exana, icha ichichi pomonae judiomonae xua capanenebiya tsainchi. Daxita pewꝫnaeya baxua Nacom paeba pia pexeinya jume diwesitha xua

Abrahamtha jeye Nacom: “Daxita nacuanpiwi juntu coylene weiweina exanaein tana nejume cowantsixaemxae”, jei Nacom.

⁹ Daxota daxita pomonae jume cowanta, juntu coylene weiweina, xua Abraham muxuna, xua iru Abraham pejume cowantsixae.

¹⁰ Pomonae bequein jume cowantsiya eexanapona pocotsiwa Moisés pia peitorobi coyenewatha itoroba xua pecapanenebiyaewa tsainchi, barapomonae bexa atene tsane xua Nacom exanaena abe peexanaexae. Tsipei Nacom Pejume Diwesitha jeye: “Pomonae jopa exanaeyo daxita po coylene itoroba Moisés pia peitorobi coyenewatha, daxita barapomonae atene tsane xua Nacom exanaena abe peexanaexae”, jei.

¹¹ Yaputainchi beta, dapon ajibi pon pexeinaein xua po coylene pejuntu coylene xanepanaewa, xua daxota Nacom tsitatsi xua jopa penatsicuentisiwa abe peexanaexae. Tsipei bequein ichichipa xua peexanaewa xua po coylene Moisés pia peitorobi coyenewatha itoroba, daichitha jopa itacupaetsi xua exana daxita xua Moisés itoroba. Ichitha Nacom Pejume Diwesitha jeye: “Pon xua Nacom juntu coylene xanepana exana pon pejume cowantsixaetsi, barapon bara ataya asu poponaena”, jei.

¹² Jiton jopa nantawenonaeyo xua Jesucristo jume cowantatsi peexanaewa tsane daxita pocotsiwa Moisés pia peitorobi coyenewatha itoroba. Barapo peitorobi coyenetha jeye: “Bewa exanaename daxita pocotsiwa xua barapo peitorobi coyenewatha paeba ayapusya nepoponaewa tsane”, jei.

¹³ Cristo naca capanepa poxonae naetho naca tsitupa wanaca yantomatsixae xua abe peexanae coylene waexanaexae po peabe exanae coylene Moisés pia peitorobi coyenewatha yabara paeba. Cristo baxua exanatsi xua tupa be pon xua bichocono abe peexanaein xua abe waexanae cuiru coylene peyawa tupaexae. Baxua yabara Nacom Pejume Diwesitha jeye: “Pon petupaein naetho ducua bapon Nacom tsita abetsi xua bapon abe peexanaexae”, jei.

¹⁴ Cristo Jesús naetho petupaexae daxota Nacom catsina pomonaetha pomonae jopa judiomonae naexanaeyo po coylene xua bayatha Nacom Abraham tsiwunae yabara muxu dutatsi. Nacom Abraham tsiwunae yabara muxu dutatsi xua pecatsinexatsi peantuyapuswa. Matautano Nacom Abraham tsiwunae yabara muxu dutatsi xua Nacom pia Pejumope tana xua tatsi naca yawa jinompaena poxonae jume cowantatsi Jesucristo.

Meje yabara xua Nacom pia petsiwunae yabara muxu dutsiwa tatsi

¹⁵ Tamonae pam, pomonae iru painya nejume cowantsiwxae Jesucristo. Paca tsi-paebatsi tsica diwesiyo juta coyenyatha xua pocotsiwa jiwi ba exana. Poxonae ba nacueyatabe pebinbe peburaya nanta xeinabe xua nantiya penata exanaenexabe yawa daxota nawun dutabe paperatha, bara baponbe bewa exanaenabe po coylene baponbe tsiwunae yabara muxu dutabe. Ichun jopa itacupaetsi xua ichawa equeicha mataropata tina icha bayatha nawun tinabe.

¹⁶ Nacom exana pia petsiwunae yabara muxu dutsiwa Abrahamtha yawa iru Abraham pia pemomoxi susato jiwi jiwana pintha tatsi. Nacom Pejume Diwesitha jopa jeyo: “Pia pemomoxi susato jiwi jiwana pintha”, jopa jeyo. Jame meisa caeintha yabara jei: “Pia pemomoxi susato jiwi jiwana pintha”, jei. Baxua yabara paeba xua Cristo yabara caunutatsi.

¹⁷ Baxua paca tsipaebatsi meje: Poxonae Nacom yabara tsiwunae muxu duta Abrahamtha, bapoxonae poxonae cuatrocientos po weibe yapucaewa bapoxonae Moisés pia peitorobi coyenewa tatsi patopa. Moisés pia peitorobi coyenewa tatsi jopa ainya cuiyiyo beyacaincha Nacom pia peyabara tsiwunae muxu dutsiwa tatsi xua daxota jiwi jopa nantawenonaeyo barapo Nacom pia peyabara tsiwunae muxu dutsiwa tatsi.

¹⁸ Icha jiwi itacupaetsi xua panenebiya abe pia peexanae cuiru coylene weya xua peexanaexae pocotsiwa Moisés pia peitorobi coyenewatha itoroba, bapoxonae ainya cui aibi po peyabara tsiwunae muxu dutsiwa Nacom yabara tsiwunae muxu duta Abrahamtha. Ichitha poxoru jiwi jopa itacupaetsi xua pepanenebiwa abe pia peexanae cuiru coylene weya poxonae bequein exanaetha pocotsiwa Moisés pia peitorobi coyenewatha itoroba, daxota bichocono ainya cui po peyabara tsiwunae muxu dutsiwa, Nacom amanayiwa yabara tsiwunae muxu duta Abrahamtha.

¹⁹ ¿Eta xua metha canamatawenonatsi Moisés pia peitorobi coyenewa? Nacom naca cata baxua abe waexanaexae beya poxonae Cristo patopa, pon Abraham pia pemomoxi susato jiwi jiwana pin tatsi pon yabara tsiwunae muxu duta Nacom. Nacom cata pia peitorobi coyenewa matatsunpiwitha xua barapomonae xuya Moisés catatsi jiwi nexa.

²⁰ Ichitha poxonae Nacom yabara tsiwunae muxu duta Abrahamtha, bapoxonae dapon aibi pon capona barapo peyabara tsiwunae muxu dutsiwa Abrahamtha Nacom weya. Jame saya meisa Nacom compa yabara tsiwunae muxu duta Abrahamtha.

Meje yabara xua daxota Nacom itoroba Moisés pia peitorobi coyenewa tatsi

²¹ Paca yainyabatsi: ¿Moisés pia peitorobi coyenewa abe cana exana Nacom pia peyabara tsiwánae muxu dutsiwa tatsi? Jume, apara tsipei Nacom jopa capanenebiyae tsane jiwi peexanaexae Moisés pia peitorobi coyenewa tatsi. Icha jiwi itacupaetsipatsi xua capanenebiyatsi abe pia peexanae coyenein weya peexanaexae po coyene Moisés pia peitorobi coyenewatha itoroba, bapoxonae jiwi juntu coyene xanepanaetsipa Nacomtha peexanaexae po coyene Moisés pia peitorobi coyenewatha itoroba.

²² Nacom Pejume Diwesitha jeye: “Daxita jiwi bewa atene tsane abe peexanae coyenein peexanaponaexae xua jopa itacupaetsi xua penacui barapentsiwa. Daxota daxita pomonae Jesucristo pejume cowantsiwichi Nacom cana exanaena jiwi po coyene xua bayatha yabara tsiwánae muxu duta xua bepa pinae jiwi capanenebiya tsainchi Jesucristo pejume cowantsixaetsi”, jei.

²³ Pewánaeya xua poxonae Cristo pepatopeicaewa tsane po peitorobi coyenewa Nacom Moisés catatsi naca yaputane exana xua poxonae Cristo patopeicaena bapoxonae waxainchi bara bewa jume cowantichi Cristo. Barapo peitorobi coyenewa yabara naca yaputane exanano xua po coyenewa waxainchi wacoutha nata exainchi. Jopa naca exanaeyo xua Nacom wanaca capanenebiwa. Daxota po diwesi Nacom Moisés catatsi barapo diwesi naca juntu coyene yawenapona beya poxonae Cristo patopaetsica.

²⁴ Moisés pia peitorobi coyenewa naca yawena xua wayaputaewa Cristo. Barapo Moisés pia peitorobi coyenewa tatsi naca yawena xua najuntu coyene xanepana exainchi Nacomtha wajume cowantsixae Cristo.

²⁵ Anoxuae jume cowantatsi Cristo, daxota jopa nantawenonaetsi Moisés pia peitorobi coyenewa tatsi.

²⁶ Paxam painya nejume cowantsixae Cristo Jesús, daxota daxita paxam Nacom pia pexui tatsi pam.

²⁷ Daxita paxam poxonae bayatha ichamonae paca bautisaba caemonae pana naexaname Cristo Jesustha, Cristo pijimonae tatsi pamxaem. Daxota paxam pacoyene jurame Cristo.

²⁸ Nacom daxita jiwi tsita najupatsi. Daxota Nacom jopa tsita ainya cuichi metha bequein judiomonae pam tsipaem, iru metha bara bequein griegomonae pam tsipaem pomonae jopa judiomonae naexanaeyo. Matautano jopa tsita ainya cuichi metha bequein pomonae amanaya painya nepaca busi cui tatayebeibiwi pam tsipaem, iru bara bequein pomonae jopa amanaya painya netanacuichi jiwi pam tsipaem. Matautano jopa tsita ainya cuichi metha bequein bara pebiwi pam tsipaem, iru metha bequein yabuxi pam tsipaem. Nacom tsitatsi xua paxam be caemonae jiwi pam xua caemonae pana nabaru exaname Cristo Jesustha.

²⁹ Icha paxam Cristo pijimonae pam, bara nexata paxam Abraham pia pemomoxi susato jiwi pam. Po coyene Nacom Abraham yabara tsiwánae muxu dutatsi bara baxua paxam nexa.

4

¹ Xua ichichipan xua tapaebiwa baxua meje: Icha pexuyo paxa cuenta tupatsi poxonae cataunxuae pexuyo tsecae barapoyo jopa bepijawa catichi ichamonae pocotsiwa xua coxiyun pecopaniwa tatsi tsipei cataunxuae pexuyo tsecae. Barapo pexuyo bewa exaneibina pocotsiwa peitorobeibixaetsi pomonae wichitiya pebaru jinompaewichi icha ichi xua poxonae exana pomonae amanaya petanacuichiwi ichamonae nexa.

² Barapo pexuyo nantaata pomonae peyawenaewichi, pomonae bapon wichitiya pebaru jinompaewichi. Matautano pexuyo itorobatsi pocotsiwa barapo pexuyo bewa exanaena. Barapomonae ewata xua barapo pexuyo catsinchi poxonae pinyo tsane be po coyeneya bayatha coxiyun paeba.

³ Waxainchi bara pocotsi jata coyeneya ichichi beya poxonae Cristo patopeica. Waxainchi be pexui natsicotainchi tsipei pemayainwa exanatsi pocotsiwa Moisés pia peitorobi coyenewatha naca itoroba.

⁴ Poxonae barapo matakabi patopa, po mataqueitha xua Nacom ichichipa xua Pexanto itorobica, bapoxonae barapo mataqueitha Nacom Pexanto itorobica xua yabyuo petsiperu wenaexanaenexatsi barapo cae pin nacuathe. Bapon yacuiya naexana judiomonaepin. Matautano bewa exanae pocotsiwa judiomonae ba itoroba xua pocotsiwa pepaebixae Moisés pia peitorobi coyenewa tatsi.

⁵ Bapon patopa xua jopa wanantawenonaenexa xua waexanaewa tsane pocotsiwa Moisés pia peitorobi coyenewatha naca itoroba, xua bapoxonae Nacom wanaca cana exanaewa tsane xua Nacom pia pexuichi.

⁶ Nacom pia pexui tatsi painya nenaexanaexae, daxota pacata itorobica pia Pejumope tanaxu tatsi pia painya nepaca cayawenaewa tsane poxonae paca juntu coyene tsipaeba.

Barapo Nacom pia Pejumoꝛe t̃nax̃n tatsi naca cana exana xua wajeiwa: “Axa”, xua wajeiwa Nacomtha.

⁷ Anoxuae paxam jopa barapocotsimonae pam pocotsimonae xua amanaya tanacuita caurimonae pia pentacaponaein tatsi nexa icha be pocotsimonae ichi xua pocotsimonae pebusi cui tatayebeibiwichi. Nacom paca exana pia pexui tatsi. Tsipei paxam Nacom pia pexui tatsi pam, daxota Nacom paca catsibina daxita po coyenein Nacom xeina pia pexui tatsi nexa.

Meje yabara poxonaꝛe Pablo yabara nanta xeineiba pomonaꝛe pejume cow̃ntsiwi Jesu-cristo

⁸ Pew̃naeya xua poxonaꝛe payaputaename Nacom, copiya paxam be barapocotsimonae pam be pocotsimonae bewa exanaꝛe xua pia nacom̃n itorobeibatsi, po nacom̃n xua saya jiwi pia coya cana exana xua jopa pepa nacom̃nyo.

⁹ Ichitha anoxuae Nacom payaputaneme, yawa paca tsipaebatsi xua Nacom paca yaputane. Jopa bewa equeicha caewa pana naexanaem xua paexaname pocotsiwa Moisés pia peitorobi coyenewatha paca itoroba xua pocotsiwa caena bayatha copiya paexaname poxonaꝛe cataunxuae jopa pajume cow̃ntsim Nacom. Barapo Moisés pia peitorobi coyenewa jopa paca yawenaeyo xua painya nepatsiwa Nacom beya. Bewa paexanaename po coyene barapo peitorobi coyene itoroba. Poxonaꝛe saya ̃n painya neexaneibi barapo coyene barapoxonaꝛe be barapocotsimonae pam be pocotsimonae xua bewa amanaya exaneibina pocotsiwa itorobeibatsi pia pecanamataxeinaeinchi tatsi.

¹⁰ Paxam awiya cataunxuae paxeiname pocotsi coyenewan xua judiomonaꝛe itorobatsi Moisés pia peitorobi coyenewatha. Barapo coyenewa itoroba xua matakabin yabara yawa xua xometon yabara yawa xua wei yabara, po coyene jiwi bewa exanaena penajainbotsi yabara, yawa xua pin penabanaewa peexanaewa matakabin yabara. Barapocotsi coyenein paexaname painya nenanta xeinaexae xua painya nenaj̃nt̃u coyene xanepana exanaenexa Nacomtha.

¹¹ Tsipei cataunxuae baxua paexaname, daxota j̃nt̃u coyene wecoyan, poxoru pocotsiwa xua paca cuidubatsi jopa paca yawenaeyo, tsipei paexanaponame pocotsiwa xua caena bayatha paexanaponame xua abe paexanaponame.

¹² Tamonaꝛe pam, pomonaꝛe ir̃u painya nejume cow̃ntsiwixae Cristo. Paca itorobatsi xua painya coutha pana naexande xua jopa paexanaeinde pocotsiwa Moisés pia peitorobi coyenewatha paca itoroba, icha xan ichin xua tacoutha naexanan xua jopa exanaeinyo pocotsiwa Moisés pia peitorobi coyenewatha itoroba. Bara bequein xan judiomonaꝛepin, ichitha Nacom necapanepa xua jopa tanantawenonaewa tsane xua jopa taexanaewa tsane pocotsiwa Moisés pia peitorobi coyenewatha itoroba, icha paxam paichim xua jopa panantawenonaem xua jopa paexanaem pocotsiwa Moisés pia peitorobi coyenewatha itoroba. Paxam pomonaꝛe jopa judiomonaꝛe panaexanaem. Bayatha paxam jopa painta abe exanaem, daxota nanta xeinan xua bara pana nejume taneme pocotsiwa paca itorobatsi.

¹³ Payaputaneme poxonaꝛe copiya paca tsipaebatsi Nacom pia pecapanenebiyae diwesi, tsipei atenein daxota jopa warapaeinyo.

¹⁴ Bequein pacata ayapube xua poxonaꝛe pana netaneme xua atenein, ichitha jopa pana necui capanaeya itawetsim. Seicaya paexaname, bara beta pana nententa weyataeya wabame icha be poxonaꝛe matatsunpintha paichipaem poxonaꝛe patopa po matatsunpin Nacom pia matatsunpin tatsi, pon peainya cuin, yawano xua icha be poxonaꝛe pacana ichipaem Jesucristo poxonaꝛe patopaetsipa.

¹⁵ Copiya bayatha bichocono paj̃nt̃u coyene weiweiname, anoxuae jopa paraichim. Bequein baxua paexaname daichitha awiya w̃nae paca yabara paebatsi ichamonaetha xua paxam bichocono pana neantobem. Matautano bichocono jopa juniya pana neantobem pata tana neyawenaexaem tsane xua beya poxonaꝛe pana naitacure jucame xua pata tana neantobexaem.

¹⁶ Anoxuae pana neexaname be pata tana neaitafaetabi jiwim, tsipei yabara paca tsipaebatsi pexainyei jume diwesi.

¹⁷ Po judiomonaꝛe jiwi pecuidubiwi barapomonaꝛe naemata w̃naeya paca tsipaeba, ichitha peaj̃nt̃ucoyenebe jiwi. Daxota barapomonaꝛe baxua pacata exana pia painya tana nepenticham pia bapoxonaꝛe xuya painya ichichipaetsi barapomonaꝛe.

¹⁸ Baraxua bara bequein w̃nae xua ichamonaꝛe paca ichichipa, daichitha saya jame poxonaꝛe j̃nt̃u coyene w̃nae. Barapomonaꝛe bewa daxita matakabi paca yaweneibina jopa meisa metha poxoru ecaeinchipae. Matautano bara bewa paca yawenaena poxonaꝛe jopa ecaeinyo.

¹⁹ Tamonaꝛe pam, paxam be pomonaꝛe tapexui pam. Paxam nexa bichocono aj̃nt̃ucoyenerewein xua anth̃ũth̃utanein, icha be poxonaꝛe yab̃yo ichi poxonaꝛe bichocono

atene poxonae beya pexuyo pabeta. Baraxua cataunxuae exanaponaein beya poxonae pajuntũ coyene wũanem tsane icha Cristo ichi xua juntũ coyene wũane.

²⁰ ¡Maise ichichipan bichocono xua tapaca baru ecaewatsi anoxuae xua tapaca tsipaebinxatsi icha jumetha, xua jume wũaneya tapaca tsipaebinxatsi! Tajũ taecaexae xan jopa yaputaeyinyo xua eta bichin xua tapaca yabara nanta xeinaewatsi xua tapaca yawenaenexatsi.

Meje yabara xua yabũyobe Agar irũ Sara

²¹ Paxam pomonae pam pomonae painya neichichipaewa xua painya neexanaewa pocotsiwa Moisés pia peitorobi coyenewatha itoroba. Pana nejume nore. ¿Paxam jopa pajume taem xua barapo peitorobi coyenewatha paeba?

²² Barapo peitorobi coyenewatha paeba jeye: Abraham xeina ainya pexantobe. Abraham icha pexanto exana powatha xua powa Abraham pia botha tanacuitatsi amanaya, powa pebusi cui taetaexae. Icha pexanto exana powatha powa yatsicaya Abraham piowa tatsi powa xua jopa amanaya petanacuichiwatsi.

²³ Powa Abraham tanacuitatsi amanaya, bapowa pexanto tanaexanatsi bara jupa icha be ichi xua poxonae ichamonae tanaexanatsi pexui. Powa Abraham pepa piowa tatsi, powa xua jopa pebusi cui taetaewatsi, Nacom cana exana xua bapowa pexanto tanaexanatsi tsipei bayatha Nacom Abraham yabara tsiwũane muxu dutatsi.

²⁴ Baraxua be pacata exanatsi xua peyabara caunutsiwa. Barapo ainya petsiriwabe baraxua yabara caunuta xua Nacom pia ainya petsiũane muxu dutsiwabe tatsi. Agar pexanto tatsi bapon pia pemomoxi susato jiwi tatsi bewa exanae xua Moisés itoroba pia peitorobi coyenewatha tatsi. Barapo peitorobi coyenewa Nacom Moisés catatsi ichaxota demxuwa, po demxuwa pewũn Sinaí. Barapon, Agar pexanto tatsi yacuiya naexana xua pon pebusi cui taetaeinchi. Barichi barapon pia pemomoxi susato jiwi tatsi barapo coyeneya yacuiya naexanumenapona. Daxota barapomonae bewa exanapona po peitorobi coyene Moisés itoroba.

²⁵ Barapowa Agar caunuta po demxuwa pewũn Sinaí xua Arabia nacuatha, po demxuwa Arabia nacuamonae pijumetha: “Agar”, jei. Barapowa Agar xaniwaicha yabara caunutatsi anoxuae po tomara Jerusalén tomara, poxoru barapo tomarapiwi nanta xeina xua bewa exanaena Moisés pia peitorobi coyenewa tatsi icha Agar ichi xua bewa exanae pocotsiwa Abraham itoroba xua powa pebusi cui taetaewatsi pecana exanaexaetsi.

²⁶ Icha Jerusalén tomara, po tomara seicaya Nacom pia nacuatheicha eca xua Nacom pia tomara, barapo tomara yabara caunuta pocotsiwa xua bichocono xanepana. Barapo Jerusalén tomarapiwi jopa bewa exanae tsane Moisés pia peitorobi coyenewa tatsi. Waxainchi apara barapo tomarapiwichi.

²⁷ Nacom Pejume Diwesitha Sara tsipaebatsi, jeichichi:

“Petsiriwa powa mawecowam, xam powa jopa xeinaem pexui, juntũ coyene weiweinare. Juntũ coyene weiweinaya najume tsebare, tsipei xam jopa xeinaem pocotsiwa peatenewa. Po petsiriwa jopa pexui xeinaeyo, barapo petsiriwa bichocono ayei jiwi xeinaena pexui beyacaincha po petsiriwa piseuri baru popona”, jei Nacom Pejume Diwesitha.

²⁸ Tamonae pam, paxam pomonae irũ painya nejume cowũntsiwixae Jesucristo. Waxainchi Nacom naca cana exana icha Isaac ichichi pon Abraham pexanto tatsi, pon bayatha Nacom Abraham yabara tsiwũane muxu dutatsi. Waxainchi barapo pexuichi, po pexui Nacom yabara tsiwũane muxu duta wajume cowũntsixae.

²⁹ Po pexanto Agar tanaexanatsi xua pon naexana bara jupa icha be ichi xua poxonae ichamonae pexui tanaexanatsi be pon pewũn Ismael. Bapon Isaac taayapube exainchi, pon naexana poxoru Nacom pia Pejumope tunaxũ tatsi peitorobixae. Bara jutiya ichi anoxuae pomonae xua Nacom pia Pejumope tunaxũ tatsi pexeinaewi taayapube exainchi xua ichamonae exana, pomonae peexanaponaewi po coyene Moisés pia peitorobi coyenewatha itoroba.

³⁰ Ichitha pajume taema xua Nacom Pejume Diwesitha paeba, jeye: “Powa amanaya jinya necatanacuichiwa powa nebusi cui taetaexae jinya botha itawere yawa muxuna itawere pia pexanto tatsi. Tsipei barapo pexanto tatsi jopa itacupaetsi xua pexeinaewa pocotsiwa coxiyũn pecopaniwa tatsi xua saya cuita pepa pexanto tatsi nexa powa jopa pebusi cui taetaewatsi amanaya”, jei Nacom Pejume Diwesitha.

³¹ Tamonae pam, paxam pomonae irũ painya nejume cowũntsiwixae Jesucristo. Jopa dapomonaetsi icha be ichi po pexui powa pebusi cui taetaewatsi amanaya pia pexui tatsi

pomonae bewa exanaena pocotsiwa Moisés itoroba. Waxainchi jame barapomonaetsi icha be ichi po pexui powa jopa pebusi cui taetaewatsi amanaya pia pexuichi. Daxota waxainchi jopa nanta wenonaetsi xua waexanaewa po coyene Moisés itoroba.

5

Meje xua Pablo yabara paeba xua jopa bewa equeicha exanae Moisés pia peitorobi coyenewa

¹ Cristo naca yawena xua equeicha jopa wanantawenonaewa tsane xua waexanaewa pocotsi coyenewan Moisés pia peitorobi coyenewatha itoroba xua Nacom jopa watsita xeinaewa tsane xua watsita natsicuentisiwa xua abe waexanaexae. Beta ajuntuyapusa pajume cowantaponde Nacom, xua bapoxonae jopa painya necopatsiwa tsane xua ichamonae paca itorobina xua painya neexanaewa pocotsiwa Moisés itoroba.

² Xan, Pablon, pana nejume taema. Jopa equeicha pacopatsinde xua bara judiomonae paca wi thabina, pomonae pebiwi pam, ichaxota panareixacaename. Tsipei icha baxua paexanaetsipame bapoxonae Cristo jopa paca yawenaetsipae po coyene bapon nepaca juntu coyene xanepana exanaewa tsane Nacomtha.

³ Equeicha ichichipan xua tapaca tsipaebi watsi. Po pebin xua wi thabatsi xua judiomonae exana, barapo pebin bara be judiomonaepin naexana. Bapoxonae bapon bewa daxita matapaecha coyenein exanaena pocotsiwa Moisés pia peitorobi coyenewatha itoroba.

⁴ Paxam pomonae pananta xeiname xua paca juntu coyene xanepana exanaena Nacomtha painya neexanaexae pocotsiwa Moisés pia peitorobi coyenewatha itoroba, apara paxam Cristo papentame. Yawa panaitematame Nacom pia peantobewa tatsi.

⁵ Nama jume cowantsiya ewatatsi xua Nacom naca juntu coyene xanepana exanaena xua jopa watsita xeinaewa tsane wanatsicuentisiwa xua abe waexanaexae. Nacom pia Pejumope tana xua tatsi baxua nacata exana wajume cowantsixae Nacom.

⁶ Waxainchi caemona peburaya Cristo Jesús piamonae wanaexanaexaetsi jopa naca yawenaeyo icha ichamonae naca wi thaba xua judiomonae wanaexanaewa tsane. Ichacuitha icha jopa naca wi thabiyo baxua iruru jopa naca yawenaeyo. Jame pocotsiwa xua wanaca yawenaewa bewa jame jume cowantichi Cristo Jesús. Barapo pejume cowantsiwa naca exana xua antobeya wajinompawa.

⁷ Bayatha copiya beta pajinompame painya nejume cowantsiwatha. Jintam metha pacata ayapube exana xua daxota jopa painya neexanaewa pocotsiwa Nacom pia pejume xainyewatha paeba?

⁸ Apara Nacom jopa pacata exanaeyo baxua xua pacata ayapube exana pon paca waba.

⁹ Payabara nanta xeinare po diwesiyo xua jeye: “Levadura ba peyauyo xoyo atsaxa tsecae daxita carepaya matapaecha atsaxa exana pantha”, jei. Barapo coyene icha be ichi poxonae abe peexanae coyene po coyene bewayo painya xainya bejojopa tsiniya.

¹⁰ Jume cowantan Nacomtha pon jiji Pecanamataxeinaein xua jopa painya neitapetsiwa tsane icha painya barompaya nenanta xeinaewa xua icha be jopa ichiyo pocotsiwa nanta xeinan. Icha ichun paca juntu coyene tsacaba xua paca itoroba xua abe painya neexanaewa tsane Nacom atene exanaena bapontha. Jopa Nacom tsita ainya cuiyotsi metha bequein pon jopa peainya cuiyo, matautano metha bequein pon peainya cuin jiton, ichitha awiya atene cana exanaena.

¹¹ Tamona pam, paxam pomonae iru painya nejume cowantsiwixae Jesucristo. Icha cueicueijan tsipae xua bewa jiji wi thabichi metha judiomonae jopa inta abe exanaetsipae. Yawa bapoxonae barapo judiomonae jopa aichaxaibi tsipae Nacom Pejume Diwesi, po diwesi xua Cristo yabara paebatsi po coyene xua naetotha tupa.

¹² Pomona xua paca juntu coyene cui tsacaba xua paca itoroba xua paca wi thaba barapomona pin jumetha yabara janje: “Jame maisa bu moya bara pia coutha natobu jucaena xua daxota jopa ichamonae peitorobiwa tsainchi xua penawi thabiwa tsane”, jan.

¹³ Tamona pam, paxam pomonae iru painya nejume cowantsiwixae Jesucristo. Nacom paca itapeta xua jopa painya nenantawenonaenexa tsane xua jopa equeicha painya neexanaewa tsane pocotsiwa Moisés pia peitorobi coyenetha itoroba xua Nacom jopa painya netsita xeinaewa tsane painya tsita natsicuentisiwa xua abe painya neexanaexae. Poxoru jopa painya nenantawenonaemxae xua painya exanaewa barapo Moisés pia peitorobi coyenewa tatsi painya nepaca capanenebiyaenexa tsane daxota jopa paexanaeinde pocotsiwa xua abe, pocotsiwa xua jiji pia coutha ichichipa exana. Jame paexande pocotsi coyene xua ichamonae payawende xua nantiya caemona painya nenaantobexae.

¹⁴ Paxam paexaname daxita pocotsiwa Moisés pia peitorobi coyenewatha itoroba poxonae paexaname barapo cae coyenewa xua jeye: “Antobeinde jinya necatsicuarabu enaewi, icha ichim xua naantobem jinya coutha”, jei.

¹⁵ Icha paxam bichocono nantiya atene pana naexaname, yawa icha bichocono nantiya daunwei pana nata exaname, dota pam pepu painya nenaaitafaetabi jiwi pam tsipae xua jopa beta painya nejume cowantsiwa Nacom.

Meje xua Pablo yabara paeba pomonae yawa jinompa Nacom pia Pejumope tñaxu tatsi

¹⁶ Xua pocotsiwa paca tsipaebatsi meje baxue: Nacom pia Pejumope tñaxu tatsi payawa jinompape. Bapoxonae jopa paexanaem tsane xua abe paexaname pocotsiwa xua saya jiwi ichichipa pia coutha exana.

¹⁷ Po coylene xua wacoutha wajuntñu coyenetha najuntñu coylene xeinatsi xua abe waexanae coyenewa baraxua Nacom pia Pejumope tñaxu tatsi jopa ichichipaeyo. Po coylene Nacom pia Pejumope tñaxu tatsi naca itorobeiba xua pexeinya coylene waexaneibinexa baraxua, barapo abe wananta xeinaewa jopa ichipaeyo barapo coylene, po coylene Nacom pia Pejumope tñaxu tatsi naca itoroba. Bapoxonae wajuntñu coylene iru Nacom pia Pejumope tñaxu tatsi pia pejuntñu coylene tatsi jopa peburña jupaeya nanta xeinaebe. Daxota bequein paichichipame xua painya neexanaewa xua pexeinya peexanaewan ichitha jopa paexaneibim po coylenein pexeinya coylenein.

¹⁸ Ichitha icha Nacom pia Pejumope tñaxu tatsi itorobiya paca mata cainompa bapoxonae jopa bewa pananta xeinaem xua Nacom paca capanenebiyaena abe painya neexanae coylenein weya painya neexanaexae po coylene Moisés paca itoroba pia peitorobi coyenewatha tatsi.

¹⁹ Pocotsiwan jiwi ichichipa pia coutha exana xua abe meje baxue: Ichamonae nata siwa xeina xua bequein jopa piseuri jiwi. Ichamonae bichocono nanta xeineiba pocotsiwa bichocono xua abe, yawa xua pecui tsacatsacapae coyenewa xua weiweina.

²⁰ Ichamonae wñnae jainta ibo nacomñ. Barichi ichamonae maratha cataerubenanaebiyi xua icha jiwi maratha cataerubenanaebiyatsi. Ichamonae caemonae nantiya naita aenae-aenei. Ichamonae nantiya naba. Ichamonae nantiya nauwa. Ichamonae nantiya nacaseba. Ichamonae asiwa piawan. Ichamonae natsatabe exana. Ichamonae pia matabuxñmonae nacana exana be pomonae seicaya barompaya penanta xeinaewi.

²¹ Ichamonae yabara uwa pocotsiwa xua ichamonae xeina. Ichamonae juteba xua icha jiwi pejutebiwatsi. Ichamonae cupatsi. Ichamonae penajainjubi jiwi bichocono. Ichamonae ichawan exana xua peabe coyenewan. Yabara paca tsiwñnae muxu dutatsi xua jupa be po coylenea bayatha paca tsipaebatsi, po jiwi bapocotsiwan exana barapomonae jopa patsi tsane Nacom pia peitorobi nacua beicha tatsi.

²²⁻²³ Ichitha nama pocotsi coyenewan Nacom pia Pejumope tñaxu tatsi cana exanaena jiwi pejuntñu coyenetha tatsi baxuanje: Peantobewa ichamonaetha, yawa pejuntñu coylene weiweinaewa pejume cowantsixae Nacom, yawa xua jñntema pejinompaewa, yawa xua jñntema pejinompaewa xua bepijawa jopa aitaconaeyo poxonae bequein ichamonae abe exana, yawa xua beta peexanaewa ichamonaetha, yawano xua peyawanaewa ichamonae pejuntñu coylene xeicaewaxae, yawano xeina xua bichocono pejume cowantsiwa Nacom, yawa bichocono pia coutha jopa penayabara nanta xeinaewa, xua saya yabara nanta xeina ichamonaetha, yawa po coylene xua penaitorobiwa pia coutha. Icha peitorobi coyenewa aibi po peitorobi coyenewa xua yabara paeba xua daxita barapo coyenewan pinae abe.

²⁴ Waxainchi pomonaetsi xua Jesucristo piamonae tatsichi, jeichichi: “Poxonae Jesucristo naetotha cobe matatabarutatsi, wajuntñu coylene, po juntñu coylene jopa wñnaeyo, nacata yawa muxuna tupa. Bapoxonae nacata aichurubena exana po coylene xua abe waexanaewa”, jeichichi waxainchi.

²⁵ Waxainchi jinompatsi wanaca yawanaexae Nacom pia Pejumope tñaxu tatsi. Daxota bewa bara copatichi xua Nacom pia Pejumope tñaxu tatsi bara naca matacarucua ducuaenaebiyaena xua ichaxota daxita pocotsiwantha xua exaneibatsi.

²⁶ Jopa bewa waxainchi ichamonaetha aebichi. Matautano jopa bewa nantiya naanaepana exanaetsi. Matautano jopa bewa nantiya nauwichi.

6

Meje yabara poxonae Pablo jeye: “Nantiya pana nayawende”, jei

¹ Tamonae pam, paxam pomonae iru painya nejume cowantsiwixae Jesucristo. Icha ichññ pacui taneme xua abe exana, pon pejume cowantsin Jesucristo, bapon payawende xua equeicha beta peponaewa tsane Nacomtha. Payawende bapon paxam jiwana pomonae pam Nacom pia Pejumope tñaxu tatsi pajume cowantsiya jinompame. Jopa

anaya bichocono pamuxuconaeinde xua abe peexanaexae. Ichitha dota pam, xua irura paca juntu coyene cana exana xua abe painya neexanaewa tsane.

² Nantiya caemonae pana nayawende xua poxonae ichamonaе ajuntucoyenerewe tsaibi pocotsiwa xua ajuntucoyenetane exanatsi. Poxonae nantiya caemonae pana nayawenae baropxonae bara paexanaename pocotsiwa Cristo itoroba xua poxonae jeye: “Nantiya caemonae pana naantobeinde”, jei.

³ Pon pia coutha nayabara nanta xeina xua jopa abe exanaeyo xua daxota jopa nantawenonaeyo xua peyawenaewatsi tsainchi, bapon pia coutha namuxuitoroba.

⁴ Jiton bewa pia coutha nacui yabara nanta xeinae xua exana, baropxonae barapon juntu coyene weiweina icha piawa beta exana. Bapon jopa bewa yabara nanta xeinae pocotsiwa xua ichun exana xua bichocono wnae xua beyacaincha bapon exana. Daxita jiwi carepaya bewa barichi bewa pia coutha nacui yabara nanta xeinae icha metha bara wnae xua pocotsiwan exana.

⁵ Daxita jiwi carepaya barompaya bewa exanaena pia penacuichiwan Nacom nexa be pocotsi coyeneya xua Nacom itoroba.

⁶ Pon xua nacuiduba Nacom Pejume Diwesi, bapon bewa xuya catsina ichawa pocotsiwa xua penantawenonaewa pontha pon xua pecuidubinchixaetsi xua be pematomatsi coyewewa exana.

⁷ Jopa painya coutha pana namuxuitorobinde. Dapon ajibi pon itacupatsi xua Nacom muxuitorobatsi. Pocotsiwa xua pebin exana bara barapocotsi coyeneitha cuita yabara cana exanatsi. Icha bapon abeya exana barichi bara abeya cuita yabara cana cui matomatatsi. Matautano icha bapon xanepanaya exana bara xanepanaya cuita yabara cana cui matomatatsi.

⁸ Icha ichun exana pocotsiwa xua pia coutha ichichipa exana pocotsiwa xua jopa xanepanaeyo, baropxonae bapon xuya cuita xeinaena pocotsiwa xua abe xua jiwi tupa exanatsi. Ichitha icha bapon exana pocotsiwa xua Nacom pia Pejumope tuxatu tatsi ichichipa, baropxonae barapo Nacom pia Pejumope tuxatu tatsi bapon catinchi peajuntuyparusuxa xua ataya tsiteca.

⁹ Jopa bewa ajuntucoyenefaetabi tsainchi po coyewewa xua beta waexanaewa Nacom nexa. Icha jopa ajuntucoyenefaetabiya jinompae tsainchi xua beta waexanaewa Nacom nexa, baropxonae po mataqueitha Nacom daxita wetsina Nacom naca catsina pentoma pocotsiwa wnae xua xanepanaya waexanaexae.

¹⁰ Daxota poxonae daxita coyeneintha naca itacupa xua exanaeinchi pocotsiwa xanepana bara bewa exaneibinchi ichamonaetha pocotsiwan xanepana. Baraxua bewa exaneibinchi daxita jiwitha. Nacom tsitatsi xua bichocono ainya cui xua yawenatsi pomonae Jesucristo pejume cowantsiwichi, beyacaincha poxonae yawenatsi pomonae jopa pejume cowantsiwi.

Meje yabara xua Pablo najume wetsiya paeba

¹¹ Pataema xua matapainya tacoutha tinan, daxota pin itaneton tsica.

¹² Pomonae judiomonaе xua paca itoroba xua painya nepaca wi thabiwa tsane, barapomonae saya baxua exana pia icha judiomonaе wnae yabara nanta xeinaetsi barapomonaetha. Yawa barapomonae pomonae xua paca itoroba pomonae judiomonaexae naerabiya nanta xeinaeya jeye: “Poxonae Cristo Pejume Diwesi cueicueijeichi pomonaetha pomonae jopa judiomonaе naexanaeyo, bara muxuna itorobatsi xua barapomonae bara bewa pebiwi wi thabinchi ichaxota nareixacaena. Bapo coyewewa icha waxainchi exanatsi baxua wamonae pomonae judiomonaе juntu coyene weiweinaena. Baropxonae barapomonae jopa nacata abe exanae tsane, bequein tsipaebatsi pomonaetha, pomonae jopa judiomonaе naexanaeyo xua Cristo naca tsitupa naetha”, jei xua naerabiya nanta xeina.

¹³ Bequein barapomonae paca itoroba xua paca wi thaba ichitha jopa exanaeyo pocotsiwa Moisés pia peitorobi coyewewa itoroba. Barapomonae ichichipa xua paca wi thaba ichamonaе, pia barapomonae paca yabara paebichi ichamonaetha xua barapomonae paca itoroba. Barapo judiomonaе ichichipa xua icha judiomonaе yabara nanta xeina xua pomonae paca itoroba bara beta exana pia paca cui itorobixae barapo penawi thabi coyewewa.

¹⁴ Ichitha xan aichaxaibin xua tacoutha atsaquiya nayabara paeban ichamonaetha. Saya meisa bichocono atsaquiya yabara paeban xua Jesucristo petupaewa naetha pon Wanacacanamataxeinaein. Cristo naetha netsitupa daxota pocotsi coyenein xua xeina po irathe jopa netsita ainya cuiyiyo, xua taxainaenexa yawa xan jopa tsita ainya cuiyino barapo cae pin nacuathepiwitha.

¹⁵ Jopa naca yawenaeyo icha naca wi thaba. Barichino jopa naca yawenaeyo icha jopa naca wi thabiyo. Jame pocotsiwa ainya cui xua bewa Jesucristo tsita xeinaetsi pena jñntñ coyene.

¹⁶ Barabñ Nacom paca cata jñntema painya nejinompaewa. Matañtano barabñ Nacom nantanuweya paca yabara nanta xeinaena pia painya nepaca yawenaenexa. Barabñ Nacom daxita paxamtha barapo coyenebe paca cana exanaena pomonae pam paexaname po coyenewa barapo peitorobi coyenewa paeba, po peitorobi coyenewa xua yabara paeba pena jñntñ coyenewa, yawano barabñ Nacom paca cana exanaena daxita paxamtha pomonae pam xaniwaicha painya nejume cowñntsiwi pam Nacom.

¹⁷ Anoxuae yawano xua bexa tsaneno jopa ichichipaeinyo xua ichññ inta ayarube exanaena xua poxonae neyabara paeba xua po coyene pinae Nacom jopa neitorobiyo xua tacueicueijiwa tsane bapon nexa. Tsita itapeinya xeinan xua Nacom xaniwaicha bara neitoroba tsipei ichamonae newan duba taperñtotha tajume cowñntsixae Jesús.

¹⁸ Tamonae pam, paxam pomonae irññ painya nejume cowñntsiwixae Jesucristo. Barabñ bapon pon Wanacanamataxeinaein, paca jñntñ coyene weiweina exanaena pia painya nepaca antobexae. Je bara ichi tsane.

Baja Pablo.

Meje Po Carte Pablo Tatina, Efeso Tomarapiwi Tatinatsi

Meje yabara poxonaef Pablo tamropata pitaba xua tatina pomonaetha pomonaef Efeso tomarapiwi

¹ Xan, Pablon, pacata tinatsi. Nacom necana exana xua Cristo Jesús pia peitorobi jiwi jiwana tatsin xua bapon peichichipaexae. Pacata tinatsi pomonaef pam pomonaef Nacom piamonaef pamxaem, pomonaef pajinompame Efeso tomaratha. Paxam beta xanepanaya pajume cowanteibame Cristo Jesús xua Nacom caemonaef painya nepaca exanaexae Cristo Jesustha.

² Barabun Nacom, pon Waxa iru Jesucristo, pon jiwi Pecanamataxeinaein, baponbe paca yawenaena pia paca necaantobexae. Matautano barabun baponbe peburuya juntema jinompa paca cana exanaena.

Meje yabara xua poxonaef Nacom wanaca yawenaewa, wanaca antobexae

³ Barabun waxainchi tsipaebatsi Nacomtha, Jesucristo Wanacanamataxeinaein, pia Nacom tatsi xuano xua Paxa tatsi. Jeichichi: "Nacom maisa pajuntu coyene weiweinan jinya pata taneyawenaewaxaem", jeichichi. Daxita waxainchi Nacom caemonaef wanaca cana exanaexae Cristotha, daxota Nacom naca yawena. Nacom bara tsitecaeya naca cata daxita carepaya pejuntu coyenein po pejuntu coyenein xeina pia nacuatheicha. Bapo juntu coyenein naca catsiba xua wanantawenonaewatsi xua wanaca ajuntucoyenesu exanaenexa beta xua Nacom watsita jinompaenexatsi.

⁴ Caena bayatha pewunaeya xua poxonaef nacua forotsina, Nacom naca wun duba xua piamonaef tatsi wanaca exanaenexa tsane poxoru Cristo caemonaef wanaca exanaewa tsane bapontha. Matautano Nacom naca wun duba xua bichocono watsita juntu coyene xanepanaenexa tsane bapon xua matauta jopa watsita natsicuentiswatsi tsane xua abe waexanaexae bapontha.

⁵ Nacom pia wanaca antobewaxae caena bayatha naca yabara nanta cui yapu weta xua pia pexui tatsi wanaca cana exanaewa tsane. Baxua Nacom naca cana exana xua pocotsiwa Jesucristo pia wanacata exanaexae. Nacom ichichipa exana baxua petsita xanepanaexaetsi.

⁶ Daxota barabun Nacom wunaef jainteibatsi pon bichocono pexeinya coyenewa exana poxonaef naca yawena wanaca antobexae. Matautano Nacom bichocono wanaca antobexae amanaya daxitatsi caemonaef naca cayawa exana Pexantotha, po Pexanto bichocono antobe.

⁷ Nacom pia pin wanaca antobexae naca capanenebiya exana abe waexanaef cuiuru coyenein weya. Nacom tsitatsi xua jopa watsita natsicuentiswatsi xua abe waexanaexae, yawa naca cayabara cui juntemaina barapo cui. Baxua exana poxoru Nacom Pexanto tatsi jana pichapabarena poxonaef bexotsi, poxonaef abe waexanaef cuiuru coyene naca yabara tsitupa naetha.

⁸ Nacom naca tsita itapeinya xeina xua bichocono jopa juniya naca antobeyo. Matautano naca cana exana xua wayabara yaputaewatsi bapon.

⁹ Nacom bayatha exana pocotsiwa xua caena bayatha juntucuru exana. Nacom naca yaputane exana xua wayaputaewa pocotsiwa bapon moya yawun xeina xua jiwi jopa yabara yaputaeyo po coyene xua bapon ichichipa peexanaewa. Baxua xua pocotsiwa moya yawun xeina caena bayatha Nacom juntucuru nanta xeina xua Pexanto peitorobiwa tsane po cae pin nacuathe tsiqab pon pewun Jesucristo.

¹⁰ Caena bayatha Nacom cayabara nanta xeina pocotsiwa xua exanaena. Barapo coyene exanaena po coyene xua daxita caetutsina pocotsiwan Cristo pecanamataxeinaewa tsane picoya xua xuan peitabocotha piawan xuano xua xuan po irathe piawan. Baxuan exanaena poxonaef jopana barapo matakabi xua poxonaef po mataqueitha Nacom ichichipa beexanaena baraxua.

¹¹ Daxita po coyenein Nacom exana, bapon exana po coyeneya xua ichichipa. Daxota caena bayatha Nacom pana wun duba pata tanaexanaewa tsane piamonaef tatsi poxoru Cristo caemonaef wanaca exanaewa tsane bapontha. Daxita pocotsiwan xua Nacom pana cana exana caena bayatha bapon tsiwanaya juntucuru nanta xeina xua exanaena baxuan tsipei Nacom exana daxita xua pocotsiwan tsita wunaetsi.

¹² Paxan, judiomonaef pan, pomonaef pan xua copiya pawunaef ewatan xua Cristo pepatopaewa tsane. Barabun daxota Nacom bichocono wunaef pajainchin pexeinya peitupanaewa peexanaeinxae.

¹³ Pocotsiwa xua pexainyei jume diwesi, barapo diwesi apara Nacom pia pecanenebiyae diwesi tatsi. Poxonae barapo pexainyei jume diwesi pajume taneme Nacom paca cana exana piamonae tatsi painya nejume cowantsixaem Cristo painya nepaca capanenebiyaenexa. Bapoxonae Nacom tsita itapeinya xeina xua paxam piamonae tatsi pam poxonae paca cata pia Pejumoŕe tñaxu tatsi. Bayatha Nacom yabara paca tsiwunaem muxu duta xua pinae paca catsina barapo pia Pejumoŕe tñaxu tatsi.

¹⁴ Nacom pia Pejumoŕe tñaxu tatsi naca cata wanaca baru poponaenexa. Baxua naca tsita itapeinya xeina xua daxota xaniwaicha yaputainchi xua bexa ichawan xua Nacom naca catsina pocotsiwan yabara naca tsiwunaem muxu duta xua naca catsina. Nacom baxua exanaena poxonae daxita cana exanaena piamonae tatsi, pomonae daxita bewa jume cowantsina Jesucristo. Bapoxonae jiwi wunaem jainchina Nacom bichocono pexeinya peitapanaewa peexanaemxae.

Meje yabara poxonae Pablo Nacomtha tawuca pomonae pejume cowantsi jiwi xua Nacom yaputane pecana exanaewa tsane barapomonae pomonae pejume cowantsiwi

¹⁵ Paca yabara jume tainchi xua paxam pinae beta pajume cowantame Jesús, pon jiwi Pecanamataxeinaein. Matautano paca yabara jume tainchi xua pinae beta paantobem pomonae iru pejume cowantsiwi.

¹⁶ Daxota ataya pacata wuqueibatsi Nacom, janje: “Nacom maisa juntu coyene weinain xua Efeso tomarapiwi neyawenaewa, pomonae necajume cowantsiwi”, jan.

¹⁷ Wucan Nacom, Jesucristo Wanacanamataxeinaein, pia Nacom tatsi, pon Waxa pon bichocono pexeinya peitapanaewa peexanaein. Wucan xua painya nepaca cacatsinexa pia Pejumoŕe tñaxu tatsi painya neyaputaewa tsane pocotsiwan xua xainyei xua Nacom yabara. Matautano wucan xua painya beta neyaputaeponaenexa Nacom.

¹⁸ Nacom wucan xua painya neyaputaenexa painya juntu coyeneintha. Bapoxonae paca itacupaena xua payaputaename pocotsiwa Nacom yabara paca tsiwun duba xua painya nexainaenexa pocotsiwa yabara paca tsiwunaem muxu duba. ¡Maisa bichocono jopa juniyiyo xua pocotsiwa Nacom catsina pomonaetha pomonae pia pejume cowantsi jiwithaxaetsi pocotsiwa bapon juntana jeba barapomonae!

¹⁹ Matautano wucan xua painya neyabara yaputaewa tsane Nacom pia peayapusu itorobi coyenewa, po peayapusu coyenewa bichocono wunaem xua jopa wetsiyo. Barapo peayapusu itorobi coyeneyatha Nacom naca yawena wajume cowantsiwixae.

²⁰ Barapo peayapusu itorobi coyenewa jupa po peayapusu itorobi coyenewatha Cristo asu exainchi petupae cuiru coyene weya xua Nacom exana. Barapo pia peayapusu itorobi coyenewatha Nacom Pexanto cuareta pia pecoxa weya xua peitabocotha xua Pexanto aina cui cana exana.

²¹ Nacom Pexanto cana exana xua Jesucristo toxeincha canamataxeina pomonaetha daxita pomonae ichamonae canamataxeinatsi itabocotha, matautano xua barapo cae pin nacuathe. Matautano bapon canamataxeina daxita pomonaetha pomonae nacuan peewatsiwi, barichino pomonaetha pomonae piamonae pematacaponaewichi. Cristo canamataxeina pia peayapusu itorobi coyenewatha, po peayapusu itorobi coyenewatha bichocono ayapusu beyacaincha ichamonae pia peitorobi coyenewan tatsi. Po wun xua Jesucristo xeina xua “Cristo”, jeichichi barapo wun yabara matawan dutatsi pia peexanaewa. Barapo wun bichocono peainya cui wun, beyacaincha ichamonae pewunxi, po wunxi xua yabara matawan dubatsi xua peexanaewa pomonae anoxuae jinompa iru pomonae bexa jinompaenano.

²² Nacom exana xua daxita coyenewantha Cristo itoroba pia peayapusu itorobi coyenewatha. Matautano Nacom exana xua Cristo daxita pepa pecanamataxeinaein piamonae daxita pomonae pejume cowantsiwixae.

²³ Pomonae pejume cowantsiwi Cristo barapomonae be bara Cristo pia pepon tatsi tsipei Cristo cana exana xua barapomonae caemonae naexana bapontha. Dapocotsiwa ajibi pocotsiwa Cristo petaseicaewatsi tsipei nantauta pomonae pejume cowantsiwichi. Barichi dapocotsiwa ajibi pocotsiwa petaseicaewatsi pomonae Cristo pejume cowantsiwichi tsipei Cristo ataya tsitecaeya baru popona barapomonae daxita nacuantha.

2

Meje yabara poxonae xua Nacom naca capanenebiya, wanaca antobexae

¹ Copiya bayatha poxonae jopa pajume cowantsim Nacom bichocono abe paexana dubenanaebiyame. Matauta pajumefebame Nacom poxoru paxam be pomonae pewerapaewi pam jopa painya yawa jinompaexae Nacom pia Pejumoŕe tñaxu tatsi.

² Bayatha jopa xapain painompaem. Painompame icha barapo cae pin nacuathepiwi ichi xua bichocono abe exana dubenanaebiya. Paexaname bayatha xua caurimonae pia

pentacaponaein tatsi painya nepaca cui itorobixae. Bapon canamataxeina caurimonae po caurimonae jinompa itabocotha barapo nacue matatsuntha xua beyano Nacom pia nacua beicha tatsino. Barapo caurimonae pia pentacaponaein tatsi, pomonae Nacom jumefebatsi, barapomonae juntu coyene itorobatsi xua abe peexanaewa tsane.

³ Caena bayatha waxainchi barichichi exana dubenanaebiyatsi barapocotsi coyenein xua abe. Exainchi pocotsiwa xua ichichipatsi xua wajuntu coyenewa naca cui itoroba xuano xua wapepon naca cui itoroba. Tsipei waxainchi jiwichi xua yacuiya naexanatsi xua abe waexanaewa, daxota bayatha Nacom anaya nanta xeina xua naca atene exana icha ichamonae ichichi xua atene exanatsi abe peexanaexae.

⁴ Daichitha Nacom jopa juniya naca matateicaeyo xua wanaca yawenaewa bichocono wanaca antobexae.

⁵ Bequein poxonae cataunxuae bichocono abe exana dubenanaebiyatsi waxainchi, xua daxota be petupaewi jinompatsi abe waexanaexae, bapoxonae Nacom naca yawena. Baraxua be bapon naca baru ajuntucoyenesu xua Cristo wanaca cana exanaexae xua caemonae naexainchi bapontha. Nacom naca capanenebiya saya apara poxoru wanaca antobexae.

⁶ Wajume cowuntsixae Jesucristo, waxainchi Nacom tsitatsi xua apara be bara bayatha bapon naca asu exana petupaewi coyene weya icha Cristo Jesús ichichi xua asu exanatsi petupaewi coyene weya. Matautano waxainchi tsitatsi xua apara be bara bayatha naca exana xua waenaewa ichaxota Cristo Jesús eca pia nacuatheicha.

⁷ Nacom juntucuru baxua exana petsita itapeinya xeinaenexa xua xeina pia pin peantobe coyenewa xua waxainchi nexa xua daxita matacabintha tsopone tsane. Nacom naca tsita itapeinya xeina xua bichocono naca antobe poxonae naca exana xua caemonae naexanaeinchi Cristo Jesustha.

⁸ Tsipei Nacom paca antobe daxota paca capanenebiya poxonae pajume cowuntame bapon. Apara jopa baxua painya coutha paexanaem, apara Nacom jame baxua amanaya paca cana exana.

⁹ Nacom apara jopa baxua paca cana exanaeyo xua painya nenacuichixae. Icha paca itacupa xua poxonae payabara nacuichipame xua painya nepaca capanenebiyaenexa bapoxonae be painya neatsacae jiwí pam tsipae xua poxonae ichantha pajam: “Beta paexanan daxota Nacom pana capanenebiya”, pajam.

¹⁰ Nacom naca exana xua pena juntu coyenewatha jinompatsi Cristo Jesús nexa xua beta xanepanaya waexanebinexano bapon nexa poxonae jinompatsi. Caena bayatha baxuan Nacom yabara nanta xeina xua naca juntu coyene cana cui weta exana xua po coyeneya waxainchi beta wataexanaewa tsane ichamonae.

Meje yabara po juntu coyenetha Nacom naca cana exana xua juntema wajinompawea caemonae wanaexanaexae Cristotha

¹¹ Poxonae panaexaname jopa panaexanaem judiomonae. Paxam pomonae jopa judiomonae painya nenaexanae jiwixaem pana nacui yabara juntanainare xua eta po jiwí pamda caena bayatha poxonae jopa pajume cowuntsim. Judiomonae paca yabara jei: “Barapomonae jopa pewi thabiwichi xua ichaxota pia penareixacaenaewa xua petsita itapeinya xeinaewa tsane xua barapomonae Nacom piamonae”, paca yabara jei. Judiomonae pia coutha nayabara jei: “Waxainchi pomonaetsi, pomonae naca wi thaba xua ichaxota wanareixacaenaewa watsita itapeinya xeinaewa tsane xua Nacom piamonaetsi”, nayabara jei. Barapo pewi thabi coyene xua ichaxota pebiwi penareixacaenaewa saya jiwí pia coya nacanautsiya exana.

¹² Bayatha barapo dapaetha poxonae cataunxuae jopa pajume cowuntsim jopa Cristo payabara yaputaem. Matautano paxam be painya nenanapaincha jinompawei pam xua icha nacua warena painya neponaewi xua jopa Israel nacupawei jiwana pam. Po petiwunae yabara muxu dutsi coyenewan xua Nacom juntucuru nanta xeina xua caemonae naexana piamonaetha, xua judiomonaetha, barapo coyenein apara jopa paxam nexa. Matautano pajinompame barapo cae pin nacuathe ichitha jopa pawunae ewatsim xua pocotsiwa xua wunae xua Nacom exanaena paxam nexa cataunxuae jopa painya nejume cowuntsixae. Tsipei jopa painya neyabara yaputae jiwí pam Nacom.

¹³ Ichitha anoxuae Cristo Jesús paca exana xua caemonae pana naexaname bapontha. Paxam pomonae bayatha jopa Nacom painya nejume cowuntsi jiwí pam xua jopa painya yabara yaputaexaem bapon. Ichitha anoxuae pajume cowuntame painya neyabara yaputaexae Cristo Jesús, pon naetha painya abewan paca yabara tsitupa, poxonae jana pichapabarena poxonae bexotsi.

¹⁴ Cristo meisa bapon naca cata po juntu coyenewatha xua ichamonaetha xuya juntema jinompa exanatsi. Cristo exana xua caemonae naexana pomonae xua judiomonae iru

pomonaе jopa judiomonaе naexanaeyo. Cristo cui weraweraca exana po juntu coyenein xua judiomonaе iru pomonaе jopa judiomonaе naexanaeyo penaaitafaetabi jiwі naexana xua saya be caemonaе penaexanaewa tsane. Baxua exana poxonaе naetotha tsitupa jiwі.

¹⁵ Poxonaе Cristo naetotha tupa bapoxonaе bapon cana exana xua Moіsеs pia peitorobi coyenewa tatsi jopa equeicha xeinaeyo peayapusu itorobi coyenewa xua jiwі peitorobi-watsi pocotsi coyenein jiwі bewa exanaе. Bapon Cristo cana exana xua barapomonaе Cristo caemonaе pebaru naexanaewa tsainchi pomonaе xua copiya pia peaitafaetabi jiwіxatetsi. Poxonaе Cristo baxuan cana exana bapoxonaе barapo bicheitomonaеbe junteма naba ru jinompa cana exana.

¹⁶ Petupaexaе naetotha Cristo exana xua equeicha barapomonaеbe jopa nabіyo. Matautano bapoxonaе Cristo naita coxone exana xua barapomonaеbe junteма pejinom-paewa Nacomtha xua icha be jopa ichіyo xua poxonaе copiya jinompa xua Nacom pia peaitafaetabi jiwіchi. Cristo exana xua barapomonaеbe Nacom caemonaе exainchi.

¹⁷ Cristo patopa po cae pin nacuathe tsique. Bapon daxita paxam paca tsipaeba Nacom pia pexeinya jume diwesi tatsi. Barapo juntu coyenewatha jiwі equeicha caewa Nacom ita coxonatsi xua Nacom junteма petsita jinompaewa tsainchi. Daxita paxamtha paca tsipaeba barapo diwesi pomonaetha iru pam pomonaе copiya jopa Nacom payabara yaputaem, xua pomonaе jopa judiomonaе pam. Iru tsipaebatsi pomonaе yatsicaya judiomonaе pomonaе Nacom yaputainchi pejume cowantsixae.

¹⁸ Cristo jiwі petsitupaexatetsi abe pia peexanaе coyenewan tatsi daxota Nacom pia Pejumope tanaxu tatsi yawena xua pomonaе judiomonaе iru pomonaе jopa judiomonaе naexanaeyo be caemonaе naexanaеbe xua cae axa xeina, bapon Nacom.

¹⁹ Daxota anoxuae jopa be painya nenanapaincha jinompaewi pam xua be icha nacua werena painya neponaewi. Paxam iru ichamonaе pomonaе Nacom pejume cowantsiwіru be pomonaе cae nacupiwі pam. Paxam Nacom piamonaе jiwana tatsi pam.

²⁰ Poxonaе ba jiwі Nacom pin pia bo acaba copiya matha beta noba po iboton xua iratha tabu caumena. Nexata beta nota po iboto xua ainya cui xua po iboto bo daunweya babatanota po iboto xua epatauta botabiya. Bapoxonaе nanta cajejebabapona icha iboton, xua pepa bo exana. Icha pebiwi ichi poxonaе bo acaba, Nacom piamonaе bara cana jatsiya cana ichi. Pomonaе Cristo pia peitorobi jiwі tatsi iru pomonaе Nacom pia peitorobi jume pepaebiwі barapomonaе be bara pocotsi iboton xua tabu caumena tsipei barapomonaе copiya paca cuiduba Nacom Pejume Diwesi tatsi. Iru Jesucristo be barapocotsi ainya cui iboto po iboto daunweya babatanota po iboto epatauta botabiya, tsipei Cristo paca yawena xua painya nejume cowantsiwa bapon. Iru paxam be po iboton xua jiwі nanta cajejebabapona, pomonaе penanta carubenaе jiwі pam, tsipei cotacaya painya nejume cowantsixae.

²¹ Cristo piamonaе bara cana jatsiya ichiya cana exana, icha po iboto ichi xua ainya cui xua bo daunweya babatanota exana. Cristo pon jiwі Pecanamataxeinaein, exana xua piamonaе tatsi pinmonaе tsoponaе xua xanepanaya caemonaе naba ru jijinapona, pomonaе Nacom tsita juntu coyene xanepanatsi.

²² Poxonaе jiwі weta barapo pin bo, bapoxonaе cana exana xua barapo bo apara Nacom pia bo tatsi ichaxota Nacom popona. Nacom paca cana exana xua paxam iru daxita ichamonaе pomonaе iru pejume cowantsiwі Nacom, caemonaе pana naexaname xua Nacom pia Pejumope tanaxu tatsi pia paca baru jinompaenexa icha Nacom ichi xua pia pin botha popona.

3

Meje yabara poxonaе Nacom Pablo itorobatsi xua pecueicueiweiwa Nacom Pejume Diwesi pomonaetha pomonaе jopa judiomonaе naexanaeyo

¹ Xan, Pablon, jiwі pecubi botha ecan yabara tanatsipei cueicueiweixae Cristo Jesu s poxonaе bapon yabara tapaca cuidubiwatsi pomonaе pam jopa judiomonaе panaexanaem.

² ;Bara pajume taneme xua Nacom necata barapo tatanacuichiwa xua inta bichocono wanae! ;Nacom neitoroba tana neantobexae xua tapaca cuidubinexatsi tapaca yawenaenexatsi!

³ Nacom ituta xua po coyene xua moya yawun xeina po coyene xua Nacom capanenebiyaena jiwі xua jiwі copiya jopa yabara yaputaeyo. Nacom neyaputane exana barapo coyene xua moya peyabara cui yawun xeinaewa po coyene bexa exanaena xua jiwі jopa yabara yaputaeyo. Baxua bayatha yabara pacata tinatsi xua imoxoyo diwesi tsecae.

⁴ Poxonaе barapo carte payorobiname payaputaename xua bara xan yaputan po coyene xua Cristo moya yabara cui yawun xeinatsi po coyene xua bexa Nacom exanaena xua jiwі jopa yabara yaputaeyo.

⁵ Bayatha jiwí jopá yaputaeyo po coyene xua Nacom Cristo moya yabara cui yawun xeinatsi po coyene xua Nacom exanaena. Ichitha anoxuae Nacom pia Pejumope tñaxu tatsi baxuan yaputane cana exana pomonaetha pomonae pia coya Nacomtha nacana exana xua Nacom petanacuichiwa tsainchi pomonae Cristo Jesús pia peitorobi jiwixae tatsi, matautano Nacom pia peitorobi jume pepaebi jiwitha tatsi.

⁶ Meje baxue xua pocotsiwa moya peyawun xeinaewa: Pomonae jopá judiomonae naexanaeyo barapomonae iru xeinaena po coyene xua Nacom cata judiomonaetha po coyene bichocono wunae xua bayatha Nacom juntana jeba. Barapomonae pomonae jopá judiomonae naexanaeyo Jesucristo pejume cowantsixaetsi caemonae nanaexana peya judiomonaetha pomonae iraru Cristo Jesús pejume cowantsiwixaetsi. Barapomonae iru xeinaena po coyene Nacom yabara tsiwunae muxu duta judiomonaetha xua Cristo Jesús yabara. Barapomonae pomonae jopá judiomonae naexanaeyo daxita baxuan iru xeinaena poxoru jume cowantarú Nacom pia pecapanenebiyae diwesi jume.

⁷ Nacom neitoroba xua tacueicueijeíwa barapo pexeinya jume diwesi amanaya tatanacuichixae Cristo. Nacom necata barapo tatanacuichiwa pia tana neantobexae xua tayawenaewa tsane ichamonae. Matautano Nacom necata pia peyapusu itorobi coyenewa xua tacueicueijeíwa tsane barapo pexeinya jume diwesi.

⁸ Pomonae xua be conotha ainya cui xua Cristo piamonae tatsi barapomonae ainya cui beyacaincha xua xan. Daichitha Nacom necata barapo tatanacuichiwa xua inta bichocono wunae. Nacom neitoroba xua tacueicueijeíwa tsane pia pexeinya jume diwesi pomonaetha pomonae jopá judiomonae naexanaeyo. Cueicueijan po pexeinya jume diwesi xua Cristo bichocono peantobexae jopá juniya yawenaeyo barapomonae pomonae jopá judiomonae naexanaeyo.

⁹ Matautano Nacom neitoroba xua daxita jiwitha yabara yaputane taexanaewa tsane po coyene xua Nacom exanaena bexa tsane, po coyene Nacom moya yawun xeina. Barapo coyene Nacom pon daxita peforotsin, caena bayatha moya nayawun xeina xua jiwí jopá peyaputaewa tsane xua pocotsiwa bapon exanaena.

¹⁰ Anoxuae Nacom yaputane exana matatsunpiwi, pomonae itoroba itabocotha, matautano pomonae pecanamataxeinaewa itabocotha. Barapomonae Nacom yaputane exana pocotsiwa bapon moya yawun xeina caena bayatha xua jiwí jopá yabara yaputaeyo. Barapo itabocopiwi nacuiduba xua bara Nacom bichocono yaputane daxita carepaya coyenewan. Baraxua yaputane poxonae tane xua pomonae judiomonae matautano pomonae jopá judiomonae naexanaeyo daxita barapomonae caemonae naexana pejume cowantsiwichixaetsi Cristo Jesús.

¹¹ Nacom exana baxua icha be pocotsi coyeneya caena bayatha yabara nanta xeineibapona. Bapon baxua exana Jesucristo pon Wanacanamataxeinaein petupaexae naetotha.

¹² Naca itacupa xua watsipaebi watsi Nacom wajume cowantsixae Cristo. Waxainchi yaputainchi xua bapon bara naca jume tane caemonae wanaexanaexae Cristotha, daxota cui tsacatsacapiya watsipaebiwa Nacom.

¹³ Daxota jopá ichichipaeinyo xua paajuntucoyenerewiya jinompame xua ichamonae atene tana neexanaexae paxam nexa. Ichitha jame bewa baxua paichichipaem tsipei baxua jame paca yawena.

Meje yabara xua Cristo jiwí peantobewatsi

¹⁴ Poxonae yabara nanta xeinan xua po coyenewa xua Nacom exana bapoxonae tantabocotha uncuan xua tatsita itapeinya xeinaewa tsane xua baru cui itura jinan Waxa pon itabocotha pepoponaein.

¹⁵ Daxita Nacom piamonae pomonae pejume cowantsiwichi, pomonae itabocopiwi iru pomonae po irathepiwi, daxita barapomonae Nacom tsitatsi xua barapomonae be caemonae naexana. Bapon daxita barapomonae paxa tatsi.

¹⁶ Nacomtha pacata wucatsi. Tsipei Nacom pexeinaexae peitaboco beicha pocotsiwa jopá juniyiyo xua bichocono wunae daxota jan: "Nacom care Efeso tomarapiwi xua bichocono jinya neyapusu itorobi coyenewa. Barapomonae nejumopetha juntu coyene daunweya jinompa exande.

¹⁷ Barabu Cristo baru poponeibina barapomonae pejume cowantsixaetsi. Barabu barapomonae bichocono antobe jiwí bichocono pejuntu coyene yucaewaxaetsi peantobe coyenewa.

¹⁸ Barabu barapomonae beta yabara yaputaena Cristo pia peantobe coyenewa tatsi xua iraru daxita ichamonaeru yaputaena pomonae pejume cowantsiwi. Barapon Cristo pia peantobe coyenewa tatsi bichocono ayei xainto juntu coyenewa.

¹⁹ Cawhcatsi Nacom xua barapomonae barabũ yaputaena barapo coyene po coyene Cristo pia peantobe coyenewa tatsi, xua po peantobe coyenewa ayei xainto jũntũ coyenewa xua jiwi jopa itacũpaetsi xua peyabara yaputaewa. Cawhcatsi xua barapomonae nejũntũ coyene yũca exanaenexa daxita jinya nejũntũ coyenewatha.

²⁰ “Wũnae cajaintatsi poxoru caitacũpa xua bichocono pata tana neyawenaewam beyacaincha xua pata tacawũcaewatsi, xuano beyacaincha pata nanta xeinaewa. Baxua painta exaname poxonae jinya neayarusũ itorobi coyenewa nacuita pata jũntũ coyenewatha.

²¹ Barabũ daxita pomonae pejume cowũntsiwi pomonae caemonae naexana Cristo Jesustha wũnae cajainchina xua ataya petsitecaeponaewa tsane. Je bara ichi tsane”, jan xua pacata wũcatsi Nacomtha.

4

Meje yabara xua Nacom pia Pejumope tũnaxũ tatsi cana exana xua caemonae naexana Nacom piamonae tatsi

¹ Tatanacuichixae Jesucristo pon jiwi Pecanamataxeinaein daxota jiwi neeta jiwi pecũbi botha. Pecono jumetha paca muxuwetatsi xua beta xanepanaya painya nejinompaewa xua Nacom itapeta painya nepaca wũn dubixae painya nejume cowũntsixae bapon icha be pocotsi coyeneya xua Nacom tsita xanepanatsi.

² Ita ururanaya pajinompeibare xua jopa painya neatsacaewa tsane. Mataũtano jume xanepanaya nantiya pana natsipaebeibare xua jopa paantatsaxande. Mataũtano saya jopa paaitaconaeinde xua daxota jũntema painompaenae poxonae bequein ichamonaebeyacaincha xua pata tacawũcaewatsi, xuano beyacaincha pata nanta xeinaewa. Baxua painta exaname paxam painya nexinaewa tsane cae coyenewa xua po coyene peburũya pana nabarũ wũnae ewatame pocotsiwa xua bexa Nacom exanaena.

³ Nacom pia Pejumope tũnaxũ tatsi paca cana exana xua caemonae painya nenaexanaewa tsane. Daxota peajũntũcoyenesũwatha paexande daxita coyeneya xua caemonae jũntema painya nenabarũ jinompaewam tsane.

⁴ Paxam pomonae painya nejume cowũntsiwi xixae Cristo Jesús daxota caemonae paca exana. Bequein daxita carepaya paxam barompaya paxeiname Nacom pia Pejumope tũnaxũ tatsi, ichitha barapo pejumope saya bara caein. Nacom yabara paca wũn duba xua daxita paxam painya nexinaewa tsane cae coyenewa xua po coyene peburũya pana nabarũ wũnae ewatame pocotsiwa xua bexa Nacom exanaena.

⁵ Mataũtano bara caein pon jiwi Pecanamataxeinaein. Mataũtano cae coyenewa xeinatsi po coyenewa xua wajume cowũntsiwa Cristo. Mataũtano saya cae wũnthã nabautisabatsi xua Cristo pewũnthã tatsi.

⁶ Mataũtano bara caein Nacom pon Waxa xua daxitatsi waxainchi. Bapon daxita jiwi canamataxeinatsi, mataũtano daxita carepaya nacuantha popona. Mataũtano daxita waxainchi carepaya naca barũ popona.

⁷ Daxita waxainchitha seicaya cabarompaya naca cana jũntũ cui coyene duba exana pocotsi coyeneintha xua watsita exanaewa tsane bapon. Barapo coyenein Cristo naca catsiba po coyenein jiwana xua bapon nawita xeina icha bapon ichichipa.

⁸ Daxota Nacom Pejume Diwesitha jeye Cristo yabara:

“Bapon athabe juinya tajũ beicha.

Poxonae athabe juinya barũ juinya pomonae

pia peaitafaetabi jiwichi petsita

itapeinya xeinaenexa xua amanayaba

barapo peaitafaetabi jiwichi.

Mataũtano bapon pia pejume cowũntsiwichi

catsiba po jũntũ cui coyenewantha xua

barapomonae Nacom petsita exanaenexatsi”,

jei Nacom Pejume Diwesitha.

⁹ ¿Eta xua metha baxua caunuta poxonae paeba xua “athabe juinya tajũ beicha”? jei. Baxua caunuta xua copiya matha Cristo po irathe patopeica xua bapoxonae equeicha caibe juinya athabeicha itaboco beicha.

¹⁰ Pon xua po irathe patopeica, barichi bapon athabe juinya tajũ beicha xua bapon peponaewa tsane daxita nacuantha xuano daxita itabocotha.

¹¹ Cristo catsiba jiwitha xua seicaya barompaya pejũntũ cui coyenein. Ichamonaetha cana exana pomonae pia peitorobi jiwixae tatsi. Ichamonaetha cana exana pomonae pecueicueijei jiwi pia peitorobi jume diwesi tatsi. Ichamonaetha cana exana pomonae xua pecueicueijei dubenanoutsivi Nacom pia pexeinya jume diwesi tatsi xua pecanenebiyae diwesi jume. Ichamonaetha cana exana pomonae eena jiwi pomonaetha

pomonaē pejume cowantsi jiwī. Ichamonaetha cana exana pomonaē xua pecuidubi jiwī pomonaetha pomonaē pejume cowantsiwi.

¹² Poxonaē barapo coyene Cristo exana, piamaē cana jūntu coyene wetsiya cana exana xua beta petaxanaewa tsainchi pia petanacuichiwa tatsi. Bapoxonaē daxita piamaē tatsi mataropeichiya ajūntuyarusūya jume cocowantapona pomonaē piamaēxae tatsi pomonaē bara be Cristo pia pepon tatsi.

¹³ Baxua Cristo exana xua beya waxainchi caemonaē wanaexanaewa tsainchi xua caemonaē wanabaru jume cowantsixaetsi Cristotha. Bapoxonaē naexanatsi xua peburūya caemonaē wanabaru yabara yaputaewa tsainchi Nacom Pexanto tatsi. Matautano bapoxonaē yatsicaya beta jume cowantsi, bapoxonaē jinompatsi be pomonaē bayatha pinyontsi xua pocotsimonaē itacūpatsi xua Nacom beta petsita jinompawatsi. Bapoxonaē wajūntu coyene naca cayabara cui wetsiya exana xua wajūntu coyene xanepanaewa icha Cristo ichi xua bichocono pejūntu coyene xanepanaewa.

¹⁴ Bapoxonaē jopa be pexui natsicotae tsainchi equeicha. Pexui ba ainya muxu xeina ichawa beya ba jume cowanta xua pocotsi coyenein xua poxonaē nacuidubeiba xua poxonaē cuiduba pomonaē jiwī pemuxuitorobiwi. Barapo pemuxuitorobi jiwī yaputane nawita po jūntu coyeneintha xua jiwī pemuxujainyabiwatsi.

¹⁵ Jame bewa pexainyei jume tsipaebichi ichamonaetha po coyeneya xua barapomonaē yaputane xua waxainchi antobetsi barapomonaē. Bapoxonaē beta xanepanaya exanaeinchi wanajūntu coyene xanepana exanaponaenexatsi daxita coyenewantha xua icha be Cristo ichi. Bapon canamataxeina pomonaē pia pejume cowantsiwichi. Bapon bara be pentasipa pomonaē pejume cowantsiwichi be bapon pepon tatsi.

¹⁶ Cristo canamataxeina pia pejume cowantsiwichi. Matautano cana exana xua barapomonaē barompaya xeina pia petanacuichiwantsi. Bequein barapomonaē piawan barompaya xeina ichitha Cristo cana exana xua caemonaē nantiya nayawena be caemonaē naexana. Poxonaē barapomonaē barompaya piawa beta exanapona pia penacuichiwan, bapoxonaē be caemonaē beta naajūntucoyenesu xanepana eexanapona, nantiya penaantobexae.

Meje yabara po pena jūntu coyenewatha wajinompawewa wajume cowantsixae Cristo

¹⁷ Anoxuae paca tsipaebatsi xua painya tapaca muxuwetsinexatsi, Cristo pon jiwī Pecanamataxeinaein taneitorobixae: Jopa bewa pajinompae icha barapo cae pin nacuathepiwi ichi xua poxonaē jinompa poxonaē jopa Nacom yaputaetsi. Pocotsiwa xua barapomonaē pia penanta xeinaē coyenewan tatsi, jopa ainya cuiyo. Jopa pejūntu coyene yawenaexatsi barapo penanta xeinaē coyenewantha.

¹⁸ Barapomonaē pia peyaputae coyenewan tatsi jopa xapain pepa peyaputae coyenewiyo. Barapomonaē jopa xeinaeyo peajūntucoyenesūwa pocotsi peajūntucoyenesūwa Nacom cata piamaē. Barapo coyene barapomonaē jopa xeinaeyo poxoru aichaxaibi xua Nacom peyabara peyaputaewatsi, xuano poxoru barapomonaē najūntu coyene ararana xua jopa peichichipaexae xua Nacom peyabara jume taewatsi.

¹⁹ Barapomonaē jopa ajūntucoyeneuriyo poxonaē abe exana. Matautano barapomonaē atsaquiya abe eexanapona, xua pecūpawatsi atsaxa mera yawa weiweina ichamonaē piseurixitha tatsi. Barapomonaē cui xeica xua daxita coyenewan abe peexanaponaewa.

²⁰ Ichitha poxonaē ichamonaē yabara paca cuiduba Cristo, jopa apara paca cuidubiyo barapo coyene xua abe painya neexanaewa tsane.

²¹ Xaniwaicha yabara pajume taneme Cristo, xuano piamaē tatsi painya nenaexanaewa poxonaē ichamonaē paca cuiduba po pexainyei jumein xua pexeinya jume diwesi xua Jesucristo yabara.

²² Pana nacui barapende po jūntu coyene xua bayatha paexaname poxonaē jopa cataunxuae pajume cowantsim. Barapo jūntu cui coyene bichocono abe, tsipei paca cana exana xua paexaname pocotsiwan xua painya coya paichichipame poxonaē paca muxuitoroba exana xua daxota abe painya neexanaewam.

²³ Pacopare xua bara Nacom paca jūntu coyene xanepana exanaponaena, xua daxota pena coyene painya nenanta xeinaponaewa tsane.

²⁴ Painompare pena jūntu coyenetha, po jūntu coyene Nacom exana xua painya paca catsibinexa. Bapoxonaē paxeinaename be pocotsi jūntu coyene Nacom xeina. Poxonaē paxeiname barapo jūntu coyene po jūntu coyene xua pexainyeiwa, bapoxonaē beta nantiya pana nabaru jinompame yawa xua bichocono paca tsita xanepana Nacomtha.

²⁵ Daxota anoxuae jopa nantiya bewa pana namuxuitorobim. Bewa daxita pam xanepanaya patsipaebim pomonaetha pomonaē iru pejume cowantsiwi, tsipei waxainchi daxitatsi caemonaē naexanatsi Cristotha.

²⁶ Icha paanaepaname jopa pacopatsinde xua painya juntu coyene paca itoroba xua anaya anaepanaya abe painya neexanaewa ichuntha. Icha paanaepaname jopa abe paexanaeinde. Came jopa paanaepana dubenanaebiyaeinde xua beya quirei tsanaicha, saya jame bara caetotha pande.

²⁷ Jopa pacopatsinde xua bara caurimonae pia pentacaponaein tatsi paca juntu coyene juntu abe painya neexanaewa tsane.

²⁸ Pon xua pecaibin, bu jopa equeicha caibeibiyo. Bewa jame bapon tsinacuichina pocotsiwa xua xainyeya yabara nacuita xua jopa naerabiyo. Bapoxonae bapon itacupatsi xua ichamonaetha xuya catsina pomonaetha xua acopeibiwi pomonae jopa xeinaeyo xua pocotsiwa nantawenona.

²⁹ Jopa ajumebeya pacueicueijam tsurubenanaebiyaeinde. Jame maisa jume xanepanaya pacueicueijam tsurubenanaebiyama. Papaebare pocotsi jumeintha xua ichamonaee jume cocowantapona exanatsi po jumeintha xua jiwi muxu xeica exanatsi xuanoo xua yawenatsi po jumein xua paca jume tane.

³⁰ Nacom pia Pejumope tñaxu tatsi jopa pajuntu coyene wecoyei exanaeinde xua painya nepaca cui taexae xua paexaname. Tsipei paca baru popona Nacom pia Pejumope tñaxu tatsi, baraxua tsita itapeinya xeina xua bara xaniwaicha Nacom piamonae tatsi pam. Nacom pia Pejumope tñaxu tatsi naca juntu coyene ararana wanaca yawenaenexa beya poxonae po mataqueitha Jesucristo naca capanenebiya exanaena.

³¹ Jopa paxeinaeinde painya juntu coyenein weya po coyenein xua ichamonaee payabara juntu ajom xua came bichocono painya neyabara nanta xeinaexae xua ichamonaee abe pia pacata exanaexae. Matautano jopa paxeinaeinde po coyene xua jemeicha anaya paexaname. Matautano jopa paxeinaeinde po coyene xua saya bichocono panthuthu anaepaneibame. Matautano jopa paxeinaeinde po coyene xua tsumu jume pabaruu pae-bame ichamonaee. Barichi jopa paxeinaeinde po coyene xua ichamonaee pabiataneme. Matautano daxita jopa paxeinaeinde po coyenein xua bichocono paaitafetabim ichamonaee.

³² Jame seicaya maisa nantiya caemonae xanepanaya pana nata exande. Matautano nantiya pana naweyataema xua nantiya painya nenayawenaewam tsane. Matautano nantiya pana nacui yabara junteinmainare xua abe nantiya pana nata exaname, icha Nacom paca yabara ichi xua paca cayabara junteinmaina abe painya neexanaee cuiru coyenein Cristo painya nepaca tsitupaexae poxonae naetotha tupa exanadutatsi poxonae bexotsi.

5

Meje yabara xua po juntu coyeneiyatha bewa jinompaena Nacom pia pexui tatsi

¹ Tsipei paxam Nacom pia pexui tatsi pam xua bapon bichocono painya nepaca caantobe jiwi pam, daxota bewa pacui jontsiya jinompaename icha bapon ichi poxonae popona.

² Nantiya pana naantobeya jinompare icha Cristo ichi xua naca antobe. Bapon Cristo pia pepon nacaenaeta xua naca tsitupa xua abe waexanaee cuiru coyenein poxonae bexotsi. Baxua be poxonae icha duwei ichichi xua poxonae jiwi tsibexotsi xua daxota barapo jiwi jopa penatsicuentsiwa xua abe peexanaexae Nacomtha. Bapoxonae Nacom tsita xanepanatsi barapo jiwi. Barichi xua Cristo exana Nacom tsita xanepanatsi icha be pocotsi duwei tuxisi xeicaewa ichi xua poxonae jiwi duwei tauta xua Nacom pecatsinexatsi.

³ Tsipei paxam Nacom pia pexui tatsi pam, daxota jopa bewa paexanaem po coyenein xua daxota ichamonaee pomonae painyamonae paca yabara paeba xua abe paexaname. Matautano jopa bewa pana nasi cui matacaetsim xua paweiweiname xua jopa bequein painya seuri jiwi. Jopa bewa payabara paebim po jume xua jiwi aura exanatsi. Matautano jopa bewa bichocono painya ita copeichi xua payabara uwame xua ichamonaee xeina.

⁴ Jopa nantiya pana nayabara uyujande. Matautano jopa nantiya pana najume cui caponaeinde po jumein xua jopa wnaeyo. Matautano jopa nantiya tsumu jume pana nayabara paebinde. Daxita barapo coyenein bichocono abe. Jame maisa bewa itapeta Nacom wnaee pajainchim painya nepaca capanenebiyaexae barapo coyenein weya.

⁵ Tsipei paxam bayatha payaputaneme xua Nacom cana exanaena pomonaetha pomonae meje: Pomonae xua penasi cui matacaetsiwa xua jopa poxonae piseuri jiwi, yawano pomonae xua yabara paeba po jume xua jiwi aura exanatsi, yawano pomonae bichocono pitacopeichi xua yabara uwa xua ichamonaee xeina. Nacom tsita abetsi barapo coyenein icha tsita ichichi xua poxonae jiton bichocono beita cui jichatsi xua wnaee jainta ibo nacom. Pomonae barapo coyenein exana bapomonae bapana jopa itacupaetsi xua jiwi itorobiya peewatsiwatsi xua ichaxota Cristo itorobiya pecanamataxeinaewa jiwi xua iru ichaxota barichi Nacom.

⁶ Jopa pacopatsinde xua ichamonaē paca necamuxitorobiwa peyabara paebixae barapo coyenein, po jumeinthā xua jopa xainyeyo. Poxoru jiwi peexanaēxae barapo abe peexanaē coyenein daxota Nacom anaya peraxa exanaena barapomonaetha. Nacom anaya peraxa exanaena barapomonaetha tsipei jopa jume jejeyo pocotsiwa xua Nacom itoroba.

⁷ Barapomonaetha jopa imoxoyo pacuicuinaeinde, pomonaē Nacom jopa jume jejeichi.

⁸ Paxam copitha abe paexaname jopa painya yabara yaputaēxaem Nacom. Baxua be poxonaē pomonaē pona pequireiwathā jopa beta ponaēyo jopa beta penecotsixae. Ichitha anoxuae beta paexaname painya yabara yaputaēxaem Nacom pon jiwi Pecanamataxeinaein. Baxua be poxonaē pomonaē pona, poxonaē pentha, beta pona beta pia petaexae. Pajinompāre beta painya nejinompaenexa Nacom nexa icha pomonaē ichi poxonaē pona poxonaē pentha.

⁹ Pomonaē yawa jinompa Nacom barapomonaē beta jinompa icha pomonaē ichi xua poxonaē beta jinompa poxonaē pentha. Barapomonaē peyawa jinompaēxae Nacom exaneiba pocotsiwa xua wūnaēya peexanaēwa yawa xua pocotsiwa tsita xanepanatsi Nacom, yawa xua pocotsiwa pexainyēiwa.

¹⁰ Incane pana nacuidubare pocotsiwa xua Nacom pon jiwi Pecanamataxeinaein ichichipa pocotsiwa Nacom tsita xanepanatsi.

¹¹ Jopa paexanaeinde pocotsiwa jopa ainya cuiyo pocotsiwa ichamonaē exana pomonaē xua be poxonaē pequireiwathā jinompa poxoru Nacom jopa peyabara yaputaēxaetsi. Jame maisa barapomonaē patsita itapeinya xeinare pocotsiwan xua barapomonaē abe peexanaēwanxae.

¹² Icha payabara paebichipan po coyenein barapomonaē abe peexanaēwa, bichocono aura pana exanaetsipa pocotsiwa namicha peexanaēwa barapomonaē tsipei bichocono abe.

¹³ Poxonaē pecoicha pentha exana poxonaē quirei bapoxonaē daxita pichiwan beta pataneme pentha perubenaēxae. Barichi poxonaē barapomonaē jume tane po jumein xua yaputane exainchi, bapoxonaē tsita itapeinya xeinainchi xua pocotsiwa namicha exana, apara deta cou abe. Bapoxonaē barapomonaē itacūpatsi xua naexanaena Nacom piamonaē tatsi.

¹⁴ Daxota Nacom piamonaē tatsi ichan yabara jeichi:

“Nacui cayabara cananta xeinatabare,
tsipei xam be pon abe neexanaein.
Natsixire pia xainya weya tatsi pomonaē
be petapaēwi pejinompaēwi jopa
tana nejume cowantsi jiwixae.
Cristo cacana exanaena xua yabara
neyaputaēwa bapon pocotsiwa xua
pia pexainyēi coyenewa tatsi”,
jei xua ichan yabara paebatsi.

¹⁵ Dota pam, xua abe painya neexanaēwa. Jame maisa xanepanaya pajinompāre. Jopa pajinompaeinde icha be ichi poxonaē jinompa pomonaē Nacom jopa jume cowantsiya yaputaetsi. Barapomonaē jopa peyaputaēwi. Jame maisa pajinompāre icha be ichi poxonaē jinompa pomonaē jume cowantsiya peyaputaēwi Nacom. Barapomonaē peyaputaēwi.

¹⁶ Beta pa-eexanaponde daxita coyeneya xua paca itacūpa poxonaē cataunxuae anoxuae pajinompame, tsipei barapo matacabintha jiwi abe bichocono peexanaēwi.

¹⁷ Jopa pajinompaeinde icha be ichi poxonaē jinompa pomonaē amameibatsi jopa Nacom peyabara yaputaēxaetsi. Jame maisa payaputaēya exanaponde pocotsiwa xua Cristo ichichipa, pon jiwi Pecanamataxeinaein.

¹⁸ Jopa pana nacūpa exanaeinde peatsaxa meran xua jiton acoyenebeya exanaēya exainchi. Jame maisa Nacom pia Pejumope tūnaxū tatsi pacopabeibare xua daxita bara paca jūntū coyene itorobeiba xua beta painya neexaneibiwa tsane.

¹⁹ Nantiya pana natsipaebare pocotsiwa xua Nacom paca jūntū coyene weiweina exana. Nantiya pana nabarū naxūnare David pia weixi, po weixi pewūn salmos. Mataūntano panaxūnare po wei pomonaē pejume cowantsiwi pia weixi tatsi xua pewūnaē jainchi weixi Jesucristo, pon jiwi Pecanamataxeinaein. Panaxūnare painya jūntū coyene weya po weixi xua Nacom wūnaē pejainchiwatsi.

²⁰ Nacom pon Waxa bapontha pajacobeibare, pajan tsaibinde: “Nacom maisa pajūntū coyene weiweinan xua pocotsiwa daxita pata tana necatsixaemxae. Paca wūcatsi Jesucristo pata Tanecanamataxeinaein pabūxūna bobenounan”, pajan tsaibinde.

Meje yabara po coyene xua pebin piseuribe bewa nabaru poponaenabe ponbe pejume cowantsinbe

²¹ Daxita pam bewa bara pacopatsim xua nantiya pana nacanamataxeiname xua painya neexaneibinexa pocotsiwa xua nantiya pana nacui itorobeibame. Bapoxonae xua painya itapeinya xeinaenexa xua painya nebaru itura cui jinaewa pocotsiwa Cristo paca cui itoroba.

²² Yabuxi pam, bewa bara pacopatsim xua painya seuriwi paca canamataxeina xua painya neexaneibiwa pocotsiwa painya seuriwi paca cui itorobeiba. Baraxua paexande icha paichim poxonae Cristo pon jiwi Pecanamataxeinaein paca cui itoroba.

²³ Tsipei pebin canamataxeina piowa, icha Cristo ichi xua canamataxeina piamonae pomonae pia pejume cowantsiwichixaetsi. Bapon Cristo barapomonae pia Pecapanenebiyaeinchi tatsi. Barapomonae pomonae pejume cowantsiwi bara be Cristo pia pepon tatsi. Cristo bara be pentasipa pecanamataxeinaexae barapomonae.

²⁴ Icha barapomonae ichi pomonae Cristo pejume cowantsiwichi xua pichichi xua peexanaewa pocotsiwa Cristo itoroba, yabuxi bewa barichi. Bewa exanae daxita pocotsiwa piseuriwi itorobatsi.

²⁵ Pebiwi pam paantobeinde painya seuri jiwi, icha Cristo ichi xua antobe daxita xua i dapomonae pomonae pejume cowantsiwichixaetsi. Cristo pia peantobexae barapomonae tsitupa poxonae naetotha tupa exanadutatsi poxonae bexotsi.

²⁶ Cristo tsitupa barapomonae xua daxita i dapomonae pomonae peyabara jume cowantsiwixaetsi po coyene xua Cristo juntu coyene xanepana pecana exanaenexa Nacom nexa. Baxua exana xua barapomonae jopa pexeinaewa tsane xua penatsicuentisiwa xua abe peexanaexae. Baxua Cristo cana exana poxonae barapomonae tabautisabatsi meratha, xuano xua poxonae paeba xua pinae jume cowanta Nacom Pejume Diwesi.

²⁷ Cristo baxua exana daxita pomonaetha pomonae pia pejume cowantsiwichi xua pecuaranobinexa tsane pia itabaratha, xua yawa pemuxuna cuaranobinexa pia pexeinya peitupanae coicha. Poxonae barapomonae umenaena Cristo peitabaratha jopa yawa umenae tsane peabe coyenewan. Matautano jopa yawa umenae tsane pocotsiwa xua barapomonae abe exanatsi. Barapomonae pejuntu coyene xanepanaewi tsane Nacomtha xua jopa xeinaeyo xua penatsicuentisiwa xua abe peexanaexae.

²⁸ Pebiwi bewa antobe pia seuriwi, pecui untabexae icha barapo pebiwi ichi xua pia pepon natsiuntabe. Pon pia coutha natsiuntabe bapon piowa antobe xua be caein penaexanaewa tsanebe.

²⁹ Dapon ba ajibi pon pia coutha naaitafaetabi. Saya jame naapatsina pexaewa yawano naewatsina beta. Cristo bara juta ichiya cana ichi pomonae Nacom piamonae tatsi daxita xua i dapomonae pomonae Cristo pejume cowantsiwichixaetsi.

³⁰ Cristo beta eena barapomonae tsipei barapomonae be pia pepon tatsi. Waxainchi yaputainchi baxua tsipei barapomonae jiwantsi. Waxainchi pomonaetsi xua caemonae wanaexanae jiwichi Cristotha.

³¹ Xua pebin yawa piseuri caein naexanabe Nacom Pejume Diwesitha baxua yabara jeye: “Daxota pebin paxa wepu natsata, yawa pena wepu natsata xua piseuribe penaperu cuicuinaenexabe. Bapoxonae baponbe piseuribe be caein naexanabe”, jei Nacom Pejume Diwesitha.

³² Barapo Nacom Pejume Diwesi xua pebin piseuribe yabara baraxua bara be Nacom moya yawun xeina xua po coyene bichocono ainya cui xua jiwi jopa yabara yaputaeyo. Barapo diwesi yabara caunuta xua Cristo iru Nacom piamonae tatsi pomonae pejume cowantsiwichi, daxita be caemonae naexana icha pebin piseuribe ichi xua be caeinbe naexanabe.

³³ Barichi barapo diwesi paca yabara caunuta. Daxita pebiwi pam bewa paantobem painya seuriwi, icha paichim xua painya coutha pana natsiuntabem. Barichi daxita yabuxi pam painya seuriwi bewa paca yabara baru cui itura jinaena.

6

¹ Pexui pam, paxam pomonae painya nejume cowantsi jiwi pam Cristo. Painya neantobemxae pon jiwi Pecanamataxeinaein daxota paxam bewa pajume baru jejam pocotsiwa painya axeiwi paca itoroba, tsipei baxua pexeinya cui coyene.

²⁻³ Moisés pia peitorobi coyenewa ainya coyenewan xeina. Po peitorobi coyenewa copiya po peitorobi coyene xua ichaxota muxuna xeina xua peyabara tsiwinae muxu dutsiwa, barapo coyenewatha baxua jeye: “Axa cui baru itura jinare, yawa ena cui baru itura jinare, xua painya juntu coyene xanepanaya jinompaenexa, matautano xua painya nejinompaenexa ainya wei dapaen barapo cae pin nacuathe”, jei Moisés pia peitorobi coyenewatha.

⁴ Paxam pomonae coxiyei jiwi pam, jopa anaepanaya paitorobeibinde xua daxota painya pexui paca caseba. Jame maisa bewa antobeya pawichitim pocotsi coyeneya Jesucristo, pon jiwi Pecanamataxeinaein, tsita xanepanatsi. Pacuidubare painya pexui xua beta pejinompaenexa. Matautano pamuxuwere xua peexanaenexa pocotsiwa bewa exanae.

⁵ Pomonae amanaya painya nepaca cabusi tatayebeibi jiwi pam xua poxonae ichamonae pata nacuitame pajume baru jejande pocotsiwa xua painya nepaca canamataxeinaewi paca itoroba barapo cae pin nacuathe. Barapomonae pabaru cui itura jinare, yawano pacui cunuware barapo painya nepaca canamataxeinaewi xua abe painya nepaca exanaeyainwa. Matautano yatsicaya jume xainyeya pata exande. Barapomonae beta patanacuire icha poxonae paichim poxonae Cristo patanacuitame.

⁶ Daunweya patanacuire bequein painya nepaca canamataxeinaewi jopa paca taeyo. Jopa saya daunweya patanacuichinde xua barapomonae painya nepaca taexae. Poxonae baxua paexaname apara saya poxoru painya pia nepaca canamataxeinaewi xanepanaya paca yabara nanta xeinaetsi. Jame maisa patanacuire icha paichim poxonae painya ichichi xua amanaya painya netanacuichiwa painya nepaca canamataxeinaein nexa Cristo. Bichocono daunweya panacuire pocotsiwa xua Nacom tsita xanepanatsi pocotsiwa xua bapon ichichipa.

⁷ Poxonae pata nacuitame pomonae painya nepaca canamataxeinaewi weiweinaya panacuire icha be poxonae paichim xua poxonae pata nacuitame pon jiwi Pecanamataxeinaein, pon Cristo Jesús. Jopa bara paichinde xua poxonae jopa xapain patanacuichim pomonae xua poxoru saya jiwixae.

⁸ Paxam payaputaneme pocotsiwa xua daxita beta paexaname bara Nacom paca busi cui matomata. Baraxua Nacom pon jiwi Pecanamataxeinaein jupa barapocotsi matoma paca cata, poxonae bequein amanaya painya nepaca busi cui tatayebeibi jiwi pam xua poxonae ichan pata nacuitame, xuano xua saya poxonae bequein paratixi patsinacuitame.

⁹ Paxam pomonae pecanamataxeinae jiwi pam, bewa beta pata exaname xuya barapo amanaya painya nebusi cui tatayebeibi jiwi. Jopa yabara pamuxuwetsinde xua painya necuainchiwa tsane icha jopa xapain exanaeyo barapomonae. Pananta xeinare xua barapomonae bewa exanae pocotsiwa itoroba pon jiwi Pecanamataxeinaein icha paichim xua iru bewa paexanaeneme pocotsiwa bapon paca itoroba, pon eca itabocotha. Bapon daxita tsita najupatsi jiwi poxonae yabara paeaba peyaputaenexa icha barapomonae natsicuenta xua abe peexanaexae.

Meje yabara xua pomonae pejume cowantsiwi Cristo po coyeneintha bewa amanayabi caurimonaetha

¹⁰ Tamonae pam, anoxuae wetan pocotsiwa xua tapaca tsipaebiawatsi. Ajuntusuya pajinompare pon Pecanamataxeinaein jiwi pia peayapusu itorobi coyenewatha tatsi caemonae painya nenaexanaexae bapontha.

¹¹ Painya juntu coyene pana naewatsiya yawenare daxita po coyenewantha xua Nacom paca cata xua xota pana nayaewatame painya juntu coyenewa. Vapoxonae paca itacupa xua caurimonae pia pentacaponaein tatsi paamanayabame poxonae paca juntu coyene jujuta xua abe painya neexanaenexa.

¹² Tsipei anoxuae jopa nabetsi xua pepa jiwitha. Jame apara anoxuae penabi coyene exanatsi pomonaetha pomonae peinya pejinompaewi xua caurimonaetha. Barapo caurimonae xeina pia peayapusuwa yawa peitorobi coyene xua jiwi canamataxeinatsi barapo cae pin nacuathe tsique, pomonae abe peexanae jiwi. Matautano jinompa barapo cae pin nacua matatsunthe.

¹³ Daxota paxeinare daxita pocotsi juntu coyenein xua Nacom paca cata pocotsi coyeneintha xua pana nayaewatame. Anoxuae pana najuntu coyene wunaere xua painya juntu coyene amanayabi dubenanaebiyanexa tsane barapo peinya pejinompaewi. Baxua paexande xain awiya bichocono pajuntu coyene daunwam poxonae po mataqueitha paca juntu coyene jujutsina xua abe painya neexanaewa tsane. Bequein paca jujutsina, awiya ajuntucoyenesuya pajinompaename.

¹⁴ Pana nacui wunare icha soldadomonae ichi xua yabara nacui wunaeta penabinexa ichamonaetha. Painya juntu coyenewatha paxeinare Nacom pia pexainyei coyenewa painya tsita itapeinya xeinaenexa baraxua xua bara xainyeya pata exaname Nacom. Barapocotsi juta coyeneya paichinde icha be soldadomonae ichi xua poxonae yabara nacui wunaeta penabinexa ichamonaetha bapoxonae naepa caturuba paparuwau xua tsita itapeinya xeina xua bapomonae nacui wunaeta xua bara xainyeya penabinexa xua pon pentacaponaein peitorobixae. Matautano pejuntu coyene xanepanaewa Nacom

patsita xeinare painya jũntũ coyenetha, painya nenayaewatsinexa icha be poxonae soldadomonae ichi xua xeina po penaintotha xua nantacari acaba poxonae nacui wũnaeta xua penabinexa.

¹⁵ Pana najũntũ coyene wũnaere xua painya necueicueijeji tsurubenanaebiyaenexa Nacom pia pexeinya jume diwesi xua po diwesi yabara xua jiwi jũntema pejinompaewa. Barapocotsi jũta coyeneya bara paichinde icha be poxonae soldadomonae ichi, xua poxonae nataxu wũnaetaduba sapaton xua penacui wũnaetsinexa xua naba.

¹⁶ Mataũtano pamuxuna xeinare xua bichocono painya nejume cowũntsiwa Nacom, xua pana najũntũ coyene yawenama poxonae caurimonae pia pentacaponaein tatsi paca jũntũ coyene jũjũta. Barapocotsi jũta coyeneya bara paichinde icha be soldadomonae ichi xua pemaxũntha duba peperacae nain xua naita arababa. Poxonae pia peaitafaetabi jiwi cawababatsi pocotsiwantha xua peopi sojeiwantha xua iso itere xeina, bapoxonae barapo peperacae naintontha naita arababa barapomonae, yawano baxota itaxubaba iso itere.

¹⁷ Pacopare xua bara Nacom paca capanenebiyaena painya paca jũntũ coyene araranaenexa caurimonae pecuiyainwa. Barapocotsi jũta coyeneya bara paichinde icha be soldadomonae ichi xua penain yoreitha nanta acaba. Nacom Pejume Diwesi painya jũntũ coyenetha paxeinare xua po jume Nacom pia Pejumope tũnaxũ tatsi paca cata xua po jumetha painya nenayaewatsinexa painya nepaca caaitafaetabi jiwi pecuiyainwa. Barapocotsi jũta coyeneya bara paichinde icha be soldadomonae ichi xua capona cusi penayaewatsinexa pia peaitafaetabi jiwichi pecuiyainwa.

¹⁸ Nacomtha matowa patsipaebeibare daxita matacabintha be pocotsi coyeneya paca yawena Nacom pia Pejumope tũnaxũ tatsi. Nacomtha pawũqueibare daxita painya newũcae coyenewatha tsaibi pocotsiwan xua panantawenoname. Xain daxita matacabintha tsaibi tsaca painompeibame, mataũta bapana jopa paajũntũcoyenefaetabinde xua pawũcame Nacom. Bichocono matowa patawũcare daxita pomonae Nacom piamonae tatsi.

¹⁹ Barichi painta wũcare Nacomtha xua bapon tanecatsinexa po jume diwesitha xua tacueicueijeinexa. Mataũtano painta wũcare xua tana neitacũpaewa xua cui tsacatsacapiya tacueicueijeinexa, xua jiwi yabara yaputane taexanaenexa pocotsiwa xua Nacom moyawũn xeina po coyene yabara xua Nacom capanepa exana pomonae jopa judiomonae naexanaeyo.

²⁰ Nacom neitoroba icha nacuantha xua tacueicueijeinexa Nacom Pejume Diwesi bapon nexa. Daxota anoxuae ichamonae neeta jiwi pecubi botha tacueicueijeixae Nacom nexa. Painta Nacomtha wũcare xua cui tsacatsacapiya tacueicueijeinexa tsane poxonae icha bewa cueicueijan tsane.

Meje yabara poxonae Pablo najume wetsiya paeba barapo cartathe

²¹ Tĩquico pon paxan paantobein, pon irũ pejume cowũntsin Jesucristo bapon pacata itorobatsi. Bapon Tĩquico bara xainyeya exana poxonae pana neyawena Nacom pia petanacuichiwa tatsi pon jiwi Pecanamataxeinaein. Bapon daxita paca tsipaebina xua neyabara paebina, yawano pocotsiwa xua exanan baxua yabara paca tsipaebina.

²² Bapon Tĩquico pacata itorobatsi yaitama ichichipan xua bapon yabara paca tsipaebina xua pata jinompaewa. Bapoxonae bapon paca jũntũ coyene tsacabina, jũntũ coyene weiweinaya sadũjei painya nejinompaewa tsane xua bara beta tapoponaexae.

²³ Barabũ Nacom, pon Waxa, irũ Jesucristo, pon jiwi Pecanamataxeinaein, baponbe jũntema jinompa cana exanaenabe pomonaetha daxita pomonae pia pejume cowũntsiwixae. Mataũtano barabũ exanaenabe xua barapomonae nantiya naantobe tsane. Mataũtano barabũ exanaenabe xua barapomonae ajũntũcoyenesũya jume cowũnta dubenanaebiyaena.

²⁴ Mataũtano barabũ Nacom peantobexae yawenaena daxita pomonaetha pomonae peantobewi Jesucristo pon Wanacanamataxeinaein. Bapoxonae barapomonae pexinaenexa tsane po coyene antobe ichamonae po coyenewa xua ataya tsiteca.

Baja Pablo.

Meje Po Carte Pablo Tatina, Filipos Tomarapiwi Tatinatsi

Meje poxonae Pablo tamropata pitaba xua tatina, Filipos tomarapiwi tatinatsi

¹ Xan, Pablon, iru Timoteo, paxanbe ponbe amanaya pata tanacuichinbe Jesús pata taichichipaexaebe. Barapo carte patatinanbe pomonae jinompa Filipos tomaratha. Patatinanbe daxita pomonae Cristo Jesús pejume cowantsiwichi, pomonae yatsicaewa Nacom piamonae tatsi. Matautano iru patatinanbe pomonae pecanamataxeinaewi pejume cowantsi jiwi. Matautano iru patatinanbe pomonae peyawenaewi pejume cowantsi jiwitha, poxonae yawena peatenewitha, xuano xua poxonae apata pexaewa peacopebi-witha. Barapomonae Nacom piamonae tatsi, yawa barapomonae caemonae naexana Cristo Jesustha.

² Barabu Nacom, pon Waxa, amanaya paca yawenaena painya pia paca necaantobexae, yawa xua jantema jinompa paca exanaena. Iru barabu Jesucristo pon jiwi Pecanamataxeinaein baxua pacata exanaena.

Meje yabara poxonae Pablo tawuca Nacomtha pomonae Nacom pejume cowantsiwi

³ Poxonae paca yabara nanta xeineibatsi Tanacom tsipaebeiban paxam yabara. Jan tsainbinje: “Nacom juntu coyene weiweinan xua barapomonae betiya necatsita dubenanae-biyaexae”, jan tsainbin.

⁴ Poxonae Nacom pacata wuqueibatsi bichocono juntu coyene weiweinaeya pacata wuqueibatsi xua daxita paxam.

⁵ Nacomtha yabara tsipaeiban xua paxam tapana nebaru nacuichiwam Nacom Pejume Diwesi xua poxonae aena pajume cowantame xua beya anoxuae.

⁶ Bara xaniwaicha yaputan xua Nacom tamropata pitaba xua xanepanaya beta paca cana juntu coyene exana. Baxua Nacom paca cana juntu coyene exana ducuaenaebiyaena beya poxonae Nacom xanepanaya paca cana juntu coyene wetsina poxonae po mataqueitha Jesucristo patopaetsica.

⁷ Baxua jame inta xanepana xua tapaca yabara nanta xeinaewatsi, tsipei bichocono paca antobetsi. Poxonae bequein anoxuae jiwi pecubi botha neeta, yawano poxonae bequein caena bayatha pecapanenebiyae diwesi jume yabara jume yawenaeya cuicuei-jan jiwitha, yawano xua jiwitha tsita itapeinya xeinan xua barapo diwesi bara pexainyei diwesi jume, baroxonae bara pana nebaru atenem. Daxota poxonae Nacom amanaya neyawena poxonae atene neexana ichamonae pia taneantobexae Nacom, iruru Nacom amanaya paca yawena pia paca necaantobexae poxonae paca atene exana ichamonae.

⁸ Nacom yaputane xua bichocono bara paca antobetsi daxita paxam, icha Jesucristo ichi xua daxita paca antobe.

⁹ Yawano Nacom paca tsiwucatsi xua equeicha matowa mataropeicha painya nepaca catsinexa peantobewa. Yawa muxuna wucan xua Nacom paca cana exanaena xua painya neyabara yaputaewa daxita coyewan. Matautano muxuna wucan xua Nacom paca cana exanaena xua painya neitapetsiwa pocotsi coyene xua betiya paca cana exanaena.

¹⁰ Baroxonae payarutaename xua itapetsiya paexanaenename pocotsi coyene bichocono xanepana. Baroxonae bichocono rajuntu coyene xanepanaya jinompaenename. Yawano poxonae Cristo patopaetsica bapon jora paca yabara paebi tsane xua panatsicuentame abe painya neexanaewan.

¹¹ Paca tsiwucatsino xua Jesucristo paca necajuntu coyene yuca exanaenexa, xua po juntu coyene bichocono xanepana, xua daxota painya neexanaenexa pocotsiwa xua bichocono Nacom tsita xanepanatsi. Poxonae jiwi baxua paca cui taena baroxonae jiwi Nacom wunae jaintsinchi jei tsane: “Maisa Nacom paca baru cui itura jinatsi, xua jinya neexanaexae barapo jiwi pia juntu coyenetha tatsi”, jei tsane barapo jiwi.

Meje poxonae Pablo namchi: “Xua tapoponae coyenewa bara apara Cristo nexa”, jei

¹² Tamonae pam, pomonae iru painya nejume cowantsixae Jesús, ichichipan xua painya neyaputaewa tsane xua po coyene poxonae necana exana ichamonae xua jiwi pecubi botha neeta tayabara cuicueijeixae Jesucristo. Baxua tana necana exanaexae ichamonae jiwi taju jume tane Nacom pia pecapanenebiyae diwesi jume tatsi.

¹³ Daxota daxita soldadomonae pomonae xote umene pomonae peyapu enaewi pepa pentacaponaein pia bo tatsi iruru seicayano ichamonae, daxita barapomonae yaputane xua xan jiwi pecubi botha neeta tapaebi ducuaenaebiyaexae Cristo nexa.

¹⁴ Pin bicheito, pomonae pejume cowantsiwi Nacom, barapomonae netane xua jiji pecabi botha ecan. Daxota barapomonae bichocono ichichipa xua pecueicueijejiwa Nacom Pejume Diwesi. Barapomonae jopa junuwiyo xua cui tsacatsacapiya pecueicueijejiwa Nacom Pejume Diwesi, tsipei bichocono jume cowantatsi pon jiji Pecanamataxeinaein.

¹⁵ Ichamonae Cristo yabara cueicueijeichi apara poxoru saya tana neuwixae, tsipei ichichipa xua jiji baru cui itura jinaena barapomonaetha, beyacaincha xua tana nebaru cui itura jinaewa tsane barapo jiji. Ichitha jame, ichamonae beta xaniwaicha yabara paebatsi Cristo, pejuntu coyene xanepanaexae.

¹⁶ Barapomonae baxua exana taneantobexae peyaputaexae xua jiji pecabi botha ecan tayabara jume yawenaeya cueicueijeixa Cristo pia pexeinya jume diwesi tatsi poxonae ichamonae abe yabara paeba barapo diwesi.

¹⁷ Pomonae Cristo yabara paebatsi tana neuwixae, saya apara poxoru peasiwixae xua ichamonae tana nepuna ponaewa tsane. Baxua exana poxoru ichichipa inta bichocono ayapube exana tsipei anoxuae ecan jiji pecabi botha.

¹⁸ Bequein jiji Cristo xainyeya yabara paebatsi poxoru tana neantobexae, ichacuiitha metha tsipae poxoru tana neuwixae baxuan bapana jopa netsita ainya cuiyiyo. Saya jame poxonae ba jiji Cristo yabara paebatsi, baxua ba jame bichocono nejuntu coyene weiweina exana.

¹⁹ Yawa equeicha bichocono nejuntu coyene weiweina exanaponaena, tsipei yaputan xua painta wacame nawita Nacomtha. Yawa yaputan xua Jesucristo pia Pejumope tana xatu tatsi neyawena, pebaxuaxaebe bara Nacom necapanepaena pomonae tana neaitafaetabi jiji weya.

²⁰ Pocotsiwa xua taichichipaewa yawano pocotsiwa xua tawanae ewatsiwa, xua bapana jopa tacoutha naacauran tsane tajunuwixae xua tayabara cueicueijejiwa Cristo. Jame bewa yabara cui tsacatsacapiya cueicueijan tsane Cristo, anoxuae, yawa xua bexa tsaneno. Ichichipan xua jiji beta jume cowantsina xua poxonae netane xua beta tapoponaewa Cristo nexa. Bapoxonae jiji Cristo baru cui itura jinaeinchi poxonae necui taena xua beta xanepanaya poponan Cristo nexa. Baxua jiji exanaena poxonae bequein asu poponaethan tsane, xua Cristo tatsita poponaewa yawa poxonae bequein tupaethan tsane xua Jesucristo tayabara cueicueijeixae.

²¹ Jame pocotsiwa netsita xanepana apara xua jiji Cristo baru cui itura jinatsi, xua Cristo tatsita poponaewaxae. Ichitha icha tupaen Cristo taein, baxua netsita xanepana bichocono, beyacaincha xua poxonae abu cataunxuae poponan, tsipei Cristo taein.

²² Awiya cataunxuae poponan daxota neitacupa xua awiya tanacuichiwa pocotsiwa pexanepanae coyenewa pon jiji Pecanamataxeinaein nexa. Jopa yaputaeyino xua barapo naxobe coyenewabe jiwana itapetocuaein.

²³ Inta bichocono ayapube xua barapo naxobe coyenewabe jiwana itapetan. Ichacuiitha saya betupaen xua tapoponaenexa tsane ichaxota Cristo popona, tsipei baxua jame inta bichocono xanepana.

²⁴ Daichitha ichacuiitha jame bichocono inta ainya cui xua awiya tapoponaewa tapaca cayawenaenexatsi.

²⁵ Ichitha yaputan bara, xua awiya poponan xua tapaca yawenaenexatsi xua awiya painya nejume cowanta dubenanaebiyenexa Cristo. Matautano yaputan xua bichocono equeicha matowa painya nejuntu coyene weiweina tsoponaenexa tsane.

²⁶ Daxota poxonae paca siwa ponaeinchi Cristo Jesús wanae pajainchiname xua equeicha tapaca casiwa ponaexaetsi tsainchi.

²⁷ Saya beta xanepanaya painompare wanaca itorobixae Cristo pejume diwesi tatsitha. Daxota icha bequein paca siwa ponaeinchi, ichacuiitha icha taju ecan, maisa ichichipan xua ichun yabara benetsipaebina xua beta painya nejinompaewa. Bejume taein xua xanepanaya beta ajuntuyapusuya pajume cowanta dubenanaebiyame Nacom. Matautano bejume taein xua caemonae peburaya jume daunweya pana nabaru cueicueijam painya nejume cowantsiwa Cristo.

²⁸ Jopa pajunuwindi poxonae imoxoyo abe paca exaneiba painya nepaca caaitafaetabi jiji. Baxuan barapomonae exana be tsita itapeinya xeina xua barapomonae weraweracaena xua poxonae po mataqueitha poxonae Nacom yabara paebina jiji xua penatsicuentisiwa abe peexanaexae xua iru Nacom paca capanenebiyaena barapo mataqueitha.

²⁹ Nacom pexeinya coyene paca cata painya netanacuichinexa Cristo xua poxonae pajume cowantame bapon, matautano xua poxonae ichamonae paca atene exana poxonae ichamonae abe paca yabara paeba painya nejume cowantsixae bapon.

³⁰ Waxainchi bara nanta jupaya jume cowantsiya daunweya paebatsi Nacom Pejume Diwesi. Baxua exanatsi icha be pocotsi coyeneya ichi poxonae bayatha pana netaneme

xua poxonae jume daunweya paeban Nacom Pejume Diwesi, mataanta xua poxonae bara pana neyabara jume taneme xua awiya cataunxuae exanaponan barapo coyeneya.

2

Meje yabara xua Cristo peacopeibin pia coutha naexana, xua jopa peainya cui jitonyo

¹ Payaputaneme xua Cristo paca janta coyene tsacaba xua beta painya nejinompaenexa. Mataatano payaputaneme xua Cristo paca matateica pia painya nepaca caantobexae poxonae ichamonaе abe pacata exana. Mataatano payaputaneme xua Nacom pia Pejumore tanaхu tatsi paca baru jinompa. Mataatano payaputaneme xua bapon paca antobe. Mataatano payaputaneme xua Cristo nantanuweya paca yabara nanta xeina pia paca necayawenaenexa.

² Icha daxita barapo pexainyei coyenein payaputaneme, bichocono pana nejanta coyene weiweina exande. Baxua painta exanaename poxonae caemonae jantema pajinompame, xua caemonae nantiya pana naantobem. Mataatano baxua painta exanaename poxonae xua caemonae nanta juraya pana nabaru nanta xeiname yawano poxonae nanta juraya ichipaeya paexaname.

³ Jopa paexanaeinde xua pocotsiwa be paasiwam xua saya meisa painya coutha nexa. Jopa paxeinaeinde po cui coyene xua jiwi peaeби coyene. Jame maisa painya coutha pana nayabara nanta xeinare xua pomonaе pecui pawi jiwi pam. Jame maisa sayano ichamonaе pacui yabara nanta xeinare xua pepa peainya cuimonaе xua beyacaincha paxam.

⁴ Jopa bewa panantausim painyamonaе jiton pon saya ichichipa nawita xua saya meisa penata exanaewa pexanepanaе coyene. Jame bewa muxuna bapon taexanae ichamonaе pocotsiwa xua ichamonaе tsita pexeinya coyenetsi.

⁵ Paxam beta bebura pananta juraya nanta xeinare icha Cristo Jesús ichi xua poxonae beta ba nanta xeina. Bapon bara iche:

⁶ Bapon Cristo peyacuiya jinaein Nacom.
Bapon bequein barapara Nacom, daichitha
bapon jopa pia coutha ichichipaeya
daunweya botsiyo barapo coyenewa xua
peyacuiya jurae jinaein icha Nacom
ichi poxonae patopeica po cae
pin nacuathe tsique.

⁷ Daichitha barapo coyene naitematsiya cuenta pona.

Bapon Cristo be jiton yacuiya naexana po
cae pin nacuathe tsique xua Nacom amanaya
petanacuichinexatsi xua pia coya peichichipaexae.

⁸ Poxonae bapon naexana po cae pin nacuathe
tsique bara yatsicaya be jiton coyene.

Bapoxonae pia coutha nacana exana be pon
peacopeibin xua jopa peainya cui jitonyo.

Bapon exana pocotsiwa Nacom itoroba poxonae
jejei xua tupa pecana exanaewatsi ichamonaе,

bequein barapo petapaewa bichocono
pin ura exanatsi xua tupa naetotha.

⁹ Daxota Nacom, Cristo bichocono baru cui itura
jinatsi poxonae Nacom athabe juinya exana xua
Cristo athabe juinya exanatsi.

Mataatano Nacom baru cui itura jina,

Cristo baru cui itura jinatsi poxonae

Nacom bapontha wun duta, po wun xua jei:

“Pepa Pecanamataxeinaein”, jei.

Barapo wantha Jesús copatatsi xua bara

pecanamataxeinaenexa pia peayapusu itorobi

coyenewatha daxita carepaya jiwi, matatsunpiwithano.

¹⁰ Nacom barapo wun cata xua daxota daxita jiwi
poxonae jume taena barapo wun pentabocotontha
umenaena, xua Jesús wunaе pejainchinexa tsainchi,
pepa Pecanamataxeinaeinxae itabocopiwi,
iraru po irathepiwi, iraru pomonaе
jinompa ira burapana wetsina.

¹¹ Daxita barapomonae Nacom wunae jainchinchí pon Nacom, Waxa, jei tsane: “Maisa, Nacom paca baru cui itura jinatsi, tsipei bapon Jesucristo bara yatsicaya pon pepa Pecanamataxeinaein jiwi”, jei tsane daxita barapomonae.

Meje yabara xua ichamonae, Nacom pejume cowuntsiwi beta cui yaputainchi

¹² Tamonae pam paxam pomonae bichocono tapaca caantobewichi pam. Tsipei bayatha pana nejume cowanteibame pocotsiwa paca itorobeibatsi poxonae paca baru ecatsi, daxota anoxuae nama bichocono pana nejume cowunde beyacaincha xua poxonae imoxoyo paca baru ecatsi bequein tajú ecan. Awiya cataunxuae carepaya daxita paxam barompaya paexana dubenanaebiyama pocotsiwa xanepana xua pocotsiwa Nacom ichichipa xua Nacom painya nepaca capanepaexae. Pana najuntu coyene aura exande xua jopa paat-sacande. Yawano pana najuntu coyene junuwa exande Nacomtha, abe painya neexanaeyainwa.

¹³ Bapon Nacom paca cana juntu coyene yawena xua painya juntu coyene, jume baru jejei pocotsiwa Nacom paca itoroba. Matautano Nacom paca yawena xua painya neexanawam pocotsiwa Nacom ichichipa.

¹⁴ Daxita coyenewam poxonae paexaneibame jopa paexanaeinde pocotsiwa anaya painya juntu coyenewatha payabara paebame ichamonae. Matautano jopa payabara najume matsontsonobinde baxua poxonae Nacom pata exaneibame.

¹⁵ Bapoxonae poxonae jiwi paca cui taena, barapo jiwi jopa abeya paca cui yabara paebi tsane xua painya nenatsiuentsiwa xua abe painya neexanaexae. Matautano paca cui taena xua jopa ajuntucoyenebeya pajinompae. Jame maisa painompae be Nacom piamonae tatsi coyeneya. Matauta jopa abe paexanaeinde xua icha pomonae anoxuae paca baru jinompa pomonae pemuxuitorobiwi xua pomonae peantacuiruyapubewi xua poxonae abe exana dubenanaebiya. Icha paxam beta pajinompame barapomonae peitutha tatsi, bara paca tane xua bara beta pajinompame bequein abe peexanae jiwi nataetha, icha be pocotsi juta coyeneya ichi xua opitei ba poton pentha tsurubenae poxonae quirei tsuncuae, bara ba jiwi tane barapo opiteiton bequein quirei tsuncuae taetha.

¹⁶ Daunweya pajume cowanta dubenanaebiyama po diwesi jiwi ajuntuyapusa exanatsi. Daxota poxonae Cristo patopaetsica bichocono paca weyataeinchi tajuntu coyenewatha beta xaniwaichiya painya nejinompaexae Nacom nexa. Bapoxonae yaputaein xua xaniwaicha bara beta paca yawenatsi xua painya nejume cowuntsiwam.

¹⁷ Bequein metha jiwi nebexubina xua tapaca cayawenaexaetsi, xua painya nejume cowuntsinexa, daichitha awiya juntu coyene weiweinan, iruru paxam paca cayawa juntu coyene weiweinaeinchi.

¹⁸ Daxota paxam bewa pana nebaru juntu coyene weiweinaename, bequein tupaen xua tapaca cayawenaexaetsi xua painya nejume cowuntsinexa.

Meje Timoteo yabara iru xua Epafrodito yabara

¹⁹ Icha Jesús pon jiwi Pecanamataxeinaein ichichipaena, methaunxuae itorobin Timoteo painya nepaca cataenexa tsane. Bapoxonae juntu coyene weiweinaein xua poxonae paca yabara jume taeinchi xua netsipaebina Timoteo.

²⁰ Tsipei ichun ajibi pon paca siwa yabara nanta xeina xua beta painya nejinompae coyenewa icha xan ichin xua bichocono paca siwa yabara nanta xeinatsi.

²¹ Ichamonae saya itapetsiya yabara nanta xeineiba barompaya pia peexanae coyenewan. Barapomonae jopa nanta xeinaeyo xua pocotsiwa Jesucristo pia petaxanaewatsi coyenewan tatsi.

²² Paxam pataneme xua Timoteo neyawena xua pecueicuejewa Nacom Pejume Diwesi, icha be coxiyun ichichi xua poxonae pexanto yawenatsi.

²³ Xua poxonae yaputaein xua ichamonae necana exanaena, bapoxonae beitorobin Timoteo xua pia paca necataenexa.

²⁴ Jume cowantan pon jiwi Pecanamataxeinaein xua necopata xua iru methaunxuae paca siwa ponaeinchi.

²⁵ Matautano nanta xeinan xua bewa pacata itorobinchi Epafrodito, pon be taeweicho tatsicotaein, iru pejume cowuntsixae Jesús, pon taneyawenaein xua cueicueijan Nacom Pejume Diwesi. Bapon jume daunweya pacuidubanbe poxonae bequein ichamonae abe yabara paeba Nacom Pejume Diwesi. Bapon Epafrodito, pon bayatha painta itorobame xua taneyawenaewa tsane pocotsiwa nantawenonan.

²⁶ Maisa bichocono bapon bepaca taena daxita paxam. Bapon bichocono juntu coyene wecoyei tsipei pinae paxam payabara nanta xeiname, pinae pajam: “Maisa bichocono Epafrodito nacata atene tsocuae”, pinae pajam.

²⁷ Bara xainyei, bapon bayatha bichocono atene bara muxu petupaе. Daichitha Nacom nantanuweya yabara nanta xeina xua Epafrodito axaibi peexanaewa tsainchi. Matautano Nacom iru nantanuweya neyabara nanta xeina xua jopa bichocono tajuntu coyene wecoyeiwa tsane icha bapon petupaexae tsipae, xua beyacaincha juntu coyene wecoyan poxonae xua copiya, xua poxonae saya atene.

²⁸ Daxota bichocono ichichipan xua bapon nainya pacata itorobinchi. Baroxonae pajuntu coyene weiweinaename xua equeicha painya netaexae tsane bapon. Matautano bapon itorobin xua jopa tapaca yabara juntu coyene wecoyeinexatsi.

²⁹ Moya bara bichocono pantenta juntu coyene weiweinaeya jacobare Epafrodito xua pepatopaexae, pon jiwi Pecanamataxeinaein peitorobixae. Epafrodito beta pabarui itura jinare. Bara paichinde ichamonaetha, pabarui itura jinare pocotsimonae icha bapon ichi.

³⁰ Bapon bara muxu pebexubichi xua Cristo petanacuichixaetsi. Bapon penapepe-ichiwatha naexana, inta pewetsinexa pocotsiwa xua jopa paca itacupaeyo xua painta exaname.

3

Meje yabara xua po coyene pepa pejuntu coyene xanepanaewa

¹ Tamonaе pam, pomonaе iru painya nejume cowantsixae Jesús, pajuntu coyene weiweinare pon jiwi Pecanamataxeinaein pia pacata exanaexae. Jopa afaetabinyo xua equeicha jupa matowa tapacata tinaewatsi pocotsiwa bayatha pacata tinatsi. Bara apara baxua paca yawena xua beta painya netsita jinompaenexa Nacom.

² Dota pam pomonaе peantucoyenebe jiwi yawano xua abe peexanaewi. Matauta dota pam pomonaе judiomonaе pia cui coyeneyatha tatsi paca itoroba xua painya nenawi thabiwam po coyene xua pawi thabame pebiwi xua ichaxota nareixacaena. Barapomonaе nanta xeina xua icha baxua exanaena Nacom capanenebiya exanaena.

³ Waxainchi xaniwaicha barapomonaetsi pomonaе yatsicaewa Nacom watsita juntu coyene xanepanaewichi, tsipei Nacom pia Pejumope tanaхu tatsi naca yawena xua jume cowantatsi watanacuichinexa Nacom. Matautano wajume cowantsixae Cristo Jesús, daxota bapontha wanae jaintatsi pia wanacata exanaexae. Waxainchi jopa nanta xeinaetsi xua poxonae ichamonaе naca wi thaba, barapo coyene naca juntu coyene xanepana exana Nacomtha.

⁴ Icha pebiwi itacupaetsipatsi xua jume cowanta xua pia coutha nacapanenebiya, barapoxonae iru xan neitacupaetsipa xua jume cowantan xua tacoutha tanacapanepaewa beyacaincha xua barapo pebiwi. Ichitha pebiwi iru xan, jopa pana neitacupaeyo xua pana nacapanenebiyan pata coutha.

⁵ Caena bayatha tacoutha nanta xeinan xua tacoutha tana nacapanepaewa pocotsiwe taexanaexae. Poxonae naexanan ocho po matababitha newi thaba. Matautano xan bara israelmonae pia saineiwi jiwanan. Matautano Benjamín piamonaе tatsi jiwanan tsipei pia pemomoxi susato jiwi jiwanapin tatsin. Matautano yacuiya naexanan xua hebreo jume tacueicueijeiwa, taxa iru taena hebreo jume pepaebiwixae. Matautano bayatha fariseomonaepin naexanan, xua daxota daxita coyeneya beta xanepanaya exanan be pocotsi coyeneya Moisés pia peitorobi coyenewatha itoroba.

⁶ Bichocono jume cowantan pocotsiwan fariseomonaе pia pecuidubi coyenewan tatsi. Daxota abe exanan pomonaetha pomonaе Jesús pejume cowantsiwichi. Tsipei daxita coyenein exanan pocotsiwa Moisés pia peitorobi coyenewa itoroba, daxota nanta xeinan xua yatsicaewa juntu coyene xanepanan Nacomtha xua jopa xeinaeyo tanatsicuentisiwa xua abe taexanae coyenewa.

⁷ Daxita po coyenein xua bayatha inta netsita ainya cui, porucae jopa daichiyo. Anoxuae netsita acoyenebe barapo coyenein, tajume cowantsinexa Cristo.

⁸ Matautano daxita inta newepu napuxana pocotsiwa xua bayatha nanta xeinan. Xua yaputan Cristo Jesús Tanecanamataxeinaein, baxua jame inta wanae bichocono beyacaincha xua daxita pocotsi coyenewan copiya bayatha xeinan. Cristo Pejume Diwesi tacueicueijeixae daxita newepu napuxana pocotsi coyenewan bayatha xeinan. Barapo coyenein yabara nanta xeinan, xua barapo coyenein abe, be pocotsiwa jiwi xuba pocotsiwa abe. Po coyenein xua copitha xeinan barapo coyenein pentan tanantauntsinexa Cristo pon Tanecanamataxeinaein.

⁹ Ichichipan xua be caein naexanan Cristotha xua tajuntu coyene Nacom petsita xanepanaexatsi bapon pia tana necana exanaexae barapo coyene. Barapo coyene

necana exana Nacom, jopa poxoruyo xua tajume cowantsixae Moisés pia peitorobi coyenewa xua daxota tajuntũ coyene xanepana Nacomtha. Jame barapo coyene necana exana Nacom xua be caein naexanan Cristotha, poxonae jume cowantã, poxoru Nacom tanecatixae rejuntũ coyene xanepanaewa. Barapocotsi coyenewa ba Nacom cata jiwitha pomonaetha pomonae pejume cowantsiwixaetsi.

¹⁰ Pocotsiwa taichichipaewa baraxua xua aparta jame tayaputaewa Cristo. Matautano be yaputaecin peayapusũ itorobiwa, po peayapusũ itorobi coyenewatha Jesús asũ exainchi barapo petũpae cuiru coyene weya. Bequein ichamonae atene neexanaena, icha Cristo ichichi xua poxonae atene exanatsi ichamonae, daichitha awiwa cataunxuae ichichipan xua taexanaewa pocotsiwa xua Nacom ichichipa. Poxonae Jesús tsitũpa jiwĩ, barapara exana pocotsiwa Nacom ichichipa, jopa exanaeyo xua pocotsiwa bapon pia coutha ichichipa. Xan bara jũta ichiwa ichichipa exanan xua pocotsiwa Nacom ichichipa.

¹¹ Yawano ichichipan xua baxuan exanaein beya poxonae Nacom asũ neexanaena po mataqueitha Nacom asũ exanaena petũpae cuiru coyene weya pomonae irũ pejume cowantsiwixaetsi.

Meje yabara xua po pentoma Nacom pia wanaca catsiwa, jũntema beta waexanaexae

¹² Jopa paebinyo xua xeinan barapo coyene, po coyeneyatha xua Nacom asũ neexana petũpae cuiru coyene weya. Matautano jopa paebinyo xua Nacom bayatha xaniwaicha jũntũ coyene xanepana neexana xua jopa daxota abe taexanaewa. Daichitha awiwa yabara nacuichiwa exana ducunaebiyã xua taxainaenexa barapo coyenewa tsipei Cristo Jesús copiwa neexana be piamonae jiton tatsin.

¹³ Tamonae pam, pomonae irũ painya nejume cowantsixae Jesús, paca tsipaebatsi xua jopa cataunxuae baxua wetsinyo xua tajuntũ coyene bara xaniwaicha bayatha nejuntũ coyene xanepana exana xua jopa xeinaeyo peabe coyenewiyo. Ichitha bara saya cae coyene exanan. Jũntemainã xua pocotsiwan bayatha exanan, saya meisa bichocono yabara nacuitã pocotsiwa bexa tsane xeinaein.

¹⁴ Bichocono ajũntũyapusũyã exana ducunaebiyã xua pocotsiwa Nacom ichichipa, beya taxainaenexa po pentoma pocotsiwa Nacom naca catsina poxonae naca wabina pia nacua beicha caemonaewa wayawa jinompaexae Cristo Jesús.

¹⁵ Daxita waxainchi, pomonaetsi xua bayatha beta yabara yaputaetaepoinchi wajume cowantsiwa Nacom, waxainchi bewa yabara nanta xeinaetsi po coyene xua waxainchi cataunxuae abũ jopa xeinaetsi po jũntũ coyene xua yatsicaya xanepana xua daxota jopa abe exanaetsi. Daichitha icha paxam, icha coyeneya payabara nanta xeiname pocotsiwa xuaunxuae paca tsipaebatsi, bapoxonae Nacom yabara paca yaputane exanaena baxua.

¹⁶ Daichitha waxainchi bewa awiwa jume cowanta dubenanaebiyaetsi pocotsiwa bayatha Nacom naca yaputane exana.

¹⁷ Tamonae pam, pomonae irũ painya nejume cowantsixae Cristo Jesús, paexanaponde icha ichin pocotsiwa xua exanaponan. Beta pacui taema poxonae pomonaewa xua jinompa xua poxonae exanapona, icha pocotsi coyeneya paichin poxonae paca cuidubatsi.

¹⁸ Bayatha matowa paca tsipaebatsi. Anoxuae equeicha paca tsipaebatsi, beya nama wecoyeya paca tsipaebatsi. Paca jeichi: "Pinmonae jinompa pomonaewa aichaxaibi po diwesi po coyene xua Cristo naetotha tsitũpa jiwĩ", paca jeichi.

¹⁹ Nacom barapomonaewa weraweraca exanaena. Barapomonaewa saya yabara nanta xeineiba penabanaewa xua matautano pocotsiwa Moisés pia peitorobi coyenewatha itoroba xua barapo pexaewa yabara. Barapomonaewa yabara atsaca pocotsi coyene bequein barapomonaewa bewa ita aura tsane baxua. Daichitha barapomonaewa jopa yabara ita auriyo baxua. Saya barapomonaewa yabara nanta xeina nawita pocotsiwan xua xeina po irathe. Jopa yabara nanta xeinaeyo pocotsiwan xua Nacom nexa.

²⁰ Ichitha nama waxainchi Nacom pia nacua tatsipiwichi. Anoxuae waxainchi ewatatsi xua patopaetsica itaboco wetsica pon jiwĩ Pecapanenebiyaewa, pon jiwĩ Pecanamataxeinaein, bapon Jesucristo.

²¹ Wapepon, po pepon jopa wũnaetsi, po pepon atene yawa xua tũpaena bapon equeicha icha pepon naca exanaena, pocotsi pepon icha Cristo ichi xua po pia pepon tatsi bichocono xeina pexeinya peitũpanaewa coicha, xua po pia pepon tatsi jopa ateneyo, yawa xua jopa tũpaeyo. Baxuan Cristo nacata exanaena pia peayapusũ itorobi coyenewatha, po peayapusũ itorobi coyenewatha itacũpatsi xua daxita pecanamataxeinaewa.

4

Meje yabara xua Pablo jei: "Ataya pajũntũ coyene weiweineibare pon jiwĩ Pecanamataxeinaeintha", jei

¹ Tamonaē pam, pomonaē irū painya nejume cowantsixae Cristo Jesús, paxam pomonaē bichocono tapaca caantobewichi pam. Bichocono ichichipan xua tapaca cataewa tsainchi. Paxam pomonaē bichocono pana nejtũtũ coyene weiweina exaname. Matautano paxam pomonaē Nacom necata painya nejume cowantsinexa Jesustha xua be tana nematomat-siwa, xua neyaputane exana xua bara exanan pocotsiwa xanepana poxonaē tanacuitan bapon. Tamonaē pam, paxam pomonaē tapaca caantobewichi pam. Awiya beta pajume cowanta dubenanaebiyama pon jiwi Pecanamataxeinaein.

² Itoroban powa pewan Evodia, ichawayono xua powa pewan Sintique xua barapowayobe equeicha penaita coxonaenexabe xua be yatsicaewa caemonae jitowayo penaex-anaenexabe pon jiwi Pecanamataxeinaein piamonae jitowayobexae tatsi.

³ Xam ponxaem yatsicaewa tanebaru nacuichim Nacom Pejume Diwesi, caitorobatsi xua barapowayobe neyawenaenexa tsane. Barapowayobe bayatha neyawenabe poxonaē cueicueijan Nacom pia pecapanenebiyae diwesi. Barapoxonaē barapowayobe, irū Clemente irū ichamonaeno daxita barapomonaē daunweya nebaru nacuita. Daxita barapomonaē wun dubatsi diborotha po diborotha xua Nacom capanenebiya tsaibi jiwi xua jiwi pecatsibeibinexatsi peajantũyapusuwa poxonaē wun dubeiba barapo diborotha, xua Nacom pia diboro tatsi.

⁴ Paca jeichi: "Ataya patsita jũtũtũ coyene weiweineibare pon jiwi Pecanamataxeinaein", paca jeichi. Equeicha paca jeichi: "Ataya patsita jũtũtũ coyene weiweineibare", paca jeichi.

⁵ Barabu beta pajinompaename xua daxita jiwi painya pia paca yabara yaputaenexa xua bara paxam pomonaē pejtũtũ coyene xanepanaewi pam, tsipei imoxoyo patopaetsica pon jiwi Pecanamataxeinaein.

⁶ Jopa payabara nanta xeinaeinde nawita pocotsiwa ba paca jũtũtũ deideijeji exana. Jame maisa Nacom patsipaebibare daxita coyenein yabara. Nacom yabara pawuqueibare daxita coyenein. Matautano payabara jacobeibare Nacom poxonaē pocotsiwan paca catsibeiba pocotsiwan xua panantawenoname.

⁷ Barapoxonaē Nacom paca jũtũtũ coyene jũntemiya jinompa exanaena. Barapo jũntemiya jinompaē coyenewa jiwi ba jopa yabara yaputaeyo, tsipei bichocono pexeinya coyenewa. Barapo jũntemiya jinompaē coyenewa paca jũtũtũ coyene eenaena. Matautano paca eenaena xua daxota beta painya nenanta xeinaewa tsane. Baxua paca cana exana paca necayawa jinompaexae Cristo Jesús.

Meje yabara poxonaē Pablo jei: "Payabara nanta xeinare daxitan pocotsiwan xua wunaē", jei

⁸ Tamonaē pam, pomonaē irū painya nejume cowantsixae Jesús, paca tsipaebatsi nama anoxuae pocotsiwa xua tabũ ducua paca tsipaebatsi pocotsiwa xua nama wetan. Payabara nanta xeinare daxitan meje xuae po coyenein: po coyenein xua pexainyeiwan, matautano po coyenein xua jiwi yabara nanta xeina xua pexanepanaewan, matautano po coyenein xua xaniwaichiya pecana exanaewan, matautano po coyenein xua Nacom psetsita exanaewatsi pexeinya jũtũtũ coyenein, matautano xua po coyenein pexeinya peitũpanae coyenewan, matautano po coyenein xua jiwi peyabara baru cui itura jinaewan. Matapainya payabara nanta xeinare daxita coyenein po coyenein Nacom tsita coyene xanepanatsi, matautano daxita po coyenein jiwi bewa wunaē jainchina xua barapo coyenein pexanepanaexae.

⁹ Paexanaponde po coyene xua paca cuidubatsi xua daxota panejume jejam. Paexanaponde po coyene xua panejume taneme xua cueicueijan. Matautano paexanaponde po coyene xua pana necui taneme xua exanan. Bara baxuan paexanaponde bapoxonaē Nacom pon peyawa jinaein jũntema pepoponaē jũtũtũ coyenewa, bara bapon paca yawa poponaena.

Meje yabara paratixi po paratixi jiwi cata Pablo nexa

¹⁰ Tsita jũtũtũ coyene weiweinan pon jiwi Pecanamataxeinaein xua matapainya equeicha tapana neyabara nanta xeinaewam. Bayatha bequein pana neyabara nanta xeiname, daichitha jopa paca itacupaeyo xua tapana neyawenaenexam.

¹¹ Jopa paca tsipaebichi xua ichawa yabara pocotsiwa tanantawenonaewa, tsipei bayatha tacoutha yabara nacuiduban xua jũntema tapoponaewa pocotsiwa xua xeinan bequein inta acoibi ichawa.

¹² Yaputan xua beta poponan poxonaē bequein be pon taacopeibin. Matautano yaputan xua beta poponan poxonaē nawita taxeinain. Bayatha nacuiduban xua jũntema tapoponaē coyenewanexa tsane bequein tonsanan, yawano bequein ichacuitha jainpeiban. Nacuiduban xua jũntema tapoponaē coyenewanexa tsane bara bequein xeineiban beyacaincha pocotsiwa tanantawenonaewa, yawano ichacuitha bequein inta aibi pocotsiwa xua tanantawenonaewa.

¹³ Neitacupa xua daxita taexanaewa tsipei Cristo necata pia peantayapusawa.

¹⁴ Daichitha paxam bichocono wanae painta exaname poxonae pana neyawename tapana nesiwamxae poxonae ichamonaе jopa xanepanaya necana exanaeyo.

¹⁵ Paxam Filipos tomarapiwi pam, payaputaneme poxonaе copiya tamropata pitaban xua cueicueijan Nacom Pejume Diwesi, barapoxonaе meisa paxam paratixi pana necataponame poxonaе Macedonia nacua weya ponan. Icha tomarapiwi pomonaе pejume cowantsiwi jopa necatsiyo paratixi. Barapo paratixi pana necataponame be pentoma painta exaname yabara tapana netsipaebinxam po coyene xua tapaca cayawenaewatsi painya nejume cowantsiwanexa Nacom.

¹⁶ Poxonaе cataunxae Tesalónica tomaratha poponan, paxam painta itorobame paratixi. Bapoxonaе equeicha cotacaya painta itorobame icha paratixi xua tacana nantawenonaenexa.

¹⁷ Paca tsipaebatsi baxua jopa poxoruyo xua saya taichichipaexae equeicha xua tapanecatsiwam tsane icha paratixi. Jame apara poxoru ichichipan xua paxam bexa paxeinaename po pentoma xua Nacom paca catsina tapana neyawenaemxaem.

¹⁸ Bayatha matowa pana necatame beyacaincha pocotsiwa xua nantawenonan. Pocotsi paratixi painta itorobame xua inta capona Epafrodito, baxua inta bichocono nawita beyacaincha xua pocotsiwa nantawenonan. Barapocotsiwa pocotsiwa painta itorobame, Nacom bichocono ichichipa. Nacom baxua ichichipa icha ichi poxonaе bichocono ichichipa po petuxusi tuxueiwa jiwi tuxusi exana Nacom nexa, yawa xua poxonaе po duwei petautsiwa xua tuxusi exana Nacom nexa. Barapo pecana exanae coyenewabe Nacom tsita coyene xanepanatsi, yawa juntay coyene weiweina exanatsi.

¹⁹ Tanacom daxita paca catsina pocotsiwa xua panantawenoname, tsipei bapon bichocono copei pexeinaein pocotsiwa xua bichocono peitapanaewa. Paca catsina baxua painya neyawa jinompaexae Cristo Jesús.

²⁰ ¡Barabu jiwi, Nacom pon Waxa, ataya wanae jainchinchí! Je, bara ichi tsane.

Meje yabara xua Pablo najume weta barapo carte

²¹ Painta jacobare pomonaе baxotiya jinompa pomonaе Jesucristo pejume cowantsiwichi pomonaе yatsicaewa Nacom piamonaе tatsi. Iru pomonaе nebaru jinompa xote pomonaе xua iru pejume cowantsiwichi Cristo Jesús, barapomonaе paca jacoba.

²² Iruru daxita pomonaе Jesús pejume cowantsiwichi pomonaе yatsicaewa Nacom piamonaе tatsi, pomonaе po tomarathepiwi, barapomonaе paca jacobaru. Iruru paca jacoba pomonaе romanomonaе itorobiya pia pepa peewatsinchi pia botha tatsi tanacuitatsi. Barapomonaе bichocono paca jacoba, beyacaincha ichamonaе poxonaе paca jacoba.

²³ Barabu Jesucristo, pon Wanacanamataxeinaein, daxita paxam paca juntu coyene yawenaena pia paca necaantobexae.

Baja Pablo.

Meje Po Carte Pablo Tatina, Colosas Tomarapiwi Tatinatsi

Meje yabara poxonaē Pablo tamropata pitaba xua tatina pomonaē Colosas tomarapiwi tatinatsi

¹ Xan, Pablon, iru Timoteono, pon be painya neyapin jiton patsicotaneme xua xanno iru pon be tayapin tsicotan. Baponbe, panbe, paca jacobatsi. Xan, Pablon, Cristo Jesús pia peitorobiwi tatsi jiwanan xua Nacom peichichipaewaxae.

² Barapo carte pacata tinatsi pomonaē painya neenaewi Colosas tomaratha, pomonaē Cristo pajume cowantame, iru pomonaeno yatsicaewa xanepanaya Cristo peitabaratha painya nejinompraewino. Barabu Nacom pon Waxa, paca yawenaena pia paca necaantobexae, yawano juntema jinompa paca exanaena.

Meje yabara poxonaē Pablo Nacomtha tawuca pomonaē Jesús pejume cowantsiwi

³ Poxonaē Timoteo panbe pacata wuqueibatsi Nacomtha, pon Jesucristo Paxa tatsi, pon Wanacanamataxeinaein, pajan tsaibinbe: “Nacommujanta coyene weiweinanbe xua barapomonaē necajume cowantsixae”, pajan tsaibinbe.

⁴ Baxua papaebeibanbe tsipei bayatha Timoteo panbe Epafras pana netsipaeba. Epafras namchi: “Colosas tomaramonaē Cristo Jesús jume cowanta, –jei– yawa antobe ichamon-aeno pomonaē pejume cowantsiwi Jesucristo”, jei Epafras.

⁵ Paantobem ichamonaē, pomonaē pejume cowantsiwi Jesús, yawa xua pajume cowanta dubenanaebiyame. Baxua paexaname tsipei payaputaneme xua bexa tsane Nacom paca catsina xua pia nacuatheicha xeina, xua peantuyarusawa po peantuyarusawa jopa weraweracaeyo. Caena bayatha yabara paca tsiwunaeya muxu duta poxonaē Nacom Pejume Diwesi pajume taneme. Baxua anoxuae cataunxuae paewatame.

⁶ Po diwesi xua pajume taneme Nacom pia pecapanenebiyae diwesi, barapo diwesi pejume xainyeiwa. Matautano barapo diwesi jijiwifoforotapoinchi xua jume cocowantapona, daxita carepaya tomarantha barapo cae pin nacuathe. Icha paxam paichim bayatha, barapo diwesi paca foforotapona xua pajume cocowantapona poxonaē aena pajume taneme barapo diwesi. Barichi payaputanemeno xua Nacom paca necaantobewa xua awiya cataunxuae paexanapona.

⁷ Barapo Nacom pia pecapanenebiyae diwesi xaniwaicha caena bayatha Epafras paca tsipaeba. Bapon Epafras paantobein. Bapon Epafras xaniwaicha Cristo yabara cueicuei-jeichi. Bapon baxua painta exanapona xua pana yawenapona xua Timoteo panbe pata ecaexaebewi pecubi botha.

⁸ Epafras xote patopa. Bapon Epafras Timoteobe, pana netsipaebabe xua pinae paxam paantobem daxita pomonaē Jesús pejume cowantsiwi Nacom pia Pejumope tana xua tatsi painya nepaca yawenaexae.

⁹ Bara caena poxonaē aena, poxonaē pajume tanbe xua pinae Jesucristo pajume cowantame, pomonaē Colosas tomarapiwi pam, Nacomtha pacata wuqueibatsi. Jopa seica paexaneibinyobe xua pacata wuqueibatsi Nacomtha, pajan tsaibinbe: “Nacom, yawende Colosas tomarapiwi yabara neyaputae exanaenexa xua peexanaewa tsane pocotsiwa ichichipame. Yawa care barapomonaē daxita peyaputae coyenewan po coyenewan nejumope tana xua cata jiwitha”, pajan tsaibinbe Nacomtha.

¹⁰ Icha paxam payaputaneme po coyene xua pocotsiwa Nacom ichichipa pon jijiwipecanamataxeinaein xua pocotsiwa painya neexanaewa, bapoxonaē beta pajjinaponaename Nacom pia paca necayawenaenexa. Bara be Nacom pia pexuwi pana natsicotaneme tsipei baxua Nacom unthuthu jopa xua unthuthu weiweina. Jijiwifoforotapona xua Jesucristo jume cocowantapoinchi. Daxota baxua Nacom unthuthu jopa xua unthuthu weiweina. Paca unthuthuyarusu exana. Matautano yabara paca yaputane exana xua painya neexanaewa tsane pocotsiwa Nacom ichichipa.

¹¹ Timoteo iru xanno Nacomtha patsipaebibe xua Nacom pia paca catsinexa tsane pia peitapanaewa xua peyaparusawa, icha Nacom ichi xua xeina barapo peitapanaewa xua peyaparusawa. Barapo peyaparusawa paca yawena xua pajumefebame xua poxonaē ichamonaē paca itoroba xua abe painya neexanaewa. Yawa paca yawena xua juntu coyene weiweinaya paexaname xua jopa paaitaconaem, xua poxonaē bequein ichamonaē abe pacata exana.

¹² Poxonaē Nacom patsipaebame, juntu coyene weiweinaya pajacobare tsipei bapon Nacom paca yabara juntemaina abe painya neexanaē cuiru coyenein. Bapoxonaē Nacom tsita xanepanatsi painya juntu coyenein barompaya painyawan painya nexenaenexa

pocotsiwa Nacom paca jũntana jeba pia nacuatheicha xua painya nejume cowantsixae bapon. Paca catsibina poxonaē paxam bara xoteicha papatsiname.

¹³ Waxa, Nacom, wanaca capanepaexae Satanás pia peayapusũ itorobi coyene weya tatsi, daxota anoxuae cauri pia pentacaponaein tatsi jopa equeicha cana exanaetsi xua wanaca canamataxeinaewa tsane. Apra jame Nacom yatsicaewa naca cana exana xua bapon piamonaē tatsi naexainchi pomonaexaetsi xua Pexanto tatsi pon Jesús itorobiya naca ewata, po Pexantoxae bichocono antobe.

¹⁴ Nacom Pexanto tatsi naca capanepa, naetotha wanaca tsitupaexae. Daxota daxita abe waxanae cuiru coyenein Nacom naca cayabara jũntemaina.

Meje yabara xua waxainchi pomonaetsi jũntema jinompati Cristo wanaca tsitupaexae naetotha

¹⁵ Nacom bapon peinya pepoponaēin, pon jopa pataeinyo. Ichitha Jesucristo bapon paxa yatsi itapeinya xeina, pon yatsicaewa patan. Caena bayatha poxonaē aena bapon Jesucristo popona xua pewnaeya poxonaē Nacom daxita forota barapo cae pin nacuathe.

¹⁶ Nacom daxita forota barapo cae pin nacuathe poxonaē Jesucristo saya paxa taexana. Yawa daxita forota itabocotha. Mataũtano forotano xua jopa penatsita itapeinya xeinaewa, xuano xua penatsita itapeinya xeinaewa. Nacom exana daxita peitorobi coyenewan xua pomonaē pentacaponaeiwi nexa. Ichamonae jiwi itoroba nawita, ichamonae be conotha itoroba jiwi, daichitha daxita barapo coyenein Nacom exana xua barapo peitorobi coyenein. Jesucristo penacui yaputaexae xua ichichipa daxita forota yawa bapon nata exana.

¹⁷ Caena bayatha bapon Cristo ataya popona poxonaē cataunxuae jopa bapon foforotaponaeayo daxita. Cristo canamataxeina daxita daxota nacua xanepanaya wnaeya ducua.

¹⁸ Daxita pomonaē Cristo jume cowanta be caein naexana. Bapon Cristo barapomonaē pia Pecanamataxeinaēinchi tatsi. Baxua caunuta xua Cristo canamataxeina barapomonaē aetha pomonaē pia pejume cowantsiwiwaetsi. Bapon Cristo antũjumopeyapusũ exana pomonaē pejume cowantsiwiwi. Bapon Jesucristo copiya asũ nanta canaexanatsi petupaewatha. Daxota bapon canamata exanatsi xua canamataxeina daxita coyenein.

¹⁹ Nacom, Waxa, antũthũ weiweina bichocono poxonaē Pexanto cui tane xua cui jũpatsi Pexanto tsipei daxita xeina icha bapon ichi xua daxita xeina.

²⁰ Daxita pomonaē jinompa po cae pin nacuathe ita coxanatsi Nacomtha. Irũũ pomonaē jinompa athabeicha ita coxanatsi Nacomtha. Daxota Nacom Pexanto itoroba xua petsitupaenexa naetotha pomonaē po cae pin nacuathepiwi, irũũ pomonaē athabeicha jinompa nexa, xua bapoxonaē Nacom peita coxonaewa tsainchi yawa petsita najũntũ coyene xanepana exanaewa tsainchi.

²¹ Paxam copiya Nacom jopa paita coxonaem, be pomonaē penanapaincha jinompaewi patsita naexaname Nacomtha. Yawa Nacom pia peaitafaetabi jiwichi pam, abe painya neexanaē dubenanaebiyaeaxae painya jũntũ coyenewatha.

²² Ichitha nama anoxuae payaputaneme xua Cristo bayatha tũpa naetotha xua poxonaē bara jiton cuiru coyeneya. Daxota anoxuae Cristo paca cana exana xua Nacom paita coxoname pomonaē pam pomonaē copiya Nacom pia peaitafaetabi jiwichi pam. Poxonaē Cristo tũpa pia paca exanaenexa pomonaē pam pomonaē Nacom peitũtha tatsi pentũthũ cui xanepanaē jiwi pam. Mataũta paca cana exana xua ichamonae painya jopa nepaca yabara paebiwa xua abe painya neexanaewa.

²³ Cristo paca exana xua xanepanaya painya nejinompaewa tsane Nacom peitabaratha. Baxua paca cana exana icha beta pajume cowanta dubenanaebiyaeaname Nacom pia pe-xinya pecapanenebiyae diwesi jume. Yawa jopa papentsinde xua paewatame xua pinae Nacom paca catsibapaeba, xua bayatha pajume taneme. Nacom paca catsina pocotsiwa pia nacua beicha xeina xua peantũyapusũwa xua jopa weraweracaeyo xua caena bayatha yabara paca tsiwũnaē muxu duta Nacom. Barapo pexeinei pecapanenebiyae diwesi bayatha Jesucristo pia pejume cowantsiwi tatsi cueicueiji xua daxita nacuan yajũpaya. Irũ xan, Pablon, paebaponandũ barapo diwesi.

Meje yabara poxonaē Pablo Nacom Pejume Diwesi tsipaeba pomonaetha pomonaē Jesucristo pejume cowantsiwiwi

²⁴ Xan, Pablon, anoxuae jũntema weiweinaya poponan bequein neperaxa exana paxam nexa. Icha Cristo ichi poxonaē peraxa exanatsi jiwi nexa, barichin xan neperaxa eexanaponaena paxam nexa pomonaē Cristo pijimonaē pamxaem. Atenein beya poxonaē wetsin pocotsi coyene cuiru Cristo bewa ajũntũcoyenetane tsoponae tsane pomonaē pia pejume cowantsiwichinexa. Bapoxonaē Cristo pia coutha paebina xua xan equeicha jopa atenein tsane.

²⁵ Xan, Pablon, Nacom Pejume Diwesi tacueicueijei jiton tana neitorobixae Nacom tapaca cayawenaenexatsi xua iru daxita carepaya jiwi pejume taetaeponaewa tsane barapo Nacom Pejume Diwesi.

²⁶ Barapo diwesi caena bayatha Nacom moya yawun xeina xua jiwi jopa yabara yaputaeyo. Ichitha anoxuae barapo diwesi matapainya Nacom yabara yaputane exana pomonaetha pomonae pejume cowuntsi jiwixaetsi.

²⁷ Barapo pexeinya jume diwesi Nacom caena bayatha moya yawun xeina xua jiwi jopa yabara yaputaeyo, ichitha anoxuae ichichipa iru yabara yaputane exana barapo pexeinya jume diwesi pomonaetha pomonae jopa judiomonae naexanaeyo. Barapo Nacom moya peyawun xeinaewa xua apara Cristo paca yanaba. Daxota paewatame xua bexa Cristo paca catsina, xua caena bayatha yabara paca tsiwunaen muxu duta Nacom.

²⁸ Daxota pacueicueijan barapo diwesi po diwesi xua Cristo yabara. Daxita jiwi pamuxu jan. Daxita jiwi pacuiduban Nacom pia peyaputae coyenetha tatsi, tsipei paichichipan xua Nacomtha xaniwaicha yajuntu coyene xanepanaya patsina xua be caemonae penaexanaewa tsane Cristotha.

²⁹ Daxota daunweya nacuitan Cristo tana necatsixae pia peayapusawa xua bichocono ayapusu tacueicueijeinexa tsane Nacom Pejume Diwesi poxonae barapomonae tsipaeban. Barapo peayapusawa jiwi tsita itatan poxonae daunweya nacuitan.

2

¹ Baxua paca tsipaebatsi pomonae painya nejume cowuntsiwa Jesucristo tsipei ichichipan xua painya neyaputaewa xua bichocono tapaca antobewatsi. Daxota bichocono pacata wuwacaponiebatsi Nacomtha. Iruno pomonae Jesucristo jume cowanta, pomonae jinompa Laodicea tomaratha, barapomonae iru tawucan. Irunu daxita ichamonae pomonae jopa netaeyo, tawucan.

² Antuyarusuya Nacomtha pacata wucatsi, xua painya nepaca cajuntu coyene tsacarabi exanaenexa xua juntema painya nejinompaenexa xua caemonae nantiya painya nenaantobenexa. Matautano pacata wucatsi xua painya neyaputaenexa xua daxita peyaputae coyene xua daxota painya neyaputaewa tsane po coyene xua copiya Nacom moya yawun xeina po coyene xua Cristo yabara.

³ Cristo pon peyaputaen, pon daxita coyenein yaputane. Icha caein jiwana paxam, icha bapon ichichipa xua pexeinaewa barapo peyaputae coyene, bu jame wuca.

⁴ Baxua paca muxu jeichi, tsipei jopa ichipaeinyo xua ichamonae paca cui caranababa xua naerabiya paca muxujainyaba po jumeintha xua naemata beta paeba.

⁵ Paca yabara cananta xeineibatsi, be natsicotan xua be paca baru popoinchi bequein tajun ecan. Juntu coyene weiweinan xanepanaya jume cowuntsiya painya nejinompaexae Cristo, yawa juntu coyene weiweinanno xua painya nenacui xainwaetsiya jinompaexae Cristotha.

Meje yabara xua jiwi pena juntu coyene xeina Cristotha

⁶ Mexeya poxoru painya neyabara jume cowuntsixae xua pinae Jesucristo pon painya Nepacacanamateinein, daxota bewa bara paraichim bewa caemonae pana naexanaem Cristotha xua xaniwaicha painya nejinompaenexa bapontha.

⁷ Paitacoxonaya yaputaeponde Cristo painya pewunaen jiton. Matowa yabara pana nacuidubaponde Cristo pocotsiwa bayatha exana. Matowa paexande xua pocotsiwa bapon paca itoroba. Mataropeicha payaputaeponde xua pexainyeiwa jume, icha matha ichi xua ichun paca cuiduba poxonae pajume cowuntame Jesucristo. Yawa matowa pajande: "Nacom, maisa pajuntu coyene weiweinan xua painta exaname", pajan tsabinde.

⁸ Dota pam tsipei jopa ichipaeinyo xua ichamonae paca cui caranababa xua naerabiya paca muxujainyaba xua painya neexanaewa tsane xua naemata beta paeba. Pomonae xua paca cuiduba pia peitorobi coyenein, baraxua apara jopa Cristo pia peitorobi coyenewa tatsi. Apara saya pon pepawi, bapon pia peitorobi coyenein tatsi, apara saya nacua pia peitorobi coyenein tatsi.

⁹ Nacom Pexanto cana nayawa exana xua Cristo xeina daxita i dapu coyenein, po coyenein Nacom xeina. Barapo coyenein bapon Cristo xeina pon pepa pebin naexana Nacom Pexanto tatsi.

¹⁰ Apara Cristo piamonae tatsi pam. Cristo, bapon compa yatsicaya Pecanamataxeinein cana exanatsi xua daxita canamataxeinatsi pomonae ifabocotha peitorobiwi pia peayapusawatha. Poxonae Cristo panantauteame, jopa ichauyo pacata seicaeyo xua paxeineame xua pocotsiwa Cristo juntema popona paca exana.

¹¹ Paxam anoxuae icha juntu coyene paxeineame Cristo painya nejume cowuntsixaemxae, yawano poxoru painya nenantu cui barapentsixaemxae xua abe

paexaname. Icha judiomonaē ichi xua nawi thaba ichaxota pebiwi nareixacaena bapana baxua jopa paca juntu coyene capanepae abe painya neexanae cui ru coyenein weya. Jame xua Jesucristo naetotha tupa, baxua jame paca nthuthu coyene capanepa abe painya neexanae cui ru coyenein weya.

¹² Poxonae ichun paca bautisaba, be paca muthutha penta, icha Cristo ichichi poxonae muthutha xotsi. Bara paca juta ichi. Yawa poxonae xua pamatawunname be equeicha asu pajinompame, icha Cristo ichichi poxonae Nacom asu exana Pexanto poxonae equeicha itowan popona. Bara paca juta ichi painya nejume cowantsixae Nacom.

¹³ Caena bayatha paxam jopa paichichipaem xua painya neexanaewa pocotsiwa Nacom paca itoroba poxoru saya abe painya neexanae jiwi pam. Daxota Nacom be pomonae pewerapae jiwi patsita jinompame. Saya u abe peexanae cui ru coyenein painya nenanta xeina dubenanebiyaexaemxae, poxoru saya abe painya neexanaewi. Baxua paexaname poxoru barapo peabewa paca itata cadopiteiba xua abe painya neexanaewa tsai bi tsane. Jopa Nacom pajeichim poxoru paxam barapocotsimonae pam, pomonae jopa judiomonaē naexanaeyo pam po judiomonaē nawi thaba ichaxota pebiwi nareixacaena, Nacom paca exana xua anthuthucoyenesuya painya nejinompaewa xua Cristo painya neyawa jinompaewa. Bapon Nacom nacata junte maina xua daxita abe waexanae cui ru coyenein.

¹⁴ Nacom jopa naca yabara paebiyo xua abe exainchi poxonae bara bequein jopa exanaetsi po peitorobi coyenein judiomonaē exana xuano xua naca cui itoroba xua po peitorobi coyenein bequein Nacom itoroba. Daxota Nacom jopa naca yabara paebiyo xua abe exainchi tsipei Cristo naetotha cobe matatabarutatsi xua pentoma nacata exana xua wanaca capanenebiya exanaenexa abe waexanae cui ru coyenein weya.

¹⁵ Poxonae Cristo naetotha tupa, Cristo pecui paw i cana exana po pentacaponae wi xua abe peexanaewi xua barapomonae peamanayabixaetsi. Daxota barapomonae jopa xeinaeyo peitorobi coyene xua peayapusu coyene. Pin bicheito itabaratha Cristo aura exana pentacaponae wi. Anoxuae Cristo pentacaponae in exanatsi xua daxita barapo jiwi pecanamataxeinaenexatsi.

Meje yabara xua jei: "Itapeta payabara nanta xeinare xua pocotsiwa Nacom juntana jeba jiwi, pia nacuatheicha", jei

¹⁶ Daxota dapon ajibi pon itacupatsi xua painya nepaca yabara paebiwa xua abe painya neexanaewa xua pocotsiwa painya nexaexae, xuano xua pocotsiwa painya neapaexae. Matautano bapon jopa itacupaetsi xua painya nepaca yabara paebiwa xua abe painya neexanaewa po matacabitha poxonae jiwi tsinacaetuta pin pexaewa xua penabanaewa tsane, matautano xua paexaname po mataqueitha poxonae jomocoichato aena equeica, matautano po matacabintha poxonae pentaquei seicae matacabin poxonae jiwi jopa nacuchiyo.

¹⁷ Caena bayatha barapo peitorobi coyenein judiomonaē cuidubatsi Nacom, xua saya u pejume. Barapo jumeintha judiomonaē cuidubatsi Nacom, xua yabara yaputane peexanaenexa tsainchi pocotsiwa hexa Cristo exanaena. Apra bayatha Cristo patopeica. Icha paxam paichichipame xua painya nenaexanaewa tsane Nacom piamonae tatsi bewa paexanaem pocotsiwa Cristo paca itoroba.

¹⁸ Jopa pacopatsinde xua ichamonae paca yabara paeba xua pana natsiaenae cuentame xua jopa painya neexanaexae icha barapomonae ichi. Barapomonae paca aeba poxoru tane petsita itubi coyenewan po coyenewan xua ichamonae jopa taeyo. Barapomonae paca itoroba xua pepawi jiwi painya nenaexanaewa tsane painya coutha icha barapomonae ichi xua bequein jumexaeya paeba xua pinae pecui paw i jiwi. Matautano barapomonae paca itoroba xua matatsunpiwi wanae painya nejainchiwa tsane icha bapomonae ichi.

¹⁹ Barapomonae jopa Cristo peyawa jinompaewichi, pon Wanacanamataxeinaein xuano xua pon asu jinompa naca exana. Matautano bapon caemonae naca cana exana bapontha wajume cowantsixae. Nacom naca cana exana xua beta wajume cocowantaponaewa, icha be pocotsi coyeneya xua pejume diwesitha paeba, icha poxonae jiwi ichi xua poxonae pia pexui wihatapona pexaewa peapatsixae.

²⁰ Tsipei Cristo bayatha paca cayawa tupa. ¿Eta xua came awiya payabara nanta xeiname? Poxonae Cristo tupa bapon paca cana exana xua pana nacapanenebiyam abe painya neexanae cui ru coyenein weya. Matautano paca capanenebiya exana po peitorobi coyene weya xua jiwi exana pia nacapanenebiyaetsi. Poxonae baxua paca cana exana, Nacom tsitatsi xua bara be Cristo payawa werapame. Daichitha awiya paichichipame xua paexaname barapo peitorobi coyene, bequein barapo peitorobi coyenein jopa paca capanepaeyo abe painya neexanae cui ru coyenein weya. Apra saya jame Cristo paca capanepa, naetotha petupaexae.

²¹Judiomonaе аinya peitorobi coyenan xaina xua pia peitorobi coyenanxae pocotsiwa be iche: “Jopa jayabinde baxua. Jinya ebato opitha jopa panaeinde baxua. Jopa baxua necobetha pichinde”, jei.

²²Barapocotsi coyenein po coyenein xua jopa bewa pinae paexanaem tsane barapo coyenein, bapana jopa paca yawenae xua beta painya neexanaewa pocotsiwa Cristo paca itoroba. Barapocotsiwa jopa pajume naitaewatsinde, poxoru barapo pecuidubi coyenein apara pia peitorobi coyenein tatsi pomonaе saya жиwi. Apara barapo peitorobi coyenanwа saya nainya weraweraca icha pexaewa ichi xua nainya weraweraca poxonaе жиwi xane.

²³Paxam pananta xeiname xua barapo peitorobi coyenewa xaina peantɔyapusuwa poxoru be paca exana xua xanepanaya pajinompame, yawa be paca exana xua Nacom wnae pajaintame. Barapomonaе judiomonaе pia abe exaneibi pia coutha naperaxa exaneiba pia junteinaetsi xua abe exana. Ichitha awiya yabara nanta xeina pocotsiwa abe exana poxoru barapo peabewa ita cui dopitatsi xua baxua peexanaewa tsane. Barapomonaе saya u pepaebeibi, ichitha cataunxuae jopa xanepanaya jinompaeayo.

3

¹Tsipei Cristo bayatha paca cayawa asu, daxota panaitomare xua painya neexanaewa xua Cristo pocotsiwa ichichipa. Bapon Cristo eca Nacom pia nacuatheicha tatsi. Paxe pecoxa weya eca bapon.

²Saya panaitomtsiya nanta xeinare Jesucristo pia peitorobi coyenanwа tatsi. Jopa payabara nanta xeinaeinde xua copei pexeinae coyenein pocotsiwa barapo cae pin nacuathe xeina.

³Tsipei bayatha paxam paca cayawa tupa Cristo, daxota jopa paexanaeinde pocotsiwa barapo cae pin nacuathe xeina. Painya neantɔjumopeyapusuwan жиwi jopa taeyo tsipei Nacom Cristo paca cayawa itacafetsiya xeina pia nacuatheicha. Mexeya poxoru Cristo peyawa poponaexae Nacom, daxota waxainchi poxonaе yawa jinompatsi Cristo barapara iruа yawa jinompatsi Nacom. Baxua жиwi jopa paca cui yaputaeyo.

⁴Bapon Cristo naca jumope antɔjumopeyapusu exana. Poxonaе Cristo equeicha patopaetsica paca cayawa baru naitatsina жиwitha pexeinya peitupanae coichatha.

Meje yabara xua peru juntu coyene, xuano xua pena juntu coyene

⁵Po coyenein xua жиwi exana pia pepontha bara pana cui barapende. Painya xoba pana nasi cui matacaetame xua paweiweiname. Painya xoba paexaname po coyene abe po coyene ba aura exana poxonaе paexaname. Painya xoba pacui yabara nanta xeiname xua abe painya neexanaewa tsane. Painya xoba paichicha xeicame xua ichamonaе xeina. Bu bichocono pacui yabara nanta xeiname beyacaincha xua poxonaе pacui yabara nanta xeiname Nacom. Baxua icha be poxonaе paichim poxonaе ibo nacom paantobem beyacaincha xua Nacom paantobem.

⁶Pomonaе xua barapocotsiwa exana, Nacom casebina barapomonaetha. Bexa tsane Nacom itawetsina xua jopa petapatsiwa tsainchi pia nacuatheicha, poxoru barapomonaе saya jumefeba nawita pocotsiwa Nacom itoroba.

⁷Icha barapomonaе ichi, xua abe exana, paxam bara paichim caena bayatha barapocotsiwa paexaname poxonaе jopa cataunxuae Jesucristo pajume cowantsim.

⁸Ichitha anoxuae daxita pana cui barapende xua daxita peabe coyenein: xua peanaepanae coyenanwа, xua juniya pejei coyenanwа, xua jopa xanepanaya peexanaе coyenein, xua saya abeya peyabara cueicueijeiwa coyenanwа, xua peuyujeiwa coyenanwа.

⁹Jopa caemonaе nantiya pana namuxuitorobeibinde, anoxuae pena juntu coyenein painya nexainaexae tsipei peru juntu coyenein bayatha papentame. Tsipei barapo peru juntu coyenein жиwi ba ajumebeya cui itorobatsi xua abe exana.

¹⁰Tsipei anoxuae pena juntu coyenein paxeiname tsipei Nacom exana barapo pena juntu coyenein. Barapo pena juntu coyenein paca ita coxone exanapona Nacomtha.

¹¹Poxonaе жиwi pena juntu coyenein xeina pejume cowantsixae, bapoxonaе Nacom tsita najupatsi, metha bara bequein griegomonaepin tsipae, iru metha bequein judiomonaepin tsipae, iru metha bequein pon xua pewi thabinchi tsipae xua ichaxota pebiwi nareixacaena, iru metha bequein pon jopa pewi thabinchi tsipae xua ichaxota pebiwi nareixacaena, iru metha bequein pon penanapaincha poponaеin tsipae, iru metha bequein pon unupin tsipae, iru metha bequein pon pebusi cui taetaeinchi tsipae, iru metha bequein pon peru copatinchi tsipae xua bara piawa penata exanaewa tsane. Apara jame meisа bapon Cristo аinya cui peexanaeinchi. Matautano Cristo baru popona pomonaе paantobewixaetsi.

¹² Nacom paca itapeta xua piamonae tatsi pia paca necaexanaenexa pia paca necaan-tobexae. Daxota nantanuweya pacui yabara cananta xeinare ichamonae xua painya neyawenaewa tsane. Yawa betiya payawende ichamonae. Yawa jopa ichamonae patsita atscandae xua icha coyene painya neexanaenexa. Yawa jopa paaebinde ichamonae. Yawa jopa paaitaconae tsaibinde poxonae bequein ichamonae abe pacata exaneiba.

¹³ Nantiya pana natsita xeinare po juntu coyene xua jopa painya neaitaconaewa xua poxonae bequein ichamonae abe pacata exana. Pacui yabara juntemainare poxonae ichamonae pacata abe exana, icha Cristo ichi pon jiwí Pecanamataxeinaein exanatsi xua daxita paca cui yabara juntemaina xua abe paexaname. Bara paichinde pana nacui yabara juntemainare daxita pocotsiwa abe pana nata exaname.

¹⁴ Barapo coyenein paexande, yawa mataropeichiya paexandeno xua bichocono nantiya pana naantobeinde. Poxonae baxua paexanaename xua painya nenaantobewam, bapoxonae xaniwaicha paexaname pocotsiwa bayatha paca itorobatsi xua bewa paexanaem icha paxename pexanepanae cui xanthathn. Ichitha poxoru painya nenaantobexae daxota bapo coyenein paexaname.

¹⁵ Saya pacopare xua bara Cristo painya juntu coyeneintha pacata itorobina juntema pia pepoponaewa tatsi xua daxota juntema painya nejinompaewa tsane. Tsipei Nacom paca necajainchixae: “Caemonae painya nenaexanaewi pam”, paca necajainchixae. Paxeinare po coyene xua pajam tsaibi: “Nacom, maisa pajuntu coyene weiweinan xua painta exaname”, xua po coyene pajam tsaibi.

¹⁶ Po diwesi Cristo paca tsipaeba xua yawa paca itoroba, moya paexaneibare. Icha Cristo ichi xua paca cuiduba pejume diwesiha, barichi xuyá ichamonae pacuidudubaponde. Matautano nantiya pana nacui tsacarabare xua xanepanaya painya nejinompaewa tsane xua poxonae pajume taneme Cristo pejume diwesi. Nacom patanaxnare daxita weixi. Juntu coyene weiweinan patsita naxanare Nacom.

¹⁷ Pocotsiwa paichichipame xua painya nepaebiwa tsane, moya papaebare pocotsi pepaebiwa ichichipa Jesús. Yawano pocotsiwa paichichipame xua painya neexanaewa tsane, moya paexande xua pocotsi peexanaewa ichichipa Jesús pon jiwí Pecanamataxeinaeinxae. Bapontha pajande: “Jesús inta Axatha jande: ‘Maisa juntu coyene weiweinan xua bapon yawename’, inta, jande”, pajande Jesustha.

Meje yabara xua pocotsiwa bewa exanae pomonae Jesucristo pejume cowantsiwi

¹⁸ Yabuxi pamxaem paca tsipaebatsi. Pajume taema. Painya seuriwi pajume jejan tsaibinde xua paca itorobeiba. Baxua paexaneibare tsipei pejume cowantsi jiwí pam Jesús pon jiwí Pecanamataxeinaein.

¹⁹ Pebiwi pamxaem paca tsipaebatsi. Pajume taema. Painya seuriwi paantobe tsaibinde. Baxua paexaneibare. Poxonae paitorobeibame, bichocono jopa pajan tsaibinde.

²⁰ Pexui pamxaem paca tsipaebatsi. Painya axa jiwí xua iru painya ena jiwí beta pajume naitaewateibiya exaneibare pocotsiwa paca itorobeiba tsipei baxua Jesús pon jiwí Pecanamataxeinaein tsita ita cui xanepanatsi.

²¹ Coxiyei jiwí pam, xua saya pebiwi jiwí pam paca tsipaebatsi. Painya xoba painya pexui pamuxutainyabame xua jopa beta exanaeyo. Icha baxua paexaname pexui jopa beta jinompaetsipae.

²² Pomonae amanaya pebusi cui taetaewichi pam, beta pajume naitaeware painya nepacacanamataxeinaewi, pomonae paca itoroba, pomonae xua po cae pin nacuathe jinompa. Jopa metha bepa meisa beta pajume naitaewatsipaem poxonae paca tane pomonae painya nepacacanamataxeinaewi. Apará jame beta painya nejume naitaewatsinexa poxonae pomonae painya nepacacanamataxeinaewi jopa imoxoyo paca taeyo. Jopa metha bepa meisa painya wuna taexanaetsi pomonae painya nepacacanamataxeinaewi. Apará jame painya wuna taexanaetsi iru Jesús pon jiwí Pecanamataxeinaein, tsipei paxam pomonae Jesucristo painya nejume cowantsi jiwí pam.

²³ Daxita i daxuan xua paexaname xanepanaya paexanare. Saya u pacananta xeinaeya exaneibare xua Cristo nexa, pon jiwí Pecanamataxeinaein. Jopa meisa saya pananta xeinaeya taexaneibinde xua pon painya nepacacanamataxeinaein, pon saya pepawi, xua saya jiton.

²⁴ Bayatha payaputaneme xua bexa Cristo pon jiwí Pecanamataxeinaein paca catsibina xua paca juntana jeba pia nacuatheicha xua painya newetsixae pocotsiwa bapon paca itoroba. Paxam Cristo pia petanacuichi jiwichi pam pon yatsicaya jiwí pepa Pecanamataxeinaein.

²⁵ Ichitha pon jopa xanepanaya exanaeyo, bapon xeinaena pentoma xua jopa pexanepanae matoma. Nacom jiwí jopa natoxeincha necotsiyo. Pomonae pebusi cui taetaewichi, barapomonae Nacom nanta jupaya tane, icha pomonae pentacaponaeiwi ichi

xua poxonae Nacom nanta jupaya tane. Daxota pon jopa xanepanaya exanaeyo, bapon xeinaena pentoma xua jopa pexanepanae matoma.

4

¹ Pomonae pentacaponaeawi pam, xanepanaya pacana exande pomonae painya nebusi cui taetaeibi jiwi, tsipei paxam paxeiname painya pepa Nepacacanamataxeinaein itabotheicha.

² Nacomtha cuitiya pana cui babatsiya wuca dubenanaebiyama. Poxonae Nacomtha pawaqueibame, pajan tsainde: "Nacom, maisa pajuntu coyene weiweinan xua pata tanecatsiwxaxaem yawa xua painta exaname beta", pajan tsainde.

³ Yawano painta wucare Nacom xua Jesús pon jiwi Pecanamataxeinaein pata tana neyawenaewa tsane xua pata cueicueijeinexa bapon pejume diwesi tatsi daxita coyeneintha xua ichaxota pata ichipaewa xua pata paebeibiwa tsane. Barapo diwesi caena bayatha jiwi jopa yaputaeyo tsipei Nacom moya yawun xeina xua jiwi jopa yabara yaputaeyo. Ichitha anoxuae Nacom ichichipa xua jiwi yaputaena barapo diwesi. Barapo diwesi xua anoxuae apara xua Cristo naca yanaba. Jiwi pecubi botha neeta tana natsipei cueicueijeixae barapo diwesi.

⁴ Painta wucare Nacom, xua xanepanaya tacaununaya cueicueijeinexa tsane Cristo pijume diwesi xua jiwi beta tana nejume taewa tsane pocotsiwa xua bewa cueicueijan tsane, pocotsiwa Nacom ichichipa.

⁵ Dota pam, xanepanaya beta jume wanaeya pajinompare, tsipei paca tane pomonae jopa jume cowantsiyo Jesucristo. Barapomonae patsipaebibare xua pocotsiwa Nacom ichichipa xua poxonae po mataqueitha cataunxuae paca itacupa xua painya netsipaebiwa.

⁶ Poxonae ichamonae patsipaebame, beta xanepanaya patsipaebare. Yawano bewa xanepanaya pajume notsim daxita jiwi.

Meje yabara poxonae Pablo najume weta po carte

⁷ Daxita Tiquico neyabara diwesi paebina xua paca tsipaebina. Bapon be wayapin watsicotaein tsipei Jesucristo pejume cowantsin. Bapon paantobein. Iru bapon Tiquico Jesús pon jiwi Pecanamataxeinaein pia petanacuichin tatsi. Bapon Tiquico neyaweneiba xua Jesucristo pijume diwesi cueicueijeji tsaiibi.

⁸ Daxota Tiquico painya xainya beya itoroban painya neyaputaenexa xua paxan xanepanaya bara juntema pajinompan. Yawa bapon paca necacui tsacarabinexa xua juntema painya nejinompaewa tsane.

⁹ Tiquico bara beya pona iru ichun napon, pon pewun Onésimo, pon be pata tayapin patsicotan pejume cowantsixaeru Jesucristo, yawano bapon paantobein. Barapon beta xanepanaya pepoponaein Nacomtha. Tiquico iruno Onésimo, baponbe daxita yabara paca tsipaebina xua pocotsiwa xote exananje.

¹⁰ Iru Aristarco tajiton, pon jiwi pecubi botha paecanbe, bapon paca jacobae. Iru Marcos paca jacobae, pon Bernabé pamoyo tatsi. Tsipei bayatha payaputaneme xua Marcos pepatopaewa tsane. Paca itorobatsi bapon yabara. Icha patopaena bara beya, bapon pantanta weyataeya wabare.

¹¹ Iru Jesús paca jacobae, pon icha wunno, Justo. Po acoibi poyobe, poyobe xuaunxuae paca jacobae meisa saya barapoyobe neyawena xote poyobe xua jiwana judiomonae, po judiomonae Jesucristo pejume cowantsiwichi jiwanaabe. Barapo acoibi poyobe neyawenabe xua yabara cueicueijeibe Nacom Pejume Diwesi po diwesi xua Nacom waba jiwi xua petanaexanaenexatsi piamonae tatsi petajume cowantsixaetsi Pexantotha. Barapoyobe nejuntu cui tsacarababe xua juntema tapoponaewa tsane.

¹² Iru Epafras paca jacobae, pon painyamonae jiwana. Bapon Epafras Cristo Jesús pia petanacuichin tatsi. Bapon jume daunweya pacata waqueiba Nacomtha, xua Nacom xanepanaya paca nacaantuyarusnya daunweya exanaenexa tsane. Xaniwaicha painya neyaputaenexa pocotsiwa painya neexanaenexa, pocotsiwa Nacom ichichipa.

¹³ Xan bara yatsicaewa tacui taewa xua Epafras pacata jume daunweya waqueiba Nacomtha. Po coyene xua bapon baxua exana xaniwaicha, apara paxam nexa, iru Laodicea tomaramonaepiwi nexa, iru Hierápolis tomaramonaepiwi nexa.

¹⁴ Iru Lucas paca jacobae, pon jiwi peyawubin, pon bichocono antobetsi xua jiwi antobe. Iru Demas paca jacobae.

¹⁵ Painta jacobare Jesucristo pejume cowantsiwichi, pomonae Laodicea tomaratha ena. Iru painta jacobare powa pewun Ninfa. Iru painta jacobareno pomonae pejume cowantsiwi, pomonae nacaetuteiba Ninfa pia botha tatsi.

¹⁶ Poxonae barapo carte payorobame equeicha ichun pacare xua pecaponaenexa Laodicea tomara beya, xua xuya peyorobinexa barapo carte pomonaetha pomonae pe-jume cowantsiwi poxonae nacaetuta. Yawa poxonae Laodicea tomaramonae pia carta tatsi papitame painya xainya berena barapo carta xuya payorobare painya penacaetutsi botha xua Colosas tomaratha.

¹⁷ Paxam Arquipu pabarande: “Taema Arquipu, xaniwaicha baxua exande xua bayatha Jesucristo pon jiwí Pecanamataxeinaein pocotsiwa caitoroba xua wanaeya xanepanaya nacui yabara jume wetsiname xua exaname”, pajande.

¹⁸ Xan, Pablon, paca jacobatsi. Baxoyo tacobe couyeje, xoyo tinaxuban. Jopa pajuntemainaeinde xua jiwí pecubi botha taecaewa. Nacomtha painta waqueibare. Barabu Nacom juntea jinompa paca exana pia paca necaantobexae.

Baja Pablo.

Meje Po Carte Copiya Pablo Tatina, Tesalonica Tomarapiwi Tatinatsi

Meje yabara poxonae Pablo tamropata pitaba xua tatina pomonaetha pomonae Tesalónica tomarapiwi

¹ Xan, Pablon, iru Silvano, iru Timoteo, barapoyobe pan, barapo carte pacata tinatsi. Pacata tinatsi paxam pomonae Tesalónica tomarapiwi pamxaem pomonae painya nejume cowuntsiwixae Jesucristo. Paxam pomonae pam pomonae painya neyawa jinompaewi Nacom, pon Waxa, xua matautano Jesucristo, pon jiwi Pecanamataxeinaein. Barabu Nacom, Waxa, iru Jesucristo, pon jiwi Pecanamataxeinaein, paca yawena xua juntu coyene weiweinaya painya nejinompaewa tsane xuano beta xanepanaya juntea painya nejinompaenexa.

Meje yabara xua Pablo yabara paeba xua Tesalónica tomarapiwi pinae beta jume cowunta

² Pacata tsipaebelbatsi Nacomtha, pajan tsaibi Nacomtha: “Nacom maisa pajuntu coyene weiweinan xua daxita Tesalónica tomarapiwi beta jinompa, pomonae pecajume cowuntsiwi”, pajan tsaibi Nacomtha.

³ Pajan tsaibi Nacomtha: “Pata Taxam, Nacom, maisa barapo Tesalónica tomarapiwi bichocono cajume cowuntsiya cata exana dubenanaebiya. Matautano, bichocono necaan-tobexae daxota ayapusuya cata nacuita dubenanaebiya. Maisa bichocono barapomonae wuna ewateiba xua Jesucristo jua pepatopeicaewanexa tsane, pon Pata Tanecanamataxeinaein”, pajan tsaibi Nacomtha.

⁴ Paxam pomonae painya nejume cowuntsiwi pam Nacom. Bara payaputan xua Nacom bichocono paca antobe, yawa caena bayatha paca itapeta pia piamonae paca exanaetsi.

⁵ Poxonae Nacom pia pecapanenebiyae diwesi jume paca tsipaebatsi jopa saya meisa u pata jume. Jame apara Nacom pia Pejumope tuxaxu tatsi pia peayapusu itorobi coyenewatha tatsi pana yawena, xua pata cueicueijejwa. Barapo diwesi bara xaniwaicha jume cowuntatsi xua barapo diwesi bara pexainyei jume. Bara beta payaputaneme xua bara beta pajinompan painya itatha xua pata paca ajuntucoyenesu exanaenexatsi xua iru juntu coyene xanepanaya painya nejinompaenexa.

⁶ Paxam paexanaponame icha paichin xua pocotsiwa paexanaponan. Matautano beta paexanaponame icha ichi poxonae beta exanapona pon jiwi Pecanamataxeinaein. Bequein ichamonaе atene paca exana painya nejume cowuntsixae Jesucristo, ichitha barapo diwesi awiya juntu coyene weiweinaya pajume cowuntame. Barapo rejuntu weiweinae coyene Nacom pia Pejumope tuxaxu tatsi paca cata.

⁷ Baxuan painya neexanaexae daxota ichamonaе pomonae pejume cowuntsiwi Jesucristo, pomonae Macedonia nacuariwi, barapomonae exana pocotsiwa paexaname. Iru baxuan exana pomonae Acaya nacuanpiwi.

⁸ Jesucristo, pon jiwi Pecanamataxeinaein, pia pecapanenebiyae diwesi jume pacueicueijam ichamonaetha. Barapo diwesi Macedonia nacuariwi iru Acaya nacuariwi jume tane. Jopa meisa barapo nacuabepiwi bara apara daxita nacuanpiwi iru jume taneru. Daxita barapo jiwi paca yabara yaputane xua painya nejume cowuntsiwa Nacom. Daxota jopa panantawenonaeyo xua paca yabara paebatsi ichamonaetha.

⁹ Nama barapomonae pana neyabara paeba xua paxam panententa weyataeya wabame. Matautano barapomonae paca yabara paeba xua pinae paxam ibo nacomun po ibo nacomun copiya wuna pajaintebame pabebam painya nejume cowuntsixae Nacom. Matautano paca yabara paeba xua baroxonaе patamropatarycypame xua pata taexaname Nacom pia petanacuichiwa tatsi, pon yatsicaewa pepa Nacom, pon ataya tsitecaeya asu peponaein.

¹⁰ Matautano barapomonae pana netsipaeba xua pinae paxam Jesús pawunaе ewatame xua pepatopeicaewa peitaboco wetsica. Barapon Jesús Nacom Pexanto tatsi, po Pexantoxae Nacom asu exana petypae coyene cuiru weya. Barapon Jesús naca napaeba exanaena Nacom beya, poxonaе Nacom copatsina xua jiwi bichocono peraxa jubebinchi abe peexanaexae.

2

Meje yabara po coyeneya Pablo tanacuita Tesalónica tomarapiwi

¹ Patamonae paxam pomonae pam pomonae iru painya nejume cowantsiwi Jesucristo icha paxan paichin. Payaputaneme xua tapaca siwa ponaewatsi baxua wnae pata cayawenaexaetsi.

² Poxonae Filipos tomaratha paponan, barapomonae abe pana exana. Yawa tsuun jumeya pana tsipaeba. Bequein barapomonae baxua pana cana exana ichitha payaputaneme xua Nacom pana yawena tapata catsipabineatsi barapo Nacom pia pecapanenebiyae diwesi jume. Baxua paexanan xua jopa juntu deideijeya paca tsipaebichi barapo diwesi bequein barapomonae pana jume matawenta.

³ Poxonae paca tsipaebatsi Nacom Pejume Diwesi jopa apara paca tsipaebichi po jume xua jopa xainyeyo xua po jume pejumexaei. Matautano jopa paca tsipaebichi po juntu coyene wajuntu coyene abeya naca tsipaeba. Matautano jopa paca muxujainyabichi xua daxota abe painya neexanaenexa.

⁴ Nama Nacom patsita juntu coyene xanepanan xua xainyeya pata tacueicueijeixae. Daxota Nacom pana neitoroba xua pata tapabineaxa pia pecapanenebiyae diwesi jume. Apara jopa baxua paexanaeinyo xua daxota jiwi pata taneweyataenexa. Jame apara baxua paexanan xua Nacom pata taneweyataenexa. Barapon pana nejuntu coyene yaputane xua poxonae paexaneiban.

⁵ Paxam bayatha payaputaneme xua jopa paca tsipaebichi po jume ba jiwi piraichi jume wnaeya paeba xua bepa pia weyataetsi. Matautano payaputaneme xua jopa pacueicueijanyo pata paratixichi. Nacom bara pana tane xua jopa baxua bara paexanaeinyo.

⁶ Jopa bapana paichichipaeinyo xua jiwi wnae pata tanejainchiwa, xua poxonae metha bequein bara barapomonae pam, ichacuiitha xua poxonae bequein ichamonae iru.

⁷ Bequein paxan pana itacupa xua pata caitorobiwatsi, bequein bara Cristo pia peitorobi jiwi tatsi pan, daichitha jopa paexanaeinyo barapo coyene. Nama apara saya bewayo paca yayawenaponatsi, icha be pocotsi coyeneya petsiriwa ichi poxonae pia pexui bewayo wichitiya yayawenapona.

⁸ Bichocono paca antobetsi, daxota paichichipan xua pata paca catsiwatsi Nacom Pejume Diwesi. Jopa meisa xua poxonae daxota barapo coyenewa, bara yawa daxita muxuna paca yawenatsi daxita pata juntu coyeneintha. ¡Bara jopa juniya pata paca antobewatsi!

⁹ Patamonae pam, paxam pomonae iru painya nejume cowantsixae Jesucristo. Paxam payaputaneme xua bichocono panacuitan pata xeinaenexa pocotsiwa panantawenonan xua pata nabanaewanexa. Jopa juniya panacuiteibinyo matababintha, yawa merawinthano. Daxota jopa panantawenonaem xua pana catame xua pocotsiwa pata nantawenonaewa pata jinompawenexa. Jopa paichipaeinyo xua paca nacui matowa xeina exanatsi poxonae paca cuidubatsi Nacom Pejume Diwesi.

¹⁰ Paxam pomonae painya nejume cowantsixaemxae Jesucristo pana yaputaneme iru Nacom pana yaputane xua juntu coyene xanepanaya pata jinompawea painya xantha daxita carepaya paxantha. Matautano Nacom patsita juntu coyene xanepanan, xua penatsicuentisiwa jopa bapon patsita xeinaeinyo. Daxota ichamonae jopa pana neyabara paebiyi xua abe pata pacata exanaewatsi.

¹¹ Matautano payaputaneme xua paca itorobatsi xua beta pajinompage. Matautano yawa payaputaneme xua paca juntu tsacabatsi xua xanepanaya painya nejinompaenexa. Matautano bara payaputaneme xua daxita paxam paca cui mataateicatsi xua poxonae bichocono paanthuthatanem tsaiibi xua abe painya nepacata exanaexae ichamonae. Daxita barapo coyenein bara paexanan icha be pocotsi coyeneya coxiyan cana ichiya exana pia pexuitha.

¹² Paca itorobatsi xua bewa beta pajinompaem, icha pomonae Nacom pejume cowantsiwi ichi xua bewa beta jinompae. Baraxua paexande poxoru Nacom paca wun duba piamonae painya paca exanaenexa xua painya nebaru itorobineaxa tsane jiwi Nacom pia peitorobi nacua beicha tatsi. Nacom pia peitorobi coyenewa xua jiwi peitorobi coyenewatsi bichocono peitupanae coyenewa.

¹³ Matautano paxan Nacomtha patsipaeban pajanje: “Nacom maisa pajuntu coyene weiweinan xua Tesalónica tomarapiwi cajume cowanta poxonae patsipaeban jinya jume diwesi. Barapomonae nanta xeina xua po diwesi patsipaeban barapara jinya jume diwesi. Jopa nanta xeinaeyo xua barapo diwesi apara saya jiwi pia diwesi”, pajan Nacomtha. Xaniwaicha barapo diwesi apara Nacom Pejume Diwesi painya paca cana exanaexae xua icha juntu coyene painya nexeiawea pomonae painya nejume cowantsixae Jesucristo.

¹⁴ Patamonae pam. Ichamonae atene paca exana pomonae painyamonaxae. Baxua paca cana exana, icha Judea nacupiwí ichichi pomonae pejume cowantsiwi Cristo Jesús. Daxita barapomonae ajuntacoyenetane exainchi pomonae piamonaexae pomonae judiomonaexae.

¹⁵ Caena bayatha judiomonae pia pamo susato jiwi tatsi juteba, pomonae Nacom pia peitorobi jume pepaebiwi tatsi jutebatsi. Cotacaya icha judiomonae Jesús pon jiwi Pecanamataxeinaein tupa exanadutatsi naetotha. Matapainya anoxuae icha judiomonae pana yotaba pata penacaetutsi bo weya. Pocotsiwan barapomonae exana Nacom baxuan jopa tsita xanepanaetsi. Barapomonae nacana exana pomonae daxita jiwi pia peitafaetabi jiwichi.

¹⁶ Paichichipan xua patsipaeban Nacom Pejume Diwesi pomonaetha pomonae jopa judiomonae naexanaeyo xua iru Nacom pecapanenebiyaenexa tsane bequein judiomonae pata tanejume itawetsiwatha tsane poxonae patsipaeban Nacom Pejume Diwesi. Poxonae judiomonae barapo abe peexanae coyene pana tsixana bapoxonae opi duta wetsiya exana daxita po peabe coyenewan xua bayatha itacupatsi xua eexanapona. Daxota anoxuae nama matapainya Nacom bichocono anaepana barapomonaetha. Nacom juntucuru peraxa juba exanaena barapomonae, penatsicuentsexae abe peexanaexae bapontha.

Meje yabara xua equeicha Pablo besywa ponaena Tesalónica tomarapiwi

¹⁷ Paxam pomonae patamonae pam, poxonae bequein paxan taju paca cuenta enatsi, xua saya bara caetotha jopa imoxoyo paca taetsi, ichitha paca yabara nanta xeineibatsi pata paca itaxaneibixaetsi. Bichocono paichichipan xua pata paca cataewatsi.

¹⁸ Paxan matowa paichichipan xua caewa pata paca siwa ponaewatsi. Xan, Pablon, ichacuiitha matowa nanta xeineiban xua paca siwa poneibinchi. Ichitha caurimonae pia pentacaponaein tatsi, Satanás, pana necui yancababeiba.

¹⁹ Ichichipan paca siwa ponatsi poxoru paxam pana necana exaname xua pajuntu coyene weiweinan. Barichi paxam pomonae pana necana exaname xua pawnae ewatan. Barichi paxam pomonae pana necana exaname xua matowa payabara paeban pocotsiwa xua paexanan poxonae paca cuidubatsi. Poxonae Jesucristo pon jiwi Pecanamataxeinaein equeicha caewa patopeicaena bapontha paca yabara paebinchi po coyene xua paxam pana necana exaname.

²⁰ Xaniwaicha paxam pomonae pam pana nejuntu coyene weiweina cana exaname. Matautano paxam pomonae pana necana exaname xua paca yabara wuna jainchinchi Jesucristo peitabaratha poxonae bapon peitabaratha tatsi paca baru umenaeinchi beta painya neexanaexae.

3

¹⁻² Jopa pana itacupaeyo xua awiya equeicha pata ewatsiwa xua pata paca yabara yaputaewa tsainchi. Daxota juntucuru pananta xeinan xua paitoroban Timoteo pon jume cowanta Nacom painya pia paca necataenexa tsanebe. Matautano juntucuru pananta xeinan xua Silvano compa paecaeinbe Atenas tomaratha. Timoteo paitoroban, tsipei bapon beta tanacuita Nacom nexa. Barapon Timoteo pana yawena poxonae pacueicueijan Cristo pia pexeinya jume diwesi tatsi. Bapon Timoteo itacupatsi xua ajuntacoyeneyarusu paca cana exana. Matautano itacupatsi xua paca juntu cui tsacaba exana xua awiya mataropeichiya painya nejume cowantaponaenexam Nacom.

³ Bapoxonae dapon aibi tsane paxam jiwana pon ajuntacoyenefaetabiya jume cowanta xua ichamonae abe peexanaexae bapontha. Paxam bayatha payaputaneme xua daxota bewa ichamonae atene naca exanaena wajume cowantsixae Jesucristo.

⁴ Matautano poxonae cataunxuae paca baru enatsi, paca tsipaebatsi xua daxota bewa ichamonae naca atene exanaena poxonae nacata abe exana. Bara baxua bayatha exana barapomonae icha be pocotsi coyeneya bayatha paca tsipaebatsi, xuano payaputanemeno.

⁵ Tsipei xan jopa neitacupaeyo xua equeicha taewatsiwa xua tapaca yabara yaputaewa tsainchi, daxota Timoteo itoroban. Bapon inta paca yainyabiya jei: “¿Bara awiya pajume cowanta dubenanaebiyame Jesucristo?” jei. Baxua beyaputaen tajunuwixae xua caurimonae pia pentacaponaein tatsi pon jiwi pejuntu coyene jujutsin paca cui jujutsipa xua abe painya neexanaewa tsane. Bapoxonae pocotsiwa xua pata tapacata nacuichiwatsi jopa paca yawenaetsipae xua jopa xapain painya nejume cowantsixaem tsipae.

⁶ Ichitha bayatha bapon Timoteo caewa patopa xua bara werena xua painya tomara werena. Bapon yabara pana tsipaeba, bichocono jume xanepana xua pinae awiya pajume cowanta dubenanaebiyame Jesucristo. Matautano yabara pana tsipaeba xua pinae nantiya pana naantobe tsurubenanaebiyam. Matautano yabara pana tsipaeba xua pinae pana neyabara antobeya nanta xeiname matauta xua pinae bepana netaeneme, icha pachin xua bena tapaca taewatsi tsainchi.

⁷ Patamonae pam, paca tsipaebatsi bequein ichamonae painta ayapube exana yawa pana atene exana, ichitha pajuntũ coyene sadũjan poxonae pajume tan xua pinae beta pajume cowanta dubenanaebiyame Jesucristo.

⁸ Poxonae paxam awiya beta pajume cowanta dubenanaebiyame Jesucristo, pon jiwi Pecanamataxeinaein, baxua pajuntũ coyene sadũjan pata jinompaewatha Nacom nexa.

⁹ Anoxuae pana itacpa xua pata jeiwa: “Nacom maisa pajuntũ coyene weiweinan Tesalónica tomarapiwi beta necajume cowantsixae”, pata jeiwa. Paxam pomonae pana nejuntũ coyene weiweina cana exaname poxonae Nacom patsipaeban.

¹⁰ Matacabintha, merawinthano Nacomtha pacata wuqueibatsi. Nacom pawuqueiban xua bara pata nepocatsinexa xua pata tapaca casiwa ponaenexa tsainchi. Paichichipan xua pata paca yawenaewatsi xua beta painya nejume cowantsiwa Jesucristo pocotsiwa yabara pacata seica xua painya yabara neyaputaewa Jesucristo.

¹¹ Paichichipan xua Nacom pon Waxa irũ Jesús pon jiwi Pecanamataxeinaein pana yawenaena xua pata paca casiwa ponaenexatsi.

¹² Matautano paichichipan xua Jesús, pon jiwi Pecanamataxeinaein, paca cana exanaena xua equeicha bichocono toxechiya paxeinaponaename peantobe coyenewa xua nantiya painya nenaantobexaem tsane. Matautano paichichipan xua barapo peantobe coyenewa daxita jiwi painya tsita xeinaenexa icha paca ichichi xua bichocono paca antobetsi.

¹³ Matautano paichichipan xua Nacom pon Waxa, painya nepaca cana exanaenexa xua bichocono painya nejuntũ coyene xanepanaewa. Matautano paichichipan xua Nacom pon Waxa bichocono ajuntũyarusũya paca cana exanaena. Bapoxonae paxam bichocono Nacom tsita juntũ coyene xanepanaeinchi. Bapoxonaeno jopa patsita natsicuentim tsane abe painya neexanaexae bapontha. Barapocotsi juta coyene awiya paexanaponaename beya poxonae Jesús pon Wanacanamataxeinaein, piamonae baru patopeicaena daxita.

4

Meje yabara po juntũ coyeneya bewa jiwi tajinompae Nacom po coyene xua Nacom tsita xanepanatsi

¹ Patamonae pam anoxuae jume daunweya paca jeichi, yawa paca itorobiya jeichi: “Tsipei Jesús pon jiwi Pecanamataxeinaein, pana necayawa popona daxota paca itorobatsi. Pocotsiwa paca cuidubatsi paxam bara paichinde. Bayatha paca cuidubatsi xua bewa equeicha mataropeichiya payajuntũ coyene jinompaem po juntũ coyene xua Nacom tsita xanepanatsi. Matautano anoxuae equeicha matowa paexanaponde barapo coyenein, po coyenein xua anoxuae paexanaponaename”, paca jeichi.

² Paxam payaputaneme po pecuidubiwan paca cuidubatsi apara barapo pecuidubiwan Jesús pana itoroba, pon jiwi Pecanamataxeinaein.

³ Xua jame Nacom pocotsiwa ichichipa xua paxam bewa bichocono juntũ coyene xanepanaya pajinompaem Nacom peitabaratha xua daxota ichamonae patsita itapeinya xeiname xua bara Nacom painya neantobe jiwi pam. Jopa panasi cui exana dubenanaebiyaeinde ichamonae pia seurixitha tatsi.

⁴ Pebin bewa yaputaena xua beta cuicuinaena piseuritha po coyeneya xua Nacom tsita xanepanatsi xuano xua jiwi tsita xanepanatsi. Matautano bapon bewa baru cui itura jinaena piowa pia peantobexae. Daxita barompaya pebiwi pam bewa irũ bara paichim tsane.

⁵ Barichi barapo pebin jopa bewa exanae tsane barapowatha po coyene xua saya pia penaquenta exanaetsi. Tsipei ichamonae pomonae jopa Nacom yaputaeyo, barapomonae abe nanta xeina nawita xua yabũxi yabara xua penaquentsiwa yabara. Barapo coyene painya xoba paexaname.

⁶ Jopa paexanaeinde barapo abe peexanae coyenewatha pontha pon irũ pejume cowantsin Nacom. Jopa bewa papichim barapon piowa tatsi. Icha baxua paexanaetsipame pon jiwi Pecanamataxeinaein bichocono atene paca cana exanaetsipa abe painya neexanaexae. Bayatha barapocotsiwa paca muxuwetatsi.

⁷ Nacom jopa naca wũn dubiyo piamonae wanaca exanaenexa xua abe waexanaponaewa tsane. Jame apara Nacom naca wũn duba xua juntũ coyene wunaeya wajinompaenexa Nacom peitabaratha tatsi xua daxota ichamonae tsita itapeinya xeinatsi xua bara Nacom pijimonae tatsi wanaexanaenexatsi.

⁸ Pon jume itaweta po coyene xua ichũn pepichiwa yabara xua ichũn piowa tatsi, apara bara bapon jume itaweta Nacom pia pecuidubi coyenewa tatsi. Jopa apara jume itawetsiyo pebin pia pecuidubi coyenewa tatsi. Barapon Nacom paca cata pia Pejumope tũnaxũ tatsi xua painya yawa jinompaenexa.

⁹ Po peantobewa xeina pomonae pejume cowantsiwi Nacom, xua nantiya caemonae pe-naantobewa, xan jopa nantawenonaeyino xua yabara tapacata tinaewatsi barapo coyene. Tsipei Nacom pia coya paca cuiduba po coyene xua nantiya painya nenaantobewam tsane.

¹⁰ Bara baxua paexaneibame xua paantobe tsurubenanaebiyam daxita pomonae jinompa Macedonia nacuatha, pomonae pejume cowantsiwi Nacom. Ichitha paxam patamonae pam painya nejume cowantsiwixae Nacom, paca itorobatsi xua awiwa matarope-icha paantobe tsurubenanaebiyama equeicha matowa.

¹¹ Bichocono paichichipare xua painya neexanaewa xua po coyene meje: Juntema parubenaebiyama, xua jopa pana najume matsontsonoba dubenanaebiyam. Matautano painya xoba patsipaebeibame ichamonaetha po coyenein barapomonae bewa exanae. Matautano barompaya painya penacuichiwan pana natsiexana dubenanaebiyama icha be pocotsi coyeneya bayatha paca tsipaebatsi.

¹² Icha barapocotsiwa paexanaename ichamonae pomonae jopa Nacom pejume cowantsiwi paca baru cui itura jinaena xua bara beta painya neexanaexaem. Matautano jopa panantawenonaem xua ichamonae pawame pocotsiwa xua panantawenoname.

Meje yabara poxonae Jesucristo pon jiwi Pecanamataxeinaein equeicha caewa patopaetsica

¹³ Patamonae pam, paichichipan xua painya neyaputaewa po coyene pexainyei coyene, xua petupaewi yabara. Matautano jopa paichichipaeinyo xua be wecoyeya pajinompame icha be ichamonae ichi pomonae jopa pejume cowantsiwi Nacom. Barapomonae be wecoyeya jinompa jopa xanpanaya pewunaewatsixae po coyene xua poxonae petupaewi equeicha asu tsane.

¹⁴ Waxainchi jume cowantatsi xua Jesús tupa naetha xuano equeicha Nacom asu juina exana. Icha Nacom pexanto cana ichi, waxainchi jume cowantatsi xua Nacom bara cana ichi tsane pomonaetha pomonae bayatha werapa. Barapomonae pejume cowantsixae Jesús, poxonae werapa asu jujuina exanaeinchi xua Nacom exanaena. Nacom barapomonae baru jujuinya exanaeinchi Jesús, xua Jesús pemuxuna caponaenexatsi Nacom pexainya beicha.

¹⁵ Daxota paca tsipaebatsi pocotsiwa xua Jesús pana netsipaebe pon jiwi Pecanamataxeinaein. Yabara paca tsipaebatsi xua pomonae cataunxuae asu jinompa poxonae patopaena pon jiwi Pecanamataxeinaein barapomonae copiya jopa jujuinya exanae tsainchi xua Jesús pecaxibinexa tsainchi athabeicha. Jame copiya matha asu jujuina exanaeinchi pomonae bayatha werapa.

¹⁶ Jesús pon jiwi Pecanamataxeinaein patopaetsica peitaboco wetsica. Barapo mataqueitha jiwi jume taena peajumeyapusa itorobi wawaiwa, xuano xua cueicueije matatsunpiwi pia pentacaponaein tati, xuano xua trompeta jume busi xubina Nacom pia trompeta tati. Bapoxonae pomonae Cristo jume cowantatsi xua pomonae bayatha yacui werapaeya othopa bapomonae copiya asu jujuina exanaeinchi.

¹⁷ Bapoxonae cotacaya waxainchi pomonae cataunxuae asu jinompatsi, pomonae wajume cowantsiwi Jesús naca cayawa muxuna caetucuetutsiya caponaena pomonae copiya pewaterapaewi. Daxita barapomonaetsi Nacom naca caponaena xua naca caponaena tsaquinaebowatha xua Jesús pon jiwi Pecanamataxeinaein wacaxibiyaenexa tsainchi athabeicha. Baxoteicha ataya tsitecaeya daxita waxainchi Jesús pon jiwi Pecanamataxeinaein, naca baru jinompeibina.

¹⁸ Daxota barapo jumetha caemonae nantiya pana najanta coyene tsacabare xua painya neyaputaewa tsane, po coyene xua pewaterapaewi yabara.

5

¹ Patamonae pam, jopa nantawenonaeyino xua yabara pacata tinatsi matakabi, yawa dapae yabara xua poxonae Jesucristo pepatopeicaewa tsane.

² Bayatha payaputaneme xua equeicha patopeicaena pon jiwi Pecanamataxeinaein. Matautano payaputaneme xua bapon patopaetsica poxonae xapain jopa nanta xeinae tsainchi, icha pon pecaibin ichi xua jemeicha patopa merawitha.

³ Poxonae jiwi jei tsane: “Maisa juntema jinompatsi tsipei daxita wunaewatsi tsurucuae”, jei tsane, bapoxonae patopaena jemeicha po dapaetha poxonae jiwi bichocono atene exanaeinchi. Jiwi jopa itacupa tsainchi xua panenebiyaena barapo peatenewa weya. Jiwi atene exanaeinchi icha yabayo ichi xua bichocono bewa atene tsane xua pexuyo poxonae naexanaena.

⁴ Patamonae pam, paxam jopa dapocotsimonae pam, pocotsimonae jopa jume cowantsiyo Nacom. Poxonae equeicha patopaetsica, pon jiwi Pecanamataxeinaein jopa

pana nabenaecaem tsane, icha jopa be ichiyo poxonae jiwi nabenaeca xua pecaibin jemeicha patopa.

⁵ Paxam pomonae Nacom payabara yaputaneme. Daxota beta painompame icha be ichamonaе ichi, xua mataqueitha beta taeya jinompa xua pentha petsuncuaexae. Waxainchi jopa dapomonaetsi xua icha be ichi pomonae abeya jinompa jopa pejume cowantsi jiwixae Nacom. Barapocotsimonaе be pomonae poxonae jinompa pequireiwatha, jopa beta jinompaeyo pequirei tsuncuaexae.

⁶ Pomonae jopa pejume cowantsiwichi Jesucristo barapomonaе jopa tsaca jinompaeyo xua pewnae ewatsinexa Jesucristo pia pepatopeicaewa tsica tsane. Barapomonaе be pocotsimonaе xua maita, xua jopa itacupaetsi xua penacosabiwa. Ichitha jame bewa waxainchi wacoutha barompaya juntu coylene coxonaetsi xua tsaca wajinompaewa poxonae wnae ewatatsi Jesucristo pia pepatopeicaewa tsica tsane.

⁷ Pomonaе ba xua maita, bara merawi maita. Iruru pomonaе ba cupatsi peatsaxa mera, bara merawi cupatsi. Daxita barapomonaе jopa xapain Jesucristo wnae ewatichi.

⁸ Ichitha waxainchi wajume cowantsixaetsi Jesucristo, daxota bewa juntu coylene coxonaetsi xua tsaca jinompatsi xua wawnae ewatsiwa Jesucristo. Waxainchi xanepanaya bewa beta jume cowantichi Nacom. Matautano bewa beta nantiya naantobetsi. Barapo coylenebe naca juntu coylene yaitata xua jopa abe exanaetsi, icha soldadomonaepin ichi xua nayaitata penaintotha xua nantacari xatata xua pecawatsiyainwatsi dejonatha. Barichi waxainchi bewa jume cowantsiya wnae ewatichi xua Nacom naca capanenebiya tsane. Barapo coyeneya naca yaitata xua abe waexanaeyainwa icha soldadomonaepin ichi xua nantasipa yaitata penain yoreitha xua peantasipabe exanaeyainwatsi.

⁹ Nacom jopa naca itapetsiyo xua wanaca atene exanaenexa wanatsicuentiswaxae abe waexanaexae bapontha. Saya apara naca itapeta wanaca capanenebiyaenexa xua Jesucristo wanaca tsitupaexae naetotha pon Wanacanamataxeinaein.

¹⁰ Jesucristo naca tsitupa naetotha wanaca baru jinompaewa tsane pia nacuatheicha, bequein waxainchi wayatha werapatsi, yawano ichacuitha bequein waxainchi awiya asu jinompatsi, poxonae bapon patopaetsica.

¹¹ Daxota paxam bewa awiya daxita nantiya pana najuntu coylene tsacabim. Matauta bewa nantiya pana naajuntucoyenesu exanaem beta painya nejume cowantsinexa icha paichiponaem xua anxuuae paexanaponaе.

Meje yabara xua Pablo muxuweta pomonaе Jesucristo pejume cowantsiwichi

¹² Patamonaе pam, paca muxuwetatsi xua pabaru cui itura jinare pomonaе painya xantha Nacom tanacuitatsi xua pomonaе paca matacapona. Barapomonaе paca muxuweta xua Jesucristo pon jiwi Pecanamataxeinaein pecui itorobixae abe painya neexanaeyainwa.

¹³ Bewa barapomonaе beta pabaru cui itura jinaem peainya cui jiwixae. Matautano bewa bichocono paantobem xua barapomonaе betiya painya nepaca mataxeinaexae. Daxita pam nantiya junteма jinompa pana naexande.

¹⁴ Patamonaе pam, paca itorobatsi xua jume daunweya pamuxuwere pomonaе afaetabi xua penacuichiwa. Pajuntu coylene cui tsacabare pomonaе juntu coylene junuwiya jinompa ichamonaе atene peexanaexae barapomonaetha. Matautano payawende pomonaе jopa ajuntucoyenesuya jinompaeyo Nacomtha. Bewayo payawende barapomonaе xua jopa painya neaitaconaewam.

¹⁵ Painya xoba ichamonaetha abe pata exaname, xua copiya abe pia pacata exanaexae. Seicaya jame incane beta xanepanaya daunweya pajujuteibare xua nantiya painya nenata exaneibinexa, xuano iru daxita jiwino.

¹⁶ Barabu tsitecaeya pajuntu coylene weiweina dubenanaebiyama.

¹⁷ Daxita matacabi Nacomtha patsipaebeibare matowa.

¹⁸ Daxita pocotsiwa pacata exana bequein jopa pacata wnaeyo, ichitha awiya barapocotsiwan yabara Nacomtha patsipaebeibare, pajam tsaibinde: "Nacom maisa pajuntu coylene weiweinan xua pata tana neyawenaewam poxonae bequein painta daunwei tsaibi", pajam tsaibinde. Poxonae baxuan papaebame bichocono Nacom tsita xanepanatsi painya neexanaexae pocotsiwa Nacom ichichipa Cristo Jesús pia paca baru jinompaexae.

¹⁹ Jopa paitawetsinde Nacom pia Pejumope tuxaxu tatsi poxonae paca itoroba pocotsiwa bewa paexanaem.

²⁰ Jopa pajume itawetsinde po diwesi xua ichamonaе paeba pomonaе Nacom Pejume Diwesi pepaebiw.

²¹ Incane pajume taema daxita po diwesin xua barapomonaе paeba icha bara metha xaniwaicha po diwesin pona Nacom weya. Saya paitapere po coylene xua pexainyeiwa.

²² Daxita po coyenein peabe coyenein panaitemare xua jopa painya neexanaewam abe peexanae coyenein.

²³ Bara Nacom, pon jantema jinompa naca exana, barab_u barapon paca jant_u coyene ayap_u exanaena xua j_ura paca cana exanaena icha bapon ichi xua jant_u coyene xanepana. Matautano barab_u Nacom paca jant_u coyene xanepana exanaena painya nejinompaewa tsane bapon nexa xua jopa painya nexenaewam penatsicuentisiwa xua abe painya neexanaexae bapontha. Barab_u Nacom beta paca jumope eenaena, yawano xua painya jant_u coyenewa, matautano xua painya pepon xua Jesucristo nexa pon Wanacanamataxeinaein xua beya poxonae bapon patopaetsica.

²⁴ Nacom ponxae xua paca w_un duba pia paca exanaenexa piamonae tatsi, bapon xainyeya pepaebin. Matautano bapon exanaena pocotsiwa xua bayatha yabara paca tsiw_unae muxu duta.

Meje yabara xua Pablo najume wetsiya paeba

²⁵ Patamonae pam, painta Nacomtha w_uqueibare.

²⁶ Antobeya painta jacobare daxita pomonae patamonae pomonae Jesucristo pejume cowantsiwichi.

²⁷ Xan paca itorobatsi tsipei Jesucristo, pon jiji Pecanamataxeinaein neitoroba. Paca jeichi: "Barapo carte painta yorobare daxita pomonaetha pomonae Jesucristo pejume cowantsiwichi", paca jeichi.

²⁸ Jesucristo, pon Wanacanamataxeinaein, barab_u paca yawena pia paca necaantobewaxae.

Baja Pablo, ir_u Silvano, ir_u Timoteono ponbe necueyatabe.

Meje Po Carte Cotacaya Pablo Tatina, Tesalonica Tomarapiwi Tatinatsi

Meje yabara poxonae Pablo tamropata pitaba xua tatina pomonaetha pomonae Tesalónica tomarapiwi

¹ Xan Pablon, iru Silvano, iru Timoteo, bara poyobe pan, barapo carte pacata tinatsi. Pacata tinatsi pomonae Tesalónica tomarapiwi pam, pomonae panacaetutame xua wunaey painya nejainchinexa Nacom. Paxam iru pomonae pejume cowantsi jiwi pam, pomonae painya neyawa jinompaewi Nacom, pon Waxa. Matauta paxam pomonae xua painya neyawa jinompaewi Jesucristo, pon jiwi Pecanamataxeinaein.

² Barabu Nacom, Waxa, iru Jesucristo, pon jiwi Pecanamataxeinaein, paca yawenaena pia paca necaantobewaxae xua juntu coyene weiweinaya painya nejinompaewa tsane. Matautano barabu betiya xanepanaya junte miya jinompa paca cana exanaena.

Meje yabara xua poxonae Nacom yabara paebina jiwi xua penatsicuentisiwa xua abe peexanaexae poxonae Cristo equeicha patopaetsica

³ Patamonae pam paxam pomonae iru painya nejume cowantsi jiwixae Jesucristo. Bewa pacata wacaponeibinchi Nacom, xua pata jei tsabiwa: “Nacom maisa pajuntu weiweinay xua Tesalónica tomarapiwi beta xanepanaya cajume cowanta”, xua pata jei tsabiwa tsane Nacomtha. Baxua painta wunaey xua paexanan, tsipei equeicha matowa mataropeichiya pajume cocowantaponame. Matautano equeicha matowa nantiya pana naantobem tsoponaem xua daxita paxam.

⁴ Daxota juntu coyene weiweinaya paca yabara paebatsi Nacom piamonaetha xua ichamonae matabuxu. Paca yabara jeichi: “Maisa Tesalónica tomarapiwi jume cowanta beta, yawa saya beta dubenanaebiya poxonaey bequein atene exanatsi abeya peyabara paebeibixaetsi ichamonae. Matautano barapomonae beta exana dubenanaebiya xua bequein atene exanatsi xua poxonaey ichamonae abe peexaneibixaetsi”, paca yabara jeichi barapomonaetha.

⁵ Baxuan tsita itapeinya xeina xua poxonaey bequein Nacom yabara paeba jiwi xua penatsicuentisiwa yawa peraxa jubitha barapo jiwi, barapara xanepanaya exana. Tsipei barapo jiwi natsicuenta Nacomtha abe peexanaexae. Daxota Nacom bara paca yabara cui copata xua painya patsinexa pia peitorobi nacua beicha tatsi, tsipei bichocono paatenem painya nejume cowantsixaem bapon.

⁶ Pomonae xua paca atene exana, bexa tsane Nacom xuya cana exanaena xua barapomonae peraxa jubinchi. Barapara Nacom baxua beta exana pia abe pacata exanaexae barapomonae.

⁷ Nacom paca naffina capanenebiya exanaena xua paca yabara cui opi ducua exanaena xua ichamonae atene paca exana. Iru paxantha barichi tsane Nacom, xua poxonaey Jesús patopaetsica, pon jiwi Pecanamataxeinaein. Bapon Jesús baru patopeicaena pia matatsunpiwi, xua matatsunpiwi peayapusuwatha patsicaena. Matautano Jesús muxuna patopeicaena pexeinya peitapanae coicha xua be isoto.

⁸ Jesús patopaetsica xua atene peexanaenexa jiwitha abe peexanaexae pomonae jopa yaputaeyo Nacom, penaitematsixaetsi. Matautano atene exanaeinchi pomonae jopa jume cowantsiyo Jesús pia pecapanenebiyae jume diwesi tatsi, pon Wanacanamataxeinaein.

⁹ Barapo jiwi ataya tsitecaeya ajuntucoyenetane tsane tsana penobixae tsainchi taju beya xua bapon pon jiwi Pecanamataxeinaein pia xainya weya tatsi. Matautano barapo jiwi jopa tae tsane pon jiwi Pecanamataxeinaein pia pexeinya peitapanae coicha tatsi, xuano xua pia peayapusu itorobiwa tatsi xua bichocono pexeinya coyene.

¹⁰ Baxuan Nacom exanaena po matacabitha abu poxonaey patopeicaena pon jiwi Pecanamataxeinaein, xua daxita piamonae pebaru cui itura jinaenexa tsainchi. Matautano bapon daxita piamonae nabenaecaeya wunaey jainchinchi pomonae pejume cowantsiwichixaetsi. Paxam bara paichim tsane barapo matacabitha painya nejume cowantsixaemxae po diwesi jume bayatha paca tsipaebatsi.

¹¹ Daxota ataya paca yabara wunqueibatsi Nacomtha. Pajan: “Nacom yawende barapomonae xua jinompaena po coyeneya icha xua xam ichichipame poxonaey wan dubame barapomonae xua penaexanaenexa jinyamonae. Matautano yawende barapomonae pewetsinexa tsane jinya neayapusu itorobi coyenewatha po coyene xua wunaey, po coyene barapomonae ichichipa xua peexanaewa. Matautano yawende barapomonae pewetsinexa po penacuichiwa exana necajume cowantsixae”, pajan Nacomtha.

¹² Icha beta pajinompame, jiwi wūnae jainchina Jesús, pon Wanacanamateaxeinaein, painya nejume cowūntsixae tsane bapontha. Matautano Jesús cana exana xua barapo jiwi wūnae paca jainchina painya paca cataexae tsane xua Nacom paca yawena, pia paca necaantobewaxae, xuano xua Jesucristo paca yawenaru pia paca necaantobewaxae pon jiwi Pecanamataxeinaein.

2

Meje yabara xua equeicha patopaetsica pon jiwi Pecanamataxeinaein

¹ Patamonae pam, anoxuae nama yabara bepaca tsipaebinchi xua Jesucristo, pon Wanacanamateaxeinaein, equeicha pepatopaewa tsica. Matautano ichichipan yabara xua tapaca tsipaebiwatsi xua wanaca baru nacaetutsiwa bapon. Daxota jume daunweya paca tsipaebatsi baxua.

² Icha ichamonae paca tsipaeba xua pinae anoxuae matakabi jopa, po mataqueitha xua Jesucristo, pon jiwi Pecanamataxeinaein bayatha patopa, painya xoba bepajawa payabara najuntu coyene cabenaecaename xua daxota jopa beta pananta xeinaem. Jopa bichoina payabara jume cowūntsinde bequein paebitha tsane xua pinae baxua barapomonae tsipaebatsi Nacom pia Pejumoepo tunaxu tatsi. Matautano painya xoba payabara jume cowūntame bequein paebitha tsane xua pinae baraxua yabara paebandu. Matautano painya xoba payabara jume cowūntame bequein paebitha tsane xua pinae barapomonaetha baraxua payabara tinandu.

³ Jopa pacopatsinde xua ichamonae yabara paca muxutoroba baxua bequein pinmonae paca tsipaebitha tsane baxua. Tsipei baxua pewūnaeya tsane xua poxonae barapo matakabi jopaena, bewa matha patopaena xua po coyene jiwi Nacom naitematinchi. Bapoxonae pebin patopaena pon bichocono jopa juniya abe exanaeyo. Bapon apara pon Nacom weraweraca exana isototha po isototha bapana cuinaya jopa ataya tsitecaeya itacounayiyoy.

⁴ Bapon Nacom abe yabara paebinchi. Bapon jopa tsita ainya cuiyo tsainchi daxita pocotsiwa jiwi wūnae jainta. Matautano bapon jopa tsita ainya cuiyo tsainchi bequein pon nacomun jiwi exana. Bapon pia coutha penacanamateaxeinaein naexana xua peewatsiwa daxita pocotsiwan Nacom piawa, xua pia wūnae jaintinchi, xua jiwi wūnae jainchina. Matauta bapon ecaena Nacom pin pia botha xua pia coya Nacom najainta.

⁵ ¡Bara baxuan yabara caena bayatha paca tsipaebatsiba poxonae cataunxuae paca baru popyoinchi! ¿Bara pajuntemainame jampa?

⁶ Anoxuae paxam payabara yaputaneme po coyene xua peayapusu itorobi coyenewa bapon cui matawentatsi xua pepatopaewa. Saya beya jame patopaetsica poxonae barapo matakabi tsane xua bapon copatinchi xua pepatopaewa tsica tsane.

⁷ Pinmonae anoxuae bichocono abe exanapona. Saya waxainchi yabara yaputaeinchi baxua Nacom pia wanaca yaputane exanaexae wajume cowūntsixae. Nama pomonae jopa jume cowūntsiyo jopa yabara yaputaeyo baxua. Saya meisa acobi xua pitinchi pon xeina barapo peayapusu itorobi coyenewa xua pecui matawentsiwatsi pontha pon bichocono abe peexanaein.

⁸ Saya bapoxonae naitatsina bapon pon bichocono abe peexanaein. Ichitha poxonae Jesús, pon jiwi Pecanamataxeinaein patopaetsica, bapon hexubina pon bichocono abe peexanaein hexubinchi poxonae ofutarabina, xua ataya weraweraca pecana exanaenexa pexeinya peitapanae coicha peyawa naitatsiya patopeicaexae tsane.

⁹ Pewūnaeya tsane xua poxonae Jesús hexubina pontha pon bichocono abe peexanaein, Satanás pon caurimonae pia pentacaponae tatsi, bapontha catsina pia peayapusu itorobi coyenewa xua catinchi pon abe peexanaein. Bapon pon bichocono abe peexanaein bichocono peayapusu yawa patopaena. Matautano bapon daxita coyeneintha pexeinya petsita itabiwan exanaena peayapusuwatha xua jopa xainyeyo xua jiwi pemuxujainyabinexatsi.

¹⁰ Bapon exanaena daxita peabe coyenewan xua daxita jiwi pemuxujainyabinexa tsainchi. Nacom exanaena xua barapo jiwi weraweracaena jopa peichichipaexae xua pejume cowūntsiwa pexainyei jume diwesi po diwesi xua barapomonae pecanenebiyaenexa tsainchi.

¹¹ Daxita barapo coyeneinxae daxota Nacom bara saya yabara cui copata xua barapo jiwi bara muxujainyabinchi xua daxota jume cowūntsiwa barapo penaerabi diwesi jume.

¹² Pomonae jopa bejume cowūntsiyo pexainyei diwesi jume barapomonae saya ichichipa nawita xua peabe coyenewan exana. Barapomonae Nacom caununaya itawetsina poxonae yabara paebina xua barapomonae Nacom tsita natsicuentatsi xua abe peexanaexae.

Meje yabara pomonae Nacom itapeta pecapanenebiyaewa tsane

¹³ Patamonae pam, paxam pomonae pam pomonae paca antobe pon jiwi Pecanamataxeinaein. Paxan bewa daxita matacabi pacata wəqueibinchi Nacomtha. Bewa pajan tsaibin tsane: “Nacom maisa pajuntə coyene weiweinan beta necajume cowuntsixae Tesalónica tomarapiwi”, bewa pajan tsaibin tsane. Daxota baxua papaeban Nacomtha tsipei bayatha caena paca itapeta painya nepaca capanenebiyaenexa xua tsiwanaya poxonaē aena Nacom forota barapo cae pin nacuathe. Nacom baxua exana pia peayarusəwatha po peayarusəwa pia Pejumope tənaxə tatsi xeina ponxae paca juntə coyene xanepana exana Nacom nexa. Matautano baxua exana poxoru painya nejume cowuntsixae pexainyei diwesi jume.

¹⁴ Daxota Nacom bayatha paca waba bapon painya nejume cowuntsinexa poxonaē paca cuidubatsi Nacom pia pecapanenebiyaē diwesi jume. Daxotano paca waba xua Jesucristo pon Wanacanamataxeinaein painya nenabarə xeinaenexa pia pexeinya peitupanae coyenewan.

¹⁵ Patamonae, daxota pajume cowunta dubenanaebiyama equeicha matowa. Painya xoba pajuntəmainame po pecuidubiwan xua ichamonae pana cuiduba xua xuya anoxuae yatsicaewa paca cuidubatsi, xua yawa cartano pacata tinatsi.

¹⁶⁻¹⁷ Nacom Waxa, pia wanaca antobexae naca yawena. Bapon ataya tsitecaeya naca matateica pia pexeinya juntə coyenewatha. Matautano Nacom naca cata xua wawənae ewatsiwa pocotsiwa xua bapon naca catapaeba, pocotsiwa xua wənae. Paca yabara paebatsi bapontha. Matautano paca yabara paebatsi Jesucristo tha pon Wanacanamataxeinaein. Pajan baponbetha: “Barabə payawenaenəmebe Tesalónica tomarapiwi. Barabə pajuntə coyene cui tsacabinəmebe barapomonae. Matautano barabə juntə coyene jume cowuntsiya ayarusəwa pacana exanaenəmebe barapomonaetha, xua pia pepaeibinexa pocotsiwa wənae xuano pia peexaneibinexa pocotsiwa xanepana”, pajan baponbetha.

3

Meje yabara poxonaē Pablo namchi: “Painta Nacomtha wəcare”, jei

¹ Patamonae, paxam pomonae pam pomonae irə painya nejume cowuntsixae Nacom. Anoxuae paca tsipaebatsi pocotsiwa xua pawetan xua pata paca tsipaebiwatsi. Paca jeichi xua painta Nacomtha wəcare xua xain pon jiwi Pecanamataxeinaein pejume diwesi tatsi awiya nainya tajə patsipaebaponaein daxita nacuantha. Matautano painta wəcare xua xain ichaxota patsipaeban barapo diwesi daxita jiwi beta jume barə jejei peainya cui diwesi xae, icha paichim poxonaē pajume taneme barapo diwesi.

² Matautano Nacom painta wəcare xua xain Nacom jopa copatsiyo xua painta abe exana pomonae bichocono ajuntəcoyenebe. Tsipei jopa daxita jiwiyə pomonae beta jume cowunta po diwesi patsipaeban.

³ Ichitha jame bara ita coxoichinchi xua wajume cowuntsiwa pon jiwi Pecanamataxeinaein tsipei bara bapon xainyeya naca yawena. Matautano bapon paca juntə ayarusəwa exanaena. Matautano bapon paca ita ararana xua abe paca exanaeyainwa pon bichocono abe peexaneibin. Paca yawenaena xua jopa painya neexanaenexa abe peexanae cuirə coyenewan.

⁴ Bara paca yabara jume cowuntatsi xua bara bapon pon jiwi Pecanamataxeinaein paca yawena. Bapon paca yawenaena xua paexaname, xuano xua paexana dubenanaebiyane name pocotsiwan xua paca itorobatsi.

⁵ Barabə bapon pon jiwi Pecanamataxeinaein, paca yawenaena xua bichocono painya neyabara yaputaenexa Nacom pia paca antobe coyenewa tatsi. Matautano barabə paca yawenaena xua awiya antəcoyenesəwa painya nejume cowunta dubenanaebiyane naxa tsane. Barapoxonaē bequein ichamonae abe pacata exanaetha tsane jopa paaitaconaem tsane. Bara paichim tsane icha Cristo ichi xua poxonaē jiwi barapocotsi coyene exana jopa aitaconaeyo.

Meje yabara poxonaē Pablo yabara paeba xua jiwi bewa nacuichina

⁶ Patamonae pam, paca itorobatsi tsipei Jesucristo Wanacanamataxeinaein pana cata pia peitorobi coyenewa. Painya xoba imoxoyo pabarə jinompame peafaetabi jiwi pomonae aichaxaibi nacuita, xua pomonae irə pejume cowuntsiwixae. Barapomonae jopa yabara jume cuiya exanaeyo po pecuidubi coyenein xua Jesucristo weya bayatha, xuano xuya barapomonaetha pacuiduban.

⁷ Paxam payaputaneme, xua bewa xanepanaya betiya pajinompam, icha bayatha paichin. Poxonaē paca barə jinompatsi jopa paacoyenefaetabinyo, apara panacuitan nawita.

⁸ Poxonae paxaiban painya xantha bara pentoma paexaneiban pexaewa nexa. Jopa amanaya panabaneibinyo. Jame apara daunweya panacuiteiban merawintha matabaninthano xua jopa daunweya pata pacata exanaewatsi tsainchi. Jopa panantawenonaem xua painta comocame pexaewa.

⁹ Bequein pana yabara cui copata xua pata paca wucaewatsi pata neyawenaenexam tsane, ichitha bara pana netaneme xua pexaewa pana natsiupain nacuitan, xua iru bara painya neichinexaru.

¹⁰ Tsipei poxonae paca baru enatsi baxua yabara paca tsipaebatsi xua barapo peitorobiwe paca jeiche: “Pon jopa benacuichiyo bu jopa xae tsane”, paca jeiche.

¹¹ Ichamonae pana tsipaeba xua painyamona jiwana yabara, xua pinae painyamona jiwana jopa natsiupain nacuichiyo pexaewa. Saya pinae dubenanaebiya. Barapomona saya pinae ichamonae yabara yuyujeichi. Barapomona jopa pinae exanaeyo piawa. Saya pinae penabaru yuyujei poxonae ichamonae eneibatsi poxonae nacuiteiba.

¹² Barapomona pomona saya dubenanaebiya, paitoroban pajarje: “Tsipei Jesucristo pana cata pia peitorobi coyenewa pon jiw Pecanamataxeinaein, daxota pecono jumeyotha paca tsipaebatsi. Bara panacuire painya nenacuichiwa xua pexaewa painya natsiupain nacuichinexa. Jopa ichamonae payabara nabaru yuyujande”, pajarje.

¹³ Ichitha paxam patamona pam, pomona pam iru pajume cowuntame jopa paajuntucoyenefaetabinde xua xanepanaya painya neexanaewam. Awiya xanepanaya paexanaponde.

¹⁴ Icha ichan painyamona jiwana jiton jopa exanaeyo pocotsiwa paca tsipaebiya tinatsi barapo cartathe barapo pebin pacui naitaeware painya necui yaputaenexa. Barapo pebin jopa pabaru jinompaeinde, xain bapoxonae aura xua jopa peexanaexae xua barapo cartathe papaeban.

¹⁵ Ichitha jopa bapon pacana exanaeinde be pon painya nepaca caaitafaetabi jiton. Saya jame maisa pamuxuwere xua bapon maisa penacuichinexa. Mataata maisa bapon patsipaebare icha paichim poxonae patsipaebame pontha pon pejume cowantsin.

Meje yabara xua Pablo najume wetsiya paeba

¹⁶ Jesucristo pon jiw Pecanamataxeinaein xua juntema popona peyacuiya jinaein, bu bara barapo juntema pejinompae coyene paca catsina daxita matababin tsaibi poxonae bequein ichamonae abe pacata exaneiba. Barabu bapon pon jiw Pecanamataxeinaeinxae daxita paxam paca baru jinompaena.

¹⁷ Xan Pablon saya meisa barapo couye tacoutha bara tinan, po jumeyo xua paca jacobatsi. Baxua tsita itapeinya xeinan xua barapo carte apara bara tacarta. Daxita tacartantha barapo jume couxi wetsiya tineiban icha barapo carte ichi.

¹⁸ Pon Wanacanamataxeinaein, Jesucristo, barabu daxita paxam bichocono paca yawenaena pia paca antobexae.

Baja Pablo, iru Silvano, iru Timoteono ponbe necueyatabe.

Meje Po Carte Copiya Pablo Tatina, Timoteo Tatinatsi

Meje yabara poxonaē Pablo tamropata pitaba xua tatina, Timoteo tatinatsi

¹ Jaco Timoteo. Xan, Pablon, Jesucristo pia peitorobi jiwi jiwana tatsin. Nacom pon Wanacacapanenebiyaein neitoroba. Matautano Jesucristo, pon Pecanamataxeinaein jiwi, pon wanae ewatatsi iruru neitoroba.

² Timoteo, xam cata tinatsi barapo carte, xam bara xaniwaicha be taxantom canatsicotainchi, tsipei cayawenatsi xua nejume cowantsiwa Nacom. Ichichipan xua Nacom pon Waxa, iru Cristo Jesús, pon Wanacanamataxeinaein, baponbe bara amanaya cayawenaena pia necaantobexaēbe. Matautano ichichipan xua baponbe nantanuweya cayabara nanta xeinaenabe pia necayawenaenexabe. Matautano ichichipan xua juntema popona jinya necaexanaenexabe.

Meje yabara xua Pablo yabara muxuweta pomonaē abeya pecuidubiwi pia pecuidubi coyenewa tatsi pecuiyainwa

³ Poxonaē matha cain muxu taponae Macedonia nacua beya, bapoxonaē jume daunweya cajeichi, janje: “Ecare Efeso tomaratha jinya necui itorobinexa tsane pomonaē abeya pecuidubiwi pia pecuidubi coyenewatha. Barapomonaē seicayiia cuiduba ichi be jopa paxan ichiyo pomonaē Jesucristo pia peitorobi jiwi tatsi panxaein. Itorobare xua barapomonaē jopa cuidubi tsane ichamonaetha barapo coyene po coyene xua jopa xainyeyo.

⁴ Matautano barapomonaē jopa bewa juntu coyene enae tsainchi po diwesin xua pia pamo susato jiwi tatsi paeba po diwesin xua pejemai diwesin, matautano po ayei diwesinno, xua pia pamo susato jiwi tatsi yabara”, cajeichi. Barapo diwesin saya jiwi najume matsontsonoba exana. Barapo diwesin jopa naca yawenaeyo xua beta wacanamataxeinaewa Nacom piamonaē wajume cowantsixae Nacom.

⁵ Xua tapaebixae xua barapo peitorobi coyenewatha paeba apara xua daxita jiwi nantiya caemonaē penaantobenexa tsane. Barapo peantobe coyenewa jiwi pia juntu coyene wetsina pona poxonaē pia juntu coyenein xanepana xua jopa xeinaeyo peabe coyenewa yawa poxonaē barapo jiwi pia coutha najuntu coyene tsipaeba xua jopa peexanaenexa peabe coyenewa Nacomtha. Yawa barapo peantobewa jiwi pia juntu coyene wetsina pona poxonaē barapo jiwi xaniwaicha jume cowanta Nacomtha.

⁶ Ichamonaē jopa xeinaeyo barapo peantobe coyenewa poxoru jume itaweta, matautano poxoru najuntu coyene eena exana penajume matsontsonobi diwesin.

⁷ Barapomonaē ichichipa becuidubina Nacom pia peitorobi diwesi jume. Bequein barapomonaē baxua exana, ichitha jopa beta exanaeyo tsipei jopa yabara yaputaeyo Nacom pia peitorobi diwesi jume. Matautano barapomonaē jopa yabara yaputaeyo po coyeneya xua atsaquiya yabara cuiduba ichamonaē Moisés pia peitorobi diwesi jume.

⁸ Bara yaputainchi xua Moisés pia peitorobi diwesi wanae jiwi nexa, icha po jiwi cuiduba barapo diwesi, bara xaniwaicha cuiduba icha be pocotsi coyeneya xua Nacom ichichipa.

⁹⁻¹⁰ Waxainchi matautano yaputainchi xua Nacom pia peitorobi diwesi jume jopa barapomonaē nexiyo pomonaē bayatha pejuntu coyene xeicaewi tsipei daxita coyenein ba beta peexanaewi. Jame barapo Nacom pia peitorobi jume, barapomonaē nexa pomonaē meje: pomonaē jopa exanaeyo pocotsiwa Nacom pia peitorobi diwesi jumetha itoroba; pomonaē jopa jume cowantsiyo Nacom; pomonaē jopa ichipaeyo Nacom; pomonaē abe peexanaewi; pomonaē jopa juntu coyene xanepanaeyo Nacomtha; pomonaē aichaxaibi Nacom pia peitorobi diwesi jume; pomonaē pia paxeivi pebewi; pomonaē pia pena jiwi pebewi; pomonaē jiwi pejutebiwi; pomonaē penata siwa xeinaewi yabaxitha xua jopa piseuri jiwi; pomonaē cae pebiwi penaisamaichi jiwi xua be yabaxi penatsicotae jiwi; pomonaē paratixi xeineiba xua ichamonaē pejiwana noteibixaetsi poxonaē equeicha caewa pejiwana canawibeibixaetsi; pomonaē jiwi pemuxuitorobiwi; pomonaē naerabiya jume daunweya paeba xua ichamonaē naerabiya peyabara paebiwatsi. Barapo peitorobi jume iruru barapomonaē nexa daxita pomonaē seicayiya yabara jume toxeinchiya exana po coyene xua Jesucristo pia pexeinya pecuidubi coyenewa.

¹¹ Barapo pexeinya pecuidubi coyenewa, bara najume jupabe Nacom pia pexeinya jume diwesi tatsi, po diwesi yabara po coyene xua Nacom bara bichocono pexanepanaein, xuno bichocono pejuntu coyene weiweinaein. Barapo diwesibe Nacom itoroba xua tacueicueijejewa tsane.

Meje yabara poxonaē Pablo juntu coyene weiweina Jesucristotha

¹² “Juntũ coyene weiweinã tanecatsixaemxãe peantũyapusũwa”, jan Jesucristo, pon Wanacanãmatãxeinaein. Bapon necata peantũyapusũwa tacueicueijeia tsane jiwithã Nacom pia Pexeinya jume diwesi tatsi. Bapon neyabara nanta xeina xua bara beta jume cowãntã, daxota necana exana xua xãn pia petãnacũichin tatsin.

¹³ Bapon baxua intã exana bequein bara bayatha bapon abeya yabara paeban. Mataũtano bapon pijimonaethã tatsi abeya tacana exanan. Mataũtano abeya tayabara paeban barapo pijimonaethã tatsithã pomonaethã pomonaethã pia pejume cowãntsi jiwixaetsi. Ichithã Nacom nãntãnuweya neyabara nanta xeina pia tana neyawenaenexã, tsipei bapoxonãe jopã jume cowãntsinõyõ Jesucristo poxonãe abe exanan. Mataũtano jopã yaputaẽnyõ pocotsiwa xua bayatha exanan.

¹⁴ Daxota Nacom pon Wanacanãmatãxeinaein bichocono amanaya neyawena tãneãntobexãe. Nacom nejũntũ coyene yũca exana po pejume cowãntsiwa xũano xua po peãntobewa tsita xeinãtsi Cristo Jesús.

¹⁵ Cristo Jesús patopeica po cae pin nacuathe tsique pecapanenebiyaenexã tsainchi pomonãe abe peexanãe jiwĩ, xua capanenebiyãtsi abe pia peexanãe cuirũ coyenein weya. Pomonãe abe peexanãe jiwĩ barapomonãe jiwãnan xua bichocono abe taexanãein beyacainchã barapomonãe poxonãe abe exana. Baxuan apara xainyei pocotsiwa xua yabara paeban. Jiwi bewã jume cowãntsinã baxuan.

¹⁶ Bequein bichocono abe taexanãein, daichithã Nacom nãntãnuweya neyabara nanta xeina pia tana neyawenaewa tsane. Tsipei xãn pon Jesucristo nenãitãtã exana jiwithã, xua bayatha tana necui yabara ewatsixãe xua tajume cowãntsiwa tsane Jesucristo xua poxonãe jopã aitaconãe. Daxota ichamonãe poxonãe netaena Nacom exanaena xua barapomonãe Jesucristo pejume cowãntsiwa tsainchi, pexeinaenexã peantũyapusũwa po peantũyapusũwa xua ataya tsiteca.

¹⁷ Nacom, wũnãe paca jãintãtsi: “¡Xãm Nacom pon ataya jiwĩ itorobiya pepã Neewãtsin! ¡Xãm Nacom pon bapana jopã tũpaem tsane! ¡Xãm pon xua jiwĩ jopã itacũpaetsi xua necataewa! ¡Xãm yãtsicaewa compã pepã Nacomũm! ¡Ataya paca tsita barũ cui itura jinãtsi! ¡Barabũ ataya jiwĩ wũnãe cajãinchina! Je barã ichi tsane”, paca jeichi Nacom.

¹⁸⁻¹⁹ Xãm, Timoteom, barã xãniwãichã be taxãntom canãtsicõtãinchĩ. Caitorobãtsi ichi be pocotsi coyeneyã bayathã Nacom pia peitorobi jume pepãebiwi cãitorobã poxonãe cayabara tsiwũnãe muxu dutã xua bexã cuidubĩnãe jiwithã Nacom pia pexeinya jume diwesi. Xãn cãitorobãtsi ichã be pocotsi coyeneyã bayathã barapomonãe cãitorobã. Cajechi: Jume daũnweya antũyapusũyã beta exãnde Nacom pia petãnacũichiwã tatsi. Poxonãe baxua exanãe, beta jume cowãntsiyã exãnde, yawã pexeinyã jũntũ coyene xeinãre po jũntũ coyene xua xainyeyã nãtsipãebãe, xua jopã abe exanãem Nacomthã, cajechi. Ichamonãe bequein beta nãtsipãebã pijũntũ coyeneinthã, ichithã barapomonãe najũntũ coyene barãpenta po coyene Jesucristo pejume cowãntsiwãtsi tsipei jopã jume cowãntsiyõ pocotsiwa pia jũntũ coyene tsipãebãtsi.

²⁰ Barãpocotsi coyene Himeneo exanã irũrũ Alejãndro exanãrũ. Baponbe caenãetanbe pon caurimonãe pia pentãcaponãeinthã tatsi pon Satãnãs beyã poxonãe barãponbe nacuidubĩnãbe xua jopã bewã abe yabara pãebi tsãnebe Nacomthã.

2

Meje yabara xua Pablo yabara cuiduba po coyene xua Nacomthã pãtsipãebiwa

¹ Copiã cãitorobãtsi baxuanje xua exanãenãe: Nacomthã tsipãebãre daxitã jiwĩ nexã; Nacomthã wũcare xua Nacom peyawenaenexã daxitã jiwĩ; yawã jãnde Nacomthã: “Nacom, maisã jũntũ coyene weiweinã xua daxitã xãnãpanayã jinã netaexanãewãm jiwĩ”, jãnde.

² Bewã Nacomthã tãwũcaenãe daxitã nacua peewãtsiwĩmonãe. Mataũtano bewã Nacomthã tãwũcaenãe daxitã pentãcaponãewĩmonãe. Baxua bewã exanãenãe xua jũntema beta wajume cowãntã dubenãnãebiãenexã Nacomthã, yawã jũntema wajĩnom-pãenexã jiwĩ peitũthã. Barãpo jũntema wajĩnom-pãewa barã bewã Nacom tsitã xeinaeinchi barãpo coyene, yawã barã jiwĩ xãniwãichã nãcã cui tãne xua barã beta xãniwãichã jinompãtsi daxitã carepayã coyene cuĩnthã.

³ Barãpo coyenein jãme Nacom tsitã wũnãetsi pon Wanãcacãpanenebiyãein.

⁴ Nacom bichocono ichipã xua daxitã jiwĩ pecãpanenebiwã tsainchi abe pia peexãnãe cuirũ coyenein weya. Mataũtano Nacom ichichipã xua jiwĩ yaputaenã pocotsiwa xua pexãinyei coyenewã.

⁵ Meisã compã Nacom pon pepã Nacom, bapon meisã poponã. Barichĩ sayã meisã cãein pon itãcũpãtsi xua jiwĩ yabara jume yawenãtsi Nacomthã, apara barãpon Jesucristo.

⁶ Jesucristo copata xua bara naetotha tsitupa xua daxita jiwi yantomatatsi xua jiwi pecapanenebiyaenexa tsainchi abe pia peexanae cuiru coyenein weya tatsi. Poxonae Jesús tupa naetotha, baxua tsita itapeinya xeina xua Nacom Pexanto itoroba po mataqueitha Nacom peichichipaexae xua daxita jiwi pecapanenebiwa tsainchi.

⁷ Daxota Nacom newun duta, jeye: “Bapon apara pon tajume diwesi pecaponaein yawa bapon taitorobi jiwi jiwana pin”, jei Nacom. Bara xaniyewa paeban, jopa naerabinyo. Daxota Nacom neitoroba tacuidubinexa pomonaetha pomonae jopa judiomonae naexanaeyo xua Nacomtha pejume cowantsiwa yabara yawano xua Nacom pia pexainyeiwa yabarano tatsi.

⁸ Daxota ichichipan xua daxita nacuanpiwi Nacom pewnaewa tsainchi. Poxonae wnaeana Nacomtha bewa namaxu yoichaena xua yatsicaewa pexeinaexae tsane pejuntu coyene xanepanaewa. Matautano jopa bewa yajuntu coyeneya paebi tsane xua peita aenae-aeneiwa ichuntha. Matautano jopa bewa yajuntu coyeneya paebi tsane xua penajume matsontsonobi coyenewa.

⁹ Ichichipan xua yabuxi nama xatabina pocotsi paparuwa be conotha wnae. Saya uuranaya jinompraena xua bichocono jopa atsaqui tsane xua pebara yuyujeiwa pebiwitha. Jopa bichocono wnaeya nantana fabi tsane. Jopa bichocono nantana pepena exanae tsane pocotsiwatha xua bichocono ainya matoman, pocotsiwa pewun oro, matautano pocotsiwa pewun perlan. Matautano jopa namaxatabi tsane pocotsi paparuwa bichocono ainya matoma.

¹⁰ Jame yabuxi bewa exanaena pocotsiwa jiwi tsita coyene xanepanatsi, xua pocotsi coyene jiwi yawenatsi. Baxuan jame bichocono wnae xua yabuxi exana, po yabuxi xaniwaicha jume cowantsiya jinompra xua Nacom pejume cowantsiwatsi.

¹¹ Yabuxi bewa saya moya jume naitaewatsiya jume taena pocotsiwa xua nacuiduba. Saya bewa moya jume jejei tsane.

¹² Tsipei yabuxi jopa copatsinyo xua cuidubina Nacom Pejume Diwesi pin bicheito itabaratha. Matautano jopa copatsinyo xua yabuxi pentacaponaewi penaexanaewa tsane pebiwi nexa. Jame bewa yabuxi saya moya enaena poxonae pejume cowantsiwi nacaetuta xua Nacom wnae pejinchinexatsi.

¹³ Tsipei Nacom copiya exana pebin pon pewun Adán, bapoxonae yabuyo exainchi powa pewun Eva.

¹⁴ Caena bayatha Adán jopa muxujainyabichi pon caurimonae pia pentacaponaein tatsi xua abe peexanaewa tsane. Apara jame bapowa Eva muxujainyabatsi, daxota bapowa abe exana.

¹⁵ Bequein yabuyo atene poxonae tanaexanatsi pexuyo, ichitha Nacom capanepaena bapowa icha bapowa jume cowantsiya poponaena Nacomtha, yawa icha antobeya poponaena, yawa icha betiya poponaena xua yatsicaewa Nacom nexa, yawa icha ita uuranaya poponaena Nacomtha.

3

Meje yabara xua bewa exanaena pomonae pecanamataxeinaewi pejume cowantsiwi

¹ Baraxua bara xainyei xua paca tsipaebatsi. Icha pebin ichichipa naexanaena xua pomonae Nacom pejume cowantsiwichi pecanamataxeinaewatsi, bara baxua bara xanepana.

² Daxota pon pomonae Nacom pejume cowantsiwi canamataxeinatsi, bapon bewa xanepanaya beta poponaena xua bapon jopa abe peyabara paebinxeta tsainchi ichamonae. Bapon bewa saya cae piseuri baru jijinaena. Matautano bapon jopa bewa bichocono apae tsane xua vino mera pia beta penanta xeinaenexa. Bapon bewa beta nayaputane exanaena, xua daxota xanepanaya peexanaewa tsane, xua bapoxonae ichamonae bapon xanepanaya peyabara nanta xeinaewa tsainchi. Bapon bewa matenta weiweinaya wabeibina pomonae petapateibeibixaetsi pia botha. Bapon ba pia cui xeina xua beta cuidubina ichamonaetha.

³ Bapon jopa bewa nacupa exanae tsane peatsaxae mera. Yawano jopa bewa bapon naba exanae tsane, saya jame bewa juntema poponaena. Bapon jopa bewa najume matsontsonoba exanae tsane. Yawano bapon jopa bewa pitaparaticixi xua paraticixi peasiwiwa.

⁴ Bapon bewa beta itorobiya canamataxeinaena pia bomonae matabuxu. Matautano bapon bewa pia pexui jume naitaewatichi poxonae itorobeiba pia pexui. Yawa pia pexui bewa tsita xeinaetsi pebara itura jinae coyenewa.

⁵ Icha barapocotsi jiton ita coxanatsi xua beta itorobiya canamataxeina pia bomonae matabuxuoy, bapon nexata jopa itacupaetsi xua canamataxeina Nacom nexa pomonae Nacom pejume cowantsiwixaetsi.

⁶ Pebin jopa bewa naexanae tsane xua pomonae Nacom pejume cowantsiwichi pecanamataxeinaewatsi poxonae cataunxuae abu pena pejume cowantsin Jesucristo. Icha bapon pena pejume cowantsin tsipae Jesucristo, metha bapon aebichipa nawita jiwitha, bapoxonae Nacom cana exanaetsipa bapontha, icha be pocotsi coyeneya ichi poxonae caurimonae pia pentacaponaein tatsi itawetatsi, xua Nacom itaweta pia nacua weya, xua Nacom peabixae.

⁷ Matautano bapon bewa beta poponaena, xua pomonae jopa pejume cowantsiwi Nacom bapon beta peyabara nanta xeinaenexa tsainchi. Icha bapon jopa beta poponae tsane, bapoxonae jiwi abeya yabara paebina, bapon abeya yabara paebinchi. Yawano metha bapon exanaetsipa pocotsiwa caurimonae pia pentacaponaein tatsi cui jujuta xua po cui coyeneyatha bapon peexanaenexa.

Meje yabara pomonae jiwi peyawenaewi pomonaetha pomonae pejume cowantsiwi

⁸ Barichiru pomonae jiwi peyawenaewi pomonaetha pomonae pejume cowantsiwi, xua peyawenaewi peatenewitha, xua muxunano peapatsiwano peacopeibiwatha, barapomonae bewa beta jinompae, xua jiwi pebaru cui itura jinaenexa barapomonaetha. Matautano barapomonae jopa bewa icha caununaya paebi tsane. Jopa barapomonae nacupa exanae tsane peatsaxae meran. Matautano jopa bewa pitaparatixichi tsane xua paratixi peasiwiwa.

⁹ Barapomonae bewa beta jume cowantsi Jesucristo po coyene xua Nacom yabara tsita ituta xua wajume cowantsiwa, yawano barapomonae bewa muxuna xeinae po juntu coyenetha beta xaniwaicha natsipaebatsi xua jopa abe exanaetsi Nacomtha.

¹⁰ Bara matha bu ichamonae cui jujutsina barapomonaetha icha beta xaniwaicha jinompa yawa icha ichamonae jopa abeya yabara paebiyi barapomonaetha. Bapoxonae barapomonae cana exanaeinchi pomonae jiwi peyawenaewi pomonaetha pomonae pejume cowantsiwi, xua peyawenaewi peatenewitha, xua muxunano peapatsiwano peacopeibiwitha.

¹¹ Barichi yabuxi bewa beta jinompaena xua barapowaxi pebaru cui itura jinaewa tsainchi jiwi. Jopa bewa bapowaxi bewa yabara paebi tsane ichamonaetha, xua ichamonae abe peexanaexae. Matautano bapowaxi jopa bewa bichocono apae tsane vino meran. Matautano bapowaxi bewa beta jinompae, xua ichamonae peyabara jume cowantsiya nanta xeinaenexa xua pocotsiwa bapowaxi daxitan exana pocotsiwan bayatha exanapae-beiba.

¹² Barapocotsi jiwi jiwana jiton pomonae peyawenaewi pomonaetha pomonae pejume cowantsiwi, bapon bewa saya cae piseuri baru jijinaena. Matautano bapon bewa beta itorobiya canamataxeinaena pomonae pia bomonae matabuxuoy xua daxota bewa beta itorobiya canamataxeinaena pia pexui.

¹³ Tsipei barapocotsi jiwi pomonae peyawenaewi pomonaetha pomonae pejume cowantsiwi poxonae barapomonae beta exana pia petanacuichiwa, bapoxonae ichamonae barapomonae wunae jaintatsi beta pia petanacuichiwaxae. Matautano barapomonae ichamonaetha cui tsacatsapiya yabara paeba xua pia pejume cowantsiwa xua Cristo Jesús pejume cowantsiwatsi.

Meje yabara po coyene xua naituta xua po coyene copiya moya peyawun xeinaewa po coyene xua wajume cowantsiwa

¹⁴⁻¹⁵ Bequein ichichipan xua methaunxuae cataeinchi, daichitha daxota cata tinatsi xua icha pirapaeyo tapatopaewa tsane, bapoxonae yaputaename po coyene xua jiwi bewa exanaena. Barapo coyene beta xanepanaya penabaru jinompa coyenewa Nacom peitabaratha tatsi, pomonae Nacom piamonae tatsi. Apra yabara paeban pomonae Nacom piamonae tatsi, pomonae Jesucristo pejume cowantsiwichi, pomonae nacaetuta xua Nacom wunae pejainchiwa tsainchi, po Nacom ataya asu pepoponaein. Barapomonae yajuntu coyeneya jinompa Nacom pia pexainyei coyenewa tatsi. Matautano barapomonae yabara jume yawena Nacom pia pexainyei jume diwesi poxonae ichamonae abeya yabara paeba barapo pexainyei jume diwesi.

¹⁶ Waxainchi paebatsi jeichichi: "Pocotsiwa jume cowantatsi Jesucristo, maisa bichocono xanepana bara be po coyenewa xua moya peyawun xeinaewa, po coyenewa jiwi jopa yaputaeyo", jeichichi. Wayabara jume cowantsiwa baxua meje:

Nacom naexana be jiton pia juntu coyeneya

tatsi, xua barapara bapon Cristo.

Nacom pia Pejumo pe tana xua tatsi yabara

paeba, xua bapon yabara paebatsi,
 xua bara bapon yatsicaewa bara Nacom.
 Iru matatsunpiwi tane, xua bapon tainchi.
 Bapon yabara cueicueijeichi jiwi yabara cueicueije
 daxita nacuanpiwitha.
 Daxita nacuanpiwi jiwanamona, bapon
 yabara jume cowantatsi.
 Yawano equeicha bapon peitaboco becaichatsi.

4

Meje yabara xua pomona naerabiya pecuidubi jiwi pomona seicaiya cuiduba xua ichi be jopa paxan ichiyo

¹ Nacom pia Pejumope tunaxu tatsi beta xaniwaichiya jeye xua poxona po dapae tabu ducuaena xua poxona po dapaetha Nacom daxita wetsina, bapoxona pomona pejume cowantsi jiwi jiwana Nacom pentinchi xua Nacom pejume cowantsiwatsi. Yawa barapomona napuna ponaena caurimona po caurimona jiwi muxuitorobiya muxujainyabatsi. Matautano barapomona exanaponaena po pecuidubiwa caurimona pia pecuidubiwa tatsi.

² Matautano barapomona jume naitaewatsiya jume taena pocotsiwa paeba pomona jiwi pemuxuitorobi jiwi. Barapo pemuxuitorobi jiwi cui nacopata xua bara abe exana nawita, po pejuntu coyenetha xanapanaya natsipaeba poxona abe exana. Daxota barapomona jopa yaputaeyo po juntu coyene xanepana.

³ Barapomona pomona pemuxuitorobi jiwi, jiwi cui matawentatsi xua jitha peenaewa. Matautano jiwi jain matawentatsi xua jopa xae tsane icha penabanaewan, bequein taetha xua barapo penabanaewan Nacom tsijain exana jiwi. Pomona pejume cowantsiwi xuan pomona peyaputaewi Nacom pia pexainyei coyenewa tatsi, poxona barapomona najume weteiba xua natsijain jacobeiba Nacomtha, jei tsaibi: “Nacom maisa juntu coyene weiweinan xua tana necatsiwaxaem pexaewa”, jei tsaibi, bapoxona barapomona bara xane barapo penabanaewan.

⁴ Daxita xua pocotsiwan Nacom forota baxuan wanae. Jopa bewa naitematsi tsainchi pocotsiwa xua Nacom naca cata. Saya jame bewa noteibichi, yawano bewa Nacom natsijain jacobeibichi xua jei tsaibichi: “Maisa Nacom juntu coyene weiweinan xua tana necatsiwaxaem pexaewa”, xua jei tsaibi tsainchi.

⁵ Nacom naca tsijain betsina barapo penabanaewan, matha wayorobixae Nacom Pejume Diwesi, yawa wanatsijain jacobeibixae Nacomtha xua jei tsaibichi: “Nacom maisa juntu coyene weiweinan xua tana necatsiwaxaem pexaewa”, wajei tsaibixaetsi.

Meje yabara xua pon Jesucristo beta tanacuitatsi

⁶ Daxita barapo coyenein xuaunxuae catsipaebatsi, icha barapo coyenein tsipaebiya cuidubame ichamonaetha pomona iru pejume cowantsi jiwi Cristo, bapoxona xam pon beta netanacuichim tsane Jesucristo. Bapoxona ichamona cacui taena xua xam bara bichocono jinya coutha jume cowanta na-eexanapona, yawano xua neexanaexaeno pocotsiwan cacuidubatsi po pecuidubiwa bichocono pexeinya coyene.

⁷ Jume naitemare po diwesiin xua saya jiwi cueicueijeji xua jopa Nacom pia diwesiyo tatsi, po diwesiin xua pejemai diwesiin xua jopa xapain wanaeyo. Jinya coutha nacuidubare, xua nenajuntu coyene cana exanaexam tsane icha be Nacom pia juntu coyene ichi.

⁸ Bequein penacui jujutsiwa xanepana xua pepon daunwei penaexanaenexa, ichitha jame xua penajuntu coyene xanepana exanaewa Nacomtha, baxua jame bichocono xanepana beyacaincha xua penacui jujutsiwa. Tsipei barapo penajuntu coyene xanepana exanaewa Nacomtha naca yawena anoxuae poxona cataunxuae awiya jinompatsi po cae pin nacuathe, yawa xua bexa tsaneno naca yawenaena Nacom pia nacuatheicha.

⁹ Baraxua yatsicaya aparta xainyei. Daxota daxita jiwi bewa yabara jume cowantsi po coyene xua penajuntu coyene xanepana exanaewa Nacomtha.

¹⁰ Barapocotsi coyene waxainchi ajuntu yapusuya daunweya exanatsi. Ichamona naca atene exaneiba xua poxona abe naca yabara paebeiba, tsipei waxainchi jume cowantsiya wana ewatatsi Nacom, pon ataya pepoponaein. Barapon Nacom ichichipa xua daxita jiwi pecapanenebiwa tsainchi abe pia peexanae cuiru coyenein weya tatsi. Bapon jiwi Pecapanenebiyaein abe pia peexanae cuiru coyene weya tatsi xua pomona pia pejume cowantsi jiwixaetsi.

¹¹ Barapo coyenein bewa ichamona cui itorobiname, xua necuidubiwam pocotsiwa barapomona peexanaewa tsane.

¹² Jopa jume naitaewatsinde xua ichamonaē cayabara paeba xua poxonaē jopa cabarū cui itura jinaeyo xua poxorū nepewowixaem. Jame bewa beta exanaponaem xua necacui taeponaenexa pomonaē pejume cowantsiwi Jesucristo. Xua barapomonaē tsita exaname, xua irū barapocotsi coyeneya peexanaenexarū. Beta cueicueijande, matautano beta poponde, yawa matautano antobe tsurucuaēbiyama jiwi xua ichamonaē necacui taenexa. Yawa matauta beta poponde xua bichocono jume cowantame Jesucristo xua ichamonaē necacui taenexa. Yawa beta poponde xua nejuntū coyene bichocono xanepana Nacomtha xua ichamonaē necacui taenexa.

¹³ Poxonaē cataunxuae jopa patopaein tsane, jiwi peitabaratha yorobeibare Nacom pia pexeinya jume diwesi tatsi. Barapo diwesi yabara cueicueijande, matautano cuidubareno pomonaē pejume cowantsiwi Jesucristo.

¹⁴ Caena bayatha pitiri jiwi, po pitiri jiwi pejume cowantsiwi jiwanaē, canta jayabiya caitoroba xua necueicueiēiwa tsane Nacom pia pexeinya jume diwesi tatsi. Barapo pitiri jiwi canta jayaba Nacom peitorobixae. Barompaya jinya neexanaē coyenewatha jopa yabara toxeinchiya exanaēinde po cui coyenewa Nacom bayatha cacata poxonaē barapo pitiri jiwi canta jayaba, po cui coyenyatha neexanaēwa tsane pocotsiwa Nacom ichichipa.

¹⁵ Daxita barapo coyenein naitematsiya eexanaponde xua ichamonaē necacui taenexa xua bara xanepanaya jume cocowantaponame.

¹⁶ Dotam xua nejuntū coyenewa cananta xeiname. Matautano dotam xua pocotsiwa necuidubiwam. Awiya beta ajuntayarusūya jume cowanta ducuaēbiyama. Icha baxua exanaēname jinya coutha nacapanepa exanaēname xua Nacom cacapanepaēna petūpaē cuirū coyene weya. Iru barichim tsane capanenebiya exanaēname xua Nacom capanenebiyaēna pomonaē necajume naitaewatsiwi.

5

Meje yabara xua pocotsiwa Timoteo bewa cuidubina pomonaē Jesucristo pejume cowantsiwichi

¹ Jopa jume itawetsinde pon pitirin. Jame saya bewayo muxuwere icha be ichim xua poxonaē axa bewayo muxuwetame. Barichinde pewowi saya bewayo muxuwere icha be ichim xua poxonaē eweicho jiwi saya bewayo muxuwetame.

² Pitiriwaxi saya bewayo cuidubare icha be ichim xua poxonaē ena saya bewayo cuidubame. Matautano saya bewayo cuidubare penawaxi icha be ichim xua poxonaē amcho jiwi saya bewayo cuidubame xua tsita aoram. Juntū coyene xanepanaya yabara nanta xeinare barapowaxi, xua jopa abe neexanaēwam.

³ Nacom piamonaē, pomonaē pejume cowantsiwi, barapomonaē bewa yawenaēna powaxi pecuenta werapaewaxichi piseuriwi, saya jame poxonaē barapowaxi jopa xeinaeyo piamonaē tatsi, pomonaē peyawenaēwichi.

⁴ Icha ichawayo powayo pecuenta tūpaewayotsi piseuri, icha bapowa pipexui xeina yawa ichacuitha icha xeina pia pemomo jiwi, barapomonaē bewa yawenaēna barapowatha. Barapomonaē copiya bewa nacuidubina xua Nacom cui itoroba xua bewa ba tsita barū cui itura jinaēna bapowatha. Barapo coyene tsita exaneibina xua poxonaē yaweneibina bapowatha. Barapomonaē bewa yawenaēna bapowatha xua bapowa piamonaē tatsi. Bapoxonaē bapowa jopa nantawenonaē tsane xua ichamonaē bapowa peyawenaēwatsi. Barapomonaē bewa antobeya apatsina xua bapowa antobeya apatsinchi be pentoma xua caena bayatha copiya pia peantobeya apatsixaetsi poxonaē pexui. Jame barapo coyene Nacom tsita coyene xanepanatsi, matautano barapo coyene Nacom juntū coyene weiweina exanatsi.

⁵ Powa bara xaniwaicha pecuenta tūpaewayotsi piseuri, powa xaniwaicha compa, powa jopa xeinaeyo piamonaē matabuxū pomonaē peyawenaēwichi, bapowa jume cowantsiya wūnaē ewata xua Nacom yawenaēna xua bapowa yawenaēinchi. Pebaxuanexa tsane bapowa wūqueiba Nacomtha merawintha, yawa matakabintha.

⁶ Ichitha nama powa pecuenta tūpaewayotsi piseuri, powa saya pia coutha nayabara nanta xeina nawita xua penasiwaimēinchiwa pebiwitha, bapowa saya jopa nanta xeinaeyo xua jume cowantsiya wūnaē ewatsina Nacomtha, xua peyawenaēwa tsainchi. Daxota bapowa pia juntū coyene tatsi be tūpa, xua Nacom be tsita tūpatsi bara bequein bapowa popona.

⁷ Daxota xua ichamonaē jopa abeya peyabara paēbinexa pomonaētha pomonaē pejume cowantsiwi, cuidubare barapo peyawenaē coyenewa barapomonaētha pomonaē pejume cowantsiwi.

⁸ Meje xua pocotsiwe baxue: Icha pon jopa yabara nanta xeinaeyo xua piamonae peyawenaewa tsane, bapon apara bara exana be poxonae jopa jume cowantsiyo. Bapon apara bichocono ajuntacoyeneyapubeya exana, beyacaincha pon jopa jume cowantsiyo, pon daichitha piamonae yawena.

⁹⁻¹⁰ Barapo paperatha, po paperatha ichaxota saya wun dubatsi powaxi pecuenta werapaewaxichi piseuriwi, barapo paperatha wun tinadubare. Saya wun tinadubare powaxi xua beyacaincha sesenta po weibe xeina, powaxi xua caena bayatha cae pebintha cuicuina, matautano wun tinare powaxi xua ichamonae yabara paeba xua pinae bapowaxi xanepanaya exana. Pocotsi coyenein xua poxonae barapowaxi xua xanepanaya exana baxue meje: Bapowaxi beta wichita pia pexui; yawa bapowaxi beta matenta weiweinaya apateiba pomonae petapateibiwichi pia bontha; yawa bapowaxi taxu quateiba pomonae pejume cowantsiwi Cristo pomonae petapateibiwichi pia bontha; yawa bapowaxi yaweneiba pomonae peacopeibi jiwi; yawa bapowaxi daxita carepaya coyeneintha exaneiba po coyenein bichocono jiwi tsita xanepanatsi.

¹¹ Ichitha jopa wun tinaeinde powaxi cataunxuae taacolbichi xua xeina sesenta po weibe. Tsipei ichacuitha bapowaxi juntemainetsipa pocotsiwa bayatha Cristo yabara tsiwunae muxu duta xua jopa equeicha penotsiwa icha pebiwi. Bexa barapowaxi equeicha icha pebiwi benotsipa.

¹² Barapowaxi Nacom yabara paeba xua pinae barapowaxi barapara natsicuenta xua abe peexanaexae, poxoru jopa exanaeyo pocotsiwa bayatha yabara tsiwunae muxu duba Cristotha pocotsiwa xua exanapaebeiba.

¹³ Matautano barapowaxi fifina, jopa ichichipaeyo xua penacuichiwa daxota saya daxita bontha siwa poneiba, matauta saya cueicueijeji tsurubenanaebiya xua ichamonae peyabara paebiwatsi pocotsiwa xua jopa xapain pexeinya diwesiyo. Matautano barapowaxi fayacota dubenanaebiya ichamonaetha.

¹⁴ Daxota powaxi piseuriwi pecuenta werapaewaxichi, powaxi xua penawaxi, xan saya nanta xeinan xua barapowaxi barabu moya jitha enaena equeicha. Barabu moya equeicha xexeinaponaena pexui, yawa moya barabu xua pia boxi bara beta ewatsina. Matautano barapowaxi jopa bewa abe exanae xua daxota ichamonae pomonae jiwi peitafaetabi jiwi abe yabara paebina xua abe yabara paebinchi pomonae pejume cowantsiwi.

¹⁵ Barapowaxi jiwana powaxi penawaxi powaxi pecuenta werapaewaxichi piseuriwi, barapowaxi bayatha bara apara exana dubenanaebiya pocotsiwa xua caurimonae pia pentacaponaein tatsi cui itoroba, pon Satanás.

¹⁶ Icha petsiriwa, powa pejume cowantsiwayo Jesucristo, icha bapowa tapopoinchi pia botha pijimonae jiwawayo tatsi powayo pecuenta tupaewayotsi piseuri, barapo pejume cowantsiwayo bewa yawenaena bapowatha. Barapo pejume cowantsiwayo jopa bewa copatsi tsane xua pomonae pejume cowantsiwi apatsina pexaewa bapowatha, powa pecuenta tupaewayotsi piseuri. Bapoxonae pejume cowantsiwi itacupatsi xua yawenaena powaxi xua xaniwaicha pecuenta werapaewaxichi piseuriwi xua powaxi jopa pexeinaexae piamonae matabuxu jiwi tatsi pomonae peyawenae jiwichi.

¹⁷ Pomonae pejume cowantsiwi bewa bichocono xanepanaya baru cui itura jinaena xua pitiri jiwi baru cui itura jinaeinchi, po pitiri jiwi betiya xanepanaya canamataxeinatsi pomonae pejume cowantsiwi. Po pitiri jiwi cueicueijeji Nacom Pejume Diwesi, matautano xua cuiduba barapo diwesi, barapo pitiri jiwi bewa bichocono xanepanaya baru cui itura jinaetsi yawa bewa pentoma catsibichi beyacaincha icha pitiri jiwi.

¹⁸ Nacom Pejume Diwesitha jeje: "Duwein pon pewun buey, pon pexu xu tanacaponaxua poxonae nacuitapona jopa wano atsinde pocotsiwa bapon taayapubetsi poxonae nabusi matoma xaexaepona pentacona", jei. Equeicha Nacom jeje: "Ponba tanacuita ichun bapon nantawenona xua xeina pia petanacuichiwa matoma", jei Nacom.

¹⁹ Jopa cui yopichinde pitirin xua abe exana pon pomonae pejume cowantsiwi canamataxeinatsi icha jopa xeinaem dos poyobe xua iruru cui taneru xua ichacuitha tres poyobe xua iruru cui taneru pocotsiwa barapo pitirin xua baxua bara exana.

²⁰ Ichitha pitirin pon cataunxuae abe exanapona, bewa cui yopichiya itawetsim bapon xua daxita pomonae pejume cowantsiwi peitabaratha tatsi, xua bapoxonae iru ichamonae pejunuwinexa xua abe peexanaewa, icha be poxonae xua bapon ichi.

²¹ Caitorobatsi Nacom peitabaratha tatsi yawa Jesucristo peitabaratha tatsi. Matautano caitorobatsi matatsunpiwi peitabaratha tatsi, po matatsunpiwi Nacom itapeta. Exanaponde barapo tacaitorobi coyenewantsi ichitha jopa xeinaeinde po juntu coyenewatha xua nanta xeiname xua caein pebin bichocono peainya cuin beyacaincha ichun. Icha barapocotsi juntu coyenewatha cayabara nanta xeinaeya exanaetsipame jopa xainyeya exanaetsipaem.

²² Abū bepījawa jopa mata jayabinde pitirin, xua pecanamataxeinaenexatsi pomonae pejume cowantsiwi, tsipei icha bapon abe exanaetsipa apara baxua be irū xam yawenama xua bapon abe peexanaewa. Dotam jinya coutha beta xanepanaya najūntū coyene eenare xua abe neexanaeyainwa.

²³ Bichocono necotsoroxaewa, yawa bichocono neparaxaewa, jopa saya ū meisa apaeinde mera. Jame moya tsiwiyo yawa muxuna apare vino merayo.

²⁴ Ichamonae cui taneme abe pia peexanae cuiru coyenewan tatsi, pewūnaeya xua po mataqueitha poxonae Nacom yabara paebina xua jiwi penatsicuentisiwa xua abe peexanaexae. Ichitha nama anoxuae jopa ichamonae cui taem abe pia peexanae cuiru coyenewan tatsi, apara jame bexa yaputaenama po mataqueitha poxonae Nacom yabara paebina jiwi xua penatsicuentisiwa xua abe peexanaexae.

²⁵ Barichi pocotsiwa jiwi xanepanaya exana ichamonae nexa, baxua ba jiwi anoxuae cui tane. Bequein ichacuitha barapocotsi xanepanaya peexanae coyenewan jiwi jopa cui taeyo anoxuae, ichitha bexa tsane jiwi taena barapo coyenewan, tsipei poxoru barapo coyenein jopa bapana ataya tsitecaeya moya peyawūn xeinaewa.

6

¹ Pomonae ba pebusi cui tatayebeibiwichi, pomonae pejume cowantsiwi Jesucristo, xua pomonae amanaya tanacuitha pia pecanamataxeinaewichi, po pecanamataxeinaewichi jopa jume cowantsiyo Jesucristo, barapomonae ba bewa barū cui itura jinae pia pecanamataxeinaewichi. Bewa baxua exanaena xua barapomonae pomonae pecanamataxeinaewi jopa abe peyabara paebinxā Nacom pia cui coyenewa tatsi, matautano xain jopa abe peyabara paebinxā pata pecuidubiwa xua pocotsiwa pacuiduban Jesús yabara.

² Ichamonae pomonae pebusi cui tatayebeibiwichi, pomonae pejume cowantsiwi Jesús, barapomonae xeina pia pecanamataxeinaewichi, pomonae irū jume cowanta Jesucristo. Barapo pebusi cui tatayebeibiwichi jopa bewa exanae po coyene xua poxonae jopa xeinaeyo pebarū cui itura jinae coyenewa pia pecanamataxeinaewitha, xua be cae peweicho penatsicotae jiwixae xua pejume cowantsixae Cristo. Jame barapo pebusi cui tatayebeibiwichi bewa barū cui itura jinae pia pecanamataxeinaewichi. Matautano bewa beta tanacuichi barapocotsimonae, beyacaincha ichamonae pomonae jopa jume cowantsiyo Jesucristo pomonae pebusi cui tatayebeibiwichirū pia pecanamataxeinaewichi. Barapo pebusi cui tatayebeibiwichi bewa beta tanacuichina pia pecanamataxeinaewichi, peyawenaenexa barapomonae pomonae irū jume cowantarū Jesucristo. Matautano bewa beta tanacuichina tsipei Nacom antobe barapomonae, xua antobetsi barapomonae pomonae pia pecanamataxeinaewichixaetsi.

Meje yabara xua waxeinaewa pepa pexainyei coyenewa xua apara wajume cowantsiwa

Barapo cui coyene cuidubare jiwitha xua jiwi beta peexanaewa tsane:

³ Ichacuitha ichūn cuiduba pocotsi coyenewa xua penaerabiwa. Matautano jopa yabara barū jume jejeyo po pexeinya pecuidubi coyenewa Jesucristo pia pecuidubi coyenewa tatsi, pon Wanacanamataxeinaein. Matautano bapon pon ichūn jopa yabara barū jume jejeyo po pecuidubi coyenewa xua Nacom jūntū coyene xanepana exana jiwitha.

⁴ Pon ba bara pocotsi coyeneya exana bara apara pon jiwi peaebin xua peyaputaenxae. Bapon apara ichitha jopa peyaputaen. Bapon naemata yainyaba nawita ichamonaetha pia xua jiwi penajume matsontsonobinxā bapontha. Daxota barapomonae nantiya nauwa. Matautano barapo jiwi nantiya naba. Matautano barapo jiwi nantiya abeya nayabara paeba. Matautano nantiya abeya nayabara nanta xeina.

⁵ Po pebiwi jopa xanepanaya nanta xeinaeyo, barapo pebiwi najume matsontsonoba nawita. Barapomonae jopa yaputaeyo pocotsiwa pexainyei coyenewa. Bapomonae najei pia coutha: "Icha jan tsane: 'Jume cowantan Jesucristo', jan tsane bapoxonae xain copei nawita xeinaein", najei barapomonae pia coutha.

⁶ Bara xaniyei, poxonae Jesucristo jume cowantatsi baxua bara bichocono naca yawena. Ichitha saya naca yawena icha waxainchi muxuna xeinatsi wajūntū coyeneintha xua beta jūntema wajinompawea bequein xua naacopeibi taethatsi.

⁷ Tsipei poxonae naexanatsi jopa cayawa naexanaetsi barapo copei po cae pin nacuathe. Matautano tsipei poxonae werapaeinchi jopa barapo copei cawerapae tsainchi.

⁸ Ichitha icha xeinatsi pexaewa, yawa paparuwan bara bapoxonae bewa jūntema jinompaeinchi.

⁹ Seicaya nama pomonae bichocono ichichipa xua copei pexeinaewa, barapomonae exana pocotsiwa caurimonae pia pentacaponaein tatsi jūntū coyene jujuta. Daxota barapomonae exana pocotsiwa xua ichichipa, xua jopa wūnaeyo, xua jopa pocotsi coyenewatha

abeya pia coutha nacana exana. Baxuan exana pocotsi coyenewatha xua barapomonae peweraweracaewa tsane.

¹⁰ Poxonae jiwi bichocono ichichipa paratixi, bapoxonae tamropata notaruca pa xua bichocono abe peexanaponaewa. Barapo peichichipae coyenewa paratixi, jiwi cana exanatsi xua pepentsiwa po coyene xua Jesucristo pejume cowuntsiwatsi. Daxota barapomonae be pia coutha najuntu coyene jopojopei exana xua saya peyabara nanta xeinaexae paratixi, xua peichichipaexae paratixi.

Meje yabara xua bewa Timoteo beta ajuntu yapusuya jume cowunta ducuaenaebiyana

¹¹ Tsipei xam Timoteom Nacom piamonae tatsi jiwanam, baxuan cuitaya naetsiriware, pocotsiwa po coyenewatha weraweraca nacaexanaewa. Beta poponde Nacom nexa xua nejuntu coyene xanepanaewa tsane Nacomtha. Eexanaponde pocotsiwa Nacom ichichipa. Jume cowunta ducuaenaebiyama Nacom, yawano antobe tsurucuaenaebiyama Nacom, yawa jiwithano. Matautano saya juntea poponaeya exana ducuaenaebiyama pocotsiwa Nacom caitoroba poxonae ichamonae bequein cata abe exana.

¹² Xanepanaya antuyapusuya jume cowuntsiya exana ducuaenaebiyama pocotsiwa Nacom ichipa. Peantuyapusuwa po peantuyapusuwa ataya tsiteca, barapo peantuyapusuwa jopa copatsinde xua necajuntu coyene weaichurucuaewa. Barapo peantuyapusuwa Nacom cacata. Xam baxua xanepanaya yabara paebame pin bicheitho.

¹³ Catsipaebatsi Nacom peitabaratha, pon pia peantuyapusuwa cata daxitan coyeneintha. Matautano catsipaebatsi Jesucristo peitabaratha, pon beta jume nota, xua pon Poncio Pilato beta jume notatsi.

¹⁴ Caitorobatsi xua neexanaewa tsane pocotsiwa catsipaebatsi. Beta xeinare Nacom pia peitorobi coyenewa xua jopa icha coyene yabara cuiya exanaem tsane. Exande barapo peitorobiwa xua jopa Nacom abeya necayabara paebiwa tsane xua abe neexanaewam. Baxua eexanaponde, beya poxonae Jesucristo equeicha patopeicaena pon Wanacanamataxeinaein.

¹⁵ Poxonae po mataqueitha Nacom ichichipaena bapoxonae barapo mataqueitha Jesucristo naitatsina jiwitha. Jiwi yaputaena xua bapon Nacom meisa compa xeina daxita peayapusu itorobi coyewan. Bapon meisa compa peyawa jinaein nejuntu coyene weiweinae coyenewa. Bapon pon jiwi itorobiya pia pepa Peewatsinchi tatsi pia peayapusu itorobi coyenewa xeina beyacaincha xua ichamonae xeina pomonae jiwi itorobiya pia pepa peewatsiwichi xua iru xeina pia peayapusu itorobi coyenewa. Matautano bapon pon jiwi pia pepa Pecanamataxeinaeinchi pia peayapusu itorobi coyenewa xeina beyacaincha xua ichamonae xeina pomonae jiwi pecanamataxeinaewichi.

¹⁶ Barapon Nacom meisa compa peyacuia jinaein peantuyapusuwa po peantuyapusuwa xua ataya jopa peweraweracaewa. Barapo Nacom pecoicha yawa popona po pecoicha bichocono daunweya pentha. Baxota jiwi jopa itacupaetsi xua imoxoyo peponaewa xua bichocono pecoicha pexeinaexae. Dapon aibi, pon bayatha tainchi Nacom. Matautano dapon aibi pon itacupaetsi xua Nacom petaewatsi tsainchi. Barabu jiwi Nacom baru cui itura jinaeinchi, xua ataya tsane. Matautano barabu Nacom itorobina jiwitha pia peayapusu itorobiwatha xua bara ataya tsane. Je bara ichi tsane.

¹⁷ Pomonae xua bichocono copei pexeinae jiwi itorobare xua jopa ichamonae aebi tsainchi. Matautano itorobare xua jiwi jopa pecayabara nanta xeinaewa tsane paratixi xua barapo paratixitha peyawenaenexa tsainchi xua daxota barapomonae jopa Nacom canantawenonae tsainchi. Tsipei paratixi saya bichoina nacaewita daxota barapomonae bewa jume cowuntsina Nacom, pon jopa juniya naca cataponaeyo daxita pocotsiwa xua po coyenein nantawenonatsi xua wanaca juntu coyene weiweina exanaenexa.

¹⁸ Cui itorobare barapomonae pomonae copei pexeinaewi xua xanepanaya peexanaewa tsane. Matautano barapomonae itorobare xua nawita pexeinaewa tsane pocotsiwan xua xanepanaya peexanae coyewan, icha be jata coyeneya ichi poxonae copei nawita xeina. Barapomonae bewa piawa jiwana wecaenaetsina xua ichamonae pecatsibiwa tsainchi pomonaetha pomonae xua jopa xeinaeyo xua pocotsiwan nantawenona. Matautano barapomonae bewa yawenaena piamonae.

¹⁹ Icha barapomonae barapo coyenein exana, bapoxonae barapomonae pia coutha nayawena xua nacui wnaeta pocotsi coyenewa xua bexa tsane, xua daxota bapoxonae pexeinaewa tsane peajuntu yapusuya, po peantuyapusuwa xua ataya tsiteca.

Meje yabara xua Pablo najume wetsiya paeba

²⁰ Xam Timoteom, xaniwaicha xeinaeya capoponde po pecuidubiwa Nacom cacata. Jopa jume naitaewatsinde po jumein xua bapana jiwi jopa yawenaetsi. Matautano jopa jume matsontsonoba exanaeinde ichamonaetha pomonae yabara cueicueijeji pocotsiwa xua peyaputae coyenewa, po peyaputae coyenewa jopa xaniwaicha peyaputae coyenewiyo.

²¹ Pomonaē jume cowanta pocotsiwa poxonaē yabara cueicueijeī peyaputaē coyenewa, barapomonaē jiwana naci barapenta po coyene xua Jesucristo pejume cowantsiwatsi. Barabⁿ Nacom pon jiwi Pecanamataxeinaein, bichocono cayawenaena pia necaantobexae.

Baja Pablo.

Meje Po Carte Cotacaya Pablo Tatina, Timoteo Tatinatsi

Meje yabara poxona Pablo tamropata pitaba xua tatina, Timoteo tatinatsi

¹ Jaco Timoteo, xan Pablon, Cristo Jesús pia peitorobi jiwí jiwana tatsin. Nacom neitoroba poxoru bapon baxua peichichipaewa. Xan Cristo Jesús pia peitorobi jiwí jiwana tatsin, tsipei Nacom bayatha peexanaexae pocotsiwa bayatha tsiyabara wanae muxu duta jiwitha. Po peyabara tsiwinae muxu dutsiwa, xua Nacom catsina jiwitha peajuntuyapusuwa, po peajuntuyapusuwa ataya tsiteca. Barapo peajuntuyapusuwa jiwí catsibeibinchi poxona jume cowanteibina Cristo Jesús.

² Xam, Timoteom, barapo carte cata tinatsi, xam be taxantom catsicotainchi. Xam bichocono caantobetsi. Ichichipan xua Nacom pon Waxa, iru Jesucristo, pon Wanacanamataxeinaein, baraponbe barabu amanayiya cayawenaenabe pia necaantobexaebe. Matautano baponbe nantanuweya cayabara nanta xeinaenabe pia necayawenaenexa tsanebe. Matautano ichichipan xua baponbe juntea popona caexanaena.

Meje yabara xua Pablo yabara paeba xua Timoteo bewa jume cowanta ducuaenaebiyaena

³ Poxona Nacom tsipaebelan jan tsaibinje: “Nacom, maisa juntu coyene weiweinan xua Timoteo neyawenaewam”, jan tsaibin. Barapon Nacom tanacuitan, tsipei tajuntu coyene netsipaeba xua pinae bara beta exanan. Barichi tamo susato jiwí tanacuita barapon Nacom.

⁴ Xam cayabara nanta xeineibatsi xua poxona matha cain bichocono nesiwa wecoyam poxonae cacuenta warapatsi. Maisa be cataeinchi merawintha, yawa matacabintha xua bichocono tajuntu coyene weiweinaewa tsane.

⁵ Xan nanta xeineiban xua xam bara xaniwaicha beta jume cowantsiya poponame Nacom. Po pejume cowantsiwa xam Nacom tsita xeiname, barapo pejume cowantsiwa copiya matha acue Loida, iru ena Eunice Nacomtha tsita xeinabe, beya poxona xam iru jume cowantame. Bara beta yaputan xua xam iru barapo pejume cowantsi coyenewa Nacom tsita xeiname anoxuae.

⁶ Daxota catsipaebatsi, beta najuntu coyene tsacabare, xua yabara nanta xeiname po cui coyenewa Nacom cacata xua po cui coyeneyatha xua xanepanaya neexanae ducuaenaebiyaenexa pocotsiwa Nacom caitoroba. Barapo cui coyene bayatha Nacom cacata poxona canta jayabatsi.

⁷ Tsipei Nacom poxona naca cata pia Pejumope tñaxu tatsi, barapo pejumope tñaxu tatsi jopa jiwí junuwa cana exanaetsi. Jame Nacom naca cata barapo pejumope tñaxu tatsi, xua waxeinaewa tsane peayapusu itorobi coyenewa. Matautano Nacom naca cata barapo pejumope xua waxeinaewa tsane po cui coyene peantobe coyenewa xua watsita xeinaewa tsane Nacom matautano xuano jiwithano. Matautano Nacom naca cata barapo jumope xua waxeinaewa tsane po cui coyene beta penayabara nanta xeinae coyenewa xua beta peexanaewa tsane.

⁸ Jopa aurande poxona yabara cueicueijam Jesucristo, pon Wanacanamataxeinaein, xua poxona bequein ichamona cacui capona. Matautano jopa neyabara aurande xua jiwí pecubi botha taecaewa. Baxua necana exana tayabara cueicueijaxae Jesucristo, xua jiwí catsawiya taneyabara nanta xeinaexae xua pinae abe exanan. Cui baru jejande xua ichamona bara canthuthu jopojopeya atene exana, icha xan ichin xua yabara cui copatan xua bara ichamona atene tana neexanaewa tsane. Baxua cacana exana neyabara cueicueijaxae Nacom pia pexeinya diwesi jume. Nacom cacata peayapusuwa baxua nexa, xua jopa nejunuwiwa tsane poxona caatene exana.

⁹ Nacom naca capanepa abe waexanae cuiru coyenein weya. Matautano Nacom naca waba xua Nacom watsita najuntu coyene xanepana exanaewa tsainchi. Apra jopa naca wabiyo poxoru xanepanaya waexanaeetsi. Apra jame naca waba, tsipei caena bayatha yabara nanta xeina baxua, beya poxona forota barapo cae pin nacue xua amanayiya pia wanaca yawenaetsi pia wanaca antobexae. Nacom naca yawena caemona peburuwa wanabaru jinompaexae Cristo Jesustha.

¹⁰ Nacom naca tsita ituta pia peantobewa poxona itorobicatsi Jesucristo, pon Wanacacapanenebiyaein. Bapon weraweraca cana exana po peayapusuwa xua xota jiwí tupa exanatsi. Matautano naca tsita ituta po coyenewatha xeinatsi peantuyapusuwa, po peantuyapusuwa ataya tsiteca wajume cowantsixae Nacom pia pexeinya jume diwesi tatsi, po diwesi xua Jesucristo yabara.

¹¹ Nacom newaba xua tacueicueijeinexa barapo pia pexeinya diwesi jume tatsi. Matautano neitorobano xua tana necana exanaenexa Jesucristo pia peitorobi jiwi jiwana tatsin xua tacuidubinexa pomonae jopa judiomonae naexanaeyo.

¹² Taexanaexae baxua, daxota atene neexana ichamonae. Daichitha jopa aurinyo xua tayabara cueicueijeija Cristo, poxonae bequein ichamonae atene neexana, tsipei yaputan pontha pon tajume cowuntsixae xua peitacupaewatsi xua tana neyawenaewa. Bara beta yaputan xua bapon xeina peayapusawa xua tana neyawenaewa. Bapon neyawena xua tacueicueijeji tsurucuaenaebiyaenexa tsane pocotsiwa bayatha bapon neitoroba, beya poxonae barapo matakabi tsane, po matakabitha poxonae patopeicaena Jesucristo.

¹³ Necui coyene juraeaya exana ducuaenaebiyama, po pecuidubiwa bichocono xanepana xua bayatha catsipaebatsi. Jume cowuntsiya poponare, matautano antobeya poponde Nacom, iru jiwithano, caemonaeya peburaya wanabaru jinompaexae Cristo Jesththa.

¹⁴ Cateiteichiya yawa muxuna poponde pexainyei coyenewa, po pexainyei coyenewa Nacom pia Pejumo pe tuxaxu tatsi cacata, po pejumo pe tuxaxu tatsi naca baru jinompa.

¹⁵ Bayatha yaputaneme pomonae Asia nacuaitha jinompa daxita barapomonae nepunapenta. Pomonae nepunapenta, barapomonae jiwana ichun pewun Figelo, ichun pewun Hermógenes.

¹⁶ Barabu Nacom pon jiwi Pecanamataxeinaein yabara nantanuweya nanta xeinaena pomonae Onesiforo piamonae tatsi, xua Nacom peyawenaewa tsane barapomonae. Bapon Onesiforo nejuntu tsacaba poxonae beta xanepanaya neyaweneiba. Bapon jopa neacauriyo xua jiwi pecubi botha taecaewa.

¹⁷ Poxonae bapon patopa Roma tomaratha bapon matowa newenawenei tsurucuaenaebiya beya poxonae matapainya necaxina.

¹⁸ Barabu Nacom pon jiwi Pecanamataxeinaein, bapontha nantanuweya yabara nanta xeinaena peyawenaenexa tsane, poxonae po mataqueitha Nacom yabara paebina jiwi xua penatsicuentisiwa xua abe peexanaexae. Xam yaputaneme bara, xua bapon neyawena nawita Efeso tomaratha.

2

Meje yabara xua Pablo yabara paeba xua ponba beta tanacuita pia pecanamataxeinaeinchi

¹ Xam Timoteom, be taxantom catsicotainchi. Najuntu coyene cui tsacabare xua nenanta xeinaenexa xua Nacom amanayiya jinya necayawenaewa tsane pia necaantobexae. Nacom baxua cata exana caemonaeya peburaya jinya nenaexanaexae Cristo Jesththa.

² Pocotsiwa xua bayatha nejume taneme xua cueicueijan pin bicheito itabaratha, bapocotsiwa xuya cuidubare pebiwitha, po pebiwi xua xuya jume cowuntsiya xaniwaicha cuidubina ichamonaetha pocotsiwa xua cueicueijan.

³⁻⁴ Yabara baru cui copare xua bara ichamonae atene necaexanaewa tsane, nejume cowuntsixae Jesucristo icha xan ichin xua yabara cui copatan xua bara ichamonae atene tana neexanaewa tsane. Poxonae baxua exaname, xam bara juta coyene ichim icha be soldadomonaepin ichi. Bapon ba atene exanatsi poxonae naba, xua peexanaexae pocotsiwa itorobatsi pia pentacaponaein. Soldadomonaepin ba dapocotsin aibi pon natsixana piawa poxonae cataunxuae awiya naba exana ichamonaetha, tsipei bapon bewa baxua exanaena xua pon pentacaponaein peitorobixae.

⁵ Barapocotsi juta coyeneya ichi, pon ba xua penaxenacaewa. Bapon jopa itacupaetsi xua xeinaena pocotsiwa pematomatsiwatsi xua poxonae bichoina cuinaepona icha jopa beta yabara exanaeyo pocotsi coyene xua peitorobi coyenewa barapo penaxenacaewa.

⁶ Pon ba bichocono nacuita pabitha bapon ba copiya bewa xeinaena xua pocotsiwa copiya penawetsiwa.

⁷ Beta yabara nanta xeinare xuaunxuae catsipaebatsi. Pon jiwi Pecanamataxeinaein cayawenaena xua yaputaename daxita.

⁸ Jesucristo yabara nanta xeinare. Bapon Jesucristo pon naexana xua David pia pemoxi susato jiwi jiwana tatsi, po David Israel nacuapiwi itorobiya pia pepa peewatsinchi. Bapon Jesucristo equeicha Nacom Pexanto asu exana petupae cuiru coyene weya. Nacom pia pexeinya jume diwesi tatsi, po diwesi xua Cristo yabara, barapo diwesi cueicueijan jiwitha.

⁹ Barapo diwesi tacueicueijeixae daxota ichamonae atene neexana, beya poxonae penaintoitha necuba. Xan be pocotsin xua abe bichocono taexanaein nenatsicotane. Ichitha jopa itacupaetsi xua jume yancataba Nacom Pejume Diwesi xua ajumetsurucuae pecana exanaewa tsane xua poxonae jiwi pecubi botha tana neetsixae. Tsipei awiya cataunxuae jiwi jume tane barapo diwesi.

¹⁰ Daxota jopa junuwinyo xua ichamonae atene tana neexanaewa, matautano bara copatan xua bara moya necana exanaena baxua. Daxota baxua bara copatan pomonae Nacom pia peitapetsi jiwi tatsi barapomonae nexa, xua barapomonae iru pecapanenebiyaenexa tsainchi xua Cristo Jesús capanenebiyaena. Poxonae barapomonae barapo diwesi xeinaena, po diwesi pecapanenebiyae coyenewa, bapoxonae muxuna xeinaena pexeinya peajuntayarusuwa, po peajuntayarusuwa ataya tsiteca xua Nacom pia nacuatheicha tatsi.

¹¹ Baraxue bara xainyei xua jei:

Icha copatatsi xua bara ichamonae naca atene exana wajume cowantsixae Cristo beya poxonae naca tupa exana, icha poxonae Cristo cana ichichi, bapoxonae yawa muxuna jinompaeinchi Cristo xua pia nacuatheicha.

¹² Icha waxainchi awiya jume cowanta dubenanaebiyatsi xua poxonae bequein ichamonae naca atene exana, icha Cristo cana ichichi, bapoxonae barapo coyenewa yawa muxuna waxainchi Cristo, baru canamataxeinaeinchi jiwitha, waitorobiya ewatsinexa tsane barapo jiwi.

Icha waxainchi itawetsiya yabara jeichichi Cristo: “Bapon jopa yaputaeinyo”, jeichichi, bapon xuya itawetsiya naca yabara jei tsane: “Bapomonae jopa yaputaeinyo”, naca yabara jei tsane Cristo.

¹³ Icha jopa beta xaniwaicha jume cowantsiya jinompaetsi, daichitha bapon cataunxuae exana ducuaenebiyaena pocotsiwa xua bayatha jiwi yabara paebatsi.

Baxua exana, tsipei Nacom jopa itacupaetsi xua exana pocotsiwa jopa be pia cuiyiyo tatsi.

Meje yabara xua pon beta petanacuichin xua ichan beta petanacuichiwatsi

¹⁴ Xuaunxuae catsipaebatsi baraxua paebare ichamonaetha yawano cui itorobare baraxua barapomonae Nacom peitabaratha tatsi. Jande barapomonaetha: “Jopa yabara pana najume matsontsonoba exanaeinde xua po diwesi ichamonae pepaebixae”, jande. Barapo penajume matsontsonobiwa barapo coyenewatha bapana jopa naca yawenae. Barapo coyenewa saya abe cana exana pomonaetha pomonae jume tane.

¹⁵ Exande daxita pocotsiwan pexanepanae coyenewa xua Nacom nexa, xua Nacom jinya necacui taenexa xua bara beta tanacuitame Nacom. Bapoxonae xam jopa nayabara acauram tsane pocotsiwa xua beta xaniwaicha necaunutsiya paebixaem Nacom Pejume Diwesi, po diwesi pejume xainyei jume.

¹⁶ Jopa yabara najume matsontsonoba exanaeinde po jumein xua pejumexaei, po jumein xua saya yabara cueicuejei pocotsiwa xeina barapo cae pin nacuathe, po jumein xua bapana jiwi jopa yawenaetsi. Tsipei pomonae bapocotsiwan paeba, eexanapona pocotsiwan abe peexanae cuiru coyenewan.

¹⁷ Barapomonae abeya pia pecuidubi coyenewan tatsi tajū nayoyotapona, icha be ichi xua tsuweto xua bupana putsuna xua beya tajū putsuna pona. Barapocotsi coyene xua tajū nayoyotapona, exanabe pon pewun Himeneo iru pon pewun Fileto.

¹⁸ Baraponbe jume naitematabe pocotsiwa pexainyei coyenewa. Baponbe naerabiya jeibe: “Bayatha Nacom nacui weta xua asu exana, xua jiwi equeicha jopa asu peexanaewa tsainchi pomonae bayatha werapa”, jei baponbe xua naeraba paebabe. Baponbe ainya muxu cana exanabe ichamonaetha xua barapomonae jopa xapain pejume cowantsiwa tsane Nacomtha.

¹⁹ Nacom pia pexainyei coyenewa, peayarusuwa, xua icha cui coyeneya jopa naexanaeyo. Barapon Nacom pia pexainyei coyenewa tatsi jeye: “Nacom pon jiwi Pecanamataxeinaein yaputane pomonae piamonaexae tatsi”, jei. Matautano equeicha jeye: “Daxita pomonae xua nawun duba xua jei: ‘Paxan Cristobaru pan, pon jiwi Pecanamataxeinaein’, jei, bewa barapomonae naitematsina abe peexanae cuiru coyenewan”, jei Nacom pia pexainyei coyenewatha.

²⁰ Botha ba ichaxota pin bo, barapo bo xeina penain coroton pocotsiwa pewun oro nain, yawano icha penainwan pocotsiwa pewun plata nain. Matautano ba muxuna

xeina napae coroton. Matautano ba xeina tсорobo coroton pocotsiwan be juruwaton. Po coroton xua pexeinya coroton, barapo coroton pecanamatawenonaenexa penabara itata weiweinae matababintha. Po coroton xua saya pexeinya coroton aibi, barapo coroton pecanamatawenonaenexa daxita matababintha.

²¹ Bara jutiya ichi, icha pebin ichichipa exana xua pocotsiwa pexanepanae coyenewa pon jiwi Pecanamataxeinaein nexa, bapon bewa naitematsina abe peexanae cui ru coyenewa xua Nacom pejuṅtu coyene xanepana exanaenexa bapontha. Bapoxonae bapon itacṙpatsi xua peexanaewa daxita carepaya coyenein pocotsi coyenein Nacom tsita xanepanatsi.

²² Xam naitemare pocotsi coyenewan pewowi exana xua poxonae abe exana. Exana ducuaanaebiyama pocotsiwa pexeinya juṅtu coyenewa. Matautano beta jume cowanta ducuaanaebiyama. Matautano antobe tsurucuaanaebiyama Nacom, matautano jiwithano. Matautano juṅtema popona ducuaanaebiyama. Xam itapeta napuna ponde pomonae pejuṅtu coyene xanepanaewi poxonae Nacomtha tsipaeba pon jiwi Pecanamataxeinaein.

²³ Naitemare po peyabara najume matsontsonobiwa jopa xapain wṅnaeyo xua jopa xapain peyaputae coyenewiyo, tsipei xam yaputaneme xua jiwi barapocotsi jumetha ba yabara naba.

²⁴ Pon nama Nacom pon jiwi Pecanamataxeinaein, amanaya tanacuitatsi jopa bewa bapon jume matsontsonobi tsane. Jame bewa bapon xanepanaya wṅnaeya exanaena xua daxita carepaya coyene cuintha daxita jiwitha. Matautano bewa bapon beta cuidubina ichamonae. Matautano bapon bewa saya juṅtema poponaena poxonae bequein abe taexanatsi ichamonae.

²⁵ Matautano bapon bewa saya bewayo juṅtu coyene wṅnaeya muxuwetsina pomonaetha pomonae peacuiitafaetabiwichi xua bapon xainyeya pia pecuidubiwa ichamonaetha. Matautano bapon bewa abṁ ewatsina xua icha metha Nacom copatsina xua barapomonae icha juṅtu coyene pexeinaenexa xua peauraxae xua abe exana. Matautano barapon bewa abṁ ewatsina xua barapomonae peyaputaewa tsane pocotsiwa xua Nacom pia pexainyei coyenewa tatsi.

²⁶ Poxonae baxua yaputaena, bapoxonae barapomonae, pomonae copiya pemuxufebiwi itacṙpaeinchi xua beta nanta xeinaena pejuṅtu coyenewatha. Barapomonae yaputaena xua deta cou eexanapona pocotsiwa caurimonae pia pentacaponaein tatsi juṅjuta, xua pocotsiwa abe peexanaewa, pocotsiwa bapon peitorobixae. Bapoxonae barapomonae itacṙpaeinchi xua panenebiyaena bapon weya, matautano xua tamropata notaracṙpaena xua exana pocotsiwa Nacom ichichipa.

3

Meje yabara xua po coyeneya jiwi exanaena poxonae po matababintha opi ducuaena

¹ Ichichipan xua neyaputaewa tsane xua poxonae po matababintha opi dubenaena barapo matababin jiwi taayapube tsainchi.

² Jiwi barapo matababintha bichocono pia coutha naantobe tsane. Barapo jiwi bichocono ṁ pitaparatiwichi tsane. Yawano matautano aebina ichamonaetha. Matautano bichocono atsaca tsaneno. Matautano biataenano ichamonaetha, matautano Nacom biataeinchi. Matautano barapomonae jopa jume jejei tsaibi tsane paxeiwi. Matautano barapomonae jopa wecobe jacobiya noteibiyo tsane poxonae ichamonae catsibeiba. Matautano abe yabara nanta xeineibina pocotsiwa Nacom piawa tatsi.

³ Matautano piamonae jopa tsita xeinae tsane peantobe coyenewa. Matautano ita aenaena tsurubenaebiyae tsane ichamonaetha. Matautano yopita dubenanaebiyaena xua ichamonae pocotsiwa abe peexanaewa. Matautano jopa itacṙpae tsainchi xua najuṅtu coyene itorobina xua xanepanaya peexanaewa tsane. Matauta barapomonae bichocono anaepanaena xua ichamonae beinchi. Matautano barapomonae bichocono aichaxaibi tsane pocotsiwan xanepana.

⁴ Barapomonae pomonae jiwi pecaenaetsi jiwi tsane. Jopa matha copiya yabara nanta xeineibi tsane pocotsiwan xua exana. Barapomonae pia coya nacayabara nanta xeinaena xua peainya cui jiwi tsane. Saya barapomonae itapetsiya naitomatsina xua pocotsiwa cui xeica penaexanaewa. Barapomonae naitematsina pocotsiwa Nacom pia pexainyei coyene tatsi.

⁵ Bequein barapomonae xanepanaya exana dubenanaebiyaena icha be ichi xua poxonae pomonae xaniwaicha pejume cowantsiwi, daichitha barapomonae jopa xaniwaicha jume cowantsiyo xua icha juṅtu coyene pexeinaewa tsane.

Jopa bewa bara pocotsimonae imoxoyo napuna ponaem xua barapomonae necuiyainwam.

⁶ Barapomonaе jiwana pomonaе боты́хнtha pateibina muxujainyabeibinchi yabы́xi, po yabы́xi jinompa barapo боты́хнtha, po yabы́xi xua anacaura xua penacui yapuraexae xua abe exana bayatha. Barapowaxi awiya same jopa xanepanaya exanaeyo, poxoru saya exana pocotsiwa pia coutha ichichipa exana.

⁷ Barapo yabы́xi jume naitaewata nawita, daxita carepaya po coyenein xua jiwi paeba, bara bequein jopa xanepanaya paeбийo. Daxota barapo yabы́xi jopa itacupaetsi xua peyaputaewa pocotsiwa xua Nacom pia pexainyei coyenewa tatsi.

⁸ Caena bayatha pon pewн Janes, и́н ichн pewн Jambres, baponbe mara pex-einaeinbe, baponbe cui matawentabe Moiseshta, xua Moisés pia peexanae coyenewatha. Icha baponbe ichi, barichi barapomonaе yabara jume matawenta Nacom pia pexainyei coyenewa tatsi. Barapomonaе saya yabara nanta xeina nawita pocotsiwa peabe coye-newa. Barapomonaе taseicatsi pejume cowantsiwa, po pejume cowantsiwa pexainyei jume.

⁹ Barapomonaе jopa beta dubenanaebiyae tsane, tsipei daxita nacuanpiwi cui yaputaena xua barapomonaе apara pomonaе jopa xanepanaya peexanaewi, icha be ichi poxonaе caena bayatha jiwi cui tane xua Janes и́н Jambres jopa beta exanaeyobe.

Meje yabara po diwesi xua Pablo najume wetsiya paeba poxonaе Timoteo itorobatsi

¹⁰ Ichitha xam bara beta exanaponame pocotsiwa tacuidubiwa. Matautano necui taneme xua bara beta poponan. Matautano necui taneme xua tacoutha yaputan pocotsiwa taexanaewa tsane Nacom nexa. Matautano necui taneme xua bara beta jume cowantsiya poponan Nacomtha. Matautano necui taneme xua saya awiya beta jantema poponan poxonaе bequein ichamonaе jopa xapain necana exanaeyo. Matautano necui taneme xua bara antobeya poponan jiwi, matautano Nacomtha. Matautano necui taneme xua bara awiya Nacom tanacuitan.

¹¹ Xam yaputaneme xua jiwi bichocono abe necana exana tajume cowantsixae Cristo. Matautano neyaputaneme xua jiwi bichocono atene neexana Antioquia tomaratha, Iconio tomarathano, Listra tomarathano. Ichitha pon jiwi Pia Pecanamataxeinaeinchi neyawena xua necapanepa barapomonaе pia xainya weya.

¹² Bara xaniwaicha, daxita pomonaе ichichipa xua najuntу coyene xanepana exana dubenanaebiya Cristo Jesustha, barapomonaе и́н atene exanaeinchi ichamonaе.

¹³ Ichitha pomonaе peajuntуcoyenebe jiwi, и́н pomonaе pemuxujainyabi jiwi, daxita barapomonaе bichocono abe eexanaponaena beyacaincha xua copiya. Barapomonaе muxujainyabiya canamataxeina ichamonaе, xua abe peexanaenexа, matautano xua barapo ichamonaе и́н xuya pemuxujainyabiya canamataxeinaenexa ichamonaе, xua abe peexanaenexа.

¹⁴ Ichitha xam awiya beta exana ducuaanaebiyama pocotsiwa xua nacuidubame, xuano xua bichocono nejume cowantsiwa. Xam bayatha yaputaneme pomonaе xua cacuiduba barapo coyenein, pomonaе pejuntу coyene xanepanaewi.

¹⁵ Poxonaе pexuyotham yaputaneme Nacom Pejume Diwesi. Barapo diwesi itacupaetsi xua necacuidubiwa xua necapanepaewanexa abe jinya neexanae cuiru coyene weya nejume cowantsixae Cristo Jesús.

¹⁶ Daxita carepaya Nacom Pejume Diwesi tatsi, barapo diwesi Nacom ayapusu diwesi exana. Daxita barapo diwesi xanepana xua jiwi peucidubiwa tsainchi. Matautano daxita barapo diwesi xanepana xua jiwi yaputane peexanaenexatsi poxonaе abe exana. Matautano daxita barapo diwesi xanepana xua jiwi pemuxuwetsinexatsi xua xanepanaya peexanaewa tsane. Matautano daxita barapo diwesi xanepana xua jiwi peyawenaenexatsi xua pejuntу coyene xanepana dubenanaebiyaenexa Nacomtha.

¹⁷ Barapo diwesi jiton xanepanaya canacui weta exanatsi xua beta peexanaewa tsane pon Nacom piamonaе jiwana jiton tatsi. Barapo diwesiintha daxita coyenein xeina xua barapon nantawenona, pocotsi coyeneintha xua bapon Nacom petanacuitsinexatsi, daxita carepaya po penacuichiwan xanepana.

4

¹ Nacom peitabaratha tatsi yawa Cristo Jesús peitabaratha tatsi, baponbe peitabaratha tatsi caitorobatsi. Bapon Cristo Jesús patopaetsica be pon jiwi itorobiya pia pepa Peewatsinchi. Matautano bapon yabara paebina jiwi xua penatsicuentisiwa xua abe peexanaexae, pomonaе xua anoxuae cataunxuae asн jinompa, и́но pomonaе xua bayatha werapa.

² Caitorobatsi xua cueicueijande Nacom Pejume Diwesi. Beta jume daunweya cueicueijam tsaibinde Nacom Pejume Diwesi poxonaе jiwi ichichipa cajume taibina, matautano poxonaе bequein jiwi jopa ichichipaeyo xua necajume taewa. Barapomonaе juntу coyene

yaputane exande xua barapomonae petaseicaewatsi pejuṅṅu coyene xanepanaewa Nacomtha. Matautano barapomonae yabara muxuwere abe pia peexanae cuiru coyenein tatsi. Matautano barapomonae juṅṅu coyene cui tsacabare xua Jesucristo pejume cowantsiwa tsainchi. Matautano bapana barapomonae jopa tsita xeinaeinde peaitaconaewa. Matautano bapana jopa nacui copatsim tsane xua necuidubaponaewa barapomonae, xua bequein barapomonae jopa Jesucristo pejume cowantsiwichi taetham tsane.

³ Tsipei jopaeana matacabi poxonae po matacabitha jiwi jopa jume cowantsi tsane barapo pexainyei cuidubi jume. Barapomonae saya u jeichina po pecuidubiwi saya cuiduba pocotsiwa xua jiwi ichichipa jume tane.

⁴ Barapomonae saya naitemapenta xua aichaxaibi pejume taewa pocotsiwa pexainyei jume. Saya barapomonae u jume naitaewatsina ainya diwesin, po diwesin xua saya pejemai diwesin.

⁵ Ichitha xam dotam. Najunṅṅu coyene babare xua neexanaeyainwa pocotsiwa barapomonae exana. Jopa junuwinde xua ichamonae poxonae caatene exanaena nejume cowantsixae Jesucristo. Ichitha xam exana ducuaanaere jinya nenacuichiwa xua Nacom pia pexeinya jume diwesi necueicueijeji ducuaaetsiwa. Daxita wetsiya exanare pocotsiwa jinya netanacuichiwa Nacom.

⁶ Bara nama imoxoyo nebexubina tajume cowantsixae Cristo. Matautano bara nama imoxoyo xua po mataqueitha tsane ponaein Nacom pia nacuatheicha.

⁷ Ajunṅṅucuiyapusuwa amanayaban caurimonaetha Jesucristo nexa, icha soldadomonae ichi xua poxonae amanayaba pia peaitafaetabiwichi. Bayatha nacui wetan pocotsiwa xua bayatha Nacom neitoroba, icha jiton ichi xua patopa poxonae penaxenacaewa. Matautano jume cowantsiya poponan Jesús, icha be pocotsi coyeneya ichi poxonae jiton beta yapu eena pocotsiwa itorobatsi pia pecanamataxeinaeinchi.

⁸ Anoxuae ewatan po pentoma Nacom necatsina xua tajunṅṅu coyene xanepanaexae bapontha. Pon jiwi Pecanamataxeinaein, pon xua yatsicaewa xainyeya jiwi yabara pae-batsi xua penatsicuentisiwa xua abe peexanaexae, bapon pentoma necatsina po mataqueitha poxonae bapon patopeicaena. Saya meisa jopa compa necatsi tsane, iru barichi tsainchi tsainchi baxua catsibinchi pomonae wunaewatsiya ichichipa xua pia pepatopaewa tsane bapon.

Meje yabara xua Pablo waba xua Timoteo wabatsi

⁹ Nainya nesiwa ponde poxonae caitacupa.

¹⁰ Pon Demas, bapon nepunaxuba, tsipei bapon saya copei yabara cananta xeina nawita pocotsiwa po cae pin nacuathe xeina. Bapon Tesalónica tomara beya pona. Pon Crescente, bapon Galacia nacua beya pona. Pon Tito, bapon Dalmacia nacua beya pona.

¹¹ Meisa pon Lucas, bapon xote baru ecan. Wenawenande Marcos, cabaru dena tsane, tsipei bapon itacupatsi xua tana neyawenaewa tsane.

¹² Pon Tíquico bapon Efeso tomara beitorobian.

¹³ Poxonae nesiwa denam, inta carenande po paparua aitiyu, po paparua cuentan pon Carpo, bapon pia botha tatsi Troas tomaratha. Diboronno inta carenande, yawa paperanno inta carenande xua inta ainya cui pocotsiwa.

¹⁴ Pon Alejandro, pon penain penacuichin, bapon inta abe exana. Pon jiwi Pecanamataxeinaein, bapon Alejandro pentoma catsinchi po pentoma po pecayabara matomatsiwatsi xua abe peexanaexae.

¹⁵ Dotam xua bapon, tsipei bapon aichaxaibi pocotsiwa po diwesin cueicueijeichi.

¹⁶ Poxonae tacoutha nayabara jume yawenaya cueicueijan pentacaponawei peitabaratha, dapon aibi pon tana neyabara jume yawenaewa tsane. Daxita nepunapenta. Ichichipan xua Nacom bu jopa cabetsi tsane barapomonaetha xua tana nepunapentsixae.

¹⁷ Daichitha Nacom pon jiwi Pecanamataxeinaein, neyawena poxonae bequein ichamonae nepunapenta. Bapon peantuyapusuwa necata xua beta tacueicueijeinexa pijume diwesi xua pejume taewa tsane pomsina pomsina jopa judiomonaenaxanaeyo. Bapoxonae Nacom neyawena xua jiwi jopa necabetsiyo xua tatupaewa.

¹⁸ Bapon pon jiwi Pecanamataxeinaein, bapon necana exana xua tapanepaewa daxita carepaya abe peexanae cuiru coyenein weya, xua daxota patopaein pia peitorobi nacua beicha. Barabu jiwi ataya wunaewatsiya jainchina Nacomtha. Je bara ichi tsane.

Meje yabara xua Pablo najume wetsiya paeba

¹⁹ Inta jacobare powa Prisca, iru pia pebin tatsi, bapon Aquila. Iru inta jacobare pon Onesíforo piamonae matabuxuyo tatsi.

²⁰ Pon Erasto bapon eca Corinto tomaratha. Pon Tróximo, bapon cuenta ponan Mileto tomaratha yaitama atene.

²¹ Jujere xua patopare xua pewunaeya roxonaē beya awabo tsane. Pon Eubulo, iru pon Pudente, iru pon Lino, iru powa Claudia, iruru daxita romonaē rejume cowantsiwi, daxita barapomonaē cajacoba.

²² Barabu Jesucristo, pon jiji Pecanamataxeinaein cabaru poponaena. Barabu Nacom amanayiya cayawenaena jinya necaantobexae.
Baja Pablo.

Meje Po Carte Pablo Tatina, Tito Tatinatsi

Meje yabara poxonaē Pablo tamropata pitaba xua tatina, Tito tatinatsi

¹ Xan, Pablon, pon Nacom tatanacuichin matautano Jesucristo pia peitorobi jiton tatsin. Jesucristo neitoroba xua tayawenaewa tsane jiwi xua barapomonaē pejume cowantsinexa Nacom. Pewanāeya copiya Nacom itapeta barapomonaē, xua pejume cowantsiwa tsainchi. Matautano neitoroba xua barapomonaē yaputane taexanaenexa Nacom pia pexainyei jume diwesi xua daxota barapomonaē Nacom peitabaratha xanepanaya pejinompaewa tsane.

² Poxonaē barapomonaē jume cowanta Nacom, barapomonaē ewata xua Nacom catsina pia peajuntuyapusūwa po peajuntuyapusūwa ataya tsiteca. Bapon Nacom bapana jopa penaerabin. Barapo peajuntuyapusūwa po peajuntuyapusūwa ataya tsiteca, caena bayatha Nacom yabara tsiwūnaē muxu duta jiwi poxonaē cataunxuae jopa nacua forotsiyo.

³ Ichitha anoxuae nama Nacom peichichipaexae barapo matcabitha daxota jiwi yabara yaputane exainchi xua pia pexeinya jume diwesi tatsi. Nacom necopata xua bara tacueicueijejiwa tsane barapo diwesi daxita jiwitha. Nacom pon xua jiwi Pecapanenebiyaein neitoroba xua tacueicueijejiwa barapo diwesi poxonaē necata barapo pia penacuichiwa tatsi xua tatanacuichinexa bapon.

⁴ Barapo carte cata tinatsi Titom, ponxaem be yatsicaewa taxantom catsicotainchi irū nejume cowantsixae Jesucristo. Barabū Nacom pon Waxa, irū Jesucristo pon Wanacapanenebiyaein petāpae cuirū coyene weya, cayawenaenabe pia necaantobewaxaēbe. Matautano juntema popona caexanaenabe.

Meje yabara xua Tito Creta tunaeto nacuatha nacuita

⁵ Caena bayatha Creta nacua tunaetha cacuentapoinchi xua neyawenaenexa Jesucristo pejume cowantsiwi pocotsiwa xua nacata seicabe. Daxota cacuentapoinchi xua neitapetsinexa pitiri jiwi xua barapomonaē pecanamataxeinaenexa pomonaē pejume cowantsi jiwi Nacom. Baxua eexanaponde daxita i dapō tomarantha icha be pocotsi coyeneya bayatha caitorobatsi.

⁶ Bayatha catsipaebatsi xua pon barapocotsi pitiri jiwi jiwanapin bewa poxonaē ponaena bewa iche: Bapon bewa xanepanaya poponaē xua ichamonaē jopa petsita natsicuentinexa tsainchi xua abe peexanaexae bapon. Matautano bapon saya bewa cae petsiriwa xeinae. Matautano pia pexui tatsi bewa jume cowantsi Nacom. Matautano pia pexui tatsi xanepanaya bewa jinompae xua daxota ichamonaē jopa peyabara paebiwa tsane xua abe exana barapo pexui. Barichi matautano xua ichamonaē jopa peyabara paebiwa tsane xua barapo pexui jopa jume jejeyo pocotsiwa coxiyūn itoroba.

⁷ Po pitiri jiwi canamataxeina pomonaē pejume cowantsiwi Nacom, barapomonaē tanacuita Nacom piawa. Daxota ainya cui xua barapomonaē xanepanaya bewa jinompae. Barapomonaē jopa bewa jumefebi pocotsiwa xua Nacom itoroba. Matautano jopa bewa exanaē pocotsiwa jiwi nainya bichoina anaepanaya jume nota. Yawano jopa bewa nacupa exanaē, yawano jopa bewa nacayatsi. Yawano jopa bewa pitaparatiwichi poxonaē jopa xapain exanaeyo penacuichiwa.

⁸ Jame bewa barapomonaē matenta weiweinaya wabeibi pomonaē pesiwa poneibiwichi pia bontha. Yawa bewa ichichipae pocotsiwa xua wūnaē. Yawa bewa xanepanaya cayabara nanta xeinae. Yawa bewa beta exanaē ichamonaetha. Yawa bewa exanaē pocotsiwa Nacom itoroba. Yawa bewa yaputae xua pia coutha najuntū coyene itoroba xua beta peexanaewa.

⁹ Bewa ajuntūcoyenesūya jume cowantsina Nacom pia pexainyei jume diwesi tatsi po diwesi barapomonaē cuidubatsi. Bapoxonaē barapomonaē itacupatsi xua xuya ichamonaē juntu coyene tsacaba xua pejume cowantsiwa tsainchi poxonaē cuiduba barapo pexainyei jume diwesi. Matautano barapomonaē itacupatsi xua jume jejei cana exana pomonaetha pomonaē bequein copiya pejume itawetsixaetsi pocotsiwa xua barapomonaē cuiduba.

¹⁰ Tsipei judiomonaē jiwanapiwi bichocono pinmonaē pomonaē pejumefebiwi xua Nacom itoroba. Bichocono pinmonaē pomonaē jiwi peitorobiwi xua pebiwi bewa wi thabinchi ichaxota penareixacaenaewa. Pocotsiwa barapomonaē cuiduba ichamonaetha saya pejumexaei. Yawano jiwi muxuitorobatsi nawitano.

¹¹ Barapomonaē bewa pajume matawentsim xua jopa pepaebiwa tsane barapo jumein, yaitama barapomonaē cana exana xua jopa jume cowantsiyo pomonaē xua daxita matabaxumonaēin tsiniya. Baxua exana poxonaē cuiduba pejemai diwesin po diwesin jopa bewa cuidubi, jiwi peyamuxujainyabiya wūcaenexatsi paratiwi.

¹² Caena bayatha popona pon Creta tunaetopiwi jiwanapin, pon piamonae yabara jeichi: “Wanacom pia peitorobi jume pepaebin tatsi”, jei. Barapon yabara cueicueije Creta tunaetopiwi pomonae piamonaexae. Bapon yabara jeye piamonae: “Maisa Creta tunaetomona, barapomonae jiwi muxuitorobeiba, yawa be unupiwi pomonae peaitoisa jiwi yawa napenajuba nawita yawa fifina nawita”, jei bapon.

¹³ Poxonae bapon baxua paeba barapara jume xainyeya paeba. Daxota xam Titom barapomonae bichocono jume matawende xua barapomonae xaniwaicha jantema pejinompaewa tsane xua Jesucristo pejume cowantsiwatsi.

¹⁴ Matautano cui matawende barapomonae xua jopa equeicha pejume naitawatsinexa judiomonae pia pejema diwesin tatsi. Matautano cui matawende xua jopa pejume naitawatsinexa pomonaetha pomonae xua jiwi peitorobiwatsi xua jiwi pejume itawetsiwa tsane Nacom pia pexainyei jume diwesi tatsi.

¹⁵ Pomonae yabara jume cowanta xua Cristo tsitupa barapomonae, barapomonae jame pejuntu coyene xanepanaewi. Barapomonae daxita po coyenein xua tane tsita xanepanatsi. Seicaya nama pomonae jopa yabara jume cowantsiyo xua Cristo tsitupa xua barapomonae tsitupatsi, barapomonae apara peajuntucoyenebewi. Barapomonae daxita po coyenein xua tane tsita abetsi. Barapomonae pia penanta xeinaewan jopa xaexaenaecaeyo, yawa pia juntu coyenein tatsi po juntu coyenein itorobeibatsi xua poxonae peexaneibinexa, bichocono jopa xaexaenaecaeyo.

¹⁶ Barapomonae jei: “Nacom pajume cowantan”, jei. Daichitha poxonae exaneiba, icha coyene exaneiba icha ichi pomonae jopa pejume cowantsiwi Nacom. Bara barapomonae Nacom tsita abetsi pejumefebixaetsi pocotsiwa itoroba. Matautano jopa itacupaetsi xua exana pocotsiwa xua pexeinya penacuichiwa.

2

Meje yabara pocotsiwa Nacom pia pexainyei jume diwesi tatsi

¹ Ichitha xam Titom pocotsiwa cuidubame bewa cayabara cuita cananta xeineibim xua pocotsiwa Nacom pia pexainyei jume diwesi tatsi.

² Pitiri jiwi muxuwere xua jopa bewa nacupa naexanae peatsaxa meran. Matautano muxuwere xua xaniwaichiya pejinompaewa tsane xua daxota ichamonae pebara cui itura jinaewa tsane, xua barapo pitiri jiwi pebara cui itura jinaewa tsainchi. Matautano muxuwere xua penajuntu coyene itorobeibinexa xua peexaneibinexa po coyenein xua wanae. Matautano muxuwere xua xaniwaichiya pejume cowanta dubenanaebiyawa tsane xua Nacom xaniwaicha pejume cowanta dubenanaebiyawa tsainchi. Yawano muxuwere xua piamonae peantobe tsurubenanaebiyawenexa. Yawano muxuwere xua ayarusya jume cowantsina poxonae bequein ichamonae abe taexanatsi.

³⁻⁴ Barichi pitiriwaxi muxuwere xua xanepanaya pejinompaewa tsane, icha be ichi poxonae jinompa powaxi jume cowanta Nacom. Matautano barapowaxi jopa bewa cueicueije tsane po jumein xua abe xua ichamonae yabara paebatsi. Yawa jopa bewa nacupa naexanae peatsaxa meran. Matautano barapo pitiriwaxi muxuwere xua piseuriwi peantobe nexa tsaibi tsane, xua daxota iru xuya penawaxi pebarichinexa xua peexanaenexa po coyene wanae xua peantobe nexa tsaibi tsane piseuriwi yawa pia pexuithano.

⁵ Matautano muxuwere barapo pitiriwaxi xua penajuntu coyene itorobeibinexa xua peexaneibinexa po coyenein xua wanae. Matautano muxuwere xua penajuntu coyene xanepana exanaenexa. Matautano muxuwere xua xanepanaya peewatsinexa pia boxi. Matautano muxuwere xua peyabara cui cananta xeinaenexa xua peyawenaenexa pomonaetha pomonae pia botha petajinompawewichi. Yawa muxuwere barapo pitiriwaxi xua jume jejei tsaibi tsane poxonae itorobeibatsi piseurixi xua ichamonae jopa abe peyabara peebinexa Nacom Pejume Diwesi.

⁶ Matautano barichi pewowi muxuwere xua penajuntu coyene itorobeibinexa xua peexaneibinexa po coyenein xua wanae.

⁷ Xam Titom barapo pewowi peitutha tatsi xanepanaya eexanaponde daxita coyenein poxonae exaneibame. Barapoxonae barapo pewowi xua pebarichinexa xanepanaya peexanaenexa po coyenein wanae. Poxonae pewowi cuidubame xainyeya cuidubare nejuntu coyene wetsina. Matautano xanepanaya beta cuidubare.

⁸ Xanepanaya betiya cueicueijande xua ichamonae jopa abe necayabara paebiwa tsane. Daxota barapomonae aura tsaibi tsane xua abe necayabara paebeibiwa beta neexanaexae. Barapoxonae barapomonae jopa itacupae tsainchi xua abe wanaca yabara paebiwa.

⁹ Tsipaebare pomonaetha pomonae pebusi cui tatayebeibiwichi xua amanaya tanacuita xua poxonae ichamonae tanacuitatsi, jande: "Paexande daxita xua painya nepaca canamataxeinaewi paca itoroba. Matautano xanepanaya patsita exande painya nepaca canamataxeinaewi. Jopa pin jumetha pajume noteibinde poxonae paca itorobeiba painya nepaca canamataxeinaewi", jande.

¹⁰ Yawa jande: "Jopa pacabiinde, jame saya beta pata exande painya nepaca canamataxeinaewi, xua daxita jiwi painya nepaca cui yaputaenexa xua bara paexaname pocotsiwa Nacom paca cuiduba pia pexeinya jume diwesi tatsi, pon Wanacacapanenebiyaein abe waexanae cuiru coyene weya", jande.

¹¹ Nacom bayatha naca yaputane exana xua bara naca yawena pia wanaca antobexae. Naca yawena poxonae naca capanenebiya. Barapo pecapanenebiyae coyene daxita nacuanpiwi nexa.

¹² Barapo coyene xua Nacom pia peyawenae coyene jiwitha pia peantobewaxae, naca cuiduba xua wanacui barapentsiwa tsane abe waexanae cuiru coyenein. Yawano naca cuiduba xua wapentsinexa xua po coyenein cayabara cananta xeinatsi po coyenein exana pomonae jopa pejume cowantsiwi, xua pomonae jinompa po cae pin nacuathe. Matautano naca cuiduba xua najantũ coyene itorobeibinchi xua waexaneibinexa po coyenein xua wũnae barapo cae pin nacuathe yawa xanepanaya wajinompa dubenanaebiyenexa xuano xua xainyeya waexana dubenanaebiyenexa pocotsiwa Nacom itoroba.

¹³ Yawa naca cuiduba xua wawũnae ewatsiya jinompaewa xua equeicha caewa patopaetsica pon xua bayatha Nacom yabara naca tsiwũnae muxu duta. Waxainchi ewatatsi xua Jesucristo pia pepatopaewa pexeinya peitũpanae coichatha. Bapon barapara wapepa Nacom xuano xua Wanacacapanenebiyaein.

¹⁴ Jesucristo nacaenaeta xua naca tsitũpa wanaca capanenebiyaeinexa daxita coyenein weya xua abe waexanae cuiru coyenein. Matautano nacaenaeta wanaca jũntũ coyene xanepana exanaexa poxonae naca yabara jũntemaina abe waexanae cuiru coyenein. Baxua Jesucristo exana xua piamonae tatsi pia wanaca exanaenexa, xua pomonaetsi xua waichichipaewatsi xua waexanaewa pocotsiwa wũnae.

¹⁵ Xam Titom barapo coyenein bewa cuidubim. Jũntũ cui coyene tsacabare xua barapomonae jũntema pejnompaewa tsane. Matautano muxuwere daxita barapo Creta tunae-topiwi xua bara xanepanaya peexanaewa tsane daxita peitorobi coyenyatha po peitorobi coyene xua Nacom cacata. Jinxoba barapomonae peitũtha exaname po coyenewa xua daxota barapomonae tsita pecui pawĩ nenaexanaewa.

3

Meje yabara po coyene bewa exanae pomonae Nacom pejume cowantsiwichi

¹ Xam Titom barapo Creta tunaeto nacuaipiwi equeicha caewa yabara nanta xeina exanare xua bewa barapomonae jume jejei xua peexanaewa tsane pocotsiwa barapomonae itorobeibatsi pomonae barapomonae pia peyanacua ewatsiwichi xuano pocotsiwa barapomonae itorobeibatsi pomonae pia pentacaponaeiwichi. Matautano muxuwere xua bewa barapomonae najantũ cui wũnaetsiya exaneibina xua peexanaenexa tsaibi tsane pocotsiwa xua wũnae.

² Matautano muxuwere xua bewa barapomonae jopa abe paebi tsane xua ichamonae abe peyabara paebiwatsi. Matautano muxuwere xua barapomonae jopa bewa jume matsonobi ichamonaetha. Matautano muxuwere xua barapomonae bewa jũntũ coyene xanepanaya cueicuejei ichamonaetha. Matautano muxuwere xua bewa barapomonae bara cui itura jina dubenanaebiyena daxita jiwi.

³ Caena bayatha copiya waxainchi jopa wajume cowantsiwi, jopa Nacom wayaputaexae. Yawa jopa wajume jejei jiwi pocotsiwa Nacom naca itoroba. Yawa waxainchi naca itaxanumena. Waxainchi wajũntũ coyene naca itoroba xua waexanaewa pocotsiwa waichichipaewa pocotsiwa xua abe. Matautano naca itoroba xua bewa exanaetsi po peabe coyene naca weiweina exana icha ichi pomonae jinompa po nacuathepiwi. Matautano abe peexanae cuiru coyenein exana dubenanaebiyatsi, xuano xua peuwi jũntũ coyeneya jinompa dubenanaebiyatsi. Matautano ichamonae naca ita aenae-aenei tsurubenanaebiyatsi, yawano xua waxainchi nantiya naita aenae-aenei tsurubenanaebiyatsi.

⁴ Ichitha Nacom pon Wanacacapanenebiyaein yabara naca yaputane exana xua po coyene bapon naca jũntũ coyene xanepana exana, xuano xua wanaca antobewa poxonae naca capanenebiya abe waexanae cuiru coyenein weya.

⁵ Naca capanenebiya, apara jopa poxoruyo xua xanepanaya waexanaexae bapon nexa, apara poxoru nantanuweya naca yabara nanthũ coyene xeina pia wanaca yawenaenexa. Poxonae naca bautisaba meratha baraxua saya yabara caunuta xua Nacom pia Pejumo

tɨnaxɨ tatsi naca jɨntɨ coyene xanepana exana. Poxonae baxua naca cana exana bapoxonae pena jɨntɨ coyene xeinatsi, xua poxonae Nacom pia Pejumore tɨnaxɨ tatsi naca jɨntɨ cui coyene yabara cajɨntemaina abe waexanaewan.

⁶ Jesucristo pon Wanacacapanenebiyaein nacata itorobica Nacom pia Pejumore tɨnaxɨ tatsi pia jopa juniya wanaca yawenaenexa.

⁷ Poxonae Nacom naca jɨntɨ coyene xanepana exana, bapoxonae naca cana exana xua jopa wanatsiaenae cuentsinexatsi bapontha. Bapon naca yawena pia wanaca antobexae. Daxota waxainchi ewatatsi xua Nacom wanaca catsibiwa tsane peajɨntɨyapusɨwa, po peajɨntɨyapusɨwa ataya tsiteca, tsipei bapon pia pexuichi.

⁸ Baxua jame xainyeya pepaebiwa. Ichichipan xua xam jume daunweya tsipaebiname barapomonae xua bewa barapomonae barapo coyene exanaena pomonae xua pejume cowɨntsiwixae Nacom. Bapoxonae barapomonae cui enatsi xua peyabara nanta xeinaewa po penacuichi coyenein xua ichamonae tsita xanepanatsi. Barapo petanacuichi coyenein jame xanepana, yawa barapo coyenein jiwi yawenatsi.

⁹ Dotande xua necuiyainwande xua ichamonae yabara necabarɨ najume matsontsonobiwa tsane po diwesin xua pejema diwesin. Mataɨtano cuiyainwande xua yabara necabarɨ cueicueijeiwa judiomonae pia pamo susatopiwi tatsi pia wɨnxi tatsi. Mataɨtano cuiyainwande xua penajume matsontsonobiwa xvano xua anaya peyabara pepaebiwa Moisés pia peitorobi coyene tatsi. Tsipei ba poxonae barapo coyene exana jiwi, jopa yawenaetsi xua xaniwaichiya pejinompaewa xua jiwi jopa pexainyeyanxae.

¹⁰ Icha ichɨn cana exana xua pomonae Nacom pejume cowɨntsiwichi, cana exanatsi xua barapomonae pomonae Nacom pejume cowɨntsiwi be pomonae jopa penayaitae jiwi penaexanaewa tsane xua penaita aenae-aeneiwa, bara bapon muxuwere. Icha equeicha jopa xapain exanaeyo equeicha muxuwere. Icha equeicha jopa beta exanaeyo bapoxonae bapon itawere painya xainya weya.

¹¹ Yaputaneme xua barapon pia coutha najɨntɨ coyene matanonoxuba xua abe peexanae cuiru coyene peexanaewa. Daxota abe peexanaexae pia coutha natsicuenta exana Nacomtha.

Meje yabara xua Pablo muxu tsipaeba pocotsiwa bewa Tito exanaena

¹² Poxonae nexainya beya cata itorobatsi Artemas, ichacuitha tsipae icha cata itorobatsi Tiquico, nexata bapoxonae yacuinaya ponare Nicópolis tomara beya. Nexata barapo tomarathiya netaename, tsipei bayatha nanta xeinan xua baxotiya taecaewa tsane awɨbotha.

¹³ Zenas pon jiwi yaweneibatsi peyabara yaputaenxae peitorobi coyenein, irɨrɨ pon pewɨn Apolos pon xua casiwa ponabe baponbe yawendebe. Bara exande be pocotsi coyeneya xua caitacɨpa xua yawename. Baponbe carebe pocotsiwa xua canantawenonabe poxonae pewarapaenexabe xua jopa petaseicaenexa tsainchibe.

¹⁴ Barabɨ wajiwimonae xanepanaya exanaponaena xua daxota peyawenaenexa xua peyawenaenexatsi pomonae peacopeibiwi pocotsiwa xua canantawenona. Bapoxonae pia jɨntɨ coyenein tatsi Nacom tsita xanepanatsi.

Meje yabara xua Pablo najume wetsiya paeba

¹⁵ Pomonae taxantha ena barapomonae cajacoba. Painta jacobare pomonae Jesucristo pejume cowɨntsiwichi, pomonae bichocono paantobein pejume cowɨntsixae. Barabɨ Nacom paca yawenaena daxita paxam pia paca necaantobexae.

Baja Pablo.

Meje Po Carte Pablo Tatina, Filemon Tatinatsi

Meje poxonae Pablo tamropata pitaba xua tatina, Filemón tatinatsi

¹ Xan Pablon, ponxaein jiwi pecubi botha taneetsin xua tanatsipei cueicueijeixae Cristo Jesús yabara. Iru Timoteo, pon iru pejume cowantsin Jesús, baponbe panbe barapo carte pacata tinatzi. Xam Filemón ponxaeim bichocono paca antobetsi tsipei pana yantame xua cueicueijam Nacom Pejume Diwesi.

² Iru pata tinanbe pomonaetha pomonaetha pejume cowantsiwi Jesús pomonaetha jinya botha nacaetuteiba. Iru barapo carte yabuyo nexa powa pewan Apia, powa be wamcho watsicotaewa pejume cowantsixae Jesús. Iru barapo carte pebin nexa pon pewan Arquiwo, pon daunweya pana nebaru nacuita xua poxonae pata cueicueijejewa Nacom Pejume Diwesi.

³ Barabu Nacom Waxa iru Jesucristo pon jiwi Pecanamataxeinaein paca yawenaena pia paca nacaantobexae, xuano xua jantema jinompa paca exanaena.

Meje yabara xua Filemón Cristo antobetsi xuano xua jume cowantano

⁴ Poxonae Nacomtha tsipaeibeiban cayabara nanta xeineibatsi jan tsaibin: “Axa, Nacom cawanae jaintatsi tsipei Filemón nejuntu coyene weiweina exana”, jan tsaibin.

⁵ Daxota baxua caunuteiban, yaitama jume tan xua pinae jume cowantame Jesús pon jiwi Pecanamataxeinaein. Matautano jume tan xua pinae antobem Jesús xua irano pinae antobem daxita pomonaetha pejume cowantsiwi.

⁶ Nacomtha tawacan xua pomonaetha Jesús pejume cowantsiwi xua barapomonaetha taena xua waxainchi be nacaemonaetha wajume cowantsixae. Matautano Nacomtha tawacan xua barapomonaetha xanepanaya peyaputaenexa xua Nacom naca cana exana pocotsiwa bichocono nacata xanepana poxoru be nacaemonaetha wajume cowantsixae Cristo Jesús.

⁷ Taneantobemxae nejuntu coyene tsacarabame yawa nejuntu coyene weiweina exaname xua xaniwaicha jantema tapoponaewa tsane. Xam ponxaeim be tayapin canatsicotainchi iru nejume cowantsixae Jesús. Beta nepoponaexae daxota beta jinompa daxita pomonaetha pejume cowantsiwi Cristo Jesús.

Meje xua Pablo Filemón wucatsi xua Onésimo tawucatsi, pon Filemón pia pebusi cui taetaeinchi

⁸⁻⁹ Bequein bara taitorobi coyene xeinan xua po coyeneya bewa exanaename xua xan Cristo pia peitorobi jiwi jiwana tatsixaein, ichitha ichichipan xua xam neexanaewa tsane xua tacaantobexaetha. Xan Pablon bara nama bichocono perun tsecaein matautano anoxuae jiwi pecubi botha neeta tanatsipei cueicueijeixae Cristo Jesús yabara.

¹⁰ Cacu itorobatsi xua neyawenaenexa Onésimo. Bapon taxanto be tatsicotaetha taneyawenaexae xua cueicueijejewa Jesús yabara poxonae cataunxuae xote ecanje jiwi pecubi botha. Bapon bayatha nexainya weya nametaba, pon bayatha amanaya necata nacuichin.

¹¹ Bequein caena bayatha Onésimo amanaya jinya nebusi cui taetaeinchi, daichitha jopa xanepanaya cata nacuichiyo. Ichitha anoxuae bara xanepanaya penacuichin xam nexa yawa xan nexano Jesucristo pejume cowantsixae.

¹² Caewa cata itorobatsi bapon. Poxonae bapon Onésimo patopiya, weyataeya jacobare tsipei bapon bichocono antobein.

¹³ Xan ichichipan xua bapon taxantha eca xua barapon tana neyawenaenexa po penacuichiwa inta exaname xua iru poxonae cataunxuae jiwi pecubi botha neeta tanatsipei cueicueijeixae Jesucristo pejume diwesi.

¹⁴ Ichitha jopa ichipaeinyo xua Onésimo tana neyawenaewa tsane icha jopa becopatsim. Saya ichichipan xua xam exanaename pocotsiwa jinya coutha ichichipame xua jopa neexanaenexa pocotsiwa tacaitorobiwatsi.

¹⁵ Metha bayatha Onésimo nametaba nexainya werena saya be caetha nexa xua anoxuae bara tsitecaeya nebaru poponaenexa tsane.

¹⁶ Anoxuae nama bapon jopa bewa yabara nanta xeinaem xua bapon be pon pebusi cui taetaeinchi jitonzi. Anoxuae nama bewa catsita tsane xua bapon peainya cui jiton, beyacaincha be pon pebusi cui taetaeinchi. Baxua jei pon bichocono peantobe jitonzi pejume cowantsixae Cristo Jesús. Xan bapon Onésimo bichocono antobein. Ichitha xam nama bapon bewa bichocono antobem jinya necata nacuichixae jame yawano be neyapin tsicotaema iru pejume cowantsixae Jesucristo, pon jiwi Pecanamataxeinaein.

¹⁷ Jinya eweicho tana necana exanaemxae iru tajume cowantsixae Jesús, daxota moya beta weyataeya matenta wabare Onésimo, icha be neichim poxonae nententa weiweinaya wabame.

¹⁸ Icha bapon cata abe exana, icha ichauyo cantoma amanayaba moya newuicare xua barapo matoma tacacatsinexatsi.

¹⁹ Xan Pablon cata tinatsi xua barompaya tacobetha yawano xua tacobe cou itaneto, xuaje: Bexa tsane pentoma cacatsinchi. Bequein jopa cawucaetsi pentoma po matoma xua tanematoma amanayabiwam xua bayatha tacayawenaexaetsi xua nejume cowantsiwa Jesús.

²⁰ Bara barichinde, be pon taeweicho tacanatsicotaeinchi nejume cowantsixaeru Cristo. Inta exande xua caitorobatsi Jesús, pon jiwi Pecanamataxeinaein, pia pejume cowantsiwi pia pejuntu cui coyeneya. Nejuntu coyene tsacarabare xua juntema xaniwaicha tapoponaewa tsane.

²¹ Daxota cata tinatsi tsipei yaputan xua jume jejam pocotsiwa caitorobatsi xuano xua equeicha nawita exanaename beyacaincha xua tacacui itorobiwatsi.

²² Baroxonae inta bo tutu netsiwunaere. Tsipei bexa tsane paca taeyopiyaeinchi xua bayatha Nacom painya newucaexae xua tapaca taeyopiyaewatsi tsainchi.

Meje yabara xua ichamonae Filemón jacobatsi

²³ Epafras cajacoba pon iru xota eque jiwi pecubi botha penatsipei cueicueijeixae Cristo Jesús yabara.

²⁴ Matautano iru Marcos, iruno Aristarco, iruno Demas, iruno Lucas, daxita barapomonae matabuxuoyu neyawena xua tacueicueijejiwa Jesucristo yabara.

²⁵ Barabu Jesucristo pon jiwi Pecanamataxeinaein, paca yawenaena daxita paxam pia paca necaantobexae.

Baja Pablo.

Meje Po Carte Po Carta Nacom Pia Jiton Tatsi Tatina, Hebreomona Tatinatsi

Meje yabara xua Nacom Pexanto itoroba jiwitha petacueicueijeinexatsi

¹ Caena bayatha Nacom itoroba pia peitorobi jume diwesi petacueicueijeji jiwichi. Barapomona Nacom tacueicueijeichi xua poxona tsipaebatsi wamo susato jiwi. Barapomona matowa tacueicueijeji tsaibi xua Nacom tacueicueijeji tsaibichi matautano ainya coyeneintha tsipaeba xua Nacom tatsipaebatsi.

² Ichitha nama anoxuae matapainya barapo matacabinthe po matacabin opi dubena Nacom itorobica Pexanto wanacata cueicueijeinexa, yawa wayabara yaputaenexa Nacom. Barapon Nacom Pexantoxae tatsi caena bayatha barapo nacue forota. Matautano Nacom Pexanto caena barapoxona caena exana xua Pexanto tatsi pecanamataxeinaenexa daxita coyeneintha.

³ Nacom Pexanto tatsi pexeinya peitapanae juntu coyenein xeina po juntu coyenein Nacom xeina. Bapon Nacom Pexanto cui coyene jontatsi. Matautano bapon Nacom Pexanto tatsi pia pejume ayapusu itorobiwatha babatiya exana daxita carepaya nacuan. Nacom Pexanto tatsi nacui yabara jume weta xua Nacom Pexanto peyabara paebixae pejume diwesitha. Baxua exana poxona naca tsitupa xua wanaca juntu coyene xanepana exanaenexa. Bapon naca capanepa abe waexanae cuiru coyenein weya. Bapoxona bapon itaboco beicha pona penacuaresinexa pexeinya peecaethopeibiwatha Nacom pia coxa weya tatsi xua itaboco beicha xua Nacom pia peecaethopeibiwatha tatsi beicha.

Meje yabara xua Nacom Pexanto tatsi peainya cuin beyacaincha matatsunpiwi

⁴ Nacom Pexanto ainya cui cana exana beyacaincha matatsunpiwi. Nacom baxua tsita itapeinya xeina xua poxona wun duta Pexanto xua po wun jei: "Nacom Pexanto", jei, po wun bichocono ainya cui beyacaincha matatsunpiwi pewun.

⁵ Tsipei Nacom bapana jopa jeiyo matatsunpintha:

"Xam Taxantom, anoxuae jiwi tsita itapeinya xeinan xua xan jinya axan",
jopa bapana jei Nacom matatsunpintha.
Matautano bapana jopa jei matatsunpin yabara:
"Xan bapon pia paxa tatsin tsane", jopa
bapana jei Nacom xua matatsunpin
peyabara paebiwatsi.
Saya ba meisa Nacom Pexanto
yabara paeba barapo jume.

⁶ Matautano poxona Pexanto itorobica po cae pin nacua monaepiwitha tsique, pon yatsicaya compa tatsi, Pexanto yabara jei:

"Barabu daxita tamatatsunpiwimonae
Taxanto wunae jaintinchi", jei Nacom.

⁷ Nacom yabara jei matatsunpiwi:

"Tamatatsunpiwi itoroban xua nainya inta
nacuita icha joibo ichi xua nainya pona
poxona itoroban barapo joibo.
Barichi barapomona itoroban xua inta
daunweya nacuita icha nawa coicha ichi xua
daunweya taxua poxona itoroban barapo nawa",
jei Nacom.

⁸ Ichitha nama Nacom Pexantothe jei:

"Jaina, xam ponxaem Nacom, ataya tsitecaeya
itorobiya ewatsiname xua
itorobathopequeibame jiwi.
Jinya neitorobiya ewatsi coyenewa
bara ataya pexainyei coyenewa.

⁹ Xam ichichipame pocotsiwa exana
pomona xanepanaya peexanaewi.
Matautano bichocono aita faetabim
pocotsiwa exana pomona abe peexaneibiwi.
Daxota xan Nacom ponxaein, jinya Nacom

bichocono cajuntũ coyene weiweina
exanatsi, beyacaincha xua jinya jiwimonae
juntũ coyene weiweina exanan”,
jei Nacom Pexantotha.

¹⁰ Equeicha Nacom Pexantotha jei:
“Xam pon pepa Necanamataxeinaem jiwi,
caena bayatha forotame barapo cae
pin nacua poxonae aena.

Jinya coya exaname peitaboco.
¹¹ Daxita baxuan pocotsiwan xua jinya
neexanaewam weraweracaena.

Tsipei daxita baxuan saya peruwan tsane,
icha be poxonae paparuwa ichi xua
peruwa tsane xua tsapatsapaca.

Ichitha xam nama ataya
tsitecaeya poponaename.

¹² Barapo cae pin nacua irũ barapo itaboco
poxoru peruwa tsane pichiname xua
nexubinexa, xua pena ira equeicha
neexanaenexa yawa xua itaboco.

Barapocotsi jũta coyeneya exanaename
icha be poxonae pebin ichi xua peruwa
nama xuena xua xuba, xua
penawa penamaxatatsinexa.

Ichitha xam nama ataya tsitecaeya poponame.
Mataũtano jinya nepoponae coyenewa
ataya jopa weraweraca tsane”,
jei Nacom Pexantotha.

¹³ Nacom bapana jopa jeiyo matatsunpintha:
“Xam tacoxa weya ecare, beya poxonae abũ
caexanaeinchi xua itorobiname jinya
necaaitafaetabi jiwi”, bapana jopa jeiyo
Nacom matatsunpintha.

Saya meisa Pexantotha baxua paeba.

¹⁴ Daxita matatsunpiwi peinya pejinompaewi jiwitha. Barapo matatsunpiwi exana
dubenanabiyã pocotsiwa Nacom itoroba. Nacom itoroba barapomonae xua petayawe-
naenexa tsainchi pomonaetha pomonae bexa Nacom capanenebiyaena pomonae pejume
cowantsi jiwixaetsi.

2

*Meje yabara xua poxonae naca muxuweta xua jopa bewa pepawi cana exanaetsi Nacom
pia pecapanenebiyã coyenewa tatsi*

¹ Nacom Pexanto ainya cui cana exana beyacaincha matatsunpiwi. Daxota bewa
matowa itapeta jume naitawetachi pocotsiwa bapon yabara xua jume tainchi. Bapoxonae
jopa wayabara jũntemainaponae tsainchi po coyene xua Nacom pia pecapanenebiyã
coyenewa tatsi.

² Po peitorobi coyenein caena bayatha matatsunpiwi Nacom tacueicueijeichi, barapo
coyenein bara xainyei. Pomonae jopa jume cowantsiyo barapo peitorobi coyenein xuano
xua abe exanaponano, barapomonae atene exanaeinchi xua canacui matajũpiya cana
exanatsi.

³ Cristo naca cana exana xua panenebiyatsi abe waexanae cuiru coyenein weya.
Cristo pia pecapanenebiyã coyenewa bichocono ainya cui coyenewa. Icha Cristo pia
pecapanenebiyã coyenewa cayabara nanta xeinatsi xua pepawi xua jopa ainya cuiyiyo,
waxainchi bapana jopa naca capanenebiyã tsane xua poxonae jiwi atene exanaeinchi
abe peexanaexae. Barapon Cristo pon jiwi Pecanamataxeinaein barapo pecapanenebiyã
coyenewa yabara tsipaeba copiã. Bapoxonae xuya barapo pecapanenebiyã coyenewa
naca tsipaeba pomonae jume tane pocotsiwa xua bapon paeba pon jiwi Pecanamatax-
einaein.

⁴ Nacom tsita itapeinya xeina xua barapomonae bara xaniwaicha yabara paeba Nac-
com pia pecapanenebiyã coyenewa. Baxua exana poxonae Nacom cana exana xua
barapomonae pexeinya petsita itabi coyenewan muxuna exana poxonae cueicueijeji.

Matautano baxua exana poxonae cana exana xua barapomonaе muxuna exana pocotsiwa bichocono wɔnae xua jiwi nabenaeca cana exanatsi. Matautano baxua exana poxonae cana exana xua barapomonaе pexeinya peayapusu itorobi coyenewan muxuna cueicueijeji. Matautano Nacom tsita itapeinya xeina xua bara barapomonaе xaniwaicha cueicueijeji poxonae Nacom pia Pejumope tɔnaxu tatsi itoroba barapomonaе pia juntu coyeneintha tatsi xua pecatsibinexa po cui coyeneya peexanaenexa daxita barompaya tsiniya. Baxua exana barapo Nacom pia Pejumope tɔnaxu tatsi icha be pocotsi coyenewa Nacom ichichipa xua barapomonaе barapo cui coyeneya exanaena.

Meje yabara xua Jesucristo be jiton coyeneya naexana

⁵ Nacom jopa copatsi tsane xua matatsunpiwi canamataxeinaena barapo pena nacuatha po nacua yabara xuaunxuae pacata tinatsi.

⁶ Jame nama Nacom Pejume Diwesitha ichɔn yabara jeye xua pomonaе barapo pena nacua pecanamataxeinaewa tsane, jeye:

“Nacom xam jiwi toxeincha bichocono pin juntu coyene xeiname.

¿Eta xua metha yabara nanta xeiname jiwi xua ainya cui exaname xua pecanamataxeinaenexa tsane ichamonaе?

⁷ Nacom copiya saya caetotha exaname xua jiwi be conotha ainya cui.

Baxua exaname poxonae matatsunpiwi toxeinchiya ainya cui exaname beyacaincha jiwi.

Ichitha cotacaya exaname xua jiwi ainya cui naexana.

Jiwi cana exaname xua pexeinya peitɔpanae coicha xeina yawa catame barapomonaе peayapusu itorobi coyenewa xua icha jiwi pecanamataxeinaewa tsainchi.

⁸ Po jiwi cajume cowanta barapo jiwitha catame peayapusu itorobi coyenewa daxita xua pecanamataxeinaenexa xuantha xua forotame”, jei xua ichɔn tsipaeba Nacomtha.

Poxonaе Nacom cana exana jiwi xua canamataxeinaena daxita xua xuan forota, dapocotsi coyenewa aibi xua jiwi jopa itacɔpaetsi xua pecanamataxeinaewa. Daichitha awiyya cataunxuae jopa jiwi cui taetsi xua daxita pecanamataxeinaewa.

⁹ Ichitha waxainchi Jesús yaputainchi pontha pon Nacom saya caetotha cana exana xua jopa ainya cuiyo. Matatsunpiwi conotha ainya cui beyacaincha xua Jesús xua poxonae caetotha cana exanatsi xua jopa ainya cuiyo xua poxonae popona be jiton. Nacom bichocono peantobexae daxita jiwi daxota bapon copata xua Cristo tsitɔpaena daxita jiwi abe pia peexanaexae. Anoxuae equeicha Nacom ainya cui cana exana xua Jesús ainya cui cana exanatsi. Matautano Nacom cana exana xua Jesús jopa juniya ainya cuiyiyo xua jiwi itorobiya peewatsiwatsi. Matautano Nacom Jesús catatsi pexeinya peitɔpanae coicha. Nacom baxua exana xua Jesús pia petsitɔpaexae jiwi.

¹⁰ Nacom forota daxita coyenein. Matautano daxita baxuan Nacom nata exana. Matautano Nacom ichichipa xua daxita piamonaе tatsi pexeinaewa tsane pia pexeinya peitɔpanae coicha tatsi peponaenexa tsane pia nacuatheicha tatsi. Daxota Nacom tsita xanepanatsi xua poxonae Jesucristo atene exanatsi beta yatsicaewa pejuntu coyene wɔnaetsinexatsi xua jiwi pecanamataxeinaenexatsi Nacom pia nacuatheicha. Baxua Nacom exana poxonae Jesucristo atene exanatsi poxonae tsitɔpa xua jiwi pecananebiyaenexatsi abe pia peexanae cuiru coyenein weya tatsi.

¹¹ Tsipei daxita pomonaе juntu coyene xanepana exanatsi Nacomtha, iruru Jesús pon cana exana baxua barapomonaetha, daxita barapomonaе nantaɔta caein Paxa pon Nacom. Daxota Nacom Pexanto tatsi jopa auriyo poxonae naca yabara jei: “Tayapin jiwi pam”, poxonae jei.

¹² Nacom Pexanto tatsi pon Jesucristo, caena bayatha Nacom Pejume Diwesitha xua salmos penaxunaе weixi diwesintha jeye Nacomtha:

“Cayabara paebinchi tayapinmonae jiwitha.

Cata naxunaeinchi pewei xua wɔnae tacajainchinexa poxonae nanabaru

nanacaetutsin jinya botha pomonae cajume cowanta”, jei Jesucristo Nacomtha.

¹³ Ichacuitha caena bayatha Jesucristo jeye xua Isaías pia diborotha:

“Xan jume cowantsiya wuna ewatsin Nacom xua tana neyawenaewa”, jei.

Equeicha Jesucristo jeye:

“Xote ecan, baru ecan tapexui pomonae tana nejume cowantsiwi pomonae Nacom necata”, jei Jesucristo.

¹⁴ Pexui ba bara xeina pejana yawa pewito icha be coxiyeiwi ichi tsipei jiwixae. Barichi Jesús xeina jiton pia pepon tatsi pexeinaexae jiwi pia pewito tatsi xuano xua jiwi pia pejana tatsi. Jesús baxua xeina xua petsitupaenexa jiwi. Daxota itacupatsi xua peamanayabiwa pontha pon xua peayapusu iforobi coyenewa xeina xua jiwi pejutebiwatsi. Bapon apara pon caurimonae pia pentacaponaein tatsi.

¹⁵ Jesús baxua nacata exana wanaca capanenebiyaenexa wajunuwi coyene weya xua poxonae yabara junuwatsi xua wawerapaewa tsane. Jiwi daxita matacabin junuwiya jinompeiba xua pewerapaewayainwa.

¹⁶ Bara xaniyei Jesús jopa tsipatopeicaeyo xua peyawenaenexa tsane matatsunpiwi. Apra jame Jesús tsipatopeica peyawenaenexa tsane Abraham pia pemomoxi susato jiwi tatsi xua yatsicaewa jiwi.

¹⁷ Daxota Jesús poxonae naexana bewa yawa naexanaena daxita coyeneya icha jiwi pia pepon tatsi ichi. Bapon bewa baxua yawa naexanaena pia penaexanaenexa pepa wasacerdotepin pocotsin nacata paebeiba Nacom beicha. Matautano bapon Jesús pon pepa wasacerdotepin xainyeya taexana po coyene xua ba sacerdotemonae pia petaexanae coyenewa xua Nacom tsita exanatsi. Bapon Jesús naca weyatane xua wanaca yawenaenexa, xua jiwi petsitupaenexatsi xua Nacom jiwi pejuntú coyene yabara juntemainenexa tsaibi tsainchi abe pia peexanae cuiru coyenein tatsi.

¹⁸ Jesús atene exanatsi poxonae caurimonae pia pentacaponaein tatsi juntú coyene jujutatsi petaenexa tsainchi icha abe exana. Daxota anoxuae bapon Jesús itacupatsi xua peyawenaewa pomonaetha pomonae iruru juntú coyene jujutatsi caurimonae xua abe peexanaewa tsane.

3

Meje yabara xua Jesús peainya cuin beyacaincha Moisés

¹ Nacom iru paca wun duba poxonae itapeta pomonae pepatsinexa tsane pia nacuathe-icha tatsi. Tamonae pam, paxam jiwana pam pomonae pejume cowantsiwi Jesucristo, pomonae pam Nacom paca juntú coyene xanepana exana xua piamonae tatsi painya paca cana exanaenexa. Daxota Cristo Jesús pacayabara nanta xeinare. Bapon Jesús Nacom pia peitorobin tatsi pon naca tsipaeiba Nacom nexa. Matautano bapon wapepa sacerdotepin pon wanacata paebeibin Nacom beicha. Bapon payabara cueicueijan ichamonaetha wajume cowantsixae bapon.

² Jesús bara xainyeya exana Nacom pia petanacuichiwa tatsi Nacom peyabara tsiwunae muxu dutsixae bapon barapo penacuichiwanexa xua Nacom pia peitorobin tatsi tsane yawa wapepa sacerdotepin tsane. Jesús beta xainyeya taexana, icha matha Moisés ichi xua poxonae daxita coyene beta xainyeya taexana Nacom piamonaetha xua Nacom nexa.

³ Jesús pecapanepaxae jiwi bewa bichocono toxeincha baru cui itara jinaetsi bapon beyacaincha xua baru cui itara jinatsi Moisés. Barapocotsi juta coyeneya ichi, bewa Jesús cana exanaetsi icha be poxonae jiton ichi xua bewa baru cui itara jinaeinchi xua ainya cui exanatsi peacabixae bo beyacaincha xua bo xua ainya cui tsuncuae.

⁴ Daxita ba bon tsoponae poxoru apra jiton peexanaexae. Ichitha jame pon yatsicaewa nama daxita coyenewan exana apra bapon Nacom.

⁵ Bayatha Moisés apra pon petanacuichinchi Nacom. Bapon xainyeya daxita exana Nacom pia botha pocotsiwa Nacom itoroba. Bapon Moisés pia penacuichiwa tatsi saya xua yabara tsiwunae caunae pocotsiwan xua bexa Nacom exanaena.

⁶ Ichitha nama Cristo Nacom Pexantoxae tatsi xainyeya daxita exana Nacom nexa tsipei cana exana xua bapon canamataxeina daxita pomonae Nacom piamonae tatsi. Waxainchi Nacom piamonaetsi icha ajuntuyapusuya jume cowantapoinchi Cristo beya xua poxonae tupaeinchi. Matautano waxainchi Nacom piamonaetsi icha juntú coyene weiweinaya wuna ewatatsi pocotsiwa bexa Nacom wanaca tsixanaewa tsane.

Meje yabara xua nafina caewata Nacom piamonae tatsi

⁷ Cristo ainya cui peexanaexaetsi beyacaincha xua Moisés ainya cui exanatsi daxota Nacom pia Pejumope t̃nax̃ñ tatsi naca itoroba xua bewa jume taetsi Cristo. Baxua paeba Nacom pia Pejumope t̃nax̃ñ tatsi. Nacom Pejume Diwesitha, jeye:

“Anoxuae pana nejume taema pocotsiwa paca tsipaebatsi ponxaein Nacomxaein.

⁸ Painya xoba pana nejumefebame painya j̃nt̃ñ coyenewatha xua daxota jopa

painya tana nejume cow̃ntsiwam.

Jopa bara paichinde icha pomonae ichi xua poxonae bayatha nejume matawenta xua exanan poxonae jinompa ichaxota ira xuepana susato tsurucuae nacuatha.

Barapomonae nefayacoteiba poxonae nej̃nt̃ñ coyene j̃juteiba beya

poxonae anaepanan barapomonaetha poxonae jopa xapain exaneibiyo.

⁹ Barapomonae pomonae nej̃nt̃ñ coyene j̃juta, apara painya amo susato jiwi.

Barapomonae baxua inta exana poxonae jopa nejume cow̃ntsiyo.

Baxua exaneiba beya poxonae cuarenta po weibe tsuxubi bequein taiba pocotsiwa xua taexaneiban barapomonae xua beya cuarenta po weibetha.

¹⁰ Daxota barapomonae caseban yawa yabara jan barapomonae: ‘Barapomonae jopa benejume

cow̃ntsiyo nej̃nt̃ñ coyeneintha yawa jopa beyaputaeyo pocotsiwa ichichipan taexanan barapomonae’, jan.

¹¹ Barapomonae caseban.

Tacoutha jume daunweya najan:

‘Barapomonae bapana jopa patsi tsane tanacuatha ichaxota po nacuatheicha nafifinacaewatsina pomonae tana nejume cow̃ntsiwi’, najan”, jei Nacom

pia Pejumope t̃nax̃ñ tatsi, Nacom Pejume Diwesitha.

¹² Tamonae pam, pomonae ir̃ñ painya nejume cow̃ntsi jiwixae Jesucristo. Painya xoba paxeiname po j̃nt̃ñ coyene bichocono abe, po j̃nt̃ñ coyene jopa ichipaeyo xua pejume cow̃ntsiwa Nacom, pon xua as̃ñ popona.

¹³ Jame maisa daxita matacabin nantiya pana naj̃nt̃ñ coyene tsacabare xua aj̃nt̃ñyapus̃ñya painya nejinompaewa tsane. Daxita pam baxua paexande anoxuae poxonae cataunxuae po dapaetha anoxuae petain paca itac̃pa xua paexaname baxua. Matãntano baxua paexande xua jopa pata tana nejumefebiwam painya j̃nt̃ñ coyenewatha. Icha pana nejumefebame painya coutha pana namuxujainyabichipame xua daxota abe painya neexanaewa tsane.

¹⁴ Bewa x̃ñepanaya ayarus̃ñya jume cow̃nta dubenanaebiyaeinchi Nacom xua beya poxonae t̃p̃raeinchi. Icha baxua betiya ayarus̃ñya jume cow̃nta dubenanaebiyaeinchi icha ichichi poxonae aena jume cow̃ntatsi, baroxonae nayawa muxuna xeinaeinchi Nacom pia nacuatheicha pocotsiwa Cristo xeina.

¹⁵ Daxota equeicha paca tsipaebatsi xuaunxuae po diwesi paca tsipaebatsi xua Nacom Pia Pejumope t̃nax̃ñ tatsi cueicueije, jeye:

“Anoxuae pana nejume taema pocotsiwa paca tsipaebatsi, ponxaein Nacomxaein.

Icha pana nejume taneme baroxonae painya xoba pana nejumefebame painya j̃nt̃ñ coyenewatha xua daxota jopa pata tana nejume cow̃ntsiwam tsane.

Jopa bara paichinde icha pomonae ichi xua poxonae nejume matawenta poxonae jinompa ichaxota ira xuepana susato tsurucuae nacuatha”, jei Nacom pia Pejumope t̃nax̃ñ tatsi.

¹⁶ Payabara nanta xeinare pomonae jume tane xua Nacom pejume tatsi xua bapoxonae Nacom jume matawantsatsi. Daxita bapomonae apara pomonae Moisés mata cawarapa Egipto nacua weya.

¹⁷ Payabara nanta xeinare Nacom xua caseba xua beya cuarenta po weibetha tsuxubi. Bapomonae apara israelmonae pomonae xua abe exana poxonae jinompa ichaxota ira xuepana susato tsurucuae nacua beya, xuano xua baxota werapano.

¹⁸ Payabara nanta xeinare pomonae Nacom daunweya yabara paeba, xua jei: “Barapomonae bapana jopa patsi tsane tanacuatha ichaxota po nacuatheicha nafifinacae-watsina pomonae tana nejume cowantsiwi”, jei. Bapomonae apara israelmonae pomonae xua jopa exanaeyo pocotsiwa Nacom itoroba.

¹⁹ Bara yaputainchi xua barapomonae jopa itacupaetsi xua pepatsiwa Nacom pia nacuatheicha tsipei jopa Nacom jume cowantsichi.

4

¹ Waxainchi yabara jume cowanta dubenanaebiyatsi xua Nacom naca tsiwanae muxu duta. Nacom naca tsiwanae muxu duta xua bara wanaca itacupaewa tsane xua wapatsiwa pia nacuatheicha po nacua xua Nacom pia penafinacae-watsi nacua. Daxota poxonae cataunxuae naca itacupa xua wapatsiwa tsane barapo nacuatheicha bewa yabara najantu coyene exabichi xua paxam jiwana jopa itacupaetsipaetsi xua pepatopaewa Nacom pia nacuatheicha.

² Waxainchi barichichi jume tainchi barapo Nacom pia pecapanenebiyae diwesi, icha bayatha barapomonae ichi xua jume tane barapo diwesi. Ichitha barapo diwesi jopa yawenaetsi barapomonae xua pejume cowantsinexa Nacom, tsipei jopa jume cowantsiyo barapo diwesi.

³ Waxainchi nama barapomonaetsi xua wajume cowantsiwi barapo pecapanenebiyae diwesi. Daxota naca itacupa xua wapatsiwa Nacom pia nacuatheicha ichaxota bapon naca baru nafifinacae-watsina baxoteicha. Nacom wamo susato jiji yabara paebatsi xuaunxuae paca tsipaebatsi. Jeye:

“Barapomonae caseban.

Tacoutha jume daunweya najan:

‘Barapomonae bapana jopa patsi tsane tanacuatha ichaxota po nacuatheicha nafifinacae-watsina pomonae tana nejume cowantsiwi’, najan”,

jei Nacom Pia Pejumope tanaxu tatsi.

Bequein baxua Nacom paeba ichitha caena bayatha weta barapo nacua ichaxota jiji nafifinacae-watsina poxonae nacobe weta xua daxita forota barapo cae pin nacuathe.

⁴ Po matacabi pewan “siete matacabi”, jei, barapo matacabi Nacom Pejume Diwesitha yabara paeba. Bapon jeye:

“Nacom nacuita seis po matacabibe.

Bapoxonae nafifinacae-ca po mataqueitha

pewan ‘siete matacabi’, jei”,

jei Nacom Pejume Diwesitha.

⁵ Equeicha Nacom Pejume Diwesitha jeye:

“Barapomonae bapana jopa patsi tsane tanacuatha

ichaxota po nacuatheicha nafifinacae-watsina

pomonae tana nejume cowantsiwi”, jei Nacom.

⁶ Ichitha cataunxuae acoibi ichamonae pomonae xua bexa tsane Nacom copatsina xua nafifinacae-watsina ichaxota bapon nafifinacae-wata. Barapomonae jume cowantsiwa xua Nacom paeba. Pomonae copya bequein jume taetha Nacom pia pecapanenebiyae jume barapomonae Nacom caena bayatha jopa copatsiyo xua barapomonae nafifinacae-wata tsipei jopa jume cowantsiyo pocotsiwa Nacom paeba.

⁷ Daxota Nacom nanta xaina xua equeicha pena matacabi exana. Barapo matacabi xua wun duta “anoxuae” jei xua pena coyene. Barapo matacabitha xua piamonae tatsi petaitacupaewatsi tsainchi xua nafifinacae-watsina. Baxua Nacom exana caena bayatha poxonae David popona xua ainya wei pirapae poxonae jinompa pomonae jopa copatsichi xua nafifinacae-wata. Anoxuae Nacom bapocotsiwa naca tsipaeba pocotsiwa bayatha tsipaeba piamonae jiwitha, poxonae David popona, pon jeye:

“Icha anoxuae pajume naitaewatame

pocotsiwa Nacom paca tsipaeba jopa

pajumefebinde painya juntu coyenewatha

xua daxota jopa Nacom painya nejume

cowantsiwam”, jei David caena bayatha Nacom nexa.

⁸ Josué caena bayatha wamo susato jiwi matacapoinchi Canaán nacua berena pomonae Israel piamaonaexae tatsi. Apará jopá matacaponaeýo ichaxota po nacua Nacom yabara paeba xua barapomonae nafinacaewatsina. Icha Josué bayatha matacaponaeýsipa barapomonae barapo nacuaþa bapoxonae Nacom jopá nantawenonaetsipa xua exanaena icha matacabi po matacabitha poxonae barapomonae itacupatsi xua pepatsiwa tsane barapo nacuaþa, po nacua ichaxota Nacom yabara paeba.

⁹ Daxota cataunxuae awiýa barapo matacabi tsoponae po matacabitha poxonae Nacom piamonae tatsi nafinacaewatsina Nacom pia nacuaþeicha.

¹⁰ Tsipei pon weta pia penacuichiwa pocotsiwa Nacom itoroba bara itacupatsi xua nafinacaewata ichaxota Nacom nafinacaewata. Bapon baxua exanaena icha Nacom ichi poxonae nafinacaeca, poxonae nacobe weta pia penacuichiwa xua poxonae forota daxitan.

¹¹ Daxota bewa ajuntusya jume cowanta dubenanaebiyaeinchi xua wanafinacaewatsinexa tsane ichaxota Nacom nafinacaewata. Baxua exanaeinchi xua ichamonae waxainchi jiwánatsi jopá peyaseicaewa tsane xua nafinacaewata. Waxainchi jopá ichipaetsi xua icha ichamonae ichi xua jopá nafinacaewatsiyo jopá pejume cowantsixae pocotsiwa Nacom paeba.

¹² Nacom Pejume Diwesi peajuntuyapusá diwesi xuano peayapusá itorobi coyene xeina. Barapo Nacom Pejume Diwesi barapocotsi jata coyeneýa ichi xua icha ba cusi ichi xua po wato nantiya bará ducuaþe. Barapo cusi taju uncuiya pebaráwa xua pepontha. Barapoxonae barapo cusi itapeinya xeina daxita pocotsiwan xeina wan iya xua matha iya dubeinya bapaniya. Ichitha Nacom Pejume Diwesi ayapusá beyacaincha cusi tsipei barapo Nacom Pejume Diwesi itacupatsi taju bereca pona wajuntá coyenewatha ichaxota nanta xeinatsi. Barapo diwesi naca yaputane exana po coyenein xua wajuntá coyenewatha xeinatsi. Naca yaputane exanano po coyenein yabara nanta xeinatsi wajuntá coyeneintha.

¹³ Dapocotsiwan aibi barapo cae pin nacuaþe xua Nacom forota pocotsiwan xua xuan nantiyatarubena Nacom peitabaratha pocotsiwan xua bapon jopá taeyo. Daxitan naitatarubena xuano xua Nacom itacupatsi xua beta petaewa daxita coyenein. Nacomþa bexa yabara tsipaebinchi xua pocotsiwan bayatha exainchi.

Meje yabara xua Jesús pepa sacerdotepin

¹⁴ Jesús apará Nacom Pexanto tatsi. Bapon wasacerdotepin, pon pepa sacerdotepin, pon bichocono yatsicaya peainya cuin. Bapon bayatha patopá Nacom peitabaratheicha tatsi. Daxota bewa ajuntuyapusá jume cowanta dubenanaebiyaetsi bapon, pon yabara cueicueijeichi ichamonaetha.

¹⁵ Barapo wasacerdotepin pon pepa sacerdotepin, naca weyatane xua wanaca yawenaenexa poxonae juntu coyene faefaenouneibatsi abe waexanaexae. Bapon baxua nacata exana, tsipei bapon barichichi juntu coyene jujutatsi xua abe peexanaenexa. Caurimonae pia pentacaponaein tatsi juntu coyene jujuta icha naca ichi. Daichitha nama bapon Jesús bapana jopá abe exanae.

¹⁶ Daxota bewa ajuntuyapusá wucaetsi Nacom pon bichocono naca antobe. Jopá bewa junuwi tsainchi xua wacueicueijeíwa Nacomþa. Bapoxonae Nacom naca weyataena wanaca yabara junteinaenexa xua abe waexanae cuiru coyenein. Matautano bapon wanaca antobexae naca yawenaena poxonae po matacabitha canantawenoneibatsi, poxonae naca juntu coyene jujuta.

5

¹ Jiwi ba barompaya pia xantha tatsi jiwana taitapetatsi pomonae xua daxita cana exanatsi pepa sacerdotepiwi. Barapo sacerdotepiwi itorobatsi xua barapo sacerdotepiwi caunuta jiwi yabara poxonae cueicueijeí Nacom peitabaratha xua jiwi nexa. Matautano barapo sacerdotepiwi yabara tsiwan dubatsi po coyene jiwi petaexaneibiwa tsainchi Nacomþa pocotsiwan xua jiwi amanaya pecatsiwa Nacomþa abe peexanaexae. Matautano barapo sacerdotepiwi yabara tsiwan dubatsi po coyene xua jiwi petaexaneibiwa tsaiþi tsainchi xua poxonae duwei pejutebiwa pocotsi duwein xua jiwi amanaya pecatsiwa Nacomþa abe peexanaexae.

² Barapo sacerdotepiwi ichacuitha juntu coyene faefaenouneíba, poxonae juntu coyene jujuteibatsi caurimonae pia pentacaponaein tatsi xua abe peexanaenexa. Tsipei barapomonae nacui yaputane xua poxonae juntu coyene jujuteibatsi, daxota bara itacupatsi xua peyawenaewa ichamonaetha. Itacupatsi xua peyawenaewa pomonaetha pomonae

abe peexanaewi xua bequein jopa yaputaeyo xua abe exana, iruru pomonae yatsicaewa nacui yaputane xua abe exana.

³ Barapo sacerdotepiwi iruru abe exaneiba xua pejuntu coyene faefaenaexae poxonae juntu coyene jujuteibatsi caurimonae pia pentacaponaein tatsi. Daxota bewa iruru pia coutha nata exanae po coyene xua duwei penata tautsinexa Nacom nexa icha poxonae jiwu tacana ichichi poxonae abe peexanaexae.

⁴ Dapon ajibi xua pia coutha naexana pon pepa sacerdotepin. Jame ba Nacom bapocotsin yabara tsiwun duta xua penaexanaenexa pepa sacerdotepin. Matautano bapontha Nacom cata barapo peainya cui yabara matawun dutsiwa icha bayatha Nacom cana ichi pon pewun Aaron pon copiya pepa sacerdotepin naexana.

⁵ Cristo bara cana ichichi. Bapon Cristo pia coutha jopa naexanaeyo pon pepa sacerdotepin xua peainya cuin penaexanaenexa. Aparajame Nacom cata barapo peainya cui yabara matawun dutsiwa xua pepa sacerdotepin penaexanaenexa. Bayatha Nacom yabara paeba Pexanto pejume diwesitha, barapo peainya cui yabara matawun dutsiwa xua penaexanaenexa pepa sacerdotepin, xua jeye:

“Xam apara taxantom.

Anoxuae xan jinya axaxaein.

Yabara catsiwan dutatsi barapo jinya

nenacuichiwanexa”, jei Nacom.

⁶ Equeicha Nacom Pejume Diwesitha xua Pexanto yabara paeba, jeye:

“Xam pon sacerdotepim, xua bara ataya

tsitecaeya tsane, icha Melquisedec matha

ichi pon caena bayatha popona.

Bapon pepa sacerdotepin naexana xua

ataya tsitecaeya pepoponaein”,

jei Nacom.

⁷ Poxonae cataunxuae Cristo popona po cae pin nacuathe bichocono jume daunweya tsipaebeiba Nacomtha xuano jume daunweya waqueibano beya poxonae bichocono wecoyei. Cristo waqueiba Nacomtha, pon bequein itacupatsi xua Cristo peyawenaewatsi xua jopa petapaewa. Mexeya poxoru bapon itapetsiya peexanaexae pocotsiwa Nacom ichichipa daxota bara Nacom jume tane pocotsiwa Cristo wua.

⁸ Bequein Cristo Nacom Pexanto tatsi, ichitha nacuiduba xua Paxa jume jejei xua exana pocotsiwa Paxa itorobatsi xua poxonae atene exanatsi xua ichamonae exana.

⁹ Bapon pia coutha daxita najuntu cui yabara wnaeta poxonae atene xua penaexanaenexa pepa sacerdotepin. Daxota bapon Cristo exana xua jiwu capanenebiyatsi abe pia peexanae cuiru coyenein weya xua ataya tsitecaeya tsane daxita pomonae pia pejume cowuntsiwichixaetsi.

¹⁰ Nacom yabara tsiwun duta xua Cristo pepa sacerdotepin naexana, icha matha Melquisedec ichichi xua yabara tsiwun dutatsi xua pepa sacerdotepin naexana, pon caena bayatha popona.

Meje yabara xua poxonae muxuwetatsi pomonae Nacom pejume cowuntsiwi xua pebarapentsiyainwa po coyene xua pejume cowuntsiwa Nacom

¹¹ Waxainchi xeinatsi nawita xua po coyene wayabara natsipaebinexa Cristo xuaunxuae anoxuae paca tsipaebatsi. Daichitha bichocono ayapube xua paca yaputane exainchi tsipei painya coutha jopa pana nayabara copatsim xua bara painya neyabara yaputaewa tsane baxuan.

¹² Caena bayatha bewa pana naexanaem pomonae jiwu painya necuidubi jiwu pam. Daichitha cataunxuae panantawenoname xua ichamonae equeicha caewa yabara paca cuiduba Nacom Pejume Diwesi pocotsiwan xua jiwu nantawenona copiya nacuiduba poxonae aena jume cowanta. Paxam pomonae equeicha caewa pajuntu coyene faefaename, xua painya nejume cowuntsiwa. Barapo coyene icha be poxonae pexui ichi xua nantawenona mito, jopa peitacupaexaetsi xua pexaewa pewito.

¹³ Pexui poxi isainatsi ba nantawenona mito poxoru pewito jopa xaeyo. Barapocotsi juta coyeneya paichim. Paxam jopa paca itacupaeyo xua painya neyabara yaputaewa Cristo pia pecuidubiwa xua po coyene xanepanaya painya nejinompaewa.

¹⁴ Nama pewi jopa apara pexui nexiyo poxi isainatsi, jame apara ba pomonae pinyon nexa. Barapocotsi juta coyeneya ichi pomonae ba xaniwaicha jume cowanta pia juntu coyeneintha barapomonae jopa abe exanaeyo. Barapomonae nacuiduba xua yabara yaputane po coyene abe yawano po coyene wanae.

6

¹ Barabũ nacui barapentatsi xua nayabara cueicueijeichi pocotsi coyenein xua copiya naca cuiduba xua Cristo yabara poxonae aena jume cowantatsi. Jame barabũ nanta xeinatsi, po coyene pepa pena coyene icha pomonaе pinyon ichi xua pocotsiwan nanta xeina pomonaе beta jume cowanta. Po coyenein xua bayatha copiya naca cuiduba xua Cristo yabara, jopa nantawenonaetsi xua equeicha wanacuidubiwatsi po coyenein xua abe waexanaexae bewa aura tsainchi xua daxota nacui barapentatsi po coyenein abe, po coyenein xua ba naca wepu tsana exana Nacom weya. Matautano jopa nantawenonaetsi xua jume cowantsinchi Nacom.

² Barapocotsiwanje jopa nantawenonaetsi xua equeicha caewa nayabara cueicueijeichi tsainchi tsipei bayatha payaputaneme. Matautano jopa equeicha nantawenonaetsi xua caewa nayabara cueicueijeichi tsainchi xua bewa bautisabinchi. Matautano jopa nantawenonaetsi xua equeicha caewa nayabara cueicueijeichi tsainchi xua poxonaе Nacom pejume cowantsiwi pecobetha pemataboco jayabiwatsi xua pexeinaenexa pejuntũ cui coyenein po pejuntũ coyene Nacom pia Pejumope tũnaxũ tatsi cata. Matautano jopa nantawenonaetsi xua equeicha caewa nayabara cueicueijeichi tsainchi xua equeicha jiwi asũ peexanaewatsi petũpae cuiru coyene weya. Barichi jopa nantawenonaetsi xua equeicha caewa nayabara cueicueijeichi tsainchi xua poxonaе Nacom yabara paebina jiwi xua penatsicuentisiwa xua abe peexanaexae Nacomtha. Barapoxonaе Nacom itawetsina xua bara ataya tsitecaeya tsane abe peexanaexae.

³ Jame barabũ nayabara cueicueijeichi tsoponae tsainchi icha coyenein xua pena coyene icha Nacom bara naca cui yabara copatsina.

⁴ Ichamonaе penta xua Cristo pejume cowantsiwatsi. Daxota jopa neyapucũpaeayo xua equeicha tacuidubiwa Nacom Pejume Diwesi barapomonaetha. Barapomonaе Nacom pia pejume xainyeiwa nacuiduba, xuano yaputane Cristo pon Nacom itoroba po cae pin nacuathe tsique. Matautano barapomonaе xeina po pejuntũ coyenein Nacom pia Pejumope tũnaxũ tatsi cata.

⁵ Matautano barapomonaе yabara jume cui jũjũta Nacom Pejume Diwesi xua daxota yaputane xua barapo diwesi bara xanepana. Matautano barapomonaе tane po peayapusu itorobi coyenewa Nacom pia Pejumope tũnaxũ tatsi cata jiwitha xua barapo jiwi barapo coyenewatha exana pexeinya petsita itubi coyenewan beya poxonaе Cristo equeicha patopaena.

⁶ Icha daxita barapo coyenein barapomonaе equeicha nacui barapenta xua jopa Nacom pejume cowantsixaetsi, barapoxonaе nama jopa itacũpaeysi xua equeicha caewa pejume cowantsiwa Nacom. Poxonaе Nacom equeicha pentatsi baxua be barapomonaе equeicha Jesús caewa hexotsi naetotha. Barapomonaе exana xua jiwi Nacom Pexanto tatsi yabara jume cui caponatsi tsipei jopa Nacom jume cowantsichi. Baxua icha be poxonaе ichamonaе ichi poxonaе matha Jesús naetotha hexotsi xua daxota daxita jiwi Jesús cui caponatsi.

⁷ Pabi ba po iratha ema mũ jojoneca poxonaе ema duneiba barapo iratha, barapo pabiha jiwi pexaewa ũba. Nacom exana barapo iratha xua pexaewa xaniwaicha taxainwaetsina xua pomonaе peubimonaе taxainwaetatsi.

⁸ Ichitha icha icha pabi saya ƚ pesoiwan kuwa, barapo pabi jopa wunaeyo poxoru jiwi jopa yawenaetsi poxonaе ũba barapo pabiha. Daxota Nacom exana xua barapo pabi jiwi tautsina xua pesoiwan daxita tũpa peexanaenexa. Icha Nacom cana ichi pabintha bara jũta cana ichiya exana jiwitha. Icha jiwi Nacom jume cowanta dubenanaebiya, bara Nacom beta exanaena barapo jiwi. Ichitha icha barapo jiwi Nacom pentatsi, Nacom jopa yawenaе tsane barapo jiwi. Saya jame Nacom itoroba xua barapo jiwi petautsiwa tsainchi po isototha xua bapana jopa itacounayiyo.

Meje yabara xua wawũnae ewatsiwa xua pocotsiwa Nacom yabara wanaca tsiwũnae mũxu dutsiwa

⁹ Tamonaе pam, paxam pomonaе tapaca caantobe jiwichi pam. Bequein baxuan yabara paca tsipaebatsi, xua jiwi petautsiwatsi ichitha paca yabara yaputainchi xua jopa papentsim Nacom. Yaputan xua bara beta paexaname Nacom painya nepaca capanenebiyaexae.

¹⁰ Tsipei Nacom bara xainyeya exana. Nacom jopa paca yabara jũntemainae tsane pocotsiwan xua bayatha paexaname. Matautano jopa paca yabara jũntemainae tsane xua ichamonaе painya neyawenaewa pomonaе irũ pejume cowantsiwi Nacom. Baxua patsita itapeinya xeiname xua painya neantobexae Nacom. Baxuan caena bayatha paexanaponame, awiya cataunxuae baxuan paexanaponame.

¹¹ Bequein baxua paexaname daichitha paichichipan xua daxita paxam awiwa payawenaponaename ichamonaе. Ajuntayarusya pawnae ewataponare pocotsiwa Nacom yabara paca tsiwnae muxu duta xua beya payacuiya werapaeya othopaename.

¹² Jopa paichichipaеinyo xua payabara ajuntayocoyenefaetabim xua pawnae ewatame baxua tsipei jopa pana nayabara copatsim xua painya neyabara yaputaewa tsane baxua. Jame maisa bara jatiya paichiponaеinde, icha ichamonaе ichi xua poxonaе bichocono jume cowanta Nacom. Matautano barapomonaе jopa bepijawa aitaconaeyo xua wnae ewata pocotsiwa Nacom yabara tsiwnae muxu duta.

¹³ Poxonaе Nacom yabara tsiwnae muxu duta Abrahamtha, Nacom pia wantha yabara tsiwnae muxu duta Abrahamtha. Baxua Nacom pia wantha paeba tsipei dapon aibi pon bichocono ainya cui xua beyacaincha Nacom. Nacom ataya jume xainyei paeba daxota Nacom jopa icha wantha paеbiyo.

¹⁴ Nacom jeye Abrahamtha: “Bara xaniwaicha bichocono cayawenaеinchi. Jinya nemomoxi jiwi pia pemomoxi susato jiwi tatsi pinmonaе exanaein”, jei Nacom.

¹⁵ Abraham abu saya beitatemaya wnae ewatapona pocotsiwa Nacom yabara tsiwnae muxu duta, jopa aitaconaeyo. Bapoxonaе pirapae Abraham catatsi pocotsiwa Nacom bayatha yabara tsiwnae muxu duta bapontha.

¹⁶ Poxonaе jiwi ba yabara natsiwnae muxu duta xua pocotsiwa bepa pinae exaneibina, pewantha paeba, po wan xua ichan pewan tatsi pon xua bichocono ainya cui beyacaincha xua barapomonaе. Barapomonaе baxua exana xua ichamonaе peyaputaenexa xua bara xaniwaicha xainyeya peexaneibinexa pocotsiwa xua penayabara tsiwnae muxu dubeibixae. Bapoxonaе ichamonaе jopa itacupaetsi xua baxua yabara jume matsonsonoba barapomonaetha.

¹⁷ Nacom ichichipa xua tsita itapeinya xeina piamonaetha, pomonaetha pomonaе pecatsixae tsane pia petsiwnae muxu dutsiwa xua jopa equeicha ichawa nanta xeinaе tsane xua pocotsiwa exanaena. Nacom ichichipa xua barapomonaе peyaputaewa tsane xua bapon xaniwaicha exanaena pocotsiwa bayatha yabara tsiwnae muxu duta Abrahamtha. Daxota Nacom yabara tsiwnae muxu duta pia wantha.

¹⁸ Ainya coyenewabe Nacom exana po coyenewabe xua jopa itacupaetsi xua ichawa yabara jume toxeinchiya exana. Meje baxue: Icha coyenewa Nacom yabara tsiwnae muxu duta; icha coyenewano xua Nacom pia wantha yabara paeba xua pocotsiwa exanaena. Nacom jopa itacupaetsi xua peyabara naerabiwa barapo naxobe coyenebe. Waxainchi pomonaetsi xua pentatsi po coyenein barapo nacue pia coyenein, po coyenein xua abe exanatsi naca cana exana. Matautano jume cowantsiya wnae ewatatsi xua Nacom wanaca yawenaewa tsane xua naca capanenebiya abe waexanae coyenewa weya. Barapocotsiwa bayatha naca yabara tsiwnae muxu duta.

¹⁹ Waxainchi wnae ewatatsi xua Nacom bexa naca capanenebiya tsane. Wajume cowantsixae baxua daxota naca juntu coyene ayarusu exana. Naca itacupa xua wayabara jume cowantsiwa. Wawnae ewatsixae baxua naca yawena xua beta jinompatsi Nacom nexa. Baraxua icha be poxonaе jera ichi xua tuwutha babatabaruta pocotsiwa xua xota bichocono arewe xua jera beta perucuaenexa. Tsipei xaniwaicha wnae ewatatsi pocotsiwa Nacom exanapaeba, baxua naca cana exana xua nacaewabatsi Nacomtha xua caemonaе nanaexanatsi bapontha. Nacom itaboco beequiya, paparuwа pema werena pia botha eca xua tututhiya xua pin botha ichaxota wapatsiwa tsane.

²⁰ Jesús itaboco beicha naca tsiwnae patopiya Nacom pexainya beicha tatsi. Bapon copiya bewa bara bepatopiyaena xua wanaca matacaponaenexa xua iru wanaca itacupaewa tsane xua wapatsiwa tsane bara beicha Nacomtha. Daxota poxonaе baxua exana Jesús naexana pepa sacerdotepin icha matha Melquisedec ichi pon caena bayatha popona.

7

Meje yabara xua Jesús pepa sacerdotepin naexana, icha matha Melquisedec ichi

¹ Bapon Melquisedec caena bayatha Salem tomarapiwi itorobiya pia pepa peewatsinchi. Matautano bapon sacerdotepin pon petsipaеbin Nacomtha jiwi nexa, pon Nacom xua itaboco beequiya. Abraham caibe nawirena xua poxonaе nawabchuta xua poxonaе yotaba ainya nacuanpiwi pomonaе jiwi itorobiya pia pepa peewatsiwichi xuano xua poxonaе Abraham juteba barapomonaе. Bapoxonaе Melquisedec matenta iya, Abraham matenta iyatsi. Melquisedec Abraham jeichichi: “Barabu Nacom beta cayawenaena”, jei Melquisedec.

² Abraham nota pocotsiwan xeina pomonaе jiwi itorobiya pia pepa peewatsiwichi xua peamanayabixae poxonaе juteba. Abraham ainyawan capana, xua diez xuanbe. Jiwana

wetsatsaba tsiniya xua Melquisedec pecatsinexatsi sacerdotepinxae. Bapon Melquisedec hebreomonaē pijumetha yabara w̄n caunuta xua jei: “Bapon jiwī itorobiya pia pepa peewatsinchi pon xua beta peexanaein”, jei. Bapon Melquisedec Salem tomarapiwī itorobiya pia pepa peewatsinchi. Barichi barapo Salem w̄n hebreomonaē pijumetha yabara w̄n caunuta xua jei: “J̄ntema popona”, jei. Daxota barapo naxobe w̄nbe yabara w̄n caunutatsi xua jeye: “Pon jiwī itorobiya pia pepa peewatsinchi xua beta peexanaein xuano xua j̄ntema popona”, jei xua hebreo jumetha.

³ Nacom Pejume Diwesitha Melquisedec paxa tatsi pew̄n jopa yabara yopitichi. Matautano pena tatsi jopa yabara yopitichi. Barichi jopa yabara yopitichi pia pamo susato jiwī tatsi. Matautano bapon jopa yabara paebichi ichaxota naexana. Matautano jopa yabara yopitichi ichaxota bapon naxuba. Bapon apara sacerdotepin xua ataya tsitecaeya pon petsipaebin Nacomtha jiwī nexa. Bapon sacerdotepin xua ataya tsitecaeya icha ichi pon Nacom Pexanto tatsi pon pepa sacerdotepin.

⁴ Payabara nanta xeinare xua bapon Melquisedec bichocono Abraham tsita ainya cuichi. Abraham pon wamo susatopin bapontha cata xua bayatha diez xuanbetha caewan jiwana wetsatsaba tsiniya. Baxua xua xuan Abraham cata apara xua bayatha yabara amanayaba pomonaetha pomonaē jiwī itorobiya pia pepa peewatsiwichi xua poxonaē Abraham juteba.

⁵ Moisés pia peitorobi coyenewatha jeye: “Sacerdotepiwī pomonaē Levī pia pemomoxi susato jiwī tatsi, itac̄patsi xua bara nota caewan pocotsiwa xua jiwī catsiba xua poxonaē jiwī diez xuanbe caewan jiwana wetsaba pocotsiwan xua xuan xaina”, jei Moisés pia peitorobi coyenewatha. Barapo sacerdotepiwī baxuan exana barapo jiwitha yaitama piamonaē tatsi. Matautano exaneiba yaitama barapo jiwī Abraham pia pemomo susato jiwī tatsi icha barapo sacerdotepiwī ichi.

⁶ Ichitha Melquisedec jopa Levī pia pemomoxi susato jiwī tatsi. Bequein bapon jopa dapomonaeyo daichitha Abraham catsiba bapontha poxonaē caewan jiwana wetsaba tsitsiniya daxita xua diez xuanbetha jiwanan. Abraham xaina peyabara tsiw̄naē muxu dutsiwan, po peyabara tsiw̄naē muxu dutsiwan bayatha Nacom yabara tsiw̄naē muxu duta. Bequein Abraham xaina po peitorobi coyenewa xua itac̄patsi xua jeye ichamon-aetha: “Barab̄ Nacom beta cayawenaena”, xua jei, ichitha Melquisedec baxua Abraham tsipaebatsi.

⁷ Jiwī ba yaputane xua ba bichocono ainya cui pon xua jeye: “Barab̄ Nacom beta cayawenaena”, pon jei. Bapon bichocono ainya cui beyacaincha pon xua pebaraunchix-aetsi. Daxota yaputainchi xua Melquisedec bichocono ainya cui beyacaincha xua Abraham tsipei Melquisedec tsipaeba Abraham xua Abraham tsipaebatsi.

⁸ Anoxuae po dapaethe sacerdotepiwī pomonaē pomonaetha xua jiwī catsibeiba xua poxonaē diez jiwana wetsabeiba, barapo sacerdotepiwī saya jiwī xua saya pewerapaewa tsane. Ichitha nama Nacom Pejume Diwesitha Melquisedec yabara paebatsi pon xua ataya tsitecaeya pepoponaein xua jopa pet̄paewa.

⁹⁻¹⁰ Metha jame be icha iche: Poxonaē Abraham cata Melquisedec̄tha poxonaē caewan jiwana wetsaba diez xuanbe jiwana, bapoxonaē cataunxuae ab̄ Levī jopa naexanaeyo. Matautano Levī pia pexui tatsi cataunxuae jopa naexanaeyo. Barichi cataunxuae pia pemomoxi susato jiwī tatsi cataunxuae jopa naexanaeyo. Bapon Levī pon matapainya pepa sacerdotepin canamata canaexana poxonaē cotacaya ichamonaē ir̄ sacerdotemonaē naexana. Bapoxonaē sacerdotepiwī naexanumenapona. Bapon tsipaebeiba Nacomtha jiwī nexa. Poxonaē Abraham catsiba Melquisedec̄tha xua poxonaē caewan jiwana wetsaba diez xuanbe Nacom be tsitatsi xua apara be Levī ir̄ cata xua ir̄ be bara Levī pia pemomoxi susato jiwī tatsi catsiba. Poxonaē Abraham cata Melquisedec̄tha xua diez xuanbe caewan jiwana wetsaba, bapoxonaē yawa muxuna cata pia pemomoxi susato jiwī tatsi nexa bequein barapomonaē jopa cataunxuae naexanaeyo.

¹¹ Sacerdotepiwī po sacerdotepiwī Levī canamata canaexana sacerdotepin, barapo sacerdotepiwī israelmonaē catatsi Moisés pia peitorobi coyenewa tatsi. Daxita barapo sacerdotepiwī Aarón pia pemomoxi susato jiwī tatsi. Barapo sacerdotepiwī jopa itac̄paetsi xua jiwī cana exanatsi xua penaj̄nt̄ coyene xanepana exanaewa Nacomtha xua penatsicuentiwa yabara xua abe peexanaexae Nacomtha. Bequein sacerdotepiwī exanapona pocotsiwa itoroba barapo Moisés pia peitorobi coyenewatha ichitha awiya jopa itac̄paetsi xua jiwī yawenatsi. Daxota jiwī equeicha canamatawenona icha sacerdotepin. Barapo sacerdotepin jopa bewa exanaē icha Aarón pia pemomoxi susato jiwī tatsi jiwana ichi. Jame barapo sacerdotepin bewa exanaena icha Melquisedec ichi.

¹² Poxonaē Nacom icha sacerdotepin cana exana be pocotsin icha Melquisedec ichi bapoxonaē yawa muxuna bewa exanaena pena peitorobi coyenewa.

¹³ Barapo pena sacerdotepin pon Wanacanamataxeinaein, bapon baxua yabara pae-batsi Nacom Pejume Diwesitha. Bapon apara Israel pemomoxi susato jiwi jiwana pin pomonae jiwana xua doce po bicheitobe. Ichitha bapon naexana icha bicheito dena xua Judas pia bicheito dena po bicheito dena bayatha bapana jopa jiwana naexanaeyo sacerdotepin.

¹⁴ Daxita jiwi yaputane xua barapon pon Wanacanamataxeinaein naexana Judá barompaya pia pemomoxi susato jiwi dena tatsi. Poxonae Moisés yabara paeba sacerdotepiwi Moisés jopa yabara paebiyu xua Judá pia pemomoxi susato jiwi jiwana tatsi naexanaena sacerdotepin.

¹⁵ Daxota waxainchi xaniwaicha bara yaputainchi xua barapo pena sacerdotepin naexana icha sacerdotepiwi yaiwi, icha Melquisedec ichi pon pepa sacerdotepin.

¹⁶ Bapon Cristo jopa naexanaeyo sacerdotepin xua poxoru Moisés pia peitorobi coyenewatha pepaebixae xua Leví pia pemomoxi susato jiwi jiwana tatsi bewa naexanaena sacerdotepin. Jame apara Cristo sacerdotepin naexana Nacom pia peayarusu itorobi coyenewatha xua pexeinaexae peajuntucoyenesuwa po peajuntucoyenesuwa ataya tsiteca xua jopa itacupaetsi xua peweraweracaewa.

¹⁷ Nacom Pejume Diwesitha Cristo baxua yabara jeichichi:

“Xam sacerdotepim naexaname ataya xua petsitecaenexa, barapo sacerdote yajiwim icha Melquisedec ichi xua sacerdotepin”,
jei Nacom Pejume Diwesitha,
xua Cristo yabara paebatsi.

¹⁸ Nacom cana exana xua Moisés pia peitorobi coyenewa tatsi jiwi jopa canantawenonaeyo tsipei barapo coyenewa jopa xeinaeyo peayarusuwa xua jiwi cana exanatsi xua jopa pexeinaewa penatsicuentisiwa xua abe peexanaexae Nacomtha. Matautano jopa itacupaetsi xua jiwi pecanaexanaewatsi xua pecapanenebiwatsi abe pia peexanae cui ru coylene weya.

¹⁹ Barapo Moisés pia peitorobi coyenewa tatsi bapana jopa itacupaetsi xua jiwi juntu coylene xanepana exanatsi Nacomtha. Daxota anoxuae pena coyenewa xeinatsi xua ainya cui beyacaincha po coylene xua copiya. Barapo pena coyenewa naca cana exana xua wunae ewatatsi pocotsiwa Nacom exanapaeba xua barapo pena coyenewaxae daxota anoxuae Nacom naca yaputane xua piamonaexae tatsichi.

²⁰ Nacom xainyeya yabara tsiwunae muxu duta pia pewuntha xua Cristo naexanaena sacerdotepin xua ataya tsitecaeya. Jopa nama Nacom pia pewuntha yabara tsiwunae muxu dutsiyo xua sacerdotepiwi penaexanaenexa pomonae Leví pia pemomoxi susatopiwi tatsi.

²¹ Ichitha poxonae Cristo pon jiwi Pecanamataxeinaein sacerdotepin naexana, bapoxonae ichun, Cristo yabara paebatsi Nacom Pejume Diwesitha, jeye:

“Nacom pia pewuntha yabara tsiwunae muxu duta, ichawa jopa toxeincha yabara exanae tsane.
Poxonae Nacom yabara tsiwunae muxu duta,
bapon jeye Pexantoha: ‘Xam sacerdotepim xua ataya petsitecaenexa’, jei Nacom”,
jei ichun xua Nacom tapaebatsi
Nacom Pejume Diwesi.

²² Poxoru Nacom tsiwunae muxu duta xua Jesús naexanapaeba sacerdotepin daxota Nacom tsita itapeinya xeina xua exanaena xua bayatha paeba barapo pena coyenewatha.

²³ Bayatha sacerdotepiwi pinmonae tsoponae. Ichitha barapo sacerdotepiwi naitapataya werapouneiba, yawa ichamonae naexana sacerdotepiwi. Dapon aibi barapo sacerdotepiwi jiwana pon itacupatsi xua pewetsiwa pia peexanae coyenewan tsipei daxita werapouneiba.

²⁴ Ichitha poxoru Jesús ataya asu pepoponaexae daxota ataya tsitecaeya exanaena pia peexanae coyenewa icha pepa sacerdotepin ichi. Jopa nantawenonaeyo xua ichun Jesús pecoutha tanacuitatsi pon xuya sacerdotepin naexana.

²⁵ Daxota bapon ataya tsitecaeya itacupatsi xua jiwi ataya pecapanenebiwatsi pomonae xua pepatsiwa tsane Nacomtha pomonae xua Nacom peyaputaewi pejume cowantsi jiwixae Jesús. Jesús baxua exana ataya tsitecaeya asu pepoponaexae xua pewucaenexa Nacomtha xua barapo jiwi peyawenaenexatsi.

²⁶ Nacom tsita xanepanatsi xua Jesús pepa sacerdotepin naexana xaniwaicha, po sacerdotepin wacanamatawenonaexae. Yatsicaewa bapon bichocono pejuntu coylene xanepanaein Nacomtha. Bapon Jesús jopa abe exanaeyo ichamonaetha. Nacom tsitatsi xua Jesús jopa natsicuentisiyo poxoru abe jopa exanaeyo Nacomtha. Bapon Jesús seicaya

exana ducuanæbiya. Jopa exanaeyo icha be ichi pomonæ abe peexana dubenanae-biyaewi. Bapon Jesús Paxa capoinchi po itaboco taju beicha po itaboco beyacaincha xua necoichatsi xua Jesús barapo itaboco beicha Paxa ainya cui exanatsi.

²⁷ Pepa sacerdotepiwi ba bewa exaneibina po coyene xua duwei jutebeiba iboto matat-suntha xua tuxusi exaneiba Nacom nexa, daxita matacabintha tsaibi. Baxuan nata ex-aneiba copiya abe pia peexanae coyenewan nexa. Bapoxonæ cotacaya jiwí taexaneibatsi abe pia peexanae coyenewan nexa. Nama Jesús jopa barichiyo. Nama seicayiya icha coyeneya exana. Bapon Jesús pia pepon nata caenaeta xua tupa exanatsi saya bara cae cui coyenetha daxita carepaya jiwí nexa xua jiwí abe pia peexanae cuiru coyenewan tatsi nexa.

²⁸ Moisés pia peitorobi coyenewa tatsi canacui coyene exanatsi xua bara saya jiwí naexana pepa sacerdotepiwi. Barapo pepa sacerdotepiwi abe exana xua saya pecui pawí. Barapomonæ jopa pejuntu cui coyene xanepanae jiwí Nacomtha. Ichitha Nacom yabara tsiwunæ muxu duta pia wuntha xua Pexanto cana exana pepa sacerdotepin, po sacerdotepin yatsicaewa ataya tsitecaeya bichocono pejuntu coyene xanepanaeinxæ Nacomtha. Baxua Nacom exana xua yabara tsiwunæ muxu duta xua pepuya weya tatsi poxonæ Moisés catatsi peitorobi coyenewa.

8

Meje yabara xua Jesús pon pejume yawenaein jiwí Nacomtha

¹ Anoxuæ xua pocotsiwa xua bichocono peainya cui coyenewa meje baxue: Waxainchi xeinatsi yatsicaya pepa wasacerdotepin, pon yatsicaewa bichocono pejuntu coyene xanepanaein Nacomtha xuaunxuae yabara paca tsipaebatsi. Bapon eca pia peitapanæ eaethopaewatha Nacom pia pecoxa weya tatsi, peitabocotheicha.

² Anoxuæ Jesús nacuita Nacom pia xantheicha tatsi po penacuichi coyeneya sacerdotepiwi exana Nacom pia botha tatsi xua itabocotheicha. Barapo bo yatsicaewa Nacom pia pexainyei bo tatsi ichaxota popona xua itabocotheicha. Nacom pon jiwí Pecanamataxeinaein exana barapo bo. Jiwí jopa exanaeyo barapo bo.

³ Nacom daxita carepaya pepa sacerdotepiwi yabara tsiwun dubatsi xua jiwí petæxanaenexa tsaibi tsainchi po coyene pocotsiwa xua jiwí amanaya pecatsiwa Nacomtha. Matautano barapo pepa sacerdotepiwi yabara tsiwun dubatsi xua jiwí petæxanaenexa tsaibi tsainchi po coyene xua duwei pejutebiwa pocotsi duwein xua jiwí amanaya pecatsiwa Nacomtha xua abe peexanaexæ. Daxota Jesús iru bewa bara ichiya exanæ xua Nacom taexanatsi ichi sacerdotepiwi ichi poxonæ Nacom taexanatsi.

⁴ Icha metha barapo dapaetha Jesús poponaetsipa barapo irathe poxonæ iruru jinompa barapo sacerdotepiwi po sacerdote Aarón yaiwi jopa itacupaetsipaetsi xua cana exainchi pepa sacerdotepin. Tsipei cataunxuae barapo irathe sacerdotepiwi yaiwi exanapona pocotsiwa Nacom nexa xua Moisés pia peitorobi coyenewatha pecui itorobixæ.

⁵ Ichitha barapo sacerdotepiwi tanacuita be pocotsiwa xua saya penajupæ coyenewa xua jopa pexainyei coyenewa. Pocotsiwa jame xua pexainyei coyenewa, baxua jame Jesús exana peitabocotha. Pocotsiwa xua barapo sacerdotepiwi tanacuita saya be penajupæ coyenewa ichitha xaniwaicha jopa najupæyo xua be pocotsiwa Jesús exana peitabocotha. Baxua yaputainchi poxonæ Nacom Moisés tsipaebatsi. Poxonæ Moisés muxu pecuaranotsi anseraboco xua ichaxota jiwí wunæ jainteibina Nacomtha bapoxonæ Nacom Moisés tsipaebatsi. Nacom jeye: “Yabara nanta xeinare xaniwaicha xua daxita beta neexanaenexa anseraboco xua bayatha pocotsiwa yabara catsita itapeinya xeinatsi demxuwatha. Barapocotsi anserabocotontha seicaya jiwí newunæ jainchina”, jei Nacom.

⁶ Nama Cristo, yatsicaya pon wasacerdotepin, bapon exana itaboco beicha pocotsiwa xua yatsicaewa bichocono peainya cui coyenewa. Barapo coyene bichocono ainya cui beyacaincha po coyenewa xua peru coyenewa xua po coyeneya icha sacerdotepiwi exaneiba barapo irathe. Cristo jiwí yabara jume yawenatsi Nacom beicha xua jiwí pepatsinexa Nacomtha. Barapo pena coyenewa Nacom yabara tsiwunæ muxu duta xua bichocono wunæ beyacaincha barapo peru coyenewa po coyenewa pocotsiwa sacerdotepiwi exaneiba. Barapo pena coyenewa jiwí juntu coyene xanepana exanatsi Nacomtha. Ichitha barapo peru coyenewa jopa daichiyo.

⁷ Bayatha peru petsiwunæ yabara muxu dutsiwa Nacom Moisés yabara tsiwunæ muxu dutatsi. Icha barapo coyenewa xeinaetsipa peayapuswa xua daxota jiwí beta juntu coyene xanepana exanatsi Nacomtha, metha jopa nantawenonaetsipæ icha pena petsiwunæ muxu dutsiwa.

⁸ Ichitha Nacom tane xua barapo jiwi jopa pejuntũ coyene xanepanae jiwi bapontha poxonae barapo peru peyabara tsiwũnae muxu dutsiwa xeina. Daxota ichũn Nacom Pejume Diwesitha jeye:

“Nacom jeye: Matacabin othopaena, po matacabintha pena petsiwũnae muxu dutsiwa exanaein Israel nacuapiwi pia pemomoxi susato jiwitha tatsi irũ Judea nacuapiwi pia pemomoxi susato jiwitha tatsirũ.

⁹ Jopa bara jũta coyeneya ichin tsane poxonae matha icha ichin painya amo susato jiwitha. Barapo coyene barapomonaetha catan poxonae matacaponan Egipto nacua weya. Daichitha barapomonae jopa nacui yabara wũnaetsiyo xua peexanaenexa pocotsiwa itoroban poxonae catan barapo peyabara tsiwũnae muxu dutsiwa barapomonaetha. Daxota barapomonae punapentan, xua jopa tayawenaewa tsane, jei Nacom”, jei ichũn.

¹⁰ Equeicha ichũn jeye:

“Nacom jeye: Barapo peyabara tsiwũnae muxu dutsiwa Israel nacuamonaetha, poxonae barapo matacabin wetsina bara baxua exanaein. Janje: Jiwi pejuntũ coyenewatha ichaxota nanta xeina taitorobi coyenewa baxota dubin. Bapoxonae barapomonae neyaputaena yawa nejume cowantsiya jejei tsane. Tacoutha barapomonae pia Nacom tatsi naexanaein.

Barapomonae tamonaenaxanaena.

¹¹ Dapon aibi pon bewa cuidubina ichũntha xua xan yabara, xuano xua cuidubina pia jitontha xua xan yabara, matautano xua cuidubina peweicho xua xan yabara petana neyaputaewanexa tsane.

Jopa bewa cuidubi tsane barapomonae tsipei daxita jiwi neyaputaena pomonaenaxanae pecui pawĩ jiwi, irũno pomonaenaxanae peainya cui jiwi.

¹² Xan barapomonaenaxanae cui yabara jũnteminaein abe pia peexanae cuiru coyenein tatsi, xua jopa pexeinaewa tsane xua tana netsita natsicuentisiwa xua abe peexanaewaxae. Bapana ataya equeicha jopa yabara nanta xeinaein tsane barapo abe peexanae cuiru coyenein, jei Nacom”, jei ichũn Nacom Pejume Diwesitha xua saya Nacom tapaebatsi.

¹³ Nacom yabara paeba pena peyabara tsiwũnae muxu dutsiwa tsipei po peyabara tsiwũnae muxu dutsiwa copiya Moisés yabara tsiwũnae muxu dutatsi saya peru jume. Pocotsiwa ba peru coyenewa ba saya weraweraca. Daxota barapo peru peyabara tsiwũnae muxu dutsiwa saya irũ weraweraca.

9

Meje yabara xua Nacom pin pia bo tatsi po bo xua itabocotha uncua xuano irũnũ po bo xua po irathe tsique uncua

¹ Nacom copiya Moisés yabara tsiwũnae muxu dutatsi. Barapo peyabara tsiwũnae muxu dutsiwa peitorobi coyenein xeina xua pocotsi coyeneya israelmonaenaxanae bewa exanaena poxonaenaxanae nacaetuta xua wũnae pejainchinexatsi Nacom. Matautano barapo peyabara tsiwũnae muxu dutsiwa itoroba xua jiwi xeina po bo xua Nacom pia bo tatsi xua po irathe.

² Barapo Nacom pia bo jiwi exana duwein pebocoton xua be anseraboco. Barapo anseraboco ainya tutube xeina. Po tutu copiya dena pewũn: “Nacom pia tutu po tutu ainya cui tutu xua jopa pexeinaewa peabe cuiru”, jei. Barapo tututha uncua penainto po

penaintohta itanatanota penasiwa. Matautano barapo tututha uncua xua pexaethopaewa po pexaethopaewatha xua baxota jeba pan, po pan xua Nacom catatsi.

³Paparuwa xua dutsica barapo paparuwa peema werena icha tutu xeina po tutu pewan: “Yatsicaewa Nacom pia tutu po tutu bichocono pepa peainya cui tutu xua jopa xeinaeyo peabe cuiru”, jei.

⁴Barapo tututha uncua xua be pecaxaethopaewa xua u penainto xua oro wan nainto. Baraxota yabeibiya tauteibathopa petuxueiwa po petuxueiwa tuxusi tuxuei benata poxonae tauta. Matautano barapo tututha uncua xua be caja po caja pewan: “Nacom pia peyabara tsiwanae muxu dutsi caja”, jei. Barapo caja peema weya daxita matapaeicha caxueba oro naintontha. Barapo caja juntututha eca coroto xua oro nainto. Barapo corototha tsijuntutu boca po pexaewa pewan maná matawan xua itaboco pia pexaewa. Matautano barapo caja juntututha boca penacobenababi naewa po penacobenababi naewa bayatha Aarón xeina. Barapo naewa bayatha Nacom xuwa exana xua tsiwixi piraruruijjei poxonae pexeinya petsita itutsi coyene exana pia peayapusu itorobi coyeneyatha. Matautano barapo caja juntututha bobena iboton po ibotontha mata tinaduba Moisés pia peitorobi coyenewa.

⁵Barapo caja pemata xatatsiwa jumatha nacueyatabe ecabe ainya querubinbe matawanbe xua jumope canaxobiya exana oro naintohta, ponbe be matatsunpinbe. Barapo ainya querubinbe matawanbe yabara caunuta xua Nacom baxota eca. Barapo ainya querubinbe matawanbe naitama taecabe yawa nacuarafe yeyetecabe xua itata barapo caja pemata xatatsiwa. Matautano irabe tayecarecabe ichaxoya pejana nupbabareca po jana duwein jana. Barapo duwein sacerdotepin hexuba jwiwí abe pia peexanae cuiru coyenein tatsi nexa. Anoxuae baxua yabara equeicha jopa bepaca tsipaebichi.

⁶Daxita nacui wunaeta pocotsiwa xua barapo tutubetha nexa. Vapoxonae sacerdotepiwi joiweibeibiya daxita matacabi po tututha xua copiya dena. Barapo sacerdotepiwi barapo tututha exaneiba pia penacuichiwa.

⁷Ichitha nama po tutu dabeya saya meisa joniyeiba pon pepa sacerdotepin xua saya caetotha tsaibi xua daxita weithan tsaibi. Poxonae barapo pepa sacerdotepin barapo tutu iya joniya bewa nata cajoniyaena duwein jana. Barapo jana nupbaba ichaxota querubinbe matawanbe itabarayo deca xua bapon abe pia peexanae cuiru coyenewan tatsi nexa xuano xua iru jwiwí abe pia peexanae cuiru coyenewan tatsi nexa xua poxonae jwiwí jopa nacui yabara yaputaeyo.

⁸Peyabara exanaewa daxita baxuan Nacom pia Pejumope tnapaxi tatsi naca cuiduba xuaje: Poxonae cataunxuae sacerdotepiwi taexana dubenanaebiya Nacom po tututha xua copiya dena, jwiwí jopa copatsichi xua pata po tutu dabeya ichaxota Nacom popona.

⁹Daxita pocotsiwan barapo anserabocototha caena bayatha exana yabara caunuta xua anoxuae wayabara yaputaenexa baxua xua pocotsiwa anoxuae exana. Jiwi Nacom wnae jainteibatsi poxonae sacerdotepin exaneiba pocotsiwa xua jwiwí pecatsiwa Nacomtha xuano xua poxonae exaneibano xua duwei pejutebiwa xua tuxusi exana Nacom nexa. Bara bequein jwiwí baxua exaneiba ichitha cataunxuae pia juntu coyenein tatsi cana exanatsi xua awiyya yabara nanta xeina dubenanaebiya abe pia peexanae cuiru coyenein tatsi. Barapo coyene po coyene jwiwí exana jopa beta juntu coyene xanepana exanaetsi xua jopa penatsicuentisiwa tsane Nacomtha xua abe peexanaexae.

¹⁰Barapo peru peitorobi coyenewa xua Moisés pia peitorobi coyenewa tatsi jwiwí jopa yawenaetsi xua penajuntu coyene xanepana exanaewa Nacomtha. Saya apara yabara paeba xua jwiwí bewa pocotsiwa xaibina poxonae nabaneiba, matautano xua xuan pocotsiwa bewa apeibina. Matautano jwiwí itorobatsi xua po coyenein yabara xua jwiwí beta penaperu xainwaetsiya nowaewa yabara pia wnae jainteibichi Nacom. Barapo coyenein xua saya jwiwí bewa cana exanae pia pepontha beya xua anoxuae Nacom pena coyenewa equeicha exana.

¹¹Nama Cristo patopa pon pepa sacerdotepin. Bichocono yatsicaewa pexeinya coyenewa xua pena coyenewa nacata capatopa po coyenewa xua anoxuae waxainchi xeinatsi. Po tutu ichaxota bapon nacuiteiba icha pepa sacerdotepin ichi xua itabocotha bichocono wnae tsipei Nacom daxita matapaeicha wetsiya exana. Barapo tutu bichocono wnae beyacaincha po tutu ichaxota sacerdotepiwi tanacuita Nacom xua barapo cae pin nacuathe. Jiwi jopa acabiyo barapo tutu xua itabocotha tsipei barapo tutu jopa apara po cae pin nacuathe tsique nexiyo.

¹²Cristo joniya ichaxota yatsicaewa Nacom pia xantha. Bara xoteicha Cristo jopa caponaeyo duwein jana po duwein pewan chivo, xuano xua vaca jana jopa caponaeyo xua penun jana, xua pebto jana. Saya jame Cristo Nacom tsita itutatsi xua bapon jwiwí tsitupatsi xua abe pia peexanae coyenewan tatsi. Bapon Cristo saya bara cae coyenewatha joniya

baxoteicha xua daxita carepaya jiwí nexa. Daxota bapon Cristo bara ataya tsitecaeya naca capanepa.

¹³ Sacerdotepiwi ba nota vaca pebton pia pejanan, yawa chivo pia pejana xuano ipuna xua poxonaē tautatsi vaca pesowatiyo peweinio. Sacerdotepiwi mata wenunubaba jiwí daxita baxuantha pomonaetha pomonaē xua abe peexanaē cuiru coyenein peexanaewixae. Bara bapoxonaē barapo coyene jiwí itacupatsi xua cana exanatsi xua jopa penataxobiwa pia pepontha bequein awiya xeina penatsicuentisiwa.

¹⁴ Bequein bara baxuan barapo jiwí tsiwiyo yawenatsi xua jopa petaxobiwatsi pia pepontha ichitha nama Cristo pia pejana tatsi barapomonaē bichocono yawenatsi. Cristo pejana bichocono peayapusu coyenewa xeina beyacaincha xua duwein pejana. Nacom pia Pejumope tunaxu tatsi po jumope ataya tsitecaeya popona barapo pejumope tunaxu tatsi Cristo yawenatsi poxonaē saya Cristo nayabara cui copata xua bara pebexubinexatsi poxonaē pejana pichapabarena pewan weya petupaewatha. Bapon Cristo jopa bapana exanaeyo peacoyenebewa. Cristo wanaca tsitupaexae Nacom naca juntu coyene xanepana exana. Daxota Nacom jopa tsita natsicuentichi abe waexanaexae. Wajuntu coyene eueicha jopa yabara wanaca tsipaebinxae abe waexanaē coyene. Daxota jopa bewa ponae tsainchi ichaxota ataya atene tsaibi pomonaē jopa pejume cowuntsiwi. Anoxuae jame naca itacupa xua ajuntusya taexana dubenanaebiyatsi Nacom pon xua ataya tsitecaeya asu pepoponaēin.

¹⁵ Daxota bapon Cristo naexana pon nacata paeba Nacomtha yawa pon naca tsipaeba Nacom nexa. Bapon Cristo nacata catsica Nacom pia pena peyabara tsiwunaē muxu dutsiwa tatsi. Bapon naca cana exana xua daxitatsi caemonaē naexanatsi Nacomtha. Poxonaē naca tsitupa Nacom yabara junteina abe peexanaē cuiru coyene po peabe exanaē cuiru coyenein xua jiwí caena bayatha exana poxonaē cataunxuae exanapona po coyene bayatha Nacom Moisés yabara tsiwunaē muxu dutatsi xua peru peyabara tsiwunaē muxu dutsiwa. Daxita pomonaē Nacom pewabixae barapomonaē catsibinchi peajuntuyapusawa po peajuntuyapusawa xua ataya tsitecaeya tsane xua bayatha Nacom peyabara tsiwunaē muxu dutsixae barapomonaetha.

¹⁶ Poxonaē pebin ba ichichipa cata pia pecopiniwa ichamonaetha xua poxonaē tupaena, copiia matha yabara caununaya wun tinaduba paperatha pomonaē xua pecopiniwa xeinaewa tsainchi. Pomonaē xua pecopiniwa xeinaewa tsainchi barapomonaē bewa tsita itapeinya xeinaena xua barapo pebin xaniwaicha bara tupa xua poxonaē beya pewunaeya tsane xua pecopiniwa notsinexatsi pon xua tupa. Bapoxonaē barapomonaē bara itacupatsi xua pexeinaewa pocotsiwa xua bapon xeina pon tupa.

¹⁷ Barapo papera, po paperatha bayatha pebin nacopiniwa yabara jume tinaduba cataunxuae jopa ainya cuiyiyo poxonaē abu cataunxuae bapon popona tsipei jopa copiniwa notichi barapomonaē. Saya jame poxonaē bapon yatsicaewa tupa bapoxonaē jame ainya cui barapo papera, tsipei barapomonaē itacupatsi xua pexeinaewa tsane pocotsiwa bapon xeina.

¹⁸ Barichi barapo copiia peyabara tsiwunaē muxu dutsiwa. Pewunaeya tsane xua poxonaē jiwí xeinaena pocotsiwa bayatha Nacom Moisés yabara tsiwunaē muxu dutatsi sacerdotepin bewa matha duwein bexubina xua bapoxonaē barapo coyene jiwí pexeinaewa tsane.

¹⁹ Moisés daxita pia peitorobi coyenewan yabara paeba daxita jiwitha. Nexata bapon pena xua oveja na xua tsobia naewiyotha opi yarabaxuba, po naewiyotha pewun hisopo naeyo. Bapon mene muxunaxuba vaca jana poyo peweinio pebtiyo xuano xua muxunaxuba chivo jana. Bapoxonaē baxuan bapon Moisés nunubaba Nacom Pejume Diwesitha. Matautano daxita jiwitha mata wenunubaba.

²⁰ Bapoxonaē Moisés daxita jiwitha jeye: “Barapo jana po janatha paca mata wenunubabatsi apara Nacom itoroba xua tapacata exanaewatsi tsainchi. Baxua paca tsita itapeinya xeina xua Nacom xaniwaicha bara pacata exanaena pocotsiwa pia peyabara tsiwunaē muxu dutsiwa”, jei Moisés.

²¹ Barichino Moisés exana xua anseraboco mata wenunubaba pejanatha. Matautano muxuna mata wenunubaba xua xuan barapo anserabocototha tututha umena pocotsiwan sacerdotepiwi canacuiteba poxonaē jiwí nacauteiba xua Nacom wunaē pejainchinxatsi.

²² Moisés pia peitorobi coyenewantha tatsi itoroba xua bara imoxoyo daxita coyeneintha bewa pejanantha mata wenunubabi xua daxita baxuan Nacom jopa petsita nataxobinxatsi. Nacom jopa yabara junteinaeyo jiwí abe pia peexanaē cuiru coyenein tatsi icha jopa pejana epa-epacaeyo xua barapo jiwí nexa.

Meje yabara xua Cristo tsitupa jiwí abe pia peexanaē cuiru coyenewan tatsi

²³ Sacerdotepiwi bewa jutebina duwei pemata wenunababinexa pejanatha anseraboco. Bapoxonae Nacom petsita xanepanaenexatsi xua jopa nataxobiyo barapo anseraboco xuano xua xuan tututha umena. Barapo coyene saya yabara caunuta xua yatsicaewa pepa coyenewa Cristo exana peitabocothaicha. Ichitha nama barapo yatsicaewa pepa coyenewatha peexanaenexa peitabocothaicha jame bewa pejana epa-epacae pejana pon pejantũ coyene xanepanaein pon peainya cuin pia pejana tatsi xua Nacom tsita jiji xanepanatsi xua jopa penatsicuentisiwa xua abe peexanaexae Nacomtha. Barapo jana bichocono ainya cui beyacaincha duwein jana po jana xua sacerdotepiwi nanababa po cae pin nacuathe.

²⁴ Poxonae Cristo joniya Nacom pin pia botha tatsi xua itabocothaicha jopa joniyaeyo po bo saya jiji exana po cae pin nacuathe xua Nacom pin pia bo tatsi. Barapo bo xua Nacom pin pia bo saya yabara caunuta xua yatsicaewa peitabocothaicha xeina pepa Nacom pin pia bo tatsi. Jame Cristo joniya Nacom pin pia botha tatsi, xua Nacom pia nacuatheicha tatsi xua itabocothaicha. Baxoteicha anoxuae Cristo naitata Nacomtha xua wanacata tsipaebinxaxa Nacom peitabaratha.

²⁵ Pon pepa sacerdotepin bewa joniyaena bara saya caetha tsaibi xua daxitan weithan tsaibi ichaxota po tutu yatsicaewa Nacom pia tutu xua po tutu bichocono yatsicaewa peainya cui tutu xua barapo anserabocotha. Barapon pejana capaneiba barapo tututha xua duwein jana xua jopa barompaya pia pejana tatsi. Nama Cristo jopa nantawenonaeyo xua nayabara cui copata xua matowa tupa pecana exanaewatsi xua jiji abe peexanae cuiru coyenein tatsi nexa.

²⁶ Icha baxua tsipae bapoxonae bapon matowa tupa exaneibichipatsi xua bexubeibatsi xua poxonae Nacom aena barapo cae pin nacue forota xua beya anoxuae. Ichitha nama anoxuae weta xua peru dapae tsipei bapon Cristo patopeica barapo cae pin nacuathe petupaenexa xua saya bara cae coyenewatha ataya petsitecaenexa tsane. Bapon Cristo naetha tsitupa jiji xua Nacom jiji peyabara cui junteinaenexatsi abe pia peexanae cuiru coyenein tatsi.

²⁷ Daxita jiji ba weraponeibina saya caetha. Bapoxonae pirapae Nacom yabara paebina daxita jiji xua penatsicuentisiwa xua abe peexanaexae.

²⁸ Barichira, icha jiji ichi Cristo saya caetha tsitupa jiji pinmonae, xua Nacom jiji abe pia peexanae cuiru coyenein tatsi pecayabara junteinaenexa tsainchi. Equeicha bexa tsane patopeicaena po cae pin nacuathe. Jopa tsipatopeicae tsane xua equeicha petsitupaewa tsane jiji abe pia peexanae cuiru coyenein tatsi. Jame tsipatopeicaena xua pecapanenebiyaenexa pomonaetha pomonae pia pewanae ewatsi jiwixaetsi xua bapon pepatopaewa po cae pin nacuathe tsique.

10

¹ Moisés pia peitorobi coyene tatsi, baxua saya yabara caunuta xua yaputane wanaca exanaenexa po coyene xua wanae po coyene xua bexa Nacom exanaena itabocothaicha. Barapo coyene, jopa pepa coyenewiyo poxoru jopa jupaeyo po coyene xua Nacom yatsicaewa xeina itabocothaicha. Moisés pia peitorobi coyenewa tatsi jopa itacupaetsi xua jiji pejantũ coyene xanepana exanaewatsi Nacomtha pomonae wanae janteiba Nacom. Bequein pepa sacerdotepiwi daxita weitha exaneiba xua duwei jutebeiba jiji abe pia peexanae cuiru coyenein tatsi nexa daichitha cataunxuae jopa itacupaetsi xua jiji juntũ coyene xanepana exanatsi xua jopa pexeinaenexa xua penatsicuentisiwa xua abe peexanaexae Nacomtha.

² Icha Moisés pia peitorobi coyene tatsi jiji juntũ coyene xanepana exanaetsipatsi Nacomtha bapoxonae sacerdotepiwi jopa equeicha nantawenonaetsipae xua equeicha pejutebeibiwa duwei jiji abe pia peexanae cuiru coyenein tatsi nexa. Icha jiji caetha juntũ coyene xanepanaetsipa Nacomtha, bapoxonae jiji jopa natsicuentisipae xua abe peexanaexae Nacomtha.

³ Ichitha poxonae barapo sacerdotepiwi jutebeiba duwei jiji abe pia peexanae cuiru coyenein tatsi nexa bequein baxua exana cataunxuae jiji cana exanatsi xua yabara jantanaina barapo abe pia peexanae cuiru coyenein tatsi. Jiji yabara jantanaineiba baxuan daxita weitha poxonae duwein jutebeibatsi barapo jiji nexa.

⁴ Vaca pebto pia pejana tatsi yawa chivo pia pejana tatsi jopa bapana jiji juntũ coyene wenotichi abe pia peexanae cuiru coyenein tatsi xua jopa penatsicuentisiwa nexa Nacomtha xua abe peexanaexae.

⁵ Daxota poxonae Cristo patopa po cae pin nacuathe tsique, Cristo jeye Nacomtha: "Xam jopa ichichipaem po coyene xua duwein pebexubiwa jiji abe pia peexanae cuiru coyenein tatsi nexa.

Matautano jopa ichichipaem xua po coyenein xua jiwi amanaya necacatsiwa.

Jame pebaxuanexa yatsicaewa pepa jiton necana exaname xua naexanan, tatsitupaenexa jiwi abe pia peexanae cuiuru coyenein tatsi nexa.

⁶ Xam jopa cajuntu coyene weiweina exanaeyo poxonae duwein ompin tautatsi xuano xua pexaewa tauta petuxusi exanaenexano xua xam neyabara junteinaenexa jiwi abe pia peexanae cuiuru coyenein tatsi.

⁷ Bapoxonae xan Cristo, janje:

'Xam Tanacom.

Xan xote po nacuathe patopeicanje taexanaenexa xua pocotsiwa ichichipame be pocotsi coyeneya necui yabara tina jinya diwesitha', jan", jei Cristo.

⁸ Copiya Cristo paeba xua jeye: "Xam jopa ichichipaem yawa jopa cajuntu coyene weiweina exanaeyo po coyene xua poxonae jiwi bexuba duwein xuano poxonae exaneiba po coyene poxonae jiwi amanaya cacatsibeiba. Matautano jopa ichichipaem poxonae duwein ompin tautatsi xua jiwi abe pia peexanae cuiuru coyenein tatsi nexa", jei Cristo. Baxua Cristo paeba tsipei Moisés pia peitorobi coyenewatha itoroba xua jiwi bewa exanaena barapo coyenein Nacom nexa.

⁹ Equeicha bapoxonae Cristo cotacaya jeye: "Xan xote po cae pin nacuathe patopeicanje taexanaenexa pocotsiwa ichichipame", jei. Poxonae Cristo baxua caunutsiya paeba copiducia cana exana po coyene peru coyene. Cristo anoxuae equeicha pecoutha pena coyene exana poxonae naethotha tsitupa jiwi abe pia peexanae cuiuru coyenein tatsi.

¹⁰ Nacom naca juntu coyene xanepana exana wanaca cana exanaenexa piamonae tatsi poxoru Jesucristo exana pocotsiwa Nacom peichichipaexae. Jesucristo pia pepon nacaenaeta Nacomtha xua naethotha petsitupaenexa daxita jiwi abe pia peexanae cuiuru coyenein tatsi xua bara cae coyenewatha xua ataya petsitecaenexa tsane.

¹¹ Daxita sacerdotepiwi pomonae judiomonae daxita matacabi exaneiba xua duwein pebexubiwa, bequein barapo coyenewa jopa itacupaetsi xua jiwi juntu coyene wenotatsi abe pia peexanae cuiuru coyenein tatsi.

¹² Nama Jesucristo bara cae coyenewatha exana poxonae naethotha tsitupa jiwi abe pia peexanae cuiuru coyenein tatsi, xua bara ataya tsane. Poxonae Cristo baxua nacui weta Nacom pia pecoxatheicha tatsi equiya xua itabocothaicha.

¹³ Baxoteicha Cristo abu ewata beya poxonae abu tsane poxonae Nacom cana exanaena xua Cristo cana exanaeinchi xua pecanamataxeinaenexa pia peaitafaetabi jiwichi.

¹⁴ Cristo piamonae juntu coyene xanepana exana xua ataya tsane poxonae naethotha tsitupa cae coyenewatha. Barapomonae pomonae xua Nacom tsitatsi xua jopa xeinaeyo penatsicuentisiwa pomonae piamonaexae tatsi.

¹⁵ Nacom Pia Pejumo pe tana xua tatsi baxua yabara iru naca tsipaeba bayatha Nacom Pejume Diwesitha, jeye:

¹⁶ "Matacabin othopaena po matacabintha xan tayabara tsiwinae muxu dutsiwa xua pena coyenewa exanaein barapomonaetha.

Jiwi pia juntu coyenewantha xua ichaxota nanta xeina taitorobi coyenewa baxota dubin", jei Nacom pia Pejumo pe tana xua tatsi.

¹⁷ Bapoxonae equeicha Nacom pia Pejumo pe tana xua tatsi jeye:

"Bapana ataya equeicha jopa yabara

juntanainaein tsane jiwi abe pia peexanae cuiuru coyenein tatsi", jei

Nacom pia Pejumo pe tana xua tatsi,

Nacom Pejume Diwesitha.

¹⁸ Daxota poxonae Nacom yabara junteinaenexa jiwi abe pia peexanae cuiuru coyenein tatsi, equeicha jopa nantawenonaeyo xua jiwi duwein pebexubiwa xua tuxusi exana Nacom nexa xuano xua po coyene exaneiba xua po coyene Nacom amanaya pecatsibeibiwatsi.

Meje yabara xua waxainchi bewa wajuntu coyeneyatha nanta xeinaetsi xua bara apara imoxoyo itiya jinompatsi Nacom

¹⁹ Tamonae pam, daxota anoxuae naca itacupa xua jopa junuwiya patsi tsainchi itabocothicha ichaxota yatsicaewa Nacom pia tutu, po tutu bichocono peainya cui tutu. Daxota baxua naca itacupa tsipei Nacom yabara copata xua bara Jesucristo naca tsiwanaya patopa barapo tututha pejana pichapabarenaexae poxonae naetotha naca tsitupa.

²⁰ Anoxuae naca itacupa xua wapatsiwa Nacomtheicha pena juntu coyene waxeinaexae po pena juntu coyene ataya yapusu xua poxonae Cristo wanaca tsitupaexae. Baraxua be poxonae metha Cristo nacata pataxubichipa paparuwa po paparuwa yacaincha ducua Nacom pia tutu po tutu yatsicaewa peainya cui tutu. Daxota johoniyaeinchi wajinompaenexa Nacomtha.

²¹ Bapon Jesús, yatsicaewa wasacerdotepin, pon canamataxeina Nacom pia bo tatsi xua itabocothicha.

²² Daxota bewa wajuntu coyeneyatha nanta xeinaetsi xua bara apara imoxoyo itiya jinompatsi Nacom, xua yatsicaewa xainyeya wajuntu coyene xanepanaexae bapontha. Matautano bewa wajuntu coyeneyatha nanta xeinaetsi xua bara apara imoxoyo itiya jinompatsi Nacom xanepanaya wajume cowantsiya jinompaexae. Matautano bewa wajuntu coyeneyatha nanta xeinaetsi xua bara apara imoxoyo itiya jinompatsi Nacom tsipei jopa juntu coyene auratsi xua jopa watsita natsicuentisixae xua abe waexanaexae. Matautano bewa wajuntu coyeneyatha nanta xeinaetsi xua bara apara imoxoyo itiya jinompatsi Nacom tsipei poxonae ichamonae naca bautisaba meratha tsita itapeinya xeinatsi xua Nacom bayatha naca juntu coyene xanepana exana.

²³ Barabu naajuntucoyenesu exainchi xua jopa junuwiya wayabara paebiwa tsainchi wawunaewatsiwa. Baxua exanaponaeinchi tsipei bara yaputainchi xua Nacom pia exanaena pocotsiwa bayatha yabara naca tsiwanae muxu duta xua jopa yabara ainya unthutontsi.

²⁴ Barabu yabara nanta xeinaeinchi po coyenewa xua nantiya nacui tsacabinchi xua wanayawenaewatsi. Bapoxonae nantiya naantobe tsainchi, matautano xua xanepanaya beta nantiya nata exanaeinchi.

²⁵ Jopa bewa bara juta coyeneya ichiya exanaetsi be pocotsimonae waxainchi jiwantsi pomonae jopa pateibiyo poxonae nacaetuteibatsi xua poxonae Nacom wawunaewatsi. Ichitha jame bewa nantiya najuntu coyene tsacabichi xua juntea wajinompaewatsi. Barapo coyene bewa exanaponaetsi beyacaincha xua po cui coyene copiya bayatha. Baxua exanatsi tsipei anoxuae yaputainchi xua matacabi jopaena, po mataqueitha pon jiji Pecanamataxeinaein patopaetsica.

²⁶ Tsipei icha ichamonae waxainchi jiwantsi icha barapomonae awiya abe exanapona xua pocotsiwa peichichipaexae xua abe exana xua poxonae bequein peyaputaewatha po coyene pexainyei jume, nama icha coyenewa ajibi, xua ichan equeicha petsitupaenexa barapo peabe coyenewa.

²⁷ Saya jame meisa tanacopatatsi pomonae awiya abe exanapona xua matacabi cunuwa po mataqueitha poxonae Nacom yabara paebina jiji xua penatsicuentisawa xua abe peexanaexae. Matautano tanacopatatsi xua isoto yabara cunuwa, po isoto bichocono atou, po isototha Nacom weraweraca cana exanaena daxita pomonae pia peaitafaetabi jiwichi.

²⁸ Po pebin jumefeba po coyene Moisés itoroba pia peitorobi coyenewatha, xua poxonae nacueyatabe pebinbe ichacuitha poxonae acoibi poyobe baponbe yabara paebabe: “Bapon pajume tan poxonae jumefeba”, jei, bapoxonae bapon bewa tupaena. Tsipei pomonae bapon yabara paebatsi xua penatsicuentisawa xua abe peexanaexae, barapomonae tsita itapeinya xeinatsi xua bara bapon xainyeya abe exana. Daxota bapon bewa tupaena tsipei barapomonae jopa yabara nanta xeinaeyo xua bapon peyawenaewatsi.

²⁹ Xuaje payabara nanta xeinare: Nacom bichocono atene exana pomonaetha pomonae Pexanto tatsi itaweta. Matautano atene exana pomonaetha pomonae abe yabara paeba xua pinae Jesús pejana jopa ainya cuiyo bequein Jesús tsitupa jiji. Jesús petsitupaexae daxota Nacom yabara tsiwanae muxu duta xua jiji pejuntu coyene xanepana exanaenexatsi Nacom. Matautano barapomonae jopa natsicuentis tsane xua abe peexanaexae. Matautano Nacom atene exana pomonaetha pomonae Nacom pia Pejumo tupaen tatsi tsamu jumeya baru paebatsi po pejumo jiji yawenatsi pia peantobexaetsi. Barapomonae nama bichocono atene exanaeinchi beyacaincha xua ichamonae atene exanaeinchi pomonae jopa exanaeyo pocotsiwa Moisés itoroba.

³⁰ Waxainchi yaputainchi xua Nacom bayatha jeye: “Xan tacoya exanaein pentoma xua jiji atene tsane abe peexanaexae”, jei Nacom. Equeicha Nacom Pejume Diwesitha jeye: “Nacom yabara paebina piamonae xua penatsicuentisawa xua abe peexanaexae”, jei.

³¹ Po pebin abe exana bichocono junuwa cana exanatsi poxonae Nacom yabara paebina bapon tsipei barapo pebin Nacom tsitatsi xua bapon bara penatsicuentisawa xua abe

peexanaexae. Bapoxonae Nacom, pon ataya asu pepoponaein, bichocono jopa juniara atene cana exanae tsane bapontha.

³² Bara ataya payabara jantanainare po dapaetha poxonae bequein aena pajume cowantame Nacom, xua ichitha beta paexaname. Bapoxonae awiya ichitha jantema parubenanaebiyame poxonae bequein ichamonae pacata abe exana.

³³ Ichamonae xua paxam jiwana pam barapomonae tsam jumea biatainchi xuanu jiwu itutha atene exaneibatsi. Iragu ichamonaeru pomonae paxam jiwana pam barapomonae nacayabara nanta xeina xua barapara iragu atene exaneibatsi poxonae ichamonae atene exaneibatsi.

³⁴ Paxam painya antobexae pacayabara nanta xeiname pomonae jiwu pecabi botha jebatsi xua painya neyawenaenexa. Bequein bara ichamonae daunweya pacata nota xua xuan daxita paxeiname, daichitha awiya cataunxuae pajantu coyene weiweiname. Bara payaputaname xua paxeiname itabocothaichu pocotsiwa bichocono yatsicaewa wnae beyacaincha pocotsiwa po cae pin nacuathe paxeiname. Baxua xua pocotsiwa paxeiname itabocothaichu ataya tsitecaeya paxeinaenexa baxua.

³⁵ Jopa pana nacui barapentsinde xua payabara jume cowanta dubenanaebiyame xua painya nepaca catsinexa pocotsiwa bayatha Nacom yabara paca tsiwinae muxu duta. Tsipei wajume cowanta dubenanaebiyaxae tsane Nacom, baxua nexa Nacom pentoma naca catsibina xua bichocono nawita xua pia nacuatheicha.

³⁶ Paxam panantawenoname xua ajantu yapusuya parubenanaebiyama awiya xua jopa paaitaconaem bequein ichamonae pacata abe exana xua painya neexanaenexa pocotsiwa Nacom ichichipa. Bapoxonae Nacom paca catsibina pocotsiwa xua bayatha yabara paca tsiwinae muxu duta.

³⁷ Nacom Pejume Diwesitha jeye:

“Methaunxuae patopaetsica, pon

bewa patopeicaena.

Jopa bayathiyo tsane.

³⁸ Pon bara netsita pejantu coyene xanepanaein, bapon bara ataya poponaena tana nejume cowanta ducuaebiyaxae.

Ichitha icha bapon equeicha caewa jopa nejume cowantsiyo jopa xanepanaya beyabara jantu coyene weiweinaeninyo, pocotsiwa bapon peexanaexae”, jei Nacom.

³⁹ Ichitha nama waxainchi jopa be barapomonaetsi, pocotsimonae equeicha caewa jopa jume cowantsiyo Nacom. Barapomonaetsi Nacom weraweraca exanaena. Nama waxainchi pomonaetsi awiya jume cowanta dubenanaebiyatsi Nacom beya poxonae wajantu coyene nacata capanepa exanaeinchi.

11

Meje yabara xua Nacom pejume cowantsiwatsi

¹ Pon jume cowanta ducuaebiyati Nacom, bapon bara xaniwaicha yaputane xua xeinaena pocotsiwa wnae ewata. Matautano pejantu coyene tsita najume itapeinya xeinatsi xua barapara xainyei po coyene xua barapon yabara jume cowanta bequein cataunxuae yatsicaewa jopa taeyo.

² Wamo susato jiwu xanepanaya beta yabara paebatsi xua Nacom beta yabara paeba ayapusuya pejume cowantsiwaxaetsi.

³ Waxainchi wayabara jume cowantsixae xua Nacom naca yawenapaeba daxota yapatanchi xua barapo cae pin nacue iru barapo itaboco susato forotatsi, Nacom peitorobixae. Pocotsiwan xua anoxuae tainchi, Nacom forota pocotsiwan weya xua bapana jopa taetsi, pocotsiwan xua peinyaxae.

⁴ Abel pon caena bayatha popona yabara jume cowanta xua Nacom yawenapaeba. Daxota bapon duwein bexuba xua tuxusi exana Nacom nexa. Nacom tsita xanepanatsi pocotsiwa Abel exana. Daxota Nacom yabara paeba xua bara bapon pon pejantu coyene wnaein. Iragu Cain Abel pentapin tatsi, bapon iragu bequein pexaewa exana po coyene xua Nacom pecatsiwatsi. Daichitha barapo coyene Nacom jopa tsita xanepanaetsi. Nacom bichocono beita cui jichatsi pocotsiwa Abel exana, beyacaincha xua pocotsiwa Cain exana. Nacom baxua beita cui jichatsi tsipei Abel peyabara jume cowantsixae pocotsiwa Nacom exanapaeba. Bequein Abel bayatha tupa ichitha naca itacupa xua awiya wayabara nacuidubaponaewatsi pocotsiwa Nacom exanapaeba poxonae yabara yorobatsi Abel pia pejume cowantsiwa tatsi.

⁵ Enoc pon caena bayatha popona yabara jume cowanta xua Nacom yawenapaeba. Daxota bapon Enoc pichicatsi. Nacom pichica xua bapon pecapanaenexatsi itabocothicha, xua bapon Enoc jopa petapaenexa bara po cae pin nacuathe. Enoc piamonae jopa caxinaetsi, poxoru Nacom pichica. Nacom Pejume Diwesitha paeba xua poxonae pewnaeya tsane xua pichicaeinchi Enoc, Nacom tsita xanepanatsi pocotsiwa Enoc peexanaetae.

⁶ Jopa itacupaetsi xua jiji Nacom tsita xanepanatsi icha barapo jiji jopa beta jume cowantsiyo Nacom. Pon xua ichichipa imoxoyo itiya popona Nacomtha jame bewa matha yabara jume cowantsina xua Nacom bara xaniwaicha popona. Matautano jame bewa yabara jume cowantsina xua Nacom bara cata pocotsiwa bayatha yabara tsiwinae muxu duta pomonaetha pomonae pia pejeichiwichi xua pejume cowantsinexatsi. Barapomonae Nacom yaputainchi.

⁷ Noé pon caena bayatha popona yabara jume cowanta xua Nacom yawenapaeba. Daxota Noé piamonae tsixana pin jera nae xua piamonae matabuxayo pebaru nacapanepaenexa. Nacom Noé pewnaeya yabara muxuwetatsi xua pocotsiwa bexa exanaena pocotsiwa Noé bapana bayatha jopa taeyo, xua pin awabo tsane xua Nacom itorobina. Noé bara jume cowantsiya exana pocotsiwa Nacom itoroba poxonae pin jera nae exana xua piamonae matabuxayo pebaru nacapanepaenexa. Noé pejume cowantsixae Nacom, bapon tsita itapeinya xeina xua pomonae barapo cae pin nacuepiwi apara abe exana poxonae jopa yabara jume cowantsiyo xua Nacom itorobapaeba pin awabo. Nacom tsitatsi xua barapo jiji atene tsane penatsicuentiswaxae jopa pejume cowantsixaetsi. Jame Noé Nacom juntu tsita coyene xanepanatsi pejume cowantsixaetsi bapon. Daxota Nacom Noé piamonae matabuxayo baru cacanepeatsi.

⁸ Abraham pon caena bayatha popona yabara jume cowanta xua Nacom yawenapaeba. Daxota poxonae Nacom pewabixae, bapon bara exana pocotsiwa Nacom itoroba. Bapon Abraham pia nacua weya pona xua peponaenexa icha nacua, po nacua bayatha Nacom yabara tsiwinae muxu duta, xua bapon catapaebatsi. Bapon Abraham pia ira weya pona xua icha nacua beya pona po nacua bequein jopa yaputaeyo ichaxota pona.

⁹ Abraham peyabara jume cowantsixae Nacom, bapon popona po iratha xua bayatha Nacom yabara tsiwinae muxu duta. Bapon Abraham be pon penanapaincha poponaein xua icha nacua werena poponaexae xua poxonae icha nacua, poxona popona. Bapon Abraham poponeiba anserabocon bomuxixitha icha Isaac ichi iru icha Jacob ichi poxonae poponeibabe anserabocon bomuxixitha. Abraham, iru Isaac, iru Jacob barapoyobe Nacom tsiwinae yabara muxu duta barapo ira xua Nacom pecatsinexa.

¹⁰ Abraham nacui yabara winae ewata xua patopana po tomaratha ichaxota xua pepu umenae bon xua Nacom pia nacuatheicha. Apara Nacom bapon pon yabara nanta xeina xua forotsina barapo tomara po tomara xua Nacom pia coya bara exana.

¹¹ Barichi Sara Abraham piseuri tatsi yabara jume cowanta xua Nacom yawenapaeba. Bequein barowa acue xua jopa peitacupaewatsi xua pexeinaewa pexui awiya jume cowanta Nacom. Sara pejume cowantsixae, Nacom cata barapowa catatsi peajuntuyarusiwa, xua barapowa pepabetsinexa pexuyo. Baxua barapowa taexanatsi tsipei barapowa jume cowanta pocotsiwa Nacom taexanaena bapowatha xua bayatha Nacom yabara tsiwinae muxu duta.

¹² Bara barichi Abraham. Bapon bichocono amo tsecae xua bara imoxoyo petapaewaba tsane xua jopa itacupaetsi xua peexanaewa pexui. Daichitha Nacom copata xua bapon pexanto xeina xua daxota baroxonae bapon pia pemomoxi jiji tatsi bichocono pinmonae naenaexanapona. Barapo bicheito bichocono pinmonae icha opiteimonae ichi xua bichocono nawita. Matautano barapomonae icha taetowa beno ichi xua bichocono beno cuscjei xua mar mene itapatha. Jopa itacupaetsi xua barapo jiji peununaewatsi icha taetowa beno ichi.

¹³ Daxita pomonae jume cowanta Nacom barapomonae yajume cowantsiya werapa. Abu cataunxuae jopa catsibichi pocotsiwa bayatha Nacom yabara tsiwinae muxu duta xua pocotsiwa barapomonae catsibapaebatsi. Daichitha barapomonae yabara jume cowanta xua pocotsiwan bexa xeinaena xua Nacom bexa catsibina. Barapomonae baxuan yabara jume cowantsiya tsita xanepanatsi. Barapomonae nantiya nayabara nanta xeina, jeye: "Waxainchi pomonae be wananapaincha jinompaewichi barapo pena nacuathe xua be icha nacua werena waponae, pomonaetsi xua awiya jeita dubenanaebiyatsi po nacua yatsicaewa pepa wanacua", jei daxita barapomonae.

¹⁴ Tsipei barapomonae baxua paeba, naca yaputane exana xua awiya jeitapona po nacua yatsicaewa pia nacua tatsi.

¹⁵ Barapomonae jopa apara yabara caunutsiyo ichaxota copiya po nacua weya Abraham pona. Icha metha baxua yabara paebichipa metha bara itacupaetsipatsi xua caewa pewarapaewa pia nacua ichaxota copiya bayatha jinompa.

¹⁶ Ichitha barapomonaē ichichipa po nacua xua bichocono wūnaē beyacaincha xua icha nacuan. Baraxua xua po nacua ichichipa, apara Nacom pia nacua tatsi. Daxota Nacom jopa auriyo xua barapomonaē yabara paebatsi xua pinae Nacom barapomonaē pia Nacom tatsi. Daxota Nacom barapomonaē tsiwūnaetatsi tomara.

¹⁷ Nacom Abraham juntu coyene jūjutatsi peyaputaenexa icha bara metha yatsicaya jume cowūntatsi. Daxota Nacom Abraham itorobatsi xua pexanto pebexubiwa tsane icha be pocotsi coyeneya ichi xua poxonae duwein bexuba Nacom nexa. Abraham pejume cowūntsixae Nacom daxota pexanto capana atororo beya pon yatsicaewa compa tatsi pon pewūn Isaac. Abraham muxu pexanto pebexubi icha be pocotsi coyeneya ichi xua poxonae duwein bexuba Nacom nexa. Bapon baxua exana bequein Nacom yabara tsiwūnaē muxu duta barapo Abraham pexanto tatsi, jeye:

¹⁸ “Barapo nexanto Isaacxae nantaūtsiname nemomoxi susato jiji”, jei Nacom.

¹⁹ Abraham jume cowūnta xua icha Isaac tūpaetsipa Nacom itacūpatsi xua equeicha Isaac caewa asū exanatsi poxonae bequein pexanto bexubichipa. Poxonae Abraham muxu pexanto pebexubi, apara bara be xua bayatha tūpa, mataūtano apara be xua Abraham pexanto equeicha caewa asū taexainchi.

²⁰ Barichi Isaac yabara jume cowūnta xua Nacom yawenapaeba. Daxota bapon Isaac pexantobe tsipaeba, jeye: “Barabū Nacom paca yawenaena pia paca necaantobexaebe”, jei Isaac pexantobetha, Jacob irū Esau.

²¹ Barichi Jacob yabara jume cowūnta xua Nacom yawenapaeba. Daxota poxonae bapon juntucuru imoxoyo tūpaenaba barompaya tsipaebabe José pia pexantobetha tatsi xua pia pemomobexae tatsi. Bapon jeye: “Barabū Nacom paca yawenaenabe pia paca necaantobexaebe”, jei Jacob José pia pexantobetha tatsi. Bapoxonae bapon Nacom wūnaē jaintatsi poxonae naewatha nabūxū babatanotsiya wūyūtanota tsipei bichocono amo tsecae.

²² Irū José yabara jume cowūnta xua Nacom yawenapaeba. Daxota poxonae bara imoxoyo tūpaenaba yabara paeba israelmonae. José yabara paeba xua bexa tsane Israel pia pemomoxi susato jiji tatsi warapaena Egipto nacua weya, xua po nacua baya be xua bayatha Nacom yabara tsiwūnaē muxu duta xua Nacom catapaeba. Mataūtano José pia pexui cui itoroba, xua José pia pexui piwa capanaeinchi Egipto nacua weya po nacua beya ichaxota israelmonae warapaena po nacua xua Nacom yabara tsiwūnaē muxu duta xua Nacom catapaeba.

²³ Moisés pena tatsi irū paxa tatsi yabara jume cowūnta xua Nacom yawenapaeba. Daxota Moisés matsiyatatsi botha acoiibi po xometobe poxonae aena naexana. Moisés pena yabara nanta xeinatsi yawa paxa yabara nanta xeinatsi xua Moisés itubūn tsecae. Baponbe jopa yabara jume cuitaya junuwiyo xua po coyene cui itoroba Faraōn pon Egipto nacua piwi itorobiya pia pepa peewatsinchi xua pinae daxita pexui pebin wūtxi bewa jutebinchi.

²⁴ Irū Moisés yabara jume cowūnta xua Nacom yawenapaeba. Daxota poxonae bayatha pinyoba Moisés jume aichaxaibiya naitemata, jeye: “Xan barapowa jopa pexanton tatsin powa Faraōn pexantiyo tatsi”, jei Moisés.

²⁵ Saya jame bapon Moisés itapetatsi xua irū yawa muxuna atene exanaeinchi Nacom piamonae tatsi xua poxonae barapomonaē atene exanaeinchi xua ichamonae atene exanaena pomonaē Egipto nacua monaexae. Moisés ichichipa xua pecana exanaewa tsainchi icha piamonae tatsi tacana ichichi. Moisés jopa benaexanaeyo xua daxitan pexeinaewa tsane pecoutha pocotsiwan xua Faraōn xeina. Icha baxuan xeinaetsipa Moisés juntu coyene weiweina exanaetsipatsi barapo nacua xua saya caepatiyo nexa tsipae po coyene xua jiji weiweina exanatsi xua abe peexanaponaewa. Moisés piamonae jopa benaitematsiyo daxota jopa benotsiyo Faraōn pecopiniwa tatsi.

²⁶ Ichamonae Moisés tsūmū jumetha biatainchi xua ajuntucoyenetane exanatsi icha Mesias ichichi pon Nacom itoroba. Poxonae Moisés nayabara jume tane baxua tsita coyene xanepanatsi, beyacaincha xua poxonae barapo copei pexeinaewa tsane Egipto nacua. Baxua Moisés itapeta tsipei ichichipa xua pexeinaewa po pentoma bexa tsane Nacom catsina bapontha peatenexae po pentoma bayatha Nacom yabara tsiwūnaē muxu duta.

²⁷ Moisés yabara jume cowūnta xua Nacom Moisés yawenapaebatsi. Daxota najuntu coyene weta xua pewarapaewa tsane Egipto nacua weya. Moisés jopa junuwiyo bequein yaputane xua Faraōn bara casebina. Bapon Moisés bara saya amsiya pona bara be xaniwaicha tane Nacom xua be yatsicaewa barū poinchi pon peinya peponaein xua jiji jopa itacupaetsi xua petaewa.

²⁸ Moisés pejume cowūntsixae Nacom, piamonae cui itoroba xua peexanaenexa penabanaewa xua Pascua wūn matakabi nexa. Mataūtano bapon cui itoroba piamonae xua pejanantha pecapibinexa daxita bomūxū pecoibotontha. Barapo Moisés piamonae tatsi pomonaē Israel pia pemomoxi susato jiwixae tatsi baxuan exana xua daxota matatsunpin

jopa tupa exanaeyo piamonae. Barapo matatsunpin merawi patopaena xua pejutebiwa tsane matapin jivi pomonae pia bontha jopa xeinaeyo po jana xua Moisés cui itoroba xua jivi бонуха pecoibotontha pecapibiwa tsane.

²⁹ Barapo Israel pia pemomoxi susato jivi tatsi yabara jume cowanta xua Nacom yawenapaeba. Daxota Mar Rojo mene mentha icha muxunene beya panenebiya xua epatauta iya pona be poxonae xua ira tsewa iya peponaewa. Ichitha poxonae Egipto nacuamonae baraxoya iyaya daxita bunothopa.

³⁰ Israel pia pemomoxi susatopiwi tatsi yabara jume cowanta xua Nacom yawenapaeba. Daxota matawacaicha tocuencueniya enaponeiba peмухубуа iya siete po matacabibe xua barapo Jericó tomara peyacaincha toxorotsi dutsiwa xua be iboton. Barapoxonae barapo Jericó tomara peyatoxorotsiya yacaincha dutsiwa baxua iratha jopiya.

³¹ Bayatha yabayoy powa Jericó tomarapiwayo Rahab yabara jume cowanta Nacom pon Israel pia pemomoxi susato jivi tatsi pia Nacom tatsi. Daxota bapowa jopa baru tupaeyo piamonae xua pia tomarapiwixae poxonae tomarapiwi werapa jopa pejume cowantsixae Nacom pon Israel pia pemomoxi susato jivi tatsi pia Nacom tatsi. Bapowa Rahab powa copiya bayatha pesi cui weiweinaewa pebiwitha. Poxonae Israel pia pemomoxi jiwamonae namicha pata xua pecui amanayabiya taenexa Jericó tomaratha, barapoxonae barapowa Rahab matenta weyataeya waba, xua barapo israelmonae jiwamonae wabatsi pia botha tatsi.

³² Jopa equeicha paebinyo xua equeicha pinmonae tayabara paebiwa pomonae pejume cowantsiwi Nacom. Jopa neyapu jupaeyo xua jopa taxeiawa matacabi xua tacueicueijeinexa Gedeón yabara, iruno Barac yabara, iruno Sansón yabara, iruno Jefté yabara, iruno David yabara, iruno xua Samuel yabara, iruno pomonae Nacom pia peitorobi jume petapaebiwi tatsi yabara.

³³ Daxita barapomonae jume cowanta Nacom. Ichamonae barapomonae jiwana, amanayaba ainya nacuanpiwitha, pejume cowantsixae xua Nacom yawenaena. Ichamonae pejume cowantsixae Nacom daxota jiwitha beta xaniwaicha canamata itoroba. Ichamonae pejume cowantsixae Nacom barapomonae catsibatsi pocotsiwan xua bayatha Nacom yabara tsiwanae muxu duta. Ichamonae pejume cowantsixae Nacom, Nacom exana xua coibo acaba neuthan, xua barapomonae jopa atene peexanaexatsi barapo neuthan.

³⁴ Matautano ichamonae pejume cowantsixae, daxota Nacom yawena barapomonae poxonae Nacom itaxutaba exana po isoto bichocono pin isoto xua barapomonae po isototha tautatsi. Barichi ichamonae pejume cowantsixae daxota Nacom capanenebiya tsaibi barapomonae poxonae muxu pejutebibichi peopi sojeiwantha xua be cusi. Matautano pomonae faefaena, equeicha Nacom daunwei exana. Daxota barapomonae daunwei poxonae naba. Ichamonae Nacom peyawenaexae amanayaba pia peaitafaetabi jiwichi xua ainya soldadomonaein bicheitontha.

³⁵ Barichi ichamonae yabaxi pejume cowantsixae equeicha caewa piamonae xeina, pomonae equeicha caewa taasutsi petupaewa weya.

Ichamonae itacupatsi xua panenebiya xua jopa werapae tsane xua icha poxonae Nacom itawetatsina. Nama barapomonae jopa bepaebiyo baxua daxota barapomonae werapa poxonae bichocono caitacueintatsi ichamonae. Barapomonae, pomonae pewerapaewi yaputane xua pejume cowantsixae Nacom, daxota Nacom equeicha asu exanaena xua barapomonae pepatsiwa tsane Nacom pia nacuatheicha.

³⁶ Ichamonae pejume cowantsixae Nacom, bichocono ajuntacucioyenetane tsipei bichocono cui capanebatsi ichamonae. Matautano ichamonaeru cuaintebatsi. Ichamonaeru penain mutontha cubebatsi. Ichamonaeru jivi pecubi bontha cuaranobatsi.

³⁷ Ichamonae pejume cowantsixae Nacom, ibotontha tupa exanatsi poxonae cuinbatsi. Matautano ichamonae werapa poxonae epa nantarabobiya thabebatsi seruchotha. Iruru ichamonae pejume cowantsixae jutebatsi peopi sojeiwantha xua cusin. Ichamonaeru pejume cowantsixae Nacom, taseicatsi pexaewa, yawa taseicatsi bon, xua daxota saya dubenanaebiya, yawa naxataba oveja bocoton xuano xua cabra bocoton. Barapomonae acopeibiwi tsobenae, barainebatsino abe taexanebatsino.

³⁸ Pomonae barapo cae pin nacuathepiwi Nacom pejume cowantsiwi yabara pae-batsi, yabara jeichiche: "Jopa be cui copatichi xua barapomonae pejinompaewa tsane watomaratha", yabara jeichichi. Ichitha barapomonae Nacom tsita ainya cuichi beyacaincha barapomonae pomonae barapo cae pin nacuathepiwixae. Barapo Nacom pejume cowantsiwi dubenanaebiya ichaxota ira xuepana susato tsurucuae nacuatha. Matautano barapomonae demxuwantha dubenanaebiya, muthanthano jinompa, xuano xua duwei pia muthantha jinompano.

³⁹ Bequein Nacom yabara paeba barapomonaе xua beta peexanaexae pejume cowantsixaetsi, daichitha cataunxuae ab̄u barapomonaе jopa catsibichi pocotsiwa Nacom bayatha yabara tsiw̄nae muxu duta barapomonaе, matautano xua caeinthano.

⁴⁰ Barapomonaе cataunxuae ab̄u jopa catsibichi baxua tsipei Nacom naca yabara nanta xeina xua bexa tsane ir̄u naca catsibina pocotsiwa bapon tsita xanepanatsi. Pocotsiwa bapon catsibina xua apara barapomonaе Nacom naca cayawa muxuna j̄ntu coyene xanepana exanaena.

12

Meje yabara xua waxainchi bewa exanaponaetsi icha Jesús ichi poxonaе exanapona

¹ Pomonaе xuaunxuae yabara pacata tinatsi barapomonaе bichocono pin bicheitomonaе, pomonaе pejume cowantsiwi po coyene xua Nacom yawenapaeba. Barapomonaе naca tsita itapeinya xeina xua awiya xanepanaya jume cowanta dubenanaebiya bequein atene exanatsi ichamonaе. Baxua naca cuiduba xua ir̄u bewa xanepanaya jume cowanta dubenanaebiyaeinchi bequein naca atene exana ichamonaе. Barab̄u waxainchi daxita nacui barapentinci abe waexanae cuiru coyenein xua jopa naca yawenaeyo xua Nacom beta wataexanaewatsi. Barab̄u waxainchi beitemaya aj̄ntus̄uya awiya exanapoinchi pocotsiwa Nacom naca cui itoroba.

² Saya meisa Jesús j̄ntanainaeya jinompatsi wanaca yawenaenexa. Bapon copiya bichocono pejume cowantsixaе Nacom daxota bapon wanaca canamataxeinaein xua wajume cowantsinexa. Matautano bapon betiya naca exana xua beta wajume cowantsiwa poxonaе cataunxuae awiya wajinompaeawa barapo cae pin nacuathe. Jesús bara saya copata xua atene exanadutatsi naetotha ichamonaе poxonaе t̄pa exanatsi. Bapon jopa auriyo bequein naetotha t̄pa exanatsi j̄wi peit̄tha tatsi. Ichamonaе ba bichocono aura xua poxonaе pet̄pae exanaewatsi naetotha. Nama bapon Jesús jopa auriyo poxoru nayabara yaputane xua pirapae poxonaе nacana cui wetinchi xua atene exanatsi, xuanu xua poxonaе t̄pa exanatsi naetotha, bapoxonaе bichocono j̄ntu coyene weiweinaena. Anoxuae bapon Jesús eca pia pexeinya peecaethopeibiwatha xua Nacom pia pexoca weya tatsi xua itabocotheicha ichaxota Nacom eca pia pexeinya peecaethopeibiwatha.

³ Jesús pacayabara j̄ntanainaponde xua bayatha po coyene Jesús abeya exanatsi pomonaе abe peexanae j̄wi. Jesús awiya beitemaya saya popona poxonaе bequein bichocono atene exanatsi barapomonaе pomonaе abe peexanaewi. Daxota jopa paraichinde xua poxonaе jopa pana naj̄ntu coyene tsacabim. Matautano jopa paj̄ntucoyenefaetabinde xua poxonaе daxota jopa beta painya taexanaewa Nacom.

⁴ Painya j̄ntu coyenewatha pajume torobabame abe peexanae cuiru coyenein xua painya neexanaeyainwa barapo coyenein. Bapoxonaе jopa panaitematsim xua painya nejume cowantsiwa Nacom. Bequein bara baxua daunwei paexaname ichitha awiya cataunxuae jopa pawerapaem xua barapo coyene painya neexanaexae icha bayatha Cristo ichi xua t̄pa xua bichocono daunweya peexanaexae barapo coyene.

⁵ Paxam paj̄ntemname xua bayatha Nacom paca muxuweta xua paxam bara Nacom pia pexui tatsi pam. Baxua yabara Nacom Pejume Diwesitha paca jeye:

“Tapexui pam, jopa amsiya payabara nanta xeinaeinde pocotsiwa yabara paca muxuwetatsi tapaca cuidubinxatsi.

Poxonaе atene paca exanatsi jopa aj̄ntucoyenefaetabiya pajinompaeinde xua yabara tapana nejume cowantsiwam.

⁶ Tsipei muxuwetsiya cuiduban pomonaetha pomonaе antobein.

Matautano atene exananno pomonaetha pomonaе tapexui tsicotan”, jei Nacom Pejume Diwesitha.

⁷ Awiya j̄ntema pajinompae poxonaе bequein Nacom paca atene exana xua paca necacuidubixae. Baxua Nacom pacata exana tsipei paca nacana exana pia pexui tatsi pam. Dapo pexuyo ajibi, po pexuyo jopa paxa muxuwetsiya cuidubichi xua poxonaе icha bichocono antobetsi paxa.

⁸ Nacom pia pexui muxuwetsiya cuiduba. Icha Nacom jopa paca muxuwetsiya cuidubichipae, bapoxonaе paxam jopa Nacom pia pexui tatsi pam tsipae. Saya be catsa pexui pam tsipae icha be pocotsi pexui ichi po pexui seicaya icha paxa barompa.

⁹ Matautano caena bayatha poxonaе cataunxuae pexuichi waxeiwi naca atene exana wanaca muxuwetsiya cuidubixae. Daichitha waxeiwi bar̄u cui itura jinatsi. Waxainchi bewa ichichipaetsi xua waexanaewatsi pocotsiwa naca cui itoroba pon Waxa Nacom,

pon itabocotheicha popona. Barapocotsiwa bewa exanaeinchi beyacaincha pocotsiwa exanatsi xua poxonae waxeiwi naca cui itoroba poxonae jinompatsi barapo cae pin nacuathe. Baxua bewa exanaeinchi Waxa Nacom pon itabocotheicha popona wanaca catsinexa peajuntuyarusu coyenewa.

¹⁰ Waxeiwi poxonae pexuichi barapo cae pin nacuathe saya caepatiyo naca muxuwetsiya cuiduba. Baxua nacata exana icha be pocotsi coyeneya xua ichichipa xua tsita xanepanatsi. Ichitha nama Nacom naca muxuwetsiya cuiduba wanaca yawenaewa tsane. Matautano baxua nacata exana xua wanaca cana exanaewa tsane xua bichocono wajuntu coyene xanepanaewichi, icha Nacom ichi xua bichocono pejuntu coyene xanepanaein.

¹¹ Poxonae naca atene exana bara bapoxonae nanta xeinatsi xua jopa nacata xaexaenae-caeyo, tsipei bara xaniwaicha naca atene exana. Ichamonae yabara cui copaba xua bara nacuiduba xua poxonae bequein Nacom atene exana, pemuxuwetsiya cuidubixae. Barapomonae jame jopa natsicuenti tsane xua abe peexanaexae bapontha. Barapomonae xeinaena pejuntu coyene xanepanaewa Nacomtha xuano juntea dubenanaebiyaena.

Meje yabara xua poxonae Nacom naca muxuweta xua jopa bewa Nacom itawetichi

¹² Yaitama pajuntu coyene faefaename, xua painya nejume cowantsiwa daxota painya coutha pana najuntu coyene tsacabare xua beta painya nejume cowantsiwa tsane Nacom. Matautano xua payabara ajuntucoyenerewem tsalbi ichawan. Pana najuntu coyene itorobare xua awiya ayarusuya painya neexanaponaewa tsane.

¹³ Painya xoba icha diwesi pajume cowantame po diwesi xua jopa Nacom Pejume Diwesi tatsi. E meisa paexanare pocotsiwa Nacom Pejume Diwesitha yabara paeba xua beta painya nejume cowantsiwa. Icha baxua paexanaetsipame iru ichamonae barichipae. Bequein barapomonae copiya juntu coyene faefaenaetsipa pejume cowantsiwatha ichitha bapoxonae beta exanaponaetsipa xua pejume cowantsiwa pia paca cui taexae.

¹⁴ Nantiya daxita jiji ajuntuyarusuya betiya pana naba ru jantemiya jinompare. Bichocono pana najuntu coyene xanepana exande Nacomtha xua jopa painya nenatsicuentinexa xua abe painya neexanaexae bapontha, xua painya netaenexa bapon. Tsipei pomonae jopa xeinaeyo barapo coyene jopa itacupaetsi xua Nacom petaewatsi tsainchi.

¹⁵ Dota pam xua ichamonae pomonae paxam jiwana pam pia xoba jopa ichipaeyo po coyenewa Nacom yawena barapomonaetha pia peantobewaxae. Matautano barapo ichamonae pomonae painyamonaе jiwanaxae pia xoba abe exana ichamonae peitutha tatsi xua daxota iru ichamonae pebarichinexa xua abe peexanaewa.

¹⁶ Ichamonae pomonae paxam jiwana pam, pia xoba nota icha yabuxitha, powaxi jopa xapain barompaya pia seurixi. Matautano dota pam xua ichamonae paxam jiwana pam jopa tsita pecui pawi tsainchi po coyenewan xua Nacom piawan tatsi. Barapo coyene Esaú exana pon caena bayatha tupa. Bapon Esaú jopa tsita ainya jume cuiyotsi pocotsiwa bayatha Nacom yabara tsiwunaе muxu duta xua bepa pinae Nacom Esaú yaweneibichi. Barapon Esaú piyainxae peyapintha Jacobtha cata po coyene xua pia coya pecanamataxeinae coyenewa po coyene matapin ba xeina. Tsipei Esaú jopa jume cowantsiyo Nacom daxota nata caenaeta barapo coyenewa xua nata matomata pexaewa xua saya cae penabanaewiyo.

¹⁷ Paxam payaputaneme xua bapon Esaú pirapaeyo ichichipa xua equeicha caewa pexeinaewa tsane xua po coyene peainya cui coyene po coyene matapin ba xeinaena xua paxa catatsi. Barapo coyene po coyene xua coxiyup tawaca pexanto pon matapin xua Nacom peyawenaewa tsane. Ichitha bapon Esaú peyapin cata barapo coyene xua matomata pupara. Bequein bara bapon auranaya caunutsiya wecoyeya paeba, ichitha jopa itacupaetsi xua caewa xeinaena barapo coyene po coyene xua ba matapin xeina.

¹⁸ Caena bayatha pia Nacom caquita ponaetsi Israel pia pemomoxi susato jiji tatsi demxuwa itabaratha umena poxonae Nacom Moisés catatsi pia peitorobi coyenewa. Barapomonae jume tane pocotsiwa Nacom paeba yawa tane demxuwa. Ichitha nama paxam jopa beparaichim. Jopa panantawenonaem xua paumaenaeme demxuwa itabaratha xua painya necaquita ponaenexa Nacom. Poxonae Israel pia pemomoxi susato jiji tatsi umena barapo demxuwa itabaratha, baxoyo pin isoto uncueica barapo demxuwatha. Matautano bapoxonae bichocono quirei, yawano nobonno. Matautano pin joibo baxoyo uncueica. Ichitha jopa bara paichim, jopa pataem baxuan.

¹⁹ Paxam jopa pajume taem peobiwa jume po peobiwa pewun trompeta nain matawan, icha poxonae barapo Israel pia pemomoxi susato jiji tatsi ichi xua jume tane barapo trompeta jume. Paxam jopa pajume taem Nacom pejume poxonae Nacom cueicueije barapo Israel pia pemomoxi susato jiwitha tatsi barapo demxuwatha. Pomonae jume

tane barapo jume, barapo israelmonaexae Moisés jume itorobatsi xua bepa pinae Nacom equeicha jopa pepaebiwa tsane.

²⁰ Barapomonaē baxua Nacom jume matawentatsi tsipei bichocono pijunuwi xua pocotsiwa Nacom itorobina. Poxonae itoroba Nacom jeye: “Pon nataxuna jayata barapo demxuwa bewa bapon pabexubim ibotontha. Jopa ainya cuiyo bequein icha metha duwein tsipae, xuano icha metha bequein jiton tsipae”, jei Moisés.

²¹ Barapomonaē bichocono junuwa pocotsiwa xua tane barapo demxuwatha iru Moisés bichocono junuwa. Daxota paeba, jeye: “Bichocono tajunuwi jijiyān”, jei Moisés.

²² Jame anoxuae painya nejume cowantsixae Nacom, bapon paca yabara cui copata xua painya nepatsiwa tsane bapon pia tomaratha tatsi, po tomara pewan Jerusalén tomara. Barapo tomara eca ichaxota po demxuwa pewan Sión. Barapo tomara Nacom pia tomara tatsi pon ataya tsitecaeya asuya pepoponaēin. Barapo tomara xua pepa Jerusalén tomara Nacom pia nacuatheicha tatsi eca. Matautano papatsiname baxoteicha ichaxota jinompa ayeimonaē matatsunpiwi, xua weiweinaeya nanacaetutsina xua pia nanabarū wnae jainchinexa Nacom.

²³ Matautano pajume cowantame Jesús xua painya nepatsinexa ichaxota Nacom piamonaē tatsi nacaetuta pomonaē Nacom pia diborotha wan dubena xua itabocotha. Barichi papatsiname Nacomtha, pon yabara paebina daxita jiwi xua penatsicuentisiwa xua abe peexanaexae. Matautano papatsiname ichaxota jiwi pia jumopein tanaxu tatsi jinompa pomonaē xua beta exana xuano xua Nacom beta cana juntu coyene wetsiwa xanepanaya exana.

²⁴ Matauta papatsiname ichaxota Jesús popona pon jiwi peyabara jume yawenaēin Nacomtha xua jiwi pepatsiwa tsane Nacomtheicha. Matautano bapon nacata catsica Nacom pia pena peyabara tsiwanae muxu dutsiwa tatsi. Bapon pia pejana tatsi xua barapo jana pepichapabarenaexae Nacom naca yabara juntu coyene jantemaina abe waexanae cuiru coyenein. Barapon pia pejana tatsi jiwi beta cana exanatsi beyacaincha Abel pia pejana tatsi. Tsipei poxonae bapon bexotsi, jopa nantawenonaeyo xua bapon peyantomatsiwatsi. Ichitha poxonae Abel bexotsi, nantawenona xua peyantomatsiwatsi.

²⁵ Dota pam. Jopa bewa pajume itawetsim Cristo pon wanaca tsipaebixae Nacom yabara. Pomonaē bayatha Nacom jume itawetatsi poxonae bequein Moisés muxuweta jiwi barapo irathe Nacom nexa, barapomonaē jopa Nacom capanenebiyaeyo xua atene abe pia peexanaexae. Waxainchi jopa naca itacupaeyo xua panenebiyatsi xua atenetsi abe waexanae coyenewantha icha jopa Nacom jume naitaewatichi xua itaboco wetsica wanaca tsipaebiwa. Waxainchi bichocono nama atenetsi, beyacaincha barapomonaē xua atene abe pia peexanae coyenewantha pomonaē Moisés barū popona.

²⁶ Caena bayatha Nacom tsipaeba barapo irathepiwi tsique poxonae Moisés popona, Nacom pia jumetha ira jijiyata exana. Ichitha anoxuae Nacom tsiwanaya jeye: “Abu equeicha bara caeto tsane ira jijitsin yawano itabocothachano jijitsin”, jei Nacom.

²⁷ Poxonae Nacom jei: “Abu equeicha bara caeto tsane”, jei, naca yaputane exana xua Nacom aichurucuae exanaena pocotsiwan xua barapo cae pin nacuathe xaina pocotsiwan itacupaetsi xua pejiyyatsiwatsi. Saya meisa jopa aichurucuae exanae tsainchi pocotsiwan xua jopa itacupaetsi xua pejiyyatsiwatsi xua pocotsiwan Nacom piamonaetha peyabara tsiwanae muxu dutsi coyenewa.

²⁸ Nacom pia nacia, ichaxota Nacom itoroba, yawano xua waxainchi baxota itorobatsi, barapo nacia jopa itacupaetsi xua jijiyatatsi xua aichurucuae peexanaenexatsi. Daxota bewa jeichichi Nacomtha: “Nacom, maisa pajuntu coyene weiweinan pebaxuaxae”, bewa jeichichi. Poxonae Nacom wnae jaintinchi waxainchi bewa yabara nanta xeinaetsi pia pejuntu coyene xanepanae coyenewa tatsi. Matautano bewa bapon cunuwiya wnae jaintichi pia peayapuswa pexeinaexae.

²⁹ Wanacom weraweraca cana exana jiwi, pomonaetha pomonaē jopa pejume cowantsiwichi. Nacom baxua exanaena icha be poxonae nawa ichi xua poxonae daxita topowa poxonae taxua.

13

Meje yabara xua pocotsiwa bewa exanaetsi xua pocotsiwa Nacom tsita xanepanatsi

¹ Jopa pana nacui barapentsinde xua caemonaē nantiya painya nenaantobewam pomonaē be painya eweicho jiwi painya nenatsicotae jiwi pam painya nejume cowantsixae Jesucristo.

² Jopa pajantemainaēinde xua beta painya netaexaneibiwa tsane pomonaē pateiba painya bontha pomonaē iru pejume cowantsiwi Nacom tsipei metha beya jemeicha barapomonaē tsipae pomonaē Nacom itoroba xua beta painya nepacata exanaenexa.

Caena bayatha ichamonae pexaewa apata poxonae matha jemeicha pia botha tapatatsi, xua poxonae jopa xapain yaputaeyo xua deta cou aparta matatsunpiwi.

³ Payabara nantũ coyene xeinare pomonae jiwi pecubi botha cuaranobebatsi painya neyawenaenexa barapomonae icha be poxonae paichim xua irũ jiwi pecubi botha paca cuaranobara. Payabara nantũ coyene xeinare pomonae peraxa jubebatsi xua ichamonae exana painya neyawenaenexa barapomonae. Tsipei paxam irũ jiwi pam, paca yabara itacũpatsi xua ichamonae paca necaperaxa jubíwa.

⁴ Paxam bewa beta pananta xeinaem poxonae jitha paename xua barapo coyene paca tsita ainya cui. Daxota jopa bewa ichawa beya panasi cui weiweina exanaem poxoru painya seurixi bayatha paxeiname. Tsipei Nacom yabara paebina jiwi xua penatsicuentisiwa xua abe peexanaexae pomonaetha pomonae jopa xapain exanaeyo xua be poxonae yabũxi jeita xua po coyene jiwi jopa yabara copatsiyo. Mataatano barichi Nacom yabara paebina jiwi xua penatsicuentisiwa xua abe peexanaexae pomonaetha pomonae nasi cui weiweina exana poxonae bequein pia seurixi xeina.

⁵ Jopa bichocono paichichipaeinde paratixi. Jame maisa pajuntũ coyene weiweinare painya nexenaexae pocotsiwa Nacom paca catsiba. Baxua paexande tsipei Nacom jeye: “Bapana jopa compa capopona exanae tsainchi. Bapana jopa cacuenta ponae tsainchi”, jei Nacom.

⁶ Daxota naca itacũpa xua jume cowũntsiya jeichichi:

“Nacom, pon jiwi Pecanamataxeinaein,

bapon pon xua tana neyawenaein.

Jopa junuwinyo poxonae jiton xua

abe tana exanaewa”, jeichichi.

⁷ Payabara cui juntanainare painya nepaca canamataxeinaewi pomonae bayatha paca cuiduba Nacom Pejume Diwesi. Barapomonae pacui taema, tsipei barapomonae beta jume cowũntsiya jinompa beya poxonae barapomonae yacuiya werapa. Paxam beta pajume cowũntsiya jinompare icha barapomonae ichi xua beta jume cowũntsiya jinompa.

⁸ Jesucristo saya tsitecaeya pepu jupa exanaponae. Baxua exana caena bayatha, anoxu- aeno, xuano xua bara ataya tsitecaenano xua jiwi beta peyawenaewatsi.

⁹ Daxota jopa pacopatsinde xua ichamonae painya nepaca cuidubiwa icha pecuidubi diwesi po diwesi pia diwesi barompa, po diwesi jopa Cristo pia diwesi tatsi. Jame ainya cui xua naajuntũyapusu exainchi Nacom pia peantobe coyenewatha. Po coyenein xua itoroba xua penabanaewa yabara barapo coyenein jopa naca ajuntũyapusu exanaeyo Nacomtha. Barapo peitorobi coyenewan bapana jopa yawenaetsi pomonae bequein xua exanapona barapo coyenewan.

¹⁰ Waxainchi xeinatsi barompaya wacyoyene po coyene be poxonae xua tuxusi exanatsi Nacom nexa poxonae caein naetotha naca tsitũpa xua daxota Nacom jopa tsitatsi xua penatsicuentisiwa xeinatsi xua abe waexanaexae. Baxua aparta xua poxonae Cristo tũpa naetotha abe waexanae cuiru coyenein nexa. Po sacerdotepiwi xua nacuita Nacom pia tututha anserabocototha xua caena bayatha barapocotsi coyene jopa itacũpaetsi xua pexeinaewa barapo coyene tsipei barapo sacerdotemonae cataunxuae jutebeiba duwei jiwi abe pia peexanae cuiru coyenein tatsi nexa.

¹¹ Caena bayatha pon pepa sacerdotepin, duwein jana capaneiba ichaxota po tutu yatsicaewa Nacom pia tutu tatsi po tutu bichocono peainya cui tutu. Bapon baxua exana xua Nacom peyabara jantemainaenexa jiwi abe pia peexanae coyenewan tatsi. Bapoxonae barapo duwein ompin tautatsi tomara cuariya beya.

¹² Cristo barichichi. Tomara cuariya beya tũpa exanadutatsi naetotha, xua daxita jiwi pejuntũ coyene xanepana exanaenexa tsainchi Nacom. Cristo pejana pichapabarenaexae poxonae tũpa, Nacom jopa tsitatsi xua jiwi penatsicuentisiwa xua abe peexanaexae.

¹³ Ichamonae Jesús aura exanatsi poxonae tomara cuariyatha tũpa exanadutatsi naetotha. Barabũ copatatsi xua ichamonae irũ naca aura exana wajume cowũntsixae Jesús xua daxota naca atene exana icha Jesús ichichi.

¹⁴ Barapo cae pin nacuathe jopa xeinaetsi tomara, po tomara ataya tsitecaeya ayapusu tsuncuae. Jame wũnaeya ewatatsi, po tomara xua bexa patopaetsica Nacom pia nacua wetsica tatsi.

¹⁵ Daxota waxainchi bewa wũnae jaintelbichi Nacom tsipei Jesucristo naca tsitũpa. Poxonae Nacom wũnae jaintatsi wajumetha baxua icha be poxonae ichi poxonae duwein tautatsi poxonae tuxusi exanatsi Nacom nexa. Nacom wũnae jaintatsi jeichichi: “Nacom maisa bichocono nejuntũ coyene xanepanaein”, jeichichi.

¹⁶ Jopa pajantemainaende po coyene xua beta painya taexanaewa ichamonae. Painyawan panata jiwana wetsabare pocotsiwan xua paxeiname xua painya necatsi- binexa pomonae xua jopa xeinaeyo. Tsipei poxonae baxua paexaname, bichocono

xanepana icha be ichi poxonae paexaname poxonae duwein patautame xua patuxusi exaname Nacom nexa pocotsiwa Nacom tsita xanepanatsi.

¹⁷ Paexande pocotsiwa paca cui itoroba pomonae painya nepacacanamataxeinaewi. Matautano saya barapomonaetha pajume naitaeware. Pabarũ cui itura jinare barapomonaetha tsipei barapomonaetha paca jũntũ coyene eeniya ewata. Barapomonaetha yaputane xua bexa tsane Nacom barapomonaetha yabara paebina xua penatsicuentisiwa xua abe peexanaexae icha barapomonaetha jopa beta paca jũntũ coyene eeniya ewatsiyo. Bara pacopare xua barapomonaetha jũntũ coyene weiweina exanatsi poxonae paca jũntũ coyene eeniya ewata xua jopa pejũntũ coyene wecoyeyinexa xua abe painya neexanaexae. Tsipei icha barapomonaetha jũntũ coyene wecoyeyi baxua xapain jopa paca yawenaeyo.

¹⁸ Nacomtha painta wũcare. Bara payaputan xua pata jũntũ coyene pana netsipaeba xua pinae bara beta paexanan. Paxan paichichipan xua awiya beta pata exanaewa daxita coyenewan.

¹⁹ Paca wũcatsi xua painya inta wũcaenexam tsane Nacomtha xua Nacom bara inta pecopatsinexa xua methaunxuae tapaca siwa ponaewa tsainchi equeicha.

Meje yabara xua najume wetsiya paeba pon tina

²⁰ Nacom, barapon peyajũntũ coyene jinain xua jũntema pepoponaewa. Barapon Nacom Jesús caewa asũ exanatsi petũpaewa weya pon Wanacanamataxeinaein. Bapon Jesucristo pon pepa Peewatsin xua daxita carepaya jiwĩ peewatsinchi icha be pocotsin oweja beta peewatsin ichi. Bapon Jesucristo pejana pichapabarenaexae poxonae tũpa, canacui wetsiya exana po coyene xua bayatha Nacom yabara tsiwũnae muxu duta po coyene xua ataya tsitecaeya tsane.

²¹ Barabũ barapon Nacom paca jũntũ coyene xanepana exanaena xua jopa painya nenatsicuentisinexa xua abe painya neexanaexae. Matautano bũ bara paca catsina xua daxita pocotsiwan panantawenoname xua xuan xanepanaya painya exanaenexa po coyenein Nacom ichichipa. Barichi barabũ Jesucristo pia peayapusũwã naca cana exanaena xua exanaeinchi po coyene Nacom tsita xanepanatsi. ¡Barabũ jiwĩ Cristo ataya wũnae jaintinchi pexeinaexae peayapusũ coyenewan! Je, bara ichi tsane.

²² Tamonaetha pam, pomonaetha pam irũ painya nejume cowũntsixaetha paca itorobatsi xua bepĩjawa jopa payabara jume cui aitaconaeinde po jumein paca muxuwetatsi, barapo tsica cartiyo po cartiyo imoxoyo jume tsecae.

²³ Maisa ichichipan xua painya neyaputaewa tsane xua Timoteo bayatha copatatsi jiwĩ pecũbi bo weya. Barapon be wayapĩn watsicotaein pejume cowũntsixaerũ Jesucristo. Ichaunxuae bapon taxantha patũpaena bapon methaunxuae nebarũ iya tsane painya xainya beya xua equeicha tapaca siwa ponaewa tsainchi.

²⁴ Painta jacobare daxita pomonaetha painya nepaca canamataxeinaewi. Irũno painta daxita jacobare pomonaetha pejume cowũntsiwirũ Jesucristo. Italia nacua monaepiwĩ barapomonaetha paca jacobã, pomonaetha irũ pejume cowũntsiwi.

²⁵ Barabũ Nacom daxita pam bichocono paca yawenaena pia painya nepaca caantobewaxae.

Meje Po Carte Santiago Tatina, Pomonae Jesucristo Pejume Cowantsiwi Tatinatsi

*Meje yabara poxonaе Santiago tamropata pitaba xua tatina pomonaetha pomonae
pejume cowantsiwi pomonae xua taju jinompa*

¹ Xan, Santiago ponxaein Nacom amanaya pia petanacuichin tatsin iru Jesucristo pon jwi Pecanamataxeinaein amanaya pia petanacuichin tatsinno. Paca jacobatsi pomonae Israel pia saineiwi tatsi pam, pon caena bayatha tupa. Israel doce po pexantobe xeina, pomonae caena bayatha werapa.

Paxam barapo doce po bicheito matabuxamonaebe pia sainei jwi tatsi pam, pomonae pam xua anoxuae taju nacayayatsiya pajinompame daxita nacuantha xua painya pepa nacua weya.

Meje yabara xua po peyaputae coyene Nacom pia peyaputae coyenewa tatsi

² Tamonae pam pomonae iru painya nejume cowantsi jwi pam Cristo, bewa juntu coyene weiweinaya pajinompaem poxonaе bequein pacata ayapube tsaibi tsane ichauxi.

³ Poxonaе pacata ayapube tsouneibi ichauxi ichitha beitatemaya awiya ayapuxuya pajume cocowantaponame, bapoxonaе payaputaneme xua paantuyapuxuya amanayabame pocotsiwa xua paca atene exana.

⁴ Bara saya beitatemaya payabara cui copare barapo coyene xua ayapuxuya jume cocowantapona paca necana exanaenexa beya poxonaе painya juntu coyene Nacom petsita xanepanaenexatsi. Bapoxonaе painya juntu coyeneintha jopa paxeinaem tsane pocotsiwa pacata seica.

⁵ Icha caein paxam jiwana pam taseicatsi peyaputae coyene xua jopa yaputaeyo pocotsiwa Nacom ichichipa bapon bewa Nacomtha tsipaebina xua pecatsinexatsi peyaputae coyene pocotsiwa bapon ichichipa. Nacom amanaya catsina nawita barapo peyaputae coyene. Matautano Nacom jopa aenae-aeneya itawetsiyo poxonaе cata.

⁶ Daichitha jame bewa jume cowantsiya pawucaename. Matauta jopa bubujeya pawucaeinde Nacomtha. Tsipei pon bubujeya wuca Nacomtha, bapon ichawa beya tamropata nanta xeinapenteiba icha be pocotsi coyene juta ichi poxonaе ba maratsaca joibo ichawa beya caya tsaibi icha muxunene beya.

⁷ Pon barapocotsi coyeneya exana, Nacom ba jopa catsiyo bapocotsi jitontha, tsipei jopa jume cowantsiya wucaeyo Nacom pon jwi Pecanamataxeinaein.

⁸ Bapon jopa xeinaeyo pocotsiwa Nacom cata tsipei bapon anoxuae caewa yabara nanta xeina. Baya equeicha ichawa yabara nanta xeina. Jopa itacupaetsi xua xanepanaya pepoponaewa.

⁹ Pon xua Jesucristo pejume cowantsin, bapon bequein saya tsiwiyo copei xeina, bapon bewa junte miya juntu coyene weiweinaeya poponaena tsipei bapon Nacom peitabaratha ainya cui penaexanaein.

¹⁰⁻¹¹ Matautano pon copiya copei pexeinaein pontha pon bequein Nacom cui yabara copata xua bapon peacopeibin naexana, bewa junte miya poponaena pejume cowantsixae Nacom. Poxonaе bapon tupaena, bapana jopa cuenta tupaе po coyene xua bapon pejume cowantsiwa. Ichitha icha bapon jopa jume cowantsiyo copei pexeinaexae, bapon saya caeto nacuita ducuaenaеbiya bapoxonaе cuenta tupa copei poxonaе nacuita ducuaenaеbiya. Barapo coyene icha be pocotsi juta coyeneya ichi xua pentono. Bara caeto matono weiweinaeya umena. Cotacaya xometo ecoina yawano atsa bichocono, naepanaewan tsaquiwa, pentononno othopeica. Weraweraca xua matono itupana. Pon copei pexeinaein bapon tupaena, saya weraweracaena icha pentono ichi xua weraweraca.

Meje yabara poxonaе jwi pemuxujainyabiwatsi xua abe peexanaewa tsane

¹² Nacom jujuta pomonaetha pomonae pejume cowantsiwichi pia yaputaetsi icha barapomonae xaniwaicha antobetsi. Pon xua acuiyapuxuya jume cowantsiya popona poxonaе bara bequein Nacom juntu coyene jujuta, jame bapon juntu coyene weiweinaeya popona. Poxonaе yapucaewa xua bapon juntu coyene jujutatsi bapoxonaе Nacom yabara wunae muxu dutsina xua hexa bapon Nacom pia nacua beicha peajuntucoyeneyapuxuwatha ponaena. Barapo peyabara tsiwunae muxu dutsiwa Nacom cata pomonaetha pomonae peantobewixaetsi.

¹³ Poxonaе ichun matowa juntu coyene jujutatsi xua abe peexanaenexa, bapon jopa bewa nanta xeinae xua metha baxua Nacom cana exana bapontha. Tsipei Nacom bapana jopa

jichipae xua abe peexanaewa tsane. Matauta Nacom ichamonaetha jopa bapana cana exanaeyo xua pejuntũ coyene jujutsiwa xua barapomonaē abe peexanaewa tsane.

¹⁴ Apara jame nama pon jũntũ coyene jujutatsi abe peexanaenexa, bapon copiya pejũntũ coyenetha nanta xeinaeya porona xua abe peexanaenexa. Bapoxonae poxonae xani-waicha jũntũ coyene jujutatsi xua abe peexanaenexa bara bapon exana xua abe exana.

¹⁵ Pon xua abe exana bapon exana po peabe exanae cuiru coyene copiya yabara nanta xeina. Icha bapon awiya abe exana ducuañebiya matapainya tupa abe peexanae cuiru coyene peexanaexae bichocono.

¹⁶ Tamonaē pam paxam pomonaē tapaca caantobewichi pam. Jopa painya coutha pananta xeinaeinde xua pajam: “Nacom nemuxujainyaba xua abe taexanaewa tsane”, jopa pajande.

¹⁷ Daxita xua wũnae, saya meisa baxuan Nacom nacata itorobica peitaboco wetsica. Bapon Nacom exanaduba daxitan xua pocotsiwa yonoyonojei tsurubenae peitabocotha. Nacom jopa bapana ichawa beya pepaebiya exanaein. Bapon peyapenthiya jinaein mataqueitha yawa merawithano. Jopa exanaeyo icha barapo pecoichan ichi xua pentha tsaibi yawa quirei tsaibi. Dapon aibi pon itacũpatsi xua itorobatsi Nacom xua icha coyeneya peexanaewa xua pocotsiwa bapon pia coya ichichipa exana.

¹⁸ Poxoru saya Nacom pia coutha ichichipa daxota naca cata peantũyapusũwa po peantũyapusũwa ataya tsiteca. Baxua naca cata poxonae jume cowũntsiya jume tainchi Nacom pia pexainyei jume diwesi tatsi. Poxonae Nacom baxua naca cana exana bara waxainchi piamonaē jiwĩ tatsichi xua waxainchi ichamonaē toxeinchiya jume cowũntatsi. Xua copiya wajume cowũntsixae, Nacom naca cana exana xua pomonaetsi pomonaē wajũntũ coyene xanepanaē jiwĩchi Nacom nexa. Daxota Nacom tsita be peainya cui jiwĩchi beyacaincha ichamonaē.

Meje yabara pomonaē xaniyeya pepa pejume cowũntsiwi Nacom

¹⁹ Tamonaē pam pomonaē bichocono tapaca caantobe jiwĩchi pam pacayabara nanta xeinare barapo diwesi xua jeye: Daxita paxam bewa pewũnaeya pana najũntũ coyene wũnaeteibim painya nenamnaewateibinexa Nacom Pejume Diwesi. Jopa bewa paxainx-ainyam xua painya cocueicueijeinexa barapo diwese ichamonaetha poxonae cataũxuae jopa paexanaem pocotsiwa barapo diwesi itoroba. Yawa jopa bichocono anaepanaya pacueicueijande.

²⁰ Tsipei pon anaepana, Nacom jopa taexanaetsi pexeinya coyene po coyene xua Nacom tsita xanepanatsi.

²¹ Bara pabarapende po coyene abe peexanae cuiru coyene pocotsiwa pananta xeiname, xuano xua pocotsiwa ichamonaetha pata exaname. Mataũtano pana cui barapende po peabe exanae cuiru coyene bichocono nawita pocotsiwa ichamonaetha pata exaname. Mataũtano painya jũntũ coyeneintha ita ururaquiya pajume cowũnde Nacom pia pexainyei jume diwesi tatsi. Tsipei barapo pexainyei jume diwesi xeina peayapusũwa xua paca cana exana xua pajũntũ coyene panenebiyam abe painya neexanae cuiru coyenein weya.

²² Itapeta paexande, pocotsiwa Nacom Pejume Diwesitha paeba. Jopa metha bepa saya pajume taemtsipae. Tsipei paxam painya coutha pana namuxuitorobeibichipame icha jopa paexanaeim pocotsiwa xua pajume taibame.

²³ Pon xua saya jume tane Nacom Pejume Diwesi yawa jopa exanaeyo pocotsiwa Nacom paeba, bapon be pocotsi jiton tsabocotha nayaitane.

²⁴ Bara nayaitane. Poxonae bapon pona caena bapon yacuinaya naitabara itaxananaya.

²⁵ Nacom Pejume Diwesi bichocono xanepana. Barapo peitorobi diwesi naca jũntũ coyene capanepa exana abe waexanae cuiru coyene weya. Ichitha pon jopa jũntemainaeyo xua pocotsiwa Nacom Pejume Diwesitha paeba, xuano xanepanaya exana ducuañebiya pocotsiwa barapo diwesi itoroba, bapon jũntũ coyene weiweina xua pocotsiwa peexanaexae.

²⁶ Icha pebin nanta xeina xua daxita jume cowũntsiya exana Nacom nexa, xua daichitha jopa naebato yatacutsiyo poxonae ichamonaē catsawiya yabara paebatsi, bapon pia coutha namuxuitoroba. Mataũtano pocotsiwa jume cowũntsiya exanapona Nacom nexa saya pejumexaei.

²⁷ Pomonaē xainyeya pepa pejume cowũntsiwi Nacom, barapomonaē jopa abe exanaeyo Nacom peitabaratha, pon Waxa. Pomonaē xanepanaya exana bewa iche: Bewa yawenaē pomonaē peacoibi jiwĩ, yawa bewa yawenaēno powaxi pecuenta werapaewaxichi piseurixi. Matauta jopa bewa exanae pocotsi coyene exana pomonaē jopa pejume cowũntsiwi Nacom.

2

Meje yabara xua poxonaē jiwī bewa daxita tsita najūpaetsi

¹ Tamonaē pam, pomonaē irū painya nejume cowūntsiḡaxae Jesucristo pon Wanacana-mataxeinaein. Bapon Jesucristo pon bichocono pejūntū coyene xanepanaein. Jopa bewa paexanaem painya xantha painya nejume cowūntsiḡaxae xua ichūn bichocono peainya cuin wūnaē penaexanaeinḡaxae beyacaincha ichūn xua jopa wūnaē penaexanaeinḡaxae xua daxota bapon catsapin pacana exaname.

² Ichacuitha metha be pocotsi coyeneya tsipae, xua meje: Metha poxonaē paxam panacaetutsipame, bapoxonaē irūnū pebinbe patopaetsipabe. Metha baponbe joniyaetsipabe baxota. Ichūn nacobesi xataba aniyon pocotsiwan daedaena. Matautano paparūwa nama xatata xua mū daedaena. Nama irū ichūn acopeibi, nama dapon saya pia penama xatatsiwa taabetsi.

³ Metha pon copei pexeinaein pantenta weyataeya wabichipame. Metha pajam tsipaem bapontha: “Xote ecare ichaxota pexeinya peecaewatha”, pajam tsipaem. Ichitha nama pontha acopeibi, jopa pantenta weyataeya wabichipaem. Bapontha pajam tsipae: “Bara beuncuiyama, ichacuitha bara saya iratha ecare”, pajam tsipaem.

⁴ Icha metha baxua paexanaetsipame bapoxonaē abeya pananta xeinaetsipame xua jiwī jopa najūpaeyo. Vapoxonaē paxam pana nacana exaname be pomonaē jiwī painya neyabara paebi jiwī pam xua penatsicuentisiwa yabara xua abe peexanaexae.

⁵ Tamonaē pam pomonaē irū painya nejume cowūntsiḡaxae Jesucristo, bichocono paca antobetsi. Incane pajume taema, xuaje: Nacom itapeta pomonaē peacopeibiwi xua barapomonaē bichocono pejume cowūntsinexa. Matautano Nacom catsibina barapomonaetha pocotsiwa bayatha jūntana jeba pia peitorobi nacuatheicha pia peantobewixatsi.

⁶ Ichitha nama jopa paweyataem pon barapo peacopeibin. ¿Eta xua metha baxua paraichim? Pomonaē ba copei pexeinaewi pomonaē paweyataneme barapomonaē ba daunweya paca itoroba nama. Matautano barapomonaē ba pentacaponawē peitabaratha paca capona xua abeya pia paca necayabara paebinexa.

⁷ Barapomonaē pomonaē copei pexeinaewi apara Jesucristo abe yabara paebatsi, pontha pon waxainchi wajume cowūnta dubenanaebiyaxaetsi, naca jei, “Cristobarūmonaē”, naca jei.

⁸ Icha ichichipa paexaname Nacom peitorobi jume coyenewa, moya pejume coya paexande xua Nacom Pejume Diwesitha jeye: “Paantobeinde ichamonaē, pomonaē painya nepaca tsicuarabū enawē icha paichim xua painya coutha pana naantobem”, jei xua barapo diwesitha. Moya bara beta paexanaename.

⁹ Poxonaē ichamonaē ainya cui pacana exaname xua beyacaincha ichamonaē, bapoxonaē paxam apara abe paexaname. Matautano apara paxam pomonaē abe painya neexanaewi, tsipei jopa paexanaem pocotsiwa Nacom penajume caitorobi coyenewatha paeba.

¹⁰ Icha ichūn jume jejei xua peexanaewa tsane pocotsiwa Nacom penajume caitorobi coyenewatha paeba, daichitha bara caewiyo seicanaya xua peexanaewa tsane, bapon Nacom tsita natsicuentatsi xua abe peexanaexae. Bara bequein saya caewiyo seicanaya, barapara Nacom tane xua daxita tsita abetsi.

¹¹ Nacom namchi: “Jopa panasi cui wainmeinichinde poxonaē jitha painya neenaewatha”, jei Nacom. Yawa namchino: “Jopa bexubinde ichūn”, jei Nacom. Ichitha icha bequein jopa panasi cui wainmeinichim, daichitha pabexubame ichūn baraxua be poxonaē daxita abe pacayabara exaname Nacom penajume caitorobi coyenewa.

¹² Paxam bewa beta xanepanaya papaebim. Matautano bewa beta pajinompae. Tsipei bexa tsane Nacom paca yabara paebina painya nenatsicuentisiwa abe painya neexanaexae bapontha. Paxam jopa payabara jume cuiya exanaem pocotsiwa Nacom itoroba penajume caitorobi coyenewatha. Icha barapo coyene exanatsi naca cana exana xua wapanenebi-watsi Nacom beya.

¹³ Pomonaē jopa yabara nantanuweya nanta xeinaeyo xua ichamonaē peyawenaenexa tsainchi xuya Nacom bara jūtiya ichane barapomonaetha. Ichitha pomonaē xua yabara nantanuweya nanta xeina xua ichamonaē peyawenaenexa tsainchi, xuya Nacom bara jūtiya ichane po matabibitha jiwī yabara paebinchi xua penatsicuentisiwa xua abe peexanaexae.

Meje yabara xua Nacom pejume cowūntsiwichi pia pexeinya peexanaē coyenewan tatsi

¹⁴ Tamonaē pam, irū pomonaē painya nejume cowūntsiḡaxae Jesucristo. ¿Eta xua metha tsipae? Metha ichūn jei: Xan Nacom Pejume Diwesi jume cowūntan, jei, ichitha jopa betiya xanepanaya exanaeyo. ¿Bara metha bapon najūntū coyene capanepaetsipa Nacom beya? Apara jume tsipae, jopa najūntū coyene capanepaetsipae.

¹⁵⁻¹⁶ Ichacuitha metha tsipae, metha panantaútsipame pomonae pejume cowantsiwi Jesucristo painya xantha. Barapomonae metha taabichipaetsi paparuwan xua pocotsiwa aque nexa, yawa xua taseicatsi pexaewa penabanaewanexa. Metha ichun pon painyamonae jiwana jiton bapomonaetha jeye: “Bara juntema panawibiyama, paparuwa panama xatabareno, bara beta panabanareno”, jei. Daichitha bapon jopa catsiyo barapomonaetha pocotsiwa barapomonae nantawenona xua pejinompaewa nexa. Baxua bapana ba ichamonae jopa yawenaetsi icha saya ba u xua paebatsi.

¹⁷ Barichi xua pon pejume cowantsin Nacom Pejume Diwesi. Icha bapon jopa yawenaeyo ichantha pontha pon nantawenona ichawa xua pia peponaewa nexa, bapoxonae bapon pia pejume cowantsiwa Nacomtha be cayabara juntemaina.

¹⁸ Ichacuitha jiton jeye: “Ichamonae bichocono jume cowanta pocotsiwa Nacom itoroba bequein jopa yawenaeyo ichamonae. Seicaya ichamonae bichocono beta yawena ichamonae bequein jopa beta jume cowantsiyo pocotsiwa Nacom itoroba”, jei. Xan ponxaein Santiago jume noitsin bapontha: “Pon beta jume cowanta jopa itacpaetsi xua netsita exana xua bapon xaniwaicha jume cowanta pocotsiwa Nacom itoroba poxonae bequein jopa beta yawenaeyo ichamonae. Bapoxonae xan tsita exanan bapontha xua xaniwaicha jume cowantan pocotsiwan Nacom itoroba poxonae exanan pocotsiwa Nacom neitoroba xua poxonae yawenan ichamonae”, jan tsane.

¹⁹ Xam jume cowantame xua bara compa pepa Nacom popona, xua ichun bapocotsin aibi. Baraxua bara beta nanta xeiname. Ichitha baxua iru caurimonae jume cowanta yawa bichocono pijunuwi jijiyei.

²⁰ Xam bapocotsim pocotsin ba jopa peyaputaen, incane jume taema. Pon paeba xua pinae jume cowanta pocotsiwa xua Nacom itoroba, xua daichitha jopa beta exanaeyo ichamonae nexa, bapon pia pejume cowantsiwa bara be cayabara juntemaina.

²¹ Nacom tsita juntu coyene xanepanatsi Abraham, pon wamo susatopin, pon caena bayatha tupa. Bapon Abraham Nacom jopa tsita natsicuentisichi xua abe peexanaexae, ichitha yabara jume cowantsiya peexanaexae pocotsiwa Nacom itoroba. Bapon pexanto isoto beya capona, petautsinexa xua petuxusi exanaenexa Nacomtha, po pexanto tatsi pewun Isaac.

²² Anoxuae payaputaneme xua Abraham jume cowantsiya exana pocotsiwa Nacom itoroba. Daxota bapon tsita itapeinya xeina xua poxonae exana baxua xua yatsicaewa bara xeina pepa pejume cowantsi coyenewa.

²³ Nacom exana xua caena bayatha Pejume Diwesitha jeye: “Abraham jume cowantsiya exana pocotsiwa Nacom itoroba. Daxota Nacom tsita juntu coyene xanepanatsi jopa penatsicuentisixae xua abe peexanaexae bapontha”, jei Nacom Pejume Diwesi. Barapo Nacom Pejume Diwesi tatsi xainyei, tsipei Nacom exana baxua. Daxota caena bayatha Abraham yabara jeichichi: “Apara Abraham Nacom pia jiton tatsi”, jeichichi.

²⁴ Anoxuae bara payaputaneme pocotsiwa Nacom tsita juntu coyene xanepanatsi xua jopa tsita natsicuentisichi xua abe peexanaexae pon exana pocotsiwa Nacom itoroba, jopa meisa metha poxoru pejume cowantsixae.

²⁵ Bara cana ichiru Nacom petsiriwatha powa nasi cui matacaeta pebiwitha, pia paratixichi, powa pewun Rahab, powa caena bayatha popona. Nacom tsita juntu coyene xanepanatsi barapowatha xua poxonae peyawenaexae icha pebinbetha ponbe peitorobinchibe xua poxonae peyantabinexabe tomara. Barapowa barapo pebinbe bapana etatsibe pia botha poxonae baponbe jeitompatsibe ichamonae. Bapoxonae pira-paeyo bapowa baponbe capanepatsibe icha namto iya xua tomara weya.

²⁶ Daxota anoxuae paca tsipaebatsi, icha pepon ba jopa xeinaeyo pejumope, ba pepon tupa. Barichi icha pebin jume cowanta Nacom daichitha jopa exanaeyo pocotsiwa Nacom itoroba bapoxonae pia pejume cowantsiwa bara be cayabara juntemaina.

3

Meje yabara pocotsiwa xua peebatotha pepaebiwa

¹ Tamonae pam pomonae iru painya nejume cowantsixae Jesucristo. Paxan pajume tan xua pinmonae painyamonae jiwana ichichipa xua penaexanaewa pomonae jiwi peucidubiwi Nacom Pejume Diwesi. Daichitha pinmonae jopa bewa naexanae pomonae jiwi peucidubiwi. Bayatha daxita paxam payaputaneme xua paxan pacueicueijan tsurubenanaebiyen Nacom Pejume Diwesi xua jiwi jopa bewa abe exanaena. Daxota poxonae baxua pacueicueijan xua daichitha abe paexanan bapoxonae Nacom bichocono pana peraxa jubina beyacaincha xua poxonae bapon cana exanaena ichamonaetha.

² Daxita waxainchi ichichipatsi nawita xua abe waexanaewa. Anoxuae payaputaema, icha ichun jopa abe exanaeyo xua poxonae paeba bapon jame penthuthu yapu

xanepanaein. Matautano bapon itacupatsi xua najuntũ coyene itoroba daxita pia pepontha xua xanepanaya peexanaewa abe peexanaeyainwa.

³ Poxonae waxainchi cawayu wano atatsi penainto xua wanaca cui jejeinexa baraxua apara xua wacafababinexa daxita pepon ichaxota waponae.

⁴ Barichi payabara nanta xeinare jera po nae pin nae. Bara bequein bichocono pin nae yawano bara bequein po joibo pin joibo capubabiya tsaibi, daichitha pon tafecaeca bapon cafebabecapona ichawa beya xua ichaxota ichichipa peponae xua xoyotha tsiwiyo tsecae xoyo ira weruceina.

⁵ Icha jera ichi po nae pin nae xua dapocotsiwiyotha cafebabecapona, barichi peebato xua dapocotsi ebatiyo tsecae pepon nexa. Daichitha barapo ebatiyotha itacupatsi xua yabara etaponaeya paeba pia peexanaewa poxonae ichamonaebatsi. Barichi unu itacupatsi xua petaxuiwa dacotsi iteretiyotha.

⁶ Icha nawa iteretiyo cana ichi unu, peebato bara ichiya exana daxita coyeneintha. Bequein waebato peyauyo tsecae xua wapepon jiwana xua pin xaintotsi, ichitha bara itacupecatsi xua bichocono abe exanatsi naca cana exana. Waebato naca cana exana xua waexanaewa daxita abe waexanae cuiru coyenein xua poxonae wacueicueijeixae waebatotha xua caurimonaepia pentacaponaein tatsi wanaca cui itorobixae.

⁷ Jiton ba itacupatsi xua ita coxone exana daxita duweimonaep, pepunawewi, jomon yawa menepipichiwanno. Daxita baxua i daxua jiton ba ita coxone exana.

⁸ Nama peebato jopa be baraichichi. Jopa wanaca yapu xanepanaewa xua waebato cuidubatsi xua jopa abe jume pepaebiwa tsane. Waebato bichocono abe tsecae. Itacupatsi xua jiwĩ cana exanatsi xua ichamonaep jumetaya anthuthanewa, icha jomo ichi xua jiwĩ ba atene exanatsi pewanotha xua ichacuitha ba jiwĩ tupa exanatsi xua pewano tsapa pexeinaexae.

⁹ Barapo ebatotha wunaebaintatsi Nacom pon Waxa. Matautano abe yabara paebatsi pebiwi barapo ebatotha. Ichitha barapo pebiwitha Nacom caena bayatha forota daxota barapo jiwĩ pia juntũ coyene tatsi tupa icha Nacom pia juntũ coyene tatsi ichi.

¹⁰ Matautano barapo coibototha jume pichapa xua wunaebajainchiwa Nacomtha, xuano xua abeya pepaebiwa. Tamonaep pam pomonaep irũ painya nejume cowantsixae Jesucristo. Jopa bewa barapocotsi coyenewa paexanaem xua poxonae Nacom wunaebajaintame xuano xua jiwĩ abe payabara paebame.

¹¹ Po mera natsibotarucua ira wuxupana wetsina, poxonae mene jujuina barapoxonae caena yawa jopa muxuna jujuinaeyo po mera xeica yawa po mera atsaxa.

¹² Tamonaep pam bara pocotsi jata coyeneya ichi poxonae waxainchi abatsi. Higuera nae jopa ba nacoichiyõ olivo nae thei, po pethei acituna thei matawãn. Yawano uva unbototha jopa ba nacoichiyõ higuera nae thei. Barichi barapo mene po mera mene natsibotarucua poxonae mene jujuina barapoxonae caena yawa jopa muxuna jujunaeyo po mera xeica yawa po mera atae. Barichi waebatotha jopa bewa xeinaetsi ainya jume coyenewabe po jume wunaeb yawa po jume abe.

Meje yabara xua pepa pexainyeiwa xua peyaputae coyenewa

¹³ Icha painya xantha popona pon bichocono peyaputaepin xua yawa pecoxonaepin bapon bara bewa moya xanepanaya beta poponae yawa bara bewa moya ita ururaquiya poponae. Beta peexanaexae jiwĩ peitũtha, bapoxonae jiwĩ tane xua bara bapon pon bichocono pepa peyaputaepin.

¹⁴ Metha painya juntũ coyenetha paxeiname peuiwa xua paca juntũ coyene atsaca exana ichamonaetha. Yawa metha painya coutha pana nata exaname painyawan pia jiwĩ wunaep paca yabara paebichi xua pia ainya cui paca exanaetsi xua beyacaincha ichamonaep. Icha paxeiname barapo peyaputae coyenebe bapoxonae painya xoba paebame ichamonaep painya pepa neyaputae jiwĩ pamxaem. Poxonae baxua papaebame apara saya panaerabame xua jopa paxainyam.

¹⁵ Apara barapo peyaputae coyene xuaunxuae po peyaputae coyene yabara paca tsipaebatsi barapo coyene apara jiwĩ nanta xeina barapo cae pin nacuathe pomonaep jopa pejume cowantsiwi Nacom. Barichi barapo peyaputae coyene cauri nanta xeina. Apara barapo peyaputae coyene Nacom werena jopa ponaeyo.

¹⁶ Daxota poxonae ba jiwĩ pejume uwiwa xeina ichamonaetha yawa u penata exanaep coyene piawan bapoxonae ba jiwĩ jopa xanepanaya penanta xeinaewa yawa exana daxita abe peexanae cuiru coyenein.

¹⁷ Nama pomonaep xua peyaputae coyene xeina xua po peyaputae coyene Nacom werena pona, barapomonaep copiya juntũ coyene xanepanaya jinompa yawano barapomonaep jopa naita aenae-aeneyo saya juntema pejinompaexae. Yawa barapomonaep yabara jume bapũ cui itura jina pocotsiwa ichamonaep paeba. Yawa jume jejei xua peexanaewa

pocotsiwa ichamonaе itoroba. Matautano nantanuweya yabara najuntа coyene xeina peyawenaenexa tsaibi tsane ichamonaе. Matautano barapomonaе wуnаеуа xanepanaya exaneiba ichamonaе nexa xua jopa ichawa beya nanta xeinaeyo xua saya xaniwaichiya exana.

¹⁸ Pomonaе xua bichocono ichichipa xua juntema pejinompaewa barapomonaе cana exana ichamonaetha, xua ichamonaе juntema jinompa xua daxota barapo ichamonaе bichocono xanepanaya betiya exana dubenanaebiya.

4

Meje yabara pomonaе ichichipa naexana pomonaе jopa pejume cowuntsiwi piamonaе tatsi

¹ ¿Eta werena pona barapo coyene xua pana najume matsontsonobame? ¿Yawano eta werena pona barapo coyene xua pana nabame? Apara barapo coyenebe naforoba painya juntа coyeneintha ichaxota paichichipame xua abe painya nenanta xeinaewa.

² Ichawa paichichipame ichitha jopa paxeinaem daxota ichun anaya pabexubame. Ichawa payabara cui uwame, ichitha jopa paca itacupaeyo xua paxeiname daxota anaya pana nayabara bame. Jopa paxeinaem pocotsiwa paichichipame tsipei Nacomtha jopa pawucaem.

³ Poxonaе Nacomtha payabara wуcаmе pocotsiwa paichichipame, jopa Nacom paca catsiyo tsipei jopa xanepanaya pawucaem, saya painya nata wуcaexae pocotsiwa xua abe painya neexanaewa tsane.

⁴ ¡Maisa paxam caurimonaе pia pepuna jinompaewichi pam! Payaputaneme xua pomonaе ichichipa naexana pomonaе jopa pejume cowuntsiwi Nacom piamonaе tatsi, barapomonaе apara ba Nacom peaitafaetabiwichi. Daxota poxonaе paichichipame xua panaexaname barapo cae pin nacuamonaepiwi piamonaе tatsi, apara panaexaname Nacom pia peaitafaetabiwichi tatsi pam.

⁵ Daxota Nacom Pejume Diwesi jeye: “Nacom asiwiya antobe po jumope tуnаху naca cayawa exanaeya jinompa exana”, jei.

⁶ Ichitha Nacom pia peantуyapuwatha naca yawena xua jopa abe waexanaewa tsainchi. Nacom Pejume Diwesitha jeye: “Nacom jopa yawenaeyo pomonaetha pomonaе jiwi peabiwi. Ichitha pia peajuntуyapuwatha yawena pomonaetha pomonaе ita ururanaya jinompa xua jopa atsaquiyo”, jei.

⁷ Pajume jejande xua Nacom paca itoroba yawa paexande. Jopa pamuxu jejande cauri pia pentacaponaein tatsi xua paca tsipaeba. Bapoxonaе bapon naetsircuaena painya xainya weya.

⁸ Nacomtha patsipaebare, bapoxonaе Nacom paca yawenaena. Paxam pomonaе abe peexanae jiwi pam, tsipei Nacom paantobem yawa pamuxuna antobem po peabe exanae coyenewa barapo cae pin nacuathepiwi exana. Bara panacui barapende barapo abe painya exanae coyene. Yawano Nacom patsita najuntа coyene xanepana exande.

⁹ Abe painya neexanaexae, pana najuntа coyene acaurande, pawecoyande, yawa panantу exabare. Poxonaе pajuntа coyene weiweiname xua painya neexanaexae pocotsiwa barapo cae pin nacuathepiwi exana, bara equeicha caewa pajuntа coyene wecoyande xua painya neuraxae.

¹⁰ Nacom pon jiwi Pecanamataxeinaein pabara cui itura jinare xua jopa ainya cui pana nacana exanaem. Bapoxonaе Nacom ainya cui paca cana exanaena.

Meje yabara xua jopa bewa ichamonaе yabara paebichi tsainchi xua penatsicuentisiwa xua abe peexanaexae

¹¹ Pomonaе painya nejume cowuntsi jiwi pam Jesucristo, jopa bewa ichamonaе yabara paebichi tsainchi xua penatsicuentisiwa xua abe peexanaexae. Pon abe yabara paeba pontha pon Cristo pejume cowuntsindu, bapon muxuna abe yabara paeba Nacom pia peitorobi diwesi. Bapon jopa jume cowuntsiyo pocotsiwa xua barapo diwesi itoroba xua pinae jopa bewa abe yabara paebichi ichun xua xeina penatsicuentisiwa xua abe peexanaexae. Bapoxonaе bapon natsicuenta Nacomtha barapo coyenetha tsipei abe paeba nawita. Poxonaе bapon abe yabara paeba Nacom pia peitorobi diwesi bapoxonaе bapon be jopa exanaeyo po coyene Nacom pia peitorobi coyenewatha itoroba.

¹² Apara meisa bapon Nacom pon naca cata pia peitorobi coyenewa. Matautano bapon compa pon jiwi peyabara paebin xua penatsicuentisiwa xua abe peexanaexae. Meisa saya bapon itacupatsi xua jiwi capanepatsi pia nacuatheicha, xua ichacuiitha ba jiwi itawetatsi pia nacia weya xua abe peexanaexae. Nama paxam apara jopa paca itacupaeyo xua payabara paebame xua ichamonaе pia peexanae coyenewa tatsi. Matautano jopa paca

itacupaeyo xua jiwi pacapanepame Nacom pia nacua beicha tatsi, xuano xua jiwi ba ichacuitha paitawetame Nacom pia nacua weya tatsi abe peexanaexae.

Meje yabara xua cataunxuae jopa nayaputaeyo pocotsiwa xua baya nexa tsane

¹³ Anoxuae pajume taema xuaje, xua paxam ba pajam: “Anoxuae, ichacuitha icha jopa anoxuae tsipae, baya tsane paponaein icha tomaratha. Ichacuitha icha jopa barapo tomaratha tsipae, paponaein icha tomaratha. Baxota pata tha cae wei yapu othopaetsi, pata caenaeta dubenanaebiyaetsi, yawa pata paratixi caetuba dubenanaebiyaetsi”, xua pajam.

¹⁴ Jopa baxua pananta xeinaeinde tsipei jopa payabara yaputaem pocotsiwa baya painya nejinompaewa tsane. Barapocotsi juta coyeneya pana natsicotaneme, icha nobo ichi, xua ba caeto nobo tsuncuae equeicha caewanaya. Barichi jiwi bara caeto jinompa, equeicha werapa.

¹⁵ Jame bewa pocotsiwa papaebim xua jeye: “Icha Nacom pon jiwi Pecanamataxeinaein ichichipa xua wajinompaewa, moya jinompaeinchi, yawa exanaeinchi pocotsiwa xuaje, ichacuitha xua ichawano”, xua bewa jei.

¹⁶ Ichitha nama paxam, jopa baxua papaebim pocotsiwa icha Nacom ichichipa. Saya paaebame poxoru paichichipame xua painya neexanaewa pocotsiwa painya coutha paichichipame. Icha poxona paichimje xua poxona paaebame baroxona bara apara abe peexanae cuiru coyene paexaname.

¹⁷ Pon xua yaputane xua beta peexanaewa, xua daichitha jopa baxua exanaeyo, apara bapon bara abe peexanae cuiru coyene exana.

5

Meje yabara xua pemuxuwetsi coyene pomonaetha pomonae copei pexeinaewi

¹ Pomonae copei pexeinaewi pam, pajume taema xuaje: Payabara siwa wecoyande yawa pana nantanuweya namtsebare xua painya nepaca tsita jopaexae pocotsiwa xua jopa xaexaenaecaeyo, pocotsiwa xua paca atene exana.

² Daxita xua xuan paxeiname baxuan daxita tsabana, yawa painya pexeinya paxwaxan xua pemu itane wanaewan baxuan daxita ofon xane.

³ Painyawan xua pocotsiwa pexan oro nain yawa xuano pocotsiwa pexan plata nain, daxita baxuan tasibounatsi. Baxua paca tsita naitapeinya xeina xua paxam jopa pacatsim ichamonae saya asiwiya pantaropeicha xexeinaponame barapo copei. Barapo copei pajebame anoxuae. Ichitha po mataqueitha poxona Nacom yabara paebina jiwi xua penatsicuentsiwa xua abe peexanaexae bapontha, barapo matacabi imoxoyo tsane. Nacom weraweraca exana barapo copei xua painya copei, icha isoto ichi xua tauta exana xua topowa. Bichocono copei pacaetubame bequein jopa baxua paca yawenaeyo painya nepanenebiyaewa po mataqueitha nexa po mataqueitha Nacom yabara paebina pocotsiwa jiwi pia peexanae coyenewan ichacuitha xua metha wanae, ichacuitha xua metha abe.

⁴ Jopa pantomatsim pomonaetha pomonae pacata nacuita poxona pacata naweta pexaewa. Painya caibixae barapo pentoma barapomonae paca yabara namtsebiya wawai. Yawa Nacom pon jiwi Pecanamataxeinaein, pon daxita pia peitorobi coyene pexeinaein bapon daxita baxua jume tane xua barapomonae namtsebiya wawai.

⁵ Barapo irathe bichocono copei paxeina dubenanaebiyame, mataxano paexana dubenanaebiyame pocotsiwa xua paca juntu coyene weiweina exana. Bichocono copei paacabem po mataqueitha poxona Nacom paca jutebina, icha jiwi ichi xua natsixuruwei naxinyaba exana vaca xua bexa pebexubinexa tsane.

⁶ Paxam pomonae copei pexeinae jiwi pam abe payabara paebame pomonae pejuntu coyene xeicae jiwi. Yawano pajutebame barapomonae, bequein jopa itacupaetsi xua pia coutha penayawenaewa.

Meje yabara poxonae Santiago jei: “Jopa paaitaconaeinde poxona bequein ichamonae abe pacata exana”, jei

⁷ Tamonae pam pomonae iru Jesucristo painya nejume cowantsixae. Beitatemaya pawanae eware pon jiwi Pecanamataxeinaein, pon Cristo. Jopa paaitaconaeinde poxona pawanae ewatame xua poxona bequein ichamonae abe pacata exana. Barapo coyene baxua bara paichinde, icha pon pabi pexeinaein ichi poxona beitatemaya ewata xua naweta xua naxainwaeta. Bapon jopa aitaconae poxona beitatemaya ewata xua ema taatsanaeinchi pia pabi.

⁸ Paxam iru bara paichinde. Jopa paaitaconaeinde poxona pawanae ewatame pon jiwi Pecanamataxeinaein. Pana najuntu coyene tsacabare xua juntema painya nejinompaewa

tsane, tsipei pon jiwi Pecanamataxeinaein bara nama imoxoyo pewunaeyo tatsoponaetsi xua pepatopaewa.

⁹ Tamonaē pam pomonaē irū Jesús painya nejume cowuntsixae. Jopa caemonaē nantiya aitaconaeya pana nayabara paebinde xua abe painya nenata exana dubenanaē-biyaexae. Icha baxua paexaname paxam panatsicuentame Nacomtha tsipei Nacom pon jiwi peyabara paebin xua be natsicuentasiwa xua abe peexanaexae. Nama imoxoyo tsoxonaē poxonaē Nacom itorobina xua jiwi peraxa jubebinchi pomonaē abe peexanaewi.

¹⁰ Tamonaē pam matha pataema po diwesi yabare: Pomonaē Nacom peitorobi jume pepaebiwi pomonaē caena bayatha jinompa, barapomonaē bichocono atene exanatsi ichamonaē. Bequein bara barapomonaē atene, daichitha awiya jopa aitaconaeyo poxonaē abe taexanatsi ichamonaē. Awiya barapomonaē pomonaē Nacom peitorobi jume pepaebi jiwi ba cueicuejjei tsaibi Nacom nexa, pon jiwi Pecanamataxeinaein.

¹¹ Waxainchi ba yabara nanta xeinatsi barapomonaē, xua bichocono juntu coyene weiweina poxonaē beibatemaya awiya jume cowuntsiya exana dubenanaēbiya poxonaē bequein abe taexanatsi ichamonaē. Bayatha caena pajume taneme xua pinae pon pewun Job jopa aitaconaeyo Nacomtha poxonaē bequein Nacom yaperaxaeya jume cowunta ducuaēbiyatsi. Matautano payaputaneme xua Job equeicha matapainya beta taexainchi Nacom, pon jiwi Pecanamataxeinaein tsipei Nacom jiwi nantanuweya peyabara nantu coyene xeinaeinchi xua jiwi peyawenaenexatsi.

¹² Jame xuaje ainya cui: Jopa Nacom pawun caunutsinde xua bapon painya nepaca taewa tsane xua xaniwaicha painya nepaebiwa poxonaē yabara pana natsiwana wunaē paebame ichamonaetha pocotsiwa bexa painya exanaetsi. Poxonaē pajam: “Je”, pam, bara bara paichinde. Poxonaē pajam: “Bara”, pam, bara moya bara jopa paexanaēinde. Bapoxonaē jopa Nacomtha panatsicuentim tsane abe painya neexanaexae. Barichi jopa itaboco pawun caunutsinde, yawa irano jopa pawun caunutsinde, matautano jopa icha wunno pawun caunutsinde.

¹³ Icha ichun pon painyamonae jiwana jiton ajuntucoyenetane xua abe petaxanaexaetsi ichamonaē, barabu bewa bapon Nacomtha wucaena xua peyawenaewa tsainchi. Icha ichun juntu coyene weiweina, barabu bewa bapon peweixi naxunaē xua Nacom wunaē jainchiya peyabara naxunaewatsi.

¹⁴ Icha ichun atene, bewa pawabim penapatae jiwi, pomonaē pecanamataxeinaewi xua canamataxeinatsi pomonaē Nacom pejume cowuntsiwi. Bapoxonaē barapomonaē bewa tawucaena xua pon peatenein petawucaewatsi xua Nacom axaibi peexanaenexa. Bapoxonaē barapomonaē bewa juinya penasiwatha mata caxuebina Cristo pewantha pon jiwi Pecanamataxeinaein.

¹⁵ Poxonaē barapomonaē Nacomtha wuca bewa yabara jume cowuntsiya wucaena xua bara Nacom pon jiwi Pecanamataxeinaein axaibi exana bapontha. Bapoxonaē pon atene jume tsane. Matautano pon Wanacanamataxeinaein, bapon pon atene axaibi exanaeinchi. Icha pon atene abe peexanaē cuiru coyene exana baxua Nacom cayabara junteinaena.

¹⁶ Daxota paxam, caemonaē nantiya pana natsipaebeibare xua poxonaē abe nantiya pana nata exaneibame, pajam tsaibinde: “Pin uran, yaitama jopa xapain cata exanaetsi necayabara junteinaena”, pajam tsaibinde. Pon Nacom peitabaratha tatsi juntu coyene xanepanaya popona, poxonaē bapon Nacomtha wuca bichocono peayapusawa xeina xua daxota Nacom beta cana exana bapontha.

¹⁷ Nacom peitorobi jume pepaebin Elías, bapon bara jiton bara wanaca cui jupaein, pon caena bayatha popona. Poxonaē bapon Nacomtha matowa wuca xua jopa peruneicaewa tsane, bapoxonaē jopa duneicaeyo tres po weibe yawa equeicha bara caeto nama. Bapoxonaē barapo nacuatha pin jainbo nacua tsurucuae.

¹⁸ Bapoxonaē, poxonaē equeicha Nacomtha wuca, bapoxonaē equeicha duneica yawa pexuwiwan xanepanaya nawetsiya xuwa.

¹⁹ Tamonaē pam metha ichun pon paxam jiwana abe exanapona bequein yaputane xua bewa exanaena pocotsiwa pexainyeiwan. Icha ichun yawena bapontha xua equeicha caewa beta peexanaewa tsane bapon, pon yawena, bara beta exana.

²⁰ Pon yawena bewa yaputaena xuaje: Po jiton xua cana exana ichamonaē xua penacui barapentsiwa abe peexanaē cuiru coyenein, xua equeicha pejume cowuntsinexa Nacom, barapon juntu coyene capanepa exana barapomonaē petypae cuiru coyene weya. Matautano bapon juntu coyene yawena xua Nacom peyabara junteinaewa xua barapomonaē abe pia peexanaē cuiru coyenein tatsi xua bequein bichocono nawita.

Baja Santiago.

Meje Po Carte Copiya Pedro Tatina, Pomonae Jesucristo Pejume Cowantsiwi Tatinatsi

Meje yabara poxonae Pedro tamropata pitaba xua tatina pomonaetha pomonae Jesucristo pejume cowantsiwichi

¹ Xan, Pedron, Jesucristo pia peitorobi jiwi jiwana tatsin. Daxita barapomonae pam pacata tinatsi pomonae painya nacua nacayayatsiya pawu jinompame xua ichamonae painya nepaca yotabixae. Pomonae painya nejinompaewi pam Ponto nacuatha, iruꝑu pomonae painya nejinompaewi pam Galacia nacuatha, iruꝑu Capadocia nacuatha painya nejinompaemdu, iruꝑu Asia nacuatha painya nejinompaewi pamdu, iruꝑu Bitinia nacuatha painya nejinompaewi pamdu.

² Caena bayatha poxonae aena, bapoxonae Nacom paca itapeta. Barapon Nacom, pon Waxa, paca yaputane xua pia pexui tatsi pana naexaname. Nacom pia Pejumoꝑe tuꝑaxu tatsi paca exana xua bichocono pajuntu coyene xanepaname Nacomtha painya neexanaenexa pocotsiwa Nacom paca itoroba. Poxonae Jesucristo paca tsitupa naetha jana pichapabarena painya nejume cowantsinexa Jesucristo pocotsiwa bapon paca itoroba. Bapoxonae pajuntu coyene xanepaname Nacomtha. Barabu Nacom bichocono paca yawenaena pia paca necaantobewaxae. Matautano barabu barapon juntema jinompa paca exana.

Meje yabara xua po coyeneya bewa beta jinompaetsi Jesucristo nexa

³ Nacom wꝑnae jaintatsi pon Jesucristo Paxa tatsi. Jesucristo bapon pon Wanacanamataxinaein. Nacom jeichichi: “Nacom maisa pajuntu coyene weiweinan xua pena juntu coyenein patanecatsibiwam xua poxoru bichocono nantanuweya pana yabara nanta xeiname. Baxua painta exaname poxonae Jesucristo equeicha asu exaname petuꝑae cuiru coyene weya”, jeichichi. Jesucristo naca cana exana xua wꝑnaeya jume cowantsiya ewatatsi xua Nacom naca catsina peajuntuꝑarusꝑwa.

⁴ Bara Nacom paca catsibina pocotsiwa paca juntana jeba pia nacuatheicha pocotsiwa xua jopa itacuꝑaetsi xua peweraweracaewa xua matauta jopa abe caquiyo. Matauta jopa abe tsoponaeyo xua jopa daichiyo icha pentono ichi.

⁵ Nacom paca yapu eena pia peayarusꝑwatha painya neyabara jume cowantsixae bapon. Barapon Nacom paca capanepa xua jopa painya neatenenexa xua abe painya neexanaexae xua poxonae daxita barapo nacue weraweracaena.

⁶ Daxota pajuntu coyene weiweiname, bara bequein saya cae dapaeyobetha paca ajuntuꝑoyenerewe exana xua ichamonae abe painya nepacata exanaexae matowa.

⁷ Barapo painya nepaca caajuntuꝑoyenerewe exanaewen piraichi pacata exana baxua xua pia yaputaetsi icha xaniwaicha bara metha pajume cowantame Jesucristo. Po penainto pewꝑn oro nainto, jiwi ba piraichi isototha tauta peyaputaenexa icha bara metha pepa oro nainto. Po pejume cowantsiwa jiwi xeina bichocono daunwei beyacaincha oro nainto bequein ichamonae juntu coyene jujuta xua abe peexanaenexa. Barapo oro nainto weraweraca. Barapoxonae poxonae Jesucristo patopaetsica xua awiya beta painya nejume cowanta dubenanaebiyaxae daxota Nacom wꝑnae paca jainchina. Matautano paca cana exanaena xua peainya cui jiwi pam. Matautano paca cana exanaena xua jiwi paca baru cui itura jinaena painya nejume cowantsiwixae.

⁸ Paxam paantobem Jesucristo bara bequein jopa bapon pataem. Matautano anoxuae pajume cowantame bequein jopa bapon anoxuae pataem. Paxam bichocono pajuntu coyene weiweiname. Bara bequein barapo pexeinya pejuntu coyene weiweinae coyenewa bayatha payabara paebame daichitha awiya pacata seica xua po jumetha beta payabara paebame barapo peajuntuꝑoyenesꝑwa. Daxota bichocono pajuntu coyene weiweiname tsipei panainta xeiname xua painya nexeiaewa tsane pebaru cui itura jinaewa Nacom pia nacuatheicha.

⁹ Painya nejume cowantsixae Jesucristo, Nacom paca juntu coyene capanepaena xua jopa painya neatenenexa xua abe painya neexanaexae.

¹⁰ Caena bayatha pomonae Nacom pia peitorobi jume pepaebiwi yabara jejeitaponeiba nawita barapo pecapanenebiyae diwesi, xuano yabara yainyabeiba nawita. Barapomonae yabara paeba pecapanenebiyae diwesi, xua Nacom paca catsibina barapo diwesi pia paca necaantobexae.

¹¹ Nacom pia Pejumoꝑe tuꝑaxu tatsi, po jumope Cristo weya pona, barapo jumope cueicueijei barapomonae pejuntu coyenewatha tatsi. Nacom pia Pejumoꝑe tuꝑaxu tatsi cueicueijei barapomonaetha, jeye: “Payabara tinare xua bexa tsane Cristo, pon Nacom

itorobina, atene tsane. Matautano bapon Cristo xeinaena pexeinya peitupanae coicha", jei. Barapomonaē nayainyaba, jeye: "¿Eta bichi tsane jiwitha poxonaē baxua exanaena? ¿Yawa eta poxonaē metha baxua exanaena?" najei barapomonaē.

¹² Ichitha Nacom, barapomonaē yabara yaputane exainchi xua po diwesi barapomonaē xua Jesucristo yabara tsiwūnaē paebatsi apara jopa barapomonaē nexa. Apra jame barapo diwesi paxam nexa. Po diwesi xua caena bayatha barapomonaē yabara paēba barapo diwesi japa po diwesi xua anoxuae ichamonaē yabara paca tsipaēba. Barapo diwesi xua pecapanenebiyae diwesi barapomonaē paca tsipaēba Nacom pia Pejumoḡe tūnaxū tatsi pia peayapusu itorobi coyeneyatha tatsi po jumope itorobatsi itaboco wetsica. Barapomonaē yabara paēba barapo pecapanenebiyae diwesi po diwesi matatsunpiwi bequein irū ichichipa yabara yaputane.

Meje yabara xua Nacom naca itoroba xua bewa xeinaetsi pepa pejuḡntū coyene xanepanaewa

¹³ Daxota pana najūntū coyene wūnaere Nacom nexa xua pana najūntū coyene itorobare xua barompaya painya nenanta xeinaewatha. Ajuḡntūyapusuḡa payabara jume cowūntsiya eware pocotsiwa Nacom paca catsibina pia paca necaantobewaxae xua poxonaē Jesucristo patopaetsica.

¹⁴ Paexande icha pexui ichi xua ba exana pocotsiwa coxiyūn itoroba. Jopa paichichipaeinde xua abe paexaname po coyenewa icha be paichim copiya xua abe paexaname poxonaē cataunxuae jopa payabara yaputaem Nacom.

¹⁵ Seicaya pajinompape pepa painya nejūntū coyene xanepanaewatha, tsipei Nacom pon paca waba bichocono pepa pejuḡntū coyene xanepanaein.

¹⁶ Baxua paexande poxoru Nacom Pejume Diwesitha jeye: "Paxam daxita bichocono pajūntū coyene xanepande, tsipei bichocono tajūntū coyene xanepanaein", jei.

¹⁷ Nacom Waxa, pon jwi peyabara paēbin xua penatsicuentisiwa xua abe peexanaexae, barapon Nacom jopa nanta xeinaeyo xua ichūn bichocono peainya cuin beyacaincha ichūn. Icha paxam barapo Nacomtha pajam: "Axa", pajam, xua pia painya nepaca yawenaena bapoxonaē pajunuware xua abe painya neexanaeyainwa Nacomtha. Matautano barapon Nacom bichocono paantobeinde daxita matabin poxonaē pajinompame po irathe.

¹⁸ Jesucristo paca capanepa painya abeya nejinompaewa weya. Poxonaē Jesucristo paca yantomata xua paca capanenebiya, jopa catsiyo po penainto pewūn oro nainto. Matautano jopa catsiyo po penainto pewūn plata nainto. Barapo naxobe penaintobe saya weraweraca. Barichino payaputaneme xua Jesucristo jopa paca capanepaeyo tsipei bara paichim xua paexaname icha painya amo susato jwi ichi xua barapo abeya jūntū coyenewatha jinompa. Baxua paca yawena aibi.

¹⁹ Saya meisa Cristo naca yantomata abe waexanae cuiru coyenein weya. Baxua apra xua poxonaē Jesucristo naca tsitupa naetotha, icha caena bayatha oveja ichichi xua poxonaē hexotsi xua tupa exanatsi xua Nacom peyabara junteinaenexa jwi abe pia peexanae cuiru coyenein tatsi. Barapo oveja pexeinya oveja xua jopa matauta xeinaeyo wanyo, icha Cristo ichi xua jopa xeinaeyo peabe coyenewa tsipei pejuḡntū coyene xanepanaein.

²⁰ Nacom itapeta xua Cristo itapetatsi petupaenexa tsane naetotha caena bayatha poxonaē cataunxuae jopa forotsiyo po cae pin nacue. Nacom paca tsita ituta bapon Cristo barapo petabu ducuae matabitha.

²¹ Cristo painya nepaca tsitupaexae naetotha xua abe painya neexanae cuiru coyenein daxota Nacom pajume cowūntame. Nacom equeicha Cristo asū exanatsi petupae cuiru coyene weya. Matautano Nacom pia nacuatheicha cana exana bapontha xua xeina pepa peainya cui coyenewa. Daxota anoxuae pajume cowūntame Nacom. Matautano pajume cowūntsiya ewatame Nacomtha xua bexa Nacom paca catsina pocotsiwa xua bayatha yabara paca tsiwūnae muxu duta.

²² Anoxuae pajume cowūntame Nacom pia pexainyei diwesi jume xua Nacom pia Pejumoḡe tūnaxū tatsi paca tsipaēba. Daxota paca itacupa xua pana najūntū coyene wūnaē exaname Nacomtha xua xaniwaicha painya neantobenexa ichamonaē pomonaē irū pejume cowūntsiwi Nacom. Daxota bewa bichocono nantiya pana naantobem daxita painya nejūntū coyene daunweyatha.

²³ Paxam icha jūntū coyene paxeiname tsipei be pena jwi pana naexaname, xua pajūntū coyene xanepaname. Jopa panaexanaem xua pocotsiwa peweraweracaewa werena. Anoxuae nama panaexaname pocotsiwa xua jopa peweraweracaewiyo werena. Ichitha pena jwi pana naexaname painya nejume cowūntsixae Nacom Pejume Diwesi, po jume diwesi jopa weraweracaeyo, xua ataya tsitecapona.

²⁴ Nacom Pejume Diwesi jeye:
 “Naepanaewa ba tsewa tsoponae
 yawa pentono ba othopeica.
 Icha naepanaewa ichi jiwi ba barichi,
 ba werapa.

Matautano pocotsiwa jiwi exana xua bequein
 tsita ainya cuichi ichitha weraweracaena.

²⁵ Ichitha nama Nacom Pejume Diwesi ataya
 ayapusa tsoponae”, jei Nacom Pejume Diwesitha.

Barapo diwesi apara pecapanenebiyae diwesi xua po diwesi paca tsipaebatsi.

2

¹ Daxota daxita pana nacui barapende daxita abe peexanae cuiru coyenein, yawano xua pemuxuitorobi coyenewan, yawano xua naerabiya peexanae coyenewan xua naemata wuna pepaebiwa, yawano xua peyabara uwi coyenewan xua ichun xeina, yawano xua abe peyabara paebiwa ichamonaetha xua ichun peyabara paebiwatsi.

² Pexui ba poxi anoxuaetha naexana ba jeita mito pia apaetsi xua pewichibinexa peapaexae mito. Icha pexui ichi, barapocotsi juta coyeneya paichinde. Saya meisa Nacom Pejume Diwesi payorobare nawita xua painya nejume cowanta dubenanaebiyaenexa tsane, matautano xua painya nepaca capanenebiyaenexa tsane Nacom.

³ Icha paita coxoneme Nacom, painya juntu coyenetha bara payaputaneme xua pon jiwi Pecanamataxeinaein bichocono bara pewanaein.

Meje yabara iboto, po iboto peainya cui iboto

⁴ Jesucristo pajume cocowantaponde, pon jiwi Pecanamataxeinaeinchi, pon xua ataya tsitecaeya ajuntayapusua pepoponaein. Barapon Jesucristo yabara caunutatsi be pocotsi iboto xua copiya boca xua poxonae bomuxu exana. Icha jiwi ichi xua barapo iboto xuba jiwi barichi Jesucristo pentatsi. Ichitha Nacom itapeta xua Jesucristo itapetatsi, tsipei bapon Jesucristo Nacom tsita ainya cuichi.

⁵ Poxonae jiton ibo bo exana xua Nacom pin pia bo nexa, itapeta po iboton wuna. Bara jutiya ichi Nacom itapeta jiwi, xua pomonae piamonae tatsi cana exana pomonae pejume cowantsi jiwichixaetsi. Painya coutha pana najuntu coyene doure Nacomtha beta painya netanacuichinexa icha sacerdotemonae ichi xua najuntu coyene douda Nacomtha poxonae beta tanacuita. Poxonae baxua paexaname bara baxua Nacom tsita xanepanatsi xua Jesucristo painya nejume cowantsixae.

⁶ Nacom Pejume Diwesitha jeye:
 “Pajume taema, itorobarecan Jesucristo

Sion tomaratha tana nejume
 cowantsiwi taitorobarecan.
 Bapon itapetan xua bichocono peainya
 cuixae, icha iboto ichi, po iboto
 babatanota bomuxu.

Pon Jesucristo jume cowantatsi bapon jopa
 aura tsane xua bapon Jesucristo pejume
 cowantsixaetsi”, jei Nacom Pejume Diwesitha.

⁷ Painya nejume cowantsixae bapontha, daxota payaputaneme xua bapon bichocono asiwiya paantobem. Ichitha pomonae jopa bapon jume cowantsichi barapomonae canacui yabara jume wetatsi be pocotsi coyeneya bayatha Nacom Pejume Diwesi paeba, xua Jesucristo yabara caunutatsi, jeye:

“Po iboto xua jiwi naitemata xua pomonae
 ibo bon peacabiwi, barapo iboto
 pecanamatawenonae ibotatsi naexana”,
 jei Nacom Pejume Diwesi, xua Jesucristo
 yabara caunutatsi.

⁸ Nacom Pejume Diwesitha equeicha jeye:

“Barapo ibotiyotha jiton taxu autabatsi.
 Matautano barapo iboto, ichacuiitha
 jiton xuirapopa exainchi”,
 jei Nacom Pejume Diwesi.

Jiton ba xuirapopa poxoru jopa taeyo barapo iboto. Po iboto Nacom yabara paeba barapo iboto Jesucristo yabara jutsiya canautapaebatsi. Jiwi jopa beta exanaeyo poxoru jopa

jume cowantsiyo xua Nacom Pejume diwesitha Jesucristo yabara paebatsi. Caena bayatha Nacom pewnaeya yabara cui yaputane xua barapomonaē peexanaewa tsane baxua.

⁹ Paxam Nacom painya nepaca itapetsi jiwi pam. Paxam po sacerdotemonaē pam xua pata nacuitame Nacom pon jiwi itorobiya pia pepa Peewatsinchi. Matautano paxam pomonaē Nacom patsita juntu coyene xanepaname jopa painya tsita natsicuentisixae bapon. Matautano Nacom pia pepa piamonaē tatsi pam. Nacom baxuan pacata exana pia painya yabara netacueicueijeinexa xua pia pexeinya petsita itubi coyenewan tatsi. Barapon Nacom paca waba abe painya neexanaē cuiuru coyenein weya. Paca waba pia painya yabara neyaputaenexa Nacom xua xeina pexeinya peitapanae coicha.

¹⁰ Copiya paxam jopa Nacom piamonaē tatsi pam, ichitha anoxuae nama Nacom piamonaē tatsi pam. Matautano copiyatha jiwi jopa paca yabara nantanuweya nanta xeinaeyo xua pia paca necayawenaewa tsane. Ichitha anoxuae Nacom paca yabara nantanuweya nanta xeina xua pia paca necayawenaewa tsane.

Meje yabara xua jiwi bewa beta jinompae xua Nacom petanacuita dubenanaebiyaenexatsi

¹¹ Tamonaē pam, pomonaē tapaca caantobe jiwichi pam. Paxam pomonaē be penanapaincha jinompawē pam xua icha nacua werena painya neponawē. Daxota paca itorobatsi xua jopa painya neexanaewa tsane pocotsiwa abe pocotsiwa xua painya juntu coyenewatha ichichipa xua peexanaewa. Barapo abe peexanaē cuiuru coyenein paca juntu coyene itoroba bichocono xua painya neexanaenexa po coyenein abe peexanaē cuiuru coyenein.

¹² Beta pajinompare Nacom nexa xua peitatha tatsi pomonaē Nacom jopa jume cowantsichi. Icha barapomonaē abe paca yabara paebichipa be pomonaē abe painya neexanaē jiwi pam tsipae bichocono daichitha barapomonaē taena xua beta painya neexanaewa. Bapoxonaē barapomonaē Nacom wnaē jaintinchi wnaē painya neexanaexae xua po mataqueitha Nacom yabara paebina jiwī xua penatsicuentisiwa xua abe peexanaexae.

¹³ Painya nejume cowantsixae pon jiwi pepa Pecanamataxeinaeinchi bara paexande pocotsiwa paca itoroba daxita pomonaē pecanamataxeinaewi painya nacua. Matauta paexande pocotsiwa paca itoroba pon romanomonaē itorobiya pepa peewatsinchi. Jame Nacom ichichipa xua waexanaewa baxua.

¹⁴ Paexande pocotsiwa paca itoroba pomonaē nacuan peewatsiwi pomonaē xua tanacuitatsi pon romanomonaē itorobiya pepa peewatsinchi. Nacom itoroba barapomonaetha pomonaē nacua peewatsiwi xua barapomonaē cuainchina pomonaetha pomonaē abe peexanaewi. Matautano Nacom itoroba barapomonaetha xua wnaē jainchina pomonaetha pomonaē beta peexanaewi.

¹⁵ Nacom ichichipa xua beta painya neexanaewa tsane pomonaetha pomonaē xua jopa Nacom yabara yaputaetsi xua barapomonaē pemoyanexa xua jopa abe painya nepaca yabara paebinexa.

¹⁶ Pajinompare, icha be ichi pomonaē jopa nantawenonaeyo xua ichamonaē amanaya petanacuichiwatsi. Ichitha jopa abe paexanaeinde xua poxoru saya painya nejinompaexae. Beta pajinompare, icha be ichi pomonaē Nacom amanaya tanacuita dubenanaebiyatsi.

¹⁷ Beta payabara nanta xeinare daxita jiwi. Matautano paantobeinde ichamonaē pomonaē ira pejume cowantsiwi Jesucristo. Nacom pacunuware xua abe painya nepaca exanaeyainwa, xua abe painya neexanaexae. Pabaru cui itura jinareno pon romanomonaē itorobiya pepa peewatsinchi.

Meje yabara po coyene xua Cristo atene peexanaewatsi

¹⁸ Paxam pomonaē amanaya painya netanacuichi jiwi pam ichamonaē barapomonaē pam paca tsipaebatsi. Bewa pajume baru cui jepam tsalbim tsane pomonaē xua paca itorobeiba pomonaē painya nepaca canamataxeinaewi. Baxua paexande poxonaē bequein ichamonaē wnaē peexanebiwi, matautano xua poxonaē ichamonaē bequein abe peexanebiwi poxonaē paca itoroba.

¹⁹ Baxua Nacom tsita wnaetsi xua pabaru cui itura jiname barapomonaē pomonaē painya nepaca canamataxeinaewi xua poxonaē bequein paca cuainta barapomonaē xua xaniwaicha painya neexanaexae painya nejume cowantsixae Nacom.

²⁰ Icha abe paexaname xua daxota paca cuainta, baxua Nacom jopa tsita coyene xanepanaetsi xua bequein saya beitatemaya moya paumenname poxonaē paca cuainta. Ichitha icha jame paca cuainta xua wnaē painya neexanaexae xuano xua icha beitatemaya moya paumenname baxuan jame Nacom tsita coyene xanepanatsi.

²¹ Xua ichamonaē atene painya nepaca caexanaexae daxota Nacom itapeta paca waba. Ichamonaē Jesucristo atene exainchi waxainchi nexa. Jesucristo cana caunutsiya exanatsi xua waxainchi bewa exanaetsi icha bapon ichi xua pocotsiwa exana.

²² Bapon Jesucristo bapana jopa abe exanae. Matautano bapana jopa muxutorobi ichamonaetha.

²³ Poxonaē ichamonaē Jesucristo biatainchi jopa xuya jume barabotsiyo Jesucristo. Poxonaē Jesucristo bātsi, jopa Jesucristo jeyo, “Aunxuae xuya paca cuaintinchi”, jopa jeyo. Ichitha Jesucristo jume cowanta Nacom xua pocotsiwa poxonaē Nacom exanaena barapomonaetha pocotsiwa xua be Jesucristo peyantomatsiwatsi. Tsipei Nacom xaniwaicha beta yabara paeba jiji, xua penatsicuentisiwa xua abe peexanaexae.

²⁴ Cristo pia pepontha yawa muxuna tupa abe waexanae cuiru coyenein poxonaē tupa naetha. Poxonaē bapon Jesucristo nacata exana barapo coyene, waxainchi abe waexanae cuiru coyenein weya panenebiyatsi xua jopa equeicha waexanaewa tsane abe waexanae cuiru coyenein, yawano xua beta juntu coyene xanepanaya jinompaeinchi Nacomtha. Daxota Cristo wan exanatsi xua equeicha jopa abe painya neexanaenexa tsane.

²⁵ Ichacuitha oveja itaxanuncuatsi, pipato pepoponaexae jopa penantaatsixae pon peenaēin ovejan. Icha oveja ichi paxam bara pocotsi jata coyeneya paichim. Copiya jopa xanepanaya painompaem, jopa painya nenantaatsixae Jesucristo. Ichitha anoxuae xanepanaya pajinompame, tsipei anoxuae Jesucristo panantaatame pon paca yawena. Bapon nepaca eenaēin, icha be ichi pon oveja peenaēin. Yawano bapon Cristo paca juntu coyene canamataxeina.

3

Meje yabara xua po coyeneya bewa jinompaē pomonaē jitha peenaewi

¹ Paxam powaxi jitha painya neenaewaxi pam, paexande pocotsiwa painya seuriwi paca itoroba. Painya pebiwi ichacuitha jopa jume cowantsiyo Nacom. Painya neexanaexae pocotsiwa painya seuriwi paca itoroba barapo painya seuriwi jume cowantsina Nacom painya nepaca cui taexae bara bequein Jesucristo jopa payabara paebim.

² Barapo painya seuriwi paca taena xua Nacom paantobem. Yawano xua paca taena xua juntu coyene xanepanaya painompame.

³ Jopa metha meisa painya pepon pexeinyowa pana naexanaemtsipaem, xua daxota jiji painya nepaca yabara paebibiwa, xua pexeinyowaxi pam. Jopa matowa pana mata cachetsinde xua bichocono pexeinyowa pana naexaname. Jopa pana napepenaeinde po penaintho pewan oro nainto. Matautano jopa pana nama xatabinde po paparuan bichocono ainya matoman xua bichocono pexeinyowaxi pana naexaname.

⁴ Icha pexeinyowaxi ichichipa pana naexaname moya maisa pana najuntu coyene wanae exande. Barapo pexeinyowa coyenewa bapana xeina jiji pejuntu coyenewatha. Barapo pexeinyowa coyenewa jopa itacupaetsi xua peweraweracaewa. Painya pexeinyowa coyenewa bewa payabara ita ururanaya pajinompame, yawano juntea pajinompapareno. Baxuan jame bichocono tsita coyene xanepanatsi Nacom.

⁵ Barapo pexeinyowa coyenewa caena bayatha xeina po yabaxi xua bichocono pepa pejuntu coyene xanepanaewaxi. Barapo yabaxi jume cowantsiya ewata Nacomtha, xua Nacom exanaena pocotsiwa yabara tsiwanae muxu duta. Matautano barapo yabaxi exana pocotsiwa piseuriwi itorobatsi.

⁶ Petsiriwa powa pewan Sara bara jutiya ichiya exana. Barapowa exaneiba pocotsiwa piseuri itorobeibatsi pon pewan Abraham. Barapowa piseuritha jeye: “Tanecanamataxeinaem”, jei bapowa. Paxam bara paichim tsane icha barapowa Sara ichi icha beta paexanaename, yawano xua jopa pajunuwim, bequein painya seurixi jopa xanepanaya paca itorobeibiyo.

⁷ Barichi pam pebiwi pam, po pebiwi painya seuriwi painya nexeinea jiji pam. Beta payabara cui yaputaema painya seuriwi. Yawano painya seuriwi pabarū cui itura jinare tsipei yabaxi jopa acucoyenesayo icha jopa be pebiwi ichiyo. Pananta xeinare xua pebin piseuribe xeinabe po peajuntuyapuswa jopa bapana weraweracae, po peajuntuyapuswa Nacom cata piamaetha pomonaē pia peantobewixaetsi. Baxua paexande painya seuriwitha xua wanae painya neexanaewa xua Nacom bara beta painya nepaca jume taenexa poxonaē pawcane.

Meje yabara xua jiji atene pomonaē xua beta peexanaewixae

⁸ Matapainya paca tsipaebatsi nantiya beta jinompa pana naexande. Yawano nantiya beta pana nayabara nanta xeinare xua painya nenayawenaexaem tsane. Nantiya pana naantobeinde painya nejume cowantsixae Nacom, icha be ichi poxonaē barompaya painya eweicho jiji nantiya pana naantobem. Pomonaē jiji peyawenaē jiji pana

naexande xua painya neantobexae barapo jiwi. Matautano jopa bichocono painya coutha pana nayabara nanta xeinaeinde. Jame maisa ichamonae itapeta bichocono payabara nanta xeinare.

⁹ Poxonae ichamonae abe pacata exana xuya jopa paexanaeinde. Yawano poxonae ichamonae paca biatane jopa xuya pabiataeinde. Seicaya nama paexande. Jame Nacomtha patawucare barapomonae xua Nacom pecana exanaenexa xua barapomonae pejuntu coyene weiweinaenexa. Daxota Nacom paca waba xua xuya pacata exana tsipei barapomonae beta pacana exaname.

¹⁰ Tsipei Nacom Pejume Diwesitha jeye:
 "Pon xua antobe xua po coyene cataunxuae pepoponaewa, xuano xua daxita matakabi juntu coyene weiweina poneiba, bapon bewa peebatotha jopa paebi tsane peabe jumeyo. Matautano peopiratotha jopa bewa paebi tsane xua ichamonae naerabiya peyabara paebiwatsi.

¹¹ Bewa taju beya paponae xua peabe coyenewan weya.

Yawano saya bewa beta paexanaem. Itapeta paexande pocotsiwa xua jiwi junte ma jinompa exainchi.

Bara ajuntuyapusya paexanaponde baxua.

¹² Tsipei Nacom, pon jiwi Pecanamataxeinaein, yawena pomonaetha pomonae pejuntu coyene xanepanaewi.

Yawano Nacom jume tane xua pewucaewatsi.

Ichitha Nacom jopa yawenaeyo pomonae abe peexanaewi", jei Nacom Pejume Diwesitha.

¹³ Dapon albi pon itacupatsi xua abe pacata exana icha saya paexaneibame pocotsiwa xua wnae.

¹⁴ Bequein icha ichamonae pacata abe exanaena juntu coyene xanepanaya painya nejinompaexae, daichitha Nacom paca cana exana xua pajuntu coyene weiweinaya jinompame. Jopa ichamonae pacunuwinde, yawano jopa pacuitaya juntu deideijande.

¹⁵ Jame maisa Cristo bichocono payabara nanta xeinare painya juntu coyenetha xua bapon bichocono ainya cui. Pajande: "Pon jiwi Necanamataxeinaem", pajande. Pana najuntu coyene wnaeteibare xua painya nejume noteibinexa pomonae paca yainyabiya jeye: "¿Eta pocotsiwa pajume cowantsiya ewatame xua Jesucristo bexa paca capanepaena?" paca jei.

¹⁶ Ichitha saya ita ururaquiya pajume noteibare, jopa paaebeibinde. Yawano pajunuware Nacomtha xua abe painya nepaca exanaeyainwa Nacom, abe painya neexanaexae. Pajinompare xua painya juntu coyenewa paca tsipaeba xua wnae bara paexaname. Barapomonae icha ichamonae abe paca yabara paeba, barapomonae aura tsane xanepanaya painya nejume cowantsiya jinompaexae Cristo.

¹⁷ Icha Nacom ichichipa xua ichamonae atene paca exana, beta painya neexanaexae, baxua jame wnae, beyacaincha xua poxonae atene paca exana poxoru abe paexaname.

¹⁸ Tsipei Cristo atene exanatsi poxonae tsitapa abe waexanae cuiru coyenein daxita xua poxonae cae coyenetha tupa. Cristo bapana jopa abe exanae. Ichitha bapon Cristo naca tsitapa pomonae abe waexanae jiwichi. Baxua Cristo nacata exana, xua wanaca exanaenexa xua wapatsiwa tsane Nacom beicha. Bapon Cristo bequein tupa pepon ichitha equeicha asu exanatsi pia pejumope tuxaxu tatsi.

¹⁹ Barapomonae Jesucristo pia pejumope tuxaxu tatsi pona ichaxota jiwi pia pejumopein tatsi be cubathopeibatsi pomonae xua caena bayatha werapa. Barapon Jesucristo pia jumope tuxaxu tatsi yabara cueicueije barapo jumopeintha xua Nacom pia papanenebiyae diwesi tatsi.

²⁰ Caena bayatha barapomonae jopa jume cowantsiyo Nacom poxonae po mataqueitha Noé popona po irathe. Nacom beitatemaya ewateiba barapomonae, ainya dapaein xua pejume cowantsinexatsi poxonae xua cataunxuae Noé cobe naemata xua pin jera nae exana. Ichitha saya ochó poyobe jiwi panenebiya poxonae bichocono awubo xua butuxuba po cae pin nacue.

²¹ Barapo awubo caunuta xua be naca bautisaba. Poxonae naca bautisaba apara jopa wanaca peru iquicaenexa tsane xua tsoreichi, apara jame daxota naca bautisaba Nacom, wanaca capanepaexae abe waexanae cuiru coyenein weya. Yawano Nacom wucatsi xua wanaca juntu coyene xanepana exanaewa tsane. Barapomonae wajuntu coyene naca tsipaeba

xua bara beta exanatsi. Waxainchi naca itacupa xua wanaca bautisabiwa tsipei Jesucristo equeicha asu exanatsi petupa cuiru coyene weya.

²² Jesucristo peitaboco beicha pona. Bapon Jesucristo eca Nacomtha, xua Nacom pia pecoxa weya tatsi. Matatsunpiwi, iru pomonae itoroba itabocotha barapomonae exana pocotsiwa Jesucristo itoroba.

4

Meje yabara xua jiwi bewa beta tanacuichi Nacom icha be po coyeneya Nacom cata jiwi barompaya pia peexanae coyenewan tatsi

¹ Yaitama copiya Cristo atene exanatsi ichamonae, waxainchi daxota bewa nanta xeinaetsi xua iru naca atene exanaena ichamonae. Pon atene exanatsi ichamonae bapon abe pia peexanae cuiru coyenein wepu pona xua bichocono pejume cowantsixae Jesucristo.

² Paxam jopa bewa paexanaem pocotsiwa xua paichichipame xua abe painya neexanaewa poxonae cataunxuae pajinompame. Ichitha cataunxuae paexanaponde pocotsiwa Nacom ichichipa poxonae cataunxuae pajinompame barapo cae pin nacuathe.

³ Caena bayatha paexaname pocotsiwa xua ichamonae exana pomonae jopa yaputaeyo Nacom. Barapomonae abe exaneiba xua nasi cui exana icha yabuxitha xua jopa piseuriwi. Yawano exaneiba xua pocotsiwa abe yabara nanta xeina pejuntu coyeneintha. Yawano nacupa exaneiba peatsaxae meran. Yawano pin penabanaewan exaneiba po penabanaewantha jiwi weiweinaya abe exana xua napenajuba yawa bichocono cupatsi. Yawano ibo nacomun wuna jainteibatsi.

⁴ Pomonae jopa yaputaeyo Nacom, barapomonae paca cui yabara nanta xeina, jeye: “¿Eta xua metha jopa naca baru exanaeyo xua waxainchi abe exanatsi?” najei barapomonae. Barapomonae paca cui capana yawa daxota abe paca yabara paeba.

⁵ Payabara nanta xeinare pomonae abe exana. Barapomonae bewa yabara caununaya jume notsina Nacomtha pocotsiwa xua abe exana. Nacom yabara paebina pomonaetha pomonae xua cataunxuae jinompa yawa pomonaetha pomonae bayatha werapa xua penatsicuentisiwa xua abe peexanaexae.

⁶ Daxota Nacom Pejume Diwesi bayatha cueicueijeji pomonaetha pomonae bequein bayatha werapa xua barapo pewerapae jiwi pejumo pe tunaxun pejinompaenexa tsane icha Nacom ichi xua popona. Bayatha Nacom yabara paeba barapomonae xua penatsicuentisiwa xua abe peexanaexae barapo cae pin nacuathe xua daxota pia pepon tatsi werapa icha daxita jiwi ichouneibi.

⁷ Bara nama imoxoyo po dapaetha poxonae Nacom daxita weraweraca exanaena barapo cae pin nacie. Daxota painya coutha pana najuntu coyene itorobare xua xanepanaya paexaname Nacomtha beta painya wucaenexa tsane.

⁸ Pocotsiwa xua ainya cui xua jame bewa bichocono nantiya pana naantobeinde. Poxonae ichun paantobem, pajuntemainame poxonae bequein xua bapon abe pacata exana.

⁹ Paxam nantiya pana nantenta weyataeya wabeibare painya boxitha xua painya nenaapateibinexa tsane, xua jopa pana naita aenae-aenande.

¹⁰ Daxita barompaya paxam Nacom paca cana exana xua painya nexainaewa barompaya painya neexanae coyenewan. Paxam nantiya pana nayawende barapo cui coyenetha, bapoxonae paxam pomonae beta painya neexanae jiwi pam tsane pocotsi coyenewatha xua Nacom paca cana exana.

¹¹ Icha ichun cueicueijeji, bu bara cueicueijeji pocotsiwa Nacom cueicueijeji exana bapon. Icha pebin yawena xua ichun yawenatsi bu bara barapo pebin yawena ichantha po peayarusuwatha xua Nacom cata. Daxita pocotsiwan xua paexaname bara beta paexande xua jiwi wuna pejainchinexa Nacom xua beta painya neexanaexae xua Jesucristo peyabaraxae. Bu bara Jesucristo ataya xeinaena peainya cui coyenewa, yawano xeinaena xua peayarusu itorobi coyenewa. Je bara ichi tsane.

Meje yabara po coyeneya xua bewa exanaetsi wajume cowantsixae Cristo xua poxonae bequein ichamonae atene naca exana

¹² Tamonae pam painya tapaca caantobetsi jiwichi pam iru painya nejume cowantsixae Jesucristo. Jopa yabara pana nabenaecaeinde poxonae bichocono atene paca cana exana ichamonae painya nejume cowantsixae Jesucristo. Jopa pananta xeinaeinde xua baxua pocotsiwa jopa bewa pacata exanae tsane.

¹³ Jame seicaya pajuntu coyene weiweinare xua painya nepaca itacupaewa xua ichamonae atene paca exana icha Cristo ichichi xua atene exanatsi. Yawano bexa pajuntu coyene weiweinaename poxonae Jesucristo yawa patopaetsica pia peainya cui coyenewa.

¹⁴ Icha ichamonae paca muxucona painya nejume cowantsixae Cristo saya pajuntu coyene weiweinare, tsipei Nacom pia Pejumope tñaxu tatsi, po jumope pexeinya peitupanae coicha yawa popona, barapo pejumope paca yawa popona.

¹⁵ Jopa bewa paexanaem tsane xua ichamonae pajutebame xua daxota ichamonae paca atene exana. Matautano jopa bewa paexanaem tsane xua ichamonae piawan tatsi pacaibame xua daxota ichamonae paca atene exana. Matautano jopa bewa paexanaem tsane xua ichamonae pajuntu coyene anaepana exaname xua daxota ichamonae paca atene exana. Matautano jopa bewa paexanaem tsane xua ichun pajuntu coyene itorobame xua abe peexanaewa tsane xua daxota ichamonae atene paca exana.

¹⁶ Icha ichun atene exanatsi ichamonae, pejume cowantsixae Jesucristo jopa bewa bapon aura tsane. Ichitha jame bapon bewa wunae jainchina Nacom tsipei atene exanatsi pejume cowantsixae Jesucristo.

¹⁷ Po matacabitha aena Nacom tamropata pitaba xua Nacom yabara paebina daxita jiwi xua penatsicuentisiwa xua abe peexanaexae, apara barapo matacabi bayatha patopa. Barapo matacabitha Jesucristo piamonae tatsi umenaena Nacom peitabaratha xua Nacom peyabara paebinxax tsane xua penatsicuentisiwa xua barapomonae abe peexanaexae. Yaitama Nacom baxua nacata exana nama yatsicaya jopa Nacom juniya exanaeyo pomonaetha pomonae jopa pejume cowantsiwi Nacom pia pecapanenebiyae diwesi tatsi.

¹⁸ Daunwei nawita pon capanepatsi abe pia peexanae cuiru coyenein weya pon wunae peexanaein. Ichitha nama bichocono tadaunweichi xua pon capanepatsi abe pia peexanae cuiru coyene weya pon bichocono abe peexanaein.

¹⁹ Poxonae ichamonae paca atene exana, bara awiya beta paexande icha bara baraxua xua pocotsiwa Nacom cuita jichipa. Bewa pajume baru jejam tsane Nacom xua paexaname bara bequein paayapube taetham. Nacom paca necaforotsixae yawa peexanaexae xua pocotsiwa yabara paca tsiwunae muxu dubeiba xua exana paebeiba, daxota Nacom pia coya canamataxeina painya juntu coyene.

5

Meje yabara xua Pedro muxuweta pomonaetha pomonae pejume cowantsi jiwi

¹ Ichichipan xua tamuxu wetsiwa nenapatae jiwi pomonae paxam jiwana pam pomonae painya nejume cowantsi jiwi pam. Xan iru bichocono nenapataein icha barapomonae ichi. Xan natan poxonae Cristo naetotha tparucua exanatsi. Xan iru yawa xeinaein po peainya cui coyenewa Cristo xeina poxonae patopaetsica.

² Beta pa-eenare pomonaetha xua Nacom paca cana exana xua pamatacaponame, icha pon oveja peyapu eenaein ichi xua beta yapu eena ovejamonae. Jopa meisa baxua paexanaeinde xua poxoru Nacom pia paca necaitorobixae. Jame maisa baxua paexande xua poxoru painya coutha painya neichichipaexae. Baxua jame Nacom ichichipa. Matautano jopa baxua paexanaeinde xua poxoru paratixi painya neichichipaexae, ichitha poxoru Nacom painya neantobexae bichocono.

³ Jopa atsaquiya pamatacaponaeinde pomonae xua pamatacaponame. Jame saya maisa beta pamatacaponde xua painya necacui taenexa xua bara jeta ichiya peexanaenexa.

⁴ Nexata poxonae patopaetsica pon jiwi itorobiya pepa Peewatsin, bapon Jesucristo paca catsina po pematomatsiwa peainya cui coyenewa, po peainya cui coyenewa xua bapana jopa weraweracaeyo.

⁵ Barichi pomonae pewowi jiwi pam, bewa paexanaem pocotsiwa xua nenapatae jiwi paca itoroba. Daxita paxam bewa nantiya pana naantobem, yawa bewa nantiya pana nayabara ita ururanaya jinompaem. Baxua paexande tsipei Nacom Pejume Diwesitha jeje:

“Nacom aichaxaibi pomonae peaebiwi ichamonaetha.

Ichitha Nacom yawena xua peantobexae pomonae

baru ita ururanaya jina ichamonae”, jei.

⁶ Daxota papende po coyene xua paeabame ichamonae. Paexande pocotsiwa xua Nacom pecobetha paca ita cowai pia peayapusu itorobiwatha xua Nacom ainya cui paca necaexanaenexa tsane poxonae Jesucristo equeicha patopaetsica.

⁷ Bara pacopare xua Nacom bara daxita paca wepichina daxitan po coyenein xua juntu coyene natsepa paca cana exana tsipei Nacom paca yabara nanta xeina nawita xua painya nepaca cayawenaewa tsane.

⁸ Painya coutha pana najuntu coyene itorobare xua beta pajinompare. Tsaca pajinompare poxoru caurimonae pia pentacaponaein tatsi ichichipa paca abe exana. Bapon pacata exana icha neuthi ichi xua ba piyain fiba poxonae jeita ducuaaeta pon ichichipa bexaena.

⁹ Dota pam panaitemare bapon xua beta painya nejume cowantsiwatha. Pananta xeinare xua daxita nacuanpiwi jiwana pomonae pejume cowantsiwi Jesucristo barapomonae atene exanatsi icha paca ichi.

¹⁰ Ichitha bexa tsane xua caeto poxonae paca atene exanaena ichamonae, bapoxonae Nacom paca juntu coyene xanepana exanaena. Yawano Nacom paca exanaena xua beta painya nejume cowantsiwa tsane. Yawano paca exanaenano xua bichocono painya neajuntucoyenesuwam tsane. Barapon Nacom painya nepaca antobexae paca waba pia paca catichi po peainya cui coyenewa xua ataya tsiteca xua Jesucristo xeina.

¹¹ Bu bara Jesucristo ataya xeinaena peainya cui coyenewa, yawano xua peayapusu itorobi coyenewa. Je bara ichi tsane.

Meje yabara poxonae Pedro najume wetsiya paeba

¹² Pon pewan Silvano, pon be tayapin tatsicotaein iruru pejume cowantsixae Jesucristo, bapon cobe itoroban xua inta tina barapo peya cartiyo xua bapoxonae tapacata itorobinexatsi xua tapaca muxuwetsinexatsi. Barapo cartatha paca juntu coyene tsacaba exanatsi xua Nacom xaniwaicha painya nepaca cayawenaewa tsane painya nepaca caantobexae. Daxota baxua awiya pajume cowantsiya jinompare.

¹³ Pomonae Babilonia tomaratha jinompa pomonae Nacom pejume cowantsiwichi, barapomonae paca jacobae. Barapomonae pomonae Babilonia tomarapiwi Nacom itapeta icha paca ichi xua paca itapeta. Iru Marcos paca jacobae be pon taxanto tatsicotaein tsipei yawenan xua pejume cowantsiwa Jesucristo.

¹⁴ Paxam nantiya pana najacobare painya nenaantobexae.

Paxam pomonae Cristo piamonae tatsi pam barapomonae pam bara Nacom juntema jinompa paca exana. Je bara ichi tsane.

Baja Pedro.

Meje Po Carte Cotacaya Pedro Tatina, Pomonae Jesucristo Pejume Cowantsiwi Tatinatsi

Meje yabara poxonae Pedro tamropata pitaba xua tatina pomonaetha pomonae Jesucristo pejume cowantsiwichi

¹ Xan, Simón Pedro, pon Jesucristo amanaya tanacuitan. Xan ponxaein Jesucristo pia peitorobi jiwí jiwana tatsin. Pacata tinatsi barapo carte painya nexeiñaxae xua pejume cowantsiwa Jesucristo xua bichocono wñae icha paxan paichin. Barapo pejume cowantsi coyenewa Nacom werena pichapa, pon bichocono peñntu coyene xanepañaewa pexeinaein. Yawano barapo pejume cowantsi coyenewa Jesucristo werena pichapa pon iru bichocono peñntu coyene xanepañaewa pexeinaein. Bapon jiwí Pecapanenebiyaein abe pia peexanae cuiru coyenein weya.

² Barabu Nacom paca yawenaena pia paca necaantobexae. Yawano barabu Nacom paca catsina jñntema pejinompae coyenewa. Barabu barapo naxobe coyenewabe bichocono paxeiñaponaename xua poxonae payabara yaputaeponaename Nacom xuano xua payabara yaputaeponaename Jesucristo pon Wanacanamataxeinaein.

Meje yabara pocotsi coyenewano bewa exanaena Cristo piamonae tatsi

³ Nacom naca cata daxita pocotsiwa nantawenonatsi xua jñntema wajinompawanaxa yawa xua xanepañaya wajinompawanaxa Nacom nexa. Daxita baxuan Nacom naca cata pia peayapusu itorobi coyenewatha. Poxonae yabara yaputaeponaeinchi Nacom, nacuidubatsi xua bapon naca waba xua iru waxeiñaxenaxa peñnya cui coyenewa, xuano xua iru waxeiñaxenaxa Nacom pia pexeinya peexanae coyenewa.

⁴ Poxonae Nacom naca cata pia peñnya cui coyenewa, yawano pia pexeinya peexanae coyenewa bapoxonae nama naca cata pia peyabara naca tsiwñxae muxu dutsiwan. Nacom pia peyabara naca tsiwñxae muxu dutsiwan bichocono ainya cui xua jiwí jopa itacupaetsi xua pecomotsiwa. Barapo peyabara naca tsiwñxae muxu dutsiwan painya necacatsixae anoxuae paxeiname xua Nacom pia peajñntuyapusuwa xua jopa weraweracaeyo. Yawano barapo peyabara naca tsiwñxae muxu dutsiwan painya nexeiñaxae paca itacupa xua papanenebiyam abe painya neexanae cuiru coyenewa weya xua barapo cae pin nacuathepiwi po coyene ichichipa abe exana.

⁵⁻⁷ Bequein pajume cowantame ichitha panantawenoname xua muxuna paexaname xua beta painya nejinompae coyenewan. Poxonae beta pajinompame, bapoxonae panantawenoname xua muxuna paexaname xua Nacom payabara yaputaneme. Poxonae Nacom payabara yaputaneme, bapoxonae panantawenoname xua muxuna paexaname xua painya coutha pana nenajñntu coyene itorobiwam. Poxonae painya coutha pana najñntu coyene itorobame, bapoxonae panantawenoname xua muxuna paexaname xua jñntema pajinompame bequein ichamonae abe pacata exana. Poxonae jñntema pajinompame xua bequein ichamonae abe pacata exana, bapoxonae panantawenoname xua muxuna paexaname xua paantobeya jinompame Nacom. Poxonae paantobeya jinompame Nacom bapoxonae panantawenoname xua muxuna paexaname xua paantobem pomonae pejume cowantsiwi Jesucristo. Poxonae paantobem pomonae pejume cowantsiwi Jesucristo, bapoxonae panantawenoname xua muxuna paexaname xua paantobem daxita jiwí.

⁸ Icha paxeiname daxita barapo coyenewan yawa xua paexanaponame daxita baxuan bapoxonae beta painya neexanae jiwí pam tsane Nacom nexa. Yawano beta payabara yaputaneme Jesucristo pon Wanacanamataxeinaein.

⁹ Ichitha icha pebin jopa yabara exanaeyo barapo coyenein, bapon be pon naita tsaqueta poxoru jopa ichipaeyo xua peyabara yaputaewa barapo coyene. Daxota bapon jñntemaina xua bayatha wejñntemaina exanatsi abe pia peexanae cuiru coyenewan tatsi xua Nacom wejñntemaina exana.

¹⁰ Tamonae pam paxam pomonae be tayapin jiwí tapaca canatsicotae jiwichi pam iruru painya nejume cowantsixae Jesucristo. Daxota paca tsipaebatsi xua xaniwaicha pana naexande xua daxota patsita itñtsiname xua paxam pomonae Nacom pia pewabiwi tatsi jiwana pam. Yawano paxam pomonae Nacom pia peitapetsiwi tatsi jiwana pam. Poxonae baxuan paexanaponaename jopa equeicha abe paexanaem tsane po coyene xua daxota paitawetame Nacom.

¹¹ Bapoxonae Nacom bara paca matenta weiweinaya copata xua painya nepatsinexa tsane Nacom pia peitorobi nacua beicha tatsi. Nacom pia peitorobi nacua ataya ayapusu

tsoponaē ichaxota Jesucristo jiwi itorobiya ewatatsi, pon Wanacanamataxeinaein, xua pon Pecapanenebiyaēin jiwi.

¹² Bequein baxua bayatha payaputaneme, ichitha equeicha paca tsipaebatsi xua jopa painya junteinaenexa. Anoxuae paxam ajuntayapusya pajume cowantame pexainyei jume Jesucristo yabara.

¹³ Poxonaē cataunxuae poponan yabara nanta xeinan xua ainya cui xua baxuan yabara tapata catsipaebiwa tsainchi.

¹⁴ Yaputan tsipei Jesucristo, pon Wanacanamataxeinaein, netsipaeba xua bara nama imoxoyo tupaēin.

¹⁵ Daxota xaniwaicha pacata tinatsi xua baxuan jopa yabara painya nejunteinaewa tsane poxonaē tupaēin. Bapoxonaē hexa tsane pana necui yabara junteinaenename pocotsiwan yabara paca tsiwunaē muxu dutatsi.

Meje yabara xua pomonaē tane Cristo pia peainya cui coyenewa tatsi

¹⁶ Poxonaē paxan paca tsipaebatsi Jesucristo pia peayapusu itorobi coyenewatha yawano xua pepatopeicaewa yabara pon Wanacanamataxeinaein, apara jopa paca tsipaebichi po diwesi pejemai diwesi po diwesi xua saya jiwi paeba. Bara pana natan Jesucristo pia pexeinya peitapanae coicha tatsi pon jiwi Pecanamataxeinaein.

¹⁷ Pana natan poxonaē Jesucristo ainya cui exanatsi xua Nacom Pexanto ainya cui exana, pon Jesucristo Paxa tatsi. Yawa pana natan xua Nacom Pexanto cata pexeinya peitapanae coicha. Bapoxonaē Nacom pejume pajume tan pexeinya peayapusu jume, jeye: “Bapon apara Taxanto, pon bichocono antobein, pon itapetan. Bapon bichocono nejuntu coyene weiweina exana”, jei Nacom.

¹⁸ Paxan baxua pajume tan xua Nacom cueicueijeji peitaboco wetsica poxonaē Jesucristo pon jiwi Pecanamataxeinaein demxuwatha pana nebaru pona po demxuwa ichaxota Nacom cueicueijeji itaboco wetsica.

¹⁹ Daxita baxuan naca yawena po diwesin xua Nacom pia peitorobi jume pepaebiwi tina xua barapo diwesin pexainyei jume diwesin. Pajume naitaware pocotsiwan xua barapomonaē paeba, beya poxonaē yatsicaewa payaputaenama pocotsiwa barapomonaē paeba. Barapo pejumein jume xanepana. Bichocono naca yawena icha pecoicha ichi xua pentha exana poxonaē quirei xua ba naca yawena. Barapo pecoicha waxainchi jopa nantawenonaetsi poxonaē jarawato ecoina xuano poxonaē matacabi pentha tsina. Barichi poxonaē Jesucristo patopaetsica jopa cana matawenonaē tsainchi barapo diwesin tsipei bayatha patopeicaena Jesucristo.

²⁰ Matha copiya bewa payaputaem xua meje: Nacom pia peitorobi jume diwesitha dapo jumein aibi pocotsiwa pia coya ichichipa paeba barapo Nacom pia peitorobi jume pepaebiwi.

²¹ Tsipei Nacom pia peitorobi jume pepaebiwi jopa cueicueijejiyo pocotsiwa ichichipa pia coutha paeba xua poxonaē tina Nacom Pejume Diwesi. Ichitha barapomonaē tatina pocotsiwa Nacom ichichipa, xua Nacom pia Pejumoŕe tnapax tatsi peitorobixae.

2

Meje yabara xua pomonaē naerabiya pecuidubi jiwi

¹ Caena bayatha israelmonaē jiwana jinompa pomonaē naerabiya peitorobi jume diwesi pepaebiwi. Barichi painya xantha patsina pomonaē naerabiya pecuidubi jiwi. Barapomonaē cuidubina po diwesin xua paca weraweraca exanaena. Barapomonaē nameicha nacuita xua naerabiya paca cuiduba. Pon jiwi pia Pecanamataxeinaeinchi pon Jesucristo, barapomonaē itawetsinchi xua Jesucristo itawetsina, pon xua bayatha barapomonaē tsitapatsi. Nacom nainya weraweraca exanaena barapomonaē, abe peexanaexae.

² Pin bicheitomonaē exanaena xua abe exana pocotsiwa xua barapomonaē cuiduba pomonaē naerabiya pecuidubi jiwi. Barapomonaē pomonaē naerabiya pecuidubi jiwi naerabiya pecuidubixae tsane pin bicheito abe yabara paebiwa exanaena pocotsiwa Nacom pia pexainyei jume diwesi tatsi.

³ Barapomonaē paca muxuitorobina nawita, yawano paca itorobina xua painyamonae amanaya paitorobiname pedoutsinexa paratixi barapomonaetha pomonaē naerabiya pecuidubi jiwi. Ichitha caena bayatha Nacom yabara paeba barapomonaē, jeye: “Barapomonaē bichocono abe peexanaē jiwi, daxota bewa werapaena tsipei bichocono abe peexanaexae”, jei Nacom.

⁴ Nacom bayatha jopa yabara junteinaeyo po peabe coyenewan matatsunpiwi exana. Ichitha Nacom bebai ichaxota be pucua xua isoto xua jopa itacounayiyo. Yawano Nacom napenta exana peita quirei nacuatha beya poxonaē barapo matatsunpiwi umenaena

Nacom peitabaratha poxonae po mataqueitha Nacom yabara paebina daxita jiwi xua penatsicuentisiwa xua abe peexanaexae.

⁵ Barichi Nacom jopa bayatha yabara juntemainaeyo po peabe coyenewa jiwi exana pomonae caena bayatha jinompa. Barapo matakabintha Nacom itoroba pin awubo xua bunothopa peexanaenxa pomonae abe peexanae jiwi. Meisa saya Noé irano piamonae tatsi xua siete poyobe tatsi daxita barapoyobe capanenebiyatsi barapo awubotha. Barapon Noé cuiduba jiwitha xua jiwi bewa juntu coyene xanepanaya jinompaena Nacomtha.

⁶ Pomonae Sodoma tomarapiwi irano Gomorra tomarapiwino, barapomonae abe peexanaewi. Barapo tomarabemonae yawa tomarabe Nacom yabara paeba xua pinae abe exana daxota Nacom weraweraca exana isototha beya poxonae daxita saya u ipunan naexana. Barapo coyenein Nacom tsita itata xua bapon bexa jupa exanaena pomonaeintha pomonae abe exana dubenanaebiya.

⁷ Ichitha meisa saya Nacom capanepa barapo pin isoto weya pon pewun Lot. Bapon Lot pejuntu coyene xanepanaein Nacomtha. Lot cuitaya unthathu deideijeji pocotsiwa jiwi abe exana.

⁸ Bapon Lot, pon pejuntu coyene xanepanaein Nacomtha, baru popona pomonae peajuntucoyenebe jiwi. Daxita matakabi bapon bichocono anthathutane xua pejuntu coyene xanepanaexae Nacomtha xua poxonae bapon taiba yawano xua poxonae jume taiba xua jiwi abe exaneiba.

⁹ Ichitha Nacom pon jiwi Pecanamataxeinaein yaputane xua peyawenaewa pomonae peantobewixaetsi poxonae barapomonae bichocono juntu coyene jujuteibatsi caurimonae pia pentacaponaein tatsi. Yawano Nacom yaputane xua atene peexanaewa pomonaetha pomonae jopa pejume cowantsiwichi. Nacom baxua exanaena beya abu poxonae barapomonae umenaena Nacom peitabaratha poxonae Nacom yabara paebina daxita jiwi xua penatsicuentisiwa xua abe peexanaexae.

¹⁰ Pomonae xua abe exana pocotsiwa xua saya jiwi ichichipa exana yawano aichaxaibi exana pocotsiwa pon jiwi Pecanamataxeinaein itoroba daxita barapomonae Nacom atene exanaena. Barapomonae bichocono atsaca yawa ichamonae aebatsino. Jopa junuwiyo xua abe peyabara paebiwa xua matatsunpiwi abe peyabara paebiwatsi.

¹¹ Matatsunpiwi xeina peayapuswa yawano xeina peitorobi coyenewa xua beyacaincha pomonae naerabiya pecuidubi jiwi. Ichitha barapo matatsunpiwi jopa abe yabara paebiyu xua barapomonae pomonae naerabiya pecuidubi jiwi poxonae barapo matatsunpiwi cueicueijeji tsumena Nacom peitabara tatsi, pon jiwi Pecanamataxeinaein.

¹² Barapomonae pomonae abe peyabara paebi jiwi, barapomonae exana xua icha duwei ichi, xua duwei ba jopa beta nanta xeinaeyo, xua ba saya jiwi tsicobe naexanatsi xua jiwi peteicaenexa yawa pebexubinexa pexaenexa. Barapo pebiwi abe yabara paeba pocotsiwa jopa yaputaeyo. Barapomonae werapaena pia abewantha icha duwei icha xua werapa.

¹³ Barapomonae xuya atene tsane abe peexanaexae ichamonaetha. Barapomonae jopa auriyo xua abe peexanaewa mataqueitha. Barapomonae paca muxuitoroba abe peexanaexae bequein naxaiba poxonae pin penabanaewan paexaneibame. Ichamonae paca abe yabara paeba abe peexanaexae barapomonae yawa aura paca necaexanaexae.

¹⁴ Barapomonae ichichipa nawita xua peyacaibiwa yabuxi daxita xua powaxi taiba. Jopa juniya abe eexanaponaeyo xua abe exana. Barapomonae nantaata pia pepuna ponaewichi pomonae pejuntu coyene faefaenaewi Nacomtha. Barapomonae ichichi xeica nawita pocotsiwan xua tane daxita. Barapomonae yacuiya naexana xua abe peexanaewa. Daxota barapomonae Nacom bichocono atene cana exanaena.

¹⁵ Barapomonae jopa Nacom yabara yaputaetsi pejume naitematsixae po coyene xua Nacom pejuntu coyene xanepana exanaewa barapomonae. Barapomonae barapo cananta jutsiya eexanapona icha Balaam ichi xua pocotsiwa exana. Bapon caena bayatha popona. Bapon Balaam, Beor pexanto tatsi. Bapon Balaam abe exana pexeinaenexa paratixi.

¹⁶ Balaam pon naerabiya peitorobi jume diwesi pepaebin, poxonae ichichipa abe peexanaewa, cui matawentatsi xua abe exana. Po duwein pewun burra, bapon cui matawenta, Balaam cui matawentatsi. Burra cueicueijeji icha jiton ichi, xua saya jiton cueicueijeji. Barapo duwein jopa copatsiyo xua Balaam abe peexanaponaewa xua exanapona icha be ichi xua exanapona pon pematajemabinchi. Daxota Balaam cui matawentatsi poxonae ichichipa abe peexanaponaewa.

¹⁷ Barapo pebiwi po pebiwi naerabiya pecuidubi jiwi, jopa yawenaeyo ichamonaetha, icha be fetu mene ichi xua weitha bichocono ameneibi xua ba jiwi jopa yawenaetsi. Yawano barapomonae icha be tsaquinaebowa ichi xua ba saya dubenapona xua joibo capana, xua ba cuinaya jopa duneicaeyo, yawano xua ba jiwi jopa yawenaetsi xua peruneicaenexa. Nacom itaweta barapomonae xua barapomonae itawetatsi ichaxota ataya pejinompaenexa peita quirei nacuaitha.

¹⁸ Barapomonae bichocono atsaca poxonae cueicueijeji. Yawano barapomonae pia jume, barapo jume jopa jiwi yawenaetsi. Yawano barapomonae naemata jume wɔnaeya tsipaeba pomonaetha pomonae aena pejume cowntsi jiwi Jesucristo xua barapomonae iru abe peexanaenexa pocotsiwa bequein barapomonae aichaxaibi exana xua jiwi pia cui coyenewa tatsi xua pocotsiwa bayatha copiya exana xua abe.

¹⁹ Barapomonae wɔnae tsimuxu duta ichamonaetha xua ichamonaetha beta pejinom-paenexa. Ichitha barapomonae pia coutha exana be pomonae xua caurimonae pia pentacaponaein tatsi amanaya petanacuitsiwatsi. Tsipei daxita jiwi pia cui xeina xua barompaya amanaya tanacuita pontha xua bara copata xua bara juntu coyene itorobatsi.

²⁰ Barapo cae pin nacuathe ichamonaetha jinompa pomonae capanenebiyatsi abe pia peexanae cuiuru coyenein weya xua po abe peexanae cuiuru coyene po cae pin nacuathepi-wi exana. Barapomonae baxua exana poxonae jume cownta Jesucristo, pon jiwi Pecanamataxeinaein, xuano xua pon jiwi Pecapanenebiyaein. Ichitha icha barapomonae equeicha abe exana xuano xua icha awiya exana dubenanaebiya baxuan, bapoxonae barapomonae bichocono abe beyacaincha xua poxonae copiya exana xua pewɔnaeya poxonae jume cownta Jesucristo.

²¹ Icha barapomonae jume cownta yawano icha penta Nacom peitorobi coyenewa, bapoxonae barapomonae bichocono abe exana Nacomtha. Ichitha icha barapomonae copiyatha jopa jume taetsipae barapo peitorobi coyenewa, bapoxonae barapomonae saya be conotha abe exanaetsipa Nacomtha. Ichitha poxoru barapomonae pejume taexae barapo peitorobi jume yawa pejume cowntsixae, daxota barapomonae Nacom bichocono atene cana exana, beyacaincha xua poxonae jopa jume taeyo barapo diwesi.

²² Barapomonae equeicha caewa yabara jume cuiya exana xua abe exana po coyenein bequein copitha nacui barapenta. Bara barapomonae nacui yabara jume weta xua po tsica diwesiyotha jeye: “Auri ba xua nacabeta iratha equeicha caewa xane. Bequein marrano ba matawainchi pemene itaranae meratha ichitha equeicha caewa nairainyaba xota tsorei”, jei tsica diwesiyo xua Nacom Pejume Diwesitha paeba.

3

Meje yabara xua Jesucristo equeicha pia pepatopeicaewa tsica tsane

¹ Tamonaetha pam, pomonae tapaca caantobewichi pam, iru painya nejume cowntsixae Jesucristo. Ainya cartabe pacata tinatsi. Barapo carte, po carte cotacaya tinan xua barapo ainya cartabe. Barapo ainya cartabetha ichipan xua beta painya neyabara nanta xeinaewa tsane pocotsiwan xua paca tsipaebatsi.

² Pananta xeinare pocotsiwa xua Nacom pia peitorobi jume pepaebiwi paeba poxonae caena bayatha. Yawano jopa pajuntemainaeinde po peitorobi coyenewa naca cuiduba Jesucristo pia peitorobi jiwi tatsi. Barapo peitorobi coyenewa Cristo pon jiwi Pecanamataxeinaein xuano xua pon jiwi Pecapanenebiyaein pia peitorobi coyenewa tatsi.

³ Copiya matha pananta xeinare xua meje: Pewɔnaeya poxonae po matacabitha Nacom ira weraweraca exanaena, barapo matacabitha patsina jiwi xua po jiwi cui capanaena pocotsiwa Nacom pia pejume xainyeiwa tatsi. Barapomonae exanaena pocotsiwa saya ichichipa xua abe exana.

⁴ Barapomonae yainyabiya jei tsane xua Cristo yabara: “Bapon bayatha paca tsiwɔnae muxu duta xua equeicha patopaetsica. ¿Eta xua metha awiya bapon pawɔnae ewatame bara jopa patopeicaeyoba? ¿Incane bapon? Bequein wamo susato jiwi jume cownta xua pinae bapon patopaetsica ichitha jopa daichiyo beya nama poxonae barapomonae werapa cataunxuae bapon jopa patopaeyo. Bara saya jujupapona wanacuatha xua bapon jopa patopeicaeyo xua poxonae Nacom nacua forota beya anoxuae”, jei tsane barapomonae.

⁵ Ichitha barapomonae jopa ichipaeyo xua yabara jume juntanaina xua caena bayatha Nacom pepaebixae daxota itaboco ducua xua caena bayatha yawa xua ira exana poxonae mene buxɔpana weyotsina. Barapo ira Nacom mentha exana.

⁶ Yawano barapomonae jopa ichipaeyo xua juntanaina xua caena bayatha xua poxonae Noé popona Nacom itoroba pin awɔbo xua equeicha ira mene buxɔpana boca yawa xua daxita pocotsiwa barapo iratha weraweraca.

⁷ Ichitha barapo itaboco xua anoxuae tainchi yawa ira xua ichaxota anoxuae jinompatsi Nacom dubena exana daxita baxuan poxonae Nacom cueicueijeji pia peayapusu itorobi coyenewatha. Nacom baxuan duba beya abu poxonae weraweraca exanaena daxita baxuan pin isototha barapo pia peayapusu itorobi coyenewatha. Baraxuan Nacom weraweraca exanaena daxita poxonae po mataqueitha Nacom yabara paebina daxita jiwi xua penatsicuentisiwa xua abe peexanaexae.

⁸ Tamonaē pam pomonaē tapaca caantobewichi pam, irū painya nejume cowūntsi jiwixae Jesucristo. Jopa pajūntemainaēinde po coyene xua daxita bara Nacom tsita najūpatsi pon jiwi Pecanamataxeinaēin. Caentacabi tsita najūpatsi xua mil po weibe. Matautano mil po weibe Nacom tsita najūpatsi xua caentacabi. Bequein mil po weibe bichocono ainya wei ichitha Nacom saya be tsita caetotsi.

⁹ Nacom jopa para bewayo exanaeyo pocotsiwa yabara naca tsiwūnaē muxu duta bequein ichamonaē nanta xeina xua Nacom jopa nainya exaneibiyo. Ichitha Nacom jopa aitaconaeayo daxota paca ewata painya nejume cowūntsinexa. Bapon ichichipa xua dapon aibi tsane pon weraweracaena. Jame Nacom ichichipa xua maisa daxita jiwi peauranexa tsane abe peexanaexae xua icha jūntū coyene pexeinaenexa tsane po jūntū coyenein xua Nacom tsita xanepanatsi.

¹⁰ Ichitha po mataqueitha pon jiwi Pecanamataxeinaēin patopaetsica barapo matacabitha jiwi jopa wūnaē ewatsi tsane. Bapon pon Wanacanamataxeinaēin jemeicha patopeicaena icha be ichi pon pecaibin xua poxonaē namicha patopa. Peitaboco weraweracaena poxonaē pin busi tsurucuae tsane. Jomocoichato, xometono, opiteino, daxita baxuan tautinchi isototha. Yawa barapo ira tautinchi, yawano muxuna tautinchi xua barapo iratha xeina.

¹¹ Tsipei daxita baxuan tautinchi daxota bewa pajinompam be pomonaē pejūntū coyene xanepanaewi Nacomtha pomonaē jopa Nacom tsita xeinaetsi penatsicuentsiwa xua abe peexanaexae. Beta pajinompam icha Nacom ichi xua beta popona.

¹² Paeware xua po mataqueitha daxita Nacom wetsina. Yawano paexande pocotsiwa xua yawenatsi xua pepatopeicaewa tsane bichoina barapo matacabi. Barapo mataqueitha itaboco tautsina isototha. Jomocoichato, xometono, opiteino, daxita baxuan tautsina pin isototha.

¹³ Ichitha waxainchi ewatatsi xua Nacom nacata exanaena pena ira yawa pena itaboco xua bayatha Nacom yabara naca tsiwūnaē muxu duta. Barapo pena ira yawa barapo pena itaboco daxita wūnaē exanaena pocotsiwa pexainyeiwanexa tsane.

¹⁴ Tamonaē pam, pomonaē tapaca caantobewichi pam, irū painya nejume cowūntsixae Jesucristo. Paca tsipaebatsi baxua xua daxota poxonaē cataunxuae paewatame baxuan, xua pocotsiwa Nacom exanaena bara beta paexande. Vapoxonaē Nacom paca caxinaena xua jūntema pajinompame, matautano xua jopa paxeinaem peabe coyenewa painya jūntū coyenewatha, yawano xua ichamonaē jopa paca yabara paebi tsane xua abe painya neexanaewa.

¹⁵ Yawano payaputaneme xua caena bayatha Nacom pon Wanacanamataxeinaēin beatemaya naca ewata xua wajume cowūntsinexa xua pia wanaca capanenebiyaewa tsane. Yawano irū Pablo baxua yabara pacata tina. Bapon Pablo, pon waantobein, pon irū jume cowūntaru Jesucristo. Pablo yaputane exainchi baxuan yabara xua Nacom yaputane exana.

¹⁶ Bapon Pablo daxita pia cartantha baxuan yabara paca tsipaeba. Ichitha ichawan daunwei xua painya neyaputaewa. Ichitha pomonaē jopa beta peyaputae jiwi irū pomonaē pejūntū coyene faefaenaewi Nacomtha, barapomonaē seicaya toxeinchiya exana pocotsiwan xua Pablo paeba. Barichi yabara jume toxeinchiya exana ichawa pocotsiwa Nacom Pejume Diwesitha paeba. Barapomonaē pia coutha nanatsixana xua abe exana xua peweraweracaewa tsane, xua Nacom exanaena.

¹⁷ Tamonaē pam, pomonaē tapaca caantobewichi pam, irū painya nejume cowūntsixae Jesucristo. Painya neyaputaexae baxuan pewūnaeya xua Nacom exanaena baxuan, daxota dota pam pomonaē abe pacata necaexanaē jiwi xua jopa paca necantacapanawa tsane. Jopa pacopatsinde xua barapomonaē baxua pacata exana xua jopa painya nepentsiwa tsane Nacom.

¹⁸ Bichocono pana najūntū wūnaē exanaponde Wanacanamataxeinaēin pia peantobewathaxae. Jesucristo beta payabara yaputaeponde, pon Wanacacapanenebiyaēin. ¡Barabu bapon ataya xeinaena peainya cui coyenewa anoxuae yawa xua bexa tsaneno! Je bara ichi tsane.

Baja Pedro

Meje Po Carte Juan Copiya Tatina, Pomonae Jesucristo Pejume Cowantsiwi Tatinatsi. Barapo Carte Peopi Carucuae Carta.

Meje yabara po diwesi xua pon naca ajuntuyarusuwa exana

¹ Pacata yabara tinatsi pon pewyn "Pejume", baraichi, pon jiwi ajuntuyarusuwa exainchi. Bapon asu caena bayatha poxona Nacom abu cataunxuae jopa exanaeyo wanacua. Poxona bapon naexana wanacuatha, bapoxona bexa poxona bapon cueicueije diwesi bara bapoxona barapon pajume tan. Barapon bara yatsicaya patan. Yawa bapon bara pacobe jayabeiban.

² Barapo peajuntuyarusuwa Nacom exana, po peajuntuyarusuwa xua ataya tsiteca, xua pata yabara yaputaewa baxua. Barapon Nacom Pexanto tatsi xeina barapo peajuntuyarusuwa, matautano patan barapon. Daxota yabara paca tsipaebatsi bapon. Yawano daxota yabara paca tsipaebatsi barapo peajuntuyarusuwa xua bapon xeina, pon Paxatha peecaexae.

³ Paca tsipaebatsi xua bayatha patan yawa xua pajume tanno, caemona painya naexanaenexa paxantha, peburuwa wajume cowantsixae Jesucristo. Icha paxan paichin xua Nacomtha Waxatha caemona panaexanan yawa Pexantotha pon Jesucristo, bara paichindera.

⁴ Daxota bara po coyenein pacata tinatsi xua bichocono pata tajuntu coyene wei-wainaewa tsane.

Meje yabara xua Nacom pexainyei juntu coyene peyacuuya jinaein

⁵ Po diwesi Jesucristo pana cuiduba barapo diwesi xuya paca tsipaebatsi xua Nacom pexainyei juntu coyene peyacuuya jinaein. Bapon jopa xeinaeyo peacuirube coyenewa peajuntu coyenewatha, tsipei bapon bichocono peajuntu coyene xeicaein.

⁶ Icha jeichichi: "Waxainchi Nacom yawa jinompatsi, be caemona peburuwa nacayawa jinompatsi Nacomtha", jeichichi, daichitha caena poxona saya abe exanatsi, bapoxona saya apara naerabatsi xua pocotsiwa wapaebiwa baxua, yawa naerabatsi xua exanatsi. Matautano jopa yawa muxuna jinompaetsi Nacom pia pexainyei coyenewa tatsi.

⁷ Ichitha icha cajinompaetsipatsi Nacom Pejume Diwesi Wajuntu coyeneintha yawa xua exanaetsipatsi pocotsiwa xua Nacom ichichipa bara nexata peburuwa caemona naexanatsi. Jesucristo jana pichapabarena poxona tupa, pon Nacom Pexanto tatsi. Barapon pon Nacom Pexanto tatsi petupaexae naetotha, daxota Nacom naca juntu coyene wejuntemaina exana daxita abe waexanae cuiru coyenein.

⁸ Icha jeichichi: "Jopa abe taexanaewa", jeichichi, apara bara wacoutha namuxujainyabatsi pocotsiwa wapaebixae. Matautano wajuntu coyeneintha jopa xeinaetsi pexainyei coyenewa.

⁹ Ichitha icha Nacomtha yabara tsipaebatsi xua abe waexanaewa, xua jeichichi: "Nacom auran yaitama abe exanan", jeichichi, bapoxona Nacom naca juntu coyene wejuntemaina exana abe waexanae cuiru coyenein xua daxita naca wexuba. Baxua Nacom exana, tsipei bapon yabara baru jume cui cowantatsi xua peexanaewa tsane pocotsiwa pepaebiwa. Matautano tsipei bapon bara xaniwaichiya peexanaein.

¹⁰ Icha jeichichi: "Jopa abe exanaetsi", jeichichi, apara bara yabara jume cuiya exanatsi xua Nacom pon jiwi pemuxuitorobin, tsipei Nacom naca yabara jei: "Barapomona abe peexanaewi", naca yabara jei. Yawano Nacom Pejume Diwesi jopa xeinaetsi wajuntu coyeneintha.

2

Meje yabara xua Cristo pon wanaca yabara jume yawenaein Nacomtha

¹ Pomona be tamona tapaca canatsicotaewichi pam, iru painya nejume cowantsixae Jesucristo, yabara pacata tinatsi barapo coyene xua abe painya neexanaeyainwa. Daichitha icha waxainchi abe exanatsi barapara waxainchi nantaatatsi Jesucristo pon wanaca yabara jume yawenaein Nacomtha xua Paxathaxae. Bapon matauta juntu coyene xanepanaya peexanaein.

² Barapon Jesucristo petupaexae naca yantomata daxota Nacom naca capanepa abe waexanae cuiru coyenein weya. Jopa meisa waxainchi nexa apara bara iru daxita barapo cae pin nacuanthapiwi tatsitupatsi abe pia peexanae cuiru coyenein tatsi.

³ Icha jume cowantsiya exanatsi pocotsiwa Nacom pia peitorobi jume diwesitha paeba, nexata bara yaputainchi, xua bara xaniwaicha wayaputaewaba Nacom.

⁴ Icha ichun jei: "Xan Nacom yaputan", jei, xua daichitha jopa exanaeyo pocotsiwa Nacom pia peitorobi jume diwesi paeba, apara bapon pon jiwi pemuxuitorobin, yawa pejuntu coyenewatha jopa xeinaeyo pexainyei coyenewa.

⁵ Seicaya nama pon exana pocotsiwa xua Nacom itoroba pon waxainchi jiwanatsi, nexata bara yaputainchi xua bapon xanepanaya antobe Nacom. Daxota waxainchi nayaputainchi xua bara peburaya caemonaе nacayawa jinompatzi Nacomtha.

⁶ Pon xua jei: "Nacom yawa poponan, caemonaе peburaya nacayawa poponan Nacom", jei, bapon bewa yajuntu coyene wanaeya poponaе, icha bayatha Jesucristo ichi xua bapon beta xanepanaya yajuntu coyeneya popona.

Meje yabara xua Nacom pia pena peitorobi diwesi jume

⁷ Tamonaе pam pomonaе bichocono tapaca caantobewichi pam, iru painya nejume cowantsixaе Jesucristo, anoxuae pacata tinatsi barapo peitorobi diwesi xua jopa pena diwesiyo, tsipei caena bayatha barapo diwesi paxename poxonaе aena pajume cowantame. Barapo peru itorobi diwesi jume caena bayatha pajume taneme.

⁸ Ichitha po diwesi xua anoxuae pacata tinatsi, barapo diwesi be pena diwesi naexana. Barapo peitorobi diwesi Cristo bara tsita pexainyei diwesichi, iruru paxam paca tsita pexainyei diwesi jume. Tsipei jiwi, copitha jopa yaputaeyo barapo Nacom pia pena peitorobi coyenewa tatsi ichaxota xua jei: "Nantiya pana naantobeinde", jei. Icha be pocotsi coyeneya jata ichi poxonaе jiwi jopa beta taeyo poxonaе quirei. Ichitha anoxuae jiwi yaputane barapo Nacom pia pena peitorobi coyenewa tatsi daxota bara itacupatsi xua xanepanaya pejinompaewa, icha be pocotsi coyeneya jata ichi poxonaе jiwi beta jinompa mataqueitha.

⁹ Icha ichun jei: "Xan Nacom yaputan", jei, xua daichitha ita aenaе-aeneya caseba nawita pontha xua iru jume cowantaru Cristo, bapon apara cataunxuae jopa yaputaeyo Nacom.

¹⁰ Pon antobe pontha xua iru jume cowantaru Cristo, bapon apara jame yaputane Nacom. Daxota bapon jopa exanaeyo po coyenein xua abe peexanaewa xua iru ichamonaе peexanaewa tsane.

¹¹ Ichitha pon ita aenaе-aenei pontha xua iru jume cowanta Cristo, bapon acuicoyenebeya popona be pocotsin jopa yaputaeyo Nacom. Bapon jopa xanepanaya poponaeyo, icha be pocotsi coyene jata ichi poxonaе pon peitata nacutsin catsawa pona poxoru jopa xapain taeyo.

¹² Pomonaе pexui pam, pacata tinatsi tsipei Nacom paca juntu wejuntemaina exana abe painya neexanaе cuiuru coyenewan xua Jesucristo painya nejume cowantsixaе.

¹³ Pomonaе pinyon pam, pacata tinatsi tsipei payaputaneme Nacom, pon Waxa, pon ataya pepoponaеin, pon copiya popona poxonaе aena daxita forota. Pomonaе pewowi jiwi pam, pacata tinatsi, tsipei caurimonaе pia pentacaponaеin tatsi paamanayabame poxonaе paca juntu coyene jujata xua abe painya neexanaewam tsane.

¹⁴ Pomonaе pexui pam, pacata tinatsi, tsipei payaputaneme Nacom, pon Waxa. Pomonaе pinyon pam, pacata tinatsi tsipei payaputaneme Nacom, pon ataya popona, pon copiya popona poxonaе aena daxita forota. Matautano pewowi jiwi pam, pacata tinatsi tsipei bichocono paajuntucoyenesum, yawano xanepanaya pajume cowantame Nacom Pejume Diwesi, matautano tsipei pajuntu coyene amanayabame caurimonaе pia pentacaponaеin tatsi.

¹⁵ Jopa bichocono paichichipaeinde pocotsiwa xua abe po cae pin nacuathe. Matautano jopa bichocono pacayabara nanta xeinaeya ichichipaeinde xuan pocotsiwan xeina pomonaе jopa pejume cowantsiwi pomonaе jinompa po cae pin nacuathe. Icha ichun saya ichichipa bichocono xua xuan xeina pomonaе jopa pejume cowantsiwi bapon jopa apara antobeyo Nacom, pon Waxa.

¹⁶ Penasi cui tatae coyene Nacom jopa itorobiyo xua barapo cae pin nacuathe tsique nexa. Apara pomonaе jopa pejume cowantsiwi pia coutha exana barapo penasi cui tatae coyene. Matautano Nacom jopa itorobiyo xua abeya peichichipae coyene xua peuwiya taе coyene. Matautano Nacom jopa itorobiyo po coyenein xua peabi coyenein ichamonaetha, xua pexeinaexae copei. Barapocotsi coyenein Waxa Nacom werena jopa pichipaeyo. Saya apara pomonaе jopa pejume cowantsiwi pia coyene tatsi.

¹⁷ Barapo cae pin nacue weraweracaena, yawano muxuna weraweracaena xua xuan abe peexanaе cuiuru coyenein. Ichitha pon exana pocotsiwa Nacom ichichipa bapon jame ataya poponaena Nacomtha.

Meje xua pexainyeiwa yabara, yawa xua penaerabiwa yabara

¹⁸ Pomonae pexui pam, bara nama imoxoyo tsane po matacabi Nacom daxita weraweraca exanaena barapo cae pin nacua. Bayatha pajume taneme xua jei: “Imoxoyo patopaena pon Cristo pia peaitafaetabinchi”, jei. Ichitha bayatha pata pinmonae, pomonae Cristo pia peaitafaetabiwichi. Daxota yaputainchi xua bara nama imoxoyo tsane po mataqueitha Nacom weraweraca exanaena barapo cae pin nacue.

¹⁹ Barapomonae pomonae Cristo pia peaitafaetabiwichi copiya naca barꝫ nacaetuta poxonae nacaetuteibatsi, ichitha anoxuae bara weya naca wepu pona. Icha xaniwaicha barapomonae waxainchi jiwana tsipaetsi metha awiya cataunxuae naca barꝫ nacaetuta dubenanaebiyaetsipa. Barapomonae waxainya weya pona, xua daxota jiwi taena xua barapomonae bara jopa wamonae jijiwoy xua jopa pejume cowantsi jiwixae Cristo.

²⁰ Ichitha paxam Cristo paca cata Nacom pia Pejumope tꝫnaxꝫ tatsi pia painya nepaca barꝫ jinompaenexa. Daxota paxam daxita yabara paca yaputane exana pexainyei coyenewa.

²¹ Paxam pacata tinatsi tsipei payaputaneme xua pexainyeiwa. Icha jopa payaputaetsipaem baxua, jopa pacata tinaetsipaetsi. Paxam payaputaneme pon ba xua xaniwaicha pepaebin jopa ba naerabiya paebiyi.

²² Jintam pon pemuxuitorobinda? Pon xua jei: “Jesús apara Mesías aibi, pon Nacom itoroba”, jei, bapon apara pon pemuxuitorobin. Bapon Cristo pia peaitafaetabi jitontsi tsipei jume matawenta poxonae jiwi paeba xua pinae Cristo Nacom Pexanto tatsi xuano xua Nacom Cristo Paxa tatsi.

²³ Pomonae xua Nacom Pexanto tatsi jume itawetatsi xua pejume cowantsiwa, barapomonae jopa nantaatsiyo Nacomtha xua be Paxa tatsi. Ichitha pon Nacom Pexanto tatsi xanepanaya yabara paebatsi, xua jei: “Jesús apara Mesías pon Nacom itoroba”, jei, jame bapon nantaata Nacom be Paxa tatsi.

²⁴ Daxota painya juntuꝫ coyeneintha pajume xeinare Nacom Pejume Diwesi xua bayatha pajume taneme poxonae aena pajume cowantame. Icha painya juntuꝫ coyeneintha pajume xeiname xua pajume taneme bayatha, nexata baroxonae peberꝫya caemonae pana naexanaename Pexanto tatsitha yawa coxiyantha, xua Nacomtha.

²⁵ Matautano Jesucristo yabara naca tsiwꝫnae muxu duta, naca jei: “Peajuntuꝫyapusꝫwa paca catinchi po peajuntuꝫyapusꝫwa xua ataya tsiteca”, naca jei.

²⁶ Yabara pacata tinatsi barapo coyenein pomonae xua painya nepaca muxujainyabiwa.

²⁷ Ichitha paxam Nacom pia Pejumope tꝫnaxꝫ tatsi paxeiname, po pejumope tꝫnaxꝫ tatsi paca cata Jesucristo. Baroxonae jopa nantawenonaeyo xua ichamonae paca cuiduba poxoru barapo Nacom pia Pejumope tꝫnaxꝫ tatsi paca cuiduba daxita coyenein. Po coyenein Nacom pia Pejumope tꝫnaxꝫ tatsi paca cuiduba baraxua pexainyeiwa, matautano jopa pemuxuitorobiwa. Bara paichinde caemonae peberꝫya pana naexande Cristotha, icha Nacom pia Pejumope tꝫnaxꝫ tatsi ichi xua yabara paca cuiduba xua po coyene painya neexanaewa tsane.

²⁸ Pomonae pexui pam, antꝫbusꝫya caemonae peberꝫya pana naexande Cristotha xua jopa wajunuwinexa xua poxonae bapon patopaetsica barapo cae pin nacuathe. Yawa caemonae pana naexande Cristotha xua jopa waaura tsane barapon peitabaratha xua abe waexanaexae poxonae patopaetsica.

²⁹ Bayatha payaputaneme xua Jesucristo pon juntuꝫ coyene xanepanaya peexanaein. Barichi bewa payaputaeneme pomonae juntuꝫ coyene xanepanaya peexanaewi, barapomonae barapara Nacom pia pexui tatsi.

3

Meje yabara xua Nacom pia pexuimonae tatsi

¹ Maisa Nacom Waxa jopa juniya naca antobeyo. Daxota Nacom copata xua naca yabara jei: “Nacom pia pexui tatsi”, naca yabara jei. Jopa jume, bara barapomonaetsi. Daxota barapo cae pin nacuepiwi jopa naca yaputaeyo xua Nacom pia pexuimonaetsi, tsipei barapomonae jopa bayatha yaputaeyo Nacom.

² Pomonae tapaca caantobewichi pam xua irꝫ painya nejume cowantsixae Nacom, waxainchi bara Nacom pia pexuimonaetsi. Anoxuae cataunxuae jopa nayaputaetsi xua bexa tsane eta po coyeneya naca cana exanaena. Ichitha yaputainchi xua poxonae Jesucristo patopaetsica, waxainchi naexanaeinchi icha barapon jata coyeneya ichi. Tsipei bapon bara yatsicaewa taeinchi.

³ Pomonae Jesucristo wꝫnae ewatatsi xua pepatopae wꝫnae, barapomonae najuntuꝫ coyene xanepana exana, xua jopa xainaeyo peabe coyenewa, icha Jesucristo ichi xua bichosono pejuntuꝫ coyene xanepanaein xua jopa xainaeyo peabe coyenewa.

⁴ Daxita pomonae abe peexanaewi, barapomonae Nacom yabara paebina xua penat-sicuentsiwa abe peexanaexae bapontha. Tsipei poxonae abe exana taacoibichi xua exana pocotsiwa Nacom pia peitorobi diwesi jume paeba.

⁵ Paxam payaputaneme xua Jesucristo patopeica barapo cae pin nacuathe, wanaca juntu coyene jantemaina exanaenexa abe waexanae cuiru coyenein. Matautano payaputaneme xua bapon jopa abe exanaeyo.

⁶ Daxita pomonae peburaya caemonae naexana Cristotha, barapomonae jopa abe exana dubenanaebiyaeyo. Ichitha nama pomonae abe exana dubenanaebiya, barapomonae jopa Jesucristo yaputaetsi, matautano jopa pijimonae tatsichi.

⁷ Pomonae pexui pam, jopa pacopatsinde xua bara ichamonae paca muxujainyabina. Pon ba xanepana exana bapon ba bichocono pejuntu coyene xanepanaein, icha Jesucristo ichi xua bichocono pejuntu coyene xanepanaya exanaein.

⁸ Ichitha pon ba xua abe exana ducuaenaebiya, apara bapon ba caurimonae pia pentacaponaein tatsi pijimonae jiwanaein tatsi. Tsipei caena bayatha, poxonae aena Nacom daxita forota, caurimonae pia pentacaponaein tatsi bapon abe peexanaein. Nacom Pexanto tatsi patopeica xua cana coyene weraweraca peexanaenexa caurimonae pia pentacaponaein tatsi pia coyenewan tatsi.

⁹ Pomonae Nacom pia pexui tatsi barapomonae jiwana dapon ba aibi pon ba abe exana ducuaenaebiya, tsipei bapon jajuntu cui coyeneya popona Nacom pia cui coyenewa tatsi. Bapon jopa itacpaetsi xua abe exana ducuaenaebiya tsipei Nacom pia pexui tatsi jiwanaein tatsi.

¹⁰ Daxota yaputainchi pomonae Nacom pia pexui tatsi, matautano yaputainchi pomonae caurimonae pia pentacaponaein tatsi pia pexui tatsi. Yabara yaputainchi pomonae jopa xanepanaya exanaeyo, barapomonae jopa Nacom pia pexui tatsi. Matautano yabara yaputainchi pomonae jopa antobeyo ichamonae pomonaetha pomonae iru pejume cowuntsiwi, barapomonae jopa Nacom pia pexui tatsi.

Meje yabara xua poxonae jei: "Caemonae peburaya bara nantiya naantobe tsainchi", jei

¹¹ Poxonae aena pajume cowuntame, xua beya anoxuae, pajume taneme Nacom Pejume Diwesi. Barapo diwesitha jeye: "Caemonae peburaya bara nantiya naantobe tsainchi", jei barapo diwesitha.

¹² Waxainchi jopa bewa naexanaetsi icha ichi pon pewun Caín, pon caena bayatha tupa. Bapon Caín caurimonae pia pentacaponaein tatsi pia jiton tatsi. Bapon peweicho bexuba. ¿Eta xua metha Caín peweicho bexuba? Caín peweicho uwiya bexuba, tsipei pocotsiwa Caín exana Nacom nexa, Nacom tsita abetsi. Ichitha nama pocotsiwa Caín peweicho tatsi exana Nacom nexa baxua jame Nacom tsita xanepanatsi.

¹³ Tamonae pam, pomonae iru painya nejume cowuntsixae Jesucristo. Painya xoba panantu exabame icha ichamonae paca ita aenae-aenei pomonae jinompa po cae pin nacuathe, pomonae jopa pejume cowuntsiwi.

¹⁴ Waxainchi yaputainchi xua bewa werapaeinchi abe waexanaexae. Ichitha anoxuae peajuntu yapusawa xeinatsi, po peajuntu yapusawa ataya tsiteca waantobexae pomonaetha pomonae iru pejume cowuntsixae. Pon xua jopa antobeyo piamonae jiwanaein tatsi, pon iru pejume cowuntsin Nacom, bapon bequein popona ichitha jopa xeinae tsane peajuntu yapusawa.

¹⁵ Pon ita aenae-aeneya caseba ichamonae pomonaetha pomonae iru pejume cowuntsiwiru Nacom, bapon Nacom tsitatsi be pon jiwi pejutebin. Payaputaneme xua pon jiwi pejutebin bapana jopa xeinae peajuntu yapusawa pejuntu coyenewatha, po peajuntu yapusawa ataya tsiteca.

¹⁶ Waxainchi yabara yaputainchi xua Nacom wanaca antobewa, tsipei Jesucristo naca tsitupa naetotha wanaca antobexae. Daxota bewa copatinchi xua bara ichamonae naca atene exanaena, xua bequein beya poxonae tupa naca exanaena ichamonae nexa pomonae iru pejume cowuntsiwiru.

¹⁷ Pebin ba xeina nawita xuan pocotsiwa ba nantawenona xua juntea popona penaexanaewa tsane. Bapon cui tane pia jiton pon iru pejume cowuntsindu Nacom xua pon jopa xeinaeyo pocotsiwa nantawenona. Icha bapo pebin jopa pia jiton yabara nantanuweya nanta xeinaeyo xua peyawenaenexa, barapo pebin apara jopa Nacomtha tsita xeinaeyo peantobewa, po peantobewa Nacom xeina jiwi nexa.

¹⁸ Tamonae pam, pomonae iru painya nejume cowuntsixae Jesucristo. Jopa bewa saya ichamonaetha jeichi: "Paca antobetsi", jopa bewa saya jeichi, poxonae jopa yawenaetsi barapomonae. Jame bewa xaniwaicha yawenaetsi barapomonae, bapoxonae jame yatsi-caewa antobe tsainchi barapomonae.

Meje yabara xua wajume cowuntsiya jinompaewa Nacomtha

¹⁹⁻²⁰ Poxonae yawenatsi ichamonae bapoxonae yaputainchi xua bara xeinatsi po coyene pexainyei coyenewa. Xaniwaicha yaputainchi xua Nacom ichichipa pocotsiwa waxainchi exanatsi, bara bequein wajuntũ coyene naca jei: “Jamaisa jopa beta exanaem”, bequein naca yabara jei. Waxainchi yaputainchi xua Nacom bichocono ainya cui, beyacaincha wajuntũ coyene poxonae abe naca yabara paeba, tsipei Nacom daxita yaputane.

²¹ Tamonae pam, paxam pomonae tapaca caantobe jiwichi pam, painya nejume cowantsixae Jesucristo. Bequein wajuntũ coyene jopa abeya naca yabara jeiyo: “Jamaisa jopa beta exanaem”, jopa jeiyo, daxota awiya Nacom jume cowantsi xua waexanaewa pocotsiwa Nacom ichichipa.

²² Yawa Nacom naca cata pocotsiwa wacatsi wajume cowantsixaetsi pia peitorobi diwesi jumein tatsi, yawano poxoru waexanaexae pocotsiwa Nacom ichichipa.

²³ Yawa Nacom pia peitorobi diwesi jume naca itorobiya jeye: “Taxanto Jesucristo pajume cowunde, yawa nantiya pana naantobeinde”, naca jei.

²⁴ Daxita pomonae ba exana pocotsiwa Nacom pia peitorobi diwesi paeba, barapomonae Jesucristo yawa jinompa, barichi barapomonae Jesucristo bara jinompati. Waxainchi yaputainchi xua bapon naca yawena ducuaaebiya, tsipei nanajumope cata waxantha wanaca cuidubinexa barapo coyene.

4

Meje yabara xua Nacom pia Pejumope tñaxũ tatsi, irũ pomonae Jesucristo abe peyabara paebiwichi

¹ Tamonae pam, pomonae tapaca caantobe jiwichi pam, irũ painya nejume cowantsixae Jesucristo. Jopa pajume cowantsinde xua daxita pomonae paca jei: “Paxan Nacom peitorobi jume pata paebiwi pan”, paca jei. Jame maisa pajũjũre saya barapomonae painya neyaputaenexa barapomonae icha metha bara Nacom itoroba barapomonae. Tsipei barapo cae pin nacuathepiwi jiwĩ ayei pomonae penaerabiwi, pomonae jei: “Paxan Nacom peitorobi jume pata paebiwi pan”, jei.

² Ichitha paca itacũpa xua payaputaneme pomonae xeina Nacom pia Pejumope tñaxũ tatsi. Icha barapomonae paca jei: “Nacom Pexanto tatsi, pon Jesucristo, pepa jiton naexana barapo cae pin nacuathe”, jei, bapoxonae payaputaneme xua barapomonae apara Nacom pia Pejumope tñaxũ tatsi yawa jinompa.

³ Icha ichamonae paca jei: “Nacom jopa itorobiyo Pexanto barapo cae pin nacuathe xua penaexanaenexa pepa jiton pewũn Jesús”, paca jei, bapoxonae paxam payaputaneme xua barapomonae ba jopa yawa jinompaeyo Nacom pia Pejumope tñaxũ tatsi. Barapomonae ba seicaya xeina icha pejumope tñaxũ po jumope tñaxũ Cristo ita aenae-aeneichi. Paxam bayatha pajume taneme xua barapo pejumope tñaxũ bewa patopaetsica po cae pin nacuathe tsique. Bara xainyei bara bayatha barapo jumope tñaxũ patopa po cae pin nacuathe tsique.

⁴ Tamonae pam, paxam Nacom pijimonae tatsi pam. Paxam pacui coyene amanayabame barapo penaerabi jiwitha. Tsipei po pejumope tñaxũ paca yawa popona xua Nacom pia Pejumope tñaxũ tatsi, barapo pejumope tñaxũ bichocono peyapũsũ itorobiya coyenewa pexinaein, beyacaincha po pejumope tñaxũ po cae pin nacuathepiwi jũntũ coyene itoroba dubenanaebiyatsi xua abe peexanaenexa.

⁵ Barapo jiwĩ apara barapo cae pin nacuathepiwi, daxota barapomonae yabara cueicieiji pocotsiwan barapo cae pin nacuathe xeina. Ichamonae irũ pomonae po cae pin nacuathepiwixae barapo coyene baxuan jume naitaewatsiya exana.

⁶ Ichitha waxainchi Nacom piamonaetsi. Pomonae Nacom yaputainchi, barapomonae bara naca jume naitaewata. Ichitha nama pomonae jopa Nacom yaputaetsi, barapomonae jopa naca jume naitaewatsiyo. Daxota naca itacũpa xua wayaputaewa pomonae cueicieiji pexainyei jume. Mataũtano naca itacũpa xua wayaputaewa pomonae cueicieiji pemuxitorobi jume.

Meje yabara xua Nacom peyawa cui jinaein xua bichocono peantobe coyenewa

⁷ Tamonae pomonae tapaca caantobewichi pam, irũ painya nejume cowantsixae Nacom. Bewa waxainchi nantiya naantobe tsainchi. Tsipei barapo peantobe coyenewatha Nacom naca cana exana xua waxeinaewa waantobe coyenewa. Daxita pomonae xua antobe ichamonae apara barapomonae bara Nacom pia pexui tatsi naexana. Mataũtano barapomonae bara Nacom yaputainchi.

⁸ Nacom ba peyacuiya jinaein peantobe coyenewa. Daxota pon jopa tsita xeinaeyo ichamonae peantobe coyenewa apara poxoru jopa yaputaeyo Nacom, tsipei Nacom peyacuiya jinaein peantobe coyenewa.

⁹ Poxonae Nacom Pexanto itoroba Nacom naca tsita ituta pia peantobe coyenewa. Nacom Pexanto itoroba pon yatsicaya compa tatsi, barapo cae pin nacuathe tsique waxeinaenexa tsane peantuyapusuwa, po peantuyapusuwa ataya tsiteca.

¹⁰ Barapo yatsicaewa pepa peantobe coyenewa meje baxue: Poxonae ba Nacom antobetsi, baraxua ba jopa pepa peantobe coyenewiyo. Jame ba Nacom naca antobe baraxua ba jame yatsicaewa pepa peantobe coyenewa. Poxoru Nacom itorobica Pexanto wanaca wejuntemaina exanaenexa abe waexanae cuiru coyenein. Barapo coyene jame yatsicaewa pepa peantobe coyenewa.

¹¹ Tamonae, pomonae tapaca caantobe jiwichi pam, iru painya nejume cowantsixae Nacom. Tsipei Nacom bichocono naca antobe, daxota xuya waxainchi bewa nantiya naantobe tsainchi.

¹² Dapon ba aibi pon bayatha Nacom tainchi. Ichitha icha waxainchi nantiya naantobe tsainchi, bapoxonae Nacom naca yawa poponaena. Nacom beta xaniwaichiya cana exana pia peantobe coyene wajuntu coyene berena.

¹³ Waxainchi natsita itapeinya xeinatsi, xua bara Nacom yawa jinompatsi, yawa xua Nacom naca yawa popona, tsipei Nacom nanajumope tuxaxu cata waxantha.

¹⁴ Paxan patan Jesucristo poxonae Nacom Pexanto itorobica. Daxota pajan: “Bara xainyei xua Nacom Pexanto itorobica, xua barapon pecapanenebiyaxena po cae pin nacuathepiwi xua abe pia peexanae cuiru coyenein weya tatsi”, pajan.

¹⁵ Pon ba xua jeye: “Bapon Jesús Nacom Pexanto tatsi”, jei, bapon apara bara yawa popona Nacom, iru Nacom yawa popona bapon.

¹⁶ Daxota waxainchi Nacom yaputainchi, yawa jume cowantatsi xua xaniwaicha bara Nacom naca antobe. Nacom apara pon peyanthathuya jinaein xua pocotsiwa bichocono peantobe coyenewa. Pon xua bichocono antobe ichamonae, bapon apara bara yawa popona Nacom, iru Nacom yawa popona bapon.

¹⁷ Daxota waxainchi yabara nacuiduba dubenanaebiyatsi xua bichocono peantobe coyenewa. Poxonae matakabi tsuxiti tsane po mataqueitha Nacom jiwi yabara paebina xua penatsicuentsiwa Nacomtha, barapo matakabitha jopa junuwi tsainchi. Jume cowantinchi xua Nacom jopa wanaca yabara paebiwa tsane xua abe waexanaexae. Icha Jesucristo ichi xua jopa abe exana ducunaebiyaeayo poxonae popona po cae pin nacuathe, waxainchi barapocotsi coyeneya ichichi poxonae jinompatsi po cae pin nacuathe.

¹⁸ Poxonae antobetsi ichamonae barapo juntu coyenewatha ba jopa cunuwichi barapomonae. Tsipei barapo peantobe coyenewatha torotatsi pocotsiwa xua pejunuwiwa xua wajuntu coyene weya. Tsipei pon junuwa nayaputane xua atene tsaneba, penayaputaexae xua abe exana. Pon ba junuwa jopa xeinaeyo peantobe coyenewa, po peantobe coyenewa Nacom weya.

¹⁹ Waxainchi daxota Nacom antobetsi tsipei bapon copiya pewunaeya naca antobe.

²⁰ Icha pebin jei: “Xan Nacom antobein”, jei, xua daichitha caena ita aenae-aeneya caseba pia jiton pontha xua iru jume cowantaru Nacom, apara barapo pebin pon jiwi pemuxitorobin. Icha jopa antobeyo pia jiton pon peyaitaexae, barichi bapon jopa antobeyo Nacom pontha xua jopa yaitaeyo.

²¹ Nacom nacata itoroba pia peitorobi diwesi jume. Barapo diwesitha naca jeye: “Pon ba xua Nacom antobetsi, bapon ba bewa muxuna antobe tsane pia jiton pontha xua iru jume cowantaru Nacom”, naca jei barapo diwesitha.

5

Meje yabara poxonae xua waxainchi juntu coyene amanayabatsi pomonae jopa pejume cowantsiwi

¹ Pon ba bichocono tsita xeina pejume cowantsiwa Jesús pon xua jei: “Jesús apara bara bapon pon Nacom itorobica, pon Mesías jeichichi”, jei, bapon jame Nacom Pexanto tatsi naexana. Daxita pomonae antobe Nacom xua paxatha, barichi barapomonae muxuna antobe Nacom pia pexui tatsi pomonae iruru pejume cowantsixae.

² Poxonae waxainchi Nacom antobetsi xuano exainchi pocotsiwa Nacom pia peitorobi coyenewantha itoroba, bapoxonae yaputainchi xua bara antobetsiru Nacom pia pexui tatsi.

³ Poxonae Nacom antobetsi, bapoxonae jume cowantsiya exanatsi pocotsiwa paeba Nacom pia peitorobi diwesi jumeintha. Nacom pia peitorobi diwesi jumein jopa ayapubeyo xua yabara jume cui cana exana.

⁴ Daxita pomonae Nacom piamonae tatsi, barapomonae juntu coyene amanayaba pontha pon jiwi juntu coyene itorobatsi po cae pin nacuathepiwi xua abe peexanaewa tsane. Wajume cowantsi coyenewa Nacomtha, barapo coyenewatha naca yawena xua wajuntu

coyene amanayabiwa pontha pon jiwi juntu coyene itorobeibatsi po cae pin nacuathepiwi xua abe peexanaewa tsane.

⁵ Saya pomonae jame jume cowanta, xua pejeiwa: “Jesús apara Nacom Pexanto tatsi”, jei, jame barapomonae juntu coyene amanayaba bapontha pontha pon jiwi juntu coyene itorobeibatsi po cae pin nacuathepiwi xua abe peexanaewa tsane.

Meje yabara xua po diwesi Nacom Pexanto tatsi yabara

⁶ Bapon Jesucristo patopeica po cae pin nacuathe tsique. Poxonae bapon bautisabatsi, yawa poxonae naetotha tupa exanatsi, xua poxonae jana pichapabarena, barapo naxobe cui coyenebe naca yaputane exana xua bapon Jesucristo, apara bara Nacom Pexanto tatsi. Saya meisa jopa naca yaputane exanaeyo xua poxonae bautisabatsi, bara yawa iru naca yaputane exana xua poxonae naetotha tupa exanatsi, yawa xua poxonae jana pichapabarena. Nacom pia Pejumoepo tuxaxu tatsi yabara paeba daxita baxua. Barapo Nacom pia Pejumoepo tuxaxu tatsi bara xaniyeya pepaebin.

⁷ Nacom naca yaputane exana xua Jesucristo bara Nacom Pexanto tatsi poxonae cueicieiji acoihi po jumeoyobe peitaboco wetsica.

⁸ Barapo jume apara poxonae Nacom naca tsipaeba wajuntu coyenewatha. Yawano barapo jume po jume xua cueicieiji poxonae Jesús bautisabatsi. Yawano barapo jume po jume xua cueicieiji poxonae bara nama imoxoyo tupaena Jesús. Barapo acoihi jumeoyobe pebuxaya cuita caunuta xua jei: “Bapon Jesús apara Nacom Pexanto tatsi”, jei.

⁹ Ba jume cowantatsi po jumein jiwi paeba. Ichitha po jume nama Nacom Pexanto yabara paeba, barapo jume jame bichocono peainya cui jume, beyacaincha po jumein xua jiwi paeba. Daxota bewa jume cowantichi po coyene xua Nacom Pexanto yabara paeba.

¹⁰ Pon ba Nacom Pexanto tatsi jume cowantatsi, bapon ba pia juntu coyenewa tsipaebatsi xua bara bapon ba Jesucristo yatsicaewa Nacom Pexanto tatsi. Pon jopa Nacom jume cowantichi, bapon nanta xeina xua Nacom naeraba xua pon jiwi pemuxuitorobin, tsipei bapon jopa jume cowantsiyo po coyene Nacom Pexanto yabara paeba.

¹¹ Barapo jume, po jume Nacom Pexanto yabara paeba, barapo jume wajuntu coyenewatha jume tainchi, naca jeye: “Nacom peajuntu yapusawa naca cata po peajuntu yapusawa ataya tsiteca, po peajuntu yapusawa Nacom Pexanto tatsi pia xainya werena tapichapatsi”, jei barapo jume.

¹² Pon ba Nacom Pexanto tatsi yawa popoinchi, bapon xeina barapo peajuntu yapusawa. Ichitha pon Nacom Pexanto tatsi, jopa yawa poponaetsi, bapon jopa xeinaeyo barapo peajuntu yapusawa, po peajuntu yapusawa ataya tsiteca.

Meje yabara poxonae Juan muxu tsipaeba, poxonae imoxoyo nacobe weta xua tina

¹³ Pacata tinatsi paxam, pomonae pajume cowantame, Nacom Pexanto tatsi. Po coyenein xua pacata tinatsi, apara xua painya neyaputaenexa xua bara paxename peantu yapusawa, po peantu yapusawa xua ataya tsiteca.

¹⁴ Waxainchi bichocono yabara jume cowantatsi Nacom xua wanaca yawenaewa tsane. Tsipei yaputainchi poxonae wacatsi pocotsiwa Nacom ichichipa, bapoxonae Nacom bara naca jume tane pocotsiwa yabara xua wawucaexae.

¹⁵ Tsipei yaputainchi xua Nacom naca jume tane poxonae wacatsi, daxota yaputainchi xua bara xeinatsi pocotsiwa wacatsi Nacom.

¹⁶ Icha taneme xua ichun abe exana pon iru jume cowanta, xua ichitha pocotsiwa bapon exana jopa tupa naexanaeyo, bapoxonae Nacomtha tawucare bapon. Bapoxonae Nacom cana exana xua bapon xeina peantu yapusawa. Ichitha icha jiton abe exana pocotsiwa xua tupa naexana jopa catsipaebichi xua Nacomtha tawucame bapon.

¹⁷ Daxita pocotsiwan jiwi abe exana daxita baxuan Nacom tsita abetsi. Daichitha barapo abe peexanae coyene jiwana xua icha abe peexanae coyenewa barapo abe peexanae coyene jopa tupa naca cana exanaeyo.

¹⁸ Yaputainchi pon yawa popona Nacom xua pia Paxaxae, bapon jopa exanae ducua-naebiyayo abe peexanae cuiru coyenein, tsipei Nacom Pexanto tatsi yawena xua bapon yawenatsi. Matautano caurimonae pia pentacaponaein tatsi jopa itacupaetsi xua bapon peitorobiwatsi xua abe peexanaewa tsane.

¹⁹ Yaputainchi xua bara Nacom piamonae tatsichi, yawa yaputainchi xua caurimonae pia pentacaponaein tatsi itoroba daxita po cae pin nacuathepiwi xua abe peexanaewa tsane.

²⁰ Yaputainchino xua Nacom Pexanto tatsi bayatha patopeica barapo cae pin nacuathe, yawa naca tsipaeba Nacom Pejume Diwesi wayaputaenexa Nacom, pon pexainyein. Matautano yawa jinompatsi Nacom Pexanto tatsi, pon pexainyein, pon Jesucristo. Barapo Nacom pexainyein pon naca cata peantu yapusawa, po peantu yapusawa xua ataya tsiteca.

²¹ Tamonae pam, jopa pajume cowantsinde ibo nacoman.

Baja Juan.

Meje Po Carte Juan Epatotha Tatina, Pomonae Jesucristo Pejume Cowantsiwi Tatinatsi. Barapo Carte Epatowa Carta.

Meje xua pexainyei diwesi yabara, yawano peantobe diwesi yabara

¹ Xan Juan, pon bayatha pitirin naexanan, pacata tinatsi barapo carte pomonae pam pomonae panacaetutame Nacom painya nejume cowantsixaem. Nacom paca itapeta painya paca exanaenexa piamonae. Iru tatinan pomonae paca baru nacaetuta pomonae be painya pexui natsicotane. Xaniwaicha betiya paca antobetsi painya neyaputaexae pexainyeiwa. Matautano ichamonae paca antobe pomonae yaputane pexainyei jumein.

² Xan bichocono paca antobetsi poxoru painya nejume cowantsixae Nacom pia pexainyei diwesi tatsi. Barapo pexainyei diwesi wajuntu coyenewantha cajinompeibatsi anoxtuae, matautano xua ataya tsane.

³ Cajinompatsi Nacom pia pexainyei coyenewa tatsi pia peantobe coyenewa tatsino. Daxota Nacom Waxa iru Jesucristo Wanacanamataxeinaein pon Nacom Pexanto tatsi baponbe naca yawenabe. Baponbe naca yawenaena, matautano amanayiya baponbe naca yabara nantanuweya nanta xeinaena pia wanaca yawenaenexa. Matautano baponbe juntuema jinompa naca exanaena.

⁴ Juntu coyene weiweinan tsipei painyamonaе jiwana cui tan, xua beta pejinompaewa. Barapo painyamonaе exana po coyenewa xua pexainyei coyenewa, icha be pocotsi coyeneya xua Nacom Waxa naca cui itoroba.

⁵ Paxam, iru painya nejume cowantsixae Nacom, paca tsipaebatsi bewa waxainchi nantiya naantobe tsainchi. Po peitorobi coyenewa pacata tinatsi jopa pena peitorobi coyenewiyo. Barapo peitorobi coyenewa copiya xeinatsi poxonae aena jume cowantatsi.

⁶ Icha waxainchi Nacom antobetsi, barapoxonae bewa jume cowantsiya jinompaeinchi icha be pocotsi coyeneya Nacom naca itoroba pia peitorobi diwesi jumetha. Barapo peitorobi diwesi jume pajume taneme poxonae aena pajume cowantame. Barapo peitorobi diwesi jume naca jeye: "Nantiya pana naantobeinde", jei.

Meje yabara pomonae jiwi pemuxujainyabi jiwi

⁷ Po cae pin nacuathe jiwi ayei jinompa, pomonae jiwi pemuxujainyabi jiwi. Barapomonae jeye: "Nacom jopa itorobiyo Pexanto barapo cae pin nacuathe, pon pewen Jesucristo xua pepa jiton naexana", jei barapomonae. Pomonae xua bapocotsiwa paeba, bapomonae apara pomonae jiwi pemuxujainyabi jiwi yawa bapomonae Cristo abe peyabara paebiwichi.

⁸ Dota pam bu caurimonae paca juntu coyene jujuta, abe painya neexanaewa tsane, xua daxota Nacom painya nepaca catsinexa pentoma xua abe painya neexanaexae. Maisa jame beta xanepanaya paexande, xua Nacom painya nepaca catsinexa daxita barapo pentoma xua beta painya neexanaexae.

⁹ Pon xua equeicha ichichipa icha coyenewa xua pecuidubiwa beyacaincha xua Cristo pia pecuidubi coyenewa tatsi, bapon jopa nantaatsiyo Nacom xua be Paxa. Ichitha jame pon exana ducuaaebiya pocotsiwa xua Jesucristo pia pecuidubi coyenewatha paeba, bapon jame nantaata Nacom be Paxa, matautano nantaata Jesucristo pon Nacom Pexanto tatsi.

¹⁰ Icha ichun paca siwa pona pia nepaca cuidubinexa icha coyenewa xua pecuidubiwa xua Nacom yabara, po pecuidubi coyenewa xua jopa Jesús pia pecuidubi coyenewa tatsi bapoxonae bapon jopa matenta weiweinaya pajacobinde painya bo berena.

¹¹ Tsipei pon matenta weiweinaya waba pontha pon pecuidubinexatsi icha pecuidubi coyenewatha, bapon apara iruru abe exanaru icha be bapon ichi pon ichun pon pia botha petapatopaexaetsi.

Meje yabara poxonae xua Juan opi wetaba po carte

¹² Ainya diwesi bequein cataunxuae xeinan xua tapaca camuxu tsipaebiwa tsainchi, ichitha jopa beyabara tinaeinyo paperatha barapo diwesi. Daichitha ewatan xua tapaca cataewa tsainchi bexa, matautano xua tapaca catsipaebiwa tsainchi. Bapoxonae wajuntu coyene weiweinaenexa tsainchi bichocono.

¹³ Pomonae iru Nacom pejume cowantsiwi icha paxam paichim, pomonae iru Nacom itapeta, barapomonae paca jacoba.

Baja Juan.

Meje Po Carte Juan Cotacaya Tatina, Pomonae Jesucristo Pejume Cowantsiwi Tatinatsi. Barapo Carte Petabũ Carucuae Carta.

Meje yabara poxonae Juan jũntũ weiweinaya tatina, Gayo tatinatsi

¹ Jaco Gayo, pon tacaantobetsi jitom. Xan, pon bayatha pitirin naexanan. Barapo carte cata tinatsi, yaitama bichocono xaniwaicha caantobetsi, jinya nejume cowantsixae Nacom pia pexainyei diwesi jume tatsi.

² Pon tacaantobetsim, pon be tayapin tacanatsicotaeinchi irũ nejume cowantsixae Nacom. Nacomtha cata wũcatsi xua jũntema nepoponaewa tsane xuano xua axaibiya nepoponaewa tsane, icha be ichim xua beta xaniwaicha poponame Nacom peitabaratha tatsi.

³ Bichocono jũntũ coyene weiweinan poxonae ichamonae pomonae pejume cowantsiwi jiwana taxantha pata yawa netsipaeba. Barapomonae cayabara paeba xua pinae yajũntũ coyeneya popona ducuaenaebiyame Nacom pia pexainyei coyenewa tatsi. Bara xainyei bara barapo coyenewa exaname.

⁴ Dapocotsiwa aibi pocotsiwa jume tan pocotsiwa xua nejũntũ coyene weiweina exana beyacaincha xua poxonae jume tan xua tajiwimonae xaniwaicha beta jinompa Nacom peitabaratha tatsi pejume cowantsixae Jesucristo.

⁵ Pon tacaantobetsim, pon be tayapin tacanatsicotaeinchi irũ nejume cowantsixae Jesucristo. Bichocono xanepanaya exaname xua Nacom nexa xua poxonae yaweneme pomonae Jesucristo pejume cowantsiwichi, mataũtano poxonae yaweneme pomonae icha nacuan werena pepatsiwi, pomonae bequein jopa neyaitae jiwi.

⁶ Barapomonae pomonae icha nacuan werena pepatsiwi pomonae Jesucristo pejume cowantsiwichi jeichichi: "Maisa bichocono pana antobe Gayo tsipei pana yawena", jei barapomonae. Cawũcatsi xua barapomonae equeicha neyawenaenexa xua pocotsiwa barapomonae nantawenona xua poxonae warapaena jinya neexanaenexa po coyenewa Nacom ichichipa bichocono.

⁷ Barapomonae ponarũcũpa xua Jesucristo petanacuichiwa tsainchi. Barapomonae jopa wũcaeyo pomonaetha pomonae jopa pejume cowantsiwi Nacom xua peyawenaenexatsi pocotsiwa penantawenonaewa.

⁸ Daxota bewa barapomonae yawenaetsi xua bapoxonae barapara irũ barapomonae nanabarũ cueicueijeichi pexainyei jume diwesi.

Meje yabara po diwesi xua Diótreres abe exana xuano irũrũ Demetrio beta exana

⁹ Xan caena bayatha icha coyenewiyo tatinan Jesucristo pejume cowantsiwichi. Daichitha Diótreres jopa jume cowantsiyo taitorobi coyenewa, tsipei barapomonae pomonae Jesucristo pejume cowantsiwichi pia xantha tatsi Diótreres ichichipa naexana be pon pecanamataxeinaein.

¹⁰ Daxota icha ponaein nexainya beya, yabara catsipaebinchĩ bapon tsipei bapon catsawa neyabara paeba, peabe jumetha. Barapon jopa beta exanaeyo tsipei jopa wũnae weyataeya wabelbiyo pomonaetha pomonae Jesucristo pejume cowantsiwichi. Irũrũ pomonae jiwi pententa weyataibiya wabelbiwi, baxuan cui matawentatsi, yawa bapon barapomonae itaweta pomonae Jesucristo pejume cowantsiwichi itawetatsi.

¹¹ Pon tacaantobetsim, pon be tayapin tacanatsicotaeinchi irũ nejume cowantsixae Jesucristo jopa acucoyenebeya poponaeinde icha poxonae ichũn ichi xua acucoyenebeya popona. Saya jame maisa beta exanaponde icha poxonae ichũn ichi xua beta exanapona. Pon ba beta exana pocotsiwa Nacom itoroba apara bara Nacom piamonae jiwi jiwana tatsi. Ichitha pon ba abeya popona, apara jopa poxoru yaputaeyo Nacom.

¹² Daxita jiwi Demetrio xanepanaya yabara paebatsi. Pocotsiwa xua bapon exana, naca yaputane exana xua bara bapon xainyeya peexanaein. Irũrũ xan xanepanaya yabara paeban Demetrio. Mataũtano yaputaneme xua pocotsiwa paeban bara xainyei.

Meje yabara xua Juan opi wetaba po carte

¹³ Xam Gayo ainya diwesin bequein cataunxuae xeinan xua tacamuxu tsipaebiwa tsainchi, daichitha jopa beyabara tinaeinyo paperatha barapo diwesin.

¹⁴ Bara nama methaunxuae catayopiyaeinchi nexata bapoxonae wanatsipaebiwa tsanebe.

¹⁵ Bara Nacom jũntema popona caexanaena. Pomonae xote jinompa pomonae be jinya jiwimonae, barapomonae cajacoba. Inta jacobare daxita wajiwimonae.

Baja Juan.

Meje Po Carte Judas Tatina Pomonaetha Pomonae Jesus Pia Pejume Cowantsiwichi

Meje poxonae Judas tamropata pitaba xua tatina pomonaetha pomonae bayatha Nacom waba xua pia pejume cowantsinexatsi

¹ Xan, Judas, ponxaein tanacuitan amanaya Jesucristo tacoya taichichipaexae. Xan Santiago peweicho tatsin. Barapo carte pacata tinatsi pomonae pam, pomonae bayatha Nacom Waxa itapetsiya paca waba, xua painya nejume cowantsinexa. Nacom bichocono paca antobe. Nacom Pexanto tatsi pon Jesucristo beta paca yapu eena xua beta painya nejume cowantsinexa Nacom.

² Barab_u Nacom jopa juniya paca yabara nanta xeinae tsane xua nantanuweya paca yabara nanta xeineibina pia paca cayawenaenexa. Matautano barab_u Nacom bichocono juntea jinompa paca exanaena. Matautano barab_u Nacom paca catsibina pia peantobe coyenewa painya neyawa muxuna jinompaenexa.

Meje yabara xua pomonae pemuxujainyabiya cuidubi jiwi

³ Paxam pomonae bichocono tapaca caantobewichi pam. Maisa bichocono ichichipan xua yabara tapacata tinaewatsi pecapanenebiyae coyenewa xua po coyenewatha Nacom paca capanepa abe painya neexanae cuiru coyenein weya. Barapo coyenewatha Nacom necapanepa_u barapo coyene weya. Bequein ichichipan yabara pacata tinatsi baxua, dai-chitha anoxuae jopa neitacupaeyo. Jame bewa copiya yabara pacata tinaeinchi xua painya nejume cowantsiwa. Paca itorobatsi xua naitomatsiya jume daunweya yabara painya paebinexa painya nejume cowantsiwa, bequein ichamonae paca atene exana painya nejume cowantsixae Jesús. Barapo pejume cowantsiwa Nacom caena bayatha caetotha nacui coyene cata pijimonae, xua barapomonae xuya penacui coyene cacataponaenexa ichamonaetha.

⁴ Bara barapocotsiwa paca tsipaebatsi, tsipei jiwi namichiya jinompa painya xantha pomonae pemuxujainyabiya cuidubi jiwi xua jopa pacui yaputaem pocotsiwa barapomonae exana. Caena bayatha barapomonae Nacom Pejume Diwesitha yabara tinatsi xua barapomonae pinae bewa atene tsane abe peexanaexae. Barapomonae peajuntucoyenebe jiwi. Matautano barapomonae jiwi muxujainyabiya cuidubatsi xua pinae Nacom amanayiya capanepa jiwi pia peantobexae. Nacom peantobexae jiwi, daxota pinae Nacom copata xua jiwi bara abe peexanaenexa. Barapomonae yabara jume itaweta, poxonae po jumetha ba jiwi jeye: "Jesucristo, bapon yatsicaya compa pon Wanacitorobin xuano Wanacanamataxeinaein", jei.

⁵ Bequein payaputaneme xua bayatha Nacom, pon jiwi Pecanamataxeinaein exana, daichitha ichichipan xua equeicha yabara tapaca tsipaebiwatsi baxuan. Nacom exana xua piamonae tatsi Egipto naucha wepanenebiya xua Israel nacua bepanenebiya. Bequein Nacom baxua cana exana daichitha pirapaeyo Nacom cana exana xua barapo israelmonae jiwanamonaе jutebatsi pomonae jopa pejume cowantsiwixaetsi.

⁶ Matautano payaputaneme xua Nacom cana exana matatsunpiwitha. Barapo matatsunpiwi nacui barapenta pia peitorobi coyenewan bequein Nacom cata. Matautano barapomonae Nacom pia nacua weya tatsi pona xua nacou tomara cuenta warapa xua itaboco weyaxae. Daxota Nacom itoroba xua barapo matatsunpiwi peyamax_u cubiya jebinxatsi pequirei nacuatha beya, beya ab_u poxonae po matacabi tsane poxonae atene tsane poxonae Nacom yabara paebina daxita jiwi xua penatsicuentisiwa xua abe peexanaexae. Barapo matatsunpiwi penaintontha max_u cubebatsi, po penainton jopa weraweracaeyo.

⁷ Pacayabara nanta xeinare xua poxonae po tomarabetha Nacom cana exana, po tomara pewan Sodoma yawa xua Gomorra, yawano xua poxonae ichaxota po tomarantha xua cuariyatha ena. Barapo tomaranpiwi abe exana xua poxonae cana siwainyameinta exana pebiwitha xua jopa be ichiyo xua pocotsi coyenewatha ba pebiwi cana exana yab_uxitha. Nacom caunutsiya yabara paeba barapomonae xua barapomonae ataya tsitecaeya peraxa exainchi abe peexanaexae. Barapomonae naca tsita itapeinya xeina xua Nacom bara cana ichi tsane daxita jiwitha icha barapo tomarapepiwi cana ichichi.

⁸ Ichitha pomonae anoxuae yabara paca tsipaebatsi, pomonae pemuxujainyabiya cuidubi jiwi, barapomonae abeya nanta xeina dubenanaebiya, xua poxonae baxua yabara amachinae tsurubenanaebiya. Daxota barapomonae pia pepon abeya taxoba exana dubenanaebiya. Barapomonae itaweta Nacom pia peitorobi coyenewa pon jiwi Pecanamataxeinaein. Matautano barapomonae abe yabara paeba Nacom pia matatsunpiwi.

⁹ Nacom pia matatsunpin, po matatsunpin matacapana icha matatsunpiwi, bapon pewın Miguel. Bapon Miguel najume matsontsonobabe caurimonae pia pentacaponaein tatsi. Yabara najume matsontsonobabe xua Moisés pia pepon xua jintam metha pinae xeinaena. Miguel jopa nanta xeinaeyo xua xuya anaepanaya jume nota xua pejeiwa: “Maisa abe exaname daxota Nacom pon jiwi Pecanamataxeinaein atene cacana exanaena”, jopa jeyo, bara bequein itacypatsi xua pepaebiwa baxua. Saya jame Miguel jei: “Barabı Nacom caitawetsina”, jei Miguel.

¹⁰ Ichitha barapomonae pomonae pemuxujainyabiya cuidubi jiwi abe yabara paeba pocotsiwa barapomonae jopa yaputaeyo. Matautano barapomonae exana icha be pocotsi coyeneya ichichipa xua abe peexanaewa. Barapomonae baxua exana bequein jopa pexanepanaeyo taetha, icha duweimonae ichi xua poxonae exana be pocotsi coyeneya ichichipa. Daxota barapomonae pia coutha naajuntıcoyenebe cana exana.

¹¹ İjaıbo, barapomonae tsobenar! Tsipei barapomonae Nacom jopa bejume cowıntichi icha be ichi pon pewın Caın, pon caena bayatha peweicho bexuba, peweicho peuwixae. Matautano barapomonae catsibatsi paratixi xua ichamonae catsiba xua barapomonae abeya coyeneya pecuidubixae. Tsipei barapomonae bichocono pitaparatixichi icha be poxonae ichi pon pewın Balaam poxonae paratixi catsibatsi xua ichamonae catsiba xua Balaam abeya coyeneya pecuidubixae. Matautano barapomonae jiwi juntı coyene tsacabatsi xua jiwi naba peexanaenexa Nacomtha daxota barapomonae werapaena. Baxua exana icha be poxonae pon pewın Coré ichi poxonae jiwi juntı coyene tsacabatsi xua jiwi naba peexanaenexa Moısesta, xua bapoxonae Coré tıpa xua bexotsi.

¹² Poxonae paxam paexaname xua jiwi nacaetuta painya nenabanaenexa painya ne-naantobexaem, barapomonae pomonae pemuxujainyabiya cuidubi jiwi paca caxinta pia peexanae coyeneıntha. Barapomonae atsaquıya nabane, yawa atsaquıya apa. Saya jopa yabara nanta xeinaeyo ichamonae. Saya meisa barapomonae nayabara nanta xeina nawita. Poxonae barapo coyene exana, barapomonae abe paca cana exana. Po tsaquınaebowan ba xua jopa jiwi catichi mera, xua equeicha pin joıbo tabı torota peira tsewi weya xua jopa peruneicaenexa tsane, barapo tsaquınaebowan ba jiwi jopa catichi mera, jiwi jopa yawenaetsi. Bara jıta ichi barapomonae pomonae pemuxujainyabiya cuidubi jiwi. Bequein barapomonae pia coutha beta nayabara paeba, daıchitha jiwi jopa yawenaetsi. Po naein ba xua jopa nacoichiyo pia matacabintha xua poxonae nacoiteıba barapo naein jiwi ba yatabaca jona tsipei jopa naein penacoıchixae. Bara jıta ichi barapomonae pomonae pemuxujainyabiya cuidubi jiwi, jiwi jopa beta xapain jinompa cana exanaetsi. Daxota jiwi itaweta barapomonae.

¹³ Ichamonae aura exanatsi poxonae barapomonae abeya cuiduba xua jopa jiwi peyawenaexaetsi. Barapomonae bichocono abe exana icha pin maratsaca doriton ichi xua pitapa beya bebeya xua thamthamei xua bichocono petsoreixae. Bara jıta ichi barapomonae saya jiwi aura exanatsi abe peexanaexae daxota jiwi cuenta pona barapomonae. Poxonae opiteiton ba poton pia namton weya itaxanumeınyatsi saya pipato dubenanaebiya ataya ichaxota pequıreıwatha. Bara jıta ichi barapo pemuxujainyabiya cuidubi jiwi, jopa xapain jinompaeyo po cae pin nacuathe. Daxota Nacom beıai tsane barapomonae pia xainya weya ichaxota pequıreıwatha xua bara ataya tsitecaeya tsane abe peexanaexae.

¹⁴ Barapomonae pomonae pemuxujainyabiya cuidubi jiwi yabara paebatsi, xua ichın yabara paeba pon pewın Enoc. Adán xeina seis poyobe pia pemomo susatopiwi xua napuna naexanapona beya poxonae bapon naexana pon Enoc. Bapon Enoc pon caena bayatha Nacom pia nacua beıcha caıchatsi. Bapon Enoc yabara paeba barapomonae pomonae pemuxujainyabiya cuidubi jiwi, poxonae cueıcueıjeı pocotsiwa Nacom yaputane exana. Bapon Enoc jeye: “Tan pon jiwi Pecanamataxeinaein. Bapon tan xua pia matatsunpiwi barı patopeıca, bichocono pin bicheıto matatsunpiwi.

¹⁵ Bapon barı patopeıca matatsunpiwi xua jiwi atene peexanaewa tsainchi. Bapon yabara paebina daxita jiwi xua penatsıcuentsıwa xua abe peexanaexae. Matautano bapon yabara paebina xua pocotsiwa bapomonae abe exana Nacomtha. Matautano bapon yabara paebina pocotsiwa barapomonae Nacom abe peyabara paebıwatsı”, jei Enoc.

¹⁶ Barapomonae pomonae pemuxujainyabiya cuidubi jiwi ichawa beya daxita coyeneıntha abeya yabara paeba. Xua daxita coyeneın petsıta aitacoyenebexaetsi daxota barapomonae jopa juntı coyene weiweinaya jinompaeyo. Matautano meisa yabara nanta xeina xua piawan meisa penata exanaewan. Barapomonae peatsacae jiwi bichocono. Bara bequein barapomonae beta paeba ichamonaetha, saya poxorı xua peyabara muxujainyabinexa xua ichamonae peyabara muxujainyabinexatsi pocotsiwa xeına.

Meje yabara xua Judas muxuweta pomonaetha pomonae pejume cowantsiwi xua pejume cowantsiyainwa pemuxuitorobi diwesi

¹⁷ Equeicha paca tsipaebatsi pomonae bichocono tapaca caantobewichi pam. Paxam bewa payabara jantanainam pocotsiwa bayatha paeba pomonae Jesucristo pon jiwi Pecanamataxeinaein pia peitorobi jiwi tatsi.

¹⁸ Barapomonae paca jeye: "Pewunaeya tsane poxonae po dapaetha Nacom yabara paebina jiwi xua penatsicuentisiwa xua abe peexanaexae copiya patsina pomonae cui caponaena, pocotsiwa Nacom piawa tatsi baxua cui caponaeinchi. Matautano barapomonae ichichipaeya exana dubenanaebiyaena icha be pocotsi coyeneya ichichipa xua abe peexanaewa", jei barapomonae pomonae Jesús pia peitorobi jiwi tatsi.

¹⁹ Pocotsimonae baxua exana xua abe exana, bapocotsimonae tsaba exana piamonaetha xua barapo bicheitobe nacasebabe. Barapomonae pomonae abe peexanaewi exana xua pocotsiwan ichichipa peexanaewa. Barapomonae jopa exanaeyo pocotsiwa Nacom ichichipa, tsipei jopa yawa jinompaeyo Nacom pia Pejumope tynaxu tatsi.

²⁰ Ichitha nama paxam pomonae bichocono tapaca caantobewichi pam. Bayatha painya nejume cowantsixaem Nacom, daxota awiya pana najuntu coyene tsacabare. Awiya mataropeichiya painya nejume cocowantaponaenexa po pejume cowantsi coyeneya Nacom weya pona. Nacom pia Pejumope tynaxu tatsi pia peayapuswatha tatsi pawcare Nacom.

²¹ Beta payajuntu coyeneya jinompare Nacom pia peantobe coyenewa tatsi. Pawunaeware po matacabitha poxonae Jesucristo Wanacanamataxeinaein naca catsina peajuntuyparuswa, po peajuntuyparuswa ataya tsiteca. Baxua naca catsina tsipei Nacom nantanuweya naca yabara nanta xeina pia wanaca yawenaenexa tsane.

²² Ichamonae pomonae yabara ainya muxu pexeinaewi pemuxujainyabi diwesi barapomonae payabara nantanuweya yawende painya neantobexae xua jopa pejume cowantsinexa barapo pemuxujainyabi diwesi.

²³ Ichamonae muxu pejume cowantsi barapo pemuxujainyabi diwesi. Nainya payawende barapomonae painya neantobexae xua Nacom pecapanenebiyaenexa bapo abe peexanae cuiuru coyene weya pejume cowantsixae tsane Nacomtha. Panantanuweya yabara nanta xeinde ichamonae, painya neyawenaenexa tsane painya neantobexae xua iru pejume cowantsinexa tsane Nacom. Ichitha dota pam xua abe painya neexanaeyainwa icha poxonae xua barapomonae ichi xua poxonae abe exana.

Meje yabara xua Judas najume wetsiya wuna jainta Nacom

²⁴⁻²⁵ Anoxuae nama yabara paca tsipaebatsi Nacom pon pepa Nacom pon nacata compa. Baron bichocono peyaputaein. Barapon Nacom Wanacacapanenebiyaein. Barapon pia peayapusu itorobiya coyenewatha paca yapu eenaena xua jopa abe painya neexanaewa tsane. Matauta Nacom paca cana exanaena xua juntu coyene xanepanaeya painya neumenaenexa tsane bapon peitabaratha tatsi. Matautano bapon paca cana exanaena xua bichocono painya nejuntu coyene weiweinaya neumenaenexa tsane bapon pia pexeinya peitupanae coicha itabaratha tatsi. Barapon Nacom waxainchi wuna jaintatsi Jesucristo pon Wanacanamataxeinaein petypaexae. Waxainchi jeichichi Nacomtha: "Barabu ataya tsitecaeya xeinaeya poponaename jinya pexeinya itupanae coicha yawa jinya neainya cui coyenewa. Matautano barabu ataya xeinaeya poponaename jinya neayapusu itorobi coyenewa, xuano xua jinya neayapusu exanae coyenewa. Daxita baxuan caena bayatha xeiname poxonae aena, xuano xua anoxuaeno xeiname yawano xua bexa tsane bara ataya xeinaename", jeichichi Nacomtha. Je, bara ichi tsane.

Baja Judas.

Meje Po Diboro Juan Tina Xua Yabara Tsiwanaya Tsita Itutatsi Pocotsiwa Exanaena Po Cae Pin Nacuathe

Meje yabara po diwesi pocotsiwan xua Jesucristo Paxa tsita itutatsi xua pocotsiwan xuya Juan tsita itutatsi

¹ Barapo diboroje xan Juan tinan. Pocotsiwan yabara tinan xua Nacom Jesucristo tsita itutatsi. Bara pocotsiwan Jesucristo xuya pijimonaetha tsiwanaeya tsita ituta pocotsiwan xua imoxoyo bara exanaenaba. Jesucristo pia matatsunpin inta itoroba xua xan Juan xuya tatsita itutatsinexa daxita baxuan xua imoxoyo bara exanaenaba.

² Daxota xan xuya xainwaichiya yabara tinan daxita xua pocotsiwa tan. Matautano tinanno xua jume tan xua Nacom paeba irano xua Jesucristo paeba.

³ Pon xua yorobina jiwitha po diwese pomonaetha pomonae Nacom pejume cowantsiwichi tatsi, bapon juntu coyene weiweina exanaeinchi xua Nacom juntu coyene weiweina exanaena. Irano pomonae jume tane barapo diwese yawano xua exanano xua pepaebixae barapo diwese, barapomonae juntu coyene weiweina exanaeinchiru. Daxota barapomonae juntu coyene weiweina tsipei baxuan imoxoyo exanaenaba.

Meje yabara xua Juan tatina pomonae pejume cowantsiwi, pomonae siete po matabaxumonaebe, pomonae nacaetuta xua Nacom wanae pejinchinexatsi

⁴ Xan, Juan, pacata tinatsi pomonae painya nejume cowantsiwi pam pomonae siete po matabaxumonaebe pam xua painya nenacaetutsi jiwi pam, xua wanae painya nejainchinexa Nacom. Paxam pomonae Asia nacuathe pajinompame. Paca tsipaebatsi xua Nacom anoxuae popona yawa caena bayatha popona yawa bexa ataya poponaena. Pacata wacatsi Nacomtha xua painya nepaca juntu coyene weiweina exanaenexa tsane. Yawa pacata wacatsi xua Nacom paca yawenaena pia painya nepaca caantobexae. Yawa pacata wacatsi Nacom pia Pejumo pe tanaaxi tatsi beya xua bapon baxuan pacata exanaena tsipei Nacom pia Pejumo pe tanaaxi tatsi siete po pexeinya juntu coyenebe pexeinaein. Barapo Pejumo pe tanaaxi Nacom peitabaratha tauncuatsi ichaxota Nacom eca pia pexeinya peecaethopaewatha.

⁵ Yawano pacata wacatsi Jesucristo xua bapon baxuan pacata exanaena. Barapon Jesucristo ataya xaniwaicha pepaebin. Bapon copiya equeicha asu naexana. Bapon asu canamata canaexana jiwi petupae coyene weya. Yawa bapon itoroba pomonaetha pomonae itorobiya pepa peewatsiwi ichamonae po cae pin nacuathe. Cristo naca antobe daxota naca tsitupa naetotha wanaca juntu coyene jantemainaenexa abe waexanae cuiru coyenewan.

⁶ Matautano Jesucristo naca exana xua piamonae tatsichi. Yawano sacerdotemonae naca cana exana watanacuichinexa tsainchi Nacom, pon Jesucristo Paxa tatsi. ¡Barabu Nacom ataya xeinaena xua pexeinya juntu coyene xua peainya cui coyenewa! ¡Yawano barabu Nacom ataya xeinaena xua pia peayapusu itorobi coyenewa! Je, bara ichi tsane.

⁷ ¡Matha pataema!

Cristo patopeicaena tsaquinaebowatha.

Daxita jiwi taena bapon

xua bapon taeinchi.

Iruru pomonae bapon cobe matatabarutatsi

naetotha bapon taeinchi.

Daxita nacuanpiwi, pomonae bapon jopa jume

cowantichi, daxita barapomonae juntu coyene

wecoyei tsane poxonae bapon taeinchi.

Je bara ichi tsane.

⁸ Nacom jeye: “Xan ponxaein apara ataya tsitecaeya tapoponaein xua poxonae aena daxita tamropata pitaban. Matautano bexano daxita coyenein wetsin tsipei ataya tsitecaeya bara tapoponaewa tsane”, jei Nacom pon jiwi Pecanamataxeinaein, pon itoroba pia peayapusu itorobi coyenewatha daxita nacuanmonae jiwitha. Bapon Nacom anoxuae popona, caena bayatha popona, yawa bexa tsane ataya poponaena.

Meje yabara poxonae Cristo pia peitupanae tsita itutsi coyenewatha tatsi Juan tsita itutatsi

⁹ Xan Juan ponxaein be pon painya eweicho nanatsicotan Jesús pijimonaexaetsi. Icha jiwi paca ichi xua paca anthuthurewe exana xua poxonae jopa xapain pacata exanaeyo,

anoxuae bara neichi. Jiwi anthuthurewe neexana tsipei waxainchi Nacom piamonaetsi jiwantsi pomonae Nacom itorobiya ewata. Tsipei Jesucristo paca yawena daxota cataunxuae pajume cowanta dubenanaebiyame Nacom, iru xandu barichin. Jiwi pecubi botha Patnos tunaetha neeta tapaebixae Nacom Pejume Diwesi yawano Jesús pejume diwesino tapaebixae.

¹⁰ Caentaqueitha, po mataqueitha peseicae mataqueitha bichocono Nacom pia Pejume tana tati neyanta coyene yusa exana. Tama werena jume tan pejume xua bichocono jume daunweya ajumetsaca be poxonae icha xua oba po peobiwa pewan trompeta.

¹¹ Nejei xua netsipaeba: “Xam yabara tinare diborotha daxita xua taneme. Barapo diboro bapoxonae caitorobare pomonaetha pomonae tana nejume cowantsiwitha pomonae siete po matabuxumonaebe pomonae nacaetuta xua Nacom wuna pejainchinexatsi. Barapomonaе jinompa Asia nacuatha. Barapo siete po matabuxumonaebe nacaetuta barompaya pia tomarantha tsiniya. Barapomonaе meje: Efeso tomarapiwi, iru Esmirna tomarapiwi, iru Pérgamo tomarapiwi, iru Tiatira tomarapiwi, iru Sardis tomarapiwi, iru Filadelfia tomarapiwi, iru Laodicea tomarapiwi”, nejei Jesucristo.

¹² Bapoxonaе napatomeicha necotaban tayaputaenexa pon xua netsipaeba. Poxonaе necoyan bapoxonaе tan siete xoyobe penainwan xua po nain pewan oro nain xua pentatutuntha itanacanoba.

¹³ Barapo siete xoyobe xua ichaxota pentatutuntha itanacanoba baxoyo pia xainya deca pon be pebin taenotan. Pon uncua apara ponxae itaboco wetsica pona, pon Nacom itapeta. Bapon naxatata paparuwa, po paparuwa apiya deca bichocono yawa taxu jayrecatsi. Yawa naepa cuta paparuwa po paparuwa bichocono pereca yawa jantacari jayatsinatsi yawa bichocono daedaena icha be oro nain ichi.

¹⁴ Pentanan tati bichocono inyapana icha be papu ichi, yawa icha be main axuto ichi. Yawano peitamaiqueitobe be isoto itareto.

¹⁵ Petaxu bichocono taxu daedaena icha be bronze nainto ichi xua bichocono nain daedaena poxonaе cataunxuae isotha nain boquiya. Pejume bichocono ajumetsa be poxonaе xua ainya menein busin.

¹⁶ Pemaxu coxa iya xeina siete po opiteitobe. Yawa pecoiboto tsina pichapeina cusi xua nantiya baru ducube. Peitabara bichocono daedaena icha be poxonaе xometo ichi poxonaе xua pentha xua poxonaе atsa.

¹⁷ Poxonaе bapon Jesucristo tan, imoxoyo iratha nabotaban bapon peitabaratha. Bara be tatupaeyo nabotaban. Bapoxonaе bapon pecobetha nejayaba po cobe pecoxa weya. Yawa Jesucristo nejei: “Jopa junuwinde. Xan ponxaein xua daxita taforotsin xua poxonaе aena. Yawano xan ponxaein xua tawetsin tsane daxita xua bexa tsane.

¹⁸ Xan ponxaein xua copiya bayatha tapoponaеin. Bequein bayatha tapan ichitha equeicha anoxuae asu poponan xua ataya petsifecaenexa. Nacom necata taitorobi coyenewa xua petupaewi taitorobeibinxua petupaе coyene nacua beya.

¹⁹ Daxota yabara tinare xuaunxuae pocotsiwa taneme. Yawano yabara tinare xua aunxuae taeponaename.

²⁰ Barapo siete opiteitobe xua taneme tacobe coxa weya yabara caunutatsi xua pomonae Nacom Pejume Diwesi pepaеbiwi, pomonae Nacom pejume cowantsiwichi pecanamataxeinaewichi. Yawa barapo siete xoyobe xua pentatutuntha itanacanoba xua baxoyo pia xainya deca uncuan baxua yabara caunutatsi pomonae siete po tomarabe matabuxu jiw, pomonae Nacom pejume cowantsiwichi”, jei Jesucristo pon xua uncua.

2

Meje yabara xua po diwesi Juan tatina Efeso tomarapiwi

¹ Jesucristo, pon xua uncua nejei: “Tatinare pon Nacom Pejume Diwesi pepaеbin pomonaetha tana nejume cowantsiwi pomonae Efeso tomaramonaе xua bapon petayorobinexa xua barapomonaе petayorobinexatsi. Jande: ‘Meje xua paeba pon pecobe coxa weya tati siete po opiteitobe tauncuatsi xuano xua uncua siete xoyobe pia xainya deca xua ichaxota pentatutuntha itanacanoba.

² Bapon jeye: Yaputan xua painta exaname po penacuichiwa xua daunwei xua jopa pabarapentsim. Yawano paca cui yaputainchi xua paichaxaibim xua exana pomonae peajuntucoyenebewi. Yawano bara yaputan xua jopa paca itata cui xainyei tsaihiyo poxonaе xua ichamonae atsaquiya paca jei: Paxan Jesús pia peitorobiwi tati pan, jei. Bara paxam payaputaneme xua barapomonaе pemuxuitorobiwi.

³ Beta pana najuntu wunaetame. Matauta jopa paacyenefaetabim, bequein ichamonae bichocono abe paca exana painya inta nacuichixaem.

⁴ Ichitha paca cui yaputainchi xua cae coyene paexaname xua po coyene aichaxaibin. Anoxuae be conotha pana neantobem. Jopa be ichiyo poxonae copiya matha pana neantobem nawita.

⁵ Payabara nanta xeinare xua poxonae copiya pana nejume cowantame xua poxonae bichocono pana neantobem. Icha jantã coyene paxeinare. Painta exanare icha paichim xua poxonae matha copiya beta painta exaname. Icha jopa pana neantobem tsane, nainya patopaein, yawa pichin painyawa xua pocotsiwa ichaxota pentatutuntha paitanacanobame, xua pichin painya tomara weya. Apara xua jan, daxita painya nenacaetutsi jiwi pam pana nenepentaponaename xua pata tana nejume cowantsiwam xua daxota jopa pana nejume cowantsim tsane jan.

⁶ Daichitha cae coyenewa ichichipan xua paexaname. Jantã coyene weiweinan tsipei pananta xeiname icha ichin xua pocotsiwa nanta xeinan. Paxam paichaxaibim pocotsiwa nicolaitamonae xua exana, pomonae bichocono abe peexanaewi. Xan irũũ aichaxaibin xua pocotsiwa exana barapomonae.

⁷ Paxam pomonae painya nejume cowantsi jiwi pam. Icha pamuxu dubename, pajume naitaeware xua pocotsiwa Nacom pia Pejumope tãaxũ tãtsi paca tsipaeba. Bapon jeye: Pomonae xua Jesucristo jume cowanta dubenanaebiyaeinchi beya xua yacuiya werapaeya othopaena barapomonae catsin Nacom pia peitorobi nacua beicha peajũtũyapũsũwa, po peajũtũyapũsũwa xua jopa weraweracaeyo, jei Nacom pia Pejumope tãaxũ tãtsi, jei Nacom Pexantõ, jande”, nejei Jesucristo pon xua uncua barapo siete xoyobe xua pentatutuntha itanacanoba xua baxoyo pia xainya deca tãtsi.

Meje yabara po diwesi Juan tatina Esmirna tomarapiwi

⁸ Pon Jesucristo xua uncua equeicha nejei: “Barichinde tatinare pon Nacom Pejume Diwesi pepaebin pomonaetha tana nejume cowantsiwi pomonae Esmirna tomaramonae, xua bapon petayorobinexa xua barapomonae petayorobinexatsi. Jande: ‘Meje xua paeba pon xua daxita forota poxonae aena. Yawano bapon daxita wetsina xua hexa tsane. Bequein bapon bayatha tãpa ichitha equeicha asũ popona xua ataya tsitecaeya tsane.

⁹ Bapon jeye: Yaputan daxita xua pocotsiwan paexaname. Bara paca tainchi xua paanthũthũtanem poxonae xua ichamonae pacata abe exana. Bequein paca tainchi xua paacopeibim ichitha apara bara paxeinaename pocotsiwa hexa Nacom paca catsibina. Daxota paxam be copei pexeinae jiwi pam. Yaputan pomonae atsaquiya najei: Paxan judiomonae pan, jei. Barapomonae abe paca yabara paeba. Daichitha barapomonae ı caurimonae pia pentacaponaein tãtsi bapon piamonae tãtsi.

¹⁰ Jopa pajunuwinde xua pocotsiwa ichamonae paca anthũthũtane exanaena xua tsipei pacata abe exanaena. Caurimonae pia pentacaponaein tãtsi itorobina ichũntha xua piraichi paca jiwana capanaena jiwi pecũbi bo beya xua daxota daxita paxam painya nenacui barapentsiwa tsane xua painya nejume cowantsiwa Nacom. Paxam paanthũthũtanem tsane diez po matabibibe. Daichitha pana najũntũ coyene daunweya wũnaere beya poxonae payacuiya werapaeya othopaename. Vapoxonae paxam paca catsibinchi xua be pentoma xua peantũyapũsũwa po peantũyapũsũwa xua jopa weraweracaeyo.

¹¹ Paxam pomonae painya nejume cowantsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope tãaxũ tãtsi paca tsipaeba. Bapon jeye: Pomonae xua Jesucristo jume cowanta dubenanaebiyaeinchi beya xua yacui werapaeya othopaena, Nacom jopa copatsi tsane xua barapomonae equeicha jopa ateneya werapae tsane, jei Nacom pia Pejumope tãaxũ tãtsi, jei Nacom Pexantõ, jande”, nejei Jesucristo pon xua uncua.

Meje yabara xua po diwesi Juan tatina Pãrgamo tomarapiwi

¹² Pon Jesucristo xua uncua equeicha nejei: “Barichinde tatinare pon Nacom Pejume Diwesi pepaebin pomonaetha tana nejume cowantsiwi pomonae Pãrgamo tomaramonae xua barapon petayorobinexa xua barapomonae peyorobinexatsi. Jande: ‘Meje xua paeba pon pecoboto tsina tapichapeinatsi cusi po wato nantiya barũ ducuae.

¹³ Bapon jeye: Bara yaputan xua daxita paexaname. Yawano yaputan xua painom-pame ichaxota caurimonae pia pentacaponaein tãtsi itorobeiba xua barapo tomarapiwi itorobeibatsi. Daichitha awiya pana nejume cowanta dubenanaebiyame. Jopa pabaparentsinde xua pata tana nejume cowantsiwam. Antipas bichocono nejume cowanta. Bequein bapon bexotsi painya xantha, daichitha awiya pana nejume cowanta dubenanaebiyame. Pomonae barapo tomaratha jinompa pomonae xua caurimonae pia pentacaponaein tãtsi itorobeiba barapomonae Antipas bexotsi.

¹⁴ Daichitha paca cui yaputainchi xua icha coyenein paexaname, po coyenein xua jopa ichichipaeinyo. Paxeiname Pãrgamo tomaratha pomonae xua painyamonae jiwana,

pomonaē barichi xua abe exana xua daxota jopa ichichipaeyo xua pepentsiwa xua pecuidubiwa pocotsiwa Balaam pia pecuidubi coyenewa tatsi. Bapon Balaam cuiduba, Balac cuidubatsi xua xuya Balac pecuidubinexa xua israelmonae pecuidubinexatsi xua israelmonae abe peexanaenexa. Po peabe coyene Balac cuiduba xua pinae israelmonae itac̄apatsi xua xane duwein po duwein poxonae bexuba ibo nacom nexa. Yawano Balac cuiduba xua pinae barapo israelmonae jopa abe exanaeyo poxonae nata siwa xeina dubenanaebiya yabuxi.

¹⁵ Barichi pomonaē painyamonaē jiwana pomonaē abe exana, barapomonaē ichichipa po pecuidubiwa pocotsiwa nicolaitamonaē pia pecuidubi coyenewa tatsi. Barapo nicolaitamonaē pia pecuidubi coyenewa tatsi bichocono aichaxaibin.

¹⁶ Daxota icha juntu coyene paxeinare. Icha jopa icha juntu coyene paxeinaem, nainya jemeicha baxota patopaein yawa paca beinchi cusitha, po watotha xua tacoiboto pichapeina.

¹⁷ Paxam pomonaē painya nejume cowantsi jiwī pam. Icha pamuxu dubename, moya pajume naitaeware xua pocotsiwa Nacom pia Pejumope t̄anax̄ tatsi paca tsipaeba. Bapon jeye: Pomonaē xua Jesucristo jume cowanta dubenanaebiyaeinchi beya xua yacui wera-paeya othopaena, barapomonaē catsin po pexaewa pew̄n maná, po pexaewa namicha boca xua ichamonaē jopa yabara yaputaeyo. Yawa barapomonaē catsin iboto, po iboto inyapana, barapo ibototha tinaena pena w̄n xua ichamonaē jopa w̄n taeyo. Saya meisa w̄n yaputaena pon xua catsin barapo iboto, jei Nacom pia Pejumope t̄anax̄ tatsi, jei Nacom Pexanto', jande", nejei Jesús pon xua uncuā.

Meje yabara po diwesi Juan tatina Tiatira tomarapiwi

¹⁸ Jesucristo pon uncuā equeicha nejei: "Barichinde tatinare pon Nacom Pejume Diwesi pepaebin pomonaetha tana nejume cowantsiwi pomonaē Tiatira tomaramonaē xua bapon petayorobinexa xua barapomonaē petayorobinexatsi. Jande: 'Meje xua paeba Nacom Pexanto tatsi, pon peitamaiqueitobetha be isoto itareto tarucuatsi. Yawano bapon bichocono taxu daedaena be penainto, pocotsi nainto pew̄n bronze.

¹⁹ Bapon jeye: Yaputan daxita xua po coyene paexaname, yawano yaputan xua paxam pana neantobem. Yawano yaputan pocotsiwa painya tana nejume cowantsiwam. Yawano yaputan xua pocotsiwa payawenama ichamonaē. Yawano yaputan xua saya beitatemaya juntema painompame poxonae bequein ichamonaē pacata abe exana. Yawano yaputan xua anoxuae nawita paexanapomonaē beyacaincha xua poxonae copiya paexaname.

²⁰ Daichitha paca cui yaputainchi xua pocotsiwa paexaname xua pocotsiwa aichaxaibin, xua jopa paitawetsim powa pew̄n Jezabel. Powa jei: Nacom nexa tapaebiwayan, jei. Daichitha tana nejume cowantsi jiwī muxuitorobatsi. Barapowa Jezabel tamonaē cuidubatsi xua bara nata siwa xeineibina yabuxi. Yawa bapowa cuidubano po coyene aichaxaibin xua tamonaē jain itorobatsi xua tamonaē xaena duwein, po duwein poxonae bexuba ibo nacom nexa. Barapo duwein jiwī cata ibo nacomtha poxonae w̄nae jainta pia ibo nacom.

²¹ Caena bayatha ewatan xua bapowa icha juntu coyene pexeinaenexa, ichitha bapowa baxua jopa beexanaeyo. Bapowa jopa juniya exanaeyo xua abe exanaponeiba.

²² Xan exanaein xua nainya bapowa atene tsanaya tsane, xua camatha pebocaenexa, abe peexanaexae. Ir̄n̄ pomonaē xua bapowa abe nanabar̄ exainchi barapomonaē atene tsane exanaein xua icha barapomonaē jopa nacui barapentsi tsane pocotsiwa bapowa cuiduba.

²³ Yawano bapowa pia pexui tatsi tajutebin. Bapoxonaē daxita pomonaē Nacom pejume cowantsiwichi neyaputaena po coyene xua xan deta cou jiwī tanth̄ath̄ yaputaein daxita xua poxonae exaneiba yawa daxita poxonae xua nanta xeineiba. Bapoxonaē daxita paxam barompaya paca catsibinchi be xua pentoma. Pomonaē xua xanapanaya paexaname, xua w̄nae paca catsibinchi. Pomonaē xua abe paexaname, xua peatenewa paca catsibinchi.

²⁴ Paca tsipaebatsi daxita pam pomonaē Tiatira tomarapiwi jiwana pam, xua pomonaē jopa paexanaem pocotsiwa xua Jezabel paca cuiduba, saya ichamonaē paxam jiwana pam, baxua exana. Paca tsipaebatsi pomonaē pam pomonaē jopa pananabar̄ nacuidubim pocotsiwa caurimonaē pia pentacaponaein tatsi pia coyenewan tatsi. Tsipei jopa paexanaem barapo coyenewa daxota jopa paca itorobi tsainchi icha coyene xua painya neexanaewa tsane, po coyene bichocono ayapube.

²⁵ Daichitha awiya pana nejume cowanta dubenanaebiyama beya poxonae equeicha patopeicaein.

²⁶ Awiya pajume cowanta dubenanaebiyama Nacom painya amanayabinexa tsane caurimonaē. Yawa awiya paexana dubenanaebiyama pocotsiwa xua xan ichichipan xua

beya payacui werapaeya othopaename. Pomonaē baxua exanaena, barapomonaē catsin taayapusu itorobi coyenewa xua peitorobeibinexa tsane po cae pin nacuathepiwi.

²⁷ Paca catsibinchi taitorobi coyenewa icha Taxa neichi xua necata pia peitorobi coyenewa. Icha pebin ichi xua poxonaē barapon daunweya wacataxuba juruwato penaintotha xua peexanaenexa peruruwixi, bara juta ichi tsane pomonaē nejume cowanta. Barapomonaē daunweya itorobina barapo cae pin nacuathepiwi beya poxonaē daxita weraweracaena abe peexanaexae.

²⁸ Bapoxonaē yawa paca catsibinchi po coyene xua tapaca baru poponaewatsi. Barapo coyene bichocono wnae tsane, icha jarawato ichi xua jiwi bichocono tsita wnaetsi potomataquei pewnaeya ecoina.

²⁹ Paxam pomonaē painya nejume cowantsi jiwi pam. Icha pamuxu dubename, moyapajume naitaeware xua pocotsiwa Nacom pia Pejumope tana xua tati paca tsipaeba, jei Nacom Pexanto', jande", nejei Jesús, pon xua uncuā.

3

Meje yabara po diwesi Juan tatina Sardis tomarapiwi

¹ Jesucristo, pon xua uncuā siete xoyobe pia xainya deca xua ichaxota pentatutuntha itanacanoba, equeicha nejei: "Barichinde tatinare pon Nacom Pejume Diwesi pepaēbin pomonaē tana nejume cowantsiwi pomonaē Sardis tomaramonaē xua bapon petayorobinexa xua barapomonaē petayorobinexa. Jande: 'Meje xua paeba Jesucristo pon xua xaina siete po pexeinya juntu coyenebe, po coyenebe xua Nacom pia Pejumope tana xua tati Jesucristo catatsi. Yawa bapon xaina siete po opiteitobe pecobe weya, po cobe pecoxa weya. Bapon jeye: Yaputan daxita xua paxam paexaname. Bequein jiwi paca yabara nanta xaina xua paxam painta beta exaname, daichitha apara jopa painta beta exanaem. Daxota paxam netsita be pomonaē pewerapae jiwi pam.

² Pana najuntu coyene tsacabare. Payawende pomonaē tana nejume cowantsiwi xua pejuntu coyene wnae nexa, tsipei barapomonaē be pewerapaei pejuntu coyene natsepaeaxae. Paca tainchi xua pocotsiwa paexaname. Baxua jopa Nacom tsita wnaetsi.

³ Daxota pananta xeinare xua pocotsiwa bayatha paca cuiduba. Bapoxonaē bapocotsiwa paexande yawano bapoxonaē icha juntu coyene paxeinare Nacomtha xua equeicha caewa painya nejume cowantsiwa tsane. Icha jopa baxua paexanaem tsane, bapoxonaē nainya jemeicha patopaēin paxamtha poxonaē jopa payaputaem xua patopaēin. Exanaēin icha be pocotsin pon pecaibin ichi xua jemeicha patopa.

⁴ Daichitha paxeiname barapo tomaratha, Sardis tomaratha, pomonaē tana nejume cowantsiwi. Barapomonaē penthuthu xei cae jiwi. Jopa xainaeyo po coyene xua peajuntucoyenebewa tsipei jopa abe exanaeyo. Barapomonaē nebaru jinompaena. Yawa nama xatabina paparuwan, po paparuwan inyapana tsipei barapomonaē exana dubenanaēbiya pocotsiwa xua itoroban.

⁵ Pomonaē xua nejume cowanta dubenanaēbiyaena xua beya yacui werapaeya othopaena barapomonaē nama xatabina po paparuwan inyapana. Yawa pomonaē wun dubena Nacom pia diborotha xua pomonaē ataya pejinompaenexa tsane xua jopa weraweracaeyo, barapomonaē jopa wun iquicaēin tsane. Yawano wun yaputane exanaēin Taxa Nacomtha yawano Nacom pia matatsunpiwi tati peitabarathano.

⁶ Paxam pomonaē painya nejume cowantsi jiwi pam. Icha pamuxu dubename, moyapajume naitaeware xua pocotsiwa Nacom pia Pejumope tana xua tati paca tsipaeba, jei Nacom Pexanto', jande", nejei Jesús, pon xua uncuā.

Meje yabara po diwesi Juan tatina Filadelfia tomarapiwi

⁷ Equeicha Jesucristo pon xua uncuā nejei: "Barichinde tatinare pon Nacom Pejume Diwesi pepaēbin pomonaē tana nejume cowantsiwi pomonaē Filadelfia tomarapiwi xua bapon petayorobinexa xua barapomonaē petayorobinexatsi. Jande: 'Nacom Pexanto tati, bapon bichocono pejuntu coyene xanepanaēin Nacomtha xua jopa penaticuenta siwa Nacomtha xua abe peexanaexae. Yawa bapon bara xaniwaicha pepaēbin. Yawa bapon pon naca yawena xua patinchi Nacom pia peitorobi nacua beicha. Bapon naca yawenaena icha matha pon peboupa peewatsin ichi xua poxonaē David yawenatsi. Bapon pon peboupa peewatsin David taewatatsi pia pexeinya peecaethopeibi bo tati. Bapon David pon caena bayatha Israel nacua monaē itorobiya pia pepa peewatsinchi. Bapon pon peboupa peewatsin pia peitorobi coyenewa xaina xua poxonaē bapon peboupa saranaxuba ichun jopa itacupaetsi xua peboupa xatataba. Yawa poxonaē bapon peboupa xatataba ichun jopa itacupaetsi xua saranaxuba. Icha bapon ichi, barichi Nacom Pexanto tati pia peitorobi coyenewa xaina. Bapon copata xua pijimonaē tati patsina Nacom pia nacua beicha. Yawano jopa copatsiyo xua ichamonae patsina Nacom pia nacua tati beicha. Ichun jopa

itac̄paetsi xua ichawa paeba Nacom Pexanto tatsi beya. Anoxuae nama Nacom Pexanto paca tsipaeba, jeye:

⁸ Yaputan xua daxita paexaname. Xan copatan xua tajume diwesi pacaponame ichamonaetha. Ich̄n̄ jopa itac̄paetsi xua paca jume itaweta xua daxota jopa painya necaponae-wa barapo diwesi. Bequein saya tsiwiyo paaj̄nt̄cuicoyenesum, daichitha awiya tajume diwesi pacueicueijam yawa jopa pana nepentsim xua painya tana nejume cowantsiwam.

⁹ Ichitha pomonae naerabiya jei: Paxan, judiomonae pan, jei, barapomanae, Satanás, caurimonae pia pentacaponaein tatsi bapon piamonae tatsi tsipei jopa benejume cowantsiyo. Xan exanaein xua barapomonaе patsina paxamtha pentabocototha peumenaenexa tsane painya itabaratha w̄nae painya nepaca jainchinexa tsane. Bapoxonae barapomonaе yaputaena xua xan tapaca caantobewichi pam.

¹⁰ Pajume cowantsiya exana dubenanaebiyama po coyene xua paca itorobatsi xua beatemaya painompame xua jopa painya neaitaconaewa poxonae bequein ichamonaе paca yabara abe exana. Daxota barapo matacabi, po mataqueitha poxonae caurimonae pia pentacaponaein tatsi daxita barapo cae pin nacuathe jiwi j̄nt̄ coyene j̄j̄utinchi, poxonae jiwi bichocono atene exanaeinchi bara paca capanenebiya exanaeinchi. Caurimonae pia pentacaponaein tatsi j̄nt̄ coyene j̄j̄utsina pomonaetha pomonae Nacom pejume cowantsiwichi poxonae bichocono atene exanaeinchi xua daxota Nacom jopa pejume cowantsiwa tsainchi.

¹¹ Imoxoyo patopeicaein. Xaniwaicha beta paxeinare pocotsiwa xua tapana nejume cowantsiwam xua bexa Nacom paca catsina pocotsiwa paca j̄ntana jeba pia nacuatheicha beta painya tana nejume cowanta dubenanaebiyaxaemxa. Jopa pacapatsinde xua ich̄n̄ paca exanaena xua abe painya neexanaewa tsane xua daxota jopa painya nexainaewa tsane pocotsiwa paca j̄ntana jeba pia nacuatheicha.

¹² Pomonae xua nejume cowanta dubenanaebiyaena barapomonaе bichocono j̄nt̄ coyene ayarus̄nya daunweya exanaein xua pepatsinexa tsane Nacom pia nacua beicha. Bapoxonae barapona jopa ponaе tsane Nacom pia nacua weya. Bapoxonae barapomonaetha catsin po w̄n̄ Taxa Nacom pew̄n̄, xua jiwi peyaputaenexa xua barapomonaе apara Nacom piamonae tatsi. Yawa catsin po w̄n̄ pena Jerusalén tomara pew̄n̄, po tomara Nacom pia tomara tatsi ichaxota jinompa pomonae peantobewichi Nacom. Barapo Jerusalén tomara itaboco wetsica pona ichaxoteicha xua Tanacom popona. Yawano catsin barapomonaetha taw̄n̄, po w̄n̄ pena w̄n̄.

¹³ Paxam pomonae painya nejume cowantsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope t̄naxu tatsi paca tsipaeba, jei Nacom Pexanto', jande", nejei Jesús pon xua uncuа.

Meje yabara po diwesi Juan tatina Laodicea tomarapiwi

¹⁴ Jesucristo, pon xua uncuа siete xoyobe pia xainya deca xua ichaxota pentatutuntha itanacanoba, equeicha nejei: “Barichinde tatinare pon Nacom Pejume Diwesi pepaebin pomonaetha tana nejume cowantsiwi, pomonae Laodicea tomarapiwi xua bapon petayorobinexa xua barapomonaе petayorobinexa. Jande: ‘Meje xua paeba pon xaniwaicha pepaebin pon xua xaniwaicha beta naca yabara caunutsiya paeba Nacomtha. Pon xua caena bayatha daxita forota.

¹⁵⁻¹⁶ Yaputan daxita pocotsiwa paxam paexaname. Paxam paca tsipaebatsi xua be paichimje: Ichamonaе ba aichaxaibi xua apa poxonae po mera mene t̄na xuano xua poxonae aque aibi yawa poxonae atou aibi. Bapoxonae mene sutabina. Paxam be barapocotsi mera pana nacayabara tsicotaneme. Paxam conotha pana nejume cowantame. Jopa panepentsim xua pata tana nejume cowantsiwam. Matautano jopa bichocono paichichipaem xua painya neexanaewa pocotsiwa paca itorobatsi. Daxota anaya paca xubinchi tsipei conotha pana nejume cowantame icha xua pebin ichi xua anaya mene sutabina tsipei mene t̄na.

¹⁷ Payabara paebame po coyene xua copei painya nexainaewi pam. Yawa payabara paebame po coyene xua painya coutha pana nayaweneibame xua jopa pacata acobi tsaihiyo xua pocotsiwan panantawenoname. Ichitha jopa payaputaebenaem xua pocotsiwa paca yabara nanta xeinatsi xua pebiwi tsobenae, paca yabara jeichi. Matautano jopa payaputaem xua paxam be pomonae peacopeibiwi pana natsicotaneme. Yawano be pomonae peitata nac̄tsi jiwi pana natsicotaneme. Yawano be pomonae tamasaina pana natsicotaneme. Apara xua jan: Paxam be barapomonaе pam tsipei jopa beta painya j̄nt̄ coyenewatha pana nejume cowantsim. Yawa jopa beta painta nacuichim, jan.

¹⁸ Daxota paca tsipaebatsi. Pana necomocare po penainwan pew̄n̄ oro nain po nain xua daunwei xua poxoru isototha pesetsixae xua pexubinexa pocotsiwa abe. Bapoxonae xaniwaicha bara copei painya nexainaewi pam tsane. Yawano pana necomocare po

paparuwan inyapana tha tapaca cajuma xatabinexa tsane, tha tapaca cajuma acabinex-atsi xua pajumasainame xua painya neauraxae. Matautano pana necomacare pewnya tabotsinexa painya itamaiqueitha bapoxonae beta pataename. Apara xua jan: Pana newncare xua poxonae po coyene xua beta paca juntu coyene exanaeinchi xua jopa painya nexainaewam tsane painya juntu coyeneintha, pocotsiwa xua abe, jan.

¹⁹ Pomona xua antobein cui itawetan xua abe exana. Equeiche cuiduban xua jopa peexanaenexa baxuan. Yawano bichocono pana nejume cownde yawano icha juntu coyene paxinare.

²⁰ Pataema bo coibototha uncuan yawa wawan. Icha pebin nejume tane yawa inta coibo sarana xorena bara joniyan yawa bara pana nabaru xanbe pia bothaxae.

²¹ Taxa jume cownta ducunaebiyon xua neitoroba beya xua poxonae bayatha tpan. Daxota Taxa necopata xua taecaenexa imoxoyo ichaxota Taxa pia pexeinya peecaethopeibiwa tatsi tauncuatsi. Icha Taxa neichi baxua, barichin tsane pomonaetha pomonae tana nejume cowntsiwi. Pomonae nejume cownta dubenanaebiyaena xua itoroban, xua beya yacui werapaeya othopaena, barapomonae copatsin xua peenaenexa ichaxota imoxoyo pexeinya taegueibithopeibiwa inta uncua.

²² Paxam pomonae painya nejume cowntsi jiwí pam. Icha pamuxu dubename, moyá pajume naitaeware xua pocotsiwa Nacom pia Pejumope tana xua tatsi paca tsipaeba, jei Nacom Pexanto', jande", nejéi Jesús pon xua uncua.

4

Meje yabara po diwesi xua xuan Juan tsita naitu tatsi peitabocotha

¹ Poxonae baxua weta, tan peitabocotha be bo boupa xua boupa yeyetanota. Yawano jume tan pejume, po jume xua copiya jume tan, po jume xua bichocono jume daunweya ajumetsaca be poxonae xua oba po peobiwa pewn trompeta. Bapon Jesús nejéi: "Anetha tsinande taxainya betsina. Catsita itutsinchi xua pocotsiwa bexa tsane exanaena", nejéi Jesús.

² Bapoxonae nama bichocono Nacom pia Pejumope tana xua tatsi nejuntu yuca exana. Peitabocotha tan xua ducua pocotsiwa pexeinya peenaethopeibiwa, yawano tan pon xua equiya baxota.

³ Pon xua equiya baxoteicha bichocono itabara daedaena icha iboto ichi pocotsi iboto xua bichocono daedaena pocotsi iboto xua bichocono ainya matoma, po iboto pewn jaspe, yawa be pocotsi iboto pewn cornalina. Yawano matawacaicha matatsun uncueicatsi coinwawa. Barapo coinwawa bichocono sajeya pentha exana icha iboto ichi pocotsi iboto pewn esmeralda.

⁴ Barapo pexeinya peecaethopeibiwa pia matawacaicha tatsi, tan icha peenaethopeibiwan veinticuatro po peenaethopeibiwan xoyobe. Barapo peenaethopeibiwantha ena pitiri jiwí xua matauta veinticuatro poyobe. Yawano barapo pitiri jiwí nama xataba paparuwan, po paparuwan inyapana yawano nanta xataba pocotsiwa be tepa xua penainwan, po penainwan pewn oro nain.

⁵ Barapo pexeinya peecaethopeibiwa weya be yamuxu busi xua jurujurei. Yawano jerajerei. Yawano barapo peecaethopeibiwa peitabaratha tatsi umena pecoicha be xua pocotsiwa banaxu. Barapo siete banaxutobe coichabe yabara caunuta xua Nacom pia Pejumope tana xua tatsi xaina siete po pexeinya juntu coyenebe.

⁶ Barapo peecaethopeibiwa peitabaratha ducua xua pocotsiwa pentha pocotsiwa icha pin mene mar ichi xua mene itarana yawa icha bosibu muxupawa ichi xua penthiya.

Barapo peecaethopeibiwa baxota imoxoyo umena cuatro poyobe pocotsiwa xua asu. Barapo cuatro poyobe nantiyon itamaiquei dubena peitabara weyano yawa peuma werenano.

⁷ Barapo cuatro poyobe jiwana xua xuan asu, pon copiya be neuthu itabara, iru ichun be vaca pebto itabara, iru ichun be jiton itabara, iru ichun be cotsara itabara, pon pepupunaein.

⁸ Barapo cuatro poyobe daxita barompaya xaina seis po cuarafeinbe. Matautano barompaya ainya itamaiquei xaina daxita matapaeicha pepontha yawano matha iya itamaiquei dubeinya. Mataqueitha, merawithano jopa cuinaya najume copababiyo xua cueicueijeí Nacomtha pon xua eca barapo pia peecaethopeiwatha, jeje:

"¡Xam pon bichocono nejuntu coyene xanepanaem, xua bapana jopa nexainaewa abe peexanaewa!

¡Xam pon jiwí Necanamataxeinaem!

¡Xam Nacom, pon neayapusu itorobi

coyenewa xeiname!

¡Xam pon caena bayatha poponeibame xuanu
xua anoxuae poponeibame xuanu xua bexa
ataya tsitecaeya poponaename!”
jei barapo cuatro poyobe poxonae
cueicueijejei Nacomtha.

⁹ Pon xua pexeinya pia peecaethopeibiwatha eca, pon xua ataya popona, bapon wūnae jaintatsi, barapo cuatro poyobe wūnae jainta. Baxua exana tsipei bapon pexeinya jūntu coyene pexeinaein, matautano tsipei bapon ainya cui coyenewan peexanaein. Matautano bapon jeichichi: “Maisa pajūntu coyene weiweinan pocotsiwan pata tana necatsixaemxae”, jeichichi bapon.

¹⁰ Poxonae barapo cuatro poyobe wūnae jainta, bapoxonaeru pitiri jiwi xua veinticuatro poyobe xua barompaya pia peenaethopeibiwatha ena, barapomonae iru pentabocototha umena xua wūnae pejainchinexatsi pon ataya pepoponeibin. Yawa barapo veinticuatro poyobe nanta tēpa wejonapenta. Bapoxonae jeba pon ataya pepoponaein peitabaratha tatsi. Bapoxonae jeye:

¹¹ “Pata Tanecanamataxeinaem,
yawano xam pata Nacom.
Maisa wūnae xua paexana dubenanaebiyān
ichamonaetha pata yabara cueicueijeinexa
jinya pexeinya jūntu coyene yawa jinya
pexeinya ainya cui coyenewan, yawano
jinya neayapusu itorobi coyenewa.
Baxuan paexanan tsipei xam daxita forotame.
Tsipei xam neichichipaexae daxota baxuan
forotame”, jei barapo pitiri jiwi.

5

Meje yabara po diwesi xua poxonae Juan tane Nacom pia diboro

¹ Bapoxonae tan diboro pecobe weya, po cobe pecoxa weya xua pon xua eca peecaethopeibiwatha. Barapo diboro quiyontsiya matuba yawano barapo diboro nantiyabe muxunene tina yawa catsababa siete xoyobe xua pocotsiwa pecatsababiwa.

² Yawano tan matatsunpin pon peitorobi coyenewa xeina. Yawano jume daunweya yainyaba jeye: “¿Jintam Nacom tsitatsi pon pejūntu coyene xanepanaein pontha pon xua Nacom daxota copatsina xua barapo pecatsatabiwa petsitsinaxubiwa tsane xua pepataxubiwa tsane barapo diboro?” jei bapon.

³ Ichitha dapocotsin aibi pon itabocototha popona, iru pon xua popona po irathe, iruru pon popona po ire pema bereca. Tsipei dapon aibi pon bichocono pejūntu coyene xanepanaein xua pontha pon Nacom copata xua peitacupaewatsi xua pepataxubiwa tsane yawa xua peyorobiwa tsane barapo diboro.

⁴ Bapoxonae bichocono wecoyan tsipei dapon aibi pon xua bichocono pejūntu coyene xeicaein xua pon itacupatsi pepataxubiwa tsane yawa xua peyorobiwa tsane barapo diboro.

⁵ Bapoxonae caein barapo pitiri jiwi, nejei: “Jopa equeicha wecoyande. Tsipei pon uncuā pon wun dutatsi: ‘León’, jei xua po wun jei: ‘neuthu’, jei bapontha Nacom copata xua exana baxua tsipei pia peayapusu itorobiwa canamataxeina. Apra bapon Judá piamonae jiwi jiwana tatsi, pon Judá caena bayatha tupa. Barichi bapon apra David pia pemomoxi susato jiwana tatsi, pon David Judea nacuapiwi itorobiwa pia pepa peewatsinchi caena bayatha. Saya meisa bapontha Nacom copata xua itacupatsi xua tsitacutsina barapo siete xoyobe xua catsataba barapo diboro peamanayabixae xua poxonae equeicha caewa asu poxonae tupa naetotha”, jei pitirin.

⁶ Bapoxonae tan Cordero xua oveja pebto penun, pon uncuā Nacom pia pexeinya peecaethopeibiwatha peitabaratha tatsi yawa xua barapo cuatro poyobe peitabaratha tatsi xua xuan asu, yawano pitiri jiwi pia xainya deca tatsi. Barapo Cordero uncuā bequein wan xeina xua poxonae bayatha tsibexotsi jiwi abe pia peexanae cuiru coyenein tatsi. Barapo Cordero siete po itamaiqueitobe xeina matautano siete pontetobe xeina. Barapo siete itamaiqueitobe yabara caunuta siete po pexeinya jūntu coyenebe xua Nacom pia Pejumope tūnaxu tatsi xeina. Nacom najumope itoroba daxita irantha.

⁷ Barapo Cordero wecobe pita barapo diboro pecobe weya, po cobe pecoxa weya tatsi pon xua eca pia pexeinya peecaethopeibiwatha.

⁸ Poxonae Cordero pita barapo diboro, bapoxonae barapo veinticuatro pitiri jiwi, iru cuatro poyobe xua xuan asu daxita barapomonae pentabocototha umena barapo Cordero

peitabaratha tatsi. Daxita barapo pitiri jwi barompaya xeina xua pocotsiwan pexeinya petanbabiwan pocotsiwan pewan arpa. Yawano barompaya xeina pocotsiwan peaca-paewan xua pocotsiwan pewan oro nain. Yawa barapo peacaapaewixitha wamba xua pocotsiwan petuxueiwan pocotsiwa tuxusi benata poxonae tauta. Barapo petuxueiwa yabara caunuta xua pocotsiwa poxonae pewucaewa Nacomtha pomonae xua Nacom piamonae, pomonae pia peantobewichi tatsi.

⁹ Barapomonae pena wei naxana, jeye:

“Xam maisa pon bichocono nejuntu coyene xanepanaein xua netsitsinaxubiwa barapo siete xoyobe xua catsataba barapo diboro.

Tsipei bayatha pana netsitupame poxonae paita pentoma exaname pata naexanaenexa tsane Nacom piamonae tatsi.

Yawano jiwana itapetame, pomonae tsicamonaexi xua daxita carepaya tsicamonaexitha xua necajume cowantsiwa tsane.

Matautano jiwana itapetame daxita i dapomonae, pomonae barompaya icha jume penatsipaebiwa.

Matautano daxita carepaya tomaranpiwi jiwana itapetame.

Matautano daxita carepaya nacuanpiwi jiwana itapetame.

¹⁰ Pana necana exaname be pomonae jwi itorobiya pia pepa peewatsiwichi tatsi pan.

Yawa pana exanameno be pomonae sacerdotemonaepiwi pan xua Nacom pata tanacuichinexa.

Yawano pana exaname pata itorobiya ewatsinexa po cae pin nacuathepiwi”, jei barapomonae poxonae naxana.

¹¹ Bapoxonae necotan, yawan jume tan xua bichocono pinmonae juinya pomonae Nacom pia matatsunpiwi, xua juinya barapo pexeinya peecaethopeiwiwatha matawacaicha umena, yawa xua juinya barapo pitiri jwi matawacaicha umeinchi, yawa xua juinya matawacaicha umeinchi barapo cuatro poyobe xua xuan asa. Pomonae jume tan bichocono ayei jwi cacujei.

¹² Bapoxonae barapomonae bichocono jume daunweya paeba, jeye:

“¡Cordero, po Cordero bayatha jwi tsibexotsi abe pia peexanae coyenewan tatsi, maisa barapo Cordero Nacom tsita juntu coyene xanepanatsi!

Daxota Nacom copata xua bapon xeina pia peayarus itorobi coyenewa.

Matautano Nacom copata xua bapon xeina daxita pocotsiwan xua Nacom xeina.

Yawano xeina pia peyaputae coyenewan.

Yawano xeina pia peayaruswa xua daunweya peexanaewa.

Matautano jwi bewa bar cui

itura jinaena barapon pon Cordero.

Matautano jwi bewa wanae jainchina barapon pon Cordero.

Matautano jwi bewa beta exanae juntu coyene weiweina peexanaenexatsi bapon xua petsitupaexae jwi abe pia peexanae cuiru coyenein tatsi”, jei barapo matatsunpiwi.

¹³ Yawano equeicha jume tan daxita pomonae caena bayatha Nacom forota: pomonae peitabocotha forotatsi, irano pomonae po cae pin nacuathe forotatsi, irano pomonae po ire pema wetsina forotatsi. Yawano jume tan xua pocotsiwan pin mene mar mentha jinompa. Daxita baxuan carepaya Nacom forota. Jume tan xua jeye:

“Xam Nacom, pon ecame jinya pexeinya neecaethopeiwiwatha irano xam Corderom, barabu ataya juntu coyene weiweina

paca exanaenabe xua jiwi juntu coyene
weiweina paca exanaenabe xua
pocotsiwa painya neexanaexaebe.
Barabu daxita jiwi paca baru cui
itura jineibinabe.

Yawano barabu daxita jiwi wuna
paca jainteibinabe.

Yawano barabu paxeineibinamebe peayapuswa
xua daunweya painya neexaneibiwabe.

Daxita barapo coyenein ataya tsitecaeya
paxeineibinamebe", jei daxita
barapomona, pomona Nacom forota.

¹⁴ Barapo cuatro poyobe xua xuan asu, jeye: "¡Bara bara, bara baxua exanaena!" jei.
Pitiri jiwi, pomona veinticuatro poyobe, pentabocototha umena, xua Nacom wuna
pejainchinexatsi, pon ataya tsitecaeya popona.

6

Meje yabara po diwesi xua siete xoyobe xua xuan pecatsababiwan

¹ Bapoxonae tan poxonae Cordero tsitsinaxuba caewa xua catsataba. Bapoxonae caein
jiwana pomona cuatro poyobe xua xuan asu jume tan xua daunweya paeba xua be
yamuxu busi, nejei: "¡Anetha, taema!" jei.

² Bapoxonae tan cawayu permainan. Pon cawayutha equeica, bapon bicheibi caequeica.
Bapon pexeinya tepa catatsi penamata xatatsinexa. Bapon cawayutha ponataba xua beta
penabinexa. Bapon amanayaba pia peitaefaetabiwichi.

³ Poxonae Cordero equeicha tsitsinaxuba icha pecatsatabiwa, bapoxonae barapo cuatro
poyobe jiwana xua xuan asu jume tan, nejei: "¡Anetha, taema!" jei.

⁴ Equeicha patopa ichan cawayu petsobian. Pon tsijuma equeica, bapon catatsi peaya-
pusu itorobi coyenewa xua jiwi pejuntu coyene wepuxana exanaenexatsi po coyene xua
juntema pejinompaewa. Yawano peexanaenexa xua pebiwi penajutebinexa. Matautano
bapon pin dejona catatsi.

⁵ Poxonae Cordero equeicha tsitsinaxuba icha pecatsatabiwa, bapoxonae equeicha
barapo cuatro poyobe jiwana xua xuan asu jume tan, nejei: "¡Anetha, taema!" jei. Equeicha
cawayu tan petsaebian. Pon tsijuma equeica, bapon comaequeica pocotsiwa pepesabiwa.

⁶ Bapoxonae barapo cuatro poyobe pia xantha jume tan xua nejei: "Saya cae kilo trigo
xu cae denario nantomatsina, pocotsi paratixi xua nantomata caentaqueitha poxonae
nacuita. Yawano tres po kilobe cebada beno cae denario nantomatsina pocotsi paratixi
xua nantomata caentaqueitha poxonae nacuita. Ichitha jopa copatsin tsane xua abe
exanaena aceite mera yawano vino mera", jei pon jume tan.

⁷ Barapoxonae barapo cuatro poyobe xua opi ducuanaya jume tan yawa nejei: "¡Anetha,
taema!" jei.

⁸ Bapoxonae cawayu ichan tan pon na daena. Pon tsijuma equeica wan dutatsi: "Pon
Petapaecin", jei. Barapo cawayu peputha tapoinchi ichan cawayu. Pon tsijuma equeica wan
dutatsi: "Petapaewa Nacua", jei. Pon tsijuma equeicabe baponbe catatsibe Cordero pia
peayapusu itorobi coyenewa tatsi xua baponbe pejiwana bexubinexabe poxonae cuatro
poyobe necotabe pomona po cae pin nacuathe jinompe, yawano xua pejutebinexabe
poxonae jiwi naba, yawano pejutebinexabe poxonae jiwi piyain poxoru pexaewa aibi
tsane, yawano pejutebinexabe poxonae jiwi atene, yawano pejutebinexabe unupiwi xua
xuan bichocono anaepana.

⁹ Poxonae Cordero tsitsinaxuba ichaxota xua cinco po cuiyobe xua pecatsatabiwa,
bapoxonae tan xua be pexaethopaewa ichaxota tauteiba duwei xua tuxusi exaneiba
Nacom nexa. Baraxua xua be pexaethopaewa juma bereca tan pomona bayatha jutebatsi
ichamonae, pecaponaexae Nacom Pejume Diwesi xua amsiya awiya pecueicueijeixae.

¹⁰ Pomona xua bayatha jutebatsi ichamonae, barapomona jume daunweya paeba,
jeye: "Nacom ponxaem pepa Necanamataxeinaem daxita jiwi, Nacom ponxaem bi-
chocono nejuntu coyene xeicaem. Xam ponxaem pocotsiwan yabara tsiwana muxu
dubame baxuan xaniwaicha exaname. ¿Eta poxonae exanaename xua poxonae jiwi
yabara paebiname xua penatsicuentisiwa xua abe peexanaexae, xuan xua pana yan-
tomatsiname xua nejutebinexa pomona jinompa po cae pin nacuathe copiya pata tana
nejutebixae?" jei barapomona.

¹¹ Bapoxonae barapomona juma xatabatsi paparuwan, po paparuwan inyapana.
Yawano barapomona baraichichi: "Abu cataunxae paware beya poxonae yacui po

ducuiya weraweracaena xua cataunxuae jujutebaponaeinchi pomonae iru Cristo pejume cowantsiwi. Barapomonae jujutebaponaeinchi pecueicueijeixae Cristo pejume diwesi, icha xua poxonae paichim”, jei Nacom.

¹² Poxonae Cordero tsitsinaxuba pecatsatabiwa xua seis po cuiyobetha, bapoxonae tan xua bichocono ira jijiyata. Xometo bichocono tsaebia tsanaya icha paparuwa ichi, pocotsi paparuwa bichocono tsaebia. Jomocoichato bichocono tsoabia tsanaya icha pejana ichi.

¹³ Opitei xua peitabocotha dubena othopeica po irathe tsique, icha be joibo ichi xua jubaba higuera nae xua pethei othothepeica.

¹⁴ Peitaboco aichurucuae icha be poxonae ichan ichi xua poxonae mata quiyontaba papera. Matautano demxuwan, petunaetonno equeicha ichawa bepoinya poxonae ira jijiyata.

¹⁵ Bapoxonae daxita pomonae jiwi itorobiya pia pepa peewatsiwichi tatsi xua barapo cae pin nacuae, barapomonae nantsiyaba. Iru pomonae pentacaponaeawi iru pomonae copei pexeinaewi, iru pomonae soldadomonae pia pentacaponaeawi xua pomonae jiwi peamanayabeibi jiwi daxita barapomonae nantsiyaba. Daxitaru pomonae pebusi cui tatayebeibiwichi iru pomonae xua saya penata exanaewi piawan nantsiyabaru. Ichamonae barapomonae jiwana ibo muthantha nantsiyaba. Ichamonae barapomonae jiwana nantsiyaba po ibotontha xua saya bobena xua demxuwan itapatororon tsica.

¹⁶ Barapomonae demxuwan beya yawa iboton beya jeye: “Pana mataperababare xua pata werapaewa tsane xua daxota pon xua eca pia pexeinya peecaethopeibiwatha jopa pata tana netaewa tsane, yawa xua barapo Cordero pecuiyainwa xua pata neperaxa jubiya exanaeyainwa xua abe pata exanaexae.

¹⁷ Tsipei barapo matacabi patopa po mataqueitha daxita jiwi peraxa jubebinchí. Dapon aibi pon panepa barapo mataqueitha”, jei pomonae nantsiyaba.

7

Meje yabara po diwesi xua Nacom itapa tina Israel pia pexui tatsi pia pemomoxi susato jiwana piwi tatsi xua peyaitaenexa

¹ Bapoxonae cuatro poyobe tan matatsunpiwi xua iratha umena. Ichán uncua ichaxota pocotsiwa xometo weecoina, ichán uncua ichaxota pocotsiwa xometo bejopiya, ichánbe epatautiya uncuabe. Barapo matatsunpiwi jopa copatsiyo xua joibo pejojondenaewa barapo iratha dena, yawa xua pin mar mención dena, yawano naeintha denano.

² Barichi ichán tan ichán matatsunpin pon pocotsiwa wetsina pona ichaxota pocotsiwa xometo weecoina. Barapo matatsunpin capona Nacom piawa xua pocotsiwa peyaputaewa piawaxae, pocotsiwa pecatinaewa pon Nacom peayapusu itorobi coyenewa pexeinaein. Barapo matatsunpin jume daunweya wawai icha matatsunpiwi beya xua cuatro poyobe, po cuatro poyobe pia peayapusu itorobi coyenewa xeina xua itacpatsi xua abe exanaena pin mene mar mentha yawa iratha.

³ Barapo matatsunpin jeye: “Jopa abe paexanaeinde iratha yawa pin mene mar mentha, paeware abu beya poxonae jiwi paitapa tinaein Nacom pia pejume cowantsiwichi, pon pata Nacom”, jei barapo matatsunpin.

⁴ Jume tan barapomonae yabara, xua ichán jeye: “Ciento cuarenta y cuatro po jiwimonaebe paitapa tina xua Israel pia pemomoxi susatomonae jiwana tatsi”, jei.

⁵ Barapo Israel pon icha wán Jacob. Bapon xeina doce po pexantobe tatsi pomonae caena bayatha werapa. Israel pia pexanton tatsi pia pemomoxi susato jiwi tatsi xeina. Pon Judá, barapon pia pemomoxi susato jiwana piwi tatsi Nacom itapa tina saya doce mil pomonae matabuxmonaebe. Pon Rubén, barapon pia pemomoxi susato jiwana piwi tatsi Nacom itapa tina saya doce mil pomonae matabuxmonaebe. Pon Gad, barapon pia pemomoxi susato jiwana piwi tatsi Nacom itapa tina saya doce mil pomonae matabuxmonaebe.

⁶ Pon Aser, barapon pia pemomoxi susato jiwana piwi tatsi Nacom itapa tina saya doce mil pomonae matabuxmonaebe. Pon Neftalí, barapon pia pemomoxi susato jiwana piwi tatsi Nacom itapa tina saya doce mil pomonae matabuxmonaebe. Pon Manasés, barapon pia pemomoxi susato jiwana piwi tatsi Nacom itapa tina saya doce mil pomonae matabuxmonaebe.

⁷ Pon Simeón, barapon pia pemomoxi susato jiwana piwi tatsi Nacom itapa tina saya doce mil pomonae matabuxmonaebe. Pon Leví, barapon pia pemomoxi susato jiwana piwi tatsi Nacom itapa tina saya doce mil pomonae matabuxmonaebe. Pon Isacar, barapon pia pemomoxi susato jiwana piwi tatsi Nacom itapa tina saya doce mil pomonae matabuxmonaebe.

⁸ Pon Zabulón, barapon pia pemomoxi susato jiwana piwi tatsi Nacom itapa tina saya doce mil pomonae matabuxmonaebe. Pon José, barapon pia pemomoxi susato

jiwanapiwi tatsi Nacom itapa tina saya doce mil pomonae matabaxumonaebe. Pon Benjamin, barapon pia pemomoxi susato jiwanapiwi tatsi Nacom itapa tina saya doce mil pomonae matabaxumonaebe.

Meje yabara po diwesi xua pomonae juma xatabatsi pemainya paparuwan

⁹ Bapoxonae equeicha tan ichamonae pomonae bichocono jiwi ayei. Daxita nacuanpiwi jiwanamonae, yawano daxita carepaya tsicamonaexi jiwanamonae, yawano daxita carepaya icha jumexitha pepaebiwi jiwanamonae, yawano daxita carepaya tomaran jiwanamonae. Daxita barapomonae umena ichaxota imoxoyo Nacom pia pexeinya peecaethopeibiwa, yawa xua Cordero peitabaratha tatsi. Barapomonae bichocono pin bicheito xua ichamonae jopa itacupaetsi peununaewa. Daxita barapomonae juma xatabatsi pemainya paparuwan. Yawano barapomonae pecobetha cajjinca xua be coichaxu axu.

¹⁰ Daxita barapomonae jume daunweya jeye:

“jWanacom pon xua eca pia pexeinya peecaethopeiwatha yawano Cordero pon uncua, naca capanepa xua jopa waatenewa tsane xua abe waexanaexae!” jei barapomonae.

¹¹ Barapo matatsunpiwi matawacaicha yatoxoroto umena xua pitiri jiwi matawacaicha yatoxoroto umeinchi. Yawa pitiri jiwi matawacaicha yatoxoroto umena xua xuan cuatro poyobe xua xuan asu matawacaicha yatoxoroto umeinchi. Yawano cuatro poyobe xua xuan asu matawacaicha yatoxoroto umena xua Nacom pia pexeinya peecaethopeibiwa matawacaicha yatoxoroto umeinchi. Bapoxonae barapo matatsunpiwi irabe taemendeca barapo pexeinya peecaethopeibiwa peitabaratha. Yawano Nacom wuna jaintatsi.

¹² Barapo matatsunpiwi jeye:

“jBarabu Nacom juntu coyene weiweina exaneibatsi pocotsiwa xua beta waexanaewa!
jBara ichi tsane!

jBarabu daxita jiwi wuna jainteibina Nacom!
jMatautano barabu Nacom xeineibina
pia peyaputae coyenewa!

jMatautano barabu jiwi jei tsaibi:
'Nacom maisa pajuntu coyene weiweinan
xua amanaya pata tana neyawenaemxae',
jei tsaibi jiwi!

jBarabu daxita jiwi cayabara
baru cui itura jineibina!

jMatautano barabu xeineibiname jinya neayarusu
itorobi coyenewa, xuan xua xeinaename jinya
neayarusuwa xua daunweya neexanae coyene!

jBaxuan barabu ataya xeinaename!
jJe bara ichi tsane!” jei barapo matatsunpiwi.

¹³ Barapo pitiri jiwi jiwana caein neyainyaba, nejei: “¿Jintam barare pomonae pemainya paparuwa nama xataba? ¿Eta werena pona?” nejei pitirin.

¹⁴ Jume notan, janje: “jPon pentacaponae, apara xam yaputaneme jame!” jan. Barapoxonae nejei: “Barapomonae apara pomonae werena pona ichaxota poxonae po mataqueitha jiwi bichocono atene exaneibatsi. Barapomonae abe pia peexanae coyenewan tatsi Nacom tajuntemaina, tsipei barapomonae jume cowantatsi xua pon tsitapa barapomonae, pon ‘Cordero’ baraichichi. Barapomonae juntu coyene wuna exanatsi Nacom. Yawa pemainya paparuwa jume xatabatsi”, nejei pitirin.

¹⁵ Equeicha nejei pitirin:

“Daxota barapomonae umena ichaxota imoxoyo Nacom pia pexeinya peecaethopeibiwa. Barapomonae tanacuita dubenanaebiya Nacom mataqueitha, yawa merawithano Nacom pia pin botha tatsi xua pia nacuatheicha tatsi.
Pon xua eca pia pexeinya

peecaethopeiwatha bapon eenequeibina barapomonae, tsipei baru popona.

¹⁶ Bapoxonae barapomonae jopa piyainyo, yawa jopa pia meratsino,

yawa jopa tsaquiwichi xometotha
 xua bichocono jainchi.
 17 Barapo coyene jopa abe exanaeyo
 barapomonaetha, tsipei Cordero Nacom
 Pexanto tatsi, pon uncua ichaxota
 imoxoyo Nacom pia pexeinya
 peecaethopeibiwatha, bapon yawena
 xua barapomonaeyawenatsi.
 Barapon Cordero barapomonaey beta yapu
 eenaeinchi, icha be poxonaey
 pon ovejan peewatsin ichi
 poxonaey pia ovejan matabapona beta
 ichaxota penaton mene, po meran
 mene xeica, xua peasuwa tsane.
 Bapoxonaey barapomonaey Nacom itacuere
 mene tsewa exanaena xua pewecoyeixaey”,
 nejei pitirin.

8

Meje yabara po diwesi xua siete po pecatsatabiwa xua tabu ducua

1 Poxonaey Cordero tsitsinaxuba siete po cuiyobetha xua barapo diboro catsataba, bapoxonaey peitaboco moya ducua saya be ainya dapaeyobe.

2 Bapoxonaey tan siete poyobe matatsunpiwi, pomonaey xua umena Nacom peitabaratha tatsi. Barapo matatsunpiwi daxita barompaya catsibatsi siete xoyobe xua pocotsiwan pecaobiwan, po pecaobiwan pewan trompeta.

3 Bapoxonaey pirapaeyo patopa ichan matatsunpin. Barapo matatsunpin capatopa xua be coroto xua pocotsiwa oro nain coroto. Barapo oro nain corototha boca petuxuei tsapato xua petautsinexa Nacom nexa. Bapoxonaey barapo matatsunpin yutabotsiya tautabota xua ichaxota pocotsiwa be pexaethopaewa, bichocono tuxuei tsurucuae. Barapo matatsunpin uncua ichaxota pocotsiwa be pexaethopaewa ichaxota tauteiba petuxueiwan, po petuxueiwan xua tuxusi exaneiba Nacom nexa. Bapoxonaey barapo matatsunpin catatsi nawita xua petuxueiwan. Pomonaey Nacom peantobewixaetsi poxonaey tsipaebiba Nacom, barapo jumein yawa muxuna jujuinya Nacom beicha barapo petuxueiwa xua poxonaey tauta. Baraxua xua be pexaethopaewa ichaxota xua tauteiba petuxueiwan, baxua Nacom pia pexeinya peecaethopaewa itabaratha tatsi uncua.

4 Barapo petuxuei tuxusi mureiwa matatsunpin pia maxu wetajujuinyatsi Nacom peitabara beya yawa athabe muxuna jujuinya pejume, po jume xua jiwi poxonaey tsipaeba Nacom.

5 Bapoxonaey barapo matatsunpin barapo oro nain coroto pita, yawa barapo corototha bichocono wanca exana iso itere, po itereton xua taxua barapo petuxusi exanathopeibiwatha. Bapoxonaey daxita baxua po irathe xuba, bapoxonaey yamuxu busi, yawa jerajerei, yawa ira jijiyatano po cae pin nacuatha tsique.

Meje yabara po diwesi xua trompeta xua pecaobiwan

6 Barapo siete poyobe matatsunpiwi daxita barompaya nacui wanaeta pia trompetan xua peobinexa.

7 Pon xua copiya, bapon oba pia trompeta. Bapoxonaey othopeica be ibotixi, pocotsiwa xua benata ichaxota po eman bichocono aque. Yawano muxuna iso itere othopeica. Yawa muxuna othopeica pocotsiwa be pejanan. Daxita baxuan matatsunpin iratha bebaichica. Bapoxonaey ichaxota acoibi po iranbe tsitsiniya, cae iran jiwana wetataxua tsiniya ainya irabe jopa daichiyo. Matautano taxua ichaxota acoibi po unube tsitsiniya, cae unun jiwana wetataxua tsiniya ainya unube jopa daichiyo. Matautano naepanaewan ichaxota acoibi po wexuabe tsitsiniya, cae wexua jiwana wetataxua tsiniya ainya wexuabe jopa daichiyo.

8 Bapoxonaey equeicha ichan matatsunpin oba pia trompeta. Bapoxonaey pocotsiwa be demxuwa taxuapona. Barapo demxuwa xubatsi pin mar mentha, yawano pin mene mar pejana mene tsanaya. Dos po pin mar menebe jopa daichiyo.

9 Po pin mar mentha pejana tsanaya baxota duwei werapa, po duwei jinompa baxota. Matautano jeran fobaba pocotsi naein bichocono pin naein.

10 Bapoxonaey equeicha icha matatsunpin xua tres poyobetha, bapon pia trompeta oba. Bapoxonaey opiteito, poto pinto jopeica itaboco wetsica po irathe tsique, yawa taxuayecapona icha banaxuto ichi. Barapo pin opiteito jopeica mentha xua yawa jopeica ichaxota ira baxupana mene mene natsibotarucua. Saya xua daxita mentha aibi. Saya

poxonae tres po menebe bara cae mentha jopeica, yawa jopeica xua cae ira бѡхѡpana mentha. Icha ira бѡхѡpana menthabe jopa daichiyo.

¹¹ Barapo pin opiteito wɔn dutatsi “Amargura”, jei, po jume xua “Atsu”, jei. Daxota poxonae jopeica barapo mentha mene atsu tsanaya. Pinmonae jiwi werapa poxoru apa barapo peatsu mera.

¹² Bapoxonae equeicha icha matatsunpin xua cuatro poyobetha pia trompeta oba. Bapoxonae jiwana muxunene weabe exana xometo. Ainya muxunenepabe jopa daichiyo. Yawa jiwana muxunene weabe exana jomocoichato. Ainya muxunenepabe jopa daichiyo. Yawa jiwana weabe exana opitei. Icha opitei nacopaba. Poxonae acobi po opiteibe dudubena tsiniya, bapoxonae cae opiteito jiwana weabe eexana tsiniya. Yawa ainya opiteitobe jopa abe eexana tsiniyaeyo. Po opitei abe exanatsi jopa xanepanaya pentha tsurubeneyo. Yawano jomocoichato muxunenepa, po muxunenepa abe exanatsi, jopa pentha tsurucuaeyo. Yawa xometo muxunenepa, po muxunenepa abe exanatsi, barapo muxunenepa jopa xanepanaya pentha tsurucuaeyo. Daxota mataqueitha tsiwiyo quiriquirica, yawa merawi bichocono nama.

¹³ Bapoxonae pirapaeyo tan matatsunpin pon be cuiyausi xua juinya pupuna ducua-naebiya itabocotha. Bapon jume daunweya jeye: “¡Pai jiwi tsobenae xua barapo jiwi abe exanaeinchi pomonae jinompa po iratha deque xua poxonae jume taena xua poxonae matatsunpiwi obina trompetan, tsipei acobi poyobe matatsunpiwi cataunxuae jopa obiyoobe anoxuae!” jei bapon, pon be cuiyausi.

9

¹ Bapoxonae equeicha icha matatsunpin xua cinco poyobetha oba pia trompeta. Bapoxonae tan pon xua be opiteito jopeica iratha bayatha, xua peitaboco wejopeica. Bapon catatsi po coyenetha itacɔpatsi xua pecoibo saranaxubiwa tsane barapo pin mutha deca xua ira bereca.

² Bapoxonae bapon coibo saranaxuba. Barapo mutha coiboto tsina be pin tsɔxu jujuina, po tsɔxu icha pabi coicha tsɔxu ichi poxonae pin pabi. Barapo tsɔxu po irathe naquitaba exana yawa xometo naquitaba exanano.

³ Barapo tsɔxu weya pupuna sure, xua daxita iranthe pupuna. Barapo sure catatsi, pocotsi coyene icha pɔto ichi xua poxonae naca cawata.

⁴ Barapo sure itorobatsi xua jopa abe peexanaewa tsane naepanaewatha xua wexotha xuwa yawa xua tsica naexi. Yawano xua jopa abe peexanaewa tsane naeintha. Saya jame itorobatsi xua abe peexanaewa tsane jiwitha pomonae Nacom jopa itapa tinaeyo.

⁵ Ichitha jopa copatsiyo xua jiwi pejutebiwatsi tsainchi. Saya jame copata xua saya jiwi atene exanaeinchi beya poxonae cinco po xometiyobe tsane. Barapo peatenewa bichocono atene icha be poxonae ichi xua poxonae ichɔn cawatatsi pɔto.

⁶ Barapo mataqueitha, po mataqueitha jiwi bichocono atene tsane, cuinaya bewera-pabenaena ichitha jopa cuinaya werapabena tsane.

⁷ Sure be cawayumonaein nacui wɔnaeta xua penabinexa. Barapo suremonaen mataina pocotsiwan be tepan be pocotsiwan penainton xuan pewɔn oro nain. Matauta peitabaran be jiwi itabaran.

⁸ Pentanan bichocono antanapipiya be yabɔxi, pewanon awanoyei be neutha wanon.

⁹ Pia pepon tsebocon dubena be penain xuan baxota penayaewatsinexa, po penain pewɔn hierro nain matawɔn. Pecuarafein busin be cawayu busin poxonae cawayu cacuinaejjinca ainya naein xua cawayu pecaponae naexi xua penabiwa tsane.

¹⁰ Pebosoton be pɔton bosoton xua e dubena. Pia pebosotontha itacɔpatsi xua abe peexanaewa jiwitha xua beya poxonae cinco po xometobe.

¹¹ Barapo suremonaen xeina pia pentacaponaein, po pentacaponaein peewatsin barapo pia pin mutha, po mutha ira bemutha taerucuaerca. Barapo matatsunpin pon suremonaen pia pentacaponaein tatsi hebreo jume wantha “Abadón”, jei. Seicaya griego jume wantha “Apolión”, jei. Barapo jume wantha jeye: “Pon Pecaewitaxubin daxita”, jei.

¹² Baxua weta xua copiya abe peexanaewan, ichitha awiya seica ainya peabe coyenewabe.

¹³ Bapoxonae equeicha icha matatsunpin xua seis poyobetha oba pia trompeta. Bapoxonae jume tan xua cueicueijeji cuatro po pentetobe weya. Barapo cuatro po pentetobe umena pemɔxɔbarɔtha xua be pexaethopaewa xua ichaxota tauteiba petuxueiwa xua tuxusi exaneiba Nacom nexa. Baraxua xua be pexaethopaewa daxita matapaecha juma catsababa oro nain. Baraxua Nacom pia pexeinya peecaethopeibiwa itabaratha tatsi uncua.

¹⁴ Barapo matatsunpin xua pon seis poyobetha xua pon pia trompeta xeina barapo jumetha tsipaebatsi barapon. Barapo matatsunpin jeichichi: “Barapo cuatro poyobe

matatsunpiwi pomonae maxu cabebatsi maxu isacapende xua pomonae umena ichaxota po mene pin mene, po mene pewan Eufrates”, jei.

¹⁵ Bapoxonae barapo cuatro poyobe sorobabatsi, xua jiwi pejutebiwa tsainchi. Icha bicheito jutebatsi. Dos po bicheitobe jopa jutebichi. Barapo cuatro poyobe bayatha cui wnaetatsi xua po horathe nexa, yawa xua po matakabithe nexa yawa xua po xometothe nexa yawa po weithe nexa xua poxonae pesorobabiwatsi tsainchi.

¹⁶ Jume tan xua pia soldadomonae yabara paeba xua pomonae bichocono ayei xainto bicheiton, jeye: “Bapon doscientos millones xeina po soldadomonae cawayutha pona”, jei.

¹⁷ Xua xuan tan cawayumonaein iche: Pomonae cawayutha eneica pentacaritha cajjinca penain bocoton, petsobiwanno, yawa pesujeiwanno, yawa pedaedaenaewanno. Barapo cawayumonaein peitabaran be neuthu itabaran. Barapo cawayumonaein pecoiboton tsina iso itereton tajujinatsi xua tsuxu tsobia, yawano icha tsuxuno xua coicha sujei. Yawano icha coicha po tsuxu coicha daena.

¹⁸ Pin bicheitomonae werapa tsipei barapo cawayumonaein pecoiboton tsina tajujinatsi iso itere, petsuxano xua sujei, yawa icha tsuxu po coicha bichocono coicha daena. Dos po bicheito cuntiyobe jopa daichiyo.

¹⁹ Barapo cawayumonaein pecoiboton tajujinatsi pia peayapuswan tatsi yawano pebosoton tsinano. Barapo cawayumonaein bosoton be jomon matanaein. Barapo jomo matanaeintha jiwi abe exainchi.

²⁰ Ichitha ichamonae pomonae jopa werapaeyo barapo pewerapaewantha, barapomonae jopa pentsiyo abe pia peexanae coyenewan. Matautano jopa barapentsiyo xua antobeya wnae pejainchiwa caurimonaetha. Matautano jopa barapentsiyo po nacom oro nainto nacom, yawa plata nainto nacom, yawa bronze nainto nacom. Yawano wnae jainta ibo nacom. Yawano wnae jainta nae nacom. Barapo nacomunmonae jopa itacupaetsi xua penecotsiwa. Yawa jopa itacupaetsi xua pejume taewa. Yawa jopa itacupaetsi xua peponaewa.

²¹ Matautano jopa barapentsiyo xua ichamonae pejutebiwatsi. Yawano matauta jopa barapentsiyo po coyene xua mara peexanaewa pia coyenewan tatsi. Yawano jopa barapentsiyo xua penata siwa xeinaewa yabuxitha. Matautano jopa barapentsiyo pecaibi coyenewan.

10

Meje yabara po diwesi xua matatsunpin capona tsica dibiriyo

¹ Xan ponxaein Juan, bapoxonae equeicha tan icha matatsunpin pon bichocono peayapusun xua peitaboco wetsica pona po irathe tsique. Barapo matatsunpin tsaquinaebowa muxuna dederakuia duneica. Yawano matatsun uncueicatsi coinwawa. Peitabara bichocono itabara pentha icha xometo ichi poxonae pentha. Yawa pesitobe be isoto coicha xua bichocono coicha tsobia.

² Tsica dibiriyo pecobetha capona xua itataduta. Po sito xua pecoxa weya pin mar mentha uncu, yawa po sito petsocona werena iratha uncu.

³ Bapoxonae bapon jume daunweya wawai be poxonae neuthu jume daunweya fiba. Poxonae bapon wawai, bapoxonae jume tan xua be jurujurei yamuxu siete po jumeyobe xua paeba.

⁴ Poxonae baxua najume weta xua be jurujurei yamuxu siete po jumeyobe xua paeba, pontaban xua tatinaenexa xua baxua paeba. Ichitha jume tan pon peitaboco wenetsipae-bica. Nejei: “Моя yawan xeinare yawa jopa tinaeinde xua barapo siete jumeyobe xua be jurujurei yamuxu”, nejei.

⁵ Bapoxonae barapo matatsunpin pon xua po sito pecoxa weya uncu pin mar mentha yawa xua po sito petsocona weya uncu iratha, bapon namaxu yoicha peitaboco beicha po maxu xua pecoxa weya.

⁶ Matatsunpin pon namaxu yoicha peitaboco beicha po maxu pecoxa weya, bapon jeye: “Nacom, pon ataya popona, bapon itaboco forota. Bapon irano forota, pin mar meneno forota. Daxita ichawan muxuna forotano, pocotsiwa itabocotha dubena yawa pocotsiwa irathano xeina yawa pocotsiwa pin mar menthano jinompa. Barapon peitabaratha tatsi uncuan. Bara xaniwaicha paeban bapon peitabaratha tatsi. Yabara tsiwinae muxu dutan: ‘Equeicha daxua aibi xua peewatsiwa’, jan”, jei matatsunpin.

⁷ Equeicha barapo matatsunpin jeye: “Poxonae matakabi patopaena po mataqueitha icha matatsunpin obina pia trompeta xua siete poyobetha, bapoxonae Nacom nacui jutsina xua daxita wetsina. Nacom wetsina xuan pocotsiwan caena bayatha Nacom yabara tsiwinae muxu duta piamonae tatsitha, pomonae Nacom peitorobi jume pepaebiwi.

Barapocotsiwan xua Nacom yabara tsiwunaē muxu duta, baxuan jiji jopa yaputaeyo poxoru jopa Nacom yatsicaewa tsita itatsiyo jiwitha”, jei barapo matatsunpin.

⁸ Barapo jume pon xua itaboco wenetsipaebica, bapon equeicha netsipaeba, nejei: “Ponare yawa pire barapo dibiriyo xua po dibiriyo naitatarucua. Barapo dibiriyo pire, po dibiriyo barapo matatsunpin comauncua. Barapo matatsunpin pon po sito pecoxa weya uncuu pin mar mentha, yawa uncuu iratha po sito petsocona weya”, nejei.

⁹ Bapoxonae matatsunpin beya ponan yawa wacan barapo dibiriyo, janje: “Necare barapo dibiriyo”, jan. Nejume nota, jeye: “Moya pire, moya yawa xaema barapo dibiriyo. Poxonae barapo dibiriyo xaename necoibotha catsijain xeicaena be banto tsane. Ichitha necotsorotha atsu tsane”, nejei matatsunpin.

¹⁰ Bapoxonae barapo matatsunpin wecobe pitan barapo dibiriyo yawa xan. Poxonae xan netsicoibo xeica be banto ichitha tacotsorotha bichocono atsu tsanaya.

¹¹ Bapoxonae netsipaeba, nejei: “Xam bewa equeicha yabara tsiwunaē muxu dutsiya paebiname po coyene bayatha Nacom yabara paeba jiji, xua ainya nacuanpiwi, yawa pomonae barompaya pijume pepaebiwi, yawano pomonae jiji itorobiya pia pepa peewatsiwichi”, jei xua pon netsipaeba.

11

Meje yabara po diwesi xua dos ponbe, ponbe yatsicaewa Nacom pia petapaebinchibe xua petaexaēbe pocotsiwa Nacom exana

¹ Bapoxonae necata naeto pocotsiwa xua peepa canaūbiwa. Yawano matatsunpin nejei xua Nacom tapaebatsi: “Asiya uncuare yawano pire barapo naetiyo. Bapoxonae Nacom pin pia bo beya ponare, yawa bara po bo epa canaūbare. Yawano epa canaūbare xua be pexaethopaewa ichaxota tauteiba xua petuxueiwa xua tuxusi exaneiba Nacom nexa. Yawano ununare pomonae baxota Nacom wunaē jaintatsi, pomonae yatsicaewa Nacom peantobewichi.

² Ichitha jopa pana epa canaūbinde, po pana pesato beya boca ichaxota Nacom pia pepa pin pia bo tatsi uncuu. Tsipei barapo pana ichamonae catatsi pomonae penanapaincha jinompaewi xua icha nacuan werena peponaewi, pomonae Nacom jopa pejume cowantsiwichi. Barapomonae abe exanaena Nacom pia pexeinya tomara tatsi po tomara xua barapo cae pin nacuathe xua beya cuarenta y dos po xometobe yacui nacui wetsiya jopaena.

³ Xan itorobin dos poyobe, ponbe xua inta yatsicaewa paebinabe xua petaexaēbe xua pocotsiwa exanan. Baponbe inta yabara tsiwunaē muxu dutsiya paebinabe jiwitha xua beya un mil doscientos sesenta po maticabinbetha tsane. Baponbe jume xatatsinbe pocotsi paparuwa xua axun, xua jiji nama xatabeiba poxoru wecoyei”, nejei matatsunpin xua Nacom tapaebatsi.

⁴ Barapo pebinbe ponbe xua inta paebabe, baponbe ichawa yabara caunutatsibe. Caena bayatha Nacom pia peitorobi jume pepaebin, pon pewan Zacarias yabara tina olivo naebe, yawa yabara tina ainyawabe pocotsiwa petabūyūbeibiwa pecoichan. Barapocotsiwanbe caunuta xua ponbe inta paebabe. Barapo ainya olivo naebe yawa barapo ainyawabe xua pecoichan petabūyūbeibiwa umena pentacaponaein peitabaratha tatsi, pon po cae pin nacuepiwi pia Pecanamataxeinaeinchi tatsi.

⁵ Icha ichamonae ichichipa xua baponbe abe peexanaewatsibe baponbe itacūpatsibe xua weraweraca peexanaewabe barapomonae pecoiboto tsina icha be pocotsi coyeneya metha ichipabe xua poxonae daxita weraweraca exanabe poxonae be isoto tajuinatsibe. Barapo isototha baponbe omeicha tautabe pia peaitafaetabiwichi jiwitha. Barichi wera-paena pomonae ichichipa xua baponbe abe peexanaewatsibe.

⁶ Baraponbe xeinabe pia peitorobi coyenewa xua itacūpatsibe peitaboco acatsiwa tsanebe xua jopa ema peruneicaewa tsane. Baxua itacūpatsibe xua exanabe poxonae baponbe po maticabitha cataunxuae Nacom tapaebi ducunaebiyatsibe. Mataanta baponbe pia peitorobi coyene xeinabe xua meratha equeicha pejana tsanaya exanabe. Mataantano baponbe itacūpatsibe xua exanabe poxi xua abe exana iratha. Ainya coyenein baponbe exanabe xua xuan be pocotsi coyeneya ichichipabe xua peexanaewabe.

⁷ Poxonae baponbe nacui wetsinabe xua tapaeba ducunaebiyabe xua Nacom tapaeba ducunaebiyatsibe, bapoxonae juinaena po muthu pin muthu tsina pon ayei pon bichocono abe peexanaein. Baraponbe be xua butside natsicotainchi yawa amanayabinchibe xua tupa peexanaenexatsibe.

⁸ Petūpaēinbe saya pesatotha bocaenabe tomara namtotha, po pepa tomaratha ichaxota matha naetotha tupa exanadutatsi pon jiji Pecanamataxeinaein xua baponbe pia Pecanamataxeinaeinchibe tatsi. Jiji barapo pepa tomara yabara jeichiya jeye: “Barapo Jerusalén

tomarapiwi apara be ‘Sodoma tomarapiwi’, jei, yawa barichi be ‘Egipto nacuapiwi’, jei”, jei jiwi. Jiwi barapo Jerusalén tomarapiwi yabara caunutsiya paeba tsipei caena bayatha Sodoma tomarapiwi abe peexanaewimona. Yawa iru Egipto nacuamonaepiwi abe peexanaewimona, icha barapo pepa tomaramona ichi xua Jerusalén tomara xua abe exana.

⁹ Daxita pomona tomarapiwi jiwana, iruno tsicamonaeyo jiwana, iruno pomona barompaya icha jumexitha pecueicueijejiwi jiwana, iruno daxita pomona nacuanpiwi jiwana, daxita barapo jiwimona taeumenaena barapo petrapaeinbe. Baponbe petrapaeinbe bocaenabe acoibi po matacabibe yawa xua equeicha bara caetono. Daxita barapomona pomona taeumena, jopa copatsi tsane xua ichamona bara petrapaeinbe pemuthuthu xubiwa tsainchibe.

¹⁰ Pomona xua jinompaena po irathe jantemiya jinompaena xua petrapaexaebe baponbe. Daxota daxita barapomona jantu coyene weiweinaena, yawano daxota barapomona nantiya nacatsibina pocotsiwan amanaya penacatsiawan. Barapomona baxua exanaena tsipei ajumeitafaetabi tsane pocotsiwa paebabe Nacom nexa, ponbe Nacom peitorobi jume pepaebinbe.

¹¹ Ichitha poxona yapu caewinaba acoibi po matacabibe yawa xua equeicha bara caeto bocaenabe, bapoxona equeicha Nacom asu exanaenabe. Bapoxona asiya uncaenabe. Daxita pomona xua poxona baponbe taeinchibe, bichocono junuwina.

¹² Bapoxona baponbe jume taenabe xua pon itaboco wetsica jume daunweya baraunchi tsainchibe, jei tsainchibe: “¡Bara wepajuinamebel!” jei tsainchibe. Bapoxona baponbe itaboco beicha juinyaenabe tsaquinaebowatha yawa pu taeumenainchibe pia peaitafaetabi jiwichi.

¹³ Barapoxona caena ira jijiyatsina bichocono. Ichaxota diez po bonbe uumena tsiniya cae bon jiwana othopa jujuincaena, nueve po bonbe tsiniya jopa daichi tsane. Siete mil po pebiwi matabaxumonaebe werapaena ira pejjijiyatsixae tsane. Pomona jopa werapae tsane bichocono junuwina daxota Nacom wuna jainchinchichi, po Nacom itaboco beequiya.

¹⁴ Bayatha nacui weta xua dos xoyobe xua daxita jiwi atene tsane bichocono. Ichitha imoxoyo equeicha methaunxuae tsane ichawa pocotsiwa acoibi po cuyyobe nexa pocotsiwa xua jiwi bichocono atene tsane.

Meje yabara po diwesi poxona xua matatsunpin xua pon siete poyobetha oba pia trompeta

¹⁵ Barapo matatsunpin xua pon siete poyobetha pia trompeta oba. Bapoxona pejume itaboco wetsica jume daunweya jeye:

“Po coyene xua jiwi itorobiya peewatsiwatsi
barapo cae pin nacuathe, anoxuae barapo peitorobi
coyewewa Nacom pon Wanacanamataxeinaein
piawa iruno Mesias pon Nacom pia
peitorobarecaein, bapon piawa tatsi.
Baponbe daxita jiwi itorobiya ewatsinchi
barapo cae pin nacuathe xua ataya tsane”,
jei pomona xua itabocotha jume
daunweya wawai.

¹⁶ Bapoxona tan barapo pitiri jiwi, po pitiri jiwi veinticuatro poyobe. Barapo pitiri jiwi ena pia pexeinya peenaethopeibiwatha, Nacom peitabaratha tatsi. Barapo pitiri jiwi pentabocototha irabe taeumendeca xua Nacom wuna pejainchinxatsi.

¹⁷ Barapo pitiri jiwi jeye Nacomtha:

“Xam pata Nacom, ponxaem jiwi
Necanamataxeinaem pajantu coyene
weiweinan xua pocotsiwa painta neexanaexae.
Xam barapo pata Nacom, pon
neayapusu itorobi coyenewantha neexanaein.
Xam pon anoxuae ataya poponeibiname yawa
xua caena bayatha ataya poponeibameno,
yawano xua bexa tsane ataya poponeibinameno.
Tsipei anoxuae po mataqueithe nama tamropata
pitabame jinya neayapusu itorobi coyewewa
xua tsita itutame xua poxona daxita
carepaya nacuanpiwi itorobiname.

¹⁸ Daxita nacuanpiwi cacaseba, ichitha anoxuae matacabi patopa, po mataqueitha

bichocono anaya atene exanaename
 barapomonaē abe peexanaexae.
 Yawano barapo mataqueitha daxita jiwi
 yabara paebiname xua
 penatsicuenta siwa pomonaē xua wūnae
 peexanaewi irū pomonaē xua abe peexanaewi.
 Daxita barapomonaē bayatha werapa.
 Barapo mataqueitha irū pomonaē xua cata
 nacuita, pomonaē jinya neitorobi jume pepaebiwi,
 irū pomonaē xua pejuṅṅa coyene xanepanaewi,
 barapomonaē matabūxūmonaēbe catsibiname
 pocotsiwan xua bayatha juṅṅana jebame
 xua nematomatsiwan.
 Barichi catsibiname pomonaētha pomonaē jopa
 judiomonaē naexanaeyo pomonaē bequein bara
 ichamonaē saya pecui pawimonaē, matautano
 bequein bara ichamonaē peainya cui jiwimonaē.
 Ichitha xam saya bara catsita najūpa.
 Matautano barapo mataqueitha daxita omeicha
 atene exanaename pomonaē abe peexanaewi
 barapo cae pin nacuathe”,
 jei barapo pitiri jiwi.

¹⁹ Bapoxonaē Nacom pin pia bo tatsi nacoibo saranaxuba xua itabocotheicha. Barapo Nacom pin pia botha jiwi tane pocotsiwa xua ichawa yanta xatatababota xua be caji. Barapo cajatha boca Nacom petinae diwesi, pocotsiwa xua Nacom yabara tsiwānae muxu duta pomonaētha pomonaē pia petanacuichiwichi pocotsiwa bexa Nacom taexanaena xua barapomonaē taexanaeinchi. Bapoxonaē yamūxū busi xua be jurujurei yawa jerajerei. Matautano ira jijiyata, yawano nawita othopeica xua dederawa, pocotsiwan benata poxonaē po eman ichaxota bichocono aque.

12

Meje yabara po diwesi xua petsiriwa yawa pon pinyo, pon be jomowabi, bapon pon be Joyoinya

¹ Bapoxonaē itabocotha naituta xua pocotsiwa bexa exanaena po cae pin nacuathe tsique. Tan petsiriwa powa nama xatata po paparuwa bichocono wūnae, icha be xometo ichi poxonaē pentha. Bapowa nataxu yūtauncua jomocoichatotha. Barapowa mataina tepa, po tepatha doce xoyobe xeina opitei.

² Bapowa yaporowa jina pexuyo. Bapowa wawai tsipei atene, poxoru pexuyo naexana imoxoyo.

³ Bapoxonaē itabocotha equeicha naituta ichawa. Tan pon pinyo, pon be jomowabi, pon be Joyoinya. Bapon pon be Joyoinya bichocono tsobia yawa siete po pentasipabe xeina yawa diez po pentetobe xeina. Daxita carepaya pentasipantha mataina tepan.

⁴ Pebosototha ira bereca bebaireca opitei. Ichaxota acoibi po opiteitonbe dudubena tsiniya cae opiteiton jiwana abe eexana tsiniya. Barapon pon be Joyoinya ewatuncua, yabūyo ewatuncuatsi, powa xua imoxoyo exanaena pexuyo. Bapon pon be Joyoinya ichichipa xane pexuyo poxonaē naexanaena.

⁵ Barapo petsiriwa tanaexanatsi pexuyo pebin wūto. Barapo pexuyo, po pexuyo poxonaē wichaba itorobiya ewata pomonaē jinompa po cae pin irathe xua daxita carepaya nacuantha. Bapon daunweya beta ewata barapomonaē icha pon oveja peewatsin ichi xua poxonaē daunweya beta ewata ovejan. Bapon exana baxua naewa xua be nae-barūpato. Poxonaē barapo pexuyo naexana, pitatsi yawa capoinchi Nacom pia pexeinya peecaethopaewatha beicha.

⁶ Bapoxonaē barapo petsiriwa naetsiriwa ira xuepana susato tsurucuae nacua beya. Baxotiya Nacom tsiwānaeta xua pia ira nexa yawa xua bapowa pexaewa peapatsinexatsi mil doscientos sesenta matakabibetha.

⁷ Bapoxonaē itabocotha matatsunpiwi naba. Matatsunpin pon pewan Miguel, bapon matakapona pia matatsunpiwi. Irūna pon be Joyoinya, bapon pia matatsunpiwi matakapona. Daxita barapo bicheito nantiya naba.

⁸ Ichitha pon be Joyoinya irū pia matatsunpiwi tatsi jopa cui jūpaetsi xua Miguel peamanayabaxubiwatsi yawa xua pia matatsunpiwi tatsithano. Daxota pon be Joyoinya

yawa pia matatsunpiwi tatsino jopa cui jupaetsi xua peitabocotha pejinompaewa tsipei amanayabapentatsi.

⁹ Bapon pon be Joyoinya yawa pia matatsunpiwi tatsino itawetsicatsi po irathe tsique. Bapon pon be Joyoinya pon caena bayatha yabara paebatsi xua jeye: “Bapon apara jomo”, jei. Bapon caurimonae pia pentacaponaein tatsi xua icha wun pewun Satanás. Bapon pon jiji pemuxujainyabeibin pomonaetha pomona jinompa daxita po cae pin irathe tsique.

¹⁰ Bapoxonae itabocotha pejume jume tan pon xua jume daunweya wawai, jeye:

“Anoxuae Nacom naca capanepa exana pia peayapusu itorobi coyenewatha xua pon be Joyoinya jopa wanacanamataxeinaenexa.

Yawano anoxuae Wanacom itorobiya ewata daxita carepaya nacuantha pomona jinompa po cae pin irathe tsique.

Yawano anoxuae Nacom Mesías catatsi pia peayapusu itorobi coyenewa pon Nacom pia peitorobin tatsin.

Daxita barapo coyenein anoxuae pata, tsipei pon be Joyoinya itawetsicatsi po cae pin irathe tsique.

Pon Nacom itawetsica, bapon wajiwimonaetha, pomona jume cowanta Nacom, abeya muxujainyabeibatsi merawitha yawa mataqueithano xua Nacom peitutha tatsi.

¹¹ Wajiwimonaetha pomonaetha iru xua pejume cowantsiwi Nacom, barapomonaetha amanayaba bapontha pejume cowantsixae xua Mesías tsitupa barapomonaetha.

Bapon pon Cordero, xua pon oveja pebto penun.

Yawano amanayaba bapomonaetha tsipei Mesías yabara paeba dubenanaebiyatsi pocotsiwa bapon barapomonaetha taexainchi.

Barapomonaetha amanayaba, tsipei najei: ‘Bequein bapon pon be Joyoinya ichichipa naca juteba ichitha jopa junuwichi xua werapaeinchi.

Awiya jume cowanta dubenanaebiyaeinchi Nacom’, najei.

¹² ¡Pajuntu coyene weiweinare pomonaetha itabocotha painya nejinompaexae!

¡Daichitha tsobenae pomonaetha jinompa po cae pin nacuathe deque, yawano xua xuan pin mar mentha jinompa,

tsipei Satanás bara bereca bichocono anaepanaya patopareca!

Bapon Satanás yaputane xua jopa bayatha tsaibi tsane poxonaetha abe

exaneibina po cae pin nacuathe deque”, jei.

¹³ Poxonaetha barapon pon be Joyoinya, pon Satanás itawetsicatsi po cae pin irathe tsique, bapoxonaetha yabayo barainatsi, powa xua bayatha pexuyo exana pebin wato.

¹⁴ Ichitha Nacom, barapowa pecuarafe catatsi, aina cuarafebe xua cuiyausi piawan. Daxota Nacom cata xua bapowa taju beya pepupunaenexa ichaxota po ira beya xua Nacom bayatha tsiwunaeta, xua pepupunaenexa pon be Joyoinya weya. Barapowa pupuna barapo ira xuepana susato tsurucuae nacua beya. Nacom apata bapowatha pexaewa tres po weibetha yawa xua seis po xometobetha.

¹⁵ Bapon pon be Joyoinya pecoiboto tsina mene sutaba xua peawubonexa xua bapowa pemonoxubinexa tsainchi awubotha.

¹⁶ Ichitha ira bapowa yaweinchi. Barapo ira, naira yetaxuba yawa mene apaxoreca, po mene bayatha sutaba bapon pon be Joyoinya.

¹⁷ Bapoxonaetha bapon pon be Joyoinya bichocono anaepana bapowatha. Daxota bapon nainya pona bapowa piamonaetha tatsi beya tatsi xua penabinexa. Bapon ba xua butsi pomonaetha jume cowanta Nacom penajume caitorobi diwesi xuano xua paeba dubenanaebiyae Jesús pejume diwesi.

¹⁸ Bapoxonae bapon pon be Joyoinya, pon be jomowabi, pin mar mene itapa taetabotha uncua xua pewabinexa ichamonae xua peyawenaenexatsi.

13

Meje yabara po diwesi pon ayei, pon be Corei, iruno xua ichan pon ayei, pon be Metsametsawa

¹ Bapoxonae ichan tan pon pin mar mene juina pon ayei, pon be Corei. Bapon xeina siete po pentasipabe yawa diez po pentetobe. Daxita carepaya pentetontha mataina tepan. Daxita carepaya pentasipantha tinaduba pewanxi, po wanxi xua Nacom abe yabara paebatsi.

² Barapon pon be Corei be neuthu xua yaquiquibia. Petaxu be tson taxu. Pecoiboto be neuthu coiboto. Pon petsobian, bapon pon be Joyoinya cata pia peayapusu coyenewa, pon be Corei catatsi. Yawano muxuna catatsi pia pexeinya peecaethopaewa. Yawano catatsi pia peayapusu itorobi coyenewa.

³ Caе matasipatha xua pon be Corei matasipa, wan ducua be poxonae xua pocotsin tupaena. Ichitha barapo matasipa naawanxaei exana. Daxita barapo irathe nacuanpiwi nabenaeca, tsipei naawanxaei exana barapo matasipa. Daxota po irathe nacuanthepiwi jume cowanta bapon, pon be Corei jume cowantatsi.

⁴ Barapon pon be Joyoinya wunae jaintatsi, jiwi wunae jainta, tsipei barapon cata pia peayapusu itorobi coyenewa pontha pon be Corei. Barichi pon be Corei wunae jaintatsi, jiwi wunae jainta. Jiwi jeye: “Maisa barapon, pon be Corei ainya cui, peayapusu itorobi coyenewa pexeinaein. Dapon aibi pon pecui jupaewatsi xua bapon peamanayabixubi-watsi”, jei jiwi.

⁵ Yawano barapon, pon be Corei copatatsi xua Nacom abe peyabara paebinxatsi. Yawano barapon, pon be Corei copatatsi xua jiwitha peitorobinexa cuarenta y dos po cometobetha.

⁶ Bapoxonae barapon, pon be Corei bara baxua exana, xua copatatsi. Bapon Nacom abe yabara paebatsi. Matautano Nacom pin pia bo tatsi abe yabara paebatsi. Matautano Nacom piamonae tatsi, pomonae jinompa itabocotha abe yabara paebatsi.

⁷ Yawano barapon, pon be Corei copatatsi, xua bena xua beinchi pomonae Nacom pejume cowantsiwichi, beya xua poxonae barapomonae amanayabapentsinchi. Yawano barapon, pon be Corei catatsi peitorobi coyenewa, xua daxita jiwi peitorobiwatsi xua pomonae daxita carepaya tsicamonaexi peitorobiwatsi. Matautano catatsi xua daxita carepaya tomaranpiwi peitorobiwatsi. Matautano catatsi xua daxita carepaya pomonae icha jumeintha pecueicueijiwi peitorobiwatsi. Matautano catatsi xua daxita carepaya nacuanpiwi peitorobiwatsi.

⁸ Barapon, pon be Corei wunae jaintatsi xua daxita carepaya po cae pin irathe nacuanpiwi wunae jainta. Barapomonae jopa wan dubenaeyo diborotha, po diboro pon Cordero xeina pecobetha, pon Mesias japa wan naetotha tupa. Barapo diborotha Nacom wan duba pejume cowantsiwichi caena bayatha poxonae Nacom aena forota nacua. Pomonae wan dubena barapo diborotha jopa weweracaeyo.

⁹ Paxam pomonae painya nejume cowantsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope tunaxu tatsi paca tsipaeba xua meje:

¹⁰ “Pomonae xua ichan waetabatsi xua atene peexanaenexatsi barapomonae xuya bara teicaeinchi ichamonae atene peexanaenexatsi tsane.

Pon xua cusitha namawainta xua ichan bexubatsi,

bapon xuya cusitha bexubinchi”, paca jei

Nacom pia Pejumope tunaxu tatsi.

Daxota pomonae pejume cowantsiwi Nacom bewa saya juntu coyene daunweya jinompae xua xuya jopa taexanae tsane ichamonaetha xua bequein abe taexanaeinchi ichamonae. Yawano bewa jume cowanta dubenanaebiyaena Nacomtha.

¹¹ Bapoxonae tan ichan pon ayei pon be Metsametsawa. Bapon ira wejuina. Yawa mate ducua icha Cordero ichi pon oveja pebto penan. Daichitha poxonae cueicueijei, be poxonae cueicueijei pon be Joyoinya.

¹² Bapon xeina peayapusu itorobi coyenewa, po peayapusu itorobi coyenewa xeina pon be Corei. Bapon pon be Metsametsawa, daxita jiwi itorobatsi xua wunae pejainchinexatsi pon be Corei, pon pia coutha nantasipa awanxaei exana.

¹³ Yawano pon be Metsametsawa exana nawita xua pexeinya petsita itutsi coyenewa. Yawano bapon exana xua itorobica itaboco wetsica xua pocotsiwa be isoto xua po cae pin iratha tsique xua jiwí petaenexa.

¹⁴ Barapon pon be Metsametsawa petsita itutsi coyenewa exana pon be Corei peitabaratha tatsi. Barapo petsita itutsi coyenewantha bapon muxujainyaba xua muxujainyabatsi pomonae jinompa daxita carepaya nacuantha xua barapo cae pin nacuathe. Bapon pon be Metsametsawa itoroba jiwitha xua peexanaenexa ibo nacom xua canaxobiya exana pon be Corei, pon xua xeina pentasipatha xua dejona wan, pon bequein wan ducua, ichitha jopa tupaeyo.

¹⁵ Barapon pon be Metsametsawa peitorobi coyene catatsi xua asu exana barapo ibo nacom pon be Corei. Poxonae barapo ibo nacom asu tsane, cueicueijejei tsane yawa jutebina daxita pomonae jopa wunaenae jainchichi.

¹⁶ Yawano bapon itoroba ichantha xua daxita cobe juma tinaeinchi po cobein pecoxa weya, yawa xua ichacuiitha itapa tinaeinchi, xua pomonae jopa ainya cuiyiyo, iru pomonae xua peainya cui jiwí, iru pomonae xua copei pexeinae jiwí, iru pomonae peacopeibi jiwino, yawano pomonae pia coutha penata exanae jiwí, iru pomonae xua pebusi tatayebebiwichi.

¹⁷ Dapon aibi pon itacupatsi xua piawan comoca yawa xua caenaeta piawan icha jopa xeinaeyo barapo pecobe juma tinaewa. Barapo pecatinaewa pon be Corei pewan tatsi, ichacuiitha barapo pecatinaewa saya número xua pewan tatsi pia número tatsi.

¹⁸ Beta pananta xeinare xua yabara painya neyaputaenexa baxuan. Pon xua yaputane baxua bu bapon yabara nanta xeina xua pon be Corei pia número tatsi. Barapo número jupa xua pebin pewan. Barapon pon be Corei pia número tatsi baxue: seiscientos sesenta y seis.

14

Meje yabara po diwesi xua pomonae naxuna 144, 000 po bicheitomonae matabuxabe

¹ Bapoxonae tan Cordero xua oveja pebto penan xua uncuca demxuwatha, po demxuwapewan Sión. Barapo Cordero baru uncuca ciento cuarenta y cuatro mil po bicheitomonae matabuxabe. Barapo ciento cuarenta y cuatro mil po bicheitomonae matabuxabe daxita carepaya itapa tinatsi barapo Cordero pia wan tatsi, yawano xua Paxa tatsi pia wan tatsino.

² Bapoxonae jume tan pejume itaboco wetsica. Barapo pejume bichocono jume daunwei be poxonae xua ainya pin menein busin xua poxonae taju wemene othopeica. Yawano be poxonae xua yamuxu nameta, yawa be poxonae ainya busin xua pinmonae tanbaba.

³ Barapomonae pomonae tanbaba pexeinya wei naxuna Nacom pia pexeinya peecaethopaewa itabaratha tatsi, xuano xua barapo cuatro poyobe peitabaratha tatsi xua xuan asu, yawano xua pitiri jiwí pia peitabaratha tatsi. Ichamonae jopa itacupaetsi barapo wei xua peyaputaewa xua po wei naxuna barapomonae. Saya jame barapomonae, pomonae ciento cuarenta y cuatro mil po bicheitomonae matabuxabe yaputane barapo wei xua pomonae po irathepiwi jiwanaemonae, pomonae bayatha Cordero capanenebiya abe pia peexanaewan weya poxonae tsitupa barapomonae.

⁴ Barapomonae jopa nataxobiyo xua penasi cui exanaewa xua yabuxitha pejeinya enaexae. Yawano barapomonae exaneiba daxita xua pocotsiwan Cordero itoroba xua poxonae barapomonae napuna poneiba ichaxota Cordero poneiba. Barapomonae capanenebiyatsi, Nacom capanenebiya xua daxita carepaya jiwí jiwanaemonae tatsi xua barapomonae pecana exanaenexatsi pomonae bichocono pepa pejuntu coyene xanepanaewi Nacomtha iruano Cordero xua pomonae xua copiya, pomonae xua Nacom pejume cowantsiwichi.

⁵ Barapomonae jopa penaerabiwi tsipei barapomonae bichocono pepa pejuntu coyene xanepanae jiwí, Nacom peitabaratha tatsi. Barapomonae jopa xeinaeyo xua penatsicuentisiwa Nacom peitabaratha tatsi xua abe peexanaexae.

Meje yabara po diwesi xua cueicueijejei acoibi poyobe matatsunpiwi

⁶ Bapoxonae tan ichan matatsunpin xua pupuna itabocotha. Barapo matatsunpin capana pexeinya jume diwesi po diwesi xua ataya tsiteca, po diwesi xua jiwí peapanenebiwatsi abe pia peexanaewan weya. Barapo diwesi daxita carepayan jiwí nexa: pomonae daxita nacuanmonaepiwi nexa, iruano pomonae tsicamonaxepiwi nexa, iruano pomonae barompaya icha jumein pecueicueijejeiwi nexa, iruano daxita tomanapiwi nexano.

⁷ Barapon jume daunweya paeba, jeye: "Pacunuwiya jinompare Nacom xua beta painya nejume cowantsiwa. Yawano Nacom wunaenae pajainde. Tsipei anoxuae nama barapo matacabi patopa po mataqueitha Nacom yabara paebina jiwí xua penatsicuentisiwa xua abe peexanaexae. Wunaenae pajainde pon exana itaboco, xuano xua exana pin mar mene, yawa exana ira buxupana mene", jei barapon pon jume daunweya paeba.

⁸ Ichun matatsunpin cotacaya patopa, bapon jeye: “¡Bayatha Babilonia tomarapiwi wetaxotsi po tomara pepa tomara, tsipei barapo tomarapiwi bichocono abe exana! ¡Barapomonaе cuiduba ichamonae xua ichamonae abe peexanae coyene peexanaenexa xua penasi cui exanaewa tsane yabuxitha, xua iru pebiwitha!” jei matatsunpin.

⁹ Bapoxonae ichun matatsunpin patopa, bapon jume daunweya jeye: “Icha ichun wunae jainta ibo Corei nacomtha xua saya canaxoba yawa icha itapa tinatsi, yawa ichacuiitha xua icha cobe juma tinatsi, bapoxonae Nacom bichocono casebina bapon xua bapon casebinchi.

¹⁰ Bapoxonae Nacom bichocono abe exanaena bapon. Baxua Nacom exanaena xua bayatha bapon peyabara nacui wunaetsixaetsi. Jopa juniya exanae tsane poxoru bichocono Nacom yabara anaepana. Barapon bichocono atene tsane poxonae Nacom tautsina barapon isototha, yawa xua po tsuxu, tsuxu daena, po tsuxu pewun azufre matawun. Nacom baxua exanaena pia matatsunpiwi peitabaratha tatsi yawa Cordero peitabaratha tatsi.

¹¹ Po isototha Nacom tautsina bapon, barapo iso tsuxu athabe jujuneibiyaena ataya. Barapo petautsiwa jopa itacupae tsainchi xua pewetsiwa mataqueithano, yawa merawithano. Barapo isototha tautinchi pomonaе pon be Corei wunae jaintatsi xuano xua barapo ibo Corei nacom wunae jaintatsi, yawano xua barapomonaе itapa tinatsi barapo Corei pia wantha tatsi”, jei matatsunpin.

¹² Pomonaе exana dubenanaebiya po coyene Nacom itoroba pia peitorobi coyenewantha, yawano xua Jesús beta jume cowuntha dubenanaebiyatsi, barapomonaе apara xaniwaicha Nacom piamonaе tatsi. Barapomonaе tsita itapeinya xeina xua Nacom piamonaetsi tsipei barapomonaе bepijawa jopa aitaconaeyo xua peewatsiwa pocotsiwa bexa Nacom exanaena pomonaetha, pomonaе abe exana Nacom piamonaetha tatsi.

¹³ Bapoxonae jume tan pejume xua peitaboco wenebaraichica. Nejei: “Baxua tinare: ‘Bu bara juntu coyene weiweina pomonaе jume cowuntsiya werapaena Jesustha, pon jiwi Pecanamataxeinaein’, jei”, nejei.

Nacom pia Pejumope tanaxu tatsi jeye: “Aa baxua. Yawa wetsina pia penacuichiwan po penacuichiwan Nacom taexainchi yawa naffina ewatsina Nacom pia nacuatheicha. Po coyene xua barapomonaе juntu coyene xanepana dubenanaebiya, yawa po coyene xua barapomonaе beta taexana dubenanaebiya xua ichamonae taexana dubenanaebiyatsi, barapo juntu coyene barapomonaе yawa ponaena Nacom pia nacua beicha tatsi”, jei Nacom pia Pejumope tanaxu tatsi.

Meje yabara po diwesi xua matatsunpiwi cusin caucuboba po cae pin irathe tsique

¹⁴ Bapoxonae equেicha tan tsaquinaebowwa xua inyapana. Barapo tsaquinaebo jumatha eca ponxae itaboco wetsica pona, ponxae Nacom peitapetsinxae. Bapon mataina tepa, yawa comaeca pocotsiwa be cusi xua xuiyoi.

¹⁵ Bapoxonae icha matatsunpin Nacom pin pia bo weya pona. Bapon jume daunweya wawai pon tsaquinaebo jumatha eca beya, jeye: “¡Barapo cusi caucubobare yawa jore pocotsiwa xua naweta tsipei barapo matabi patopa, po mataqueitha naweta po cae pin irathe deque!” jei matatsunpin.

¹⁶ Bapoxonae pon tsaquinaebowwatha eca yawa xua cusi comaeca, barapo cusi caucuboba po cae pin irathe, daxita canacui wetsiya exana.

¹⁷ Bapoxonae equেicha ichun matatsunpin Nacom pin pia bo weya foto xua itaboco weya. Barapo matatsunpin cusi capona, po wato bichocono xuiyoi.

¹⁸ Bapoxonae equেicha icha matatsunpin pocotsiwa be pexaethopaewa weya pona ichaxota duwei tauteiba xua tuxusi exaneiba Nacom nexa. Barapo matatsunpin canamataxeina xua tauta pecana exanaewa. Barapo matatsunpin iru cusi xeina, po wato xuiyoi. Yawa bapon jume daunweya wawai icha matatsunpin beya pon iru pia wato xeina cusi. Bapon jeye: “¡Barapo cusi caucubobare yawa nore uva peparun xua po cae pin irathe deque dubena tsipei bayatha naweta!” jei barapo matatsunpin.

¹⁹ Nexata barapoxonae barapo matatsunpin cusi caucuboba yawa nota uva peparun. Yawa barapo uva peparun bebaireca pin pecacubi fetotha xua pemene yucaenexa barapo uva cuei. Icha jiton ichi xua bichocono daunweya cuba uva cuei, bara juta ichi Nacom jiwitha, xua poxonae bichocono atene exanaena jiwitha xua abe peexanaexae jiwi.

²⁰ Barapo uva cuei tomara juma beya cuba. Barapo pecacubi feto wetsina jujuina petsobia mera, be pocotsiwa pejana, beya xua cawayu ponxo jayeichatsi yawa xua iratha iya xua taju beya xua trescientos po kilómetrobe. Icha jiton ichi uva cuei xua tomara juma beya cuba Nacom jiwitha barichi tsane bichocono atene exanaena pomonaetha pomonaе abe peexanaewitha, beya poxonae pejanan taju ayei tsoponae tsane.

15

Meje yabara po diwesi xua matatsunpiwi capana siete po coyenewabe xua po coyenewa peabe cui coyenewa

¹ Bapoxonae equeicha tan peitabocotha icha pin petsita itatsi coyenewa xua nebenaeca. Tan siete poyobe matatsunpiwi yawa xua cajjinca siete po cui coyenewabe xua po coyenewa peabe coyenewan. Poxonae weta xua exana barapo matatsunpiwi barapo siete po peabe cui coyenewabetha bapoxonae Nacom nacui weta xua poxonae anaya bichocono atene exana jiwi abe peexanaexae.

² Bapoxonae tan pocotsiwa be pin mene mar, po pin mene mar copiya tan. Barapo pin mene mar icha be bosib_u muxupawa ichi xua penthiya. Yawa tan xua muxunaxuba pocotsiwa be isoto xua itadudubiya. Yawa tan pomonae amanayaba xua pon be Corei amanayabatsi. Barapomonae jopa w_unae jainchiyo pon be Corei yawa pon be ibo Corei nacom, yawano jopa itapa tinaetsi pon be Corei pewantha. Barapomonae imoxoyo caquita umena barapo pin mar mene. Yawano barapomonae caumena arpa matawan xua pocotsiwa pecatanbabiwan xua Nacom catsiba.

³ Barapomonae nax_una Moisés pia wei tatsi, pon Nacom pia penacuichiwa tatsi taexainchi. Yawano barapomonae nax_una Cordero pia wei tatsi, barapo naxobe weibe jeye:

“Pata Nacom, pon jiwi Necanamataxeinaein, daxita xam exaname bichocono peainya cui coyenewa yawano bichocono w_unae.

Xam pon, daxita neayapus_u
itorobiya coyenewan xeiname.

Jinya coyenewan bara pexainyeiwan
poxoru beta exaname.

Xam itorobiya neewatsin daxita
carepaya nacuanpiwi.

⁴ Xam pon jiwi Necanamataxeinaein.

Daxita jiwi junuwiya cabar_u cui itura jinaena.

Yawano daxita jiwi w_unae cajainchina tsipei
saya meisa xam nejunt_u coyene xeicaem.

Daxita carepaya nacuanpiwi patsina xua w_unae
necajainchinexa tsipei barapomonae bayatha tane
pocotsiwa xua betiya xanepanaya exaname”,
jei barapomonae.

⁵ Bapoxonae equeicha tan peitabocotha Nacom pin pia bo. Po boyo tututha uncua barapo Nacom pin pia botha tatsi po boyo botha ichaxota Nacom popona, barapo tutu nacoibo saranaxuba.

⁶ Barapo tutu weya matatsunpiwi pona pomonae xua siete poyobe yawa capona siete po coyenewabe xua peabe cui coyenewan. Yawano nama xataba paparuwan, po paparuwan bichocono inyapana yawano daedaena. Yawa naepa paba pocotsiwan be coreinya bocoton xua beya juntacari jayabeinatsi.

⁷ Bapoxonae tan caein, xua jiwana barapo cuatro poyobe xua xuan as_u. Bapon barapo siete poyobe matatsunpiwi catsibatsi coroton xua w_unba po coyenewan peabe cui coyenewan pocotsiwan Nacom exanaena, pon ataya popona.

⁸ Bapoxonae barapo tututha, bichocono pets_ux_u w_unc_u. Barapo ts_ux_u Nacom pia xainya weya tatsi tapichapatsi pon peainya cuin yawa xua peayapus_u itorobi coyenewa pexeinaein. Dapon aibi pon pecopatsiwatsi xua pejoniyawa barapo tututha poxonae cataunxuae jopa wetsiyo barapo siete po coyenewabe po coyenewan peabe cui coyenewan xua matatsunpiwi capona.

16

Meje yabara po diwesi xua barapo corototha xeina siete po coyenewabe po coyenewa xua peabe cui coyenewan

¹ Bapoxonae jume tan xua jume daunweya wawai barapo tutu weya, xua wawai barapo siete poyobe matatsunpiwi beya, jeye: “Paponare po cae pin irathe deque, yawa barapo siete po coyenewabe po coyenewan xua peabe cui coyenewan xua xeina barapo coroton juntututha baxua paepababare bara bereca. Po coyenewan xua corotontha tsijuntutha xeina baraxuan po coyenein xua Nacom bichocono atene exanaena jiwi penatsicuentsexae xua abe peexanaexae Nacomtha”, jei.

² Matatsunpin pon xua ichaxota ba “uno”, jei, bapon copiya piawa epataba. Bapoxonae pomonae itapa tinatsi xua pon be Corei pewan tatsi, xuano xua w_unae jainta ibo

Corei nacom, bapomonaē barapoxonaē nainya xeina xua peaperabewan xua bichocono aperutane.

³ Bapoxonaē equeicha icha matatsunpin pon ichaxota ba jei “dos”, jei, bapon piawa epataba pin mar mentha. Bapoxonaē barapo pin mar mene bichocono mene janowanaya be poxonaē xua peturpaēin boca. Barapo pin mar mentha daxita werapa xua xuan baxota jinompa.

⁴ Bapoxonaē equeicha ichan matatsunpin pon xua ichaxota ba jei: “tres”, jei, bapon piawa epataba meneintha yawa ira buxurpana meneintha, bapoxonaē barapo menein be pejanan tsanaya.

⁵ Bapoxonaē jume tan barapo matatsunpin xua yapucauncua barapo menein. Bapon jeye:

“Nacom maisa xaniwaicha betiya yabara
 paebame poxonaē atene exaname jiwi xua
 penatsicuentisixae xua barapomonaē
 bichocono abe peexanaewi.
 Bapana jopa abe exanaem.
 Xam nejantū coyene xeicaem,
 yawa xua pon anoxuae nepoponaem,
 yawa xua pon caena bayatha nepoponaemno.

⁶ Tsipei barapomonaē jinyamonae jutebatsi,
 yawano tsipei jutebatsi pomonaē
 neitorobi jume pepaebiwi.
 Daxota barapomonaē xuya werapa exaname,
 peyantomatsiwa exaname abe peexanaexae copiya”,
 jei barapo matatsunpin Nacomtha.

⁷ Equeicha ichan jume tan pon cueicueijeji pon uncuā ichaxota pocotsiwa be pexaethopaewa xua ichaxota tauteiba duwei xua tuxusi exaneiba Nacom nexa, bara weya jeye: “Xam, Nacom pon jiwi Necanamataxeinaem daxita peayapusū itorobi coyenewan nexainaem. Tsipei xam yabara paebame xua jiwi penatsicuentisiwa xua abe peexanaexae daxota bewa atene tsane. Pocotsiwa xua exaname bara xaniwaicha betiya exaname, tsipei bapana jopa abe exanaem”, jei pon xua paeba.

⁸ Bapoxonaē equeicha icha matatsunpin pon ichaxota ba jei “cuatro”, jei, bapon piawa epataraba xometotha. Barapo matatsunpin xometo catatsi po coyene xua xometo exanaena xua jiwi petautsinexatsi xua xota bichocono atsa.

⁹ Bichocono daxita carepaya jiwi taxuatsi. Ichitha barapomonaē icha jantū coyene jopa xeinaeyo matautano Nacom jopa wūnaē jainchichi, yawa barapomonaē Nacom abe yabara paebatsi yaitama Nacom xeina peayapusūwa xua itoroba barapo coyenewan po coyenewan xua peabe cui coyenewa.

¹⁰ Bapoxonaē equeicha icha matatsunpin pon ichaxota ba jei: “cinco”, jei, bapon piawa epataraba pon be Corei pia peeaethopaewatha tatsi. Yawano barapon pon be Corei po coyene xua itoroba piamonaē jopa xapain piamonaē matacaponaeayo be pon xua pona poxonaē quireitha. Daxota piamonaē tatsi jantū coyene deideijeji. Barapomonaē peparaxaewa nawano sine.

¹¹ Jopa juniya exanaponaeayo barapo coyenewan po coyenewan xua peabe cui coyenewan, yawano cataunxuae barapomonaē exanapona xua Nacom abe yabara paebatsi po Nacom itabocotha eca. Daxota barapomonaē Nacom abe yabara paebatsi yaitama Nacom barapo peatene cui coyenewa itoroba yawano xua itoroba peaperutanewan.

¹² Bapoxonaē equeicha icha matatsunpin pon ichaxota ba jei “seis”, jei, bapon piawa epataraba po pin mene mentha pewan Eufrates. Barapo Eufrates mene namto naexaniya xua pepatsinexa pomonaē pocotsiwa werenepiwi pomonaē jiwi itorobiya pia pepa peewatsiwichi.

¹³ Nexata bapoxonaē tan xua pon be jomowabi, pon Joyoinya. Iru tan pon ayei, pon be Corei. Iru tan pon xua naerabiya jeye: “Xan Nacom peitorobi jume tapaēbin”, pon jei. Daxita barapomonaē barompaya pia coiboton tsina tajujinatsi acoibi poyobe cauri xua xuan be pocotsiwan cuei.

¹⁴ Barapo caurimonaē exana pexeinya petsita itatsi coyenewan. Barapo caurimonaē ponarūcpa xua penacaetuta exanaenexa daxita pomonaē jiwi itorobiya pia pepa peewatsiwichi. Baxua exana xua naba peexanaenexa po mataqueitha Nacom nabenabe pon jomowabi pon Joyoinya. Barapon Nacom daxita peayapusū itorobi coyenewan pexeinaein.

¹⁵ Nacom jeye: “Taema, jemeicha patopaein icha be pon pecaibin ichi poxonae jemeicha patopa. Juntá coyene weiweina pon xua yoyoca tsipei nama xatata paparuwa xua jopa petamsa ponaenexa jiwi itútha xua bapon petaewatsi daxita pia pepon”, jei Nacom.

¹⁶ Daxita pomonae jiwi itorobiya pia pepa pecanamataxeinaewichi, barapomonae nacaetuta ichaxota po iratha pewun Armagedón xua hebreo jumetha. Barapo iratha nacaetuta xua naba peexanaenexa xua po mataqueitha Nacom nabenebe pon be jomowabi, pon Joyoinya.

¹⁷ Bapoxonae equeicha ichun matatsunpin pon ichaxota ba jei “siete”, jei, bapon piawa epataba barapo irathe matatsun susatotha. Bapoxonae itabocotha xua tutu wetsica ichaxota Nacom pia pexeinya peecaethopaewatha baxota jume tan pon xua jume daunweya cueicueijeiya jeye: “Bara bayatha nacui xainwaetaba”, jei pon xua paeba.

¹⁸ Bapoxonae bichocono jerajerei itabocotha, yawa pejumein, yawa bichocono jurujerei. Matautano bichocono ira jijiyata beyacaincha xua poxonae ira jijiyateiba poxonae copiya jiwi aena naexana po cae pin nacuathe xua beya anoxuae.

¹⁹ Po tomara, pepa tomara barapo tomara ainya wanbe exanabe poxonae baxua ira jijiyata. Icha irantha barichi baxota tomaran abe exana. Nacom yabara nanta xeina Babilonia tomara tsipei barapo tomarapiwi abe peexanaewi. Daxota Nacom barapo pepa tomara abe exana poxoru bichocono anaepana barapomonaetha.

²⁰ Daxita petunaeton yawano daxita demxuwán aichurubenaexa xua ira pejijiyatsixae.

²¹ Barichino itaboco weothopeica xua jiwi matatsun itotheicatsi pocotsiwan dederawa xua xuan benata ichaxota po eman bichocono aque. Barapo pedederawiwán bichocono arewe. Bapoxonae barapo jiwi Nacom bichocono abe yabara paebatsi yaitama Nacom itoroba barapo pedederawiwán pocotsiwa bichocono abe barapomonae nexa.

17

Meje yabara po diwesi xua Nacom itaweta powa xua bichocono penasi cui matacaetsiwa xua weiweina pia paratixichi powa xua yabara caunutatsi Babilonia tomara

¹ Nexata bapoxonae taxantha patopa caein matatsunpin jiwana, po matatsunpiwi siete poyobe yawa xua siete xoyobe matauta capona coroton. Bapon nejeyi: “Anetha catsita itatínchi xua yabyo powa bichocono penasi cui matacaetsiwa xua weiweina. Barapowa eca ichaxota pin mar mene, powaxae xua yabara caunutatsi Babilonia tomara.

² Pomonae jiwi itorobiya pia pepa peewatsinchi barapo cae pin nacuathe barapomonae yawa muxuna abe nanabaru exana bapowa. Matautano daxita carepaya pomonae po cae pin irathe jinompa barapo coyene exana bara jupa, icha barapomonae ichi. Barapowa cana exana xua barapo jiwi abe exana, tsipei barapo jiwi ichichipa po penasi cui matacaetsiwa bapowa exana”, nejeyi matatsunpin.

³ Poxonae cataunxuae Nacom pia Pejumoepa tunaxa tatsi netsita itata baxua, bapoxonae matatsunpin necapana ira xuepana susato tsurucuae nacua beya. Baxotiya petsiriwa tan xua eca pon ayei pon be Corei bapon pejumatha, xua pon tsobia. Bapon daxita carepaya pepontha tinaduba po jumein xua Nacom abe yabara paebatsi. Yawano bapon siete po matasipabe xeina yawa diez po pentetobe xeina.

⁴ Bapowa nama xatata paparuwa, po paparuwa mu sujei yawa mu tsobia. Bapowa yawa napepena xua pocotsiwan pewun oro nain, yawano be ibotixi xua pocotsiwan ainya matoman, yawano po warowa xua inyapana xua po warowa xua pewun perla. Barapowa pecobetha xeina coroto penain coroto xua oro nain yawa wanta pocotsiwan xua be mara, yawa barapowa pia penasi cui matacaetsi coyene xua weiweina.

⁵ Powa xua yabara caunutatsi Babilonia tomara, barapowa peitapatha tinaduta pewun, po wun jiwi jopa yabara yaputaeyo. Barapo wun jeye: “Powa xua yabara caunutatsi pepa Babilonia tomara, bapowa be coxiwa natsicotane, xua powaxi nasi cui matacaeta xua weiweina barapowaxi pena tatsi. Matauta bapowa daxita pomonae xua bichocono abe peexanaewi barapomonae pena tatsi”, jei xua tinaduta.

⁶ Pirapaeyo jume tan xua barapo Babilonia tomarapiwi yabara jeichi: “Icha pebin ichi xua peatsaxae mera bichocono cupatsi, barapo Babilonia tomarapiwi barapocotsi coyeneya jata ichiya exana. Baxua exana, tsipei barapo Babilonia tomarapiwi juteba pinmonae pomonae Nacom pijimonae tatsi, iru pomonae Jesús pejume diwesi pepaebiwi”, yabara jeichi barapo Babilonia tomarapiwi.

Poxonae tan xua barapo tomarapiwi be cupatsi bichocono, yabara nabenaecan bapoxonae.

⁷ Bapoxonae matatsunpin nejei: “¿Eta xua metha nabenaecame? Yabara cayaputane exanaeinchi bapowa xua pocotsiwa jopa yaputaem. Yawano yabara cayaputane exanaeinchi barapon pon be Corei, pontha xua bapowa eca peumatha. Bapon siete po pentasipabe xeina xvano xua diez po pentetobe xeina.

⁸ Barapon pon be Corei pon taneme caena bayatha popona barapo cae pin nacuathe. Anoxuae jopa poponaeyo. Ichitha bexa tsane juinaena po muthu bichocono pin muthu tsina. Bapoxonae nama yatsicaewa weweracaena. Bapoxonae jinompaena jwi barapo cae pin irathe. Barapomonae jopa wun dubenaeyo Nacom pia diborotha tatsi, po diborotha xua jei: ‘Pomonae wun dubena barapo diborotha jopa weweracae tsane’, jei. Barapo jwi caena bayatha jopa wun tinaetsi barapo diborotha. Barapo jwi poxonae taena barapon xua taeinchi pon be Corei bichocono najuntu coyene cabenaecaena. Daxota najuntu coyene cabenaecaena tsipei caena bayatha popona, xua anoxuae ajibi ichitha equeicha bexa patopaena xua peponaewa tsane barapo cae pin irathe”, nejei matatsunpin.

⁹ Equeicha matatsunpin nejei: “Meje tha xua paebichi xua ichamonae itacurpatsi peyabara yaputaewa baxua: Barapo siete po pentasipabe xua pon be Corei, barapo siete matasipabe demxuwan yabara caunuta xua po matasipantha ichaxota barapowa peumatha eca, powa xua Babilonia tomara yabara caunutatsi. Barichi barapo siete po pentasipabe xua pon be Corei, yabara caunutatsi pomonae jwi itorobiya pia pepa peewatsiwichi.

¹⁰ Cinco poyobe barapomonae pomonae jwi itorobiya pia pepa peewatsiwichi bayatha naitapataya werapoinca. Caein anoxuae barapo siete poyobe jiwana matakapona po cae pin irathepiwi, ichun bexa tsane patopaena xua matakaponaena barapo cae pin irathepiwi. Ichitha poxonae bapon patopaena jopa ainya dapaein matakapopona tsane po cae pin irathepiwi.

¹¹ Bapon pon be Corei pon caena bayatha popona xua anoxuae jopa poponaeyo, bapon ichaxota ba jei: ‘ochó’, jei, bapon pon jwi itorobiya pia pepa peewatsinchi naexanaena po cae pin irathepiwi nexa, bequein bapon caena bayatha tupa xua barapo siete poyobe jiwana. Bapoxonae nama equeicha weweracaena poxonae tupaena”, nejei matatsunpin.

¹² Equeicha matatsunpin nejei: “Barapo diez po pentetobe xua taneme xua po penteton yabara caunutatsi pomonae jwi itorobiya pia pepa peewatsiwichi, barapomonae cataunxuae jopa patsiyo xua itorobiya peewatsinexatsi po cae pin irathepiwi. Ichitha po peitorobi coyenewa barapomonae catsibinchi xua saya bara caeto itorobiya ewatsinchi po cae pin irathepiwi xua iru barapon pon be Corei itorobiya ewatsina.

¹³ Barapo diez poyobe pomonae piamonae itorobiya pepa peewatsiwi peburaya nanta xeinarcupa. Matautano barapo diez poyobe pomonae piamonae itorobiya pepa peewatsiwi pia peayapusya exanaewan pon be Corei catsi, yawano peayapusu itorobi coyenewa catsi.

¹⁴ Daxita barapomonae pomonae diez poyobe, pomonae piamonae itorobiya pepa peewatsiwi iru pon be Corei, Cordero butsi. Ichitha barapo Cordero amanayabina daxita barapomonaetha. Tsipei barapon pon jwi pia pepa Pecanamataxeinaeinchi pia peayapusu itorobi coyenewa xeina beyacaincha xua ichamonae xeina pomonae jwi pecanamataxeinaewichi. Matautano bapon pon Corderoxae jwi itorobiya pia pepa Peewatsinchi tatsi pia peayapusu itorobi coyenewa xeina beyacaincha xua ichamonae xeina pomonae jwi itorobiya pia pepa peewatsiwichi xua iru xeina pia peayapusu itorobi coyenewa. Pomonae Cordero nabaru yawenatsi xua poxonae amanayaba barapomonaetha, Nacom waba barapomonae poxoru Nacom pia peitapetsiwichi tatsi, matautano tsipei exana pocotsiwa Nacom itoroba”, nejei matatsunpin.

¹⁵ Equeicha barapo matatsunpin nejei: “Xua xam po menein taneme mar menein xua ichaxota yabuy eca pon be Corei peumatha, barapo mar menein yabara caunutatsi be tomaramonaepiwi, xua yabara caunutatsi tsicomonaexipiwi, yawano yabara caunutatsi pomonae icha jumeintha pecueicueijewi, yawano yabara caunutatsi daxita nacuanpiwi.

¹⁶ Bayatha taneme barapon pon be Corei diez po pentetobe, po penteton yabara caunutatsi diez poyobe pomonae jwi itorobiya pia pepa peewatsiwichi. Barapomonae pomonae jwi itorobiya pia pepa peewatsiwichi barapowa bichocono casebinchi powa pesi cui weiweinaewa. Yawano wecobe pitinchi xua bapowa pia peitorobi coyenewa tatsi yawano jumasa xubinchi. Yawano barapomonae wi xaena, xua bapowa wi xaeinchi. Bapoxonae bapowa pia pepo tautinchi isototha.

¹⁷ Nacom itoroba xua barapomonae pia pejuntu coyenetha peexanaewa tsane xua pocotsiwan Nacom ichichipa. Daxota barapomonae pomonae jwi itorobiya pia pepa peewatsiwichi pomonae diez poyobe, peburaya nanta xeinarcupa xua barapomonae pia peayapusu itorobi coyenewanxae tatsi pon be Corei catsinchi. Baxuan catsina beya abu pixonae wetsina pocotsiwa Nacom bayatha paeba.

¹⁸Petsiriwa powa taneme xua powa nasi cui matacaeta xua weiweina, bapowa cayabara caunutatsi: 'Po tomara pepa tomara', jei. Pon itorobiya pepa peewatsin xua barapo pepa tomaratha, bapon itoroba daxita ichamonae pomonae jiwi itorobiya pia pepa peewatsiwichi pomonae barapo cae pin nacuathepiwi itorobiya ewatatsi", nejei matatsunpin.

18

Meje yabara po diwesi xua daxita omeicha cayabara wetapentatsi Babilonia tomarapiwi xua muxuna tomarano

¹Bapoxonae equeicha tan ichan matatsunpin xua pon peitaboco wetsica pona po cae pin irathe tsique. Barapo matatsunpin xeina ainya peayapusu itorobi coyenewan. Bapoxonae bapon exana xua ira bichocono penta tsurucuae xua pia pepon weya cueicha pona.

²Yawano bapon jume daunweya wawai, jeye:

"iBayatha Babilonia tomarapiwi
wetapentatsi yawa tomara abe
exanatsi, po tomara pepa tomara!
iYawano anoxuae caurimonae baxota jinompa!

³Tsipei daxita carepaya nacuanthapiwi
bichocono abe exana, po abe peexanae
coyenewa pocotsiwa xua barapo
Babilonia tomarapiwi exana.

Yawano pomonae jiwi itorobiya pia pepa
peewatsiwichi barapomonae cuiduba piamonae
xua abe peexanaewa tsane icha barapo
Babilonia tomarapiwi ichi xua abe exana.
Yawano pomonae pecaenaetsiwi piawan, bapomonae
xuya copei pexeinaewi naexana, tsipei barapo
tomarapiwi copei ayei ichichipa xua beta
pejinompaewa tsane", jei matatsunpin.

⁴Bapoxonae equeicha ichawa jume tan xua wawai itabocotha, jeye:

"Pomonae tamonaepiwi pam, barapo tomara weya
paponarycupare, xua jopa abe painya
neexanaenexaru icha barapo tomarapiwi
ichi xua bichocono abe peexanaewi.
Bapoxonae Nacom jopa paca atene exanae tsane
icha bayatha ichichi xua atene exainchi
barapo Babilonia tomarapiwi.

⁵Tsipei barapo abe peexanae coyenewan
xua barapo tomarapiwi exana bichocono
aye i xua daxota Nacom pon itabocotha
peecaein tane baxuan.

Daxota Nacom yabara nanta xeina
xua atene exana barapomonaetha.

⁶Barabu ichamonae jupa exanaena
barapomonaetha, icha be pocotsi coyeneya
xua bapomonae abe taexana ichamonaetha.
Barabu barapomonae pentoma catsibinchi
xua po pentoma equeicha mataropataba
xua peatenewa.

Barabu barapomonae bichocono atene tsane,
icha be pocotsi coyeneya xua poxonae
barapomonae atene taexana ichamonaetha.

⁷Pocotsiwa xua bapomonae exana xua atsaca
naexana xua penasi cui matacaetsi jiwi naexana,
barabu barapomonae bichocono atene tsane,
yawa wecoyei tsane.

Tsipei bapomonae pia coutha natsipaeba, jeye:
'Waxainchi xote enatsi.

Waxainchi jopa dapomonaetsi pomonaetsi pomonae
waseuri jiwi wanaca cuenta werapaewi.

Matautano waxainchi pomonae jiwi
itorobiya pia pepa peewatsi jiwichi, jopa

bichocono atene tsainchi', jei bapomonaе.

⁸ Daxota saya caentaqueitha tsane jopaena po coyene xua abe peexanaewa tsainchi bapomonaе, xua bichocono peperaxa jubuwa tsainchi, matautano xua pejainpaewa tsane bichocono, yawano xua petautsiwa tsainchi xua werapaena. Tsipei Nacom pon pepa Pecanamataxeinaein jiwi peayapusu itorobi coyenewa xeina, yawano bapon pia coutha yabara paebina po coyene xua tsitatsi xua bapomonaе natsiaenaе cuenta abe peexanaexae", jei matatsunpin.

⁹ Pomonaе jiwi itorobiya pia pepa peewatsiwichi xua po cae pin irathe, pomonaе xua bayatha iruru abe exana poxonaе barapo Babilonia tomarapiwi abe exana, barapomonaе bichocono wecoyei tsane poxonaе xua taena iso tsuxu xua poxonaе barapo Babilonia tomarapiwi tautsinchi.

¹⁰ Barapomonaе taju wetaeumeinyaena poxoru cunuwa xua pocotsiwa Nacom cana exanaena barapo Babilonia tomarapiwi. Barapomonaе pomonaе jiwi itorobiya pia pepa peewatsiwichi najei tsane:

"jPai jaiibo Babilonia tomarapiwi pam tsobenaе!
jBabilonia tomara tsocuaem!

Bequein pepa tomara tsocuaem, ichitha saya bara cae horatha barapo tomaram omeicha Nacom cawetaxubina", najei tsane barapomonaе.

¹¹ Daxita pomonaе caenaeta piawan barapomonaе bichocono wecoyei tsane xua barapo Babilonia tomara siwa wecoyeichi tsainchi tsipei barapomonaе jopa xeinaе tsane xua comocaeinchi xua pia pecaenaetsiwan.

¹²⁻¹³ Barapomonaе xua pocotsiwan caenaeta dubenanaebiya baxue: xua pocotsiwan pewun oro nain matawun, yawano xua pocotsiwan penainwan xua plata nain matawun, yawano xua ira buxupana iboton xua bichocono ainya matoman, yawano xua pocotsiwan be warowaxu pocotsiwan perla matawun, yawano papaburu pocotsiwan bichocono ainya matoman pocotsiwan seda matawun, yawano po paparuwan mu sujei, yawa xua xuan mu tsobia; yawano napaewan, po naein xua bichocono tuxuei; yawano xua ichawan weya forobano xua pocotsiwan marfil matawun, yawano xua ichawan weya forobano xua naewan xua po naewan bichocono ainya matoman, yawano xua ichawan weya forobano xua pocotsiwa bronce nain matawun, yawano xua ichawan weya foroba xua penainton, po penainton hierro nain matawun, yawano xua ichawan weya foroba xua iboton, po iboton marmol ibo matawun; yawano capana po petuxueiwan canela tseboco matawun, yawano ichawanno capana xua ichawan xua petuxueiwan; yawano capana icha petuxueiwan xua incienso xua po tuxusi tuxueiwa benata poxonaе taxua exana, yawano icha petuxueiwa pocotsiwan be mauto xua jiwi tauta petuxusi tuxuei exanaenexa, yawano icha petuxueiwan; yawano vino meran, yawano penasiwan, yawano pebenon xua trigo xu benon, yawano pepa xu xua trigo xu; yawano jota duweimonaеin, ovejamonaеin, cawayumonaеin, yawa caronaemonaеin, xua cawayu pecaponaе naеxi, yawano jiwino capoinchi pecaenaetsinexatsi xua pomonaе jiwi pebusi cui tatayebebiwichi peexanaenexa tsainchi.

¹⁴ Barapomonaе jei tsane xua barapo Babilonia tomarapiwi yabara jei tsainchi:

"jAnoxuae jopa paxeinaem pethei, po pethei ainya matoman po pethei paichichipame bichocono!
jAnoxuae nama pacata aichurubenaе xua copei xeina painya nenaexanaewam xua bara ataya tsane!" jei tsane.

¹⁵ Pomonaе xua caenaeta dubenanaebiya pocotsiwan xua ainya matoman yawa xua cobe caewita paratixi xua barapo tomarapiwi cobe caewitatsi, barapomonaе taju wenewatumendena xua abe peexanaeyainwatsi xua Nacom exanaena. Barapomonaе bichocono wecoyei tsane.

¹⁶ Barapomonaе jei tsane:

"jPai jaiibo pepa Babilonia tomara tsobenaе!
Xam Babilonia tomaram bichocono pexeinya tomaram, icha yabuyo ichi xua pexeinyawayo poxonaе paparuwa nama xatata po paparuwa bichocono sujei yawa bichocono tsobia.
Yawano bapowa napepena xua pocotsiwa pewun oro nain yawa xua be ibotixi xua pocotsiwan

ainya matoman yawano po warowa xu xua
inyapana xua pewan perla.

¹⁷ ¡Saya bara cae horatha daxita aichurubena
xua xuan barapo tomara xeina!"
jei tsane barapomona.

Pomona jera pecanamataxeinaewi, yawano pomona xua napon xua warapa icha
tomaratha nexa, iru pomona petanacuichiwi barapo jera naeintha, irano pomona
nacuuta jeratha, daxita barapomona taju wenecotumendena.

¹⁸ Poxona barapomona tane xua iso tsaxu xua barapo Babilonia tomara tautatsi,
barapomona jume daunweya wawai, jeye: "Icha pepa tomara aibi po tomara wanae
pocotsi tomara icha Babilonia tomara ichi", jei.

¹⁹ Barapomona pia cui xeina xua tsorobotha nantatsaeba poxoru bichocono wecoyey.
Wawayaya jeye:

"¡Pai pepa Babilonia tomara tsocuae!
¡Anoxuae jopa peraichiwa xua pocotsiwan bayatha
jera wambatsi xua copei xeina naexainchi
xua poxona naca comoca barapo tomarapiwi!
¡Daxita baxuan caayawachurucuae
exainchi tomara!" jei barapomona.

²⁰ Ichitha paxam pomona itabocotha
painya nejinompaewi pam iru pomona
tamona pam, iru pomona Jesús pia
peitorobiwi tatsi pam, iru pomona Nacom
peitorobi jume pepaewi pam.
Daxita barapomona pam, pajantu coyene
weiweinare xua pacata peichurucuaexae
barapo Babilonia tomara.

Nacom xuya abe exana barapo Babilonia
tomara tsipei bayatha barapo tomarapiwi
pacata abe exana.

²¹ Bapoxona matatsunpin pon bichocono pia peayapusu itorobiwa xeina, bapon pita
iboto, po iboto bichocono pin iboto xua be pocotsi ibototha jiwi cuba trigo xu. Bapoxona
barapo matatsunpin xuba barapo iboto pin mar mentha. Bapon jeye:

"Icha barapo iboto ichin xua xuban barapo
pin mar mentha, Nacom barichi wetaxuba
barapo Babilonia tomara xua equeicha
jiwi jopa petaewa tsane.

²² Yawano bapana equeicha jiwi jopa jume
tae tsane xua petanbabiwan busin xuan
pewan arpa matawan, yawano xuan po
peobiwa jumein pewan flauta matawan,
yawano icha peobiwan jumein xuan
pewan trompeta matawan.

Matautano jopa tae tsane pomona xua
barompaya piawan penata exanae jiwi.

Matautano jopa busi tae tsane barapo
pin tomaratha xua busi

xu yacatoyeraba trigo xu xua pin ibototha.

²³ Matautano jopa yonoyonei tsane pecoichan.

Matautano jopa jume tae tsane xua pin
penabanaewa exana xua poxona
pebin pecotsiwa pita.

Pomona pecaenaetsiwi barapo pin tomaratha
bichocono copei pexeinaewi xua daxota
daxita nacuanpiwi yabara cui yaputane
xua barapomona peainya cui jiwi.

Barapomona pomona Babilonia tomarapiwi
itacupatsi xua daxita nacuanpiwi
muxuitorobatsi mara peexanaewi pia
coyenyatha xua daxota iru abe
peexanaenexa tsane, icha barapo Babilonia
tomarapiwi ichi xua abe exana",

jei matatsunpin.

²⁴Nacom weraweraca exanaena barapo tomara. Barapo tomarapiwi Nacom tsitatsi xua barapomonaē penatsicuentisiwa xeina xua ichamonaē pejutebixaetsi, pomonaē Nacom pia peitorobi jume pepaebiwi, iru pomonaē Nacom pejume cowantsiwichi tatsi yawano daxita pomonaē bayatha jutebatsi po cae pin nacuanthepiwi xua ichamonaē juteba icha tomarantha.

19

¹ Bapoxonaē peitabocotha jume tan xua juinya pinmonaē jeye:

“iBarabu Nacom wunaē jainatsi, Nacom naca capanepa abe waexanaē coyenewan weya!
iMaisa Nacom pexeinya juntu coyene pexeinaein!
iMaisa Nacom bepa juniya xeinaē peayapusu itorobi coyenewa!

² Nacom wunaē jaintatsi tsipei bapon Wanacom.

Poxonaē yabara paeba jiwi xua penatsicuentisiwa xua abe peexanaexae, bara beta xaniwaicha exana.

Yawano bapon bichocono atene exana barapowa powa xua penatsicuentisiwa xeina xua abe peexanaexae.

Bapowa penasi cui matacaetsiwa xua weiweina pebiwitha pia paratixichi.

Barapowa yabara caunutatsi Babilonia tomara po tomaramonaē xua penatsicuentisiwa xeina xua abe peexanaexae icha bapowa ichi.

Bapowa bayatha cuiduba barapo cae pin nacuapiwi xua iru abe exana icha xua barapowa ichi.

Tsipei bapowa Nacom pijimonaē tatsi jutebatsi daxota xuya Nacom pijimonaē yantomata xua poxonaē bapowa bexotsi powa peyabara caunutsixaetsi Babilonia tomarapiwi”, jei xua juinya pinmonaē.

³ Barapo pin ayei jiwi jeye:

“iBarabu Nacom wunaē jaintatsi!
iIso tsuxu xua bapomonaē tautatsi barabu bapana jopa athabe jujuinaē tsane xua pepu ataya tsane!” jei barapomonaē xua juinya pinmonaē.

⁴ Bapoxonaē veinticuatro poyobe pomonaē pitiri jiwi, iruru cuatro poyobe xua xuan asu daxita barapomonaē irabe taemenareca xua Nacom wunaē pejainchinexa tsainchi, jeye: “iJe bara ichi tsane! iBarabu Nacom wunaē jaintatsi!” jei daxita barapo matabuxumonaēbe.

⁵ Bapoxonaē Nacom pia pexeinya peecaethopebiwatha, jume tan pejume, xua jeye:

“iDaxita pam, pomonaē Nacom pata exaname, Nacom pon pata Nacom, wunaē pajainde!
iIruu pomonaē paexaname pocotsiwa Nacom paca itoroba, Nacom wunaē pajainde!
iIruu pomonaē peacopeibi jiwi iruru pomonaē copei pexeinaē jiwi, daxita paxam Nacom wunaē pajainde!”
jei pejume xua paeba.

Meje yabara po diwesi xua poxonaē jiwi tsinacaetuta pexaewa penabanaenexa poxonaē Cristo, pon Cordero, pecotsiwa nacueyaba

⁶ Yawano jume tan peitabocotha xua pejumein be pin bicheitomonae be poxonaē xua ainya pin mar menein busin, yawano be xua xuan yamuxu jurujurei. Barapo jumein jeye:

“iBarabu Nacom wunaē jaintatsi pon jiwi Pecanamataxeinaein!
Bapon nama anoxuae tamropata pitaba xua daxita carepaya nacuanthapiwi itorobiya ewatsinchi.
Bapon xeina daxita coyenewan xua pia peayapusu itorobi coyenewan.

⁷ Juntũ coyene weiweinatsi yawano jacobatsi, jeichichi: 'Maisa pexeinya juntũ coyene pexeinaein', jeichichi! Baxua bewa exanaetsi tsipei patopa matacabi poxonae po matacabitha jiwi tsinacaetuta pexaewa penabanaenexa poxonae pon Cordero, piowa nacueyaba.

Barapon pon Cordero, pecotsiwa tatsi nacui xainwaeta, poxonae po matacabitha jiwi pin penabanaewa tsinacaetuta xua penabanaewa tsane.

⁸ Barapowa copatatsi xua penama xatatsinexa paparuwa, po paparuwa bichocono pexeinya paparuwa.

Barapo paparuwa bichocono inyapana yawa xua bichocono mũ daedaena.

Barapo pexeinya paparuwa caunuta xua po coyenein Nacom pia peantobewichi tatsi exana xua po coyenein Nacom tsita xanepanatsi.

Barapo yabũyo yabara caunutatsi Nacom pijimonae tatsi, pomonae Nacom pejume cowwantsixaetsi", jei barapo pin bicheitomona.

⁹ Bapoxonae matatsunpin nejei: "Tinare xuaje: 'Bichocono juntũ coyene weiweina pomonae Nacom waba poxonae pin penabanaewa tsinacaetuta xua penabanaewa tsane poxonae pon Cordero, nacueyaba pecotsiwa', jande poxonae xua tiname", nejei barapo matatsunpin. Equeicha nejei: "Daxita po jumein xua catsipaebatsi barapo jumein xaniwaicha Nacom paeba", nejei barapo matatsunpin.

¹⁰ Bapoxonae barapo matatsunpin petaxutha irabe taecuarecan xua wũnae tajainchinexa. Ichitha bapon nejei: "¡Bara! Jopa baxua neexanaeinde. Apará xan irũ ponxaein Nacom piawa taexanaein, icha xam ichim xuano xua icha jinya jiwimonae ichi pomonae Nacom pejume cowwantsiwichi, xuano xua jume cowanta dubenanaebiya pocotsiwan xuan Jesús paeba. Jame Nacom bapon wũnae jainde", nejei matatsunpin.

Baxuan xuan pocotsiwan Jesús paeba xua xuan pexainyeiwan, baxuantha yawenatsi nawita pomonae Nacom peitorobi jume pepaebiw.

Meje yabara po diwesi xua pebin equeica cawayutha, pon pmainyan

¹¹ Bapoxonae peitabocotha tan xua naitaboco yausaranaxuba. Baxota naituta cawayu, pon pmainyan. Pon xua cawayutha equeica, wũn dutatsi, jeichichi: "Pon xua pejume cowanta ducuaenaebiyaein, yawano xua xaniwaicha pepaebin", jeichichi. Bapon xainyeya betiya yabara paeba jiwi xua penatsicuentisiwa xua abe peexanaexae. Mataũtano bapon xainyeya betiya exana poxonae naba ichamonaetha.

¹² Bapon peitamaiqueito be isoto itareto xua yonoyonei. Yawano bapon nantatsun etounya pentasipatha ainya tepan. Yawano bapon tinaduta pewũn po wũn xua saya meisa bapon wũn yaputane.

¹³ Yawano nama xatata paparuwa, po paparuwa pejanan dubena be poxonae xua jautuxuba pejanatha. Bapontha Nacom wũn duta: "Nacom Pejume", jei.

¹⁴ Bapon puna poinchi soldadomonaie itabocopi soldadomonaie, pomonae Nacom pia soldadomonaie tatsi. Barapo soldadomonaie pexeinya paparuwan nama xataba xua xuan mũ inyapana, yawa xua axuiruibi. Yawano barapomonaie eneica cawayumonaieinthá xua xuantha pmainyawantha.

¹⁵ Barapon pon mata capana pia soldadomonaie pecoiboto tsina tapichapeinatsi cusi, po wato bichocono xuiyoi. Bapon barapo watotha ucuboba xua jiwi ucubobatsi, pomonae po irathe jinompe. Yawano bapon ajumeyapusya itorobi ewatsina jiwi. Yawano bapon daunweya yabara paebina jiwi xua penatsicuentisiwa xua abe peexanaexae, icha jiton ichi xua daunweya nataxu tsapabatouba uva cuei xua vino mera pia exanaetsi. Bapon bichocono atene cana exanaena pomonaetha pomonae jopa pejume cowwantsiwichi, tsipei bichocono Nacom caseba barapomonaie. Barapon Nacom pia peayapusũ itorobi coyenewan xeina xua jiwi peperaxa exanaewatsi.

¹⁶ Bapon nawũn tinaduta pia pejumainaewatha, yawa nawũn duta pethũtotha xua po wũn jeye: "Pon Corderoxae jiwi itorobiya pia pepa Peewatsinchi tatsi, pia peayapusũ itorobi coyenewa xeina beyacaincha xua ichamonaie xeina pomonae jiwi itorobiya pia pepa peewatsiwichi xua irũ xeina pia peayapusũ itorobi coyenewa. Mataũtano bapon pon

jiwi pia pepa Pecanamataxeinaeinchi pia peayapusu itorobi coyenewa xeina beyacaincha xua ichamonaе xeina pomonaе jiwi pia pepa pecanamataxeinaewichi”, jei barapo wun.

¹⁷ Bapoxonaе matatsunpin tan xua xometo coichatha uncuа, bapon jume daunweya wawai peyapupunaewi beya xuan jinompa itabocotha, jeye: “Anetha xua painya nexaewa tsane Nacom pin pia penabanaewa.

¹⁸ Barapo penabanaewan paxaema, xua pomonaе jiwi itorobiya pia pepa peewatsiwichi pewi, yawano soldadomonaе pia pentacaponaewi tatsi barapomonaе pewi, yawa pomonaе peamanayabeibi jiwi barapomonaе pewi, yawa cawayu pewi, yawa pomonaе xua eneica pewi. Daxita xua iruru ichamonaeno barapomonaе pewi. Iru pomonaе penata exanaewi pia coutha barapomonaе pewi, ichacuitha xua iru pomonaе amanaya petanacuichi jiwi barapomonaе pewi. Iruno pomonaе jiwi pebusi cui tatayebebiwichi barapomonaе pewi, iruno pomonaе copei pexeinaewi barapomonaе pewi”, jei matatsunpin.

¹⁹ Bapoxonaе tan pon ayei pon be Corei, yawano tan pomonaе jiwi itorobiya pia pepa peewatsiwichi xua baru pona pia soldadomonaein. Daxita barapomonaе nacaetuta xua nantiya penabinexa tsane pontha pon pia soldadomonaе matakapona xuano yawa pia soldadomonaeintha tatsi petanabinexa tsainchi.

²⁰ Barapon pon ayei, pon be Corei, bapon maxu cubiya waetabatsi iru maxu cubiya waetabatsi pon naerabiya jeye: “Xan Nacom peitorobi jume tapaebin”, jei, pon xua petsita itutsi coyenewan exana xua pon be Corei taexanatsi xua pon be Joyoinya pia peayapusu itorobi coyenewatha tatsi. Barapo petsita itabiwantha bapon jiwi muxuitorobatsi xua barapo jiwi peitapa tinaewa tsainchi barapon pon be Corei pewantha tatsi. Yawano jiwi itorobatsi xua wunae pejainchiwa tsane ibo Corei nacom. Barapon pon be Corei iruru pon xua naerabiya jeye: “Xan pon Nacom peitorobi jume tapaebin”, jei baponbe Nacom cana exana xua itowa pexubiwa tsainchibe ichaxota isoto pucuatha. Barapo pucua ataya tsitecaeya taxuncua bichocono aitareyapusu tsuncuae po peitare pewan azufre matawun.

²¹ Iruru daxita ichamonaeru jutebatsi cusitha, po watotha xua pecoibotha tapichapeinatsi pon xua matakapona pia soldadomonaе. Daxita pepupunaewi bichocono tonsana pewi xaexaetsi pomonaе xua jutebatsi.

20

Meje yabara po diwesi xua Cristo itorobiya ewatsina jiwi mil po weibetha

¹ Bapoxonaе tan matatsunpin xua peitaboco wetsica pona, bapon catatsi po coyenetha xua itacupatsi xua pecoibo saranaxubiwa tsane barapo pin muthu deca xua ira bereca. Yawa bapon capona pecobetha penainto, po penainto xua pewan cadena xua bichocono pin nainto.

² Barapo matatsunpin waetaba, pon be Joyoinya waetabatsi, pon po jomo xua poxonaе copiya jiwi muxu jainyabatsi. Bapon apara caurimonaе pia pentacaponaein tatsi. Bapon icha wun Satanás. Barapon Satanás maxu cubiya waetabatsi cadenatha xua mil po weibe nexa.

³ Yawano barapon Satanás xorecatsi barapo pin muthu deca. Bichocono yauxatatabotatsi muthutha. Yaucateitabotatsino bichocono, xua jopa equeicha pemuxujainyabeibiwa tsane xua jopa equeicha pemuxujainyabeibiwa tsainchi po irathepiwi xua beya poxonaе abu yapu caewina mil po weibe. Bapoxonaе isanaxubinchi xua saya bara caeto tsane.

⁴ Bapoxonaе tan xua pexeinya peenaethopeibiwun. Baxota ena pomonaе xua bayatha catsibatsi peitorobi coyenewan xua jiwi peyabara paebiwa tsainchi daxita xua penatsicuentiwa xua abe peexanaexaе. Bapomonaе pomonaе xua bayatha wisi ucubobebatsi xua ichamonaе namawainta, apara xua barapomonaе peyabara cueicueijeixae Nacom Pejume Diwesi, xua peyabara cueicueijeixaeno po coyene xua Jesus pejume cowantsiwatsi. Barapomonaе bayatha jopa wunae jainchiyo pon be Corei. Matautano jopa wunae jainchiyo barapo ibo Corei nacom. Matautano barapomonaе jopa copatsiyo xua peitapa tinaewatsi tsainchi pon be Corei pia wantha tatsi ichacuitha xua pecobe juma tinaewatsi. Barapomonaе tan xua equeicha asu exainchi. Barapomonaе iru Cristo, nabaeru caemonaе xua barapomonaеbe barapo cae pin nacuepiwi itorobiya ewatatsi xua cien po weibetha tsane.

⁵ Ichitha nama ichamonaе pomonaе xua caena bayatha werapa cataunxuae jopa asu exanaetsi. Barapomonaе asu exanaeinchi beya abu poxonaе yapu caewina mil po weibe. Barapo peasu coyenewa xua apara copiya nanta carucua xua copiya matha Nacom exana xua jiwi asu exaneibatsi petupawa weya.

⁶ ¡Maisea bichocono juntu coylene weiweina pomonae equeicha Nacom asu exana petupae coyene weya po peasu coyenewa xua copiya! Barapomonae Nacom piamonae tatsi. Barapomonae jopa werapae tsane poxonae equeicha jiwi caewa werapaena po jiwi jopa pejume cowantsiwi. Saya barapomonae exanaeinchi Nacom pia sacerdotemonae piwi tatsi xua iru Cristo pia sacerdotepiwi tatsi. Matautano barapomonae nabaru caemonae xua barapomonae barapo cae pin nacuepiwi itorobiya ewatatsi mil po weiBetha tsane.

Meje yabara poxonae caurimonae pia pentacaponaein tatsi xotsi

⁷ Poxonae yapu caewina mil po weibe bapoxonae barapo Satanás isanaxubinchi xua perponaewa tsane mathu weya.

⁸ Poxonae bara weya pona jiwi muxujainyabinchi nawita daxita nacuantha. Yawano muxujainyabinchi nawita Gog nacuumonae piwi, irano muxujainyabinchi nawita Magog nacuapiwi. Barapo Satanás cana exana xua barapo naxobe nacuapiwi penacuetusiwa tsane pia soldadomonae tatsi xua penabinexa pomonaetha pomonae Nacom piamonae tatsi. Barapo naxobe nacuapiwi pomonae soldadomonaexae barapomonae bichocono pin bicheitonmonaein icha taetowa puran ichi xuan taetabotha bobena xuan acsu xua mar mentha bobena.

⁹ Barapo pin bicheiton pomonae soldadomonaexae, pana beiyiya daxita yaira jupa beya poxonae yacaincha matawacaicha umeinchi ichaxota Nacom piamonae tatsi jinompa, yawano xua po tomarapiwi Nacom jume cowantsi. Ichitha bapoxonae Nacom pin isoto itoroba deca peitaboco wereca, daxita barapo soldadomonaein taxuatsi omeicha.

¹⁰ Barapon Satanás, pon be Joyoinya, pon caurimonae pia pentacaponaein tatsi, pon xua barapo soldadomonaein muxujainyabatsi, bapon Nacom xuba isoto pucuatha, po pucuatha ichaxota ataya tsitecaeya taxuncua xua bichocono aitareyapusu tsuncuae po peitare pewun azufre matawan. Barapo pucuatha caena bayatha xotsi pon be Corei iru pon xua naerabiya jeye: “Xan Nacom peitorobi jume tapaebin”, jei. Barapomonae baxota bichocono atene tsaibi tsane, mataqueitha yawa merawithano tsaibi tsane xua bara ataya tsane.

Meje yabara po diwesi xua Nacom yabara paeba jiwi xua penatsicuentisiwa poxonae eca pia pexeinya ecaethopeiwiwatha, po pexeinya ecaethopeibiwa xua pemainyawa

¹¹ Bapoxonae tan xua pexeinya peecaethopeibiwa xua pemainyawa. Muxuna tan xua pon eca barapo pexeinya peecaethopeiwiwatha. Bapon peitabaratha tan ira xua po ire yawa itaboco, baxua daxita aichurubena, equeicha jopa naitatsiyo.

¹² Bapon Nacom peitabaratha tatsi umena pomonae xua caena bayatha werapa xua pomonae peacopeibi jiwi irano pomonae copei pexeinae jiwi. Bapoxonae diboron patapenta, yawano pataxuba po diborotha ba nacapanenebiya tsaibi pomonae Nacom pia peantobewichi poxonae wan tinadubatsi barapo diborotha. Pomonae xua caena bayatha werapa daxita itawetatsi. Barapomonae yabara cui jupiya exanatsi be po coyeneya bayatha abe exana xua barapo diborotha pecui yabara tinaexaetsi xua poxonae barapomonae abe exana. Daxota barapomonae atene tsane.

¹³ Barichi pomonae iru pin mar mentha notatsi, barapomonae Nacomtha pata. Iru pomonae iratha bobena ira wejujuina xua Nacomtha pepatsinexa. Daxita barapomonae Nacom peitabaratha tatsi umena xua baxota peyabara paebinexatsi xua Nacom yabara paebina xua penatsicuentisiwa xua abe peexanaexae Nacomtha. Barapomonae atene exanaeinchi xua Nacom bayatha pecui yabara tinaexae po coyene xua abe exana.

¹⁴ Nacom cana exana po coyenewa xua jiwi tupa pecana exanaewatsi, xua barapo coyenewa isoto pucuatha xotsi xua nacaewita cana exanatsi. Barichi Nacom cana exana xua po nacua pomonae pewerapeibiwi pia nacua tatsi xua barapo nacua xotsi isoto pucuatha xua nacaewita cana exanatsi po pucuatha ichaxota ataya tsitecaeya taxuncua. Barapo petupae coyenewa apara xua jiwi caewa werapaena po jiwi jopa pejume cowantsiwi.

¹⁵ Iru pomonae xua jopa wan dubenaeyo barapo diborotha po diborotha ba jiwi nacapanenebiya tsaibi poxonae wan dubeibatsi, barapomonae iru barapo isoto pucuatha bebaichi, Nacom bebai.

21

Meje yabara po diwesi xua pena itaboco yawa xua pena ira

¹ Bapoxonae tan pena itaboco yawano pena irano, tsipei po itaboco copiya ducua yawa po ira copiya ducua aichurubena, equeicha jopa naitatsiyo. Yawano pin mar mene aichurucuae.

² Xan, pon Juan tsocuaein, tan Nacom pia pepa pexeinya tomara tatsi ichaxota jinompa pomonae peantobewichi Nacom. Barapo tomara pena Jerusalén tomara, po tomara Nacom pia xainya wetsica tatsi pona xua itaboco wetsica. Barapo tomara nacui xaxainchiya

weta, icha yabayo ichi xua poxonae nacui xaxainchiya weta xua poxonae pecotsiwa peru nacoyobina.

³ Jume tan pejume xua peitaboco wetsica jume daunweya jeye: “Taema anoxuae Nacom popona pebiwitha. Nacom baru poponaena, bara barapomona Nacom pijimona tatsu tsane. Nacom ataya tsitecaeya baru poponaena barapomona penacana exanaexae xua piamona tatsu pia Nacom tatsu.

⁴ Barapomona Nacom itacuere mene canotsina xua pewecoyeixa, xua barapomona equeicha jopa peatenewa tsane. Equeicha jiwi jopa werapae tsane barapo petapae coyenewatha. Matautano jopa pewecoyeinexa tsane, tsipei xua xuan copiya exana po irathe bayatha aichurucuaeya nacaewita”, jei po jume xua itaboco wetsica paeba.

⁵ Bapon Nacom pon eca pia pexeinya peecaethopaewatha nejei: “Taema daxita exanan xua xuan penawan”, nejei Nacom. Equeicha nejei: “Baxuan tinare, tsipei barapo jumein pexainyei jumein, daxota ichamona itacupatsi xua tana neyabara jume cowantsiwa xua bara exanaein pocotsiwa xua taneme”, nejei Nacom.

⁶ Bapoxona equeicha nejei: “Bara baxuan bayatha nacui weta. Xan ponxaein apara ataya tsitecaeya tapoponaein xua poxonae aena daxita tamropata pitaban. Matautano bexano ataya tsitecaeya bara tapoponaewa tsane. Po pebin xua bichocono meratsipa xua daxota bara amanaya mera neapatsiwa barapo coyenewa icha be ichin poxonae jiwi yawenan. Pon xua bejuntũ coyene jichatsi xua ajuntũcoyenyapusu peexanaewatsi bara bapon amanaya catsin peajuntũcoyenyapusuwa, po peajuntũcoyenyapusuwa xua ataya tsiteca.

⁷ Pon xua juntũ coyene amanayaba caurimona poxonae caurimona bequein abe exana bapontha, bapon xeinaena pocotsiwa be pentoma pocotsiwa xua bayatha juntana jeban bapon. Barapon pia Nacom tatsu tsane yawa barapon apara bara taxanto tsane.

⁸ Ichitha pomona pijunuwi jopa nejume cowantsiyo xua ichamona abe peexanaewa tsane barapomonaetha irũ pomona jopa benejume cowantsiyo, irũ pomona peajuntũcoyenebewi, irũ pomona jiwi pejutebiwi, irũ pomona xua penasi cui exanaewi xua peweiweinaewa, irũ pomona mara pexeinaewi irũ pomona wnae peajainchiwi ibo nacom, irũ pomona naerabiya pepaebiwi, daxita barapomona bebai tsainchi isoto pucuatha po pucuatha ichaxota ataya tsitecaeya taxuncua xua bichocono aitareyapusu tsuncuae po peitare pewan azufre matawan. Barapo petapae coyenewa apara xua poxonae equeicha jiwi caewa werapaena pomona pejume cowantsiwi”, jei Nacom pon eca pia pexeinya peecaethopaewatha.

Meje yabara po diwesi xua pena Jerusalén tomara

⁹ Bapoxona matatsunpin patopa pon xua siete poyobe jiwana, po siete poyobe matatsunpiwi xua xeina coroton siete xoyobe xua wna peabe cuiuru coyenewan xua bara nama opi ducua pocotsiwa Nacom exanaena. Bapon nejei: “Anetha catsita itatsinchi Cordero pecotsiwa tatsu xua bara yatsicaya piowa tatsu”, jei matatsunpin.

¹⁰ Tananetsita itatsiwatha xua poxonae Nacom pia Pejumo pe tanaxu tatsu netsita itata bapoxona matatsunpin necapona pin demxuwa beya po demxuwa xua bichocono taucha. Yawano baxotiya matatsunpin netsita itata Nacom pia pepa pexeinya tomara tatsu ichaxota jinompa pomona peantobewichi Nacom. Barapo tomara pena Jerusalén tomara, po tomara Nacom pia xainya wetsica tatsu pona xua itaboco wetsica.

¹¹ Barapo tomara bichocono wnae xua pentha exanuncia Nacom pia pexeinya itapanae coicha tatsu, tsipei Nacom baxota popona. Barapo pentha tsuncuae coichawa bichocono daedaena icha iboto ichi xua po iboto itapana po iboto ira buxupana iboto. Bara pocotsi itapanae iboto jaspe matawan, po iboto xua epa nasaba.

¹² Barapo Jerusalén tomara yacaincha matawacaichiya uncuatsi xua pocotsiwa be curara xua u ibo xua bichocono amaxubaratiyu xuan xua bichocono taucha. Yawano xeina doce po coibotobe. Daxita barapo coibotontha tsiniya umena matatsunpiwi, xua be caein tsiniya. Barapo coibotontha tsitsiniya wan dudubena poinya Israel pia pemomoxi susato bicheiton tatsu.

¹³ Matautano acoibi po coibotobe ducua ichaxota pocotsiwa xometo weecoina. Icha acoibi coibotobe ducua ichaxota pocotsiwa xometo bejopiya. Yawano epatauta dena ainya acoibibe po coibotobe nantia ducua.

¹⁴ Yawano barapo curaratha ira wetsina umena iboton. Barapo iboton doce po ibotonbe xua barapo ibotontha tsiniya wan dubena pewanxi xua doce poyobe pomona Cordero pia peitorobi jiwi tatsu.

¹⁵ Barapo matatsunpin, po matatsunpin netsipaeba, bapon capatopa pocotsiwa xua pecacanaubiwa xua be naewa xua oro nainto peepa canaubinexa tomara yawa pecoboton yawa curara.

¹⁶ Tomara nantiya namaxubarũ j̄apabe xua apiya dena. Barapo matatsunpin epa can̄barena barapo tomara dos mil doscientos po kilómetrobe xeina xua apiya dena yawa xua taucha xua asiyeicha daxita baxuan nantiya naepa j̄apa.

¹⁷ Baroxonae epa canauba curara muxubarũ sesenta y cinco po metrobe xeina xua pemuxubarũ xua aitiya. Baxuan matatsunpin exana be jiwi pia pecanaubiya coyenewa tatsi.

¹⁸ Curara iboton ɯ xuan pexeinya iboton, xua ira buxapana iboton xuan jaspe matawũn. Tomara acaba ɯ xuan pocotsiwan oro matawũn be xuan peepa nasabiwan.

¹⁹ Po iboton ira weumeina xua doce po ibotonbe, daxita mata pepena xua mata wũnae exana icha be iboton ichi pocotsi iboton ainya matom. Po iboto copiya barapo iboto mata pepena xua jaspe iboton matawũn. Po iboto ichaxota ba “dos”, jei, barapo iboto mata pepena xua zafiro ibo matawũn. Po iboto ichaxota ba “tres”, jei, barapo iboto mata pepena ágata ibo matawũn. Po iboto ichaxota ba “cuatro”, jei, barapo iboto mata pepena esmeralda ibo matawũn.

²⁰ Po iboto ichaxota ba “cinco”, jei, barapo iboto mata pepena ónice ibo matawũn. Po iboto ichaxota ba “seis”, jei, barapo iboto mata pepena cornalina ibo matawũn. Po iboto ichaxota ba “siete”, jei, barapo iboto mata pepena crisólito ibo matawũn. Po iboto ichaxota ba “ocho”, jei, barapo iboto mata pepena berilo ibo matawũn. Po iboto ichaxota ba “nueve”, jei, barapo iboto mata pepena topacio ibo matawũn. Po iboto ichaxota ba “diez”, jei, barapo iboto mata pepena crisoprassa ibo matawũn. Po iboto ichaxota ba “once”, jei, barapo iboto mata pepena jacinto ibo matawũn. Po iboto ichaxota ba “doce”, jei, barapo iboto mata pepena amatista ibo matawũn.

²¹ Barapo doce po boupanbe exana ɯ xuan be perla matawũn xua daxita barompaya peboupan tsiniya. Barapo pepa namto xua tomaratha exana ɯ pocotsiwa xua xuan be oro nainton xua xuan peepa nasabiwan poxoru xua be pepa oro nainton.

²² Barapo tomaratha jopa taeinyo Nacom pin pia bo tatsi tsipei bara Nacom baxota peponaexae po Nacom daxita pia peayapusũ itorobi coyenewan xeina. Irũn xua baxota peponaexae Cordero daxota jopa nantawenonaeyo Nacom pin pia bo tatsi.

²³ Barapo tomara jopa nantawenonaeyo xometo xua tomara pentha peexanaewa tsane yawano xua jomocoichatono, tsipei Nacom baxota popona peyacoicha jinaexae xua barompaya pia pexeinya pecoichaxae tatsi, xuano irũn xeina Cordero barapo coicha.

²⁴ Pomonae xua bayatha Nacom capanenebiya, barapomonae barapo coichatha pon-aena barapo tomaratha po coicha Nacom pia coicha. Daxita pomonae jiwi itorobiya pia pepa peewatsiwichi barapomonae Nacom catsibinchi barapo tomaratha po coyene xua Nacom wũnae pejainchiwatsi po coyene xua tsita exanatsi xua bayatha jiwi tsita exana barapomonaetha.

²⁵ Peboupan jopa bapana coibo xatababanobi mataqueitha, xua baxota jopa ataya tsitecaeya pequirei tsaiibi tsouneibixae.

²⁶ Daxita nacuanpiwi Nacom capona barapo tomaratha xua Nacom pecatsibiwa tsainchi pocotsiwan pewũnaewan xua be copei. Matautano Nacom catatsi po coyene xua Nacom wũnae pejainchiwatsi.

²⁷ Ichitha xua xuan peabe coyenein bapana jopa patsi tsane barapo tomaratha. Matautano jopa patsi tsane baxota pomonae abe peexanaewi irũn pomonae pemuxu-itorobiwi. Saya meisa patsina baxota pomonae wũn dubena po diborotha ba jiwi napanenebiya tsaiibi poxonae wũn dubeibatsi baxota, xua po diboro xeina Cordero.

22

¹ Nexata matatsunpin netsita itata mene, po mene xua mene itarana, po mene xua jiwi axumerasũ exanatsi, xua icha Nacom ichi xua jiwi ajuntũcoyeneypusũ exanatsi. Barapo mene bichocono mene itarana icha bosibu ichi xua epa nasaba, baxua xua Nacom pia pexeinya peecaethopeibiwa werena pona, yawano xua Cordero pia pexeinya peecaethopeibiwa tatsi werena pona.

² Barapo mene, mene ducuaonarena pepa namto dena tomaratha. Barapo mene dena nantiya ainya muxunene denabe naein xuwa xua po naein jiwi ajuntũcoyeneypusũ exainchi. Barapo naein nacoiteiba doce po cuiyobe xua cae weitha. Daxita xometontha nawetouneiba. Barapo naein noxuton jiwi yawenatsi xua juntema pejinompaewa xua jopa peatenewa.

³ Barapo tomaratha jopa xeinae tsane xua peabe coyenein. Barapo tomaratha uncuaena Nacom pia pexeinya peecaethopeibiwa tatsi irũ baxota uncuaena Cordero pia pexeinya peecaethopeibiwa tatsi. Pomonae Nacom pia petanacuichiwichixaetsi barapo tomaratha barapomonae Nacom wũnae jainchinchí.

⁴ Bapoxonae jiwi Nacom itabara taeya cueicueijeji tsainchi. Barapomonae peitapatha cainompaena Nacom pewñtari.

⁵ Barapo tomaratha ataya tsitecaeya jopa quirei tsounae tsalbi tsane. Pomonae baxota jinompa jopa nantawenonae tsane pecoicha xua lámpara coicha xuano xua xometo coichano. Daxota jopa nantawenonaeyo tsipei Nacom pon jiwi Pecanamataxeinaein baxota popona, barompaya pia pecoicha peyacoicha jinaexae xua pia pepontha. Iru pomonae baxota jinompa jiwi itorobiya ewatsinchi xua ataya tsitecaeya tsane.

Meje yabara po diwesi xua Jesucristo poxonae patopeicaena xua imoxoyo bara nama

⁶ Bapoxonae equeicha matatsunpin nejei: “Barapo jumein pexainyei jumein. Daxota ichamonae itacupatsi xua tana neyabara jume cowñtsiwa xua bara exanaein pocotsiwa xua taneme. Pon jiwi Pecanamataxeinaein bapon Nacom itoroba pia Pejumo pe tñaxu tatsi xua jiwi peyawenaewa tsainchi xua poxonae jiwi cueicueijeji Nacom nexa. Yawano Nacom itoroba pia matatsunpin xua petsita itatsinexa pomonae pia penacajume caitorobi diwesi tatsi petacueicueijejiwichi xua barapo matatsunpin barapomonae yabara petsipaebinexatsi po coyene Nacom imoxoyo exanaenaba”, nejei.

⁷ Equeicha matatsunpin nejei xua saya Jesús tapaebatsi, jeye: “¡Bara nama imoxoyo patopeican! ¡Juntũ coyene weiweinaena pon xua exana xuan pocotsiwan Nacom ichichipa xuan pocotsiwan paeba po diborothe!” jei barapo matatsunpin xua Jesús tapaebatsi.

⁸ Xan, pon Juan tsocuaein, tan daxita baxuan yawano jume tan. Poxonae bayatha jume tan, yawa xua bayatha tan xua pocotsiwan matatsunpin netsita itata, bapoxonae bapon petaxutha irabe taeuncuarecan xua wñae tajainchinexa bapon.

⁹ Ichitha bapon nejei: “¡Bara! Jopa baxua neexanaeinde. Aparaxan ponxaein taexanaein Nacom piawa tatsi, icha xam ichim yawa icha pomonae jinya jiwimonae ichi, pomonae Nacom peitorobi jume pepaebiwi, irũno pomonae xua jume cowñta dubenanaebiya daxita po coyenein xua po diborothe tinan. Jame Nacom bapon wñae jainde”, nejei matatsunpin.

¹⁰ Yawano nejei: “Jopa moya yawun xeinaeinde Nacom Pejume Diwesi, xua xuan pocotsiwan paeba po diborothe. Tsipei imoxoyo nama Nacom exanaena xua pocotsiwan po diborothe pepaebixae.

¹¹ Poxonae cataunxuae Nacom jopa wetsiyo, pon xua abe peexanaein, bũ moya bara abe exana ducuaenaebiya. Iru pon xua nanthũ coyene xeina peacuirucoyenebewan, bũ moya bara baxuan nanta xeina ducuaenaebiyaena. Ichitha pon wñae exana Nacom nexa, bũ moya exana ducuaenaebiya. Pon xua Nacom petsita naexanaewatsi xua penthũthũ xeicaein penaexanaewa, bũ moya bara Nacom jume cowñta ducuaenaebiyatsi”, nejei.

¹² Bapoxonae Jesús jeye: “Aa, bara nama imoxoyo patopeicaein. Capatopeicaein pocotsiwan be pentoman, xua caeintha barompaya piawan catsibin. Pon xua nawita inta exana xuya nawita catsin. Pon xua be conotha inta exana xuya be conotha catsin.

¹³ Xan ponxaein apara ataya tsitecaeya tapoponaein xua poxonae aena daxita tamropata pitaban. Matañtano hexano daxita coyenein wetsin tsipei ataya tsitecaeya bara tapoponaewa tsane”, jei Jesús.

¹⁴ Juntũ coyene weiweinaena pomonae najuntũ coyene cui barapenta peabe coyenewan. Baxuan be poxonae barapomonae pia paparuwan matanaca xua jopa tsoreiyo. Bapoxonae barapomonae itacupaeinchi xua jojoniyaena tomara coiboto iya tsipei pia paparuwan inyapana yawa juntũ coyene wñae. Yawa barapomonae itacupaeinchi xua tomaratha iya xaena po pethi pexaewa, po pethi jiwi ajuntucoyenesũ exainchi.

¹⁵ Ichitha nama aisowatha xua tomara jumatha umenaena pomonae peajuntucuirucoyenebewi irũnũ pomonae mara pexeinaewi. Yawano pesatotha umena pomonae penata siwa xeinaewi yabuxitha, irũno pomonae jiwi pejutebiwinno, irũno pomonae ibo nacom wñae pejainchiwi. Daxitano pomonae becu jichatsi xua naerabiya pepaebiwi xua naerabiya exanano, barapomonae pesatotha umenaena.

¹⁶ Equeicha Jesús nejei: “Xan, pon Jesús, itoroban tamatatsunpin xua daxita baxuan pepaebinexa pomonaetha pomonae pejume cowñtsiwi. Xan bara yatsicaya David pia pemomoxi susato jiwi jiwapanin tatsin, pon David Israel nacuapiwi itorobiya pia pepa peewatsinchi tatsi. Icha be jarawato ichi poto xua bichocono wñae xua poto baya ecoina poxonae icha matabi patopa, xan barichin. Patopan tacapatopaenexa jiwitha po coyene xua bichocono wñae po coyene xua Nacom tsixana, xua jiwi tsixanatsi”, nejei Jesús.

¹⁷ Nacom pia Pejumo pe tñaxu tatsi, irũ Cordero pia pecotsiwa tatsi, pomonae Nacom pia pejume cowñtsiwichixaetsi, jeye Jestuxta: “Anetha”, jei Nacom pia Pejumo pe tñaxu tatsi irũ Cordero pia pecotsiwa tatsi. Pomonae xua irũnũ jume tane, jeye: “Anetha”, jei. “Xan Juan paeban pon xua meratsipa yawa beapaena, moya antha, bũ apa po mera jiwi ajuntuyapusu exainchi xua saya amanaya nexa”, jan.

¹⁸ Daxita pomonae xua jume tane barapo diwesi xua Nacom Pejume Diwesi xua barapo diborothe tinan barapomonae tsipaeban, meje baxue: Icha ichan mataropeicha paeba icha diwesi xua jopa xainyeyo xua po diwesithe, bapoxonae bapontha Nacom itorobina peabe coyenewan be pocotsi coyene cuirun yabara caunuta po diborothe.

¹⁹ Icha ichan jiwana jume wexuba xua po diborothe paeba, xuya Nacom pia diborothe wan xubina, po diborothe jiwi nacapanenebiya tsaibi poxonae wan dubeibatsi baxota. Yawano Nacom jopa copatsiyo xua bapon pepatopaewa Nacom pia pepa pexeinya tomaratha tatsi po tomara pena tomara ichaxota jinompa pomonae peantobewichi Nacom. Barapo pecapanenebiya coyenewa iru barapo tomarano barapo diborothe yabara tina.

²⁰ Jesús pon pia matatsunpin peitorobixae xua barapo matatsunpin yabara tana netsipaebiwa pocotsiwa xua bexa exanaena, bapon nejei: "Aa, bara nama imoxoyo patopeicaein", jei.

Je, moya anetha patopeinca xam, Jesús, ponxaem Tanecanamataxeinaem, jan.

²¹ Jesucristo, pon jiwi Pecanamataxeinaein, barabu paca yawenaena pia painya nepaca caantobexae daxita paxam. Je bara ichi tsane.

Baja Juan.